

B: E: 7.
B. f. 7.

~~Y d 13~~

Q B J . 7 .

ROBERTI GIPHANII PHILOSOPHI
& Docti clarissimi

Commentarij
IN POLITICO-
RVM OPVS ARISTO-
TELIS: POST SAT BENE LON-
GAM SUPPRESSIONEM, IAM, BONI
publici gratia, primum in lu-
cem editi.

OPVS, ENARRATIONIS SVBTILI PER-
spicuitate, perspicuaque subtilitate, styli elegantipuritate,
Historiarum allegatione, variarum magni momenti qua-
estionum *παράρτησις* insertarum solida discussione quam com-
mendatissimum: eoq; omnibus cum Philosophia, tum Iuris-
prudentia studiosis longe vtilissimum.

CVM INDICE RERVM, VERBORVM ET
sententiarum locupletissimo.



Cum gratia & privilegio Casarea Maiestatis.

FRANCOFURTI,
Impensis LAZARI ZETZNERI Bibliopolæ.

M. D C V I I I.



IN POLITICAL
AND OVERSEAS
AFFAIRS

OF THE
REPUBLIC OF THE
PHILIPPINES



25

AT THE
OFFICE OF THE
DIRECTOR



ILLVSTRIBVS

AC GENEROSIS DO-
minis: D. PAVLO & D. BARTHO-
LOMÆO KHEVENHÜLLERIS AB
AICHELBERG: Liberis Baronibus
in Landscron & VVernberg: Do-
minis Hæreditarijs in Hoheno-
stervvitz & Carlsberg: Archidu-
catus Carinthiæ Stabuli Magistris
Hæreditarijs, &c. Dominis
suis clementibus
S. P. D.

DRÆCLARVM *semper,*
laudabile, gloriosum
Politici nomen habi-
tum: nunquam non
Ciuis commendata Prudentia:
* 2 *tribu-*

EPISTOLA

tributum hoc ei fuit: quod à fera,
 primum, agrestique vita separa-
 tos, unum in locum homines con-
 gregarit: cōstitutis ciuitatibus con-
 diderit leges, iura, iudicia: sit, in
 iubendi parendiq³ monstranda ra-
 tione, occupata: hoc præstet, Cicero-
 nis de sententia: ut cum florens ac
 prospera priuatorum salus: beata
 ciuium vita: tum opibus firma: co-
 pijs locuples: gloria ampla: virtute
 honesta Respublica sit.

Verum, uti dubitationis atque
 hæitationis extra aleam positum
 hoc forte: ita, quam potissimum
 via, scientiarum Domina illa atq³
 Regina comparetur, quæsitum non
 raro: suffragijs paucorum interim
 comprobata sententia illorum fuit:
 qui vel natura hic, ingenijque suf-
 ficere

DEDICATORIA.

ficere præstantiam existimant, vel
tantum rerum vñui tribuunt atq;
experientia: ut ab hac instructus
paratusque qui fuerit, obire præ-
clare, quæ muneris sunt huius atq;
officij: Et cum laudi sibi, tum com-
modo emolumentoque esse alijs que-
at. Licet enim inficias ire nemo po-
test, esse, ad frena Reipublicæ capef-
fenda, ingenio, in primis, sagaci, ve-
geto, prompto, solerti opus: non sua,
diuturno rerum vñui atque expe-
rientia, laus adimitur: quod Et
Medico fides maior habetur, qui
inter ægrotos diu est versatus: Et ei,
qui nauem sæpe gubernauit, nos
nostraque citius, quam iuueni im-
perito credimus: Et veterano in
milite certior, quam in tyrone, vi-
ctoria spes est reposita: verum, plu-
ribus

EPISTOLA
ribus in rebus, Comici illud depræ-
henditur:

Nunquam ita quisquam bene
subducta ratione ad vitā fuit,
Quin res, ætas, vsus semper ali-
quid adportet noui,
Aliquid moneat: vt illa, quæ te
scire credas, nescias,
Et, quæ tibi putaris prima, in ex-
periundo repudies:

non tamen & illud hic infirman-
dum, præclarum tum demum, ele-
gans, perfectum, suisque omnibus
absolutum numeris quid esse: cum
ad subsidia isthac doctorum insu-
per ῥηθῆναι *accesserit atque informa-*
tio: vt quæ excitatos à natura igni-
culos fouet ac perficit: confirmat in
rebus dubijs iudicium: in obscuris
atque difficilibus consilia necessa-
ria

DEDICATORIA

*ria suppeditat: commonstrat quid
vere honestum, quid iustum, quid
utile: commoda subministrat alia:
quibus destituti nihilo felicius ur-
bes atque Respubl. administrant:
atque si quis*

*--- aduerso in flumine lembū
Remigijs subigat, si brachia for-
teremittat,
Tum illum, in præceps, pronos
rapit alueus amne.*

*Neque itaq, priscis modo seculis
illis gubernandi ab eruditis, ars pe-
tita atque scientia fuit: Rex, apud
Persas, fieri nemo potuit, nisi qui
Magorum imbutus disciplina es-
set: sed hodierna etiamnum die ad
solidam virtutis Politicæ aspiran-
tes cognitionem, cum viuā infor-
mantis vocem audire: tum autho-*

4

rum,

EPISTOLA

rum, hoc in genere, optimorū euol-
uere monumenta consueuerunt: in
amore in primis atque delicijs Ari-
stotelis de Republica libros habent:
quod fontes iidem atque scaturigi-
nes complectuntur: ex quibus sul-
cos postmodum, prataque sua irri-
garunt, quotquot deinceps fundi
huius Politici colēdam sibi partem
aliquam, & ad meliorem vberio-
remque preparandam frugem esse
existimarunt. Sed, neq; ingratam
Civilis prudentiae studiosis operam
meam sumptumque futurum spe-
ro, quem in parandis imprimendis-
que hisce, in Aristotelem, Commē-
tarijs impendi: cum quod nouitate
se se sua commendant: tum quod
authorem atque parentem eum a-
gnoscent: qui doctrinā partim me-
ritif-

DEDICATORIA.

ritisq₃ in rē literariam egregijs: prudentia partim sua rerumq₃ agēdarū dexteritate eam sibi laudem famamq₃ parauit: ut nec meo, nec cuiusdam alterius præconio indigeat: non certe incōmode, quod de Carthagine ille dixit, satius de ea nihil, quam pauca dici, idē de Viro isthōc celeberrimo affirmari posse videatur. Quo minus etiam, uti quidem spero, eaque qua par est animi submissione atque obseruantia rogo, & gre, Vos, molesteq₃ feretis, Illustres ac generosi Domini Barones: Domini mei clemētes: quod hunc Vobis Authorem consecrare, frontiq₃ eius nomina Vestra Inclyta atque Illustria præfigere ausus fui. Est magno, apud nos, in pretio Carinthia, Patria Vestra: quæ, cum non

★

5

minus

EPISTOLA

*minus in literis quam armis reque
 militari informari suos cupiat, im-
 pense Urbem nostram atq; Aca-
 demiam diligit: subinde ad hanc,
 studiosorū gratia, adolescentes non
 genere modo Illustres ac claros, ve-
 rum ingeniis quoq; atque virtuti-
 bus exornatos ablegat. Præclarum,
 nec immerito, habetur, ea Vos stir-
 pe atq; familia prognatos, quæ, ab
 annis inde sexcentis suos, in Fastis,
 Avos atque Proavos cōmemora-
 ri audit: cuique vel ad gloriam hoc
 satis est: quod suam à Francis Ori-
 entalibus prosapiam ducit: quos iu-
 stitiæ in primis atque fortitudinis
 laude claruisse norunt, quibus cum
 antiquitatis monumentis iuris a-
 liquid atque commercij est. Hæret
 uti illa Familia Keuenhülleriana
 fulcra*

DEDICATORIA.

*fulcra atq; lumina, SIGISMUNDOS,
ACHATIOS, REINHARDOS, VVILHELMOS,
RODOLPHOS, CHRISTOPHOROS,
IOHANNES, GEORGIOS, plures alios
præteream, hæret, inquam, debita
cum reuerentia, in animis hominũ
memoria Illustrium ac Generoso-
rum Dominorum: Domini SIGIS-
MVNDI & Dn. FRANCISCI Ke-
uenhüllerorũ ab Aichelberg: L.L.
BB. in Landscron & VVernberg.
Dominorũ Parentum vestrorum:
qui, dum viuerent, summa, cum
Principum atque Magnatum a-
liorum, tum serenissimorum in pri-
mis Austria Archiducum CAROLI
& MAXIMILIANI gratia, atque cle-
mentia floruerũt: propter insignem
in consiliis prudentiam: iustitiam
in cognitionibus: fidem in rebus du-
biis:*

EPISTOLA

biis: Heroicā in aduersis animi magnitudinem: sunt hisce nominibus, ad officia splendida adhibiti: constituti Consiliarij atque Cubicularij Archiducalēs ita sese gesserunt: ut triste sui desiderium apud eos relinquerent: quibus, postremis hisce vereq; conclamatis tēporibus, patriæ curæ salus, libertas, tranquillitas, incolumitas est. Ut neq; cultū minorem atq; obseruantiam meretur Illustris ac Generosus Dominus: D. BARTHOLOMÆVS ab Aichelberg: Comes à Franckenburg: Lib. Baro in Landscron & VVernberg, Dn. Hæreditarius in Hohēosterwitz, & Carlsperg: supremus per Carinthiam Stabuli Magister & Capitaneus Generalis, &c. Patruelis ac Tutor Vester, & tuus, Illustris ac Gene-

DEDICATORIA.

Generose Dn. PAVLE, nomine quidem Vitricus, re ipsa Parens longe fidelissimus: qui, uti veteris familiae decori atq; ornamēto lumē quasi novū intulit: aditum mature sibi ad honores eos, nūc quibus fruitur, patefecit: est ob virtutes eximias cedroq; dignas serenissimis Austriae Archiducibus charus: acceptus inclytæ Carinthiae Proceribus: patriæ utilis ac salutaris: ita nihil agere magis nihilque ardentius videtur: quā ut quæ ad Informationē Vestram fidam fidelemq; pertinere videtur, dextre seduloq; peragantur.

Et indole itaque propria, Et præclaris hisce Maiorū, Parentū, Propinquorū exēplis incitati, facitis, Illustres ac Generosi Dn. Barones, quod facitis: Et cum studia vestra,
tum

EPISTOLA

tum res atque rationes alias ita instituitis: ut hoc Vobis nomine boni mecum omnes gratulentur: habeat, quod gaudeat ac letetur, vir Optimus atque Doctiss. D. TOBIAS EISELIUS, Praefectus ac Moderator Vester fidelissimus: cura dum sua atque vigilantia successus felices et exoptatos, simulque illud experitur, quantum bonum sit, sub disciplina sua non praeposteros nepotes familiaeque suae vomicas atque ulcera, verum eos habere, qui salutaribus locum monitis atque praeceptis relinquant: agunt, cuius gratia ad Academias sunt ablegati: non vel nihil vel aliud: sunt in eo toti: ut laudem partam semel, sibi atque quasi per manus traditam conservent, exornent, augeant, illustrent, ad posteros propagent.

Equi.

DEDICATORIA.

Equidem hisce omnibus motus, cum aliud, quod præstem, non suppetat, Autoris huius nuncupatione meam cū lætitiā, tum animi in Vos, testatam facere observantiam conatus sum: quam ut sereno hilarique vultu recipiatis, submisso officio seq̃ rogo: Deum Opt. Max. comprecatus, ut quæ vobis cū animi, tum ingenii dona idem largitus est, crescere indies, Et ad canam, quod aiunt, frugem peruenire patiatur. P.P. Argentina 3. Calend. Mart. Anni recuperatæ per Christum salutis M. DC. VIII.

ILL. ac GEN. V.V. CL.

Addictissimus

LAZARVS ZETZNERVS
Bibliopola Argentoratensis.



ΠΡΟΛΕΓΟΜΕΝΑ IN POLITICA ARISTOTELIS,

Autore

HVBERTO GIFANIO
Iurisconsulto.



ONET Plato, cumque sequitur & *αὐτὸς* probat Cicero, Legumscriptorem Proœmio uti debere. Et nos igitur de legibus explanaturi, quædam præfabimur, primū de legib. & Rerump. origine & causis: deinde de Reipub. cognoscendæ facultate, de eius inquam dignitate seu præstantia, utilitate, & voluptate. Rerump. & legum originem tam ex prophanis quam sacris libris hâc esse reperimus. Societatis quidem politicæ primus ortus debetur familiis, ex quibus amplificatis vici & tandem ciuitates seu hominum conuenticula extiterint. Consociationis causa seu conuentus triplex mihi fuisse videtur: natura, indigentia, iniuriæ. De natura copiose, infra *Aristot. lib. 1. cap. 2. c. 9. Cic. toto lib. 1. de legibus* De indigentia, nimirum ut quod à se quis non haberet, ab alio sumeret, explicatum supra *lib. 5. Eth.* Iniuriæ partim fuerunt domesticæ, partim externæ. Nam in mutuandis & communicandis rebus non est dubium, quin controuersiæ & ex his iniuriæ sæpe inter homines eiusdem vel vici, vel ciuitatis, fuerint ortæ, dum potentior cum imbecilliore & tenuiore recusat uti eodem & æquabili iure. Externæ iniuriæ à vicinis potentioribus, aut iniustis & petulantibus inferuntur. His igitur

I.

Rerump. legumq; origo.

Causæ consociationis hominum tres: Natura, Indigentia, Iniuria.

A.

tur

tur & controuersis & iniuriis pellendis opus fuit homine prudente, iusto & potente. Prudente, qui iusta & iniusta cognosceret. Iusto, qui æqualiter ea diiudicaret. Potente, qui non obediētes cogeret, & imbecillos à potentiorum vi vel domestica vel externa tueretur. Itaque talem sibi primi homines Rectorem delegisse videntur: qui non tam Rex esset vel Dominus, quam Iudex & Pastor. Ea; re & apud Hom. *δίκασπόλοι κ' ποιμῆνες* dicuntur, & in sacris libris primi Hebræorum Duces seu Reges, Iudices plærumque vsurpantur. Hi igitur primâ ætate Reges & Principes Rerump. fuerunt veri & iusti, communi consensu & suffragiis à pop. delecti. Erant & iniusti, qui vel viribus vel diuitiis & opibus freti non delatum sibi à pop. Imperium ultro sumerent, quos Gigantes vocant sacræ literæ; posteritas Tyrannos. De hac prima imperii forma & genere *Moses, Homerus, Herodot. lib. 1. Plato in Polit. Aristot. lib. 1. 3. Polit. Cic. 2. off. & 3. de legib. & pulcre in Sextiana, Lucret. lib. 5. in fin. Diod Sicul. lib. 1. Iustinus lib. 1.*

Reges prisca. His temporibus nullæ dum erant leges, quia manu Regiâ (vt ait Pomponius Iuriscons.) omnia administrarentur; Regis nutus & arbitrium esset pro legibus, inquit *Dionys. lib. 10.* Verum quia hoc imperium nullâ certâ lege esset definitum ac terminatum; & in magna potestate, eaque immensa & interminata constituti, ægre à tenuioribus & imbecillioribus violandis sibi temperare possent, & à veris & iustis antecessoribus posterius plerumque degenerant: iniuriæ rursus & maleficia non tam ciuium inter se, quam principum in ciues, sunt consecuta. quibus rebus factum est, vt in odium Principes incurrerint, & ex hoc tandem sint interfecti. Ergo Regibus occisis

---- Subuersa iacebat

Pristina maiestas soliorum & sceptræ superba,

inquit *Lucret.* Alia igitur ratione opus fuit, qua & à controuersis mutuis & iniuriis defendi possint Ratio prior fuit ab homine petita: eam quia lubricam & periculosam repere-runt, ad leges & Magistratus confugerunt. Magistratus, inquam, legibus constrictos. Nam Magistratus nil est aliud, quam Lex loquens, vt Lex mutus Magistratus, inquit *Cic. 3.*

2. Causa legum lata-rum.

de legib. Ex quibus perspicuum est, eandem esse & Regum & Legum originem ac causam, vt *eleganter Cic lib. 2. off.* Est tamen & altera legum causa & origo apud Mosen. Nam Iethro

thro, Moſis ſocer, cum generum videret innumerabilibus controuerſiſ ſiſ Iudæorum diſceptandis eſſe imparem; conſilium illi dedit, vt adminiſtros quosdam ſibi aſſumeret, quibus leuioreſ controuerſiaſ diſceptandaſ concrederet. Quo conſilio etiam à Deo Opt. Max. comprobato totum Iudæicum populum in certam Reipubl. formam deſcribere conſtituit: eique leges aptaſ & accommodataſ, Deo autore, adiunxit. Quæ quidem Reipublicæ forma ſine controuerſia eſt præſtantiſſima, vtpote Regum legibus terminatum, qua de re infra, lib 3. Et hæc quidem de cauſiſ ſocietatiſ humanæ, atque de ortu Imperiorum & Legum breuiter dicta ſint ſatiſ. Nunc de facultate, qua prædituſ quiſ optime politicam ſocietatem adminiſtrare poſſit.

II.
De facultate politica.

De hac facultate initio Ethicorum copioſe diximus, & lib. 6 Eth. vbi & definitionem & parteſ eiſ & auctoreſ, finem denique & ſcopum explicauimus; etiam de dignitate & vtilitate nonnulla attulimus: quæ tamen duo poſtrema nunc accuratius aliquanto explicemus: præſertim cum illa ad mores potius, quam ad leges & Reſpublicaſ accommodauerimus. Videamus igitur de facultatiſ politicaſ dignitate, vtilitatibuſ ſeu uſu, voluptate quoque honeſta, & obſcuritate.

Dignitas & præſtantia huiuſ facultatiſ ex hiſ tribuſ potiſſimum rebuſ ſpectari poteſt: Fine, Rebuſ, & Nominibuſ.

III.
De dignitate polit.
1. Ex fine.

Finem huiuſ facultatiſ conſtat eſſe beatitudinem & *ὁλοκλήριον* eiſ politicaſ partiſ, de qua hiſ libriſ explicatur: quo certe fine nullum (ſacra ſemper excipio) præſtantiorem reperiri poſſe perſpicuum eſt. Conſueuerunt autem arteſ & ſcientiæ ſpectari ex fine, vbi de dignitate & præſtantia eſt quæſtio. Reſ quoque, in quibuſ facultaſ politica tanquam in materia verſatur, ſunt grauiffimæ: hominum * inſtitutio, Reſumplicarum & ciuitatum temperatio, Magiſtratuum, Legum, & Iuriſ deſcriptio. Hanc autem facultatem omni tempore viri Principes in ſua poſſeſſione tenuerunt: apud Ebræoſ Moſeſ, Abrahamuſ, Iosephuſ, (quem politicum virum deſcribit Philo) David, Daniel, Nehemiaſ, &c. Apud Græcoſ, Neſtor, Vlyſſeſ, Solon, Clitheſeſ, Pericleſ, Epaminondaſ, Plato, Demoſtheſeſ, Iſocrateſ, &c. Romæ Decemuiri, Fabiuſ Maximuſ, & Iuriſconſulti veteres, Catoneſ, Scipioneſ, Læliuſ, Cicero, &c. Et hac ipſa de cauſa Plato hæc

2. A materia.
* Fort. cōſociatio.

Politica facultatem Regiam vocare solet, vt Regum, Principum, & *sultas* regia genere præstantium virorum propriam artem, Virg. lib. 6.

Excudent alii spirantia mollius ara, &c.

Tu regere imperio populos Romane memento.

Ha tibi erunt artes, &c.

Quo pertinet &, quod paulo supra diximus, Reges, vt & Consules Romæ *δυναστές* & Iudices dictos fuisse, quia ipsorum officium & munus in iure reddendo & regiis negociis sit positum. Et certè duæ ferè Principum & nobilium sunt artes: vna Ciuilis, altera Militaris. hanc hodie sic satis tenent & persequuntur: illam magno Rerump. incommodo fere deserunt, eaque re ex auditis & alieno ore (inquit Poëta) sapiunt. Hoc quoque ad dignitatem pertinet non mediocriter, quod multæ humiliores & ignobiliore facultates huius naturæ speciem induerint, sibi que vindicant: 1. Rhetoric. Rhetorica, teste Aristotele lib. 1. Rhet. Plat. in Gorg. 2. Sophist. *Isoc. in Helena, Cic. in lib. 1. de or. & alibi.* 3. Iurisprud. Sophistica, teste Platone multis in locis, & Aristot lib. 10. Eth. cap. ult. Iurisprudencia deniq; & Theologia: quod partim ex prioribus, partim ex hac nostra ætate est perspicuum.

4. Argum. Ad eandem dignitatem pertinent honores, quibus hac dignitatis facultate præditi affici solent, adeo vt pro Diis semper sint habiti, à quibus in rebus dubiis, tanquam à Deo, petantur Oracula. Ex his perspicuum est, quanta sit huius facultatis dignitas & præstantia, vt non immerito Plato & Aristoteles eam omnium Scientiarum Principem & Dominam appellarent: qua de re diximus supra lib. 6. Ethic. & initio lib. 1.

IV. Vtilitas non est minor. Nam præterquam quod omnes De utilitate Polit. vitæ humanæ & Reipubl. partes curat, constituit, & conseruat: etiam aliis facultatibus commoda præclara subministrat. Theologo ad cognoscendam politiam Moſis & Dauidis: Iurisconsulto, suppeditat principia ex ea potissimum parte, quæ est de moribus, eaque re hæc facultas Iurisprudentiæ utilior, quia politicæ illa sit pars, supra lib. 6. Notum est autem, magnum positum esse momentum & vim in toto ad partes cognoscendas, exemplo medici supr. lib. 1. cap. ult. 1. Quoad Theolog. Eth. Polyb. initio lib. 1. Quin olim etiam Iurisprudencia pertinebat politica facultas, teste Cic. lib. 3. de Orat. Neque enim de stillicidiis & testamentis tantum: sed de omni Reipub. negotio Iurisconsulti consulebantur. quod idem etiam hodie præti-

plurique sibi arrogant, fortasse non arroganter, si non tantum libros iuris, in quibus de rebus tantum priuatis potissimum agitur, sed politicos quoque & historicos cognoscerent. Oratori quæ ex hac facultate adiumenta suppeditentur, explicat copiose *Cic. lib. 1. §. 3. de Orat.* Vno verbo, quia præstator artis dicendi pars in iisdem rebus, id est, magistratibus, legationibus, in belli pacisque muneribus verlatur. Historico item politica prodest: atque adeo historia & politica tradunt operas mutuas. Nam historia affert exempla singula, quarum Regulas & Canones generales tradit politica. Quare ut *Aristoteles lib. 1. Rhet.* politico vtilissimam dicit historiam: ita historico vtilissimam esse politicam scribit *Halicarnas. lib. 6. an. 7.* Nam vterque Rerumpub. initia, origines, status & progressus, conuersiones denique & interitus exponit: historica tamen facta potius (ut loquuntur Iurisperiti) politica ius, id est, causas earum rerum persequitur. Etiam Poëtis & Grammaticis sua sunt ex politicis adiumenta: exemplo sint Tragediæ, in quibus fere Principum negotia & casus tractantur. Epici quoque Poëtæ hoc fere argumentum habent, *Homerus, Virg. Lucanus, Silius, &c.* Quin etiam Duci quoque & Imperatori (cuius tamen ars huic nostræ ex altera parte velut respondere & contraria opponi videtur) non minimam vtilitatem affert hæc scientia. Nam & sui Imperatoribus sunt Consiliarii, Præfecti seu Magistratus, leges & præcepta, sua denique politia militaris: quam profecto is tantum videatur optime instituire ac tueri posse, qui ciuilem, ut maxime cognatam, teneat. Si enim ex *Pauli Æmilii Summi Imperatoris dicto* eiusdem est conuiuium instruere & ludos parare, cuius est acie & bello vincere: multo certe iustius eiusdem erit, politiam & ciuilem & militarem instituere & administrare.

Neque vero minor huius scientiæ est voluptas. Quid e-
nim iucundius quam totius orbis terrarum leges & Resp. *De volupta-*
percurrere? earum conuersiones cum veris causis cogno-
te, *q̃ ex hæc*
scere? Quid iucundius, quam vnum præter cæteros sapere, *sciētia per-*
sapientem & tanquam Deum in ciuitate haberi, coli, obser-
cipitur.
uari, omnibus denique honorum gradibus affici? Quid iu-
cundius denique, quam cum omne genus humanum, tum
patriam, suâ sapientiâ administrare & aduersus hostes tueri
posse, summis beneficiis inquam afficere?

3. Quo ad
Rhetores.

4. Quo ad
Historicos.

5. Quo ad
Poët. &
Grammat.

б. Quo ad
срѣтѣн-
нѣн.

V.

A 3

Quare

VI. Quare non immerito & hæc scientia ciuilis tam præcla-
De difficul- ta, difficilis quoque & ardua existimari debet, vt omnia præ-
tate pol. clara rara & difficilia: eaque re sapienter prudentiss. Imper.
 Diocletianus, teste *Vopisco*, in ore habere solebat, nil esse dif-
 ficilius, quam bene imperare. quod idem pulcerrime docet
 Xenophon in *Padia Cyri*. quam tamen difficultatem priores
 illæ conditiones, vtilitas, dignitas, & voluptas, facile obscu-
 rant & obruunt: præsertim cuius assequendæ supersint ad-
 iumenta non mediocria.

VII. Videamus igitur, quod tertium est caput, de modis & ad-
De modis iumentis consequendæ facultatis Politicæ. Ergo cum in o-
adiumē- mni facultate, tum in hac ciuili assequenda tres sunt modi &
tis cōsequē- ad iumenta: Natura seu ingenium, Vsus seu exercitatio, Ra-
da hu. us tio seu præcepta. De Natura & ingenio nulla est controuer-
fac. sia: de reliquis duobus, vsu & ratione, magna. Nam sunt,
1. Natura. qui existiment hanc facultatem vsu solo percipi posse, nul-
2. Ingeniū. lam esse eius rationem, artem & scientiam. *Qua de re extat*
3. Vsus. *disputatio apud Empiricum lib. aduersus disciplinas extremo,*
& lib. 3. Pyrrhoniarum ἀποτυπώσεων, & apud Platonem ali-
quot in locis. Xenoph. τῶν ἀπὸ μνημῶν δυνάμεται lib. 2. Demosthe-
nes in Erotico λόγῳ, Isocr. in or. aduersus Sophist. Cic. lib. 1. & 3.
de or. ubi tamen de Rhetorica. Aristotelem quoq; nostrum supra
lib. vlt. cap. vlt. Quæ disputatio quia prolixior est, nos Ari-
stotelem secuti atque adeo Plat. Demost. Isocr. Cic. breuiter
dicamus, vtraque hæc ad iumenta esse necessaria. nam de vsu
eleganter Simonides apud Plut. in libr. An seni gerenda sit,
Respub. ἡ πόλις τὸν ἀνδρα διδάσκει, ciuitas docet virum, quasi
dicat, curia & forum eius est schola. & Plut. eo loco, vt, in-
quit, non bonus erit gubernator navis, qui nunquam in ma-
ri ipse fuerit & in tempestate, quantumuis multa de naui gu-
bernanda præcepta cognorit: ita nec politicus absque vsu.
Cuius certe tanta vis est, vt hoc solo multi prudentissimi po-
litici extiterint, atque adeo omnes fere veteres, quos Ari-
stoteles non ratione sed vsu Remp. administrare ait. De do-
ctrina tamen & ratione pulcre Isocr. ea qui sint præditi, tan-
quam ex penu certa depromere posse, quæ Reip. sint utilia.
certe vsus est longior, periculosior & contractior: ratio &
doctrina breuior, securior, certior, & diffusior, quæque la-
tius pateat. ars, inquit Cicero, certior est. Arte, inquit Isocra-
tes, in quæ vsu tanquam errantes incidimus, distinctius co-
 gno-

gnosceamus. latius quoque patet ratio quam usus. nam ratione præditi alios, etiam posteros, scriptis docere possunt: usu præditi non item, *supra lib. ult. cap. ult. & Plato in Euthydem.* Et hac re præter usum doctores quoque sibi asciuerunt magni in Repub. viri: Themistocles Nesiphilum, Pericles Anaxagoram, Dio Platonem, Philippus Macedo & Epaminondas Lyfin Tarentinum, Alexander Aristotelem, Ptolemaeus Demetrium Phalereum, Scipio Polybium & Panætium, Cicero Nigidium, & alii alios: *de quibus Cic. lib. 1. Offi. & 3. de Orat. Demosth. in Erotico.*

Videamus igitur de politicæ Doctoribus, qui primi fuerint & qui præstantissimi: si hoc prioribus adiecero, non minima quoque consequendæ facultatis politicæ esse adiumentum, quæ tamen prioribus contineantur, historiæ cognitionem, peregrinationes, quibus hominum mores, instituta & leges variæ cognoscantur, collectio variarum legum & Rerump. *de qua dictum supra lib. ult. cap. ult. congressus deniq; & consuetudo Politicorum: qua præterea ratione & viâ multos veterum usos scribit Plut. in dicto lib. An senigerenda sit Respub. eaque re vel sola Plut. docet senes perseverare debere in Reip. administratione, ut horum consuetudine, exemplo & monitis doctorum & præceptorum loco instituantur & doceantur adolescentes. quem veterum morem attigit & Virg. lib. 8. vbi Euand. ad Æheam de filio Pallante.*

5. Historiar. cognitio.

6. Peregrinatio.

7. Variarum legum collectio.

8. Consuetudo polit.

Qua de re Plut. in præcept.

Hunc tibi ----

Pallanta adiungam: sub te tolerare magistro

Militiam & graue Martis opus, tua cernere facta

Assuescat, primis & te miretur ab annis.

Sic olim Clisthenem* Aristides, hunc Cuno, Chabriam Phocio, Cato Fabium Maximum, Syllam Pompeius, Philopemenem Polybius, hunc Scipio iunior, tanquam doctores præpositos sibi, sunt imitati. Et hæc certe vetus fuit ratio discendi Politicam, etiam Iurisprudentiam: sic Scæuolam sequutus est Rutilius, *inquit Cic. 2. Offic.*

* Cuius mentio fit infra lib. 3. cap. 1.

Nunc quoque de Politicæ scriptoribus & doctoribus. Scriptores duorum sunt generum: vel enim in Repub. sunt versati, vel non: rursus, vel de legibus duntaxat scripserunt, vel nouæ quoque à se conditæ Reip. leges præterea dederunt, *inquit Aristoteles infra lib. 2. cap. 10.* Omnium horum generum

II X. De scriptoribus polit.

rum scriptores pluresq; & antiquissimos commemorat eo libro Aristoteles. Certum est hoc tamen, nullum antiquius
2. Mosches. scriptum vel extitisse vel extare Mosis Politiâ, ex qua, tan-
 quam coloniz, temporum progressu, reliquæ omnes fere
 sunt deductæ. Sit igitur primus hic Politicæ scriptor seu *vo-
 μῆτης* potius. Cæteros hîc congerere esset longius, *de qui-
 bus infra lib. 2.* Doctores autem Politicæ qui primi fuerint,
 modo indicaui, qui tamē non tam ratione quam usu docue-
 rint. Scholas autem politicas Principes habuisse Sophistas
Sophista. scribunt veteres, *supra lib. ult. cap. ult.* quorum & ignoran-
 tiâ & ambitione demonstratâ Socrates & Plato hoc quoque
Socrat. munus docendæ Politicæ sibi sumpserunt; quorum disci-
Plato. puli Xenocrates, Aristoteles, & horum deinceps alii audito-
Xenocr. res ac discipuli, Theophrastus, Heraclides Ponticus, Deme-
Aristotel. trius Phalereus, alii semper hoc munus tenuerunt, quare &
 Academici & Peripatetici ob eximiam (*inquit Cic. 3. de or.*)
*Peripateti-
 corum laus.* rerum magnarum scientiam politici dicebantur. Nam Stoi-
Stoicorum ci attigerunt quidem & illi hunc in disputando civilem lo-
αἰσχρολογία cum, *inquit Cic. 3. de legib.* sed præter Panætium semiperipa-
et absurda teticum multa attulerūt absurda, & à communi vita abhor-
ac flagitio- rentia, *de quibus Cic. in Mureniana,* etiam flagitiosa & tur-
sa hac de re pia quædam, *de quibus Laertius in vita Chrysip. & Sextus*
præcepta. *Empir. libr. 3. hypotyp. Pyrrhon.* Epicurus autem suos vetat
 Rempub. administrare, *Cic. 5. Tusc.* Itaque veri politici do-
 ctiores fuerunt & semper habiti sunt Peripatetici & Acade-
 mici: & in his principes Plato & Aristoteles, quorum etiam
 solorum scripta hodie extant. Romani veterum more usu
 pene solo Remp. cognoscebant. de antiquioribus loquor.
 nam posteriores & ipsi in Græciam se contulerunt, & domi
 doctissimos aluerunt: præter Ciceronem tamen, qui libros
 6. de Rep. & 5. (vt quidam putant) de legibus scripsit. qui de
 Rep. commentarios ediderit, haud facile quenquam repe-
 rias. Reliquum est de Aristotele, & hoc opere, nostro deniq;
 munere explicare.

ΑΡΙΣΤΟΤΕΛΟΥΣ ΠΟΛΙΤΙΚΩΝ ΤΟ Α.

DE Aristotelis præstantia explicare non est huius loci:
 quod huc pertinet, breuiter dicamus; Aristotelem &
 usu & ratione cognitum Politicam docuisse, & scriptis quâ-
 plurimis complexum esse pulcerrime, atq; adeo omnium opti-
 me.

me. Nam in Regia Philippi Macedonis VIII. annos est versatus, eoque & consiliario, & in filio docendo, præceptore Philippus est usus. Idem Aristoteles & patriam Stagiram euerfam Philippi sumptibus instaurandam curauit, & legibus nouis atq; institutis Stagiriticam Reipub. descripsit. Collegit idem 158. Rerumpub. genera. quæ collectio & collatio non mediocriter adiumentum ad hanc scientiam illi attulisse videtur. Usus est præterea & Platonis & Hippodami & aliorum scriptis politicis. Ex quibus perspicuum est, & usu & præceptis eum cognouisse Politicam. ex iisdem & hoc cognosci potest, de eadem scientia eum & pulcerrime scripsisse. Edidit certe quamplurima scripta Politica, de quibus Laertius, quorum hoc vnum duntaxat hodie extat opus. Nam esse hoc Aristotelis omnes veteres interpretes & recentiores Aristotelis vno ore fatentur. præterea idem perspicitur ex eo, quod in his libris sæpe mentionem facit Ethicorum, quanquam priore loco positorum. Nam, ut supra dictum, Ethicorum & Politicor. tanquam duorum parium & membrorum vnum & idem est corpus. De operis igitur autore constat: nam de Laertii testimonio mox dicetur.

Πολιτικῶν.] Politica inscribuntur hi libri ut priores Ethica, alii Oeconomica, ut Oppiani ἀλιευτικά, Ouidii & Virgilii Bucolica & Georgica: quibus verbis subintelligatur verbum βιβλία, libri, aut παραγγέλματα, præcepta, vel potius absolute ea, quæ vel ad hanc, vel illam partem pertinent. Sunt qui hunc indicem latine reddant, De optimo Reipub. statu: perperam. Nam tamen si ultimus Aristoteli sit scopus de optima Rep. explicare: tamen his libris non de ea tantum, sed de omnibus Reip. generibus explicatur. Rectius igitur alii, de R E P U B L I C A, & hi optime. Alii de Ratione bene administrandæ Reip. Alii Græcum vocabulum retinent, Laertius adducit Aristotelis qui iidem cum istis esse videntur: etsi Laertio non magnam sæpe fidem habendam puto, ut qui & perperam multa adducat, & optimos sæpe veterum libros prætermittat. Numerantur hodieq; octo duntaxat Polit. libri: sed plures fuisse ab Aristotele conscriptos, & hoc opus esse μέγρον, eiusq; extremas partes desiderari, cum testes sint & vetus interpres, qui eas partes diligenter conquisitas reperire se nō potuisse ait, & Petrus Victorius, qui in lib. Rhetor. i. decem Politico-

De inscriptione horū lib. πολιτικῶν.

Πολιτικῆς ἀκροάσεως.

Laertio quāta fides habenda.

De numero horum lib.

rum libros adducit. & in notis ad hos libros ait horum librorum optimam & perfectissimam partem desiderari; tum quia & Aristoteles ipse, *infra lib. 1. cap. ult.* ait, se posterius de virtute mulierū, & *lib. 7. cap. 10. in fi.* de seruis explicaturum, quæ tamen neutra in hoc opere reperiuntur. Præterea, quod caput est & firmissimum argumentum, optimæ Reip. institutionem ad adolescentes duntaxat perduxit, quam tamen per omnes ætates deducendam monuerat *lib. ult. cap. ult. Ethic.* ut sua cuiq; officia & partes, suaq; studia, attribuantur. Et hæc quidem de Inscriptione seu Indice: ex quo perspicuum est, qua de re hoc in opere agat, nimirum de Republica.

Μετὰ βίας.

*Argumenta
singulorum
librorum.*

Nunc videamus de operis argumento, præstantia & utilitate, de interpretibus denique & explanatoribus, & nostro munere. Argumenti hæc sit summa. I. quidem lib. explicatur de partibus ciuitatis. II. Aliorum & legum scriptorum & philosophorum leges & Resp. perpendit. III. Ciuitatis vim & naturam, definitionem, eiusq; partes explicat: & ex his partibus seu ciuitatis generibus duas, Regnum & statum optimatum. *Lib. 4.* quatuor reliqua Rerumpub. genera persequitur. V. Rerump. omnium & salutis & interitus seu conuersionum causas, diuinitus explicat. *Lib. 6.* rursus de duobus Reipub. generibus, quia eâ tempestate maxime celebrarentur Democratia & Oligarchia, explicat, ubi & de partibus seu membris cuiusque ciuitatis & de magistratu. *Lib. 7. & 8.* tandem ad optimum Reipublicæ statum se conuertit, & ut *supra dictum*, ad adolescentiam usq; perducit.

1.

*Præstantia
& utilitas
horum lib.*

2.

3.

4.

5.

Ex hoc argumento vel solo æstimari potest, quæ & quanta horum librorum sit & præstantia & utilitas. Nam præter ea, quæ ei cum aliis Aristotelis libris sunt communia, nempe ordinem, rationem firmam docendi & confirmandi, & elegans orationis genus, hæc præterea in hoc opere sunt singularia. prius quidem, quod non vnius generis, sed omnium Rerumpub. institutio & conseruatio in hoc opere explicatur. quin etiam tota scientia Oeconomica breuiter hic libro 1. exponitur: deinde quia in hoc opere supersunt innumerabiles scientiæ, quas nusquam præterea reperias. Vtilissimum quoq; est hoc opus ad libros Platonis intelligendos, maxime de Repub. & de legibus. Est & hoc singulare, quod huius operis non tanta sit difficultas, quanta reli-

reliquorum librorum Aristotelis: cum quia res tractat in cotidiano usu & vita positas, tum quia orationis genus hic non est tam contortum, sed, ut ita dicam, diffusius & liquidius.

De Interpretibus & explanatoribus, illos quidem reperio veterem Argyropylum Aretinum, Perionium, Stobæum, Sepuluedam, Lambinum, hos Thomā, Dionysium de Burgo in lib. 1. Celiū Calcagninū in lib. 1. Borrhæū, Sturmium præceptorē nostrū & Rectorē in lib. 1. Acciaiolū, Sepuluedā, Perionii observationes, & Iabellii quæstiones. Ex quibus optima versio mihi videtur esse Sepuluedæ, proxima Lambini: explanationes quoque & eiusdem Sepuluedæ & Borrhæi, (Sturmium semper excipio) optimæ mihi videntur. nulla tamen explanatio extat in hos libros iusta & perfecta. & certe etiam in scholis hi libri vix doceri solent. Vtriusque rei causa videtur esse: quia philosophi & Magistri illa de schola in rebus Politicis non nimium sapere videantur. Ego etsi scio melius fore ut quemadmodum Romanæ vestales primâ ætate sacra discere, mediâ facere, extremâ adolescentulas docere consueverunt, teste Plut. in libr. *An seni Respub. gerenda sit.* ut in Republica diu versati munus quoque docendi politica susciperent: tamē & Dei benignitate & superioribus interpretum & explanatorum laboribus & veterum philosophorum scriptis, maxime Platonis, Plutarchi & Ciceronis, & recentiorum quorundam Politicæ scriptorum, quos supra prætermisi, Machiaueli, Mori, Patricii, Ganimberti, Omphalii, Fricii, Roberti Britannii & aliorum, qui de principe scripserunt, Thomæ, Erasmi, Sebastiani Fuchsi, Lorchii, &c. Iuris denique, historiarum, & antiquitatum cognitione, & qualicunque usu & experienciâ instructus & adiutus, hos libros & conuertam & emendabo, & quam potero accuratissime explanabo.

De interpretibus horum librorum.

ARGUMENTVM LIB. I.

CIVITATEM, ut totum quoddam ex partibus, explicaturus, primum, quæ civitatis sint Partes, inuestigat, quæque earum sit & Origo & Finis. vbi & de civitatis origine & primi Imperii genere, post repertas iam partes civitatis, Domum, & Vicos, eas diligenter persequitur,

quitur, domum maxime, quod vicus sit domorum velut Colonia & collectio: atque hac ratione, quia inquam ciuitatis pars prima & vltima sit Domus: accurate de re domestica explicat; adeo quidem, vt liber hic Primus potius Oeconomicus sit, quam Politicus, vt in quo ars Oeconomica breuiter quidem, sed exquisitè tamen explicetur. Et primum igitur de Oeconomica seu de ratione rei domesticæ: deinde de ratione rei quarendæ. De re domestica tres eius partes, rem Herilem, Vxoriam, & Patriam deinceps explicat. De re quidem Herili copiose, de reliquis breuiter & multis demum interiectis: de re Herili hac duo, an repugnet naturæ, an vero naturæ sit consentanea? Vbi pulcherrima est de Seruitutum origine & discrimine disputatio: deinde an Herilis ratio eadem sit, quæ politica? & hæc quidem de Herili potestate. Reliquæ sunt Vxoriam & Patriam, de quibus priusquam explicet, interijcit longam disputationem de ratione rei quarendæ, quam Greci vocant *γενικῆς οὐλῆς*. de qua hæc duo: An ratio rei quarendæ sit eadem, quæ rei domesticæ? deinde, si non sit eadem, an saltem sit pars rei domesticæ, aut certe eius administra? Quæ duo vt intelligantur, explicat vniuersam rationem rei quarendæ. Eam igitur facit binembrem: partim theoreticam, partim practicam. In theoretica docet, quibus in rebus hæc ratio cernatur. quæ ex re ostendit eam esse tripartitam; Naturalem, Artificiosam, & his interiectam tertiam partem: quibus late explicatis, tandem duo illa questionum capita dissoluit: atque ita confectis quæ ad theoriam & cognitionem pertinent, id est, definitione & diuisione, quod reliquum erat membrum practicum seu de usu explicat breuiter. vbi & de Scriptoribus artis rei quarendæ & adiumentis quibusdam aliis eius consequendæ. Iam vero explicat hæc rei parandæ ratione, redit ad rem Domesticam, cuius

huius vnâ parte nempe Herili iam supra explicatâ; reli-
quas duas, Vxoriam & Patriam, breuiter exponit: vbi
præter alia hoc maxime persequitur, quæ virtus sit harum
domus partium, & maxime quæ Seruorum sit virtus.

CAPVT I.



Væ sunt huius cap. partes: quarum prio-
re tanquam præmio de ciuitatis fine &
scopo, de ciuilibus facultatis differentia & af-
finitate cum aliis quibusdam facultatibus
& scientiis, & de Aristotelica politicæ ex-
plicandæ methodo. Altera capitis parte ci-
uitatis partes, Domum & Vicum exquirat, earumque & sco-
pum & originem explicat. Vbi & tandem arrepta occasione
de primo Imperii seu Reip. genere.

TEXTVS.

Cum omnium ciuitatum communitatē quan-
dam videamus esse, omnemque communitatem
boni cuiusdam causa constare (eius enim quod
speciem boni habet, gratia, omnes agunt omnia:)
perspicuum est cum omnes bonum quoddam ap-
petere, tum eam, quæ & sit summa, & alias omnes
complectatur, id quod maxime & summum sit
bonum: hæc autem est ea, quæ dicitur ciuitas &
ciuilis communitas.

COMMENTARI.

πάντα πρῶτον πέντες.] Elegans apud Græcos dicendi
genus, πέντες πέντε πρῶτον, de quo dictum in Ethicis. Ἐπι-
δὴ πᾶσαν πόλιν.] Exordium hoc Aristotelis valde est præci-
sum; quodq; ad ea quæ sequuntur, nil prorsus pertinere vi-
deatur: non alienum tamen ab instituto eius. Solet namque
Aristoteles descriptiones & libros suos sæpe ab vniuersa qua-
dam & communi sententia exordiri. qua de re dixi lib. 1. Eth. Politiarum
Hoc igitur exordio docet, ciuitatum finem & scopum esse finis præstā-
præstantissimum his formulis: Omnis, inquit, societas seu tiß.
communitas boni causa coitur & conciliatur. At ciuitas est
societas. Ergo & ipsa boni causa conciliatur. Propositionis
ratio

ratio est in his verbis: τὸ δὲ εἶναι δοκεῖν ὁ ἀγαθὸς, &c. quasi dicat, omnia bonū expetunt & ad id feruntur: ergo & societas. Nam, ut initio *Ethicorum* diximus, id est bonum quod ab omnibus expetatur, ea est vis & natura boni siue veri siue specie tenus, & τὸ φερόμενον, teste *Aristot. lib. 3. de anima*. Et hoc est, quod ait τὸ δὲ εἶναι δοκεῖν ὁ ἀγαθὸς. Nimirum quod cuique bonum videtur, id expetit: vir quidem bonus verum, vir improbus falsum & φερόμενον, inquit *Aristoteles lib. 3. Eth. cap. 5*. Societates igitur & ipsæ boni causa ineuntur siue veri, ut Ecclesia, ciuitas, collegia honesta Philosophorum, Musicorum, Mercatorum, [* alii honestatis, * alii utilitatis, * alii voluptatis * falsæ & honestæ;] siue falsi, ut improborum, piratarum, latronum: quin etiam hominum societas, seu ciuitas, nullo licet fine proposito, natura sola duce conciliari videtur: qua de re infra *lib. 2*. Altera formula hæc est: Si omnis societas est bonitatis causa; ergo optima societas est optimi causa, id est, ea quæ est præstantissima societas, quæque cæteras omnes tanquam Princeps & Domina contineat, finem sibi habebit propositum præstantissimum, i. beatitudinem. Antecedens notum est ex priori formula. Connexi ratio est in *Top. Aristotelis lib. 3. de comparatis*, ut præstantiori rei finis tribuatur præstantior. Itaque concludamus; Ciuitati seu humanæ societati, tanquam finem propositum esse propriū, vitam beatam, quod *lib. 1. Eth. & lib. 7. infra* copiose explicatur. Ex hac conclusione continuo consequitur, latronum & Tyrannorum societates quantopere distent à veris humani generis societatibus: dum, quanta sit humanæ societatis præstantia, perspicitur. Res enim ex finibus cognoscuntur. Quare & hoc consequitur, quam grauiter peccent, qui tam præclaram societatem vel euertant, vel labefactent. At dicet aliquis, ciuitatem & politicam societatem non esse præstantissimam, quod Ecclesia ciuitati longe antecellat. Sed hac de re dixi *lib. 1. Ethic.* nimirum in humanis societatibus (de quibus & in *Ethicis*, & in *Politicis* explicatur) ciuilem esse præstantissimam, quæque reliquas omnes in se complectatur, iisque omnibus imperet & sit architectonica.

T E X T V S.

Iam qui existimant, ciuitatis seu Reipub. Regni, domus, & seruorum regendorum peritum esse

* *Alia.** *Vera.*

*Vita beata
summus po-
litica finis.*

*1. Corolla-
rium.*

*2. Corolla-
rium.*

*3. Corolla-
rium.*

Obiectio.

*Solutio re-
missua.*

esse eundem, nō recte dicunt. Multitudine namq; & paucitate putant differre, non specie, hæc inter se. vt si paucis imperet, dominum: sin pluribus, patrem familiās: sin etiam pluribus, esse Politicum seu Regem. quasi nihil differat magna domus & parua ciuitas: Et de Politico quidem atq; Rege: esse quidem Regem, si ipse præsit: politicum vero, si partim præsit seu imperet, partim pareat pro rationibus huiusmodi scientiæ. Sed hæc vera non sunt. Quod quidem iam dictum perspicuum erit contemplantibus via & ratione priore.

C O M M E N T A R I I.

Κατὰ τὴν ὑπομνηστικὴν μέθοδον.] Hac phrasi sæpe vtitur Aristoteles, de qua dictum *lib. 2. Eth.* Valet non sequente modo & ratione, sed antecedente, id est, priore & vsitata methodo, &c. *ὅστις μὲν ἐν ὁλότητι.*] Exponit hic breuiter Platonis sententiam, qui existimarit Regni, Reip. familiæ seu domus & seruorum regendorum eandem esse scientiam: nam scientias illas non genere aut specie, sed numero differre, id est, multitudine & paucitate, vt ait Aristoteles: nimirum, quia magna domus à parua ciuitate non differat: itaque eundem esse, qui ciuitatem, & qui Regnum administret: eundem esse, qui seruis tantum, & qui toti domui seu familiæ imperet. atque hunc rectorem esse & dici Regem, si semper imperet, nunquam pareat: ciuilem vero seu Politicum, si vicissim imperet & pareat: eundem esse patrem familiās, si multis; dominum vero, si paucis domi imperet, quemadmodum idem dici potest, qui paruam & magnam nauim gubernat. Hac ratione fretus Plato existimauit, hos rectores non differre specie, sed numero duntaxat: eaq; re vnam hanc eandemq; eius rectoris artem & scientiam septem nominibus appellare solet; Politicam, Regiam, Tyrannicam, Oeconomicam, herilem prudentiam & iustitiam, in Erastis in fine, & in Politico.

Verum Aristoteles hanc eius sententiam falsam hic

esse ait, & *infra cap. 4.* erudite refellit.

T E X-

T E X T V S.

Quemadmodum .n. in aliis rem compositā ad simplices vsq; partes diuidere oportet (ex namq; totius sunt minimæ) ita & ciuitatem, ex quibus componatur, videntes considerabimus, atque adeo de his magis quid inter se differant, & si qua ratione & via singula, de quibus dictum est, tractari possint. Itaque si ab initio res orientes quis consideret: vt in aliis, ita & in his optime is considerarit.

C O M M E N T A R I I.

*Methodus
politica ex-
plicanda.*

Ὡσπερ γὰρ ἐν τοῖς ἄλλοις.] [Hic de methodo seu via & ratione explicandæ Politicæ. Methodum igitur & viam eius docendæ docet esse constructionem, & à minimis partibus ad totum constituendum progressionem. Quod methodi genus σύνθεσις seu constructio dici solet: quo quidem genere Aristoteles plærunque vtitur, vt in physicis ex primis partibus & causis, forma & materia, corpus naturale efficit, exemplo cæterorum opificum, qui ex minimis & indiuisis partibus, alias deinceps partes componunt, & ex his tandem totum exædificant. Ciuitatis igitur, quæ & ipsa totū quoddam est, explicandæ & cognoscendæ ratio hæc erit optima, scilicet vt à minimis eius partibus & indiuisis initium capiat. Has ciuitatis partes docet esse maritum & vxorem, Dominum & seruum; vltimas & primas humani generis societates, eas minimas & indiuisas, simplices & incompositas. Potest quidem maritus, vt homo, amplius diuidi, vt maritus non item, seu ratione coniunctionis vxoriæ. Τεχνικόν.] Obseruetur elegans phrasis τεχνικόν τι λαβεῖν, quod valet, via & ratione seu arte, vt interdum loquitur Cicero: Arte aliquid explicare.

T E X T V S.

Necesse igitur primum coniungi eos, quorum alter sine altero esse nequeat, vt foeminam quidem & marem procreandi causa, idq; non consilio seu voluntate, sed vt in aliis animantibus & stirpi-

stirpibus naturale est; cupere sui simile alterum relinquere; quod imperat vero & quod paret natura salutis causa. Nam quod mente prouidere potest, natura imperat & dominatur natura; quod potest autem corpore hæc facere, paret & natura est seruum. Quare Domino & seruo idem conducit.

C O M M E N T A R I I.

Ἀνάγκη.] Hic demum accedit ad explicandam politicam: cuius partes hic primum inuestigat. Ait igitur, primas coniunctiones & societates esse has duas, vxoriam & herilem, hac ratione: quia harum societatum principes, illius quidē maritus & vxor, huius Dominus & seruus, alter absq; altero esse nequeat. Nam de vxoria quidem, non posse consistere humanum genus absq; hac societate perspicuum est, vt quæ sit fundamentum & principium generis humani. De herili; & absque hac quoque societatem humanam nullam esse posse, perspicuum est ex eo: quod nati sint alendi & conseruandi: quam ad rem herilis societas conducit. Nam vt vxoria est procreandi causa: ita hæc tuendi. Formula sit ista: Qui, alter sine altero, esse nequeunt, eorū primæ sunt coniunctiones, primæ societates. At mas abque fœmina, Dominus absque seruo & contra esse nequeunt. Ergo horum primæ sunt coniunctiones, primæ societates. Propositionis ratio: Quia quæ necessaria, ea fere solent esse prima: quæ ad ornatum seu *ἐκ δέκαστας*, postea accedunt. Sic cibus & vestis statim sunt quæsitæ, delitiæ & ornamenta posterius. Sic Magistratus ciuitatum necessarii prius, ad ornatum vero pertinentes posterius creantur, inquit Aristot. *infra lib. 6. ca. ult.* Assumptionis bimebris ratio iam dicta est: de mare quidem & fœmina procreatio: de Domino & seruo tuitio & vsus. Hæc igitur est ratio cur hæ duæ coniunctiones sint primæ. De mare & fœmina, cur horum societas sit prior, quam Ciuium, altera quoque redditur ratio ab Aristotele *lib. 8. Ethic.* quia homo ad rem vxoriam natura sit procliuior & citius decurrat, quam ad ciuitatem; est *συνδυαστὴν μᾶλλον ἢ πολιτικόν*. Hoc igitur primum, duas has societates esse primas.

B

Quod

Quod & Cicero *lib. 1. Offic.* ubi de societatum gradibus viri & uxoris primam societatem, proximam ait esse liberorum.

Has duas societates à natura esse. Alterum, easdem natura coiri & constare. de maris quidem & foeminae docet duabus rationibus. Altera exemplo ceterarum animantium atq; adeo stirpium. Nam ut eleganter

1. Ratio. *Cic. lib. 1. Offic. §. 4. de fin.* commune omnium animantium est procreationis appetitus. Stirpes quoque & arbores etsi vere in his mas & foemina non reperitur, nisi similitudine quadam: inest tamen desiderium procreationis & propagationis. Itaque si hæc societas etiam à beluis expetitur; ergo est naturalis; ergo non consilio aut pacto, sed natura coalescit & constat. Altera ratio subinducitur his verbis, *οἷον αὐτῶν, τοῖς τε, &c.* quia procreatio utilis est ad sui conservationem

& quasi immortalitatem. Quid ita? Nam qui filium, sui tanquam imaginem & alterum ipsum; relinquit; ipse quasi superesse semper videtur. Quare si procreatio servit ad se quasi conservandum immortalem, merito dicenda est natura expeti, ut quæ natura sui maxime sit conservatrix. Domini vero & servi coniunctio cur sit natura, hæc est ratio; quia & hæc ad ipsorum salutem & conservationem pertinet, dum alter alteri opitulatur iis adiumentis quibus à natura est præditus; Dominus ingenio & solertia; servus viribus corporis. Nam Dominum natura imperare, quia ingenio & consilio præstet; servum parere, quia corpore tantum, & hic commemoratur & infra explicabitur late *cap. 3. §. 4.* Tertium est de fine & scopo harum coniunctionum: & maris quidem & foeminae esse procreationem. Sunt & alii fines matrimonii, sed hic maxime est naturalis, ut beluis communis, maxime necessarius & primus. Domini vero & servi finem esse ait salutem. Nam Dominus mente quidem & ingenio excellens, sed corpore infirmior eget administro, ut contra servus ingenio tardus & imprudens, quia per se sibi consulere nequeat, Domino velut consiliario opus habet. atq; ita mutuo adiumento hi duo se suamq; vitam tuentur & eodem spectant, nimirum ad conservationem & salutem. Et hoc est, quod ait, Domino & servo idem expedire quod & infra iteratur, *lib.*

Finis & scopus matrimonii.

Potestatis periculi.

3. cap. 4. id est: utrumque sua naturæ donâ ad salutem utriusque conferre.

T E X T V S.

Atque natura distincta sunt fœmina & seruus. Nil enim natura efficit tale, quale fabri ferrarii Delphicum gladium ex inopia, sed vnū ad vnum. Sic enim optime perficiantur singula organa; nō pluribus operib. sed vni deservientia. In barbaris autem fœmina & seruus eodem est loco: causa, quia quod natura imperet, non habeant, sed sit eorum societas ancillæ & serui. Quare aiunt poetæ barbaris Græcos imperare par esse, tanquam idem sit natura barbarum & seruum.

C O M M E N T A R I I.

Φύσις μὲν ἔστω.] Comparat hoc loco duas priores societates inter se, easque natura distinctas esse docet, siue, vt ipse loquitur, fœminam à seruo natura esse distinctā; eaque propter barbaros naturæ aduersari, apud quos eodem in loco & ordine censeantur fœmina & seruus. Docet igitur hos natura distinctos hac ratione; quia natura vnum cuique opus & munus tribuit, vnaquaque re ad vnum duntaxat vsum non ad multos vtitur. Formula: Si natura rebus ad vnum duntaxat vsum vtitur, ad plures abutitur. Ergo & fœminæ vnus erit vsum, non duo; alter muliebris, alter seruilis. Dictum autem supra fœminæ munus esse procreationem: serui, ministerium. Antecedens explicatur hic dissimili quodam à fabris ferrariis sumpto. Nam hos propter ferri inopiam efficere quædam ferramenta seu organa multis vsum accommodata: cuius generis erat gladius delphicus, de quo *Erasmus in proverbiis: & obeliscolychnium*, de quo *infr. lib. 4. & lib. 4. c. 6 de part. animant.* Sic hodie eius generis multa confici solent, vt vnum idemq; organum sit, & cultellus & stylus. Alia est naturæ ratio, quæ, vt hoc loco *& eo libr. 4. de part. animant.* singulis organis vnos tantū vsum & officia attribuit: propterea quod quæ ad vnum tantum vsum destinantur, melius munere suo funguntur, quam quæ ad multos. At naturæ proprium est, omnia quam perfectissime agere. Ratio connexi per se est perspicua. Natura igitur fœ-

*Vxoriam &
Herilem po
testatem di
uersas esse*

Ratio.

*Gladius del
phicus.*

mina à seruo distinguitur: nam aliud est sceminæ munus, aliud serui.

*Barbarorum
reprehensio.*

Ἐν τῷ τοῖς βαρβάρους.] Nunc barbaros reprehendit, qui naturæ repugnantes sceminam & seruum eodem loco habeant, vxoribus ancillarum loco vtantur ad seruilia ministeria: adeo vt eorum societas vxoria seu matrimonium non tam sit matrimonium quam contubernium, vt loquuntur Iurisperiti, id est, serui & ancillæ coniunctio: nam barbaros etiam omnes natura esse seruos videri: atq; ita non tantum vxor ancillæ loco habita, sed maritus quoq; natura sit seruus, vtpote barbarus: nam barbarum & seruum idem valere: cuius rei rationes infra afferet *cap. 3.* hic tantum confirmat authoritate Eurip. ex Iphigen. in Aulid. extrema, vbi Iphigenia pro cursu nauium felice breui mactanda, matri Clytemnestræ, βαρβάρων δὲ ἑταίρας, &c. Barbaris imperare Graios par, inquit, mater, non Barbaros Graiis: illi namque serui, hi liberi. Quo pertinet Aristotelis consilium, quod Alexandro eum dedisse scribit Plutar. in libello de Alexandri fortuna priore, vt Græcis tanquam princeps, Barbaris tanquam Dominus imperaret. Obseruandus igitur hic locus vt aureus de vxorum numero & officio, & de mariti in vxorem imperio. de quo tamen imperio infra potius *cap. vii.* & iam dictum copiose *supr. lib. 8. Ethic. cap. 10.*

T E X T V S.

Ex his igitur duabus societatibus domus primo: & recte Hesiodus ait:

Sit domus inprimis, vxorque, & taurus arator.

Bos namque tenuibus serui est loco. Societas igitur illa quidem quæ omnium dierum est natura constituta, est domus. quos Charondas quidem vocat homosipyos seu pœnus socios; Epimenides vero Cres, homocapnos seu fumi socios.

C O M M E N T A R I I.

*1. Societas
iuncta, do-
mus.*

Ἐκ μὲν τῶν πρώτων.] Quæ adhuc de partibus prioribus & societatibus vxoria & herili: ea nunc propius ad rem accommodat. Adhuc de duabus simplicibus primis societatibus est explicatum: nunc de tribus iunctis, quarum prima est domus,

mus, altera vicinitas, tertia ciuitas. primam igitur iunctam societatem ex duabus prioribus conflata esse domum confirmat autoritate Hesiodi, qui *libr. 2. ἔργων, &c. οἶκον μὲν πατρὶος*, primam parandam esse domum, monet, quæ domus habeat & mulierem & bonem loco serui. Hesiodus quidem eo loco monet, parandam esse domum, mulierem & bonem, non tantum matrimonio iunctam mulierem, sed precio coemptam, quæ bouis curam gerat, & * etiam a- * *cum.* Nam post hunc versum sequitur continuo: *κητὴν ἔχουσαν ἑταίρην, ἥτις καὶ βοῶν ἐπιτοί.* quare verbum *γυναικα* non de vxore, vt fecit Aristoteles, sed de ancilla accipi debet. Proclus certe interpret Hesiodi affert ex Timæo, Aristotelem huius Hesiodi versus autoritate adductum non ex iusta vxore, sed ex pellice seu concubina Erisipyle filium Telemachum procreasse: quasi Aristoteles hunc versum accepit neque de ancilla, neq; de vxore, sed media quadam muliere, id est, pellice, quæ & vxoris & ancillæ munus gerat. Verum simplicior Hesiod. versus explanatio est ea quam attuli, parandam primum domum habitandi causa (& hoc domus verbum Aristotel. non recte accepit pro familia, cum intelligendum sit ædificium) mulierem & bonem.

Ἡ μὲν οὖν ἐν εἰς πάντων.] Definitio est familiæ seu domus. Nā *Definitio domus.* domus est in omnes vitæ dies natura constituta societas. Cur in omnes vitæ dies adiungat, hæc est ratio; quod & vicinitas & ciuitas societates sint natura constitutæ, non tamen ad vsum vitæ cotidianum, vt domus. Nam à vicino aut ciue non cotidie & singulis horis, sed cum opus est, demum petimus aliquid. Hac igitur clausula domus à vicinitate differt: differt & ab aliis rebus; nam domus est pars vicinitatis & ciuitatis.

Ὅς χαράδους.] Videtur confirmare clausulam priorem autoritate Charondæ legum scriptoris, de quo *lib. 2. & Epimenidis* quo Solon Atheniensis in legibus scribendis ministro vsus dicitur. Nam Charondas iuncto vocabulo *ὁμοσπίπυς*, quasi eadem arca panaria, quam Græci *σπίλιν* vocant, teste Polluce, vtentes, vocat domesticos, quasi conuictores; & Epimenides *ὁμοκήπυς*, quasi eodem foco & igne vtentes. Sic enim hic scribendum, testibus libris veteribus: nam quidā libri formis excusi habent *ὁμοκήπυς*. quod ipsum quoq; bonum videtur. quasi *ὁμοκήπυς* Dorice, i. eiusdē hor- *ὁμοκήπυς.*

ti & septi participes. Breuiter vterque ille his verbis domesticos semper vna viuere significauit, quod ad priorem illam clausulam pertinet.

*Societas
iuncta, vi-
cinitas.*

Η' δ' ἐν πλεονάων.] Adhuc de domo: nunc de vicinitate: cuius definitionem affert primum hanc, esse eam primam ex domibus conflatam societatem, non cotidiani vsus causa: de posteriore definitionis clausula supra dictum. Priore distinguitur à ciuitate, quæ & ipsa ex domibus constat, non tamen prima.

TEXTVS.

Quæ autem ex pluribus domibus societas prima, vsus non cotidiani causa, vicinitas. Maxime autem natura videtur vicinitas, colonia domus esse. quos vocant quidam collactaneos, liberosq;, & liberorum liberos.

COMMENTARI.

*Vicinitas
natura est.*

Μάλιστα δὲ κατὰ φύσιν.] Alterum de vicinitate: eam esse natura docet hac ratione: quia domus sit velut colonia & ex domibus velut procreata. Formula: Si domus est natura, ergo & vicinitas. Ratio connexi: quia domus colonia & conflatio est vicinitas: totum namque sequitur naturam partium, iunctum simplicium: qua eadem ratione paulo infra docet, ciuitatem talem esse natura, quia sit & ipsa ex domibus conflata societas seu domuū colonia. quam elegantem translationem & Cic. ex hoc loco imitatus videtur *lib. 1. Offi.* nam cū sit hoc natura commune omnium animantium, vt habeant libidinē procreandi: prima societas in ipso coniugio est, proxima in liberis; deinde vna domus, cūmunia omnia. Id a. est principium vrbs & quasi seminarium Reip. sequuntur coniunctiones; post consobrinorum sobrinorumque: qui cum vna domo capi iam non possunt, in alias domos tanquam colonias exeunt. Sequuntur connubia & affinitates, ex quibus etiam plures propinqui: quæ propagatio & soboles est origo Rerump. Euripides tamen primus hac translatione vsus videtur in Oreste, vbi filias quæ nuptum collocantur dicit ἀποικίζεσθαι, quasi ex paterna domo matrimonio separantur, & in alteram transcant, tanquam in coloniam.

Οὐδ' ἔτι, λαοὶ αἰπυεῖς.] Videtur & hoc pertinere ad docendam
vicinitatis cum domo cognationem, & ex domo velut colo-
niam. Nam homines eiusdem vicinitatis partim vocari col-
laetaneos, partim liberos. & liberorum liberos. Prius voca-
bulum cuius sit, nondū reperi: posterius est *Hom. Odys.* ↓. vbi
de Æneæ posteritate, de qua *Virg. imitatus Hom. lib. 1.*

Et nati natorum, & qui nascentur ab illis.

Cicero reddidit consobrinorum sobrinorumque & fratrum
coniunctiones.

TEXTVS.

Quare & primum in Regum imperio erant ci-
uitates, & nunc etiam gentes : Ex iis namque qui
in Regum imperio essent, conueniebant. Omnis
enim domus Regio imperio administratur ab eo
qui ætate antecellit : quare & coloniæ propter co-
gnationem. Et hoc est quod ait *Hom.* Natis dat &
coniugibus leges quisque. Sic enim & olim dis-
persi habitabant. Atque Deos propterea omnes
aiunt in Regio imperio esse, quia sint & ipsi par-
tim etiam nunc, partim vero olim. vt autem spe-
cies sibi accommodant homines: ita & vitas Deo-
rum.

COMMENTARI.

Διὸ καὶ] Occurrit sæpe hæc ἀντίθεσις ciuitatum & gentiū.
Sic & Iurisconsulti Ius ciuile & gentium distinguunt. Vna
erat Græcorum gens, innumerabiles ciuitates. Ait igitur ci-
uitates olim sub Regio Imperio fuisse, quæ Aristotelis ætate
fere erant sub imperio vel populi vel paucorum : Gentes. a.
sua quoq; ætate multas etiam tunc sub Regio imperio fuisse,
vt Scythas, Persas, &c. Primū igitur Imperii genus Regnum
fuisse docet duabus potissimum rationibus & argumentis.
Prius est : quia imperia seu ciuiles societates ex domesticis
sunt ortæ : iam domesticæ Regio velut imperio tenentur. Pa-
terfamilias namque velut Rex est familiæ; & sæpe solet do-
mesticum imperium regno comparari, supra *lib. 8. cap. 10.*
Probabile est igitur, homines qui in familia vni paruissent,

Primū ge-
nus imperij
Regnum.
1. Ratio.

etiam in maiore societate ciuili facile vnus imperio se subieciſſe. Formula: Si domesticum imperium eſt vnus; ergo & ciuile primum, vtpote domestici colonia & cognatum, fuit vnus, id eſt, Regnum.

Καὶ τῶν ἐστὶν, ὃ λέγει.] *Homeri ex Odyſſ. de Cyclopibus,* quos ait nulla inter ſe communitate aut ciuitate vti, ſed ſuis quemque liberis & vxoribus imperare, diſperſos, inquam, & ſine ciuitate. Eius igitur hic verſiculus eo pertinere videtur, vt doceat Ariſtoteles, domesticum imperium eſſe velut Regnum.

*Epicurus id
fortuito fa-
ctum dixit
teſte Lucre.
lib. 5.*

2. Ratio.

Σποράδες γάρ] Cyclopuum more veteres mortales habitaſſe ait, quos politicus, teſte *Scanola Iuriſconſulto, & Cic. pro Sextio*, Orator, vt vult *Cic. Poëta*, vt vult *Horat. in arte Poët.* in ciuilem ſocietatem ſeu ciuitatem adduxerit.

Καὶ τὰς θεάς.] Alterum videtur argumentum à Deorum vita ſumptum, id eſt, à ſimili, vt prius à partibus ad totum. Diſ igitur quia ſub imperio ſunt Regum; ergo & homines partim etiam nunc, partim antiquitus fuerunt. Ratio con- nexi hæc eſt; quia vt ſpecie & figura: ita & vita ſeu vitæ gene- re ſimiles ſe Diis eſſe putant homines. Quod de figura, pu- tant homines ſibi cum Diis eſſe eandem, & *Cic.* commemo- rat, *lib. 2. de Nat. Deorum*: quid igitur mirum, ſi hoc eodem modo homini præſcripſit natura, vt nil pulcrius quam ho- minem putaret, eamque eſſe cauſam, cur Deos hominum ſimiles putaremus. De vita & actione: hæc quoq; in re Deos hominibus ſimiles putari dictum eſt & ſupra *lib. 10. Ethic. ca. pen.* Hac igitur ratione, quia inquam ſub Regio Imperio ho- mines ſe antiquitus fuiſſe cenſeant, etiam Dus id imperii ge- nus tribuunt. Et contra quia Deorum antiquiſſima eſt & vi- ta & imperium Regium: merito & hoc colligitur, antiquiſſi- mum hominum imperium fuiſſe Regium.

C A P V T I I.

Hic de ciuitate, eam ex prioribus partibus conſtitui, eam, vt & hominem eſſe natura politicum: ciuitatem non pacto aut inſtituto, ſed natura coaleſcere: Eſſe eam ſin- gulis hominibus & domo priorem: eius conſtitutionem eſſe rem præclariffimam: Iuſtitiam denique eſſe virtu- tem politicam.

TEX-

T E X T V S.

Quæ autem ex pluribus vicinitatibus commu- 3. Societas
iuncta, ci-
uitas.
nitas aut societas perfecta, ciuitas: quæ iam sum-
mum omnis fere eius quod satis habeat: quæ fiat
quidem viuendi causa: sit autem bene viuendi.

C O M M E N T A R I I.

H' δ' ἐκ πλεονόντων.] Postquam exposuit ciuitatis partes: Ciuitatis
definitio.
hic tandem de ipsa ciuitate. Primum velut eam definiens,
esse ait perfectam multarum vicinitatum communitatē, in
qua omne id quod satis, perfectissime insit, quæ oriatur qui-
dem & constituatur viuendi causa, constituta permaneat
bene viuendi causa. Quarum trium partium prima signifi-
cantur partes, ex quibus constet ciuitas, nimirum vicinita-
tes. Merito autem eam vocat perfectam societatem, quod
priorum omnium societatum sit finis, vt mox dicetur. Altera
definitionis pars, *de eo quod satis* (Græci αὐτάρκης vocant) αὐτάρκης.
explicabitur infra lib. 7. vbi docet Aristoteles ad ciuitatum
constitutionem mediocrem rerum omnium ad vitam ne-
cessariarum copiam suppeditare debere. Neque enim mul-
tarum vicinitatum coniunctio continuo est ciuitas. Nam id
quod satis in primis est necessarium. Tertia particula hoc
vult, ciuitatum quidem primum ortum esse ex indigentia:
nam ad vsus vitæ necessarios, vt habeat, quod ab altero quis
perat, conueniunt in ciuitatem homines: qua de re in *Prole-
gomenis* & lib. 5. *Eth.* & Plato lib. 2. *Polit.* ibi: Γίγνεται πόλις,
ὡς ἐγ' ὧμα, ἐπεὶ δὴ τυγχάνει ἡμῶν ἐκείτος οὐκ αὐτάρκης,
ἀλλὰ πολλῶν ἐνδεής, &c. Ortus igitur primus est indigentia.
Sed scopus & finis ciuitatis non est, vt viuatur duntaxat, sed
etiam vt bene & liberaliter, seu vt bene beateque viuatur: fi-
nis, inquam, omnium ciuitatum est beatitudo, infra lib. 7. &
supra lib. 1. *Eth.* ὡς ἔπος μὲν εἰπεῖν.] phrasis est veteribus, Po-
lybio, Plutarcho, maxime Platoni, vsitata tanquam prouer- 'Ὡς ἔπος
εἰπεῖν.
bialis, de qua, quemadmodum latine dicatur, & quid valeat,
non prorsus constat. Græci Scholiastæ & Grammatici idem
valere aiunt quod Latine dicimus, vt uno verbo dicam. Hoc
obseruauimus, veteres hac phrasi vti de vniuerso genere siue
quid aientes siue negātes: vt omnes homines, ὡς ἔπος εἰπεῖν,
vel contra nulli homines ad ciuilem societatem sunt propensi.

**Humanū*. Nihil, ὡς ἐπὶ εἰπεῖν, * manu factum est æternum. Seruit igitur hæc phrasis vniuersis vel affirmationibus vel negationibus, cui latine respondere videtur fere vel propemodum; nimirum cum vniuersè quid affirmamus vel negamus, non tamen plane certe & definite, sed populariter. Hæc re & apud Platonem interdum hæc phrasis, seu ὡς ἐπὶ εἰπεῖν, tanquam contrarium, opponitur τῷ ἀκριβεῖ. Alii vero reddunt, *ut ita dicam*: melius, *ut summam dicam*, *ut uno verbo dicam*, *uno verbo*.

Γινώσκοντες ἔν.] Obseruanda est hic & vsitata αὐτῷ θεῷ verborum γινώσκοντες & εἶναι: facile, inquit *Plato*, est esse virum bonum, fieri difficilimum. Sic & ciuitas fit ad necessitatem vitæ, est beatæ vitæ causa.

T E X T V S.

Itaq; ciuitas omnis natura est: siquidem & primæ societates. Finis namque hæc illarum, natura autem est finis. Quale enim quidque est ortu perfecto, talem dicimus naturam esse cuiusque, vt hominis, equi, domus. Præterea id, cuius causa & finis, optimum. Id quod satis autem, finis & optimum.

C O M M E N T A R I I.

*De origine
ciuitatis.*

Διὸ πάντοι πόλεις.] Nunc de ciuitatis causa & origine. Monuit paulo ante, & explicauimus *supra lib 5 Ethic.* ciuitatis causam esse indigentiam: homines namq; in ciuitatem conuenisse, vt ad vsus vitæ necessarios quod per se quisque habere non posset, à socio & ciui peteret &sumeret. Verum hic ciuitatum ortus, quod *Cicero* de amicitia dixit in *Lælio*, minime generosus videtur. Quare vt ibi *Cicero* de amicitia, ita & hic *Aristoteles* de ciuitate, eius ortum esse à natura, hoc est, non tam explendæ indigentię aut inopię causa (quam tñ adiuuantem dicere possumus) quam natura duce seu diuina providentia homines in ciuitates conuenisse. Quæ *Aristotelis* disputatio bifariam secari potest: nam prius de tota Ciuitate, postea de singulis ciuitatis partibus, id est, homine: illam quidem natura constare: hunc animal quoq; esse natura ciuile. De ciuitate, cur in rebus, quarum ortus est natura, sit nume-

numeranda, docet duabus rationibus, quarum prior *supra 1. Ratio.*
cap. 1. in fine allata, & hic tantum subindicatur his verbis;
ἐπεὶ καὶ αἱ πόλεις, ista: quia societates primæ ex quibus tan-
 quam partibus ciuitas constat, sint natura: Ciuitas est velut
 colonia familiarum & vicinitatum. propter hanc igitur affi-
 nitatem & cognationem merito omnium societatum eadem
 censeri debet origo. Altera ratio nō vt prior etiam ceterarum *2. Ratio.*
 societatum communis, sed propria ciuitatis, hæc est; *τέλῳ
 ὅτι αὐτὴ ἐκείνων*. Quia ciuitas seu ciuilis societas primarum
 societatum, domus & vicinitatis, est finis atque perfectio.
 Formula: Si ciuitas est finis: igitur est natura. Connexi ra-
 tio explicatur ab Aristotele his verbis: *ἡ δὲ φύσις τέλῳ ἐστὶ*.
 ratio, inquam, physica plane: quæ vt intelligatur: sciendum
 est, in rebus phylis finem seu perfectionem, *τέλῳ*, for-
 mam & naturam prorsus idem valere. Nam res oriētes cum
 crescere desierint, ortus inquam desierit, merito perfectæ
 sunt & habentur, ante non item. perfecto igitur ortu & de-
 sinente, res demum sunt perfectæ, & suam formam adeptæ,
 atque adeo natura quoq; earum tum demum perfecta vide-
 tur: vt homo quamdiu crescit, puer (verbi gratia) quia ortus
 nondum est perfectus, nondum desit: propterea puer non
 perfectus, sed inchoatus homo dici solet: vir demum factus
 quia crescere desit, iam perfectus est homo. & hæc perfe-
 ctio vera est hominis natura & forma. Eadem est & aliarum
 rerum physicarum, animantium, herbarum, & manufacta-
 rum rerum, vt domus, nauis, &c. ratio, nimirum eas, dum
 * etiam conficiuntur, necdum sunt perfectæ, nondum na- * *Etiā nū.*
 turam suam aut formam habere. Nam, vt eleganter *Aristo-
 teles in libello de ingressu animantium*, vt quidque optime se
 habet, ita maxime se habet secundum naturam. Natura igi-
 tur est proprie rerum perfectarum optimeq; se habentium,
 suaque forma perfecta iam præditarum, quarumque ortus
 ad finem & exitum sit perductus: nō vero earum rerum quæ
 adhuc augescunt, neque formam suam habent. Itaq; natu-
 ra, forma, & finis ortus concurrunt. Merito igitur Aristoteles
 naturam ait esse finem & perfectionem. Nos vero conuersa
 ratione finem dicimus naturam. Atque ita vera est connexi
 ratio: quia finis est natura: seu conuerse, quia natura est fi-
 nis. Antecedens, quo dicimus, ciuitatem esse finem, & per-
 fectionem reliquatum societatum, est in his verbis; *ἐπὶ τὸ ἔ
 ἔνδεκα*

ἵτις. Neq; enim noua hic affectur ratio, vt quidam putant; sed prioris rationis confirmatio, hæc: quia in ciuitate est id, quod satis, seu *αὐτάρκεια*. Formula: Si ciuitas est finis: ergo est optimum quiddam. nam hoc finis est proprium, *supra lib. i. Ethic.* At verum hoc: Ergo & illud. Consequens, i. ciuitatem esse optimum quiddam, confirmatur his verbis; *ἢ δὲ αὐτάρκεια*, hac ratione; quia in ciuitate est id quod satis, id est, quia ciuitas est societas omnibus rebus ad bene beateq; viuendum necessariis optime instructa. Nam *supra initio huius cap.* monuit, id quod satis necessarium esse ciuitati. Iam vero id quod satis, seu rerum ad vitæ vsus necessariarum copiam liberalem esse optimum quiddam & perfectum tanquam finem, omnibus est perspicuum. hoc enim aiunt omnes.

T E X T V S.

Ex his igitur perspicuum, ciuitatem esse natura, hominemq; esse animal natura ciuile. Atque à ciuitate alienus natura & non fortuna, aut improbus est, aut maior homine. vt & ab Homero notatus, tribus, legum & domus expers. nam naturalis simul & belli cupidus tanquam iugi expers, vt in auibus.

C O M M E N T A R I I.

Homo natura ad ciuilem societatem propensus est. *Ἐκ τούτων.*] Exposito de ciuitate, esse eam ex earum natura, quæ natura consistunt, non utilitate tantum vel instituto aut pacto: nunc hoc amplius, singulos homines natura propensos ad ciuilem societatem esse docet duabus rationibus; altera ex repugnantibus, altera ex proprietate hominis sumpta. Quæ disputatio de homine ad priorem de ciuitate accommodari quoq; potest, ita vt hinc tertia ratio peti possit, cur ciuitas natura consistat: nimirum quia homo animal est natura ciuile; à partibus ad totum. De hac re & disputatione exstant & præclari loci apud *Cic. lib. i. Offic. extremo.* & in *Lelio*, vbi de Timone.

1. Ratio.

Καὶ ὁ ἀπολις ἀπὸ φύσιν.] Prior hæc est ratio à repugnantibus, cur homo animal sit ciuile natura: nam inciuilis, vt ita dicam, seu à ciuili & hominum societate abhorrens natura,

natura, is vel est improbus, id est, non re sed nomine homo, i. *Cuius. No-*
 vel infra hominem, vt belua potius, vel supra, vt heros vel *uel. 6. tales*
 Deus. Ait natura, *αὐτὴ φύσις*. nam sunt ciuitatis quidam ex- *esse ait quos*
 pertes nō natura, sed fortuna, de quibus non agitur, vt rele- *veteres A-*
 gati, deportati in insulam pœna aut supplicio, aut casu in in- *nachoretas,*
 sulam vel solitudinem forte delati, & ab hominum con- *Hesychitas,*
 gressu remoti. Hunc igitur natura ciuitatis expertem ait esse *& Eremitas nomina*
 vel Deum vel beluam. Deum quidem, vt philosophi qui- *rint.*
 dam commemorantur, qui vni contemplationi dediti non
 magnopere opus habent hominum aliorum consuetudine
 & paucis rebus ad vitam necessariis. Quanquam Cicero ne-
 minem esse ait, qui, etiam cui abunde omnia suppeditent,
 tanquam virgula diuina, in solitudine tamen viuere velit. In
 alterum immani natura & feritate præditum confert Ari-
 stoteles Homeri seu Nestoris *lib. 9. Iliad.* conuitia in belli ci-
 uilis amantem: propterea quod non possit non esse turbu-
 lentus & bellorum cupidus, qui ea sit feritate, vt ab homi-
 num coetu abhorreat, vt qui plane omnis iugi sit impatiens,
 nulli subiectus vel obediens esse possit, nulla communitate
 contineri, tanquā feræ aues nonnullæ caueæ impatientes. Si
 igitur ciuitatis expertem esse abhorret à natura hominis: er-
 go homo est natura ad ciuitatem factus, natura congrega-
 bilis.

Ἄνωτος καὶ ὁ ὑψίστος.] Homeri hunc locum expressisse videtur
 mihi *Cic. lib. 3. Philip. 13.* Nam nec priuatos focos, nec pu-
 blicas leges, nec libertatis iura cara habere, quem discordiæ,
 quem cædes ciuium, quem bellum ciuile delectat, eumque
 ex numero hominum eiciendum, ex finib. humanæ naturæ
 exterminandum puto.

Ἀπὸ τοῦ αὐτοῦ ζώου.] Variant libri: meliores tamen ha-
 bent, *ἀπὸ τοῦ αὐτοῦ ζώου, ὡς αὐτὸς ἐν πετεινοῖς.*

T E X T V S.

Cur autem ciuile sit animal homo magis, quam
 omnis apis & omne animal congregabile, perspi-
 cuum. Nihil enim, vt dicitur, frustra facit natura.
 Sermone autem vnus ex animalibus habet ho-
 mo. Itaque vox quidem molesti & iucundi est ar-
 gumen-

gumentum. Quare & aliis animantibus inest: hæc-
tenus enim earum natura progressa est, ut mole-
stum & iucundum sentiant, & hæc inter se signi-
ficent. Sermo autem ad significandum utile & in-
utile: ideoque & iustum & iniustum. Nam præ cæ-
teris animantibus hoc proprium est hominibus,
ut soli boni & mali, iusti & iniusti, & aliorum sen-
sum habeant. horum autem communitas domum
& ciuitatem constituit.

C O M M E N T A R I I.

2. Ratio.

*Infra ca. 5.
ea distribu-
it protinus
in ἀνελαια
καὶ ποροει-
διχα.*

Διότι πολιτ.] Altera & directa ratio, cur homo sit natura
ciuilis, hic affertur, atq; adeo magis ciuilis, quam vel apes,
vel vlla animalia congregabilia. Animalia omnia, inquit
Arist initio lib. 1. histor. animal partim sunt congregabilia,
ἀνελαια, partim solitaria, *μοναδικὰ*. & ex congregabilibus
partim sunt ciuilia, politica, quæ nempe in commune con-
sulant, ut apes, formicæ, grues, columbæ, &c. partim sunt
errantia *ποροειδιχα*. Ex politicis est & homo: quem quidem
Aristoteles hoc loco docet cæteris omnibus hac in re ante-
cellere: idque hac ratione à proprietate sumta: quia homo
sermonis seu orationis est particeps: quia ex omnibus ani-
mantibus vnus homo sermone utitur. Iam sermonis nullus
est vsus præterquam in communitate. Itaq; hanc formulam
concipiamus: Si homo nō est ciuile animal; ergo frustra da-
tus est ei sermo. At falsum consequens. Quid ita? quia etiam
proverbio notum (Græci eleganter dicunt *ὡς φάρμακον*) natu-
ram nil frustra facere. nil molitur natura, nisi certo propo-
sito fine. Connexi ratio: quia sermonis nullus, nisi in com-
munitate, est vsus, ut iam dictum. Quam rationem Aristot-
eles collatione vocis & sermonis beluæ & hominis pulcre
explicat. Vocem igitur ait esse signum & notam, qua cogno-
scatur iucundum & molestum: cui rei argumento esse ait,
quod etiam beluis vox sit communis, quarum naturam hæ-
cenus tantum progredi constet, ut iucundi & molesti noti-
tiam habeant, eaq; inter se voce vel blandiendo vel ciulan-
do significant, ut eleganter *Lucret. lib. 5.* vbi de sermonis ori-
gine:

Cum pecudes muta, cum deniq; secla ferarum

Diffi-

Diffimiles soleant voces variasq; ciera,

Cum metus aut dolor est, aut cum iam gaudia gliscunt.

Hunc igitur vocis esse usum, ut rerum iucundarum & contrariarum sit nota, argumento naturæ beluarum, quibus illa finibus definiatur, ostendit. Eadem tursus ratione & de sermone eiusque usu ostendit eum esse notam rerum vtilium & inutilium, damni & lucri (& proinde rerum quoque iustarum & iniustarum) hac ratione: quia hominis natura non tam angustis finibus continetur, quam beluarum. Nam has rerum tantum iucundarum & molestarum sensum habere: hominem vero hoc amplius, etiam rerum vtilium & contrariarum, iustarum & iniustarum, turpium & honestarum. Formula: Si beluæ rerum tantum iucundarum & molestarum sensum habent: ergo vox harum duntaxat rerum est nota. Et contra ex eo quod vox harum tantum rerum est nota, doceri quoque potest, beluarum naturam non longius progredi. Antecedens, quo dicimus, beluas tantum rerum iucundarum, & molestarum, non autem turpium aut honestarum, vtilium vel inutilium sensum vel notitiam habere, perspicuum est: eaq; propter olim Epicurus ad confirmandam suam de voluptate sententiam beluarum argumento maxime usus est, ut est apud *Cic. lib. 1. de Fin.* quia voluptatum & molestiarum beluæ quoque gustum habeant. Nam quod beluæ quædam etiam interdum temperantes, fortes & iustæ dicuntur: sit improprie, aut saltem comparate, non directe. Sunt enim simulacra duntaxat in beluis, non virtutes, quæ sine ratione esse nequeunt, ut explicatum *supra lib. 2. §. 6. Ethic.* Rerum quoque vtilium & inutilium discrimen ignorant beluæ. Nam tamen si & nidos construant, & cibos alios appetunt, alios aspernantur: non tamen propterea utilitatis notitiam habent: sed ea faciunt potius partim incolumitatis causa, partim quia id vel iucundum vel sit molestum. Si namque & utilitatis notitiam haberent beluæ, consequeretur eas quoque rerum iustarum & iniustarum discrimen nosse, & proinde rationis esse participes. Quid ita? quia ius & iniuria in lucro & damno versatur, ut supra explicatum *lib. 3. Ethic.* Deinde perspicuum quoque est attendenti, res utiles ab inutilibus sine quadam ratiocinatione & disputatione atque consideratione vix posse distingui. Huc pertinet, quod sensus duos, tactum & gustum, quia his res iucundæ & molestæ discer-

discernantur & cognoscantur, beluinos vocent philosophi *supra lib. 3. Ethic. in fi.* Rerum igitur tantum molestarum & iucundarum sensum & notitiam habent beluę. Ergo & vox, cuius & beluę sunt participes, harum duntaxat est nota. Nunc de sermone hæc sit formula : Si homo rerum quoque vtilium & inutilium, iustarum & iniustarum, &c. sensum & notitiam habet : ergo sermo non iniucundarum tantum rerum, sed vtilium quoque, & iustarum est nota. Antecedens est perspicuum. Nam, vt eleganter Aristoteles, hoc præ cæteris animantibus homini est præcipuum & proprium, harum rerum notitiam & sensum habere. Connexi autem ratio est eadem, quæ prioris de voce. Nam vt vox cum beluis est communis : ita sermo hominis est proprius. quare distinctus quoque vocis & sermonis vsus esse debet, cum earum animantium, in quibus insunt, natura quoque sit dissimilis, & alię animantes aliis longius progrediantur.

Ratio igitur connexi est in dissimilitudine beluarum & hominis. Ex his iam tandem perspicitur ratio summi argumenti, de quo agitur : cur, inquam, homo sit animal natura ciuile : quia solus sermonis vsum habeat. Nam ex prioribus efficitur, sermonis vsum esse in rebus ad ciuitatem pertinentibus, nimirum vtilibus & inutilibus, iustis & iniustis. quarum rerum communicatione constituitur ciuitas. Præterea diligenter notandum, quod ait Aristoteles sermonis vsum, quia cernatur in rebus vtilibus & inutilibus; ergo & in rebus iustis & iniustis cerni. cuius consequentię rationem iam diximus : quia ius & iniuria in lucro & in damno versetur : obseruandum igitur hoc diligenter. Nam hinc ratio sumi potest insignis, cur in beluis nullum sit ius vel iniuria. qua de re acriter disputant Iurisperiti & Philosophi, an in beluas cadat ius vel iniuria. In eas igitur hæc non cadere ratio hic suppeditatur ista : quia nullum lucri vel damni, nullum rerum vtilium vel inutilium sensum habeant. Est & altera ratio : quia in beluas nulla cadat ratio, qua sine nulla est iustitia : ergo nec ius, de qua ratione dictum *supra lib. 5. Eth. & Cicero lib. 1. de legib.* Obseruandum & hoc, ciuitatis copulam esse vtilitatem, id est, vt supra, indigentiam seu rerum vtilium inter se communicationem. quare & *Horatius* eleganter iusti & iniusti matrem vocat vtilitatem : & multa apud Iurisperitos

*In beluis
nullum esse
ius vel iniuriam.*

1. Ratio.

2. Ratio.

Vtilitas copula ciuitatis.

Vide D. Gi.

sultos mentio est utilitatis; propter utilitatem, inquiunt, publicam hoc vel illud est receptum: & ius, inquiunt, publicum est, quod ad utilitatem rei Romanæ pertinet: priuatum, quod ad utilitatem rei priuatæ spectat. Apud Cicero-
nem quoque est multa mentio utilitatis communis, atque populum ipsum ita definiit, cœtum multitudinis, iuris consensu & utilitatis communione sociatum, lib. 4. de Rep. teste Augustino.

TEXTVS.

Atque prior est natura ciuitas, quam vel domus vel quisque nostrum. totum enim parte prius esse necesse est. Nam sublato toto non est pes neque manus: nisi ὁμωνύμως, vt si quis dicat lapideam. hæc enim interiit. Omnia autem opere definiuntur & facultate. quare non amplius talia, nō dicenda eadem esse, sed ὁμωνύμα.

COMMENTARI.

Καὶ πρῶτον δὲ τῆς.] Exposito, ciuitatem esse natura & hominem animal esse natura politicum, id est, natura duce, & eius instinctu homines in ciuitatem conuenire: iam ostendit, ciuitatem domo & singulis hominibus esse priorem natura: quæ disputatio priori de generibus societatum primarum repugnare videtur: vbi docuimus, omnium societatum primam esse domesticam, coniunctarum; secundam vicinalem, vt ita dicam: tertiam demum politicam. Verum hæc contrarietas distinctione facile tollitur. Ratio igitur, cur ciuitas domo & singulis sit prior natura, hæc est: quia totum partibus natura est prius. Formula: Omne totum suis partibus natura est prius. Ciuitas est totum, cuius partes singuli & domus. Ergo ciuitas domo & singulis, tanquam totum suis partibus, est prior. Propositionis ratio est in his verbis ἀναγερ-
μεν γὰρ τὸ ὅλον, &c. Ratio, inquam, ista: quia id natura dicitur prius, cuius interitu alterū continuo interit, vel vt in categoriis, à quo non fit conuersio, vt si est homo, ergo animal: non cōtra, si animal, ergo homo. Animal igitur hominē est prius: quia ab animali ad hominem non fit conuersio: & vniuersē, Omne genus natura suis formis est prius: quia neque fit con-

Ciuitas natura prior est quā domus & singuli homines.

C conuersio,

uersio, & quia sublato genere, continuo tolluntur omnes species. Quæ generis & formarum, eadem & totius partiumque est ratio. Nam sublata vna parte non continuo totum interit, sed hoc perempto & partes perierunt: adeo vt ne partium quidem nomen vere corruptis partibus sit reliquum: propterea quod natura partis sit extincta propter totius interitum. Itaque perempto toto desinunt partes: nisi forte ὁμωνύμως: abscissa, verbi gratia, manus vere iam desit, esse manus: nomen tamen retinere potest, non secus atque manus lapidea vel picta: quas inter manus sola nominis, nulla rei & naturæ, est communio. Ciuitas igitur & ipsa suis partibus natura est prior, domo & singulis: adeo quidem vt ciuitatis expertes singuli, instar aliarum partium iam non sint homines singuli, sed vel beluæ vel dii. Quod igitur supra *lib. 8. cap. 12.* & initio *lib. 1. Oeconom.* & hinc primo capite dicitur, domum ciuitate esse priorem, vt partem toto, id de ortu seu origine, non de natura accipi debet. Nam vt eleganter *Aristoteles lib. 8. φυσ. ἀπο. & lib. 1. μεταφυσ.* Quod ortu est prius, id natura, id est, perfectione est posterius. Natura, vt & supra diximus ex *lib. de ingressu animantium*, est rerum optima affectio. Et vt bonus opifex semper etiam ab initio totius operis finem & perfectionem animo complectitur: ita & natura non in partibus, sed in totius perfectione consideratur. Præclare igitur & Hippodamus apud Stobæum idem quod hinc Aristoteles, ciuitatem priorem esse domo exemplo mundi & hominis docet. Nam si non, inquit, mundus erit, non erit stella, non sol: vt neque oculus, neque pes, si animal interit.

Πάντα δὲ τῷ ἔργῳ ὁρίζεται.] His verbis continetur ratio, cur partes à toto separatæ non re, sed nomine duntaxat partes sint & dicantur: nimirum quia, inquit, omnia opere & facultate definiantur (quod idem ait *Aristoteles lib. 4. μετεωρολογικῶν*) id est, rerum omnium & corporum partiumque vis & natura officio seu actione, seu opere & munere: ἔργον seu ἐνεργεία & potestate, id est, quia opus & munus suū res quæque facere possit, cernitur: hoc est, vno verbo, rerum natura in ἐνεργείᾳ & officio earum est posita, vt vis oculi in cernendo, manus in contrectando, pedis in ambulando: quæ ἐνεργεία aut potestate saltem partes hæc orbatæ, iam non sunt amplius partes.

T E X T V S.

Itaque ciuitas quidem & natura, & quam quisque, priorem esse, perspicuum. Nam si quisque non satis instructus sit separatus, similiter habebit aliis partibus ad totum: qui vero communicare nequeat, aut quia non opus illi sit, propter id quod satis, nulla est ciuitatis pars. quare vel belua, vel Deus.

COM M E N T A R I I.

Ὅτι μὴ ἔν ἡ πόλις.] Hæc supra iam sunt explicata: quibus docuimus eandem esse rationem singulorum hominum ad ciuitatem, quam aliarum partium ad totum: hanc nimirum, ut, quemadmodum partes aliæ à toto separatæ, partes reuera esse desinunt: ita & singuli homines, qui per se non satis sint instructi rebus ad vitam necessariis: separati à societate ciuili consistere nequeant. Quod si qui reperiantur homines, qui absque tamen hac politica societate viuere possint: vel propter immanitatem fugientes hominum consuetudinem, vel quia omnia large illis suppeditent absque aliorum auxilio hominum: hi iam vel sunt beluæ, ut Timon, de quo *Cic. in Lelio*, vel Dii, ut aliquandiu Elias & Ioannes Baptista, & antiqui Monachi quidam, & Philosophi; non homines existimari debent, quia hominem exuerint, inquit Cicero.

T E X T V S.

Natura igitur appetitio quidem ad talem societatem est in omnibus: qui autem primus constituit, magnorum bonorum author. Ut enim ex animantibus homo & perfectus est optimus: ita lege & iudicio remotus omnium deterrimus. Nam iniustitia armis instructa maxime est malefica: homo autem cum armis na-

feitur, prudentia & virtute: quibus in contrariam partem vti maxime licet. Quare impurissimus & immanissimus est absque virtute, & in Venere ciboque nequissimus. Iustitia autem ciuilis. nam iudicium ciuilis societatis descriptio est: Iudicium autem iuris diiudicatio.

C O M M E N T A R I I.

O' δὲ ἀγενέστερος οὐς ἄνθρωπος.] His verbis perobscuris multa preclara continentur de autore societatis humanæ seu ciuitatis. De vtilitatibus seu vsu constitutionis ciuitatum. De homine: cum ex omnibus animantibus, si sit improbus, vnum omnium esse deterrimum. De virtutibus; posse quem iis in contrarias res vti. De iustitia denique; esse eam virtutem politicam. De primo ciuitatum autore nil Aristoteles, præter quod supra disputauit, natura ad ciuitates propensos esse homines. Oratores, vt supra diximus, hanc sibi laudem arrogarunt, & primum autorem ciuitatis dicunt oratorem.

I.

Auctor.

Pausan. Co
rinth. Pho-
roneo.

II.

Vtilitas.

III.

Homo im-
probus o-
mnium a-
nimantium
deterrimus.

Cic. lib. 1. de Orat. & in Sextiana. Iurisconsulti & Politici se autores dicunt, Cic. iis locis, & Poëtæ id sibi arrogant, teste Horat. in arte Poëtica, in fin. vbi id tribuit Orpheo. Melius Cic. lib. 3. Offic. Deo hanc laudem tribuit. Quam autem ciuitatum constitutio humano generi sit fructuosa: hîc docet Aristoteles à repugnantibus, & ab hominis natura à ciuitate remoti: cuius argumenti hæc sit formula: Ciuitatis expertus homo animal est vnum omnium deterrimum. Ergo ciuitatum constitutio res est optima & hominibus seu humanæ societati fructuosissima. Quasi diceret: si ciuitatum interitus & euersio, & vt quidam iuris interpretes loquuntur, nullitas est perniciosissima: ergo earum status est maxime salutaris. Ratio connexi ex repugnantibus est perspicua. Omnis igitur labor Aristoteli est in explicando antecedente: quo diximus hominem ciuitatis expertem & ex legem animal esse vnum omnium perniciosissimum. Qui locus pulcerrimus supra quoque à nobis est explicatus, lib. 7. Eth. c. 6. in fin. hominem improbum à iure & iustitia remotum omnibus be-
luis etiam nocentissimis peste & perniciæ antecellere. Ratio-
nem eo loco attulit Aristoteles hanc: quia in homine insit
nocendi

nocendi principium, id est, ratio, in beluis non item. Arma ait esse prudentiam & virtutem, siue, vt in *Eth.* ait, rationem & ingenii solertiam. Nam prudentia & virtute in contrarias partes, id est, tam in bonam, quam in malam vti possumus: quod tamen in controuersiam vocari potest, an, inquam, virtute male quis vti possit; quod hîc ait Aristoteles, negat *lib. 1. Rhet. in princ. & lib. 2. Mag. Moral. vbi, vt & initio lib. 4. Eth.* ait posse nos male vti bonis corporis & fortunæ, diuitiis, forma, robore, opibus, virtute non item: adeo quidem, vti Stoici, teste *Plut. in lib. de contrarietat. Stoicorum*, hac maxime ratione adducti existimarint, bona corporis & fortunæ non esse in bonorum numero habenda: quia bono male nemo vti possit. *Cic. quoque in partit. idem ait de virtute.* Respondendum est, virtutis & prudentiæ nomen dupliciter accipi, proprie & improprie, quod explicatur supra *lib. 2. & 6. Ethic. in fin.* Proprie virtus seu vera virtus est, cum ratione & longo vsu comparatur. Impropria virtus est naturalis quedam propensio, qua alii ad hanc vel illam virtutem dicuntur nati, quas naturales virtutes vocamus, supra *lib. 6. Eth. in fin.* Sic & prudentia alia est vera; alia est imitatrix aut initium natura insitum, vt ingenii solertia & calliditas. Iam his imperfectis, prudentia & virtute, perspicuum est male nos vti; neque mirum, trahentibus huc illuc perturbationibus, veris & perfectis virtutibus locum esse non posse: quippe quæ, compressis iam longo vsu & ratione perturbationibus, demum efflorescunt. Est & apud *Plut. in Cic. vbi de Triumuiris idem, quod hic docetur, hominem ex animantibus vnum omnium esse deterrimum iuris & ciuitatis expertem.*

H' δὲ δικαιοσύνη] Quoniam dixerat, legum & iudiciorum iurisque expertem animal esse perniciosissimum, & iniustitiam armis instructam rem esse perniciosissimam: nunc contra de iustitia adiungit, eam esse virtutem ad hominum ciuiles societates accommodatissimam: Iustitiam, inquam, esse virtutem ciuilem, id est, cuius vsus & partes maxime in ciuitate cernantur, & in ea continēda & constituenda. Quare & infra *lib. 3. cap. 8.* Iustitiam vocat *νομικὴν*, vt cuius vsus maxime sit in societate. Nam tametsi omnes virtutes quodammodo sunt politicæ (de practicis loquor:) tamen iustitia maxime est politica, cum aliæ potius ad eos pertineant, qui ipsis sint præditi: Iustitia vero prorsus ad alios spectet,

IV.

Vtrum virtute possimus abuti.
Obiectio.

Solutio.

V.

Iustitia, virtus politica: qua de re Proclus super Plat. Polit.

IN CAP. II. LIB. I. POLIT.

etet, non ad ipsum iustitia præditum. Eaque re veteres iusti-
 tiam vocarunt bonum alienum, teste *Aristotele lib. 5. Ethic.*
 Iustitia, inquit *Cic. in lib. de Repub.* maxime foras spectat: &
Plato quoque multis in locis in omnibus duas maxime po-
 liticas esse ait, Temperantiam & Iustitiam: quas duas & *Isoc.*
 cæteris anteponit *in lib. 1. ad Nic.* Cur autem Iustitia si poli-
 tica, rationem hinc reddit *Aristoteles*, cuius hæc sit formula:
Δίκη est politicum. At *δίκη* est *δικαίη*. Ergo & *δικαίον* est po-
 liticum. Si *δικαίον*, ergo & *δικαιοσύνη*. Nam *δικαίον*, id est, ius
 nil est aliud, quam iustitiæ actio seu factum. Iustitiæ est iuste
 & iusta facere. Propositionis, qua diximus *δίκη* esse politi-
 cum quiddam, ratio *Aristotelis* hæc est: quia *δίκη* politicæ
 societatis est descriptio, id est, iudiciis continetur ordo & de-
 scriptio vniuersæ Reipub. quibus perturbatis vel labefacta-
 tis, quia nulla legum & iuris vis erit vel executio: merito to-
 ta ciuitas, extinctis legibus iudiciorum interitu, corruat, ne-
 cesse est. Qua de re existant multi insignes loci apud *Cic.* de
 iudiciorum usu. Recte igitur *Aristoteles* iudiciis institutio-
 nem & ordinem ciuitatum contineri ait. Iudicia igitur sunt
 politica, id est, ad ciuitatem pertinentia. Altera enunciatio,
 qua diximus *δίκη* esse *δικαίη*, hanc habet sententiam; iudi-
 ciis contineri disceptionem seu diiudicationem iuris, id
 est, quid sit iustum, quid iniustum, ex iudiciis cognosci; Iu-
 dicia iuris & iniuriæ esse tanquam normam & adiutrium. Et
 hoc est, quod ait, Est autem *δίκη*, id est, iudicium iuris disce-
 ptatio seu diiudicatio: quod breue dictum perobscure &
 pessime ab interpretibus acceptum; & supra *lib. 5. Ethicorum,*
cap. 6. iterauit; *δίκη*, inquit, est τὴν δικαίαν καὶ ἀδίκην κείρας. atque
 ita hæc loca alter alterius ope & coniunctione optime ex-
 plicari potest. Ex quibus perspicuum est, verbum *δίκη*, non
 ut interpretes fere reddunt, exceptis *Aretino* & *Strebeo*, iu-
 stitiam, sed iudicium valere: & certe vix vnquam aliter,
 quam ad iudicia, verbum hoc Græcum referri solet. Ad
 summam: quia civilis seu politica societas iudiciis de-
 scribitur & continetur, merito & iure o-
 ptimo iustitia dicitur virtus
 politica.

C A P V T I I I.

TR E S sunt huius capitis partes: quarum i. sit methodica, id est, breuiter commemoretur, de quibus, cur post, hac sit explicandum. Altera explicatur vis & definitio serui. Tertia instituitur quæstio, & partim explicatur, an aliqui natura sint serui, quam quæstionem etiam proximo capite persequitur.

T E X T V S.

Quoniam perspicuum, quibus ex partibus ciuitas constituatur: necesse est prius de rei domesticæ ratione exponere. Omnis enim ciuitas ex domibus constituitur: domus autem partes, ex quibus statim domus constituitur: domus autem perfecta ex seruis & liberis. Iam quia in minimis quidque quærendum: minimæ autem & primæ domus partes, dominus & seruus, maritus & vxor, & pater & liberi: de his tribus videndum, quid & quale quidque esse oporteat. hæc autem sunt, ratio herilis & nuptialis, & tertia liberorū efficiens ratio: nam & hæc suo nomine non appellatur. Sint autem hæ tres, quas diximus,

C O M M E N T A R I I.

Ἐπεὶ δὲ φανερόν.] Prima huius capitis parte diximus contineri methodica, hoc est, proponit, quibus de rebus, cur, quomodo sit explicandum, prius quam de ciuitate propius & enucleatius explicetur. Ait igitur, prius explicandum esse de arte domestica. Rationem & supra attulit, & nunc iterat: quia ciuitas ex domibus constet: quæ ratio duobus prioribus capitibus adhuc est explicata. Quia igitur partium cognitio toti cognoscendo est vtilissima, recte & ordine Aristoteles de partibus ciuitatis, id est, de arte domestica, & ei cognata arte rei quærendæ disputat prius, quam de ipsa ciuitate. Itaque vt & initio dixi, totus fere hic liber primus est æconomicus. Neque tamen ars tota domestica hic explicatur: Sed qua parte maxime cum arte politica est coniuncta,

*Cur de ser-
uitute hoc
lib. tractetur.*

*De arte rei
quærenda
cur hic agatur.*

& etiam Reipub. vtilitatem affert: vt, an seruitus naturæ repugnet, & propterea sit iniusta, neq; in Repub. tolleranda: an ars herilis eadem sit, quæ politica. De arte rei quærendæ propterea hic disputatur, quod ea non tantum patrifamiliâs, sed ciuitatum rectoribus sit necessaria, vt monet Aristoteles in *fra cap 3. in fi. & lib. 2. Oeconom. in princ.* argumento sit tractatio ærarii, & fisci grauissima.

Oixías δὲ μέγν.] Hæc verba vere dixerim spuria & inducenda. Non. n. solum non sunt necessaria: sed orationis contextum & seriem perturbant inculcato articulo *δὲ*, vt *οἰκίας δὲ μέγν.* & *οἰκία δὲ τέλει*. Elegantiùs oratio sibi inter se constaret & cohæreret his verbis inductis: nimirum vt hæc sit periodus. Omnis enim ciuitas ex domibus constituitur: domus autem perfecta ex seruis & liberis. nihil tamen temere mutandum. Exposito igitur, ciuitatem ex partibus cognoscendam, id est, ex domibus: continuo de domo & arte domestica adiungit, quæ eius sint partes. Ait igitur domus partes partim esse liberos, partim seruos: Liberos quidem, maritum, vxorem & liberos. Seruos autem alios. Verū quia hæc distinctio seu partitio sit generalior & confusior, adiungit alteram explicatiorem & enucleatiorem, qua monet, domus partes principes esse tres. primas inquam, vltimas seu minimas, maximeq; simplices; Dominum & seruum, patremfamiliâs seu matremfamiliâs, seu maritum & vxorem, patrem deniq; & liberos. De his igitur partibus deinceps & sigillatim explicandum ait ad cognoscendam penitus artem domesticam. Rationem adiungit: quia rerum omnium vis & natura ex primis & minimis partibus cognoscatur. Formula: Res omnes ex vltimis & simplicissimis sui partibus cognoscuntur. Domus autem simplicissimæ partes sunt tres illæ: ergo domus & ars domestica ex his est cognoscenda. De propositione dictū est & supra *cap. 1.* qua dicitur res omnes concretas ex minimis & simplicissimis partibus cognoscendas & ab his ducendum cognitionis exordium, vt in Grammaticis à literis ad syllabas, ab his ad verba, & tandem ad Orationem esse progrediendum; in Dialecticis à genere, specie seu vocibus & categoriis ad propositiones, hinc ad conclusiones seu argumentationes. Sic apud Euclidem in elementis primum de lineis, deinde de extremitatibus, postremo de corporibus, iisq; primum simplicioribus, postea duplicatis

*Familia
partes mi-
nima.*

*Ratio, cur
de his ex-
plicandum.*

plicatis & tandem multiplicatis. Quæ docendi methodus & ratio, vt & supra monui, Græce σύνθεσις, Latine constructio, cui contraria ἀνάλυσις, partitio dici solet. quam in arte domestica seruandam & in Politica monet Aristoteles *cap. 1. & hic. & libr. 1. cap. 2. Oeconom.* Verà est igitur eius formulæ propositio. Assumptio, qua diximus, domus partes primas & simplicissimas esse dominum & seruum explicata est supra. Nam de duabus quidem partibus, quibus domus constituitur, domino & seruo, marito & vxore, copiose ibidem est explicatum. de reliqua parte, patre & liberis, hæc est ratio: quia societatis coniugalis hic sit finis & scopus, liberorum procreatio. Vnde continuo pars domus alia seu tertia oritur. propositio est; ἐπεὶ δὲ ἐν τοῖς ἐλαχίστοις, &c. Assumptio; πρῶτον ἢ καὶ ἐλάττω, &c. Complexio πρὸς τριῶν αὐτῶν. De hac autem phrasi, πῶς ποῖον, dictum in Eth.

Ταῦτα δὲ ἐστὶ δεσποικη.] Hic de partium artis domesticæ nominibus Græcis. Nam Aristoteles vni tantum parti suum apud Græcos nomen esse ait, cæteris ipse noua nomina imponit: quod idem & in Ethic. illum fecisse in virtutum & vitiolorum nominibus ostēdimus, *sup. lib. 2. in fi. & 4. etiam in fi. Eth.* Artem igitur regendi seruos suum habere nomen, vxorē autem & liberos non item. Nam artem seruos regendi etiam vulgo dici δεσποικηλὸν & δεσποίαν. quo vocabulo & Plato sæpe sic vtitur. Aristoteles igitur docendi causa artem regendæ vxoris & administrandi patrimonii vocat γαμικὸν. liberorum autem interdum παιδοποιητικὸν, interdum πατρικὸν. quod non ita accipi debet quasi hæc verba sint barbara, cum sint vsitatissima: Sed quod in hac re seu in partibus artis domesticæ inusitata. Latine reddamus: herilem, vxoriam seu coniugialem, & patriam artem seu rationem. præco autem, quod vulgo σύζυγος, id est, coniugium, in libris scriptis quibusdam est, σύντυχος, quasi consuetudo & congressus.

T E X T V S.

Est autem pars quædam, quæ aliis quidem videtur ars domestica: aliis vero pars eius maxima. vt autem sit, videndum: loquor de ea, quæ dicitur ars rei familiaris quærendæ.

COMMENTARI.

*Εἰ δὲ π μέρους.] Postquam monuit, explicaturum se de tribus ultimis & simplicissimis artis domesticæ partibus: adiungit esse & aliam quandam partem artis domesticæ: de qua quia dissentientes sunt opiniones (nam aliis, ut Platoni, eadē hæc esse videtur, quæ ars ipsa domestica: aliis pars eius tantum, sed maxima) de ea igitur explicandum quoque monet, ut ars ipsa domestica & politica melius cognoscatur. Eam autem partem Græci vocant *οἰκονομικὴν* & *οἰκίαν*: Cicero autem, rei parandæ & rei quærendæ: nos *οἰκονομία*, rem familiarem, *οἰκία*, rei familiaris quærendæ artem: quam & *οἰκονομικὴν* vocant Græci: *οἰκία* deniq; membrum seu partem rei familiaris dicamus: cur, infra explicabimus *cap. s. initio*.

TEXTVS.

Primum autem de Domino & seruo dicamus: cum, ut, quæ ad necessarium vsum pertinent, videamus, tum ad scientiam, si quid de iis melius, quam nunc existimatur, reperire possimus. Nam aliis quidem eadem videtur scientia & herilis & ipsa domestica, atque eadem herilis, politica, & regia, ut initio diximus: aliis vero contra naturam esse herile imperiū. nam instituto quidem alium esse seruum, alium liberum: natura vero nihil differre; eaque re neque iustum esse: quia vi factum.

COMMENTARI.

Πρῶτον δὲ.] Expositis breui artis domesticæ partibus, hinc tandem eas explicare orditur. de quibus hoc rursus monet explicaturum se bifariam: nimirum & quæ ad contemplationem seu cognitionem, quæ Græci *θεωρητικὴ* vocant: & quæ ad vsum & agendum pertinent, quæ *πρακτικὴ* dicunt. prudenter sane & instituto conuenienter. Nam artis ciuilis scopus non tam in contemplando, quam agendo cernitur. quod explicatum copiose supra *lib. 2. Ethic. cap. 2. & alibi*.

In aliis

In aliis artibus satis est explicasse ea præcepta, quæ ad scientiam & cognitionem pertineant: in his civilibus & æconomicis scientiis utrumq; præstari debet. quanquam Aristot. practica præcepta leuiter tantum deguttat: quia minus liberalia & honesta. qua de re infra latius *cap. 7.* & hoc est quod ait, vsum necessarium, ad vitam nimirum degendam. vsum, inquam, seu *ωφελὴς* est necessaria, cognitio est liberalis & honesta, infra *cap. 7.* Modeste & hoc adicit Aristoteles, daturū se operam, vt de hac arte domestica quædam afferat meliora, quam quæ vulgo ea ætate essent recepta: quibus verbis utilitatem huius disputationis, modestissime tamen, subindicat.

Τοῖς μὲν γὰρ δόξει.] Nūc adiungit receptas ea ætate opiniones de re herili: nā de hac primo loco explicaturū se monet. Duas autem opiniones affert: quarū altera est Platonis, existimantis potestatem herilem & domesticam artem esse eandem: deinde hoc amplius, herilem, civilem, regiam, domesticam; has omnes, inquam, esse easdem. Altera opinio est eorum, qui herile imperiū putarint naturæ aduersari. neminem namq; naturæ esse seruum, sed instituto hominū. Ergo nec dominium, nec herile imperium esse naturæ, sed institutio: omnes nimirum homines naturæ esse liberos: hominum autem inuētis & institutis factos partim liberos, partim seruos, quod & Iuriscōsulti aiunt. de quibus infra. Sic igitur illi concludebant. Si nemo naturæ seruus: ergo neque Dominus. Ergo Domini imperium, & ars herilis non est naturæ, sed naturæ repugnat. quo posito & confirmato hoc amplius adiungebant, nullum debere in Republica admitti aut seruū aut Dominum, nullum, inquam, in Republica tolerandum herile imperium. Quid ita? quia sit iniustum. Quid ita? quia naturæ contrarium & vi factum. Formula: Nulla res magis, inquiunt Iuriscōsulti, iuri & iustitiæ repugnat, quam vis. At herile imperium est *βίαιον*: Ergo est iniustum & iuri contrarium. Assumptionis ratio, cur, inquam, herile imperium sit *βίαιον*, hæc est: quia naturæ contrarium. omnia naturæ contraria sunt *βία*. nam hoc apud Aristotelem creberrime reperitur, ea quæ sunt naturæ & *βία*, inter se tanquam contraria opponi. Sic supra *lib. 1. Eth. cap. 5. in fi.* vitam quæstuosam vocat *βίαιον* vt naturæ contrariam. quod ipsum hoc libro infra perspicue confirmabit.

1. *Opinio
Platonis.*

2. *Opinio.*

Νόμος

Νόμον γδ.] Ἀντίθεσις hæc, qua alia dicitur esse νόμος, alia φύσις, est veteribus vsitatissima. Sic infra cap. 5. & supra libr. 5. *Ethic.* docet nummum non esse φύσις, sed νόμος & supra libr. 1. *Ethic.* cap. 3. vbi ostendimus Ciceronem Latine hæc reddere, instituto, interdum tamen, sed raro, Lege & natura.

T E X T V S.

Quandoquidem igitur res familiaris pars domus est: & ars rei familiaris pars erit artis domesticæ. Siquidem absque rebus necessariis nefas & viuere, & bene viuere. Quemadmodum autem in artibus definitis necesse est esse sua organa, si opus sit perficiendum: ita & rei domesticæ peritorum.

C O M M E N T A R I I.

Argumen-
tum.

Ἐπὶ γδ.] Prinsquam duas illas controuersias, an herile imperium naturæ repugnet, & an idem sit quod politicum, explicet: de seruorum natura & officio & munere exquirat. Initio igitur monet, rem familiarem domesticæ esse partem, & ad vitæ vsus necessariam. qua de re, etsi quam copiose est explicaturus: tamen hîc monendum putauit: quia seruus, cuius definitionem exquiret, & ipse rei familiaris sit membrum. Sic igitur argumentatur: Si res familiaris pars est domus: ergo & ars rei familiaris pars est artis domesticæ. Antecedens confirmat hac ratione: quia neque viuere, neque bene beateque viuere absque re familiari possumus, siue, vt ait, absque necessariis: quasi diceret, res familiaris ad vsus vitæ est necessaria: ergo est pars domus: & proinde (ex coniugatorum natura) ars rei familiaris est pars rei domesticæ. Sic & in *Oeconom. libr. 1. cap. 2.* duæ, inquit, sunt domus partes: homo, & res. Verum hæc infra, vbi omnia enucleatius & exquisitius perpenduntur, vix admittit, artem rei familiaris esse partem rei domesticæ. Hoc igitur sumamus ex his verbis: Rem familiarem ad vitæ vsus esse necessariam.

Ἐπεὶ δὲ ἐν ταῖς.] Nunc propius ad serui naturam exquirendam accedit, quam, vt dixi, ex eius opere & officio inuestigat: recte. Nam in rebus politicis & œconomicis rerum naturæ ex actionibus & officiis sunt cognoscendæ: in quibus

bus nulla fere est quæstio de forma aut materia. Docet igitur, in arte domestica esse quædam organa. Prima quæstio esse *Artis domestica esse organa.* semp solet, an sit. Sic igitur demonstraturus seruum esse organum domesticum, prius inquit, an vlla artis domesticæ sint organa. Et quidem artis domesticæ sua esse organa docet Aristotel. exemplo ceterarum artium definitarum. Formula sit ista: Omnium artium definitarum sunt organa. Ars autem domestica est finita: ergo & eius sua sunt organa. Artes definitas vocat, quib. certum opus & finis certus est, *Artes definitas.* ut *Artes definitas.* Medicinæ sanitas, Politicæ beatitudo ciuitatis, Oeconomice domus beatitudo, arti militari victoria. Harum igitur artium sua & propria quædam esse organa ostendit hac ratione: quod alioqui opus quæq; suum perficere nequeat: quod *Artes definitas artes neessario habere organa.* tamen ad opus, tanquam ad finem, modis omnibus contendit. Notum est autem, rerum efficiendarum causas partim esse principales, partim adiuuantes, ut organa: quæ propterea Plato in politico vocat *οργανα*. Perspicuum esse igitur, arti domesticæ esse & sua quædam organa.

TEXTVS.

Organa autem alia quidem inanima, alia vero sunt animata: ut gubernatori clauus quidem inanimus, proreta vero animatum. Minister enim organi species est artibus. Sic & rei familiaris membrum ad vitam est organum, & res familiaris multitudo est organorum. & seruus, rei familiaris membrum est quoddam animatum, & tanquam organum, præter organa alia est omnis minister. Nam si quidque organum posset iussu vel præsentiens suum perficere opus, ut Dædali opera aiunt, vel Vulcani tripodas, quos ait Poeta sua sponte ad sacrum certamen venire: Sic si pectines texerent ipsi, & plectra pulsarent: nihil opus sint, neque architectis ministri, neque dominis serui.

Tὰν δὲ ὀργάνων.] Exposito, arti domesticæ sua quoque
 esse organa: nunc, diuisione adhibita, docet, quæ & qualia
 hæc sint organa. Affert igitur organi diuisiones, ex quibus
Instrumēta tandem doceat, quale organum sit seruus. Organa igitur a-
lia anima lia ait esse animata, alia inanimata, quam diuisionem confir-
ta, alia ina- mat exemplo organorum naualium. nam naui seu guber-
nimata. natori clauum organum esse inanimatum; proretam, vel a-
 lium quemuis nautam, sociumque naualem, organum esse
 animatum. De clauo res est perspicua. De nautis res potest
 in controuersiam vocari, an hi sint in organorum numero.
 nam vulgo inanimata tantum dici solent organa, animata nō
Ministri in item. Huic igitur quæstioni tacitæ occurrens Aristoteles re-
artib. sunt spondet, ministros omnes in artibus esse organorum loco, &
organa. in specie, ut ait, organorum, id est, alteram organi speciem,
 animati nimirum. Nam ut organis inanimatis, puta ferramen-
 tis: ita & animatis, puta ministris, ad eandem rem utimur, ad
 opus, inquam, aliquod vel faciendum, vel agendum. Hanc
 partitionem mox accommodat instituto, eiusque partes in
 arte domestica inuestigat. Ait igitur: ut in arte gubernandi
 exposuerat, ita & domesticæ quædam organa esse inanima,
 quædam animata. Sed prius monet, quæ artis domesticæ
 sint organa: nimirum membra rei familiaris, ut armenta, pe-
 cudes, agros, nummos, seruos, &c. Cur autem hæc rei fami-
 liaris membra sint artis domesticæ organa, ex prioribus est
 perspicuum, id est, ex organi definitione, qua diximus, orga-
 no opus perfici. Si igitur artis domesticæ opus, id est, bona
 domus constitutio & beatitudo membris & partibus rei fa-
 miliaris perficitur. (nam, ut initio dictum, absque rebus ne-
 cessariis neque viui, neque liberaliter viui potest.) Membra
 igitur rei familiaris sunt organa & res ipsa familiaris seu vni-
 uersum patrimonium, & organorum velut vniuersitas, mul-
 titudo & coaceruatio. Ut igitur seruus est organum: ita or-
 ganorum, ut dixi, vniuersitas est res familiaris. Quod idem
 iteratur & infra cap. 5. in fin. *ἡ δὲ οὐκ*, inquit, id est, res fami-
 liaris, est *ἡ οὐκ*, vniuersitas organorum tam civilium, quam
 domesticorum: quin et am seruus non tantum esse orga-
 num, sed præstantissimum quoddam organum. Omnem
 namque ministrum & operam ex omnibus organis vnum
 esse

esse præstantissimum, quod Græci eleganter & breuiter organum pro ὄργανον dicunt, ὄργανον πρὸς δέλεα, δεσπότην πρὸς δεσπότης

Ei ὅς ἡδυνάτω.] Docet, organa animata esse necessaria, *Organa animata esse necessaria.* hac ratione: quia organa inanima suapte sponte, id est, citra alterius operam & regimen, nil valeant efficere: quod si pos- sent, non opus esset animatis; quemadmodum Vulcani tri- podes sua sponte, non ab alio deportati, currebant ipsi ad sa- cra certamina, teste Hom. lib. Iliad. 6. vbi de Clypeo Achillis. quo in loco, quod Homerus ait, Vulcanum ad opera fabri- lia euntem subsequi famulas, interpretes accipiunt organa fabrilia. Eius generis signa & sigilla Dædalum fecisse nar- rant veteres, vt Venerem seu statuam Veneris; cuius memi- nit Aristoteles lib. 1. de anima: quæ tanquam animata sese i- ipsam mouerit. Horum Dædali operum mentionem facit & Plato in Menone & in Euthyphrone: vbi eleganter rationes instabiles his Dædali operibus sua sponte mobilibus com- parat. Vnde & Erasmus prouerbum fecit; Dædali opera, cuius generis opera fictores & fabri vocant αὐτομάτωι aut αὐτοκίνητωι. Huius igitur generis & naturæ si essent opera inani- ma: si radii & pectines per se texerent, dolabræ & secures se- carent, plectra cythara canerent, &c. nullis opus sit operis aut ministris, nullis quoque seruis. At inanima non sunt eius ingenii, id est, per se nil possunt: ergo opus est animatis or- ganis.

*Eiusdem ge-
neris colū-
bam ab Ar-
chyta fabre
factā scri-
bit Agel.
not. Attic.
lib. 10 c. 12.
De quibus
Heron pecu-
liares libr.
scripsit. αὐ-
τομάτωι πο-
ιοιτικῆς.*

Αὐτομάτως, δεῖον δὲ εἶναι ἀγῶνα] Hæc sunt Homeri ver- ba perperam à plerisque reddita: quasi tripodes in certamen processerint aut descenderint, certamen inierint, id est, quasi ipsi tripodes certarint: quod absurdum. Nam tripodes cer- tantium erant præmia. Hoc igitur ait & vult Homerus, tri- podes à nemine deportatos sua sponte ad certamina ve- nisse.

T E X T V S.

Itaque quæ quidem dicuntur organa, sunt or- gana efficientia: membrum autem rei familiaris est agens. Nam ab radio quidē aliud quid sit præ- ter eius vsum; à veste vero & lectulo vsum tantum- modo. præterea quia effectio & actio specie diffe-

*Lege Scheg.
ad prædica-
mētum Re-
lationis in
secundis an-
notat. pag.*

runt, 454.

runt, vtraque autem organis opus habent: necesse est horum eandem esse differentiam: vita autem actio, non est effectio. Quare & seruus eorum, quæ ad actionem minister.

C O M M E N T A R I I.

Organa efficiencia & agentia.

1. Ratio.

2. Ratio.

Tὰ μὲν ἑν.] Altera organorum diuisio, qua doceat, seruum organum esse non efficiens, sed agens. Organa igitur quæ dicuntur, id est, quæ vulgo proprie organa solent appellari, vt radii, mallei, dolabra, &c. (nam & supra monui, hæc proprie vocari organa, vt & apud *Plat. in Politic.*) hæc igitur sunt efficiencia; alia agentia, vt membra rei familiaris, mensæ, equi, agri, pecunia, serui, &c. Duo autem hic sunt confirmanda: vnum, diuisionem hanc esse bonam: alterum, membra rei familiaris, & in his maxime seruum esse organum practicum seu agens. Prius docet hæc ratio; docet, inquam, organa efficiencia ab agentibus esse separanda, vt specie differentia: quia actio ab effectione specie differat: propterea quod alius effectione, quam actionis sit finis: illius quidem opus, huius vsus duntaxat & actio: qua de re dictum supra *in Ethic. lib. 6. cap. 2. & 3.* Si igitur actio & effectio specie differunt: ergo & organa, in quibus hæc differentia finium reperitur, & ipsa specie differant, necesse est, & quidem eodem modo, id est, vt alia sint efficiencia, alia agentia. Consequens huius formulæ ostendit Aristoteles exemplo singulorum organorum; ostendit, inquam, in organis eam differentiam reperiri. Nam radii quidem seu pectinis præter vsum, id est, textum, etiam tela, opus nimirum, queritur: eadem est & mallei & dolabræ, aliorumque fabrilium organorum ratio. Alia autem sunt organa, quorum præter vsum nullum expectetur opus, vt scellæ, lectuli, mensæ, &c. atque adeo omnia rei familiaris membra. Ex quibus perspicuum est, non tantum prius, sed & posterius, nimirum rei familiaris membra, esse organa practica: quia eorum nullum sit opus. Est & altera ratio: quia vita, cui degendæ hæc rei familiaris membra deseruiunt, vita, inquam, non sit effectio, sed actio. Clarum est igitur, seruum quoque, cuius vsus est ad vitam, esse organum non efficiens, sed practicum.

T E X T V S.

Membrum autem rei familiaris dicitur, vt & pars. Pars namque non alterius est tantum pars, sed etiam plane alterius: item & membrum rei familiaris. Quare dominus quidem serui tantum dominus, illius non est: seruus vero non tantum domini est seruus, sed & plane illius. Quæ igitur serui natura eiusque vis, ex his perspicuum. Nam qui natura non suus, sed alterius est, cum sit homo, hic natura est seruus: alterius est autem homo is, qui rei familiaris est membrum, cum sit homo: membrum autem rei familiaris organum est agens & separatum.

C O M M E N T A R I I.

Τὸ δὲ κτήμα λέγεται.] Explicatur hoc loco vera serui natura, qua dicitur seruus non esse sui iuris & mancipii, sed alieni: qua nota & Iurisconsulti in seruitute definienda sunt vsi. Est, inquit, Iuris gentium constitutio, qua contra naturam quis alieno dominio subiicitur. & Cic. in Parad. Seruitus, inquit, est animi fracti affectio arbitrio carentis suo. Et notum est, ea quæ sunt in categoria collationis, alterum ex altero definiri: seruum ex domino, & dominum ex seruo. Hac igitur comparatione serui & domini hoc loco Arist. explicanda videtur similitudine partium cum toto, & membrorum rei familiaris, vt serui cum domino. Hoc igitur agit Arist. vt ostendat, seruum non esse sui iuris, sed alieni, & esse plane domini. Ratio hæc est, cur, inquam, seruus plane sit domini: quia sit κτήμα, i. membrum rei familiaris. Formula: Si seruus est membrum rei familiaris: ergo prorsus est domini. Antecedens est notum ex prioribus. Connexi ratio hæc est: quia eadem est membrorum rei familiaris ratio, quæ partium. Quid ita? quia vt partes totum: ita & membra rei familiaris rem familiarem seu patrimonium, tanquam totum & vniuersitatem, τὸ πᾶν cōstituunt. Partium autem hæc est ratio, vt non tantum sint totius: sed prorsus totius, id est, partes non tantum comparatione seu ratione totius

D

dicun-

dicuntur, sed hoc amplius, totius naturam constituunt, & absque toto esse nequeunt. Partes igitur totius sunt non ratione categoriæ, sed proprietate & natura. Sic & Plato in Parmenide, pars, inquit, totius est pars: etsi hæc definitio ratione categoriæ accipi potest. Ad eundem modum & membra rei familiaris & servus domini est, non tantum comparatione, seu ratione categoriæ: Sed proprietate & possessione, totus, inquam, est domini. At dominus est servi comparatione duntaxat, nimirum is qui servos habeat, non vero proprietate. Sic igitur dicuntur esse alicuius: & esse prorsus alicuius: quorum altero comparatio tantum & Categoria, altero etiam proprietate & natura significatur. Omnia igitur membra rei familiaris domini sunt usu & fructu, mancipio & nexu: ergo & servus. Ex his iam perspicuum est, servum prorsus esse alterius, esse alieni iuris, non sui: qui si natura talis reperitur, ut plane sit alterius, neque suo se imperio regere possit: is natura ut sit servus, necesse est: quæ de re mox latius. His explicatis adiungit Aristoteles duas præterea notas, sed satis perspicuas: quarum altera servum dicit esse hominem, quo distinguatur à reliquis membris rei familiaris & maxime à beluis. Nam tametsi supra attulimus ex Hesiodo, bovem tenuioribus esse loco servi, tamen servi nomen ad bevas accommodati non solet. Altera nota dicit, servum esse organum separatum, quod & paulo infra iterat: nimirum quod sine adminiculo aliarum partium vel totius suo munere per se fungi possit. Pedes, manus, &c. partes quidem sunt illæ animatæ, sed coniunctæ toti. Servus est & ille organum animatum, sed à toto, id est, domino separatum. Ad summam, servus organum est animatum, agens, & separatum, non sui, sed alieni iuris. quæ vera est servi definitio. *Animati* verbo distinguitur ab inanimis, radio, malleo, &c. *Agentis*, ab iisdem inanimis. *Separati*, à partibus corporum organicis, pedibus, &c. Hoc denique, *Non sui iuris*, quam veram diximus esse notam distinguitur à mercenariis & aliis operariis. Cur autem organi verbo hæcenus sum usus, non instrumenti; hæc est ratio: quia instrumenti verbum tam late non pateat, quam organi, neq; idem prorsus valeat. Nam instrumenti verbo Cicero & Iurisperiti veteres complectuntur ea, quæ instruunt & ornant rem aliquam. Sic instrumenta navis sunt, malus, antemna, ipsi nautæ: domus, mensæ, sella, le-

*Servus est
homo.*

*Servus est
organum se-
paratum.*

*Definitio
servi.*

*Organum.
Instrumentum.*

la, lectuli, &c. Medicorum collyria, emplastra, &c. fundi, aratra, corbes, rustici, &c. omnia denique ferramenta rustica, falces, ligones, &c. Sic igitur instrumenti verbum apud veteres reperitur. Nam quo simpliciter & absolute pro eo quod Græce ὄργανον dicitur, ut fabri est securis, rustici seu agricolæ ligo, fabri ferrarii malleus (quæ Cicero & veteres ferramenta vocare solent) præterea pes, manus, &c. Græcis dicuntur ὄργανα: Latini nunquam dixerunt instrumenta. Argumento sit locus Cic. in Timæo, ubi Plato stellas, lunam, solem, cœli vocat ὄργανα, manus & oculos hominis. Cicero vero Latine cum librum interpretatus, quia latinum nomen non haberet, organi verbum reddidit. Idem tamen Cic. libr. 2. de legib. ubi Plato lib. 10. de legib. dixerat, æs & aurum esse belli ὄργανα, non fani, Cicero, inquam, reddidit instrumenta. Sed & hic instrumenti verbum commodè accipi potest, ut ante diximus: nimirum quo instruatur & ornetur bellum, non fanum. Sic enim & ligones fundi instrumenta, qui tamen sunt ferramenta, id est, ὄργανα, à Iurisconsultis dicuntur apud Paulum lib. 3. Sent. tit. 6.

Οὐ μὴ αὐτῷ φύσιν.] Ex vera serui nota, sumta occasione, interiecit Aristoteles quod infra latius explicabit, quis natura sit servus: nimirum qui natura non sit suus, sed alterius. Obseruanda autem phrasis, esse αὐτῷ, & esse ἄλλῳ. Sic & lib. 1. Metaph. ubi de Metaphysicæ dignitate, quæque nulli alii sciëntiæ pareat, omnib. imperet. Quemadmodū, inquit, liberum dicimus hominem, qui sit αὐτῷ. & in Ethic. de magnanimo, nullius ad arbitrium illum vivere, quod vocat κατ' ἑαυτὸν ζῆν. Latine dicimus sui esse iuris & mancipii, & contra alieni, & ad alterius nutum vivere.

T E X T V S.

Sit autem natura quis talis nec ne: atq; melius ne & iustius sit alicui seruire, nec ne, sed omnis seruitus sit contra naturam, posthac explicandum. Non difficile autem & ratione exquirere, & ex rebus ipsis cognoscere. Imperare namq; & parere non ex rebus necessariis tantum, sed & vtilibus est. atque statim ut orta quædam distant; par-

tim ad imperandum, partim ad parēdum. & multa sunt genera & imperantium & parentium: & semper est melius imperium meliorum, parentium, ut hominis quam beluæ. Quod enim opus perficitur à melioribus, est melius: ubi autem aliud quidem imperat, aliud vero paret, horum quoddam est opus.

COMMENTARI.

Πότερον δ' ἐστὶ] Exposita serui natura: nunc accedit ad disputationem controuersam, an seruus ullus sit natura, & an dominatus naturæ sit consentaneus & iustus: an contra seruitus omnis & dominatus & naturæ repugnet, & sit iniustus. Nam alterum ex altero aptum est. Confirmato namque, seruitutem esse natura: consequitur, eam & iustam esse.

Οὐ χαλεπὸν δὲ.] Breuiter indicat rationem & modum, quo sit vsurus in explicanda quæstione, bipartitum. Nam

Rationes politica nō debent abhor- rere à vita communi.

& ratione & vsu vitæ quæstionem hanc explicari posse ait: prudenter profecto. Nam in rebus civilibus rationes si à communi vita abhorreant; ut vanæ, contemni solent. quare de re supra dictum.

1. Hypothesis.

Τὸ γὰρ ἀρχὴν καὶ ἀρχαῖ.] Afferit hinc quasdam sententias disputationi utiles futuras quasi præmunitionis loco, priusquam ipsam disputationem aggrediatur: quarum prima ait, imperare & parere esse ex numero rerum & necessariarum & utilium. Nam distinctio officiorum imperandi & parendi plane necessaria est ad humanam & politicam societatem. Notum namque est, ἀναρχία nullam capitaliorem pestem esse humano generi. Eadem quoque distinctio utilis est illis ipsis, id est, imperantibus & parentibus: quia ad vtriusque salutē & incolumitatē pertineat, ut dominus seruo necessaria cibaria prouidet: seruus dominum opera & labore iuuat. Eadē est & magistratum & priuatorum ratio in Repub. Sed hac de re

2. Hypothesis.

infra latius. Altera sententia: quædam ait à primo statim ortu ita esse distincta, ut alia ad imperandum, alia ad paren-

3. Hypothesis.

dum videantur nata: qua sententia continetur fere omnis disputatio, & mox explicatur accuratissime. Tertio imperiorum & parentiæ genera ait esse compluria. Nam imperium

rium aliud alio esse præstantius, vel deterius: quod vltimum potest esse quartum: nimirum imperia alia aliis esse præstantiora. De tertio, quod diximus varia esse imperantium & parentium genera: exemplo sint imperium Populare, Regium, Ciuile, Domesticum: quæ omnia docebit infra nō numero tantum, sed specie & natura differre. De quarto rationem adiungit Aristot. cur, inquam, imperia alia aliis sint præstantiora, & quidē pro differentia parentium, id est, eo præstantius fore imperium, quo parentes sint præstantiores. Ratio igitur hæc est: quia opera, quo à melioribus opificibus fiant, eo sint meliora: quæ propositio per se est perspicua. At inter parentes & imperantes est opus aliquod, nempe quod alter imperat, alter in eo faciendo paret: Ergo vt in aliis rebus, ita & in imperiis pro rerū subiectarum differentia imperia alia aliis erunt vel meliora vel deteriora: vt ciuile imperium præstantius est domestico, quia ciuitas domo longe antecellat, *supra lib. 1. Ethic. cap. 2. in fi* Sic omne in hominem imperium præstantius est omni in beluas imperio. Itaq; patrisfamilias, præceptoris, &c. imperia sunt nobiliora & meliora, quam pastorum, subulcorum, &c.

4. Hypothesis.

Ratio.

T E X T V S.

Nam quæ ex pluribus constant, & vnum sit commune: siue ex coniunctis, siue ex disiunctis; in omnibus apparet & quod imperat & quod paret. & hoc ex omni natura inest in animatis. Etenim in iis, quæ vita sunt orbata, est imperiū quoddam, tanquam concentus. Sed hæc quidem alienæ fortassis sunt disputationis. Animal autem primo constat ex anima & corpore: quorum alterum quidem natura imperat, alterum vero paret.

C O M M E N T A R I I.

Ὅσα ὅς ἐκ πλείονων.] His tribus iam præmunitis, id est, qua de re sit explicandū, quomodo & quibus velut elementis: hīc tandem orditur disputationem: quæ quidem tota est bimembris. Priore namque loco suam exponit sententiam:

D 3

post-

Serui qdā,
quidā do-
mini sunt
natura.

1. Cōfirma-
tio.

Ratio.

* deiunctis.

Corporum
partes.

1. Coniun-
cta.

2. Diiuncta.

Iuriscon-
sultorum
distinctio.

Omnia qua
ex partibus
constāt, ha-
bēt & quod
paret & q
imperat.

Cōfirmatio.

In rebus in-
animis.

Ἀκουσία.

posterius aliorū dicta & sententias partim reprehendit, par-
tim suæ accommodat, adhibita distinctione capite proxi-
mo. Seruos igitur natura quosdam esse, quosdam natura do-
minos, docet partim ratione, partim usu vitæ. Ratio namq;
rebus ipsis & vitæ usu confirmatur. Concludatur igitur ra-
tio hunc in modum: Quæ ex partibus pluribus constant si-
ue coniunctis siue * deiunctis: in his omnibus cernitur & q
imperat, & quod paret. Atque ciuitas seu hominum inter se
societas ex partibus deiunctis constat. Ergo & inter homi-
nes & in humana societate erunt & qui imperent & qui pa-
reant. Sciendum corpora partim ex coniunctis constare par-
tibus, partim ex deiunctis: prioris generis sunt animalia: ho-
mo, equus, &c. alterius generis sunt legio seu turma, grex,
populus, ciuitas. Hominis namque partes sunt cohærentes
& coniunctæ, corpus & anima. Gregis, verbi gratia, partes,
singulæ quasi oues sunt separatæ, vt ciuitatis ciues singuli.
Iurisconsulti subtilius tria corporum genera faciunt: con-
iunctum vnum, vt est homo, equus, mensa, lignū, lapis, &c.
quod plane vno spiritu, vt loquuntur Stoicorum more, con-
tinetur, eaque re vocant *εἰσώμῃον* quasi coniunctum, alterum
votant *συνωμῃον* quasi coaptatum, non ita prorsus coniun-
ctum, vt prius: vt est naus, armamentarium, domus: quæ dua
genera Aristoteles vno est complexus. Tertium est diiun-
ctum: vt grex, &c. in lege de rerum mixtura ff. de usurpatione
& usucap. Propositionem igitur, qua diximus, omnia siue
ex coniunctis, siue ex diiunctis partibus constantia habere
& quod imperet, & quod pareat, docet inductione bime-
bris, id est, tam ex rebus inanimis, quam animatis. Nam & in
rebus inanimis cernere licet imperium quoddam & princi-
patum tanquam harmoniæ seu concentus. nimirum cum
partes eleganter inter se consentiunt: qui partium consen-
sus est velut harmonia in sonis. Hanc partium temperatio-
nem & harmoniam cernere licet in tabulis pictis, ædificiis,
vestibus, &c. in quibus forma tanquam dominatur, paret
materia: ita, vt altera alteri respondeat, partibus eleganter
ex arte consentientibus. Verum hæc disputatio de rebus ina-
nimis, vt à proposito alienior (agitur enim de hominum so-
cietate) perstringitur tantum seu attingitur ab Aristotele.

Οἷον ἀκουσίας.] Vulgo accipiunt, quasi afferatur exem-
plum à sonis & cantu. Nam in sonis acutum velut domina-
ri: non

tionem recte. Nam tametsi de sonis, quod aiunt, verum est: tamen Aristoteles harmoniæ vocabulum posuit & accommodavit ad verbum ἁρμονίαν, ut indicet, rerum inanimatarum imperium seu principatum esse tanquam harmoniam, positum videlicet in partium consensu, & velut concentu formæ & materiæ.

Καὶ τοῦτο ἐκ τῆς.] Hæc verba usque ad καὶ γὰρ ἐν τοῖς, valde mihi sunt suspecta: minime certe sunt necessaria. Sententia tamen eorū hæc videtur esse: in animatis, etiam si totam rerum naturam percurras, reperiri partim qui imperent, partim qui pareant. quibus continuo adiungit de inanimatis. Sed his, ut dixi, brevi omissis redit ad animata, τὸ δὲ ζῶον πηγόν.

Τὸ δὲ ζῶον.] Alteram inductionis partem de animatis nunc explicat. Docet igitur trifariam in animantibus reperiri principatum seu imperium & contra parientiam: primo ex partibus: secundo ex ipsis animantibus inter se: tertio ex sexu. Inter animantis igitur partes, quas constat esse animam & corpus, perspicue cernere licet hanc distinctionem: nimirum animam imperare, corpus parere natura duce. qua de re infra paulo latius.

*In anima-
tis trifa-
riam.*

*1. In par-
tibus.*

T E X T V S.

Quod autem natura magis ex iis spectari debet, quæ secundum naturam sunt effecta, & non ex deprauatis. quare & in optime affectum & corpore & animo hominem est intuendum, in quo hoc liquet. Nam in vitiosis aut vitiose affectis sæpe videatur corpus imperare animæ: propterea quod male & contra naturam sint affecti.

C O M M E N T A R I I.

Δεῖ δὲ σκοπεῖν.] Occurrit Aristot. contradictioni, qua dicere quis poterat & negare, verū esse quod dixerat Arist. animū σὺς. natura imperare corpori; negare, inquam, poterat hac ratione; quia sæpe contrariū vsu venire videamus, ut corpus imperet animæ. Respondet Arist. verum id quidem esse, & sæpe id vsu venire; ex hoc tamen argumētum capi non oportere. Nam id in vitiosis & deprauatis accidere, non vero in integris & incorruptis, beneque affectis. Iā vero pulcerrimā affert

Regulam, qua cognoscamus, ecquid sit natura nec ne: nimirum huius rei normam esse non vitiose, sed optime secundum naturam affectos: quemadmodum sæpenumero dictum *in Eth. lib. 1. cap. 8. lib. 2. cap. 4. lib. 10.* An aliquid sit rectum an vitiosum, vere iucundum vel molestum, non querendum ex improbis & luxuriosis: sed ex viris bonis & bene affectis. Ad eundem modum cum queritur, an animo à natura sit tributum imperium, an corpori: spectandi sunt non vitiose affecti, ubi hæc harmonia plane discrepat & est perturbata: sed bene affecti, & viri boni, naturæque congruentes.

T E X T V S.

Anima corpori imperat
Herili imperio, mens autem
cupiditati, ciuili & regali.
Primum igitur in animante, ut diximus, cernere licet & Herile imperium & ciuile: anima namque corpori imperat Herili imperio; mens autem cupiditati, ciuili & regali.

C O M M E N T A R I I.

Εἰ δὲ ὁ δὲ] Quod paulo supra dixerat generaliter, in animantibus esse & quod imperet & quod pareat: id iam distinctius explicat in homine. Nam hominem primo constare anima & corpore: animæ duas esse partes, mentem & cupiditatem, atque in his esse id quod imperet, & quod pareat: Nam animam imperare, corpus parere & seruire: & rursus animæ partem, rationem seu mentem, imperare; cupiditatem seruire & parere: sed dissimiliter. Nam animæ in corpus imperium esse herile, mentis in cupiditatem Regium & ciuile. Animo igitur à natura tributum, ut imperet; corpori, ut pareat animo tanquam duci, per se est notum & perspicuum, & eleganter *Plato in Phædone: ὁ γὰρ θεῖ, &c.* cerni, inquam, posse perspicue, à natura tributum corpori, ut seruiat & pareat; eaque re esse mortale & caducum: animo vero ut dominetur & imperet, & hac re Deo esse similem: quod idem & supra *Aristoteles in Ethic. lib. 5. extremo.* Rursus ex animi partibus dominari rationem & imperare aliis animi partibus, libidini & iracundiæ seu perturbationibus, mentem, inquam, & rationem præ appetitu esse velut Reginam à natura constitutam, item est notum. Verum hoc non peræque notum est, aliter imperare animam corpori, aliter rationem cupiditati,
impe-

imperia, inquam, hæc esse dissimilia. Nam imperium animæ in corpus esse velut herile, rationis in perturbationem, in *philosophia* esse imperium ciuile vel Regium. Cicero certe *Ciceronis* in alia fuit sententia. Nam animam corpori vult imperare, *sententia* ut ciuibus Regem, aut patrem liberis: rationem vero per- *contraria* turbationi, ut seruis dominum. Eius hæc sunt verba pulcher- *Aristotelis.* rima ex *lib. 3. de Rep.* Sed & imperandi & seruiendi dissimilitudines sunt cognoscendæ. Nam animus corpori dicitur imperare, dicitur etiam libidini: sed corpori, ut Rex ciuibus suis, aut parens liberis: libidini autem, ut seruis Dominus: quod eam coercet & frangit. Sic Regum, sic Imperatorum, sic Magistratum, sic patrum, sic populorum imperia ciuibus sociisque sunt, ut corporibus animus: Domini autem seruos ita fatigant, ut optima pars animi, id est, sapientia, eiusdem animi vitiosas imbecillasque partes, ut libidines, ut iracundias, & perturbationes cæteras. Idem Cicero, sed paulo confusius *lib. 2. Tuscul.* Sed præsto est domina omnium regina ratio: quæ connixa per se & progressa longius, fit perfecta virtus: hæc ut imperet illi parti animi, quæ obedire debet, id videndum est viro. quonam modo, inquires? velut Dominus seruo, velut Imperator militi, velut parens filio. Distinctius certe *lib. de Rep. 3.* ubi patrium imperium ab herili distinguit: etsi apud Romanos vix vlla erat distinctio, *l. in suis. ff. de liberis & posthum.* Cicero igitur Aristoteli prorsus aduersatur: mihi tamen omnium optime existimare videtur Aristoteles, ut, inquam, animæ in corpus imperium sit herile, rationis in cupiditatem ciuile seu regale. Nam corpus seruo optime comparari potest: quod, ut corpus per se nil agit, ita nec seruus: & utrumque, corpus anima, seruus Domino utitur tanquam duce, utrumque, inquam, peræque est hebes. In animi autem partibus non est hæc dissimilitudo, nimirum ut vna videat sola, altera plane cæcutiat & torpescat. Nam cupiditates rationi consentientes non plane torpent, sed rationem tanquam ducem iuuant & incitant, corpus tanquam truncus trahitur: cupiditas ipsa quoque currit suapte natura: bene quidem, si rationem sequatur; male, si eam contemnat. Sic & in Repub. & Regno Rex & Magistratus est tanquam Dux, ita tamen, ut ciues non plane sint tanquam stipites, sed & ipsi Magistratum bene monentem sequentes Rempublicam vna inuent atque procurent: Magi-

*Eximioris
qua Aristoteli
sententia confir-
matur.*

*Ciceronis
sententia
Stoicis con-
sentiens.*

stratu orbat, vel improbum sequentes, perdant. Recte igitur Aristoteles imperium animi & corporis vocat herile: partium vero animi vocat civile seu Regium. Nam tamen inter civile & Regium imperium magna est differentia: tamen ad hanc rem, de qua agitur, nil interest: nimirum quia hoc vult Aristoteles; In imperio animi & corporis, corpus plane nil agere: in partibus animi autem utramque agere. quod in civili & regio imperio est perspicuum. In utroque enim ciues non plane torpent, ut iam dictum. Ciceronis sententia Stoicorum rationi est consentanea, qui perturbationes omnes aiebant esse vitiosas, & proinde servis similes.

TEXTVS.

In quibus liquet secundum naturam esse & expedire corpori, ut imperetur ei ab anima; & partibus perturbationibus obnoxia, ut à mente & parte ratione prædita. Inutile autem omnibus ex æquo, vel contra.

COMMENTARI.

*Hoc impe-
rium secū-
dum natu-
ram est.
Vtriusq; v-
tile.*

[*Ἐν οἷς φανερόν ἐστι.*] Est hæc velut conclusio primi totius inductionis membri de imperio corporis & animæ, & huius partium inter se: qua conclusione monet hæc duo: Imperium hoc perspicue esse secundum naturam, & idem illis utile. Secundum naturam quidem: quia non hominum instituto, sed naturæ instinctu seu distinctione & descriptione ortum. Utile vero esse corpori, ut pareat; animæ, ut imperet; atque ex animæ partibus expedire cupiditatibus, ut pareant, & tanquam ducem sequantur rationem: inutile & perniciosum his omnibus fore, ut vel eodem omnia essent iure, nulum alteri vel imperaret, vel pareret: aut omnia essent alia, id est, imperaret corpus vel cupiditas, pareret autem anima vel mens; hæc, inquam, ita se habere inquit esse perspicuum. Quid ita? quia corpus, ut cæcum, sua commoda & salutem procurare non possit. Eadem est & perturbationum seu cupiditatum ratio, quæ & ipsæ cæco imperu ferantur & ruant: nisi à ratione & mente ducantur, totum denique hominem perdant, ut in impotentibus & luxuriosis videre est. Quæ de re dictum supra lib. 7. Eth. Verum est igitur, quod supra

pra

praemonuit, Imperium & patientiam esse non tantum ex rebus necessariis, sed etiam ex utilibus illis ipsis, inter quos imperium & patientia sint. Ad eundem modum & de animantibus inter se mox adiungit, expedire beluis, ut pareant homini, tanquam Duci & pastori salutis & incolumitatis causa: quia beluae, quae sibi sint necessaria & utilia, suo Marte saepe comparare, & aduersus frigora, vim aliarum beluarum, ut oues aduersus lupos, se tueri nequeant. Itaque & beluis expedit, ut pareant, imperet iis & dominetur homo.

T E X T V S.

Rursus in homine & aliis animantibus similiter. Nam cicures quidem feris sunt natura meliores: his vero omnibus melius est, illis imperari ab homine. Sic enim salutem consequentur.

C O M M E N T A R I I.

Πάλιν ἐν αἰσώπρω.] Alterum inductionis membrum de animantibus inter se. Nam ex his mansuetæ & cicures, ut homo, cum ceteris immanibus & feris natura antecellunt, tum naturæ est consentaneum, ut imperent cicures, pareant immanes, exemplo mentis & perturbationis: quarum hæc est velut fera, illa mansueta & sedata: Itaque naturæ consentaneum est hominis in beluas imperium, ut melioris in deteriores & posteriores. Nam vniuersè hoc afferri potest: Naturam tribuere omnibus præstantioribus in deteriores imperium & dominatum. Imperium autem hominis in beluas non tantum naturæ est consentaneum: sed ipsis quoque beluis utile & fructuosum. quod modo est explicatum.

T E X T V S.

Præterea mas ad foeminam natura ille quidem præstantior, hæc vero deterior: ille quidem imperans, hæc vero parens.

C O M M E N T A R I I.

Ἐπὶ δὲ τὸ ἀρρεν.] Postquam docuit Aristoteles reperiri semper & qui pareat & qui imperet tam in partibus quam in formis & generibus animantium: tertio nunc idem confirmat de sexu. Nam & in hoc reperiri utrumque, mas namque

que tum præstantiorem esse, tum ei ut præstantiori imperium esse attributum ab natura: scēminam, ut inferiorem & deteriore tam anima quam corpore iussam, parere. Deteriorem mare esse scēminam cum ex corpore, liquet etiam in beluis: tum maxime ex animo & ingenii solertia in hominibus. Ex hoc igitur loco observandum diligenter: Imperia muliebria siue domestica siue politica, naturæ esse contraria: cui naturæ & rationi notum est consentire & libros sacros, quibus mulier viro, ut capiti & Regi suo, parere iubetur.

T E X T V S.

Eandem oportet esse rationem & in omnibus hominibus. Itaque qui tantum quidem distant, quantum anima corpore, & homo belua: eodem modo sunt affecti. quorum vero opus est corporis usus, hocque ab iis optimum: hi natura sunt serui: quibus melius est agere sub hoc imperio, siquidem & prioribus.

C O M M E N T A R I I.

Accommodatio inductionis.

Τὸν αὐτὸν.] Hic tandem inductionem ad rem accommodat: cuius hæc iam brevior sit formula: Si in omnibus animalibus earumque partibus & sexu est quod imperet & quod pareat: par est & æquum, ut in omnibus hominibus eadem sit distinctio, hominibus, inquam, inter se, viris puta inter se, non tantum viris ad scēminas.

Quorum sit imperare, quorū parere.

Ὅσοι μὲν ἔν τοις ἄλλοις.] Posito, inter homines hanc reperi distinctiōnem: adiungit, qui igitur sint ex hominibus, quorum sit imperare, & quorum sit parere. quos inuestigat ab exemplis prioribus. Nam si, inquit, sint homines quorum alii ita distent ab aliis ut anima à corpore, ab homine belua: in his profecto ea distinctio sit necesse est. Nam si illa fuerunt distincta: cur non & homines ita inter se distincti & distantes similiter distinguuntur. Formula: Si homines ita distantes reperiuntur, ut anima & corpus: ergo, ut & illa, affecti sint necesse est, id est, alii sint qui imperent, alii qui pareant. De assumptione omnis est quæstio, quinam sint ita inter se distantes: hos esse ait Aristoteles, quorum alii animo & ratione

ratione antecellant, alii corpore duntaxat. Nam si qui sint, inquit, à quibus nil præter corporis vsum expectes, & in quibus optimum sit corporis ministerium: hi, inquit, sunt natura serui. Quid ita? quia exemplo priorum hi aliis animo excellentibus sunt deteriores. Reperiri autem id genus homines, à quibus nulla vtilitas præter corporis ministerium capiatur, perspicuum est. Græci certe alios omnes mortales, quos illi barbaros vocant, huius generis esse aiunt: & Cic. in oratione de prouinciis consularibus, Iudæos, inquit, & Syros omnes seruituti natos.

T E X T V S.

Nam natura est seruus, qui alterius esse potest. quare & est alterius. & qui rationem catenus participat, quatenus sentiat, non vero habeat. Aliæ namque animantes rationem non sentiunt, sed seruiunt perturbationibus.

C O M M E N T A R I I.

Ἔστι δὲ φύσις δούλος.] Describit natura seruum ex nota supra explicata, quam diximus seruitutis notam esse verissimam: non esse sui iuris & mancipii, sed alieni. Hic igitur, inquit, natura est seruus, qui æquo animo alterius potestati subiicere se potest, & alterius imperium ferre. Nam ita affectus, merito non est suus, sed alterius, & proinde seruus, is, inquam, qui ita fracti est animi, & ad seruiendum nati, ut alteri facile & æquo animo pareat. Posse igitur alterius ferre imperium, notam ait esse serui natura & ingenii seruilis. Ad-
iungit & alteram notam, participem esse rationis, non ut habeat, sed ut sentiat: qua nota explicanda Aristoteles comparat seruos cum beluis. & sane Iurisconsulti seruos inter pecudes numerare solent, l. 2. ff. ad l. Aquil. Priore igitur loco exponit, qua in re serui à beluis discrepent; posterius, qua in re conueniant. Dissimilitudo hæc est, quod serui non habent illi quidem rationem (quo pertinet, quod poeta ait; seruis ab loue dimidium mentis ademptum) serui igitur non valent prorsus ingenio & solertia: sed tamen rationem sentiunt, id est, domini præcepta iusta aut recta intelligunt aut sequuntur. Beluæ vero neque habent ipsæ rationem, neque sen-

1. Nota seruilis ingenij

2. Nota

sen-

sentiunt aut sequuntur, sed perturbationibus, inquit, seruiunt, id est, impetus suos sequuntur & appetitus, id est, *ὁρμησις*. Neque enim canis leporem insequitur, quia rectum & iustum esse intelligat, ut lepus capiatur in hominis usum: sed quia vel natura vel consuetudine leporem vel odit, vel ipse edere gestiat, & eius vel odore delectetur. Serui contra bene monentem dominum intelligunt & sequuntur, quamvis ipsi sua sponte quæ recta sint non intelligant: quemadmodum supra *lib. 1. cap. ult. Ethic.* dictum est de animi partibus, quarum una sit mens, altera perturbatio: ex quibus illa sit rationis, hæc non quidem plane sit rationis expers, sed eam sequatur virtutibus domita & assuefacta.

T E X T V S.

Atque usus mutat parum. Nam ad necessaria corpore commoditas existit ab utrisque, & à seruis & à cicuribus animantibus.

C O M M E N T A R I I.

Καὶ ἡ ψεῖρα.] Similitudinem seruorum & beluarum in usu consistere docet, ut dissimilitudinem in ratione & sensu. Nam ut beluis cicuribus, (bobus ad arandum, equis ad vehendum, canibus ad custodiendum & venandum, &c.) ad usus vitæ necessarios utimur, nobisque illæ seruiunt solo corpore, nullusque earum est usus in rebus quæ solertiam ingenii postulant: ita & seruorum, præter corporis, nullus est usus, ut quos iam constet per se nil sapere, sed omnia alterius nutu & ductu facere.

T E X T V S.

Iam vult quidem natura & corpora liberorum & seruorum facere dissimilia: hæc quidem valentia ad usus necessarios: illa vero erecta & inepta ad eiusmodi munera, sed utilia ad vitam ciuilem (hec autem & tributa est in usum belli & pacis.) Sæpe vero & contra accidit: ut hi quidem liberorum habeant corpora, illi vero animos.

C O M-

C O M M E N T A R I I.

Βελέται μὲν ἔν.] Ex prioribus perspicuum est, liberos a seruis hac in re maxime differre, quod liberi natura sint ingenio solerte & ratione præditi, serui sint hebetes & tardi ingenio. Differunt igitur liberi & serui animo. hoc loco adiungit eos & corporibus differre. Nam seruorum corpora esse robustiora: utpote ad vsus corporis & operas seruiles accommodata, ad fodiendum, portandum, moliendum, &c. Liberiorum vero corpora ad hos vsus esse inepta & infirma: utpote accommodata ad suos quoque vsus, nimirum ad vitam politicam, id est, actiones tam belli quam pacis: in quibus administrandis sæpe non tam viribus, quam consilio & solertia est opus. Sic igitur natura distingui corpora liberorum & seruorum ait, naturam hoc agere & velle: nimirum quia partium conuenientiam & harmoniam amet natura, neque quicquam frustra faciat. Verum hoc naturæ consilium & ἀρμόδιον ait sæpe impediri, ut in rebus naturalibus interdum monstra oriuntur contra naturæ consilium. Itaque sæpe videre licet, seruos animo & ingenio esse exiguo, vel imbecillo corpore: & liberos, id est, animo & iudicio præditos & excellentes, corpus tamen habere seruale, robustum, & validum: cuius generis Plato fuisse dicitur, solertissimo ingenio, & corpore vasto, vnde habebat nomen παρὰ πλάτῃς, à crasso & vasto corpore. vult igitur natura semper rebus accommodata efficere organa: sed sæpe contra accidit vel propter materiæ incommoditatem & difficultatem, vel propter alia externa impedimenta. Ex his iam perspicuum est, liberos à seruis differre animo & corpore: (de natura & seruis & liberis agimus, non de iis qui lege & instituto: de quibus proximo cap.) & de his est & quod *Seneca* ait *lib. 3. de benefic.* Corpus itaque est, quod domino fortuna tradit, hoc emit, hoc vendit: interior illa pars mancipio dari non potest: ab hac quicquid venit, liberum est: non aut nos omnia iubere possumus, aut in omnia parere coguntur: contra Rempublicam imperata non facient: nulli sceleri manus cominodabunt.

T E X T V S.

Quandoquidem hoc perspicuum, si vel corpore tantum solo differant, quantum Deorum simula-

mulacra : cæteros dicant omnes his seruire debere. Quod si in corpore hoc verum : multo iustius hoc in animo statui : Sed non similiter facile videre & animi pulcritudinem, & corporis.

COMMENTARI.

Ἐπὶ τῷ γε φανερόν.] Locus hic est pulcherrimus de forma corporis & animi. Perspicuum est ex prioribus; præstantioribus iure naturæ imperium & principatum deberi: argumento sint anima ad corpus, mens ad perturbationem, homo ad cæteras animantes, mas ad fœminam, liberi denique & solerte ingenio præditi ad seruos & hebetes. Quam naturæ legem Aristoteles hoc loco confirmat etiam à communi hominum sensu & iudicio, imperio dignos existimantium qui vel solo corpore antecellant cæteris. Formula igitur Aristotelis hæc est à minori : Si corpore præstantes & excellentes imperio sunt digniores : Ergo multo iustius, qui animo & sapientia antecellunt. Antecedens positum est in hominum iudicio. Semper enim imperio & principatu digni sunt habiti, qui formæ quadam dignitate & corporis maiestate aliis præstarent. Quare solent plerunque viris principibus & poetæ & pictores formæ dignitatem affingere. *Hom.* θεοεικέλης vocat & aliis nominib. vt θεοειδέϊς, αὐτῆς, δῖος. *Virg.* Os humerosq; Deo similis, de Ænea : quin etiam *Isocr.* Euagoram propter formæ dignitatem præter cæteros ad regnum perductum esse ait: quo pertinet & Euripidis versiculus celeberrimus, de quo *Stobæus* 63. & *Athenæus* lib. 13. πρῶτον μὲν εἶδ' αἰεὶς τὸ γυννίδ'. primum, inquit, imperio dignos propter formam vel ex forma. Nota sunt & quæ veteres scribunt de Pompeio Magno, & Augusti Octavianii oculis.

Ὅσων αἱ τῶν θεῶν.] Deorum simulacra olim profani ingenti magnitudine fingere & facere solent : quia vt aliis in rebus : ita & in corpore reliquis omnibus nos antecellere existimarent : quod & hoc loco indicat Aristoteles. *Linus* de Romulo iam Deo factio seu Quirino narrat, visum eum Senatori specie humana maiorem. Et *Virg.* de Creusa lib. 2. *Æneid.* in fi. vbi simulacrum & imaginem Creusæ maiorem Æneæ apparuisse ait : etsi hoc de Creusa accipi potest, non
tam

tam quia Dea esset Creusa, quam quod magno corpore so-
let esse maior.

Αλλ' ὅχι ὁμοίως.] Præclara est sententia; Non tam facile *Cur vulgo*
animi pulcritudinem cerni, quam corporis : quam adiungit *corporis ex-*
tanquam rationem, cur vulgo corpore potius præstantibus, *ternaque*
& rebus externis florentibus tribuatur principatus, quam *bona maio-*
sapientia & aliis virtutibus præditis : nimirum quia animi *ris fiant,*
dotes non ita sunt vulgo perspicuæ; ut corporis vel externæ: *quam a-*
alioqui cum animi & virtutis pulcritudo sit summa, si oculis *numi.*
cerni posset, cum incredibiles sui excitaret amores, tum ab
omnibus principatu digna sola iudicaretur. ut præclare *Pla-*
to in *Symposio in fi.* quem Platonis locum imitatus est hîc A-
ristoteles; & apertius expressit *Cic. lib. 1. Offic. initio.* For-
mam quidem honesti vides : quæ si oculis cerneretur, mira-
biles amores, ut ait Plato, excitaret sapientiæ. *¶ lib. 2. ¶*
s. de fin.

CAPUT IV.

TEXTVS.

PERSPICVVM est igitur esse quidem natura
alios quidem liberos, alios vero seruos : qui-
bus & utile sit seruire & iustum : eos vero qui con-
tra asserunt, quodammodo & recte dicere, non
est difficile videre.

COMMENTARI.

Ὅτι μὴ τοῖσι.] Concludit breui, quosdam esse natura
liberos, alios natura seruos : quibus ipsis & expediat seruire
& sit iustum : quæ tria supra sunt explicata. Exposita igitur
sua sententia, nunc aliorum sententiam perpendit, & quo-
rundam controuersias ita dirimit adhibita distinctione ser-
uitutis & iuris, ut reuera & ipse & alii vere & senserint & di-
xerint. Docet igitur hoc capite, perperam à priori discerpto,
quosdam esse instituto seruos, & artem domesticam non esse
eandem cum politica.

TEXTVS.

Bifariam enim dicitur seruire & seruus. Est
enim quidam instituto seruus & seruiens. Lex
E enim

enim pactum quoddam est, quo bello victa victorum esse aiunt.

COMMENTARI.

Διχῶς γὰρ λέγεται.] Dixi in Ethicis, hunc esse Arist. morem, ut postquam suam ab aliis dissentientem sententiam attulerit, & alios reprehenderit: postea tñ invidia vitandæ causa etiam alios excuset, & secum velut conciliet. Ad eundem modum & hic ostendit, qua ratione commode accipi possit eorum sententia, qui differunt seruos non esse natura, sed lege & instituto: nimirum quia loqueretur de seruis bello captis, quos & ipse Aristoteles assentitur, non esse natura, sed lege & instituto. Sed hoc amplius docet, peccare tamen eos, qui hanc seruitutem belli tanquam iniustam criminarentur. Duo igitur in hac re sunt perpendenda: prius, esse seruos quosdam lege & instituto: deinde, an hæc lex sit iusta, & an huiusmodi seruitus in Repub. sit probanda. Prius confirmatur diuisione seruitutis. Nam seruos partim esse natura, partim lege & instituto: de natura constat ex prioribus: de lege confirmat ex communi hominum iudicio & consensu, id est, iure gentium, ut loquuntur Iurisperiti. cuius iuris hæc vna est lex & præceptum; ut bello capta sint victorum seu capientium. de qua lege Iurisperiti in l. 1. ff. de acquir. rer. dom. c. 5. item ea quæ in bello ab hostibus. Instit. de rer. diuis. quam legem Cyrus apud Xenophontem lib. 3. vocat αἰδιον, æternam, & probant Legati Atheniensium apud Thucydidem lib. 5. c. 2. Dionys. Halicarnas. lib. 1. vocat legem communem κοινὴν omnium mortalium naturæ, φύσεως. Cur autem de seruitute agens belli & Iuris belli mentionem faciat: hæc est ratio: quod seruitutis prima origo sit ex bellis, teste Dione Chrysostomo in oratione 15. de Seruitute, & Augustino lib. 19. de Ciuit. Dei adeo quidem, ut veteres seruis bello tantum captis, non vero emtis, multi sint vsi. ut est apud Athenæum lib. 6.

Ὁ γὰρ νόμος.] Legem eleganter vocat pactiōnem seu consensum, ut & Cicero legem naturæ vocat omnium gentium consensum, libr. Tuscul. sic & supr. Ethic. legem vocat συνθήκην & Demosth. in Aristogit. Papinianus vertit spon- sionem, l. 1. c. 2. ff. de legib.

TEX.

T E X T V S.

Ius autem hoc multi Iurisconsulti accusant, tanquam oratorem iniustæ legis: quasi graue sit, si eius quod vim facere potuerit, & quod vi sit potius, seruum sit & pareat id cui vis facta.

C O M M E N T A R I I.

Τῶν δὲ τῶν ὀνείων.] Exposito breui utroque seruitutis genere, de seruitutis naturalis Iure supra explicauit: nunc de alterius Iure & ratione diligenter differit in vtramque partem. Ait igitur fuisse qui seruitutem hanc, vt iniquam, grauius accusarent. Vtitur autem verbis ciuilibus & forensibus in Græcia vsitatis, maxime Athenis: vbi oratores, Tribuni plebis, quos Demagogos vocabant, vt Æschines, Hyperides, Demosthenes, Lycurgus, &c. quibus ius erat rogandarum legum, si legem rogassent, inquam, vel Reipublicæ perniciosam, accusare solent: quod crimen seu accusationem vocabant *παρὰ νόμων γραφή*. Sic Ctesiphonta accusauit Æschines contra Demosthenem. Eleganter igitur Aristoteles, multi, inquit, legum & Iuris periti hanc de seruis bello captis legem iniustam & iniquam esse aiunt, & accusant, tanquam oratorem, &c. Ratio, cur hæc lex iniqua videatur, hæc est: quia graue & indignum sit, vt propter solam potentiam alter dominetur, propter imbecillitatem seruiat alter: quod in bello vsuuenire. Nam imperia non potentia, sed virtute præstantibus debori.

Argumentum quo seruitus ea qua iuris gentium est impugnatur.

T E X T V S.

Et his quidem sic videtur: illis vero ita: & quidem de sapientibus. Huius autem controuersię causa, & quod verba permutare faciat, est: quia & virtus quodammodo iuncta maxime vim facere potest: atque quod superat semper est in præstantia boni alicuius: ita vt videatur vis esse non absque virtute, sed esse controuersiam tantum de Iure. Nam propterea his quidem ius beneuolentię

E 2 esse

esse videtur : illis vero hoc ipsum Ius, potio-
imperare.

COMMENTARI.

Καὶ ἴσ' ἔτι.] Exposita ratione dicentium, hanc ex

*Servitutis bello capto-
rū assertio.* bello servitutem esse iniustam: nunc aliorum affert rationes,
quibus contra hi eam rationi consentaneam esse niterentur:

1. Ratio. Horum igitur rationes sunt duæ: quarum prior est, quod &
virtus opibus instructa maxime vim facere possit. quo perti-
net, quod est apud *Plut. initio Dionis*: Tum demum res ma-
ximas geri, cum virtus seu sapientia cum viribus & opibus
fuerit coniuncta. Exemplo, inquit Plutarch. sint Dio & Bru-
tus, ambo & sapientissimi & potentissimi. Si igitur virtus o-
pibus instructa maxime vim afferre potest, aliosque sub po-
testatem suam subiicere, vel inuitos: videtur & virtuti cum
vi etiam quædam esse cognatio, atq; ita vi bellicæ sua quo-

2. Ratio. que virtus adiuncta esse. Altera ratio melior: quia id omne,
quod superat bono quodam excellere videatur; siue bono
animi, siue fortunæ, siue corporis denique, ut vel virtute, vel
genere, vel diuitiis, vel corporis viribus. Si igitur qui alium
superant, aliquo bono præstare videntur omnes: Ergo &
bello victores. At boni præstantia nil aliud est, quam virtus,
ut *supra lib. 2. Ethic.* Ex quibus perspicuum est, victores in
bello victis non tantum vi, sed virtute quoque esse superio-
res. Si virtute; ergo iure & merito victis imperant. Siquidem
constet inter omnes, virtuti imperium deberi.

*De vero
statu hu-
ius contro-
versia.*

Ὡς δὲ κεῖν.] Exponit Aristoteles, non posse iam adferri
contra servitutem ex bello, tanquam sit ex vi, non ex virtu-
te, postquam docuit, vim belli non esse absque virtute, ma-
xime fortitudine: de hac, inquam, re controuersia esse ne-
quit: sed de hoc potius, an iuri sit consentanea, de ipso, in-
quam, iure, non de virtute: quæ duæ controuersia capita di-
ligenter sunt notanda, ut ea quæ sequuntur obscurissima in-

*1. Opinio,
nullum ius
absq; bene-
uolentia es-
se existi-
mantium.* telligantur. De iure igitur controuersia hæc est, quod aliis
ius absque beneuolentia nullum esse videatur: cuius opinio-
nis ratio hæc esse videtur: quod antiquitus homines, quos
viderent sapientia & iustitia antecellere, sub eorū, tanquam
tutorum & parentum, imperium sua seipsi sponte subiece-
runt: alii quoq; cum tarditate ingenii & stultitia res vitæ ne-
cessa-

cessarias parare sibi non possent; vltro dominis sapientioribus se dediderint, quemadmodum *Possidonius historicus apud Athenaeum lib. 6.* de seruorum ortu commemorat. Beneuolentia igitur & bona existimatio magistratus & Dominos & proinde ius quoq; peperisse videtur. quod si verum est: efficitur seruitutem ex bello esse iniustam, vt quæ vi potius & necessitate, quam voluntate & beneuolentia constet. Contra ius alii hoc esse definiunt, vt præstantior & potior imperet. Priores ius beneuolentia: hi potentia & præstantia definiunt. Et sane horum quoque definitio suam quoque habet rationem, hanc nimirum, ex naturali ratione petitam, & communi hominum sensu, nimirum vt præstantiores imperent, inferiores pareant: quo pertinet definitio iuris apud *Platonem primapolitia, & aliis in locis*, quam & *Cic. in libr. de Repub.* expressit, qua ius esse dicitur id, quod ei qui plus potest, est vtile. Si igitur ius est, meliorem & potiozem imperare: Ergo & bello victorem: & proinde ex bello seruitus erit iuri consentanea, siquidem dominatus.

2. *Opinio eorum qui statuunt, id iuris esse, vt potior imperet. Ratio.*

T E X T V S.

Quando disiunctis his rationibus nihil alteræ rationes firmi habebunt, neque probabile: quasi oporteat, quod virtute est melius, imperare & dominari.

C O M M E N T A R I I.

Ἐπὶ ἀγανάκτων.] Tandem Aristoteles controuersiam dirimit, docetq; eos, qui hanc ex bello seruitutem iustam esse pertinaciter defendant, ex parte quidem verum dicere, non tamen vniuersæ, atque adeo tandem eo delabi, vt veram seruitutem non ex bello, sed ex ingenii tarditate & stultitia definire & metiri oporteat. Obscurior autem sententia horum verborum est: quæ mihi hæc esse videtur. Dux sunt rationes, quibus docerent non debere esse seruos, qui bello capiuntur. Prior est: quia dominatus debeat virtuti, non vi aut necessitati. Altera; quia sit iniusta hæc seruitus. Quid ita? quia nullum ius esse possit, vbi non est beneuolentia, sed necessitas. Has igitur rationes ait Aristoteles non debere disiungi: nam alioqui absurdum sequi, nimirum vt iniustum censeatur, virtute præstantem imperare; quod constat esse

absurdum. Oppugnantes igitur seruitutem ex bello, si prior-
rem rationem dimittant, fateanturque in victoribus suam
quoque inesse virtutem: sed confugiant postea ad alteram,
nimirum ut sit, inquiunt, in iis virtus, tamen nullum est ius:
quia necessitas non beneuolentia; sequitur, inquam, ut in
quo sit virtus, in eo tamen non sit ius, sequitur, inquam, ut
qui propter virtutem imperare debeat, tamen iniuste impe-
ret. Inde sequitur, iniustum esse, ut virtute præstans imperet.
recte igitur Aristoteles ait, rationes eas non esse disiungen-
das, id est, euerfa vna non esse ad alteram confugiendum:
imperite igitur faciunt, qui ad hunc modum seruitutem ex
bello oppugnant. aliter Aristoteles adhibita distinctione
eius quod ex parte, & eius quod vniuerse, quod mox ex-
plicabit.

T E X T V S.

Prorsus autem nitentes quidam, ut arbitran-
tur, iure quodam (Lex enim ius quoddam est) ex
bello seruitutem iustam ponunt: vniuerse autem
non aiunt. Nam & contingere potest, ut bello-
rum principium sit iniustum: & indignum qui ser-
uiat, nemo seruum esse dixerit: alioqui accidet, ut
qui habentur nobilissimi, sint serui, & ex seruis, si
contingat, ut capti vendantur: quare eos nolunt
seruos dicere, sed barbaros.

C O M M E N T A R I I.

*Argumen-
tum eorū,
qui hanc
seruitutem
iustā osten-
dere conan-
tur.*

[Ὁλως δ' ἀντεχόμενοι.] Priusquam Arist. seruitutis ex bel-
lo patronos refellat, etiam alterum illorum de iure argu-
mentum commemorat, nimirum iustam esse hanc seruitu-
tem: quia sit legitima seu legi consentanea. Formula: Si est
legitima, ergo est iusta. Ratio connexi: quia lex ius quod-
dam est; puta, ius scriptum. Nam omne ius vel est scriptum,
vel non scriptum. qua de re dictum supra lib. 5. Eth. Legiti-
mum autem esse, ostensum est, supra ubi de lege seu iure gen-
tium, quo bello capta tribuuntur victoribus. Ad summam,
patroni seruitutis ex bello aduersus oppugnatores duabus
rationibus nixos, de quibus modo dictum, & ipsi contra do-
cebant, & esse virtutem in victoribus & ius. Ius quidem dua-
bus de

bus de causis: quia ius sit potiores imperare deterioribus, & quia lex sit hæc omnium gentium.

“*Ἀμφὶ δὲ τὰ φασί.*”] Scribendum, *ὅλως δὲ* &c. Sic enim & habent meliores libri, & postulat sententia. Quæ ut intelligantur, sciendum est, ut omnia, ita & virtutem & ius aliud esse ex parte quadam, aliud simpliciter & absolute seu omnino, *ὅλως, ἀπλῶς*. Virtutem *ἀπλῶς* Græci vocant *τελείαν*, perfectam virtutem & vno verbo *καλοκαγαθίαν*, nimirum omnium virtutum complexum. Virtutem ex parte vocant singulas virtutes, fortitudinem, &c. Ius autem *ἀπλῶς* vocant ius naturale, & rationi totiq; virtuti consentaneum. Ius ex parte, quod propter aliquam utilitatē certa quadam lege sit constitutum. Hac iuris adhibita distinctione, Aristoteles eos qui seruitutem ex bello iustam asserant, recte quidem ait dicere, non tamen omnino seu vniuersæ, id est, iustam quidem esse, ratione iuris ex parte, non vero ratione iuris vniuersi. Sic & infra *lib. 3. cap. 6.* cum alii Democratiam probantes, iustum esse dicerent ut æqualitas conseruetur: alii paucorum potentiam probantes, iustum esse dicerent, ut genere vel diuitiis præstantes imperent: Respondet ibi Aristoteles, iustum quidem esse ratione iuris ex parte, sed iniustum ratione iuris vniuersi, quod virtuti est consentaneum, & virtute præstantibus, non genere vel diuitiis, vel paribus tribuit imperium. Ad eundem modum & seruitutem ex bello Aristoteles iustam esse fateretur ex parte: quia lege & iure gentium constituta, postulante id utilitate generis humani. Vniuersæ tamen iniustam eam esse docet bifariam: primum, quia contingere potest, ut belli, quo seruitus hæc vel illa cœpit, causa & principium sit iniustum. Formula: Si belli causa est iniusta: ergo & omnia bello perpetrata sunt iniusta, oppugnata, expugnata, capta, acquisita. Quare non continuo sequitur, seruitutem ex bello omnem esse iustam, nimirum ex bello iniusto. Altera etiam in bello iusto locum habet: nimirum non dicendum esse seruum eum, qui ut seruiat, sit indignus: cuius generis sunt solertia ingenii, aut animi magnitudine præstantes, quos profecto nemo seruos dixerit, etsi bello captos. alioqui, inquit Aristoteles, sequeretur, ut etiam nobilissimis parentibus nati & generosissimi sint serui, si capiantur & vendantur. Formula: Si absurdum est, ex nobilissimis parentibus ortos dicere seruos & quasi ex seruis natos, quia

*Virtus alia
ἀπλῶς, alia ex parte.*

*Ius aliud
ἀπλῶς, aliud ex parte.*

*Seruitus
hæc iusta
ex parte.*

*Leg. quia
lege iure gentium constituta & postulante, &c.*

1. Ratio, cum simpliciter iniusta.

2. Ratio.

captos: Ergo non omnes capti continuo dicendi sunt serui, nimirum indigni qui seruiant. Antecedens probant & ipsi aduersarii, hi, inquam, qui seruitutem ex bello iustam esse dicunt. Nam aduersarii fatentur tales captos non esse seruos, sed solos barbaros atq; ita vi veritatis victi eo recidunt, vt hi vere tantum sint serui, de quibus ante explicauimus, ingenio tardi & stulti. Tales namque solent esse barbari, quos vnos illi seruos esse volunt.

T E X T V S.

Atque hoc cum dicunt, nihil quærunt aliud quam quod natura est seruum: de quo principio diximus. Oportet namque fateri, quosdam esse, ex quibus alii quidem vbique sint serui, alii minime, vel nusquam, quomodo & de nobilitate. Nam illos quidem nō tantum apud suos, sed vbique nobiles esse existimant: barbaros vero dominantum, quasi sit quod simpliciter quidem sit nobile & liberale, quoddam vero non simpliciter. Quemadmodū & Theodectis Helena ait: vtrunque vero è stirpe Diuorum satam quis iure appellare seruam possit. Cū autem hoc dicant; nulla re, præterquam virtute & vitio, definiunt seruum & liberum, nobiles & ignobiles. Nam vt ex homine hominem, & ex beluis beluam, ita ex bonis bonum nasci volunt. Natura autem vult illa quidem hoc facere sæpenumero, sed non potest.

C O M M E N T A R I I.

Καὶ τοὶ ὅτι.] Hæc modo sunt explicata, ex quibus tandem effici hoc ait Aristoteles, fatendum esse, reperiri quosdam qui plane & vbique sint serui, alios, qui nusquam, sed vbique sint liberi, id est, esse seruitutem quandam & libertatem natura. Quod quidē Aristoteles erudite explicat comparatione nobilitatis & ignobilitatis etiam aduersariorum iudicio. Nam & hos ita ait existimare, vt nobiles sint duorum generum: alii vbiq; nobiles, alii domi duntaxat, & apud suos:

suos: id est, nobilitatem aliam esse simpliciter & vere, aliam *Nobilis a-*
 ex parte & opinione: quæ nobilitatis distinctio insignis & *lius simpli-*
 rara diligenter est obseruanda, quo modo & Cicero sæpe lo- *citer, alius*
 qui solet, vt *lib. 7. in Vetr.* Alter parens ex altera parte Erbi- *domi.*
 densis Ebulita, homo domi suæ clarus & nobilis, & infra:
 dicit etiã causam Heraclius Segestan. homo domi suæ sum-
 mo loco natus, *Et lib. 5.* Sositenus est Entellinus homo cum
 primis ciuitatis prudens & domi nobilis: *Et pro Flacco;* vbi
 erant illi Pithodorus, & Lepison, cæteri, homines apud nos
 noti, inter suos nobiles. Et hanc nobilitatis diuisionem dili-
 genter obseruauit Orosius Lusitanus & explicat *lib. 1. de no-*
 bilitate.

Ἰωάννης καὶ ἡ θεοδέκτην.] Theodectes, qui orator fuit & *Theodectes*
 Poëta insignis, & Isocratis, teste Hermippo apud Athenæum
lib. 10. discipulus, cuius meminit & Aristoteles *lib. 2 Rhetoric.*
 Eius igitur auctoritate confirmat priorem de seruitute di-
 sputationem: nimirum non continuo seruos esse, qui ab ho-
 ste capiantur. Nam alioqui, vt supra dictum, consequeretur,
 etiam nobilissimis parentibus ortos esse seruos: at hoc indi-
 gnum, inquit Helena, vt qui vtroque parente, aut stirpe di-
 uina sit natus, vt hic seruus dicatur.

Ὅταν δὲ τοῦτο λέγωσιν.] Ex hac comparatione & argumē-
 tatione aduersarios ipsos ait Aristoteles tandem sibi assenti-
 ri, nimirum libertatem & seruitutem, nobilitatem & ignobi-
 litatem virtute & vitio esse metiendam, non fortuna aut
 bello.

Ἀξιότιμος ὅς ὥσπερ ἐξ ἀνθρώπων.] Hoc adiungit propter He-
 lenæ exemplum, de qua dictum, etsi inter alienissimos tan-
 quam ancilla versaretur, magnifice tamen de se prædicare
 non esse veritam; non esse se ancillam, vtpote diuina stirpe
 progenitam. Ex quo exemplo Aristoteles elicit & colligit,
 aduersarios virtuti tribuere & libertatem & nobilitatem.
 Nam Helenam non esse ancillam, sed liberam & ingenuam,
 quia ex ingenuis parentibus ortam. Ex quo & hoc perspici-
 tur, aduersarios ita existimare, vt boni nascantur ex bonis,
 fortes creentur fortibus; nimirum vt quemadmodum ex ho-
 mine homo, ex belua nascitur belua, ex equo non nascitur
 bos, sed ex suo quodque animal genere, (vt eleganter Varro
lib. 8. de ling. Lat. & supra diximus *lib. 10. Ethic. ex Aristotele,*
Et Lucret. lib. 5.) ita & boni ex bonis nascantur, fortes ex for-
 tibus,

tibus, improbi contra ex improbis, &c. Quam horum sententiam Aristoteles adiungit naturæ esse consentaneam. Nam id agere naturam, ut parentum corpora & propter summam corporis animique necessitudinem & συμπάθειαν animum quoque & ingenium reddant & imitentur. Et si hūc naturæ cursum sæpe interrumpi videmus tam in corporibus quam in animis, vel propter materiæ mutationem, vel propter depravatam institutionem & educationem; quo pertinet proverbum: Heroum filii noxæ. Sed de hac re infra lib. 3. & Plato eleganter in Epitaphio. Ex his iam perspicuum est, nobiles alios esse absolute & simpliciter, alios non absolute, sed domi & inter suos: eandem quoque seruorum esse rationem & liberorum; quod adiungit Aristoteles.

T E X T V S.

Perspicuum est igitur, controuersiam ratione quadam niti, & non esse quidem hos natura seruos, illos vero liberos, & in quibusdam hoc esse definitum, quibus partim quidem expediat seruire, partim vero dominari, & iustum sit & oporteat hoc quidem parere, illud vero imperare, eo imperio ad quod natura sunt apti, quare & dominari: perperam autem vtrisque esse inutile. Idem namque expedit & parti & toti, & corpori & animæ: seruus autem pars quædam domini, ut animatum quiddam corporis, seiuncta tamen pars: quare & utilitas quædam & amicitia est seruo dominoque inter se natura ad hæc aptis: iis autem qui non ad eundem modum sint affecti, sed lege, & vi, contra.

C O M M E N T A R I I.

[Ὅτι μὴ οὖν ἔχει.] Conclusio est prioris disputationis, & qua hæc duo perspicua esse ait: prius, quosdam esse, qui natura neque plane sint liberi, neque serui: alterum, esse alios, quorum quidam natura sint serui, quidam liberi. Nam Aristoteles homines in duo genera tribuere videtur: alios namque

que mediocriter esse sapientes & intelligentes, alios vero *Sapientes*
 summe sapientes vel summe stultos: medios illos neque pla- *aut stulti,*
 ne seruos esse neque liberos, & hoc est quod ait; *ὅτι εἰς τὴν αἰ* *alii medio-*
μῶν φῶσθαι. Sic enim habent meliores libri: nam in aliis abest *criter, alii*
 negatio. Sic & supra *ὡς ὅτι τὸ μὲν ἀπὸ τῶν ὧν*, nobiles quoq; par- *summe.*
 tiri videtur, vt alii plane & vere sint nobiles & vbiq;: alii
 non omnino neque simpliciter, sed domi tantum. Alterum
 hominum genus complectitur vel insigniter sapientes, vel
 stultos; & in his ait definitum esse qui natura sint liberi, qui
 serui: de quibus adiungit Aristoteles, quod & supra esse hanc
 distinctionem & iustam & vtilem, & vtrique denique ca-
 ram. Cur iusta sit, ratio est, quia naturæ consentanea, supra
 explicata. Cur utilis, docet exemplo partium & totius. Nam
 vt partibus & toti idem plane expedit, ita & seruo ac domi-
 no expedit hæc distinctio, id est, vt dominus imperet, pareat
 seruus. Quid ita? Quia & seruus domini est tanquam pars,
 sed seruncta: quod supra explicauimus. Cara denique est hæc
 distinctio vtrique & efficit, vt dominus & seruus inter se a-
 ment, cum seruus absque domino se tueri non possit, domi-
 nus serui opus habeat ministerio. Amoris igitur inter domi-
 num & seruum causa est vtilitas communis, & naturæ de-
 scriptio seu distinctio. Quod confirmat ex repugnantibus.
 Nam qui non natura, sed lege, vi, fortuna, & bello ita sint
 distincti, non natura, hos inter se perpetuo odisse: vnde pro-
 uerbum verus; Quot serui, tot hostes, de quo *Festus & E-*
rasmus. Ex his & hoc est perspicuum, Aristotelis de seruitute
 sententiam Iurisperitorum scriptis esse consentaneam,
 qui volunt, seruitutem naturæ repugnare, homines natura
 liberos esse: præter quod Aristoteles non omnes natura li-
 beros esse ait, sed eos duntaxat, qui cæteris sint prudentio-
 res & solertiores; quod idem & præclare *Philo toto libro* do-
 cet, virum bonum vere & solum esse liberum; & *altero libro*,
 qui hodie non existat, solos improbos esse seruos: quæ & Stoi-
 corum fuit opinio, de qua *Cic. in Paradoxis.* Sed hæc philo-
 sophica & naturalis est libertas & seruitus: alia est ciuilis, de
 qua agunt Iurisperiti, quæ quidem ciuilis eo melior erit,
 quo naturali fuerit propior & accommodatior: vt omnia ci-
 uilia eo sunt meliora, quo naturali rationi cognatiora. Quæ-
 ri autem potest, An apud Christianos vlla sit seruitus, vel esse
 debeat. Quæ quidem quæstio grauissima ita breui explican-
 da mihi

*An apud
 Christianos
 seruitus per-
 mittenda?*

da mihi videtur. Sunt quidem qui existiment, nullam seruitutem esse debere apud Christianos: propterea quod apud Christum, ut ait *Paulus ad Galatas*, nullus sit neque Græcus, neque Barbarus, vel Indæus, nullus liber aut servus: & quia Christiani omnes sint tanquam fratres, & pari iure, quibus rationibus adducti videntur Imperatores veteres Christiani, ut seruitutem veterem non quidem totam sustulerint, sed tamen valde infregerint; adeo ut parum à libertate differre videretur, & tandem eam prorsus aboleuerint. Quod quidem quo tempore in Occidente acciderit, non facile reperiatur. Videor tamen obseruasse, seruitutem in orbe Christiano etiam imperante Friderico Secundo in usu fuisse. Nam & in legibus eius Neapolitanis, & in iure pontificio ea ætate composito sæpe seruitutis fit mentio: hac tamen ætate nostra, præterquam in Hispania Turcæ & Afri, nulli fere sunt serui. Nam qui in Burgundia, in Bauaria, in Westphalia & aliis quibusdam regionibus, Coloni sunt potius quam veri serui, quorum tamen speciem gerunt. Cuius generis Colonos & Veteres Romani habuerunt, de quibus *lib. 12. Codicis*

*Auctoris
Sententia.*

Imperatores. Quid ergo dicendum? Existimo, seruitutem neque Evangelio repugnare, aut Religioni nostræ, aut pietati Christianæ: deinde Reipublicæ esse vtilissimam, loquor de seruitute non quidem antiqua Romanorum nimis graui & crudeli, sed de moderata, qualem veteres Germanos habuisse scribit *Tacitus*, & *Moses* Ebræis constituisse videtur. Cur igitur moderata seruitus pietati Christianæ non repugnet, hæ sunt causæ. I. est: quia *Moses* eam probauit, cuius instituta, tanquam à Deo ipso profecta, non temere sunt reprehendenda aut deferenda, etiam politica. II. causa, quia *Paulus Apostolus* in *Epistolis ad Ephes. Coloss. aliisque, in locis* hanc dominorum & seruorum distinctionem non improbare videtur, qui seruos iubet dominis suis parere, & grauitur quosdam accusat, qui specie ministerii Ecclesiastici Onesimum seruum domini sui potestate subtrahere vellent. Præterea veteres Christiani semper hac distinctione sunt vsi ad illa usque tempora, de quibus dixi; adeo quidem ut & Synodis hæc distinctio confirmetur. Postremo, quia pietas Christiana Reipublicas & earum instituta tueatur potius, quam conuellat. At notum est, Christiana pietate exoriente & maxime postea florente, hanc hominum distinctionem in usu fuisse, &

qui-

quidem Reipublicæ admodum fructuosam; qua de re mox. *Contrarii*
 Aliorum rationi ita facile occurrendum est, adhibita distin- *argumenti*
 ctione. Nam cœlesti conditione homines omnes esse libe- *solutio.*
 ros, humana non item. Ideoque loca, in quibus de libertate
 communi agatur, accipienda de cœlesti & spiritus libertate,
 non de humana & ciuili: qua quidem ciuili non impediri
 cœlestem, & ea esse vtendum quamdiu Republica: nam &
 cœlesti conditione neque magistratu neque legibus sit opus.
 Seruitus igitur ciuilis cœlesti libertati non repugnat: quin
 potius ei consentit: propterea quod seruitus ciuilis sit pœnæ
 & supplicii genus, vt verbera, mors, &c. inquit *Augustinus.*
 Quare vt alia supplicia delictis & peccatis debita non repu-
 gnant libertati Christianæ, ita nec seruitus. Reipublicæ au- *Seruitus*
 tem vtilem & fructuosam esse multis argumentis doceri po- *Reip. vtilis.*
 test. Primum quia sit supplicii quoddam genus, quo vel ma- *1. Ratio.*
 xime reprimi & coerceri possit quorundam improbitas,
 quos iniustum sit statim morte afficere. Præterea exemplo *2. Ratio.*
 sint omnes fere Respublicæ optime institutæ, etiam Mosai- *3. Ratio.*
 ca, quas hoc supplicii genere esse vsas constat. Præterea non
 paruum in seruitutē adiumentum esse videtur ad bella & se-
 ditiones reprimendas. Nam non tam facile ad bellum rue-
 rent, si captis vel esset seruiendum vel esset moriendum, vt
 veteri more, cum hodie omnes sine discrimine pecunia di-
 mittantur. Ad seditiones autem & turbas reprimendas vti-
 lissima est seruitus: quarum seditionum parens plærumque
 inopia esse solet, qua de re lib. 5. & æs alienum; optimum
 videretur esse consilium Moſis, vt qui inopia laborarent, vel
 ære alieno premerentur; ne res nouas moliantur, creditori-
 bus vel seruiendo satisfaciant ad tempus, vel in perpetuum
 pro debiti magnitudine. Non igitur temere sunt audiendi,
 qui hanc hominum distributionem tot seculis etiam apud
 Iudæos & veteres Christianos receptam & Reipub. fructuo-
 sam, ne dicam necessariam, improbandam & tollendam sen-
 tiant. Nam res ipsa, vt docuimus, pietati Christianæ non re-
 pugnat. Quod autem Caritati, vt loquuntur Theologi, id *Alterius ar-*
 est, amoris & officiis Christianis non repugnet, quod quidam *gumēti cō-*
 afferunt: in modo est positum, id est, grauis & dura sit serui- *trarij refu-*
 tus, an lenis & facilis. Qui modus pro temporibus seu attri- *tatio.*
 butis nationum (nam Asiatici ad duriores nati dicuntur
 seruitutem quam vel Græci, vel maxime Germani, qua de re
 infra)

infra) temporum, locorum, Principum, &c. temperari & cōstitui debet, certe definiri non potest. Quamuis hoc certo teneri potest, non ita seruitutem esse intendendam, ut herilis potestas plane fiat tyrannica, ut apud Romanos veteres; neque ita relaxanda, ut apud Athenienses, tanquam nulla sit inter seruos & liberos differentia. Neque vero Reipublicæ tantum utilis est hæc personarum distinctio, sed singulis quoque hominibus, maxime natura seruis & dominis, ut supra explicauimus.

Singulis quoque hominibus seruus est utriusque.

T E X T V S.

Ex his autem perspicuum quoque est, herile imperium & politicum non esse idem, neque omnia inter se imperia, ut quidam aiunt. Nam hoc quidem natura liberorum, illud vero est seruorum: atque ratio domestica quidem est vnius imperium. Domus namque omnis ab vno administratur. Ciuilis vero, imperium est liberorum & parium.

C O M M E N T A R I I.

Imperium herile, politicum, &c. non esse specie eadem.

Πανεργὸν δ' ἐκ τούτων.] Explicata priori quæstione, an serui sint natura, tandem hic de altera breui explicat, an imperium herile & domesticum idem sit quod ciuile, quin etiam an hæc tria, vel potius an omnia imperia sint eadem; Herile, Domesticum, Regale, Populare, Optimatum, & Tyrannicum: de qua quæstione & supra initio cap. i. promisit, se hic latius explicaturum, ubi monuimus, Platonem in hac fuisse sententia, ut hæc omnia imperia existimarit specie & reuera esse eadem, solo numero & nominibus discrepantia. Nam Plato in *Erastus*, alijsq; in locis, & maxime in *Politico* omnia hæc imperia tam publica quam priuata confundit, cuius rationem supra attulimus. Aristoteles hanc eius sententiam hic falsam esse docet tribus rationibus: quarum prima est de differentia imperii herilis & politici, ubi hoc monendum est, politicum imperium seu rationem non esse intelligendam generatim de omni publico imperio, ut Regum, Populi, Optimatum, sed nominatim & speciatim de imperio eius Reipublicæ, quæ speciatim *Politia* dicitur: etsi eadem est & a-

r. Argumentum.

liarum.

liarum Rerum publicarum ratio: hanc igitur politicam potestatem ab herili differre docet hac ratione, à materia seu parentibus sumpta: quod parentes Reipublicæ sint liberi: parentes domino sint serui. Iam vero perspicuum est, seruos à liberis differre tota natura & specie. Altera ratio accommo-
 datur ab Aristot. ad imperium domesticum & ciuile. Nam hæc differre docet hac ratione à causa efficiente, id est, ab imperantibus sumpta, & eorum discrimine; quod Domesticum imperium sit vnius, & velut Regnum (quod supra dictum est *cap. 2.*) in impares, id est, patrisfamilias in uxorem, liberos & seruos. Ciuile autem imperium non vnius, sed est multorum & quidem pari iure & conditione viuentium. Multorum quidem, quia in eo Reipublicæ genere, quod politia dicitur, multi sunt imperantes, nimirum magistratus varii. In eodem quoque Reipublicæ genere ciues omnes sunt pares, omnes liberi, inter quos imperandi & parendi est vicissitudo, vt inter pares. Quare iure Cicero Cæsarem graui-
 ter reprehendit, qui in Repub. inter pares æquo tamen iure cum cæteris ciuibus viuere non posset, *lib. 1. & 2. off. & alibi.* Tertia ratio primo nulla videtur afferri, tamen diligentius
 attendenti hæc mihi videtur esse, qua ars politica differat ab vtraque tam domestica quam herili potestate: quia Politicæ sua est ars atque scientia, herilis minime. Politicæ suam esse artem est notum: herilem nullam esse artem, aut certe per-
 exiguam, vt nec seruilem, mox adiungit.

2. Argumē-
 tum.

3. Argumē-
 tum.

T E X T V S.

Itaque dominus quidem non dicitur ex scien-
 tia, sed ex eo quod sit talis, item & seruus & liber: Scientia vero sit herilis & seruilis: seruilis quidem, cuiusmodi Syracusis docuit: ibi namque mercede quis accepta pueros docebat cotidiana ministeria: sit autē & amplius talium disciplina, vt obsonandi & alia id genus ministeria: alia namque ab aliis differunt. Nam alia quidem munera sunt honestiora, alia vero magis necessaria: atque ex prouerbio; Heroque Herus, Seruoque Seruus est prior. Atq;
 hæ qui-

hæ quidem scientiæ sunt omnes seruiles. Herilis autem scientia est ars vtendi seruis. Dominus enim non possidendo seruos, sed iis vtendo æstimator: sed hæc scientia nihil habet magni aut præclari. Quæ enim seruum scire facienda oportet, hæc illum scire oportet imperare. Quare quibus non vacat sibi ipsis hanc molestiam afferre, curator hunc honorem accipit, illi vero vel capeffunt Rempublicam, vel philosophantur. Cæterum ars rei parandæ ab vtraque hac differt, vt iusta belli gerendi ratio aut venandi. Sed de seruo & domino hunc in modum sit explicatum.

C O M M E N T A R I I.

‘Ο μὲν οὖν δεσπότης.] Elegans est & brevis clausula de scientiis herili & seruili, & de seruorum ministeriis atque officiis. Primo negat, dominum, seruum, aut liberum ex scientia spectandum, sed ex eo, quod sit talis, id est, dominum non dici aut seruum, quia hic seruire, ille sciat dominari, non ex eo, sed quia tales sint natura, id est, alter natura ad dominandum factus, alter ad seruiendum; vt supra explicatum. Quare in re Herili & Seruili non quærenda est scientia, sed naturæ affectio, id est, vel sapientia & ingenii solertia, vel tarditas & stultitia.

*Seruiendi
artem esse.*

Επισήμη δὲ.] Quadam velut correctione mitigat id, quod modo dixerat, seruos aut dominos scientia non æstimari, sed qualitate seu conditione naturæ. Ex quibus verbis colligere quis poterat nullam esse artem vel dominandi vel seruiendi. Hic igitur Aristoteles docet, & seruiendi esse artem & dominandi. Seruorum autem artem esse confirmat exemplo doctoris cuiusdam Syracusani, qui Syracusis pueros pretio ministeria domus cotidiana & vulgaria docere consuevit. Ministeria & operæ seruiles sunt verrere, vngere, co-

*Seruiles ope
ra alia hone
stiores, alia
viliores.*

quere, obsonare, agrum colere, &c. Quas omnes seruiles opera Aristoteles in duo partitur genera. Nam alias esse honestiores, alias magis necessarias & viliores; quam diuisionē confirmat prouerbio, quo dicuntur serui alius alii præstare, & do-

& domini alius alii: de quo *Erasmus in prouerb.* Seruus seruo præstat. Obseruandum autem, quod ait, ex artibus & operis seruilib. alias esse honestiores, alias magis necessarias. Nam pluraque quo magis sunt necessaria, eo sunt viliora, quo minus necessaria, eo honestiora, lautiora & ornatiore. Quo principio seu axioma & Aristoteles nixus Theologiam seu primam philosophiam omnium scientiarum docet esse ornatissimam & præstantissimam, *lib. 1. Metaphys. cap. 2. in fin.* ut quæ Philosophia sit orta non tam ob vsus vitæ necessarios, quam ob veritatis contemplationem. Operæ igitur seruiles partim sunt lautiores & honestiores, partim viliores. Quemadmodum & *Cic.* diuisit *paradoxo penult.* Sic & Iuriconsulti seruos faciunt partim ordinarios, partim vicarios: honestiores serui sunt Atrienſes, actores, dispensatores, cubicularii, notarii, medici, nomenclatores: viliores sunt obſonatores, coci, vinctores, ostiarii, mediastini, scoparii. Quo in loco Ciceronis valde mendoso, ita legendum, alias docuimus; Atque ut in magna familia seruorum sunt alii lautiores (ut sibi videntur) serui, sed tamen serui, ut atrienſes: paristulicia sunt, quos signa, tabulæ delectant, &c.

Serui alii
honestiores,
alii viliores

Τὰ ἐγκύκλια ἀναγκαῖα.] Græci ἐγκύκλια vocant ea, quæ ad vsum cotidianum sunt necessaria, seu officia cotidiana, ut sternerē lectos, struere mensam, focum, haurire aquam, collocare suppellectilia, purgare. Sic & infra vocat Aristoteles *lib. 2. cap. 7.* vbi de mulieribus Spartanis, & *Isocr. in oratione ad Nicoc.* Latine reddamus, vsus cotidianos, negotia, munera, ministeria. Hæ igitur sunt artes seruorum, de quibus est tractatus Iuriconsultorum, *De operis seruorum.* Herilis autem seu Domini scientia & ars nihil aliud est, inquit Aristoteles, quam ratio vtendi seruis; quemadmodum ars domestica seu Oeconomica nihil aliud est, quam ratio vtendi domo seu domus partibus, vxore, liberis & seruis & bonis seu re familiari. Nam ut his omnibus vtendi est ars domestica; ita seruis tantum vtendi ratio est ars Herilis. Sed enim dicet aliquis; in hoc esse artem Herilem, ut sciât; quemadmodum, qui, quales parentur serui, & possideantur seu habeantur. Respondet Aristoteles, dominum non habitu sed vsu seruorum æstimari. Nam ratio domestica & civilis maxime ex vsu spectari debet, id est, ut vti sciât; ex hoc vel Politicus vel Oeconomicus dici solet. Quare eos qui vel ma-

Ἐγκύκλια

Ars Heri-
lis.

*Veterū Gra-
corum sole-
mnia hone-
stioraq; stu-
dia.*

*Ars rei qua
renda.*

ximum pecuniæ acervum, vel maximam familiam sibi pa-
rauerint, neque tamen vti sciant, hos profecto iure quis ne-
garit esse vel patresfamilias, vel dominos veros. Vsus autem
seu ratio vtendi seruis in eo est, vt imperare scias seruis, &
exigere operas, quæ res, quia facilis est neque nimis honesta:
ait Aristoteles, honestiores hanc vtendi seruis artem tradere
curatoribus seu actoribus & lautioribus seruis, ipsos vero vel
Rempublicam capeßere vel philosophari. Nam hæc veterum
Græcorum duo erant solemnia studia honestiora, Rei-
pub. administratio, & philosophia: Tertium mercaturæ erat
ignobiliorum: de quibus tribus vitæ generibus dictum est &
supra lib. 1. Eth. cap. 5. etiam ex Ethicis ad Eudemum lib. 1.

H' δὲ κτητικὴ.] Interponit hic de arte rei quærendæ, de qua
mox copiose, hanc differre ab vtraque illarum, id est, à serui-
li & herili: cuius gratia ait esse artes belli iusti gerendi, & ve-
nandi vt & infra latius capite proximo. Interposuit autem
hanc clausulam eo, ni fallor, consilio, vt moneret artem rei
parandæ non esse scientiam vel seruorum vel dominorum
propriam, sed ab vtraque distinctam, & illas aliis in rebus
cerni, vt iam diximus.

C A P V T V.

DV o fere sunt summa capita & membra artis domesti-
cæ: alterum de personis, alterum de rebus: quod supra
monuimus. Et quidem de personis explicatio propria est ar-
tis domesticæ. Personas ostendimus esse trium generum, v-
xorem, liberos, & seruos. Quare explicato de seruorum cõ-
ditione, reliquum erat de vxore & liberis explicare. Verum
Aristoteles, quia & de rebus iam explicare instituerat (nam
seruos in rerum numero haberi ostendimus) hac igitur de
causa Aristoteles & occasione, quia, inquam, partem attige-
rat, de tota ratione seu arte rei parandæ explicat. Et quidem
hoc capite primo controuersias de hac arte exponit: deinde
eam diuidit; & vnum membrum item multipliciter diuisum
hic explicat, vbi & præclara quædam de variis vitæ humanæ
generibus & institutis: & omnia hominum causa creata &
generata esse. Græci hanc rationem seu artem vocant κτη-
τικὴν & οἰκονομικὴν: etsi magis proprie κτητικὴ est generis
vocabulum, οἰκονομικὴ speciei. Nam totius rei familiaris
parandæ ratio κτητικὴ dici solet, & interdum οἰκονομικὴ:
partis

partis autem rei familiaris eius, quæ ex rebus contrahendis paratur, ars & ratio proprie *ῥηματισκὴ* dicitur. *Κτήκη* quidem à *κτῆσις*, quod est totum patrimonium, seu facultates vniuersæ: *ῥηματισκὴ* vero à *ῥῆμα*, quod interdum cōmunius est, & omnem rem familiarem complectitur, supra lib. 4. *Ethic. cap. 1.* interdum est angustius, & pecuniam numeratam significat. Latine *κτῆσις* à quibusdam redditur, opes: non recte. Nam opes Latine idem, quod potentia: Cicero solet dicere interdum rem, interdum rem familiarem. *ῥῆμα* quoque ut Græce bifariam accipitur, sic & latine pecunia, interdum de tota re familiari, interdum de numis, *l. pecunia verbum, §. l. 212. ff. de verb. sign.* Itaque *κτήκη* à Cicrone lib. 2. *Offic.* dicitur ratio rei quærendæ & rei parandæ: sic *ῥηματισκὴ* dicatur ratio seu ars pecuniæ parandæ seu quærendæ. Sunt qui vertunt, rationem quæstuariam & pecuniariam: perperam & illi, qui *κτῆσιν* vertunt, possessionem. Nam possessio est pars vniuersæ substantiæ, ut prædia, prata, vineæ, & maxime prædia seu villæ: quanquam *κτῆσεως* vocabulum, ut & *ῥῆμα*, interdum est latius, complectens omnem rem familiarem, interdum angustius de prædio, & hac angustiore significatione *κτῆσις* recte verti potest, possessio. Sic prædium late diffusum, id est, villam, vna cum agris vocant *συνκτῆσιν* & *συνκτῆσις*, quæ latine latifundia & possessiones vocant, *l. 34. §. 1. de leg. 2. §. l. 30. §. Titia, de adi. mend. legatis.* *Κτῆμα* autem possessionem quoque vocant: item perperam. Nam *κτῆμα* est quælibet *κτῆσεως*, id est, vniuersitatis pars: nos igitur *κτῆμα* reddamus membrum seu partem rei familiaris, ut *Cic. paradoxo 1.* In quo equidem continentissimorum hominum maiorum nostrorum sæpe requiro prudentiam: qui hæc imbecilla & commutabilia pecuniæ membra solo verbo bona putauerunt appellanda, cū re ac factis longe aliter iudicauissent. De rei autem & rei familiaris vocabulo multa sunt loca apud Ciceronem & apud Iurisconsultos, in *l. rei appellatio latior est, quam pecunia, &c. ff. de verb. sign.*

T E X T V S.

Videamus autem vniuersæ de vniuersa re familiari & pecuniæ quærendæ ratione, prior ratione

& via: siquidem & seruus rei familiaris pars quædam est. Quærat igitur quis primo, ars rei quærendæ sit ne eadem quæ domestica, an pars aliqua, an administra: & si administra, an vt ars radiorum efficiendorum est arti texendi, an vero vt fabrica æraria est arti faciendorum signorum: neque enim eodem modo ministrant: sed hæc quidem ferramenta præbet, illa vero materiam; materiam dico stratum, ex quo opus aliquod absoluitur, vt textori quidem lanæ, statuarum vero fictori æs.

C O M M E N T A R I A

Cur de vniuersa rei familiaris explicandum. *2. Ratio. Methodus.* *1. Quæstio.* *Aristotelis sententia.* *2.* *3.* *Aristotelis sententia.*

Ὅλως δὲ περὶ πάσης.] Duo hic afferuntur: vnum, cur de vniuersa rei familiaris quærendæ ratione sit explicandum, & quemadmodum: alterum, quid, id est, quæ quæstiones. Ratio igitur, cur de re familiari vniuersa sit explicandum, hæc est: quia eius est utilitas & ad artē domesticā & ad politicā insignis, vt inf. indicat Arist. in fine cap. Præterea vt melius intelligat prior de seruis & dominis disputatio: nā partes melius cognoscuntur explicato toto. Methodus autem seu ratio & via explicandi de arte rei familiaris, eadem erit, inquit, quæ prior explicandi de arte ciuili & de arte domestica. Et hoc est, quod ait; καὶ τὸ ὑφ' ἡμῶν πρόπον, nimirum συστηματικὴ seu constructio, qua partibus articulatim explicatis, tandem cognoscatur totum. Quare postquam de seruo, qui pars est rei familiaris, iam explicauit; reliquum erat ad alias porro rei familiaris partes progredi, vt vniuersum corpus & tota rei familiaris ratio cognoscatur.

Πρώτον μὲν οὖν ἀπορήσεις.] Triplex exponitur controuersia: an ars rei quærendæ eadem sit quæ domestica: si non eadem; an eius, tanquam totius, sit pars quædam: si ne pars quidem, an saltem sit administra & adiutrix: quæ quidem postrema quæstio rursus secatur: propterea quod artes ministræ duorum sunt generum. Nam alæ ferramenta & organa, alæ materiam suppeditant & subministrant. Summa autem disputationis; docet Aristoteles, neque eandem esse neque partem, sed administram: etsi improprie & populariter ars hæc rei quærendæ maxime species eius quæ naturalis dicitur,

dicatur, dici solet, & potest esse pars quædam artis domesticæ: Verum proprie & exquisitæ ars hæc plane est alia ab arte domestica.

Καὶ εἰ ὑπερτεχνικὴ, πότερον.] Obseruanda est artium diuisio *Artes alia* qua Aristoteles alias facit Architectonicas, latine Principes, *sunt Archi-* alias ὑπερτεχνικαί, latine administras & adiuuantes, de qua di- *rectonica* uisione dictum est & supra nonnihil, *lib. 1. Ethic. cap. 1. Plato seu Princi-* in *Politico* aliis verbis artes facit partim αἰτίαι, partim συναί- *pes, alia ad-* τήεις, adiuuantes. Quæ sint Principes, ex administris cogno- *ministra:* sci poterit. Administræ igitur seu adiuuantes sunt duplices. *Et hæ præ-* Vel enim præbent & administrant vel suppeditant organa *bent vel or-* & instrumenta, vel materiam. in illo genere χαλικοποιήκη, *gana vel* & ὀπλήκη, frænorum & armorum telorumque faciendo- *materiam.* rum artes, & sellarum equestrium; quæ omnes sunt admini- stræ artis equestris & militaris, vt & mechanica & tormen- torum bellicorum opifex. Dialectica quoque cæteris scien- tiis & artibus est administra organica. Sic radiorum confe- ctrix ars administra est artis texendi. In hoc genere est fabri- ca æraria artis faciendorum signorum (quæ ex ære plæraque fieri solebant olim) administra, & suppeditat materiam. Sic lanarum carminator textori, & hic fulloni, & hic sartori materiam suppeditant: Coriarius sutori: materiarius fabro lignario & nauali. Nunc quæritur, vtro in genere sit ars rei familiaris quærendæ: qua de re infra *cap. 7.*

T E X T V S.

Et quidem artem domesticam non esse ean- dem, quam artem rei quærendæ, perspicuum est. Nam huius quidem est quærere, illius vero vti. Quæ enim præter domesticam erit, quæ rebus ad domum pertinentibus sit vsura: verum vtrum e- ius pars sit quædam, an alia species, est controuer- sia.

C O M M E N T A R I I.

Ὅτι μὲν οὖν αὐτὴ.] De tribus modo propositis quæstioni- *Ars rei qua* bus primam ait esse facilem. Nam omnibus esse perspicuum *renda nō est* artem rei quærendæ non esse eandem, quam artem domesti- *eadem qua* cam. Quid ita? Quia alius artis rei parandæ, alius artis do- *Et œconom.* mesticæ

domesticæ est finis seu potius officium. Formula: Quantum artium dissimilia sunt officia & fines, hæ inter se differunt. At artis rei quærendæ officium est quærere & parare rem familiarem, domesticæ est quæsitis uti. Ergo inter se differunt. Propositio nota est. Nam officiis & finibus plarumque distingui solent artes & scientiæ, ut & materia. Assumptionis duo sunt membra, prius de arte quærendi, cuius finis cur sit quærere, non explicat Aristoteles: quia per se notum ex ipso nomine. Artis domesticæ finis cur sit quæsitis uti, rationem adiungit à diuisione & partibus sumptam, hanc: quia nulla alia ars proferri possit, quæ te familiari utatur, præter domesticam. Hoc igitur perspicuum & clarum est, has artes inter se differre. Verum hoc non peræque est clarum, quemadmodum differant, an ut pars à toto, aut ut species à specie, seu genus à genere, id est, an ars rei quærendæ sit pars artis domesticæ, an vero prorsus ab ea sit disiuncta, & alia plane artis species. Quam quæstionem Aristoteles diuidenda arte rei quærendæ explicat. Nam duas facit Principes artis rei quærendæ partes seu species, naturalem & artificiosam: quarum illa artis domesticæ pars quædam dici possit, hæc minime, atque adeo exquisitè nulla. Sic enim hæc vertenda & coniungenda; *Ὁν μὲν ἔστι*, & *πότερον δὲ*.

*Discrimen
inter utrā-
que.*

TEXTVS.

Nam si est eius qui artem rei quærendæ tenet, nosse vnde pecunia & res paretur: res autem & diuitiæ multas partes complectuntur: certe primum agricultura vtrum pars quædam rei quærendæ an aliud quoddam genus, & vniuerse vitæ procuratio, & quæstio Ctesis.

COMMENTARI.

Εἰ δὲ ἐστὶ τοῦ.] Distinctius affert controuersias & quæstiones ex differentia partium rei familiaris. Nam cum rei familiaris multæ sint partes & membra, de singulis quæri potest, an earum quærendarum ratio & ars sit pars artis dome-

domesticæ, verbi gratia de agricultura, de arte pecuniaria, de venatione, de mercatura: & ad summam, ὅλως, vniuersæ & omnino de omni victus genere siue ex terra, siue ex pecoribus, siue ex venatu comparetur; an sit, inquam, ratio seu ars quærendi victus sit pars artis domesticæ. Cur autem ex differentia partium rei familiaris hæ quæstiones sumantur, hæc est ratio, quod hæc ars in re familiari quærenda sit occupata.

T E X T V S.

Atqui sunt multa victus genera: quare & vitæ multæ tam animantium sunt quam hominum: nam absque victu viuere nefas. Quare victus differentiæ vitas animantium dissimiles faciunt. Nam animantes partim quidem sunt congregatæ, partim foliuagæ, prout illis ad victum conducit; eo quod aliæ quidem animantibus vescantur, aliæ vero fructibus, aliæ omnibus rebus. Quare pro opportunitatibus & delectu earum natura vitas earum distinxit. Quia autem non idem singulis natura est iucundum, sed alia aliis: & ipsarum, quæ animantibus & quæ fructibus vescuntur, vitæ inter se differunt.

C O M M E N T A R I I.

Ἀλλὰ μὲν εἶη.] Aristoteles hoc loco orditur distinctionem artis rei quærendæ, quam (vt modo dixi) facit bipartitam; naturalem & artificiosam: quam distinctionem sumit ex ipsis rei familiaris partibus, quas vel natura suppeditat, vel ars & commercia. De priorē igitur parte primum, quam facit tripartitam, Cuius diuisionis ratio ex vitæ generibus & studiis sumitur: vitæ autem genera ex alimentorum & victus dissimilitudine. Nam pro victus dissimilitudine vitæ quoque studia & genera variare. Quid ita? Quia, inquit, absque victu & cibo nulla est vita. Ex victus igitur diffe-

Χρηματιστική duplex, naturalis & artificiosa. Naturalis ὑποδαίσις.

differentia varia & dissimilia sunt vite genera & studia, ex victu, inquam, sumenda. Quod idem Aristoteles monet *initio libr. 8. de consideratione historia animantium*. Et prius quidem de beluis, posterius de homine. Beluæ igitur partim sunt gregales, & congregabiles, partim soliuagæ, id est, vita quarundam est socialis, quarundam solitaria: propria vitæ generis. præterea quod ita postulet victus & alimenti ratio, nimirum quia quædam vescuntur animantibus, aliæ fructibus, aliæ omnibus. Animantibus vescuntur leones, lupi. Et hæc fere sunt soliuagæ. Fructibus vescuntur cicures fere; & hæc fere sunt congregabiles. Quin etiam ipsæ vel soliuagæ vel congregabiles inter se differunt, ut aliæ magis sint vel soliuagæ vel congregabiles, aliæ minus, prout victus ratio & voluptas varia postulat. Quare ex gregalibus quædam sunt ciuiles, & tanquam ciuitatem amantes, ut apes, grues: aliæ non item, ut pisces, boues. Tertio denique ex politicis quædam habent & imperantes & parentes, ut apes, grues; aliæ non item, ut formicæ. Quæ omnes animantium differentia ex victu & eius petendi ratione nascuntur, ut & hîc & eo loco Aristoteles.

T E X T V S.

Eadem est & hominum ratio. Nam horum vitæ multifariam differunt. Et pigerrimi quidem sunt pecuarii. Victus enim ex animantibus cicuribus sine labore cessantibus obuenit. Cum autem propter pascua necesse sit pecudes locum mutare, & ipsi consequi coguntur, quasi viuæ agriculturæ operam dantes. Alii vero ex captura viuunt, & captura alii alia. Ut hi quidem ex latrocinio: illi vero ex piscatu, qui lacus, aut paludes, aut flumina, aut mare tale accolunt: illi vero ex auibus aut animantibus feris; maxima autem pars hominum ex terrâ viuunt, & mitibus fructibus.

C O M M E N T A R I I.

[*Ὅμοιος δὲ τοῖς.*] Nunc de hominibus, id est, de eorum victus

ctus & vitæ generibus tribus summis. Primum victus genus *1. Vita ho-*
ait esse hominum desidiosorum, ex pastu pecorum : quos *minum ge-*
Græci vocant *ροπόδας*, Varro & alii veteres pecuarios, inter- *nus.*
dum pastores : quibus desidentibus & cessantibus victum &
alimenta afferunt pecudes & armenta; excepto, quod inter-
dum ab vno loco in alium pecudes & armenta agere cogan-
tur, depasto hoc vel illo prato. Hos Aristoteles eleganter
ait colere agriculturam viam. Nam vt agricolæ ex terra, ita
hi ex armentis & pecoribus fructum & victum capiunt.
Quod autem ait, hanc victus petendi rationem esse homi-
num desidiosorum, rem, inquam, pecuariam, & Varro quo-
que ait, & grauissime conqueritur Thomas Morus in *Utopia*
de Anglis.

Οἱ δὲ ἀπὸ *ἡγεῖς*.] Alterum genus vitæ est captura seu *ἡγεῖς*.
Nam vt prius est cicurum, ita hoc τῶν *ἡγεῖων ἀγρίων*, id est, *2. Vita ho-*
ferarum est animantium. Capturæ autem tria facit genera, *minum ge-*
& paulo infra adiicit quartum : Latrocinium, piscatum, au- *nus.*
cupium, & bellum seu prædam belli. Quomodo & Iuriscon-
sulti fere differentes de naturalibus modis rerum quæren-
darum seu acquirēdi dominiū genera eorum partiuntur sub
tit. de acquirendo rer. dom. in Pand. & sub tit. de rer. diuis. In-
stit. quo pertinet vetus, vt vocat Cic. lib. 1. *Offic.* occupatio.
De his autem capturæ generibus videatur Columella, Varro
& Plin præter quod non agunt de latrocinio, vt pote barba-
ro & iniusto modo : quo tamen multæ gentes olim sunt vsæ, *Latroci-*
hodieque vtuntur : quia sit species belli. Hoc quærendi per *nium.*
latrocinium genere vsos veteres Græcos cōmemorat Thu-
cyd. initio libr. 1. adducto & poetarum testimonio. Nam &
Hom. odys. 7. & 1. eius generis meminit Strabo lib. 3. Lusita-
nos maxime hoc genere vsos esse ait. Tacitus quoque Ger-
manis notum fuisse. Et Francorum, Alemannorum, & Sa-
xonum latrocinia commemorantur in *Panegyricis Maxi-*
miniano & Constantino Imp. inscriptis. Omnium notissimi
& maxime infames celebrantur Isauri & Cilices, de quibus
1. ult. C. de feriis. & Dio lib 55. Ammianus lib. 14. & Cic. mul-
tis in locis, vbi de bello piratico in oratione Maniliana.
Hodie eo genere vtuntur in Syria & Ægypto Arabes, & in
Scythia Tartari. Cæterum sub tertio capturæ genere Ari-
stot. complectitur aucupes & venatores. Et hoc est quod ait;
αἱ ἀπὸ τῶν ἡγεῖων ἀγρίων, &c. Venandi alioqui vocabu-
lum

lum etiam generale est, ut & Græcum; quo contineantur omnia capituræ genera: proprie tamen de quadrupedibus poni solet.

Τὸ δὲ πλεῖστον γένος.] Tertium vitæ genus est agricolarum, quo plerisque mortales uti ait, victum petentes ex terræ frugibus & arborum fructibus, quos vocat mites. Nam & arbores quædam sunt feræ. Recte autem agriculturam à re pecuaria distinguit, ut & Varro monet, & sequitur Columella: etsi Xenophon pene confundit: Nimirum, quia res pecuaria sic quædam viua agricultura, quam faciunt & bipartitam, alteram proprie pecuariam, ut boum, equorum, &c. alteram villaticam, ut anserum, columbarum, &c.

TEXTVS.

Tot igitur fere sunt vitæ, quarum naturalis est actio, & quæ non permutando, aut cauponando victum reperiunt, pecuariorum, agricolarum, latronum, piscatorum, venatorum. Alii vero & miscentes ex his iucunde viuunt, supplentes inopem vitam qua parte eget, ut satis ei sit, ut hi quidem pecuariorum simul & latronum, illi vero agricolarum & venatorum, quo modo & in aliis, prout usus cogat, hoc modo agant.

COMMENTARIIL.

Οἱ μὲν δὲ.] Brevis est conclusio de vitæ generibus, & aptior distinctio. Nam perspicue vitæ genera hinc duo facit, quorum alterum naturæ instinctu agit & actionem habeat naturalem, alterum in rebus contrahendis & permutationibus sit positum. Naturale autem vitæ genus item facit bipartitum; simplex vnum, alterum mixtum. Simplicis quinque partes commemorat: pecuariorum, agricolarum, latronum, piscatorum & venatorum: sub quibus & aucupes & milites, de quibus infra. Quæ quinque genera ad tria reuocari possunt; pecuariorum, agricolarum, venatorum seu capientium & occupantium. Ratio autem huius diuisionis trimembris hæc est: quia res ipsæ, ex quibus victus petitur (quot autem victus genera, tot esse & vitæ, supra ostendimus)

mus) tres tantum sunt, aut potius duæ summæ, sentiens vna, altera non sentiens : huius est terra, & eius fruges, fructusque arborum, &c. illius etiam animantes quæ partim sunt cicures, in quibus est ars pecuaria, partim feræ & immanes, quarum propria est occupatio & venatio, tertium vitæ genus. Mixta vitæ genera utilitatis & inopiæ supplendæ causa, nimirum cum ex vno simplici genere tueri se quis nequit. Sic multi sunt simul pecuarii & latrones; multi, agricolæ & venatores; plerique, agricolæ & pecuarii.

T E X T V S.

Talis igitur res ab ipsa natura omnibus dari videtur, vt statim à primo ortu, ita & perfectis. Nam cum à primo statim ortu quædam animantes tantum alimenti vna efferunt, vt satis sit, dum quod est natum sibi ipsum reperire possit, vt quæ vermes aut oua pariunt: quæ autem animalia in seipsis cibum habent ex se natis aliquousque lactis quod dicitur naturam.

C O M M E N T A R I I.

H' *μὲν ἐν τοιαύτῃ.*] Expositis naturalis victus vitæque generibus, adiungit Aristoteles tria præclara: primum differentiam qua natura victum hunc animantibus suppeditat, aliis quidem à primo statim ortu, aliis perfectis demum: alterum, terræ fruges & arborum fructus, cætera denique animalia nostri causæ esse fabricata: postremo has naturæ diuitias, esse laudabiles præ cæteris & terminatas, earumque artem dici posse partem artis domesticæ: de primo hîc agit. Ait igitur naturam animalibus suppeditare alimenta dissimili modo, ratione, & tempore. Nam aliis quidem etiam inchoatis & nec dum perfectis, id est, statim atque formari cœperint & articulari: cuius generis ait esse animalia, quæ vel vermes vel oua pariunt. Nam vermium ortus hic est, vt primo superior pars vermis formetur, quæ formata alitur ab inferiore etiam informata, quæ posterior paulatim articulatur, teste Aristotele lib. 3. de animantium ortu, in fine. Eadē est & ouorum ratio. Nam ex superiore oui parte pullus aut pulli pars
prima

prima incipit, id est, ex albumine, & dum paulatim articulat-
tur alimentum fugit ex luteo, teste *Aristot. lib. 2. de ortu, cap.*
1. & lib. 6. de historia animal. cap. 3.

Ὅσα δὲ ζῶοντα κεῖ.] Hic de altero genere, id est, de perfectis
iam animantibus, nimirum de horum alimentis. Nam per-
peram Perionius alterum hoc genus reiicit & etiam Sepul-
veda. ὥς τε ὁμοίως. Animalia partim sunt γιγνώμενα, partim
ἠνόμενα. hæc paulo supra vocavit τελεσθέντα, perfecta iam
& absoluta. De inchoatis; quæ sunt γινόμενα, id est, nascen-
tia, iam dictum. Nunc de perfectis, quæ sunt ἠνόμενα: &
hæc ἠνόμενα partim sunt edita, partim non, partim in utero:
& ex editis partim sunt tenera & recentia, partim adultiora,
omnia tamen perfecta & ἠνόμενα. De horum igitur omnium
alimentis hic agitur. Et quidem eorum quæ sunt in utero, &
& recens editorum alimentum ait esse lac, in plerisque: nam
alia etiam continuo sibi cibum petere norunt: hoc igitur la-
cte ad tempus aluntur: postea sibi ipsa cibum petunt ex fru-
ctibus & frugibus. Nam terra nata, sunt animalium causa, &
eorum cibus.

T E X T V S.

Vt & stirpes animantium sint causa & cæteræ
animantes hominum causa: cicures quidem &
propter usum, & propter alimentum. Ex feris au-
tem si non omnes, certe pleræque victus & alia-
rum cōmoditatum causa, ut & vestis & alia omnia
ex iis fiant. Si igitur natura nihil neque imperfe-
ctum facit, neque frustra; necesse est, hominum
causa hæc omnia fecisse naturam.

C O M M E N T A R I I.

Ὅς τε ὁμοίως δῆλον.] Hæc verba ut inter se sint apta & La-
tine reddenda, difficile est explicari. Certe interpretes mire
variant: puto legendum ὥς τε τὰ δὲ φύσις, &c. ut & reddidi
Latine, omissis his ὁμοίως δῆλον, ὅτι καὶ ἠνόμενης οἰκτερόν, quæ
sunt spuria & sententiam perturbantia: etsi verbum οἰκτερόν
retineri potest, non tamen necessarium. Nam particula, ὥς τε,
iungi potest infinitivo εἶναι, ut plerunque solet, eleganter.
Hæc autem ex prioribus ita sunt apta. Dixerat de victu ani-
man-

mantium tam inchoatarum quam perfectarum : nunc adiungit, animantium victum perfectarum esse in rebus quæ ex terra oriuntur. Græci *φύται* vocant. Cicero, quæ ex terra oriuntur & gignuntur, *lib. 2. de Nat. Deor.* Veteres breuiter vocant terrâ nata, *apud Gell. ubi de ll. sumptuariis.* Vocat tamen Cicero interdum stirpes, *lib. 2. de Nat. Deor. in fi. & lib. 3. de fin. Salust.* vocat gignentia. Hac occasione nunc Aristoteles adiungit, ut stirpes sunt animantium causâ, ita animantes & omnia denique hominum causâ à natura esse facta. Rationem affert hanc : quia natura nihil neque imperfectum, neque frustra faciat, sed semper ad finem & perfectionem spectet, ut est *in Metaphys. lib. 10.* Formula: Si natura nihil facit frustra : Ergo & stirpes & animantes reliquæ sunt hominum causâ. Ratio connexi hæc est : quia necesse sit beluas esse vel Deorum vel hominum causâ: si aliquorû, quod postulat antecedens. At non Deorum, qui animantibus neque ad vsum opus habeant. Ergo hominum. Sunt igitur animantes hominum causâ. Verum quia animantes partim sunt cicures, partim feræ; utilitates quidem cicurum ait esse duas, alimentum & vsum. Nam & bobus vescimur, & ad arandum utimur. Canibus ad custodiam tantum utimur, ut equis ad vehendum. Ferarum quoque, non omnium tamen, sed multarum, duas affert utilitates; victum & alia adiumenta ad vitam necessaria. Sic ceruis & leporibus vescimur. Ex cornibus vrorum & aliarum quarundam animantium pocula efficiuntur. Sic vnicorni ad medicamenta utimur. Caprarum & ouium lana ad vestes, & pellibus ad calceos, &c. De hoc autem insigni loco copiosissime Cicero *lib. 2. de Natura Deor. in fi. Restat, ut doceam, &c.* Et *Plin. lib. 7. initio.* Sed pulcerrime David *in Psal. 8.* ubi docet per inductionem, hominum causâ omnia esse facta.

Omnia hominum causâ esse.

T E X T V S.

Quare & ars bellica quodammodo ratio natura erit rei quærendæ. Nam venandi ars pars eius est. qua uti oportet & ad beluas & in homines, qui ad parendum nati nolunt, tanquam natura iustum hoc sit bellum.

COM-

COMMENTARI.

Διὸ καὶ ἡ πολεμικὴ.] Explicatis partibus rei quærendæ, adiungit hic de arte bellica seu militari, & hanc esse quandam velut artis rei quærendæ naturalis partem. Quid ita? Quia, inquit, ars venandi eius est pars. Eius, bellicæ, an rei quærendæ, dubitari potest. Nam ars venandi perspicue pars est rei quærendæ, ut supra dictum, ubi *θηροπικῶς* ostendimus esse trimembrem: partim artis rei quærendæ: videtur tamen, eius, pertinere ad bellicam artem. Sit igitur hæc formula: si ars venandi, quæ pars est bellicæ, si, inquam, est natura: Ergo & bellica, id est, si pars est natura: Ergo & totum. Nam artem bellicam hic facit bimembrem, alteram in beluas, quæ est ars venandi, alteram in homines natura seruos, quæ proprie est bellica. Atque ita *θηροπικὴ* alias communius, ut etiam bellicam sub se complectatur; alias angustius, ut ipsa sub bellica comprehendatur: ars quoque bellica alias communius, ut etiam artem venandi complectatur. alias angustius, & proprie accipitur. Observandum autem quod ait *Bellū quod nam natura iustum.* bellum natura iustum esse aduersus homines natura seruos. Nam & supra docuit, natura liberos, bello licet captos, iniuste tamen seruire. An autem nulla alia sint bella natura & ratione naturali iusta, explicare non est huius loci. Videatur *Cic. lib. 1. Offic.*

TEXTVS.

Vna igitur species artis rei quærendæ naturalis pars est artis domesticæ, quam vel adesse oportet, vel efficere eam, ut adsit ad res vitæ necessarias parandas, & vtilis ad societatem ciuitatis vel domus. Atque videntur veræ diuitiæ ex his constare. Nam talis rei familiaris copia, quæ satis sit ad bene viuendum, non est infinita, ut Solo ait in poemate: *Nulla homini finis defixa est diuitiarum.* Nam posita est, ut & aliis artibus. Nullius enim artis organa sunt infinita aut multitudine, aut magnitudine. Res autem familiaris organorum est multitudo domesticorum & ciuiliū. Quare perspicuum est, &

est, & esse quandam rei quærendæ artem natura-
lem patribusfamilias, & politicis, & quam ob
causam.

C O M M E N T A R I I.

Εἰ μὴ οὖν εἶδ[ε]ται.] Concludit tandem disputationem de De usu & arte rei quærendæ naturali : de qua primum hoc, eam esse necessitate artis domesticæ partem, sed improprie, vt infra cap. 7. Dein de de huius artis usu & necessitate, nimirum patrifamilias & Reipub. gubernatori eam esse necessariam, vt vel ipsi eam Plato lib. 2. norint, aut certe alios habeant, tanquam vicarios, qui eam Polit. pag. norint. Quid ita? Quia sine rebus ad bene viuendum ne- 306. lib. 17. cessariis neque domus neque ciuitas constare potest. For- cum ortum mula: Si rebus ad vitam necessariis opus est familiæ & ciui- ciuitatum tari: Ergo & arte earum parandarum est opus. Antecedens τὴν ἡμετέ- est certum : in quo obseruandum, quod ait ad bene viuen- ρον χρεια- dum. Nam ad viuendum tantum non satis sint facultates esse dixif- quædam. Ciuitatibus & domo honesta & liberalior vita seu set, subiun- beatitudo est proposita. Cui non satis sint bona, ex quibus git : ἀλλὰ tantum victitantes misere, non viuas honeste. Opus est igitur μὴ πρῶτη hinc arte rei quærendæ, nimirum vt vel ipsi eam sciant, vel ab γε καὶ μετῴτη aliis scientibus rem tamen & necessaria capiant: quemad- τῶν χρεια- modum textori opus quidem est lana, non tamen quam ipse ἢ τὸ τεύχε- conficiat, sed aliunde accipiat, inquit infra Aristot. cap. 7. vbi παρασκευῇ docet clarius, hanc artem illis plane esse necessariam, non εἶναι τε καὶ tanquam partem, sed administram, vt vel ipsi eam cum arte ζῶν ἐνεργ. vel domestica, vel politica coniunctam teneant, vel vicaria aliorum opera vtantur.

Καὶ εἰκεν ὅτι ἀληθινός.] De usu huius artis modo di- ctum : nunc de eius laude: quæ duplex esse potest: prior, quia Laus artis hæc ars naturali rationi sit consentanea, de qua supra di- rei quæren- ctum: altera, quia in rebus optimis versetur, nimirum in di- da. uitiis veris, quæ parantur ex pecoribus, & terræ frugibus, & Vera diui- arborū fructibus. In his autem veras diuitias esse sitas docēt tia in na- & rerum rusticarum scriptores: Xenophon in œconom. & Ci- turali arte cero de senect. & Aristoteles hoc loco, hac ratione: quia in his rei quæren- da. reperiatur id quod satis ad viuendum: præterea, quia hæc di- da. uitia non sint infinitæ, sed finitæ & terminatæ, contra atque putauit Solo, qui in Elegiis ait, hominibus nullum esse mo- dum &

dum & finem diuitiarum; diuitias, inquam, rem esse infinitam: quem Solonis tamen versiculum laudat *Plut. in libr. de cupid. & amore diuitiarum*. Verum res ita explicari potest, si dicamus, duo esse diuitiarum genera: nimirum alterum quod ex pecoribus & terra paretur, alterum ex commerciis & rerum permutationibus: quorum hoc quidem infinitum esse docet & ipse Aristoteles infra latius *cap. 7*. Sed illud esse finitum docet hinc hac ratione: quia artis domesticæ sit organum. Formula: Nulla artium organa sunt infinita siue magnitudine siue multitudine. Nam ita infinita diuidi solent, ut & quantitas. At diuitiæ veræ sunt artis domesticæ organum, seu, ut & hinc & supra, res familiaris non tantum est organum, sed multitudo & vniuersitas organorum. Ergo res familiaris, seu veræ diuitiæ, res est non infinita. Maior propositio per se liquet. Minor explicata est supra *cap. 3*.

CAP V T V I.

AR G V M E N T V M huius capituli diximus supra. Nam cum duo sint genera artis rei quærendæ, vnum natura, alterum arte: exposito priore; hic alterum persequitur, ubi & multa de commerciorum origine & nummorum usu.

T E X T V S.

Est autem aliud artis rei quærendæ genus, quam maxime vocant, & par est eam vocare artem rei quærendæ: qua nullus videatur esse modus diuitiarum & rei familiaris, quam ut vnā & eandem quam supra expositam multi putant propter vicinitatem. Est autem neque eadem quæ supra exposita, neque longe ab ea abest. Est autem altera quidem ex iis natura; altera vero non natura, sed usu quodam fit, & magis arte.

C O M M E N T A R I I.

s. De nomine.

[*Ἐστὶ δὲ τὸ ζῆλον αἰσῶς.*] Prius quam de altero hoc rei quærendæ genere explicare ordiatur, tria commemorat: Primo de nomine, hanc meritissimo & iustissime vulgo dici *ζῆλον*. Nam tamen hoc nomen est commune, tamen huic speciei verius tribuitur, quod supra explicauimus *cap. 3. in princ.*

princ. Alterum, hanc efficere, vt diuitiarum nullus videatur
modus aut terminus. Hæc enim id agit vt sine fine modoq;
diuitiæ coaceruentur & accumulentur. Id enim huius est
munus & officium: qua de re infra. Tertium, de quorundam
errore, qui propter cognationem & affinitatem, duo hæc ar-
tis quærendi genera confunderent. Affinitas in eo est, quod
vtroque genere parentur diuitiæ. Dissimilitudo in eo, quod
alterum est natura in rebus terra natis, & est finitum: alte-
rum arte in commerciis, infinitum.

T E X T V S.

Hinc aut exordium de ea capiamus. Nam ex re
familiari cuiusque membri duplex est vsus: vterq;
per se quidem, sed non similiter per se: sed vnus
quidem suus, alter vero non suus, rei, vt calcei in-
ductio in pedes, & permutatio. Vterq; enim cal-
cei est vsus. Nam qui cum eo qui calceo opus ha-
bet, permutat pro pecunia, vel cibo, vtitur calceo
qua calceus est, sed non suo vsu. Neque enim per-
mutationis causa factus est. Eodem autem modo
res se habet, & in aliis rei familiaris partibus.

C O M M E N T A R I I.

Ad sup. de rei.] Explicaturus Aristoteles de arte quæ-
rendi artificiosa, quia hæc in commerciis & rerum permu-
tationibus maxime cernatur, propterea de permutationum
causa & vsu erudite differit. Ait igitur, rerum omnium, quæ
quidem rei familiaris sint partes, earum, inquam, singula-
rum duos esse vsus, eosque per se. Nam earundem rerum v-
sus & ex euentu possunt esse varii, vt mensæ vsus ex euentu
esse potest in foco, vt materia suppeditetur igni, vt baculus
inde conficiatur. Sic calcei vsus ex euentu, vt seruiat ad ver-
berandum, ad aliquid condendum in ocrea. Verum harum
rerum vsus per se est duplex; suus & proprius vnus, alter
nō suus. Suus vsus is est, cuius gratia res quæque facta est vt
calcei ad inducendum, domus ad habitandum, medicinæ ad
valetudinem curandam. Vfus autem non suus, & tamen per
se, est permutatio. Nam calceus vendi solet qua calceus.

*Vsus verū
ex euentu.*

*Vsus per se
duplex,
suius, &
non suus.*

G non

non qua corium. Nam sæpe qui corium ipse habet, calceum petit & quærit. Itaque quia calceus, qua calceus, venditur: Ergo venditio est per se, non ex euentu, quia spectat ad calceum ipsum.

T E X T V S.

Nam permutatio est in omnibus rebus cepta quidem primo ex eo quod secundum naturam: quod homines alia quidem plura, alia vero pauciora quam satis sit habeant.

C O M M E N T A R I I.

Ἐπεὶ δὲ.] Hoc eo pertinet, quod dixerat modo, ὅτι οἱ ἄλλοι κτημάτων.

Permuta-
tionis na-
tura & p-
prietas.

Permuta-
tionis cau-
sa seu origo.

Ἀρχαὶ μὲν τὸ μὴ πλεῖστον.] Expōita permutationis vi & quasi natura, qua docuit eam esse rei vsum per se non suum: nunc de eius causa & origine & de eius differentiis seu generibus. Causam ait esse indigentiam & abundantiam, nimirum dum alii plus habeant eo quod sit satis, alii minus: atq; adeo dum interdum accidit, ut vnus idemque de vna re nimium habeat, de altera parum aut nihil. Hanc autem permutationum humanarum seu commerciorum & rerum contrahendarum causam, indigentiam, etiam ciuitatum, docet & Plato lib. 2. de polit. ll. & Aristoteles supra lib. 3. Ethic. cap. 3. & hic supra cap. 2. & infra lib. 6. & Cic. lib. 1. Offic. Contra igitur, vbi nulla indigentia, ut in cœlesti cœtu, nullæ sunt permutationes, nullæ lites & iudicia.

T E X T V S.

Quo & intelligitur, mercaturam non esse partem artis rei quærendæ naturalis. Nam quoad eius satis esset, deberent permutationem facere. Et quidem in prima societate (hæc autem est domus) perspicuum est, nullum eius esse vsum, sed amplificatæ iam societatis. Nam illis quidem omnia erant communia: his vero separatis, multa rursus & alia erant quæ pro necessitatibus communicari oporteat, ut etiamnum multæ faciunt & bar-

& barbaræ nationes permutando. Ipsas namque res utiles ipsis permutant, nihil vero præterea. ut vinum pro vino dantes & accipientes, & alia eius generis singula.

COMMENTARI.

H^o καὶ δὴ λαν.] Mercaturam seu artem pecuniæ quærendæ, quam proprie *χρηματιστικὴ* vocant, non esse naturam monet Aristoteles perspicuum esse ex eo, quod dixerat de causa permutationis. Nam naturalis ratio & ars rei quærendæ seruit tantum ad usus vitæ necessarios, ut & vera permutatio. Mercatura vero non contenta his finibus, id est, rebus iis tantum, quas natura & usus vitæ postulat, magis magisque accumulandis diuitiis deseruit. Formula: Natura tantum quærit necessaria. Mercatura quærit infinita. Ergo mercatura non est naturalis. vel, quod eodem recidit, in hunc modum: Si mercatura esset ratio quærendi naturalis, si natura eius esset parens; certe nihil ultra usus vitæ necessarios quæreret. Nihil enim amplius quærit natura: eaq; re naturæ diuitias philosophi vocant parabiles & finitas. At mercatura amplius quærit. Ergo naturæ non est consentanea. de assumptione dicetur infra.

Mercatura non est à natura.

Ἐν μὲν οὖν τῇ κοινότητι.] Docet nunc Aristoteles de usu mercaturæ, ex quo intelligatur, quatenus naturæ congruat, & quatenus dissentiat. Et primo quidem, nullum eius esse usum in prima societate, id est, domo, ostendit hac ratione: 1. In prima In hac sunt omnia communia. & hoc est quod ait, οἱ μὲν ὅσιν αὐτῶν αὐτῶν. ubi communio, ibi nulla proprietas distincta, & proinde nulla commercia aut mercatura. In altera societate seu communitate, ut in vicinitate & ciuitate, mercaturam esse necessariam docet hac ratione: quia rerum dominia sint distincta; qua re fieri, ut sæpe hic habeat, quo alter egeat, & contra. Itaque ad communicationem, mutuam permutandi rationem seu mercaturam esse necessariam: de qua permutationum causa, indigentia, & modo diximus. Qua de re, id est, de hac permutationum origine, exstat elegantissimus locus in Panegyri. Isocr. ἐπὶ δὲ τῷ χρημᾶτι κοινῶν αὐτῶν, &c.

De usu mercaturæ.

1. In prima societate.
2. In reliquis duabus.

Ratio,

καὶ μὲν ἐπὶ πολλοῦ ποιεῖ.] Afferit Aristoteles duo permutationum genera: vnum antiquius, simplicius, & naturæ

1. Genus τ
μεταβολη-
τικῆς.

Hoc genus
antiquiss.

1. Ratio.

2. Ratio.

Permuta-
tionis hoc
genus pro-
xime ad
naturalem
rei quæren-
dæ artem
accedit.

congruentius. Alterum recentius, callidius, & magis artifi-
ciosum & à natura magis remotum : prius Græci vocant
μεταβολητικῶν, & ἀλλογῶν, & ὑποκαταγμῶν, Latini fere permuta-
tionem : Cum nimirum res ad vñus vitæ necessariæ (χρη-
σιμῶν vocant Græci) non numis, sed ipsæ inter se permutan-
tur, vinum pro frumento, lignum pro carne, &c. Quod ge-
nus antiquissimum esse ex eo intelligi potest : quia naturæ
maxime congruat, & maxime sit necessarium : naturalia &
necessaria cæteris (artificiosis illis & solerte cura expolitis)
sunt antiquiora. Cui & hoc est argumento, quod multæ bar-
baræ nationes, quæ plerunque maiorum mores pertinacis-
sime tueri solent, etiam Aristotelis ætate hoc permutationis
genere vterentur ; quod de Scythis nominatim ait *Strabo*
lib. 7. de antiquis Græcis. Hom. Odys. 9. & Iliad. 7. de Romanis
veteribus *Plin. libr. 33. cap. 1. & Iurisconsulti l. 1. de contrahen-
ent.* De Germanis veteribus *Tacitus* ; Interiores, inquit, sim-
plicius & antiquius permutatione mercium vtuntur. Idem
genus proxime ad naturalem rei quærendæ artem accedere
docet Aristoteles hac ratione ; quia tantum hoc agat, vt quæ
ad vitæ vñus sint necessaria, permutando suppleantur : naturæ
igitur est adiutrix & velut supplementum, vt modo ostendi-
mus. Quare merito Aristoteles permutationem negat es-
se mercaturæ speciem seu artis pecuniæ quærendæ, quæ
naturæ vsibus non est contenta. Et hoc est quod ait, ὅτι χρη-
σιμῶν πικρῆς, &c. Postremo, hoc permutationis genus esse sim-
plicissimum, vbi nullæ sint imposturæ, artes & fraudes, mo-
net quidem infra Aristoteles ; sed, vt perspicuum, non con-
firmat.

T E X T V S.

Itaque talis permutandi ratio neq; naturæ est
contraria, neque species est vlla artis quærendæ
pecuniæ. Est enim ad expletionem eius, quod na-
tura satis.

C O M M E N T A R I I.

H' μὲν ἐν τοιαύτῃ.] De hac conclusione seu clausula prio-
ris permutandi generis iam dictum.

T E X T V S.

Cæterum ex hac recte illa existit. Nam subsidio
longin-

longinuiore facto importandis quibus egerent, & exportandis quibus abundarent, necessario nummi repertus est usus. Nam res singulæ ad naturam necessariæ non facile huc illuc comportari possunt. Quare ad permutationes tale quid inter se pacti sunt dare & accipere, quod ipsum ex rerum vitæ utilium numero usum ad vitam habeat facilem & commodum. Ut est ferrum & argentum, & si quod aliud eius generis. Primo quidem simpliciter magnitudine & pondere definitum, tandem vero & nota impressa à permutantibus, ut eos liberaret à dependendo. nota enim imposita fuit ponderis index. Numo igitur iam reperto ex necessaria permutatione, alterum exstitit artis quærendæ pecuniæ genus, mercatura : quæ primo quidem simplex fortasse fuit : post denique usu iam artificiosior, vnde & quomodo permutando plurimum afferat lucri.

C O M M E N T A R I I .

Ἐκ μὲν τοι πάντης.] Hic de altero permutationis genere, De 2. genere quæ Græcis proprie *ῥηματικὴ* & *καπηλικὴ* dicitur: de ver- re permuta-
bo *ῥηματικῆς* dictum supra. Verbum *καπηλικῆς* bifariam tionis.
sumitur, communius & angustius : communius quidem de 1. Commu-
omni mercandi ratione atque genere. Nam mercaturæ tria nior τῆς κα-
sunt genera, teste Plat. in Sophist. αὐτοπωλιχόν, ἐμπορευχόν, & πηλικῆς σι-
καπηλικόν. Primum est eorū, qui suas ipsi res & fructus ven- gnificatio.
dunt, ut rustici & opifices. Alterū est eorū, qui merces vel ex- Mercatu-
portant vel importāt, quasi peregrinantes. Tertiū est eorum, ra triplex:
qui domi suas merces vēditant. Hæc omnia genera, aut certe 1 αὐτοπω-
duo posteriora, ut magis vsitata mercandi nomine, Arist. hīc λικῆ.
καπηλικῆ verbo complectitur. Perperam igitur, qui hīc red- 2. ἐμποι-
dunt angustius de tertio genere. Latine duo fere sunt nōmi- κῆ.
na mercatorū & propalarum. Nam veteres Latini propala- 3. καπηλι-
las dicunt, non, ut vulgo perperam, propolas. Cicero in Piso- κῆ.
nem; panis & vinum à propala & de cupa, &c. Sic habent li-
bri ve-

bri veteres. *Lucilius lib. 5. apud Non. Marcell.* Sicuti cum pri-
 mos ficus propala recentes protulit, & pretio ingenti dat
 primitus paucos. Sic hæc duo loca restituit doctissimus *A-*
drianus Turnebus. Iustinus libr. 35. initio : Subornant propa-
 lam quendam sortis extremæ iuuenem. Sic enim scriptum
 est in quatuor libris manuscriptis. De his duobus generibus
Cic. in Offic. lib. 1. Iam de artificibus & quæstibus, &c. sordidi
 sunt putandi, qui mercantur à mercatoribus, quod statim
 vendant. Nihil enim proficiunt, nisi admodum mentian-
 tur, &c. Mercatura autem si tenuis est, sordida putanda est,
 &c. vbi, etiam veteribus libris repugnantibus legendum pu-
 ro, vt medicina, vt architectura his, &c. Inductis verbis, vt
doctrina rerum honestarum. Neque enim ibi de scientiis libe-
 ralibus seu de bonis artibus, sed de opificiis, quorum in nu-
 mero sint medicina & architectura, & ars pingendi, & fin-
 gendi, &c. quæ sunt honestiora opificia: quem locum Ci-
 ceronis de mercaturæ generibus repræhendit Cælius Chal-
 cagninus, & laudat hunc Aristotelis. Neque enim mercatu-
 ræ genera ex mercium copia esse distinguenda, sed ex vsu vi-
 tæ necessario, quod facit Aristoteles. Ciceronis tamen sen-
 tentiam confirmat & *Plat. in Solon.* & vita communis. Et
 certe etiam Aristotelis ætate propalæ, quos & ἀγοράς ple-
 runque vocabant & apud Romanos, vt est *sub tit. de nupt. in*
ff. viliiores semper & pene infames sunt habiti, nos voca-
 mus * Krämeros istos propalas. Ad summā, tota hæc ratio
 rei quærendæ vt ab Aristotele dicitur *καπηλική*, ita Latine
 dicatur mercatura, non, vt quidam reddunt, *Cauponaria*,
 vel *Cauponatrix*, ad verbum, sed inusitate & non satis Lati-
 ne; et si *Poeta Ennio* licuit dicere: Non cauponantes bellum,
 &c. *καπηλεύοντες πόλεμον*, &c. Nunc ad rem. Mercaturæ igi-
 tur causam & originem deducit Aristoteles ex permutatio-
 ne, id est, priore commerciorum genere. Nam cum ad vitæ
 vsus commercia sint necessaria, res autem cōmode depor-
 tari semper nequeant; optima ratione factum, vt organon
 quoddam excogitaretur, quo huic rerum comportanda-
 rum difficultati occurreretur. Itaque numus repertus est, vt
 organum huic rei aptissimum. Breui vt præcidam, Com-
 mercia sunt necessaria: ad hæc seu horum facilitatem pro-
 pter longinquas exportationes & importationes necessa-
 rius est numus, qui tandem mercaturæ est parens & auctor,
 numus,

Imo Für-
 keufferos,
 magis ge-
 nerali vo-
 cabulo.
 Mercatu-
 ra origo.

numus, inquam, hoc rei quærendæ genus constituit. Nam, *Mercatura de quo mox, mercatura maxime in numis versatur, in his, definitio.* inquam, quærendis & accumulandis, adeo ut mercatura nihil sit aliud, quam ratio rei quærendæ numaria, seu ars quærendorum numorum, ars quærendi est genus, numus est differentia.

Κατὰ λόγον.] Quidam vertit, per rationem, quasi mercaturæ causa sit ratio seu solertia, ingenium, & calliditas: non recte. Nam etsi in hoc genere multum est artis & solertiæ, quæ de re mox: tamen hoc non agit hic Aristoteles. Nam hoc vult, optima ratione illam, id est, *καταλλίαν*, ex hac rerum inter se permutatione natam. Ratio iam à nobis explicata, *ξενικωτέρως* ᾧ, &c. propter difficultatem rerum deportandarum peregre.

Οὐ ᾧ ἀσάκτων.] Mox vocat *ἀμεταχείριστον*, illo usus est & Aristoteles *lib. i. Rhetoric.*

Διὸ περὶ τὴν ἀνάγκην.] Elegans est hic locus de numorum origine & usu: quæ de re est & locus in *Ethic. lib. 5. cap. 5. De numorum origine & usu.* *lib. 9. in princ.* ex quibus duas reperio numorum causas: *1.* vnam hoc loco propter facilitatem & commoditatem mercium deportandarum adiuuandam. Altera in *Ethic. lib. 5. cap. 5.* est, ad æstimandas merces. Nam ibi ostendimus, ne quidē merces deportabiles tamen permutari possent sine numo propter rerum inæqualitatem. Non recte igitur, qui numorum tollunt usum, quod pene fecit Lycurgus: quia tollunt organum ad usus vitæ maxime necessarium. *2.*

Οἷον ὁ σιδήρεος.] De numorum materia, eam esse ex rebus utilibus, seu iis, quarum est usus in vita, ut ex ferro, ære, argento, auro: quarum rerum usus est non tantum in re numaria, sed ferri ad arandum, æris ad bellum, & ad signa & statuas, argenti & auri ad pocula.

Τὸ μὲν ἀπλῶς] Duo affert numorum genera, graue, & signatum: quorum illud ait esse antiquius, hoc inuentum posteriorius, ut appendendi molestia liberarentur. *Numi alii graues, alii signati.* *Plin. quoq. lib. 33. cap. 3.* Romanos primum graui ære usos esse ostendit, & Ebræos ipsos, & *Borraus in Scholiis in Polit. Aristotelis.* Obseruandum autem, quod ait signum & characterem esse notam & indicium ponderis, quantitatis, magnitudinis, *συνήμῃ, ποσὺν, καὶ μετρίως*, id est, æstimationis seu pretii.

Τὸ μὲν περὶ τὸν ἀπλῶς.] Mercaturæ duos facit gradus. Nam

primam & antiquiorem mercaturam fuisse simpliciorem, posteriorem factam artificiosiore & callidior, docente usu, multis fraudibus & imposturis implicatam, quemadmodum & aliae omnes artes principio rudiores, posterius expoliuntur, ut eleganter *Lucret. lib. 5. extremo.*

T E X T V S.

Quare videtur ars rei quærendæ maxime in numo esse, & officium eius posse videre, unde suppetat copia pecuniæ: efficiens enim esse diuitiarum & pecuniæ. Etenim diuitias sæpenumero faciunt numerorum multitudinem: quia in hac sit ars rei quærendæ & mercatura.

C O M M E N T A R I I.

- [Διὸ δοκεῖ ἡ χρηματιστική.] Hi versus mihi perobscuri videntur: qui si non sunt mendosi, duo seu tria potius iis contineri videntur: primum διὸ δοκεῖ, &c. Artem rei quærendæ in numis sitam videri: quod idem & infra iterat; καὶ δοκεῖ περὶ τὸ νόμισμα, &c. Rationem ibi adiungit hanc; τὸ γὰρ νόμισμα: quia, inquit, numus elementum seu principium & finis sit permutationum: principium quidem, utpote organum, quo permutationes carere nequeant, ut iam explicatum: finis, quia ars rei quærendæ mercatura non alias quærit diuitias, quam numarias; numus & numerorum copia, tanquam finis, mercaturæ est proposita. Videtur & hinc altera reddi ratio, cur hæc ars rei quærendæ in numis maxime versetur: καὶ γὰρ τὸν πλεῖστον πολλακίς, &c. quia plerique præter numos nullas diuitias norunt, numerorum copiam, diuitias esse putant. Aristoteles vocat πλεῖστον νόμισμα, ut & lib. 1. ῥητορικῶν. in veteribus libris teste *Victorio*, ubi de diuitiarum partibus, numis, agris, armentis. Quia igitur diuitias sola pecunia numerata seu numis plerique metiuntur: diuitiarum autem seu rei quærendæ ars est mercatura, ut mox dicetur, merito hæc in numis versari dicitur. Alterum, καὶ ἔργον αὐτῆς τὸ διδάσκειν, &c. de officio mercaturæ, quod ait esse, posse dispicere & videre, ex quibus rebus & quibus rationibus copia pecuniæ paretur. Cur autem eius hoc sit officium, rationem adiungit hanc, κατηχη γὰρ εἶναι, &c. quia mercatura est ars rei quæ-

rei quærendæ; quam rem multi diuitijs seu numis æstimant, vtiam dictum. Tertium, cur diuitias plærique ex numis æstimant; quia in numis mercatura diuitiarum, effectrix sit posita. Et hoc est quod ait, Ἀλλὰ τὸ πρὸς τὸ εἶναι. Malim ego verbum χρημάτων, ibi πλὴν χρημάτων induci, & intelligi νομίσματα: & particulam γὰρ, ibi καὶ γὰρ τὸν πλεόντων, vt tria quidem illa hic dicantur, sed duo tantum postiora confirmantur. Nam primum ex prioribus, vbi de causa numorum, dilucidum erat, & paulo infra explicandum καὶ πρὸς τὸ νόμισμα, vt primi vna hæc sit ratio, τὸ γὰρ νόμισμα ποιεῖον, supra vbi de numorum origine clarius explicata. & hoc est quod ait, διὸ δοκεῖ ἡ χρηματικὴ, &c.

TEXTVS.

Interdum vero contra nugæ esse videtur numus, & lege omnino, natura minime: quia mutata vtentium voluntate sit nihili, neque utilis ad vllam rem necessariam; & numo abundans sæpe victu necessario egeat. Atqui absurdum, tales esse diuitias, quibus affluens fame conficiatur: quemadmodum & de Mida illo fabulantur propter inexplabile votum, cum omnia illi apponenda fierent aurea.

COMMENTARI I.

Οὐ δὲ δὴ πάλιν. } Quia dixerat modo, numos vulgo tanti Diuitia vè plærumque fieri, vt nullas pene alias diuitias norint: Aristot. ra non sunt eorum errorem & deprauatum iudicium hic reprehendens, in numis. docet, numos seu pecuniam nihil esse, neque in ea veras diuitias esse collocandas: atque has ex numis diuitias non esse natura, sed lege & instituto. Numum igitur esse lege, non natura, docet hac ratione: quia vtentium arbitrio mutetur. Nam quanti volunt homines vt valeat numus, tanti valet: qui iidem si volunt, plane tollitur. Est igitur νόμος: vnde & nomismatis vocabulum ait esse Aristoteles lib. 5. Ethic. cap. 5. Atque ita hominum arbitrio numus etiam plane inutilis reddi potest. Ex quo consequitur, numorum diuitias non esse veras, quarum vsus est & finis, ad vitam recte degendam esse

esse utiles ad vitæ usus necessarios. Formula: Veræ diuitiæ sunt ad usus vitæ: nam quo mihi fortuna, inquit Horatius, si non conceditur uti? At numi arbitrio hominum sæpe sunt inutiles: quin etiam manente eorum precio, quia res aliæ nō suppedient numis comparandæ. Quod exemplo Midæ Regis Phrygiæ, de quo apud Ouid in *Metamorph.* confirmat: vbi obseruandum Aristotelis dictum præclarum: etiam pecunia affluentem tamen fame sæpe pereundum esse. Numi igitur sunt instituto, & in numis non sunt veræ diuitiæ.

T E X T V S.

Quare alias quærunt diuitias seu rem, & quærendæ rei artem, recte quærentes. Est enim alia ars rei quærendæ & diuitiæ, quæ natura. Et hæc quidem ad artem domesticam pertinet. Mercatura vero rerum est efficiens, non omnifariam, sed rebus permutandis. Et videtur hæc esse in numo. Nam numus elementum & terminus est permutationis.

C O M M E N T A R I I

Διὸ ζητοῦσι.] Ait multos, cognito, non esse in numis veras diuitias, alias quærere. Nam esse & alias diuitias, vt agros, vineas, armenta, pecudes, &c. & aliam quærendæ rei rationem, nimirum agriculturam, pecuariam, &c. quas diuitias naturæ, vt & rationem earum quærendarum, esse ait, hoc loco, & supra latius.

Καὶ αὐτὴ μὲν οἰκονομικὴ.] Totus hic locus præclarissimus est contentio seu comparatio duorum, & diuitiarum seu rei, & artium eius quærendæ generum. Vtriusque natura iam prius explicata: de diuitiis seu re ipsa iam dictum, alteras esse naturales, alteras instituto & lege constare; illas quidem veras, has non item, Hic de arte vtraque. Nam verarum esse œconomicam, id est, artem domesticæ, & tuendæ domui deservire; hoc esse eius officium & finem. Alteram vero, mercaturam, esse quidem & illam rei quærendæ artem, sed alia ratione, non ex fructibus agrorum, aut pecorum, sed ex rerum inter se permutationibus & commerciis. Differunt igitur via & ratione quærendi. Nam mercaturæ ratio est permutatio: alte-

Cōparatio

ἀντιθέσις.

καὶ οἰκονομικὴ.

καὶ οἰκονομικὴ.

alterius est agricultura, pastio, &c. Differunt & materia: quia hæc naturalis in fructibus, mercatura in numis versatur. Et hoc est quod ait, τὸ πρὸς τὸ νόμισμα, &c. quæ verba supra explicauimus.

T E X T V S.

Atque hæc diuitiæ, quæ ex hac rei quærendæ arte, infinitæ. Vt enim ars medendi ad sanandum infinite fertur, vt ars quæque ad finem infinite (hūc enim quam maxime efficere volūt) ea autem quæ ad finem, nō infinite petunt (omnibus enim finis est terminus.) Finis autem tales diuitiæ & rerum quæstio. Artis autem domesticæ, non artis rei quærendæ, est terminus. Nam artis domesticæ non est hoc officium.

C O M M E N T A R I I.

Καὶ ἀπὸ τοῦ δέ.] Sic legendum videtur, non δὲ, vt sæpe alias in Ethicis dictum. Nam nouæ disputationis hic est principium, seu potius nouæ comparisonis. Nam etiam hic pergit explicare dissimilitudines duarum & diuitiarum & artium harum: etsi de arte domestica potius nunc agere videtur. Est autem hic locus insignis de modo & fine diuitiarum: quem locum & supra attigit, vbi de veris diuitiis, quas finitas & terminatas esse ibi docuit: hic de alijs diuitijs, id est, de numis. Harum igitur diuitiarum nullum esse modum & finem ostendit erudite. Alij quidem scriptores & idem aiunt, vt Solo, cuius versiculum supra attulit, & Cic. late in parado. contra Crassum. Horat. lib. 1. Ep. 2.

Semper auarus eget; certum voto pete finem.

Et Aristoph. eleganter πάντων πλεονεξία, ἢ πλεονεξία, (alias, πλεονεξία πλεονεξία) nulla diuitiarum satietas. Diuitiæ igitur quia sunt duorum generum, & quia earum quærendarum ratio item est bipartita; veras quidem diuitias esse terminatas, alteras interminatas hic ostendit, argumento à fine, & ijs quæ ad finem, sumpto. Diuitias igitur mercaturæ seu artificiosas esse interminatas docet hac ratione: quia diuitiæ sint merca-

Diuitia
mercatura
interminata
& in-ia.

*Diuitia na-
turales ter-
minata.
Ratio.*

& infiniti. At mercatorum finis sunt diuitiæ. Ergo sunt interminatæ. Propositionem confirmat seu explanat exemplo artis medendi. Rationem autem propositionis adiungit hæc, ὅτι μάλιστα γὰρ ἐκείνο βέλονται ποιεῖν: quia hoc agunt artes, vt finem sibi propositum assequantur. Quid ita? quia finis est bonum per se & suapte natura expetendum. Medicus igitur omnes nervos ad sanitatem efficiendam contendit, infinite, id est, non ante quiescens, quam eam efficiat: vt orator persuasionem & fidem: Iurisconsult. æquitatem: politicus εὐνομίαν & beatam vitam. Assumptio explicata est supra, videlicet mercaturæ finem esse diuitias. Hæ igitur diuitiæ sunt interminatæ, adeo vt nullus earum neque sit modus neque finis. Naturales autem diuitias terminatas esse docet hac ratione: quia hæ artis œconomicæ rei quærendæ non sint finis, sed ea quæ ad finem. Formula: Ea quæ ad finem, id est, ὄργανα & adiumenta finis assequendi, sunt terminata. At naturales diuitiæ arti rei quærendæ œconomicæ sunt ea, quæ ad finem. Ergo sunt terminatæ. Propositionis ratio, πέρους γὰρ τὸ τέλος παύσις, quia, inquit, finis artium est earum meta & terminus, id est, artes suum quæq; finem assecutæ conquiescunt, etiam vno organo: vt Medicus, si vel vno medicamento sanitatem effecerit, acquiescit. Sed de propositione dictum est & supra, vbi de organis diximus, nulla esse vel magnitudine vel multitudine interminata. Iam de assumptione dictum est supra arti domesticæ diuitias non esse propositas, tanquam finem, sed tanquam organa ad tuendam familiam. Ex quibus intelligitur, quid causæ sit, cur alij diuitias persequantur sine fine modoque, alij bono modo, vt dicunt Iurisconsulti. Intelligitur & hoc, quæ diuitiæ sint finitæ, quæ infinitæ.

Οὐ γὰρ τὸ τοῦ οἰκονομικῆς.] Artis domesticæ esse terminum, non vero artis rei quærendæ, docet hac ratione: quia aliud huius quam illius sit officium: huius parare diuitias, illius partis vti; vsui certus & definitus est finis; nisi forte sit stulti vsus. Et si hæc ex prioribus sunt planiora, vbi de discrimine finis & eorum quæ ad finem.

TEXTVS.

Quare hætenus quidem videtur, omnium diuitiarum

uitiarum oportere esse terminum: Verum in vita seu factis contrarium accidere videmus. Omnes namq; infinite rebus quærendis dediti pecuniam augment; in causa est earum vicinitas. Mutat enim vsus eiusdem rei vtriusque artis rei quærendæ. (Nam eiusdem vsus est quæstio) sed non eodem modo; Sed huius quidem alius est finis; illius vero amplificatio. Itaque videtur quibusdam hoc esse artis domesticæ opus & munus: atque perstant, rati sic faciundum, vel in conseruandis vel in augendis numis infinite. Huius autem effectiōnis causa; quia studeant, vt viuant, sed non vt bene viuant. Ea igitur cupiditas quia est infinita, & efficientia infinita cupiunt.

C O M M E N T A R I I.

Διότι μὲν φαίνεται ἀναγκάϊον.] Etiam nunc persequitur causas inexplēbilis cupiditatis diuitiarum seu pecuniarum. Ait autem, multos quidem arbitrari & sic sentire, omnium diuitiarum modum & finem quendam esse debere, sed contra tamen facere, vident scilicet meliora, sed non sequuntur. Cur autem contra sensus & conscientiam plerique infinite diuitias accumulēt, cum tamen ipsi modum quendam earum esse debere fateantur; trifariam explicat. Multi igitur quia vident boni patrisfamilias diuitias non esse interminatas, existimant omnes diuitias tales esse debere, contra tamen faciunt. Quid ita? quia diuitiarum quærendarum artes dux maxime sint cognatæ: vicinitas harum artium est in causa, cur contra atque ipsi existiment infinitas diuitias persequantur. Vicinitas earum in hoc est, quod vtraque sit eiusdem rei, id est, diuitiarum: qua vicinitate inducti putant, plane esse easdem, atque ita vtriusque idem esse officium & finem, vnius sine in alteram translato. Atque ita patrisfamilias officium putant infinite diuitias congerere, vt mercatores; sed errant. Nam sunt quidem hæ artes eiusdem rei, sed alio atque alio modo. Nam mercatoris est parare & augere diuitias, patrisfamilias vti. Atque hunc in modum puto explican-

Cur vulgo inexplēbilis sit diuitiarum cupiditas.

I. Causa.

plicandum hunc locum difficilimum. Quare legendum ἐκ-
 πρως, vt habent libri emendatiores, non ἐκὰς πρως. & inducen-
 da sunt hæc verba, τὸ γὰρ αὐτῆς ἐστὶ ζήσεως. Nam eleganter
 hæc velut per αὐτῆς inter se respondent, ἡ ζήσις τῷ αὐτῆς,
 ἀλλ' ὃ καὶ τῶτον. Et κτῆσις ζήσεως absurda est phrasis. Pe-
 rionius & Sepulveda valde laborant, sed frustra: nullum
 reperiunt sensum.

2. *Causa.*

Αἴτιον δὲ ταύτης ἀλαθείας.] Altera est causa inexplibilis
 diuitiarum augendarum cupiditatis, hæc; Quia plerisque
 curæ potius est, vt viuant, quam vt bene viuant. Formula:
 Vitæ cupiditas est interminata. Nam natura quam diutissi-
 me seipsam tueri studet, sui est conseruatricx. At plerique di-
 uitias quærunt viuendi causa. Ergo sunt infinitæ, vt ipsa vi-
 tæ cupiditas. De assumptione cerum est, plerisque diuitias
 tanquam vitæ viatica necessaria quærere; hoc agentes, ne
 quid vnquam vitæ tuendæ desit; minime sollicitos, vt recte
 & liberaliter viuant. Quo pertinet *Ciceronis dictum in Cato-
 ne Maiore* mirantis & reprehendentis senum auaritiam, qui
 de viatico tantopere laborent, quibus parum viæ sit reli-
 quum. Recte igitur Aristoteles, quia vitæ cupiditas, inquit,
 est infinita, diuitias vitæ conseruatrices infinite expectant.
 Obseruanda autem est elegans contentio τὸ ζῆν καὶ τὸ εὖ ζῆν.
 Latini dicunt, viuere & bene viuere, interdum liberaliter,

T E X T V S.

Qui autem & bene viuere contendunt, quod
 ad corporis voluptates, quærunt. Itaq; quia & hoc
 in re familiari videtur esse, & omne studium in
 quærenda re esse: eaq; propter aliud artis rei quæ-
 rendæ genus existit. Nam cum nullus sit volu-
 ptatis modus, effectricem immoderatæ volupta-
 tis quærunt: & si per artem rei quærendæ neque-
 unt reperire, alia id aggrediuntur via, singulis fa-
 cultatibus vtentes non secundum naturam. For-
 titudinis namque non est pecuniam conficere,
 sed animos; neque artis militaris, & medendi, sed
 illius quidem victoriam, huius vero sanitatem.

At hi

Athi omnes faciunt rei quærendæ artes quasi hic sit finis, ad finem autem omnia oporteat conferre.

COMMENTARI.

Ὅσοι δὲ καὶ τὸ ζῆν.] Quia modo dictum de compara- 3. *Causa*
tione viuentium seu vitæ, & liberalis vitæ: exposito de ijs,
qui vitæ causa diuitias quærent, nunc & de liberaliter viuen-
tibus adiungit. Ait igitur, & liberaliter seu potius luxuriose
viuentes, item diuitias quætere sine modo, vt priores. Ra-
tionem affert hanc; Quia voluptates, quarum causa hi diui-
tias quærent, sint interminatæ. Nam corporis voluptatum
in his hominibus nullus est modus, nullus finis; est, inquit,
ὑπερβολή. Formula: Si voluptatum non est modus: Ergo nec
diuitiarum. Connexi ratio, quia diuitias tanquam organum
voluptatum quærent, easque ad voluptatem, tanquam ad
finem, referunt. quod idem & *Cic. lib. 1. Offic.* Ab alijs, ait,
quæri diuitias ad vsus vitæ necessarios, ab alijs ad perfruen-
das corporis voluptates, ab alijs ad ambitionem & opes. I-
dem & *lib. 2. de Fin.* Magni enim æstimabat pecuniam non
modo non contra leges, sed etiam legibus partam: quæ qui-
dem vel cum periculo est quærenda nobis: est enim effectrix
multarum & magnarum voluptatum. Et Princeps *Plato in*
Phædone: τὰ δὲ χρήματα ἀναγκαζόμεθα ἡπείσθαι ἀπὸ τοῦ σώματος
&c. De antecedente, id est, an voluptates sint infinite, dictum
est, *lib. 10. Eth. cap. 3.* Nam voluptates veræ non sunt infini-
tæ, contra atque putauit *Plato in Philebo*: sed inanium, in-
quit *Cic. lib. 1. de Fin.* nullus est modus neque finis. Præclare
igitur Aristoteles hominum luxuriosorum & elegantium o-
mnem ἀπὸ τοῦ βίου, studium & curam ait esse in diuitijs seu
pecunia conquirenda; quia voluptates, quas infinite se-
ctantur, efficiant. de voluptatibus corporis agit: nam animi
voluptates non efficiuntur pecunia, sed studijs honestis, vt
quæ ex liberalibus artibus capiuntur.

Καὶ τὸ ἐπεροῦν εἶδ'.] Adhuc duo artis quærendi rem ge- *Triū horū*
nera, naturalem & artificiosam, explicauit: hic ex horum vi- *vita generū*
ta luxuriosorum tertium genus existisse seu ortum esse ait, *distinctio à*
à prioribus duobus distinctum fine & modo seu via quæren- *sine & mo-*
di. Nam primi generis finis est tuitio familiæ, secundi ipsæ do- *do.*
diui-

diuitiæ, seu earum cumulus, tertij voluptatum perfructio: Via autem & ratio quærendi, primi quidem est multiplex, vt agricultura, pecuaria; secundi mercatura; tertij facultatum abusus. De fine notum negocium: de facultatum abusione ita intelligendum: hos homines omnem mouere lapidem seu omnes quærendarum pecuniarum rationes anquirere, & naturalem & mercaturam, & fœnerandi, & si quæ sunt alix: his vſitatis quærendi rationibus destituti, aliam ipsi quærunr turpissimam, nimirum facultatum abusionem. Facultates vocat artes & virtutes, quas hi faciunt mercenarias & quæstuaras, contra ipsarum naturam, hac sola de causa vt voluptatum effectricem, pecuniam, quolibet modo consequantur. Est autem præclarus hic & memorabilis locus de artium vſu & abusu. Nam medendi artis vſum esse effectiorem sanitatis; Iurisconsulti, inter ciues æquitatis; Ducis seu Imperatoris, victoriæ: sed multi his præclaris artibus ad quæstum abutuntur, alij voluptatum causa, alij opum, alij auaritiæ.

T E X T V S.

De ratione igitur rei quærendæ & ea quæ non est necessaria, & quæ sit, & quam ob causam ea opus habeamus, dictum est: & de necessaria, hanc ab illa quidem esse aliam, domesticam vero secundum naturam, quæ in victu, non vt illam interminatam, sed quæ terminum habeat.

C O M M E N T A R I I.

Περὶ πόλεως.] Conclusio est primæ disputationis de vtroque artis rei quærendæ genere.

C A P V T V I I.

QUATVOR fere hoc cap. continentur. Nam primo quæstiones supra propositæ dissoluuntur: deinde artes rei quærendæ inter se comparat & hic, vt & priore cap. vbi de arte fœnerandi: tertio de praxi seu vſu artium rei quærendæ, vbi ad περὶ πόλεως explicationem artes rei quærendæ diuidit, & quidem subtilius: postremo de scriptoribus artis rei quæ-

quærendæ, ybi de callido Thaletis consilio ad rem parandam.

T E X T V S.

Quod autem initio in quæstionem vocatum intelligitur vtrum patrisfamilia & ciuilis sit ars rei quærendæ, nec ne, sed oporteat hoc quidem adesse. Nam vt homines non efficit ars ciuilis, sed à natura sumptis iis vtitur: ita & victum naturam oportet suppeditare terram aut mare aut quid aliud: ex his autem quemadmodum oportet dispensare debet paterfamilias: Nam artis texendi non est lanas conficere, sed iis vti, & nosse, qualis sit, bona & apta, vel mala & inepta. Nam dubitauerit quis, cur ars quidem rei quærendæ pars sit rei domesticæ, ars vero medendi non sit pars. Atqui eos, qui in domo, oportet valere, vt viuere, aut aliud quippiam ex numero rerum necessariarum. Quia autem est aliquo modo patrisfamilias & præfecti, videre quoque de sanitate: aliquo vero modo nō, sed Medici: sic de re familiari, est quidem qua patrisfamilias: est vero qua non, sed administræ.

C O M M E N T A R I I.

Δῆλον δὲ καὶ τὸ ἀπορρέμενον.] Quæstio supra initio capitis quinti proposita, an ars rei quærendæ eadem sit, quæ domestica; & si non eadem, an saltem domesticæ sit pars, an vero administra tantum. Omnis, inquit, hæc quæstio ex his quæ supra sunt explicata, intelligi potest. Et primum quidem nō esse eandem, ex eo est perspicuum, quod ne quidem sit eius pars, sed administra. Id quod elegante simili illustrat: quo simili docet, artem quidem rei quærendæ & domesticæ seu patrisfamilias, & politicæ seu politico esse necessariam, seu rem potius familiarem: eas tamen facultates seu artes esse alias & inter se disiunctas, ita vt altera alterius sit tanquam ancilla & administra. Simile hoc est, quod quemadmodum

Artem œconomica & rei quærendæ nō esse eandem.

r. Simile.

H

ad

ad ciuitatem constituendam necessarij sunt homines arti politicæ, quæ tamen homines ipsa non efficiat, sed natura, à qua acceptis hominibus ea vtatur, id est, describat partes Reipub. eodem plane modo res familiaris seu victus arti domesticæ est necessarius, non quem ipsa, sed natura potius efficiat, partim ex terræ frugibus, &c. à qua natura effecto victu seu rebus ad viuendū necessarijs ipsa vtatur. Nam vt politicæ est ciuib. vti, id est, eorū ordines describere, alios milites, alios magistratus, alios opifices: ita & artis domesticæ est, videre quemadmodum nostræ diuitiæ & res familiaris bene dispensetur. Est & alterum simile ab arte texendi: cui quidem lana est opus, sed ipsa tamen eam non conficit, verum confecta vtitur, vsum nouit, quæ ad telam bona sit & accommodata, quæ non, quæ mala, crassa, tenuis, dura, mollis.

2. *Simile.*

Obiectio.

Καὶ ὁ δὲ ἀποφύκει.] Etiamnum docet, artem rei quærendæ non esse partem artis domesticæ, occurrens tacitæ quæstioni. Nam ex eo quod res familiaris arti domesticæ sit necessaria, multi pertinaciter volebant effici rei familiaris artem esse artis domesticæ partem. Quod etsi duobus similibus iam refellit, hic tertio distinctius explicat. Nam si ex eo, quia victus familiaris est necessarius, efficeretur, victus rationem artis domesticæ seu familiaris esse partem: efficeretur, inquit, & hoc, eiusdem artis domesticæ partem etiam esse medicinam, artem sutorum, sartorum, &c. & qualemcunque tandem artem rerum ad vitæ vsus necessariarum effectricem. Quid ita? quia non minus domui & familiaris est necessaria sanitas, vestis, calcei, &c. quam victus.

Solutio.

*Cognatio
vtriusque
artis.*

Ἐπεὶ δὲ ἐστὶ μὴ ἀπὸ αὐτῶν οἰκονομεῖν.] Nunc propius docet, coniunctionem artis rei quærendæ & artis domesticæ, eodem de sanitate simili. Nam quemadmodum de sanitate domus seu familiaris partim debet laborare & esse sollicitus, eamque procurare, partim non, sed Medicus potius: (nam patrisfamilias est cura tantum & sollicitudo, vt sana sit familia, in victu præbendo, & medico quoque vocando: sed Medicus sanitatem ipsam efficit, atque ita patrisfamilias quasi deseruit Medicus) ad eundem modum paterfamilias operam dare debet, vt omnia ad vsus vitæ necessaria, victus, cultus, &c. suppeditent, non quo ipse hæc compareret, sed operam tantum det, vt assint. Itaque ars rei quærendæ aliqua parte est pars artis domesticæ,

mentis, aliqua non est, sed administra tantum. Hactenus, inquam, est pars, si ita quis vocare volet, quia cura incumbit patrifamilias, ut res suppetat: pars vero non est, sed administra potius, quatenus ars rei quærendæ victum familiæ, tanquam ancilla, efficit & procurat. Ad summam, perspicuum est, artem rei quærendæ non tam partem esse, quam administram & velut ancillam artis domesticæ: non est igitur eadem, quod initio in quæstionem vocatum fuit. Cæterum primum simile imitatus est & Cic. lib. 4. de Fin. ut Phidias, inquit, potest à principio instituere signum, idque perficere, potest ab alio incoatum accipere & absolvere: huic est sapientia similis. non enim ipsa genuit hominem, sed accepit à natura incoatum: hanc intuens, debet institutum illud quasi signum absolvere.

T E X T V S.

Maxime autem, ut ante dictum est, natura oportet hoc adesse: nam naturæ est opus & munus, victum genito præbere. Omni enim ex quo gignitur, reliquum est victus.

C O M M E N T A R I I.

Μάλιστα δὲ, κατὰ τὴν εἰρηται.] Hæc clausula ad priora accommodari debet, nam hac nihil aliud, quam dicitur, non patrisfamilias, sed naturæ esse officium, victum & omnia ad usus vitæ necessaria suppeditare & præbere. Nam, inquit, ex quo quid nascitur aut gignitur, eius reliquum est genito cibibus & victus, id est, natura partim res producit, partim eas alit & auget, seu ex aliqua sui parte generat, & reliqua eas alit & fouet: Breviter, natura rerum est & parens & alitrix.

T E X T V S.

Quare naturæ consentanea est omnibus ea ars rei quærendæ, quæ est ex frugibus & animantibus. Cum autem ea sit duplex, ut diximus, & hæc quidem mercatura, illa vero domestica: & hæc quidem necessaria & laudabilis, illa vero in permutando posita, iure vituperabilis. neque enim ex

natura, sed hominibus inter se est: meritissimo odio habetur ars fœnerandi: quia sit quæstus ex ipso nummo, non ex eo cuius gratia est repertus: permutationis namque gratia exstitit, fœnus autem ipsum auget. Vnde & nomen hoc accepit: genita enim similia sunt gignentibus ipsa: fœnus autem fit nummus nummi. Quare & maxime contra naturam est hic quæstus.

COMMENTARI.

Comparatio diuersorum rei paranda generum.

Διὸ καὶ φύσιν ἐστὶ.] Insignis est hic locus, quo quæstus seu rationes rei quærendæ inter se comparantur, & maxime de arte fœnerandi. Et primum quidem ex prioribus notum est, duo esse artis rei quærendæ genera, vnam naturalem, Oeconomicam, necessariam; alteram artificiosam in permutando positam, non necessariam. Ex his igitur illam, vt naturæ cōsentaneam, ait iure esse laudabilem. Et certe hanc rei quærendæ rationem omnes veteres laudatissimam semper esse duxerunt. Qua de re videatur *Xenophon in Oeconom* & *Cic. lib. 1. Off.* vbi de generibus quæstuum, & in *Catone Maiore*: Verum elegantissime *M. Cato, lib. de agricult.* imitatus, ni fallor, hunc Aristotelis locum. Nam vt hîc Aristoteles ex tribus quæstuum generibus agriculturam laudatissimam, fœnus odiosissimum, mercaturam inter hæc duo velut mediam facit: ita & Cato Mercaturam quidem & fœnus agricultura fere esse quæstuosiora, sed mercaturam esse periculosam, fœnus semper habitum turpissimum, agriculturam

Agricultura quæstus honestissimus.

& honestam & minus periculosam. Cur autem agricultura maxime laudabilis sit, hæc ratio reddi potest ex superioribus sumpta; Quia & in naturæ diuitijs versetur, & his sit contenta. Mercatura itaque iure vituperatur, eoq; magis, quo lon-

Ratio.

gius à naturæ finibus discedit. Nam, vt supra dictum, mercaturæ duo sunt genera, altera naturæ adiutrix, altera prorsus

Mercatura quæstus non aequè laudabilis.

aliena. Et hoc est quod ait, & γὰρ καὶ φύσιν, id est, cur mercatura iure vituperetur, hæc est ratio: quia quæstum facit non ex natura, id est, ex terræ fructibus & animalibus, sed ex hominum laboribus. Nam mercatores inter se res contrahunt, & alter ab altero capit, nulla cum natura seu terra, vt ait *Cic. in*

Cato-

Catone, habita ratione seu contractu. Cicero tamen aliter hac de re distinguit [*lib. 1. Off.* quem etsi reprehendit] *Chalcagninus*, ut supra dixi, tamen probat vita communis. Huius tamen differentiae Aristotelicae confirmatio peti potest etiam ex iure civili & moribus totius fere Europæ, & maxime Germaniæ; nam & ius civile vetat Senatores exercere mercaturam, & olim vetitum semper fuit; Omnis, inquit *Cic. extremo paradox.* quæstus Senatori est turpis: & hodie nobilitas hoc quæstu contaminari, atque adeo amitti existimatur: quod maiores nostri tam accurate seruarunt, ut ad ludos equestres non admitterentur, ut neque latrones, qui mercaturam exercuissent.

Εὐλογώμεθα μισήται.] Nunc de usura seu potius fœnore: cuius artem Græci vocant ὀβολοποικίαν, quod nomen Græcum Hesychius ab ἰσάναι deducit, quod interdum valet appendere: nam, ut supra, olim graui ære utebantur. Oboli autem summus erat usus & primus, quique in numinis velut familiam deduceret, ut *As Romæ, Demosthen. quoque contra Aphobum & Nearam* de fœnore agens obolos nominat. Cæterum vulgo quidem ὀβολοποιός est ipse fœnerator seu creditor, qui & δανειστής. Sed *Polluci lib. 3* ὀβολοποιός videtur esse Danistæ seu fœneratoris seruus, quos latine vocant Coactores, qualis fuit Horatii pater. Artem igitur fœnerandi meritissimo esse odiosissimam, docet hac ratione; quia à natura sit remotissima. Nam fœneratio est ars rei quærendæ non ex naturæ diuitijs, sed ex nummo, re prorsus suapte natura sterili. Et eleganter Aristoteles, fœnus, inquit, est nummus nummi, id est, per fœnus nummus fit è nummo, & ut paulo ante, fœnus nummum auget. Quid ita? Nam quemadmodum res nascentes & editæ parentibus, & ijs, vnde nascuntur, sunt similes & eiusdem generis, ut homo ex hominibus, &c. ita & nummus ex nummo tanquam nascitur per fœnus. Quare & eleganter Græci fœnus τόκον vocant, tanquam nummi partum, ut & latine fœnus tanquam fœtum seu fœturam pecuniæ parentis, inquit *Varro apud Gell.* Hæc igitur vna est ratio, cur fœnus odio haberi debeat. Est & altera, καὶ ὅτι ἐφ' ὧν, &c. quia usus nummi verus inuertatur. supra namque ostendimus nummum commerciorum causa esse repertum, ut sit eorum velut organum & sponsor: at fœnore nummus fit res ipsa quædam permutabilis, seu ex

De fœneratoribus.

Ratio cur ars fœnerandi sit odiosissima.

Τόκος.

2. Ratio.

Rationes reliqua.

Verū fœnus in Rep. præfertur Christiana sit tolerandū.

natura rerum permutabilium. Nam, tanquam equus vel vestis, fœnore locatur nummus. Fœnus namque nihil fere est aliud, quam nummorum locatio. Quare & Horatius conductos nummos vocat. Has igitur duas affert rationes, cur merito odio haberi debeant fœneratores. Priorem confirmant & Iurisperiti, qui negant, pecuniæ, olei, vini, rerumque, quæ vñ consumuntur, fructum constitui posse, neque posse pecuniæ vñ & proprietatem separari, *l. si vini, ff. de usufruct.* quod tamen fit & in fœnore. Sunt & aliæ odij aduersus fœneratores causæ, de quibus *Molina in commentario de usuris in fine. Et Hotoman. de usur. lib. 2. cap. 1. Aristot. certe supra lib. 4. Eth.* An autem fœnus vt Christianæ doctrinæ & amoris inimicum, & Reipub. perniciosum, in Republ. tamen sit admittendum, quod facit *Plato lib. 5. de legib. in fin.* videantur hi, quos supra adduxi.

Καὶ γὰρ ἐφ' ὧν.] Id est, non ex eo, cuius gratia est reperi-
tus nummus, id est, ars fœnerandi est quærēdi ratio ex num-
mo ipso, & non ex commercijs, quorum causa est reper-
tus.

T E X T V S.

Quia autem ea, quæ ad cognitionem satis explicauimus, percurrere oportet ea, quæ ad vñ. Hæc autem omnia cognitionem quidem habent liberalem, exercitationem vero necessariam. Sunt autem artis rei quærendæ partes vñiles; peritū esse, in membris rei familiaris quæ sint fructuosissima, & vbi, & quomodo, vt equorum paratio qualis, aut boum, aut ouium, item & reliquorum animantium. peritum namque esse oportet, quæ ex his inter se sint fructuosissima, & quæ quibus in locis. Nam alia alijs in regionibus florent. Præterea de agricultura, eaque & nuda & consita, atque de mellificio, de alijs quoque animantibus tam natantibus quam volantibus, ex quibus adiuumentum liceat capere.

C O M M E N T A R I I.

Επι δὲ.] Sæpe iteratum est in Ethicis, politicæ scientiæ finem nō tam esse scientiam & cognitionē, quā vsum. Quare & hic Aristoteles explicatis de arte rei quærendæ ijs quæ ad cognitionem pertinent, vt ars rei quærendæ quid sit, quæ eius partes & harum inter se comparatio, quænam accommodatior, quæ lauiabilior & contra, vtrum hæc ars sit pars artis domesticæ, &c. His igitur explicatis adiungit breuiter & ea, quæ ad vsum pertinent. Nam tametsi prior pars, id est, cognitio, sit liberalior: tamen hæc de vfu ad vitæ vsus maxime est necessaria. Primum igitur artem rei quærendæ facit tripartitam, quarum singularum partium quæ sint officia in vfu, exponit. Et primum quidem de arte rei quærendæ naturali, cuius partes & officia esse ait primum in re pecuaria, *γεννητικὴν* videre vtrum sit vtilius, boues pascere, an equos, an oues, & *κῆν* naturæ videre, quibus in locis hi reperiantur optimi. Nam boues *τῶν* officia, Tarentinæ olim cæteris erant meliores, vt equi Thessalici. *quo ad v-* Sic & de agricultura; cuius multæ sunt partes, sed summæ *sum.* duæ: nuda vna, vt agrorum frumentariorum, & pascuorum; altera consita, vt vinearum & hortorum pomariorum. *Cic. 2. Agrar.* nepotes vocat; qui sylvas potius venderent, quam vineas. *In off. quoq; lib. 2. extremo* hæc *πεῖσις* attingitur, vbi monet urbana prædia præ rusticis esse fructuosiora. *Varro* præta ait esse omnium fructuosissima, *initio lib. 1. de re rust.* Eadem quæstio esse solet de animalibus, equis, bubus, columbis, piscibus, viuarijs, &c. vtræ sint fructuosiora auuaria an viuaria seu piscinæ, an mellificia. Et hæc quidem, pecuaria, agricultura, & captura, quæ quibus præstent fructu & utilitate, primæ sunt & summæ partes artis quærendæ vel verissimæ seu propriæ partes. *τοῖς ἰδιωτικαῖς.* Obseruandum autem, quod agriculturam facit bipartitam. Nam aliam esse *Αgricultu-* *ψιλὴν*, aliam *πεφυττομένην*: illam latine vocare licebit nu- *ra, 1. ψιλ.* dam seu puram, hanc consitam seu vestitam arboribus, viti- *2. πεφυττο-* bus, &c. *ψιλὴ* est frumentaria. *μένη.*

T E X T V S.

Artis igitur rei quærendæ maxime quidem propriæ hæ sunt partes & primæ, in permutando vero positæ, nimirum *χρηματιστικῆς* pars maxima

quidem mercatura (& huius tres partes, Nauigatio, vectura, institoria. Hæ autem aliæ ab aliis dicuntur: eoque hæ quidem sint tutiores, illæ vero maiorem afferant fructum) altera vero fœneratio, tertia vero operarum locatio: cuius hæc quidem est sordidarum artium, illa vero artis expertium, & corpore solo vtilium.

C O M M E N T A R I I.

2. Generis
artis qua
rēda rei v-
sus.
Mercatura
diuisio.

Τῆς δὲ μετὰ βλητικῆς.] Nūc de πρᾶξι alterius artis rei quærendæ, quæ permutationibus & commerciis continetur, cuius hic tres facit partes: maximam, mercaturam; alteram, fœnerationem; tertiā, operarum locationem. Mercaturæ autem rursus tres facit partes, quarum vna nauibus merces importet & exportet; altera plaustris & iumentis; tertia nihil quidem importet vel exportet, sed domi merces in foro venditet. Cuius diuisionis ratio hæc est: quia vel importantur vel exportantur merces, vel non: & illæ vel mari vel terra. hinc existunt tria mercaturæ genera: aliter *Plato*, de quo supra. Tertium autem mercaturæ genus ab *Aristotele* dicitur παρ᾽ ἑσῆας, quasi stataria mercatura; inquit *Budæus*, nimirum hominum in foro desidentium aut consistentium, quos Latini propalas vocant & Institores, fortassis item ab insistendo siue stando, non ab Instando, vt putat *Vlp. Iurisc. in l. 3 de Instit. act.* Sed hæc diuisio ad theoriam pertinet. Πρᾶξις est in his verbis, Ἀφ' ἧς δὲ τὰ πῶν, &c. Quia vna pars fructuosior est altera, vt eius quæ nauibus vtitur, & rursus altera pars, quam altera, est periculosior; & hæc ipsa maritima, vt est apud *Catonem initio lib. de re rust.* Artis igitur rei quærendæ ex permutationibus maxima & summa pars est mercatura, & prope vna. Fœneratio tamen & ipsa in permutationibus versatur, non tam rerum inter se vel nummorum, sed nummorum inter se. Tertia huius artis in permutationibus pars est operarum locatio. Nam opera est velut merx: & hæc pars operaria est duplex, posita partim in artibus opificum, partim in operis artis expertibus, quæ solo corpore præstentur, id est, in quibus solius corporis est vsus, nullus vel artis vel ingenii, vt baiulariorum, scopariorum, tabellariorum, ligna-

Compara-
tio horum
trium ge-
nerum.

2. Fœnera-
tio.

ὑποἀγίς-
εις.

lignatorum, messorum, &c. Sed de hac tertia parte paulo infra distinctius.

T E X T V S.

Tertia autem artis rei quærendæ species inter hanc & primam. Nam & eius, quæ secundum naturam, partem quandam habent, & eius, quæ in permutationibus, quæ ex terra, & iis quæ ex terra nascuntur, infructuosa quidem, sed utilia, ut & materiæ confectio & omnis ars metallica. Hæc autem multas iam cōplectitur species. Multæ namq; species eorum sunt, quæ ex terra effodiuntur.

C O M M E N T A R I I.

Τεῖτον δ' αἰδ.] Sic legendum, non (ut vulgo perperam) 3. *Generis τέπερτον*, testibus lib. vet. Nam expositis duobus artis quærendæ generibus, naturali & eo quod in permutationibus, de quibus & supra copiose; hic nunc subtilius adiūgit tertium, quod metallicum dici potest, propterea quod rerum sit quæ ex terra effodiuntur, quas Græci vocant metalla: quod tertium artis quærendi genus inter primum & secundum velut medium & interiectum esse ait, utriusque naturam participans, id est, aliquid habens & naturæ & artis seu permutationis. Nam metalla quidem natura suppeditat, sed nisi arte conformentur vel in pocula, vel in gladios, vel in suppellectilia; & rursus nisi permutationibus in usum vocentur ad cibum ac nos alendos ac tuendos, prorsus sunt inutilia. Eleganter ait hæc esse quidem ἀνεργα: neque enim fructum ferunt, ut alia è terra edita frumenta, arbores, segetes, sed tamen ad vitam utilia. Huius autem metallici generis multas ait esse species, ut multæ sunt metallorum, auri & argenti, æris, ferri, plumbi, stanni, sulphuris, aluminis, cretæ, &c. lapides, marmor, magnes, &c. vitrum, postremo gemmæ & lapilli, teste Plinio. Altera pars, quæ velut materia huic tertio artis rei quærendæ generi subiicitur, est ὕλοτομία, id est, sylvæ seu materiæ excisio, ex qua ligna suppeditentur ad varios usus.

TEXTVS.

De singulis autem his vniuerse quidem expofitum eft & nunc, particulatim autem enucleare, vtile quidem ad operas, fordidum vero immorari. Sunt autem ex operis artificiofiffimæ, vbi minimum fortunæ: Sordidiffimæ vero, in quibus corpora maxime fœdantur; maxime vero feruiles, vbi corporis plurimus vfus: maxime autem ignobiles, vbi minime virtute eft opus.

COMMENTARI I.

Conclusio.

Περὶ ἐκείνης δὲ τῆς τέχνης.] Conclusio eft difputationis de vfu, de quo fumatim feu vniuerfe allatis fummis capitibus & membris fe explicaffe ait. Nam enucleate & fubtiliter fingula explicare, effe quidem hoc vtile ad operas, fed negotium effe fordidum & odiofum. Nam ad agendum & minifteria diftinguenda & partienda vtile eft, noffe agrorum, pecorum, mercium, artium, &c. discrimina fingularum, fed eam difputationem feu tractationem effe paulo illiberaliorem & quali operariam, vt quæ fint agrorum genera, quæ bouum, quæ piperis. Satis eft Politico velut per indicem fummæ capita attingere; præfertim cum exiftent fcripta multorum, qui ea fubtilius & figillatim funt perfecuti: ex quibus, cui ea curæ erunt, cognofci poterunt. Duos affert hic fcriptores rerum rusticarum Aristoteles; *Charetem Parium*, & *Apollodorum Lemnium*, cuius & *Varro lib. 1. initio de re rustic.* & *Plin. libr. 14. 15. 16. 17. 18.* meminerunt: plures commemorat Varro eo loco: hodie reliqui funt, *Varro, Columella, Plinius, Palladius, Constantinus*. Et hoc eft, quod ait, ἐπεὶ δὲ ἐστὶν.

Rerum rusticarum fcriptores.

Opera 1. artificiofiffima.

Εἰσὶ δὲ τεχνικώταται.] Operarum eft quadrimembris partitio: quarum aliæ funt maxime artificiofæ; illæ nimirum, in quibus nihil aut parum fortunæ & cafui eft locus. Nam fortuna arti velut repugnat; Quia ars eft cum ratione, fortuna non item: huius generis funt artes pictorum, fictorum, architectorum & multorum opificum. Contrariæ funt pifcatorum, aucupum, aleatorum. Aliæ funt fordidiffimæ, nimirum hæ, quibus corpora maxime fœdantur & inquinantur. Græci vocant βαρυνώμεναι; etfi plerunque omnes

2. Sordidiffima.

opificum

bpificum artes, utpote sordidas pleraque, hoc nomine vocare solent. Huius generis sunt, coqui, fabri ferrarii, fornacarii, coriarii, infectores, sutores, nautæ, &c. Aliæ sunt maxime serviles, nimirum in quibus plurimus est corporis usus, nullus vel perexiguus animi vel ingenii; quod servorum esse proprium supra ostendimus. Huius generis sunt, fossores, lignatores, tabularii, baiuli, cursores, scripturarii etiam. Aliæ denique sunt maxime ignobiles vilissimæ & abiectissimæ, ubi nullus est usus virtutis siue animi siue corporis. Quid ita? Quia virtus sola nobilitat. Nobilitas, inquit Cic. in Epist. ad Hirtium, nihil aliud est, quam cognita virtus, &c. Vbi igitur nulla virtus, ibi nulla nobilitas. Abiectissimæ igitur sunt operæ, ubi nulla neque corporis, neque ingenii est virtus: huius generis videntur esse scoparii, vinctores, mediastini, ianitores, fornacarii.

3. Maxime serviles.

4. Maxime ignobiles.

Iuvenal.

satyr.

T E X T V S.

Quia autem à quibusdam scripta sunt de his, ut Charete Pario & Apollodoro Lemnio de agricultura & pura & consita; item & ab aliis de aliis: hæc quidem ex his cognoscantur, cui curæ est. Præterea & quæ sparsim dicuntur, per quæ quidam quæstui dediti, rem bene gesserunt, colligenda sunt. Omnia namque hæc artem rei quærendæ colentibus sunt utilia.

C O M M E N T A R I I.

Ἐπεὶ δὲ ἴσμεν.] Aristoteles quia de usu ipse accuratius explicare non vult, quia non satis sit honestum Politico; monet igitur, unde hæc peti possint: & affert duo scripta, de quibus iam dictum, & sapientum politicorum & aliorum, qui divitiis sibi pararint, documenta quædam seu exempla & acuta inuenta seu stratagemata ad pecuniam conficiendam. Nam & hæc rei quærendæ non minus esse utilia, quam ipsa scripta. Cuius generis stratagemata in Oeconomicis libr. 2. quod aliis faciendum monet, ipse collegit innumerabilia, hic affert duo duntaxat, eaqu; priuata, illa vero publica.

T E X -

TEXTVS.

Vt & hoc Thaletis Milesii: nam & hoc inuentum quoddam ad rem quæredam aptum, illi quidem propter sapientiam attributum, commune tamen. Nam exprobrantibus ei propter paupertatem, quasi inutilis sit philosophia, aiunt eum perspecto ex Astrologia futuram oliuarum vbertatem, & cum hyems esset, nactum paruulos numeros arrhis datis olearias officinas, & quæ Mileti & quæ Chii, omnes paruo conduxisse, vt nemine contra licente. Tempus autem cum venit, multis simul & subito quærentibus elocatis, quemadmodum vellet, multis coactis pecuniis ostendisse, facile esse philosophis ditescere, si velint. Sed non hoc est, in quo eorum est studium.

COMMENTARI.

Οἶον καὶ τὸ.] De hoc Thaletis callido pecuniæ conficiendæ consilio & Cic. lib. i. de Diuinat. Quos, inquit, prudentes possumus dicere, id est, præuidentes, diuinos nullo modo possumus, non plus quam Milesium Thaletem. Differt tamen ab Aristot. Cicero, quod ille ait Thaletem conduxisse ἐλαιουργεῖα, id est, officinas olearias, nimirum trapeta, torcularia, prela, & molas, &c. loca cum suis organis. Id enim valet ἐλαιουργεῖον vt χαλκουργεῖον, ἀλουργεῖον, λιθουργεῖον. Perperam igitur quidam hic vertunt oleum ipsum & oleas. Hic vero Cicero ait Thaletem coemisse omnem oleam. Quod certe difficilius fuit Thaleti; quia maiori opus sit vi pecuniæ. Aristot. assentitur eius discipulus Hieronym. Rhodius philosophus, teste Laertio in vita Thaletis, Ciceroni Plin. lib. 18. cap. 28. præter quod Plinius Democrito hoc stratagemata tribuit, quem ait præuisa, non vbertate, (vt Cicero & Aristoteles) sed inopia, & caritate, oleum omne coemisse.

Ἐπὶ χαμῶν ὄντ.] Eo nimirum tempore, quo nondum florentibus oleis de prouentu olei vulgus iudicare nō posset.

Φορὸν ἐσομένην.] Elegans est vocabulum proprie hic positum, à Demosthene sæpe translate, vt cum ait περὶ τῶν

φορῶν:

φορὰν: Sic & Cic. in *Bruto* vocat fœtum oratorum, & *Plin. in Epist.* prouentum Poetarum.

Οὐδένος ἐπιβάλλοντος.] Budæus ἐπιβάλλειν ait hic valere. ἐπιβάλλειν, liceri; quomodo & nos reddidimus, & cæteri. Videtur tamen potius reddendum, vt nemine cupiente, vel attendente animū. Nam id plerunq; valet ἐπιβάλλειν, nunquam, quod sciam, liceri. & vix puto hæc trapeta solita locari auctione.

Ἐπιδείξαι ὅτι ῥάδιον.] Etsi Thaletis hoc consilium commemoratur ab Aristotele, tanquam documentum seu via parandæ pecuniæ: tamen παρέργως ex eo & hæc sunt obseruanda; vsus Astrologiæ, vtilitates philosophiæ, & eius scopus. Nam philosophi scopum esse contemplationem, non actionem, & proinde eum non esse quærendæ pecuniæ deditum, quæ vitæ agendæ est organum.

T E X T V S.

Itaque Thales quidem dicitur hoc modo specimen sapientiæ edidisse. Sed est, vt diximus, hoc ad parandam pecuniam aptum, commune, si quis sibi μονοπώλιον reperire possit. Quare & ciuitates quædam, cum pecunia indigent, hac via parandi vtuntur. Rerum namque venalium monopolium faciunt.

C O M M E N T A R I I.

Θάλης μὲν ἔν λέγεται.] Quod paulo supra τὸ γὰρ ἐστὶ κατὰ νοῆμα, hic iterum monet, consilium hoc seu rationem rei & pecuniæ quærendæ Thaleti quidem attributam videri quasi singularem, sed esse tamen communem, quam viam Græci μονοπωλίαν fere, Hyperides tamen, teste *Polluce lib. 7. cap. 2.* μονοπώλιον, vt & Romani, quia suum non habent, teste *Suet. in Tiberio*, vocant. Hac pecuniæ conficiendæ via ac ratione ait Aristoteles multas vti ciuitates, vt de Heracleotis commemorat *lib. 2. Oeconom.* publica monopolia sunt iusta, priuata iniusta & vetita, de quibus exstat *tit. C. de monopolis*. Duo hic afferuntur monopolia; vnum olei vel oleariorum trapetorum, alterum ferri, de quo mox. Est & aliud fermenti apud *Procopium lib. 2. de Bell. Pers.*

T E X-

T E X T V S.

In Sicilia autem quidam deposita apud se pecunia omne ferrum ex ferrariis coemit: post deinde ex mercatibus seu emporiis, domum reuersis mercatoribus, solus vendebat, nō nimium aucto pretio, sed tamen 50. talentis 100. adiecit. Hunc igitur Dionysius re cognita pecuniam quidem iussit exportare, non tamen amplius commorari Syracusis, vt qui vias reperit suis rebus inutiles.

C O M M E N T A R I I.

Ἐκ τῶν σιδηρείων.] Interpretes reddunt officinas ferrarias: quo verbo videntur intelligi officinae fabrorū ferrariorum. At fabri plerunq; non habent ferrum venale, sed ferramenta. Quare videndum, an non rectius *σιδηρεία* verti possint ferrariae vel fodinae, vel potius tabernae. Nam & argentifodinas Græci vocant *ἀργυρεῖα*.

Ὡς ἀφ' ἐμπορίου.] Id est, postquam mercatores ex emporiis domum Syracusas redirent inanes, quia hic vbique omne ferrum solus coemerat.

Ὁ Διονύσιος.] Dionysius, vt puto, senior quia astutior; permisit quidem, inquit Aristoteles, pecuniam hunc sibi retinere; sed iussit excedere Sicilia; quia rationes ostendisset quibus pecunia confici possit, id est, belli neruus ad opprimendum tyrannum.

T E X T V S.

Thalis igitur prauisio huic est gemina: nam vterque sibi monopolium est machinatus. hæc autem nosse vtile est ciuilibus viris. Multis namque ciuitatibus opus est quæstu & talibus rationibus, vt domui atque adeo magis. Quare & ex iis, qui in Republica versantur, quidam hæc duntaxat curant.

C O M M E N T A R I I.

Χρήσιμον δὲ γινώσκειν.] Monet Aristoteles, hæc stratagemata quæstuaria non tantum patribus familiâs, sed rectoribus quoque Rerum publicarum esse cognoscenda, hac ratione; Quia ut domui, ita & ciuitatibus opus sit pecunia & quæsito; imo multo magis ciuitati quam domui. Vtraque, inquam, artibus rei quærendæ utitur, sed ciuitas magis; Quia ciuitas pluribus indigeat quam domus, ut quæ est domorum velut multitudo. Cui rei argumento & hoc esse ait, quod in quibusdam ciuitatibus magistratus quidam nominatim huic tantum rei attribuuntur, ut Quæstores. Quare & Aristot. in *Oeconom. lib. 2.* has quærendi rationes innumera- biles & ciuitatum & Regum commemorat in vectigali- bus nouis excogitandis, aut conquirenda & conficienda pecunia.

*Hæc stra-
tagemata
Reipublicæ
quoq; uti-
lia sunt.*

C A P V T V I I I.

DVÆ summæ huius capitis sunt partes: quarum priore exponitur, quod imperium sit viri in uxorem, & patris in liberos: altera de virtutibus seruorum & opificum, atque adeo de virtutibus omnium & parentium & imperantium: sintne eadem, an specie differant.

T E X T V S.

Quia autem tres erant artis domesticæ partes: vna quidem herilis, de qua antea dictum: vna vero patria: tertia vero coniugalis. Nam & uxori imperat & liberis, ut liberis quidem vtrisque, non eodem vero imperii modo, sed uxori quidem ciuilitate, liberis vero regaliter. Mas namque, quam fœmina, ad imperandum natura est aptior (nisi sicubi est contra naturam) atque ætate superans, & perfectum, quam id quod ætate superatur, & imperfectum.

C O M M E N T A R I I.

Ἐπὶ δὲ τῇ αὐτῇ μέρῃ.] Absoluta disputatione de arte rei quærendæ, quam interiectam fuisse diximus: nunc redit ad propositum,

positum, id est, ad artem domesticam : cuius vna parte, quæ est de Imperio Dominorum in seruos, supra *cap. 3.* explicata, reliquas duas (nam tres tantum esse supra docuit) hinc persequitur seu potius attingit, reiecta de his accuratiore disputatione (& hoc est, quod ait in fine *cap. αὐτὴ δὲ αὐτοῦτος καὶ γυναῖκος*) in ipsam Reipublicæ institutionem, cuius & vxor & liberi sunt partes, de quibus infra *lib. 7. §. 8. & lib. 1. Oeconom.* de vxore.

Καὶ γὰρ γυναῖκος ἀρχὴν.] Sic quidam habent libri, sed legendum videtur, ἀρχὴν imperat, & intelligendus paterfamilias seu vir, quomodo & reddunt interpretes : nam alioqui non facile reperias, vnde infinitius ἀρχὴν sit aptus & pendeat. De his igitur duabus partibus hæc duo hinc explicantur, quod imperium sit patrum, & quod mariti in vxorem: deinde quæ virtus vxoris & mariti; quæ liberorum & patris. Sed hoc posterius attingitur duntaxat. Ait igitur imperium patris in liberos, & mariti in vxorem, in eo quidem esse similia, quia vtrumque sit in caput liberum, id est, in liberos homines; hac nimirum re differt vtrumque ab herili, quod est in seruos: Verum hæc duo tamen imperia differre, quia mariti in vxorē sit ciuile, patrum sit regium; quod prius quam docet, interijcit causam, cur maritus vxori natura imperare debeat, pater liberis, hanc; de marito quidem, quia sit mas. At mari in fœminam natura debetur imperium, vtpote perfectiori & præstantiori. Nam supra docuimus, præstantiori & potiori natura deberi imperium. Mas autem præstantior. Ergo, &c. Contrarium tamen interdum accidit, vt fœmina imperet mari, vxor marito, multis de causis, vel quia maritus & corpore & animo sit imperfectior, fœmina & corpore & animi prudentia ac vigore virum potius quam fœminam referat, quod de Lucretia Romana ait *Valerius*; cuius generis fuit & Semiramis Amazones, Zenobia, & Iuditha: vel propter diuitias, vt est supra in *Eth. lib. 8. cap. 10.* Sed hoc, inquit Aristoteles, est contra naturam, *παρὰ φύσιν*: de patre vero; quia & senior & perfectior: nam puerorum ætas est imperfectior. Senibus & perfectis natura debetur imperia: quia præstantioribus & sapientioribus: Ergo & patribus. Et hoc est, quod ait *libro octauo Ethicorum, capit. 11.* natura, inquit, pater liberorum est *δυσχερὲς*, & maiores seu aui nepotibus & posteris.

TEXTVS.

In ciuilibus igitur imperiis plerisque alternat, quod imperat, & quod paret, par namque natura esse debet. nihilq; differre: cum tamen hoc quidem imperabit, illud vero parebit, differentiam quærit & ornatum & oratione & honore. vt & Amasis orationem habuit de pelui. Mas autem ad fœminam hoc modo semper se habet. In liberos autem imperium est regium. Quod enim genuit, imperat & ex amicitia & ex ætate grandiore, quæ Regii Imperii est species. Quare Homerus recte Iouem appellauit his verbis: Pater hominumque Deumque regem horum omnium. Natura namque Regem differre quidem oportet, genere vero esse eundem, quod accidit ætati grandiori ad iunio-rem, & parenti ad prolem.

COMMENTARI.

Ei μὲν ἐν τοῖς πολιτικοῖς.] Primum de mariti in vxorem imperio, cur ciuile sit, explicat. Non quo omni ex parte hæc imperia sint paria, sed aliqua tamen ex parte mariti imperium ciuili sit simile. Dissimilitudo quidem hæc est; Quia ciuile imperium est inter natura pares, id est, quorum vnus alterum non superet aut virtute, aut diuitiis, aut genere, aut libertate: & vbi nunc hic imperat, nunc idem paret, id est, vbi imperandi & parendi est vicissitudo: qua de re infra lib. 4. vbi de Repub. id est, tertio ciuitatis administrandæ genere. Nam de hoc imperio ciuili hic agitur, non Democratia aut Aristocratia. In mariti vero imperio in vxorem hæc duo sunt contraria. Nam maritus vxore, vt mas fœmina, semper natura est præstantior, id est, nunquam sunt pares, & maritus vxori semper imperat, id est, nulla est vicissitudo imperii. Ex quibus intelligitur dissimilitudo inter hæc duo imperia. Similitudo autem in eo est, quod quemadmodum in Imperio Ciuili magistratus à priuato differt & Ornatu seu cultu, vt Romæ toga prætexta; & insignibus, vt fascibus, liëtoribus, &c. & oratione: Nam grauior & seuerior est oratio magi-

I stratus

stratus ad priuatum, blandior & summissior priuati ad magistratum; *Honore* denique & *obseruantia*: quod est perspicuum: ita & alius est mariti ornatus, alia oratio, alia obseruantia, & honos, quam fœminæ. Etsi igitur in politia ciues omnes videntur pares, differunt tamen, cum sunt in magistratu, ab aliis. Maritus quoque & vxor etsi omnis diuini humanique iuris sunt socii, & velut pares; differunt tamen, vt supra explicatum.

Ἡρώδης καὶ Ἀμασίου] *Herod. libr. 2. seu in Euterpe*, Amasis Ægyptiorum Regis callidum consilium obseruantia & honoris apud ciues & populares pariendi commemorat. Nam Amasis hic vnus de plebe, tamen Rex ab Ægyptiis designatus, cum videret se propter memoriam seu recordationem humilitatis contemni, & non vt Regem iam factum, sed vt priuatum, Amasin coli à suis, peluim in edito & opportuno vrbis loco collocauit, quam continuo ciues diuino cultu persequi & venerari cœperunt; qua re Amasis animaduersa, cōuocata concione, exposuit, peluim esse eam, in quam ipsi olim vomere, meiere & pedes lauare sint soliti, quam tamen nunc diuinis honoribus & cultu afficiant, quia alio in loco positam. Ad eundem modum & se, licet humili genere, quia tamen ipsorum Regem, aliter nunc esse colendum: quod est assecutus hoc commento. Vt igitur peluis eadem, & idem Amasis, tamen aliter atque aliter colitur; ita & in Politia etsi pares sunt ciues, tamen differentia est inter magistratum & priuatum. Imperium igitur mariti in vxorem quædam est imago ciuilis Imperii: Nam quod *lib. 8. cap. 10. & 11.* Imperium mariti imago esse dicitur, non ciuilis seu politici, sed optimatum & Aristocratici Imperii, quia vt in Aristocratia, ita & in matrimonio pro dignitate & virtute quisque suum facit officium, maritus quærendo, vxor tuendo: excusari potest hac ratione: Quia maxima sit inter hæc duo imperia, ciuile & optimatum, affinitas, infra *lib. 8. cap. 4.*

τὸ ποδὶν πλῆρες.] Apud *Pollucem lib. 10. cap. 22.* dicitur ποδὶν πλῆρες, vas pedibus lauandis accommodatum, peluis Latine, rectius fortasse vt ποδὶν γὰρ καὶ ποδὶν πλῆρες.

Patriū imperiū regio simile est.
1. Ratio.

Ἡ δὲ τῶν τέκνων ἀρχή.] Nunc de patrio Imperio, quod ait esse Regiū, id est, imaginem & speciem Regii Imperii. de quo & supra *lib. 8. Ethic. cap. 10.* eadem fere, quæ hîc. Docet id duabus rationibus: quarum prior est, quia Regalis Imperii

notæ

notæ sunt beneuolentia seu amor & ætas grandior. Formula: Regium est imperare non asperitate quadam seu tyrannide, sed beneuolentia. Regium quoque est imperare natu grandiores. At hæc duæ notæ in patrio sunt imperio. Ergo est Regium. Propositionem confirmat Aristoteles oraculo & auctoritate Homeri, qui Iouem omnium hominum & Deorum hac de causa vocet patrem, quia & natu sit prior, & imperet beneuolentia quadam. Assumptio est perspicua. Nam & parens liberis amore quodam præest. Sic & supra *Ethic. lib. 8. cap. 10.* patrium, inquit, Imperium Regio est simile: quia, ut Rex suorum, ita & pater liberorum gerit curam. Altera ratio, *φύσις δὲ τὸν βασιλέα*, item à Regis nota sumpta, 2. Ratio, quam Aristoteles hic ait esse, natura quidem differre, sed genere eandem esse cum ciuibus. Nam Rex natura quidem, id est, naturæ bonitate & virtute seu perfectione à suis ciuibus differre, nimirum antecellere omnibus debet, ut infra late *lib. 3. cap. ult.* qua nota Regnum differt à Repub. ubi non necessario vnus à reliquis omnibus naturæ perfectione differt, iisque antecellit. Differt igitur natura, sed non genere, à suis, id est, Regis in homines, ut hominis, est Imperium, liberi in liberos. Neque enim quis beluis in homines concedat imperium. Eadem fere est & beluarum ratio, ut in apibus, gruibus, &c. ubi eiusdem quidem generis, sed præstantiori deferatur Imperium. Cur ergo, dicet aliquis, Iouis Imperium est non in Deos tantum, sed in homines quoq; diuersi generis? Respondendum; Quia & nos eius sumus genus; *τὸ δὲ καὶ ἡμεῖς γένος ἐσμεν*, inquit Poeta: ut & homines Deorum sint cognati, & proinde eiusdem generis. Etsi hæc contradictio & eiusdem reprehensio Aristotelicæ rationi non est consentanea, qui vim & potestatem Iouis Lunę cælo seu globo terminarit. Formula: Regium est natura quidem differre, sed genere esse idem. At hoc & in patrio Imperio reperitur. Ergo est Regium. Assumptionis ratio; Quia & quod ætate antecedit & quod gignit, differt quidem perfectione naturæ. Nam senex aut vir puero est perfectior, & parens prole, eiusdem tamen generis senex & iuuenis, pater & filius. Etsi autem trium domus partium Imperia hic diuiduntur, Mariti in uxorem ciuile, patris in liberos Regium, Domini in seruos tyrannicum; de quo supra *lib. 8. Ethic. cap. 11.* tamen & vniuerse dici solet, domesticum Imperium esse Regium, &

hæc duo Imperia inter se comparari, infra lib. 3. & supra initio, & in Ethicis aliquoties.

T E X T V S.

Itaque perspicuum, arti domesticæ plus esse curæ in hominibus quam in rerum inanimarum quæstu, & in illorum virtute quam in rei familiaris, quas diuitias vocamus, & in liberis magis quam in seruis.

C O M M E N T A R I I.

Officium
patrisfam.
in tribus
imperiiis,
quod habet in
familiam.

Φανερόν τοίνυν.] Explicato adhuc de tribus artis domesticæ partibus seu membris singulatim & distincte: nunc communem quandam clausulam seu ἐπιφώνημα, prænuntiationem proximæ de earum partium virtutibus disputationis adiungit, de officio seu studio & cura patrisfamilias in his partibus. Ait igitur, non eandem patrisfamilias curam & studium in his partibus esse debere, sed maiorem in liberis quam in seruis, id est, maius studium & curam adhibere debere, ut vxor & liberi sint probi & virtute præditi, quam ut serui. Quid ita? Quia serui domus non tam sunt partes, quam organa. Rursus maius studium patrisfamilias esse debet in hominibus quam in rebus & bonis, id est, magis operam dare debet, ut sibi commissi, vxor, liberi & serui probi efficiantur & virtute præditi, quam ut bonus sit, verbi gratia, ager, aut vinea, aut elegans equus. Quid ita? hoc, inquit, ex prioribus est perspicuum. Sed unde? Ex eo, ni fallor, quia supra disseruit, rationem rei quærendæ & rem ipsam seu bona non esse domus & artis domesticæ partem, sed administram & organum. Partes sunt cognatæ & coniunctæ; organa & ministra sunt externa. Ergo illis maior debetur cura quam his. Qua in re grauissime sæpe peccatur, dum multi plus curant equum quam filium, vel vxorem. Maior igitur hominum quam rerum, & ex hominibus liberorum quam seruorum patrisfamilias, de virtute nimirum, cura esse debet. Nam rerum virtus æstimatur ipsarum bonitate & optima affectione. Id valet namque sæpe virtus, ut dictum est supra lib. 1. Ethic.

T E X.

T E X T V S.

Primum igitur de seruis quærat aliquis, vtrum serui sit aliqua virtus, præter Organicas & ministerii, alia his honoratior, vt temperantia & fortitudo & iustitia, & alia talis affectio; an non est vlla præter corporis ministeria? Nam vtrinque controuersiam habet: siue enim est, quo differrêt à liberis: siue non est, cum sint homines & rationis participes, absurdum. Idem vero est fere, quod de muliere & puero quæritur, vtrum & horum sint virtutes, & oporteat mulierem esse temperantem & fortem & iustam; & puer sit & intemperans & temperans, an non? Atq; vniuersè hoc est videndum de natura & parente & imperante; vtrum eadem sit virtus, an alia. Nam si oportet quidem vtrumq; perfectæ virtutis esse cōpotem; cur hunc quidem imperare oporteat, illū vero parere semper (neq; enim eo quod magis aut minus vt differant, fieri potest. Nam parere quidem & imperare specie differunt; id vero quod magis & minus, minime.) Si vero hunc quidem oporteat, illum vero minime, dictu mirum. Siue enim imperans non erit temperans & iustus, quomodo recte imperabit, siue parens, quomodo recte parebit? Cum enim sit intemperans, timidus & ignarus; nullum ex iis, quæ sint facienda, faciet.

C O M M E N T A R I I.

Πρῶτον μὲν ἐν αὐτῇ τέλει.] Quia dixerat modo, patrifamilias maiorem personarum quam rerum curam esse debere, id est, de illarum potius virtute quam de harum: continuo de personarum virtutibus quædam adiungit. Et primo quidem de seruis, & quæ horum sint virtutes præter corporis seu operarias, præter eas, inquam, quæ in officio corporis & dominis cō-
An serui præter corporis alia quoq; sint virtutes cū dominis cō-
munis.

*Argumen-
tū affirm.*

*Argumen-
tum neg.*

*An mulie-
ris & pueri
quoque ea-
dē qua ma-
riti & pa-
rentis.*

*Vtrum im-
perantium
& paren-
tū eadem
sint virtu-
tes.*

*Argumen-
tum neg.*

*Argumen-
tū affirm.*

Obiectio.

ministerio consistunt. Nam seruorum virtutes & officia ferē in bene ministrando & operis consistunt. Quæritur igitur, an præter has corporis, & animi quædam seruorum sint virtutes honestiores, vt prudentia, fortitudo, modestia; an vero nullæ sint. Nam in vtramque partem disputari potest. Siue enim dicas esse, effici & sequi; videbitur nulla esse inter seruos & liberos differentia. Nam, vt supra diximus, prudentia & virtutibus liber à seruo maxime distinguitur: siue neges, aliud consequetur absurdum hoc; homines & rationis participes omnis tamen virtutis esse expertes: quasi dicat, in quo est ratio, vt in seruo vtpote homine, in eodem est & virtus aut certe esse potest: quia virtutum fundamentum sit ratio, nulla virtus est absque ratione, supra *initio lib 6. Eth. & cap. penult. & ult.* De muliere quoque & de puero idem quæri potest; an & horum sint virtutes, id est, an hæc virtutes in eas non cadant. Et hæc quidem singulatim de personis domesticis. Quin etiā generatim & vniuersē idem quæri potest, id est, non de domestico tantum, sed de omni imperio, de imperantis & parentis virtute, eadem ne sit, an alia & dissimilis. Atque ita Aristoteles *ὑποθέσιν* reuocat ad *ἥσιν*. Vniuersē igitur quæritur, an imperantis eadem sit virtus quæ parentis, an dissimilis. Vtrumlibet enim aias, absurdum quoddam effici ostendit. Nam si vt imperantem perfecta virtute præditum esse oportet, de quo paulo infra: ita & parentem; certe nihil est causæ, cur alter imperet alteri, alter pareat. Nam si virtuti debetur imperium, cur cum vtriusque par sit virtus, vnus duntaxat imperet, quod & infra iterat *lib. 3.* Quare non eadem virtus videtur esse debere imperantis quæ parentis, id est, illius, quam huius, plenior & cumulatio. Contra eadem vtriusque virtus videtur esse debere. Nam si imperans virtutis sit expertus, quemadmodum recte imperabit vir stultus & iniustus: parens quoque virtute orbatus, id est, luxuriosus, inuidus, stultus, nunquam faciet officium. In vtroque igitur virtus est necessaria. Et hoc est quod ait, *Φαυερὸν τοῖς υἱοῖς, ὅτι ἀνάγκη*, &c. Sed enim dicet aliquis; verum quidem esse, virtutem in vtroque esse necessariam, non tamen propterea effici aliam esse imperantis virtutem, aliam parentis. Quid ita? Quia eadem in vtroque virtus esse potest, ita tamen vt gradu distet, id est, in imperante sit plenior, quā in parente, prudentior nempe, iustior sit imperans, quam pa-

rens;

rens; vterque tamen iustus & prudens. Satis sit, vtriusq; virtutem tantum eo quod magis & minus, id est, gradu differre, non specie. Respondet Aristoteles vtriusque virtutem specie debere differre: quia imperare & parere specie differant, vt quæ in eundem hominem, eiusdem ratione, non cadant. Si igitur hæc specie differunt: ergo & eorum virtutes. Quid ita? Quia imperii discrimina ex virtutibus sumuntur. De hac virtutum comparatione & infra quædam *libr. 3. & lib. 7.* Est autem hæc disputatio cum aduersus alios, qui Dominorum & seruorum eandem facerent virtutem, id est, seruos æque bonos & virtute præditos esse oportere atque Dominos, de quibus *Plato lib. 6. de legib.* vbi de seruorum institutione & educatione: tum aduersus Platonem, qui *lib. 5. de Repub.* easdem viris & mulieribus virtutes tribuit, eadem domi militiæque munera siue munia.

T E X T V S.

Perspicuum igitur, vtrumque virtutis participem esse necessario: huius autem esse discrimina, vt & natura parentium; atque hoc statim apparet in animo. Nam huius aliud est quidem, quod natura imperet, aliud quod pareat, quorum dissimilem virtutem esse dicimus, vt eius quod rationis est particeps, & eius quod est expers. Itaque clarum est, eandem aliorum quoque esse rationem. Quare natura complura sunt imperantia & parentia. Alio namque modo quod liberum imperat seruo, & mas foeminæ, & vir puero. Atque omnibus insunt quidem animi partes, sed insunt dissimiliter. Nam seruus quidem prorsus non habet vim consultandi: foemina vero habet illa quidem, sed infirmam; puer vero habet ille quidem, sed imperfectam. Quare & similem oportet esse rationem, & in moralibus virtutibus existimandum oportere quidem omnes esse participes,

sed non eodem modo, verum quantum cuique ad suum opus & munus sit satis.

COMMENTARI.

Πανεργὸν τοίνυν.] Dux sunt quaestiones; prior, an serui, mulieris, pueri & omnino parentis vlla sit virtus: altera, an eadem sit parentis, quæ imperantis. Et de priorē quidem constat ex superioribus, esse aliquam serui, &c. virtutem, esse & imperantis & parentis. De posteriore seu de altera item ex superioribus cognosci potest; cur non iisdem virtutibus præditi esse debeant imperantes & parentes. Quam tamen posteriorem quaestionem nunc diligentius explicat. Ait igitur virtutis esse differentias, vt & natura parentum, id est, quemadmodum natura parentes non eiusdem sunt generis: nam aliter corpus paret animo. aliter cupiditas menti, aliter belua homini, aliter mari foemina: ita & virtutum est dissimilitudo, alia vt sit imperantis, alia vt parentis & quidem multifariam. Confirmat exemplo animi: huius cum perspicue cõstet inter omnes, duas esse partes, rationem seu mentem imperantem, cupiditatem parentem: dux quoque virtutes dissimiles iis attribui solent, imperanti quidem parti virtus rationis seu *Διανοητική*, vt sapientia, prudentia; parenti vero virtus morum, vt iustitia, temperantia, liberalitas, &c. Si igitur ex animi partibus eius quæ imperat alia est virtus, alia eius quæ pareat, quod perspicue verum est & confirmatum in Ethicis: Ergo eadem distinctio virtutis aliis quoque in rebus adhibenda videtur: quarum altera natura imperet, altera pareat, quod idem continuò adiungit: adeo quidem, vt ex hoc animi partium velut capite & fonte manet & fluat omnis imperiorum dissimilitudo. Nam prout quæque res, quibus inter se natura est imperium, has animi partes magis aut minus participant; eo aliud atque aliud est earum inter se imperium. Quid ita? Quia ex animi participatione, seu animi participati dissimilitudine etiam virtutum, quas pro animi partibus distinctas esse diximus, dissimilitudo existit: quibus virtutibus vt imperium debetur, ita variat. Ad summam, animi partes sequitur virtutum dissimilitudo, & hanc imperiorum. Et primum quidem de virtute rationis, id est, prudentia: quam dissimiliter docet esse in imperio herili, patrio & vxorio, hoc est, in seruo quidem esse nullam,

nullam, in puero incoatam & imperfectam, in muliere im-
 becillam. Quia pars ea animi in his ita variet, vt in seruis sit
 nulla, in pueris imperfecta, in mulieribus imbecilla. Quæ
 pars animi seu facultas Græcis est *βελαντιον*. Et hoc est
 quod ait, in omni bus quidem inesse partes animi, rationem
 & cupiditatem, etiam in seruis; Sed dissimiliter, id est, vt ad-
 iungit, *ὁ μὲν γὰρ δὲ λαντιον*, &c. nimirum quia rationis causa par-
 ticulam, quæ in consultando est posita, vel quæ consulta-
 trix dicitur, prorsus non habent serui. De mulieribus qui-
 dem etsi nonnullæ sunt valde solertes & callidæ; tamen ple-
 ræque sunt infirmiore consilio. Imbecillitatem sexus vo-
 cant Iurisperiti, *lib. 2. ff. ad Senatusconsultum Velleianum*,
Vlpianus in tit. de tutoribus. in frag. in princ. Puerorum quo-
 que hæc vis & facultas est imperfecta, quæ tamen cum æta-
 te crescat, vt infra. De seruis, cur in his ne gutta quidem hu-
 ius facultatis insit, quæritur. Respondent vulgo; Quia con-
 sultatio sit de rebus nō nostri arbitrij, supra *lib. 3. Ethicor. cap. 2.*
 At seruus non sui sed alieni est arbitrij. Nihil igitur ei reli-
 quum est, de quo consultet. Ita quidem vulgo, perperam.
 Nam hæc explanatio seruos hac facultate non orbat, sed
 vsu tantum facultatis, nimirum quia res, quarum po testat-
 em habeant, nullæ illis sunt reliquæ. At Aristoteles ipsa vi &
 facultate eos orbatos esse ait: recte & prioribus consenti en-
 ter: vbi docuit, eos vere & natura esse seruos, quorum tanta
 sit ingenii tarditas, nihil vt sibi ipsi consulere possint. atque
 ita recte & Sepulveda. Habet igitur explanatio illa locum
 in seruis bello captis, & in vsu facultatis; hæc in seruis natu-
 ra, & ipsa facultate: de quibus hic agitur. Ex quibus intelli-
 gitur, aliam esse virtutem rationis in seruo, aliam in mulie-
 re, aliam in puero. Et hinc quoque imperii dissimilitudo,
 cur aliter Dominus seruo imperet, aliter Mas fœminæ. Iam
 si parentium non eadem est rationis virtus: ergo nec mo-
 rum. Quid ita? Quia moralium virtutum virtutes rationis
 seu mentis velut principia sunt & fundamēta, & quasi duces
 ac oculi supra *lib. 6. Ethicor. cap. ultim. & penultimo*. Perspi-
 cum igitur, omnes quidem virtutibus præditos esse debe-
 re, tam imperantes, quam parentes, sed dissimiliter, id est,
 pro operis & muneris seu officij differentia & vsu. Ea nam-
 que est Dei & naturæ admirabilis prouidentia, vt quia o-
 pera & officia virtutibus peraguntur, operibus virtutes

*Responsio,
cur in ser-
uis non sit
prudencia.*

vt respondeant ; magnis magnæ, parvis paræ, modicis modicæ.

T E X T V S.

Quare imperantem quidem morali virtute præditum oportet esse perfectum. Nam opus & munus simpliciter est Architecti. Ratio autem est architectus : ex aliis vero quemque quantum in eos cadat seu attingat. Itaque clarum est, omnium, de quibus diximus, moralem esse virtutem : atque non eandem temperantiam mulieris & viri, neque fortitudinem & iustitiam, vt existimabat Socrates. Sed hanc quidem principalem esse fortitudinem, illam vero ministram. Similis est & aliarum ratio.

C O M M E N T A R I I.

Imperantis
virtus per
fecta esse
debet.
Ratio.

Archite-
ctus.

Διὸ τὸν μὲν ἀρχόντα.] Exposito horum quatuor, imperantis aliam esse virtutem quam parentis, viri quam mulieris, viri quam pueri, domini denique quam serui : nunc de iisdem quatuor singulatim adiungit, quæ eorum sit virtus. Et primum quidem de imperante, virtutem eius esse debere perfectam, id est, eum omnibus virtutibus moralibus præditum esse debere, quem virtutum complexum Græci vocant τελείαν ἀρετήν, & μεγαλοπρεπείαν supra lib. i. Ethic. cap. 7. Rationem affert hanc, τὸ γὰρ ἔργον εἶναι ἀπὸ πάντων ; Quia, inquit, ἔργον ἀπὸ πάντων est Architecti, ἔργον ἀπὸ πάντων seu opus & munus seu officium simpliciter & absolute vocat Princeps & primum officium, vt Chirurgi officium non est ἀπὸ πάντων, sed medici Architectonici : sic Architecti officium est ἀπὸ πάντων, fabrorum & operariorum non item. Sic imperantis & magistratus officium est ἀπὸ πάντων, parentium & ciuium non item. Architectus hic valet Princeps & qui aliis facienda præscribat, vt & Cicero vocat Principem & Architectum sceleris, de quo verbo supra initio lib. i. Ethic. Formula : Architecti est opus ἀπὸ πάντων. Atqui λόγος ratio est architectus. Ergo rationis opus est ἀπὸ πάντων. De propositione dictum. Nam Principis certe & Architecti opus est Princeps & summum, alijs nimirum, quæ sunt

sunt faciunda præscribere & præcipere, & singulis sua velut opera partiri & distribuere. Assumptio est certa; Quia ratio est pars Princeps & architectonica, cuius reliquæ partes ira & libido sint administræ. Iam rationi respondet imperans, ut cupiditati parens. Nam consilio & solertia maxime æstimatur is, qui præest & imperat, infra *lib. 3.* Quare, ut rationis, ita & imperantis sit opus ἀπλωσ, necesse est. Quo posito, nimirum imperantis opus esse ἀπλωσ, ex eo statim efficitur, imperantis quoque virtutem debere esse perfectam. Formula: Vbi opus ἀπλωσ, ibi virtus perfecta sit necesse est. Quid ita? Quia opera virtutibus perficiuntur. Qua ex re consequitur, virtutes operibus respondere debere. Iam imperantis opus est ἀπλωσ, ut iam dictum. Ergo & virtus eius perfecta sit necesse est. Concludamus igitur, eum, qui aliis præesse & imperare velit, omnibus virtutibus cumulatam, & perfecte bonam esse debere, propter opus seu operis magnitudinem. de quo insigni loco, id est, de imperantium & Principum virtute dictum nonnihil & supra *lib. 8 Ethic. & infra lib. 7. cap. 14.* Hæc igitur est imperantis virtus; parentium non est tanta, quia neque officium. Itaque tanta esse debet, quanta operi & muneri sit necessaria, ut militis fortitudo, mercatoris & quæstoris iustitia.

Καὶ ἐκ τῆς αὐτῆς.] Nunc de muliere & viro, quorum *Plato Viri & mulieris virtus.* quidem seu *Socrates l. b. 5. de Rep.* eandem temperantiam, fortitudinem, &c. esse voluit, sed perperam, ut ex prioribus intelligitur, ubi vniuerse hoc est explicatum de discrimine inter imperantem & parentem. Alia est igitur fortitudo viri ἀρχική, id est, principalis seu quæ ad imperandum valeat, alia mulieris: at ἐπιτηδευτική, id est, quæ ad parendum tantum valeat & ad seruendum. Nam mulieres sæpe nimis timidæ & ignauæ nihil recte faciunt. Sic alia est mulieris temperantia, quam viri. Quare & infra *lib. 3 cap. 3.* timidum potius virum cum fore ait, qui tantum ad mulieris rationem sit fortis, & mulierem eam garrulam potius quam temperantem & modestam fore, quæ ad viri rationem sit temperans. Maior in viro fortitudo, in muliere temperantia requiritur. Hinc *Romæ* adulteram maritus occidere, vxor adulterum ne digito attingere poterat, inquit *Cato apud Gellium lib. 10.*

TEX.

T E X T V S.

Perspicuum vero hoc & particulatim magis considerantibus. Vniuerse namque differentes se ipsi fallunt, vt quia virtus vel est qua animus bene fit affectus, vel qua bene agat, vel quid eius generis. Multo autem melius differunt, qui virtutes enumerant, vt Gorgias, quam qui ita definiunt. Quare oportet, vt Poëta de muliere dixit, ita existimare esse in omnibus: mulieri decus affert silentium. Sed non iam hoc in viro.

C O M M E N T A R I I.

*Singulatim
cur satius
sit de his
virtutibus
explicare.*

Δῆλον δὲ τῷτο.] Virtutum dissimilitudinem adhuc docuit vniuerse & generate: nunc eam cognosci & singulatim posse adiungit. Quam singularem de virtutibus docēdi rationem vniuersa & generali ait esse meliorem & certiolem. Nam eos qui generatim de virtute explicant, alii eam esse bonum animi habitum, alij facultatem ad recte & bene agendum, alij rectam & perfectam rationem, alij aliter; facile in errorem incidere; melius Gorgiam facere, qui singulatim virtutes viri, mulieris, pueri, senis sit persecutus vt & apud *Platonē in Menone*, ἀλλ' ὁ χαλεπὸν εἰπεῖν ὃ Σώκρατες. Quod præceptum de virtutibus explicandis, &c. supra commemorauit *lib. 2. Eth. cap. 7.* vbi generales de virtute disputationes, qui de orationis amplificatione & extenuatione non singularia, sed vniuersa persequantur, dicit καυνολογεῖν. Eius autem præcepti ratio hæc est; Quia virtutes in vitæ vsibus & actionibus versentur, actiones in rebus singulis, quæ pro attributorum differentiis semper variant. Itaque etsi adhuc docuit vniuerse, aliam imperantis, aliam parentis esse virtutem: Idem nunc rectius & in singulis virtutibus perspicui posse ait. Verbi gratia apud *Sophoclem in Aiace mastigoph.* Ajax uxori Tecinessæ ipsum monenti, mulier, inquit, mulieri ornamentum affert taciturnitas. Virtus igitur mulieris est taciturnitas & silentium; viri non item, sed oratio prudens, vt *Hom. Odyss. α.* vbi Telemachus matri, μῦθ' ὃ δ' ἀνδρῶσι μελίζεις. Eandem mulierum virtutem & *Euripides* laudat in *Heraclidis*. Gorgias custo-

Ratio.

custodiam rerum domesticarum, ut viri Rerumpublicarum curam. Ad hunc autem locum de ætatum & sexus dissimilibus & singulis virtutibus pertinent ea *Ciceronis 1. Offic.* Et quoniam officia non eadem disparibus ætatibus tribuuntur, &c. Quare & Aristoteles in describenda optima Republica hanc rationem & viam tenuit, ut separatim, quæ officia seu virtutes sint pueri, quæ adolescentis, quæ viri, quæ Senis, quæ Mulieris, etsi huius rei magna pars perijt, infra *libro 8.*

T E X T V S.

Quia autem puer est imperfectus, certe huius quidem & virtus non ipsius est ad ipsum, sed ad perfectionem, & eum qui præest. Similiter vero & serui ad dominum. Posuimus autem, utilem esse seruum ad necessaria. Quare perspicuum, & virtute exigua opus habere, & tanta ut neque per intemperantiam neque per timiditatem deserat opera.

C O M M E N T A R I I.

Ἐπεὶ δ' ὁ παῖς.] Nunc de puero & eius virtute, quo referri *Pueri virtus.* & quanta esse debeat. Pueri igitur virtutem ad patrem vel ad præceptorem aut perfectum referendam esse ait, non ad ipsum puerum. Quid ita? Quia puer est imperfectus. Ergo ad patrem vel præceptorem tanquam perfectum, ut omnia imperfecta referri debent. Hoc est, pueri virtus non ex ipsius pueri captu est merienda, sed accommodanda monitis patris aut præfecti, nimirum ut sit tanta, ijs ut parere possit. Eadem & virtutis seruorum est ratio, ut ad Dominum referatur, tanta nimirum ut sit, qua Domini iussa suscipere & perficere possit. Ad summam, virtutis pueri modus & norma est pater, aut præfectus, serui dominus. Ex quibus intelligitur, quanta pueri debeat esse virtus, quanta serui: tanta nimirum, ut opera vel à patre, vel à domino iussa & præscripta, vel ebrietate aut venere & intemperantia, vel nimia timiditate & ignauia, ne deserant, id est, ut officium quisque suum faciat à patre vel domino præscriptum. Nam serui non omnino nullam, sed exiguam saltem virtutem esse debere cum ex prio-

*Puerorum
& seruorum
virtutes.*

prioribus est notum, tum ex eo intelligitur, quod seruus sit utilis ad vsus vitæ necessarios, vt supra docuimus. Quibus vitæ vsibus virtus certe aliqua est necessaria, vt temperantia, vigilantia, fides. Quæ autem puerorum, quæ seruorum propriæ sint virtutes, explicare nō est huius loci. Etsi ex hac disputatione elici potest, pueri virtutem esse temperantiam seu modestiam, verecundiam: (sed perturbationem potius, quam virtutem iisdem attribuit Aristoteles *libro 4 Ethicor, cap vlt.*) Seruorum vero temperantiam (vt de Villico *Columella lib. 11.*) & aliquam fortitudinem *ἀνδρείαν*.

TEXTVS.

Quærat autem aliquis: si, quod iam dictum, verum est, num & opifices virtute præditi esse debeant. Sæpe namque intemperantiâ deserunt opera: an plurimum hoc differt. Nam seruus quidem est vitæ socius: ille vero longius, tantumq; ad eum attinet virtutis, quantum & seruitutis. Sordidus namque opifex finitam seruit seruitutem. atque seruus quidem est eorum quæ natura, tutor vero nullus, neque ex aliis opificibus. Clarum est igitur, huiusmodi virtutis dominum seruo auctorem esse oportere, non vero eum, qui herilem artem operum docēdorum scientiam habeat. Quapropter non recte dicunt, qui seruos ratione orabant, & iussis tantum vtendum aiunt. Magis namque serui quam pueri sunt castigandi.

COMMENTARI.

*Opificū &
seruorū non
sunt eadem
virtutes.*

[*Ἀποφασὶς δὲ αὐτῶν.*] Alia quæstio nata occasione eius, quod dixerat, serui virtutes eo spectare, vt sua munia recte obeat. An igitur, inquit, & opifices, qui & ipsi sæpe ob vitia sua munera deserunt, virtute præditi esse debeant. breuius, an opificum vlla sit virtus. Quamuis igitur vt serui, ita & opifices ebrietate aut alijs vitijs sua sæpe munera deserunt, & hac in re conueniunt: tamen magna inter hos est differentia: hoc est, opificum docet non esse virtutes, vt seruorum, dua-

duabus rationibus, quibus seruos & opifices docet esse dissimiles. Prior est; Quia seruus est vitæ eiusque actionum socius & administer, in quibus actionibus necessaria est virtus: opifex non item. Serui opera est in agendo, opificis in efficiendo. At virtus est in agendo. Altera ratio. Quia seruus est

1. Ratio.

2. Ratio.

natura, opifex arte. At virtus cum natura quandam habet cognationem. Nam natura etsi non sumus boni & virtute præditi, sed vsu: tamen proclues & propensi ad virtutem sumus, supra lib. 2. *Ethic. initio*, & lib. 6. *Ethic. in fine*. Etsi igitur magna inter seruos & opifices est differentia, vt serui quidem virtute præditi esse debeant, opifices non item: tamen etiam opifices aliqua saltem virtute præditos esse debere ait, non quia opifices, sed quia seruos, id est, non opific. j ratione, sed seruitutis. Nam & opifices non quidem infinitam, vt serui, quibus ad omnes vitæ vsus vtimur, sed finitam & certam seruitutem seruiunt, vt sutor in consuendo calceo, sartor in sarcienda veste. Haftenus igitur, nimirum quia vitæ quoque nostræ deseruit opifex, virtute aliqua præditus sit necesse est, iustitia & temperantia, ne opera conficiat vel negligenter & perperam, vel ex mala materia. Obseruandum autem quod ait de seruitute certa & definita opificum. Nam & opificum officia quodammodo sunt seruilia, eaque re Spartanis & Romanis liberrimis populis odiosa.

Opifices aliqua quoque virtute præditi esse debent.

Opificum opera seruiles quodammodo.

Φανερόν τοίνυν] Platonem perstringere videtur, qui virtutes non vsu & educatione, sed doctrina & præceptis comparari existimauit supra lib. 2. & 6. *Ethic*. Ait igitur, seruis virtutum auctorem fore non seruilium operarum magistrum, sed ipsum dominum. Diximus supra, esse qui doceant ministeria ἐγκύκλια, & operas seruiles, vt erat Syracusis quidam, qui docebat scribendi artem. Horum igitur, inquam, non esse officium, vt seruos virtutes quoque doceant, quemadmodum operas; Quia doceri virtutes non possunt, sed do minorum potius, qui seruis monendis, castigandis, & quæ sunt facienda præscribendis, paulatim & vsu bonos efficiunt. Puto verbum, διαπομπικόν, esse superuacaneum. Nam agit de ea arte, cuius officium esse diximus, seruos docere operas seruiles & ministeria. Ex quibus iam constat, non tantum an & quæ seruorum sint virtutes, sed vnde petendæ.

In Menone & aliis locis.

Virtutem à seruo non doctrina, sed vsu comparari.

Διὸ λέγουσιν ὁ καλῶς.] Tota hac de virtutibus seruorum disputatione refellit & Platonem, qui virorum & mulierum easdem

easdem

eadem seruitutes esse voluerit, & alios, de quibus supra ex *Plat. 6. de Rep.* qui dominorum & seruorum eadem virtutes constituerint; eos denique, qui seruos omni prorsus virtute orbarint, de quibus hoc loco: qui existimarent, apud seruos tantum iussis & præceptis esse utendum, quæ illi, tanquam pecudes, sequantur. At hi, inquit Aristoteles, errant, cum propter priora argumenta, tum quia perspicue constet, non tam seruis quid esse præcipiendum, ut illi putabant, quam sæpe monendos, obiurgandos & accusandos sæpius, inquam, quam liberos. Quod si ita est, consequitur, seruos rationis quoque aliquatenus esse participes. Monitiones enim alioqui non intelligerent. Si rationis, ergo & virtutum, ut supra explicatum.

T E X T V S.

Verum de seruis quidem hoc modo sit explicatum: de viro autem & muliere, ac liberis & patre, quæque singulatim eorum sit virtus, quæque sit inter ipsos consuetudo, quid rectum sit, quid prauum, & quemadmodum, quod rectum, quidem persequi oporteat, quod prauum fugere, in iis quæ de *Rep.* necessario sunt explicanda. Siquidem omnis quidem domus pars est ciuitatis. hi autem domus. Partis autem virtutem ad totius virtutem spectare oportet; necessario in ciuitatem intuentes instituere debent & liberos & vxores, si quid interest ad hoc, ut ciuitas sit bona, liberos quoque esse bonos & vxores bonas. Interesse autem necesse est. Nam foeminæ quidem pars dimidia sunt liberorum capitum. Ex liberis autem participes ciuitatis oriuntur. Quamobrem quia de his est explicatum, de reliquis autem alibi erit explicandum: omiſſa nunc disputatione, ut ad finem perducta, alio facto principio disputemus; & primum videamus qui de *Republ.* optima sententiam aliquam protulerunt.

COM-

C O M M E N T A R I I.

Ἀλλὰ τοῦ μὲν πρώτου.] Exposito de seruorum virtute, reliquum erat de aliis reliquis domus partibus, vxore & liberis, explicare, de marito quoque & patre: nimirum quæ singulorum sint virtutes, & quæ inter ipsos sit consuetudo & congressus, id est, quemadmodum vxor & maritus, pater & liberi inter se affecti esse, & se gerere debeant. Verum hanc disputationem non hoc loco, sed in ipsa Reipublicæ tractatione explicandam & coniungendam esse ait hac ratione; Quia pro Rerumpublicarum seu ciuitatum dissimilitudine variet hæc disputatio & tractatio, id est, alia est institutio liberorum, vxoris quoque; aliæ, inquam, horum sunt virtutes in Republica populari, aliæ in Regno, aliæ in alijs Rebuspublicis. Quod & hoc loco & infra lib. 8. cap. 1. docet hac ratione; Quia partium virtus ad totius virtutem accommodari debeat. Quare si totius, id est, Rerumpublicarum non eadem omnium est virtus, alia Regni, alia popularis potestatis: Ergo & partium, id est, liberorum & vxorum alia atque alia erit virtus. At dicet aliquis, non magnopere interesse Reipublicæ, vt bene instituantur pueri aut fœminæ: huic contradictioni Aristoteles erudite occurrit; εἰς τὴν πόλιν, ἢ ἀλλοτρίαν, &c. Et de mulieribus quidem quantopere intersit Reipublicæ has esse bene moratas, docet hac ratione; Quia sint liberorum capitum pars dimidia, id est, totius ciuitatis. Ergo vt totum sit bene moratum, id est, tota ciuitas; refert maximopere, & mulieres bene educari. Quæ ratio ex Platone tamen sumpta libro 6. de legibus, & ἄλλοις, &c. Aristoteli mirifice placuit, qua & infra aduersus Lycurgum est vsus, lib. 2. cap. 7. De pueris vero, quia sint Reipublicæ seminarium, ex quibus tandem ciues prodeant. Sed de pueris infra latius lib. 8. cap. 1.

Cur alia in loco de virtutib. vxoris & liberorum explicandum.

Ratio.

Obiectio.

Solutio.

FINIS LIBRI PRIMI POLITICORUM.

K

I. IBER

LIBER II.

ARGVMENTVM.



*Iber hic est velut censor nobiliorum suæ
etatis Rerump. quarum duo erant gene-
ra. Nam vel iis vrebantur homines, vel
in scriptis tantum & disputationibus
harebant. Et hæc rursus duorum erant ge-
nerum, vel à duobus hominum generibus traditæ, philoso-
phis seu priuatis, & politicis. In his his igitur, quæ maxime
sint insignia, & maxime quæ sint vitia, exquirat. Cuius
consilii sui rationem affert initio huius libri. Primis igitur
quatuor capitibus de duabus Platonis ciuitatibus seu Re-
bus pub. differit. Quinto de Rep. Phaleæ. Sexto de Hippoda-
mi. Septimo de Spartana. Octauo de Cretenfi. Nono de
Carthaginēsi. Vltimo de Solonis legibus quibusdam, & in-
stitutis Philolai, Charondæ, Draconis, Pittaci, Andro-
machi.*

CAPVT I.

*T*RES huius capitis sunt partes, quarum prima quæ de re
& cur sit explicandum. 2. vniuersæ disputationis exor-
dium, de iis, quæ ciuibus inter se communia esse debeant,
vbi de Platonis politia. 3. aduersus Platonem instituit dispu-
tationem, & ostendit, non optimum esse Reipublicæ, vt sit
maxime vna, quod putabat Plato.

TEXTVS.

Quoniam constituimus explicare de commu-
nitate ciuili, quæ omnium sit optima iis, qui quam
maxime ex sententia viuere possint: alias quoque
Resp. spectare oportet, & quibus ciuitates quæ-
dam, quæ bene temperatæ dicuntur, vtuntur, & si
quæ

quæ aliæ sint, à quibus explicatæ, hoc est, descri-
ptæ (à Philosophis) & bene se habere videntur :
cum, vt, & quod rectum & quod vtile, perspicia-
tur, tum etiam, vt quærere aliquid ab iis diuersum,
ne videatur prorsus esse ostentare se volentium :
sed quia illæ, quæ nunc sint, non recte se habeant,
propterea hanc rem suscepisse videamur.

C O M M E N T A R I I.

Ἐπεὶ δὲ περὶ αὐτοῦ μετὰ.] Exponit, qua de re sibi in hoc lib. sit differendum, & quam ob causam. Ait igitur, explicaturum se de Rebus pub. & quibus ea ætate ciuitates vterentur, & ijs quæ à viris doctis essent explicatæ, non quidem omnibus, sed melioribus & præstantioribus. Cur autem, cum Aristotelis consilium & sit institutum explicare de optimo Reipublicæ statu & genere, etiam tamen eas persequatur, quæ vitijs quibusdam laborent, duas rationes affert. Prior est, quod Rerum publicarum inter se comparatio res sit valde fructuosa, vt qua cognoscantur non tantum vitia, sed bona quoque & opportunitates imitandæ. Et notum est, comparisonem rerum non esse leuissimam bonæ methodi partem. Altera ratio ipsum Aristotelem attingit, & est non huius tantum libri, sed totius operis; Cur post tam multos, qui de Rep. scripserint, præstantissimos viros idem ipse opus suscepit Multi namque id vanæ cuidam ostentationi & arrogantiae fortasse tribuerent. Huic igitur accusationi Aristoteles occurrens, respondet, non arrogantiae causa, sed vtilitatis communis & bene iuuandi studio hæc suscepisse. Quid ita? hoc, inquam, planum fiet, postquam docuero & patefecero omnium aliarum vitia Rerum p. quantumuis ex ijs quædam maxime laudentur, vt optime affectæ.

Πρόθεσις αὐτῆς
πολογικῆς.

1. Ratio.

2. Ratio.

Προληπτικῆς.

Ἡ κατὰ τὴν πρῶτην.] Respubl. optima vel est optima simpliciter, vel comparate. Optima absolute est eorum, quibus suppeditant omnia ad vitam quam beatissimam necessaria, re vel comparate. Optima Resp. est eorum, qui quātum possint ad illam accedunt & accedere conantur, quibus non omnia suppeditant. Vtraque explicanda est differenti de Republica & cognoscenda, atque describenda politico, vt Arist. infra lib. 4. lib. 4.

K 2

Nam

Nam non semper qui nouam ciuitatem condere velit, optimam politiam in ea describere debet, nimirum si rebus quibusdam forte propter locum aut alia attributa, ut personas aut gentem, destituatur, sed eam, quam præberent & ferrent res necessariae.

T E X T V S.

Primum autem exordiendum, vbi accommodatissimum est huius disputationis principium. Necesse namque aut omnia omnes inter ciues esse communia, aut nihil, aut aliqua, aliqua vero non. Nam ut nihil sit commune, perspicuum fieri non posse: Ciuitas enim communitas est quædam. Et primum necesse est, locum esse communem: nam locus quidem vnus est vnus ciuitatis: ciues vero, qui vna ciuitate communicant. Verum vtrum quæcunq; communia esse possunt, omnia præstet esse communia in ciuitate bene administranda, an aliqua quidem, aliqua vero non, præstet? Nam & liberi & vxores & bona ciuibz inter se communia esse possunt, ut in Rep. Platonis. Ibi namque Socrates ait, oportere communes esse liberos & vxores & bona. Hoc igitur vtrum, ut nunc, ita præstet esse, an ut lex in Rep. scripta est.

C O M M E N T A R I I.

*ἡ ἀρχὴ τῆς
πολιτείας.*

Ἀρχὴ δὲ τῆς πόλεως.] Censuræ Rerumpublicarum initium capiendum esse monet ex eo, quod principium & exordium sit verissimum: quasi diceret. Quæ vere & natura sunt prima, hinc exordiamur, nimirum ex partib. definitionis ipsius ciuitatis, id est, ex ciuitatis natura. Itaq; quia ex definitione constat, ciuitatem esse communitem quandam; hinc censuræ facit exordium. Disiunctione igitur trimembri de cōmunitate exquirat, an omnia, an nihil, an quædam tantum ciuibz inter se communia esse debeant. Et membrum quidem illud, an nihil, infirmat & refellit his rationibus, i. quia ciuitas est communitas: ergo, ut nihil sit commune, fieri nequit.

Partitio.

*I
Non debere
nihil esse
commune.
2. Ratio.*

quit. Præterea, quia perspicue locus est vnus vnus ciuitatis: 2. *Ratio.* hoc est, vt nihil aliud ciuibz inter se sit commune, vel solus tamen locus communis sit, necesse est. Sic igitur legendum, τόπος εἷς, ὁ τῆς, &c. restibus & libris scriptis & vetere interprete, & postulante sententia, non vt vulgo perperam, ἰσότης.

Postremo: quia ciues ipsi vna ciuitate communicant, ipsi 3. *Ratio.*

sunt socij & κοινωνοὶ, id est, consociati tanquam vnum corpus ciuitatis constituunt. De hoc igitur membro nulla est controuersia: verum de reliquis duobus summa: nimirum an omnia ciuibz inter se communia esse debeant, etiam liberi, vxores, & bona, quod Plato voluit lib. 5. de Rep. An contra quædam tantum communia esse debeant vt locus, libertas, Magistratus, Ius, Iurisdicctio, &c. magna, inquam, est controuersia, vtra ratio sit melior in optima Repub. Platonis, an vulgo vsitata, ὡς νῦν. Nam ætate Aristotelis non erat ea Platonica communio in ciuitatibus, præterquam apud barbaros quosdam, de quibus infra. De hac igitur controuersia accurate disputat tribus primis capitibus, & duobus quidem de communitate vxorum & liberorum, tertio de communitate bonorum.

II.

Nū omnia
debeant esse
communia.

H' ἡ τὸν ἐν τῇ πολιτείᾳ.] Platonis legem de communitate sic vocat. Nam & Plato ipse legem vocat lib. 5. de Rep.

T E X T V S.

Cum igitur alia multa habeat incommoda, vt vxores omnium sint communes, tum propter quam causam hoc modo lege sancendum ait Socrates, non videtur effici ex rationibus. Præterea ad finem, quem ciuitati propositum oportere ait, vt quidem iam dictum, fieri nequit. Quemadmodum autem distinguere oporteat, nihil est definitum: Duo autem de eo, quod sit optimum, ciuitatem quam maxime esse vnam: nam hypothesin hanc sumit Socrates.

C O M M E N T A R I I.

"Ἐξ ἧς δὲ δυχαρείας ἄλλας.] Nunc ad rem. Ait igitur, ex hac De vxorū Platonica communitate cum alia multa incommoda & ma-

la (de quibus *cap. 2. & 3.*) extitura, siue nascitura: tum neque finem illum, nimirum summam ciuium concordiam & amicitiam, ex ea effici, sed potius summam discordiam. Et ut hæc causa & finis sit verus, & qui consequi & effici ex ea communitate possit, tamen ex ipsius rationibus & mediis non effici docet. Est igitur bimembris hæc Aristotelis disputatio & conclusio aduersus Platon. quod ut facilius intelligatur, hæc fuit *Platonis paradoxismus.* Platonis conclusio. Quod maxime coniungit & copulat ciuitatem, id est optimum. At si omnes ciues dicant, *Id meum, non meum*, id optime copulat. Ergo id dicere ciuitati est optimum. Ergo, ut nulla sit distinctio liberorum, vxorum, & bonorum, summum est ciuitatis bonum. Aristoteles refellit & propositionem & assumptionem. De propositione quidem hoc capite docet, non esse ciuitati bonum & utile, maxime coniungi seu vnā fieri: etsi Plato hanc hypothesin sibi sumpserat, omnis erroris & mali ipsi causam, ut infra loquitur, & iterat Aristoteles *cap. 3. αἴτιον δὲ τῆς ἀναρχίας.*

T E X T V S.

Atqui perspicuum est, progredientem, & quæ magis vna fiat, ne ciuitatem quidem fore. Ciuitas namque natura est quædam multitudo, quæque magis vna fit, domus quidem ex ciuitate, homo vero ex domo erit. Magis namque vnā dixerimus esse domum ciuitate, & vnum domo. Quare etsi hoc efficere quis poterat, non patiundum. Ciuitatem namque interimet seu delebit.

C O M M E N T A R I I.

Καὶ τοὶ παντὲς ἴσιν.] Platonis propositionem & hypothesin, esse ciuitati utile ut quam maxime vna fiat, refellit hoc capite duabus rationibus. Prior hæc est: quia ea sit pestis & interitus ciuitatis: ergo vnio hæc ciuitati non est utilis aut bona. Formula: Quod bonum, eo res conseruatur. At vnione perit ciuitas. Ergo non est bonum ciuitati, multo minus optimum, ut putauit Plato. Quam totam conclusionem Aristoteles infra ipse affert, *ὃ τὸ λεχθὲν, &c.* Ratio igitur est in assumptione, & in ea explicanda & confirmanda totus hic

hic locus consumitur. Ratio autem rationis, seu assumptio- *Cōfirmatio*
nis confirmatio est hæc: quia ciuitas quam maxime vna, ad *assumptio*
vnum hominem redigatur, id est, desinat esse ciuitas, cuius *nis.*
natura est è multis conflata. Quæ confirmatio est perspicua,
nimirum ad vnum redigi ciuitatem, si eam velis esse quam
maxime vnam. nam quam maxime vnum est vnus. Vnus est
magis vnus quam domus, & hæc magis est vna quam ciui-
tas. Ciuitatem autem esse multitudinem quandam, quan-
dam, inquam, non omnem. Nam & exercitus est multitudo,
non tamen ciuitas. Nam, vt infr. dicetur, ciuitas est multitu-
do rebus ad bene beateque viuendum necessarijs instru-
cta.

T E X T V S.

Neque vero tantum ex compluribus homini-
bus est ciuitas, sed ex specie quoque differentibus.
Neque enim fit ciuitas ex similibus: aliud est enim
belli societas quam ciuitas. Nam quod quantitate
utile est, & si idem est specie: auxilii enim gratia est
societas belli, vt si pondus plus auferat. Tali au-
tem re & à gente differet ciuitas, cum non vica-
tim diuisi multitudine fuerint, sed tanquam Ar-
cades.

C O M M E N T A R I I.

Οὐ μόνον δ' ἐκ πολλοῦν.] Platoni velut occurrere viderur,
qui fortasse diceret, se non de tali vnione loqui, qua ad vnum
redigatur ciuitas, sed de ea potius, qua multi licet, ita tamen
sint coniuncti, vt non tam multi, quam vnus, esse videantur.
Huic igitur contradictioni Aristoteles velut occurrens in-
terijcit hic de ciuitate, eam esse non tantum multitudinem:
sed talem, quæ non ex similibus, seu eiusdem generis & con-
ditionis hominibus, sed specie dissimilibus constet, vt ma-
gistratibus, priuatis, militibus, sacerdotibus, sapientibus, o-
pificibus, &c. qui omnes specie differunt, non quo non o-
mnes sint homines, sed quia non eiusdem conditionis. Est
autem insignis hic locus, quem & supra *Libros. Ethicorum,*
capite quinto, & infra aliquoties attingit, ciuitatem ex va-
rijs ordinibus & generibus hominum constare debere.

περίληψις

l. Ratio.

quod docet Aristoteles tribus rationibus. Prima est ex comparatione societatis belli & gētis per dissimilitudinem. Nam alia est ratio ciuitatis, alia societatis belli, hoc est, hæc ex eiusdem generis hominibus constare potest, illa non item, nimirum ex militibus seu militari ordine. Differentiæ ratio: quia belli societas auxiliij causa coitur: ciuitas beatitudinis ergo. Iam ad auxilium tantum quæritur multitudo, distinctio & dissimilitudo non item: quod exemplo ponderum confirmat. Nam ut res quæ ponderantur, aurum, argentum, &c. quo magis deprimunt, hoc est, quo sunt grauiores, eo sunt meliores. Alia est igitur ratio ciuitatis, alia societatis bellicæ. Vtraque quidem est societas, sed differunt tamen, ut hîc & infra *lib. 3. cap. 6.* Alia quoque est ratio ciuitatis & gentis, non quidem omnis gentis, sed eius quæ non per vicos & oppida est distincta, sed quæ sparsas per agros domos habitat; quod institutum Arcadum fuisse ait Aristotel. & indicat *Strabo lib. 4. in fine*, ubi Arcadas tandem vniuersos in urbem vnam Megalopolim fuisse contractos & coactos ait, quasi ante sparsi habitarent; quod idem de Atheniensibus commemorant veteres, eos opera Thesei demum in vnum corpus conductos esse, *Plut. in Theseo, Cic. lib. 2. de legib.* Hæc vita & Nomadum & veterum Germanorum fuit, & hodie Arabum, & in Italia rustici circumpadani, & in Germania Nobiles. Hæ igitur gentes, quæ non distinctos habent magistratus, sed communes, differunt tantum à ciuitate *πολιτω*, id est, multitudine & perturbatione: quia in ciuitate est hominum descriptio, varij sunt ordines, in his gentibus non item.

T E X T V S.

Ex quibus autem rebus vnum quid fieri oportet, specie differunt. Quare æqualitas mutua & reciproca tuetur ciuitates, ut ante dictum est in *Ethicis*: siquidem & in liberis & paribus necesse hoc esse. Ut enim simul imperent omnes, fieri nequit; sed vel anno, vel alia aliqua descriptione seu tempore. Atque hoc modo accidit ut omnes imperent, tanquam si mutarent futores & fabri, neque iidem

dem semper essent sutores & fabri. Quia autem præstat & quæ sunt societatis ciuilis, ita esse: perspicuum, præstare ut omnes imperent, si pote: in quibus autem hoc non pote, eo quod omnes natura sint pares, simul etiam quia æquum sit, siue bonum siue malum sit imperare, omnes eius esse participes; in his, inquam, imitari vicissitudinem, pares cedere similiter primis. Nam hi quidem imperant, illi vero parent vicissim, tanquam alii facti. Eodem autem modo & qui imperant, alii alia gerunt imperia. Perspicuum est igitur ex his, ciuitatem natura nō esse vnā, ut quidam aiunt; atque quod dictum est, quasi maximum in ciuitatibus sit bonum, quia ciuitates perdit. Atqui cuiusque rei bonum quamq; conseruat.

C O M M E N T A R I I.

Ἐξ ὧν ὁ δῆμος ἐν πόλει.] Altera ratio, cur ex specie differenti- 2. Ratio so-
bus cōstet ciuitas, ab integri seu totius natura sumpta: quia, lutionis.
q̃ vnum cunq; totum seu integrum ex partibus cōstat, hæc
specie differant, necesse est. Cuius propositionis ab Aristotele
allata exempla exstant & in rebus naturalibus & artificiosis.
Nam & naturales ex quatuor elementis specie differentibus
constant, & homo quoque ex neruis, ossibus, carne, & domus
ex variis rebus constituitur. Atque adeo quores quæque est
perfectior, eo magis constat ex partibus specie differentibus.
Argumento sunt elementa ipsa, aer, aqua; quæ corpora quia non
sunt, peræque perfecta, partes quoq; habent vniusmodi. Hæc igitur
est propositio. At quia ciuitas est integrum quoddam seu totum,
ut ex prioribus intelligitur: ergo partes eius specie differunt.

Διόπερ τὸ ἴσον.] Tertia ratio ab imperandi vicissitudine 3. Ratio,
sumpta, & iure talionis, quod Græci vocant ἀντιπεπονηθός,
supra lib. 5. Ethic. cap. 5. Sic igitur concludit: Talio ciuitati-
bus est necessaria; ergo & dissimilitudo. De antecedente ex-
plicatum ait in Ethicis, nimirum hac mutua compensatione
ciuitates conseruari, non inter impares tantum sed pares;
K 5 alioqui

*Connexi
ratio.*

alioqui feruitutem fore, inquit *ibidem*. Leuiter autem obseruandum hic quod sæpe dixi, Ethicorum & Politicorum vnum velut esse corpus, cum ait, ante dictum est. Obseruandum & hoc, vtriusque operis vnum esse auctorem, contra atque quidam, in quibus & Cicero, existimarint: qua de re supra *initio Ethicorum* diximus. Connexi autem ratio: quia talio non tam in æqualitate quam in dissimilitudine versetur, quia in proportionem, quæ est rerum dissimilium quædam exæquatio.

*Obiectio.
Solutio.*

Ἀλλὰ γὰρ ὁμοῖον τε.] Dissimilitudinem talionis huius iam explicat. Certum est, pares paribus præmiis & pœnis afficiendos ex iure talionis: quo posito consequitur, ciues pares omnes quoque magistratum gerere debere. quod quia vno eodemque tempore fieri nequit, vt omnes sint in magistratu, sed nunc hi annum fortasse, aut, prout aliter in Republica constitutum fuerit; biennium forte, aut lustrum vt Censores Romæ, aut sex menses vt Dictatores, imperent, alii pareant: hinc ciuium dissimilitudo existit: vicissitudo, inquam, imperandi & parendi argumento est, ciues esse dissimiles, & quidem specie, vt imperare, & parere. Sed enim, dicit aliquis; si vicissim imperant & parent, neque omnes vna aut semper imperant; peccari contra ius talionis. Responderi potest, nihilominus effici, vt omnes imperent, non quidem eodem tempore, sed vicissim: quod explicat exemplo opificum. Nam & hi, inquit, si (verbi gratia) vel sutores vel fabri non iidem semper maneant, sed nunc hic ciuis fiat faber, nunc sutor, & sic reliqui vicissim: fiet tandem, vt omnes sint sutores & fabri, aut certe fuerint.

*Digressio de
magistra-
tuum per-
petuitate.*

Ἐπὶ δὲ βέλτιον.] Attingitur hic locus de magistratuum perpetuitate & vicissitudine. Ait igitur, perpetuitatem quidem esse optimum, hoc est, vt iidem semper imperent, non mutantur, quemadmodum optimum est ciuitati vt iidem semper maneant fabri, iidem sutores, &c. optimum quidem igitur hoc esse, si obtineri possit, vt in Aristocratia & Regno: Verum quia hoc difficile est inter eos qui natura sint pares virtute, vt in plerisque ciuitatibus; & propter hanc paritatem æquum sit, omnes magistratuum & imperiorum esse participes (siue imperare sit res bona & commoda, siue res mala & incommoda, nihil refert ad id de quo agitur: nam & commodorum & incommodorum, qui sunt pares, peræque partici-

participes esse debent) hac igitur ratione in paribus vicissitudo magistratum & imperiorum est melior, ita ut unus cedat alteri, & nunc hic quidem imperet, ille vero pareat vicissim : qua in re tanta est dissimilitudo, ut qui ex priuato sit magistratus, vel contra, velut alius homo ratione politica esse videatur. Neque vero dissimilitudo tantum est imperantium & parentium ratione : verum ipsorum quoque imperantium inter se. Nam alius ex imperantibus aliud obtinet imperium & magistratum ; alius est quæstor, alius consul, alius ædilis, &c. Ex quibus omnibus perspicitur, quanta sit ciuium dissimilitudo, etiam parium natura & virtute.

T E X T V S.

Est autem & alio modo perspicuum, quærere, ut valde vna sit ciuitas, non esse melius. Nam domus quidem, quam singuli, est instructior ; ciuitas vero, quam domus. Iam tum esse solet ciuitas, cum multitudinis societas bene fuerit instructa. Quod si igitur instructum esse est optabilius, & quod minus vnum, eo quod magis, est optabilius.

C O M M E N T A R I I.

Ἐπὶ δὲ τῷ ἄλλῳ τρόπῳ.] Prius argumentum ex partium 2. Ratio seu ciuitatis, hoc est, ciuium dissimilitudine sumptum fuit : hoc argumen- alterum est à ciuitatis fine, quæ est αὐτάρκεια, hoc est, rerum tū, quo de- copia ad bene beateq; viuendum necessaria. Nam huius rei cetur non causa ciuitates constitutas esse supra docuit initio cap. 2. & esse ciuita- infra lib. 7. cap. 1. Cur ergo ciuitati non sit bonum, eam esse ti optimum quam maxime vnam, hæc altera est ratio : quia ciuitas ma- ut quam xime est αὐτάρκης, vel quod idem valet, quod minus est vñi, maxime magis est αὐτάρκης. Formula : Quo quid est αὐτάρκεια, eo vna sit, à est & optabilius & melius. Atqui quod minus vnum, id est sine. αὐτάρκεια. Ergo quod minus est vnum, idem est optabi- lius & melius. Contra atque putauit Plato, qui id, quod ma- gis sit vnum, putauit esse melius. Propositio est perspicua. Assumptionis confirmatio, οὐκ ἔστιν ἡ δὲ, &c. Domus, inquit, Assumptio : est αὐτάρκεια, quam singuli. Nam, ut è prioribus, ex capite nus confir- primo constat, singuli communis præsidii causa domesti- matio, cam societatem incunt. Plus igitur in domo præsidii quam in sin-

Simile.

in singulis: singulorum domus est prima quædam perfectio. Ciuitatem autem esse *αὐταρκέτερον* quam domum, dictum est supra cap. 2. & ipse *Plato lib. 2. de Repub.* Quia, inquit, singuli non sumus *αὐταρκεῖς*, ea re ciuitates comimus. Certum est igitur, ciuitatem esse *αὐταρκέτερον* quam domum, & hanc quam singulos. At certū & hoc ciuitatem minus esse vnā, quam domum, & hanc quam singulos. Ex quibus intelligitur, quo quid minus est vnum, eo esse *αὐταρκέτερον*. His igitur duabus rationibus docet Aristoteles, finem huius communionis Platonice esse vanum & irritum, hoc est, non esse ciuitati bonum, vt maxime sit vna. Quod idem infra cap. 3. eleganti similitudine illustrat. *ἐγγὺς ᾧ ἔσται, &c.* Nā qui ciuitatem q̄ maxime vnā efficere studeat, hunc similiter facere ait, atque si ex multarum vocum concentu & harmonia vnā tantum vocem & sonum reddere cupiat: qui, vt ille ciuitatem, harmoniam & concentum omnem tolleretur.

C A P V T I I.

REFELLITVR primo argumentum Platonis, seu maior propositio syllogismi, de quo supra. Deinde, quæ mala & incommoda ex hac vxorum & liberorum communitate oriantur, exponitur. vbi & ipsa Platonici instituti causa euertitur, atque eiusdem traductio liberorum.

T E X T V S.

Neque vero, vt hoc sit optimum quam maxime vnā esse societatem, ne quidem ratione hoc concludi videtur: si omnes simul dicunt, meum & non meum: hoc enim putat Socrates argumentum esse, ciuitatem perfecte esse vnum. Nam omnes bifariam. Itaque si quidem vt singuli, magis erit fortasse, quod efficere vult Socrates. Eundem namq; singuli dicent suū filiū, & vxorem eandem: & de bonis, & de singulis casibus similiter. Nunc vero cum ita dicet, communibus vtentes vxoribus & liberis: sed omnes quidem non vt eorum singuli; similiter vero & bona omnes quidem,

dem, non vero ut eorum singuli. Dicere igitur omnes, perspicuum est captionem quandam esse. omnes namque & utraque imparia & paria, quia bifariam accipiuntur: & in disputationibus rationationes faciunt contentiosas. quare omnes licet idem dicere, siquidem sic quidem bonum, sed non pote: sic vero ad concordiam inutile.

C O M M E N T A R I I.

Ἀλλὰ μὴ ἐστὶν εἰς τὸ αὐτὸ.] Refellit Platonis assumptionem, *Minor pre-*
quam supra esse diximus: at si omnes dicant, *meum & non positio syl-*
meum, ciuitas erit maxime vna: docet, inquam, Aristoteles, *logismi*
quamuis hæc dicant ciues, ex eo tamen ciuitatem non effici *Platonici.*
vnam. Vis omnis Aristotelici argumenti est in verbo, *omnes*, *Refutatio.*
quo ipso Platonem in fraudem ductum esse ostendit: quo
modo & *lib. 1. de ortu & interitu, cap. 2.* in fine huius quoque
verbi usu & significatione ancipiti falsum esse Democritum
ostendit, summum physicum, & reprehendit, ut hîc Plato-
nis, ita ibi Democriti paralogismū (in hac Democriti pro-
positione, *πάντες εἰναι σύμμελον*, &c.) Bifariam igitur seu dupli-
citer verbum, *omnis*, accipitur, ut & verbum, *uterque*, seu *Omnis vel*
ἀμφότερον: vniuerse & sigillatim, hoc est, ut vulgo, collecti- *vniuerse*
ue & distributiue, verbi gratia, Duodecim sunt homines qui *vel sigilla-*
terni consistant. hi, ut omnes & vniuersi, sunt pares: ut sin- *tim.*
gulatim terni, sunt impares: sic & de utroque, si sex sint ho- *Vterq; vel*
mines qui terni consistant, utriusque quidem dicentur pares; *vniuerse*
ut singuli, impares. His præmunitis, Aristot. Platonis assum- *vel sigilla-*
ptionē captiosam esse docet, vocabulo *omnis ὁμολύμενον*. Nam *tim.*
si vniuerse accipiat in assumptione, ut voluit Plato, hoc
est, ut omnes confuse filios omnes vocent, non efficietur ea,
quam sperauit Plato, concordia, non ea erit amicitia, quem-
admodum supra *lib. 9. Ethic.* diximus, & infra dicetur latius:
quod si singulatim accipiat, nimirum ut ciues singuli, vel
tanquam singuli, suos proprios filios dicant: iam quidem es-
set amicitia, sed ea res fieri nequit. Nam quæ quisque ut sua
& propria vocat, ea iam non sunt communia. Quare & lu-
ris consulti negant fieri posse, ut eiusdem rei duo in solidum
sint domini, hoc tantum permittunt, ut rei communis do-
minum

minum quisque se vocare possit, sed pro parte indiuisa, non in solidum. *l. sicut certo. §. ult. ff. commodati.* Ad eundem modum & in ciuitate omnes vocare possunt suos filios, non tamen vt singulatum suos, sed confuse, quod vt diximus, & δὲ ὁμογενή. Itaque quia significatio verbi *omnis*, Platonica non est ὁμογενή efficitur & sequitur, huius verbi vtu ciuitatem non effici vnā.

Συμπαρόντων.] Συμπαρόντων & hic & *lib. i. Ethic. cap. ii.* vocat bona & mala quæcunque accidunt. Nam & paulo infra δὲ πρᾶττοντα ἢ κακῶς sic vocat, Latine casus & fortunas prosperas & aduersas vocamus. Vt igitur liberos & uxores, ita & horum casus prosperos & aduersos singuli suos vocarent & dicerent.

T E X T V S.

Ad hæc aliud hæc res habet incōmodum. Nam quæ res plurimis est communis, in eam minimum curæ ponitur: suas namque maxime curant, communes vero minus, aut quantum cuiusq; intersit. Nam præter alia, tanquam alio curante, magis negligunt, vt in seruilibus ministeriis multi sæpe famuli peius deseruiunt, quam pauci. Fiunt autem singulis mille ciuium filii: & hic non vt singulorum, sed quilibet cuiuslibet peræque est filius: quare omnes peræque negligent: præterea, sic singuli, meus est, dicunt ex ciuibz eum, qui bona vel aduersa fortuna vtitur, quantuscunque sit numero, vt meus est aut illius, hoc modo dicens de singulis ex mille, aut quocunque ciuitas constet: & hoc dubitans: incertum namq; cui nasci filium contigerit, & natum seruari. Atq; vtrum præstet, singulos sic meum dicere, idem quidem vocantes ex mille vel decem millibus: an potius vt nunc in ciuitatibus meum dicunt: Nam eundem hic quidem vocat filium suum, ille vero fratrem suum, ille con-

le consobrinum, aut ex alia cognatione siue sanguinis, siue necessitudinis & affinitatis sua primum aut suorum: ad hæc alium curialem aut tribulem. præstat enim suum esse consobrinum, quam hoc modo filium.

C O M M E N T A R I I.

Πρὸς τὸ τῶν ἐτέρων.] Repræhenso & refutato iam argumento Platonis: pergit Aristoteles mala & incommoda exponere huius Platonice communitatis, multa & graua. Primum est negligentia, &, vt Iurisperiti loquuntur, non *1. Causa* curantia, ὀλιγωρία: quod malum, quam sit graue, ex eo intelligitur, quod παιδεία & educatio seu institutio prorsus negligetur, vt Aristoteles ipse docuit supra, *lib. ult. Ethic. cap. ult.* vbi disputat, vtra sit melior, παιδεία publica an priuata. Formula sit ista: Si cōmunes sunt liberi: ergo negligetur. Ratio connexi: quia sua & priuata fere curant homines, communia negligunt, quod docet exemplo seruorum, qui sæpe quo plures sunt, eo minus mandata Dominorum & opera sua curant, alio in alium reiiciente: sic & si vnus, verbi gratia, multorum sit filius, ab omnibus negligetur. Hæc igitur prima est negligentie causa, communitas, de quo & infra cap. extremo. δύο γὰρ ἐστὶ τὰ μέγιστα, &c.

Εἰνόντων δ' ἐχθρῶν.] Locus hic, etsi obscurior, ad negligentiam tamen pertinet. Nam altera eius causa hic afferri *2. Causa* videtur, qua multi vnus sint futuri liberi, mille fortasse aut negligenter *negligentia.* decem millia, prout ciuitas erit frequens & celebris; vnus, inquam, multi & non tanquam eius proprii & germani, sed vt quilibet cuiuslibet, vt ignotus ignoti. At perspicuum est, multos eosq; non germanos, sed tanquam de populo sumptos, non peræque curari, atque si pauci essent & noti seu proprii.

Ἐπ' ὅτῳ ἐχθρῶν.] Tertia negligentie causa, hæsitatio & *3. Causa* incertitudo, hîc adfertur. Nam tamen si multos quis vel mille negligenter *negligentia.* le filios habeat, & vocet, tamen hoc facit hæsitans & dubitans: propterea quod certe non nouit vel an ex suo concubitu sint procreati, vel vt sint, an tamen superstites manserint. Iam de quibus dubitauimus an sint nostri, eos fere negligimus. Itaq; dicet quidem seu vocabit quisque mille forte, aut

te, aut ex his mille omnes suos liberos, aliū bene rem suam gerentem & florentem, ut ab eo iuuetur, alium aduersa fortuna laborantem, ut ei subueniat, ut, inquam, lætetur & doleat liberorum fortunis, dicet eos esse suos, quoticumq; tandem sint, siue vnus ex mille, siue ex decem millibus, dicet suum, sed dubitans: negliget igitur.

Cōfusio cognationis, quæ ex hac communitate Platonis pritur.

Καὶ τοι πότερον ἔτι.] Adiungit quæstionem Aristoteles, utrum sit melius, omnes eodem cognationis nomine, ut in politica Platonis, an distinctis cognationum nominibus more ciuitatum & hominum vocare. Nam in politica Platonis fratres à filiis, nepotibus, consobrinis, non licet distinguere: at hominū more multi sunt & cognationum & affinitatum gradus distincti: alii namq; fratres, alii consobrini, alii sobri- ni, alii affines, &c. Iuriscōsulti certe hanc nominū perturbationem Platoniam grauissime reprehendunt, etiam *Augustinus in libris de Ciuit. Dei*: quare & Aristoteles eandem graduum & nominū distinctionem, licet obscure, probans, ait, *καὶ πᾶσι*, &c. certe, inquit, melius seu malim more hominum esse consobrinus, hoc est, notus & suus, quam Platonico filius ignotus, & de quo hæsitetur: quia ille magis amabitur, hic negligetur.

Καὶ καὶ δὲ ἑαυ.] Cognationem vocat & facit partim suam, partim suorum: suam, à se ortam, quam vocat primam, utpote grauissimam & coniunctissimam, ut si quis ipse vxorem ducat: suorum, ut si frater.

TEXTVS.

Atq; ne vitari quidem potest, quin existimet, quosdam suos esse & fratres & liberos & patres & matres: nam ex similitudinibus, quæ liberorū sunt cum parentibus, necessaria capiuntur ipsorum inter se argumenta, quod quidam ex iis qui commentaria de situ orbis conscribunt accidere quoque aiunt: nam esse quibusdam superę Africę populis communes vxores; liberos tamen natos ex similitudinibus distingui. Sunt autem & aliarum animantium fœminæ quædam, ut equæ & vaccæ, quæ

quæ parentibus valde similes fœtus edere solent,
ut equa illa Pharsalica Iusta cognomine.

COMMENTARI I.

Ὁὐ μὲν ἀλλὰ.] Quod modo attulit de distinctis cognationum vocabulis, esse id melius: de hoc docet hîc, hanc distinctionem prorsus tolli non posse propter similitudinem. Nam sæpe liberi parentibus & fratres inter se similes esse solent. Itaq; etsi Plato valde laborat, ut ita permisceantur liberi, permutando & transponendo (qua de re infra hoc capite) ne ex se natos quis agnoscat: tamen nihil agit: eo quod ipsa similitudo parentem sit proditura. Hoc igitur est alterum graue malum huius commutationis Platonice: nimirum quia natura aduersa & repugnans etiam fieri nequeat. Similitudine autem cognosci parentes & liberos docet bifariam. Primo exemplo Afrorum, non quidem inferorum, hoc *1. Exem-
plum.* est, mari proximorū, sed superiorum, nimirum Garaman-
torum, de quibus idem, quod hoc loco Aristoteles, & Pomponius Mela; Nulli, inquit, certa vxor est ex his, qui tam confuso parentum coitu passim incertique nascuntur: quos pro suis colant, formæ similitudine agnoscunt. Deinde ex *2. Exem-
plum.*emplo beluarum, vbi de equa Pharsalica, quæ, quia quam simi-
limos admissariis equulos ederet, & quasi suum cuique redderet, Iusta vulgo dicta fuit.

Τὰς τῆς γῆς.] Græci commentarios de situ Orbis, hoc est, in quibus, præter Regionum & oppidorū situs, etiam Gentium & Rerum public. leges & instituta continentur, vocant *περίοδος γῆς.* (Cuius generis periodos Eudoxus conscripsit, qui hic subindicatur, ea ætate, ut est apud Stephanum, & Martianus. de quibus Commentariis & Aristoteles eleganter lib. I. Meteor.) vocant & *περιήγησις καὶ περίωλος.* Et Varro apud Nonium in verbo, callidus, adducitur in *περίωλος*, id est, scripsisse Periplum.

TEXTVS.

Præterea his, qui talem communitatem moluntur, non facile est effugere talia incommoda, ut vulnera & cædes, inuite & sponte factas, & certamina, & maledicta: quorum nihil fas est fieri in

L

patres

patres & matres, eosq; qui à cognatione nō longe absunt, quemadmodum in eos, qui longe. quin etiam plura accidere necesse est ignorantibus, quā agnoscentibus: & factorum agnoscentibus quidem iusta piacula esse possunt, horum vero minime.

C O M M E N T A R I I.

2. Incom-
modū com-
munitatis
omnium
rerum.

1. Incom-
modum.

Ἐπὶ καὶ τούτοις.] Aliud gravissimum incommodum, quod & iteratur cap. 3. nimirum, quod ex hac communitate consequentur parricidia, maledicta & contumeliæ aduersus parentes & cognatos. Nam abesse non potest, quin inter homines certamina, maledicta, & cædes existant. At aduersus parentes, fratres & cognatos, magis hæc sunt nefaria & scelerata, quæ aduersus alienos. Causa igitur parricidiorum est, hæc communitas: & hoc huius incommodi est principium, nimirum quia communitas hæc in causa sit, cur ea fiant. Eadem quoq; est in causa, cur sint crebriora. Nam inter ignotos, quam inter notos verisimile est ea esse frequentiora. Eadem & tertio est causa, cur iam facta & admissa expiari iustis piaculis nequeant, quia ignorantur. Erant olim cædium, parricidiorū, & similium scelerum legitimæ quædam & iustæ expiationes, quas Aristoteles hic vocat λύσεις νομιζομένας, ut & Plato lib. 2. de Repub. λύσεις καὶ καὶ παρμύς τ' ἀδικημάτων: de quibus copiose Plato lib. 9. de legib. quæ & hodie in Germania partim in usu remanserunt. Meminit & Cicero lib. 2. de legib. extremo.

T E X T V S.

Absurdum autem & hoc, eum qui communes fecerit filios, concubitus tantum sustulisse amantium, amorem vero non vetuisse, nec alios usus, quos patri cum filio intercedere omnium sit maxime indecorum, & fratri cum fratre; siquidem & solus amor. Absurdum autem & hoc, sustulisse concubitus, nulla quidem alia de causa, sed quia gravis voluptas existat: nihil autem putare interesse,

teresse, hunc quidem esse patrem aut filium, illos vero inter se fratres.

C O M M E N T A R I I.

Ἀποπαι δὲ.] Duo alia Platonis absurda hîc notat, prius 1. *Absurdum Plat,* est: quia liberorum & cognatorum solum concubitus sustulerit Plato, alios usus, hoc est, impudicas cōtrectationes, complexiones, & oscula non item, neque amorem ipsum. Nam Plato libr 5. de Repub. ὅταν δὲ δι' οἰκίας, &c. permisit cognatos, parentes, ac liberos inter se, atq; adeo omnes amoris veneri usus, præter coitum: quæ merito Aristoteles, etiam amorem nudum, ait esse turpissima. Eadem & Stoicorum fuit turpitudine: de quibus Sex. Empiricus in lib. adversus disciplinam, & lib. 3. περὶ τῶν ποσειδωνίου πυρρῶνικα. Alterum ab- 2. *Absurdum Plat,* surdum est: quia concubitus Plato sustulerit, non quia per se turpem & nefarium, sed ut minimæ voluptatis auctorem & causam. Non igitur per se ne concubitus quidem sustulit, sed ex euentu, propter consequentes ex eo & coniunctas nimias voluptates: quas quia Plato semper fugiendas monet, ergo & concubitus.

T E X T V S.

Magis autem videtur agricolis utile esse, communes esse vxores quam custodibus. Nam communibus liberis & vxoribus minor erit amicitia: tales autem oportet esse parentes ad obtemperandum, & ad nihil noui moliendum.

C O M M E N T A R I I.

Ἐοικε δὲ μεγάλῳ.] Et hic Platonem notat. Nam Plato hanc communitatem principibus & magistratibus (quos & Aristoteles Platonis exemplo custodes hîc vocat) constituit, parentium non facta mentione. Nam agricolarum nomine etiam opifices & mercatores intelligēdos hîc existimo: quæ tria hominum genera & Plato & Aristoteles semper parere, nunquam magistratum capere debere, existimarunt in optima Republica. Plato igitur communitatem hanc inter principes tantum introduxisse videtur. Aristoteles contra paren-
tibus

tibus esse vtiliorem docet, hac ratione; quia communitas hæc dissidiorum & inimicitiarum sit parens, contra atq; putauit Plato, vt mox. At vtile est Reipub. inter principes esse concordiam & amicitiam, inter parentes discordiam & similitates. Quid ita? Nimirum, vt hac inter se concordia & velut coniuratione freti, ne vel imperium detrectent, vel; quod grauius est, etiam res nouas moliantur, qua de re infra latius *lib. 4. & 5.*

T E X T V S.

Plane autem contrarium accidere necesse est propter talem legem, atque quorum causas esse oporteat recte latas leges, ac propter quam causam Socrates sic constituendum existimet de liberis & de vxoribus. Nam amicitiam ciuitatibus maximum bonum esse arbitramur: Sic enim seditionibus minime distraherentur; & vnā esse ciuitatem Socrates maxime laudat, quod & videtur, & ille ait amicitia esse munus, vt in sermonibus de amore dicentem scimus Aristophanem, amantes propter vehementem amorem cupere coalescere, & vtrumque ex duobus vnum fieri. Ergo hic quidem necesse vtrumq; interiisse aut vnum. In ciuitate vero amicitiam necesse est esse aqua dilutam etiam propter huiusmodi communitatem, minimeq; vocare meum, aut filium patrem, aut patrem filium. Vt enim dulce exiguum multæ aquæ admixtum temperationē reddit quæ sub sensum non cadat: ita euenit & propter necessitudinem ipsorum inter se ex his nominibus, quantumuis sit necesse in tali Republica patrem minime curam gerere aut filiorum, aut filium vt patris, aut fratres inter se. Duo namque sunt, quæ faciunt, vt homines curam gerant & amēt; & suum, & ca-

& carum : quorum neutrum esse potest iis, qui hoc genere Reipublicæ vtuntur.

C O M M E N T A R I I.

Ὅλως δὲ συμβαίνειν.] Expositis adhuc malis & incommo-
dis, refutato quoque & fine & argumento Platonis initio
huius cap. quod tertium erat supra cap. 1. propositum, de
causa, id hoc loco refellit. Nam legis seu instituti Platonis
de communitate causa est amicitia & concordia ciuium;
Quod enim, inquit Plato, grauius & maius malum ciuitati
possit esse, quam discordia & seditio: cuius parens est ciuium
distractio, vt contra concordia parens est concordia & vnio?
Plato igitur concordia causa hanc communitatem intro-
duxit. Aristoteles Platoni seu Socrati hoc assentitur, sum-
mum ciuitatibus esse bonū concordiam: propterea quod ci-
ues inter se amantes & concordēs seditioibus, quæ ciuita-
tum certa est pestis, minus agitentur aut sint obnoxii. Sed
de summo Reipublicæ bono, concordia, dictum est supra
initio lib. 8. Ethic. & lib. 9. cap. 6. Hoc igitur Platoni assenti-
tur Aristoteles: assentitur & hoc, concordia & amicitia ciues
inter se maxime copulari & coniungi, & velut vnum corpus
fieri: nam hoc amicitia & amoris est munus seu officium, ex
duobus vel pluribus vnum efficere, quemadmodum ele-
ganter *Aristoph. apud Platonem in symposio* differit. Idem a-
micitia munus ex Pythagora commemorat & *Cic. lib. 1. Of-
fic.* efficiturque id, quod Pythagoras vult, in amicitia, vt vnus
fiat ex pluribus. Hæc igitur duo Platoni assentitur Aristote-
les, tertium vero minime, ciuitatem propterea vnam esse
debere.

1. συγχώ-
ρησις.2. συγχώ-
ρησις.

ἀρνησις.

Ἐντεῦθα μὲν ἔν.] Differentiam exponit amantium & ci-
uium. Nam vbicunque ex duobus seu pluribus vnus effici-
tur, necessario vel vterque seu omnes, vel vnus interit: qua
de re latius *lib. 1. cap. 7. & ult. de ortu & interitu.* Hæc enim
veræ permixtionis vis est & natura, vt corpora, quæ commi-
scentur, vtraq; intereant vel alterum, vt mas & fœmina co-
pulari tertium quoddam genus reddunt ἀνδρόγυνον, ex qua-
tuor elementis pereuntibus conflatur homo: hic vtrumque
seu omnia corpora intereunt, ex quibus nouum existit: al-
terum tantum perit, vt exigua aqua vino affusa perit, rema-
nente vino. Vbicunq; igitur ea erit permixtio, vt ex duobus

Discrimen
amantium
& ciuium.In permi-
xtione perit
permixto-
rum aut v-
trumq; aut
alterum.

vel pluribus vnus coalescat, vt in amantibus ex sententia Aristophanis, vel vterque vel alter vt intereat, necesse est. At qui in ciuitate non ea, quæ in amantibus, amoris & amicitiae consociatio esse potest: quin potius in tali ciuitate, in qua liberorum & vxorum est communitas, necesse est concordiam ciuium inter se & amicitiam esse leuem, & velut aqua dilutam: adeo vt, quamuis in hac Republica ciues inter se ament, vt ciues, non tamen vt pater filium, aut filius patrem propter confusionem & ignorantiam. Leuis igitur ciuium inter se erit amicitia, non secus atque dulcedinis aliquantulum magnæ aquæ copiae admixtum vix percipitur; non secus atque flumen, inquit *Plut. in libr. ὅτι τὸ πολυφιλίας*, in multos riuos deductum pene euanescit. In hac igitur Platonis Republica dilutior & leuior ciuium erit concordia, duabus de causis: prior est, quia sua & propria amamus: at hic sunt communia: altera est: quia ea tantum amamus quæ amandi in se causam habent, quæ sint ἀγαπητὰ seu cara & amabilia: at in Platonis Republ. nihil ciuibus est præcipui, cur hunc vel illum ament, cum omnes & liberi & parentes sint communes. Et hoc est quod ait δύο γὰρ εἶναι, &c. quæ est insignis sententia & locus.

Cur in Platonis Rep. concordia leuior sit futura.

1. Causa.

2. Causa.

ἀγαπητὸν.

Τὸ ἀγαπητὸν.] Græci vocant & φιλητὸν. Cicero carum, de quibus supra initio lib. 8. *Ethic.* Quod alterum argumentum addidit & *Lactantius lib 3. cap. 20. c. 21.* hanc Platoniceam liberorum & vxorum cōmunitatem erudite refellens, quæ, inquit, caritas & concordia esse potest, vbi nihil est quod ametur? Perperam igitur, maxime repugnantibus libris omnibus, quidam hîc reddunt, vnum, neque enim Aristoteles ἐν scripsit, sed ἀγαπητὸν.

TEXTVS.

Sed enim & de liberis, qui nascuntur, transferendis, his quidem ex agricolis & opificibus ad custodes, illis vero ex his in illos quomodo fiat, magnam habet perturbationem: atque necesse est dantes & transferentes nosse, quos quibus dent. præterea & nuper exposita necesse est magis in his accidere, vt vulnera, amores, cædes. Neque enim
amplius

amplius appellant fratres & liberos, & patres & matres tam qui ad alios ciues dederint custodes, quam contra qui apud custodes ad alios ciues, vt talia propter cognationem cauere possint. De communitate igitur liberorum quidem & vxorum hoc modo sit explicatum.

C O M M E N T A R I I.

Ἄλλα μὲν καὶ οὗτοι] Plato duo facit ingenia & indoles ci- *De tral-*
uium. Nam magistratum quidem seu imperantium inge- *tione inge-*
niis à Deo aurum & argentum insita esse, siue eorum inge- *niorum in*
nia aurea & argentea esse oportere ait : parentium vero in- *Rep. Plat.*
genia ferrea & plumbea. Quam distinctionem exquisite ser-
uandam monet, vt ne vel plumbei imperent, vel aurei pa-
reant. Quare iubet si ex aureis forte nascantur plumbei, eos
transferri ex ordine imperantium ad opifices; & contra, si
ex plumbeis nascantur aurei, eos ex opificum ordine ad cu-
stodes. Aristoteles & hanc liberorum translationem & per-
mutationem reprehendit hoc loco trifariam. Primo, quia *1. Ratio,*
hæc permutatio magnam sit paritura perturbationē & con-
fusionem, cotidie deportandis & permutandis liberis. Deinde *2. Ratio,*
quia, vt reliqui ciues inter se, non norint, quorum sint li-
beri aut parentes, vt ne quidem ipsi translati aut horum pa-
rentes id norint, tamen quia transferunt, non prorsus igna-
ros esse, quos quibus transferant, necesse est; ita vt norint,
hos vel illos non esse illorum parentes. Repugnat igitur hæc
translatio ipsi Platonis instituto, qui ciuitatem ita vnam fie-
ri inter se velit vt nullus inter se norit. Postremo, quia, *3. Ratio,*
quæ supra attulit, grauissima incommoda hac translatio-
ne maxime augeantur & confirmantur, iniuriæ, parricidia,
incestus : propter quod ita translati non amplius nomina
cognationis retineant, vt pote ex alio ordine ciuium in alte-
rum traducti. Nam & hæc sententia fuit Platonis, vt ex
plumbeis nati aurei & in aureorum ordinem translati, au-
reos non vocent aut fratres aut parentes, &c. & contra. Sub-
latis igitur cognationis nominibus, quorum reuerentia so-
lent homines ab his cædibus & concubitu abstinere,
mala illa vt frequentiora sint & minus ca-
ueantur, necesse est.

CAPVT III.

De cōmu-
nitate bo-
norum.

DVÆ sunt summæ capitis huius partes: quarum in prio-
re de bonorum communitate explicatur: in altera vni-
uerse de toto hoc Platonis instituto seu lege. vbi allata erro-
ris Platonici causa, multa præterea ad hanc ipsam Platonis
legem accommodata refelluntur. Et quidem locus hic de
cōmunitate bonorum difficilior semper, q̃ de liberis & vxoribus
est habitus, etsi & *Lactantius* vno verbo monet, posse
& se multis rebus ostendere, hanc bonorum communita-
tem esse & impossibilem & iniustam. Est & hodie hæc non
minima cōtrouersia cum Anabaptistis. Christiani certe pri-
mi bonorum communitatem, non tamen omnem, hoc est,
Platonicam aut Anabaptisticam, sed Aristotelicæ geminam
probarunt plane & consimilem: cuius præter *Lucam in Actis*
meminerunt, & *Tertullianus in Apologetico*, & *Lucianus*
in Peregrino: nimirum vt distinctis licet proprietatibus &
dominiis, vsus tamen & fructus cum aliis communicetur,
quomodo & Pericles & Cimo suorum macterias hortorum
& prædierum diruisse dicuntur, vt tenuioribus ad fructus pe-
tendos liber esset aditus; cuius generis etiam communitas à
Lycurgo instituta fuit, & Tarenti olim recepta.

TEXTVS.

His vero proximum est de bonis videre, quem-
admodum futuris in optima Repub. sint consti-
tuenda: vtrum bona vt sint communia, an non
sint communia: De hoc autem separatim quis vi-
deat ab iis, quæ de liberis & de vxoribus sunt san-
cita: de bonis, inquam, vtrum etsi illa sunt sepa-
ratim, vt nunc apud omnes est, melius sit, & bona
esse communia & vsus; verba gratia, prædia qui-
dem separatim, fructus vero in commune confe-
rentes consumere, quod quædam gentes faciunt:
an contra, agrum quidem esse communem, & co-
lere communiter, fructus vero diuidere pro sin-
gulorū vsibus (feruntur autem ex barbaris & hoc
quidam

quidam modo communitate vti:) an & prædia & fructus communes.

COMMENTARI.

Expositio dē.] Explicato de communitate liberorum & vxorum, sequitur, inquit, vt de bonis videamus. Cum enim Plato, cuius ciuitates hic perpendit, non tantum illos, sed hæc quoque velit esse communia, tum magnopere interesse Reipublicæ, non tantum personarum, sed rerum quoque & bonorum salubrem & bonam esse descriptionem: cui argumento sint & Græcorum leges & Ro. Agrariæ, & vtrorumque grauissimæ contentiones agrariæ. Eo autem magis de bonis est explicandum, quod plerique illam quidem liberorum & vxorum communitatem improbent & detestentur (præter veteres Scythas, apud quos omnia, gladio tantum & poculo exceptis, erant communia, teste *Strabone lib. 7.*) hæc vero bonorum communitas speciosior & ad humanitatem propior esse videatur, vt infra ait Aristoteles. Quare & hoc loco recte, vt neque liberi neque vxores sint communes, sed proprij sint & priuati, vt veterum erant, hodieque sunt; tamen de bonis quæri nihilominus posse ait. Triplex igitur de bonis quæstio exponitur ab Aristotele, quia triplex communicandi ea sit ratio & modus. Primum, vt *1. Quæstio.* utrum prædia seu bonorum proprietas quidem priuata esse debeat, & priuatim coli aut curari, quorum tamen fructus postea in commune collati communiter consumantur; quam rationem quibusdam gentibus in vsu esse ait. Aut *2. Quæstio.* contra, an comunibus quidem prædijs, fructus tamen postea singulatim diuidantur. Et hunc quorundam barbarorum morem fuisse ait. Postremo, an præstet, & prædia & fructus *3. Quæstio.* esse communia, quod Plato voluit: eaque re de hoc postremo fere hic explicatur. Huius autem tripartitæ quæstionis *Ratio huius partitionis.* ratio hæc est: quia duo fere in bonis & rebus spectantur: proprietas & vsus: quæ duo si vtraque sint communia, vltima est quæstio, sin alterum priorum, alterutra.

TEXTVS.

Et quidem alijs colentibus, alius & facilius sit modus: laborantibus vero sibi ipsis ea quæ de bonis,

nis, pluria afferant incommoda. Nam si non sit æqualitas, sed inæqualitas in perceptionibus, & in operibus, necesse est querelas exsistere, at fruenter quidem seu capientes multa, paucos vero labores sufferentes, pauca quidem capientium, plus vero laborantium. Vniuerse autem conuictus & communitas rerum humanarum omnium est grauis, maximeque talium. Cui argumento sunt communitates vna peregrinantium. Plærique enim de rebus ante pedes seu in medio positis dissentiant, & paruis de rebus inter se inimicitias suscipiunt. Præterea & ex famulis cum his maxime litigamus seu offendimur, quibus ad ministeria cotidiana potissimum vtimur.

C O M M E N T A R I I.

Ἐπεὶ οὖν ἰδὲ &c.] Nunc ad quæstionem explicandam accedit: & priore quidem loco Platoniam communitatem refellit. Posteriore suam proponit & confirmat: quibus explicatis & alia quædam ad Platoniam communitatem refellendam affert. De Platonica igitur communitate, hoc est, omnium rerum, bifariam cōsiderari posse ait: vel vt ipsi, quorum sunt bona & prædia, eadem quoque colant: vel vt alij; quemadmodum apud Cretes & Spartanos non ipsi ciues, sed Helotæ & pericæci, id est, serui & rustici, agros colere solent, vt & Romæ tandem serui: & apud hos faciliior, inquit, & expeditior fuit ratio, hoc est, facilius admittatur communitas distinctis dominorum & colentium ordinibus. Cur autem faciliior hæc sit futura communitas, mox explicabitur ex contrario. Nam Aristoteles, his omissis, de ea explicat Republica, vbi ipsi sæpe domini agros colāt, cuius generis & Platonica fuit & multæ aliæ. Itaque quæ communitas huic Reip. incommoda & mala afferat, exponit: nimirum querelas, contentiones, & dissidia: quod idem & Iurisconsulti sæpe commemorant, *Papinianus in l. cum pater, §. dulcissi. de leg. 2.* Cum discordijs propinquorum sedādis prospexerit, quas materia communionis solet excitare: & *Paulus in l. in re,*

Agras colimus aut ipsi aut per alios.

Refutatio cōmunitatis Plat. ab quentis.

communis, de seruitut. urban. prad. Itaque, inquit, per immensas contentiones plerumque res ad diuisionem peruenit, & in l. qui ne q₃, ff. de reb. eorum qui sub tut. &c.

Αὐτῶν δὲ αὐτοῖς.] Quod dixit, communitatem discordiarum & litium esse parentem, confirmat trifariam. Primo, quia fieri nequit, quin sæpe alius fructuum plus capiat, alius plus laboris. Quid ita? Neque enim Principes & plebei peræque agris colendis vacare possunt. Ex hac igitur iniquitate quæstus & operæ dissidia ut exoriantur, necesse est: qua de re dictum & supra lib. 8. *Ethic. cap. penult. & ult. de amicorum querelis & dissidiis.*

1. Argumentum.

Ὅλως δὲ τὸ.] Altera est ratio bimembris, quæ causa est, cur dixerim trifariam: quia cum omni in vita seu omnibus vitæ actionibus conuictus & consuetudo est difficilis, tum maxime in his, hoc est, in bonis. Prioris, quod videlicet in omnibus rebus societas est difficilis, argumentum sit imperandi societas. Nam pluribus pari imperio præditis, plerumque inter hos dissensiones existere solent: de bonis autem seu rebus ad vitam cotidianam necessarijs affert Aristoteles exempla duo: Vnum de socijs itineris, quos inter sæpe de rebus leuissimis, dum forte cauponi soluitur, lites existunt, quas res eleganter vocat τὰ ἐν ποσὶ, ut Latine *Terent.* quæ ante pedes, hoc est, cotidiana, vulgaria, in medio posita: alterum de seruis, non quidem peræque omnibus, sed ijs, quibus ad cotidianos vitæ vsus vrimur; his, inquam, propter assiduam consuetudinem sæpius irasci consueuimus, non institoribus aut agricolis absentibus. Ex quibus perspicuum est, cum ex omni conuictu, tum maxime ex bonorum communitate discordias nasci.

2. Argumentum.

Παράβολον
seu Simile.

1. Exemplum.

2. Exemplum.

T E X T V S.

Itaque communitas quidem bonorum & hæc & alia habet incommoda: quomodo vero nunc est, & moribus præterea excultum, & bonis legibus, non parum præstet. Habebit enim quod ex utroque bonum: Ex utroque autem dico, quod ex bonorum communitate & ex proprietate. Nam communia quidem esse oportet quodammodo, omnia

omnia vero propria. Nam curæ quidem distribu-
tæ querelas inter se non gignent: quin potius au-
gebuntur, vt suæ quoque rei intento: virtute vero
fiūt, ad vsum quod attinet, amicorum, quod pro-
uerbio dicitur, communia.

COMMENTARI.

2. Argum.

seu euentus
& incōmo-
dum cōmu-
nitatis bo-
norum.

Ratio.

Τὸ μὲν ἔν.] Vnum attulit malum & incommodum ex bo-
norum communitate: est & aliud, negligentia, quod & pau-
lo infra subocculte indicat *μεῖλλον δὲ ἐπιδιδύουσι*, scilicet ἐ-
πιμελείας. Curæ namque dispartitæ pro diuisis bonis, non
exigunt, inquit, querelas (hoc prius est incommodum) sed
potius augebuntur curæ, hoc est, minor erit negligentia
(quod alterum est incommodum.) Quid ita? huius incom-
modi ratio & supra est exposita, quia communia fere negli-
gantur, sua & propria diligentius curentur: de quo altero in-
commodo præclare & *Imperator Theodosius in l. 2. C. quan-*
do & quibus quarta pars detur ex bonis Decur. Ita scilicet &
priuati successores & curia promiscui rerum dominij libe-
rabuntur incommodo: naturale quippe vitium est, negligi
quod communiter possidetur, vtque se nihil habere, qui non
totum habet, arbitretur; denique suam quoque partem cor-
rumpi patiatur, dum inuidet alienæ. Hæc igitur duo sint hu-
ius communitatis incommoda & mala. Est & tertium: quia
hæc communitas sit *ἀδύνατος* & in optima Repub. Quid ita?
Quia neque vlla melioris notæ Resp. *ὅτι οἱ κερδαῖν*, hac com-
munitate vsa dicatur, neque Platonis institutum aut legem
quisquam postea probarit. Hæc, inquam, de malis, quæ
affert communitas: hæc de bonis, quibus nos spoliet & or-
bet, paulo infra.

Quatenus
bona debe-
ant esse cō-
munia.

Ratio.

Ὅν δὲ νυνὲν ἔσονται.] Adhuc refellit Platonis communita-
tem: nunc de sua differit. Cuius disputationis summa hæc
est; Bona quidem communia quodammodo esse debere,
simpliciter & absolute & omnino non item: siue, Bona pro-
prietate quidem priuata esse debere, vsu communia. Cuius
communitatis suæ causam primo commemorat mores &
bonas leges, his eam communitatem effici posse: nimirum si
ciues & bonis moribus informantur, & bonis legibus à le-
gis scriptore seu rectore Reipub. Cuius has esse partes, pau-
lo in-

lo infra ait, nimirum, si ad liberalitatem & humanitatem instituantur ciues, pellatur auaritia, & luxuria eius mater. Mores igitur æquandi sunt potius, quam bona, præceptis, legibus, & bonis institutis: & hoc est, quod & infra ait, ciuitatem disciplina potius quam liberis & vxoribus communicandis vnā esse faciendam, & infra *cap. 5.* utilitates potius æquare oportere quam bona: quod idem præclare *Lactantius lib. 3. cap. 21.* Qui ergo homines vult adæquare, non matrimonia, non opes subtrahere debet, sed arrogantiam. Alterum, quo *2. Ratio:* exponit commoda huius communitatis, *ἐξ ἧς ὃ τὸ*, &c. vtriusque, inquit, bonum seu commodum habebit, vtriusque, inquit, hoc est, tam communitatis, quam proprietatis. Proprietatis commoda diximus supra, vacuitatem discordiarum, & diligentiam. Communitatis commodum est in adiuuandis amicis & ciuibus, cum his liberaliter bonis suis communicandis. Ratio autem vtriusque commodi hæc est: quia hæc communitas est partim communitas, partim proprietas, vt supra est explicatum.

Καὶ τὸ τὴν παροικίαν.] Callide Aristoteles prouerbum hoc plane inuertit, aliterq; accipit atque Plato. Nam eo hic velut argumento vtitur ad confirmandam suam communitatem, vtitur & Aristotel. ad suam: sed ille ad communitatem quoque dominij, hic ad vsus duntaxat.

T E X T V S.

Est autem & nunc hoc modo in quibusdam ciuitatibus sic adumbratum, tanquam non sit id, quod fieri nequeat: maximeque in præclare institutis, alia quidem sunt, alia vero esse possint. Sua enim quisque bona habens, alia quidem facit vt amicis sint vtilia, aliis vero vtitur, vt communib. vt & Lacedæmone alter alterius vtitur & seruis, vt ita dicam, suis, & equis præterea, & canibus, & si qua alia re necessaria in agris egeat. Perspicuum est igitur, melius esse, propria quidem esse bona, vsu vero facere vt sint communia. Quemadmodum autem tales fiant, propriæ legum scriptoris hæc sunt partes.

C O M-

g. Ratio.

Ἐν δὲ τῇ νῦν.] Tertio, communitatem suam, rem esse docet, quæ fieri possit, cum Platoniam paulo infra moneat esse ἀδύνατον docet, inquam, exemplo ciuitatum sui temporis, & quidem meliorum. Nam in his etsi non plene omnia ad hanc communitatem pertinentia erant; eius tamen umbram quandam & vestigia cerni: quæ ex re intelligi, quædam iam in ijs esse recepta, alia adijci posse. Ex his ciuitatibus commemorat hoc loco Lacedæmonia, cuius præter cæteras nobilis semper fuit institutio seu descriptio. Hoc namque huius ciuitatis fuit institutum, vt alter alterius equis aut vehiculis & canibus ad venandum, comeatu quoque, omnibus rebus in agro Spartano nascentibus, tanquam suis, vti possit, quod Lycurgi institutum grauitè etiam laudat Xenophon in libello de Rep. Lacedæmoniorum: πρὶν ἔσται δὲ οἰκίτης, &c. Eandem fere & Tarentinæ Reipub. institutionem commemorat Aristoteles infra lib. 6.

Τοῖς δὲ γρηῖται ἡγενοῖς.] Scribendum, γρηῖται ὡς ἡγενοῖς. Sic enim veteres habent libri. Perperam in quibusdam vulgari-
bus libris abest articulus, ὡς. Sic & mox scribendum videtur, ὡς εἰπεῖν, ὡς ἰδοῖς, vel potius inducto εἰπεῖν.

ὑπογεγραμμένον.] Ait, huius communitatis non solidam quidem speciem, sed umbram tamen aliquam fuisse expressam & delineatam: quod Græci translatione à pictoribus sumpta vocant γεγραμμένον, cui contrarium ἀναγεγραμμένον supra lib. 1. Eth. cap. 8. in fin.

T E X T V S.

Præterea ad voluptatem nimium quantum refert proprium aliquid existimare. Neque enim frustra quisque secum ipse amicitiam habet, sed est hoc natura insitum. Esse autem sui amantem iure vituperatur. Sed hoc non est amare se ipsum, verum magis quam oporteat amare, quemadmodum & esse pecuniæ amantem: siquidem omnes fere eiusmodi amant: quin etiam & gratificari, & adiuuare amicos vel hospites vel sodales, res est iucundissima, quæ, propriis bonis, esse nequit.

COM-

C O M M E N T A R I I.

Ἐπὶ δὲ καὶ τοῦτο.] Hoc loco Aristoteles docet, quam insigni bono nos orbet communitas Platonica; nimirum voluptate. Nam ex rerum proprietate magnam existere voluptatem docet duabus rationibus, quarum altera est ab amore sui ducta: nimirum quod sui amor non frustra, sed à natura ipsa homini sit datus, quæ nihil facit frustra. Formula: Si igitur amor sui natura est insitus homini, & propterea voluptate permixtus (nam nobis insita voluptatem coniunctam habent.) Ergo & rerum proprietas est iucunda. Connexi ratio: quia sui amor est tanquam rei propriæ amor & studium, non rei communis: quæ ex re intelligitur, rerum proprietatem & distinctionem cum naturæ esse consentaneam, tum voluptate iunctam: contra communitatem & naturæ aduersari, & voluptatem nobis auferre. Errant igitur, qui rerum communitatem naturalem esse dicunt, aduersus quos grauius Philippus in Scholiis ad hunc locum.

4. *Argum.*
aduersus cō
munitatem
Plat. à bo-
nis, quibus
ea nos spo-
liat.

1. *Connexi*
ratio.

Τὸ δὲ φιλαυτον.] Sui amor, Græce φιλαυτία, est duplex, vnus laudabilis, alter vitiosus: Laudabilis est eorum, qui citra alterius iniuriam se tantum suaque tueri studeant. Vitiosus eorum, qui alijs contemptis sibi omnia vindicent vel debere putent. Prior, inquam, natura est insitus, quia natura sui est conseruatric; neque homines, tanquam stipites aut trunci, cum Stoicis sunt existimandi: alter vitiosus, natura non est insitus, & hic plærunque φιλαυτία dici solet seu amor sui, qua de re diximus supra lib. 9. Eth. cap. 8. vbi item duo φιλαυτίας genera exposuimus. Aristoteles igitur his verbis tacitæ quæstioni occurrit, se non agere de vitioso sui amore, sed de laudabili. Nam φιλαυτος, inquit, non tam sui est amans, quàm plus æquo: quemadmodum diuitiarum amor simpliciter non est vitiosus, sed nimius duntaxat, vt & honoris & cæterarum eiusmodi rerum, gymnasiorum, lusuum, &c. quarum tamen nomina propter nimium studium male plærunque audiunt φιλοζημηγία, φιλοπρία, & hæc φιλαυτία.

Ἀπάντησις

Ἀλλὰ μὲν καὶ τὸ.] Altera est ratio: quia amicos vel hospi- res vel sodales beneficentia iuuare sit res iucundissima. Nam vir bonus magnam ex eo capit voluptatem, si amico vel sodali inopia succurrere possit, quemadmodum & omnium officia virtutum magnam in se continent vo-
lupta-

2. *Connexi*
ratio.

luptatem, supra libro 10. *Ethicor. cap. 2. & 3.* Formula: Amicos iuuare est iucundum. At illud tollit rerum communitas; ergo & hoc.

H' ἐτεροίς.] Sic fere omnes, præter Sepuluedam, qui videtur legisse, ἐτέροις, alijs.

T E X T V S.

Et hæc igitur non accidunt nimis vnam faciētibz ciuitatem, & adhæc tollunt perspicue duarum officia virtutum: qua de vxoribus quidem, temperantiam: est enim præclarum officium, propter temperantiam aliena abstinere: liberalitatis vero, qua de bonis: nam neque cognoscetur liberalis, neque vllam actionem liberalem edet: liberalitatis enim officium in bonorum est vsu.

C O M M E N T A R I I.

5. Argumē-
tum cōmu-
ne aduersus
cōmunita-
tem Plato-
nicam.

Καὶ περὶ τούτοις.] Altera huius capitis parte expositis iam separatim communitatis & vxorum liberorumque & bonorum incommodis, nunc communia quædam afferuntur. Et quidem primo hic incommoda quædam præterea seu mala, nimirum quod hæc communitas virtutum officia duarum tollat: communitas quidem vxorum, temperantiam: quid ita? quia temperantia seu eius officium & munus situm est in abstinendo, non à sua, sed ab aliena: communitas vero bonorum, liberalitatis officium & munus: nam etsi, etiam communibus bonis, animo & voluntate liberalis quis esse potest: non cognoscetur tamen, quod virtutum cognitio seu spectatio non sit ex ἀγαγέτωι quæ cerni nequit, sed ex officijs & operibus, inquit Aristoteles *lib. 1. Ethic. magnor. cap. 20. & Eudem. lib. 2. cap. vlt.* Præterea ne quidem officium liberalitatis vllum præstare poterit, eaque propter non perfecte erit liberalis: quia virtus & habitu & opere perficiatur, supra *lib. 10. Eth.* Atque de his malis præclare & *Lactant. lib. 3. cap. 21.* Nam si iusticia virtutum omnium mater est, cum illa singula tolluntur, ipsa subvertitur. Tulit autem Plato ante omnia frugalitatem, quæ vtique nulla est, vbi proprii nihil habeatur: Tulit abstinentiam, siquidem nullus fuerit qui abstineat alieno: tulit temperantiam, tulit castitatem, quæ

quæ virtutes in utroque sexu sunt maximæ: tulit verecundiam, pudorem, modestiam, &c.

T E X T V S.

Speciosa igitur talis legum scriptio & humana videatur esse: audiens namque, libenter probat, putans admirabilem fore omnibus aduersus omnes amicitiam quandam: maxime si quis & ea, quæ in Rebus publicis nunc sunt, mala accuset, tanquam fiant eo quod bona non sint cõmunia, & lites, inquam, inter se de contractibus, & falsorum testimoniorum iudicia, & diuitum assentationes: quarum rerum nulla fit ex eo, quod non sit communitas, sed ex improbitate: siquidem & cõmunia possidentes & communicantes multo magis dissidere cernimus, quam separatim bona tenentes. Verum paucos ob communitatē dissidentem dissidere cernimus, cum multis comparantes priuatim bona possidentibus.

C O M M E N T A R I I.

Εὐαγγελιστὸς ὁ μὲν.] Ait Aristoteles hanc Reipublicæ Platonice institutionem speciosam esse & videri humanam, magnam in se continere humanitatis speciem. Quid ita? quia promittat finem & interitū discordiarum & simultatum inter ciues: quæ promissio quia est gratiosa & plausibilis, facile vulgo hanc Platonis institutionem homines probaturos & amplexuros ait: maxime si tanquam per contentionem accedat aliquis, qui lites, petiuria, falsa testimonia, & quam turpiter ditioribus sit assentandum, ut ex proprietate bonorum orientia mala ante oculos ponat & exaggeret. Et hac quidem via rebus nouis studentes uti solent periculosissima, ut quadraginta ab hinc annis quidam Mosaicam Iurisdictionem introducere molientes, litium ex Iure Romano pullulantium multitudinem, & pragmaticorum captiones fraudesque exaggerabant: quos præclare refellerunt *Lutherus & Philippus*. Hac eadem usus est Hippodamus Milesius

νεωτεριστής, cuius legem δ'ὀφθαλμον infra cap. 6. vocat; ut Platonis hic δ'ὁ πρῶτος πον.

*Refutatio
seu 1. Solu-
tio.*

Ratio.

2 Obiectio.

Solutio.

*2. Solutio
prima obie-
ctionis.*

Ὡς δ' ἐν γίνεται.] Hanc Platonice legis speciem (de qua ille lib. 5. de legib. τί δ' ἐδίκαστε καὶ ἐγκλήματα, &c.) hic refellit Aristoteles bimembrem bifariam. Nam litium & discordiarum causam non esse rerum proprietatem, sed hominum improbitatem, hoc est, avaritiam, πλεονεξίαν, fraudes, &c. quod confirmari & perspicui ex eo ait: quia cernere liceat non minores esse lites & dissidia inter eos, qui rem aliquam communem teneant, quam qui separatim & priuatim, quin etiam, supra docuit, ex communitate plures lites & dissidia exoriri, quam ex rerum proprietate. Quid ergo, dicet aliquis, cur tamen vulgo plura videntur esse dissidia rerum propriarum, quam communium? Causam affert Aristoteles, ἀλλὰ θεωροῦμεν ὀλίγους, &c. quia præ ijs, qui res priuatim teneant paucissimi sunt qui habeant communes, atque ita paucos cum multis comparantes hallucinamur, existimantes, propterea ex proprietate plura existere dissidia, quam ex communitate.

Ἐπὶ δ' ἐδικαμον.] Altera est Platonice speciei reprehensio, quod Plato proprietatis mala tantum exponeret, bona non item, seu quod idem valet, exponeret tantum, quibus nos malis liberaret communio, prætermisiss quibus nos orbaret bonis. Nam de contentionibus & dissidijs exposuit, de bonis, hoc est, summa voluptate, liberalitate, temperantia, &c. prætermisit: atqui hanc rationem iniustam esse, qua rei cuius mala tantum commemorentur, fideantur bona. Menander quoque agens de matrimonij commodis & incommodis, καὶ δυσχερὴ τε καὶ τὰ λυπησάντα σε ὁρᾷς ἐν αὐτῷ. τὰ δ' ἀγαθὰ σὺν ἐπιβλέπεις, ut est apud Clementem lib. 2. Stromatum extremo.

φαίνεται.] De hoc incommodo diximus supra, cuius generis Aristoteles incommoda sæpe in Platone notat, ut qui Plato multa sæpe præclara reperiatur & dicat, quæ si in usum reuocentur, nequeant consistere. Cuius generis disputationes erant & præterque Stoicorum.

T E X T V S.

Præterea æquum est exponere non tantum quibus rebus carituri sint, quos inter fuerit communitas,

nitas, sed etiam quibus bonis. Videtur autem plane non posse consistere vitam. Causam autem erroris Socrati existimare oportet hypothesein non rectam. Nam quodammodo quidem vnam oportet esse & domum & ciuitatem, sed non omnino. Nam est quidem, quatenus ciuitas non erit progrediens: est vero, quatenus erit quidem, prope vero vt non sit ciuitas, erit ciuitas deterior: quemadmodum & si concentum quis reddat vnus vocis, aut ex rithmo vnam basin. Verum oportet multitudinem, vt supra dictum, disciplina reddere communem & vnam. Atque eum qui disciplinam sit inducturus, & qui existimet hac probam fore ciuitatem, absurdum est talibus existimare id perfici, non moribus, vsu, & præceptis, & legibus: quemadmodum, quæ ad bona pertinent Lacedæmone & in Creta sodalitiis communia fecit legum scriptor.

COMMENTARI.

Αἴτιον δὲ τῆς.] Monuit in *Ethicis* Aristoteles, ad sententiæ nostræ confirmationem magnopere pertinere, si non tantum aduersariorum argumenta refellamus, sed fontem quoque & causam erroris aduersarij aperiamus: id quod hîc sequens Aristoteles docet, Socratici erroris causam esse hypothesein falsam, qua de re dictum & supra initio huius libri, vbi Socratem hoc tanquam fundamenti loco & principij sumpsisse ait; Ciuitatem maxime vnam esse debere. Respondet Aristoteles, ciuitatem quidem & domum quoque vnam & coniunctam esse debere πῶς, sed non ἀπὸ ὧς καὶ πάντας, hoc est, non omnino seu plane, sed quodammodo, nimirum non vt præter corpora nihil sit proprium, sed vt dominia rerum sint distincta, vsus communicetur. Nam alioqui si omnino sit vna ciuitas, alterutrum necesse est effici, vt vel nulla sit ciuitas, vel incommoda, mala & misera. Nulla quidem, si omnino fiat vna, vt supra est explicatum capite primo. Misera

Fons & origo huius erroris de cōmunitate rerū omniū.

Refutatio.

Ratio.

1. Pars,
2. Pars,

M 2

vero,

Ratio eiusdem. vero, si vere sit vna: quia non omnia ad vsus vitæ necessaria peræque sint suppeditatura. Nam, vt ibidem est explicatum, quo quid minus est vnum, est αὐτοπρεσβερον: quod confirmat elegante comparatione ex concentu sumpta, qua vsus est & *Cic. lib. 2. de Rep. apud Augustin. lib. 12. de Ciuit. Dei cap. 21.* Vt in fidibus ac tibijs atque cantu ipso ac vocibus concentus est quidam tenendus ex distinctis sonis, quem immutatum ac discrepantem aures eruditæ ferre non possunt, ijsque concentus ex dissimilimarum vocum moderatione concors tamen efficitur & congruens: sic ex summis & medijs & infimis interiectis ordinibus, vt sonis, moderata ratione ciuitas, consensu dissimilimorum concinit. Et quæ harmonia à Musicis dicitur in cantu, ea est in ciuitate concordia, arctissimum atque optimum omni in Rep. vinculum incolumitatis, quæ sine iustitia nullo pacto esse potest.

ῥυθμός.
βάσις.
ἄριθμός.
πῆξ.

Ἡ τὸν ῥυθμὸν] Quatuor Græcis sunt vocabula valde affinia ῥυθμός, ἀριθμός, βάσις, & πῆξ: ῥυθμός quidem ἀριθμῶ, βάσις vero ποδὶ. Differunt tamen: nam ῥυθμός est pars numeri: βάσις, pars rhythmī, omnes ex pedibus conflati: Latini tamē inopes rhythmum & numerum sæpe confundunt: βάσιν quoque & pedem etiam apud Græcos idem interdum valere putat *Perionius*.

Qua in re una sit efficienda ciuitas.

Ἀλλὰ δὴ πᾶσι] Postquam monuit, ciuitatem aliqua ex parte vnam effici debere; nunc rationem adiungit, disciplinam seu institutionem. Non igitur communitate vel bonorum vel vxorum, sed disciplina coniungendi sunt ciues.

Disciplina quibus in rebus consistat.

Καὶ τὸ γερμένον] Docet, disciplina quibus in rebus consistat: Ait igitur, non in eius generis rebus, quas Plato voluit, vt in communitate; sed in præceptis salubribus, bonis legibus, & vsu seu consuetudine consistere: quod illustrat exemplo duarum præstantissimarum ciuitatum, Spartanæ & Cretensis: nam in his ciuitatibus sodalitates, quæ Græci vocant συσίτια, seu communes comestiones, & conuictus, in vsu fuerūt, quibus bona ciuium velut communicabantur, & in commune ferebantur, non quo bona essent communia, sed communi victu viuentes omnes lere, essent pares, & sua coniungerent. Verum de συσίτιοις & eorum utilitatibus infra laus.

* * *

TEX.

T E X T V S.

Neque vero hoc ipsum ignorare oportet, longo tempore attendendum esse & multis annis, quibus non latuissent, si bene hæc se haberent: fere omnia namque reperta sunt quidem, sed hæc quidem nondum collecta, illis vero non utuntur cognitis.

C O M M E N T A R I I.

Δεῖ δὲ μὴ δῆ.] Argumento à tempore Platonis politiam refellit, cuius generis argumento omnes nouarum & absurdarum rerum auctores, non quidem apodictice, sed populariter refelli possunt. Sic igitur concludit: Omnia, quæ ad ciuitates temperandas & constituendas sunt utilia, iam sunt reperta. At Platonica communitas nemini adhuc in mentem venit. Ergo est nequam. Propositioni hunc in modum occurri potest: Si omnia iam sunt reperta, cur ergo multa sunt præcepta politica, quæ tamen in ciuitatibus non sunt usitata? Respondet Aristoteles, omnia quidem esse iam reperta, sed ex his quædam ignorari, utpote nondum collecta & exposita; vel etiam si nota & iam cognita, repudiata tamen esse & improbata; recte an secus, nihil ad rem. Sic enim hoc ὁ σωὴνται accipio, hoc est, nōdum sunt collecta & proinde ignota. Nam collecta facile cognoscuntur, dispersa non item. Quare velut huic contrarium verbum adiungit, γινώσκοντες. Alij reddunt, non inducta in Rempub. vel in consuetudinem.

6. *Argum.*

à tempore,

quo refellit

communi-

tatem Pla-

tonicam.

Obiectio.

Solutio.

T E X T V S.

Maxime autem perspicuum fiat, si quis Rempub. talem reconstitui videat: neque enim poterit non partiens & separans ipsa ciuitatem efficere: hæc quidem in sodalitates, illa vero in curias & tribus.

C O M M E N T A R I I.

Μάλιστα δ' αὖν.] Alio argumento ab usu & re ipsa sumpto Platonis politiam refellit, ut ἀδύνατον. Nam disputationibus

7. *Argumē-*

tum.

M 3

qui-

CautioPlatonis.

quidem talem Rempubl. aliquatenus informari posse, in usum tamen & vitam minime induci, vbi omnia sint communia, nullæ distinctæ partes, nullæ sodalitates, nullæ tribus, nullæ curiæ, nulli ordines. Et hoc quidem argumentum valde veritus est Plato, qui identidem huic occurrens, negat se laborare debere, an aliqua huiusmodi Resp. esse possit (*lib. 3. 4. 5. de Rep.*) Nam se non tam quid fieri possit, quam quid fieri quam optime debeat, exponere tãquam ideam optimæ Reip. & exemplar.

Μὴ μερίζων αὐτὰ.] Verbo αὐτὰ alij bona, alij aliud intelligunt: Puto referendum ad verbum ἐργαίς: latine reddi non potest commode. Nam quod Græci ἐργον καὶ ἐργαίς dicunt, cui contrarium est λόγος, id latine dicimus re & vsu, non operibus, vt reddidit ad verbum Sepulveda; sententia tamen non difficulter reddi potest, nimirum non posse quem ciuitatem disputatione descriptam in vsu reuocare, quin quæ ad vsu pertinent, hoc est, ipsam ciuitatem vsu constituendam partiatur, partim in tribus, partim in sodalitates.

TEXTVS.

Quare nihil aliud lege cautum sequetur, quam ne custodes agrum colant; quod hodieque Lacedæmonii facere conantur.

COMMENTARI.

Conclusio.

Ὅτι ἐδὲν ἄλλα.] Clausula est & conclusio prioris vniuersæ disputationis, de hac politia & ratione legum Platonica: nihil ea effici eorum quæ Plato putauit, concordiam & amicitiam ciuium inter se, & ciuitatis coniunctionem: adeo quidem, vt si hac lege quidquam efficiatur, certe nihil efficiatur aliud, quam vt ne Principes ciuitatis agros colant. Id vnũ, inquit, ratio legum Platonica præstat & efficit: propterea quod Principes ab agricolis & reliquis ciuibz ita disiunxerunt, vt vni tantum Reip. administrandæ vacarent, rebus alijs omnibus relictis. At huius rei causa non erat opus noua hac communitate. Nam etiam rebus distinctis tamen institui potest eadem ratio, vt ciuitatis Principes ab agris colendis se abstineant, quemadmodum & ea ætate Lacedæmonios factitare cœpisse ait, qui agricultura Helotis & seruis per-

uis permiffa, ipfi vel bellum gererent, vel Rempub. curarent,
& Romani poſtea, teſte Salluſtio.

T E X T V S.

Verum neque forma totius Reip. quæ ſit futura communitate vtentibus, neque explicauit Socrates, neque facile eſt explicatu. Atque ciuitatis multitudo fere conſtat ex aliorum multitudine ciuium, de quibus nihil eſt definitum, vtrum & agricolis bona eſſe communia oporteat, an ſingulatim propria: præterea & vxores & liberos, proprios an communes. Nam ſi omnia inter omnes eodem modo erunt communia: qua re illi ab his cuſtodibus different: aut quid ex illis, qui magiſtratum gerent, habituri ſunt præcipui, aut qua re adducti magiſtratum gerent, niſi ſi tale quid excogitent, quale Cretes. Nam illi, aliis iſdem ſeruis permiſſis, tantum interdixerunt gymnafiis, ſeu exercitationibus & armorum uſu: Si vero, vt in aliis vrbibus, talia quoque apud illos erunt, quæ communitatis erit forma? In vna namque ciuitate duas ciuitates ineſſe neceſſe eſt, eaſque inter ſe ſubcontrarias. Nam cuſtodes quidem facit tanquam præſidia, agricolas vero & opifices, & alios, ciues. Querelæ autem & lites, quæque alia ciuitatibus mala ineſſe ait, omnia inerunt & his.

C O M M E N T A R I I.

Ὅτι μὴ ἀλλ' ἑτέρα] Poſſet hæc eſſe tertia huius capitis pars, II.
ſeu potius proximæ quædam particula, qua Ariſtoteles alia Aliud quod
quædam mala & incommoda nouæ eius Reipublicæ reſel- dam incō-
lit. Et primo quidem hoc reprehendit, quod Plato non ſatis modū Reip.
accu- Plat.

accurate & dilucide, neque satis particulatim totam suæ Reipublicæ formam descripserit. Solet sæpenumero Plato quædam mouere, sed ad exitum non perducere, & confuse quædam tantum explicare: quod Platonis peccatum sæpe notat in eo Aristoteles. Sic igitur & hoc loco Platonem accusat, qui suæ formam Reipublicæ non satis accurate pertractarit: etsi Plato *initio libri quarti de Republica*, ait ipse velle se id facere accuratissime, eodem vsus verbo, *περί-πο*.

Καὶ τοι γὰρ δὲν.] Docet continuo, qua in re manca sit Platonis politia, nimirum quod de principibus tantum seu custodibus explicarit, de reliquis ciuibus non item, agricolis, opificibus, &c. quorum tamen multitudo maxima sit pars ciuitatis. Et certè Plato de Principum tantum communitate & disciplina explicat: de aliis, an & ea liberorum, vxorum, & bonorum communitas his inter se esse debeat, nec ne, verbum tota politia nullum.

Ne inter pri-
uatos quidē
ciues Plato-
nica cōmu-
nitas locum
habere po-
test.

Εἰ μὲν γὰρ δὲν.] Aristoteles nihilominus ipse exquirat, an communitas hæc inter reliquos ciues esse debeat nec ne; atque docet, vtrumlibet dicas, esse incommodum. Nam siue & inter hos communitatem admittas, vt inter Principes; hoc sequetur incommodi, vt Principes præter alios nihil habeant præcipui, cum omnia, tam Principum quam aliorum sint communia. Quod si Principes nihil habent præcipui, hoc est, nulla præter alios præmia: profecto nihil erit, cur magistratum capere & gerere velint, magnis molestijs & laboribus iunctum: nisi forte talia quædam excogitentur adiumenta & præmia Principibus, quæ alia liberis apud Cretes. Nam apud hos & opificia & sodalitates & alia id genus etiam seruis cum liberis fuerunt communia præter gymnasia & armorum vsum: quemadmodum & Athenis gymnasia quidem etiam seruis erant communia sine vnctione tamen. *Cicero lib. 2. de legib.*

Quare nisi, si huius generis quædam reperiantur Principibus præcipua, tanquam præmiorum loco; efficietur, vt nemo magistratum capere vel gerere velit: quod graue esse incommodum & malum, perspicuum est. Contra si more aliarum ciuitatum proprietatem in reliquis ciuibus probes, in principibus tantum admissa communitate: iam non minor erit difficultas. Nam sequetur, vt in vna ciuitate
sint

sint quodammodo duæ, hæque sibi contrariæ, vna principum, altera opificum & reliquorum : ita vt principes huius ciuitatis vix sint ciues, sed fere peregrini, tanquam præsidia huic ciuitati imposita, cæteri verius sint ciues, qui illos tanquam præsidia alant, & necessaria suppeditent. Nam hoc Plato voluit, principes, tanquam propugnatores & præsidarios milites, ciuitatem tueri, nulli alii rei intentos. Hoc autem magnum esse incommodum, vt ita distracta sit ciuitas, ex eo est perspicuum, quod plurima dissidia & contentiones hinc nasci oportet, vt vere sit inter ciues & præsidarios milites, & hoc est quod ait, ἐγκαλέμαται δὲ, &c.

Ἡτοιμαθόντες.] Scribendum παθόντες, vt habent veteres libri, teste Sepulveda, hoc est, aut qua re affecti seu inducti, quo primo commoti.

T E X T V S.

Atqui ait Socrates, propter disciplinam non multis opus fore legibus, vt de rebus vrbis & forensibus, & id genus aliis, qui disciplinam custodibus tradiderunt.

C O M M E N T A R I I.

Καὶ τοι λέγει.] Aliud Platonis institutum & consilium reprehendit, docēs & hac re mancam esse eius Rempub. Nam *Plato lib. 4. de Repub.* multis verbis, νομοθέτῳ δὲ ταῦτα, &c. *sphalma* contendit in sua hac Rep. leges de contractibus (quas vocant ἀγορανομικὰς, quasi forenses, easque partim ἀστυνομικὰς, in vrbe, partim ἐκκλησιαστικὰς in portu Piræo : & hoc est, quod hic ait, καὶ τῶν ἄλλων τῶν ποιεῖται. has igitur leges non esse necessarias, de quibus tamen in aliis ciuitatibus plurimum laboretur. Ratio autem Platonis indicatur hîc ab Aristotele, *ἀλλὰ Ratio Platonis.* τῶν παιδείαν, & aliquoties iteratur à Platone. ἐκ τῆς παιδείας, *tonis.* &c. ἀλλ' ὅτι ἀξίον ἔφη, &c. hæc nimirum, quia bonis & bene educatis non inultæ necessariae sint leges : qua de re supra *lib. ult. Ethic. cap. ult.* Aristoteles hanc rationem facile admitteret vt idoneam, si omnes ciues attingeret in ciuitate *Responsio Aristot.* Platonis. At Plato principum institutionem commemorat, neglectis aliis ciuibus, *libro secundo extremo. de Republic. & lib. 3.* Quare ciuitas Platonis manca est & imparata

cum à legibus rerum contrahendarum, tum ab institutione reliquorum ciuium.

T E X T V S.

Præterea bonorū dominos facit agricolas veltigal pensitantes. At verisimile est, multo grauiorē & elatiore spiritu esse, quam apud quosdam & Helotæ & Penestæ & seruitia.

C O M M E N T A R I I.

I V.
Aliud er-
ratū Pla-
tonis.

Ratio re-
prehensio-
nis.

Ἐπὶ δὲ κυρίως.] Aliud consilium Platonis reprehendit. Nam Plato bona omnia agricolarum esse voluit, nulla principum: hoc tantum concessit, vt agricolæ annua velut pensione & stipendio principes alerent. Sic enim ait *lib. 3. extremo. ταῖς ἀμύμναις παρὰ τῶν ἄλλων πολιτῶν*, &c. vbi μισθὸν vocat quod hic Arist. ἀποφορὰν & initio *lib. 4.* Cur autem Arist. hoc reprehendat, hæc est ratio: quia ex eo magna efficiatur insolentia & superbia cæterorum ciuium: solent namque diuitiæ homines reddere insolentes & iminorigeros. Ex hoc igitur Platonis consilio graue hoc malum consequetur, adeo quidem vt agricolæ in ciuitate Platonis superbiores sint futuri & insolentiores, quam vel Helotæ apud Lacedæmonios, vel Penestæ apud Thessalos, vel serui apud alios, vt Athenienses, vbi maxima olim fuit seruorum insolentia, teste Xenoph. in *lib. de Repub. Athen. Demosth. in 3. Philip.*

T E X T V S.

Verum hæcne peræque sint necessaria, an non, nunc quidem nihil est explicatum, quanquam his sunt coniuncta, quæ Reipublicæ horum sit ratio & disciplina, & quæ leges: neque autem facile est reperire, neque parui refert ad conseruandam custodum communitatem, quemadmodum hi sint affecti.

C O M M E N T A R I I.

Ἀλλὰ δὲ τί.] Paulo obscurior est hic locus, maxime quid verbo *παντὶ* sit intelligendum: & variant interpretes: alii namque communitatem vxorum & bonorum accipiunt: alii,

ut Sepulveda, mala quædam & incommoda, quasi dicat, Aristot. non satis distincte à Platone esse explicatum, an hæc proxima incommoda peræque manent ex lege Platonis atque superiora : quam explanationem plane vitiosam esse puto. Certum est, totum hunc locum esse non de principibus, sed de reliquis ciuibus, qui & intelliguntur verbo τῶν & τῶν : verior est igitur prior explanatio. Nam docet Aristoteles, Platonem omnia fere, quæ de reliquis ciuibus sint explicanda, prætermisisse, non tantum de communitate, ut supra est dictum, an ea ut inter principes, ita & inter reliquos sit necessaria : sed alia quoque, quæ reliquorum ciuium sit disciplina, quæ leges, quæ sodalitates, qui magistratus, &c. Hoc igitur aliud est Platonis peccatum. Et ne quis putet, parum momenti positum in reliquorum ciuium institutione, aut etiam rem esse facilem, eaque propter Platonem id omisisse, adiungit ἡ δὲ πόλις ὅλην ἵκνται, &c. Nam magni referre ait, ut & reliqui ciues recte instituantur, nimirum ad conseruandam principum communitatem ; non parui, inquam, refert, quemadmodum reliqui sint morati & animati ad facile parendum & non detrectandum imperium principum.

V.

*Aliud ex-
ratū Pla-
tonis.*

T E X T V S.

Sed enim si vxores quidem faciat communes, bona vero propria : quis domum curabit, ut rem rusticam earum viri. Atque si communia sint bona ; & vxores agricolarum.

C O M M E N T A R I I.

[*Ἀλλὰ μὴ.*] Aliud incommodum communitatis agricolarum (nam de his adhuc agitur) exponit, negligentiam rei domesticæ seu domus, cuius cura est vxorum & mulierum, ut agricultura virorum. Huius autem incommodi causa ex prioribus est nota, vbi explicatum, sua & propria curari, communia negligi. At, communibus vxoribus, fit, ut nulla certam aut suam domum habeat, sed omnes omnium sint cōmunes : quare efficitur, vtnulla sit, quæ domus curam gerat. neque ad rem facit, siue bona sint propria, siue communia, modo vxores sint communes. Communitas enim vxorum non, non bonorum, hanc negligentiam parit.

*Aliud in-
commodum
communi-
tatis vxor-
um quo ad
agricolas.*

T E X.

T E X T V S.

Absurdum autem & hoc comparatione de beluis facta eadem studere meliores quæ viros oportere, quibus res domestica minime est curæ.

C O M M E N T A R I I.

VI.
Aliud erratū Platonis.

Refutatio.

Ἀπορον δὲ.] Aliud Platonis peccatum & quidem gravissimum, officiorum confusio, hîc refellitur. Nam *Plato lib. 5. de Repub.* multis verbis docere conatur, eadem fœminarum officia & studia esse debere quæ virorum, nimirum fœminas non tantum domum curare, sed Rempublicam quoque & magistratū gerere, & militare & in palæstris se exercere, &c. quam suam valde nouam & inusitatam sententiam similitudine, vt solet, confirmavit à beluis, & canibus pecuariis sumpta, quibus custodes seu principes similes facit. Vt igitur canes pecuarii non tantum mares, sed fœminæ quoque lupos & maleficas bestias à gregibus defendunt: ita & in Republica existimavit easdem debere esse partes mulierū, quæ sint virorum. quam Platonis rationem certe leuem & infirmam refellit hîc Aristoteles. Nam aliam esse beluarum, aliam hominum esse rationem: quod beluis nulla sit cura rei domesticæ, eam non sentiant neque intelligant, hominibus vero eam esse notum est: quare merito mulieres domi desiderare & curare, non vagari aut foris curare, rationi est consentaneum. Hanc Platonis similitudinem exagitat & *Laëtant. lib. 3. cap. 21. in fi.* vbi de Socrate. Et quia videbat, in cæteris animalibus officia marium, fœminarumq; non esse diuisa; existimavit oportere etiam mulieres militare, & publicis consiliis interesse, & magistratus gerere, & imperia suscipere; itaque his armâ & equos assignauit: consequens est vt lanam & telam viris & infantium gestationes tribuat.

T E X T V S.

Periculi autem est plenum, magistratus, vt constituit Socrates: nam semper eosdem facit magistratus, quæ causa fit seditionis etiam apud contemptos, nedum apud animosos & bellicosos homines.

mines. Eosdē autem magistratus necessario eum facere est perspicuum: neq; enim nunc his, nunc aliis admixtū est animis aurum à Deo, sed iisdem semper: ait autem, his quidem, statim atque sunt nati, aurum admiscuisse, illis vero argentum, æs deniq; & ferrum futuris opificibus & agricolis.

C O M M E N T A R I I.

Ἐπισφαλές.] Aliud Platonis peccatum, Magistratum perpetuitas, hic reprehenditur. Est autem insignis hic locus de Magistratum perpetuitate, vtrum præstet perpetuosne esse magistratus, an annuos vel ad tempus, de quo & hoc libro & alibi sæpius infra. Hoc loco Aristoteles magistratū perpetuitatem docet esse rem perniciosam hac ratione: quia seditionum sit causa: adeo quidem vt propter hanc rem non tantum magno animo præditi & bellicosi, sed etiam viliores ad seditionem concitentur, indigne ferentes, eosdem semper magistratibus præesse, præmiaque etiam secum nunquam communicari. Formula: Qui perpetuos facit magistratus, peccat, quia seditionis seminarium instituit. At Plato perpetuos facit magistratus: Ergo peccat. De assumptione ita explicat, ὅτι δὲ ἀναγκαῖον, &c. quasi dicat, scio, Platonem hoc non dicere nominatim, neque constituere magistratus perpetuos; directo, inquam, non facit perpetuos, sed per consequentias: nusquam id expressit, sed ex aliis eius institutis id necessario consequitur. Nam *Plato lib. 3 de Repub.* Hesiodum, vt ipse ait *in libris de Legibus*, imitatus, tria facit hominum genera: quorum primo, statim ab ortu, Deum aurum instillare, cuius generis principes esse vult: secundo argentum, cuius generis adiutores: tertio æs & ferrum, cuius generis reliquos ciues, opifices, mercatores & agricolas. Cuius fabulæ de seculis, aureo, argenteo, &c. animis hominum accommodatæ à Platone vis & potestas hæc est, alios aliis meliore esse indole & ingenio natos: iam quia hæc ingeniorum distinctio seu aurei & argentei diuisio non mutatur, eademque manet, quæ à primo ortu fuit cœpta (neque enim datum vni aurum aliquot post annis illi ademptum ad alium transfertur:) efficitur eosdem semper principes & magistratus manere debere.

VII.

*Erratum
Socratis.*

*Cap. 1. huius
2 libri
& libr. 5.
cap. 8.*

ἀπάντησις,

TEXTVS.

Præterea tollens custodum vitam beatam, ait legum scriptorem totam ciuitatem beatam efficere debere. Fieri autem nequit, vt tota sit beata, si non pleræque, nedum omnes, partes, vel quædam beata vita fruuntur. Neque enim eadem est ratio vitæ beatæ, quæ numeri paris. Nam hic quidem totus esse potest, vt partium sit neutra, de beata vita autem non potest: atque adeo si custodes non sunt beati, qui alii? Neque enim opifices certe & fordida multitudo. Itaque Respub. quidem, de qua Socrates differit, & hæc habet incommoda & alia non his minora.

COMMENTARI.

VIII.
Erratum
Socratis.

Ἐν δὲ τῇ πλὴν.] Aliud vitium & peccatum Platonis hinc refellit, quod & ipse Plato sentiens ei occurrere conatus est ipse & initio lib. 4. & lib. 5. μέμνηται δὲ, &c. Nam Platonis hoc fuit consilium; Rectores Rerumpublicarum beatitudinem quidem efficere debere, non tamen vni parti seu ordini, vt vel principum vel opificum, sed toti corpori; quod Platonis præceptum vt aureum valde commendat Cic. in Offic. lib. 1. Omnino qui Reipub. &c. Quod vt fundamentum secutus Plato, neque operam dedit, vt principes, neque vt agricolæ, aut alii per se & separatim sint beati, rebusque omnibus affluant instar beatorum. Nam, vt & supra diximus, principes victu necessario contentos esse voluit, nullas diuitias vel magnificas domus habere: Aristoteles absurdum hoc esse docet vt totum quidem sit beatum, cuius tamen nullæ partes sint beatæ: quod explanat eleganter dissimilitudine ciuitatis & numeri paris. Par numerus is est, inquit Euclides Element. 7. qui bifariam, idque æqualiter, separari potest: cui quidem hoc accidere potest, vt totus quidem sit par, partes vero eius sint impares, vt sex par est numerus: cuius duæ partes bis ter, neutra tamen sit par. Alia est ciuitatis ratio, cuius si non omnes saltem pleræq; aut quædam potiores, vt principum, sint beatæ, tota quoque beata esse nequit. Nam, quod

Refutatio.

Dissimilitudo.

quod infra explicabitur & sæpe iterat ipse Plato, ex ipsorum *Ratio refu-*
ratione ciuium diiudicatur & ipsa ciuitas. *tationis.*

C A P V T I V.

DVQ Reipublicæ genera descripsit & instituit Plato: v-
num *in libris 10. de Repub* alterum *in libris 12. de Legibus*,
indicauit & tertiū *in secunda ad amicos Dionis epistola*, quæ
tamen quia verius indicatur quam describitur, non est in nu-
mero. Ex illis duabus igitur prior, vt optima & verissima & *1. Genus*
tanquam idea, qua Dii fortasse vtuntur, inquit *lib. 5. de legib.* *Reipub. So-*
est proposita, quam Aristoteles primam vocat, & in quam *cratica.*
hactenus disseruit. Alteram, *in libris de legibus* descriptam, *2. Genus*
priori bonitate & laude proximam, Aristoteles vocat secun- *Reipub. So-*
dam, & in hanc differit hoc capite, expositis eius vitiis & in- *cratica.*
commodis. Miror *Ciceronem lib. 2. de legib.* de Platone loqui,
tanquam qui vnum duntaxat Reipublicæ genus descripserit
in libris de Repub. eique postea *in libris de legib.* suas quoq; le-
ges accommodarit, cuius Platonis exemplo se quoque de
optima Reipub. prius scripsisse, postea & leges ei scribere &
accommodare velle.

T E X T V S.

Legum vero posterius scriptarum eadem fere
est ratio: quare & quæ in his sit Respub. melius est
paucis videre. Nam in Reipub. de paucis omnino
Socrates explicauit, de communitate & vxorum
& liberorum & bonorū, quomodo se habere de-
beat, & de Reipub. descriptione. Nam inquilino-
rum multitudinem in duas tribuit partes: vnam
quidem agricolarum, alteram vero pugnantium
partem; tertiam denique ex his consilantium &
ciuitatis imperium tenentium. De agricolis au-
tem & opificibus, vtrum nullius, an alicuius ma-
gistratus participes sint, & vtrum & hos arma ha-
bere oporteat, vnaq; bellum gerere, nec ne: de his
nihil explicauit Socrates. Sed mulieres quidem
putat

putat oportere bellum vna gerere, & huius custodes disciplinæ esse participes: reliquam vero disputationem externis rebus compleuit, & de disciplina custodum, qualis esse debeat.

COMMENTARIIL

*Ratio, cur
de 2. quoq;
Plat. Rep.
agat.
Lib. 10. de
Repub.
Platonis
argum.*

Σχεδὸν δὲ παραπλησίως.] Reddit initio rationem, cur & in secundam Platonis Rempubl. differat, hanc: quia vt primæ item & secundæ sua sint vitia & incommoda,

Καὶ γὰρ ἐν τῇ πολιτείᾳ.] Exponit breuissime summam omnium fere earum rerum, quas Plato in libris 10. de Republ. est complexus. Ait igitur, valde pauca eorum, quæ ad Rempub. recte describendam sint necessaria, Platonem explicasse: quod idem & supra reprehendit. Nam de principum quidem disciplina, de vxorum, liberorum, & bonorum communitate, de mulierum quoque disciplina & studiis iisdem plane quæ sunt virorum, copiose disputasse: de reliquis vero ciuibus, de eorum, inquam, disciplina & studiis, an & hi bellum quoque gerere & magistratum capere possint, prorsus prætermisisse: qui tamen rebus externis, & ad Rempub. aut eius descriptionem parum pertinentibus, libros aliquot referferit: quod vitium & peccatum sua omittentium & aliena infercientium ipse tamen Plato grauitè monet cauendum in libris de legib. Nam vt summam 10. librorum de Rempub. faciamus, duobus primis libris de iustitia & iustitiæ bonis & utilitatibus, & contra malis inter se comparandis differit: extremo lib. 2. 3. 4. 5. his, inquam, solis de Reipub. descriptione explicat: lib. 7. de philosophia, eiusque partibus & de ideis: lib. 8. 9. de causis mutandarum Rerumpub. lib. 10. denique de poetis vrbe pellendis, & de iustitiæ recteque factorum præmiis: vbi & nonnihil de animæ immortalitate.

*Omissa à
Platone, &
commissum
peccatum
contra reg.
methodi.*

*Argumen-
ta librorū
Platonis de
Repub.*

*Platonis
diuisio.
Ciues sunt
aut princi-
pes, aut ad-
iutores, aut
arscutores.
res.*

Διαρρίπτει γὰρ ἐν δύο μέρη.] Ciues seu inquilinos omnes Plato lib. 2. in fi. & lib. 4. in 3. partes tribuit, id est, tria facit ciuium genera; principum seu rectorum Reipub. & magistratum; adiutorum seu militum & propugnatorum; reliquorum denique ciuium, opificum, mercatorum, agricolarum: quorum primis aurum, secundis argentum, tertiis æs & ferum tribuit. Plato vocat hæc tria genera, βελόπῃον, ἐπικεραικόν, & ἑρμυπῃον.

T E X T V S.

Legum autem maxima quidem pars sunt leges, pauca vero de Repub. explicauit, & hanc cōmunio-rem volens facere ciuitatibus, rursus pene detorquet ad alteram Rempub. Nam excepta vxorum & bonorū communitate alia vtriq; Reipublicæ tribuit eadem. Nam & eandem disciplinam & necessariis vt operibus se abstineat & de sodalitatibus similiter, præter quod in hac etiam mulierum sodalitates esse oportere ait, & huius quidem mille arma habentes, illius vero decem millia.

C O M M E N T A R I I.

Τῶν δὲ νόμων τὸ τε πλεῖστον μέρος.] Expositis summam de *Libr. de ll. libris de Repub.* & iis, de quibus ibi explicauit Socrates, & de *summa*, quibus non: nunc de opere de legib. item summam explicat, quæ in eo differantur. Nam cum duo fere sint summa capita in ciuitatibus spectanda, Reipublicæ forma seu descriptio, & legum constitutio: Plato *libros de legib.* omnes fere legibus constituendis consumpsit; de altero capite, de Repub. id est, ciuitatis descriptione, per pauca exponit. Nam 4. libris primis de Repub. reliquis octo de legibus explicauit, atq; adeo 4. primis multa de officio rectoris Reipub. de Musica, Gymnastica, & maxime de disciplina explicauit. Multa igitur de legibus in hoc opere, pauca de Repub. contra in libris de Republica, nihil de legibus, pleraque de Republica explicauit.

Καὶ ταύτῃ βελόμην κρινοτέραν.] Attingitur locus *Platonis libr. 5. de legib.* & μὴ ἀλλὰ ἀναλογίζομαι. vbi ait Plato *quod Plato Remp. suam optimam in libris de Repub. explicatam apud inter utrū- homines vix ac ne vix quidem, apud Deos fortasse reperi- que genus ri: eam vero quam in iis libris de legib. instituat, etsi illi pro- suarū Re- ximam, tamē facilius inter homines reperiri aut recipi pos- rum publ. se. Et hoc est, quod ait hic Aristoteles, Platonem secundam statuit.* Rempubl. voluisse facere communio-rem ciuitatibus, id est, qua plures ciuitates faciliusque vtantur. Quod Platonis *Reprehen- sio Aristo-*

N

confi.

tel. seu col-
latio utri-
usq; Plato-
nica Reip.

consilium & voluntatem suis ipsum rationibus & institutis
postea euertere hîc ait Aristoteles, quod paulatim hanc se-
cundam conuertat in primam & quasi faciat eandem.

Ἐξὼ γὰρ τῆς τῶν γυναικῶν.] Docet, quemadmodum paula-
tim secundam detorqueat & redigat ad primam, quo co-
gnosceretur similitudo & dissimilitudo harum Rerumpublic.
Nam paucis exceptis primæ Reipub. instituta omnia & se-
cundæ attribuit & accommodat: excepta sunt communi-
tas & vxorum liberorumque & bonorum. Nam in secunda
Republica hanc cōmunitatem non probat; in exceptis sunt,
quæ & paulo infra de sodalitatibus, & de ciuium numero
explicabuntur. Reliqua sunt eadem, quæ hîc commemo-
rantur tria. Primo disciplina, quam eandem & hîc, vt & stu-
dia virorum & mulierum esse vult, de qua *lib. 2. 3. & lib. 7. de
legib.* Secundo, principes ciues ab opificum & sordidis arti-
bus immunes & liberos esse debere: qua de re *libr. 2. in fin.
& lib. 3. de Repub.* Tertio, de sodalitatibus. Nam & virorum
& mulierum esse debere sodalitates; vt est *lib. 7. de legib. & 5.
de Repub.* hac tamen in re differentia est, quod in prima Re-
pub. virorum & mulierum sodalitates easdem esse vult, ea-
dem eos vti mensa: in secunda vero alias sodalitates, & alia
mensa vti viros, alia fœminas, pueros & propinquos.

Καὶ πλὴν μὲν χιλίων.] Et hæc est differentia primæ & se-
cundæ Reipub. Nam in prima mille tantum esse, qui arma
teneant, in secunda quinque millia. Nam Plato *lib. 4. de Re-
pub.* non quidem ita definite 1000. milites expressit: sed ta-
men ait ad optimam Rempub. mille esse satis: at *lib. 6. de le-
gib.* 5000. & 40. requirit, numerū videlicet rationi tribuum
12. secundæ Reipub. congruentem Aristot. maiorem nume-
rum, minore vt parui momenti prætermisso, solum nomi-
nauit.

T E X T V S.

Itaq; eximium quidem habent omnes Socratis
disputationes, & elegans, & nouum, & ad quæren-
dum accommodatum: recte vero omnia, fortasse
est difficile. Siquidem & modo expositam multi-
tudinem non est ignorandum opus his fore agro
Babylonio, aut quo alio multitudine intermi-
nata.

nata, vnde quinque millia otiosorum alantur, & cum his innumerabilis alia turba mulierum & famulorum. Quare supponendum quidem ex voto, nihil tamen quod fieri nequeat.

C O M M E N T A R I I.

Τὸ μὲν ἐν περὶ τῶν.] Insignis hic est locus, quo Aristoteles *Iudicium*
suum affert iudicium de omnibus sermonibus & disputa- *Aristotelis*
tionibus Platonis. Nam in his multa quidem eximia, multa *de omnibus*
elegantē & ornatē dicta, multa quoque noua, & ad qua- *libris Pla-*
rendum proposita reperiri ait: Sed verendum, ne non omnia *tonis.*
recta & vera, id est, multa quoq; falsa & praua: de eximiis, *1. Eximia,*
quæ Græci elegantē vocant περὶ τὰ, res est certa: de ele- *2. Elegan-*
gantibus item est notum, quam curam Plato suis scriptis ex- *tia.*
poliendis adhibuerit; adeo quidem, vt ea peccinare dicere-
tur, & ipse sua, vt vrsus catulos, lambendo informare se di-
ceret: de nouitatis studio & hoc certum est. Nam & ipse Pla- *3. Noua.*
to interdū hos de se sermones metuens ait, se non καὶ καὶ νοτο-
μίαις ἐνέχει, nouitatis studio, hoc vel illud afferre, *vt lib. 4. de*
legib. τὰς δὲ ἀπὸ πρῶτης. Et certe in omni fere parte philosophiæ
plurima nouauit Plato tam in physicis, quam in politicis.
Multa denique in libris Platonis sunt ζητητὰ, ad quaeren- *4. Ζητητὰ*
dum proposita, non tamen explicata: multa, inquam, sæpe *καὶ.*
mouentur & exquiruntur, non tamen perfecte explicantur,
vt in Menone de virtute, de scientia. Falsa deniq; in iis quam *5. Falsa.*
multa reperiantur, quæ Aristoteles tam in Phisicis quam in
Politicis diligenter explicauit.

Ἐπὶ καὶ τὸ νῦν.] Quod modo dixit, multa fortasse non sa- *Exemplū,*
tis recte in Dialogis Platonis explicari, eius rei continuo af-
fert exemplum, id quod paulo supra iam attigerat, de nu-
mero militum. Nam hunc nimium esse docet hac ratione:
quia nulla satis magna regio aut vix reperiri possit tantæ ho-
minum otiosorum, id est, nulla arte se alia quam stipendio
ruentium, multitudini alendæ idonea; præsertim si attendas
& aliam inutilem seruorum & mulierum turbam, militum
sociam & comitem: opus, inquit, huic multitudini alendæ
sit vel agro Babylonio, quem constat immensum fuisse, to-
rum Assyriæ regnum complectentem. Atque ita ex ciuitate
hac multitudine venit ad regnū potius & gentem, quam

ad vnam ciuitatem. Cæterum de magnitudine agri & regione, infra latius *lib. 7. cap. 5.*

Cautio, seu Δεῖ μὲν γὰρ.] Elegans est & prudens cautio; præclara quidem
mea sententia maior. & eximia, & votis digna ponenda & constituenda esse, quæ
 modo fieri possint. quam cautionem & infra iterat *lib. 7. capit. 4.* δὲ ποτὶς, &c. alioqui multa quidem præclara & votis
Forma. digna ponere, sed quæ fieri nequeât, est optare potius quam
Quicumque disputare, inquit *Cic. in libello de Fato.* Plato quoque *lib. 6. de*
politicus po Repub. rideri dignos esse ait, qui οὐχ οὐκ ὅτις ὅτις tantum affe-
nit præcla- rant, ad quod dicendi genus elegantissimum eleganter hic
ra quidem, alludit Aristoteles.

sed ad vna-
ta: is est vi-
tuperandus.

Plato ponit
italia. Ergo.

T E X T V S.

Dicitur autem, oportere legum scriptorē scribendis legibus ad duo spectare; & ad regionem, & ad homines: hoc amplius, rectum sit adiungere & ad vicina loca si ciuitatem oporteat vitam viuere ciuilem. Neq; enim necesse solum est, eam talibus vti ad bellum armis, quæ in propria regione sint utilia, sed in externis quoque locis. Quod si quis talem vitam non probet, neq; priuatam, neque ciuitatis communem: nihilo tamen minus oportet esse hostibus formidolosos, non venientibus tantum in regionem, sed abeuntibus quoque.

C O M M E N T A R I I.

II.

Peccatum
Socr. in li-
bris de le-
gibus.

Λέγεται δὲ.] Aliud Platonis peccatum in libris de legibus iam reprehendit: qui ciuitatem suam ab externis & hostibus non satis tutam præstiterit. Nam cum duo sint summa capita, in quibus tanquam in materia officium & omnis opera boni legum scriptoris consumatur & versetur; magnitudo regionis seu agri, & multitudo ac bonitas ciuium seu regio & homines: de quibus & infra eleganter *lib. 7. cap. 4. in princ.* & *Plato lib. 5. de legib.* Eaque propter Plato in utroq; hoc ca-

Exteriorum
quoq; ratio
habenda est
politico.

pite si elaboraret, boni officium legum scriptoris facere se arbitraretur, nulla aut exigua vicinorum aut hostium habitatio ratione: Aristoteles hoc, vt mancum, reprehendens, ait, & vicinorum rationem esse habendam, & hoc esse velut tertium

tium caput aut certe particulam insignem capitis de regione. Vicinorum igitur locorum rationem quoque habendam esse siue ciuitati vita ciuilis sit necessaria, siue non, ostendit.

Vitam ciuilē vocat, vt & infra *πανπληγὸν* in rebus humanis & *Vita vel* actionibus positam, in negotiando, in bello gerēdo, &c. Cui *ciuilis, vel* contraria est philosophorum vita, suis tantum rebus & pau- *philosophi-* cis contenta, quæque se intra suos fines contineat. Siue igi- *ca.* tur talem ciuitatem esse velimus, quæ & hoc vitæ genere v-

tatur: perspicue quoque vicinorum habenda est ratio locorum; nimirum vt ciues talia habeant arma, quibus non sua tantum tueantur, sed vicina quoque data occasione inuade-

re & occupare possint. Verum hoc vitæ genus etiam aliena *Diuerſa* occupandi aut inuadendi sunt qui non probent, in quibus & *authorum* Plato fuisse videtur, qui nolit neque ipsam Rempub. neque *sententia* singulos ciues extra patriam bellum gerere, sed hoc agat, vt *de bello a-* patriam ab externis modo iniuriis liberam præstet: & tamen *lis infe-* etiam huic ciuitati eam vitam non probanti necessario ni- *rendo.*

hilominus esse vicinorum habendam rationem docet Aristoteles, & fatetur quoq; Plato, sed dissimiliter. Nam Plato satis esse ait, si ita armis instructi sint ciues, vt hostes inuadentes propulsare possint. Aristoteles etiam abeuntibus formidolosos esse vult, id est, vt hostes et qui iam agros vastarint, & prædas agant, tandemque discedere moliantur, vt, inquam, in ipso discessu meruant, ne à tergo à popularibus opprimantur. Quod autem in Platone reprehendit, idem & multo grauius infra *cap. 5.* in Phalea accusat, qui nullam prorsus exterorum rationem habuerit. Sed de hac quoque re infra *lib. 7.* latius.

T E X T V S.

Atq; bonorum multitudinem videndum est, an nō præstetaliter definire, hoc est, planius. Nam tantam oportere esse, ait, vt viuāt frugaliter, quasi quis dicat, vt viuant bene: hoc enim est magis generale. Præterea frugaliter quidem licet viuere, sed ærumnose. Verum melior terminus, frugaliter & liberaliter. Nam separatim vtrumque hoc quidem luxuriæ, illud vero laboriosæ vitæ consequetur.

quetur. Siquidem hi habitus soli sunt qui in usu bonorum reperiantur, ut bonis leniter aut fortiter uti non licet, frugaliter vero & liberaliter licet. Quare & usus hos in iis esse necesse est.

COMMENTARI.

III.

Peccatum
Platonis.

σωφρόνως.

Refutatio.

Ratio.

Verus agri
modus.

Ratio.

Καὶ τὸ πᾶσι.] Aliud Platonis peccatum, qui agrum iusto minorem deligat. Nam Plato lib. 5. de legib. ὅς ἐστι δὴ πᾶσι δὲ, &c. εἰς μὲν ὁπότετοι πόσις, σωφρόνως ὄντας ἰκανοὶ τέλει φέρει, πλεονεξία δὲ ἔδδεν ἀποδοῦναι. Eo igitur loco hunc agri modum esse vult, tantus ut sit, ex quo ciues frugaliter ali & viuere possint. Frugaliter, inquit Aristoteles quod ait Plato, idem valet, quod bene. Nam Plato speciei nomine genus intelligit. Quid autem sit ἀφ' ἑλπίς, supra quoque explicauimus lib. 1. c. 6. Hunc agri modum & terminum Aristoteles refellit hac ratione: quia ex hoc modo ciuitas non efficiatur beata, quod tamen rectori propositum esse, notum est. Quid ita? Quia etiam qui misere & ærumnose uiuat, frugaliter nihilominus viuere possit, & contra: atque adeo miseræ & ærumnosæ vitæ plerunque comes est frugalis & temperans, ut liberalis & beata comes fere esse solet vitæ deliciosæ seu luxuriosæ. Quorum namque res est tenuis, frugaliter: quorum magnæ sunt copię, liberalius viuere solent, quod hic vocat ἐλαφρότης, & infra lib. 4. cap. 4. ἡγλῶς eleganter. Reprehensio igitur Platonis modo, suum adiungit, tantus ut sit ager, qui satis sit ad bene beateque seu ad frugaliter & liberaliter seu eleganter viuendum: quæ duo & infra commemorat lib. 7. capit. 5. Cur autem hunc modum, ut meliorem atque adeo optimum, probet; hic quidem breuiter, infra copiose explicabit, qui tamen locus perijt. Ratio igitur huiusmodi ex priore intelligitur hunc in modum: si frugaliter non est satis, certe hæc duo sunt necessaria, & quidem non plura: propterea quod duo tantum sint habitus, id est, duæ tantum virtutes, quæ in bonis seu facultatibus spectentur, Temperantia & Liberalitas: illa quidem aduersus se, hæc aduersus alios potissimum. Neque enim vel fortitudo, vel lenitas, vel magnitudo animi in facultatibus locum habent. Iam si duo tantum sunt habitus; Ergo & usus duo tantum ut sint, necesse est. Nam usus, facta, actiones, officia, πράξεις ex habitibus

tibus manant. Quare vivere & frugaliter & liberaliter, seu vita liberalis & frugalis, qui duo sunt usus, tantum in facultatibus reperiuntur.

T E X T V S.

Et hoc autem absurdum, bona æquantē idem non efficere in ciuium multitudine, sed relinquere liberorum procreationem indefinitam; quasi quæ orbitatibus, quantumuis multi nascantur, ad eandem multitudinem exæquanda sit, eo quod hodieq; ciuitatibus id accidat: Verum non peræque subtiliter in ciuitatib. habere se res debet tūc & nunc. Nam nunc quidem, quia bona in quantumcunq; multitudinē sint distributa, nemo eget: tunc vero, indiuisis bonis necesse est, eos qui extra numerū sint nihil habere, siue numero sint pauci, siue plures. Arbitretur aut quis liberorū procreationem magis definiri oportere quam bona, vt ne plures procreent certo numero. hanc autem multitudinem ponere spectantem ad fortunam, si accidat natorum aliquos mori, & ad aliorum orbitatem: relinquere autem, vt in plerisque ciuitatibus, necesse est causam esse ciuib. paupertatis. Paupertas autem seditionem efficit & iniuriam. Itaque Phido quidam Corinthius, legum scriptor cum primis antiquus, arbitratus est, domos pares remanere oportere, & ciuium multitudinem, etiam si primo sortes habeant impares magnitudine: in legibus vero his contrarium est. Verum de his quidem, quemadmodum nos arbitremur melius fore, infra est explicandum.

C O M M E N T A R I I.

Αποπον δε κη.] Aliud Platonis peccatum, qui bona quidem seu agri partes, Græci κλήρες vocant, pares fecerit & de-

I V.

Peccatum.

*Platonis
sententia.*

*Aristotelis
reprehensio.*

*Consilia
Platonis,
quibus in-
commoda
ea auerte-
re conatur,
q̄ ex insti-
tuto ipsius
sequuntur.*

1.

2.

3.

*Primi con-
silio refu-
tatio.*

finierit, ciuium vero multitudinem non item, seu procre-
tionem liberorum indefinitam reliquerit, quod & hic ait
esse absurdum, & infra capite proximo grauius exagitat. *Pla-
to lib. 5. de legib.* non ita quidem bona ciuium æquauit, vt
nullum plus altero habere velit. Nam permittit, vt suam
quisque sortem ad quadruplum vsque amplificet, non qui-
dem agro, sed pecunia aut aliis bonis. Nam agri partem &
sortem non finit amplificari. Non igitur ita æquauit, sed
quod sortes tantum velit esse æquales. Aristoteles docet,
hanc æqualitatem consistere non posse, nisi & eadem sit per-
sonarum ratio & numerus idem. Nam nisi & liberorū pro-
creandorum numerus sortibus seu terræ partibus æqualis &
par definiatur; fiet, vt multi tandem sint futuri, qui nullam
sortem habeant, id est, plane egeant: quod ciuitatis incom-
modum est grauissimum, vtpote seditionum causa & semi-
narium. Quare & infra Aristoteles & ipse *Plato lib. 5. de legib.*
diuitiarum mediocritatē probat, nimias vel tenuiores Rei-
publicæ perniciosas esse. Hac igitur ratione hoc Platonis
peccatum ostendit Aristoteles: Plato tamen rationes & vias
aliquot indicat, quibus & ciuium par numerus & status
conseruari possit, nimirum partim orbitatibus, id est, quia
quidam liberos non procreent, quibus alii, qui plures pro-
creant, suos surrogare, & in adoptionem dare debeant. A-
lia quoque est via, si plures iusto numero nascantur, Colo-
niarum deductio. Est & tertia: si plures nascantur, vt qui-
busdam matrimonio interdicatur: si pauciores, vt omnes
diligenter ad matrimonium compellantur. Aristoteles pri-
mam tantum rationem commemorat, eamq; vt fortuitam
reprehendit, quasi res tanti momenti fortunæ nō sit cōmit-
tenda. Peccauit igitur Plato, & quidem perabsurde, qui agri
partes definierit, liberos non item, quin contra potius faci-
endum fuerat: qua in re Phidonem Corinthium, legum
scriptorem antiquissimum, sapientius fecisse ait. Nam Phi-
do permisit, vt initio quidem sortes seu patrimonia sint inæ-
qualia, quæ tamen postea æquentur, & æquata semper pa-
ria & æqualia remaneant, vt & ciuium numerus. Plato con-
tra hæc initio vult esse paria, quæ tamen postea augeri ad
quadruplum vsque possunt. Verum de modo bonorum & de
multitudine ciuium, quæ Aristoteli videantur optima, infra
latius se explicaturum ait: de ciuium quidem multitudine,

lib. 7.

lib. 7. de possessionum & bonorum modo, qui insignis est locus, interciderunt, etsi cap. proximo de eadem re nonnulla rursus explicantur.

Ἀνάγκη τὰς παραζυγας.] Iustus ciuium R eipublicæ Platonice numerus est quinque millium quadraginta: hunc qui superant & extra hunc agnascuntur, à Platone dicuntur *παραζυγοί*, ab Aristotele *παραζυγες*, fortasse melius *πείζυγες*, à re rustica sumpta metaph. ubi tauri *ὁμόζυγες*, qui eadem iugo sunt subiuncti, cui si qui extrinsecus adiungantur extra consuetum numerum, sunt *πείζυγες* aut *παραζυγες*, *Iurisconsulti lib. 10. Cod.* eodem modo aduocatos alios vocant statutos, alios supernumerarios.

T E X T V S.

In his autem legibus prætermissa sunt quæ de iis qui præsunt, quemadmodum futuri sint diuersi ab iis, qui parent. Ait namque: vt ex alia lana fit stamen quam subtegmen: sic & eos qui præsunt habere se oportere ad eos qui parent.

C O M M E N T A R I I.

Ἐξέλειπται δὲ.] Aliud Platonis peccatum priori simile, hoc est, quo doceat, Platonis R eipublicam esse mancā: nimirum quia prætermiserit differentiam magistratuum & parentium: quæ tamen res cur & quemadmodum sit explicanda, præclare infra differitur *lib. 7. cap. 14.* Hoc tantum *Plato lib. 5. de legib. & etiam in Politico*, Magistratus priuatis antecellere, & meliores esse debere, vniuersæ & confuse, similitudine suo more adhibita, monuit: nimirum vt quemadmodum stamen ex meliore seu firmiore & duriore, subtegmen ex leniore & molliore fit lana: ita & qui præsint, præstantiores esse debeant, quam qui parent.

V.

Peccatum.

T E X T V S.

Cum autem omne patrimonium ad quadruplum augeri permittat, cur idem non sit in agro aliquatenus.

N S

COM-

COMMENTARI.

VI. *Peccatum.* Ἐπὶ δὲ πᾶσιν ἔσαν.] Aliud Platonis peccatum reprehendit, qui lib. 4. de legib. extremo. ἔτι δὲ περὶ αὐτῶν ὁρᾷ, &c. bona quidem permittat ad quadruplum amplificari, sorte sola seu agri parte excepta. Aristoteles causam esse negat, cur, cum omne patrimonium augere permittat, tamen sortem excipiat, quæ & ipsa patrimonij non minima est pars.

Μέγρι πενταπλασίως.] Mirum est, & hîc & infra cap. proximo Aristotelem meminisse πενταπλασίως quintupli, cum Plato perspicue tantum quadruplum permittat. Vel igitur Aristotelis peccatum est μνημονικόν, memoriæ; vel est peccatum librarij utroque in loco, hîc & infra.

TEXTVS.

Atque de domorum arcis videndum, num quid earum diuisio rei domesticæ cōducatur. Duas namque domorum areas cuique attribuit disiunctas. At graue est, duas domos inhabitare.

COMMENTARI.

VII. *Peccatum.* Καὶ πλὴν τῶν οἰκηπέδων.] Aliud Platonis peccatum in domorum descriptione. Nam *Plato* de legib. extr. ciuibus vult suas cuique binas esse ædes: non continuatas illas quidem, sed diuisas & disiunctas, quarum altera sit in vrbe media, altera in extrema, & his οἰκηπεδῶν attribuit, hoc est, areas & sola. *Refutatio.* Hoc igitur Platonis consilium refellit ab incommodo Aristoteles: quia sit incommodum & molestum & fere ἀδύνατον, certe infructuosum, duas habitare, instruere & alere domos.

TEXTVS.

Descriptio autem tota vult illa quidem esse neque Democratia, neque Oligarchia, sed harum media, quam vocat Rempublicam. Constat enim ex iis, qui arma ferunt. Hanc igitur si molitur ut maxime communem ciuitatibus, præter alias, Rempublicam bene fortasse dixit; Sed si ut optimam secundum primam Rempublic. non bene. Nam

Nam Laconicam fortasse quis magis laudet, aut etiam, quam aliam, magis Aristocraticam. Sunt igitur qui asserant, optimam quidem Rempublicam ex omnibus Rebus publicis temperatam esse oportere: quare & Laconum Rempub. laudat: esse namque eam alii quidem ex Oligarchia, Monarchia, & Democratia aiunt: regnum quidem dicentes Monarchiam: senum vero imperium Oligarchiam: sub Democratia vero esse ratione Ephorum: quia de populo sint Ephori: alii vero sunt, qui Ephorum quidem imperium esse tyrannidem: sub Democratia vero esse ratione & sodalitatum & reliquæ vitæ cotidianæ. In his autem legibus dicitur optimam Rempublicam concretam esse oportere ex Democratia & tyrannide: quas vel omnino quis non ponat Respublicas, vel omnium nequissimas. Melius igitur sentiunt, qui plures misceant. nam ex pluribus concreta Resp. est melior. Præterea ne videtur quidem habere quiddam Monarchicon, sed Oligarchica & Democratica; magis autem inclinare vult ad Oligarchiam, quod intelligitur ex magistratuum descriptione. Nam quod ex suffragio factis fiant sorte, utriusque est commune: quod vero locupletiores necesse sit concionibus interesse, rogare magistratus, aut de politicis muneribus aliud aliquod obire, aliis vero sit immunitas, hoc vero est Oligarchicum: atque dare operam, ut ex locupletioribus plures sint in magistratu, maximique magistratus ex maximis censibus: facit autem & Senatus cooptationem Oligarchicam. Nam omnes quidem cooptant necessario, sed ex primo censu: deinde

rursus

rursus totidem ex secundo: postea ex tertiis: præter quod non omnibus sit necesse, qui ex tertiis vel quartis: ex quarto vero solis necesse est primis & secundis: post deinde ex his parem ait numerum ex singulis censibus esse renunciandum. Erunt igitur plures & potiores, qui ex maximis censibus, eo quod pauci de plebe sint cooptaturi, quia non sit necesse. Quemadmodum igitur talem Rempublicam conflare quidem non oporteat ex Democratia & Monarchia; ex his intelligitur, & ex his quæ infra explicabuntur, ubi occurrerit tractatio de tali Rep.

C O M M E N T A R I I.

*Generalis
reprehensio.*

H' δὲ συντάξις βέλτοιτο μὴ εἶναι.] Adhuc partes quasdam

Reipublicæ Platonice vitiosas esse docuit: nunc totam & vniuersam eius descriptionem seu formam duabus in rebus vitiosam esse ostendit. Est autem hic locus de forma seu descriptione ciuitatis insignis & memorabilis, de quo tamen infra accurate & copiose explicatum toto fere libro quarto, ex quo libro hoc breuiter mutuandum est; Politici officium esse, non tantum quæ optima sit Respublica videre & exquirere, sed etiam & quæ huic proxima & quæ facilima, & quæ huic vel illi populo vel regioni maxime accom-

*Politici offi-
cium.*

*Plato quæ
prædicet de
sua Rep. in
lib. de legib.
descripta.*

modata. Nam multa esse Rerumpublicarum genera perspicuum est & notum, vt Regnum, Democratia, &c. His præmunitis, Plato de Republ. sua hæc duo asserit, eam esse & optimæ proximam, & ex tyrannide seu Monarchia Democratiaque mixtam seu temperatam. Vtrumque refellit, & falsum esse docet Aristoteles.

*De forma
Reip. Plato-
nica in lib.
de legib.*

H' δὲ συντάξις.] De altero, hoc est, de forma seu genere Reipublicæ, non tamen ex Platonis, sed ex sua sententia mouet hic initio: nam infra latius & accuratius: Ait igitur, Rempublicam Platonis eo videri decurrere, vt sit velut temperata ex Democratia & Oligarchia, aut certe inter has media quæ communi nomine vocant Rempublicam, quam & infra lib. 4. cap. 8. ex Democratia & Oligarchia conflare docet. Cur

autem

autem Respublica Platonis Reipublicæ speciem gerat, hanc *Ratio.* adiungit rationem, ἐν ᾗ τὸ πλεονέχον: quia constet ex iis, qui arma ferant. Nam Plato permittit armorum vsum quinque illis millibus & quadraginta. At armorum vsum omnibus communem argumentum & notam esse Reipublicæ infra explicabitur *lib. 4. cap. 8.* Hactenus igitur speciem Reipublicæ gerit Platonis ciuitas; magnam tamen partem paulo infra docebit, eam gerere speciem non Reipublicæ, sed factionis, id est, Oligarchiæ.

Ei μὲν ἔναι καὶ ναὶ ὁμολογῶ.] Hic iam orditur duo illa refelle-
re, de priorē primum. Ait igitur, Platonem fortasse non ma-
le dicere, si suam ciuitatem descripserit, tanquam quæ pluri-
bus ciuitatibus communis esse possit maxime, id est, quæ
plurimæ ciuitates facillime vti possint. Modo diximus, vi-
dendum Politico non tantum, quæ sit optima ciuitas, sed
etiam quæ facilima, quaque plures vti possint: quæ omnia
Aristoteles distincte & accurate infra explicat *lib. 4.* quæ o-
ptima, quæ huic proxima, quæ facilima seu communissima
ciuitas. Iam igitur si Platonis fuit consilium describere faci-
limam; fortasse, inquit, non aberrauit. Et certe *Plato lib. 5. de*
legib. ait, se iam describere ciuitatem faciliorem & commu-
norem prima. Verum Aristoteles hanc rem iam omittit, an
ciuitas Platonis sit facilima & maxime communis: illud po-
tius diligenter exquirat, an optimæ sit proxima, quod idem
voluit *Plato lib. 5. de legib.* hoc, inquit, si voluit Plato, vt vo-
luit, errat: quod ostendit duabus rationibus. Prior est: quia
Respubl. mixtæ, quo ex pluribus generibus sint mixtæ, eo
videantur esse meliores: quam rationem confirmat exem-
plo Reipublicæ Spartanæ, & auctoritate Politicorum seu
scriptorum Reipublicæ quorundam. De Spartanâ quidem
Republica notum est quam ab omnibus collaudari ea so-
leat, & pro laudatissima semper sit habita. At hanc ex tribus
Reipublicæ generibus seu formis conflata esse docet & A-
ristoteles hoc loco & infra *lib. 4. cap. 9.* & *Plato lib. 4. de legib.*
& *Polyb. lib. 6.* cui hac in re, id est, mixtione trimembri, plane
genuinam & similem fuisse Romam idem eo loco docet co-
piose, vt & *Dionys. Halicarnas.* Nam Spartanam ex regia, o-
primare, & populari temperatam fuisse. De regno quidem
est perspicuum: duos namque Reges perpetuos habebat:
optimatus nota & argumentum erat Senatus seu γερουσία tri-
giata

I.

Quod Ari-
stotel. in de-
scriptione
Reip. Plat.
reprehendit.

Remp. Plat.
in lib. de le-
gib. non esse
optimam pro

1. Ratio.
Eiusdem
approbatio
ab exemplo
Reip. Spar-
tana.

ginta senum seu *πενήκοντα*: popularis argumentum est Ephoria, id est, quinque Ephorum imperium, quos de plebe creabant. Sic igitur Spartanæ Reipublicæ partes quidam accipiebant: alij tamen aliter, nimirum de Ephoria, eam non esse popularis Reipubl. notam, sed tyrannicæ potius. Nam ut & infra explicabitur *cap. 7.* Ephorum, ut Romæ Tribunorum plebis, plane tyrannica fuit potestas. Popularis tamen formæ in Spartana ciuitate alia nihilominus fuerunt argumēta, ut disciplina, sodalitates, vestitus, cultus diuicum & pauperum idem & communis, ut infra latius *lib. 4. cap. 8. aut 9.* Atque ita Spartana ex quatuor formis, regia, tyrannica, optimate & populari temperata fuisse videri potest. Auctoritas autem scriptorum Reipublicæ existimantium, optimam eam esse Rem publicam, quæ ex omnibus Reipublicæ formis & generibus sit mixta & temperata, idem confirmat quod diximus, eo meliorem esse Rem publicam, quo ex pluribus generibus sit mixta. An autem recte sentiāt, qui Rem publicam ex omnibus concretam putant esse optimam, ut olim Tybro, de quo *lib. 7. infra*, & postea Polyb. & Cic. explicare, non est huius loci. Aristoteles certe eam non probat, ut optimam, sed Regnum & huic proximam Aristocratiam: qua de re infra *lib. 3.*

2. *Rationis prima cōfirmatio ab auctoritate Politicorū quorūdam. Επὶ τῶν πρῶτων.*

2. *Ratio.*

Ἐν δὲ τοῖς νόμοις.] Altera est ratio, cur secunda Platonis Respubl. non sit optima: quia ex Democratia & Tyrannide temperetur. Platonis sententia est *lib. 3. de legib. ἀκρον δὲ καὶ, &c. & lib. 6. vbi de Senatu, ἢ μὴ αἰρεῖται ἑταῖρον μὲν, &c.* Formula: Quæ ex deterrimis Reipublicæ generibus temperatur ciuitas, optima esse nequit. At secunda hæc ciuitas ex deterrimis atque adeo nullis fere constat. Ergo non est optima. Assumptionis ratio est: quia constet ex Democratia & Tyrannide, quas perspicuum est aut non esse in Reipublicarum numero, aut certe esse nequissimas, ut infra *lib. 3. & 4.* explicabitur: etsi alia fortassis fuit Platonis sententia, nomine *πολιτεία*, quod solent veteres, Regnum: & Democratas non infimæ plebis, sed populi, quæ prope Respublic. dicitur, intelligens seu accipiens.

Ἐπεὶ δὲ τὸ πρῶτον.

II.

Quod Aristotel. in descriptione.] Nunc alterum refellit, ipsam, inquam, Platonis hypothesein. Nam quod Plato dicit, suam ciuitatem ex Regia & populari forma temperatam, falsam esse docet: Primo, quia in ea ciuitate nullum regalis imperij sit ve-

fit vestigium: rectius, inquit, facturus fuerat Plato, si diceret, *Reip. Platō-*
 nō ex regia & populari, sed ex Oligarchica & populari tem- *nica in libr.*
 peratam: quin etiam ne quidem popularis imperij multa hīc *de legib. re-*
 ait esse vestigia, sed totam eam ciuitatem ad Oligarchiam *prehendit.*
 inclinare: quod docet tam ex descriptione & creatione ma-
 gistratuum, quam ex cooptatione Senatus.

Δὴλον δὲ ἐκ τῆς δόξης τῶν καταστάσεως.] Docet, magistra- *1. Ratio.*
 tuum descriptionem fere esse Oligarchicam, bifariam. Nam
 Plato lib. 6. de legib. ἵτα δὲ εἰς ἐκκλησίαν καὶ τὸ συνέδριον, &c. ne-
 cessitatem ditioribus quidem imposuit & eundi in concio-
 nem, & creandi magistratus, & iudicandi, aliaque ciuilia
 munera obeundi: tenuioribus vero libertatem & immunita-
 tem horum munerum concessit. At hoc esse Oligarchicum
 commētum & technam, necessitatem ditioribus imponere,
 tenuioribus non item, accurate explicatur infra lib. 4. cap. 13. *2. Ratio.*
 Alterum Oligarchiæ in magistratuum descriptione argu-
 mentum, καὶ τὸ περισσὸν πλείους, quod pluresque magistratus
 ditioribus mandari velit, maximos ditissimis, ut est videre
 lib. 6. de legib. passim. Item Oligarchicum esse, imperia seu
 magistratus esse penes ditiores notum est, & infra lib. 4. la-
 tissime explicatur.

Τὸ μὲν γὰρ ἐξ αἵρετῶν.] Ratio rogandorum magistratuum &
 cooptandi Senatus Platonica lib. 6. de legib. hæc est: primum
 ut suffragijs aliqui legantur, de quibus postea fiat sortitio:
 nam electionem & sortitionem requirit: & hoc est quod ait,
 ἐξ αἵρετῶν κληρωτῆς. Sententia igitur horum verborum hæc
 est: Rationem rogandorum magistratuum hanc esse vtri-
 que, id est, Democratiæ & Oligarchiæ communem, id est,
 partim esse Democraticam ratione sortis, partim Oligarchi-
 cam ratione electionis, ut infra lib. 4. quasi dicat: Creatio
 magistratuum Platonica, habet illa quidem aliquod Demo-
 cratiæ vestigium, sed pleraque est Oligarchica, ut iam est
 explicatum.

Ὀλιγαρχικὴ δὲ.] Alterum Oligarchiæ argumentum ca- *3. Ratio.*
 pit ex Senatu cooptando, cuius ratio cooptandi, quia bre-
 uius & obscurius hīc attingitur, ex Platone lib. 6. de legib. βε-
 βλῶ δὲ εἶναι μὲν πεντακοντα, &c. repetita hæc est: primum ex
 quatuor censibus seu classibus (πμήματα Græci vocant)
 inbet eligi trecentos sexaginta quotannis, nonaginta ex
 quaque classe hunc in modum: ex prima quidem classe 90.
 omnium

omnium classium suffragijs multa ijs constituta qui suffragium non ferrent; omnibus, inquam, classibus ferendi suffragij necessitas fuit imposita ad primos 90. eligendos vel cooptandos: ex secunda classe totidem, & eodem modo: ex tertia item 90. sed non eodem modo, id est, non omnibus imposita necessitate ferendi suffragij; quartæ namque classi hic immunitas fuit suffragij: ex quarta denique classe totidem, sed ita ut duobus tantum primis classibus necessitas esset ferendi suffragij, tertiæ & quartæ non item. Hac priore electione designatis ijs trecentis sexaginta, sequitur altera electio, qua eos trecentos sexaginta eodem modo suffragijs classium redigant ad dimidium, id est, 180. quaque classe supeditante quadragenos quinos. Qua secunda electione perfecta tandem sortibus 180. illi ad 90. duntaxat rediguntur, qui iustus est hac in Rep. Senatorum numerus. Hanc igitur Senatus cooptationem esse Oligarchicam modo monuimus ex lib. 4. cap. 13. in princ. qua distinctione fraudulenta fit, ut Senatus recidat ad ditiores; plures, inquam, sint, qui suffragium ferant ditiores.

πολλὸν ἔπιπαι.] Totus hic locus est perturbatior, quod primus animaduertit Perionius, qui legendum putat pro τῶ, ἐν δὲ τῶ τετάρτῃ τῇ δὲ τετάρτῃ, scilicet ἡμέρᾳ. Sepulveda pro τῶ τετάρτων ait reperiri in melioribus libris τῶ τετάρτων, & ita vertit, ex quatuor. Lambinus hæc verba, πολλὸν ἔπιπαι ἐπαγαγες, transtulit post hæc verba, ἐν δὲ τῶ τετάρτῃ: omnes cōfuse & male. Inducenda sunt hæc verba: τοῖς ἐν τῶ τρίτῳ ἢ τετάρτῳ, & postea hoc τῶ τετάρτῳ, atq; ita vertendum: Præter quod nō omnibus sit necesse, ex quarta autem scilicet classe solis primis & secundis est necesse. Quasi dic. in tertia classe non omnibus est necesse, ut in prima & secunda. Immunitas est enim quartis, id est, ijs, qui sunt quartæ classis.

Εἴτε ἐκ τῶτων.] Hæc secunda est electio: qua de singulis classibus par numerus ex iis 360. iam delectis, par, inquam, numerus, id est, quadragenii quini eligantur.

T E X T V S.

In magistratuum autem creatione illud, ex electis electos, non vacat periculo. Nam si coire aliqui velint & numero modici, ex horum semper volun-

voluntate creabuntur. Quæ igitur ad Rempublicam quidem, quæ est in Legibus pertinent, ad hunc modum se habent.

C O M M E N T A R I I.

² *Ἐξ δὲ.*] Locus est obscurior, quo tamen alludere mihi videtur ad Nomophylacum creationes: de qua *lib. 6. de legib.* *Peccatum.* IX.
Nam Nomophylaces ex trecentis primo electis, postea ad 100. & tandem ad 37. redactis fiunt. Hanc rationem ex electis rursus eligendi ait esse periculosam Aristoteles, hac ratione: quia dum ex multis pervenitur ad paucos sæpius eligendo, facilius paucorum potest esse coitio & conspiratio quam multorum: qua coitione fit, ut ex horum voluntate & arbitrio, quos ipsi volent, semper eligantur. Hoc igitur ultimum est Platonis peccatum in secunda Repub. ex ijs, quæ hoc capite explicantur.

C A P V T V.

D I S S E R I T V R hoc capite aduersus Phaleæ Chalcedonensis institutionem Reip. maxime de æquatione: cuius Phaleæ peccata quædam aperit & refellit.

T E X T V S.

Sunt autem aliæ quædam Respublicæ hæ quidem priuatorum, illæ vero politicorum; omnes constitutis, & quibus nunc viuitur vtrisque his priores. Nemo enim aut de liberis & vxoribus alius noui quid induxit, aut de mulierum sodalitatibus: sed à necessariis potius ordiuntur.

C O M M E N T A R I I.

Εἰσὶ δὲ πρὸς πολιτείας.] Et monet, qua de re iam sit explicandum, & differentiam ostendit aliarum omnium Rerum-publicarum & priorum duarum Platonicarum. Ait igitur, & alias esse Respub. easque à duobus hominum generibus dissimilibus institutas. Nam alias quidem ab hominibus priuatis, quo in numero est & huius Phaleæ & Hippodami Resp. alias vero à viris politicis, & qui ipsi in Republ. sint versati: quo in numero sunt Respublicæ Solonis, Lycurgi, Seleuci, O Pittaci,

Pittaci, Minois, institutas & temperatas: de quibus deinceps est explicandum. Sic autem hunc locum accipiendum cum ipsa Rerum pub. infra explicandarum ratio & distinctio, tum initium capitis 10. perspicue conuincunt. Nam quod hic ἰδιωτῶν id ibi ἰδιωτῶντες. Perperam igitur, vno Perionio excepto, reliqui interpretes verbo ἰδιωτῶν indoctos intelligunt. Scribendum quoque & emendandum, αἱ μὲν ἰδιωτῶν, αἱ δὲ πολιτικῶν, inducto φιλοσόφων κ. Nam duo tantum auctorum Rerum publicarum genera & initio cap. 10. & tota disputatione persequitur.

*Discrimen
inter Plat.
& aliorum
Resp.*

Πᾶσαι δὲ τῶν καθεστηκυῶν.] Nunc de differentia aliarum ciuitatum, & Platoniarum. Nam alias omnes iis, quæ ea tempestate essent in vsu, esse similiores quam Platonicas: quod docet ex eo, quod nullo nouitatis studio, vt Platonice, neque communitatem liberorum & vxorum, neque sodalitates mulierum, res plane nouas, probarent, sed potius, iis omissis, de rebus magis necessarijs agerent.

T E X T V S.

Nonnullis autem videtur de bonis recte describi rem esse maximam: de his enim omnes seditiones mouere aiunt. Quare Phaleas Chalcedonensis hoc primum induxit: Ait enim bona ciuium æqualia esse oportere. Hoc autem initio quidem condendis ciuitatibus putabat non difficile esse factu: conditas vero maioris quidem esse negotii, celerrime tamen æquari posse, si dotes quidem dent diuites, non vero accipiant: pauperes vero non dent quidem, sed accipiant. Plato autem leges scribens aliquatenus putabat permittendum, plus autem minimi patrimonii quintuplo nemini ciuium potestatem esse quærendi, vt & ante dictum.

C O M M E N T A R I I.

Γὰρ pro δὲ. Δοκεῖ γ.] Γὰρ vt alias sæpe, ita & hîc δὲ valere videtur. De bonorū aequatione. Orditur nunc disputationem de bonorum modo & æquatione: quam disputationem maximi momenti propterea esse

esse ait, quod plerique motus & seditiones in ciuitatibus propter bona existant. Et reuera grauissima est hæc disputatio: cui rei argumēto quoque est, quod ciuitas in duobus fere sit posita, rebus & personis; quemadmodum & domus, vt & supra explicatum. Quod autem de motibus ait Aristoteles, vel vna Respublica Romana testis esse potest, in qua innumerales de bonis seu agrariæ contentiones & motus exstiterunt. Phaleas igitur, & ipse Reipublicæ auctor, de bonis quoque explicandum sibi putauit, & primus quidem bonorum æquationem induxit, & vel semper induci voluit initio constituendis ciuitatibus, vel etiam constitutis, vt rem impediendis motibus maxime idoneam & salutarem. Verum Plato quadam quidem ex parte hanc æquationem probat, quadam vero ex parte non item. Nam sortes quidem voluit esse æquales, & quidem perpetuo; reliquorum vero bonorum æqualitatem improbauit, quæ ad quintuplum vsque augeri permisit, vel potius ad quadruplum, vt supra. Aristoteles bonorum æquationem & ipse improbat, etsi non negat, aliquod afferre momentum impediendis motibus. Quæ autem Aristotelis fuerit sententia de bonorum modo, vno quidem verbo ex hoc capite intelligi potest, sed alio loco infra qui intercidit, diligenter fuit explicata. Summa hæc est; Bona non esse æquanda, neque eadem tamen in infinitum amplificanda; Sed hunc amplificationis modum & terminum constituendum, vt tanta ciuitati sint bona & opes, quæ nec irritent exteros, & eos defendere seu propellere possint. Cicero quoque lib. 2. Offic. æquationem bonorum capitalem esse ait.

Phalea opinio.

Platonis opinio.

Aristotelis sententia.

Phaleas.

Φαλέας ὁ χαλκιδώνιος.] De hoc Phalea Reipublicæ auctorem amplius querendum, cuius hoc institutum, vt nouum & proprium, bonorum æquatio, est obseruandum. De hoc autem etsi nihil comperi, videtur tamen etiam in Republica fuisse versatus, quod capite proximo ex iis, qui priuati de Republ. scripserint, primum nominet Hippodamum, quo antiquiorem puto fuisse Phaleam. Cur autem de Phalea hic explicetur, & non solo loco, vbi de auctoribus Rerum publicarum in Republica versatis agitur, hæc videtur esse ratio, quod Resp. Phaleæ similitudinem & affinitatem cum Platonica habeat in bonorum æquatione, quod maximum fuit Reipublicæ Phaleæ caput.

T E X T V S.

Ignorare autem ne hoc quidem oportet ita leges scribentes, quod nunc ignoratur, bonorum multitudinem definientes, liberorum quoque multitudinem definire debere. Nam si bonorum magnitudinem superet liberorum numerus, legem certe antiquari necesse est, & præter antiquationem multos ex diuitibus fieri pauperes est malum. Hos enim non esse rerum nouarum cupidos difficile est.

C O M M E N T A R I I.

*Refutatio
opinionis
Phaleæ.*

1. Incommodum.

2. Incommodum.

Δὲ δὲ μήτε τὸτο.] Phaleæ peccatum, quod & supra in Platone reprehendit: qui bonorum quidem modum definierint, liberorum non item: qua ex re duo sequi incommoda: prius, ut lex ipsa seu institutum de bonorum modo nequeat diu consistere; utpote iniqua lex, qua alii bona sint habituri, alii non item: & hoc alterum est incommodum, quod videlicet multi orituri sint pauperes ex eo, quod ut & supra cap. 1. explicauimus, si vnius patrisfamilias plures sint filij; ad vnum omnibus deuolutis facultatibus, reliqui egeant necessario, quod incommodum quam sit graue, quia ad seditiones egestas impellat, & hoc capite aliquoties & infra lib. 5. latius explicabitur.

T E X T V S.

Verum, esse quidem vim aliquam in bonorum æquatione ad ciuilem societatem, & veterum quidam vidisse videntur; ut & Solo leges tulit, & apud alios lex est, quæ vetet agrum parare, quantum quis velit. Similiter & bona vendere leges vetant, ut apud Locros lex est, ne vendant, nisi perspicuam calamitatem accepisse doceant: præterea veteres sortes, id est, partes attributas seruare, quod in Leucade abrogatum nimis popularem eorum fecit Rempublicam. Accidit enim, ut non
amplius

amplius ex definitis censibus caperentur magistratus.

C O M M E N T A R I I.

Διόν. μ. α. ν.] Aristoteles hoc loco omisso non nihil Phalca præclaram interiecit disputationem de bonorum æquatione. Et primum quidem de eius commodis & opportunitatibus docet aliquid videri momenti eam Reipublicæ afferre, quod docet exemplis & auctoritate veterum legum scriptorum & legum aliquot Rerumpublicarum, non quo in his plane fuerit bonorum æquatio, sed quod ad eam aliqua ex parte accederent. Solo igitur non æquavit ille quidem bona, sed tamen certos census, quatuor, descripsit, ut est apud *Plut. in eius vita; & Pollucem lib. 8.* Censuum igitur descriptione confirmat æquationem, confirmat & alia lege, qua certus agri modus emendi cauetur: cuius generis lex fuit Licinia Romæ, vetans ne quis ultra quingenta agri iugera possideret. *Lin lib. 6. & 7. Appian lib. 1. de bell. civ.* Eandem confirmat & alia lege apud Locrenses usitata, qua ciues bona seu patrimonia sua vetantur vendere. Nam & in hac lege bonorum æquationis est vestigium, quia sua cuique patrimonia conservare velit, ne alij prorsus egeant, alii bonis aliorum emptis ditiores evadant, eaque re maior bonorum fiat inæqualitas. Eadem est ratio, & alterius legis seu instituti veteres sortes conservari iubentis, quod institutum in multis Græciæ ciuitatibus receptum fuit; quæ sortium conservatio quam sit utilis, docet exemplo Reipublicæ Leucadiæ seu Insulæ Leucadis: ubi cum ante Respub. esset aut Oligarchia, quia magistratus pro ratione censuum mandarentur; tandem degeneravit in Democratiam extremam, perturbatis iam sortibus & censibus, ita ut, nulla iam censuum reliqua distinctione, magistratus peræque ad egentissimos & tenuissimos devoluerentur atque ad ditiores.

Digressio de bonorum æquatione.

1. *Commoda eiusdē.*

1. *Exemplū Solonis.*

2. *Exempl.*

3. *Exempl.*

4. *Exempl.*

5. *Exempl.*

T E X T V S.

Verum fieri quidem potest, ut bonorum sit æqualitas, sed hæc vel si nimis sint multa, ut exsistat luxuria, vel nimis pauca, ut vivatur fordide. Perspicuum est igitur, non satis esse, legum scripto-

rem bona facere æqualia, sed ad medium esse collimandum. Imo etsi & modica bona omnibus describat, non satis est. Nam cupiditates potius æquare oportet quam bona. At hoc fieri non potest, nisi apud eos, qui legibus bene sint instituti.

COMMENTARI.

*Aristotelis
sententia.*

Αἰὲν ἐν τῷ ἰσότητι.] Adhuc attulit, quæ bonorum æquationem probare videantur: nunc docet, eam non esse satis ad seditiones coercendas, contra atque Phaleas existimavit. Nam primo opus esse præterea bono modo bonorum, mediocritate videlicet. Nam diuitiarum seu bonorum modum optimum esse mediocritatem & hic indicat & infra latius confirmat *lib. 4.* Hunc autem modum seu terminum esse necessarium docet argumento à contrarijs, id est, extremis sumpto. Nam ex nimijs diuitijs luxuriam & petulantiam existere, siue nimiarum diuitiarum comitem esse vitam luxuriosam, paupertatis vero vitam sordidam & illiberalem, cui utrique vitæ repugnat vita beata & ciuitati proposita, quo argumento & *Plato libro 4 de Republ.* diuitias & paupertatem de *Republ.* pellenda monet: quod illæ causæ sint luxuriæ, desidii & studii rerum nouarum, hæc vitæ & sordidæ & malitiøsæ, & rerum nouarum cupidæ. Si igitur & modus diuitiarum est præscribendus, sola bonorum æquatio non est satis. Verum illud, ut iam ostendimus, ergo & hoc.

Disciplina.

Ἐν δ' εἰς πρῶτον.] Docet, ne modum quidem esse satis, sed disciplina præterea esse opus, qua cupiditates intra modum refrenentur. Nam cum cupiditates per se sint insatiabiles, nisi bona institutione & moribus allueant parere rationi, nihil certe proderit, modum præscripsisse. Pulcerrime igitur Aristoteles, cupiditates potius quam bona esse æquanda: quod copiose *Cicero paradoxo ultimo.* Animus hominis diues, inquit, non arca appellari solet. Disciplina igitur præterea est necessaria tam legum quam morum, ut supra latius explicatum, *lib. 10. capite ult.*

Ethicorum.

T E X T V S.

Verum dicat fortasse Phaleas, hæc se dicere; putat enim, horum duorum (bonorum & disciplinæ) æqualitatem in ciuitatibus esse oportere. Sed enim de disciplina, quæ sit, explicare oportet, & vnâ eandemque esse nihil iuuat. Nam vna quidem eademque esse potest, sed quæ sit talis, ex qua procliuēs sint futuri ad appetendas, vel diuitiās, vel honorem vel vtrumque.

C O M M E N T A R I I.

Ἀλλ' ἴσως εἴποι.] Tacitæ Phaleæ contradictioni occurrit. *Obiectio.* Nam quia modo docuit, disciplinam quoque esse necessariam, quasi aduersus Phaleam, qui eius nulla habita ratione, vnâ bonorum æquationem probarit: Phaleas contradicere fortasse poterat, idem se quoque velle: Nam perspicue se non tantum bonorum, sed disciplinæ quoque æquabilitatem dicere ciuitatibus esse necessariam. Respondet Aristoteles, dicere quidem Phaleam de disciplina, vnâ eandemque omnium ciuium esse debere, sed quæ ea sit disciplina non satis explicasse: Multa namque disciplinæ seu institutionis sunt genera. Nam alia ad studium diuitiarum, vt olim in Republica Phœnicum, teste Platone & Cicerone, & hodie in inferiori Germania: alia ad honores & ambitionem, vt in Aristocratij mixtis Oligarchia, vt olim Lacedæmone: alia ad vtrumque est comparata, vt eleganter apud Plat. lib. 8. de Rep. Quare non satis est dicere disciplinam esse necessariam, sed hoc amplius exponendum est, quæ ciues non ad ambitionem & dominandum, vel ad auaritiā, sed ad virtutes & recte facta informantur. Hoc igitur aliud est Phaleæ peccatum in disciplina. *Solutio.*

T E X T V S.

Præterea seditiones mouent non tantum propter bonorum inæqualitatem, sed propter honorem quoque: in altero autem contraria ratione. Nam vulgus quidem propter inæqualitatem bo-

norum, præstantiores vero de honoribus, si sine pares, unde & vnus honos idemque & bono est & deteriori.

C O M M E N T A R I I.

*Argumen-
tum aduer-
sus æquatio-
nem bono-
rum.*

Ἐν συστάσει.] Alio præterea argumento docet, æquationem bonorum vnā non esse satis reprimendis seditiōibus, sumpto à rebus, quas propter seditiōes moueri consueverint, quas res duas esse docet, infra *lib. 5. in princ.* facultates seu bona, & honores. De honoribus certe idem Aristoteles in *lib. vulgariū exercitationum apud Stobæum cap. 43.* plurimas eorum causa seditiōes in ciuitatibus existere, & quidem non inter plebeios, sed inter potentiores. Nam vt & hoc loco, vulgus fere & abiectioris animi de bonis, præstantiores vero & magni animi de honoribus concertare solent: quod confirmat *Homeri auctoritate Iliad. 1.* Vbi Achilles Vlyxi conquerens se reliquis multo fortiolem parla tamen præmia ferre ab Agamemnone, quem versum & Erasmus prouerbiis ascripsit. Legendum δὲ integre: Nam τῇ ἰᾷ prior syllaba est breuis. *Lucret. lib. 4.* paruula pumilio chariton ἰᾷ. *Cicer. quoque lib. 1. Offic.* expetuntur autem diuitiæ, &c. Itaque bonus legum scriptor non tantum de bonorum, sed de honorum quoque æquabilitate laborare debet.

Χαρίεις.

Οἱ δὲ χαρίεις.] Plato & Aristoteles sic eos vocare solent, qui cæteris virtute vel arte præstent, & interdum καπεψῆς, latine nunc politos, nunc doctos, nunc præstantes vocare possumus. Sed de hoc verbo latius supra *lib. 1. Ethic. cap. 5.*

T E X T V S.

Homines autem iniuriam inferunt non tantum propter necessaria, quorum remedium putat esse bonorum æqualitatem, ita vt non furentur frigore aut fame adducti; verum etiam vt gaudeant, & non concupiscant. Nam si maiorem necessariis cupiditatem habeant, propter huius medicinam iniuriam facient. Neq; vero propter hanc solum, sed

sed etsi concupiscant, ut gaudeant voluptatibus doloris expertibus. Quod igitur trium horum remedium illis quidem bona exigua & opera, his vero temperantia : tertium vero, si qui velint per se gaudere, remedium ne quærant, nisi à philosophia. Aliæ namq; hominibus opus habent, siquidem iniurias faciunt maximas propter nimia, non vero propter necessaria: ut tyrannos agunt, nō ut ne frigeant. Quare & maximi honores, nō si quis furem, sed tyrannum occiderit. Itaq; parvis tantum iniuriis occurrit ratio Reipublicæ Phalææ.

C O M M E N T A R I I.

Οὐ μόνον ὅ οἱ ἀνθρώποι.] Docet, bonorum æquationem Bonorum non esse satis tollendis omnibus iniuriis & maleficiis, sed te- æquatione nuioribus duntaxat vel minoribus. Nam iniuriæ vel exsi- non tolli o- stunt ob necessaria vel ob non necessaria, vel, ut Plato ait lib. mnes iniu- 8. de Repub extremo & lib. 9. Utilitates vel sunt necessaria, rias. Quod vel non: siue, ut Cic. loquitur 1. Offic. propius ad hunc Aristot. & III. Pha- telis locum, maximam autem partem ad iniuriam facien- læ pecca- dam aggrediuntur nonnulli, ut adipiscantur ea, quæ concu- tum est. pierunt. Expetuntur autem diuitiæ cum ob usus vitæ neces- Iniuriarū sarios, tum ad perfruendas voluptates. Res igitur necessaria causa. sunt quæ ad victum & cultum pertinent: nō necessaria, quæ ad luxuriam in cultu, victu & venere. quarum ex rerum cupiditatibus voluptates existere, supra docuimus, lib. 3. in fi. 7. & 10 Ethic. ubi & hoc, eas esse impuras, semper dolore mixtas & iunctas, alias vero puras nulloque dolore mixtas, ut quæ auribus & oculis, & maxime ex studiis bonarū artium capiuntur. Tria igitur cupiditatum sunt genera, rerum necessariorum, voluptatum partim sincerarum, partim impurarum: harum autem trium causa explendarum iniurias homines facere perspicuum est. Neque enim tantum explendæ famis aut frigoris furantur vel grassantur homines, sed multo sæpe maiores faciunt iniurias ad voluptates potiundas. Iam Phalæas primo tantum generi remedium attulit, re- Phalæa liquis non item. Nam primi medicina est bonorum æqua- peccatum. tio; secundi temperantia, ut qua corporis voluptates repri-

*Cupiditas
est rerū aut
necessaria-
rum, aut nō
necessaria-
rum: qua
voluptatē
pariūt aut
puram aut
impuram.
Iniurias de
rebus ne-
cessariis
minores
esse reli-
quis.
ὀσία vel
βραχέα,
vel μα-
κρά.*

mantur, supra lib. 3. in fi. tertii nulla, inquit Aristoteles, alia est medicina quam philosophia, ex qua voluptates illæ purissimæ sunt petendæ. Si igitur institutio Phalææ necessariis tantum cupiditatibus remedium affert, harum autem causa explendarum quæ fiunt iniuriæ sunt leuiiores: efficitur, eam non grauioribus, sed leuioribus malis tollendis esse accommodatam. Leuiiores autem esse de rebus necessariis iniurias docet exemplo tyranni seu dissimilitudine tyranni & furis, seu potius dissimilitudine præmiorum, quæ decernantur iis, qui vel tyrannum vel furem interfecerint. Ex eo namque, quod tyrannicidæ præmia sint maiora, quam furis interfectori proposita, intelligitur tyranni quoq; iniurias esse grauiiores, quam furis. At furum iniurias esse in rebus necessariis, tyrannorum in voluptatibus potius suis explendis, est perspicuum. Idem & grauissime Plato lib. 9. de Repub. καὶ αὐτὸν καὶ τὸν δὲ ἐπὶ, &c. vbi κλέπτειν, furari, parietes perfodere, crumenas secare, sacra legere, calumniari, &c. vocat κακὰ σμικρὰ, præ tyrannicis.

Ὀυσία βραχέα.] Attici amplum patrimonium ὀσίαν μακράν vocant, tenue & exiguum βραχέα. μακρὰς verbo aliquoties vtitur infra, videatur & supra. Ait igitur, optimum remedium ad res necessarias esse & exiguum patrimonium & industriam seu laborem.

TEXTVS.

Præterea multa machinari vult, ex quibus ea quæ inter ipsos bene sint administraturi. At etiam aduersus finitimos & externos oportet. Necesse est igitur, Rempub. ad vim belli institutam esse, de qua ille nihil attulit, item & de bonis. Nam non solum ad ciuiles vsus satis suppeditare oportet, sed externa quoq; pericula. Quare neq; tantū oportet esse numerum, cuius vicini & potentes cupiditate ducantur, habentes vero eos qui se inuadant, defendere nequeant: neque tam exigua, vt bellum sustinere queant, ne quidem æqualium & parium. Itaque ille quidem nihil definiuit: ignorandum

dum vero hoc non est, bonorum multitudinem esse utilem.

C O M M E N T A R I I.

Ἐν τῷ πρῶτῳ.] Aliud Phaleæ peccatum quod idem supra in Platone cap. 4. reprehendit, qui multa quidem de mutua civium inter se consuetudine, sed aduersus vicinos & externos quemadmodum se gerere debeant, nihil explicauit, de ratione videlicet belli & re militari: quare & bonorum rationem omnem ad vsus duntaxat ciuiles accommodauit, perperam: siquidem bona suppeditare oportet non tantum ad ciuiles & vitæ cotidianæ vsus, sed etiam quibus hostes repelli possint, exercitu comparando & alendo: quos duos bonorum vsus ciuilem & militarem, infra quoque lib. 7. cap. 8. exponit, ἐν γενικῇ τῶν πᾶσι ἀπορίᾳ, &c. Duo igitur Phaleæ vitia hic taxantur ex eodem fonte manantia, ex præsidio videlicet aduersus externos; alterum, negligentia rei militaris; alterum, bonorum tenuitas seu exiguitas.

I V.
Peccatum
Phaleæ.

Ἀρίστες δὲ ποσὺν τῶν πρὸς ἑαυτοὺς.] Docet de modo diuitiarum optimo & Reipublicæ utilissimo, neque nimis magnas neque contra nimis exiguas esse debere, sed tantas, ut potentioribus non sit utile propter eas bellum mouere aut suscipere, & quibus tamen hostium incursus & pericula repelli possint. Non nimis quidem magnas, ne his irritentur vicini: neque nimis paruas, ne bellum etiam cum paribus sustineri non possit. Nam ad belli vsus pecuniam esse necessariam docet & prouerbum; Belli neruus pecunia: de magnitudine autem diuitiarum & bonorum, quibus ad bellum faciendum sæpe inuitentur homines, præclare & Plato lib. 4. de Reipub. ubi hac eadem de causa suæ Reipublicæ ciues non nimis diuites esse vult, ut scilicet ab externis inuasionibus sint tutiores, quod eleganti similitudine confirmat: facilius namque adduci homines, ut cum canibus strigosis & robustis fœdere inito aduersus oues teneras & pingues bellum suscipiant, quam cum his ouibus aduersus canes illos, inquit Plato. Aristot. idem diuitiarum incommodum exemplo quoque confirmat Auto-phradatis, Persici, ni fallor, Satrapæ, qui ne maiorem sumptum in oppugnanda vrbe Atarneo inter Mysiam & Lydiam sita faceret, quam ex eadem iam expugnata prædam caperet, suasu & consilio Eubuli consiliū de oppugnatione potius

Modus bonorum.

Similitudo.

Exemplū.

potius abiiciendum sibi putauit; quia, inquam, plus damni quam lucri fuerat facturus. Verū de hoc exemplo amplius quærendū. Optimus igitur diuitiarum modus est, quem iam exposuimus, vt ne exteri propter magnitudinē ad bellū suscipiendum inuitentur, sed non aliter bellum suscipiant, non propter diuitias, sed propter alias causas, etiam cum nulla tanta diuitiarum esset magnitudo. Et hoc est quod ait, ἀλλ' ἔτις αὖ καὶ μὴ ἔχοντων.

Οἱ δ' ἔχοντες ἀμυνέειν.] Hæc verba vt minime necessaria, & sententiam perturbantia, vix puto esse Aristotelis.

Μηδὲ τῶν ἴσων καὶ ὁμοίων.] Eleganter Græci hæc duo, ἴσων καὶ ὁμοίων, & ἰσότης καὶ ὁμοιότης, quasi prouerbiū specie coniungere solent, vt infra sæpe & *Isocrates in Areopagitico*, *Xenophon lib. 3. ἀπομνημονεύματων*. & *Plato sæpius*. *Cicero quoque in Epistolis ad Atticum*, tanquam πρὸς ἴσων καὶ ὁμοίων, inquit. Latine parem dicimus.

T E X T V S.

Optimus igitur fortasse modus, ne potentioribus propter magnitudinem sit vtile bellum gere-
re, sed ita vt & aduersus non habentem tanta bona seu tantas facultates, vt Eubulus, cum Autophradates Atarneum obsidione esset cincturus, iussit eum, considerato tempore, quanto locum sit capturus, disputare temporis huius sumptum. Velle enim hoc minore accepto relinquere Atarneum. Quibus verbis effecit vt Autophradates, re cognita, obsidione destiterit.

C O M M E N T A R I I.

Οἶον δ' ἔσχατον.] Totum hunc locum iam supra explicauimus, & quo hoc exemplum pertineat.

Ἐλέλιν γὰρ ἔλαττον.] Monebat Eubulus oppidum tam esse firmū, quod nisi longo tempore, & magno proinde sumptu facto, expugnari non possit; tanto, inquam, sumptu, vt si Autophradati minor præda seu pretium iam daretur, continuo consilium obsidendi abiceret.

T E X -

T E X T V S.

Bona igitur ciuium esse æqualia, est illud quidem nonnihil vtile ad hoc, ne inter se tumultuentur; sed, vere vt dicam, non magnopere. Etenim indignantur præstantiores, tanquam digni non æqualibus. Quare & sæpe conspirare & tumultuari videntur. Præterea hominum improbitas est inexplibilis: atq; bipondius quidem primo est satis; hoc autem postquam vsitatū iam fuerit, semper plus petunt, donec ad infinitum veniant. Est enim infinita natura cupiditatis: huic explendæ vulgo viuunt. Talium igitur principium potius quam bona æquare, est natura quidem bonos tales reddere, vt ne velint iniusta appetere: improbos vero vt ne possint: quod erit, si & imbecilliores sint & iniuria non afficiantur.

C O M M E N T A R I I.

Ἐστὶ μὲν ἔν τῃ πῶν συμφερόντων.] Concludit disputationem de æquatione bonorum, inculcandis & iterandis iis, quæ supra iam attulerat. Nam bonorū æquationem ad seditiones minuendas valere quidem aliquid fortasse, sed parum: propterea quod viri virtute aut facultate aliqua præstantes eam fere sint improbaturi, vt qui dignos se existiment, quibus plura sint & attribuantur bona, quam reliquæ multitudini; hinc igitur motus & seditiones. Vna est igitur hæc causa, cur æquatio bonorum parum valeat. Altera est hominum cupiditas, cuius naturam esse inexplibilem, & supra in *Ethic. lib. 7.* & *Cic. 1. paradoxo* & *ult.* confirmant: adeo quidem vt etsi primo re aliqua tenui homines sint contenti, paulatim tamen se proferente vtilitate plura concupiscant, in infinitum vsque, vt supra *d. lib. 1. cap. 6.* vbi diuitiarum vulgarium modum docuit esse infinitū; & eleganter apud *Aristoph. Chremilos* seruus ad *Plutum*: οὐδ' οὐκ ἐχρῆστο μετὰς οὐδὲν οὐδὲ πώποτε. Bonorum igitur æquatio ne hac quidem de causa est satis, vt & supra cupiditates potius esse æquandas quam bona.

Διωβέ-

διώβολον.

Διωβόλια.] διώβολον & διωβόλιον duo sunt oboli; quod verbum pro leuire & nugatoria poni solet. hinc & dio bolares meretrices apud Festum. Eleganter quoque Græci rem iam vsitatam & solemnem vocant πάτριον.

πάτριον.

Cupiditatum minuendarum modus.

1. Modus.

2. Modus.

1. Eius pars.

2. Eius pars.

Τῶν ἐν τοιαύταιν ἀρχῇ μέλλον.] Docet, motuum minuendorum ratio & modus qui sit optimus, nimirum non bonorum æquatio, sed disciplina & institutio, quam facit bipartitam pro duobus hominum generibus; bonorum vnam, alteram improborum; illam initiolem, hanc seueriorem. Nam hoc agendum, ut bona indole & ingenio natura præditi ita informantur & instituuntur, ne immoderate concupiscant bona; quæ vis & potestas est bonæ institutionis. Apud improbos autem, quia bonis præceptis flecti nequeunt, ut in officio tamen contineantur, hæc ratio tenenda est insignis: primum, ut ne ad honores vel imperia tollantur, sed in infima semper conditione relinquantur. Sic enim etiam volentes, tamen nocere non poterunt. quemadmodum & *Æschines* præclare: Malam indolem maximas calamitates afferre Reipubl. imperio magnò instructam: & contra *Plut. initio vitæ Dionis*, maximas utilitates afferri ex coniunctione virtutis & potentiæ. Hac igitur ratione improbis via nocendi præcluditur, & ipsa quidem facultas: voluntas vero nocendi illis minuitur altera ratione, nimirum si iniuria non afficiantur: quia irritati ad vindictam se proripiant. quæ duplex ratio improbis occurrēdi, ut insignis, diligenter est retinenda.

TEXTVS.

Non recte autem & ipsam bonorum æquationem exposuit. Nam agrorum tantum possessiones exæquat: at diuitiæ etiam in seruis, & pecoribus, & numis, & quæ dicitur suppellectilis ab instrumento magno. Aut igitur omnium horum æqualitas est quærenda, vel ordo quidam mediocris, aut omittenda omnia.

COMMENTARI.

V.

Peccatum Phaleæ.]

Οὐ καλῶς δὲ.] Aliud Phaleæ peccatum & negligentiam reprehendit, qui cum bonorum æquationem instituerit, partem

partem tantum eorum æquarit, agros videlicet, reliqua bona non item.

TEXTVS.

Videtur autem ex legibus ciuitatem facere paruum: siquidem pontifices omnes erunt publici, neq; præstabunt complementum ciuitatis. Verum si eos qui communia exercent, publicos esse oportet, debet res eo se modo habere, quemadmodum & Epidamnus Dyrrachii & olim Diophantus Athenis constituit. De Repub. igitur Phaleæ quidem ex his vere quis videat; ecquid bene, ecquid perperam exposuerit.

COMMENTARI.

Φαίβεταί δ' ἐκ τῶν νόμων τούτων.] Aliud Phaleæ peccatum perstringere videtur, qui & nimis paruum ciuitatem effecerit, & alio, quam oportuerit, modo. Paruitatis argumentum ex eo Aristoteles capit; quod Phaleas opifices omnes tanquam publicos setuos esse velit, quique non sint in numero ciuium. Qua re certissime fit, cum semper magna opificum sit multitudo, ut ciuium sit exigua. Verum Aristoteles non tam hoc reprehendit, quam quod alium modum sit secutus. Nam posse quidem opifices esse tanquam publicos, sed eo modo, quo & suo tempore utebatur ciuitas Dyrrachium & Diophantus, de quo amplius querendum, aliquando Athenis constituerat: qui modus qui aut qualis fuerit, ignoro. Sepulveda existimat esse, ut opifices tales non sint in numero ciuium. At hoc ipse Phaleas videtur voluisse: alius igitur modus querendus est.

VI.

Peccatum
Phaleæ.

CAPVT VI.

HVIVS capituli tres sunt partes: quarum in prima Hippodami & vita moresque & Reipublicæ ab eo descriptæ instituta quædam exponuntur. In secunda aliquot ex iis reprehenduntur. Postrema de legum mutatione differitur.

TEXTVS.

Hippodamus vero Euryphontis filius, Milesius,

sius, qui & ciuitatum partitionem reperit, & Piræum descripsit; reliqua quoq; vita curiosior propter ambitionem, ita vt nonnullis videretur vtilius viuere tam capillorum prolixitate quam sumptuoso vestis ornatu, honeste quidem sed callide, non hyeme tantum, verum & æstiuis temporibus. Cum autem & in omni naturæ parte eruditus esse vellet, primus ex iis qui in Republ. non essent versati, de optimo Reipublicæ statu disputare cepit. Instituit autem ciuitatem multitudine quidem decem millium, in tres vero partes distributam. Nam vnā quidem partem faciebat opificum, vnā vero agricolarum, tertiam vero propugnantium & arma habentium. Regionem autem in tres partes diuisit, hanc quidem sacram, illam vero publicam, illam denique priuatam: Sacram quidem, vnde, quæ ad Deos, caste fierent: communem vero, vnde propugnatores sint alendi: priuatam vero agricolarum. Putabat autem & legum tria duntaxat esse genera, quod de quibus iudicia fiant, tria sint numero hæc, iniuria, damnum, mors. Constituit autem & tribunal vnum maximæ auctoritatis, ad quod oporteat causas nō recte diiudicatas omnes referri. hoc autem ex senibus quibusdam suffragio delectis constituit. Iudicia autem in tribunalibus siue foris putabat fieri debere, non calculis; sed tabellam quemque afferre, in eaq; inscribere, si simpliciter condemnaret; si absoluerit simpliciter, puram relinquere: si denique hoc, hoc vero non, id exprimere. Nam nunc quidem non recte constitutum putabat. Iudices enim necessario vel in his vel in illis peierare.

Scriptit

Scripsit autem legem de iis, qui rem aliquam vtilem ciuitati inuenirent, quemadmodum honore sint afficiendi: liberis quoque eorum qui bello perierint ex publico victu præberi, vt quod apud alios nondum esset constitutum. Nunc autem hæc lex est & Athenis & aliis in ciuitatibus. Magistratus autem omnes ex populo suffragiis deligendos, populum autem faciebat tres partes ciuitatis: delectos autem curare & res communes, & peregrinorum, & pupillares. Hæc igitur pleraque quidem & commemoratu dignissima sunt in Hippodami descriptione.

COMMENTARI.

[Ἱπποδάμου ἔργων.] Exponit initio Hippodami *Hippodami* mores & studia. Hippodamus igitur Euryphontis filius, patriæ Milesius, vt alii, Thurius, Medici belli tempore Athenis *morū studiorumq;* in Piræo habitauit, Atheniensibus non tantum carus, sed in *descriptio.* summo quoque honore habitus, cum ob alia in eam Rempub. beneficia, tum quod rogatu Themistoclis, qui Piræum primus ornasse dicitur, vt est apud *Plut. in vita ipsius*, antea confusum eleganter descripserit, & in certa membra, tanquam nouam & alteram urbem, sit partitus: fuit enim Architectus optimus. Quare & forum quoddam in Piræo fuit Hippodamium, eius nomini & honori tributum. Neq; vero ædificandi arte contentus fuit, sed omnes naturæ partes curiose rimari voluit; etiam de Repub. quam tamen nunquam attigisset, scribere ausus. In victu autem & cultu paulo quoque exquisitior & sumptuosior fuit. Nam & πολυφάγος nomine male audit, & prolixa vsus est cæsarie, quod solent homines molliores & luxu diffuentes: veste quoque splendida & sumptuosa utebatur, eaq; calida non hyeme tantum sed æstate, duplici forte vel triplice, vel pellibus suffulta. Hanc igitur Hippodami curiositatem & in vita & in doctrina perstringit hoc loco Aristoteles. Et hæc quidem nos de Hippodamo collegimus ex hoc loco & infra lib. 7. cap. 11. *Explanatore Græco Aristophanis in Equitibus*, ad hæc verba, Ἱπποδάμου λείβετα. *Suida in verbo Ἱπποδάμεια ἀρχή.* Xen-

Xenophonte lib. 1. ἐκκλησιῶν. Quod autem *Antonius Muretor* variarum lect. libr. 1. cap. 14. Aristotelem falsi accusat, qui Hippodamum calumnia potius quam vere taxet; *Victorius lib. 38. variar. lect. cap. 2.* recte refellit. Nam duo fuerunt Hippodami: Milesius vnus, cuius instituta Reipublicæ hîc taxantur, alter Pythagoreus, cuius Respublica à *Stobæo cap. 43. de Repub.* commemoratur.

Καὶ τὸν περὶ αὐτῆς κατέτεμε.] Verbum κατέτεμεν nunc valet in partes secare, nunc distinguere: quorum hoc ex illo manat: quare & hîc verti, *descripsit*, id est, in certa membra & partes totum Piræum antea confusum distribuit & disposuit. Sic & infra lib. 7. cap. 11. Hippodamiam ædificandi rationem vocat εὐτομίαν, quasi eleganter sectam & dispositam. Alii interpretes vertunt, *incidit, abscidit, seiunxit*, quod hanc continet sententiam, Piræum, antea cum vrbe & astu coniunctū & confusum, Hippodami opera diuisum fuisse. Nam & *Plut. in Themistocle* ait, Themistoclem, quem Hippodami opera vsum diximus, Piræum ab Astu disclusisse.

Καὶ κόσμων πολυτελεῖ.] Hæc verba vulgo ad capillos accommodantur tanquam Hippodami capilli & prolixi fuerint & splendide ornati, cicadis forte aureis, vt olim solent Athenienses, verum quia articuli, ἐπὶ δὲ, absunt à melioribus libris, & ornatus ille iam desierat, illud denique, περιχῶν τε, propter particulam, τε, vnum tantum de capillis, nimirum prolixitatem, significat (nam alioqui diceret περιχῶν πολλῶν τε καὶ κόσμων.) postremo, quia alioqui satis dure verbū, κόσμων, trahendū sit rursus ad verbum, ἐοικῶς: hac igitur de causa hæc verba potius ad ἐοικῶς, quam ad περιχῶν accommodanda videntur, in dictis articulis, ἐπὶ δὲ.

Εὐτελεῖς μὲν.] Sic quidem omnes libri, inquit Sepulveda: sed legendum, εὐτελεῖς. Nam εὐτελεῖς est vile, nugatorium seu leue: verisimile autem non est, Hippodamum cætero corporis ornatu sumptuosum, veste tamen viliori esse vsum: nisi & hac in re noui aliquid quæsiuit.

Hippodamea Reip.
descriptio.
Agrorum
distributio.

Κατεσκήναζε δὲ τὴν πόλιν.] Exponit Hippodameam Reipublicæ descriptionem, eiusq; instituta nouem, vt memoratu digniora: primum est hoc.

Διήρη δὲ εἰς τρία μέρη.] Hæc trimembris partitio in sacrum publicum, & priuatum est digna obseruatu. Nam & Ius Romanum ita diuisum fuisse ait *Quintil. lib. 2. cap. 4.*

Auson.

Auson. Ius triplex, inquit, Tabulæ, quod per sanxere quaternæ: Sacrum & priuatum, & populi commune quod vsquam est. Sic & *Cic. in opere de legib.* primo, de Iure sacrorum, secundo de Iure publico magistratum, tercio de Iure priuato contractuum & iudiciorum. Sic & *Cornel. Nepos in vita Themistoclis*: Neque vlli loco parcerent, siue sacer, siue priuatus esset, siue publicus. Sic ibi legendum ex veteribus libris.

Περὶ ὧν ὁ αἰ δίκας γίνονται.] Et hæc partitio est obserua- *Iudiciorum*
tu digna, qua iudicia de tribus tantum rebus fieri ait, de da- *diuisio.*
mino, de iniuria seu contumelia, & morte. Cuius partitionis hæc est ratio, quod vel in bonis, vel in corpore, vel deniq; in existimatione & fama quis læditur. Hinc tria fere poenarum genera; multa, ignominia, & mors: ad quam pertinent & aliæ corporis poenæ, verbera, fustes, & præcisio manus.

Ἐπομνήσεαι δὲ.] Et hoc institutum iudiciorum de summo *Tribunal*
maximæque auctoritatis vno constituendo tribunali, iudi- *summum,*
cio seu foro, ad quod à reliquis minoribus fuit prouocatio, vel appellatio, vt sapiens & bonum, non reprehendit *Aristoteles*, hodieq; eo pleræque gentes vtuntur.

Τὰς δὲ κείρας.] Sextum Hippodami institutum item iudi- *Calculi,*
ciarium, hoc est, nō esse calculis ferendam sententiam duo-
bus, vno cauo, altero solido, vt in Græcia tum erat solemne;
sed potius tabellis, non duabus, sed tribus, quarum in vna
scribatur condemnatio, in altera nihil, in tertia moderatio
seu temperatio. Quemadmodum & Romæ in vna inscribe-
batur C. in altera A. in tertia N. L. in grauioribus causis,
teste Asconio in Diuinationem Cic. Hanc autem rationem ta- *Ratio.*
bellariam altera esse meliorem Hippodamus docebat hac ra-
tione, quod altera esset perituri causa, vbi duo duntaxat sint
calculi. Quid enim si centum petantur Minæ, siquidem pa-
teat totidem deberi, aut nihil deberi; iam vtilis poterunt es-
se calculi. Sed si neque nil neq; tantum debeatur, quis hic
erit calculus? vtrumuis proferat iudex, peierabit. Nam iu-
dex olim hodieq; iuratus iudicat.

Καὶ τοῖς παλοῖ.] Octauum hoc Hippodami institutum de *VIII,*
alendis publice bello interfectorum liberis, vt præclarum, *Institutum,*
non reprehendit *Aristot.* hoc tantum ait, etiam Athenis a-
liisque ciuitatibus, si non tempore Hippodami, certe suo iam
fuisse receptum, quod laudat & *Pericles in oratione funebri*
extrema apud Thucyd. lib. 2. & *Cic. Ro. 14. Philip.* Victus au-

rem hic publicus præbebatur in Prytaneo. *Cic. lib. 1. de Orat.*
& Pollux lib. 8.

TEXTVS.

Et primum quidem multitudinis ciuium diuisionem in controuersiam quis vocet? Nam & opifices, & agricolæ & arma habentes Reipub. sunt omnes participes. Nam agricolæ quidem arma non habent, opifices vero neq; agrum neq; arma, quare arma habētium serui fere fiunt. Honorum igitur omnium quidem eos esse participes, est nefas. Nam ex habentibus arma necesse est constitui & Imperatores & politophylaces, & summos magistratus vt ita dicam: non participes vero Reip. quā fieri potest, bene in Rempublicam esse affectos. Verum arma habentes necesse est vtraque parte esse potentiores. Hoc autem difficile est, nisi sint multi. At hoc si erit, cur alios oportet Reipublicæ esse participes & creationis magistratuum Dominos. Præterea agricolæ qua in re ciuitati sunt vtilis. Nam opifices quidem vt sint, necesse est. Omnis enim ciuitas opificibus opus habet, & ex arte sustentari possunt, vt in aliis ciuitatibus. Agricolæ vero, victum quidem arma tenētibus parantes, merito pars aliqua sint ciuitatis: nunc vero propriū habent, & hunc priuatim colent. Præterea communem, vnde propugnantes sunt victum habituri, vel habebunt, si ipsi quidem colent, non erit alia pars militaris & rustica. At vult legum scriptor. Si vero alii quidam erunt priuata colentes & militares. Hæc igitur quarta erit ciuitatis pars, nullius particeps, sed & à Reip. seiuncta. Quod si eosdem quis ponet & proprium & communem

munem colentes; & fructuum minor erit copia, unde duas domos quisque sustentet, cum inquam & cur non statim de agro & ipsis sortibus & victum sument sibi ipsi, & parabunt militaribus. Hæc igitur omnia valde sunt perturbata.

C O M M E N T A R I I.

Ἀπορήσας δ' αὖ πρὸς.] Ex nouem Hippodami institutis Aristoteles quatuor refellit, secundum, tertium, sextum, & ultimum: ex quibus tria, secundum, tertium & ultimum, vno eodemque contextu: Nam reprehensio fere est triplex: prima est de partibus ciuitatis, earumq; sortibus, seu agrorum partibus. Quod igitur Hippodamus tres fecit ciuitatis partes, agricolas, opifices, & milites: vitiosum esse docet; docet, inquam, perperam fecisse Hippodamum, qui agricolas quoque & opifices ciuitatis fecerit partes & honorum Reipublicæ participes. Nam vel omnium sint participes, vel nullius, vel quorundam, necesse est: vt omnium, est ἀδύνατον. Maiores namq; magistratus, vt belli prætura, consulatus, censura, non solent mandari infimis hominibus, iis præsertim, qui nullam rei militaris habeant peritiam. In his maioribus fuerant quidam πολιτοφύλακες ab ipso Hippodamo fortasse dicti. Vt nullius, res est periculosa & ad seditiones opportuna. Nam qui sunt ciues, ab omnibus honoribus se excludi, grauiter ferunt. Et hoc est quod ait, μὴ μετέχοντα δὲ τῆ πολιτείας. Reliquum est, vt quorundam sint participes, minorum fortasse magistratuum. Sed ne hoc quidem Hippodamo dari potest: qui quia agricolas armis, opifices & armis & agro orbarit, reliquorum militum tanquam seruos effecerit: atque ita ad nullum vnquam magistratum, nisi pro libidine & arbitratu militum, aspirare possunt. Perperam igitur Hippodamus eos ciuitatis partes fecit qui ad honores peruenire non possunt, cum honorum participatio sit vel maxima veri ciuis nota, infra lib. 3. cap. 1.

Ἀλλὰ δὲ κρείττερος εἶναι.] Modo refellit secundum eius institutum, nunc ultimum, quo creationem magistratuum Hippodamus vniuerso populo voluit esse cōmunem. Nam hoc vt vanum & superuacaneū esse docet hac ratione, quod totam Rempublicam necesse sit esse in potestate militum. Formula:

mula: Si tertius militum ordo reliquis duobus opificum & agricolarum necessario viribus præstat: Ergo frustra creatio magistratuum reliquis duobus communicatur. Connexi ratio: quia cum viribus sint superiores milites, reliqui nihil poterunt vel audebunt citra illorum consensum. Milites autem viribus superiores, & multitudine præstare debere, ex eo intelligitur, quod tota Reipublicæ custodia & salus in his sit posita tam ad compescendos motus intestinos, quam hostibus externis occurrendum.

2. *Argumentū aduersus 2. institutū.*

Ἐπ' οἱ.] Alio argumento eandem ciuium partitionem refellit, quod videlicet agricolarum horum in ciuitate nullus sit vsus. Nam milites quidem ciuitati esse vtilis, vt eius custodes & defensores, perspicuum est. Opifices quoq; Reipublicæ esse vtilis & necessarios ex eorum operibus, quæ sine vita humana consistere nequeat, intelligitur: ex quibus ipsis operibus victum sibi comparare solent. Agricolaæ autem possent quidem & illi esse vtilis, si militibus victū suppeditarent (nam opifices ex arte sua viuunt.) Verum Hippodamus eos voluit suos priuatim agros sibi habere, eosq; colere; non, inquam, militibus, sed sibi. Quare agricolaæ cum neque arte, neq; consilio, vel custodia, neque fructibus quicquam Reipublicæ conferant; relinquitur eos plane esse inutiles.

III. *Instituti refutatio.*

Ἐπ' δὲ ἡγνῶν.] Tertium Hippodami institutum de agri partitione, priori ciuium partitioni trimembri accommodata, vt confusum & inexplicabile, reprehendit. Nam omisissis reliquis duabus partibus, sacra & priuata, sola publica agri pars multum habet difficultatis, ex qua milites alii voluit. Difficultas in hoc est posita, quod, agrum illum publicum quis colere debeat, non reperitur. Nam, vel ipsi milites vel alii vt eum colant, necesse est. Si milites, ergo iidem & milites erunt & agricolaæ, contra ipsius Hippodami consilium & institutum. Si alii, tum vel agricolaæ, vel alii aliqui: nam opifices huic rei vacare non possunt. Si igitur alii aliqui, i. neq; milites, neque opifices, neq; agricolaæ; efficitur quarta quædam pars ciuitatis, eaque & sine agri parte, & omnium Reipublicæ honorum & partium plane expers, item cōtra Hippodami consilium, qui tres duntaxat partes constituit. Reliqui igitur sunt agricolaæ, qui hos publicos quoque agros colant. Atque hinc quoque duo existere incōmoda seu potius

tius vnum incommodum & alterum absurdum ostendit; si, inquam, agricolæ & suos priuatos & publicos militum agros colere debeant. Nam cum numero sint pauciores, *Incommodum.* qui tantum agri bene & vtiliter colere possint: Et hinc agri non bene culti fructus non sunt reddituri copiosos, pares, inquam, alendis duabus familiis, vna cuiusque sua, altera militis: incommodum profecto hoc erit maximum, quod tantum non sit fructuum, vnde & suam quisque familiam & militis vnus sustentet. Sic enim hæc verba, τό τε πλῆθος αἰσχροπρον, vt vulgo, intelligenda puto. Sepulveda aliter: Si agricolæ, inquit, & suum & militarem colant agrum, fructus suorum, id est, priuatorum, agrorum non erunt satis alendæ rusticorum bipartitæ multitudini ad binos fundos colendos necessariz. Nam δύο οἰκίας, duas rusticorum familias seu multitudinem duplicem intelligit: nos duas domos, vnam rustici, alteram militis: quod & postulat verbum γεωργήσῃ, & quæ sequuntur αὐτοῖς ὃ ἐν τοῖς μαχίμοις. Hoc igitur est incommodum. Absurdum est istud, quod si agricolæ & suos & militum agros colere debeant, exq; iis & se & milites alere: perinde efficitur, atq; si nulla ab initio distinctio agrorum & rusticorum & militarium esset facta: Cur, inquit, igitur distinxit agros, & non potius vtrumq; rusticis solis ab initio attribuit, ex quo & se & milites alant? *Refutatio.* *Absurdū.*

T E X T V S.

Lex autem de iudicio non recte se habet, eo quod vult iudicē diuidere iudicio simpliciter dictato & ex iudice fieri arbitrum. hoc autem in arbitro quidem & pluribus accidit. nam de iudiciis inter se conferunt: in iudiciis vero non item. Sed & contrarium huic plerique legum scriptores curant, vt ne iudices inter se conferant. Præterea, quomodo iudicium non erit perturbatum, cum iudex quidem deberi censeat, non tantum vero quantum actor. Nam hic quidem viginti minas, iudex vero decem minis iudicat, vel hic quidem plus, ille vero minus, alius vero quinque, hic vero

quatuor. Et hoc igitur modo utique diuident: hi vero de omnibus cōdemnabunt, illi vero de nullo re. Quis igitur erit modus dinumerationis sententiarum: Præterea vero nemo peierare cogit simpliciter absoluentem aut condemnantem: siquidem actio simpliciter intentā est iniuste. Nam qui absoluerit, non iudicat nihil deberi, sed viginti minas: ille potius peierat, qui cum viginti minas non deberi existimet, condemnet.

COMMENTARI.

VI.
Instituti
refutatio.
1. Ratio.

Οὐ καλῶς εἰ ἔσθ' ὡς τὸ κρείσσω.] Sextum Hippodami institutum de iudiciis, de tertia videlicet tabella moderatrice, refellit duobus argumentis. Prius est, quia hac ratione fiat, ut nullum sit inter iudicem & arbitrum discrimen, quos inter tamen cum alia multa sunt discrimina, tum hoc non exiguum, quod arbitri inter se communicent & conferant, & quasi de communi consilio tandem aliquid statuunt. Iudicum alia est ratio, qui separatim quisque, quod sibi videatur, non collatis capitibus, definire solent. Quod quidem præceptum iudicarium optimos quosque legum scriptores seruare & urgere ait, ut ne iudices conferant capita. De diuidentis sententiis, id est, ne, dum his simpliciter, absolute & præcise est composita, alius Iudex alteri dicat, moderandam esse petitionem, neque tantum actori ad iudicandum, quantum petiuerit: quod arbitrorum est officium, ut est apud Ciceronem in *Roscianā*. Alterum argumentum, quia hæc Hippodamea ratio valde sit confusa & perturbata. Nam si hoc Iudicibus licebit, à petitione, inquam, discedere, alius aliud iudicabit; verbi gratia, si viginti minæ petantur, & liberum erit Iudici, quantum ipsi videbitur, decernere, alius fortasse quinque minas, alius decem, alius quindecim, alius quinquaginta adiudicabit; quæ certe est magna sententiarum varietas & perturbatio. Rectius igitur & Iurisconsulti grauitè monent, ut actionem sequatur Iudex, præterquam in actionibus bonæ fidei & arbitrariis, ut quæ arbitriis valde sint similes, l. ut fundus, ff. *communi diuidundo*.

2. Ratio.

Ἐπ' εἰς ἑσθ' ἐπιπρξ.] Docet, metū periurii, quæ fuit causa Hippo-

Hippo-

Hippodamo noui huius instituti, esse inanem. Nam Hip- *Refutatio*
podamus, petitis **xx. minis** (verbi gratia) neque tamen ni- *eius causa,*
si **xv. debitis**, Iudicem, si totius summæ petitæ condemna- *quam Hip-*
ret, aut prorsus absolueret, fore periurum: quare melius eum *podamus*
esse facturum, si sententiam diuideret & moderaretur. Ari- *attulit.*
stoteles iudicem in hac causa prorsus absolueri posse, sine
vlllo periurij metu, ait. Quid ita? Neque enim, qui ita absol-
uit, continuo censi debet ita existimare, quasi nihil prorsus
debeat, sed ita potius, quia **xx. illæ minæ**, id est, quod peti-
tum est, non debeat. Iudex ad petitionem se refert senten-
tia ferenda non ad veritatem. Verum si condemnaret **xx.**
minis, sciens non deberi nisi **xv.** peieraret.

T E X T V S.

De eo autem quod iis, qui ciuitati vtile quid
reperiunt, præmium aliquod esse oporteat, non
est tutum constituere, sed audire tantum specio-
sum. Continet enim, si ita res ferat, calumnias &
mutationes Reipublicæ. Incidit autem in aliam
disputationem & quæstionem aliam. Quærunt e-
nim quidam, vtrum perniciosum an sit vtile ciui-
tatibus, leges patrias mutare, si qua alia sit melior.
Quare non est facile ei, quod modo allatum est,
statim concedere, siquidem non conducit muta-
re. Fit autem vt quidam legum aut Reipublicæ
mutationem afferant, vt bonum commune.

C O M M E N T A R I I.

Περὶ δὲ τῶν τοιούτων.] Septimum Hippodami institu-
tum de præmio salutare aliquod institutum, & Reipublicæ
vtile inuenientibus constituendo. Quod institutum Aristot-
eles speciosum quidem esse ait: propterea quod, vt præmia
bene merentibus esse solent, ita & hic præmia decernantur
boni aliquid inuenientibus. In eo quoque speciosum est,
quod contineri eo videatur summa Reipublicæ cura. Simile
est institutum, sed in re turpi, Xerxis de noua voluptate, &
Noribergensium de opificiis. Præclara igitur huius instituti
est species, sed idem periculi plenum, quod ad Reipublicæ

VII.
Hippodami
institutum.

Reprehensio

mutationem spectare, & occasionem præbere videatur etiam calumniarum. Calumniarum quidem in accusandis veteribus institutis, & reprehendendis nouis, ut olim innumerabiles aduersus legum nouatores solent esse sycophantiæ, ut est apud Demosthenem & Æschinem. Occasionem autem mutandæ Reipubl. hoc instituto contineri, est perspicuum: quia præmium constituatur noua instituta inuenientibus. Nam his nouis si sit locus, vetera ut abrogentur, necesse est. At quam periculosa sit veterum institutorum & legum morisque maiorum mutatio, notum est: etsi hæc quoque quæstio seu locus de mutatione legum & institutorum est controuersa, an Reipubl. utilis sit, nec ne? Quare Aristoteles quæstionem de hoc instituto incurrere ait in alteram de legum mutatione quæstionem: adeo, ut, si legum mutatio sit & ponatur Reipubl. inutilis, efficiatur, & hoc institutum esse perniciosum, ut quod ad mutationem viam muniat.

T E X T V S.

Quia autem mentionem fecimus; melius etiam pauca de hoc consulere. Nam, ut diximus, controuersum est seu quæri solet. Atque melius videatur esse, mutare. Siquidem aliis artibus hoc profuit, ut ars medendi de vilitatis mota, & gymnastica, & omnino artes omnes & facultates: ut, quia & Politica harum vna est constituenda, certe & in ea item se habere sit necesse. Dicat autem quis, ipsis in rebus argumentum exstitisse. Nam prisca instituta valde esse stulta & barbarica. Etenim Græci cum ferro procedebant, & vxores alter ab altero emebant, & quæ reliqua sunt ex priscis institutis, prorsus sunt stulta: ut Cumis de cædibus lex est, si accusator testium multitudinem aliquam adducat de suis cognatis, accusatum cædis esse reum. Omnes autem omnino quærunt, non quod vilitatum, sed quod bonum. Probabile quoque est,
primos

primos homines, siue de terra exortos, siue ex inter-
 necione aliqua seruatos, similes esse & vulgares
 & stultos, vt & de terra natis fertur; quare in ho-
 rum decretis manere absurdum. Ad hæc autem
 nescriptas quidem leges melius sinere immotas.
 Nam vt aliis quoque in artibus, & in politica de-
 scriptione fieri non potest, vt omnia exquisite
 scribantur. Vniuerse namque scribi necesse est:
 actiones autem sunt in rebus singulis. His igitur
 perspicuum leges esse mutandas, quas & quando.
 Verum aliter intuentibus videatur opus esse ma-
 gna religione. Nam vbi quod melius quidem fue-
 rit exiguum, consuefacere vero ad leges tollēdas,
 graue: perspicuum est, concedenda esse peccata
 quædam & legum scriptorum & magistratuum.
 Neque enim is, qui mutarit, tantum proderit,
 quantum nocebit assuefactus imperantibus non
 parere. Exemplum autem de artibus falsum quo-
 que est. Neque enim simile est mutare artem &
 legem. Nam lex ne vllam quidem firmitatem ha-
 bet, vt ei pareatur, præterquam ab usu. Hic autem
 non est nisi ex longo tempore. Quare facile muta-
 re leges receptas in alias nouas leges, est legis vim
 & potestatem reddere infirmam. Præterea vt sit
 mutandum, vtrum & omnes & in omni Rep. nec
 ne; & vtrum cuilibet, aut quibus: nam inter hæc
 plurimum interest.

C O M M E N T A R I I.

Ἐπεὶ δὲ πεποιήμεθα.] Locus de legum & institutorū mu- Digressio de
 tationibus insignis hîc attingitur: de quo & Plato lib. 6. de le- legum mu-
 gib. Isocr. ad Nicoc. fere initio τῶν ἀπορρηγμένων, &c. Syracus tatione.
 cap. 13. Demosth. aduersus Dynocratem, vbi de præclara Lo-
 crensi lege. Iurisconsulti sub tit. de legib. l. non omnium n. &
 l. & ideo,

*Sūma hu-
ius dispu-
tationis.*

l. & ideo, l. minime, & in l. consuetu. C. eod. Liuius lib. 34. in pr. In orationib. Catonis cos. & Valerij Tr. pl. Eodē pertinet & dictum Cleonis apud Thucyd. lib. 3. de quo paulo infra. Hoc autem loco in vtramq; partem disputatur de legum & morum mutatione. Cuius tamen disputationis conclusio & summa hæc est, nullas leges siue scriptas, siue non scriptas, quæ instituta & mores dicuntur, etiam quæ leui incommodo & malo laborent, esse mutandas vel abrogandas, præter leges perspicue barbaras & stolidas.

*1. Argum.
καὶ ὁμοιοπα-
σίαν.*

Καὶ ὁμοιοπασίαν βέλπον εἶναι.] Quatuor affert argumenta, quibus mutatio legum non scriptarum seu moris maiorum, & scriptarum; & vnum, quo præcipue legum scriptarum mutatio commendari & probanda esse videatur. Primum argumentum est ab artium similitudine ductum, qui locus de artium & scientiarum progressu & in meliorem statum, adque adeo ad summum perductione item est memorabilis, de quo & Plato in Hippia maiore, & supra Aristot. lib. 1. Ethic. cap. 7. in fin. & idem apud Cic. 3. Tuscul. Itaque Aristoteles veteres Philosophos accusans, &c. & Lucret. lib. 5. extemo, vbi hæc est clausula: Namque aliud ex alio clarescere corde videbant, Artibus ad summum donec venere cacumen. Sic igitur concludit Aristoteles: Artibus omnibus mutatio processit in melius, ergo & politicę: vtpote quæ & ipsa in artium sit numero. Ergo & instituta politica paulatim mutata erunt meliora.

*2. Argum.
καὶ ὁμοιοπα-
σίαν.*

Σημείον δ' αὖ.] Alterum argumentum seu prioris potius exemplum, quo non tam ratione seu argumentatione, quam rebus ipsis & factis docet, mutationem esse vtilem. Nam vetera quædam instituta, vt stultiora & absurdiora & barbariem redolentia, iam vsu ipso abrogata desuisse: atque adeo omnia fere instituta prisca stolidiora fuisse. Est autem hic locus de antiquis Græcorum institutis simplicioribus & barbariem redolentibus sumptus, ni fallor, ex Thucyd. lib. 1. quo modo & Romanorum quædam instituta seu leges XII. Tabularum Philosophus Phauorinus reprehendit apud Gell. lib. 20. cap. 1. Aristoteles tria eius generis instituta hic com-

1. Exempl.

memorat. Primum est, quo Græcos veteres ferro seu gladio accinctos procedere solitos ait, quem morem Thucyd. pri-

2. Exempl.

mos Athenienses abiicisse ait, lib. 1. de morib. vet. Alterum institutum est vxorum inter se emptio, quod & Romæ in

vsa

usu fuit, hinc coemptio & coemptionales senes *Cicero in Maeniana & in Top.* & apud Persas apud *Herodotum*. Et hæc quidem duo instituta erant communia. Tertium Cu- 3. *Exempl.*
marum proprium, de testimonio in eade: quod quidem in-
stitutum non immerito Aristoteles, ut stultum, reprehendit,
ut quo exdis reus damnetur aliquis testimonio domestico,
cuius nulla debuerat esse auctoritas, §. *testes autem, de testa.*
ordinand.

Ζητῶσι δ' ὅλως.] Tertium argumētum ab hominum stu- 3. *Argum.*
dio & natura sumptum. Neque enim homines tam recepta καὶ λαοκδυσ-
& usitata, quam ea quæ sunt bona, expetere: nam hanc esse σικόν.
boni naturam, supra explicauimus *initio lib. 1. Ethic.* Si igitur
bona potius, quam usitata, sint expetenda: Ergo & insti-
tuta etiam usitatis meliora sunt anteponenda. Et si Herodo-
tus suæ cuique patriæ mores & instituta charissima esse ait.

Εἰκὸς δὲ τὰς πρώτας.] Quartum argumentum seu potius 4. *Argum.*
tertij confirmatiō. Docet enim, prima instituta non satis ac- καὶ λαοκδυσ-
curata & bona, sed stultiora fuisse, ut ab omnibus simplici- σικόν.
bus & indoctis profecta. Priscos namque homines pene, ut
stultos & insipientes, reprehendimus & minus simplices. Si
igitur instituta sunt hæc vetera à primis illis inuenta, & pro-
inde stultiora: absurdum sit, ea, tanquam sacrosancta, per-
petuo seruari, & eorum hominum decretis semper acquie-
scere. Meminit autem hic primorum hominum, quod tamē
Aristotelicæ rationi repugnare videatur, qui cum aliis in lo-
cis, tum maxime *lib. 8. Physica Acroasews*, nullum mundi &
animantium ortum esse voluit. Primos homines igitur vo-
cat eos, qui post communem aliquam internecionem, vel ex
terræ motu, vel ex incendio, vel ex eluione facta salui re-
manserint, & ex iis sint nati, vel ex terra ipsa sint editi. Quem
hominum & animalium ortum quosdam probasse memo-
rat *de ortu animantium extremo*, in quibus postea fuerunt &
Epicuræi. Lucret. lib. 5.

ἄρ' οὖν δὲ τῶν τοις.] Quintum argumētum scriptarum legum 5. *Argum.*
proprium, quo has quoque interdum mutandas esse docet: καὶ λαοκδυσ-
propterea quod scriptis legibus omnia comprehendi non σικόν.
possint. Cur autem non possint, hæc est ratio: quia leges fe-
rantur vniuersæ, & quidem de actionibus humanis; quas
constat esse ex numero rerum singularium, & proinde infi-
nitas, supra *lib. 2. Ethic. cap. 2. in princ.* Legibus igitur omnia
com-

comprehendi non possint exemplo cæterarum artium: quarum præcepta, cum & ipsa sint generalia, multæ quoque res singulæ effugiunt. Quare cum legibus omnes causæ contineri & definiri nequeant, ratio postulat ut in causis non definitis, vel ob has ipsas, leges interdum vel novæ ferantur, vel veteres mutantur. Quod idem fere fit, ubi ius summum & strictum æquitati concedere cogitur, supra libro 5. *Ethicor. extremo.*

Argument.

*ἀναστροφῆς
σικδον.*

["Ἄλλον δὲ τρόπον.] Nunc contra legum mutationem: quam docet difficilime permittendam hac vna ratione, quod mutatio legum crebra ciues reddat legibus & magistratibus inobedientiores: atque adeo, quod legum mutatio robur, vimque & potestatem legum infringat, & leges, tanquam irritas, contemptiores reddat. Quamobrem & plæræque civitates legum mutationem grauitè abhorrerunt, ut Sparta in primis suis legibus & institutis quam diutissime vsa iisdem; ubi & Pausanias quærenti, cur antiquis moribus viuerent Spartani, respondit, quod Spartæ leges viris, non legibus dominantur viri: ut est apud *Plut. in Laconicis apophthegmatibus.*

1. Exemplū.

2. Exemplū.

De Locris quoque supra ex *Demosthen.* Hinc & *Ennius:*

Moribus antiquis res stat Romana virisq.

Et si Romani propter imperii forte magnitudinem & crebram status mutationem hac in re videntur fuisse leuiiores. Iurisperiti tamen diligenter monent, nihil temere mutandum ex solemnibus, hoc est, ex receptis & prioribus, ut vulgo dicimus, non mutanda, quæ certam interpretationem semper habuerint. Quare ne rationes quidem legum & institutorum veterum semper exquirendas, *l. non omnia, & l. minime, de legib.* Quod idem & Plato vetat *lib. 3. de legib. & lib. 6.* legum, inquam, mutationem.

*Quando sint
mutanda le-
ges.*

["Ὅταν γὰρ τὸ μὲ βέλπον.] Insignis hic est locus de legum vitiis, seu de peccatis legumlatorum & magistratum: ea si sine parua, esse dissimulanda. Nam præstare ciues iisdem contineri legibus, etiam non nihil vitiosis, quam statim propter exigua vitia mutandis legibus eos mutationi assue fieri, & proinde inobedientiæ; quemadmodum Cleo Demagogus Atheniensis in concione ad pop. apud *Thucyd. lib. 3.* πάντων δὲ δεινότητων: omnium, inquit, grauissimum, nihil apud nos eorum, quæ semel decreta sint, firmiter manere: præsertim

quos

quos ignorare non oportuerit, melius agi cum ea ciuitate, quæ legibus, deterioribus illis quidem, sed firmis & immutabilibus, utatur, quem quæ melioribus & irritis. Et hunc quidem locum, ut diuinum, valde admiratur *Philippus in notis ad hunc locum*. Vitiorum autem paruitatem & magnitudinem hic Philippus æstimat pro discrimine iuris ciuilibus & naturalis, ut si qua sint vitia rationi & iuri naturali repugnancia, ea non sint dissimulanda.

¶ *ἔτι δὲ καὶ τὸ*] Refellit similitudinem ab artibus sumptam, qua confirmari videatur mutatio legum. Ait namque, *Refutatio similitudinis sup. primo argumēto allata.* eam esse captiosam, quod inter leges seu politicam & reliquas artes magna sit dissimilitudo; hæc videlicet, quia reliquarum artium firmitas & fides suis ipsarum præceptis continetur; Legum firmitas non tam ipsis literis vel scripto, sed usu postea consistat. Et hic quoque insignis est locus de legum firmamento, usu. De quo & *Iustin. Imp. No. 40. & Iulianus Iurisc. l. de quib. & Paulus l. imo, ff. de legib. Liuius lib. 34. de Lege Oppia*, quam usu tot annorum & experiendo comprobastis, hæc ut abrogetis, hoc est, ut, vnā tollēdo legem, reliquas infirmetis, &c. quo pertinet & Solonis dictum, qui roganti quæ leges ipsi viderentur optimæ, hæc, inquit, quibus populus utitur.

¶ *Ἐπὶ δὲ καὶ*] Disputationis de legum mutatione, quia multa sunt capita, primum an sint mutandæ, de quo iam explicatum: deinde quæ, & de hoc dictum: deinde an omnes: præterea an peræque in omni Repub. Nam facilius in Regno, quam in politia, legum mutatio est permittenda: præterea an cuiuslibet potestas sit permittenda nouæ legis ferendæ: qua in re magna erat licentia Athenis, & apud hunc Hippodamum. Romæ certis tantum magistratibus. Postremo quibus, si certis tantum magistratibus, ut Romæ. Quia igitur multa de hac re sunt capita, & late patet disputatio; eam reiecit in aliud tempus. *Reliqua huius disputationis capita.*

C A P V T V I I.

DE Repub. Lacedæmoniorum, habita eo tempore laudatissima, explanat hoc capite, eiusque vitia 16. ostendit: quæ disputatio ut intelligatur, operæpretium erit videre *Xenophontem in libello de Repub. Lacedæmoniorum, Plutarchum in Lycurgo, Herodotum quoque, Thucydidem & Athenam*.

neum multis in locis, & Platonem in libris de legibus, & Pausaniam in Laconicis.

T E X T V S.

De Lacedæmoniorum Repub. & Cretum, atque de aliis fere Rebuspublicis duæ sunt quæstiones: vna quidem, si quid bene vel perperam ad optimam rationem sit constitutum: altera vero, si quid ad consilium & modum contra propositam ipsis Rempublicam.

C O M M E N T A R I I.

*Præceptum
generale ad
omniū Re-
rum insti-
tuta exa-
minanda.*

1.

2.

Περὶ δὲ τῆς.] Priusquam vitia Reipublicæ Spartanæ refel-
lit, præceptum affert commune & insigne de rebus ijs, quæ
in quaque ciuitate sint spectandæ & exquirendæ. Huic loco
similis est alter, infra *lib. 7. cap. 11.* vbi in omnibus rebus & ar-
tibus duo quoque videnda esse ait; finem, & ea quæ ad finē.
Ad eundem modum & hic duo esse ait, quorum in omni
Republ. sit habenda ratio, & de quibus quæri debeat. Quo-
rum hoc est prius, vt videamus, ecqua huius vel illius ciuita-
tis instituta optimo Reipublicæ generi seu statui consentiant
vel repugnent: alterum, ecqua non iam optimæ formæ, sed
suz consentiant vel repugnent. Nam duo hæc sunt semper
spectanda; forma optimā seu prima, & à nobis instituta. Ne-
que enim etsi omnes optimam formam expetunt, tamen
eam assequuntur, vel quia non possint, vel quia non norint.
Aristoteles igitur docet, Spartanam Rempublicam non tan-
tum non esse optimam, seu discessisse ab optima; sed suæ
quoque rationi contraria quædam habere instituta, quem-
admodum & Cicero sæpe Epicureos docet non tantum ab
optimo scopo aberrasse, sed etiam à suo, quod idem & Ari-
stoteles in Platone supra reprehendit.

T E X T V S.

Reipublicæ igitur bene se habituræ immuni-
tatem quidem operum necessariorum esse oport-
tere, constitit: quemadmodum vero, reperire non
est facile. Nam & Thessalorum Penestria sæpe in
Thessa-

Theſſalos molita eſt, & in Lacedæmonios Helotes ſimiliter. Nam velut inſidiantur ſemper eorum calamitatibus. Apud Cretas autem nihil tale vnquam accidit. Cauſa fortasſe, quod ex finitimis vrbibus etſi inter ſe bellum gerentibus ne vna quidem ſit ſocia deficientibus, quod non conducat & iſtis habentibus caſtellanos. Laconibus autem finitimi erant inimici Argiui & Meſſenii & Arcades, cum & à Theſſalis principio defecerant, quod bellum gererēt etiam cum finitimis Achæis & Perrhæbis & Magnetibus. Vt autem nihil aliud, certe cura videtur eſſe magni negotii : quemadmodum cum iis agi oporteat. Nam indulgenter habiti petulantes ſunt, & eadem, quæ dominis, ſibi arrogant. & duriter viuentes inſidiantur & oderunt. Perſpicuum igitur, non optimum modum reperire, quibus ex Helotia hoc accidat.

C O M M E N T A R I I.

[Ὁν μὲν ἔνδεον.] Primum vitium & peccatum Reipublicæ I. *Vitium* Spartanæ in ſeruis & eo hominum genere, quorum ſit vſus Reip. Spar-
in agris colendis, in opificijs, & omnibus miniſterijs neceſſa-
riis. Nam hoc fere inter omnes conuenit, ciuitatem ab his *Opifices &*
operibus & muneribus vilioribus liberam & immunem eſſe *operarii nō*
oportere, & ciues ipſos nulla ſordida vel illiberali arte *ſoc-*
dari debere. Quare & infra *lib. 3. in princ. & lib. 7. cap. 10 &* ter ciues re-
11. opifices & agricolas ciuium numero eximit: de hoc igitur *ferri.*
conſtat inter omnes. Verum de modo & ratione, qua effici
poſſit, magna eſt & controuerſia & difficultas. Lacedæmo-
nij igitur hunc modum tenuerunt. Primum de opificijs, vt *Ratio, quā*
ea adminiſtrarent peregrini, agros vt colerent Helotæ, qui *ea in re te-*
item ad alios quotidianæ vitæ vſus deſeruiebant. Nam mer-
catores Lacedæmone, vbi aurum & argentum nullo fuit in *nuere Spar-*
precio, nulli fuerunt. De Helotis ita *Nepos in Pausania; Eſt* *tani.*
genus quoddam hominum, quod Helotæ vocatur, quorum *Mercatores*
magna multitudo agros Lacedæmoniorum colit, ſeruorum. *Sparta nul-*
li.
Helota.

Q

que

Reprehensio.

que munere fungitur; hos quoque spe libertatis sollicitate videbatur. *Linus* Castellanos vocat & agreste genus hominum. Hunc modum hic reprehendit Aristoteles de Helotis, reprehendit & similem Thessalorum modum & rationem in Penestis, de quibus supra nonnihil *cap. 3.* Cretum seruitia, & hoc genus hominum ad necessaria hæc munera obeunda delectorum & constitutorum, meliore in loco fuisse ait, docetque hac ratione, quod apud Thessalos & Lacedæmonios seruitia sæpe seditione mota & conspiratione facta magnum ipsis ciuitatibus & Dominis periculum crearunt, apud Cretes non item. Nam de Helotarum conspirationibus & *Aristides in oratione aduersus Platonem* & *Diod. Siculus lib. 12.* ubi tamen summam Lacedæmoniorum in Helotas crudelitatem, ut & *Isoc. in Panathenaico*, commemorat. De Thessalorum & Cretum seruitijs, ut ignobilioribus, nihil dum reperi.

Ἐπεὶ γὰρ.] Nempe si bello attriti vel victi sint domini vel occupati; hac velut ansa & occasione arrepta & obseruata, conspirant & seditiones mouent Helotæ & seruitia.

*Causa cur
Cretensium
seruitia non
moueant se-
ditiones ut
Laced. &
Thess.*

Ἀλλὰ τὸν δὲ λόγον.] Causam differentiarum, cur Cretum seruitia non moueant seditiones, ut Lacedæmoniorum & Thessalorum, hanc affert; quod in Creta etsi ciuitates inter se bellum interdum quarunt, nunquam tamen societatem coeant cum seruitijs à suis Dominis deficientibus, ne & sua ipsi hoc velut malo exemplo laceffant & irritent ad has defectiones & motus; Cum singulæ fere ciuitates in Creta, id hominum genus habeant agros colentium, quos *ἀγροῖκας* Græci vocant. Apud Lacedæmonios vero & Thessalos alia fuit ratio. Nam Lacedæmonii quidem omnes fere finitimi hostes erant, Argiui, Messenij, Arcades, ad quos Helotæ transfugendi commodam habeant occasionem. Thessalis vero, quia bellum gererent cum finitimis, Achæis, Perihæbis & Magnētibus, facile quoque fuit Penestis hac occasione, illis bellum foris gerentibus, domi seditiones concitare, & ab iis deficere, societate coita cum hostibus.

T E X T V S.

Præterea mulierum licentia & ad Reipublicæ consilium, & ad ciuitatis beatitudinem est inutilis. Ut

sis. Vt enim domus pars est vir & mulier, perspicuum oportere & ciuitatem pene bifariam diuidi, & in virorum & in mulierum multitudinem: adeo ut quibus in Republica de mulieribus viriose sit, arbitrari oporteat, ciuitatis dimidium non recte esse descriptum, quod ibi accidit. Nam legum scriptor totam ciuitatem volens esse laborum tolerantem, in viris quidem cernitur talis, in mulieribus vero neglexit. Intemperanter namque viuunt, in omni intemperantia, & luxuriose, ut necesse sit in tali Republica diuitias esse in precio: maxime si & vxoribus seruiant, ut multæ gentes militares & bellicosæ præter Celtas, aut si qui alii quoque consuetudinem cum masculis aperte coluerunt. Videtur enim, qui primus fabulam confinxit, non absque ratione Martem coniunxisse Veneri. Nam vel ad masculorum consuetudinem vel ad mulierum tales omnes videntur procliuēs. Quare apud Lacedæmonios hoc fuit, multaque in eorum imperio à mulieribus administrabatur. Atqui quid interest, mulieres ne imperent, an magistratus mulieribus pareant? idem namque sequitur. Audacia autem cum ad vsus cotidianos non est utilis; sed si forte ad bellum, ad hæc quoque Lacenæ fuerunt inutilissimæ. Specimen dederunt in Thebanorum incursione. Nam utiles quidem nulla in re erant, ut aliis in ciuitatibus; tumultum vero faciebant maiorem, quam ipsi hostes. Itaque principio quidem mulierum remissio siue indulgentia Lacedæmoniis non absque causa accidisse videtur. Nam propter exercitus siue expeditiones domo aberant longo tempore, bellum

gerentes & cum Argiuis & rursus cum Arcadibus & Messeniis : Ocium vero agitantes, se quidem ipsi tanquam præcultos legum scriptori præbebant propter vitam militarem (multas namque partes virtutis habet) mulieres vero aiunt Lycurgum suscepisse quidem redigere sub leges, sed rursus destituisse, cum illæ repugnarent. Causæ igitur sunt illæ quidem hæ rerum quæ acciderunt, ut & huius perspicue vitii. Sed nos non hoc quærimus, cui veniam dare oporteat, aut non dare ; sed de eo quod recte vel non recte. De mulieribus autem, quæ non recte se habent videntur, ut & supra dictum, Reipublicæ non tantum afferre dedecus quoddam ipsi per se, sed ad auaritiam nonnihil iuuare.

COMMENTARI.

- II. Vitium** *Ἐν δ' ἐνὶ αἰεὶ.*] Alterum Reipublicæ Spartanæ vitium, idque grauissimum, mulierum licentia & luxuria, hic reprehenditur. Eandem Lacenarum licentiam reprehendit & *Plato lib. 6. de legib. & Euripid. in Andromacha & Hecuba.* Nam, inquit, Spartana si qua cupiat puella, ne possit quidem esse modesta. Nam Lacenæ cum adolescentibus, domo relicta, nudis femoribus & peplis promissis & laxis cursus & palæstras communes habent. De eadem licentia & *Erasmus in prouerbio δὲ ἐν αἰεὶ.* hinc & *φαινομένηδες* dici solent Lacenæ. Neque vero licentia tantum & luxuria mulierum fuit, sed imperium quoque omne in viros habuerunt: qua de re infra. Hanc igitur indulgentiam in mulieres duobus nominibus reprehendit, ut initio huius capituli de duobus semper querendum esse ait, de optimo Reipublicæ statu, & huius vel illius ciuitatis proprio: Et optimo quidem Reipublicæ statui mulierum licentiam repugnare docet bifariam; tum quia luxuriosa vita & intemperans optimæ Reipublicæ sit inimica, in qua virtutes omnes florere debeant, & in his mulierum modestia & frugalitas: tum quod hæc licentia & luxuria auaritiæ sit parens & causa. & hoc est quod ait, *ὡς ἀναγ-*
- I. Refutationis ratio.**
- 1. Membrū.**
- 2. Membrū.**

καίον, &c. & infra ἀλλὰ συμβάλλει, &c. Nam vbi luxuria, accedente & muliebri imperio, ibi diuitiarum quoque studium vigere necesse est, quibus diuitijs cum ipsæ sint venales, tum ad luxuriam suppeditentur necessaria. Iam vero inf. lib. 7. explicabitur, eam esse optimam Rempublicam, cuius instituta ciues reddant non pecuniæ, sed virtutum studiosos. Ex quibus intelligitur, hanc indulgentiam ciuitatis beatitudini, id est, optimo statui, aduersari. Eandem & ipsi consilio Lycurgi ipsique Reipublicæ Spartanæ statim repugnare docet hac ratione: quod cum Lycurgi fuerit consilium, totam ciuitatem ad omnem duritiam & laborum patientiam exercere, vt est apud Cic. in Tuscul. & Plut. in Lycurgo: in viris quidem id sit assecutus, quos constat & vixisse frugalissime, & laborum fuisse patientissimos: in mulieribus vero non item, de quarum luxuria & immodestia iam diximus. Quam Lycurgi negligentiam non solum Aristoteles accusat, sed ipse Plato lib. 6. & Dionys Halicarnass. lib. 2. de continendis mulierib. vbi de iure coniugij recte instituendo. Excusant alij Lycurgum, qui id ipsum quoque suscepit, sed propter inueteratam iam mulierum luxuriam præstare non potuerit. Cuius inueteratæ licentiæ iam diu ante Lycurgum ortæ causam conferunt in bella Lacedæmoniorum cōtinua: quibus, dum viri diutius domo abesse coguntur, mulieres interea dominantur: quemadmodum in bello aduersus Messenios toto decennio domo eos abfuisse scribit Trogus Iustinus: qua re factum, bellis, inquam, & studio rei militaris, vt Lycurgus viros quidem habuerit faciles ad regendum, mulieres difficilimas. Vita namque militaris cum alia habet commoda, tum hoc non minimum, parendi facilitatem. Assuetos igitur in bello parere, tanquam præcultos & præparatos, accepit Lycurgus & domi seu in ocio & pace, quibus voluit, astrinxit legibus & institutis. Sic igitur Lycurgum excusant quidam, inquit Arist. Verum hæc excusatio Plutarcho non placet, qui reprehensio nominatim Aristotele, vult, Lycurgum paruum quoque curam adhibuisse in mulierum institutione; præstat alijs omnibus assentiri. Nam tametsi Lycurgus non virorum tantum, sed mulierum quoque exercitationes induxit: tamen hoc negari non potest, quin earum magna fuerit luxuria & impotentia. Cuius rei argumentum & hic affert insignis, quod ipse videre potuerit. Nam post Leuctricam pu-

II. Ratio
refutatio-
nis.

Excusatio
Lycurgi.

Plutarchi
sententia ap-
probatur.

gnam, qua Lacedæmoniorum opes conciderunt, cum Thebani, duce Epaminonda, non contenti victoria, agrum Spartanum populantes ad ipsam tandem urbem accederent; tanta fuit in vbetrepidatio & tumultus imbellis turbæ senum & maxime mulierum huc illic discursantium, plus ut laboris & molestiæ capiundum fuerit Agesilao Regi & urbis tutori in hac turba continenda, quam in hostibus repellendis, teste *Plut. in Agesilao*: quo exemplo perspicitur, quanta harum mulierum, quanta Lacenarum fuerit licentia & impudentia, quæ, ut in alijs ciuitatibus, domi contineri tanto periculo non potuerint. Nam in alijs ciuitatibus mulieres si nihil prosunt, certe nihil obesse solent suis ploratibus & discursionibus; hic plurimum obfuisse iam ostendimus. Ex his intelligitur, ne suæ quidem Reipublicæ satis respondere Lycurgum, qui totam ciuitatem ad laborem & duritiam exercendam putarit, & omiserit tamen mulieres, quas constar dimidiam esse partem ciuitatis, qua de re dictum & supra *lib. 1. cap. ult. in fin.*

Nationes bellicose mulierculariū imperio obnoxia. Γυναικροκρατίαι.] Duo hic afferuntur de militaribus & bellicosis nationibus. Prius, gynæcocratian plærunque in his vigere, quemadmodum apud Lacedæmonios cum peregrina quædam ex Lacæna percunctaretur, cur ipsæ solæ viris imperarent, respondisse fertur, teste *Plut.* quia & ipsæ solæ viros parerent; & apud Sauromatas γυναικροκρατίαι, inquit *Plin. lib. 6. cap. 7.* nimirum imperantibus Amazonibus.

1. Causa. Cur autem bellicose gentes plæræq; vxoribus pareant, causa videtur mihi reddi posse duplex: tum quia viri dum bellis distinentur, facile est mulieribus imperium domi arripere & licenter se gerere: tum quia viri bellicosi & militares plærique omnes in Venerem sunt proclives, & quodammodo vxorij: quod alterum est hinc de bellicosis gentibus allatum ab Aristotele, eas, inquam, ad venerem esse proclives, ut & viros bellicosos. Talis memoratur Hercules & Catilina apud *Cic. in 2. Catilin.* & M. Antonius in *Plut.* Cui rei hoc affert argumētum Aristoteles, fabulam de coniunctione Martis & Veneris, de qua & in *Homer. Odyf. 9.* Hinc & fortasse Spartani ad vtrumque, Venerem & bellum, propensi, Venerem armatam coluerunt, ut est apud *Pausan. lib. 3.* & apud

1. Exemplū. *2. Exempl.* *Causa, ob quam belli-* *Lactant. lib. 1. Instit. Christianar.* Causa autem & ratio huius rei, quod quæ sunt roboris militaris efficientia, integritas partium

partium corporis, & copia sanguinis, spirituum, & innati caloris, eadem omnia ad Veneris appetentiam mirifice inui-
rant: quo & id Ouidij: *cosi sunt pro-
pensi in Ve-
nerem.*

Qua bello est habilis, Veneri quoq; conuenit atas.

Turpe senex miles, turpe senilis amor.

Ex his intelligitur, cur bellicosæ nationes & vxoribus ser-
uiant, & fere sint propensæ in Venerem. Excipit Aristoteles
Celtas de gynæcocratia, & si quæ aliæ sunt nationes mascu- *Celta.*
lam Venerem colentes, vt Thebani & Cretenses, *teste Sexto*
lib. 3. Pyrrhonicarum hypotyposeon. Nam Celtæ semper ha-
biti sunt bellicosi; Germani, inquam, & Galli, qui tantum
abest, vt suis vxoribus seruiant, vt *Cæsar* de Gallis nomina-
tim scribat *lib. 6. de bell. Gall.* eos habuisse in vxores ius vitæ
& necis, tanquam in seruos.

T E X T V S.

Secundum ea autem, quæ modo sunt dicta, ea
quoque, quæ ad inæqualitatem possessionis perti-
nent, quis reprehendat. Nam his quidem eorum
accidit, vt valde magnas habeant fortunas; illis ve-
ro, vt perexiguas: quare ad paucos ager recidit.
Hoc autem & legibus perperam fuit cautum: nam
vendere quidem aut emere bona, non honestum
esse voluit, & recte: dandi vero & relinquendi po-
testatem fecit volentibus. Atque & illo & hoc
modo idem euenire necesse est. Ex quinque autem
omnis agri partibus duæ fere sunt quoque mulie-
rum, quia & multæ sint Epicleræ, & quia magnas
dent dotes. Melius autem fuerat, nullam vel exi-
guam vel modicam statim. At nunc & dare nu-
ptum licet Epiclerum, cui voluerit: & si intestatus
moriatur, quem hæredem reliquerit, hic dat, cui
velit. Itaque cum regio mille & quingentos equi-
tes queat alere & peditum 30000. nec mille qui-
dem erant numero. Hanc autem rem male iis cō-
stitutam fuisse, res ipsæ declararunt. Neque enim

vnā plagam pertulit ciuitas, sed propter hominum paucitatem cōcidit. Ferunt autem, sub prioribus regibus ciuitatem aliis dedisse, ne multorum annorum bellis exhauriretur ciuitas, aiuntque fuisse aliquando Spartanorum etiam 10000. Cæterum siue hæc sunt vera, siue non: melius est, bonis æquandis urbem viris repleri. Huic autem rei contraria est & lex de liberis procreandis. Nam legum scriptor cum vellet Spartanos esse quam plurimos, ciues incitat, vt quam plurimos procreent liberos. Est enim apud eos lex, qua qui tres quidem liberos procrearit, à custodiis sit immunis: qui vero quatuor, ab omnibus oneribus. Atq; certum est, si plures sint, agro hunc in modum diuiso, multos necessario esse pauperes.

COMMENTARI.

III. *Vitiū Reip. Spartanorum.*

Μετὰ δὲ τὸ πρῶτον.] Tertium Spartanæ Reipublicæ vitium in bonis seu eorum diuisione reprehenditur. Nam Lycurgus initio quidem agri partes fecit æquales, & quidem pro ciuium numero nouem millia, teste *Plut.* adeo vt ipse Lycurgus perambulans aliquando agrum Spartanum, cum in messe aceruos passim cerneret æquales, magnam voluptatem cepisse dicatur apud *Plut. in Laconicis apophtheg.* atque dixisse, videri sibi multorum fratrum vnus hæreditatis paternæ æquales portiones. Hanc igitur bonorum æquationem principio quidem instituit Lycurgus, sed eam non satis confirmauit. Nam eo paulatim ventum ait Aristoteles, vt bona fere omnia à paucis tenerentur, & quod grauissimum est ad *γυναικῶν κατὰ μέρος*, ex quinque agri partibus duas tenerent mulieres. Cuius inæqualitatis & causas & incommoda hîc exponit Aristoteles. Causa quidem, primum cur ad paucos bona reciderint hæc est: quia potestatem Lycurgus ciuibz fecerit, suam cuique sortem & bona aliis donandi vel testamento relinquendi & legandi. Venditionem quidem vetuerat, sed donationem non item: cum tamen utroque modo res à pristinis Dominis ad alios transferantur.

Deinde

Causa secunda inæqualitatis.

Deinde, ad mulieres cur tam magna bonorum pars recide- *Causa ob*
 rit, hæ duæ afferuntur causæ: cum quia multæ essent Epicleros *quas tã ma*
 ri: tum quia dotes essent nimis magnæ. *Epicleros* vocant pu- *gna bonorũ*
 ellas parentibus orbas, & solas totius patrimonii hæredes, *pars cessit*
 de quibus & supra *lib. 9 Ethic.* In his autem Epicleris seu pu- *mulieribus.*
 ellis ditioribus collocandis & nuptum dandis graue quoque *Ἐπίκληροι*
 Lycurgi peccatum & negligentiam accusat, qui parentibus
 fecerit potestatem eas collocandi; quibus velint: & si gener
 postea moriatur intestatus, iisdem parentibus permisit, vt
 post mortem suam, quem ipsi nominauerint & constitue-
 rint, vt ille collocandi habeat potestatem. Quæ Epicleros
 collocandi licentia, vt vitiosa & inæqualitatem bonorum
 adiuuans, merito ab Aristotele hic reprehenditur, cum
 præstaret ditiores has puellas tenuioribus collocari, & non
 quibuslibet: vt hac ratione & velut temperamento maior sit
 bonorum æquatio. Duæ igitur hîc Lycurgi sunt culpæ seu
 peccata, vnum in donandi seu legandi potestate, alterum in
 Epicleros collocandi licentia; vtrumque bonorum inæqua-
 litatem adiuuans. Incommoda autem tria fere hîc exponun-
 tur ex hac bonorum inæqualitate manantia. Primum nimia *1. Incommo*
 quorundam vel paupertas vel diuitiæ. Nam bona cum ad *dum.*
 paucos recidunt; multi vt egestate laborent, necesse est. Quod
 incommodum quam sit graue, & supra est indicatum, & ex-
 plicabitur infra *lib. 4. de mediocritate bonorum & diuitiarũ.*
 Et hoc est quod ait, τοῖς μὲν γὰρ συνέβη, &c. & καὶ τοῖς φανερόν, ὅτι
 πολλῶν. Alterum incommodum, γυναικὶς περιττία, quæ fere ne- *2. Incom-*
 cessario comitatur nimis dotatas fœminas, vt est in *modum.*
Menandro apud Gell. lib. 3. ni fallor, & *Stobæum in fin.* Tertium in- *3. Incom-*
 commodum, ciuium paucitas & penuria: nam & hanc bo- *modum.*
 norum inæqualitatis esse comitem, cum doceri potest ex- *Exempla.*
 plis Reipublicæ Spartanæ & Romanarum secessionum, tum *Ratio.*
 hac ratione, quod vt Rerum publicarum etiam in vectigali-
 bus non minus quam in legibus sita est incolumitas & ner-
 uus: ita & familiarum seu domorum columnen in bonis &
 redditibus patriis innititur. Ciuium autem paucitas seu penu- *Ciuiũ pau-*
 ria quam graue sit Reipublicæ incommodum & malum, vno *citas quam*
 exemplo hic ostendit Aristoteles ipsius Reipublicæ Sparta- *exitiosa*
 næ, qui propter vnâ cladem nunquam postea se potuerint *Reip.*
 colligere, omnium ciuium flore vno prælio interfecto, &
 quidem paucorum mille duntaxat & septingentorum in

A πένθος

*1 Ratio qua
primi Reges
cauerunt
paucitatem
civium.*

2. Ratio.

Leuctris. Cæterum præclarus hic locus de civium multitudine vel paucitate explicatur, infra *lib. 7.* Sed enim dicet aliquis, agrum Spartanum non esse parem multis civibus alēdis. Respondet Aristoteles memorari etiam, 10000. civium Spartanorum fuisse aliquando: & ex *Plut.* supra attuli, primarum sortium novem fuisse millia. Quod autem de primis Regibus commemorat, eos ius civitatis multis peregrinis donasse ad supplendam civium penuriam, civitate diuturnis bellis exhausta, pertinet ad hoc quod modo diximus, civium paucitatem magnum esse Reipublicæ incommodum. Hoc de Cleomene Rege Spartano commemoratur, qui hac ratione, id est, peregrinis data civitate, quatuor civium millibus civitatem replevit. Ipse quoque Lycurgus ut huic incommodo occurreret, legem tulit, qua ciues ad liberorum procreationem incitaret. Cuius generis leges Iulias & Papias & Censuræ decreta Romani πολυανθρωπίας cupidissimi habuerunt, de quibus *Plutarchus in Camillo*, *Valerius libro 2. Dio, Gell. Sueton. Tertull. in Apologet.* quibus polytechniæ immunitates atque præmia, multæ vero & poenæ orbitatibus constituebantur, de quibus multa Iurisconsulti, maxime ubi de iure trium liberorum sub titulo de excusationibus tutorum, de immunitatibus ad Senatusconsultum Tertullianum. Huc pertinet, quod de Lycurgo affert *Plut.* qui cœlibes permāsisent, loco decedi ab iunioribus vetuit. Hac igitur lege Lycurgus voluit ille quidem huic ὀλιγανθρωπίας occurrere; sed alterum de inæqualitate bonorum incommodum magis adiuvit, paupertatem, inquam, & diuitias. Nam quo maior civium fuerit multitudo recidentibus bonis ad paucos, eo plures erunt pauperes.

T E X T V S.

Sed ea quæ de Ephoria, non recte se habent. Nam magistratus hic apud ipsos est ille quidem maximarum rerum Dominus, fiunt autē omnes ex populo, ut sæpe valde pauperes accidat esse in hoc magistratu, qui propter paupertatem sunt venales: quod cum antea videre licuit, tum nunc in Andriis. Nam hinc pecunia corrupti quidam
totam

totam urbem pro sua parte perdiderunt: & quia imperium valde est magnum & quasi tyrannicum, Reges quoque iis blandiri coguntur, vt hac quoque parte Reipublicæ noceatur. Nam ex Aristocratia exstitit Democratia. Itaque Rempublicam quidem continet hoc imperium: populus namque, quia summi imperii est particeps, quiescit: adeo, vt siue legum scriptoris opera, siue causa hoc accidit, valde sit Rebus publicis vtile. Nam Rempublicam incolumem futuram oportet velle omnes ciuitatis partes esse & permanere easdem. Sic igitur se habent Reges quidem propter suos honores; boni vero propter Senatum. (Nam hæc potestas virtutis est præmium) populus vero propter Ephoriam. Constat enim ex omnibus. Verum imperium hoc oportebat ex omnibus quidem constitui suffragio; sed non eo, quo nunc, modo: est enim valde puerilis. Præterea & magnorum iudiciorum sunt Domini homines alioqui plebei: quare melius fuerit, iudicare eos non suo arbitrato, sed scripto & legibus. Est autem & vita Ephorum ciuitatis instituto non consentanea. Nam illa quidem valde est dissoluta: in aliis vero spectat ad nimiam asperitatem: adeo vt contineri nequeat, sed furtim legem fugientes corporis fruantur voluptatibus.

C O M M E N T A R I I.

Ἀλλὰ πλὴν τῆς.] Quartum Reipublicæ Spartanæ vitium in IV. *Vitium* Ephorum magistratu seu imperio reprehendit: cuius im- *Reip Spar-* perii tria vitia exponit. Primum, quod ex omni populo tam *tana.* ex optimatibus quam ex plebe constet, & maxime quidem *i. Eius viti-* ex plebe: adeo vt propter hunc magistratum Respub. Spar- *um speciale.* tana partim sit Democratica, vt supra dictum. Vitiosam au- *Sūmi ma-* tem *tem*

gistratus, rem esse, summos magistratus & imperia infimę plebi man-
cur plebi nō dari docet hac ratione, quod id generis pleriq; propter pau-
credendi. pertatem sint venales & facile pecunia corrumpantur; id,
Exemplum quod in his Ephoris cum alias sæpe, tum suo tempore acci-
 disse ait Aristoteles: adeo quidem, vt suis corruptelis totam
 ciuitatem pessumdederint. Alterum in hoc imperio vitium,
2. Vitium quod esset nimia Ephorum potestas, quam quidem adeo
speciale. magnam fuisse ait, vt Reges ipsi eos colere & obseruare &
 blandiri cogerentur. Summę quoq; horum potestatis hoc
 non minimum fuit caput, quod iudicarent de rebus capita-
 libus, de morte & ignominia, inquit *Plut.* summa scilicet iu-
 dicia erant penes Ephoros: qua ipsa in re grauissimum fuit
 vitium: quod homines idiotę & de plebe de grauissimis hu-
 iusmodi causis statuerint non ex scriptis legibus, sed pro ar-
 bitratu. At hoc quam sit periculosum, & quam sit multis
 partibus melius, causas, grauiiores præsertim, non ex homi-
 num opinione, sed legum certitudine diiudicari, explicabi-
 tur infra hoc lib. cap. 8. Cæterum de nimia hac Ephorum
De Ephoro- potestate plane tyrannica grauitur conqueritur *Cleome-*
rum tyran- nes Rex Lacedæmoniorum apud *Plut. in Cleomene.* Similis
nide. fuit Romę Tribunorum plebis potestas, quos & propterea
1. Vtilitas diligenter cum Ephoris comparat, 3. de legib. *Cicero.* Nam
huius ma- vtriusque quidem origo Reipublicę fuit vtilis & salutaris:
gistratus. cum & Ephori & Tribuni principum factioni seu Oligar-
 chię ad plebis defensionem, tanquam moles, essent obiecti,
 & velut clauus clauo, inquit *Plato lib. 3. de legib.* verum pau-
 latim & Ephori & Tribuni tyrannidem sibi vsurparunt,
 adeo vt Ephori Reges, Tribuni consules in carcerem conii-
 cere non sint veriti. Hęc igitur Ephorum causa, origo, &
 vtilitas à plerisque commemoratur ad reprimendam princi-
 pum, vt vocant, aduersus plebem tyrannidem & factiones.
2. Vtilitas Alteram eorum vtilitatem affert hęc *Arist.* quod hoc magi-
huius ma- stratu plebs, vt tribunatu Romę, delinita, à seditionibus &
gistratus. motibus cōquirit. Nam ad salutem & incolumitatem Rei-
 publicę vel hoc grauissimum est adiumentum, vt non vni,
 sed omnibus ciuibus & ordinibus ita sit prouisum, vt omnes
 pro se quisque ciuitatem velint incolumem: quod accidit
 Spartę, vbi Reges regia sua potestate contenti, principes Se-
 natu, plebs Ephoria, omnes denique honorum & imperio-
 rum participes Rempublicam in suo statu permanere cupie-
 bant:

bant: de qua re, hoc est, de tranquillitate, ex eo quod omnes sint honorum quodammodo participes, infra *libr. 3. §. 5. in prin.* Tertiū in hac potestate vitium: Ratio seu modus ho- 3. *Vitium*
rum Ephorum creandorum, de quo, quam fuerit puerilis, *speciale.*
infra, ubi de Senatu, explicabitur.

Καὶ νῦν δὲ.] De hac Ephorum improbitate & corru-
ptela, Aristotelis ætate, amplius quærendum. Andria autem *Andria.*
etſi Basilicæ erant Cretensium propriæ conuiuſis & sodali-
tatibus publicis dedicatæ, vt est apud *Athenaum lib. 4.* ta-
men hoc loco communius etiam de Lacedæmoniis Basilicis
& sodalitatibus accipiuntur.

Ὡς ἐπὶ Δ[γ].] Videretur dubitare de Ephorum origine; *Ephorum*
casu ne aliquo, an à legum scriptore sint instituti, cū tamen *origo.*
lib. 5. infra, vt & Cic. lib. 3. de legib. & alibi à Rege Theopom-
po institutos dicat: etſi alii Lycurgum faciunt auctorem:
sunt tamen & qui casu eos institutos ſcribant, hoc videlicet,
vt cum Spartani diuturno aduerſus Meſſenios bello domo
abessent diutius, interea in vrbe essent, qui ius dicerent; vi-
ros aliquot delectos Ephorum nomine, qui postea quin-
que numero remanserunt.

Ἀλλοι γάρ.] Valde miror, hæc eadem verba, de eadem re,
hoc est, Senatu Spartano, reperiri *in oratione Demosthenis,*
περὶς λεπίων, ἐπὶ δὲ, &c.

Ἐπὶ γὰρ ἡ.] Hoc potest esse quartum quod sit in Ephoris 4. *Vitium*
reprehendendum, victus lautior & insolentior, ex secundo *speciale.*
tamen, hoc est, nimia potestate, manans: quam victus inso-
lentiam Aristoteles repugnare ait non tantum rectæ institu-
tioni, & optimæ Reipublicæ, sed ipsi quoq; Reipub. Sparta-
næ, cuius omnia instituta ad duritiem & parsimoniam vi-
ctumq; tenuissimum spectabant. Nam communis Sparta-
norum victus tam fuit tenuis & pene sordidus, vt multi, eam
duritiem & asperitatem non ferentes, clam contra patriæ in-
stituta voluptates quærerent, quemadmodum liberi durius
sub parentibus habiti, postea libertatem nacti. Atq; ita non
tantum Ephorum insolentiam, sed communem quoque
victus rationem, vt minis asperam, perstringit. De hac au-
tem Ephorum insolentia & luxuria etiam *Plut. in Cleo-*
mene; de reliquorum ciuium frugalitate & tota victus
ratione *Athenaus lib. 4.*

* *

T E X.

T E X T V S.

Habent autem se & quæ ad potestatem senum ipsis non recte. Nam bonis quidem & ad virtutem satis institutis illis, dicat fortasse quis ciuitati conducere, (tametsi hoc controuersum, quod tota vita magnorum iudiciorum sint Domini. Est enim ut & corporis, mentis quæque senectus.) hoc vero modo institutis, ut ipse quoque legum scriptor diffidat tanquam viris non bonis, non tutum. Comperiuntur autem, qui in hac potestate fuerint, multa ad Rempublicam pertinentia sordide & ambitiose administrasse. Quare melius fuerat, hos à rationibus referendis non esse immunes: nunc autem sunt. Videatur autem Ephorum magistratus ab omnibus magistratibus rationes poscere. At hoc Ephoriæ nimis magnum est beneficium. Atque non hoc modo dicimus rationes oportere referri. Præterea & cooptatio qua utuntur senum in examine est puerilis. Atque dignum hoc magistratu rogare ipsum non est rectum. Nam potestate dignum, siue nolit siue velit, eam capere oportet. At nunc, quod & aliis in Rebus publicis, videtur facere legum scriptor. Nam ciues reddens ambitiosos his ad Senum compositionem utitur. Nemo enim magistratum ambiat non ambitiosus. At plæræque fraudes vel culpæ sponte factæ existunt fere hominibus propter ambitionem & propter auaritiam.

C O M M E N T A R I I.

V. Vitium *Ex d. d.*] Quintum huius Reipublicæ vitium in senatu
Reip. Spar. ostendit, in quo tria fere peccata reprehendit; tempus, mo-
tana. dum seu rationem creandi, & potestatem petendi. Voca-
bant

bant autem Spartani consilium suum *περὶ νομίαν*, & senatores *De περὶ νομίαν*
περὶ νομίαν, quorum magnam fuisse potestatem & imperium de Spartano-
 maximis causis & hoc loco ait Aristoteles, & *Dionys. Halicarn.*
lib. 2. adeo ut Reges non quod ipsis videretur, sed quod
 senatui, suscipere & gerere possent. Erant autem senatores
 numero XXIIIX. & cum duobus Regibus XXX. Primum *I. Vitiū spe-*
igitur, quod in senatu Spartano reprehendit, est, quod sena- *ciale.*
 tores sint perpetui, duabus de causis: quarum prior, quod & *1. Ratio re-*
 mentis, ut corporis, sua sit senectus, hoc est, quod non ea- *prehensionis.*
 dem in decrepitis senibus constet mens & prudentia; & pro-
 inde non peræque semper sint apti. Quod autem ait elegan-
 ter, suam quoque mentis esse senectutem: cum per se clarum
 est, cum philosophorum rationibus est consentaneum: qui
 animum & mentem cum corpore crescere, minui atq; lan-
 guescere volunt. *Lucret lib 3.*

Prætere agigni pariter cum corpore & una
Crescere sentimus, pariterq; senescere mentem.
Nam velut infirmo pueri teneroq; vagantur
Corpore; sic animi sequitur sententia tenuis.

Hanc igitur unam esse causam, cur senatores non debeant
 esse perpetui, quia non peræque semper apti languescente
 mente & prudentia. Aliqua est, quia hac perpetuitate fiant *2. Ratio re-*
 senatores immunes à rationibus referendis: quæ quidem im- *prehensionis.*
 munitas ferri facile possit in hominibus absolute probis &
 bonis, de quibus nulla sit suspicio corruptelæ. Verum quia
 huius generis hominum rarior est numerus; atque adeo in
 ipsa Republica Spartana ipse senatus auctor senatores in eo
 numero non habuit optimorum virorum; melius profecto
 est eos rationibus referendis esse obnoxios. Quod autem di- *1. Argum.*
 ximus, eos ipsos senes in eo numero ne ab ipso quidem au- *quo docet,*
 ctore esse habitos; ex eo perspicui ait Aristoteles, quod multa *Lycurgum*
 quidem & magna (ut iudicia capitalia, teste *Plut.* & de existi- *non omnes*
 matione) iis commiserit, non tamen omnia, tanquam non *senatores in*
 perfecte bonis aut saltem, de quibus diffideret. Hoc igitur *dicasse vi-*
 diffidentia argumento hos senes docet non fuisse optimos: *ros optimos.*
 Idem docet altero argumento: quia ex historiis doceri pos- *2. Argumē-*
 sit eos sæpe vel auro vel gratia & ambitione multa fecisse. *tum.*
 Quare etsi *Plut. in Lycurgo* hoc ipso argumento laudat con-
 silium Lycurgi, qui de rebus contrahendis nullas leges scri-
 pserit; sed eas controuersias arbitrio virorum bonorum &
 bene

bene institutorum diiudicandas permiserit : Aristotelista-
men ratio tutior videtur, Plutarchi magis lubrica & incer-
tior. Atque hoc alterum huius perpetuitatis est malum, im-
munitas rationum referendarum. Nam solemne fuit veterib.
Græcis & Romanis à nemine rationem sui muneris seu ma-
gistratus reposci, quamdiu esset in magistratu: qua re fiebat,
vt hi senatores quia essent perpetui, rationibus referendis
non essent obnoxii. At Ephori, inquiet aliquis, in hos sena-
tores inquirendi Ius & potestatem habebāt, vt in Romanos
senatores Censores. Respondet Aristoteles, hanc rationem
sibi non probari, qua Ephorum potestas nimis augeatur.

Obiectio.

Solutio.

*2. Vitium
speciale.*

*Modus le-
gendi Sena-
tum Spart.*

Reprehensio.

*3. Vitium
speciale.*

Ἐξ δὲ καὶ τὴν αἴρεσιν.] Alterum vitium senatus Spartani,
modus seu ratio cooptandi, vtpote puerilis & pene ridicula:
Κεῖσιν proprie vocabant Lacedæmonii, nos fortasse examen
& delectum. Quo verbo de hoc senatu agentes vli & De-
mosth. πρὸς Λακωνίαν. Ἐπιδὸν δὲ, &c. & Plutarch. saepe in Ly-
curgo, vbi describitur hūc in modum: populo in concionem
collecto, certi aliquot viri delecti, tanquam iudices aut cen-
sores, in propinqua domo includebantur: adeo vt populum
audire, videre neminem possent. Competitores igitur Se-
natoriæ dignitatis per concionem singuli & taciti deduce-
bantur: ex quibus cui à populo frequentius esset acclama-
tum, hoc Censores illi in tabellis annotabant; tandemq; o-
mnibus perductis, cui à populo frequentissime acclamatum
esset, senatorem renunciabant: qui designatus cōtinuo co-
ronatus ad templa Deorum visebat, comitantibus pueris &
mulieribus, eumq; in cœlum ferentibus. Hanc igitur dele-
ctus rationem Aristot. vt puerilem & re tam graui indignam
Censuram, reprehendit, ex clamore scilicet populari totam
fere constantem. Etsi alias quoque controuersias Spartani
clamoribus, vt alii Græci χροτονίας, seu porrigendis mani-
bus, diiudicare solent.

Καὶ τὸ αὐτὸν αἰτεῖται.] Tertium hoc est, quod in senatori-
bus Spartanis reprehensione sit dignum, ambitus & petendi
potestas; hinc namque ciues effici ambitiosos. Atq; ita duas
omnium malorum humanorum pestes & fontes, avaritiam
& ambitionem, ostendit Aristoteles in Repub Spartana re-
periri. de his duabus pestibus & *Linus lib. 6.* Omnium igitur
simul rerum, quarum immodica cupido inter mortales est
agri, pecuniæ, honorum discrimine proposito conterriti pa-
tres

tres cum trepidassent, &c. De iisdem præclare & *Salustium* initio *Catiline*, & *Cic. libr. 1. Offic.* Maximam autem partem, &c. & princeps *Thucydid.* πάντων δ' αὐτῶν ἡ δόξα ἢ ἀφ' αὐτοῦ καὶ φιλοπρίαν. Eisdem & *Timon Misanthropus* duas partes exagitaui. Obseruandus autem & hic est locus de petitione magistratuum & ordinis senatorii, quam *Aristoteles*, ut ciuibus ambiciosi reddendis idoneam & accommodatam, reprehendit. Nam in magistratibus & imperiis mandandis non tam voluntatem & petitionem, quam αὐτοκρατεῖαν esse spectandam. Sic & *Isocr. in Panathenæico* de Antiquis Atheniensium moribus differens ait, Magistratus ab iis non solitos peti: quia onera potius & munera essent, quam rationes quaestuariæ. Eiusdem generis est quaestio apud *Philippum*, an munus Ecclesiasticum alicui petere liceat.

T E X T V S.

De regno autem, quod melius ne sit esse in ciuitatibus, necne, alia sit quaestio. Verumtamen melius certe fuerit, non ut nunc: sed Reges ex sua quæque vita spectari. Bonos autem efficere posse ne ipsum quidem legum scriptorem existimasse, perspicuum. Diffidit igitur, tanquam non satis bonis viris. Quare legationis collegas mittebant inimicos, & Regum discordiam salutem putabant ciuitatis.

C O M M E N T A R I I.

Περὶ δὲ βασιλείας] Sextum Reipublicæ Spartanæ vitium, VI. Vitium in Regno, hoc videlicet, quod Regnum Spartanorum non ex virtute deferretur, sed esset hæreditarium, seu iure hæreditario. Qua in re Carthaginenses Lacedæmoniis antepo- nit, infra cap. 9. Nam Lacedæmone binos Reges fuisse, & quidem ex Heraclidarum genere omnes, notum est. Ut igitur, inquit *Aristoteles*, concedamus (de qua tamen quaestione infra lib. 3. in fi.) regnum esse optimam Reipublicæ formam, tamen in hoc ipso peccarunt Lacedæmonii, ut iam dictum. At enim dicet aliquis: Et virtuti Lacedæmone regnum deferri solitum, vbi Reges optime instituti etiam fue-

Reip. Spart.

Obiectio.

- Solutio.* runt viri boni. Respondet Aristoteles, ipsius quoque eorum legum scriptoris testimonio non fuisse viros bonos. Testimonium & argumentum est à diffidentia: cuius duo affert
1. *Argum.* exempla. Alterum de legatione: Solent namq; Spartani Reges in expeditionem mittentes illis adiungere inimicos ipsorum, ne, si amicos haberēt comites, omnia pro sua libidine soli administrarent aut coitione facta Rempublicam opprimerent. Alterum diffidentiae argumentum; quod in Regum discordia sitam putabant salutem & incolumitatem ciuitatis: qui si essent viri boni, etiam de summe concordibus nihil erat metuendum.

T E X T V S.

De sodalitatibus autem, quæ Phiditia dicuntur, ne prima quidem legumscriptoris institutio est recta. Nam oportebat potius de communi sumptu fieri conuentum, vt in Creta: apud Lacedæmonios autem quemque conferre oportet, vbi & multi valde sunt pauperes, & qui hunc sumptum facere nequeant: quare fit legumscriptoris instituto contrarium. Nam vult ille quidem sodalitatum institutionem esse popularem: fit vero minime popularis ita constituta. Nam esse quidem participes valde pauperes, difficile factu: terminus vero Reipublicæ ipsis patrius hic est, eum qui hoc vectigal conferre nequeat, eius non esse participem.

C O M M E N T A R I I.

- VII. Vitium *Reip. Spart.* Οὐ καλῶς δὲ.] Septimum Spartanæ Reipublicæ vitium in sodalitatibus, in quibus hoc vnum reprehendit, quod sumptus ibi fierent non de publico, sed de priuatis cuiusque bonis & collationibus. Qua in re sodalitates Cretenses anteponit Spartanis infra cap. 8. Nam Lacedæmone moris erat, quinos & denos fere conuenire, & vna vti mensa, & ad sumptum quemque de suo conferre in mensam farinæ medimnum, vini choas quinque, octo casei libras, quinque selenibras

bras ficuum totidem, & aliquot præterea asses ad opsonia, ut est apud *Plut. in Lycurgo*. Aristoteles igitur hunc Lacedæmoniorum in sodalitatibus morem non tantum simpliciter esse malum, sed ipsius quoque Reipublicæ Spartanæ scopo docet repugnare. nam hoc quidem ita docet: quod sodalitatum institutum Lycurgus voluerit esse Democraticum propter summam omnium ordinum æquationem, cum tamen sit Oligarchicum potius: propterea quod tenuiores, qui sumptum facere nequeant, neque sodalitatum, neque Reipublicæ seu honorum & magistratuum sint participes; sed soli diuites, quod est Oligarchicum, imperia mandari ditioribus. At Lacedæmone lex erat & institutum, qua lege cautum fuit, ne quis honorum esset particeps, qui non & sodalitatum: cuius legis & hic, ὅρθε τὴν πολιτείαν, &c. & infra *cap. prox.* εἰ δὲ μὴ μετέχον, &c. meminit. Cæterum Lacedæmonij hæc publica conuiuia proprie solent vocare *φειδίπια* vel ἀφειδῶν, id est, parsimonia, vel quasi *φιλίπια*, id est, amicitiae efficientia, ut est apud *Plut. in Lycurgo*. Vocabant & olim ἀνδρείαι à Creditibus mutuati, infra *cap. prox.*

Refutatio

Φειδίπια,

Ἀνδρείαι.

T E X T V S.

Institutum autem de nauarchis & alii quidam reprehenderunt, recte reprehendentes. Nam seditionis est causa. Cum Regibus enim perpetuis imperatoribus nauium præfectura alterum quasi regnum constituit.

C O M M E N T A R I I.

Τῷ δὲ δειτὴς τὰς ναυάρχας.] Octauum huius Reipublicæ vitium in classis præfectura cum alij recte reprehenderunt, cum Aristot. hac de causa reprehendendum ait, quod Classis præfectura Spartana causa sit motuum vel discordiarum. Quid ita? quia duo veluti Imperatores seu Exercitus Duces constituentur. Iam notum est, inter plures Duces plerumque existere simultates & dissidia. Quare & Romani etsi alias duobus vterentur coll. in summis tamen periculis vnum creabant Dictatorem. Quare cum Lacedæmone bini essent Reges, ijque non tam absolute Reges, quam Imperatores quidam & Exercitus Duces: Classis præfectura his tanquam

II. Vitium.

Ratio.

socia adiuncta alterum quoddam fiebat regnum seu imperium à legitimo regno disiunctum & dissentiens. Nimia igitur fuit potestas & nimis diuturna, utpote perpetua Classis præfectura. Quod diximus Reges Lacedæmoniorum fuisse potius bello Duces, explicabitur infra *lib. 3.* ubi de Regnorum generibus. Ex quo loco fere ausim dicere, pro αἰδώς scribendum αἰδοίς, ut referatur ad στρατῶν. Nam & ibi vocat perpetuos belli Duces Reges Lacedæmoniorum.

T E X T V S.

Iam vero & scopum legumscriptoris ita quis reprehēdat, quod & Plato in legibus reprehendit. Omnis namque legum descriptio ad virtutis partem bellicam est collata: hæc enim ad viuendum est utilis. Quare bellum quidem gerentes erant incolumes: imperio vero potiti perierunt: quia ocio & pace uti non didicissent, neque vllum studium aliud bellico melius excoluissent. Hoc autem non leuius est peccatum. Nam putant quidem bona fortunæ, de quibus homines inter se concertant, paranda esse virtute potius quam vitio: & hoc quidem recte: sed quod hæc virtute putant meliora, non recte.

C O M M E N T A R I I.

X. Vitium *Καὶ αὐτὸ δὲ τὸ πρῶτον.*] IX. eaque grauissima Lycurgi reprehensio, qua scopus ipse seu hypothesis & consilium eius taxatur, ut vitiosum. Nam Lycurgi consilium & scopus fuit imperii prolatio & dominatus; omnia eius instituta eo spectant, ut ciues sui aliis dominantur. Omnia namque fere spectant ad rem militarem; omnia, inquam, eius exercitia. Quod quam graue sit peccatum, hunc sibi sumere scopum, aliis dominari, & ciues in vna tantum virtute, fortitudine, non in omnibus exercere, docet Aristoteles, cum infra latius *lib. 7. cap. 14.* tum hîc, hac ratione ab ipsis rebus sumpta; *Ratio.* nimirum, quod Lacedæmonii quamdiu quidem bellum gererent, essent incolumes & florentes; sed imperium nacti, quia

qui a nullas pacis artes & studia nossent, superbia, luxu, insolētia & seditionibus inter se perierint. Quod idem vitium *Romana* fere fuit & Reipublicæ Romanæ, quæ & ipsa ad domina- *Reip. vitium* tum & bellum tota fuit composita. Tenendæ igitur sunt & *idem.* belli & pacis artes; qua de re infra differemus *lib. 7.*

Ὅπερ καὶ πλάττειν.] Hunc Lycurgi scopum, & Spartanorum *πλεονεξίαν*, studiumq; dominandi, & *Plato* grauiter reprehendit *lib. 3. & 4. de legib. & in Lachete*, & grauissime *Iso-* *crat. in Panathenæico. & Cic. lib. 1. Offic.* Sed illud odiosum est, quod in hac relatione & magnitudine animi facillime pertinacia & nimia cupiditas principatus innascitur. Vt enim apud Platonem est, omnium morem Lacedæmoniorum inflatum esse cupiditate vincendi, sic vt quisque animi magnitudine excellat, ita maxime vult princeps vel potius solus esse.

Τὰ γὰρ τὰ πρὸς δεινότητα.] Sic vocat victoriam, imperia, diuitias. Sic enim Græce vocant bona fortunæ, vt supra *in Ethicis lib. 8. vel 9. & lib. 1. de arte dicendi.*

Καὶ τὸ πρὸς καλῶς.] Ait, Lacedæmonios recte facere, quī non insidiis aut flagitiis & improbis factis bellum gerant & imperia quærant, sed virtute; verum in hoc peccare quod hæc ipsa imperia virtute putent potiora, & ea persequantur tanquam scopum, virtute tanquam adiumento & medio.

T E X T V S.

Vitiose autem se res habet Spartanis etiam in ærario publico. Nam & in communi ciuitatis ærario nihil est, cum magna bella cogantur gerere, & tributa male conferant: eo namque quod magna sit Spartanorum Regio, tributa inter se non exquirunt, acciditq; legum scriptori contra atq; expediat. Nam ciuitatem quidem fecit pauperem, priuatos vero auaros. Itaq; de Spartanorum quidem Repub. hætenus sit explicatum. Nam quæ reprehendat quis, maxime hæc sunt.

C O M M E N T A R I I.

Φαύλος δ' ἔστι.] Decimum Reipublicæ Spartanæ vitium *X. Vitium* in æra- *Reip. Spart.*

1. Pars.

2. Pars.

Romane
Reip. idem
vitium.

in ærario seu pecunia publica reprehenditur, idq; bifariam; primo quod Spartæ nullum esset ærarium publicum: quod cum omnibus est necessarium, tū iis maxime, quibus multa gerenda sunt bella, vt Spartanis cum propter innatam dominandi cupiditatem, tum propter vicinorum odia. Deinde cum bellum esset suscipiendum, ipsæ tributorū collationes item erant vitiosæ, hoc est, non satis diligenter conferebant. Cuius negligentia causam confert Aristoteles in amplitudinem agri Laconici, quem tantum tamque late patuisse ait, difficile vt fuerit in singulorum collationes inquirere: præsertim cum latissime parentis agri pauci essent Domini (vt supra est explicatum) qui maxima tenerent latifundia. Quam rem adiuuabat & Lacedæmoniorum institutum, qui ipsi agros tenere consuerint, non vt aliæ nationes per clientes, sed per Helotas suos. Quapropter Lycurgo plane contra accidit, quam Reipublicæ conducat: cui vtile est, ciuitatem esse locupletem, & ciuium copias esse mediocres, eosq; suis rebus contentos. At Lacedæmone & Respub. laborabat inopia, & ciues erant locupletes, saltem pauci, omnes ad rem augendam attenti, vt supra. Quod idem & Romæ tandem accidit, priuatorum vt redditus & vectigalia essent vberissima, Reipublicæ nulla vel exigua. Qua de re sæpe conqueritur Cic. lib 2. Offic. in Agrariis, & in Philippicis. Sic hodie Augustani, Genuenses, Colonienfes, Antuerpienses priuati sunt diuites, publice pauperes. De communi igitur ærario hic locus obseruatione est dignissimus.

CAPVT VIII.

TA X A N T V R hoc capite 4. fere vitia Reipublicæ Cretenfis, priori geminæ & cognatæ & peræque celebris: de qua & Plato in libris de legib.

TEXTVS.

Cretenfis vero Respublica finitima quidem huic est, habet autem pauca quidem non peius, plæraque vero minus polite. Etenim videtur & vero dicitur magna parte Laconica Cretensem imitata, at prisca plæraque minus sunt exquisita, quam recentiora. Nam ferunt, Lycurgum postquam

quam tutela Charilai Regis omiſſa peregrinari
cœpit, maximam temporis partem tum in Creta
verſatum eſſe propter cognationem. Erant enim
Lyctii Lacedæmoniorum coloni. In coloniam
autē aſcripti legum deſcriptionem apud incolas
florentem ſuſceperunt. Quare hodieque pericœci
item iis vtuntur, quaſi Minos primus huius legum
deſcriptionis fuerit auctor. Videtur autem Inſula
& ad Græciæ imperium natura facta & bene ſita.
Imminet namque omni mari, omnibus fere Græ-
cis ad mare accolentibus. Nam hac quidem parte
exiguo interuallo diſtat à Peloponneſo, illa vero
ab Aſia Verſus Triopium & Rhodum. Quare &
maris imperiū tenuit Minos & ex Inſulis has qui-
dem ſubegit, illas vero incolis frequentauit, tam-
dem & Siciliam aggreſſus prope Camicum vita
exceſſit.

C O M M E N T A R I I.

Η δὲ χρῆσις.] Prius has duas ciuitates Cretēſem & Spar-
tanam inter ſe comparat, quam Cretenſis vitia & peccata
cōmemoret. Et quidem primo cauſam ſimilitudinis & co-
gnationis inter has duas ciuitates exponit, hoc vniuerſe p̄-
monito: Cretenſis quidem Reipub. inſtituta non pauca me-
lora quidem eſſe Laconicis, ſed minus expolita. Cretica ma-
gis eſſe obſoleta, & barbariem redolentia. Cuius differentiæ
rationem & cauſam hanc affert, quod recentiora pleraque
vetuſtis ſint expolitiora, tempore nimirum & rerum vſu do-
cente & res expoliente, vt ſupra dictum. Cur igitur hæ duæ
ciuitates inſtituta multa habuerint ſimilia, cauſam exponit
Ariſtoteles ex hiſtoria petitam, hanc, quod Lycurgus Reip.
Spartanæ auctor in Creta diu ſit verſatus, iam tum bonis le-
gibus florente, à Minoë latis antiquiſſimo legumſcriptore.
Cur autem in Cretam potius proſectus ſit Lycurgus, hanc
affert cauſam, quod Lyctii, quæ eſt Cretæ ciuitas, Lacedæ-
moniorū ſint coloni, fratres & amici. De hac Lycurgi pere-
grinatione Plut. in Lycurgo & Cleomene. Nam Lycurgi fra-

Cretēſis &
Spartana
Reip. diſcri-
men.

Ratio.

Cretenſ. &
Spart. Reip.
ſimilitudi-
nis cauſa.

Cur Lycur-
gus in Cre-
tam potius,
quam alio,
ter proſectus.

ter Rex Lacedæmoniorum moriens cum vnum reliquisset heredem Charilaum (sic enim hîc legendum, nō Cherillum) & Lycurgus pueri tutor Regnū administraret, tandem puero adulescente, vt omnem à se auerteret suspicionem occupandi Regni, postquam tutela abdicasset, & Regnum puero tradidisset : in Cretam abiit ad Lycetios colonos, qui & ipsi iam Minoica instituta susceperant : quæ ille diligenter conquisita & probata domum postea reuersus in patriam attulit. Hæc igitur est causa cur hæ duæ ciuitates institutis multis vtantur iisdem & similibus.

Διὸ καὶ νῦν οἱ Περικαιοί.] Ait, Περικαιοί, hoc est, Rusticos & agrum Cretensum colentes (hodie Græci vocant paroecos) sua etiam ætate iisdem vti institutis : etsi urbani aliis, fortasse nouis iam vterentur. Nam sæpenumero morum veterum vestigia in Rusticis diutissime conseruantur. Hæc autem eo pertinent vt doceat Aristoteles Cretensum instituta esse antiquissima, & ab iis orta Laconica.

Δοκεῖ δ' ἡ νῦν.] Exorsus de Minoë & eius institutis, at-
textit quædam de Minois & Cretensum imperio & interitu. Ait igitur, Cretam opportune esse sitam ad totius maris mediterranei imperium obtinendum, atque adeo totius Græciæ : propterea quod Græcorum ciuitates pleræque essent maritimæ in vtroq; littore tam Asiatico quam Europæo, à quibus vtrinq; non ita longo interuallo distet : etsi ab Asiatico multo longiore. Situi igitur imperii causam tribuit, vt & tranquillitatis & incolumitatis diuturnæ, infra. Atq; hac de causa Minoë quoq; mari imperasse : qui cum fines imperii lōgius proferre vellet, & Siciliam bello esset aggressus, tandem ad Camicum, Siciliæ urbem, opera & insidiis Cocali, Dædali, de quo male Minos fuerat meritis, filii, interfectus est, vt est apud Strabonem lib. 6.

T E X T V S.

Cretensis autem institutio Laconicæ respondet. Nam his quidem agros colunt Helotes, Cre-
tibus verò Pericæci : atque apud vtrosque sunt so-
dalitates. Et certe antiquitus Spartam vocabant non Phiditia, sed Andria, vt Cretes : ex quo & in-
telligitur illinc ortas. Præterea Reipublicæ descri-
ptio,

ptio, id est, respondet. Nam Ephori quidem eandem habent potestatem, quam qui in Creta dicuntur Cosmi: præter quod Ephori quidem sint numero quinque, Cosmi vero decem. Regnum vero prius quidem erat, postea sustulerunt Cretes, atque in bello tenent imperium Cosmi. Concionis autem participes sunt omnes: nullius vero rei est domina, quam ut suffragijs confirmet, quæ senibus & Cosmis fuerint probata.

C O M M E N T A R I I.

Ἐξ δ' αἰάλογον.] Hoc loco exponit iam similitudinē siue instituta similia Reipub. Cretēsis & Spartanæ, eaq; quinque, primo Helotibus Lacedæmoniorum similes esse Cretēsiū pericæcos: secundo quia utriq; ciuitati suæ sint sodalitates, & quidem olim eodem nomine, Andriorum: quod ait esse apertissimū argumētum, sodalitates Lacedæmonias à Cretensibus ortas: quia Laconicæ antiquitus idem habuerint nomen: tertio, quia eadem fuerit potestas & imperium Ephororum Lacedæmone, quæ Cosmorum in Creta, numero tantum differebant: quarto, quia & senatus utrobique par fuerit: postremo, quia ut Lacedæmone erat Regnum, ita & in Creta olim fuerit; postea sublatum, tradito imperio Cosmis, ut Romæ consulibus.

*Similitudo
utriusque
Reip.*
2.

3.

4.

5.

T E X T V S.

Ergo de sodalitatibus quidem melius est apud Cretes quam Spartanos. Nam Lacedæmone quidem in capita quisque confert, quod est præfinitum: quod si non, vetat lex Reipublicæ esse participem, ut & prius dictum: in Creta vero communis. Nam ex omnibus & fructibus & pecoribus & vectigalibus, quæ Pericæci pensitant, publicis, pars est præscripta; hæc quidem ad Deos & publica munera, illa vero ad sodalitates, ut de publico alantur omnes & mulieres, & pueri, & viri. Ad vi-

R

5

ctus

ctus autem tenuitatē, ut rem utilem, multa commentus est legumscriptor, atque ad mulierum disunctionem, ne multos procreent liberos, inducto puerorum concubitu; de quo recte ne an secus, alius erit disputandi locus. Hoc certum, de sodalitatibus melius descriptum esse apud Cretes, quam apud Spartanos.

COMMENTARI.

*1. Reip. Cre-
tum vitiū.*

Exposita iam cognatione & similitudine harum duarum civitatum, nunc tria fere earundem instituta perpendit, melius ne ea se in Creta habeant, an Lacedæmone: qua collatione aperiuntur & Cretensis Reipub. vitia. Primum igitur de sodalitatibus; & has in Creta melius esse descriptas, quā Lacedæmone, docet hac ratione, quod Lacedæmone sumptus fieret ex priuatis cuiusque redditibus, in Creta ex publicis vectigalibus. Cur autem hoc illi præstet, explicatum est supra capite priore.

*De vectiga-
libus Cre-
tensium.*

[*Ἀπὸ πάντων ὅς τῶν γινόμενων.*] Ait, pericæcos in Creta vectigalia pensitare solitos partim ex fructibus, partim ex pecoribus, ut rustici alii sunt agricolæ, alii pastores: quæ præter duo vectigalium genera est & tertium ex mercibus & rebus importandis & exportandis. Horum autem vectigaliū vsum facit triplicem; partim ad rem diuinam, partim ad vsus publicos, partim ad sodalitatem. Hic igitur locus de vectigalium generibus & vsum licet brevis, tamen obseruatione est dignus.

*2. Instituta
Minois qua
dam.*

[*Πρὸς δὲ τὴν ἀλιζοσίαν.*] Interiicit Aristoteles duo Minois instituta, vel in quibus magnam posuerit operam: prius de victus tenuitate, alterum de liberorum paucitate. Nam Minos hoc egit, ut ne liberorum multitudine agri tandem ciuibus alendis essent impares. Cui liberorum paucitati efficiendæ viam hanc & rationem adhibuit, puerorum cōcubitu, quo contenti mulieres non ita sequerentur. De quo & consilio & modo seu ratione Minois etsi disputationem reiicit Aristoteles in aliud tempus seu alium locum: tamen & consilium non satis Reipublicæ est utile, cui ciuium multitudo, saltem modica, est necessaria, ut infra lib. 7. & modus seu ra-

io prorsus est flagitiosa & nefaria, ipsi naturæ & rationi inimica. De hac re & supra nonnihil, ubi de Celtis.

T E X T V S.

De Cosmis autem etiam deterius quam de Ephoris. Nam incommodum quidem, quod in Ephororum imperio, & in his inest. Fiunt enim quilibet: quod vero ibi ad Rempublicam conducit, hic non est. Nam ibi quidem, quia designatio sit ex omnibus, populus summi imperij particeps Rempublicam saluam esse cupit: hic vero non designantur ex omnibus Cosmi, sed ex quibusdam gentibus & senes ex ijs qui Cosmi fuerint, de quibus eadem quis dicat, quæ de senibus Spartanis. Nam immunitas rationum referendarum, & perpetuitas, iusto maiora ipsis sunt præmia: atque imperare non ex scripto, sed pro suo arbitratu plenum est periculi. Quod autem populus non particeps quiescat, nullum est argumentum bonæ descriptionis bonæ constitutionis. Neq; enim Cosmis aut Ephoris quæstus aliquis suppetit, ut corruptoribus longe ab Insula remotis. Medicina autem, quam huic vitio adhibent, absurda est, eaque non ciuilis, sed factiosa. Sæpe namque coitione facta Cosmos eijciunt vel ipsi collegæ vel priuati. Est autem potestas & Cosmis interea imperio abdicare. Hæc autem omnia lege præstabat fieri, quam hominum arbitrio. Nam norma non est tuta. Omnium vero vitiosissima est potentum petulantia, qua sæpe utuntur, cum pœnas dare nolint. Qua ex re & perspicitur, esse quidem aliquam Reipublicæ institutionem, verum non esse Rempublicam, sed factionem seu Dynastian potius. Con-

suerunt

fuere autem disiunctis populo & amicis Regnum inducere & tumultuari, & inter se pugnare. Atqui quid differt hoc ab illo, quod tempore aliquo nulla amplius sit ciuitas, sed dissoluta sit ciuitatis societas. Magno est autem cum periculo ciuitas, in qua qui velint, possint quoque eam inuadere. Cæterum loco, ut dictum est, manet incolumis. Nam peregrinorum eiectionem longe remouit. Quare & de Pericæcis constitutio manet Creten- sibus: Helotes vero sæpe deficiunt. Nam neque externa habent imperia Cretes, & recens bellum externum in Insulam est illatum, quo legum earum infirmitas fuit patefacta. Itaque de hac quidem Re- pub. hæc à nobis sint explicata.

C O M M E N T A R I I.

*Cosmorum
collatio cū
Ephoris.*

Τὰ δὲ πρὸς τὰς κοσμοὺς.] Comparat hoc loco Cosmos cum Ephoris.] Nam utrisque quidem commune inesse vitium hoc, quod designentur & deligantur, non ex optimo quoque, sed ex quolibet: verum hoc præcipuum est in Cosmis peccatum, quod non ex omni populo, sed ex certis tantum gentibus & familiis deligerentur: qua re fiebat, ut Lacedæmone plebs, utpote summi imperii particeps, Rempub. saluam esse vellet, in Creta non item, utpote summi magistratus expers; quemadmodum Romæ olim de consulatu multas sæpe seditiones mouit.

*II. Vitium
Reip. Cre-
tensium.*

1.
2.

Καὶ τὰς γερουσίας ἐν τῇ κρησσηνῇ.] Alterum Reipublicæ Creten- sis vitium in senatu, idem fere, quod in Lacedæmonio supra reprehendit. Primo, quod senatores essent perpetui, eaque re immunes à referendis rationibus. Fiebat deinde, ut causas ciuium diiudicarent non ex iure & legibus scriptis, sed ex suo arbitrio.

Πρόληψις.

Τὸ δὲ ἡσυχάζειν.] Occurrit Aristoteles tacitæ quæstioni, de Cosmis, quos reprehendit Aristoteles, quia deligerentur ex certis familiis; qua ex re fieret, ut multi patriam non velint esse saluam. Cui Aristotelis reprehensioni occurrēs quis dicat, nullos tamen vnquam motus plebem in Creta exci- tasse.

tasse. Respondet Aristoteles, hanc tranquillitatem & seditionum vacuitatem non satis magnum esse argumentū bonæ Cosmorum constitutionis. Nam huius tranquillitatis alix possunt esse causæ. Affert autem hanc, quod Cosmis nō eadem sit corruptelæ occasio, quæ Ephoris: propterea quod Cosmi sint in insula, & proinde ab aliis, qui eos corrumpere possunt, diuisi.

Ἡ δὲ παῖσινται.] Tertium hoc Reipublicæ vitium in iis. *III. Vitium*
dem Cosmis, in quibus cum peccatum esse iam docuit, eius peccati & morbi medicinā alio peccato Cretes sanare ostendit, nimirum quod Cosmos magistratu non recta ratione & modo deturbent, vel abdicare cogant; Alias namque coitione & turba facta eos pellunt & eiiciunt, quod non tam ciuilem societatem quam factionem redolet: alias vero ipsos suo arbitratu abdicare permittunt; quod lege & præscriptione seu ordine certo præstabat fieri. Nam, vt eleganter ait, voluntas & arbitrium hominis norma est non satis tuta.

Πάντων δὲ φαιλότατον.] Quartum huius Reipublicæ pec- *IV. Vitium.*
catum in principum seu potentiorum impotentia & perulantia notat. Solitos namque ait, distracta in duas velut factiones multitudine ciuium, ascitis vtrunque suis amicis & clientibus, inter se depugnare, vt & Romæ & Athenis, *Cic. lib. 1. Offic.* Quod vitium Aristoteles ait omnium esse grauissimum, eoq; fieri vt dicere quis possit Cretensem Rempub. vix mereri nomen Reipublicæ, sed esse factionem potius quādam seu dynastiam, quæ Oligarchiæ est pars deterrima, infra *lib. 4.* Nam his dissidiis & distractionibus gliscentibus & vigentibus, nemo certe ciuitatem esse dixerit, id est, ciuilem societatem. Eodem vitio accidere ait, vt summo semper in periculo & metu sit Respub. ne his dissidiis Rempublicam aliquis inuadat & tyrannus existat vt Romæ Cæsar.

Ἀλλὰ καὶ ἡ εἶρηται.] Occurrit tacitæ velut quæstioni. Nam, cur ergo, inquiet aliquis, Cretensis Respub. tam diu manet incolumis? Respondet, hoc fieri non per se, id est, nō propter ipsam Reipublicæ bonam institutionem, sed ex euentu, ratione nimirum loci & situs. Nam diuisi à continente non ita metuunt ab externo hoste, longius ab illis, mari interiecto, remoto. Quem loci situm causam quoque esse ait, cur eorum rustici seu pericæci aduersus illos non conspicerent, contra atque de Ephoris & penestis supra dictum est, nimi-

nimirum quod hi vicinos habeant, quibus cum aduersus suos conspirent, illi non item. Obseruandus est igitur hic locus de situ causa incolumitatis ex euentu. Quæ eadem causa conseruat & Venetos, & Heluetios, & Anglos.

News' π.] De hoc externo aduersus Cretes bello amplius quærendum: postea certe à Romanis vno & breui bello sunt domiti, duce Metello.

CAPVT IX.

1. Pars.
2.

EXPLICAT hoc cap. de Repub. Carthagenensium, vt Equæ & ipsa ex numero celebriū ea tempestate Rerum-
publ. esset. Nam & *Isocr. lib. 2. ad Nicoc.* duas tantum commemorat ciuitates, Spartam & Carthaginem, quarum instituta reliquis fuerint præstantiora. Eius & Plato cōmeminit apud *Plut. Laert. in vita Plat. in fi.* De eiusdem Reipublicæ institutis quædam reperiuntur apud *Polyb.* & apud *Liuium dec. 3. & 4. multis in locis*; maxime in quodam loco, vbi de ærario agit. Hoc igitur caput de ea explicat, & priore quidem parte eam cum Laconica comparat, posteriore præter communia reliquarum etiam ciuitatum hic omissa, duo præcipua huius Reipub. peccata seu vitia exponit.

TEXTVS.

Videntur autem & Carthagenenses præclaram constitutam habere Rempublicam, & multa præter alios egregie, quædam vero maxime Laconicis similia. Nam tres hæ Respublic. cum inter se sunt vicinæ quodammodo, tum alijs longe antecellunt, Cretensis, Spartana, tertiaque harum Carthagenensis. Atque multa apud eos præclare sunt instituta, cui rei argumento est, quod, licet popularis, tamen permaneat in Reipubl. descriptione, & neq; seditio, quæ quidem sit memoratu digna, exstiterit, nec tyrannus Romæ.

COMMENTARI.

De præstā-
tia Reipub.
Carthag.

Πολιτείας δὲ δοκῶσιν] Laudat Rempublicam Carthagenensium à præclaris institutis, cum tamen magnam partem esset

esset popularis : quæ præter cætera Rerumpub. genera ob populi mobilitatem & rerum nouarum auiditatem facile ab antiquis moribus & institutis discedere solet, & in qua sæpe maximi motus & dissidia, & hinc tyrannides, vt Romæ, existere solent : quibus omnibus, mutatione, seditionibus & tyrannide quia caruit hæc Respub. licet popularis : efficitur necessario, eam præclare fuisse temperatam. Monet deinde has tres ciuitates, Cretensem, Spartanam, & Carthaginensem facile fuisse inter se similes, vti mox docebit, & reliquis omnibus Rebuspub. antecelluisse.

Similitudo

Reip. Car-

thag. Cret.

& Spart.

T E X T V S.

Multa autem habet Reipublicæ Spartanæ similia instituta : conuictus quidem, Collegiorum phiditijs, centum vero quatuor-virum Magistratum Ephoris : præter quod melius. Nam hi quidem sunt ex quibuslibet, illum vero magistratum deligunt viritum. Reges autem & Gerusian respondentem illorum Regibus & Senibus. Atque melius Reges non esse ex eodem genere, eoque non quolibet : etsi ex præstante magis suffragio delectos, quam ex ætate. Nam humiles magnarum rerum facti domini magnopere nocent, & Reip. Lacedæmoniorum iam nocuerunt.

C O M M E N T A R I I.

Ἐξ δὲ παραπλήσια.] Exponit quibus in rebus hæ duæ ciuitates Carthaginensium & Lacedæmoniorum similes fuerint. Nam phiditijs Laconicis non absimiles fuisse sodalitates Carthaginensium, quæ videntur fuisse certa quædam corpora seu collegia vel magistratuum, vel ciuium, vt opificum, mercatorum, &c. secundo magistratum centum quatuor-virorum Ephoris fuisse similem, potestate nimirum & imperio, non ratione seu modo creandi: nam hac parte Carthaginensium magistratum Spartano præstitisse, quod Ephori ex omni plebe, & quibuslibet, centum quatuor-viri ex optimo quoq; constituerentur. Tertio, vt Lacedæmone Reges & Gerusian, ita & Carthagine fuisse & Reges & senes illis

Similitudo

Reip. Car-

thag. &

Spart.

1.

2.

3.

illis respondentes. Verum hac quoq; in re, de Regibus, inquam, Carthaginensem Spartanæ Reipubl. præfert: quod Lacedæmone Reges ex vno eodemque Heraclidarum genere Reges essent iure hæreditario: Carthagine non ex vno, sed ex pluribus, iisque præstantioribus, & quidem non tam iure hæreditario, quam delectu & suffragiis. Nam ex optimis quidem quibusque generibus Carthagine Reges sumebantur, sed non tam qui ætate, quam qui virtute reliquis eiusdem generis præstarent. Et hoc discrimen Regni Spartani & Carthaginensis commemorat & *Plato apud Laertium*,

*Cur plebi
non sint cō-
mittēdi ma-
gni magi-
stratus.*

Μεγάλων γδ.] Præclara est hæc sententia: humilibus seu de plebe & medio sumptis hominibus magna imperia non esse committenda: quia magnorum compotes facti imperiorum, magna faciant peccata. Exemplum affert ex Ephoris Lacedæmoniis, qui homines fere de infima plebe propter summam imperii potestatem ciuitatem perdiderint, *vi supra cap. 7.*

T E X T V S.

Itaque præclara quidem, quæ propter deflexiones reprehendantur, communia sunt omnibus prioribus Rebuspublicis: ex ijs vero quæ ad scopū Aristocratix & Reipublicæ spectant, hæc quidem magis vergunt ad populum, illa vero ad Oligarchiam. Nam eorum, quæ ad populum vel referuntur vel non referuntur, Domini sunt Reges, si omnes consentiant; sin minus, horum & populus. Quæ autem hi retulerint, non tantum audiendi potestatem populo faciunt ea, quæ magistratibus visa fuerint, sed iudicandi quoque potestatem habent, & cuique volenti licet ijs, quæ sint relata, contradicere: quod alijs in Rebuspublicis non est receptum. Quinqueviratus autem multarum magnarumque rerum Dominos ex ipsis deligi, atq; hos à centumviratu, summum magistratum: longiore præterea tempore, quam cæteros durare (nam & præteriti & futuri imperant:) id vero est

Oligar-

Oligarchicum : sine mercede vero & non sorte creatos, id & si quid eius generis aliud, Aristocraticum est ponendum : atque causas à magistratibus diiudicari omnes, non alias ab alijs, vt Lacedæmone,

C O M M E N T A R I I.

Τὰ μὲν ἐν πλείεσσιν.] Altera huius capitis parte peccata Reipubl. Carthagenensis duo aperit & refellit, quæ quidem huius Reipub. sint propria. Nam quæ in prioribus duabus ciuitatibus reprehendit, ea tanquam communia & iam satis reprehensa omittit. Prius igitur huius Reipublicæ proprium peccatum est in hypothesi, scopo, & consilio Reipublicæ seu eius forma. Nam cum huius Reipublicæ forma ex Aristocratia & Politia fuerit temperata, eaque propter omnia Reipublicæ instituta partim ad Aristocratiam, partim ad Politiam spectare debeant; docet Aristoteles ex institutis quædam non ad Aristocratiam, sed ad huius deflexionem, oligarchiam; quædam non ad politiam, sed ad huius deflexionem Democratiam fuisse accommodata; atque ita à scopo aberratum, idq; culpa ipsius legumscriptoris. Nam oligarchica quidem seu oligarchiam redolere magistratum summorum & designationem & diuturnitatem. Erant namque Carthagine duo summi magistratus, Quinqueuiratus & Centumuiratus, quorum hæc erat ratio designandorum, vt quinqueuiri non ex optimo quoque, neq; ab omni ciuitate, sed ex ipsis Centumuiris, & ab iisdem, id est, eorum arbitratu deligerentur : quod oligarchicum esse intelligetur ex libro 4. Deinde oligarchicum & hoc est, quod iidem in perpetuo fere sint magistratu, administrato scilicet centumuiratu, quia fiant post quinqueuiri : qua continuatione fit, vt diutius in magistratu hi sint, quam reliqui omnes in eadem Reipub. quod ipsum est oligarchicum, prorogare sibi imperia, & continuare magistratus. His igitur duabus in rebus Respub. Carthagenensis ad oligarchiam potius quam ad Aristocratiam spectare videtur. Iam vero ad Democratiam hac in Republica spectat, quod nimiam populo faciat potestatem probandi vel improbandi à Senatu & Regibus ante decreta. Nam ita Ius fuit Carthagine, vt si qua Senatus cum

1. Vitiū peculiare huius Reip.

1. Institutū Oligarchicum.

2. Institutū Oligarchicum.

Institutum Democraticum.

Regibus ante deliberarit, siquidem de his omnes consentiant Reges & Senatores, iam ea erant rata & firma, neq; ad concionem ea necesse erat referre; sed si dissentirent, tum ad populum & concionem referri oportebat, non tantum ut ea populus audiret, sed etiam ut diiudicaret, & de iis statueret, quemadmodum & Romæ in conuitiis populus probabat vel abrogabat. Verum hæc nimia populi est potestas, in aliis, inquit Aristoteles, ciuitatibus vix nota. Atque ita hunc obscurissimum locum, τὸ μὴ γὰρ τὰ μὲν ἀποσάγγειν, accipiendum puto. vbi in his verbis, αὐτὸν ὁ μὲν γνωμονοῦσι πάντες, ἔχεις in quamdam inesse putant Budæus, Duarenus lib. 1. disput. cap. 50. & Sepulveda, & Lambin. ut intelligantur hæc verba, κύριόν ἐστι, id est, ratum est, nimirum quod Senatores & Reges cōmuni sentētia & cōcorde constituerint. Verū ea ἔχεις mihi non videtur necessaria, quod his verbis, οἱ βασιλεῖς κύριοι, id satis cōtineatur. Quam autem Arist. populi Carthaginēsis nimiam potestatem hic reprehendit, eam suo tempore multo iam auctiorem grauissime taxat Polyb. lib. 6. vbi Rempub. Carthaginensem cum Romana comparat. Nam Cretensem, etsi à multis laudatam, vix idoneam tamen & satis dignam iudicat, quæ cum iis tribus comparetur.

Τὸ δὲ ἀμείβεσθαι ἐν μὴ κληρωταῖς] Etsi iam docuit instituta huius Reipubl. partim esse Democratica, partim Oligarchi-

1. Institutū Aristocra- ca, quædam tamen & Aristocratica superesse monet: primū, quod magistratus capiantur & gerantur sine stipendio, vel honorario, ut & Romæ. Cur autem hoc sit Aristocraticum,

Ratio. hæc, ni fallor, est causa: quia in Aristocratia virtutis tantum,

Vnde & & eius præmii, honoris & gloriæ, habeatur ratio, non quæ-

Plutarch. stus. Deinde, quod magistratus nō sorte, sed suffragiis man-

præcept. Po- darentur: in sorte eadem est boni & improbi ratio, in suffra-

lit. pa. 1466 giis non item, in quibus vel virtutis, vel diuitiarum & gene-

Ratio. ris ratio haberi potest. Præterea quod iudicia non essent di-

2. Institutū Aristoc. uiles causas Ephori, & quidem alius aliam, id est, hic de nu-

Ratio. ptis, ille de testamentis, ille de cōtractibus, infra lib. 9. cap. 1.

3. Institutū Aristocra- At Carthagine omnes causæ tam ciuiles quam capitales ab

Ratio. iisdem iudicabantur. Erant & alia quædam Aristocra-

Ratio. tiam redolentia, quæ præter-

Ratio. mittit.

Ratio. Cetera.

T E X T V S.

Carthagenensium autem descriptio ab Aristocratia ad Oligarchiam deflectit, maxime opinione quadam, quæ est in multis. Opinantur namque, magistratus designandos esse non virtutis tantum, sed diuitiarum quoque habita ratione: quia fieri nequeat, ut egens bene præsit & otium agat. Si igitur designari ex diuitijs quidem est Oligarchicū, ex virtute vero est Aristocraticum: tertia hæc sit descriptio, qua Carthagenensium Resp. est temperata: nam habita ratione horum duorum, designant & maxime summos magistratus, Reges, inquam, & Imperatores. Existimandum est igitur, hanc ab Aristocratia deflexionem culpa esse legumscriptoris. Nam principio hoc, ut maxime necessarium, videndum fuerat, ut optimi in otio esse sine fœditate possent, non solum in magistratu, sed priuatim quoque. Quod si otij causa & diuitiarum est habenda ratio; vitiosum certe, summos magistratus esse venales, Regnum & belli præturam. Nam hæc lex facit, ut diuitiæ maiore sint in precio, quam virtus, totaque ciuitas ut auaritijs sit dedita. Quod autem apud Principes in precio fuerit, necessario & aliorum ciuium existimatio his consequetur. Iam vero ubi virtus non summo fuerit in honore, fieri non potest, ut hæc Resp. constanter sit Aristocratica. Rationi autem est consentaneum, eos lucro assuefieri, qui magistratum emerint, & cum sumptu administrarint. Absurdum namque, pauperem quidem, sed virum bonum, quæstui operam daturum: improbum vero, & quidem sumptu facto, non item,

Quare oportet eos qui ex virtute præesse possint, præesse. Melius autem fuerat, quando legumscriptor bonorum paupertatem neglexerat, saltem magistratuum otij curam habuisse.

C O M M E N T A R I I.

*Excusatio
quorūdam,
cur magi-
stratus non
tantum bo-
nis, sed diui-
tiis quoque
mandandi.
Ratio.
Refutatio.*

Παρενέχουσιν.] Quod supra docuit, Rempublicam Carthaginensium quadam parte ab Aristocratia deflectere ad Oligarchiam, & reprehendit; id hoc loco monet à quibusdam excusari, hac quidem ratione & causa; quod in magistratibus mandandis habenda sit ratio non virtutis tantum, sed diuitiarum quoque. Quid ita? Quia tenuioribus tantum non sit otij, ut relictis suis rebus priuatis, publicis tantum dent operam: hac opinione fieri ait Aristoteles, ut Carthagine si non omnes, saltem summos magistratus, Reges & Imperatores, crearent, tam virtutis quam diuitiarum habitatione. Verum Aristoteles hanc opinionem Reipublicæ perniciosam esse ostendit: propterea quod ea ratione magistratus, & quidem summi fiant venales, hoc est, non mandentur tenuioribus, licet optimis viris. Iam vero magistratuum venditio cum alia habet incommoda & mala, tum hoc non minimum, quod ciuibz ingeneret auaritiā seu pecuniæ studium. Nam vbi magistratus sunt venales, ibi proculdubio diuitiæ maiore sunt in precio quam virtus: quibus diuitijs parandis cum reliqui ciues principes deditos esse viderint, & ipsi eorum exemplo idem studium sequentur. Nam, ut præclare *Cic. lib. 3. de legib.* si memoriam, inquit, temporum replicare velimus; reperiemus, tales fuisse ciues, quales in Rep. fuerint principes.

Δείδειν οὐκ ἔστιν.] Fatetur Aristoteles, ijs qui in magistratu sint futuri omnia ad vsus vitæ necessarios vtilia suppeditare oportere, ne distineantur vel inquinentur sordidis artibus exercendo victum, quibus partim negligitur Respubl. partim dignitas eius imminuitur. Hæc igitur his de causis suppeditare ijs debere fatetur: qua tamen ex re non effici, ut diuitiarum habenda sit ratio in mandandis magistratibus, cum legumscriptor prouidere hoc ipse potuerit, viris bonis ut tantum suppeditet, quo magistratui gerendo vacare possint: quin etiam legiscriptor curare debet, ut viri boni si non sint copiosi,

pioſi, cum erunt priuati, ſaltem vt ne egeant, cum magiſtra-
tum erunt adminiſtraturi: etſi boni legumſcriptoris officium
eſt curare, cum vt nemo egeat, tum minime viri boni. Quod
quia Carthaginenſium legiſſcriptor neglexit, merito cum
accuſat Ariſtoteles, vt auctorem auaritiæ & ſtudiij quæ-
ſtus.

Ὅπ δ' αὖ ἐπολέσει.] De hac ſententia, qua Principum
mores & vitam reliqui ciues fere ſequuntur, iam dictum.
Alluſum autem hîc mihi videtur ad verba *Platonis lib. 8. de*
Reſub. πικρὸν δὲ τὸ πλεῖον Qua in ciuitate diuitiæ ſint in
precio, in ea iacere virtutem.

T E X T V S.

Vitioſum autem & hoc eſſe videatur, multos
eundem gerere magiſtratum, quod apud Cartha-
ginenſes eſt in vſu. Opus namque ab vno optime
perficitur; quod vt fieri poſſit, videndum eſt le-
gumſcriptori: neque iubendum, vt vnus idemque
ſit tibicen & ſutor. Itaque vbi ciuitas non erit par-
ua; ciuilius eſt & popularius, plures eſſe magiſtra-
tuum participes. Nam & communius, vt diximus,
& melius, pulcrius ac citius eorum quidque perfi-
citur; quod perſpicuum in rebus bellicis & nauti-
cis. In his namque vtriſq; per omnes, vt ita dicam,
com meat imperare & parere.

C O M M E N T A R I I.

Φαῦλον δ' αὖ δοξάζειν εἶναι.] Alterum Carthaginenſis Reipu-
blicæ vitium, quod vni eidemque plures magiſtratus eodem
tempore mandarentur. Nam in magna certe ciuitate, vbi
propter ciuium multitudinem facile reperiri poſſint multi
idonei, quibus ſinguli mandentur magiſtratus: In magna,
inquam, ciuitate & frequēte melius eſſe ait, vt non vni mul-
ta, ſed ſingulis ſingula mandentur imperia: idque duabus ra-
tionibus. Prior eſt, quia ea rerum eſt natura, vt ſingulæ à ſin-
gulis melius & exquisitiſſe perficiantur: argumento ſint artes
vulgares, quas qui multas vnus diſcit, nullū fere apotelesma
& perfectum opus relinquere ſolet. Quare & *Plato in lib. de*

II. Vitium
huius Reip.
peculiare.

I. Ratio.

Ratio.

Rep. hoc crebro monet & cauet, ne quis multas artes unus colat. Nam & in *Erastio* fere ait esse ἀδύνατον, non ut multas & præclaras, sed vel ut duas quis artes plene possit cognoscere. Quare & in re militari & in re nautica hoc diligenter observari ait: adeo quidem, ut potius vicissim imperent & pareant, quam ut multa unus habeat munera. Altera ratio: quia ad civilem societatem accommodatior hæc sit ratio, qua singuli singulis mandentur magistratus. Quid ita? quia hac ratione fit, ut omnes tandem magistratum & honorum fiant participes. Cæterum in parva ciuitate & infrequente necessario sæpe vni multa mandantur imperia, infra *libro quarto*.

TEXTVS.

Republicâ autem Oligarchicâ, facile effugiunt diuitijs, semper partem aliquam populi emittentes ad oppida. Hoc enim sanant & stabilem reddunt Rempublicam. at hoc fortunæ est opus. Oportet autem à seditione liberos esse legumlatoris operâ. Nunc vero si qua calamitas euenerit, & multitudo parentium defecerit; nulla est à legibus medicina tranquillitatis. Ad hunc igitur modum affectæ sunt Respublicæ, merito quidem celebres, Spartana, Cretensis & Carthaginensis.

COMMENTARI.

Obiectio.

‘Ολιγαρχικῆς δ’] Docet, motus & seditiones in Republ. Oligarchica facile vitari & caueri posse, nimirum ditando tenuiores de plebe, quos ditari hac ratione docet, si interdum in colonias mittantur, in vrbes, inquam, occupatas, & in his bona ijs attribuantur. Quam rationem cum alix quædam nationes tenuerunt, tum Romani maxime celebrarunt. Verum Aristoteles hanc rationem non satis probam esse ostendit, qua motus vitentur: propterea quod ex fortuna potius pendeat, quam ex Republicæ bona constitutione & legumscriptoris sapientia. Quid enim si nullæ occupentur vrbes, vel potius si amittantur, & clades accipiantur? Iam certe hæc nulla erit aduersus motus medicina; quare melius esse

Refutatio.

con-

concludit, otij & concordiaē vias & rationes non à fortunā,
sed à legum scriptorum prudentia & studio peti.

C A P V T X.

IN hoc caput varii Rerumpub. auctores legumq; scripto-
res coniciuntur. Et primum quidem eorum exponit dis-
crimina: deinde de Solone & Republica Atheniensium: po-
stremo de aliis legumscriptoribus, Zaleuco, Charonda, O-
nomacrito, Philolao, Dracone, Pittaco, & Androdamante
Rhegino, etiam de Platone, maxime si quid noui & proprii
quisque habeat, exponit.

T E X T V S.

Eorum autem, qui de Rep. quid attulerunt, alij
quidem rerum ciuiliū ne vllarum quidem fue-
runt participes, sed vitam priuati transegerunt: de
quibus si quid memoratu dignum, explicatum est
fere de omnibus. Alij vero legumscriptores fue-
runt, quorum hi quidem suis ciuitatibus, illi vero
externis, semper ipsi in Republica versantes: & ex
his hi quidem legum tantum fuerunt auctores,
illi vero & Politiaē & Reipublicaē, vt & Lycurgus
& Solo: hi namque & leges & Respublicas descri-
pserunt.

C O M M E N T A R I I.

Τῶν δὲ ἀποφραδύων.] Eorum qui de Republica & ciuita- *Disserimen-*
tibus temperandis egerūt, duo summa facit genera, vt & su- *Politica scri-*
pra *cap. 5.* alios namq; ex iis in Repub. versatos esse, alios non *ptorum.*
item, sed priuatos vixisse: & de his, priuatis, inquam, vt Pha-
lea, Hippodamo & Platone, supra satis dictum & explica-
tum. Qui autem ipsi quoque in Repub. sint versati, hos rur-
sus partitur in duo genera: alios namque ex iis leges tantum
scripsisse partim suis ciuitatibus & patriis, partim alienis,
quo in numero plerique sunt, quos infra commemorat, Za-
leucus, Charondas, &c. qui nullam quidem ipsi nouam Rei-
publicaē formam induxerunt, sed instituta iam Reipublicaē
leges praescripserunt: alii vero & leges & Respublicas insti-
tuerunt:

tuerunt: vt Lycurgus, & Solo, & Minos. De priuatis igitur iam est explicatum, reliquum de versatis in Republica politicis iam explicare.

T E X T V S.

Et de Republica quidem Lacedæmoniorum iam est explicatum: Solonem autem alij quidem bonum fuisse legumscriptorem putant, vt qui & Oligarchiam dissoluerit nimis intemperantem, & populum seruitute liberarit, & Democratiam constituerit patriam, pulcre temperata Republ. Nam Areopagiticum quidem Senatum esse Oligarchicum, magistratus vero suffragijs designari esse Aristocraticum, iudicia denique esse popularia. Videtur autem Solo illa quidem etiam anterecepta non sustulisse, Senatum & Magistratum designationem; populum vero ex omnibus constituendo iudicia instituisse. Quare & illum quidam accusant, quod alterum sustulerit, postquam iudicijs forte deligendis rerum omnium potestatem fecit. Nam ex quo hoc inualuit, populo tanquam tyranno blandientes, Rempublicam in eam, quæ nunc est, Democratiam conuerterunt. Atque Senatum quidem Areopagiticum deminuit Ephialtes & Pericles: iudicia vero mercenaria fecit Pericles. Eoque modo quiq; fere Demagogi vsi auxerunt & produxerunt in eam, qua nunc vtuntur, Democratiam. Videtur autem non ex consilio & mente Solonis, sed casu quodam id accidisse. Nam Medicis temporibus populus imperij nualis auctor magnos sumpsit spiritus, & Demagogos natus est improbos, bonis aduersantibus. Siquidem Solo certe populo videtur tribuisse potestatem maxime necessariam, magistratus & designandi, &
rationes

tationes ab ijs reposcendi. Nam si ne huius quidem rei Dominus sit populus, seruus sit & hostis necesse est. Magistratus autem ex honestis & locupletibus constituit omnes ex Pēracosiomedimnis & Zeugitis & tertio censu, quem vocat Equitum: nam quarto opificum seu mercenariorum nullus patebat magistratus.

C O M M E N T A R I I.

Περὶ μὲν τῶν τῶν.] Expositis tribus Politicorum generibus, quorum de primo iam sit explicatum, reliquum est de aliis duobus iam explicare. iis, inquam, qui vel Respublic. quoque vel leges tantum descripserint: horum autem principes fuisse Minoem, Lycurgum & Solonem constat: quorum de duobus prioribus quia supra explicatum, nunc de Solone & Repub. Atheniensium ab eo descripta. De Solone igitur aliter alios existimare ait: nam ab his quidem laudari illum ut bonum legumscriptorem, ab aliis vituperari & reprehendi. Laudationis causas has affert, quod vetere dissoluta Oligarchia, qua sub paucorum tyrannide premerentur, tanquam serui, ceteri ciues, ciuitatem in moderatiorem Reipublicæ formam adduxerit, hanc nimirum, quæ popularis quidem videatur Atheniensibus iam antiquitus vñitata & probata, temperata tamen fuerit & mixta ex omnibus Reipublicæ generibus, oligarchica in senatu Areopagitico. in quem cooptari solent non omnes, neq; optimi quique, sed qui certis prius functi essent magistratibus, teste Polluce libr.

Iudiciū a-
liorum de
Solone.
Laudes.

8. & Plut. in Pericle: Aristocratica vero in modo & ratione designandorum magistratuum, suffragiis, non sorte: quarum rationum hæc quidem est Democratica, illa vero Aristocratica, infra lib. 4. Democratica deniq; in iudiciis, quorum participes fecerit omnes ciues etiam de infima plebe. Hæ igitur sunt causæ, cur multi Solonem laudarent, quia (inquam) sublata paucorum tyrannide & populo in libertatem vindicato Rempublicam descripserit æquabiliorem & modice temperatam. In his laudatoribus cum multi sunt alii, tum maxime Isocr. in Areopagit. vbi eadem & iisdem pene verbis, quæ hîc, sed vberius explicantur. Reprehensorum autem hæc fuit causa & ratio; quod populo nimiam potestatem

Institutum
Solonis Oli-
garchicum.

Instit. Ari-
stocrat.

Instit. De-
mocrat.

Vituperan-
tium rationes

*Sportula in
dicum.*

*Aristotelis
iudicium.*

*1. Argum.
ab historia
& re gesta.*

2. Ratio.

statem largitus videatur in iudiciis, in quibus omnium penarum potestatem esse voluit. Nam hac ratione tandem effectum, ut Respub. ad extremam & deterrimam Democratiam prolaberetur, Demagogis populo blandiri studentibus, & diminuta principum auctoritate populi potestatem paulatim amplificantibus. In his Demagogis fuerunt Pericles & eius collega & amicus Ephialtes, qui Arcopagi auctoritatem magnopere labefecerunt, ut ait Aristoteles & *Plut. in Pericle*. Idem Pericles & iudicia quæ erant penes populum fecit mercenaria: sportulas, inquam, illis decreuit, mercedem procuratorum: ut hac quoque ratione auxerit populi opes. Themistocles quoque Piræi ædificatione populi potestatem auxit, ut est apud *Plut. in Themist.* Tales Demagogi fuerunt & Cleon, Hyperbolus, & ipse Demosthenes. Huius igitur inclinationis ad extremam Democratiam quia primus auctor videtur Solo, communicandis cum populo iudiciis: ea re in aliorum reprehensiones incurrit: Aristoteles Solonem excusat, atque adeo laudat eius descriptionem temperatiorem. Excusat; quia causa, cur ciuitas Atheniensium ad extremam Democratiam recideret, non tam ex Solonis consilio & voluntate, quam ex fortuna & casu quodam pendeat. Nam Athenienses, Medis & Persis magna illa navalis victoria ad Salaminem superatis, hac victoria elati, cuius maxime fuerit auctor populus, magnos sibi spiritus & arrogantiam sumpserunt, ut ex hac victoria maris quoque & triremium Græcarum imperium ab omni Græcia sint consecuti, à Lacedæmoniis ad illos translatum. Hanc igitur victoriam & imperium navale causam potius licentiæ & insolentiæ popularis quam Solonem fuisse ait Aristoteles: quod ex eo præterea ostendit, quia Solo infimæ plebi nullam fere potestatem concesserit, nihil cum illa communicarit, præterquam necessaria. Nam cum quatuor fuerint classes Athenis, quarum in prima qui erant, Pentacosiomedimni à reditu quingentorum medimnorum dicebantur: in secunda equites, quorum reditus erat trecentorum medimnorum: in tertia Zeugitæ quasi iugales, quorum reditus erat ducentorum medimnorum: in ultima qui erant, Thetes nullo censu æstimati ut baiuli, mercenarii, & tenuissimi opifices, sex denique ciuitatis dicebantur. *Plut. in Solone, & Pollux lib. 8.* Aristoteles hoc loco equitum classem & censum tertio loco consti-

constituit. Cum igitur in tribus primis classibus essent honestiores & ditiores, in quarta tenuiores: Solo ita Rempublicam suam temperauit, vt tribus primis classibus ius dederit capiendi magistratus, vltimæ non item, sed creandi tantum, & rationes ab iis reposcendi: quæ duo necessario vltimæ classi dedit: nam alioqui plane fuisset serua, atq; adeo Reipublicæ hostis & infensa, vt nullius in Republica rei vel honoris particeps. Quam rationem & Norimbergæ vñta-
 tam videmus, vbi magistratus capiunt illi tantum qui sint ex
 28. familiis, reliqui tamen Ius habeant creandi magistratus. Veneti aliter, vbi sexcentæ fere sunt familiæ, quibus solis ius est capiendi magistratus, reliquis tamen munera quædam humiliora permittunt vt scribarum maxime. Sic primis temporibus & Romæ maiores magistratus capiebant patricii, minores etiam plebei.

Ἐκόλυσεν ἢ περικλείει.] Sic scribendum itaq; habent meliores libri non ἐκάλυψε. Κολῶειν, quod proprie est præscindere aut decurtare, tralate valet minuere μέγαν, ἐλάττω. quo modo & infra eo verbo est vsus libr. 3. & libr. 5. vbi de Thra-sybulo.

Τῆς ναυαρχίας γδ.] Sepulveda legendum putat ναυαρχίας, id est, naufragii scilicet hostium, & per consequens suorum victoria: non recte. Nam intelligitur nauarchia seu præfectura triremium Græcarum, quæ antea quidem erat penes Lacedæmonios, post victoriam vero Salaminiam omnis consensu Græciæ ad Athenienses fuit delata, qui eius victoriæ maxime fuerant auctores, vt est apud Herodotum. Hoc igitur imperio populum Atheniensem maiores spiritus sumpsisse & impotenter dominari cœpisse ait: quo modo & infra lib. 5. cap. 4. Nautica, inquit, turba victoriæ Salaminiae, & per hanc præfecturæ navalis, quia maxime causa fuisset, Democratiam fecit maiorem: quod hinc Nauarchiam, ibi voca ἡγεμονίαν, præfecturam. Eiusdem rei meminit & infra lib. 8. cap. 6.

T E X T V S.

Fuerunt autem legumscriptores & Zaleucus Locris Epizephyrijs, & Charondas Catanæus suis ciuibus, alijsque ciuitatibus Chalcidicis, & Italiæ
 & Sici-

& Siciliae. Conantur autem quidam & Onomacritum multis collectis ostendere, primum quidem fuisse, qui legum fuerit peritus; exercuisse autem se in Creta, cum esset Locrus, & propter artem diuinandi ibi commoraretur: huius autem sodalem fuisse Thaletem, Thaletis vero auditorem Lycurgum & Zaleucum; Zaleuci vero Charondam. Verum hæc dicunt quidem non satis temporis congruenter. Fuit autem & Philolaus Corinthius Thebanorum legislator. Erat autem Philolaus genere quidem Bacchiadarum natus, amator vero Dioclis eius, qui olympia vicit: qui ut urbem reliquit detestatus matris Halcyones amorem vna abiit Thebas; atque ibi ambo diem suum obierunt: etiamque nunc eorum ostendunt sepulcra: quæ alterum quidem ab altero prospici possit: ad Corinthiorum vero agrum versus alterum quidem prospici possit, alterum non item. Sic enim aiunt eos sua sepulcra locasse, Dioclem quidem propter odium ex eo casu, ut ne Corinthiorum ager ex tumulo prospici possit; Philolaum vero, ut posset. Hac igitur de causa habitaverunt quidem apud Thebanos, legumlator vero eorum fuit Philolaus cum alijs de rebus quibusdam, tum de adoptione, quas illi vocant leges theticas. Item hoc est præcipue ab eo cautum, ut sortium numerus conseruetur. Charondæ autem nullum quidem est præcipuum, nisi iudicia de falsis testimonijs: Primus enim de his cōsideravit: diligētia vero exquisita in legibus etiam nostri temporis legumscriptoribus est politior. Philolai autem propria est bonorum inæqualitas: Platonis autem

autem & communitas mulierum & liberorum & bonorum, & sodalitates mulierum: præterea lex de ebrietate, ut sicci epularum sint præfecti, & ut in exercitatione militari sint ambidextri, quasi oporteat non hanc quidem ex manibus esse utilem, illam vero inutilem. Draconis autem leges quidem sunt, Reipublicæ vero iam institutæ leges dedit: in his autem legibus nihil est præcipuū, quod quidem memoratu sit dignum præter acerbitaltem in magnitudine poenarum. Fuit autem & Pittacus legum, non vero Reipublicæ auctor. Eius autem hæc lex est propria, ut ebrij duplo maiorem quam sicci poenam luant, si quem pulsarint: nam eo quod plures sint ebrij, quam sicci, qui petulanter alios lædant, non ad veniam spectauit, quæ ebrijs potius sit habenda, sed utilitatem. Fuit autem & Androdamas Rheginus Chalcidensium legumlator, eorum qui in Thracia, cuius & de cædibus & de Epicleris sunt leges. Nihil tamen eius, quod sit proprium, afferri potest. Ad hunc igitur modum de Rebus publicis & veris, & ijs, quas quidam attulerunt, sit explicatum.

C O M M E N T A R I I.

Νομοθεταὶ δὲ ἐξ ἑκάστου] Exponit breuiter de octo legum-
 scriptoribus, quæ horum præcipua & propria fuerint insti-
 tuta, & quibus leges scripserint. Et de Zaleuco quidem Lo- *Zaleucus.*
 cris Epizephyriis, populo magnæ Græciæ, cum leges scri- *Meminit a-*
 psisse ait: cuius nullum affert proprium institutum. *Strabo liquot ipsi-*
libr. 6. ex Ephoro hoc affert, quo cautum fuit, ut delictorum *us legum*
 poenæ non iudicum arbitrio permittantur, id est, non essent *Diod. Sicul.*
 arbitrariæ, sed certæ & definitæ suo quæque crimini, ut furi *lib. 12. Bibl.*
 laqueus. Floruit autem regnante Romæ Tullo Hostilio, teste *Vnius quo-*
Ensebio. Charondæ, cuius & *Cic. lib. 2. & 3. de legib.* meminit, *que Ælian.*
 Siculi, & Siculorum Italicorumque legumscriptoris, hoc af- *var. histor.*
 fert

lib. 2. c. 37. fert proprium Aristot. iudicium falsi testimonii: quod imita-
 & lib. 13 c. ti Romanorum Decemviri fecerunt capitale, *Gellius lib. 20.*
 24. & *Stob. cap. 1* Hunc Charondam laudat quoque Aristoteles ut in le-
 cap. 62. gibus scribendis accuratissimum, etiam iis qui sua ætate sibi
Charōdas. viderentur omnium exquisitissimi (*γλαφυρώτερος*, hic Pla-
 Nouē Cha- tonem perstringit.) Exstant eius quædam fragmenta apud
ronda leges Stob. De Onomacrito quæ vulgo ferantur, commemorat:
cōmemorat hoc imprimis, eum fuisse omnium legumscriptorum anti-
Diod. Sicul. quissimum, patria quidem Locrum, sed qui in Creta diu sit
Biblioth. li. peregrinatus, cuius familiaris fuerit Thales, Thaletis audi-
 12. & *Stob.* tor Lycurgus & Zaleucus, Zaleuci Charondas, magna pro-
 cap. 62. fecto temporum perturbatione & *ἀντιστοιχεία*. Nam ut Ono-
Onomacri macritum, de quo nihil certi, omittamus, Lycurgus fuit ante
tus. Romam conditam, *Cic Tuscul. 5.* Zaleucus Rege Tullo; &
Philolaus. paulo post, Charondas, Thales Rege Seruio. De Philolao
 patria Corinthio, sed Thebanorum legumscriptore causam
 primum exponit qua factum sit, ut Thebanis leges scripse-
 rit: deinde hoc eius propriū institutum, de adoptione, quam
Adoptio. Græci vocant *παιδοποιίαν* & *παίδων ἑσιν*, quare & leges de
 adoptione Thebis dicebantur *νόμοι ἑπταῖ*, quasi Latine di-
 cas, leges adoptiæ, non, ut vulgo vertunt, positiæ. Philo-
 laus igitur adoptionis apud Græcos auctor fuisse videtur, id-
 que hac de causa, ut sortium seu agri partium ab illo descri-
 ptarum numerus conseruaretur. Adoptionibus solent con-
 seruari familiæ: quod tamen hîc non spectauit Philolaus, ut
 perperam putauit *Victorius*, sed *ὅπως ὁ ἀριθμὸς*, &c. ut idem
 numerus sortium, qui initio fuit institutus, permaneret: de
 qua ratione partiendi agros & sortium attributione explica-
 tum supra. Adoptio igitur proprium & præcipuum huius
 Philolai fuit inuentum & institutum. Quod autem paulo
 infra *φιλολάου δ' ἰδὲν*, item de Philolao adiungitur, eius &
 hoc proprium esse institutum bonorum inæqualitatem; val-
 de mihi est suspectum; tum quia vbi de adoptione, perspicue
 videatur dicere, hoc tantum eius esse proprium institutum;
 tum quia hoc alterum de bonorum inæqualitate priori po-
 tius adiungendum fuerit, quam alieno loco, vbi de Charon-
 da, fuit inculcandum. De Platone quatuor affert eius pro-
Plato. pria & præcipua instituta: primum, communitatem libero-
 rum, vxorum & bonorum: alterum, sodalitates mulierum;
 tertium, ut sicci sint symposiarchæ. Nam symposiarchæ, id
 est, ut

est, vt Latine vocant, Domini conuiuiorum, à sodalibus legi solēt eodem modo affecti & eiusdem modi: quartum, vt milites sint ambidextri, & vt ita exerceantur: quæ partim exstant in *lib. de Repub.* & *lib. de legib.* Pittacus autem vnus de septem sapientibus, patriæ suæ Mitylenarum princeps designatus, leges eidem dedit. Cuius hanc legem affert præcipuam, qua ebrios, qui alios iniuria pulsassent, duplione mulandos cauerit, cōtra aliorum opinionem qui ebriis veniam potius deberi dixerint. Causam tamen Pittaco fuisse hanc ait Aristoteles; quia ebrii sæpius alios pulsent, quam sicci. Iam regula est Iuris: Quo frequentiora sunt delicta, eo grauius punienda. *l. lex autem facta, ff. de pœnis.* Huius paradoxæ legis meminit & *Laertius in Pittaco.* Nomothesiæ eiusdem meminerunt & *Dionys. lib. 2.* vbi de patria potestate, & *Cic. lib. 2. de legib.* vbi de sepulcris, & *Plut. in lib. πολιτικῶν πα- ραγγελῶν, de præceptis politicis.* Postremo fuit & Androdamus (sic enim potius legendum putem, non Androdamas) patria Italus ex vrbe Rhegio, cuius cum leges fuerunt de causis capitalibus & de Epicleris, tum nullæ fuerunt præcipuæ & propriæ. Omisimus Draconem tempore nonnihil Solone priorem: cuius hoc proprium & præcipuum esse ait, pœnarum & suppliciorum acerbiter. Nam omnibus fere delictis capitale pœnam proposuit. Quare & Demades leges Draconis non atramento, sed sanguine scriptas esse dicebat, vt est apud *Aristotelem lib. 3. Rhetoric.* eas abrogauit omnes Solo, præterquam de cæde,

Pittacus.

Androdamus.

Draco.

teste Plutarcho.

F I N I S L I B R I I I.

LIBER

LIBER III.

ARGUMENTVM.

*Summaria
ratio.
Argumen-
ta seqq.*

1. Cap.

2. Cap.

3. Cap.

4. Cap.

5. Cap.

6. Cap.

7. & 8. Cap.

9. Cap.

10. 11. 12. C.

EXPOSITIS primo lib. ciuitatis partibus, & reprehensis lib. 2. aliorum Rebuspublicis: hoc tandem libro suam de Repub. instituenda sententiam explicare orditur. Cuius de Repub. disputationis exordium quia ab ciuitate est capiendum, exponit primo quid sit & ciuis & ciuitas, cap. 1. quo pertinet & questio; Quando & quamdiu eadem sit ciuitas, cap. 2. Nam 3. cap. huic affinis questio adiungitur; Ciuis & viri boni virtus an sit eadem, nec ne? Vbi multa præclara de virtutibus imperantium & parentium. Quibus explicatis ad Ciuis definitionem ciuiumq; genera redit, & an opifices in ciuium numero esse debeant, exquirat cap. 3. extr. Ad hunc modum ciuis & ciuitatis, ipsius deniq; Reipub. cognita definitione, mox eam diuidit, mox, inquam, ad Reipubl. genera explicanda accedit. Prius tamen de scopo & fine ciuitatum & Imperiorum generibus quædam præmunit cap. 4. eadem fere quæ initio libr. 1. Post deinde cap. 5. formas & genera Rerumpub. inuestigat: quibus explicandis admiscet disputationes: & de scopo rursus cap. 6. & de Magistratibus, quibus illi mandari debeant, bonis an nobilibus, aut diuitibus, aut infimæ et plebi, cap. 7. & 8. qua disputatione planior sit & illa de iure ciuium disputatio cap. 9. explicata. Quo pertinet cap. 9. questio, an iustum sit natura, ut vel vni omnes, vel paucis reliqui pareant, illis, inquam, qui virtute cæteros superent. Ad hunc modum Reipub. & definitione & diuisione explicata, postea singula Rerumpubl. genera deinceps & ordine persequitur vsq; ad lib. 7. & primo quidem de Regno & Aristocratia huius lib. cap. 10. 11. & 12. Nam

12. Nam tametsi externa specie de Regno tantum agi videtur: quia tamen Aristocratia & Regni idem est scopus; quæ de Regno dicuntur, eadem & de Aristocratia intelligenda sunt, vt ait cap. vlt. in fin. Præterea copiose differitur, vtra Reipubl. forma humano generi & ciuitatibus sit utilior & natura coniunctior, Regnum ne an Aristocratia, toto cap. 11. & 12. vbi & multa præclara de legibus explicantur. Nam cap. 10. præcipue agitur de Regno, id est, de Regni generibus.

T E X T V S.

Differenci de Republica, prima fere quæstio est de ciuitate, vt videat, quid sit ciuitas. Iam enim in controuersiam vocant, dum hi quidem ciuitatem id egisse aiunt: illi vero non ciuitatem, sed Oligarchiam vel tyrannum. Videmus autem Politici & Legumscriptoris omnem operam in ciuitate poni. Respublica autem quædam est ciuitatem in contentium descriptio. Quia autem ciuitas est ex numero rerum ex multis conflatarum, vt alia quidem tota, conflata vero ex multis sunt partibus: perspicuum est, de ciue esse primum quærendum. Ciuitas namq; ciuium est multitudo. Videndum est igitur, quem ciuem appellare oporteat, & quis sit ciuis. Nam & de ciue sæpenumero quæritur, Neque enim eundem omnes ciuem esse consentiunt. Nam est, vt qui in Democratia quidem sit ciuis, in Oligarchia sæpe non sit ciuis.

C O M M E N T A R I I.

Τῷ δὲ πολιτείας ἐπισκοπεῖν.] Disputationis de Republ. exordium à ciuitate ducendum & capiendū esse docet duabus rationibus: quarum prior hæc est; Quia sæpe controuersia exoriatur de ciuitate: nimirum in fœderibus & pactis ciuitatum & Rerum publ. quæ fœdera si forte sint facta pri-

Cur disputatio de Re-
pub. sit à ci-
uitate ordi-
enda.

T

ribus 1. Ratio

ribus temporibus; posterius negant sæpe, se iis teneri; quia sunt, inquiunt, facta non à ciuitate, id est, non à sui temporis Republ. verbi gratia, Democratica, sed olim ab oligarchia vel Tyranno. De quibus controuersis infra latius *in fi. huius capitis*. Altera ratio; Quia plerique politici & legum scriptores

2. Ratio.

Πολιτεία.

3. Ratio.

De ciue cur
prius expli-
candum.

1. Ratio.

2. Ratio.

Qua de re
infra, lib. 7.
cap. 9.

omnem fere curam & operam suam in ciuitate describenda consumant: nimirum in ciuitatis situ, partibus, & exercitationibus. Quare cum Respublica quædam sit descriptio & ordo eorum, qui ciuitatem incolunt: (Nam politia seu Latine Republ. est ipsa ciuitatis informatio & descriptio seu temperatio) efficitur, de Republ. differenti necessariam esse de ciuitate disputationem. Et hæc tertia potest esse ratio; Quia Respub. ciuitatem incolentium sit descriptio.

Ἐπεὶ δὲ ἡ πόλις.] Exposito, politico esse necessariam de ciuitate disputationem; hoc amplius hîc adiungit, ciuitatis disputationē sine ciuis natura & descriptione cognosci non posse. Docet igitur, de ciue prius explicandum, duabus his rationibus. Primum; Quia tota cognoscantur ex suis partibus, vt sup. explicatum, *lib. 1.* Atqui ciuitas est totum quoddam & ciuium quædam multitudo. Ergo ex ciuium definitione & natura ipsa quoq; ciuitas erit cognoscenda. Altera ratio, cur de ciue sit explicandum, hæc est; Quia & de ciue multæ sæpe existant controuersię, quis vere sit ciuis, Nam sæpe fit, vt vna in Republ. quis sit ciuis, qui idem in alia non sit, vt pauper si liber, in Democratia quidem est ciuis, in Oligarchia non item. Sic opifices in Democratia quidem sunt ciues, in Aristocratia non item. Sic mercenarii & ἵππες in Oligarchia ciues esse nequeunt, opifices possunt.

T E X T V S.

Ergo illi quidem, qui alio quo modo huius appellationis sunt participes, vt ciues factitij sunt o-mittendi. Ciuis vero non domicilio est ciuis. Nam & inquilini & serui domiciliij sunt participes. Neque iuris ita participes, vt in ius vocare aut vocari possint. Hoc namque competit & ijs, quos inter est commercium: nam & hæc ijs competunt. Nam Inquilini quidē neque horum plane sunt partici-
pes,

pes, sed coguntur auctorem sumere vel capere: quare imperfecte quodammodo huius societatis sunt participes. Verum, ut & pueri, qui propter ætatem nondum sint profecti, & senes dimissi, dicendi quidem sunt ciues quodammodo, non simpliciter tamen plane, sed addendo his quidem imperfectos, illis vero effectos, aut quid aliud simile: nihil enim refert: planum est enim quod dicitur. Nam ciuem quærimus simpliciter, & de quo nulla talis sit reprehensio, correctionis egens. Siquidem & de infamibus, & exulibus talia licet & quærere & explicare. Simpliciter autem ciuis nulla re alia magis definitur quam participatione iudicij & magistratus. Magistratus autem alij quidem tempore sunt circumscripti, ut quosdam plane non liceat eidem bis capere, aut certis quibusdam temporibus interiectis: alius est infinitus, ut Iudex & Concionator. Fortasse igitur dicat quis, tales ne esse quidem magistratus: eaque propter ne magistratus quidem esse participes. At ridiculum sit, quorum maxima sit potestas, eos magistratu orbare. Verum nihil interfit. Est enim disputatio de nomine. Nam commune iudicis & concionatoris nullum est verbum, quo ambos hos appellare oporteat. Sit igitur, planioris explicationis causa, magistratus infinitus. Itaque ciues ponimus eos, qui ita sint participes. Ciuis igitur, qui maxime ad omnes iam allatos ciues quadret, talis fere est.

C O M M E N T A R I I.

Τὸς μὲν δὲ.] Ciuis definitionem hoc tandem loco inuestigat, adhibita quadam distinctione. Nam alios ait simpliciter & absolute esse ciues, quos Romani vocant *ciues optimo* *Ciuis alius* *iure & optima lege*, de quibus, cum de ciuis definitione quæ- *ἀπλῶς, ali-* *titur, ὡς πῶς.*

ἡ πόλις
πρεσβύ-
ται.

2.

3.

Qui veri
ciues.

Domicilio
cuius non
cernitur.

Iure connu-
bii vel com-
mercii cuius
non cernitur.

ritur, est agendum: alii sunt ciues *πῶς*, quodam modo, non optimo iure: quorum tria facit genera. Nam alii sunt ciues facti seu *ποιητοὶ*, quos Athenienses vocare solent *δημοποιη- τῆς*, de quibus *Demosth. in oratione aduersus Nearam*: Romani vocant ciuitate donatos: alii sunt pueri, illi, inquam, qui nondum sint in perfectorum numerum ciuium relati: quod Romæ fieri solet anno ætatis xvii. sumpta virili toga: Athenis anno vicesimo vertente professione Lexiarchica. Nam annos 20. nati nomina profiteri solent adulescentes, apud suos quique populares, quorum in tabulas Lexiarchicas ea referebantur. Quæ demum professione facta virorum in numero & vere ciues habebantur, ut est apud *Pollucem lib. 8. Suidam, Vlp. & alios*. Et hoc est, quod ait, *μήπω δὲ ἡλικίαν ἐξέχουσιν*, id est, quorum nomina per minorem 20. annis ætatem nondum essent inscripta seu relata in tabulas Lexiarchicas. Perperam alii interpretes: Hi igitur non perfecti, sed incoati potius ciues dici possunt. Alii denique sunt senes depontani seu de ponte deiiciendi, ut vocabant Romani, qui propter ætatem immunitatem & vacationem à muneribus publicis impetrarunt: quos Aristoteles hic vocat *ἀφελόμενους*, id est, dimissos & solutos muneribus publicis, quos idem negat absolute esse ciues, ut ab honoribus remotos, sed posse dici ciues *παρηκμαγέτας*, id est, effætos. Nam ut corpori, ita & menti & consilio sua quædam est maturitas & senectus, ut supra *lib. 2. dictum*, ubi de Platone.

O' δὲ πολίτης.] Adhuc de iis, qui aliqua ex parte sunt ciues: nunc de iis qui omnino, quique optimo iure sunt ciues. Hi igitur qua re maxime cernantur, quæque eorum verissima sit nota, difficilima est quæstio. Aristotelis sententia, ea nota est iudiciorum, concionum & Magistratuum communicatio, ut is vere & optimo iure sit ciuis, cui ad hæc tria pateat aditus. Nam domicilio ciuem nō cerni docet argumen- to inquilinorum & seruorum, qui in eadem illi quidem vrbe & loco habitant, certissime tamen non sunt ciues. Domici- lium quidem est necessarium, ut infra ait, & *Cic. in Bruto* ne- gat ingenuos esse ciues, qui in ipsa vrbe Roma non habi- tant, sed vel in municipiis, vel in coloniis: non tamen ex eo

efficitur ius ciuitatis hinc æstimandum. Multa namque ciui- bus inter se sunt necessaria, in quibus tamen vera ciuis nota non versetur, ut connubia & commercia. Nam ne in his qui-

quidem, iure, inquam, vel connubii vel commercii, ciuem æstimandum, & infra *cap. 6.* monet latius, & hic de commerciorum iure attingit. Non est igitur locus vel domicilium vera ciuis nota. Iuris quoque & iudiciorum communicatio cur non sit vera ciuis nota, docet eorum argumēto, quos inter est ius commercii aut fœdus aliquod. Olim namque ciuitates aut gentes pacta aut fœdera commerciorum causa facere solent: quibus cauebatur, primum, ne ciues earum ciuitatum inter se læderent: deinde ut si quam iniuriam vel damnum vnius ciuitatis ciuis à ciue alterius ciuitatis cepisset, posset illum iure iudicioq; persequi: quæ iudicia Græce dicebantur *συμβολικά*, (quorum & *Thucyd.* meminit, & copiose *Demosth.* in oratione de *Haloneſo 7. Philippica.* Eadem iudicia seu *δικαι* vsitatus dicebantur) *ἀπὸ συμβόλων*, in *Suida*, *Hesychio*, *Polluce lib. 8.* & hic, & infra *cap. 6.* Symbola, non hîc sunt tesserae, ut interpretes, vno excepto *Sepulveda*, reddunt, sed pacta & *συνθήκαι*, ut recte *Suidas*, & *Aristoteles* aperte infra *cap. 6.* Neque locus igitur, neq; iuris & iudiciorum communicatio ciuem facit.

Iuris & iudiciorum communicatio non est vera nota ciuis.

σύμβολα.

Πολλαχῆ μ' ἔν.] De inquilinis, eos non esse in ciuium numero, cum per se est perspicuum, tum ex eo quod multis in locis ne id quidem habeant quod illi quos inter ius est commercii, iuris, inquam, sui persecutionem. Nam plerisque in locis inquilini ius ipsi suum persequi non poterant, sed auctore sumpto; qui mos & Athenis viguit, ubi inquilini nihil agere publice poterant sine auctore: alioqui venum ibant, & serui fiebant. Auctorem voco, quem Græci *πρωτόκλη*. Sic enim Iurisconsulti vocant; Fœmina, inquiunt, non potest quicquam agere publice sine auctore. Et *Cornel. Nepos in vita Attici* auctorem vocat *Phidiam*. Huius moris de sumendo auctore meminit hoc loco *Aristoteles*: qui vulgo deprauatus ita est scribendus; *οἱ μέτοιχοι μετέχουσιν, ἀλλ' ἀνάγκη νέμειν πρωτόκλην. διὸ ἀτελῶς*. Quæ verba *Petrus Victorius* primus hic interiecit ex veteribus lib. & veteri translatione sumpta: & plenius confirmauit *lib. 7. variar. lect. cap. 22.* ubi & de hoc more latius: Videatur & *Hesych.* in *πρωτόκλη*. etsi in editione *Basilienſi* est, *ἀλλὰ καὶ παρὰ τὴν παραπρωτόκλην. διὸ ἀτελῶς πως μετέχουσιν τῆς τοιαύτης*, &c. Nā & hæc verba, *διὸ ἀτελῶς πως μετέχουσιν*, quæ in plerisque locis desunt, ex vetere translatione sunt adiicienda. Nihil autem interest, legatur *παρὰ τὴν*

Inquilini non sunt ciues.

Auctor.

ἀρεσάτω, an νέμεν. etsi νέμεν ἀρεσάτω phrasis erat vñtior.

Exules v.
erū in nu-
mero ciuiū.

Ignominia
notati.

Veri ciuis
nota.

Magistra-
tus duplex,
temporane-
us & perpe-
tuus.

ἐκκλησια
στής.

Λόγοι συμ-
βουλευτικοί.

Obiectio.

Ἐπεὶ καὶ περὶ τῶν ἀπίμων.] Quæri quoque potest, inquit, de exulibus & ignominia notatis, an etiam non sint in ciuium numero. De exulibus notum negotium, eos non esse. quamquam Romæ multa erant exulum genera, ex quibus quidam, vt relegati, nō desinebant esse ciues. De ignominia notatis res est difficilior, quos Romani veteres vocant Intestatos & Improbos. Hos tamen & ipsos, vt senes, desisse esse in verorum numero ciuium, ex eo intelligi potest, quod magistratuum capiendorum potestas illis sit adempta.

Πολίτης δ' ἀπλῶς.] Expositis adhuc & ciuibus non optimo iure, & ciuium optimo iure notis non veris: concludit tandem, optimo iure ciuem hunc esse, qui & imperiorum & iudiciorum sit particeps; vel breuius, qui Imperiorum seu Magistratuum. Nam Magistratum duo esse genera; finitum vnum seu tempore circumscriptum, cuius generis Romæ erant omnis generis Magistratus, certo tempore definiti: alium esse infinitum & perpetuum, cuius generis apud Græcos erant Concionatores & Iudices; Romæ tantum iudices, vbi erant quidem conciones & comitia; sed concionatores seu Ecclesiastæ, de quibus hī agitur, nō erant. Nam Ecclesiasta is est, qui ius habet deliberandi & sententiæ dicendæ in concione: quod nemini præterquam vero ciui patebat. Solent autem Græci de summa Republica in concione deliberare; eaq; re Ecclesiastæ quodammodo erant consilarii. & lib. 1. Rhet. orationes in hoc conuentu habitas Aristoteles ait dici συμβουλευτικὰς λόγους, vt in foro apud iudices διηγουρικὰς, Romæ in senatu potius & curia ea deliberabantur. Concionator, inquit Aristoteles, de rebus futuris: Iudex de præteritis deliberat ac statuit, lib. 1. Rhetor. Vterque erat perpetuus vt & Romæ iudices. Sed enim, dicet aliquis, perperam facere Aristotelem, qui Concionatorem & Iudicem vocat Magistratum, cum inter hos, Magistratum, inquam, & iudicem seu concionatorem magna videatur esse differentia. Nam Magistratum est imperium, iudicium & concionatorum non item; sed sententiæ tantum dictio & deliberatio. Quare & Plato lib. 6. de legib. & Cic. multis in locis, & diligenter Iurisperiti (de quibus videantur Duarenus lib. 1. dissertationum, cap. 23. Antonius Goueanus lib. 1. & 2. de Iurisdictione.

iudictione) diligenter Magistratus à iudicibus distinguunt. Iudices sunt priuati omnes, magistratus sunt publicæ personæ. Aristoteles igitur, huic quæstioni occurrens, ait, non ad- *Refutatio*
modum probari sibi hanc differētiā, & ridiculum esse, iudi- *sen solutio.*
ces & concionatores non posse dici Magistratus, cum ta-
men eorum maxima sit potestas. Verum, inquit, siue ita sit,
siue non, nihil ad rē; nos disputationis, inquit, causa & com-
moditatis omnes vocabulo Magistratus cōplectamur. Nam
alioqui nullum est aliud vocabulum commodius conciona-
tori & iudici cōmune. Vt tamen ab aliis Magistratibus pro-
prie dictis hos separemus: ea propter Magistratum aliū fe-
cimus finitum, alium infinitum. Veri igitur ciuis nota verif-
sima est Magistratus & imperium, quam & *Plato lib. 6. de le-*
gib. probat, ὁ γὰρ ἀρχιβάτης αὖν. Cui namque potestas vna iu-
dicandi non patet, tanquam plane peregrinus habetur.

T E X T V S.

Sciendum autem, earum rerum, in quibus res
subiectæ specie differunt, & ex his hæc quidem est
prima, illa vero secunda, illa denique proxima;
qua parte sunt tales, aut nihil omnino, aut vix esse
commune. Respublicas autem specie inter se dif-
ferre videmus, & has quidem esse posteriores, illas
vero priores. Nam vitiosas & deflexas necesse est
non vitiosis esse posteriores. Deflexas autem quē-
admodum dicamus, infra intelligetur. Itaque &
ciuem pro singulis Rebuspublicis alium esse o-
portet. Quare explicatus maxime quidem in De-
mocratia est ciuis: in alijs vero fieri quidem po-
test, vt sit, non tamen est necesse. Nam quibusdam
non est populus, neque concio legitima, sed ex-
traordinaria: Iudicia quoque separatim fiunt, vt
Lacedæmone iudicia de contractibus fiunt apud
Ephoros, alia apud alios, apud senes vero capita-
lia, apud alium denique magistratum fortasse alia.
Item & Carthagine omnia iudicia à magistrati-

bus quibusdam administrantur. Sed enim ciuis definitio correctionem habet. Nam in alijs Rebuspublicis non est infinitus magistratus concionator & iudex, sed finitus; his namque vel omnibus vel quibusdam potestas est deliberandi & iudicandi de rebus vel omnibus vel quibusdam. Ex his igitur, quis sit ciuis, perspicuum est, cui namque potestas est capiendi magistratum vel deliberatorium, vel iudiciale, ciuem iam esse dicimus huius ciuitatis; Ciuitatem vero talium multitudinem, cui ad vitæ vsus necessarios satis suppeditet, vt summatim dicam.

C O M M E N T A R I I.

Ciuis definitio præcedens cui ciui cōpetat. Δεῖ δὲ μὴ λανθάνειν.] Docet, priorem ciuis definitionem non omni Reipubl. sed Democratix tantum conuenire, ita quidem vt primo Democratix cōueniat illa quidem, accommodari tamen & alijs Rebuspub. possit: nam pro varietate Rerumpub. ciuium quoque definitiones & notas variare.

Ciues variant pro Rerump. varietate. re. Iam vero ciues pro varijs Rebuspub. esse varios docet hac ratione; Quia variæ quoque sint Respub. Sic & infra cap. 3. Ciuium virtutes varias esse docet; Quia variæ sint Respubl. Formula sit ista: Vbi res subiectæ specie ita differunt, vt earum vna sit prima, altera secunda, alia tertia, &c. ibi nullum commune nomen, nisi homonymon, reperitur; nullum, inquam, genus idem commune. De quo axiomate erudite D.

Schegkiius in categorias Aristotelis, & libr. 13. Demonstrationum, & Top. lib. 1. cap. 13. tex. 1. Ostendens ea vocari ἐξ ὧν τὰ γένεα: quæ dialecticum quidem genus vnum habeant, sed no physicū. Atqui Resp. ita specie differūt, aliæ vt sint priores, aliæ posteriores: nam rectas vitiosis esse priores (verbi gratia, Regnū prius est Tyrannide) ex eo intelligitur, quod omnia recta vitiosis sint priora: quæ autem sint rectæ, quæ vitiosæ & deflexæ, cur, inquam, ita dictæ, explicabitur infra cap. 5. Ergo politiarum seu Rerumpubl. & proinde πολιτῶν, id est, ciuium (nam coniugatorum eadem est ratio) nullum erit idem & commune genus, nulla communis ratio, aut vocabulum, nisi homonymon. Ex quibus necessario sequitur,

tur, alium in alia Republica esse ciuem. Eum autem, quem Priorē defini-
supra definiuit Aristoteles, Democratix esse accommoda-
tum seu politix, ex eo intelligitur, quod notæ illæ sint De-
mocraticæ, concionum, inquam, iudiciorum & magistrat-
uum communicatio, quæ notæ in aliis Rebuspub. fere non
inueniuntur. Nam in aliis quidem nullæ sunt conciones or-
nire.

dinarix & legitimæ, νόμιμοι, sed tantum indictiux σύγκλη-
τοι, quæ subito postulante necessitate conuocentur. Sic enim
hæc, ὅσα ἐκκλησίαν νομίζουσιν, sunt intelligenda, perperam
ab interpretibus accepta. Nam verbo, νομίζουσιν, eleganter
indicat conciones νομίμους. De his duobus concionum ge-
neribus Budæus in comment. Græcæ Ling. In aliis ciuitatibus
ut sit concionum, non tamen est iudiciorum communica-
tio, ut Lacedæmone & Carthagine, vbi iudicia erant penes
certos homines; Lacedæmone quidem ciuilia penes Epho-
ros, capitalia penes senes; Carthagine vero erant omnia pe-
nes solos Magistratus, quæ in aliis vrbibus etiam sunt penes
priuatos. Sic & Romæ antelegem Semproniam non omni-
bus ciuibus communia erant iudicia, sed tantum penes se-
natores, Appianus lib. 1. de bell. ciuil. In omnibus igitur ciui-
tatibus, vbi concionum vel iudiciorum siue non est vsus, si-
ue non est communicatio libera, iis prior ciuis definitio non
conuenit.

Ἄλλ' ἐξ ὧν διόρθωται.] Docet eandem ciuis definitionem
non habere locum in iis Rebuspub. vbi concionandi, id est,
deliberandi & iudicandi potestas non est penes populū, sed
penes certos magistratus, quemadmodum in regno & ari-
stocratia seuatus & iudicia nō communicantur populo, sed
certis; quod idem iam dictum est. Ad summam igitur, ciuis
supra definitus est politicus seu Democraticus, non Basilī-
cus aut Aristocraticus. Quid ergo, dicet aliquis, nulla ne po-
test communis definitio reperiri? Iam docuimus, non posse;
Quia res subiectæ specie differant, ita ut altera sit prima, al-
tera secunda: accommodari tamen hæc poterit: nam nota
magistratuum omnibus Rebuspub. videtur esse communis,
adeo ut in quacunque Republ. negari possit ciuis esse, cui ad
magistratus nō pateat aditus. Hanc igitur Aristotelicam ci-
uis definitionem laudant doctissimi viri, Contarenus in libr.
de Rep. Veneta. Garymbertus Italus in lib. de Regno. Sigonius
lib. 1. & 2. de iure ciuium Romanorum, & initio libr. 1. de Re-

Nulla com-
munis om-
nium ciuiū
definitio in-
ueniri po-
test.

*pub. Atheniensium. Paulus Manutius & alii. Eam tamē gra-
Bodin. In uiter exagitat Ioh. Bodinus in lib. de methodo historica, cap. 6.
vise. Gallus. latissime, ubi contendit, ciuem non magistratu, sed imperio,
id est, qui sub eodem sint principe vel Repub. definiendum,
magno errore confundens ciuem cum subdito, ut vocant.*

Ciuitatis Πόλιν δὲ, τὸ ἑ τοῖς τῶν πολιτῶν.] Cognita ciuis definitio-
definitio. ne, facilis est & ciuitatis definitio, ut eadem coniugatorum
est ratio. Ciuitas igitur est eorum, quibus & concionum &
iudiciorum & Magistratuum est potestas, multitudo, rebus
ad vsus vitæ necessarios satis instructa: quam ciuitatis defi-
nitionem & infra aliquoties, & *libr. 1. Oeconom.* iterat: esse
multitudinem, & quidem talium, ex prioribus intelligitur,
& ex initio *lib. 1.* ubi & tertia definitionis pars de rerum co-
pia est explicata, de qua tamen & infra latius *lib. 7.*

T E X T V S.

Definiunt autem ciuem ex vsu, eum qui ex v-
troque parente ciue, non ex altero, ut patre aut
matre: hi vero & hoc amplius quærunt, ut ad auos
vsque duos vel tres vel plures. Sic igitur dum ciui-
liter & cito definiunt, quærunt quidam de tertio
vel quarto, quemadmodum sit ciuis. Et Gorgias
quidem Leontinus partim fortasse dubitans, par-
tim ludens, ut mortaria, quæ ab mortariorum o-
pificibus efficiuntur; ita & Larissæos aiebat esse
eos, qui ab auctoribus essent facti. Esse namque
& Larissæorum quosdam opifices. Est autem rude:
nam si ex definitione priore Reip. sint participes,
sint ciues. Etenim ne quidem id ex ciue viro aut
fœmina accommodari potest ad eos, qui primi
incoluerint vel condiderint ciuitates.

C O M M E N T A R I I.

*2 Ciuis de-
finitio.*

Ὁρίζονται.] Altera hoc loco ciuis definitio vulgo vsita-
tior affertur & refellitur ab Aristotele. Nam ciuem vulgo
definebant, non, ut Aristoteles, imperio, sed natalibus & or-
tu; cum, inquam, qui ex utroque parente ciue sit natus: quo
modo

modo & Pericles lege lata constituit Athenis, illos demum *Lex Peri-*
 veros Athenienses esse censendos, non qui ex altero tan- *clis.*
 tum, sed qui ex utroque parente ciui esset natus, *teste Plut. in*
Vita Periclis: quo pertinet & hæc quaestio, An nobili gene-
 re haberi debeat, qui ex altero parente tantum nobili sit na-
 tus. Adeo autem natalium in ciue habendam rationem vul- *Opinio quo*
 go putasse ait Aristoteles, ut quidam non tantum patrem, *rundam.*
 & matrem, sed vltiores gradus requirerent, tertium & quar-
 tum, auos, proauos, attauos, tritauos, &c. Hæc igitur est vul- *Exemplū.*
 gata ciuis definitio, quo pertinere ait & Gorgiæ Leontini di-
 ctum de Larissæis incolis vrbis Thessaliæ, quos ille mortariis comparabat. Nam ut mortariorum, ita & Larissæorum
 suos quosdam fuisse opifices, id est, Larissæos ex parentibus
 tanquam opificibus procreatos & factos. Gorgias igitur hac
 similitudine vsus dicitur, siue ioco (ut sæpe solet, *teste Ari-*
stotele lib. 3. Rhetor. initio. εἰρωνεύσας) siue serio, id est, agens
 de hac ipsa quaestione, An ciuis ortu an imperio sit definien-
 dus, Aristoteles autem clare & absque omni dissimulatione *Aristot. in-*
 hanc ciuis definitionem non conuenire neq; accommodari *diciū & re-*
 posse ait ad omnes. Quid ita? nempe ad primos ciuitatis vel *futatio hu-*
 incolas vel conditores, qui cum sint primi eius ciuitatis ci- *ius secunda*
 ues, fieri non potest ut ex parentibus quoq; ciuib; sint nati, *definitionis.*
 alioqui primis aliqui essent priores. Hæc igitur vna est ratio, *1. Ratio.*
 qua vsitata hæc ciuis definitio refellatur. Altera est, Quia se- *2. Ratio.*
 queretur, priorem esse falsam, si hæc sit vera. Quid ita? Nam
 ex priore cum esse ciuem diximus, qui modo Reipublicæ &
 honorum sit particeps. Iam sæpe vsuuenire potest, ut idem
 iste ex neutro parente ciue sit natus, sed ciuitate donatus.
 Itaque si prior definitio est vera, efficitur necessario hanc ef-
 se falsam.

T E X T V S.

Verum de illis maior fortasse sit controuersia,
 qui Reipublicæ facta mutatione ciuitatis fiant
 participes, ut Athenis fecit Clisthenes eiectionis ty-
 rannis. Multos namque peregrinos & seruos &
 inquilinos in tribus ascripsit. Controuersia au-
 tem aduersus hos est, non qui ciuis, sed an iniuria,
 an iure.

an iure. Atque & hoc amplius quærat aliquis, vtrum qui non iure est ciuis, ne ciuis quidem sit quasi eadem vis & potestas sit iniusti & falsi. Quia autem videmus & magistratus quosdam esse iniuste, quos imperare quidem dicimus, sed non iuste: Ciuis autem imperio quodam est definitus (nam, vt diximus, qui talis imperij est particeps, est ciuis) perspicuum est, & hos ciues quidem esse dicendos: de iure vero vel non iure aptum est, & pertinet ad quæstionem prius expositam. Nam quærunť quidam, quando ciuitas egerit, & quando non ciuitas, vt cum ex Oligarchia vel tyrannide exstiterit Democratia. Tunc enim neque pacta quidem seruare volunt, vt non à ciuitate, sed à tyranno facta, neque alia multa eius generis: quasi quædam Respublicæ dominandi, non communis vtilitatis, causa consistant. Quod si igitur quædam hoc modo Democratia vtuntur, acta huius Reip. perinde dicenda erunt huius esse ciuitatis, & quæ ex Oligarchia & ex tyrannide.

C O M M E N T A R I I.

An qui mutata Reip. forma ciues fiunt, reuera ciues sint.

‘Αλλ’ ἵσως καίτοι μᾶλλον.] Aliam de ciue quæstionē paulo ante exposita meliorem & magis controuersam (nam prior rudior & simplicior ac facilior fuit) affert hoc loco Aristoteles hanc, An mutata ciuitatis seu Respublicæ forma ciues facti veri sint ciues: quod Athenis accidisse narrat. Nā Athenis cum Respublicæ forma, à Solone constituta, à Pisistrato & Pisistratidis in tyrannidem esset conuersa; Clisthenes, Reipub. princeps, pulsus tandem Pisistratidis, & Solonia Reipubl. forma restituta, cum bellis ciuilibus aduersus Pisistratidas exhausta esset ciuitas, & minor factus ciuium numerus; frequentandæ ciuitatis causa multos ciuitate donauit peregrinos, inquilinos, & seruos manumissos: quod copiosius exponit *Herod. lib. 5.* De his igitur ciuitate donatis &

nouis

nouis ciuibus quæri continuo cœptum Athenis, an veri es-
 sent ciues? Aristoteles quærendum potius ait, an iure facti
 & iusti ciues? Nam discrepat verum à iusto, falsum ab ini- *Aristotelis*
 sto: quanquam vulgo idem sonare & valere videntur, adeo *iudicium.*
 quidem vt & Cic. grauiter disputet *de legibus*, An iniustæ le-
 ges etiam leges sint dicendæ, & negat dicendas *initio lib. 3. de*
legibus. Aristoteles contra ciues non iure factos, tamen ciues
 posse dici ait, argumento magistratum, qui licet improbi &
 aduersus cōmunem vtilitatem imperent, nihilominus ma-
 gistratus dicuntur. Atque hæc de veritate & iure distinctio
 etiam Iurisconsultorum disputationibus est consentanea,
 qui diligenter inter ius & factum siue inter quæstionem iuris
 & facti, id est, definitionis & veritatis distinguere solent. De
 ijs igitur nouis ciuibus quæstio iuris fuit potius quam facti
 quæstio. Huic autem iuris quæstioni adiunctam & finiti-
 mam ait esse alteram quæstionem, cuius & supra initio hu-
 ius capituli facta est mentio, non de ciue, sed de ciuitate. Cu-
 ius ciuitatis causa omnis hæc de ciue ipso disputatio allata
 est. Quæstio igitur hæc est de ciuitate, quando ciuitas quid *Quando ci-*
 fecisse vel egisse censenda sit, quando non. Cuius quæstionis *uitas quid-*
 vtilitas in eo cernitur, quod in foederibus aut aliis publicis *piam fecisse*
 pactionibus sæpe quæri solet, an ratæ sint habendæ mutata *censeatur.*
 Reipublicæ forma: quod & Athenis & Romæ tempore Ci-
 ceronis diligenter agitatum fuit: An ciuibus à Cæsare dona-
 tæ immunitates ratæ sint habendæ. Cuius controuersia
 multa est mentio apud Ciceronem in epistolis ad Attic. Xeno-
 phontem lib. 2. rerum Græcarum, & Antocidem de mysteriis,
 vbi de ~~apocrypha~~ seu de lege obliuionis, teste Corn. Nepote in
 vita Thrasybuli. Huic cōtrouersia non absimilis est ea quæ- *An regum*
 stio; An quæ Reges aut principes viri sint pacti, iis & hære- *principum-*
 des eorum astringantur nec ne; quod in suo Rege negant *que pactis*
 Galli, vt est apud Franciscum Connanum, lib. 1. Commenta- *hæredes a-*
 riorum iuris ciuili. De aliis Regibus videantur interpretes *stringantur*
 iuris ad l. prohibere, ff. quod vi aut clam. De hac autem quæ- *An muta-*
 stione, An mutata R. republ. veteribus pactis & foederibus sit *ta Rep. ve-*
 standum; quid de ea, inquam, sit statuendum, non definit *terib. pactis*
 Aristoteles; neque enim id hoc loco agitur, sed ea quæstio *& foederib.*
 hic interiiicitur, vt cernatur vtilitas quæstionis huius loci, *sit stādum.*
 quando ciuitas quid egisse dicenda sit. Nam de foederibus,
 inquit Aristoteles, ἐπεὶ ὁ λόγος, infra cap. 2. in fi. Perperam
 igitur

igitur Martinus Borraus putat his verbis, *εἴπερ ἐν κῆ δὴ μὲν
καταστῆται*, quæstionem de fœderibus & pactis definiri, qui-
bus princeps potius huius loci quæstio dissolvitur. Verba
quidem illa, vt obscura, alii aliter reddunt; eorum tamen
hæc mihi videtur esse sententia; Quemadmodum acta in
Republ. Democratica habenda sunt acta ciuitatis Demo-
cratia vtentis, ita & acta Reipub. oligarchicæ habenda esse
ciuitatis oligarchia vtentis, eademq; est & tyrannidis & a-
liarum ciuitatum ratio, nimirum vt ex Reipublicæ forma
ciuitatis acta æstimentur. Verum his nondum satis quæstio
dissolvitur, quæ sint acta ciuitatis, Repub. mutata. Videtur
igitur subindicare Aristoteles, etiam Republica mutata, ci-
uitatis nihilominus acta dici posse. Nam & prior, & quæ
successit, est ciuitas. Itaque acta ciuitatis dici possunt etiam
post mutatam Rempubl. Sed enim hoc diligentius quæri
solet, an eiusdem ciuitatis acta esse videantur, mutata Re-
publ. Atq; ita princeps illa quæstio de actis ciuitatis non sa-
tis explicari potest, nisi cognita & hac quæstione, quando
eadem ciuitas vel alia sit dicenda; de qua cap. proximo.

CAPVT II.

*Consimiles
apud alios
quæstiones.*

EXPLICATUR quæstio, qua re seu nota ciuitas eadem
vel alia sit æstimanda; moenibus ne & loco, an Reipubli-
cæ forma. Huic quæstioni similis & pene gemina est ea *Ari-
stisconsulti Alpheni*, quando idem iudicium sit dicendum, an
mutatis iudicibus nihilominus eadem res & iudicium sit ha-
bendum, *l. proponebatur. ff. de iudi.* vbi exemplo legionis, na-
uis, populi, ipsius denique hominis docet, mutatis licet iudi-
cibus, idem nihilominus permanere iudicium. Eadem est
quæstio de grege, mutatis capitibus, *l. grege. ff. de leg. i.* de ho-
mine, cuius de corpore, ex *Democriti* & *Epicuri* Philoso-
phorum sententia, minimæ illæ particulæ, id est, atomi, &
corpora illa inseparabilia, ex quibus omnia sint concreta, co-
tidie defluant & decedant: an, inquam, homo, cuius particu-
læ ita paulatim mutantur, alijs defluentibus, alijs rursus ac-
cedentibus, nihilominus idem maneat: de hac, inquam,
quæstione *Plutarch. lib. 9. συμποσιακῶν*: (quod tamen pro-
blema intercidit) vbi quærit, an homo, qui cotidie mutatur,
idem sit dicendus. Eadem fuit quæstio de naue Thesei inter
Philosophos, teste *Plutarcho in vita Thesei*. De hac tota dis-
putatione

putatione & Hermolaus Barbarus apud Alexandrum. *genia- Franc. Ho-*
lium dierum lib. 3 cap. 1. *toman. 11.*

lust quest.

8.

T E X T V S.

Hæc autem disputatio ad hanc quæstionem pertinere videtur, quemadmodum ciuitas eadem esse, vel non eadem, sed alia sit dicenda, cuius quæstionis explicatio ea quidem, quæ maxime sit in promptu de loco & de hominibus. Fit enim vt diuidantur locus & homines, & hi quidem alium, illi vero alium locum incolant. Atque hæc quidem quæstio faciliior est iudicanda: nam cum ciuitas multifariam dicatur, facilis quodammodo hæc est explicatio. Ad eundem vero modum, & hominibus eundem locum incolentibus, quando eandem ciuitatem arbitrari oporteat: neque enim vtiq; mœnibus: nam & Peloponnesum mœnibus circummunire licet. Talis forte est & Babylon & omnis, quæ ambitum habeat gentis potius quam ciuitatis, quam captam ab hostibus aiunt triduo nondum sensisse quandam ciuitatis partem. Sed de hac quidem controuersia disputatio alij temporis est utilior. nam de magnitudine ciuitatis, & quanta esse debeat, & vtrum vna gens aut plures conducant, scire oportet politicum. Verum iisdem eundem incolentibus locum vtrum quamdiu erit genus incolentium, eadem dicenda sit ciuitas, multis licet & morientibus & nascentibus, quemadmodum & flumina eadem dicere solemus & fontes eosdem, aqua licet semper alia affluente, alia defluente: an homines quidem iidem sint dicendi hac de causa, ciuitas vero alia. Nam ciuitas si quidem est societas quædam, societas
 vero

vero ciuium cum Republica alia sit specie, & discrepat Resp. necessario videatur ciuitas non esse eadem, quemadmodum & chorum nunc quidem Comicum, nunc vero Tragicum, alium esse dicimus, iisdem sæpe hominibus: ad eundem vero modum & aliam omnem societatem, si compositionis alia sit species, vt concentum earundem vocum, sonorum siue modulorum alium esse dicamus vbi sit partim Dorius, partim Phrygius. Quæ si ita se habent, perspicuum est, oportere maxime dici eandem ciuitatem spectantes Rempublicam. Nomine autem appellare alio vel eodem licet & iisdem eadem inhabitantibus, & omnino alijs hominibus. An autem pacta seruari aut non seruari, ciuitate in aliam Reipublicæ formam mutata, sit iustum; alia est quæstio.

COMMENTARI.

Ἔστι δὲ οἰκῆσις.] Quæstio huius loci, qua nota ciuitas eadem vel alia dici debeat, locone an personis seu mœnibus, an Republ. seu politia, hîc explicatur, vt supra monuimus. Atque de duabus quidem illis notis, loco & hominibus, in promptu positum esse ait, hoc est, illæ duæ notæ in hac quæstione plerunq; occurrere solent, propterea quod duæ summæ ciuitatum sunt partes, ager & ciuis siue persona; de his, inquam, duobus maxime disputant politici, vt supra *libr. 2. Ethicor.* & infra *lib. 7.* vbi dicitur latius. Aristoteles de his duabus notis quæstionem ait esse facilem, adhibita ipsius verbi ciuitatis distinctione. Nam πόλις, Græce sæpius, ciuitas Latine rarius, duo valet; locum seu ædificia & mœnia, & ipsam hominum multitudinem iure consociatam; Latine prius fere vrbs, posterior dicitur ciuitas, vt eleganter *Cic. in frag. de Repub.* Hac igitur verbi distinctione facilis est quæstio. Nam si ciues seu homines iidem mancant, loco tamen diuidantur, vrbs certe erit alia, vt quæ loco cernatur, ciuitas autem non continuo erit alia. Nam fieri potest, vt, vrbe ipsa diruta

*Ciuitatem
non cerni
mœnibus.*

diruta & solo æquata, nihilominus eadem sit ciuitas. Ex quibus intelligitur, ciuitatem loco non dici eandem vel aliam, sed urbem duntaxat, quod idem Aristoteles confirmat hac ratione: quia alioqui sequeretur, ut sæpe nulla inter gentes & ciuitates esset differentia, si ciuitas loco & mœnibus cerneretur. Fieri namque potest, ut gens tota vel Regio vnis mœnibus concludatur, ut insula vel peninsula, ut Peloponnesus, cui similem ait esse Babylonem, cuius tantus fuerit ambitus, ut gens potius quam ciuitas videretur. Nam teste Herodo. lib. 1. & Strab lib. 10 ambitus Babylonis 60000. passuum complectitur, Roma vetus 14000. adeo quidem, ut à Cyro extremæ Babylonis partes iam captæ essent, priusquam captam sentirent, qui in media vrbe habitarent, teste Herodoto, & quidem triduo ante, ut hic Aristoteles. Hanc vr- bis aut ciuitatis magnitudinē semper reprehendit Aristoteles: Sed de ciuitatum magnitudine alia est quæstio, de qua infra lib. 7. cap. 4. Si igitur loco & mœnibus iudicanda sit ciuitas eadem vel alia; sequeretur sæpe, nullam esse gentis & ciuitatis differentiam.

Ratio ab absurdo.

Ἀλλὰ τὸ αὐτὸν.] Exposito, ciuitatem non dicendam vel eandem vel aliam loco aut mœnibus: nunc de hominibus & vera nota Politicæ seu Reipublicæ. Quæstio est igitur, an iisdem eodem loco manentibus hominibus, partim tamen morientibus, partim rursus agnascantibus, eadem ciuitas vel alia sit dicenda. Et quidem de hominibus, qui partim vel decedunt vel rursus agnascuntur, quæri quoque potest, an iidem sint, an alii. Ait igitur, hac permutatione hominum morientium & nascentium eosdem nihilominus homines dici posse exemplo fluminum & fontium; quod idem confirmat aliis exemplis Iuricons. Alphenus, ut supra diximus. Verum alia est quæstio de ciuitate, an & hæc eadem permanere sit dicenda ex eo tantum, quia iidem sunt homines in eodem loco. Et ostendit, propterea non effici, ut eadem sit ciuitas, quia iidem sunt homines, sed ex eo potius, si eadem permaneat Respubl. seu politia, id est, idem ciuitatis status: contra, ciuitatem dicendam esse aliam, mutato eius statu. Formula sic ista: Omnis societas ex eius statu & forma dicenda est vel eadem vel alia. Ciuitas autem est societas. Ergo è statu dicenda est eadem vel alia, non è loco vel hominibus. Propositionem docet inductione, allatis duobus exemplis

Ciui. mor- te mutatis eosdem tamen manere. Iisdem hominib. permanentib. statu vero mutato nõ esse eandem ciuitatē seu Rempub. Ratio à ge- chori nere.

chori & concentus, in quibus iisdem licet actoribus & cantoribus, tamen alius atque alius est chorus atque concentus. Ad eundem igitur modum & ciuitatis statu eodem manente, vt manente Democratia vel regno, &c. eadem dicenda erit ciuitas: statu mutato, vt Democratia in Regnum conuersa, vel contra, &c. dicenda erit alia. Et hoc est, quod *Alphenus* quoque eleganter inductione quadam ostendit; partibus licet commutatis, rem nihilominus eandem permanere, modo eadem rei species consistat. Ad summam, ciuitas eadem ne sit an alia, ex forma potius, id est, statu, vtpote potiore parte, quam ex materia, id est, hominibus, merito est diiudicanda.

CAP V T III.

ALIAM de ciue quaestionem priori non abfimilem hic explicat. Vt enim priore capite eadem ne sit ciuitas an alia: sic hoc eademne sit ciuis, quæ viri boni, virtus, an alia, differit, vbi multa præclara de virtutibus ciuium, magistratuum & priuatorum. Altera cap. parte quaerit, an opifices in numero ciuium esse debeant.

TEXTVS.

Quæ autem modo sunt exposita, his proximum est videre, vtrum eadem statuenda sit virtus boni viri & ciuis boni, an non eadem. Sedenim siquidem hoc explicatione opus habet, primum ciuis virtus erit adumbranda. Quemadmodum igitur sociorum vnus est nauta, ita & ciuem dicimus. Nautarum autem etsi vi & potestate dissimilium (nam hic quidem est Remex, ille vero Gubernator, ille proreta, ille aliud eius generis habens nomen) perspicuum est, subtilissimam quidem singulorum rationem propriam esse virtutis, esse tamen & communem omnibus conuenientem. Omnium namque ipsorum opus & munus est nauigationis salus: id enim singuli nautæ expetunt. Ad eundem igitur modum & ciuium, etsi dissimilium

lium, opus & munus est societatis salus, Respublica autem societas est.

C O M M E N T A R I I.

Τῶν δὲ νῦν.] Quæstio est, eadem ne sit ciuis boni, quæ viri boni, virtus, an alia; an inter virum bonum & bonum ciuem sit differentia, nec ne. Cuius disputationis hæc est summa, non esse eandem ciuis & viri boni virtutem ἀπλῶς, id est, vniuersæ & absolute; siue, alium esse virum bonum, alium bonum ciuem plærumque: Nam in Aristocratiâ accidere, vt vt vnus idemque sit vir bonus, & ciuis bonus; non quidem omnis in Aristocratiâ ciuis, id est, non priuatus quilibet, sed magistratus. Generatim igitur alius est vir bonus, alius ciuis bonus. Quare & apud scriptores veteres vt Cic. li. 10. Epist. ad Att. Ciuis bonus à viro bono separari solet, vt de Trebatio Iurisc. boni viri & ciuis verbis te gaudeo delectatum. Sic M. Cato fuit ille quidem vir bonus, ciuis non satis bonus: Demosthenes ciuis bonus, vir non item.

Non esse ἀπλῶς eandem ciuis & viri boni virtutē.

Ἀλλὰ μὲν εἶχε τὸ τοῦ.] Exordium disputationis de viro & ciue bono, an eadem sit virtus, capit à virtute boni ciuis, quam prius cognitam esse oporteat. Nam viri boni virtus quæ sit, notum negocium; perfecta, inquam, virtus, id est, καλὸς καγαθία, complexus nimirum virtutum moralium, de quibus in Ethicis. viri boni, inquit Cic lib. 3. Offic. nomen innumerabilibus officijs continetur. Docet igitur, boni ciuis quæ sit virtus. Et quidem de virtute ciuium seu boni ciuis duas esse rationes spectandas ait, quarum vna ciues vniuersi, altera singuli considerentur. Iam si vniuersos spectes, virtutem vniuersorum docet esse positam in salute & incolumitate ciuitatis. Officium bonorum ciuium omnium est dare operam, vt Respublica maneat salua & incolumis: hoc est, bonorum ciuium munus & opus, id est, ἔργον. Si hoc est ἔργον, tueri salutem Reipublicæ: Ergo & eadem est virtus ad salutem Reipublicæ spectans. Nam opus & munus ex virtute, tanquam ex fonte, promanat. Et hoc est quod ait paulo infra: δεῖ δ' ἐκαστον τὸ κατὰ αὐτὸν ἔργον εὖ ποιεῖν, τὸ δὲ ἀπ' ἀρετῆς. Communis igitur ciuium virtus est in salute & incolumitate Reipublicæ, singulorum autem ciuium virtutes docet esse multiplices, vt multa sunt ciuium genera; alij priuati, alij

Viri boni virtus.

Vniuersorum ciuium virtus.

Singulorum ciuium virtus.

*Ratio à si-
mili.*

magistratus: & ex his alij ciuiles, alij militares: alij cum maiore, alij cum minore imperio: rursus alij sunt ciues in Democratia, alij in Regno, &c. De his igitur singulorum ciuili virtutibus disputatio, vt longior, hic omittitur, paulo infra explicatur. Hanc autem virtutis ciuium distinctionem confirmat & explanat Aristoteles similitudine quadam à nautis sumpta: nam solet & alias Respubl. rei nauticæ comparari. *Cic. lib. 12. Ep. ad Qu. Cornificium*; Quamobrem mi Quinte conscende nobiscum ad puppim: vna naus est iam bonorum omnium, quam quidem, nos damus operam, vt rectā teneamus, vtinam prospero cursu. Sed quicunque venti erunt, ars nostra certe non deerit. Est igitur nautarum quoque duplex ratio, duplex officium & virtus; aliud commune omnium nautarum officium, in prospero cursu & salute nauis positum; aliud singulorum proprium, vt remigis, remos ducere, gubernatoris, clauum tenere; prorætæ, proram & nauim gubernare. De his nautarum officijs & *Cic. in lib. de senectute*; vt si quis gubernatorem in nauigando nihil agere dicat, cum alij malos scandant, alij per foros cursent, alij sentinam exhaeriant, ille autem clauum tenens sedeat in puppi. Eadem est igitur nautarum & ciuium ratio.

[*ὁμοίως δὲ.*] Assentior Petro Victorio, qui *lib. 36. variar. lect. cap. 15.* docet scribendum, *ὁμοίως δὲ*: quo modo & nos vertimus, quasi dicat, etsi subtiliter & exquisite intuenti nautarum sua & propria singulorum sunt officia & virtutes, est tamen & commune omnium quoddam, vt supra explicatum, nimirum salus & prosper cursus nauis.

T E X T V S.

Quare virtutem necesse est esse ciuis ad ciuitatis statum.

C O M M E N T A R I I.

*Ciuis boni
virtus Rei-
publ. statui
accommo-
data est.*

Docet, ciuis virtutem ciuitatis statui accommodatam esse debere, id est, aliam esse ciuis in Democratia virtutem, aliam in Regno, &c. Docet id hac ratione; Quia ciuis virtus in ciuili societatis salute & incolumitate cernitur, vt supra diximus. Formula: Si ciuis virtus est in salute ciuili societatis, hæc autem est politia seu status ciuitatis: nam politia est ciuili societatis velut anima (*πῆξις, & πολιία* etiam *ψυχή* dicitur

citur ab *Isocr. in Areopag.*) Ergo ciuis virtus vt ad societa-
tem, ita & statum, id est, ad politiam eius, est accommodan-
da & referenda: eaque propter quot statuum erunt genera,
tot & virtutum. Et hoc est quod diximus, alias esse ciuis
popularis, alias Aristocratici virtutes. De quibus virtutum
generibus, copiosissime Plato in lib. de Repub.

T E X T V S.

Si igitur plura sunt Reipublicæ genera; perspi-
cuum est, non vsuuenire, vt boni ciuis vna sit vir-
tus perfecta: virum bonum autem ex perfecta vir-
tute dicimus. Vsuenire igitur, vt ciuis bonus sit,
qui virtutem, quam vir bonus, non habeat, per-
spicuum est.

C O M M E N T A R I I.

Εἰπερ ἔν ἐστὶ πλείων πολιτείας.] His præmunitis de duplici
ciuium virtute, nunc de ipsa quæstione. Docet igitur tribus
fere rationibus aliam esse ciuis boni, aliam viri boni virtu-
tem. Prima ratio hoc loco hæc est; Quia virtus viri boni vna
est perfecta, ciuis non item. Formula: Ciuis boni virtus non
est vna perfecta. At viri boni virtus vna est perfecta. Ergo v-
triusque non eadem est virtus. Assumptio nota est ex *Ethi-* *1. Ratio.*
cis, omnium bonorum virorum virtutem esse vnam, eamq;
perfectam, καλοκαγαθίαν. Propositionem igitur confirmat
duabus rationibus: quarum prior his verbis, εἰπερ ἐστὶ πλείων, *Assumptio-
nis confir-
matio.*
hæc est; Quia multa sunt Rerum publ. genera. Ergo multæ
quoque sunt ciuium virtutes specie discrepantes, non vna.
Nam alia est virtus ciuium in Democratia, alia in Regno, &c.
Altera ratio est paulo infra, ἐπὶ ἐπὶ ἐξ ἀνομογίων: quia ex dispa- *2. Ratio.*
ribus ciuitas, &c. id est: Quia ciues ipsi non sunt iidem, sed
disparēs; seu quia partes ciuitatis non sunt vnæ eademque,
sed dissimiles: verbi gratia, differt mulier à viro, Dominus à
seruo, ex quibus, tanquam partibus, conflatur ciuitas: quin
etiam præter has differentias partium ciuitatis est & alia,
nempe quia ciues alii sint priuati, alii cum imperio, alii sena-
tores, alii milites. Et hoc est, quod ait, καὶ πρὸς τὰς τοιαύτας. Ex qui-
bus intelligitur ciuium non posse esse vnam eandemq; vir-
tutem omnium.

TEXTVS.

Sed enim alio quoque modo licet quærere & eadem disputatione vti in optima Republ. Nam si fieri nequit, vt ciuitas ex omnibus bonis consistat, vnumquemq; autem oportet suum officium recte facere, quod est ex virtute: quia autem fieri nequit, vt ciues omnes sint similes, certe ciuis & viri boni non eadem sit virtus. Nam boni quidem ciuis virtutem in omnibus inesse oportet. Sic enim optimam esse necesse est. Viri boni vero virtutem, est nefas: nisi si omnes necesse est esse bonos eos, qui in bona ciuitate sint ciues.

COMMENTARI.

II. Ratio, *Οὐ μὲν ἀλλὰ.*] Altera ratio, non tamen communis, vt qua docetur, aliam ab hac inquam sumpta, hæc est; Quia in optima Republica esse boni ciues & viri boni virtutem omnes ciues esse possunt & debeant ciues quidem boni, viri vero non item. Formula: In optima Republica omnes ciues esse possunt & debent (nam alioqui non esset optima Resp.) esse ciues boni. Optimam Rempublicam docet infra esse optimatum *δριστεργειαν*, lib. 3. in fi. At in eadem Republica vt omnes quoque sint viri boni, est *ἀδύνατον*. Ergo viri boni & boni ciuis virtus non est eadem.

TEXTVS.

Præterea quia ex dissimilibus ciuitas, vt statim animal ex anima & corpore, & anima ex ratione & cupiditate, & domus ex viro & muliere, & Res (familiaris) ex domino & seruo: eodem modo & ciuitas & ex his omnibus, & præter hæc ex alijs dissimilibus generibus cōstat: necesse est, omnium ciuium non esse eandem virtutem, quemadmodum neque saltatorum, præfultoris & proximi. Ex his igitur apparet, non esse eandem omnino virtutem.

C O M M E N T A R I I.

Ἐπὶ ἐπὶ.] Hęc verba quo pertineant, supra explicauimus. *Similitudo.*
Non est argumentum, sed est ratio cur ipsorum ciuium vir-
tutes sint dissimiles.

Ὡς περὶ τῶν.] Eleganti similitudine docet ciuium vir-
tutes inter se esse dissimiles à saltatoribus ducta. Nam vt
præsultoris, quem Græci κερυφαῖον vocant, virtus est perfe-
ctior, quam proximi seu παραστάτης & adiutoris : ita & eius,
qui præest, perfectior est virtus, quam priuati.

T E X T V S.

Verum an cuiusquā eadē erit virtus, & boni ci-
uis & viri boni? Dicimus igitur, bonū magistratū
virū esse bonū & prudentē, politicū vero necesse
est esse prudentem : & vero disciplinā statim aliam
esse magistratui quidam aiunt; quemadmodum &
in Regum liberis apparet, qui in arte equestri &
re militari instituuntur. Et Euripides ait : *Nemihī
cuncta, sed quorum ciuitati sit vsus*; tanquam magistra-
tus quædam sit disciplina. Si autem eadem est vir-
tus & magistratus boni & viri boni, Ciuis autem
est & is qui paret, non eadem omnino sit ciuis &
viri, cuiusdam vtique ciuis. Neque enim eadem
magistratus & ciuis : eaque propter Iason fortasse
dixit esurire, quando non imperaret, vt qui priua-
tus esse nesciret.

C O M M E N T A R I I.

Ἀλλ' ἂν ἔσται.] Explicato, non esse eandem viri boni & *Quatenus*
boni ciuis virtutem ἀπλῶς, id est, generaliter & omnino: *vir bonus*
quærit amplius, an non saltem alicuius ciuis eadem sit, quæ *idem sit cū*
viri boni, virtus. Et docet, cum ciuium duo sint genera, alii *bono ciuis.*
priuati, alii in magistratu, horum eandem esse virtutem, quæ
est viri boni, non tamen in omnibus Rebus publ. sed in opti-

ma duntaxat, nimirum Aristocratia. quod & infra iterat *lib. 4.* in hac, inquam, usuuenire, ut eadem ciuis imperantis tamen sit virtus, quæ viri boni. His autem explicandis propter duo ciuium genera præclare differit de vtriusque ciuis virtutum discrimine.

Magistratus bonus debet quodque vir bonus esse.

1. Ratio.

2. Ratio.

Obiectio.

Solutio.

1. Ratio.

2. Ratio à testimonio.

III. Ratio,

Ἐπεὶ δὲ τὸν ἀρχόντα τὸν ἀγαθόν.] Docet, cum qui præest bene, seu magistratum bonum debere esse virum bonum argumento sumpto à communi hominum opinione & sermonibus. Nam & vulgo dicimus, non posse quem esse magistratum qui non idem sit vir bonus & prudens. De prudentia res est perspicua, ut quæ sit virtus maxime *ἀρχική*, ut paulo infra. Idem & de Politico dici solet, esse eum virum prudentem & sapientem; adeo quidem, ut vulgo alios sapientes vix norint quam politicos. Iam vero in quibus est prudentia, in iisdem ut reliquæ virtutes insint, necesse est propter virtutum connexum, de quo supra *lib. 6. Ethic. cap. ult.* Præterea ni magistratus sit idem vir bonus & iustus; non erit magistratus bonus, sed tyrannus & pleonectes. Sed enim dicit aliquis, non magistratum tantum, sed alios quoque ciues bonos oportet esse viros quoque bonos. Respondeo, magnum inter eos, qui præsunt, & eos, qui parèt, esse discrimen: quod Aristoteles docet, & ex vulgi iudicio, & Euripidis testimonio. Nam & vulgo aliam statuunt disciplinam & institutionem principum, aliam reliquorum ciuium esse debere. Quam sententiam de dissimili institutione etiam usu comprobari adiungit. Nam Regum & principum virorum liberos artem equestrem & rem militarem discere, aliorum ciuium liberos non item. Apud Euripidem autem dicitur, viros principes & in bello & in Republica non tam verborum & orationis lenociniâ & elegantiam, quam res ipsas curare & his studere debere: quasi dicat: Alii ciues student eloquentiæ: principes studeant, quemadmodum & in pace & in bello bene Rempublicam administrent. Hæc enim Euripidis est sententia, cuius verba concisus hîc afferuntur, extant integriora apud *Stobæum cap 33. de principib. ciuitatum.* Hoc discrimen studiorum inter principes & alios ciues expressit & *Virg. libr. 6. Describent alii melius, &c.* Ex his perspicuum est, aliam esse virtutem eius qui præest, aliam eius qui parèt, & eandem esse virtutem eius qui præest, & viri boni.

Εἰ δὲ ἡ αὐτὴ ἀρετὴ.] His verbis Aristoteles concludit hæc duo

duo coniuncte & implicate, virtutem viri boni & boni ciuis *qua docetur*
non esse eandem : atq; virtutem viri boni & cuiusdam ciuis, *nō eandem*
id est, eius qui præest, esse eandem. Prioris hæc sit formula : *esse viri ci-*
Si virtus eadem est viri boni & ex ciuibus eius tantum qui *uisq; boni*
præest : Ergo virtus non est eadem viri boni & ciuis omni- *virtutem.*
no, id est, ἀπλῶς, absolute. Nam si τῶν τῶν tantum est par-
tis, id est, eius qui præest : Ergo non rei vniuersæ. Certum est
autem, præter eos, qui præsunt, alios quoque esse ciues, eos
qui parent. Atque ita tertia hæc est ratio, qua princeps quæ-
stio viri boni & boni ciuis virtutem non esse eandem confir-
metur. Antecedens, quod dixi, esse posterius, πρὸς μὲν τοῖς πο-
λίταις, ex prioribus iam est certum. Neq; vero mouere quem *ἀπ᾽ πάντησις.*
debet, quod & hi, qui præsunt, sint in numero ciuiū; & pro-
pterea si eius qui præest, & viri boni eadem est virtus, ciuium
quoque eadem virtus esse debeat. Nam alia est virtus eius *Ratio.*
qui præest, alia est reliquorum ciuium, alia est ratio princi-
pum, alia priuatorum: quo pertinet & Iasonis dictum, cuius *Ias. dictum.*
tanta fuit magnitudo animi & regnandi cupiditas; esurire &
fame necari vt se diceret, vbi non imperaret, quasi qui priua-
tus & absque imperio non sustineret viuere, quemadmo-
dum nec Cæsar, & multi magnorum virorum liberi, qui vix
possint cum reliquis viuere, inquit *Cic. lib. 1. Offic.* quo inge-
nio fuit & mulier Agrippina, ad quam Tiberius Imperator
Græco versu ex poeta aliquo sumpto, teste *Suetonio*, si non
dominans filiola, iniuriam te accipere existimas; & *Tacit.*
lib. 4. eadem de re. Audita hæc raram occulti pectoris vo-
cem elicuere, correptamq; Græco versu admonuit, ideo læ-
di, quia non regnaret. Versus Græcus à *Sueton.* & *Tacito* La-
tine prolatus qui fuerit, non satis constat. *Gulielmus Cante-*
rus libr. 6. nouar. lect. cap. 26. hæc verba fuisse coniicit: εἰ μὴ
κρατὴς πενίον, ὅτε εἰζέσθαι δοκεῖς. congruenter *Suetonio*, sed
Tacito congruentiora & accommodatiora videntur hæc Ia-
sonis verba si pro πᾶν ἢν scribatur ποινεῖν, & ποινεῖν valeat pœ-
na affici, vt quemadmodum Iason dixerit se velut puniri, si
non regnaret, τυρραγνοῖ: ita & Tiberius de Agrippina,
ideo lædi, quia non regnaret: atque ita &
pro ὅτι scribendum esset
ὅτι.

T E X T V S.

Verum enimvero laudatur posse imperare & posse parere: & spectati ciuis virtus esse videtur posse bene imperare & parere. Quod si igitur viri quidem boni virtutem facimus ad imperandum aptam, ciuis vero vtrumque, non peræque vtrumque sit laudabile. Quia igitur videtur is qui præest, vtraque debere discere, & non eadem quæ is qui paret; Ciuis autem vtraque scire, & vtraque participare: hinc id quis intelligat. Est namque imperium seruile situm in rebus necessarijs, vt dicuntur, quas cum, qui præest, non est necesse scire, sed potius vti. Altera vero res est & seruilis: alteram dico, posse & seruiles actiones facere: plura autem seruorum genera dicimus. Sunt enim plures operæ, quarum partem vnā tenent opifices: hi autem sunt, vt & nomen ipsum indicat, qui manibus victum quærunt, in quibus & sordidi artifices. Quare olim apud quosdam opificibus non communicabantur magistratus, priusquam extremus factus est populus. Eorum igitur, qui ita parent, opera non oportet bonum neque politicum neque ciuem discere, nisi forte vsus sui secum causa: nam sic non fiet amplius, vt hic quidem sit dominus, ille vero seruus. Verum est imperium quoddam in genere pares & liberos: hoc enim ciuile esse dicimus imperium, quod eum, qui præest, oportet parendo discere; vt præfecturam equestrem, qui præfecto paruerit; præturam belli, qui prætori; & tribunatum, qui tribuno; & centuriatum, qui Centurioni: horum autem virtus est quidem alia; bonum vero ciuem oportet nosse & posse

posse & parere & imperare. Et hæc virtus est ciuis liberorum imperium nosse vtrunque, & viri adeo boni vtrumque: etsi alia est species temperantiæ & iustitiæ ad imperandum aptæ. Etenim eius qui paret quidem, liber vero est, perspicuum non vnâ esse virtutem, vt iustitiam; sed quæ species habeat, quibus præsit & pareat, quemadmodum viri & mulieris alia est temperantia & fortitudo. Nam vir timidus videatur esse, si sic fortis sit, vt mulier fortis; & mulier alia, si sic modesta sit vt vir bonus. Siquidem & Oeconomia alia est viri quam mulieris: nam illius quidem quærere, huius vero conseruare est officium. Prudentia autem sola virtus est eius, qui præest propria: aliæ namque necessario videntur esse communes & parentium & imperantium. Parentis certe virtus non est prudentia, sed bona opinio; parens namque est velut tibiæ opifex; imperans vero tibicen, qui vtitur (scilicet tibijs.) Vtrum igitur eadē quidem sit virtus viri boni, & boni ciuis, an alia, & quomodo alia, ex his intelligitur.

C O M M E N T A R I I.

Ἀλλὰ πῶς ἐκτελέσται γὰρ.] Reprehendit quodammodo Iasonem & eius ambitiosum ingenium, qui nihil aliud quam imperare nosset aut vellet, cum vtrumque, bene & parere & imperare, sit laudabile. Et hæc præstantis ciuis virtus & officium esse videatur, vtrumque vt norit & possit: quæ duo, id est, vtrumque hoc & esse laudabile, & ciuis præclari esse officium, paulo infra docebitur.

Εἰ δὲ πῶς μὲν.] Obscura verba, quibus tamen differentia *IV. Ratio.* ciuis & viri boni confirmari videtur, hunc in modum: viri boni virtus est ἀρχὴν, in imperando posita. Ciuis boni virtus non tantum in imperando, sed & parendo. Ergo vtriusque non eadem est virtus, siue, vt Aristoteles, non peræque laudantur,

dantur, quæ in viro bono & in bono ciue. Laus virtutum est propria, *supra lib 1. Ethic. cap. 12.* laudis nomine virtutes indicantur. Atque ita hæc velut quarta sit ratio, qua doceri possit, aliam esse virtutem viri boni, aliam boni ciuis: etsi hæc ex tertia manat, vbi boni viri & boni principis virtutem eandem esse ostendimus, boni ciuis non item. At boni viri virtus, inquit aliquis, non tantum est in parendo, sed etiam in imperando, vt inf. dicetur. Respondeo maxime esse in imperando: propterea quod cum virtutes duorum sint generum, aliæ ad parendum, aliæ ad imperandum aptæ, & ex his duabus *ἀρεταὶ* aliis sint præstantiores, omnium autem virtutum præstantissimæ bonorum virorum sint propriæ: efficitur, quod diximus, boni viri virtutem, etsi in parendo quoque cernitur, tamen in imperando maxime consistere.

Obiectio.

Solutio.

Ἐπὶ ἑνὶ ποτε.] Interpretes ita reddunt, quasi verbum, ἀρετὰ, tanquam genus primo ponatur, cuius partes duæ mox sequantur, καὶ ἡ πᾶσι, & τὸν δὲ πολίτην, hunc in modum: Quemadmodum igitur interdum vtrumque horum videtur, nempe, & non eadem oportere discere parentem & imperantem, & ciuem vtrumque oportere discere. Nos aliter expressimus, verius quidem meo iudicio. Nam Aristoteles hoc loco exponit, de quibus rebus sit explicaturus. Docet autem non duo, vt illi putant, sed tria, hæc videlicet, eum qui præest, vtrumque scire oportere, & non eadem tamen, quæ debeat is qui paret: Ciuem denique & ipsum vtrumque scire oportere, parere & imperare. Est autem tota hæc disputatio propter Aristotelis verba (haud scio an non sæpe mendosa) obscurior. Nos eam in duas partes tribuamus, quarum priore de iis quæ sint discenda, altera de virtutibus explicetur. Quatuor autem hi sunt attente distinguendi; vir bonus, bonus ciuis, bonus princeps, & bonus subditus seu parens. De his igitur videamus, quæ & quisque discere debeat, & quæ cuiusque sit virtus, quorum hoc ex illo intelligitur, & manat. De his igitur quæ discenda sint, imperii adhibita distinctione docet Aristoteles. Nam imperium aliud est herile, aliud ciuile: herile in rebus necessariis ad vitæ cultum cernitur, quo pertinent & operæ seruiles opificum: Ciuile autem imperium non est in seruos, sed in liberos, seu genere pares. Hoc discrimine cognito & præmunito, Aristoteles ait, in herili quidem imperio discrimen esse inter illos qua-

quatuor, in ciuili non item, id est, in ciuili omnes eadem debere discere & nosse, nempe bene parere & imperare, in herili non omnes eadem debere nosse. Nam subditos posse discere artes seruiles, reliquos tres, virum bonum, bonum ciuem & principem non item. de principe viro res est certa: de ciue & viro bono hæc videtur esse ratio: quia impedimento sint virtutibus boni viri & boni ciuis. Nam qui opificum artibus distinetur, ei non satis est otii vel ad virtutes bene acquirendas, quod est viri boni, vel ad ciuis officium recte obcundum, in patendo & imperando positum. Hi igitur tres neque seruilia munera, neque opificum artes discere debent, nisi forte sui vsus causa, hoc est, quia quæstum ex iis non faciant, sed vel animi causa, vel ad proprium vsum: tunc enim non fit, vt alter sit Dominus, alter seruus, id est, cum sui vsus vel animi causa opificis artem discit, non seruum se facit, vel vendit aut locat suam operam; quod faciunt plerique opifices, eaque propter quodammodo sunt serui, *supra cap. ult. & paulo infra*. Cuius generis Fabius pingendi Romæ olim, & nuper Carolus V. Imperator sphæras & horologia conficiendi artem, Alfonsus Dux Ferrariensis fundendi tormenta bellica, Turca Solymannus conficiendi acus didicerant. Seruilia autem munera nunquam hi discere debent, sed seruilium munerum peritis vti: hoc ab iis postulatur, vt vti norint, scire non item, *vt hic, & supra latius lib. 1.* Et hæc quidem de herili imperio. De ciuili, ait omnes eadem discere & scire oportere, parere videlicet & imperare. De principe, cur scire debeat imperare, res est facilis: cur idem parere nosse debeat, docet bifariam. Primo quia imperare discatur parando, quod confirmat ab imperiis & magistratibus militaribus. Nam hunc demum optimum fore imperatorem, id est, prætorem belli, qui imperatori aliquando paruerit. Eadem est & præfecti equitum & tribuni & centurionis ratio. Deinde confirmat idem communi quodam dicto, difficile esse factu, vt qui nunquam paruerit, bene imperet. Quod præclarum veterum dictum, tanquam prouerbum, est & apud Platonem, *δὲ δὴ πᾶντα*: oportet autem, inquit, de omnibus hominibus ita quemque existimare, nunquam laude dignum fore Dominum, qui ipse non seruerit. Et apud Cic. lib. 3. de legib. vbi de magistratibus: neque solum iis, inquit, præscribendus est imperandi, sed etiam ciuibus obtemperandi

*Princeps
cur impera-
re & pare-
re posse de-
beat.*

1. Ratio.

2. Ratio.

*Subditus
cur utrum-
que nosse
debeat.
Vir bonus
cur?*

Ciuis cur?

*Principis,
subditi, vi-
ri boni &
ciuis quate-
nus eadem
virtus aut
diuersa.*

Exemplū.

Imperantis,

Nam & qui bene imperat, paruerit aliquan-
do necesse est, & qui modeste paret, videtur, qui aliquando
imperet, dignus esse. Princeps igitur nosse debet non tan-
tum imperare, sed etiam parere. Contra de parente seu sub-
dito, cur nosse debeat parere, facile est: cur imperare, hæc
fortasse est ratio, quia aliquando ad magistratus & imperia
promoueri possint. De viro bono, cur utrumque nosse de-
beat, parere quidem, hæc videtur ratio; quia cum principe
viro bono magna sit affinitas, ut supra explicatum: imperare
quidem, quia virtuti debeatur imperium, *supra lib. 1.* parere
vero; quia ut bene quis imperet, paruerit aliquando necesse
est, *inquit Cic.* Ciuis denique cur utrumque nosse debeat,
hæc videtur ratio; quia hoc vsuuenire soleat, ut nunc pa-
reat, nunc idem imperet. Ex his intelligitur, quæ his qua-
tuor sint discenda, quæ non. Ex quibus item & eorum qua-
tuor quæ sint virtutes, cognosci potest, quæ erat altera hu-
ius disputationis pars. Vniuerse igitur horum quatuor eæ-
dem sunt virtutes, vna imperandi, altera parendi, ita ut aliæ
virtutes morales sint ad imperandum aptæ seu *appropinquæ*, aliæ
ad parendum: quæ virtutes specie inter se differunt, ut supra
latius est explicatum *lib. 1. cap. ult.* In eo igitur, qui paret &
in eo qui imperat, inest quidem fortitudo, sed alia in impe-
rante, alia in parente; in hoc minor, in illo maior & splendi-
dior; ut omnes virtutes imperantium debent esse excellen-
tiores: quia virtutum præstant a imperantibus, ut præstan-
tioribus, conueniat. Hoc virtutum discrimen explanat Ari-
stoteles exemplo virtutum viri & mulieris. Nam & horum
virtutes specie discrepare. Longe namque maior fortitudo
viri debet esse, quam mulieris. Contra maior temperantia
& modestia mulieris, quam viri; adeo quidem, ut si vir mu-
liebri fortitudine sit præditus, ignauus potius, quam fortis
haberi debeat: & mulier si ad modum viri sit modesta, alia
potius, id est, immodesta potius & petulans censeretur debeat,
quam modesta. Neque vero mirum est, tantam virtutum in
viro & muliere esse differentiam, cum & officium vtriusque
in re domestica longe sit dissimile; viri in re quærenda & pa-
randa, mulieris in eadem tuenda. Etsi igitur eadem in his
virtutes reperiuntur, non tamen prorsus sunt eadem, sed
specie inter se dissimiles, quæ de re explicatum supra *uberius*
lib. 1. cap. ult. Cæterum virtutes eius, qui imperat, & eius qui
paret,

paret, reliquæ quidem omnes sunt communes: fortitudo, *propria vtriusque* liberalitas, iustitia, temperantia, humanitas, magnificentia, *tus prudentia* &c. sola prudentia imperantis est propria. Nam in eo, qui parer, non tam prudentia, quam bona duntaxat opinio est necessaria: qua videlicet bene existimet de magistratu seu principe, eiusque legibus & decretis: vt hac opinione ductus magistratui ne repugnet, sed modeste & alacriter eius iussa sequatur. Eleganter autem eum, qui parer, tibi arum opifici, *Cōparatio.* eum, qui præest, ipsi comparat tibi cini, vt quemadmodum huic ille, ita & is qui parer ei, qui imperat, se accommodet, & quasi monentem sequatur.

Kai γυνὴ ἄλλως.] In quibusdam libris est ἄλλως, aliter; in aliis ἄλλοι, alia; in aliis deniq; λαλῶσα, loquax & garrula. Postremam probant Sepulveda & Lambinus. Ego, quia priora in libris & veteribus & vsitatis sunt recepta, nihil puto mutandum, & legendum per ο. non ω. ἄλλοι, id est, si ad modum viri mulier sit modesta, alia videtur esse, id est, immodesta potius quam modesta.

Τὸ ἀγαθὸν δῖται.] Verbum ἀγαθόν, vt spurium, prætermisit Sepulveda, recte. Nam his verbis eius quoque, qui parer, duas esse ait virtutes in parendo & imperando positas non vnā duntaxat, eius, inquam, qui parer, & non seruus, sed sit liber. Nam & seruus parer, cuius tamen vna tantum est virtus in parendo posita: qua autem parte eius qui parer sunt virtutes, necessario is est vir bonus. Nam virtutes virorum bonorum sunt propriæ. quare superuacaneum est τὸ ἀγαθόν.

T E X T V S.

De ciue autem quædam præterea superest vel reliqua est quæstio. vere namque vtrum ciuis est, qui particeps esse possit imperii, an & opifices dicendi sint ciues. Ergo siquidem & hi sunt dicendi, quibus nulla est magistratuum communio; fieri nō potest, omnis vt ciuis ea sit virtus. Hic enim ciuis. Si vero eorum nemo est ciuis, qua in parte quisque erit collocandus? Neque enim inquilinus, neq; peregrinus est. aut propterea nihil absurdi

furdi dicemus effici : neque enim eorum quæ dicta, quicquam sunt serui aut libertini. nam hoc verum, non omnes dicendos ciues, quibus absq; non sit ciuitas; siquidem ne pueri quidem iidem sunt ciues & viri; sed hi quidem omnino, illi vero cum adiunctione : nam sunt illi quidem ciues, sed incoati.

C O M M E N T A R I I.

Vtrum opifices in ciuium numero esse debeant.

Mercatores
I. Argum.
ἀνασκαδασκόν.

1. Argum.
κατασκαδασκόν.

Solutio.

2. Argum.
κατασκαδασκόν.

Solutio.

Περὶ δὲ τὸν πολίτην.] Disputationis de ciue vltima quaestio hoc loco explicatur, an opifices in ciuium numero esse debeant nec ne : in qua quaestione in vtramque partem explicanda varia ciuium genera exponit. De eadem quaestione & supra lib. 2. cap. 6. & lib. 7. cap. 8. & maxime cap. 9. Quod de opificibus, idem & de mercatoribus est intelligendum. Primum igitur argumentum affert, quo doceat opifices ciuium quoque in numero esse collocandos hac disunctione, quæ tamen in vtramque partem valeat, id est, affirmatiue & negatiue. Nam siue eos ciues esse aias siue neges, vtrinq; est incommodum. Si aias, falsum erit, quod paulo ante est explicatum, virtutem videlicet boni ciuis in parendo & imperando esse positam. Nam hæ virtutes in opificem non cadunt : propterea quod hæ artes sordidæ virtutum actiones, ex quibus ipsæ tandem virtutes oriuntur, impediunt, *ut infra latius lib. 7. cap. 9.* Si neges, hoc sequetur incommodum, quod vix reperias, quo in numero ergo sint collocandi. Sic enim argumentatur; opifices neque sunt inquilini, neque sunt peregrini : ergo sunt ciues. At hoc incommodum posterius eleganter refellit, & docet id non effici, hac ratione; Quia neque serui neq; libertini sint vel inquilini vel peregrini, & tamen non sunt ciues. Quod autem quidam afferunt argumentum, quo doceant opifices esse ciues; quia scilicet ciuitas absque opificibus consistere nequeat: Aristoteles negat esse idoneum hac ratione; Quia non omnes, sine quibus ciuitas esse nequit, continuo sunt ciues, ut pueri, sine quibus ciuitas esse nequit, tanquam ciuium seminario, tamen vere & omnino non sunt ciues, sed cum adiunctione, id est, sunt ciues imperfecti, cum viri sint absolute ciues. Ex his intelligitur, quid in vtramque partem afferri possit & soleat.

T E X.

TEXTVS.

Priscis igitur temporibus apud quosdam opifices vel erant serui vel peregrini, quare hodieque multi tales. Optima autem ciuitas opificem non facit ciuem. Si vero & hic ciuis, certe virtus ciuis, quam diximus, non omnis neque liberi tantum erit dicenda, sed qui ab operibus necessarijs erunt immunes. Talia autem necessaria obeuntes vni quidem sunt serui, communiter vero opifices & mercenarij.

COMMENTARI.

Ἐν μὲν δὲ τοῖς ἀρχαίοις χρόνοις] Ait, olim opifices fuisse vel *Graci veteres.*
 seruos vel peregrinos, nullos ciues. Sic enim hic locus est latine reddendus. Quod idem *Plutar.* Lycurgum constituisse *Lycurgus.*
 memorat in *Lycurgo*: & indicat *Xenophon* in lib. de Rep. *Lacedæmoniorum.* Lacedæmonios, vt alijs in rebus, ita & in hoc quoque instituto secuti sunt Romani, præter quod antiquissimi Romani etiam essent agricolæ, Spartani non item. Idem *Romani.*
 institutum & in sua Repub. probat *Plato* lib. 8. de leg. in sc. *Dionys.* Hæc autem sua Republica, τὸ δὲ τῶν ἄλλων δημοκρατῶν. *licar. lib. 9.*
 ab Aristotele ea de causa commemorantur, vt horum velut *antiqui. sub*
 argumento doceat, an opifex debeat esse ciuis, nec ne. Et ait *anno V. C.*
 quidem hoc loco, in optima ciuitate opificem ciuem esse nō *278.*
 debere, quod paulo infra explicabit distinctius. Quod si vero & opifices in ciuium numero erunt, disputatio prior de virtute veri ciuis, quam diximus positam esse in bene & parendo & imperando, non nihil erit immutanda. Nam prius ostendimus, hanc esse virtutem omnium verorum ciuium; at, opificibus quoque in ciuium numerum admissis, necessario consequetur eam virtutem non esse omnium ciuium, sed eorum duntaxat, qui necessarijs operibus sint soluti & liberi. Neque enim ea virtus bene & parendi & imperandi in opifices cadit, vt parendi, certe minime imperandi cadit: hac de causa, quia cum, qui alijs sit imperaturus, virum bonum esse oporteat, quod in opificem non cadit, vt sit vir bonus, vt pote operis & artibus sordidis vsum & actiones virtutum impediētibz, vt paulo infra. Opera autem & munera hæc ne *Discrimen*
 X cessaria

inter seruo- cessaria (quibus, velut contrariæ, respondent actiones libe-
rum & opi- rales & ingenuæ) duorum facit generum, quorum alia vni
ficū operas. priuatim, alia omnibus vel multis præstentur. Illius generis
 opera præstant serui: huius, opifices & operarii.

T E X T V S.

Deijs autem, quemadmodum se habeant, paulo amplius considerantibus hinc erit perspicuum. Quod enim est expositum, si explicetur, erit planum. Nam cum plures sint Respub. plura quoque ciuium genera esse necesse est, maximeq, eorum, qui parent: adeo vt in quadam quidem Republic. opificem & operarium necesse sit esse ciues, in quibusdam vero nefas, vt quam vocant Aristocratiam, si qua est, & in qua honores tribuuntur ex virtute & dignitate. Neque enim fieri potest, vt qui vitam agit opificis vel operarij, studia virtutis excolat. In Oligarchijs autem operarius quidem ciuis esse non potest: pro magno namque censu magistratus communicantur; opifex vero potest. Nam & multi opifices sunt diuites. Thebis autem lex erat, ne cui ad magistratum aditus pateret, qui non decennio foro, id est, taberna abstinuisset. In multis autem Rebus publicis & peregrini lege asciscuntur. Nam ex ciue matre natus quibusdam in Democratijs est ciuis. Eadem vero ratio est de nothis quoque apud multos. Verum quia germanorum ciuium inopia tales faciunt ciues (hominum namque penuria has leges ferunt) abundantes multitudine paulatim remouent, primum ex seruo & ancilla natos, deinde ex mulieribus, tandem vero ex vtroque tantum parente ciue natos ciues faciunt. Ex his intelligitur, plura esse ciuium genera: & hunc maxime ciuem dici,

dici, cui magistratus communicentur, vt Homerus quoque suo poemate expressit. Hoc. a. vbi occultum est, ad decipiendos eos, qui vna commorantur, fieri solet, tanquam in honorum quendam aduenam: nam cui ad honores non patet aditus, est velut inquilinus. Vtrum igitur eadem an alia sit virtus, qua vir bonus & bonus ciuis definiatur; ex prioribus intelligitur. Cuiusdam quidem ciuitatis esse eundem, cuiusdam vero alium, & illum non omnem, sed eum qui in Rep. versatur & dominatur aut dominari potest vel solus, vel cum alijs Reipublicæ.

C O M M E N T A R I I.

Ἐπεὶ γὰρ πλείους εἰσὶ αἱ πολιτείας.] Quæstio summa huius loci, an opifices ciuium in numero esse debeant, distinctis ciuium generibus diligentius hîc explicatur. Nam multa esse ciuium genera hoc argumento cognosci potest, quod Rerum pub. seu ciuitatum multa quoque sint genera. Si ciuitatum, ergo & ciuium. Quid ita? Quia ciues ad ciuitatem, *Opifices interdu* tanquam partes ad totum, referendos esse, supra docuimus *terdu ciues,* *cap. 1* Itaq; cum pro ciuitatum generibus variant ciues, tum *interdu ve-* opifices & operarii: efficietur, vt alias sint ciues, alias non: *ro nō item.* quemadmodū & aliis accidit, vt alias sint ciues, alias nō sint; vt pauperes seu tenuiores in Democratia ciues esse possunt, in qua libertatis tantum, non vero diuitiarū, habetur ratio, non vero in oligarchia, vbi ciues ex censu æstimantur: vt improbi in Democratia & Oligarchia ciues esse possunt, in Aristocratia non item. Neque vero pro ciuitatum tantum generibus variant, sed in eadem sæpe fit ciuitate, vt idem alias *In eadē sæpe* sit ciuis, alias non sit, vt sæpe fit, vt libertini, id est, non inge- *ciuitate idē* nui, vt non ex utroque parente, sed ex altero tantum ciue, si- *alias ciuis* ue patre siue matre, nati alias sint ciues, alias non sint; cuius *est, alias nō* rei & varietatis cum aliæ sunt causæ, tum plærunque *est.* *ὀλι-* γανθρωπία, id est, hominum & ciuium penuria seu inopia, qua coacti ad supplendum ciuium numerum sæpe coguntur ciues facere peregrinos, semiservos, id est, libertinos, & pro ciuibz agnoscere, qui vel alterum parentem ciuem ha-
beant,

beant, qui alioqui ciues non sint geniti seu veri, sed nothi seu spurii & adulterini. Hos namque veros ciues vulgo plerique veteres existimabant esse, qui utroque ciue parente essent nati; alios vocabant nothos: quo in nothorum numero ciuium habitus est & Themistocles Athenis, teste *Plut. initio*
Athenien- *Themist.* Quæ ciuium verorum & nothorum distinctio A-
sium mos. thenis cum paulatim exolefceret, lege lata tandem à Pericle est restituta & confirmata & ab eodem rursus infirmata, te-
Romanorū *ste Plut. in Pericle extremo.* Romæ eadem ciuium distinctio
mos. etiam lege confirmata fuit. Nam lege Mensia cautum fuit, ut qui ex parentibus ciue & peregrino seu peregrina esset natus, deterioris conditionem sequeretur, id est, esset peregrinus, non ciuis, si vel alteruter parentum esset peregrinus, te-
Mutatio. *ste Vlp. in frag. cap. 5.* Hodie alio fere iure utimur, & solum patrem spectare consueuimus recte: Propterea quod in rebus ciuilibus (ut est quæstio de ciue, ut est agnatio, ut est officium, dignitas, consulatus) pater, non mater, cuius in naturalibus quæstionibus, ut in libertate ratio haberi solet, spectatur: qua de re disputant Iurisperiti *sub tit. de statu hominum.* De ὀλιγαρχία dictum est *supra lib. 2. cap. 7.* ubi de Laconica ὀλιγαρχία & Rege Cleom. qua ratione Roma quoque veteres in seruis armandis & libertinis ciuitate iusta donandis sæpe vltos fuisse constat. Ex quibus intelligitur, cum multa esse ciuium genera, tum alium alias esse ciuem, alias non. Ad eundem igitur modum de opificibus quoque, operariis & mercatoribus erit sentiendum, alias ut iidem sint ciues, alias ut non sint. Nam in Aristocratia quidem tres hi ciues esse nequeunt, propterea quod in hac ciues ex virtute spectentur, cui virtuti impedimento sint opificia, operæ, & mercatura. quam rationem non tantum Aristoteles hoc loco, & *infra libr. 7. cap. 9.* sed ipse *Plato* attulit *lib. 8. de leg.* & res ipsa, vitæque vsus communis confirmat, quam parum hæc hominum genera virtutis studia curent, quæstui tantum & auaritiæ dediti. In Democratia autem, ubi mera libertas spectatur, ciues hi esse possunt. In Oligarchia vero, ubi diuitiæ spectantur, mercator quidem & opitex, quia sæpe hi sunt diuites, ciues esse possunt; operarius non item, quia plerumque egenus. Thebani certe & ipsi hos tres ad magistratus non admiserunt: quin etiam hoc amplius postularunt, ut decennio talem artem non exercuisset, ut & hoc loco,

loco, & *infra libro sexto capite septimo* commemorat Aristoteles.

Οἷον εἴ περ ἔστιν.] Observandus hic est locus de raritate Aristocratiae : caque propter Aristoteles de Republ. differens duo tantum Rerumpubl. genera commemorare solet, Democratiam & Oligarchiam, & in his explicandis immorari; & hac quoque de causa ridet Bodinus *cap 6. methodi historica* eos, qui de Aristocratia disputant, ut quæ nusquam reperiatur. *Aristocratia raritas.*

Οὐ γὰρ οἷόν τι.] Insignis locus aduersus opifices & mercatores; in eorum vita studio virtutis non esse locum. Causam supra attulimus.

Ἀπὸ πημεμάτων γὰρ μακρῶν.] Attica phrasi πημέματα & ἐσῆαι μακρὰ, magnæ diuitiæ seu copiæ, ut & *infra lib. 4. cap. 4.* & contra βραχέα, exiguæ copiæ, ut *supra lib. 2. cap. 5.* diximus.

Ὅπ μὲν ἔνι.] Ciuium genera, pueri, viri, libertini, opifices, mercatores, & operæ, facti, nati ex parente ciue vel utroque vel altero ciue, patre siue matre: ex quibus alii sunt perfecti, alii incoati, ut pueri; alii veri & germani, alii nothi, alii facti, alii nati, alii deniq; alias ciues, alias non.

Καὶ ὅτι λέγεται μάλιστα.] Docuit *supra cap. 1.* ciuem esse eum, cui ad honores pateat aditus; quod idem hoc loco, concludens totam priorem de ciue disputationem, confirmat & Homeri auctoritate; nam *Iliad. 9.* Achilles Aiaci de Agamemnone conqueritur, à quo habeatur, non ut Græcus & ciuis, sed ut peregrinus. Quid ita? Quia nullo ab Agamemnone afficiatur honore, quia spoliatur honoribus, tanquam peregrinus & aduena. Peregrino igitur non communicantur honores, teste Homero. Hinc Aristoteles è contrario: Ergo cui honores communicantur, non est peregrinus, sed ciuis.

Ἀλλ' ὅπερ τὸ πικρὸν.] Ait, vbi hæc distinctio honorum communicationis & ciuium obscuratur, hoc fieri in fraudem verorum ciuium, quorum loco & falsi obrepant ad honores:

quemadmodum & Romæ multi obreptitii ciues tan-

dem à veris fuerunt L. Mutia Licinia secreti.

Cic. lib. 3. Offic.

CAPVT IV.

EX ciue cognita ciuitatis vi & natura seu definitione; proximi est explicare ciuitatis diuisionem seu Rerum publ. genera; quæ prius quam explicat, pauca hîc præmunit, duo potissimum, & quidem ex 1. lib. repetita. 1. Ciuitatum originem. 2. imperiorum genera seu discrimina.

TEXTVS.

Quoniam autem hæc sunt explicata: quod his proximum, videndum, vtrum vna statuenda sit Respublica an plures: & si plures, quæ & quot, & earum quæ sint discrimina. Est autem Respublica Ciuitatis ordo cum in alijs magistratibus tum in eo maxime, qui omnium est princeps. Nam ordo ciuitatis est vbiq; eius princeps. Ordo autem est Respublica, verbi gratia in Democratijs quidem princeps est populus, in Oligarchijs vero cōtra pauci, dicimus autem & Rempublicam harum esse aliam. Eodem autem modo dicemus & de alijs.

COMMENTARI.

Ἐπεὶ δὲ πρῶτον.] Affert initio quæstionem priori proximam optimo ordine, vna ne sit Respubl. an plures; & si plures, quæ, &c. quam quæstionem, vt modo monui, proximo quidē cap. 5. explicat & persequitur: hîc tamen velut semina quædam, ex quibus illa sit explicanda, iacit. πολιτεία, inquit, est ordo πόλεως, id est, Respublica est ordo ciuitatis, est anima, forma & descriptio ciuitatis. Ea autem politia quæ sit, cum ex alijs magistratibus, tum ex eo maxime, penes quem summa est potestas & imperium, cognosci potest. Itaque ad inuestigandum Reipublicæ genus necessario cognoscendus est is, penes quem summum est imperium. Formula: Politia cognita, cognoscitur & ciuitatis genus. At politia ex summo imperio cognoscitur. Ergo ex summo imperio & ciuitatis genus cognosci potest. verbi gratia, si summum imperium in populo esse cernas, ciuitatis gen⁹ noris esse Democraticū; si penes paucos, Oligarchicū; si penes vnum, Regnum.

TEX.

T E X T V S.

Supponendum autem est primo. cuius rei causa ciuitas constiterit, ac imperij quot sint genera humani, ac de vitæ societate. In primis igitur disputationibus, in quibus explicatum de re domestica ac re herili, dictum est, hominem esse quidem animal natura ciuile. Quare etsi nihil aliorum auxilio egeret, nihilominus conuictū expetūt: quin ēt & communis vtilitas, quatenus ad quemq; pertinet pars bene viuendi, cogit, consociat, vel coniūgit. Maxime igitur hic quidē est finis & publice omnib. & singulatim. Cōueniunt autem & ipsius viuere causa. Nā fortasse honesti pars aliqua inest, societatemq; ciuilem retinent etiam in viuendo tantum, nisi res aduersæ in vita sint nimix. Perspicuum autem, multos mortales mala perpeti vitæ cupiditate, tanquam in ea insit quædam foelicitas & suauitas naturalis.

C O M M E N T A R I I.

[Υποθέτειν δὲ δεῖν.] Duo diximus hīc velut præmuniri & supponi: Ciuitatis causas & imperiorum discrimina. Tres igitur ciuitatum causas hoc loco breuiter commemorat, de quibus copiosius *supra lib. 1. cap. 2.* Prima est natura ipsa, qua homo ad societatem ciuilem sit factus, adeo quidem, vt etiam cui omnia ad vitæ cultum abunde suppeditent, solitudinem nihilominus auerfetur, & societatem quærat, vt eleganter *Cic. lib. 1. Offic. extr.* Altera causa est communis vtilitas idonea ad bene viuendum, siue, quod idem valet, indigentia, qua fit, vt ad bene beateq; viuendum alter alterius opera & rebus adiuuari & instrui cupiat, cum nemo per se sit αὐτάρκης, sed alii plus suppeditet, alii minus, & omnes tamen bene viuere expectant: ita tamen, vt ad bene viuendum alii plus, alii minus sit necessarium: hæc causa est, scopus & finis & ciuitatum & singulorum hominum; bene, inquam, beateq; viuere, hoc agunt & ciuitates & singuli, vt *supra sæpissime dictum initio lib. 1. cap. 2. in princ.* Eandem causam so-

*Causa ciuilis societa-
tis.*

1. Natura.

*2. Commu-
nis vtilitas*

Causa.

Iam cōmemorat *Plato lib. 2. de Repub.* indigentiam, inquam videatur & pulcerrima disputatio *Polyb. lib. 6.* Tertia causa est vita ipsa, quæ cum ab omnibus exspectatur, mirum non est, si & ipsa sit causa ciuilis societatis, vtpote cum vita ipsa hac societate conseruetur. Vitam autem ab omnibus cupidissime expeti, vel ex eo perspicitur ait Aristoteles, quod plerique etiam maximis calamitatibus pressi tamen viuere gaudeant, quasi, inquit, in ipsa vita aliqua insit suauitas & dulcedo, in ipsa, inquam, vita secreta & separatim considerata, absque fortunæ prosperitate: etsi interdum nimis calamitatibus fracti quidam manus sibi ipsi afferunt. In ipsa igitur vita bonum inest & suauitas naturalis, *ut & in Ethic. dictum supra lib. 8. Cic. quoq; lib. 5. de finib.* de hac viuendi cupiditate. Maxime autem in hoc quidem genere vis est perspicua naturæ: cum & mendicitatem multi perpetiantur, vt viuant, & angantur appropinquatione mortis confecti homines senectute, & ea perferant, quæ *Philoctetem* videmus in fabulis, qui cum cruciaretur non ferendis laboribus, propagabat tamen vitam aucupio sagittarum. Societas igitur ciuilis non tantum bene viuendi, sed ipsius quoq; viuendi causa cœpit. Nam ne viuere quidem, non tantum commode & bene vi-rem ea de re uere, solus posset homo.

Hom. Iliad.

β. vers. 715.

& peculia-

rem ea de re

uere, solus posset homo.

scripsit Tra-

gædiam & o-

phocles.

T E X T V S.

Iam vero facile est exponere modos, qui dicuntur imperij: nam & in exotericis disputationibus sæpe de ijs explicauimus. Nam herilis quidem potestas, etsi reuera eadem eius, & qui natura seruus & qui natura dominus, est utilitas, nihilo tamen minus ad utilitatem domini spectat, ad serui vero ex euentu. Neque enim fit, vt serui interitu herilis conseruetur potestas. Liberiorum vero imperium & vxoris & omnis domus, quod domesticum vocamus, vel est parentium causa, vel rei cuiusdam vtrique communis: per se quidem parentium, vt videmus, alias quoque artes, vt medendi & palæstræ: ex euentu vero & ipsorum sint gratia. nihil enim

enim vetat, palæstræ magistrū aliquando & ipsum esse vnum ex ijs, qui exerceantur, quemadmodum Gubernator semper vnus est nautarum. Itaque magister quidem vel Gubernator parentium spectat bonum: horum autem cum & ipse vnus fuerit; incolumitatis ex euentu fit particeps: nam hic quidem nauta; ille vero cum sit magister, eorum, qui exercentur, fit vnus. quare & ciuilia imperia, cum æqualitas & similitudo est inter ciues, vicissim cupiunt gerere, prius quidem pro rei natura cupientes vicissim deferuire & spectare vicissim quod sibi sit bonum, quemadmodum ante ipse imperans illius bonum spectabat. Nūc vero propter commoda, quæ ex Rep. & magistratibus capiuntur, perpetuo magistratus gerere volunt, tanquam si accideret, vt qui sint infirmi, semper magistratus gerendo bene valeant. Etenim sic fortasse imperia persequantur. Perspicuum est igitur, Respub. eas quidem, quæ commune bonum spectent, rectas esse iure, eo quod omnino; eas vero, quæ imperantium tantum, omnes esse deprauatas, & à bonis Rebus publ. aberrantes: Seruiles enim, ciuitas autem liberorum est societas.

C O M M E N T A R I I.

Ἀλλὰ μὲν.] Altera præmunitio de imperiorum generibus hic explicatur, de quibus & *supra lib. 1.* copiosius; & pulcherrime *lib. 8. Ethic. cap. 10.* Modos igitur seu rationes & fines imperiorum duos esse ait, vtilitatem vnā communem, alteram suam & priuatam; seu (quod idem valet) vnā parentium, alteram imperantium ipsorum: huius vtilitatis differentia imperia distinguere. Illud igitur, cui priuata proposita sit vtilitas, imperium esse herile: Cui communis seu parentium, esse liberorum, domi domesticum, in ciuitate ciuile. Nam in herili imperio omnia ad imperantis, id est, Domini

*Imperiorū
diuisio à fi-
ne.*

Herile im-

*perium finē
habere im-
perātis tā-
tum utili-
tatem.* utilitatem referri, nihil ad seruorum, nisi forte ex euentu,
quia videlicet seruorum interitu ipsum quoq; herile impe-
rium collabatur & intereat. Curat igitur & seruum Domi-
nus, non propter ipsum, sed propter se, id est, curat seruum
ex euentu; quia quo melius se habeat seruus, eo meliore
quoq; in loco sit futurus Dominus. Ex quibus perspicuum
est, in imperio herili omnia ad Dominorum commoditates
pertinere: etsi negari non potest, quin vtriusque gratia, Do-
mini, inquam, & serui, hoc imperium natura sit institutum,
& vtriusque in eo vertatur utilitas, Domini quidem ex ope-
ris serui, serui ex prudentia & consilio Domini. Et hoc est,
quod ait, *ἡ γὰρ τοῦ ὄντος*, &c. quod & supra explicauimus, *lib. i.*

*Imperio pa-
trio, vxorio
& ciuili cō-
munem v-
tilitatē esse
propositam.*

cap. i. In imperio autem aduersus liberos, vt est patrium, v-
xorium & ciuile, non priuatum & imperantis, sed parentium
potius utilitatem publicam ac communem spectari docet
& eo loco Ethicorū & hoc loco argumento reliquarum ar-
tium, quæ & ipsæ eorum, quorum sint causa institutæ, utili-
tatem, non doctorum seu magistrorum spectent, nisi ex e-
uentu. Verbi gratia, medendi arti proposita est aliorum salus
& bona valetudo: palæstræ, vires eorum, qui exercentur:
nauticæ arti, cursus prosper & vectorum salus. Fit tamen
interdum, vt harum artium periti sibi ipsi quoq; consulant,
quod in arte nautica semper vsuuenire solet; quia guberna-
tor semper vnus sit ex numero nautarum & vectorum; in
palæstra interdum & in arte medendi; sed hæc sunt ex euen-
tu: aliorum proprie & vere quæritur utilitas & salus. Eadem
igitur & imperii aduersus liberos est ratio, in quo parentium
utilitas per se, imperantis ex euentu utilitas spectatur & quæ-
ritur: de vxorio quidem & patrio imperio quod vno nomine
domesticum dici solet, latius eo loco Ethicorum: de ciuili
argumentum capit ipse Aristoteles, imperia aduersus libe-
ros & inter pares non priuatam, sed publicam spectare utili-
tatem, hoc; Quia veteres æquum esse censuerint, vt inter pa-
res imperii esset vicissitudo. Quid ita? nimirum quia æ-
quum sit qui tuæ aliquando utilitati consuluerit imperans,
eius vicissim utilitati iam parentis tu consulas imperans;
quasi veterum hæc mens fuerit, imperia ad parentium utili-
tatem & molestiam potius imperantium esse referenda. Eo
autem tempore verisimile est non tam auide fuisse expetitos
magistratus & honores, vt ex quibus multum sollicitudinis
& mo-

Ratio.

*παρὲν ἑαυτοῖς
contra am-
bitionē ho-
diernam.*

& molestiæ, nullum caperetur lucrum. At nunc, inquit Aristoteles, conuersis imperiis ad imperantium quæstû omnes Rempublicam gerere & magistratus capere concupiscunt, præclare scilicet: tanquam ex imperiis & magistratibus assidue expetendis & gerendis medicinam suæ ambitioni reperire possint: cui grauissimo malo hoc inesse scribit *Plutarchus* præter cætera, vt sola ambitio cum ætate crescat & multiplicatis honoribus augeatur. Eleganter igitur Aristoteles, & tamen false, in ambiciosos & auaros atque corruptos seu venales magistratus, recte scilicet eos esse facturos continuandis magistratibus, si ea re morbo suo medicinam repererint.

Φανερόν τοίνυν.] Hoc loco priores duæ præmunitiones *Rerumpub. diuisio.* ad rem tandem accommodantur. Nam cognitæ & Rerumpub. causis, quarum vnam diximus esse communem vtilitatem, & imperiorum rationibus seu modis, quorum vnum diximus esse priuatam, alterum communem vtilitatem: his, inquam, cognitæ, continuo & Rerumpublicarum genera, de quibus reperiendis agitur, cognosci docet, nimirum Respublicas duorum esse generum; alias rectas, alias prauas: rectas quidem, quibus communis vtilitas, priuatas, quibus priuata seu imperantium proposita sit vtilitas. Cuius rei rationem, id est, cur sint rectæ, quibus communis, cur prauæ, quibus priuata sit proposita vtilitas, præclaram adiungit Aristoteles, *διεσποτικὴ γὰρ*, &c. Quia supra docuimus, seruorum esse imperium, in quo spectetur priuata vtilitas; liberorum, in quo communis. At ciuile imperium est liberorum, verum, inquam, & rectum ciuile. Quid ita? Quia ciuitas est *Ratio.* hominum liberorum, non seruorum. Si igitur in liberorum imperio communis spectatur vtilitas, in seruili priuata: verum autem ciuile imperium est liberorum; efficitur, prauas esse eas Respub. quæ ab hoc vero ciuili imperio aberrant & discedant, in quibus, inquam, priuata spectetur vtilitas, more seruilis imperii; rectas & veras, in quibus communis, more imperii liberorum. *Approbatio*

Καὶ γὰρ ἐν τοῖς λόγοις.] De duobus scriptionum Aristotelicarum generibus, Exotericis & Acroaticis seu Acroamaticis, explicauimus supra *lib. 1. Ethic. cap. vlt.* Notum est enim ex *Agellio lib. 20. cap. 4. Plutarcho in vita Alexandri, Clemēte lib. 6. Stromatum, & Cic. de Finib. lib. 2.* Aristotelis opera fuisse

fuisse bipartita: quorum altera dicta fuerint *Acroamatica*, altera *Exoterica*, quæ eo lib. ca. citato etiam ἐγκύκλια vocantur in illis continebatur disputatio exquisitior & subtilior, quales sunt omnes Aristotelis libri, qui hodie extant, in quibus disputavit de providentia Dei, de virtutibus, honoribus, & aliis, quæ docuit Aristoteles horis matutinis; qualia sunt *Physica*, *Metaphysica*, (quæ est subtilior quædam philosophia) quæ auditu potius perciperentur. In his facilior erat tractatio, ut fit in *Dialogis*, ut sunt ea, de quibus disputat in *Politicis*, *Rhetoricis*, *Poëticis*, *Oeconomicis*; hos libros docuit horis pomeridianis. Sunt tamen, qui negent, hanc librorum partitionem Aristotelis esse veram; sed dicant, *Exotericos* libros omnes intercidisse, & hodierna Aristotelis omnia opera ad primum membrum, scilicet *Acroamatica*, referri debere. Sed refelluntur aperte Aristotelis testimonio in *Eudemis*.

Κατὰ τὰ ἀπλῶς δίκαιον.] Ait, Resp. vero & absoluto iuri esse consentaneas, quæ bonum spectent publicum, quæque sint rectæ. Nam ius aliud est absolute verum, aliud est comparatum, quæ de re infra latius cap. 7.

CAPUT V.

Rectæ &
prava Resp.

1. Platonis
partitio.

EXPLICANTUR hoc cap. Rerum publicarum formæ seu genera, & quidem bifariam; priore quidem capitis parte populariter, posteriore accuratius. Rectas igitur Resp. tres esse docet, Regnum, Optimatum potestatem, & Rempublicam: pravas totidem, Tyrannidem, Factionem seu Oligarchiam, & Democratiam seu populi imperium. Hanc Rerum publicarum partitionem constanter tueri solet & explicare, ut hic & in *Ethicis lib. 8. cap. 10* & *lib. 4. cap. 2.* quo in libro Platonem reprehendit, qui quinque tantum Rerum publicarum genera exposuerit; Regnum, Aristocratiam, Tyrannidem, Oligarchiam & Democratiam, omissa Republica paulo aliter, additaq; distributionis ratione *Olympiod. super Gorg. Plat. praxi. 10. pag. 33.* Et certe Plato Respubl. quidem alias facit rectas, alias pravas: rectarum numero regnum & Aristocratiam, quas duas verbis, re vnam esse ait *lib. 5. de Rep. in fin.* pravarum numero complectitur Democratiam, Oligarchiam & Tyrannidem. Atque ita quinque facit Rerum publicarum genera, vnam rectam, quatuor pravas,

as, *lib. 5. 8. 9. de Rep.* Idem Plato in *Politico* septem facit 2. *Platonis*
 Rerumpub. genera, Monarchiæ duo, Regnum & Ty *partitio in*
 annidem; paucorum imperii, itidem duo, Aristocratiam & *polit. mih*
 Oligarchiam, multorum denique imperii item duo, sed vno *pag. 291.*
 nomine, Democratiā iustā & iniustā: postremo septi-
 mām prorsus eximiam & à prioribus latissime disiunctā;
 quem locum Aristoteles hīc imitatur. *Polyb. lib. 6.* sex quoq; *Polybii*
 facit Rerumpub. genera; Regnum, Aristocratiam, Demo- *partitio.*
 cratiā, Monarchiam, Oligarchiam & Ochlocratiam, *Ci.* *Ciceronis*
 Cero autem *lib. 3. de Republ. apud Augustinum libr. 19. de ciuit. partitio.*
Dei, cap. 21. sex item facit Rerumpub. genera; regnum pau-
 corum, optimatum imperium & vniuersi populi, tyranni-
 dem iniustorum, optimatum factionem, & iniusti populi
 tyrannidem.

T E X T V S.

His autem explicatis proximum est, Respubl.
 quōt numero, & quæ sint, videre: & primum quæ
 ex iis rectæ. Etenim declinationes vel aberratio-
 nes his expositis erunt perspicuæ. Quoniam
 autem Respublica quidem & administratio pu-
 blica idem valent, publica autem administratio
 ciuitatum est princeps: necesse est, principem esse
 vel vnum vel paucos, vel multos. Cum vnus vel
 pauci vel multi ad commune quidem bonū præ-
 erunt, has quidem rectas necesse est esse Respu-
 blicas. Eas vero, quæ ad priuatam, vel vnius, vel
 paucorum vel multitudinis, aberrationes. Nam
 ii qui sunt participes, aut dicendi sunt non esse ci-
 ues, aut boni oportet esse participes. Solemus au-
 tem appellare vnius quidem imperii id, cui bo-
 num commune est propositum, regnum, pauco-
 rum plurium tamen vno Aristocratiam siue opti-
 matum; vel quia optimi imperent, vel quia, quod
 ciuitati & eius participibus optimū, spectēt. Cum
 autem multitudo ad commune bonum præest,
 commu-

communi omnium Rerumpub. nomine vocatur Respub. bona autem ratione id accidit. Fit enim ut unus quidem vel pauci virtute præstent, plures vero difficile iam omni virtute esse expolitos, sed maxime bellica: hæc enim in multitudinem cadit. quare in hac Republica principatum tenet militaris multitudo, eiusque participes sunt ii, qui arma tenent. Expositarum autem aberrationes, tyrannis quidem est regni, Oligarchia vero Aristocratia, Democratia vero Reipublicæ. Nam tyrannis quidem vnus est imperium ad bonum eius qui vnus imperat, oligarchia vero ad bonum diuitum, Democratia vero ad bonum pauperum. Id autem quod communi cōducit, ne vna quidem illarum.

C O M M E N T A R I I.

Διακρισμένων.] Institutam de Rerump. generib. disputationē hīc enucleate persequitur. Res igitur publice quia partim sunt rectæ, partim prauæ: priore loco de rectis, posteriore de prauis explicandū monet. Nā rectis cognitis tanq̃ norma (virtus namque vitiorum, & rectum prauū est norma seu regula, *supra lib. 3. Ethic. cap. 5.*) facile cognoscantur & prauæ. Nam & ex contrariis vno cognito cognoscitur & alterum. Ad eundem modum & *infra lib. 5. cap. 8.* cognitis, quæ ciuitatibus pestem & interitum adferant, cognitu quoq; facilia esse ait, quæ sint salutaria; & *lib. 6.* cognita Democratia, facile etiam posse intelligi Oligarchiam tanquam Democratia contrariam.

Ἐπὶ δὲ.] Tria sunt vocabula valde cognata πόλις, πολιτεία, & πολιτεύμεν, quæ & quid valeant, & quemadmodum Latine efferri debeant, non peræque est notum. De primis duobus explicauimus supra. Reliquum est πολιτεύμεν quod varie ab interpretibus Latine redditur, nimirum administratio ciuilis, ratio ciuilis administrationis, ratio Reipubl. gerendæ, ratio ciuitatis administrandæ, administratio ciuitatis: ab omnibus, pessime: dicendum est: *summa imperii, & summum imperium.* sic vocant & Cicero & Iurisconsulti. Est igitur

igitur *πολίτευμα* id, in quo ciuitatis seu Reipublicæ est principatus, ut in regno penes regem est *πολίτευμα*, in Democratia est penes populum. His cognitis, sic argumentatur nunc Aristot. *πολιτεία* idem valet, quod *πολίτευμα*. At *πολίτευμα* est triplex. Ergo & *πολιτεία*. Ergo sunt tria Rerum publ. genera rectarum & prauarum. Cuius conclusionis propositio non ita est accipienda, quasi *πολιτεία* & *πολίτευμα* idē prorsus valeant, quæ certe differunt. (Nam *πολίτευμα* summum est imperium, *πολιτεία* est ipsa ciuitatis forma & descriptio:) sed quia *πολιτεία* tanquā anima constituit *πολίτευμα*. Nam ex summo imperio *πολιτεία* pendet & constituuntur. Assumptio, qua diximus *πολιτεύματα* esse tria, est perspicue vera. Nam necessario vel penes vnum, vel penes paucos, etiam tres, ut penes triumuiros, vel decem, ut decemuiros Romæ, vel denique penes multos summum esse imperium necesse est. Tria igitur sunt Rerumpublicarum genera: quæ an sint rectæ an prauæ, ex fine cognoscendum est, id est, ex utilitate seu bono ipsis proposito; quod si erit commune, rectas, si priuatum, vitiosas & prauas fore supra demonstraui. His ita breui expositis & conclusis adiungit postea Aristoteles nomina ipsarum Rerumpublic. tam rectarum quam vitiosarum.

Argumentum, quo docetur, tria esse Rerumpublic. genera.

Vnde correctæ an prauæ, ex fine cognoscatur, quanam rectæ aut prauæ sint Respub.

Ὅταν ὅ τὸ πλῆθος.] Tertium rectæ Reipublicæ genus *Politia* intercommuni nomine Rempublicam dici ait. Nam & alias sæpe accedit, plura ut sint negotia & res quam vocabula, inquit Iuriscons. l. 4. *natura. ff. de præscrip. verb.* Cur autem huic potius acciderit id quam aliis, ut suo vacans nomine dicatur communi, rationem reddit Aristoteles: quia vix accidat, ut multi virtute præditi bonum spectent publicum: facilius unus aut pauci reperiuntur tales, multi difficillime. Quare factum est, ut regnum & Aristocratia essent nota vocabula, multorum Respubl. vix esset nota & proinde nomine vacans; quam eandem causam *infra lib. 4.* ait esse, cur plerique hanc Reipublicæ formam, etiam Plato, ignorarint. Quod autem diximus, raro multos reperiri, qui omni virtute sint præditi, res est perspicua: accidit tamen, ut vna aliqua virtus, maxime fortitudo bellica, etiam in multitudinem cadat, ut olim in Spartanos & Romanos, sapientia in Athenienses, atque propter monet hinc Aristoteles, in hoc Reipublicæ genere dominari milites, & principatum esse & penes rem militarem.

litarem. verum de hac Reipublicæ forma non tam simplicem quam permixta *infra lib. 4.* latius.

T E X T V S.

Oportet autem prolixius explicare, quæ harum Rerumpublicarum quæque sit, & quas habeat controuerfias. Nam in quaque scientia philosophantis & non tantum ad agendum spectantis proprium est non prætermittere, nihilque relinquere; sed quaq; de re, quod verum sit, explicare. Est autem Tyrannis quidem vnus imperij, vt est dictum, herile in ciuili societate: Oligarchia vero, vbi Reipublicæ sint domini, qui bona habent: Democratia vero contra, vbi non qui bonorum copiam tenent, sed pauperes. Prima autem controuerfia de definitione est. Nam si plures ijque diuites domini sint ciuitatis, Democratia vero est, vbi domina sit multitudo: eodem fere modo rursus si & sicubi accidat, vt pauperes pauciores quidem sint quam diuites, potentiores vero domini sint Reipub. vbi autem exigua multitudo est domina, Oligarchiam esse aiunt: non recte definitum videatur de Rebuspubl. Sed enim si quis diuitijs quidem paucitate coniuncta, paupertati vero multitudine, sic vocet Respub. Oligarchiam quidem, in qua magistratus teneant diuites, ijque pauci numero, Democratiam vero pauperes, ijque multi numero: alia subest controuerfia. Quas enim dicemus iam expositas Respub. in qua plures diuites, & in qua pauciores pauperes, vtriq; vero Rerumpublicarum sint domini: siquidem nulla alia præter supra expositas est Respubl. Ex hac igitur ratione perspicue effici videtur, paucos quidem aut alios multos esse

esse dominos, esse ex euentu; illud quidem in Oligarchijs, hoc vero in Democratijs: eo quod diuites quidem pauci, pauperes vero vbique sint multi. quare sequitur, priores quoque causas non esse differentias. Qua autem re & Democratia & Oligarchia inter se differant, paupertas est & diuitiæ. Atq; necesse est, vbi quidem præ sint propter diuitias siue pauciores siue plures, hanc esse Oligarchiam; vbi vero pauperes, Democratiam. Sed, vt diximus, euenit, vt illi quidem sint pauci, hi vero multi. nam diuites quidem sunt pauci, libertatis vero participes sunt omnes: quas duas ob causasambo de Rep. ambigunt.

C O M M E N T A R I I.

Δεῖ δὲ περὶ τῆς Ἀλγῆς] Altera huius capitis parte inquit in Rerum publicarum definitiones priore capitis parte expositas. Cuius suæ diligentiae rationem initio hic affert hanc; quod ab eo, qui non tam agendi quam contemplandi & veri exquirendi causa philosophatur, nihil, quod ad veri inuestigationem pertineat, sit omittendum: qui præclarus est locus methodicus, quo velut digito indicat Aristoteles duo methodorum genera, quarum altera sit practica, altera theoretica. Nam qui ad vsum & agendum omnia referunt, satis ijs *Methodus* esse, si popularia & vltatiora duntaxat explicentur: qui autem *alia practica,* limatius veritatem exquirunt, eos popularibus & vulgo *ca, alia* receptis rebus & sententiis non continuo acquiescere & cō- *theoretica.* tentos esse debere, neque ea tantum, quæ ad vsum, sed quæ ad cognitionem cumque faciant, esse conquirenda & explicanda. Alii igitur persequantur tantum quæ ad vsum. Aristoteles, vt Philosophus, ea quoque, quæ ad cognitionem & veri inquisitionem sunt necessaria, explicare debet. Sed de hac duplici methodo & sup. *lib. 1.* In duarum igitur Rerum publicarum Democratia & Oligarchia, vtpote vltationem, definitiones vulgo receptas & vltatas merito accuratius inquirendum censuit Aristoteles: quod iisdem pene verbis iteratur, infra *lib. 4. cap. 4.* Democratia igitur vulgo dicitur

I. tur esse Respubl. in qua multitudo dominetur, Oligarchia, in qua pauci. Nota igitur, qua has duas Resp. inter se distinguunt, perspicue est numerus. Aristoteles hanc discriminis notam docet esse falsam, & aliam esse veriore, Democratiæ quidem libertatem seu paupertatem, Oligarchiæ diuitias. Vulgi notam bifariam reprehendi posse ostendit: nam primum quidem fieri potest, vt plures ciuium sint diuites ijque Reipub. domini, pauciores sint pauperes. Contra vero fieri potest, diuites vt sint plures, pauciores pauperes; hi tamen diuitibus sint potiores & imperium teneant: vbi absurdum sit dicere, esse Democratiā vel Oligarchiā: propterea quod, penes paucos pauperes vbi est imperium, nemo dixerit esse Oligarchiā: penes multos autem diuites cum fuerit imperium, qui potest esse Oligarchia, cum hæc dicatur esse paucorum, neque eadem vnquam dicta fuerit Democratiā, vbi diuites præsent.

II. *Ἀλλὰ πάλιν καὶ πρὸς.*] Occurrit alii definitioni, eamque falsam quoque fore ostendit. Prior reprehensio simplicium fuit definitio, hæc est coniunctarum. Simplex definitio Oligarchiæ est, in qua pauci dominantur: Democratiæ, in qua multi. Coniuncta Oligarchiæ, in qua pauci diuites seu nobiles; Democratiæ, in qua multi ijque pauperes dominantur. Fortasse igitur, inquit, has Respub. ita coniuncte definiendas quis putet; sed eadem suberit difficultas & controuersia. Nam quid fiet his Rebus publicis, quas modo commemorauimus, quarum in vna multi dominantur diuites seu nobiles, in altera pauci pauperes? quid, inquam, his fiet, ad quod Reipublicæ genus pertinebunt? Certe si quæ supra conclusimus, vera sunt, sex tantum esse Reipub. genera: sequeretur, hæc duo, quæ commemorauimus, non esse in Rerum publicarum numero habenda: aut si habenda sunt, vt sunt; sequitur, plura esse Rerum publicarum genera, quam 6. vtrumuis dixeris, teneberis.

Ἐοικὲς τοίνυν ὁ λόγος ποιεῖν.] Adhuc repressa vulgi harum duarum Rerum publicarum nota, numero: iam concludit, quæ earum sint veræ notæ. Et Oligarchiæ quidem veram notam ait esse diuitias, Democratiæ vero paupertatem siue libertatem: Vulgi autem notam non esse veram & per se, sed ex euentu duntaxat; quia fere hoc vsuuenire solet, vt diuites pauci sint numero, pauperes & libertate pares plurimi. Hæc

Ari-

Aristotelis sententia necessario ex prioribus consequitur. *Oligarchia*
 Ex quibus & hoc efficitur, eam esse Oligarchiam vere, in
 qua dominantur diuites seu nobiles; siue pauci, vt Romæ o-
 lim patricii, hodie Veneriis, & in plerisque ciuitatibus Ita-
 liæ, item Norimbergæ & Augustæ Vindelicorum: siue plu-
 res, quod rarius accidit, de quibus infra *lib. 4. cap. 4.* Demo- *Democratia*
 cratiā vero esse, in qua pauperes etiam pauci dominantur;
 quod tamen & ipsum raro accidere solet.

C A P V T V I.

PERSEQVITVR Aristoteles disputationem de his dua-
 bus Rebus publicis, Oligarchia & Democratia: quas quia
 vulgo plerique iure quamque suo niti dicerent, eaque pro-
 pter tanquam iustas & rectas Respublicas laudarent; Athe-
 nienſes Democratiam, Lacedæmonii Oligarchiam: Aristo-
 teles, tanquam arbiter honorarius & medius, docet, eos qua-
 dam ex parte recte dicere; Omnino, perperam: & proinde
 eos, vt Athenienſes & Lacedæmonios, qui tanquam iustas
 & absolute rectas esse Respubl. omnes putarint, magno in
 errore versari.

T E X T V S.

Sumendum est autem primo, quos fines dicant
 Oligarchiæ & Democratię, & quod sit ius Oligar-
 chicum & Democraticum. Omnes namq; quod-
 dam attingunt, sed aliquo vsque progrediuntur
 dicuntque non omne quod vere est ius, vt ius vi-
 detur esse & æquitas, sed non omnibus, verum æ-
 qualibus seu æquis. atque ius videtur esse iniqui-
 tas, etenim est, sed non omnibus, verum iniquis.
 hi autem hoc quibus detrahunt, & perperam exi-
 stimant. Causa autem, quia de suis est iudicium.
 Plerique autem fere mali sunt iudices de suis re-
 bus. Quare cum ius est quibusdam, & eodem mo-
 do diuiditur, & in rebus & quibus, vt explicatum
 supra in Ethic. dum rei quidem æquitatem faten-
 tur, consentiunt, eam vero quæ quibus, dubitant

maxime quidem propterea, quod modo diximus, quia perperam ea, quæ ad se, iudicent. Deinde vero quia cum vtrique ius quoddam afferant aliquo usque, existimēt ius se adferre omnino. Nam quidam ex parte quidem, qui sunt inæquales vt diuitijs, toto genere se inæquales esse credunt: qui vero quadam ex parte æquales, vt libertate, toto genere æquales. Quod autem maximum, non afferunt. Nam si quidem bonorum causa communicassent & conuenissent, eatenus ciuitatem participarent, quatenus & bona. quare firma videatur esse ratio Oligarchicorum. Neque enim ius esse, vt de centum minis æquas partes auferat is, qui vnā minam contulerit ei, qui reliquum omne dedit, siue de ijs quæ ab initio, siue de ijs quæ accesserint. Si autem neque viuendi tantum causa, sed potius bene viuendi. (etenim seruorum aliarumque animantium sit ciuitas, nunc autem non est, quia non sint participes beatæ, neque viuant ex arbitrio & ratione) neque bellicæ societatis gratia, ne ab vllō iniuria afficiantur, neque propter commercia & vsum inter se. Etenim Tyrrheni & Carthaginenses, omnesque quibus inter se sint pacta & conuenta, quasi vnius essent ciuitatis ciues. Sunt igitur ijs pacta de rebus importandis, & de non afficiendo iniuria, & cautiones de societate bellica. Sed neque magistratus in his omnibus sunt communes, sed alij apud alios: neque alteri de altero laborant, quales esse debeant, neque vt nemo eorum, qui his pactis tenentur, sit improbus vel iniustus, nulloque vitio præditus; sed tantum ne vlla iniuria alter alterum afficiat. Qui autem de
bona

bona ciuitatis descriptione laborant, de virtute quoque & vitio ciuili vident. Quare & intelligitur, ciuitati, quæ vere hoc nomine sit appellanda, non disputationis causa, curam virtutis esse oportere. Nam societas esset bellica quædam aliorum societas, loco tantum disiuncta eorum, qui longe inter se absint, sociorum, & lex pactum, & vt Lycophron Orator inquebat, iuris eorum inter se sponsor, non qui possit ciues bonos efficere & iustos.

C O M M E N T A R I I.

Ἀπὸ τοῦ δὲ περὶ τοῦ.] Vt huius capitis disputatio sit planior, repetendum ex *lib. 5. Ethic. cap. 3.* Iuris & iustitiæ duo esse genera, quorum alterum in rebus contrahendis, alterum cernatur in præmiis & pœnis, honoribus & ignominiis: duo quoque proportionū esse genera, Arithmeticam & Geometricam, quarum illa quidem iuri rerum contrahendarum, hæc alteri sit accommodata; quæ inter genera & iuris & proportionum hæc summa est differentia, quod in iure quidem rerum contrahendarum, eiq; accommodata proportionem Arithmeticam, rerum tantum habeatur ratio, in altero rerum & personarum, verbi gratia, in equo vendendo rei tantum, id est, equi pretium spectabitur, non emptorum dignitas; in altero iure non honorum tantum seu pœnarum, sed & personarum quoque habetur ratio, vt alia debentur præmia imperatori, alia tribuno, alia militi: gladio puniebantur honestiores; cruce, secure, igne alii. In illo igitur iure ratio habetur tantum *ᾧ*, id est, rerum, in hoc & *ᾧ*, id est, rerum, & *οἷς*, id est, personarum. Cur autem quæstionem & disputationem de iure & iustitia per proportionem explicarit Aristoteles Platonem secutus, hæc est ratio; Quia ius, æquitas, seu æqualitas etiam vulgo diceretur. At æqualitas ex proportionibus cognosci solet. His præmunitis docet nunc Aristoteles, eos, qui has duas Resp. Oligarchiam & Democratiam, quia iure quodam niti videantur, iustas dicerent, & rectas seu veras esse existimarent, grauiter hallucinari, quod dem & infra iterat *cap. 8.* & vno verbo, *supra lib. 5. Eth. cap. 3.*

Deinde. & Democraticorum ratio hæc erat; quia inter pares libertate
Oligarch. omnia debeant esse paria. Oligarchicorum; quia inter diu-
ratio. tiis pares omnia quoque debeant esse paria. Quare cum utri-
 que æquitate quadam nitantur, iure quoque niti videntur.

Solutio. Respondet Aristoteles, quadam ex parte quidem ius in iis
 Rebus pub. versari, ius autem quod ex toto genere, nō item,
 ostendit, eosque paralogismo & captione vfos. Neq; enim
 sequitur, omni ex parte seu prorsus esse æquales, qui vna
 duntaxat in re sint æquales, vt diuitiis, genere, libertate. Hu-
 ius autem captionis & erroris eorum fontes & causas affert
1. Causa er- duas. Prior est, quia de seipsis iudicarent. Iam notum est, in
roris. suis quenq; causis iudicem non satis esse idoneum, vel pro-
 pter affectiones, vel aliis de causis, vt eleganter *infra Ari-*
stoteles cap. 11. & Iurisconsulti *sub tit. ut nemo in sua causa iu-*

2. Causa er dicet. Altera erroris causa propter captionem ex dicto ex
roris. parte ad dictum omnino, nimirum quia non attenderent,
 eos continuo non esse prorsus pares, qui aliqua tantum ex
 parte sint pares. Eorum igitur conclusio hunc in modum ca-
 ptiosa esse comperitur. In *Ethicis* quoque hunc eundem er-
 rorem cōmemorat, *lib. 3. cap. 3.* vbi ait, in eo quidem omnes
 consentire, in honoribus & præmiis tribuendis dignitatem
 esse spectandam, sed in dignitate ipsa definienda dissentire,
 cum alii dignitatem dicant libertatem, alii diuitias aut ge-
 nus, alii virtutem. Et hoc est, quod hoc quoque loco ait, de
 rebus eos consentire, de personis non item.

Qua sit ve- Τὸ δὲ νομιώτατον.] Hoc est, Oligarchici diuitias seu ge-
ra ciuitatū gnus, Democratici libertatem, afferunt, prætermisso eo,
dignitas. quod est summum, id est, virtute: id quod toto reliquo capi-
 te præclare docetur, nimirum non diuitias aut libertatem,
 sed virtutem optimæ & verissimæ ciuitatis esse dignitatem.
 Et proinde hos verissimos esse ciues & Reipublicæ esse par-
 ticipes, non qui sint nobilissimi, vel sint liberrimi: sed qui sint
Ratio. viri boni. Quod docet hac ratione à ciuitatis fine sumpta;

Quia veræ ciuitatis scopus & finis non sit viuendi, vel mu-
 tui tantum auxilii, vel denique commerciorum, sed bene
 beateque viuendi causa. Formula: Si ciuitas non viuendi, nō
 mutui auxilii, non rerum contrahendarum est causa, sed be-
 ne beateque viuendi: Ergo qui bene beateque viuunt, id est,
 viri boni, maxime sunt ciues, & p̄inde ad eos præmia & ho-
Ratio con- nores pertinent, non ad diuites, &c. Ratio connexi est; *Quia*
nexi. ius

us postulat, ut in societatem quo quis plus impedit, eo plus quoque lucri auferre debeat, verbi gratia, iniquum sit, inter duos coita societate, quorum alter vnam duntaxat minam, alter 99. contulerit, parem esse lucri rationem. Quare & ad ciuitatis finem, qui in bene beateq; viuendo consistit, quo plus confert, quod faciunt viri boni, eo plus & lucri, id est, honorum & Reipublicæ præmiorum auferre debent. Quo pertinet & quod Aristoteles hinc initio ait de oligarchicis, quorum rationem & Rempublicam hac eadem ratione stabiliri posse ait. Nam si ciuitas esset diuitiarum causa, sequeretur continuo, ut qui eum finem maxime adiuuarent, ut diuites; eos quoque maxime esse ciues, & ad hos magistratus & imperia deferenda. Ciuitatem igitur non esse viuendi causa, quo pertinent diuitiæ, docet hac ratione; quia alioqui seruis quoque & animantibus sua esset ciuitas, quos viuere quoq; constat. Auxilium autem mutui & commerciorum causa non esse institutas ciuitates docet hac ratione; quia sequeretur alioqui, ut gentes etiam disiunctissimæ vna ciuitate continerentur. verbi gratia, inter Etruscos & Carthaginenses Aristotelis tempore erant commercia & pacta de communibus iniuriis depellendis, mutui auxilii causa, ut mercatoribus & negotiatoribus liber esset comeatus. hos autem non fuisse ciues docet trifariam. I. Quia non eosdem habebant magistratus. II. Quia neq; Carthaginenses curarent, quemadmodum morati deberent esse Etrusci; neq; hi, quemadmodum illi. III. Quia neutri curabant de alteris, ut essent viri boni. Atqui optime institutis ciuitatibus hoc inprimis esse curæ, ut ciues quam optimi euadant & non tam diuitiis, quam virtutibus floreat, cum per se est perspicuum, tum ex eo docet Aristoteles; quia alioqui sequeretur, ciuitatem non esse ciuilem societatem, sed militarem potius vel mercatoriam, auxilii puta mutui, vel quæstus causa institutam: sequeretur quoque, leges ferri potius hac de causa, ut iis tanquam pactis & sponsoribus seu vadibus ii, qui ea societate contineantur, alter alteri auxilium mutuum velut ex pacto præstare debeat; sequeretur, inquam, leges esse velut sponsores mutui auxilii non virtutum efficientes, cum tamen legum hæc quoq; non minima sit virtus ciues reddere viros bonos, bene quidem natos præceptis salutaribus, alios poenis & suppliciis. Verum de hac quæstione,

*Ciuitas nō
est viuendi
tātū causa.
Nec auxiliū
mutui aut
commercio-
rum.*

Ἀνακρί-
παισις.

an legibus boni efficiantur, explicatum *supr. lib. 10. Eth. cap. ult.* Et egregie *Seneca lib. 14. Epistolarum.* Ex quibus intelligitur, optime institutam Rempublicam hoc agere, ut ciues quam sint optimi; eam quoq; non esse ciuitatem, vbi nulla virtutis sit cura, & proinde eas gentes, quarum alteri de altera, ut quam sit optima, nulla est cura, eadem ciuitate nō contineri; Ciuitatum deniq; finem & scopum non esse commercia vel mutuū auxilium, sed ut bene beateq; viuatur.

Καὶ ὁ νόμος συνθήκη.] Lex est illa quidem pactio quædam, ut & *supra lib. 1. cap. 4.* sed non vel mutui auxilii, vel commerciorum causa, sed bene viuendi. *supra lib. 10. Ethic. cap. ultimo.*

Καὶ καθάπερ ἔφη.] Elegans Lycophronis oratoris, cuius & mentio est *lib. 2. Rhet.* dictum de legibus, eas esse velut sponsores & vades Iuris ciuium inter se, eaq; re & *Papinianus Iuriscons. l. 1. ff. de legib.* legem vocat sponsonem communem.

T E X T V S.

Hæc autem ita se habere perspicuum est: nam si vel in vnum loca quis conducat, ut mœnibus inter se tangant vrbes Megarensium & Corinthiorum: non tamen vna erit ciuitas, ne quidem si connubium altera alteri dederit, quod tamen est vnum ex ijs quæ proprie ciuitatibus sunt communia. Similiter vero ne quidem si disiuncti quidem habitent, non tam longe tamen, ut non communicent, sed leges sint ijs, ne in permutationibus iniuria inter se afficiant; ut si hic quidem sit faber, ille vero agricola, ille vero sutor, ille vero aliud quid eius generis, & multitudo sit decem milium, neque alterius rei sit inter eos communicatio quā talium, ut commercij & mutui auxilij: ne sic quidem ciuitas. Quid ita? non quidem, quia societas seu communicatio non sit vicina: nam si ita communicantes etiam conuenirent, & quisque sua
vtere-

eretur domo tanquam ciuitate, atque inter se
uarent aduersus iniurias afferētes tantum, quasi
cietate mutui auxiliij inita: ne sic quidem dili-
nter intuentibus videatur esse ciuitas, si simili-
r vna versentur congregati & separatim.

C O M M E N T A R I I.

Ὅτι δὲ τῶν.] Adhuc docuit, ciuitates neque commer-
orum, neq; mutui auxilij causa institutas esse, hac ratione;
ia alioqui sequeretur vt disiunctissimæ nationes eadem
uitate vterentur. Hoc loco idem confirmat: adeo quidem,
et si in eodem loco essent; tamen si commerciorum tan-
um vel mutui auxilij causa coita esset societas: non tamen
itura sit ciuitas: verbi gratia, erat olim ius commercii inter
legarenses & Corinthios, loco & quidem diei itinere in-
ter se disiunctos, quos, inquit Aristot. et si in vnum locū con-
ucas; adeo vt mœnia vtriusq; ciuitatis inter se contingant,
on tamen vna vtriusq; populi erit ciuitas. Quin etiam et si
odem plane loco multi habitent, & tanquam ciuitatem vel
cum domorum & hominum multitudine constituent, si
men inter eos nulla alia sit cōmunicatio quam commer-
orum: loci coniunctio non faciet ciuitatem; potius quæ-
ne domus sua erit ciuitas, nulla erit communis: quia inter
s domos talis non est communicatio, quæ ciuitates con-
tuat, nimirum bene beateq; viuendi causa.

T E X T V S.

Perspicuum est igitur, ciuitatem non esse com-
unitatem loci, neque de seipsis iniuria afficien-
s, neque permutandi gratia: Sed hæc quidem ne-
esse est adesse, si quidem erit ciuitas; quæ tamen
nnia si adsint, non iam ciuitas, verum societas ad
ne viuendum & domibus & familijs instructa
æ perfectæ & abunde instructæ gratia. Hoc au-
n non erit non eundem & vnum incolentibus
cum, & connubio vtentibus. Quare in ciuitati-
s & affinitates & curiæ & sacrificia & congressus

vnà viuendi causa fiunt: tale autem amicitia est officium. Nam consilium de conuictu est amicitia. Itaque finis quidem ciuitatis est bene viuere, hoc vero finis gratia. Ciuitas vero familiarum & vicorum societas vitæ perfectæ & abunde instructæ gratia. Hoc autem est, quod dicimus, viuere bene beateq;. Honestarum igitur actionum gratia, non vero conuictus, dicendum est, ciuilem esse societatem. Quare ad talem societatem qui plurimum conferunt, his plus de ciuitate commune est, quam ijs qui libertate quidem & genere sint pares vel superiores, ciuili vero virtute sint impares; vel quam ijs, qui diuitijs quidem superent, virtute vero superentur. Ex ijs igitur, quæ dicta, intelligitur quidem, omnes, qui de Rebus publicis ambigunt, quandam iuris partem afferre.

C O M M E N T A R I I.

Πανεπὸν τοῦτο, ὅτι.] Concludit priorem disputationem, qua differuit, ciuem non vel libertate, vel diuitijs, vel genere, sed virtute potius æstimandum: & hunc esse ciuitatis finem, non vt viuatur, sed vt bene beateque viuatur; non rerum contrahendarum seu commerciorum, neq, communis auxilii causa ciuitates institui, loco denique ciuitates non esse æstimandas. qua de re supra dictum est latius. Summa igitur disputationis hæc est; Cum in omnibus negotijs & societatibus duo sunt summa capita, finis & ea quæ ad finem; tum in ciuili quoque societate, id est, ciuitate eadem quoq; esse necessaria, & ciuitatis quidem finem esse, vt bene beateque viuatur: ad hunc autem finem assequendum necessaria hæc esse, locum eundem, rerum permutationes & commercia, matrimonia & affinitates, tribus, curias, &c. qua de re, id est, quæ ciuitatib. omnino sint necessaria, explicabitur infra lib. 7. cap. 8. Hæc igitur, rerum permutationes, matrimonia, &c. sunt illa quidem ciuitati necessaria, vt ea quæ ad finem;

hem; sed tamen ciuitatis finem non constituunt, verum amicitia potius sunt opera & officia. Nam ea ad conuictum faciunt & iuant, cuius conuictus gratia fit amicitia. Amicitia, inquit, nihil est aliud, quam mens & voluntas quorundam vnâ viuere volentium. Et certe ad amicitiam quantum faciat conuictus, explicatum est supra *lib. 8. & 9. in fin. Eth.* His igitur rebus amicitia potius, quam ciuitas, erit definienda. Ciuitas namque non, vt amicitia, conuictus est causa; sed bene beateque viuendi. Et breuiter, ciuitas est familiarum & vicorum communitas, vitæ perfectæ & abunde instructæ causa. Ex quibus intelligitur, ciuilem hanc societatem, id est, ciuitatem, esse quandam societatem, non merciorum seu rerum contrahendarum, non belli gerendi seu mutui auxilii; sed esse societatem honestarum actionum & virtuti congruentium, & proinde huius societatis civilis membra primaria esse, non qui plus diuitiarum aut generis, sed qui plus virtutis & honestarum actionum in eam contulerit: his denique, quia plus contulerint, honores quoque magis esse mandandos, quam vel diuitibus, vel nobilibus, vel liberis, vt supra est explicatum.

CAPVT VII.

TRIBVS his capitibus 7. 8. & 9. vnum idemque argumentum continetur & explicatur, de Principatu ciuitatis. Et hoc quidem capite de Principatu Democratico, cap. 8. de Oligarchico; cap. 9. de Aristocratico. Principatum voco, quod Aristoteles τὸ κρείον, eam nimirum ciuitatis partem seu ordinem, penes quem & cuius in manu sit summa Reipublicæ, vt in Democrazia penes populum, in Aristocratia penes optimates. Est autem grauissima hæc disputatio, quæque non tantum his tribus capitibus, sed toto fere hoc reliquo libro explicatur; de Rerum publicarum generibus, *Qua sit Res pub. optima* quæ sint optimæ, an popularis, an optimatum, an paucorum, an vnius denique. De qua disputatione videantur & *Polyb. lib. 6. & Plato lib. de Repub.* De eadem re copiose disseruit & *Cicero in libris de Rep. ipso teste lib. 3. de legib.* Videantur & quæ infra dicemus extremo hoc libro, vbi de disputationibus, vtrum vtile sit hominibus, regi ab vno aliquo principe, nec ne.

[Ὁν δὲ τὸ κρείον εἶναι.] Explicatur quæstio, an penes multitudinem

tudinem debeat esse ciuitatis imperium: & qui magistratus plebi sint mandandi.

T E X T V S.

Est autem controuersia, penes quem ciuitatis debeat esse principatus. Vel enim penes multitudinem, vel penes diuites, vel viros bonos, vel vnū optimum omnium, vel omnium deterrimū Tyrannum. Verum hæc omnia difficultatem habere videntur. Quid enim, si pauperes, quia sint plures, bona diuitum partiantur, hoc nonne iniustum? Nam principatui scilicet iuste placuit. Quā igitur extremam oportet vocare iniuriam, & contra, sumptis omnibus, si plures paucorum bona partiantur: perspicue ciuitatem corrumpunt. At enim virtus non corrumpit ea præditum, neque ius ciuitatem corrumpit: quare clarum est, hanc quoque legem non posse esse iustam. Præterea actiones quoque, quas Tyrannus cumque fecerit, omnes necesse est esse iustas. nam potior vel valentior vi cogit, vt multitudo diuites. Sed enim paucos & diuites imperare iustum est? Si igitur & illi hæc faciāt & rapiant, & multitudinis bona auferant: si hoc est iustum, ergo & alterum. Itaque hæc quidem omnia esse vitiosa & iniusta clarum est. Verum viros bonos imperare oportet, & omnium rerum esse dominos. Quare necesse est alios omnes esse inhonoratos, vt non honoratos ciuilibus imperijs. Imperia namque honores dicimus. Iisdem autem semper imperantibus, necessario alij sunt inhonorati. Verum melius optimum vnum imperare; sed hoc etiam plus æquo est Oligarchicum: nam inhonorati plures. Verum dicat
for-

fortasse aliquis, hominem omnino, non vero legem, esse principem, esse vitiosum, ut habentem, quæ accidunt animo, perturbationes. Si igitur lex quidem, Oligarchica vero aut Democratica (sit princeps) quid intererit inter ea, de quibus est dubitatum? prius namq; exposita item euenient.

COMMENTARI.

Ἐξ δὲ διπλοῦ.] Priore huius capitis parte controuersias exponit de principatu, & quæ cuique principatui incommoda & mala sint coniuncta. Quæstio igitur est quinque-partita: ita tamen, ut sub vno membro contineantur, atque ita semembris, ut ita dicam, sit quæstio: quia sex quoque Rerumpublicarum sunt genera. An principatus debeat esse penes multitudinem iustam, ut in Republ. iniustam, ut in Democratia: an penes diuites & nobiles: an penes viros bonos: an penes vnum, siue optimum, ut Regem: siue pessimum, ut tyrannum.

Ἀλλὰ τὴν πλείονα.] Exponit, ut dixi, incommoda omnium principatum. Et primum quidem Democratiæ seu Reipublicæ, seu multitudinis. Nam si dicamus, multitudinem Reipublicæ dominam & principem esse debere: hoc sequetur incommodum & malum, quod quæ sint iniusta, videantur esse iusta. Nam vsuuenire potest, ut plebs Domina locupletum bonis manus iniiciat, utpote Domina. Quæ bonorum occupatio ut iusta defendi potest, quia facta iussu & decreto eius ciuitatis partis, penes quam est principatus. Quicquid autem à principe Reipub. iubetur, hoc iustum est, quia de re explicauimus *supra lib. 5. Ethic.* Eam tamen occupationem iniustam esse docet Aristoteles bifariam. Primo, quia, inquit, si hæc non est iniuria; nescio quæ sit, cum sit summa & extrema, quod Romæ tentarunt Gracchi. Deinde, quia ea occupatio Reipublicæ sit pernicies. Est & tertia ratio, qua tamen tyranni quoque principatus refellitur; quia sequeretur, omnes tyranni actiones esse iustas, quas tamen constat inter omnes esse iniustas; sequeretur, inquam, quia quemadmodum tyranni, ita & populus vi tantum & viribus superior ea agat.

Democratia incommoda.

Ἀλλὰ ὀλίγοι τὰς.] Adhuc de multitudinis incommodis, quibus

Oligarchia incommoda.

bus docuit, perniciosum videri, ciuitatibus præesse multitudinem. nunc de paucis, quos propter idem incommodum negat ciuitatibus præesse debere; quia vt multitudo, ita diuites, ciuitatis domini, plebis bonis insidiari & manus iniicere possint.

Aristocratie incommoda.

[*Ἀλλὰ τὰς ἐπιεικείας.*] Hic de optimatibus & viris bonis, quorum ex principatu hoc incommodum & malum existere, quod pauci ciuium sint in honore futuri, reliqui inhonorati. Quid ita? quia penes quos est principatus, hi soli gerunt magistratus. At magistratus vocamus honores. Quid tum postea? certe grauissimum ciuitatis esse malum, paucos esse honoratos, reliquos inhonoratos, hac ratione sæpe docet Aristoteles, quia qui honorum sunt expertes, fere in ciuitatem male solent esse affecti. Exempla *in Licio lib. 1.* habuimus. Idem est incommodum ex vnius imperio, boni regis, puta quod ex paucorum imperio optimatum, & multo quidem grauius: quia cum penes vnum est summa Reipublicæ, vnus tantum particeps & Dominus videtur omnium honorum: reliqui expertes & inhonorati.

Regni incommoda.

Legum incommoda.

[*Ἀλλ' ἵσως φέρειν τις*] Adhuc docuit, quæ incommoda existant ex imperiis hominum, siue multorum siue paucorum, siue vnius, eaque propter in quaestionem vocari posse ait, vtrum sit melius, vt imperium sit non penes hominem, sed penes leges; quando ex humanis imperiis mala & incommoda existant. Verum ne penes leges quidem imperium esse debere docet hac ratione; quia cum leges statui seu generi Reipublicæ sint accommodandæ, sequitur, si Respublica est Democratica, leges quoq; debere esse Democraticas: si oligarchica, & oligarchicas, &c. qua re fiet, vt eadem sint incommoda ab legibus, quæ ab hominibus. Siue enim homines sint oligarchici, siue leges; quid interest? Verum de hac quaestione de legibus *infra hoc capite extr. & capite 11. & 12.*

TEXTVS.

Multitudinem autem principem potius esse debere quam optimos quidem, paucos vero: dissolui posse videatur; & quandam habere controuersiam, fortassis autem & veritatem. Nam multi, quorum

quorum singuli non sint viri boni. accidit tamen, ut coniuncti illis sint meliores, non ut singuli, sed ut vniuersi, ut cœnæ ex symbolis factę ijs, quæ vno sumptu sunt instructæ. Nam cum sint multi, ut quisque habeat partem virtutis & prudentiæ, & coniuncti sint velut homo vnus, multos pedes & manus & sensus habens. Sic & in moribus & in ratione. Quare multi quoque melius iudicant & de musicæ operibus & de poetarum: alij namque aliam quandam partem, omnes vero omnes. Verum hac in re differunt viri boni à singulis ex multitudine, quemadmodum & pulcros à non pulcris aiunt, & arte depicta à veris, quia dispersa separatim in vnum sint conducta. Siquidem cum sunt separata, pulcrior est huius quidem oculus, aliū vero aliud quoddam membrum. Cæterum an in omni quidem populo & omni multitudine accidat hæc differentia à paucis bonis, est incertum: fortasse vero certum utique, in quibusdam fieri non posse. Nam eadem ratio & in beluas conueniret. Atque quid differunt quidam à beluis, ut ita dicam? Verum nihil vetat, quin, quod dictum est, verum sit in quadam multitudine.

C O M M E N T A R I I.

[Ὅτι δὲ δὴ καὶ πολλοὶ εἶναι.] Altera huius capitis parte hæc *Satius esse* explicatur quæstio, vtrum præstet, ut imperium sit penes *imperii sum* multos, an penes paucos viros bonos. Et docet melius esse, *nam penes* ut penes multos. Verum quia multorum seu multitudinis *multos quā* duo sunt genera, quarum altera plane sit beluina & barba- *paucos esse.* ra, nulla virtutis vmbra aut humanitate prædita; altera non *Multitudo* illa quidem, cuius singuli omnibus virtutibus sint præditi, *autem hic* sed alius alia, monet Aristoteles, *εἰ μὴ ἔν τῃ πλείονι δὴ μᾶλλον*, accipiat *hanc* hanc disputationem intelligendam esse de multitudine non *non barba-* beluina, sed de altera. Ex cuius multitudinis distinctione *ra.* duo

Ratio.

1. *Similitu-
do.*

Andria, sc.

1.

*Eunucho,
act. 3. sc. 4.*

& seq.

2. *Similitu-
do.*

3. *Similitu-
do.*

*Discrimen
inter simpli-
citer & mo-
re vulgi ho-
minum.*

duo quoq; Rerumpublicarum genera existunt, quarum altera Democratia, altera sit politia, seu Respublica generali nomine. Hac igitur cognita distinctione, docet, imperium multitudinis virtutū non plane expertis esse laudabile. Nam tametsi huius multitudinis ea est natura, ut singuli ex ea non sint omnibus virtutibus præditi, sed vnus, verbi gratia, sit fortis, alter prudens, alius paulo prudentior: tamen quod singuli non poterunt, saltem præstabunt vniuersi, nimirum perfectam virtutem; alius fortitudinem, alius prudentiam, alius aliam conferens virtutem. quare eleganter Aristoteles & hoc loco & *infra cap. 11.* huius generis ciuitatem comparat cœnæ cuidam, quam Græci & Latini Comici vocant symbolam: quæ cœna non vnus, sed multorum instruitur sumptu, ut *apud Terent. & apud Plautum sæpe.* Eadem quoq; cōparatur vni homini, sed multipedi & multimano & multis oculis, auribus, cordibus & mentibus prædito. Nam tota multitudo, tanquam vnum corpus, ex disiectis partibus constat, ut homo vnus ex coniunctis. Ex hac autem multorum & sensuum & cordium coniunctione hoc boni manare ait Aristoteles, quod quemadmodum in aliis artibus, ut in Musica, in poetica, in pictura, melius quid iudicatur multorum oculis & auribus: ita & in Republ. si alius hanc rem, alius illam intelligat; melius tandem omnia ab omnibus examinabuntur & iudicabuntur. Vnus vir, ut est in prouerbio, nullus vir; qua de re eleganter *infra* dicetur.

Ἀλλὰ τὰ τὰ ἀγαθὰ ἄνθρωπων.] De differentia vero bonorum omnibus virtutibus præditorum, & eorum, qui more vulgi sunt boni viri, quia de his duobus generibus, vtri imperium tribui sit melius, agatur, explicat. Et primum quidem quemadmodum hi differant, eleganti similitudine explicat; nimirum quemadmodum pulcri differunt à deformibus, vel arte picta differunt à veris. Arte autem picta à veris ita differunt, quod in muliere, verbi gratia, vere & natura pulcherrima, omnia membra harmonia quadam de pulcritudine concertant, & omnes pulcritudinis notæ in vna reperiuntur: in arte autem factis reperiuntur illæ quidem, sed hinc inde conquistæ; & in vnum corpus ex variis conductæ; quemadmodum Crotonæ Helenam picturus Zeuxis in vnum locum omnes puellas conducendas curauit, quarum ex vna oculos, ex alia digitos, ex alia collum, ex alia comam exprimeret. Et ele-
gan-

gantissime *Lucianus* Pasitheim in imaginibus, & *Durerus* Norimbergæ, teste *Philippo in locis Manlii*. Quemadmodum igitur in vere formosa omnes sua sponte & natura adsunt pulcritudinis notæ, in picta & arte facta non sua sponte, sed conquistæ: ita etiam in viris bonis, vere quidem bonis inest καλοκαγαθία, in vulgo non item, nisi vniuerso coniuncto. hoc primum. Alterum, an hæc differentia etiam reperiat; an, inquam, talis multitudo reperiri possit, cuius singuli quidem non sint viri boni, sed vniuersi: Respondet *Aristoteles*, reperiri, & tamen non omnem talem multitudinem esse: nam esse quandam velut beluinam, ex qua *Democratia* extrema conflatur vt *Romæ* tempore *Ciceronis*, & *Athenis* tempore *Demosthenis*.

An inueniatur multitudo vniuersæ bonæ ex singulis non bonis.

T E X T V S.

Ex his igitur & priorem quæstionem quis dissoluat, & quæ ei est finitima, quarum rerum dominos oporteat esse liberos & vulgus ciuium. Tales autem sunt, qui neque sunt diuites, neque ullam virtutis habent dignitatem. Nam participes quidem illos esse maximorum imperiorum non est tutum. Nam propter & iniustitiam & imprudentiam partim quidem iniuriam facerent, partim vero peccarent; non communicare vero vel participare est formidolosum. Nam cum multi sunt inhonorati & pauperes, ciuitatem hanc necesse est hostibus esse plenam. Reliquum est igitur, vt illi consilij quidem & iudicij sint participes. Quare & Solo & alij quidam legumscriptores eos adhibent & ad Comitia & ad rationum relationem, imperare autem solos non sinunt. Nam omnes quidem coniuncti satis habent sensus; & melioribus mixti ciuitatibus sunt vtilis, quemadmodum cibus non purus cum puro omnem reddit exiguo vtiliorem: separatim vero singuli ad iudicandum sunt imperfecti.

COMMENTARI.

Διὸ καὶ τὸν ἄλλοτερον εἰρημύδην.] Explicata priore quaestione, paucis ne perfecte bonis, an multis leuiter bonis mandandum sit imperium: alteram adiungit, an vulgo seu multitudini magistratus sint mandandi & qui, quam quaestio- nem ait eadem ratione, qua priorem, explicandam. Ratio superioris hæc fuit, nimirum si singulos spectes, nulli magi- stratus iis videntur mandandi; quia sint & improbi & im- prudentes: quæ duo, improbitas & imprudentia, sunt omnium calamitarum ciuiliū causæ & fontes. Si vero vniuersos spe- ctes, qui iam sapiunt & intelligunt, præsertim aliis viris bo- nis coniuncti: hæc tunc iis aliquid committi poterit, nimi- rum id quod per vniuersos administrari solet: quod vt intel- ligatur, sciendum est Reipublicæ tria summa esse genera si- ue munera; Magistratus, Senatus, & Iudicis, qua de re infra lib. 6. & supra diximus hoc libro ab initio. Ex his tribus pri- mum per singulos, reliqua duo administrantur per vniuer- sos. Iudicia igitur & consilia per vniuersos administrari, ma- xime locum habebat in Græcia, & Romæ, vbi in concione populi & comitiis ea fiebant. Atque hanc suam sententiam confirmat quoque Aristoteles auctoritate Solonis & alio- rum legumscriptorum. Nam Solon instituta Athenis Re- publica magistratus solis ditioribus & patriciis permittebat; infimæ plebi hæc duo tantum dabat, ius designandorum magistratuum, & ius reposcendi gesti magistratus rationes: de quo Solonis instituto diximus supra lib. 2. cap. vlt. Idem institutum fuit & Romæ primis temporibus, & hodie est Norimbergæ. Nam si plebi nihil concedas, necessario se- quetur odium plebis aduersus alios; hinc seditiones, vt Li- uius lib. 4. Si omnia, etiam summos magistratus; iam peræ- que magnum erit periculum propter improbitatem & im- prudentiam plebis.

Similitudo. Πάντες.] Hoc iam explicauimus, singulos non satis per se sapere, sed vniuersos, maxime aliis sapientioribus & melio- ribus admixtos, quemadmodum eleganter Aristoteles; cibo non purus & incommodus vna cum sincero & commodo sumptus; quia multus & par alendo corpori vtilior est & me- lior cibo salubri illo quidem & bono, sed exiguo, & qui non sit alendo & tuendo corpori.

T E X T V S.

Verum hæc Reip. descriptio controuersia non vacat. Prima quidem, quia eiusdem esse videatur, iudicare, quis bene medicinam præbuerit, cuius & præbere & liberare morbo præsentē laborantem. hic autem est medicus. Eadem vero est ratio aliorum & vsuum & artium. quemadmodum igitur medicum rationem reddere medicis oportet: ita & alijs ciuibus alios. Medicus autem est partim opifex, partim princeps, & tertius peritus artis: nam tales quidem in omnibus fere sunt artibus. Iudicium autem committimus nihilo minus peritis, quam scientibus. Præterea & in cooptatione eodem modo se res habere videatur. Nam recte optare, opus & munus scientium esse videtur, vt & Geometram Geometrarum, & Gubernatorem Gubernatorum. Nam etsi de quibusdā quoque operibus & artibus intelligunt & idiotæ quidam; non tamen melius, quam docti. Itaque hac quidem ratione multitudo non sit facienda domina, neque Comitiorum, neque repositendarum rationum. Verum hæc fortasse non bene omnia dicuntur, cum propter priorem rationem, si multitudo non nimis sit seruilis (erunt enim singuli quidem doctis peiores iudices, vniuersi autem non meliores vel non deteriores:) tum quia de quibusdam non tantum is qui fecit, neque optime iudicent, quorum opera norint etiam, qui artem non teneant. Vt domum non eius tantum, qui fecit, est nosse, sed is quoque, qui ea vtitur, melius iudicabit. Vtitur autem paterfamilias, & gubernator.

bernaculum melius gubernator, quam faber, & epulum conuiuia, non vero coquus.

T E X T V S.

Ἐξ δὲ τῶν παλαιῶν αὐτῶν.] Institutum Solonis, quod modo & ipse probauit, ut plebi duo tantum permittantur, Comititia & ius reposcendarum rationum & comitiorum à magistratibus: hoc, inquam, institutum quemadmodum reprehendi possit, & rursus defendi, docet: duas affert reprehensiones: vnā vtrique reprehensioni deseruientem defensionem. Prior igitur reprehensio, cur, inquam, ne hæc quidem duo plebi sint committenda, hæc, inquam, magistratus & creare & postea examinare, hæc est; Quia ad hæc duo opus est iudicio; ad creandum quidem, ut idoneus eligatur, ad examinandum & exposcendas rationes, ut cognoscant, qua in re sit peccatum, & male res administrata. Sic igitur Aristoteles de rationibus reddendis prius argumentatur; Is optimus est rerum iudex, qui eas ipse gerit. Ergo & magistratuum, an bene sint gesti, is erit optimus iudex, qui eos ipse gessit. quare plebs iudex esse non potest, quia gerendi ius non habet. Antecedens inductione quadam confirmat Aristoteles medicinarum & aliarum artium. Nam an curatio recta fuerit nec ne, nemo certe melius iudicabit quam medicus; an oratio bene habita, nemo melius oratore: an testamentum bene scriptum, nemo melius IC. aut tabulario, &c.

*1. Ratio à-
ναρκουσι-
κῆ.*

*Maioris cō-
firmatio.*

*Digressio de
scientiarum
& artium
discrimine.*

Ἰατρὸς δὲ ὁ τε δημιουργός.] Elegans est locus de scientiarum membris & partibus, hoc consilio ab Aristotele hic interpositus, ut distinctius explicaret qui de rebus & scientiis veri & boni iudices esse possint. Ait igitur, in omnibus fere artibus tres reperiri personas, quas hæc vel illa ars non nihil attingat. Nam in singulis fere artibus, maxime practicis & effectricibus, ut in arte medendi, Iurisprudentia, Rhetorica, Architectura, pingendi arte, alius est opifex, alius princeps, alius denique peritus. Quid ita? Quia in artibus duo fere considerantur; habitus seu ars ipsa, & usus seu effectus: usus est vniuersimodi & vnā constituit personam, opificem: habitus est duplex, alter quidem præceptis & ratione, alter vero usu tantum & experientia comparatus. hinc duæ personæ: nam qui habitum comparauit ratione, doctus: qui usu & experientia, usu peritus Latine dici solet: Græci, & in his maxime

Aristo-

Aristoteles, hos duos habitus, alterum vel priorem vocat Ἐπιστήμη. *Ἐπιστήμη*, scientiam, alterum παιδείαν, & illo quidem prædi- *Παίδεια*.
 tos Ἐπιστήμους, hoc vero παιδευμένους, ut & hoc loco, & co-
 piose initio lib. 1. de partib. animant. & diximus supra latius
 lib. 1. Ethic. cap. 3. verbi gratia, in arte medendi tres sunt: v- 1. *Exempli*.
 nus princeps seu ὁρχηγεύων, quem vulgo vocant physi-
 cum; alii sunt velut opifices, quibus ille tanquam ministris
 præscribit, ut chirurgi, & qui vulgo dicuntur apothecarii;
 tertius est, qui habet medicinæ quandam cognitionem, sed
 ex usu tantum. Sic in agricola summus paterfamilias est ὁρχη- 2. *Exempli*.
 γεύων, famuli sunt tanquam opifices; est & tertius, qui
 non est illius scientiæ agricola, sed habet tantum aliquam
 cognitionem agricolendi. Ex his autem tribus iudicium seu
 iudicandi facultatem habent duo potissimum, princeps seu
 doctus & usu peritus: neq; enim minus commode & recte de
 rebus iudicant, qui eas usu cognorint, quam qui præceptis &
 ratione; qua ratione Aristoteles supra lib. 1. Ethic. cap. 3. adu-
 lescentes negat politicæ auditores esse idoneos; quia pro-
 pter ætatem de rebus humanis, quas usu cognitas nondum
 habent, iudicare non possunt.

Ἐπεὶ καὶ περὶ τούτων.] Nunc de altero, id est, de ipsa desi- 2. *Reprehē-*
 gnatione & delectu magistratuum, quos veteres Græci & *sio*.

Romani in comitiis rogare solent. Cur igitur ne hæc quidem
 pars plebi sit permittenda, hæc afferri potest ratio; Quia be- *Ratio*.
 ne deligere seu optare non sit cuiusvis sed docti. Formula sit
 ista: Dilectus est doctorum. Ergo magistratum dilectus est
 doctorum, id est, eorum, qui ipsi magistratus aliquando ges-
 serint, non plebis, cui ad magistratus non patet aditus. An- *Maioris cō-*
 tecedens inductione probat, nimirum exemplis aliarum *firmitas*.
 artium & officiorum, geometriæ & gubernatoris: nam de
 geometra, an sit bonus nec ne, verissime pronunciare pote-
 rit, qui ipse sit geometra; ut & de gubernatore, de medico, de
 imperatore: de hac difficultate eligendi magistratus dictum
 supra lib. 10. Ethic. cap. ult. & ut fateamur, indoctos & idiotas
 de operibus aliquid interdum boni iudicare, hoc tamen cer-
 tum est eos non melius iudicaturos, quam qui sint docti.

Ἀλλ' ὥς καὶ πάντα ταῦτα.] Hoc loco Aristoteles respon- 1. *Solutio*.
 det prioribus contradictionibus, easq; non impedire, quo
 minus hæc duo plebi sint permittenda: nam tametsi singuli
 non satis idonei sint iudices, vniuersi tamen collatis capiti-
 bus

2. Solutio.

Exemplū.

bus & communicatis consiliis iudicare recte poterunt, qui sint idonei, & an bene administrarint: præterea quod supra scriptum est, eos demum veros esse iudices & bonos, qui ea ipsa faciant & facere norint, non vsquequaque esse verum; quia sæpe cernere liceat, meliores quoq; rerum & operum esse iudices, non qui ea fecerint, sed qui illis utantur; ut de domo, an commode sit ædificata, melius iudicare potest, qui ea utitur, paterfamilias, quam faber ipse: ut de clauo aut gubernaculo melius gubernator, quam effector; de veste & calcei sæpe melius, qui utuntur, quam sartores & sutores. Ad eundem modum plebs etsi ipsa magistratum non gerit, tamen quia magistratus imperio utitur, & subest; Sæpe rectius videt, quid in hoc vel illo desideret, quam ipse qui præest.

T E X T V S.

Atque hanc quidem quæstionem hoc fortasse modo satis videatur quis explicare. Est autem huic proxima alia: nam absurdum esse videtur, malos, quam bonos, maiorum rerum esse dominos. Rationum autem reposcendarum potestas, & magistratum designatio res sunt maximæ, quas, ut dictum est, quibusdam in Rebus publicis populo permittunt. Concio namque omnium earum est domina. Atque concionis quidem partes sunt & deliberant & iudicant, qui minore sint censu, & cuiusvis ætatis. Quæstores vero sunt & Imperatores, summosque magistratus gerunt, qui in maiore sunt censu. Verum hanc quoq; quæstionem item quis dissoluerit: nam & hæc fortasse sunt recta: nam neque iudex, neque deliberator, neque concionator impleat, sed iudicium consensus & consilium & populus. Illorum autem quisque horum est particula. Particulam autem dico deliberatorem & concionatorem & iudicem. Quare maiorum rerum iure domina est multitudo: nam ex multis

multis populus & senatus & iudicum confessus;
atq; census horum omnium est maior, quam qui
est singulorum de paucis magnos magistratus ge-
rentium.

C O M M E N T A R I I.

Τῶντιν μὲν ἐν τῷ δ' ἀπορίᾳ.] Explicata priore contradi-
ctione & reprehensione instituti Solonii, alteram hoc loco
exponit & explicat. Sic igitur Soloni rursus occurri potest.
Formula: Res maximæ summis viris sunt permittendæ. Hæ
duæ autem res (magistratuum designatio, & rationum exa-
ctio) sunt gravissimæ. Ergo non plebi, sed præstantioribus
viris permittendæ. Plebi autem res eas duas permissas esse &
fuisse à Solone, ex eo facile intelligitur, quia fierent utraq; in
concione & comitiis, quorum participes erant non tantum
ditiores & honestiores, sed tenuissimi quique etiam infimo
mo censu, ὧντες. Respondet Aristoteles huic contradictioni
eodem modo, quo priori, nimirum eam quidem esse veram,
si singulos de plebe spectes, nimirum qui singuli sunt & ex
infimo censu, & pleriq; imprudentes & improbi: sed si vni-
versos spectes, iam neq; improbi, neq; imprudentes, neque
nimis tennes & pauperes erunt: adeo quidem, ut vniuersi
maiores constituent censum, quam vnus aliquis ditiorum,
cui tamen summi magistratus permitti possint.

3. Obiectio
seu repre-
hensio.

Solutio.

Καὶ τῆς τυχεύουσι ἡλικίας.] Ad graues & maiores magistra-
tus ætas quoque grauior sola accommodata esse videtur, ut
ne adulescentibus, sed viris cōstante ætate, aut senibus Rei-
publicæ partes ac munera credantur. At comitiorum Romæ
& in Græcia etiam adulescentuli erant participes: Romæ
anno ætatis 17. sumpta virili toga, Athenis anno 20. post-
quam in tabulas lexiarchicas essent relati. Quare Aristote-
les recte hoc loco, in comitiis seu comitiorum & concio-
num participatione neq; ætatis neq; census rationem habe-
ri, nimirum ut etiam infimo censu & adulescentes æque, at-
que viri & senes, ad ea admittantur.

Graviores
magistrati-
bus ætas
quoq; gra-
uior conue-
nit.

Græcorū &
Romanorū
institutum
vitiosum.

Οὐ γὰρ ὁ ἀριστοτέλης.] His verbis refellit Aristoteles alteram
contradictionem, quemadmodum paulo ante explicaui-
mus: nam comitiorum seu concionum auctoritas non est
penes vnum aliquem, hunc vel illum, sed penes totam mul-
titudi-

titudinem. Eadem est & senatus & iudicii ratio. Vniuersa concio, senatus & iudicium confessus præest, & ea, de quibus hic agitur, facit, non singuli, qui tantum sunt particulæ & membra vel concionis vel senatus, &c.

T E X T V S.

Hæc igitur ad hunc quidem modum sint explicata: quæ autem prima fuit allata controuersia, nihil aliud ita declarat quam leges debere esse dominas recte latas; magistratum autem, siue vnus siue sint plures, harum rerum esse dominos, quas exquisitæ leges nequeant complecti, eo quod non facile sit factu, vt vniuerse dicatur de omnibus. Cæterum quales oporteat esse leges, quæ bene sint latæ, neque dum planum; sed quod supra dubitatum, etiamnum manet. Sed enim necesse est leges quoque malas aut bonas esse pro Rebus publicis, & iustas vel iniustas. Hoc certe est perspicuum, leges Reipublicæ esse accommodandas. Verum hoc si ita est, intelligitur, bonis Rebus publicis accommodatas necessario esse iustas, digressas vero non iustas.

C O M M E N T A R I I.

Leges, si bona sint, satius est obtinere in Re pub. quam hominum arbitria. Quamã leges bonæ sint.

Ratio.

Ταῦτα μὲν ἔνδωκεν ὁ συγγραφεύς.] Explicata quæstione, an imperium penes multos, an vero penes paucos esse bonos debeat; breuiter hoc loco alteram quæstionem initio huius capituli expositam dissoluit, an imperium penes leges potius, an penes homines esse debeat? Ait igitur, penes leges potius esse debere; siquidem sint rectæ & bonæ: quæ autem sint rectæ & bonæ, quæ vitiosæ & prauæ, non paruum quoq; esse quæstionem; sed hanc quoque vno verbo hic explicat; eas quidem bonas esse, quæ bonis & rectis Rerum publicarum generibus sint accommodatæ; quæ vitiosis, vt democratiæ, tyrannidi, oligarchiæ; eas quoq; leges esse vitiosas & malas. Cur autem legum bonitas ex Rerum publicarum bonitate æstimetur, hæc est ratio; Quia leges necessario Rerum publicarum

blicarum generibus sint accommodandæ: aliæ namq; sunt leges in regno, aliæ in populo, aliæ in aristocratia necessariæ. Itaq; penes leges debet esse imperium, easq; bonas: ita ta- *Magistra-*
men, vt non nihil homini, id est, magistratui relinquatur, si- *tui quoque*
ue vni, id est, regi, siue pluribus optimatibus, &c. Cur autem *nonnulla*
& quædam magistratui sint relinquenda, hinc intelligitur; *sunt relin-*
quia leges cum sint præcepta quædam vniuersa & generalia, *quenda.*
fieri non potest, vt omnia legibus compræhendantur, sed *Ratio.*
quædam necessario magistratibus tanquam supplenda re-
linquantur. de quâ re diximus copiosius *supra lib. 5 Ethicor.*
cap. 10. Et de hac tota quæstione, de legum imperio, præclare
Iurisconsultus *in l. 3. cum 10 seqq. ff. de legib. & præclarissime*
Aristoteles *infra cap. 11. & 12.* vt verbi gratia; nemo qui est
in potestate patris, faciat testamentum.

C A P V T V I I I.

DVÆ huius capituli partes secari possunt: quarum in prio-
re, quæ *supra cap. 8.* sunt explicata, iterantur, nimi-
rum quare ius seu dignitas in Reipublicæ muneribus & ma-
gistratibus deferendis æstimetur: altera parte persequitur
institutam de summa Reipubl. disputationem. Nam prio-
re quidem capite de multis; hic de paucis, an penes pau-
cos summa ac imperium esse debeat, explicat, an vero pe-
nes vnum.

T E X T V S.

Quia autem in omnibus quidem scientijs &
artibus finis est bonum, maxime vero & maximū
in principe scientiarum: hæc autem ciuilis est fa-
cultas: est autem ciuile bonum ius: hoc autem est,
quod publice est vtile. Videtur autem omnibus
ius esse quædam æquitas: atque aliquatenus, con-
cinunt philosophicis disputationibus, in quibus
explicatum de moribus: aliquid namq; & aliqui-
bus est ius, atq; æqualibus æquale esse aiunt. Qua-
rum autem rerum æqualitas sit, & quarum inæ-
qualitas; oportet non ignorare. Id namque non
vacat controuersia & disputatione ciuili. Nam

fortasse quis dixerit ex omnis præstantia boni magistratus inæqualiter esse distribuendos, si omnibus alijs nihil differant, sed sint similes. Nam differentibus aliud esse ius, & id quod ex dignitate, verum. Si hoc verum, erit & ex colore & ex magnitudine, & ex quolibet bonorum prærogatiua civilium iustorum præstantibus: vel hoc perspicue falsum. Liqueat autem in alijs scientijs & facultatibus. Nam arte similibus tibicinibus non erit tibiæ prærogatiua nobilioribus danda: nihil enim melius tibijs canent. Oportet autem ei, qui opere præstat, organorum quoque dare præstantiam. Quod si ne hoc quidem satis clarum, etiam clarius erit latius deducentibus. Nam si sit aliquis, qui arte quidem tibia canendi præstet, superetur vero nobilitate aut forma, etsi quidque eorum bonorum arte tibia canendi est maius (nobilitatem dico & formam) & proportionem præstant multo arti canendi, quam ille arte canendi tibia: huic tamen tibiæ meliores erunt dandæ: debet namque ad opus iuuare præstantia & diuitiarum & nobilitatis: nihil autem iuuant. Præterea hac quidem ratione omne bonum cum omni sit comparabile. Nam si magis quod quadam magnitudine, omnino quoque magnitudo sit comparanda cum diuitijs & cum ingenuitate: ut si hic plus magnitudine præstet quam ille virtute, & plus magnitudo omnino virtuti præstet, omnia sint comparabilia. Tanta namque magnitudo si tantum sit maior; erit perspicue tanta æqualis. Hoc autem quia fieri non potest; clarum est, in rebus quoque civilibus de magistratibus non recte contendere ex omni inæqualitate: nam si hi
quidem

quidem tardi, illi vero celeres; minime propterea quidem oportet hos quidem plus, illos vero habere minus; sed in ludis gymniciis horum præstantia honorem capit. Verum ex quibus ciuitas constitit, de his oportet facere contentionem, id est, contendere.

C O M M E N T A R I I.

Ἐπεὶ δὲ τὸ πρῶτον.] Monet initio de ciuitatis fine seu extremis, eum esse & in bonis, & esse ius seu iustitiam: quæ præmunitio de fine ciuitatis eo pertinet, ut nos moneat, honorum distributionem ad illum quoque finem esse dirigendam, eosque honoribus digniores, qui ad eum finem plus confectant, ut supra quoque d. cap. 6. Sic igitur argumentatur à minore: si omnium scientiarum finis est in bonis, id est, bonum quoddam est. Ergo & politicæ scientiæ finis erit bonum quiddam. Antecedens explicatum est supra lib. 1. *Ethicor. cap. 1.* quin etiam finem politicæ non tantum esse bonum, sed optimum & summum bonum esse monet hac ratione; Quia ipsa omnium scientiarum sit domina & princeps. Formula: Quales scientiæ, tales & fines. Ergo quæ optima est & præstantissima scientia, eius quoque finis est præstantissimus: quæ omnia explicata supra lib. 1. & 2. *polit.* Quis autem politicæ sit finis, adiungit, nimirum esse iustitiam seu ius: in hac namque virtute maxime ciuitates continentur, eaque propter & reguntur. *ἡ ἀρετὴ* virtus dici solet, omnibus reliquis virtutibus antecellens, tanquam stellis lucifer, supra lib. 5. *Ethic.* Cognito iam fine politicæ, iure & iustitia, pergit Aristoteles explicare duas vulgi sententias, quarum altera ius vulgo æquitatem seu æqualitatem quandam definiebant, altera paribus paria tribuenda esse aiebant: utrumque, inquit Aristoteles, recte & philosophicis rationibus congruenter. Nam supra lib. 5. cap. 3. & 4. *Ethic.* hoc eleganter est explicatum, iustitiam esse quandam æquitatem seu æqualitatem: adeo quidem ut quæ duo sint æqualitatis genera, arithmetica & geometrica; duo quoque sint iuris & iustitiæ genera, permutationis & distributionis. Iuri quoque est consentaneum ut paria tribuantur paribus. Verum non satis vulgo hanc paritatem perpendebant, quibus ea in rebus sit posita, & vnde æstimanda. Nam

Finis ciuitatis.

Honorum distributio ad finem ciuitatis dirigenda.

Politica scientia finis bonis.

Imo optimum summumque bonum.

Ius seu iustitia finis politica.

Proclus super Plat. libro de Rep.

1. Vulgi de iure opin.

2. Opin.

Ἐπὶ νενομισ.

alii

alii quidem libertate, alii genere, alii diuitiis, alii virtute aut alia quadam re æqualitatem hanc & inæqualitatem seu præstantiam metiuntur. De hoc igitur videndum, an qualibet re pares vel impares in Republica de honoribus contendere debeant.

ἀναπύδου.

Ἐπεὶ δ' ἐν πάσαις.] Solet interdum Aristoteles omittere quam vocamus ἀνταπόδοσιν, vt hoc loco. Quia autem omnibus in scientiis finis est bonum; huic autem postea nihil est quod respondeat: quare accipiendum hoc quasi absolute, hunc in modum; omnibus in scientiis finis est bonum. Sic & *supra cap. 6. εἰ ἢ μήτε τὸ ζῆν μόνον ἐνεκεν.*

Τί γὰρ καὶ πῶς τὸ δικαίον.] Hæc verba quemadmodum sint accipienda, supra diximus; ius nimirum & iustitiam esse aliquibus, id est, non absolute, sed aliorum respectu dici. Virtutes aliæ sunt absolutæ, sola iustitia alios spectat. Videntur hæc verba spuria esse, neq; enim sunt necessaria; & π' γὰρ, obscurum est, quid sibi velit, & ab aliis aliter redditur, nimirum vel quid & quibus sit ius, vel ius est aliquid & aliquibus. Aptissima ea videtur sententia, quam supra attulimus; duo vulgo dici ius esse: æquitatem quandam, & paribus paria esse tribuenda.

Φιλοσοφία,
id est, πολι-
ψία.

Καὶ πῶς φιλοσοφίαν πολιτικὴν.] Verbum philosophiæ pro disputatione & σκέψει, vt rarum, est obseruatu dignum.

Ἰσως γὰρ αὐτὸ φαίη τις.] Nunc videamus de summa huius loci quæstione, nimirum quibus communicandi sint honores & magistratus, an pares iis qui vel vna aliqua re sint pares, reliquis impares; an impares iis, qui vna aliqua re sint impares, licet omnibus reliquis sint pares. Sic enim quidam existimant, hac ratione ducti, quia paribus paria, in paribus tribuenda sint imparia; verbi gratia, duo sint magnitudine seu forma, diuitiis, doctrina, virtute pares, genere solo impares, quos inter contentio sit de honoribus, vtri potius sint defe-

In honorib.
distribuen-
dis quid ob-
seruandum.

rendi? Aristoteles præclare docet, in distribuendis honoribus non omnium rerum paritatem seu æqualitatem spectandam esse, neque inæqualitatem, sed eam tantum & æqualitatem & inæqualitatem, quæ ad finem & opus ciuitatis seu Reipublicæ conferat & iuuet. Non omnium igitur habendam esse rationem, docet bifariam. Primo *φανερὸν δ' ἐκ τῶν ἄλλων.* exemplo aliarum artium. Nam quemadmodum in aliis artibus earum tantum rerum & præstantiarum habetur

tur

tur ratio, quæ ad vsum ipsius artis & finem sunt vtilis: cur non idem in hac arte præstantissima requiratur; verbi gratia, in arte tibia canendi duo sint de tibiis concertantes, quorum alter optime canat, sed de plebe, alter plane sit imperitus, sed nobilis; certe nemo erit tam absurdus, qui censeat, perito potius quam imperito dandas esse tibias; propterea quod genus ad opus & vsum artis, id est, ad canendum nihil iuuet. Sic in re nautica, in re militari, in omnibus artibus fieri solet aut certe debet. Quare ut in aliis artibus, ita & in hac ciuili non habenda est ratio formæ aut magnitudinis, pulchri coloris aut aliarum rerum ad vsum non iuuantium: etsi corporis dignitas & pulchritudo seu magnitudo reliquis virtutibus coniuncta non est aspernanda in honoribus & magistratibus. Nam & Lacedæmonii Regem Archidamum multarunt, quia uxorem pusillam propter diuitias duxisset, ex qua non reges, sed regulos esset procreaturus, ut est apud *Athenæum* libr. 3. *δειπνοσοφιστῶν*. & *Plutarch.* initio libr. de liberis educandis: quo loco Athenæus cum apud alias gentes, tum apud Æthiopes regna ait deferri solita pulchrioribus: & hinc poetæ quoque *Hom.* *Eurip.* *Virgil.* Heroibus formæ quoque dignitatem & corporis magnitudinem attribuere solent.

Exemplū.

ἐπὶ πανόρῳ.

Ἐπὶ κατὰ γὰρ τῶν τὸν λόγον.] Altera est ratio, cur non omnium rerum seu omnis præstantiæ habenda sit ratio in honoribus; quia sequeretur, ut quælibet res cum qualibet posset comparari, quod est absurdum & ἀδύνατον. Nam quæ res natura differunt, inquit libr. 7. *physica acroaseos*, comparari inter se nequeunt, ut animata & inanima, mortales & immortales; siue, ut libr. 10. *μετὰ φυσικῶν*, quæ non sunt eiusdem generis, illa non possunt comparari. Itaque physica cum politicis comparari nequeunt. Politica sunt virtutes, diuitiæ, nobilitas, libertas; physica, magnitudo & forma corporis, celeritas aut tarditas. Si ergo duo de honoribus inter se contendunt, alter corporis dignitate præstans, alter virtute: absurda sit contentio & comparatio, necesse est. Sic si duo concertent, alter quia diues aut nobilis, alter quia vir bonus; item non recta erit concertatio; quia toto genere hæc, propter quæ certatur, distent. Verba autem hæc sunt perobscura, quorum tamen ea est sententia & summa, quam attulimus; si, inquit, magis est, quod aliquam magnitudinem, id est, est, &

2. Ratio.

est, si (verbi gratia) vnus est pulchrior quam alter, ditior vel nobilior, & hi inter se concertent de honoribus, & pulchrior cum diuite cōparari, imo præferri velit; sequetur, vt quemadmodum homines inter se comparentur, pulcher cum diuite; ita & res, id est, pulchritudo cum diuitiis comparetur: at hoc est absurdum; quia res sint toto genere distantes. Si homines, ergo & res inter se comparabuntur. Nam vt vna res alteram superet, vt virtus pulchritudinem: fieri tamen potest, vt sit æqualis, atque adeo etiam rursus superetur. verbi gratia, tres sint virtutis partes, quæ superent quatuor partes pulchritudinis parte vna, fiet, vt quinque pulchritudinis partes tribus illis virtutis partibus sint æquales, & sex illæ pulchritudinis partes tribus illis virtutis partibus sint maiores. Et hoc est quod ait: τὸν γὰρ τε τὸ μέγιστον. Hæc igitur comparatio & absurda est & ἀδύνατον.

T E X T V S.

Bona igitur ratione honores vendicant nobiles & diuites. Oportet namque & liberos esse, & tributum conferentes. neque enim sit ciuitas ex egentibus omnibus, vt neque ex seruis. Verum si his est opus, certe & iustitia & bellica virtute: neque enim absque his ciuitas consistere potest; præter quod absque prioribus quidem ciuitas esse nequeat, absque his vero bene consistere. Ad hoc igitur vt ciuitas quidem sit, vel omnia vel horum quædam videantur recte contendere. ad bonam vitam vero disciplina & virtus iure maxime contendat, vt prius dictum est. Quia autem non omnium rerum æqualitatem habere oporteat vna tantum re æquales, neque inæqualitatem vna tantum re inæquales; necesse est tales omnes Respublicas esse aberrationes. Dictum est igitur & supr. omnes quodammodo iure contendere, absolute vero non omnes iure: diuites quidem, quia plus agri teneant: ager autem est res communis. Præterea

terea, quia in rebus contrahendis plerunque plus
ijs fidei habeatur; liberos vero & nobiles, vt inter
se finitimos: quia generosiores ignobilibus magis
sint ciues. Nobilitas autem apud singulos domi est
honorata: præterea quia verisimile est, meliores ex
melioribus. Est enim nobilitas virtus generis. Si-
militer dicemus & virtutem iure contendere. Iu-
stitiam namque virtutem esse dicimus ad societa-
tem aptam, cui necesse sit consequi alias omnes:
Sedenim & plures cum paucioribus. Etenim po-
tentiores & ditiores & meliores sunt, vt sumptis
pluribus ad paucos.

C O M M E N T A R I I.

Διόπερ δὲ λόγῳ.] Postquam explicauit, qui nullo iure de
honoribus & magistratibus contendere videantur: nunc de
his, qui aliquo iure, & de his qui optimo iure de iis contem-
dere debeant. Qui igitur de honoribus iure contendant, vno *Qui iure*
verbo eos esse definit, ex quibus ciuitas consistat, id est, eos *possint de*
qui ciuitatis sint partes, de quibus infra quidē accuratissime *honoribus*
lib. 7. cap. 8. & 9. hic breuiter quatuor fere esse ait, diuites, in- *contendere.*
genuos & nobiles, virtute præditos, & paucos cum multis
comparatos: ex quibus tres tantum primi ciuitatis sunt par- *Discrimen*
tes. quos inter tamen hæc est differentia quod absq; duobus *inter ipsos.*
prioribus, diuitibus & ingenuis, ciuitas plane esse non possit;
absq; tertio, id est, virtute prædito recte esse non possit. Po-
test namque esse ciuitas etiam, vbi omnes sunt improbi, sed
non beata, neque recta & vera. Nam beatæ ciuitati necessa- *Virtutes*
ria est virtus, beatitudinis effectrix. Virtus autem, quæ in ci- *ciuiles.*
uitate maxime dominatur, est duplex; iustitia domi & in pa- *Proclus su-*
ce, fortitudo foris & in bello. Hi igitur non absque ratione *per Plat.*
de honoribus contendere dicendi sunt, vt qui sint summæ *lib. de Re-*
ciuitatis partes. Verum in eo peccant, quod, cum aliquo *publ.*
tantum iure nitantur, optimo se iure niti existiment; siue, vt *Qua in re*
loquitur Aristoteles, cum aliqua tantum in re sint pares, ita *peccent.*
agant, quasi omnibus in rebus sint pares. Diuites quidem *Diuitum*
hoc iure nituntur, quia & agri partem teneant maiorem, & *prætextus.*
plus iis fidei habeatur in rebus contrahendis, quibus rebus
quodam-

*Ingenuorum
prætextus.*

*Virtute
præditi quo
iure nitantur.*

*Multitudinis
prætextus.
ἐν πλείστοις.*

quodammodo magis videantur esse ciues quam alii. Nobiles & ingenui hoc iure nituntur, quia & libertate præstent seu ingenuitate, & virtute quoque præstare videantur, propterea quod boni ex bonis nascantur : qua de re dictum *supra lib. i. cap. 4.* his, inquam, duabus rebus freti ingenui honores sibi arrogant. Virtute denique præditi iustitia, quæ virtus est ciuilis & ad societatem apta, quia omnes alias virtutes ea in se complectatur, merito & ipsi de honoribus propter huius virtutis excellentiam contendunt. Postremo multum cum paucis; verbi gratia, multitudo cum paucis diuitibus vel nobilibus iure de honoribus contendunt: quia fieri potest, ut multi hi coniuncti paucos opibus, diuitiis, & virtutibus superent, quemadmodum *supra cap. pr.* diximus. Verum ex his omnibus diuites quidem & nobiles seu ingenui ad hoc, ut sit ciuitas, iure contendunt (nam ad tributa conferenda opus est diuitibus, & ciuitas est non seruorum, sed hominum liberorum societas.) Ut autem bene beateque viuatur, & beata ut sit ciuitas; rectius de honoribus contendat virtus, ut & *supra dictum cap. 6.*

*Nobilitatis
& ingenui-
tatis simi-
litudo &
discrimen.*

Οἱ δὲ ἐλεύθεροι καὶ ἀγενεῖς.] Liberos homines & nobiles ait esse affines; quia utrique natalibus æstimentur & genere. quare hos Aristoteles sæpe coniungere solet, ut *supra lib. i. cap. 4* & utrique ingenui dici possunt: differunt tamen, quod nobilitas natalium seu generis sit virtus, id est, præstantia; libertas non item. Quod autem adiungit, apud omnes gentes domi honoratam esse nobilitatem, & bonos ex bonis nasci; explicatum est *supra lib. i. cap. 4.*

T E X T V S.

Ergo si omnes in vna sint ciuitate, boni, inquam, & diuites & nobiles, aliaque præterea multitudo ciuilis; an erit controuersia, quos imperare oporteat, an non erit? Et quidem in quaque Republica earum, quæ supra sunt explicatæ, in controuersum est iudicium, quos imperare oporteat. Principatibus namque inter se differunt: verbi gratia, ut hæc quidem eo qui penes diuites, illa vero eo, qui penes viros bonos, & quæque aliæ eodem modo. Ve-

do. Verum tamen quærimus; hæc eodem tempore cum adsunt, quomodo sit statuendum? Si igitur valde pauci sint numero, ijque virtute præditi; quomodo sit statuendum? An paucitas ad opus sit referēda, si ciuitatem administrare possint? An tot numerō esse debeant, vt ex ijs ciuitas consistat? Est autem quæstio quædam in omnes, qui de ciuilibus honoribus contendant. Nam qui propter diuitias imperium affectant, nullo iure niti videntur; similiter & qui propter genus. Nam perspicuū est, si vnus aliquis omnibus sit ditior, hunc illo iure vnum omnibus imperare debere: ita & nobilitate præstantem propter libertatem concertantibus. Quod idem fortasse & in Aristocratijs propter virtutem eueniet. Nam si vir vnus aliquis reliquis sit melior viris bonis in Republica constitutis, eodem iure hunc principem esse oportet: quare & si multitudinem oportet esse principem, quia potiores sint paucis, siue vnus sit, siue plures quidem vno, pauciores vero multis, & alijs sint potiores; hos oporteat potius esse principes, quam multitudinem. Ex his igitur omnibus perspicuum fieri videtur, horum finium nullum esse rectum, quo cupiant ipsi quidem imperare, alios vero ipsis parere omnes. Nam aduersus eos quoq;, qui propter virtutem principes Reip. esse cupiant, item & aduersus eos, qui propter diuitias, multitudines iustam rationem, quam afferant, habent: nihil enim vetat interdū multitudinem paucis esse meliorem & ditiores, non vt singulos, sed vt vniuersos. Quare & quæstioni, quam mouent & afferunt quidam, hūc in modum occurri potest: nam sunt,

A a qui

qui quærant, legumscriptori, qui leges rectissimas ferre velit, vtrum leges scribendæ sint ad meliorum vtilitatem, an ad plurium, cum id quod dictum est, plærumq; euenit. Fortasse autem, quod rectum, sumendum est. Rectum autem fortasse ex totius ciuitatis vtilitate, & ciuium communi. Ciuis autem vniuerse quidem, qui imperandi & parendi est particeps: pro singulis vero Rebus publ. alius: in optima denique, qui possit & velit parere & imperare vitæ ex virtute congruenter.

C O M M E N T A R I I.

¹ Ἀρ' ἔν ἐι πάντες εἶεν ἐν μιᾷ πόλει.] Persequitur quæstionem de imperio, admixta & illa de principatu, de qua *supra*

1. *Quæstio. cap. prox.* Quæstionem igitur de imperio & magistratibus seu honoribus facit velut bimembrem. Nam vel quæri potest in quaque Republica quid sit dicendum, vt in democratia, in oligarchia, &c. quos in quaque magistratibus præesse oporteat. Et hanc quæstionem facile dissolui posse, nimirum vt hi magistratus capiant, penes quos est Reipublicæ principatus, vt in democratia omnes, in oligarchia pauci diuites aut nobiles. Vel cum vsuuenit, vt in vna eademq; ciuitate omnes hi concurrant ordines, diuites aliqui, & nobiles, & viri boni, & alia quædam multitudo plebis & ciuilis: hæc

2. *Quæstio.* difficilior est quæstio, vtrum his omnibus distribuendi sint magistratus, an vni tantum ordini? Nituntur quidem singuli suo quodam iure, diuites, nobiles, boni, & multitudo, vt paulo supra explicatum; singulis tamen sua sunt, quæ ob-

Argumentum aduersus diuites. tantum vindicandis, exclusis aliis. Nam diuitibus ita occurrere potest; si diuites soli magistratus capere debeant propter diuitias: ergo si, vt accidere potest, vnus aliquis reperiat omnibus diuitibus tamen ditior, necessario hic vnus solus præesse debet: atque ita contra diuitum *πλεονεξία* & institutum ciuitatis status non erit oligarchicus, sed monar-

Itemq; nobiles aut virtute præditos. chicus. Eadem ratione occurrere potest paucis, qui propter vel nobilitatem vel virtutem, vt illi propter diuitias, se solos magistratibus præesse debere contendunt. Multitudini denique

hique seu multis hoc iure nitentibus, quia opibus & potentia propter multitudinem paucis præstent, ita occurrere potest. Quid enim si vnus aliquis, vel saltem pauci reliquæ toti multitudini opibus & potentia præstent: sequetur profecto, non multitudinem, sed vel vnum vel paucos, vtpote opibus præstantes, imperare debere. Hac igitur ratione & multitudinis ius euertitur à paucis, quos tamen & rursus illa refellere potest, vel diuitiis, vel virtute glorianes, hac ratione; quia sæpe euenire possit, vt multitudo paucos, non singuli quidem, sed vniuersi, vt & *supra cap. 7.* & virtute & diuitiis superent. Ex his intelligitur, iura hæc omnia, diuitias, genus seu libertatem, virtutem & opes seu potentiam (quæ iura Arist. *spes* hic vocat) nulla esse idonea ad vindicandos sibi omnes honores & magistratus in ea ciuitate, vbi quatuor illa hominum genera & ordines reperiuntur. Quid ergo dicendum? Hoc ex ea, quam adiungit, quæstione intelligi poterit.

Argumentum aduersus multitudinem.

Conclusio.

Διὸ καὶ αὐτὸς τὴν ἀπορίαν.] Quæstio eo tempore vñtata, aut certe quam quidam mouerint philosophi, An leges rectissimæ bonorum virorum, an vero multitudinis utilitatem spectare debeant, dissoluitur hoc loco ab Aristotele, hac de causa hic adiuncta; quia eadem ratione & hæc de legibus, & prior de magistratibus seu honoribus explicetur. In honoribus igitur & magistratibus deferendis & in legibus recte scribendis non habendam esse docet rationem vel diuitum, vel bonorum, vel nobilium, vel multitudinis, nec huius aut illius duntaxat ordinis utilitatem sed communem totius Reipublicæ spectandam & bono legum scriptori propositam esse debere. Sic enim de legibus argumentatur: Rectas leges scribere volenti rectum propositum esse debet: Ergo nō huius vel illius ordinis, sed commune Reipublicæ bonum & quod omnibus quibus conducat. Nam hoc esse rectum, commune, inquam, bonum, prauum vero quod huic vel illi ordini tantum conducat, explicatum est *supra cap. 5.* quemadmodum & præclare *Cic. lib. 1. Offic. ex Plat. lib. 7. de Repub.* Omnino, inquit, qui Reipublicæ præfuturi sunt, duo Platonis præcepta teneant: vnum, &c. Alterum, vt totum corpus Reipublicæ curent: ne, dum partem aliquam tuentur, reliquas deserant, &c. Qui autem patri ciuium consulunt, partem negligunt; rem perniciosissimam in ciuitatē inducunt, seditionem atque discordiam; ex quo euenit, vt alii popula-

Cuius utilitatem spectare debeant leges.

Ratio.

*Cui magi-
stratus &
quinā mā-
dandi.*

res, alii studiosi optimi cuiusque videantur, pauci vniuerso-
rum. Idem grauiter monet & *Plato lib. 4. de legib.* Itaque de
priori quoque quæstione ita est statuendum: cum quatuor illi
ordines in ciuitate reperientur, magistratus & honores non
vni, sed omnibus esse deferendos, maiores tamen viris bo-
nis, diuitibus & nobilibus; minores reliquæ multitudini:
quæ si omnium honorum sit expers, siue dubio hostili in
Rempublicam & eius statum animo sit futura, vt supra di-
ctum & *infra initio lib. 5.*

Ciuis quis.

Πολίτης δὲ ἄνθρωπος.] Quia modo dixerat, spectandum esse
commune omnium ciuium bonum; adiungit, quis dicen-
dus sit ciuis: & eleganti epitome complectitur totam primi
capitis disputationem. Vniuersæ quidem hunc esse ciuem,
qui & imperandi & parendi sit particeps: singulariter vero &
proprie ciuem definiendum esse pro Rerum publ. generibus.
verbi gratia, in Aristocratia qui velit & possit præesse & pa-
rere ad bene beateque viuendum, seu scopo virtutis proposi-
to: in Oligarchia qui idem norit, sed scopo diuitiarum pro-
posito.

C A P V T IX.

*De præstā-
tia virtutis
aut ciuilib
potentia.*

PERSEQVITVR institutam de imperio disputationem
vnius potissimum aut paucorum, si magna sit præstantia
virtutis aut ciuilib potentia, An huic vni vel paucis virtute
præstantibus imperium totius ciuitatis sit dandum. In qua
quæstione explicanda insignem locum communem de præ-
stantia seu exsuperantia virtutis, aut ciuiliū opum, aut ci-
uilib potentia copiose tractat. Cuius disputationis hæc est
summa; præstantiam in omni quidem Republica tam bona
quam vitiosa, sed in hac maxime cauendam, idque ab initio
Reipublicæ instituendæ; quæ tamen si prætermiſſa fuerit, re-
media quoque, quibus ea reuocari possit, commemorat. De
eadem præstantia & *supra lib. 1. cap. 3. in princ.* & eleganter
Cicer. lib. 5. Tuscul. quæst. Est apud Heraclitum physicum de
principe Ephesiorū Hermodoro (qui patria eiectus & Ro-
mæ exul postea Decemuiros iuuit in conscribendis legibus
duodecim tabularū, teste *Plin.*) vniuersos ait Ephesios mor-
te multandos, quod cum ciuitate expellerent Hermodo-
rum ita locuti sunt: Nemo de nobis vnus excellat; sed si
quis exstiterit, alio in loco & apud alios sit. An non hoc ita
fit o.

fit omni in populo? nonne omnem exuperantiam virtutis oderunt. Quid Aristides? (Malo enim Græcorum quam nostra proferre) nonne ob eam causam expulsus est patria, quod præter modum iustus esset? *Cornelius Nepos in vita Aristidis.*

T E X T V S.

Si autem vnus est aliquis, qui adeo virtutis exsuperantia præstet, vel vno quidem plures, sed qui explementum ciuitatis efficere non possint: vt aliorum virtus omnium, aut ciuile eorum potentia cum illis, siue sint plures, siue vnus, sit comparanda: hi non sunt faciendi ciuitatis partes. Nam adeo & virtute & ciuili potentia impares si paria capiant, iniuria afficientur. nam talem probabile est esse tanquam Deum inter homines. quare & leges necesse est scribi in pares & genere & potentia, in hos vero nulla est lex: ipsi namque sunt lex. Etenim ridiculus sit, q̄ in hos leges conetur scribere. Nam dicerent fortasse, quæ Antisthenes leporibus concionantibus, omnesq; paria habere volentibus, Leones respondisse dixit. Quare & ostracismum propter talem causam ciuitates, quæ Democratia vtuntur, instituunt: hæc namque omnium maxime æqualitatem persequi videtur, vt eos, qui opibus præstare propter diuitias aut clientelas aut aliam ciuilem potentiam viderentur, ostracismo punierint, & ex ciuitate ad certū tempus eiecerint. Fabulis quoq; fertur Hercules tali de causa ab Argonautis relictus: neque enim Argo voluisse eum vna cum alijs ducere, vt vectoribus longe præstātem. Quare & ij, qui tyrannidem reprehendunt & consilium Periandri Thrasybulo datum; non omnino bene reprehendere sunt

putandi. Nam ferunt, Periandrum legato de consilio misso nihil quidem dixisse, sed spicis eminentioribus vel exstantibus sublatis segetem æquasse. Cuius quidem rei causam legato ignorante, rem ipsam vero exponente, Thrasybulum vidisse, viros præstantiores de medio esse tollendos. Nam hoc non tyrannis tantum conducit, neque soli faciunt tyranni, sed eadem est & Oligarchiarum & Democratiarum ratio. Ostracismus namq; eadem quodam modo vim habet diminuendo præstantiores, & in exilium agendo. Quod idem aduersus ciuitates & gentes, qui dominantur, faciunt: vt Athenienses quidem aduersus Samios & Chios, & Lesbios. Nam cum imperium celerius tenerent vel occupassent, eos contra pacta deminuerunt. Rex vero Persarum Medos & Babylonios, aliosq; elatiores, quia imperassent aliquando, sæpe præcidit. Quæstio est autem generalis de omnibus Rebusp. etiam rectis: nam deprauatæ quidem, priuatum bonum spectantes, id faciunt: sed res eodem se modo habet in ijs, quæ commune bonum spectant: quod perspicuum alijs quoque in artibus & scientijs. Neque enim pictor animantem sinat pedem quamuis pulcrum habere iusta ratione maiorem, neque nauium faber puppim, vel quam aliam nauis partem, neque præcentor eum, qui altius & clarius, quam totus Chorus, canat, vna canere sinet. Hac igitur re nihil quidem vetabit ciuitatibus concinere Monarchas, si suo imperio ciuitatibus vtili hoc faciant. Itaque Ostracismi ratio in præstantijs certis iure quodam ciuili niti videtur. Quare melius est quidem, legumscriptorē prin-

principio ita quidem Rempublicam temperare, hac vt medicina non sit opus. Secundo vero cursu si accadat, dare operam, vt huiusmodi emendatione emendetur: quod quidem in ciuitatibus fieri non solet. Neque enim ad vtilitatem Reipublicæ proprie spectabant, sed vitiose ostracismis utebātur. Quare in deprauatis quidem Rebus publicis proprie quidem hoc esse vtile & iustum liquet: fortasse vero & hoc liquet, idem non esse absolute iustum. Verum in optima Republica hoc est controuersum magnopere, si qui non aliorum præstantia bonorum, vt virium & diuitiarum & clientelarum, sed virtutis antecellat, quid sit faciendum: neque enim talem ex ciuitate pellendum & eiiciendum quis dixerit, multoque minus illi imperandum. Nam peræque id esset, atq; si Ioui quoque, partitis imperijs, imperare velint. Reliquum est igitur, vt omnes libenter huic pareant, & tales in ciuitatibus reges sint perpetui.

C O M M E N T A R I I.

Εἰ δὲ τις ἐστὶν εἰς τὸ πρῶτον.] Summa huius capitis, vt supra monuit, quæstio, An si vnus aliquis in ciuitate reliquis virtute aut aliis opibus antecellat, vt reliquorū virtus omnium cum vnus huius virtute non sit comparanda: an huic vni imperium in reliquos ciues sit tribuendum. Eadem est & de paucis quæstio, quorum tanta sit virtus & opes tantæ, vt reliquis quantumuis multis antecellant. Hanc quæstionem Aristoteles ita explicat, vni huic, si quando reperiatur, imperium esse tribuendum. Rationes has affert. 1. Quia imparibus non tribuenda sint paria: quare cum huic vni reliqui omnes non sint pares, iniqua peterent, si imperium cum ipso, tanquam partiri, vt pares, ambitiose cuperent, non secus, inquit Aristoteles, atque si cum Ioue dii imperium partiri velint: quorum tamen vniuersorum potestas non est ea, quæ cum vnus Iouis potestate comparari possit: quod aurea sua

1. Ratio.

ὁμοίωσις.

copula seu fune indicauit Homerus. Nam si qua aliorum est potestas, est finita, Iouis est infinita. Iam notum est, rerum finitarum & infinitarum nullam esse inter se comparisonem aut proportionem. Iniquum igitur sit huic ab aliis imperari.

2. Ratio.

II. Quia aduersus talem tam præstantem virum ridiculum sit ferre leges, minime certe necessarium. Nam legum hic est scopus, ut ciues in officio contineantur, & ad virtutem vi quadam ciuili compellantur, ut præclare Aristoteles supra lib. 5. & ult. *Ethic.* & Plato lib. 12. de legibus. Hi autem præstantes virtute viri sua sponte recte & honeste viuunt, quod alii legibus coacti. Ex malis, ut dicitur, moribus leges: viro bono nulla lex scripta, ut & Paulus Apostolus cap. 5. ad Galat. & 1. ad Timoth. 1. Nam, ut eleganter Aristoteles, viri boni ipsi sunt leges, ut qui suo quoque exemplo alios ad virtutem excitent.

Approbatio

Ridiculum autem fore, hos viros legibus velle cōstringere, docet apologo & dicto Antisthenis. Nam cum olim beluarum in comitiis lepores pares partes capturaræ omnibus diuidendas suaderent; leones, ait Antisthenes, respondisse hoc fortasse, lepores prius docere debere, omnium pares quoque in captura obtinenda vires & robur fuisse. Ad hunc fortasse modum responderunt leones. Sed ratio leoni-na potius hæc videtur fuisse, lepores ita concionantes arreptos deuorare, quam argumētis cum iis contendere; quemadmodum cum humilioribus solent potentiores, quibus leones hinc comparantur. Et sic Aristophanes, ni fallor, alicubi hæc eadem commemorat. Superuacaneum igitur & ridiculum sit, ferre leges in viros tam præstantes & potentes: quæ ex re intelligitur leges in pares esse ferendas; pares, inquit Aristoteles, genere & potentia. Vbi generis nomine intelligitur conditio personæ, ut virtute præstantes genere differunt à communibus & mediocribus hominibus, potentes ab humilibus, nobiles à plebeis. Nam si lex in impares feratur; vana ut sit, necesse est, ut cui potentiores parere sint recusaturi. Si igitur in virtute aut opibus præstantes nullæ sunt leges: ergo nec imperium, culus vincula & nerui sunt leges. Quare potentes ut neque sub legibus, ita nec sub imperio esse debent, sed aliis potius imperare, siue ii sint pauci, siue vnus reliquis antestans.

Genus.

De ciuium
aqualitate.

Διὸ καὶ πῶς τὸν ἀσπίστη μὲν.] Hoc loco Aristoteles insignem illum locum de æquitate seu de æqualitate ciuium, & de non

de non ferenda vel vnius ciuis exsuperantia, explicare ordi-
tur. Et primum quidem hanc rationem & viam vſitatam & iustam quodammodo docet eſſe in tribus vitioſis Rebuspub.
Democratia, Tyrannide & Oligarchia: deinde in bonis quo-
que Rebuspubl. eandem non eſſe improbandam, non quo
hæc ratio abſolute & per ſe ſit iuſta aut probanda, ſed quia
Reipublicæ ita expediat. Nam per ſe & abſolute eam eſſe
iniuſtam. Et in Democratia quidem eam fuiſſe vſitatam, do-
cet argumento oſtraciſmi. Nam Athenis potiffimum, quæ
ciuitas Democratia vtebatur, ſi quis ciuium vel gloria mili-
tari, vel diuitiis, vel affinitatibus & amicorum copiis, aut ſi-
mili potentia ciuili vel virtute etiam reliquis omnibus ciui-
bus antecelleret, eum ſolent vrbe pellere exilii quodam ge-
nere, quod Oſtraciſmum vocabant: quia oſtracis, id eſt, te-
ſtulis eius, qui pellendus eſſet, nomen inſcriberetur, vt eſt a-
pud *Plut. in Ariſtide & in Pericle*, ne vir cæteris tantum an-
tecellens ciuitatis ſtatum mutaret: quæ fuit vera oſtraciſmi
cauſa & vſus: eſt Athenis eo ſæpe ſunt abuſi, in exilium pel-
lendo etiam non ita potentes, ſed in quos inuidiam vel odiũ
aliquod conceperant. Et hoc eſt, quod ait: ὅπερ ὁ δὲ ἐχέμετο
ἐκ τῆς πόλεως. Sic Themiftoclem, Cimonem, Thucydi-
dem, Alcibiadem, Ariſtidem, ciuitate expulerunt. Sic & Ro-
mani Scipionem liberæ ciuitati nimis potentem in exilium
exegerunt. *Linii lib. 38.* Alii neminem vnum ciuem tan-
tum eminere debere vt legibus interrogari non poſſet, nihil
tam æquandæ libertatis eſſe, quam potentiffimum quemq;
dicere cauſam, &c. Idem ciuitatum ſeu Democratiarũ con-
ſilium commemorat & *lib. 2.* Nunc monebant etiam ne ori-
entem morem, pellendi Reges, inultum ſinerent: ſatis liber-
tatem ipſam habere dulcedinis, niſi quanta vi eam ciuitates
expetant, tanta regna reges defendant, æquari ſumma infi-
mis; nihil excelſum, nihil, quod ſupra cætera emineat, in ci-
uitatibus fore. Sic & Ephēſii eiecerunt Hermodorum, Car-
thaginenſes Annibalem. Quare & *Cicero* hanc æquitatem
ſeu æqualitatẽ diligenter in Rebuspublicis ſeruandam mo-
net, eoſq; accuſat, qui nimia ambitione inter ciues excellere
concupiſcant. Nam difficile eſt, inquit *lib. 1. Offic.* cum præ-
ſtare omnibus concupieris, ſeruare æquitatem, quæ eſt iu-
ſtitia maxime propria, ex quo fit, vt neq; diſceptatione vin-
ci ſe, nec vſlo publico ac legitimo iure patiantur, &c. Sic &

1. Ratio.

2.

I.

In Demo-
cratiis.Oſtraciſ-
mus.

Abuſus.

Exempla.

II.
In Tyrannide.

Hanno de adulescente Annibale *apud Liu. lib. 21.* An hoc timeamus, ne Amilcaris filius, &c. Ego istum iuuenem, inquit, domi tenendum sub legibus, sub magistratibus docendum viuere æquo iure cum cæteris sentio. Talem *Thucydides* describit *Pausaniam lib. 1.* & *Cicero Casarem lib. 1. Offic. in Epistolis & Philippicis*, ubi & Antonii nimiam potentiam, & liberæ ciuitati nimium grauem accusat. Eadem est & tyrannorum ratio. Nam & hi viros fortitudine, prudentia & iustitia, his, inquam, tribus virtutibus excellentes, vt ait *Xenophon in Hierone tyranno*, aut alioqui alios primores potentia præstantes vel necare vel expellere solent salutis seu incolumitatis & suæ & dominatus sui causa: quod exemplo *Periandri Corinthiorum* & *Thrasymbuli Milesiorum* tyranni ostendit: quod consilium *Thrasymbuli Periandro* datum commemorat *Herodotus in Terpsichore*; & imitatus est *Tarquinius Superbus apud Liuium lib. 1.* Huic nuncio quia, &c. Idem consilium & rationem secutus est & *Iason in Hercule* relinquendo. Nam *Iason* cum multis viris principibus (*Argonautas* vocant) in *Colchos* nauigans *Herculem* vnum reliquit; quia, inquit *Aristoteles*, reliquis comitibus nimis antecederet: etsi relictus *Herculis* multiplices causæ afferuntur. *Scholiastes Theocriti Idyll 13.* hanc affert; Quia *Iuno* hoc sit machinata, vt gloria eius expeditionis non *Herculis*, sed tota esset *Iasonis*. *Scholiastes Apollonii lib. 1.* hanc affert; Quia, cum omnes *Argonautæ* remos ducerent, *Hercules* suum fregerit, & nauem *Argo* in latus inclinauerit, pene vt aquam acciperet. Eadem est & *Oligarchiæ* ratio, ubi &, si qui cæteris virtute vel opibus præstet expelli solet, & conducit statui, ne, Imperio tandem ad hunc vnum deuoluto, mutetur *Reipublicæ* status. Neque vero hæc ratio in singulos, sed in vrbes quoque & gentes valere debet, vt si qua sit ex multis ciuitatibus & prouinciis, quæ vni imperio pareat, quæ inter cæteras caput, vt ita dicam, efferat, eius potentia & spiritus sint minuendi, quemadmodum olim *Athenienses* represserunt *Samios*, *Chios* & *Lesbios*, *Herodot. lib. 1. & ult.* Reges *Persarum*, *Medos* & *Babylonios*, *Romani Campanos*. *Cic. de leg. Agrar.*

III.
In Oligarchia.
Eadē ratio aduersus vrbes & gentes.

Τὸ κολᾶειν τὰς ὑπερέχουσας.] Sic hunc locum emendauit *Petrus Victorius in libris variarum lect.* Vulgo perperam κολᾶει. Nam κολᾶει in hac notione pro eo quod est vires alius cuius

cuius frangere, & velut alas præcidere, sæpe vititur Aristoteles, vt supra *lib. 2.* vbi de Arcopagi auctoritate imminuta, & infra *lib. 5.* vbi hoc Periandro datum à Thrasibulo consilium item commemorat, & vnde hæc sumsit Aristoteles ipse, primus Herodotus, καὶ ἐκκόλλει τὰ χυαί, præcidebat spicas. Eadem translatione verbo ἐπικόπτειν vititur infra, quasi contundere.

Τὸ δὲ πρὸς ἀληθείαν καὶ ὅλας ἀεὶ πάσας.] Nunc de rectis Rebuspubl. an & in his ea viros præstantes non ferendi ratio sit probanda. Nam disputatio, inquit Aristoteles, nobis non est de hac vel illa, sed de omni Republ. Philosophorum namq; disputationes solent esse generales. Et de vitiosis quidem Rebuspublicis facilis est quaestio, cur ea ratio illis probetur: propterea quod non commune, sed priuatum illis bonum & commodum sit propositum; nimirum quibus satis sit, vt in suo statu conseruentur quacunque ratione & via, etiam improba & iniusta. Verum de bonis Rerumpublicarum generibus, quibus bonum publicum & commune est propositum, difficilior est quaestio, propterea quod ea ratio per se & sua sponte sit iniusta & improba & tyrannica, iusta tamen κατὰ τὴν, nimirum quia Reipublicæ status eâ conseruetur. Aristoteles igitur hanc de bonis Rebuspublicis quaestionem ita explicat: hanc rationem his quoque Rerumpublicarum generibus esse utilem, quod aliarum exemplo artium confirmat, pingendi, naues ædificandi, & canendi. Quare & bonos reges hac vti posse, qua non tantum ipsis, & ipsorum incolumitati & dominatui, sed ciuitatum quoque & parentium ocio & quieti consulatur. Et hoc est, quod ait: ὥστε ἀπὸ τῆς τοῦ, &c. Quemadmodum rex Hispaniæ Ferdinandus Magni Con-

I V.
In rectis Rebuspubl.

Argument.
à simili.

Exemplū.

Βέλτιον μὲν ἔν τῶν νομοθετῶν.] Præclarum est Aristotelis præceptum politicum: aduersus mala & incōmoda ea principio constituendarum Rerumpublicarum potius cauenda, quam constitutis iam Rebuspublicis remedia iis quaerenda: quod iteratur infra *lib. 5. cap. 3. & alibi.* Quare melius quoque esse, vt ita Respubl. instituantur, & ciuium opes exaquantur, ne vnus aliquis postea ita excellere possit: quæ tamen si omissa fuerit cautio, ad hanc velut medicinam erit decurrendum καὶ δὲ ἄλλοτερον πάλιν, quod prouerbio dici solet.

Nam

Præceptum politicum.

Nam nautæ si vento destituantur, ad remos, ut ad secundum cursum, decurrunt.

Ἐν μὲν τῶν τοῦ παρὰ θεοῦ καὶ ἀνθρώπων.] Concludit disputationem de nimia potentia seu opibus, & de pellendis aut necandis viris præstantioribus. Et eam quidem rationem in vitiosis Rebuspub. perspicue esse utilem & iustam, nimirum κατὰ π, id est, quia in iis Rerumpub. generibus eorum rebus, qui dominantur, sit utilis, & eorum dominatum conseruet: Vere autem & omnino esse iniustam; Quia sui & privati commodi causa nulla alia viri præstantes iniuria afficiantur. Hæc igitur ita se habere, perspicuum est. Illud maxime est controuersum, quid in optima Republica fieri debeat; an & in hac viri vel opibus vel virtute præstantes sint vel necandi vel expellendi. Controuersia ratio ex vna quidem parte; quia huic Reipublicæ bonum commune est propositum & ipsa virtus: ergo virtute præstantes pellendi non videntur. Ex altera parte; quia, iis in ciuitate retentis, periculum sit, ne status Reipublicæ mutetur. Aristoteles igitur controuersiam hanc ita dirimit: Cum duo sint præstantiarum genera, vna virtutis, altera opum ciuiliū: opum quidem præstantiam ne optima quidem in Republica esse ferendam, alteram virtutis esse ferendam: quia iniustissimum, & ipsius Reipublicæ scopo & hypothesei contrarium, virum optimum, vel viros optimos pellere aut necare. Quid ergo huic vel his fiet, an huic vni vel his paucis virtute præstantibus totius Reipublicæ imperium tribuetur? quæ est princeps huius capituli quæstio, supra initio huius cap. explicata.

In rectis Rebuspublicis.

Argument. ἀνασχεδασίον.

Argument. κατὰσχεδασίον. ἐπὶ κρείττους.

C A P V T X.

ARISTOTELES de Repub. differens, optimam secutus docendi viam & rationem, qua priore loco generalia, postea explicantur singularia, quæ adhuc quidem attulit, sunt καθόλου & generalia seu generis vniuersi ad omnia Rerumpub. genera pertinentia: nunc de singulis Rerumpubl. generibus deinceps & ordine orditur explicare. Et primum quidem de rectis, postea de vitiosis. His igitur tribus reliquis huius libri capitibus de duabus rectis Rebuspub. regno & optimatum coniuncte; quia vtrique idem propositus est scopus, virtus: copiose tamen de regno, leuiter de aristocratia extr. cap. ult. explicat. Tota autem de regno disputatio bi-

mem.

membris esse videtur, & duabus potissimum partibus contineri: quarum in prima regnorum genera & discrimina exponuntur: in altera quaestiones & controuersiae de regno aliquot, & haec princeps, an regna ciuitatibus & humano generi sint utilia, nec ne, varie explicatur, vbi multa praecleara de legibus & earum auctoritate. Videantur de his quaestionibus & *Herodotus lib. 3. Plato in libb. de Repub. Isocr in Nicocle, Cic. lib. 3. de legib. Dio copiosissime lib. 25. Dio Chrysostomus Orator in orationibus de Regno, & Stobaeus. Videantur & recentiores, Patricius, Machiauellus Cancellarius Reip. Florentinae, Guiciardinus, Ioan. Bodin. Marius, Salmonius & alii.*

T E X T V S.

His autem explicatis, rectum fortasse sit transferre & explicare de Regno. Nam ex rectis Rebus publ. vnā hanc esse dicimus. Videndum est autem, an & ciuitati & Regioni, quae quidem bene sit instituenda, utile sit esse sub Regio imperio nec ne, sed alia potius Reipublicae forma uti; an utile quidem sit quibusdam, quibusdam vero non sit utile. Primum. a. explicandum, vtrum vnū eius sit genus, an plura habeat discrimina. Facile igitur hoc videre, plura cōplecti genera, & imperij modum non in omnibus esse vnum. Nam quod in Republica Spartana maxime quidem ex lege Regnum esse videtur, omnium vero rerum principatum non habet: sed cum fines excesserit, princeps est earum rerum, quae ad bellum, & quae ad Deos praeterea (scilicet pertinent) Regib. sunt attributa. Hoc igitur Regnum summa velut belli praetura & perpetua est. Neque enim vitae necisque, nisi, vt antiquis temporibus, in bellicis expeditionibus manu habent. Indicat Homerus. Agamemnon namque in concionibus patienter ferebat conuitia, in expeditione vero & vitae necisque

ius

ius habebat. Ait namque; Quem ego longe à pugna, non satis ille celeriter canes & aues effugiet, nam penes me mors. Hoc igitur vnum est Regni genus, belli prætura perpetua: cuius alia quidem est hæreditaria, alia optiua. Præter hoc aliud est genus monarchiæ, qualia Regna apud Barbaros quosdam sunt: quæ omnia potestatem tyrannicæ parem habent. Sunt tamen & legitimæ & patritæ. Nam gentes quia ad seruitutem sint procliuiiores, Barbari quidem Græcis, Asiatici vero Europæis, herile imperiū non iniquo perferunt animo. Sunt igitur hac quidem re tyrannica, firma vero, quia patrita & legitima: atq; custodia propter eandem causam Regia, & non tyrannica. Nani Reges armis custodiunt ciues, tyrannos peregrini. Nam illi quidem legitime & volentibus, hi vero imperant inuitis: quare illi quidem à ciuibus, hi vero contra ciues habent custodiam. Hæc igitur duo quidem sunt monarchiæ genera. Aliud vero, quod erat apud antiquos Græcos, quos vocant *Æsymnetas*. Hæc autem, vt breui dicam, est tyrannis optiua, id est, suffragio delata, à Barbarica quidem differens non eo, quod non legitima, sed eo tantum, quod nō patrita. Hoc autem imperium penes alios quidem perpetuum, penes alios vero certo tantum tempore, & in rebus: vt olim Mitylenenses Pittacum legerunt aduersus exules, quorum Duces erant Alcæus & Antimenides poëta: quod Alcæus, quia tyrannum Pittacum legerant, in Scolio quodam carmine indicat. Reprehendit namque, quia Pittacum patriæ perniciem ciuitatis lentæ & infelicis tyrānum constituerit, ab vniuersis valde laudatum.

datum. Hæc igitur sunt illa quidem & erant, eo quod herilia, tyrannica; eo vero, quia optiua & involentes, Regia. Quartum autem Regiæ monarchiæ genus Heroicorum temporum Regna, & involētes, & patrita & legitima. Nam primi propter beneficia in multitudinem collata ex artibus vel bello, vel quia conduxissent, vel agrum suppeditassent, Reges erant volentium & accipientium patriti. Erant autem domini & præturæ in bello, & rerum sacrarum, quarum non erant sacerdotes, & causas præterea disceptabant: hoc autem administrabant alij quidem iniurati, alij vero iurati. Iusiurandum erat sceptri elatio. Antiquis igitur temporibus hi quidem & rerum urbanarū & domesticarum & exterarum vere erant domini: postea vero cum alias quidem res ipsi Reges negligerent, alias vero multitudo detraheret; in alijs quidem ciuitatibus sola rerum diuinarum procuratio Regibus est relicta: in alijs vero, ubi operæ precium sit vocare Regnum, solam rei bellicæ in rebus exteris præturam habent.

COMMENTARI.

Ἰσως δὲ καὶ λῶς ἐχθ.] Initio exponit, qua de re sit explicaturus, nimirum de Regno. Causam adiungit; quia Regnum sit vnum ex bonis & rectis Rerumpu. generibus, quæ tria supra esse docuimus. Nam, vt in argumento huius capitis monuimus, explicatis iis, quæ ad vniuersum pertinent genus, proximum & consequens est, vt de singulis explicetur. Cur autem de singulis Rerumpubl. generibus explicaturus priore loco de rectis, posteriore de viciosis explicet; causam supra attingimus; quia recta prauorum sint velut norma & regula. In rectis autem, quæ sunt tria, Regnum, Aristocratia, & Respublica: cur primo loco de Regno, hæc est ratio; quia Re- *Ratio cur*
 gnum verissimum sit in his tribus optimum & præstantissi- *primo loco*
mum.

agatur de
regno.

mum. Et hæc quidem de ordine & de materia.

Σκεπτόμεν δὲ πρότερον.] Summatim de Regno disputari monuimus: nunc distinctius, quæ de Regno sit explicaturus, adiungit, duo nimirum, ut in argumento diximus.

Diuisio seu
varia re-
gnorum ge-
nera.

Ρᾶλλον δὲ τῷτο.] Hic alterum explicare orditur, Regnorum nimirum genera. Nam plura esse & non vnum tantum Regni genus, facile, inquit, collatis Regnis & veteribus & recentioribus cognosci potest. Quinque igitur Regnorum genera exponit, quæ nos perspicuitatis causa ad duo reuocemus: quorum alterum quidem omnium rerum liberam potestatem & infinitam habet, Aristoteles eleganter vocat *παμβασιλείαν*: alterum, finitam vel tempore vel rebus, vel legibus circumscriptam & constrictam.

I. Regnum
Laconicū.

Ἡ δὲ ἐν τῇ λακωνικῇ.] Primum Regni genus vocat Laconicum, aitque, esse nihil aliud, quam militarem quandam præturam, cuius Regni notas exponit has; esse id perpetuū, legitimū, ut si quod aliud, maxime (scilicet legitimū) interdum hæreditarium, ut Lacedæmone, interdum optium, & suffragiis delatum, non à parentibus traditum; potestatem eius nullam esse, nisi in bello & re diuina: nam in pace Reges Lacedæmoniorum ius vitæ & necis non habebant, sed senatus & ephori, *supra lib. 2.* Cuiusmodi potestatem & veterum Græciæ Regum, maxime Agamemnonis in bello Troiano, fuisse docet ex *Homero*. Nam Agamemnoni in expeditione quidem fuisse ius vitæ & necis, in pace non item. ut *Iliad. 8.* Hemistichium autem; *παρὰ δὲ ἐμοὶ ἴναται* &c., hodie non exstat in *Homero*, ut neq, alia quædam, de quibus in

Quib. in re-
bus hoc ge-
nus Regni
conueniat
cum pratu-
ra milita-
ri, aut ab ea
discrepet.

Homerum. Hoc autem Regni genus prætura potius militaris, quam Regalis potestas, esse videtur, differens tamen à prætura militari tempore & creatione. Nam prætura quidem est finita tempore, & suffragiis defertur: hoc Regnum est perpetuum, & sæpe hæreditarium, ut Lacedæmone. Huius generis Regnum est imperium Romanum. Nam Reipublicæ tempore qui in bello erant prætores seu Imperatores certo tempore, oppressa Republica facti sunt & vocati perpetui Imperatores. Atq; ita Imperatorum Romanorum potestas & nomen ex bello & re militari est ortum. Verum post Cæsarum potestas etiam in pace magna esse cœpit; ita tamen, ut Cæsar à Græcis quidē Rex, à Romanis tamen Princeps tantū diceretur: Imperator quidem à re militari, prin-

ccps

peps in pace: alterum nomen à re militari, alterum à senatu, cuius hic iam esset princeps, adeptus. Primus Valentinianus Imperator, teste *Ammiano*, Imperium Rom. ex principatu fecit Regnum. Itaque imperium Romanum ortu quidem Regno Laconico comparari potest, potestate vero postea auctum Regno barbarico, ut ab *Aristotele* dicitur. Ut autem hæc disputatio de Regnorum generibus melius intelligatur, hoc monendum, in magistratibus & imperiis tria fere spectanda; creationem, tempus, & potestatem: quemadmodum Lacedæmone Reges erant perpetui, hæreditarii, & potestate legibus definita, in bello & rebus diuinis. De Regibus Lacedæmoniorum videatur *Plut. in Lycurgo*, & *Xenophon in libello de Repub. Lacedæmoniorum*. Alterum Regni genus vocat barbaricum, quia barbaris fere vsitatum: cuius notas affert, esse id hæreditarium, & à parentibus tradi, legitimum, eiusque potestatem esse herilem & tyrannicam. Nam huiusmodi Regna barbaris ad seruitutem fere natis esse accommodata, Græcis non item. Nam barbari, inquit, seruitutem facilius ferunt, quam Græci, Asiani quam Europæi, quod & *infra* iterat *lib. 7.* & *supra lib. 1. in princ.* Barbarorum igitur in suos dominatus est ille quidem Regius; quia non vi, sed hæreditarius & à parentibus traditus, eaque re custodia quoque vtuntur non tyrannica, sed Regia, nimirum non ex peregrinis, sed ex ciuibus: de quo custodiæ discrimine alias latius *lib. 5.* potestate tamen est tyrannicus; quia potestas non est, ut in homines liberos, sed ut in seruos, nimirum quia id genus hominum seruituti sit natum. Tertium genus veterib. Græcis vsitatum, cuius notas affert, esse optimum, non hæreditarium, legitimum, interdum perpetuum, & omnium rerum, interdum certi temporis & certarum rerum, potestate denique herili & tyrannica, hoc Regnum Græci vocabant *Æsymnetian*, & Reges *Æsymnetas*: quib. plane geminos fuisse Dictatores Romanos docet *Dionys Halicarnas lib. 5.* & Romanos hoc imperii genus à Græcis sumpsisse: *δοξασαι δὲ μὲν καὶ τὸ πρῶτον παρ' ἑλλήνων*. De his *Æsymnetis* *Aristoteles* agit & in Republica Cumanorum, ubi tyrannos ait olim hoc vocabulo, ut honestiore, dici solitos. Eius generis Regnum & Athenis olim fuit, ubi *ἀρχοντες* dicebantur. Talis olim & Pittacus sapiens fuit à Mitylenensibus designatus aduersus exules, ex quibus vnus fuit poeta Alceus, qui in exilio in Pittacū ma-

II. Regnum
Barbaricū.

Cur regnū.

Cur tyrannicum.

III. Regnū
veterū Græcorum.

Αἰσυμένητης

ledicentissimos versus conscripsit, ex quibus vnū hic commemorat Aristoteles, Scolion: quod genus carminis quale sit, videatur *Adr. Iunius in libb. animaduersorum, item in Lexicis & Suida. Et Olympiod. super Gorg. Plat. μέγας. e. pag. 101. & seq. & Camerar. hic.* De hoc Pittaci Regno seu imperio decennali & *Dionysius lib. 5. & Laertius, Pittaco, initio.* Huius generis Regnum tenuit Syracusis & Timoleo, quod & ipse, vt Pittacus, sua sponte deposuit; non, vt Dionysius, in tyrannidem conuertit; & Romæ Sylla, & Iulius, & Sicyone Aratus. *Cic lib. 3. Offic.*

Διὰ μὲν τὸ τυραννικόν.] Sic habent omnes libri, etiam scripti. Sed videtur inuerso ordine legendum; Διὰ μὲν τὸ δεσποτικόν εἶναι, τυραννικόν, hoc est, duo hæc Regnorum genera, Barbaricum & optium veteribus Græcis vsitatum, hæcenus quidem tyrannidem imitantur, quatenus sunt non tanquam in liberos, sed tanquam in seruos, id est, cum potestate nimis seuera & præfracta: Regnum vero, quatenus sunt in volentes, & quatenus sunt optiua. Nam tyrannis est in inuitos, & quæ non suffragiis, sed vi occupetur. De his autem Æsymnetis videatur *infra lib. 4. cap. 10.* Quartum Regni genus Heroicum vsurpari potest, vt Heroicis temporibus vsitatum; huius notas affert, esse id hæreditarium, & in volentes, legitimum, eiusque potestatem triplicem; in bello, in sacris quibusdam, & in iudiciis. quod ad primum pertinet, id est, ad creationem, ait huius generis Reges à multitudine factos propter beneficia accepta vel in bello vel in pace: in bello quidem, quia eam ab hostibus vel potentioribus defenderent: in pace vel propter artes inuentas ad vitæ cultum necessarias, vt Baccho Regnum fuit delatum, vel quia dispersos antea homines prudentia sua in vnum cœtum & ciuitatem compulisset. De qua primorum Regum origine diximus & *supra initio lib. 1.* qui his de causis Reges facti Regnū post suis posteris & Regibus tradebant: quorum tamen potestas certis legibus erat constricta, vt non pro sua libidine & arbitrio, sed ex legum præscripto regnarent, vt eleganter *Thuryd. initio lib. 1.* pauca eorum arbitrio & potestati fuerunt permilla; ius belli, ius factorum, non omnium tamen, sed eorum tantum, quæ suos non haberent sacerdotes; causarum denique & controuersiarum in iudiciis disceptatio. Hæc videre licet apud poetas, vbi antiquis Heroibus & Regibus

IV. Regnū
Heroicum.

Nota.

1. Creatio.

Quarum
rerum pote-
statem ha-
buerint.

gibus hæc tria fere attribui solent. Quare Homerus sæpe vocat Reges *δυναστές*, & Minos Rex tam per se quam per Rhadamantum & Talao iudicia administrabat. Antiquissimi quoque Ægyptiorum Reges non minus rerum sacrarum quam civilium curam habebant, ut & Persarum, ut est apud *Diodorum & Iustinum*. Sic & apud Iudæos Regno tandem sacerdotium coniungi coeptum. Romæ quoque primi Reges sacrorum quorundam curam habebant, & Imperatores Romani postea semper pontificatum maximum gerebant. Verum post, inquit Aristoteles, conuersis paulatim in tyrannidem Regnis, factum est, ut Regibus non tanta relinquere-
Mutatio horum re- gnorum.

etur potestas, sed in aliis quidem ciuitatibus aut regionibus plane tollerentur; in aliis relinquerentur quidem, sed vel cum vna sacrorum cura, vel belli duntaxat: quemadmodum Romæ, pulsis Regibus, remansit tamen sacrorum Regulus, ut eleganter *Dionysius in si. l. b. 4.*
 Εὐχρηστὸς νόμος.] Sepulveda legendum putat, *ἐν χερσὶν* & *ἐν χερσὶν νό-
 μῳ.* exponit legē potestatem habens; quasi dicat Aristoteles: tali Regi, ut Laconico, ut Agamemnoni, capitali pœna afficere alios in bello licebat, non tamen ex Regni natura, sed ex lege. *Victorius lib. 36. cap. 12.* reprehensio Sepulveda, vsitatam scripturam tuetur, vbi multa de hac phrasi, *ἐν χερσὶν νόμῳ*, Græcis vsitatissima, quæ Latine, *vi seu manu & manibus*: qui tamen plura de phrasi, quam de singulis huius loci verbis & sensibus. Sententia est: licuisse iis Regibus sua manu tempore belli vel quoslibet interficere. Huius generis Reges, quibus nimirum tantum in bello esset aliquod ius & potestas, de quibus & hic in fine capitis, non tam ad quartum, quam ad primum Regum genus pertinent. Nam quantum genus plura habet iura, nam & in pace aliquam habent potestatem.

Ὁ δὲ ὅρκος.] Causæ & controuersię disceptari solent & in Græcia & Romæ ab iudicibus iuratis; Reges tamen Heroici causas cognoscebant interdum iurati, interdum non iurati. Solemne autem iusiurandum sublato in altum scepro præstari solet, quemadmodum & per ipsum sceptrum iurare, ut *Iliad. α.* Achilles per sceptrum; *καὶ μὲν τόδ' ἐκείνῳ*, &c. & *Virg. lib. 12.*

De iurandi randa.

Ut sceptrum hoc, dextra sceptrum nam forte gerebat,
 &c. quæ solemnitas tollendi in altum sceptri non in iurandi

rando tantum, sed etiam in aliis rebus erat v̄sitata; vt legati oraturi sceptrum tollunt, *apud Homerum lib. Iliad. η. μέγαρα δ' ἀμφοτέρων, &c.*

CAPVT XI.

DVÆ huius capituli sunt partes: quarum in priore rursum de Regnorum generibus; in altera de quæstionibus ad Regnum pertinentibus explicatur.

TEXTVS.

Regni igitur genera quatuor numero hæc sunt: vnum quidem Heroicorum temporum; hoc autem in volentes quidem, certarum vero rerum. Nam Rex Imperator erat & iudex, & eorum, quæ ad Deos, dominus. Alterum vero Barbaricum, hoc autem est ex genere imperium herile, legitimum. Tertium vero, quod vocant Æsymnetiam; hoc autem est optiua tyrannis. Quartum inter hæc est Laconicum; hoc autem, vt summam dicam, est prætura belli, ex genere perpetua. Atque hæc quidem eo modo inter se differunt. Quintum vero est Regni genus, vbi vnus omnium sit dominus, quemadmodum gens quæque & ciuitates singulæ communium œconomica ratione constituta. Nam quemadmodum res domestica domus est Regnum quoddam: sic & Regnum gentis & ciuitatis vnius aut plurium est ratio domestica. Duo sunt igitur, vt ita dicam, Regia fere genera, de quibus explicandum; & hoc, & Laconicum. alia namque plæraque & his sunt interiecta. Nam pauciorum rerum domini ad plenum Regnum, plurium vero ad Laconicum. quare disputatio de duobus est fere: vno quidem, vtrum conducat ciuitatibus Imperatorem esse perpetuum, eumque vel ex genere, vel vicissim an non conducat: altero vero,

vtrum

Vtrum conducat, an non conducat, vnum omniū esse dominum. Igitur de tali quidem belli prætura explicare, legum potius habet speciem quam Reipublicæ. Nam in omnibus Rebus publicis id vsuuenire solet. quare primum omittatur. Reliquus vero Regni modus Reipublicæ est species: quare & de hoc videndum, & quæ sunt controuersia, percurrenda.

C O M M E N T A R I I.

Βασιλείας μὲν.] Quatuor Regnorum genera, priorē capite copiosius explicata, velut ἀνακεφαλαιώσας quādam breuī hīc reperit & commemorat, quibus tandem quintum Regni genus adiungit, vocatq; παμβασιλείαν, nomine sumpto à potestate omnium Regum, nimirum vbi Rex omnia suo arbitratu administrat infinita & legibus soluta potestate; in quo, inquam, omnia manu Regia administrantur, vt loquitur *Pomponius Iuriscons* in l. 2. ff. de orig. iur. Nam id genus Regum Romæ prius fuisse ibidem ait, sed de hoc Regno *infra* latius cap. 12 hoc loco id comparat rationi rei domesticæ; de qua collatione dictum *supra* lib. 8. *Ethic.* & *hic* lib. 1. *Politicorum.*

V. παμβασιλεία.

Σχεδὸν δὲ δύο εἰσὶ.] His verbis Aristoteles de methodo aggit, id est, de quo Regni genere potissimum in his libris sit explicandum, docet. Cum igitur quinque Regnorum genera sint commemorata; monet, ea ad duo fere genera recidere, Laconicum & plenum seu infinitum, vt duo extrema, quorum Laconico quidem minima sit potestas, pleno maxima; cū, aut infirēliqua his duobus veluti media interiecta, vt quæ vel minorem, quam plenum, vel maiorem, quam Laconicum, habeant potestatem: nam alioqui si potestatis gradus tam exquisitè & enucleatè spectes, innumerabilia fere futura sint Regnorum genera. Duo igitur sunt summa Regnorum genera; vnum legibus plane solutum, alterū plene astrictum: de his igitur explicandum. Verum ne de Laconico quidem explicari opus esse docet, hac ratione; quia Regnum hoc Laconicum non tam Reipublicæ sit genus, quam institutum quoddam legitimū. Formula sit ista: Hoc loco de Re-

Κατάταξις τῶν λεχθέντων. *Regnum est aut Laconicum, aut infinitum.*

Cur de Laconico nihil hoc loco explicandum.

rum publicarum generibus explicatur non de legum institutis seu de legibus, de quibus infra potius: nam huius politicae disputationis duo hæc summa capita sunt; vnum de Rebus publ. alterum de Legibus. Atqui Regnum Laconicum non tam est Reipublicæ genus, quam institutum legitimum. Ergo de eo hic non est explicandum. A sumptionis ratio, quia in omnibus Rebus publ. Regnum hoc, id est, belli prætura, esse potest, etiam perpetua, vt hodie in Regno Galliarum est, qui dicitur Connestablius, vt vulgo dicitur, perpetuus dux; & olim Dyrrachii & Opunte inquit *infra Aristoteles cap. 12. initio*. Quod si hoc Regnum speciem per se Reipublicæ constitueret; absurdum sit, in aliis Reipublicis id reperiri, etiam in Democratia & Aristocratia. Omissio igitur & hoc Regno, vtrum ciuitatibus sit utile nec ne, & vtrum hæreditarium, vt Lacedæmone, esse debeat nec ne. Reliquum est, vt de Pleno, quod vnum est ex sex Reipublicæ generibus explicetur. De hoc igitur quæstiones tres potissimum sunt; sed vnam præter cæteras explicat Aristoteles valde obscure & implicate, credo, ne Alexandrum offenderet fortasse.

T E X T V S.

Principium autem quæstionis hoc est, vtrum conducat magis sub viri optimi, aut sub optimarum legum esse imperio. Existimantibus igitur conducere, esse sub Regno; leges videntur vniuersæ tantum loqui, non vero ad ea, quæ accidunt, iubere. quare in quaque arte ex scripto imperare, stultum; & in Ægypto post quatrimum medicis mouere licet: quod si ante, suo periculo. Perspicuum est igitur propter eam causam, Rempublicam, quæ scripto & legibus regatur, non esse optimam. Sedenim illam quoque vniuersam rationem eos, qui præfunt, habere oportet. Melius est autem, cui pars animi, in qua perturbationes, prorsus abest, quam cui natura est coniuncta. Hæc igitur legi quidem abest, animum vero humanum omnem

omnem participem eius esse oportet. Verum dicat
fortasse aliquis, huius vice melius de rebus singu-
lis deliberaturum. quare legum quidem condito-
rem eum esse oportere perspicuum est: & leges esse
scriptas non tamen dominas, qua parte deficiunt.
Siquidem de alijs quidem rebus potestas penes le-
ges esse debet; eas vero, quas lex dijudicare aut
prorsus nequit, aut non recte, vtrum vnus opti-
mus administrare debeat, an omnes. Etenim nunc
congressi iudicant, & deliberant & dijudicant: hæc
autem iudicia sunt omnia de rebus singulis. Sin-
guli igitur collati, quicunq; tandem sint, fortasse
deteriores: sed constat ciuitas ex multis vt epulum
collatiuum vno & simplice est pulcrius. quare &
multitudo multa melius iudicat quam vnus ali-
quis. Præterea quod multum minus est incorru-
ptum; vt aqua copiosior, ita & multitudo paucis
est incorruptior. Vno autem ira superato, aut alia
aliqua tali perturbatione, corruptum vt sit iudi-
cium, necesse est: ibi vero difficile est factu, vt o-
mnes simul irascantur vel peccent. Sit autem mul-
titudo liberorum nihil contra legem facientium,
præter quibus in rebus eam deficere necesse sit.
Quod si igitur hoc in multis est difficile, plures
autem sint boni & viri & ciues; vtrum vnus, qui
præsit, incorruptior sit, an plures potius numero
quidem, omnes vero boni; an perspicuum plures.
Verum hi quidem seditionibus conflictabuntur,
ille vero vnus erit absque seditione. Verum huic
fortasse occurrendum, bonos, vt illum vnum, a-
nimo fore affectos. Si igitur plurium quidem, sed
omnium virorum bonorum, ciuium imperium

dicenda est Aristocratia; vnus vero, Regnum: optabilior sit ciuitatibus Aristocratia Regno (siue imperium sit cum potestate, siue absque potestate) si plures reperiantur; eaque propter olim fortasse sub Regibus erant; quia raro viri longe excellentes virtute reperiantur, maxime paruis in ciuitatibus. Præterea propter beneficia Reges constituebant, quod est virorum bonorum officium. Postquam vero multi virtute similes esse cœperunt, non amplius ferebant, sed commune quid quærebant, & Rempublicam constituebant. Postquam vero deteriores iam ex Rebus publicis quæstum captare cœperunt, merito hinc aliquando Oligarchiæ exstiterunt (diuitias namq; in honore habere cœperunt) ex his vero primum in tyrannides, ex tyrannidibus vero in Democrantias mutarunt. Nam, propter turpis lucris studium ad pauciores semper reductis, multitudo potentior effecta est, ita vt illos inuaserit, & Democrantias constituerit. Postquam vero ciuitates maiores quoque esse cœperunt, non facile fortasse est factu, alia vt sit Respub. quam Democratia.

C O M M E N T A R I I.

Ἀπὸ τοῦ ἐστὶ τὸ ζήτησις.] Quæstio de Regno princeps ab Aristotele hic explicata hæc est, an ciuitatibus vtile & iustum sit vnus imperium, de qua quæstione *infra cap. prox.* distinctius & plenius explicatur. hic præter eam, quatuor præterea quæstiunculæ dissoluuntur. Summa igitur & princeps, *Vni ne hōmini probo, vt dixi, quæstio, vtrum ciuitates administrare præstet vnus an legib. boni viri optimo imperio, an potius optimis legibus, de qua hic nis imperiū initio breuiter, infra, vt dixi, latius in vtramque partem discutere.* Qui Regnum præferunt, hac nituntur ratione; quia legibus omnia comprehendi non possint, ea nimirum, quæ Ratio *p. hōmine.* cotidie accidant; propterea quod legum præcepta non sint de re-

de rebus singulis, sed de genere vniuerso, quemadmodum explicatum est supra *supra lib. 5. Ethic. in fi. & apud Iurisconsultos sub tit. de legib.* Hac igitur ratione adducti putant illi, melius esse, vt ciuitates hominis quam legum administrentur imperio. Quam rationem cōfirmat Aristoteles reliqua- *Approbatio*
rum etiam exemplo artium, & nominatim Medicinæ. Nam in omnibus quoq; artibus stultum esse ait, præcepta tantum & scriptum sequi, nulla attributorum, id est, hominum, locorum, negotiorum, temporis, &c. habita ratione. verbi gratia, in Ægypto olim omnino legibus cautum erat, teste *Diodoro*, vt Medici certas leges & præcepta in curando perpetuo seruarent & sequerentur; quarum legum vnā hic commemorat Aristoteles; Medici ante quatrimum ne mouento. *κινῆν*, medicorum est vocabulum, quod valet noxios humores detrahare vel expellere: huius legis ratio hæc fuisse videtur, quod morborum initia sæpe inedia, natura se ipsa adiuvante, absque medicamentis pelli soleant, quibus adhibitis morbi potius veluti irritentur sæpenumero. Verum etsi hæc mora sæpe est utilis & salutaris, tamen propter & corporum & aliarum attributionum varietatem sæpe accidit vt sit perniciosa, & opus sit statim initio adhibere medicamenta, vt quia morbus vehementior sit statim initio. Ad eundem igitur modum & leges ciuiles, neque res singulas complecti omnes possunt, neq; semper sunt seruandæ. Ergo, inquebant illi; ex legum præscripto ciuitates administrari est inutile & perniciosum. Contra ea pro legibus ea hic adducitur ratio; *Ratio pro*
cur, inquam, legum potius quam hominum imperio ciuitates recte administrentur; Quia homines perturbationibus sint obnoxii, leges non item. quod argumētum pro legibus iterat *Aristot. infra cap. 12. & initio lib. 1. Rhetor.* adeo quidem, inquit præclare Aristoteles, vt qui legibus, is Deo, qui homini, is beluæ tradat imperium, nimirum propter perturbationes & cupiditates; iram, auaritiam, odium, amicitiam, &c. In legibus nullus est locus gratiæ, odio, beneficio, &c. Et hoc est quod adulescentes quidam petulantes *apud Liuium lib. 2.* Rege Tarquinio pulso, suam licentiam imminutam conqueruntur. Regem namque, inquiunt, hominem esse, à quo impetres: vbi ius, vbi iniuria; esse gratiæ locum, esse beneficio, & irasci & ignoscere posse, inter amicum & inimicum discrimen nosse: leges rem surdam & inexorabilem esse, salu-

*Iudicibus
cur pauca
committenda*

se, salubriorem melioremq; inopi, quam potenti nihil laxa-
menti nec veniæ habere; si modum excesseris. Et hoc argu-
mēto eo loco *Rhetoricorum* docet, Iudicibus pauca esse com-
mittenda, quia corruptelis & perturbationibus sint obnoxii;

*Prioris ra-
tionis, quæ
pro homine
facere vide-
batur, solu-
tio.*

ferendum. Nam quod prius homines legibus hæc se sint præ-
lati: quia leges sint generales, neque de rebus singulis quic-
quam definiant, quod faciunt homines: verum illud qui-
dem; sed tamen & generalibus his commonitionibus ho-
mines quoq; instructi esse debent. id namq; in omnibus ac-
cidit artibus, ut earū periti semper summa & generalia quæ-
dam habeant capita, quæ tamen non perpetuo seruent aut
sequantur pro varietate attributorum. Et hoc est quod ait;

ἀλλὰ πάλιν καὶ κείνοι οὐκ ἐπὶ τὰς ἀρχὰς, &c. Quod si igitur semper ge-
neralia quædam capita sunt necessaria, siue leges siue impe-
ret homo: nonne melius igitur erit, ut leges imperent per-
turbationibus vacantes, quam homo. Verum quia de rebus
singulis homo solus iudicare potest, leges non item, recte
concludit Aristoteles, in bona Republica utriusque impe-
rium esse necessarium, legum & magistratuum; legum qui-
dem in iis rebus, in quibus locum habere possint; magistra-
tuum vero in iis, quæ legibus definiri non potuerunt.

Emineat.

*Multis po-
tius, quam
vni, impe-
rium earū
rerum dan-
dum, quæ
legib. defi-
niri nō pos-
sunt.*

[*Ὅσα δὲ μὴ διωρατὸν.*] Altera quæstio primæ velut comes
de iis, quæ legibus definiri non possunt; quia iam docuimus,
eorum potestatem & imperium hominibus esse permitten-
dum: an igitur vni an vero multis eorum imperium permitti
debeat. Et docet, multis potius permittendum esse, duabus
rationibus: quarum prior; quia de rebus singulis melius iu-
dicent multi quam vnus; quemadmodum epulum ex mul-
torum epulis instructum splendidius est eo, quod vnius tan-
tum sumptu: ita & in ciuitate multitudo deliberantium vni
est præferenda. de qua similitudine ab epulo ad ciuitatem,

1. Ratio.

Similitudo.

2. Ratio.

Similitudo.

supra cap. 7. De eadem ratione & infra cap. 12. Altera ratio,
ἐν μεγάλῳ, &c. Quia multi minus corruptelis sint obnoxii,
quam vnus aliquis: quemadmodum, inquit, magnum flu-
men difficilius turbatur aut corrumpitur, quam exiguus la-
cus aut stagnum.

Εἰ δὲ τὸ πλεονέκτηρον] Tertia quaestio, An paucorum im- 3. Ratio.
 perium potius vnus imperio sit praferendum, in his nempe
 rebus, quæ legibus definiri non possunt. Nam quia multi
 boni viri vix reperiuntur, quaerendum fuit de paucis: quam
 quaestionem in vtramq; partem explicat: paucorum tamen
 imperium vnus imperio praferendum cōcludit: quod pau-
 corum imperium bonorum, Aristocratia seu optimatum di-
 citur: pro optimatibus igitur seu paucis hæc affertur ratio;
 Quia, quod de multis supra dictum, pauci minus corrupte-
 lis sint obnoxii, quam vnus aliquis. Contra eosdem hæc af- Argument.
 fertur ratio; Quia pauci dissidiis & seditionibus sint obno- ἀναστα-
 xii, vnus non item, quo argumento paucorum imperium σις.
 Darius apud Herodotum lib. 3. & multorum seu Democra-
 tiam Meccenas apud Dionem lib. 2. repræhendunt & refel-
 lunt. Sed Aristoteles hoc argumentum contra optimates do- Solutio.
 cet non habere locum, quia viri boni, quantumuis multi, ta-
 men eodem modo affecti, & vnus cōcors animus, tanquam
 vnus esse solet. pauci non boni, vt diuites vel nobiles, am-
 bitionibus ac cupiditatibus inter se certare solent, boni
 non item.

Καὶ περὶ δυνάμεως] Ait Aristocratiam, quam Regnum,
 ciuitatibus esse vtiliorem, siue imperium sit cum potestate,
 siue absque potestate, id est, custodia militari, qua improbi
 vel inuiti reprimi & ad officium compelli possint. Nam, vt
 paulo infra, de Regno quaeri solet, si Regnum quis vtile ciui-
 tatibus fateatur, vtrum custodia septum esse debeat nec ne:
 sic & de Aristocratia quaeri solet & potest. Sed siue custodia Limitatio.
 adsit siue absit, semper Aristocratia Regno præstat: si modo
 tot quoq; viri boni reperiri possint, ex quibus ea constitua-
 tur. Nam raro multi, vt modo dictum, & eleganter Plato in
 Politico, reperiuntur, pauci quoque non ita sæpe. Cuius rei Ratio.
 argumentum capit Aristoteles ex antiquissimorum Rebus-
 publicis. Nam apud hos non aliam fuisse Reipublicæ for-
 mam, quam Regnum, siue vnus imperiū; vtpote quia pau-
 ci non essent, multo minus multi, sed vnus aliquis virtute
 præstans, vt iustitia & prudentia, cui imperium debetur. At-
 que ita hac occasione Aristoteles nonnihil digreditur ad ex-
 plicandum Rerumpublicarum ortus & mutationes. Et an-
 tiquissimum quidem imperii genus Regnum fuisse docet: primam,
 quia neq; multi, neq; pauci, sed vnus virtute præ-
 stans,

De Rerum-
 pub. orig.
 Regnum o-
 mnium an-
 tiquissimū.

1. *Argum.* stans, dignus imperio reperiretur. Cuius paucitatis causam Aristoteles tribuit vrbium & ciuitatum paruitati: nam verisimile est, in paruis ciuitatibus vel exigua multitudine non ita multos reperiri viros bonos excellenti virtute præditos. Nam quin multi viri boni, sed leuiter aut mediocriter fuerint, non negat. Hoc igitur est vnum Aristotelis argumentum, cur primum imperii genus cōiciat fuisse Regnum. Al-

2. *Argum.* terum est; Quia cum primi illi mortales essent quidem plerique mediocriter viri boni, & vnum de suis vel etiam externis viderent, qui ipsos summo aliquo beneficio afficeret, vt quia nouam aliquam artem ad vitæ vsum necessariam, vt agriculturam, vites, &c. illis ostendisset, vel aduersus finitimos defendisset: propter hæc, inquam, beneficia huic vni imperium permittebant; quia viri boni sit bene merentibus gratiam referre. Illi igitur, vtpote viri boni, huic vni, vt bene merito, imperium gratitudinis ergo deferebant. Hoc igitur est primum imperii genus. quod & supra ostendimus *libr. 1.*

Aristocratiæ & politię origo. *cap. 2.* Postea vero cum multi virtute pares paulatim existerent, & ciuitates paulatim fierent maiores; repudiato vnus Regno & imperio, commune potius imperium adamare cœperunt & mutuum; quæ Aristocratiæ & Reipublicæ est origo. Verum postquam & hi virtute pares pauci, omisso virtutis studio, ad diuitias potius & opes animum conuerterent;

Tyrannidis origo. nata est ea quæ dicitur Oligarchia. Ex hac tyrannis existit, dum vnus aliquis, reliquis paucis oppressis, imperium inuasit, vt Romæ Iulius, Syracusis Dionysius, & nuper Flo-

Democratiæ ortus. rentiæ Alexander. Ex tyrannide denique existit Democra-
tia. Nam, paucorum paulatim diminuta potestate, multitudinis conualescit potestas: præsertim postquam ciuitates

Cur magnæ ciuitates vix alio, q̃ iam maximæ esse cœperunt, quas præclare ait Aristoteles vix posse alio imperii genere administrari, quam populari:

Democrático, statu contineantur. Quid ita? Quia, maxima in his plebs vt sit, necesse est; cum diuites aut nobiles aut boni raro sint multi. Exemplo sit Roma, Athenæ, Parisii, Carthago, Hierosolyma, Antuerpia.

TEXTVS.

Quod si quis optimum statuatur esse ciuitatibus vt sint sub Rege; quid fiet de liberis? Vtrum etiam genus regnare oportet? Sed vt quilibet, pernitiosum.

sum. Verum difficile est credere, vt qui rerum sit dominus, liberis imperium non tradat. Est namque difficile & maioris virtutis, quam pro humana natura. Est autem & de potestate controuersia, vtrum regnaturus potestatem aliquam circa se habere debeat, qua eos, qui parere nolint, vi cogere possit; aut quomodo administrabit imperium? Nam vt legererum sit dominus, qui nihil suo arbitratu contra legem faciat; tamen potestatem illi adesse necesse est, qua leges custodiat. Et de hoc quidem Rege fortasse non est difficile explicare. Nam potestatem quidem illum habere oportet, tantam vero potestatem esse, vt singulis quidem & vno & pluribus sit maior, multitudine vero minor: quemadmodum & veteres cum ciuitatis quendam constituerant, quem vocauerant *Æsymnetam* vel *Tyrannum*, custodias dabant: & *Dionysio*, custodias petenti, quidam *Syracusanis* consulebat, tot custodes vt darent.

C O M M E N T A R I I.

Εἰ δὲ δῆλον ἔστιν.] Duas quaestiones de Regno hic affert; *Vtrum regnum de hæredibus, alteram de potestate & præsidio Regum.* Prior igitur est quaestio, an Regnum ad hæredes peruenire debeat, & liberis etiam improbis tradendum? *Aristoteles nihil certi respondet, hoc tantum ait graue & periculosum fore, Regna posteris improbis tradi, vt sepe soleant Heroum filii esse noxæ, quod prouerbio dicitur. Contra vero difficile esse factu, vt posteris non prodantur. Nam tantus est parentum in liberos amor, vt improbos quoque Reges cos esse & relinquere velint: præsertim cum possint omnium rerum domini. Hunc amorem & *σφοδρῶς* reprimere non est cuiusuis, sed virtutis plus quam humanæ & heroicæ, de qua *lib. 7. Ethic.* Ex his tamen intelligitur, tacite Aristoteli non probari Regna hæreditaria; quia ciuitatibus periculosa & pestifera, si ad improbos hæredes sint transferenda. Altera quæ-*

*Quodnam
præsidium
regno cōue-
niat.*

quæstio, an & quibus opibus præsidio & custodibus Reges
sepi & muniti esse debeant. Ad quam quæstionem Aristot-
eles quoque non satis plene respondet. Nam cum duo sint
summa Regnorum genera: de Laconico quid sit statuendum
exponit: de summo Regno, de quo tamen potissimum his
capitibus explicatur, nihil affert. De Laconico igitur Regno
rem ait esse facilem, eam scil. ira temperandam, ut Regi neq;
nimis neque nullæ assint opes, id est, tantæ, quibus impro-
bos & nec obediētes legibus ciues cohercere possit; ciui-
tatem tamen & Rempublicam ipsam opprimere non possit;
quemadmodum olim Dionysio tyrāno, cui Syracusani im-
perium detulerant, custodes sibi addi petenti, fuisse quen-
dam ait Aristoteles, qui hunc custodiæ modum suaserit.

C A P V T XII.

*Platonis o-
pinio.*

HO c cap. princeps illa quæstio, utrum hominis vnus an
legum imperium ciuitatibus sit vtilius, & utrum iustius,
diligentius in vtramque partem explicatur. Extremo capite
ἐπὶ δὲ τοῦ τοῦ βασιλέως, &c. obscure attingitur & Aristocratia. Nā
has duas Reipublicæ formas, Regnum & Aristocratiam, ut
dem fere præceptis contineri; quia idem vtriusque sit scopus,
virtus, supra quoque monuimus. Quod autem supra præ-
termisimus, hic, ut commodiore loco, admonendum est,
totum hunc locum & disputationem de Regno siue de com-
paratione legum & hominum ab Aristotele institutam esse
aduersus Platonem. Nam Aristoteles plus bonis legibus, Pla-
to viris bonis tribuit: qua de re exstat eius longa disputatio
in Politico, ὅτι μὲν ἀλλὰ, ὡς ἔχει, μετρίως εἰσὶν ἐπισημασθέντες.

T E X T V S.

De Rege autem, qui suo omnia arbitrato agit,
& nunc est sermo, & videndum est. Nam Rex, qui
dicitur lege, non est (ut diximus) Reipublicæ spe-
cies. potest enim in omnibus belli prætura esse per-
petua, ut in Democratia & Aristocratia: atq; mul-
ti vnum regiminis principem faciunt. Talis nam-
que magistratus est quidam & Dyrrachij & Opū-
te, quanquam aliquanto minore potestate. De
summo

summo autem Regno quod dicitur (hoc autē est, quo Rex suo arbitratu imperat omnibus) non videtur naturæ esse consentaneum, vnum omnium ciuium, vbi ex partibus constat ciuitas, esse dominum. Nam inter natura pares idem ius esse necesse est & eandem dignitatē esse natura. Quare quemadmodum si impares parem habeant victum vel cultum, corporibus est perniciosum; sic & in honoribus se res habet. Eodem igitur modo, & si pares habeant impar: quare non magis ius est imperare, quam parere: atque eodem igitur modo vicissim: hoc autem iam lex est: nam descriptio lex est. Optabilius est igitur, legem imperare, quam ciuium vnum aliquem. Atque eadem hac ratione, si quosdam imperare præstet, hi legum constituendi sunt custodes & ministri. Nam magistratus aliquos necesse est esse. At hunc ius negant esse, esse vnum, multis paribus. Sed enim quæ lex cumque definire posse non videtur, ne homo quidem cognoscere posse videatur. Sed lex postquam studiose præscripsit, reliqua iustissimæ sententiæ dijudicanda relinquit, & vt magistratus administrent, etiam vt corrigant, concedit; quod peritis melius fuerit visum scripto. Itaq; qui legem quidem imperare iubet, Deum & leges iubere imperare videtur. qui hominem vero iubet; adiungit & beluam. Nam & cupiditas tale quiddam & ira eos, qui præsumunt, etiam viros optimos detorquent; quare lex est mens absque cupiditate. Exemplum autem ab artibus, captio esse videtur, quod ex scripto curari malum, sed optabilius quoque vti ijs, qui artes tenent. Nam hi quidem nihil amicitia contra ratio-

nem

nem agunt, sed curatis ægrotis mercedem auferunt: qui vero ciuilibus magistratibus præsunt, multa ex contumelia & ad gratiam agere solent. Siquidem & medicos suspicati ab inimicis lucro corruptos, tum curationem ex scripto magis quærant. Sedenim medici ægrotantes alios medicos, & palæstræ magistri exercendi magistros ad se vocant, quasi qui verum dijudicare nequeant: quia & de suis rebus iudicent, & sint in perturbationibus. Perspicuum est igitur, eos, qui ius quærunt, medium quærere, lex namque est medium.

COMMENTARI I.

Vtrum regnū sit iustum & Reip. salutare.

Περὶ δὲ τῆ βασιλείας.] Principium huius capituli priori extremo est conglutinandum. Nam quæstione de opibus & præsidio Regum proposita, & in eo Regni genere, quod legitimum dicitur, explicata; adiungit continuo, non iam agi de eo Regno, sed de Regno summo, quia illud Regni genus non sit species quædam Reipublicæ, quemadmodum supra est explicatum. Videamus ergo de summo Regno: sed de præsidio nihil. Hæc igitur de eo explicatur quæstio, an hoc Regnum sit iustum & Reipublicæ salutare. Quatuor affert argumenta aduersus hoc Regnum, quibus id doceri potest esse iniustum & perniciosum. Postea pro hoc Regno bifariam disputat, esse illud interdum per se iustum, interdum κατὰ π, & quibusdam gentibus necessarium.

Περὶ ἧ τῆς παρβασιλείας καὶ λαμπρότης.] Omissio igitur Regno Laconico, nunc de summo & legibus soluto. Cuius generis potestatem Iurisconsulti & Imperatoribus tribuunt lege Regia illis datam, l. i. ff. de legib. & constit. princ. Dio lib. 53. Qua tamen potestate & licetia boni Imperatores nunquam sunt vsi. Nam, inquit Imperatores, Seuerus & Antoninus, licet legibus simus soluti, tamen legibus viuimus. Et Alexander Imp. l. ex imperfecto. C. de test. Et si enim ita legibus superiores sunt principes, vel earum abrogandarum aut mutandarum potestatem habeant hi etiam quorum liberrima est potestas: tamen legibus non abrogatis & ipsi obligantur, ut suis olim legibus populus Romæ. Hoc igitur Regnum plenum

plenum & legibus solutum hoc loco, ut iniustum & inutile, reprehenditur, quatuor fere rationibus: quarum prima hæc est; Quia inter pares honorum quoque & imperii vicissitudo & velut paritas esse debet. Iniuria namque est, imparibus paria, & paribus tribuere imparia. Quemadmodum igitur perniciosum est, corporibus imparibus parem tribuere victum & cultum: ita & in honoribus iniustum est, vni omnia tribuere, ciuibus omnibus paribus. Itaque, paribus ciuibus, vicissitudo imperii est iusta, vnius imperium iniustum. Si igitur vicissitudo imperii est iusta inter pares: ergo inter eos legum debet potius esse imperium, quam hominum, nempe vnius alicuius. Nam hæc vicissitudo est velut quædam descriptio & distributio. At descriptio est lex, qua de re *infra lib. 7. cap. 4.* legem esse quandam descriptionem, & *ὁμοιότητα* esse quandam *ὁμοιότητα*, vbi scilicet est descriptio, ibi lex quædam. vbi vicissitudo, ibi descriptio. Inter pares igitur quia imperii est vicissitudo; efficitur, ibi legum esse imperium. Sed nonne & magistratus erunt necessarii; ut non solum legum sit imperium, sed hominum quoque. Respondet Aristoteles, magistratus quoque esse necessarios, sed eos legum fore velut ministros & custodes, *ὑποτάκτους*, ut Aristot. eos vocat ex *Plat. lib. 4. de legib.* quos & *Cic. lib. 3. de legib.* imitatur. & Iurisconsulti prætorem Iuris ciuilis custodem esse aiunt. Præclarus est hic locus de legum auctoritate & magistratuum ministerio & officio. Aristoteles ita temperat & moderatur imperium, ut sit penes leges, quibus magistratus deseruiant partim in exsequendo, partim in corrigendo. Nam lex diligenter ipsa præscribit iubendo & vetando omnia: tum magistratui reliquam administrationem permittit in rebus singulis, quæ lege comprehendi non possunt, iuste & legitime constituendis: & si qua in re legis rigor per attributa seruari non possit, ut magistratus adhibita æquitate legem velut corrigat, & sententiam potius quam verba sequatur.

1. *Argum.*
ἀνασχεδόν.

Obiectio.

Solutio.

Ὁ μὲν ἔν τῶν νόμων.] Aurea sententia, qua continetur differentia inter imperium legum & hominum. Nam legum imperium esse diuinum, hominum beluinum. Quid ita? Quia lex est ratio; id est, particula quædam diuinitatis: homo quia perturbationibus est obnoxius, tanquam belua existimatur.

Discrimen
inter impe-
rium legum
& hominū.
Ratio.

Cc:

tur.

tur. Nam perturbationibus homines, ut beluæ, aguntur, fe-

II. Argum. runtur. *supra lib. 7. Ethic.* Atq; in his verbis altera latet ratio, cur legum imperium Regio sit præferendum, de qua dict. *ἀναγκαστικόν. supra cap. 11. & nonnihil cap. 7.*

Solutio ar. Τὸ ὑπὸ τῶν τεχνῶν] Argumentum pro Regibus aduersus legum. **Ar.** ges, à medicina & aliis artibus sumptum, priore capite allatum, hic refellit, aitque esse captiosum. Argumentum hoc

Argument. erat: cum aliis in artibus, tum in arte medendi præstat vsum seu obiectio.

Solutio. exercere per ipsos artifices, quam ex nudis eorum præceptis & regulis. Ergo & in Republica præstat præesse artifices, id est, politicos, quam regulas, id est, leges. Aristoteles huius argumentationis & conclusionis & antecedens & consecutionem docet esse falsam. de consecutione quidem prius;

1. Consequē Quia alia rerum civilium, alia aliarum artium sit ratio: pro-
is negatio. pterea quod aliarum artium artifices perturbationibus non non sunt obnoxii, rerum civilium sint. Nam medici, vel bi gratia, curat aliquem non ex odio vel gratia, sed mercedis causa: at in rebus civilibus gratia, odio, ambitioni, &

2. Antecedentis refu- id genus aliis cupiditatibus est locus. De antecedente, *ἐπεὶ καὶ τὰς ἰατρὰς, &c.* etiam in medicos cadere has perturbationes, nimirum si ab inimico sint corrupti, ut aliquem tollant è medio. Sed quia, hoc cognito, tali medico non utimur: ea propter argumentum illud à medicis & aliis artibus diligentissime vrget *Plato in politico.* Omnis captio in consecutione, nimirum per dissimilitudinem, est posita.

Ἀλλὰ μὲν εἰσάγουται.] Confluerunt, inquit, medici & palæstræ magistri, cum vel illi ægrotant, vel hi ipsi exerceri cupiunt, aliorum potius quam sua vti opera in se vel curandis vel exercendis: adeo quidem, ut hodieq; medici iure iurando interdum astringantur, suos ut morbos non ipsi, sed aliorum opera depellant. Huius rei causam duplicem esse ait Aristoteles: tum quia in sua quisque causa non bonus sit iudex, ut *ἐξ. supra dictum cap. 6.* tum quia ut homines pleriq; perturbationibus sint obnoxii, & sibi velut indulgeant. Ex hoc igitur medicorum & palæstræ magistrorum more potest intelligi (nam huc ea pertinent) artifices seu artium peritos non semper vacuos esse à perturbationibus.

1. Causa.

2. Causa.

Ὡς δὲ λον, ὅτι τὸ δὲ γενικόν.] Hæc clausula quemadmodum ex prioribus sit apta; obliquius est explicatu, quam quæ eius est sententia, quæ & ipsa est obscura. Res esset facilior, si sic

lege-

legeretur, ὅτι τὸ νόμον ζητεῖτε, &c. Nam qui legem quærit, quærit medium: quia lex est medium. Nam lex quia iustitiæ est velut mensura, iustitia autem sit mediocritas quædam damni & lucri: lex quoque ut sit medium quiddam, necesse est. Sed tamen quo & hoc pertineat, non video. Quare haud scio, an hæc clausula non sit potius inducenda.

T E X T V S.

Præterea leges moribus receptæ maioris sunt auctoritatis, quam leges scriptæ, & de rebus maioribus. Homo, qui præest legibus, scriptis est stabilior, non vero ijs quæ moribus sunt receptæ.

C O M M E N T A R I I.

Ἐπὶ κυριώτεροι.] Præclara est legum inter se comparatio. Legum scriptarum & non scriptarum. Nam constat & notum est ex philosophis & Iurisconsultis, & apud Aristotelem lib. 1. ἠθικῶν. & Cic. multis in locis, non scriptam esse duplex; scriptam & non scriptam: illud legem fere, hoc morem & consuetudinem vocamus & instituta. quæ duo iuris genera Aristoteles hic inter se comparans ait, non scriptum esse & maioris auctoritatis, & de rebus maioribus ac grauioribus. Maioris auctoritatis, id est, quod non facile mutetur aut tollatur; quod idem & Paulus in l. 36. ff. de legib. & Constantinus Imper. in l. 2. C. quæ sit longa consuetudo. et si Duarenus lib. 2. dissertationum anniuersar. cap. 31. eam legem ita accipit, quasi dicat Imperat. iuris non scripti, id est, consuetudinis non esse maiorem auctoritatem, quam legis. Cur autem maior sit iuris non scripti, quam legum auctoritas & stabilitas: causa est in tempore & usu, ex quibus ipsis tota quoque legum auctoritas pendet, ut supra monuit Aristoteles lib. 2. cap. 7. & præclare Connanus lib. 1. Comment. iur. civil. capite de consuetudine, & iura non scripto. De maioribus vero & grauioribus rebus sunt iura non scripta, quam scripta, ut de religione, de pietate in patriam, in parentes, de gratitudine, &c. Quare & Plato lib. 7. de legib. leges non scriptas, ἀγαθὰ νόμιμα καὶ πατρίης νόμος, id est, patria instituta ait esse δεσμὸς πατρὸς πολιτείας. Hæc autem collatio legum eo pertinet, ut Aristoteles refellat Argumentum priore capite pro homine contra leges allatum, hoc nimirum; legem esse mutabilem & instabilem, viri boni sententiam non

Refutatio
argumenti.

item. Respondet igitur Aristoteles, ut stabilior sit vir bonus legibus scriptis, moribus tamen & institutis patriis non erit stabilior.

T E X T V S.

Iam vero ne facile quidem, vnum videre multa. Plures igitur erunt necessario, qui ab ipso constituentur, magistratus. Itaque quid interest, hoc ab initio statim fiat, an ut vnus hoc modo constituat?

C O M M E N T A R I I.

III. Ratio
ἀναστυ-
σις.

Ἀλλὰ μὲν ἔδὲ πάδον.] Tertia ratio contra Regum & hominum imperium; Quia vnus omnia videre & administrare non possit: Cui rei argumento & ipsi sunt Reges, quos videmus multos constituere præfectos, quorum vicaria velut opera vrantur, cum ipsi omnia videre vel audire vel tractare nequeant, aliorum quoque oculos & aures & manus & pedes sibi adiungunt, id est, præfectos, ut paulo infra ait. Quos & Regum & Principum & oculos & aures vocare solemus. Sed de hac ratione dictum & supra cap. 7. Recte igitur Aristoteles, quid interest, inquit, cum omnino vnus omnia administrare nequeat, sed plures sint necessarii; vtrum hoc initio ita instituat, id est, multi magistratus, an postea eo res recidat, dum vnus multos sibi adiungit administratos?

T E X T V S.

Præterea, quod & supra dictum est, si vir bonus, quia melior, imperio est dignus: vno autem duo boni sunt meliores. hoc enim illud est, duobus vna iter facientibus, & Agamemnonis optatum: tales decem mihi consiliarij.

C O M M E N T A R I I.

IV. Ratio
ἀναστυ-
σις.

Ἐν κὲ τὸ πρῶτον.] Quarta ratio: quia vno bono plures boni sint meliores. Formula: Melioribus debetur imperium: Ergo pluribus bonis, quam vni bono, ut melioribus. Nam bonos plures vno bono esse meliores docet auctoritate Homeri. Nam lib. 10. 11. Diomedes speculatum iturus comitem postu-

postulat; quia duo rem melius administrarent, quam unus: *οὐκ ἔστιν ἐπιμενέω*: de quo versiculo dictum & supra *cap. 7.*
Et lib. 2. 11. Agamemnon ad Nestorem: si decem Nestori similes habeat consiliarios, breui fore & facile factu, ut Troiam occupent. Sed de hac quoque re dictum & supra *cap. 7.*

T E X T V S.

Habent autem nunc quoque magistratus de quibusdam rebus decernendi potestatem, ut iudex, de quibus lex definire nequit, quasi lex non optime imperet & decernat. nam de quibus potest, nemo de his ambigit. Sed quia hæc legibus comprehendi possunt, illa vero non possunt: hæc ea sunt, de quibus quæri & ambigi solet, utrum optimam legem præesse sit optabilius, an virum optimum. Nam de quibus deliberant leges ferre, res est una ex ijs, quæ fieri nequeunt. Non hoc igitur contradicunt, non esse necessarium hominem, qui de talibus decernat, sed non unum tantum verum multos. nam magistratus ab lege quisque bene eruditus decernit. Absurdum autem esse fortasse videatur, duobus ut oculis videat quis melius, & duabus auribus decernens, & agens duabus manibus & pedibus, quam multis multi. Siquidem hodieque Reges multos sibi faciunt oculos & aures, & manus & pedes. Nam & imperio & sibi amicos socios imperij faciunt. Nam non amici quidem non facient ex voluntate Regis: amici vero & illi & imperio: estque amicus par & similis. Quare si hos præesse oportere existimant, pares & similes præesse item debere existimant.

C O M M E N T A R I I.

Εἰσὶ δὲ καὶ οὐκ ἑὶς ἄνθρωποι] Dictum erat in tertia ratione, ab uno etiam Rege non omnia posse administrari: cuius rei

argumenta duo hic affert, prius ex Republica, alterum de Regno sumptum. Nam cernere, inquit, hodieq; licet in Rebus publicis, vbi leges dominantur, tamen non omnia ita legibus esse comprehensa, nihil vt magistratibus aut hominibus sit relictum: quin potius quemadmodum in rebus priuatis multa iudicium fidei & æquitati, ita & in rebus ad statum ciuitatis pertinentibus multa quoq; magistratuum fidei & prudentiæ sunt permessa, de quibus vt illi iudicent, ita hi magistratus publici decernant & decreta faciant. Nam (quod sæpe iam iteratum) legibus omnia definiti non posse ob singularia nimirum, & rerum attributa; sola generalia & vniuersa legibus definiuntur. Verum quæstio, inquit, & controuersia princeps huius loci quæ est, vtrum imperii summa penes leges optimas, an penes virum optimum vel optimos esse debeat? Ea, inquam, quæstio non habet locum in vniuersis, de quibus lex ferri potest, sed de rebus singularibus: quasi dicat, nemo ambigit, quin quibus de rebus lex ferri possit, in iis dominari potius debeat quam homo; controuersia de iis tantum est, vbi legis ratio desideratur & deficit, in quibus rebus lex dominari, quia ad eas non porrigitur, certe non potest. Quæstio est igitur, an his vnus, an vero multorum imperium esse debeat? Neq; vero est, quod quis occurrat, non ita multos ex magistratu reperiri, qui de his singularibus recte & prudenter decernere possint. Nam, vt eleganter Aristoteles, lex ipsa magistratum est velut magistra. Cuius legis rationibus & præceptis generalibus diligenter consideratis & inter se comparatis, non erit difficile magistratibus, videre, quemadmodum de rebus singulis sit decernendum. Ex his igitur intelligitur, iudicium de his rebus singulis, multis potius, quam vni esse permittendum.

Obiectio.

Solutio.

2. Argumētum.

Ἀποπὸν δ' ἰσως.] Hoc supra explicauimus, vbi de tertia ratione.

Ἐπὶ καὶ νῦν ὁφθαλμοῖς.] Hoc alterum est argumentum à Regno sumptum. Nam hodieque, inquit, cernere licet, monarchas & Reges multos sibi & oculos & aures & manus & pedes comparare. Sic enim veteres vocant Regum ministros, oculos, aures. Xenophon libr. 8. παιδείας. Plut. in Artaxerxe. Ἐν δὲ πολυπραγμοσύνης. Pollux lib. 2. Nam quos & sibi & imperio seu statui suo & amicos & fideles norint (neque enim satis sit, si ipsi tantum Regi sint amici, sed hoc amplius,

plius, ut statui quoque sint amici, statum euersum nolint, necessarium est) hos tanquam imperii socios faciunt, eorumq; opera in Regno administrando vtuntur.

Ο' πε φίλων & ὁμοίων.] Quinta videtur hīc latere ratio in hoc Regum instituto & consuetudine, hæc videlicet; Quia Regum quoq; exemplo non tam penes vnum, quam penes multos pares & æquales, imperium & administratio esse debeat. Quid ita? Quia Reges amicos imperii socios faciunt. At amici sunt pares & similes. Amicitia est quædam æqualitas, ut supra lib 8. Ethic. late explicatur.

V. Ratio ἀ-
ναγκαστική.

T E X T V S.

Quæ igitur aduersus Regnum ambigentes dicunt, hæc fere sunt. Sed ea fortasse in quibusdam ita se habent, in quibusdam vero non ita. Nam est aliud natura obnoxium herili dominatui, & aliud Regio, aliud ciuili, & ius & vtile: tyrannicum vero non est natura, neque aliæ Respub. quæ sunt aberrationes: eæ namque sunt contra naturam. Verum ex prioribus intelligitur, inter pares quidem & similes neque vtile esse neque iustum, vnus vt omnibus dominetur, siue non sint leges, siue ipse sit velut lex: siue sint leges, vt bonus bonis, vel non bonus non bonis; neque adeo etsi virtute antecellat, nisi quodammodo: qui modus qui sit, explicandum. Dictum est autem & supra iam quodammodo. Primum autem statuendum, quod sit Regio dominatui obnoxium seu aptum, quod optimatum, & quod ciuili. Atq; regio quidem dominatui talis apta est multitudo, quæ ferre possit familiam virtute præstantem ad principatum ciuilem. Optimatum vero multitudo, quæ sub imperio esse possit liberis conueniente eorum, qui virtute præstent ad ciuile imperium. Ciuili deniq; apta multitudo est, cui natura quædam inest mul-

titudo militaris, quæ possit parere & imperare ex lege pro dignitate imperia diuitibus distribuyente. Cum igitur vel familia tota, vel ex alijs vnus aliquis virtute tantum præstet, vt eius virtus reliquorum virtuti omnium præstet: tum iustum, hanc familiam esse regiam, & omnium dominam, hūcque vnum Regem. Nam, vt & supra dictum, non solum ita se res habet eo iure, quod afferre solent Rerum publicarum auctores & optimatū & paucorum, & rursus popularium (omnes enim pro excellentia iudicant, sed excellentiam non faciūt eandem.) Verum eo, quo prius dictum: neque enim interficere, vel in exilium eijcere, vel Ostracismo pelleretalem vtiq; decet; neque, vt vicissim pareat, postulare. Nam natura repugnat, vt pars toti præstet; quod accidit ei, qui tanta præstantia sit præditus. Reliquum est igitur, vt tali pareatur, & sit dominus non vicissim, sed omnino.

COMMENTARI.

ἐπιχειροῦς.

Αὐτὸ μὲν οἱ.] Quæ contra Regnum aut vnus imperium afferri soleant, postquam exposuit; hoc tandem loco ea diligentius perpendit, suamq; tandem sententiam de vnus imperio, adhibita distinctione, aperit. Ea igitur contra vnus imperium allata in quibusdam quidem hominum generibus & multitudine ait esse vera, in quibusdam non item: quod vt intelligatur, monet, hominum genera esse varia: nam esse homines ita natos, vt seruili quoque imperio subesse non recusent atque adeo debeant: in quo barbaros fere omnes genere esse monuit. *supra libr. 1.* alios autem esse, qui nati sint vt pareant Regio Imperio, quo in genere Persas fortasse intelligit: alios deniq; ita natura factos, qui ciuili & æquabili imperio gaudeant, siue Aristocratico, siue Democratico, aut Politico. Etsi inter hæc tria magna est differentia: nam in Democratico summa inter ciues est æqualitas: in Politico ea est hominū multitudo & conditio, qui re militari

militari maxime gaudeant. Politia ex hominum militarium
 multitudine fere constat. *ut supra dictum cap. 5. & lib. 2. cap.*
4. Aristocraticum, ubi ea est hominum multitudo ac condi-
 tio, qui paucis ac virtute præstantibus parere possint. Varia
 igitur sunt hominum genera, ut & Rerumpublicarum & iu-
 ris & utilitatis. Nam ut & supra ius & utilitas seu bonum va-
 riat pro Rerumpubl. generibus & differentiis. Verum quia
 tria sunt rectarum Rerumpublicarum genera, tria vitiosa-
 rum; hominum quoq; genera recta & naturæ conuenien-
 tia sunt tria, Regium, Aristocraticum & Ciuile: nam reli-
 qua, Tyrannicum, Democraticum & Oligarchicum, natu-
 ræ repugnant. His iam præmunitis, ait Aristoteles, ea, quæ *ἐν τῇ πολιτείᾳ*
 supra sunt explicata & allata contra Regnum, esse quidem *specialis.*
 vera in eo Reipublicæ genere, quæ communi nomine politia
 seu Respublica dicitur: propterea quod in hac Republica
 cum ciues omnes sint pares, iniustum sit, vnum omnibus
 imperare: & tamen in hoc ipso hominum genere fieri inter-
 dum posse, ut vnus omnibus præesse debeat, nimirum si quis
 reperiatur vnus omnibus cæteris virtute ita præstans, ut vni-
 uersorum virtus cum huius vnus virtute non sit comparan-
 da: nam si quis talis reperiatur, hunc vnum cæteris præesse
 debere ostendit his rationibus. Primo; Quia omnium sen-
 tentia hoc sit certum, dignitati & excellentiæ imperium esse
 tribuendum; in hoc omnes consentiunt, etsi in dignitatis &
 excellentiæ generibus dissentiunt & variant: alius namque
 diuitiis, alius libertati, alius generi, alius virtuti imperium
 defert, ut supra est explicatum. Hac igitur ratione, propter
 præstantiam, inquam, huic vni deferendum esse imperium.
 Hoc iure Regnum talis viri nititur. Deinde, quod alterum
 est ius & ratio, quia, *quod & supra dictum cap. 9. in fi.* vir tam
 præstans vel alioqui sit pellendus aut necandus, vel vicissim
 præesse & parere debeat: at vtrumque est iniustum. De prio-
 re, nimirum ut vel interficiatur vel pellatur siue exilio siue
 ostracismo, *dict. supr. cap. 9.* de altero, ut non præsit vnus per-
 petuo, sed nunc præsit nunc pareat, *ibidem dictum:* & hic do-
 cet, iniustum esse hac ratione; quia sequeretur, ut pars toti
 esset par, id est, tantum parti, quantum toti, tribueretur;
 quod est iniustissimum contra iustitiam distributiuam;
 quod hic accideret. Nam, ut dictum, huius vnus virtus
 vniuersorum ciuium virtutes superat; atque ita huius vir-

1. Ratio κα-
 τανόμιας
 καὶ.

2. Ratio κα-
 τανόμιας
 καὶ.

tus est velut totum, reliquorum virtutes singulorum velut partes.

T E X T V S.

De Regno igitur, quas habeat differentias & vtrum ciuitatibus non conducat, an conducat, & quibus & quomodo; hunc in modum sit explicatum. Quoniam autem tres dicimus rectas esse Respublicas; harum optima necessario sit illa, quæ ab optimis administretur: ea autem est, cui accidat, vt vel vnus præsit omnibus, vel familia tota, vel multitudo præstans virtute, quæ partim parere, partim præesse possit ad vitam maxime optabilem. In prioribus autem demonstrationibus explicatum est, viri & ciuis optimæ ciuitatis eandem necessario esse virtutem: perspicuum est, eodem modo & iisdem rebus & effici virum bonum, & ciuitatem Aristocraticam vel Regiam constitui posse. quare erit & disciplina & instituta eadem, seu quæ efficiant & bonum virum & politicum & Regij status peritum. His explicatis, iam danda est opera, vt de Republica optima explicemus, quomodo naturæ conuenienter fiat & constituatur. Necesse est igitur de illa explicaturum disputationem conuenientem instituere.

C O M M E N T A R I I.

Regnum &
Aristocra-
tia Resp.o-
ptima.
Quo modo
ha ipsa in-
stituenda.

Περὶ μὲν τῆς βασιλείας] Iterat ex prioribus, quæ optima sit Respublica, Regnum videlicet & Aristocratia: quæ duo Reipublicæ genera, vt & supra, concurrere hic docet, vt cuius vtriusque scopus sit virtus. Has igitur duas Respubl. docet, quemadmodum recte quis constituere possit vno verbo: nam ipsa institutio & informatio demum explicatur infra lib. 7.

lib. 7. Ait igitur, eodem modo has Respublicas instituendas,
quo virum bonum. Quid ita? Quia supra docuit, in optima
Republica, id est, in his duabus, bonum virum & bonum
ciuem esse eundem. Eadem igitur erit & viri boni &
boni ciuis & boni Regis & boni politi-
ci institutio.

F I N I S L I B R I I I I .

LIBER

LIBER IV.

ARGUMENTVM.

Explicatis libro priore duobus optimis Reipublicæ generibus, Regno & Aristocratia, quatuor reliqua genera, Rempublicam, Democratiam, Oligarchiam & Tyrannidem hoc libro persequetur.

1. Cap.

Et primo quidem disputationis & ordinis rationem exponit, cur non tantum de optimo Reipublicæ statu, quod alii politici facere solent perperam. sed de aliis quoque Rerumpublicarum generibus sit explicandum; non tantum de optima, sed de optimæ quoque proxima, atque adeo de ea, qualiscunque obtineri possit. Ad hanc rem, quia Rerump. genera & partes nosse est necessarium, rursus de Rerumpublicarum generibus cap. 2. & 3. explicat. Ex quibus cum duo

2. Cap.

3. Cap.

summa & inter se contraria genera esse docuit Democratiam & Oligarchiam, tum de his duobus singulatim & enucleate, quæ Democratia sint genera, cap. 4. & quæ Oligarchia, cap. 5. vbi cap. 4. inquam, vniuersæ quoque & præclare docet, suas cuique Rerump. generi plures esse partes & genera, quemadmodum supra quinque Regni genera esse docuit; postea rursus de Rerumpub. generibus agens, cap. 6.

4. Cap.

5. Cap.

Platonis partitionem reprehendit, vbi & de Aristocratia generibus explicat: deinde de ea, quæ communi nomine dicitur Resp. vbi & de mixtis Rebuspublicis copiose cap. 8. & 9. tandem breui de tyrannide cap. 10. Ad hunc igitur modum omnibus Rerumpublicarum generibus & earum partibus singulatim explicatis, quæ initio huius libri ad partes & officium boni politici pertinere docet, explicare non tantum, qui sit optimus Reipublicæ status: sed & qui maxime sit communis, facillimeque obtineri possit, & quæ Respubl.

6. Cap.

8. Cap.

9. Cap.

10. Cap.

quibus

quibus sit commodior. De his, inquam, duobus capitibus & questionibus differit cap. 12. & 13. Iam vero quia ciuitatum tres summae sunt partes, Senatus, Magistratus, & Iudicia: alio velut initio facto, primum vniuerse, idque breuiter, deinde singulatim copiose de harum trium partium descriptione & constitutione deinceps explicat cap. 14. 15. & 16. Primum de Senatu, cap. 14. deinde de Magistratu, videlicet cap. 15. tertio de iudiciis, cap. 16.

12. Cap.

13. Cap.

14. Cap.

15. Cap. &

16.

T E X T V S.

In omnibus artibus & scientijs, quæ non partem persequantur, sed de genere quodam vno sint perfectæ, vnius est videre, quid cuique generi conueniat, vt exercitatio quæ, & cui corpori conueniat, & quæ sit optima. Nam optime nato & instructo optimam cōuenire necesse est, & quæ plarisque vna omnibus: & hoc namque palæstricæ artis est. Præterea si qui non iustum cupiat habitum aut scientiam eorum, quæ ad certandum pertineant; erit nihilominus palæstræ magistri & exercitationum periti, hanc quoque facultatem præstare. Item hoc quoque in medicîna & arte nauium ædificandarum, & vestibus, & in omnia alia arte videmus vsuuenire. Quare perspicuum est eiusdem esse scientiæ, & quæ optima sit Respublica, videre, quæque maxime sit ex voto, si nulla res externa impediat; & quæ quibus conueniat: multis namq; non datur fortasse optimam consequi. Legum igitur scriptorem & vere politicum ignorare non decet, quæ optima sit Respublica & omnino, & quæ optima pro rebus subiectis: præterea tertiam, quæ ex suppositione. Nam & datam considerare posse oportet, & ab initio quemadmodum constituatur, & constituta quomodo quam

quam diutissime conseruetur: ut si cui, inquam, ciuitati accidat, ut neque optima utatur Republica, & quæ rebus necessarijs non sit instructa, neque ea, quæ ex copijs præsentibus haberi possit, sed quadam deteriore. Ad hæc omnia eam quoque, quæ omnibus ciuitatibus maxime conueniat, nosse debet.

COMMENTARI.

Ratio, cur Aristot. de omnib. Rerump. generibus disse- *Ratio per inductionē.* *Ratio per* *Approbatio* *1. Simile.* *2. Simile.* *Tίχυν ἢ ἐπι* *τήν τε ἐν* *καὶ μέρος,* *καὶ μέρος.* *Exponit hoc capit. Aristoteles, quæ per-* *tineant ad veri politici & legumscriptoris officium, idq; hoc* *consilio, ut se recte facere ostendat, qui præter aliorum mo-* *rem philosophorum & politicorum in his libris de Republ,* *non tantum de vno & optimo Reipublicæ statu, sed de o-* *mnibus disserat: quæ ex re supra in prolegomenis docui insi-* *gnem huius operis utilitatem. Docet igitur, Politicum qua-* *tuor hæc nosse debere. I. Quæ sit optima Respublica, seu* *optimus Reipub. status, id est, quæ optima ἀπλῶς. II. Quæ* *sit optima pro copiis præsentibus. III. Nosse qualemcun-* *que Rempublicam sibi oblatam instituere vel constitutam* *seruare. IV. Quæ Respubl. maxime sit communis, id est,* *plurisque hominibus accommodata. Hæc igitur quatuor* *politicum nosse debere, artium & scientiarum exemplo alia-* *rum docet hunc in modum. Omnes scientiæ, quæ de toto a-* *liquo genere agunt, ea nosse & explicare debent: ergo & Po-* *litica. Antecedens inductione & exemplis artium gymnasti-* *cæ, medendi, naues ædificandi & sartorum confirmat. Nam* *palæstræ magister nosse debet non tantum, quæ optima sit* *exercitatio, sed eam quoque, quæ plurimis sit apta, & eam,* *quæ huic & illi pro corporum & virium dissimilitudine con-* *ueniat. Sic & medicus nosse debet non tantum optimū bonæ* *valetudinis gradum, sed eam quoque valetudinem, quæ in* *plurisque corporibus reperiatur, & eam quoque, quæ huic* *vel illi homini, ætati, genti sit consentanea; eam quoque de-* *nique, quæcunque illi offertur, ut eam vel emendet vel tinea-* *tur. Eadem est aliarum artium ratio, earum, inquam, quæ de* *vniuerso genere agunt. Nam artium duo sunt genera: aliæ* *namque artes de vniuerso genere, aliæ de parte agunt, ut* *gymnastica de vniuerso genere omnia palæstrarum & exer-* *citatio-*

itationū genera complectitur: gymnastica ex parte vnum tantum exercitationis genus, vt luctam, pilum, gladium, &c. Sic ars medendi alia est vniuersa, quæ omnibus medeatur animantibus: alia ex parte, quæ huic vel illi animantium generi. Sic Iurisprudentia alia est vniuersa, alia ex parte, vt est Iurisconsultorū fere de iure priuato seu de ciuili, non de publico. Omnes igitur scientiæ vniuerse quatuor illa explicare debent. Quid ita? Quia par est, vt qui vniuersi generis cognitionem pollicetur, singulis quoq; partibus quæ conueniat & sit aptum, vt explicet. Quare ad eundem modum & Politica quia vniuerse de Rebuspub. recte instituendis agit, primum nosse debet & explicare, qui sit optimus Reipublicæ status & maxime optabilis, nulla re externa impediēte, hominum nimirum conditione aut rerum copia. Neque enim hominum ad seruitutem natorum ciuitas optima esse potest, vt neque eorum, qui rebus ad honeste ac liberaliter viuendum necessariis destituuntur. Deinde nosse debet, quæ optima sit Respub. pro copiis præsentibus. Nam, vt modo dictum, paucis datur assequi optimum illum Reipublicæ statum; quibus satis est, si eum teneant. quem ipsorum copia ferant & aliz res externæ. Nam res interiores, quæ optimum Reipublicæ statum impediunt, sunt, disciplina, leges, & ipsa politia seu Reipublicæ temperatio. Tertio nosse debet quamcunque oblatam Rempublicam iam constitutam, nosse, inquam, quemadmodum ea sit constituta ab initio, & quemadmodum conseruari possit; quod non minimi est negotii, videre statum cuiusque Reipublicæ, rationem & fundamenta, eamque, licet male institutam, tamen conseruare & ei opitulari: Quemadmodum sæpe est difficilius dediscere quam discere, vt paulo infra ait. Quod nos diximus, oblatam siue quamlibet Rempublicam nosse, id Aristoteles Geometrico vocabulo ait *δοθέν*, datam. Sic enim Geometrix, datum triangulum æquabiliter secare. Sæpe namq; accidit, vt ciuitas vtatur neque optimo statu, vt quia propter rerum inopiam & impedimenta alia non possit, neq; eo, quo possit, pro copiis suis optimo, sed deteriori, propter imperitiam fortassis legumscriptoris & auctoris, aut alia post consecuta mala, vt Athenis Respublica à Solone bene temperata in extremam Democratiā Demosthenis ætate reciderat, & Romæ tempore Ciceronis. Atque hanc tertiam for-

*Ratio.**Conclusio.*

1. *Quod nos se oportet Politicum.*

2. *Quod nosse oportet Politicum.*

Ratio.

3. *Quod nos se debet Politicum.*

mam

4. *Quod nosse debet Politicus.* mam vocant hypothesin, vt sæpe *supra lib. 2.* Postremo nosse debet se quoq; debet, quæ Respub. maxime sit communis & plærisque mortalibus accommodata. De quo genere præclare *infra cap. 12.* in quo docet, apud plurimos posse habere locum, in ea nimirum Republica, in qua homines sint mediocres.

T E X T V S.

Itaque plærique eorum, qui de Republ. disputant, etsi alia recte dicunt, à rebus tamen vtilibus aberrant: neque enim de optima tantum videntum, sed de ea quoque, quæ haberi possit; item de ea, quæ sit facilior & omnibus communior. Nunc autem hi quidem summam tantum, eamque, quæ opus habeat magnis copijs, quærunt: illi vero quandam magis communem, commemorantes eas, quæ in vfu sunt, Respublicas tollentes, Læonicam aut aliam quandam laudant. Oportet autem talem introducere descriptionem, ad quam facile ex copijs præsentibus & adducantur & possint esse participes: quemadmodum non minoris est negocij, instaurare Rempublicam, quam ab initio condere; vt & dediscere, quam ab initio discere. Quare præter iam dicta oportet Politicum Rebuspublicis ijs quoque, quæ iam sint in vfu, opitulari, vt & ante dictum. Hoc autem ab eo fieri nequit, qui, quot Reipublicæ sint genera, ignorat. Nunc autem vnâ esse Democratiâ quidam putant, vnâque Oligarchiâ: quod verum non est. Quare oportet non ignorare, Rerumpublicarum quot sint discrimina, & quot modis temperentur. Cum hac autem eadem prudentia leges quoque optimas videre oportet, & eas, quæ cuiq; Reipublicæ conueniant. Leges namque pro Rebuspubli-

bus publicis sunt scribendæ, & scribuntur ab omnibus, non vero Respublica pro legibus. Nam Respublica quidem ciuitatū est descriptio in magistratibus, quemadmodum distribuātur, & quod sit id, cui Reipublicæ est principatus, & qui cuiusque societatis sit finis: leges vero ab ijs rebus, quæ Rempublicam indicant, sunt seiunctæ, ex quibus magistratus præesse oportet, & earum violatores obseruare. Perspicuum est igitur, necessario tenenda esse discrimina & numerum cuiusque Repub. etiam propter legumscriptionem. Neque enim eadem leges conducere possunt Oligarchijs aut Democratijs omnibus: siquidem plures, & non vna est Democratia, neque Oligarchia tantummodo.

C O M M E N T A R I I.

Ὡς οἱ πολιτικοί.] Expositis iis, quæ à vero politico sint tractanda & cognoscenda, nunc aliorum hac in re peccata proferunt. Nam esse, qui multa quidem præclare de Repub. disputant; sed à rebus vtilibus aberrant, id est, non explicent, quæ forma Reipublicæ huic vel illi ciuitati aut populo sit commoda. At non satis est, de optima Republica & multa præclara differere, propterea quod talis disputatio multis sit inutilis, quia multi propter inopiam rerum necessariorum aut aliis de causis, etiam ut velint, non possint optimum Reipub. statum obtinere. Explicandum igitur non tantum de optimo Reipublicæ statu; sed de eo quoque, qui obtineri possit vel ab hac aut illa ciuitate, vel à plerisque mortalibus. Peccant igitur illi, qui de Republica differentes tantum de optimo Reipublicæ statu agunt. In quo numero est & Cic. Ciceronis in libb. de Repub. Sunt & alii, qui paulo amplius afferunt non contenti vno optimo Reipublicæ statu, sed qui faciliorem quandam & communiorē Rempublicam afferunt, ut Laconicam aut aliam aliquam eius generis: in quo numero est Plato. Nam hic in libris quidem de Repub. de optimo Reipublicæ statu differit, in libris autem 12. de legib. de altero Reipublicæ

Aliorū Politica scriptorum erratum.

erratum. Platonis erratum.

1. Ratio, cur
Politici of-
ficium quo-
que sit, nos-
se Rerump.
genera.

publicæ genere non ita exquisito & summo, sed faciliore & communiore, *ut supra quoq; dictum lib. 2. cap. 4.* Sed hos quoq; peccare, ex prioribus est perspicuum. Nam hi omnes, quæ in usu sunt, Respub. tollunt & improbant, cum potius eis male affectis opitulari deberent. Præterea in eo quoque peccant, quod hominum aut civitatum rationem non habent, possint ne talem Rempublicam admittere, an nō possint. Nam, ut recte Aristoteles, non alia inducenda est Respublica, quam quæ pro copiis præsentibus obtineri & induci possit. At hi omnibus civitatibus vnam hanc Rempub. induci volunt. Melius igitur illi, qui Respub. laborantes iuvent potius, quam statim novam introducant. Quod etsi difficile est, ut dediscere sæpe difficilius quā discere. (Quare & Timotheus Musicus duplicem mercedem ab iis, quos alii erudiissent, à rudibus simplicem accipiebat, *teste Quintil. lib. 2. cap. 3.*) est tamen hoc Politici officium præter cætera vnum, quod quidem ab eo præstari non potest facile, qui, Rerumpubl. quot sint genera & partes, non cognovit. Nam cum Democratix non vnum, sed multa sint genera, ut & Oligarchia & reliquarum Rerumpubl. contra quam multi iam putant & errant; certe is, qui omnibus opitulari volet, earum partes & naturam diligenter nosse debet: quibus cognitis, non ita erit difficile iis opitulari. Ex his intelligitur, Politicum non tantum illa quatuor, sed hoc præterea nosse debere, quæ & quot Rerumpublicarum sint genera. Rationes affert duas. Priorem iam diximus; quia partium Reipublicæ cognitio ad illa quatuor sit necessaria. Altera est; Quia eadem cognitio ad leges quoq; sit necessaria. Nam quod sæpe iam diximus, leges Rebuspublicis, non Respublicæ legibus sunt accommodandæ. Quare ut politicus norit, quæ leges sint scribendæ, quæ bonæ, quæ optimæ; ex Rerumpublicarum generibus erit cognoscendum: ut optimæ Reipublicæ optimæ sint leges, Oligarchiæ Oligarchicæ, sic Democratix Democraticæ, &c. Legibus non cognoscuntur aut distinguuntur Respublicæ, sed fine & principatu. Sic enim hæ duæ summæ civitatis partes, de quibus sæpe dictum, Respublica & leges seu νόμοις pulcre hic distinguuntur: ut Respublica nihil sit aliud, quam descriptio quædam & ordo in magistratibus, & maxime iis, penes quos principatus & summa est Reipublicæ, & in qua finis politicæ societatis serva-

2. Ratio.

seruatur; id est, qualis quæque sit Respublica, æstimandum est ex his, magistratibus, inquam, & principatu Reipublicæ, & ex fine. Vt Aristocratia est, vbi penes optimates est imperium, & finis bonum publicum. Legibus non distinguuntur Respublicæ, neq; internoscuntur. quarum hoc tantum est munus, vt ex earum præscripto & ipsi agant magistratus, & alios viuere compellant. Ad summam: Ex magistratibus & fine Rerumpublicarum, ex modestia magistratuum & ciuium moribus legum cognoscuntur discrimina.

C A P V T I I.

T E X T V S.

Quia autem in priore disputatione de Rebuspublicis explicauimus, tres esse quidem Respublicas Regnum, Aristocratiam, & Rempublicam: tres vero earum aberrationes; Tyrannidem quidem Regni, Oligarchiam vero Aristocratiae, Democratiam vero Reipublicæ. Atque de Aristocratia quidem & Regno explicatum est (nam de optima Republica explicare & de his dicere nominibus idem: vtraque namque solet consistere ex virtute instructa. Præterea quid Aristocratia & Regnum inter se differant, & quando Regnum oporteat admitti, prius explicatum.) Reliquum est de Republica explicare, quæ communi nomine dicitur, & de alijs Rebuspub. Oligarchia & Democratia & Tyrannide.

C O M M E N T A R I I.

Ἐπὶ δ' ἐν τῇ ἀρχῇ.] Quæ supra lib. 3. cap. 5. de Rerumpublicarum differentiis & generibus sunt explicata, breuiter hic commemorat. Nam eo capite docuit Respublicas partim esse rectas, partim prauas: rectas esse, Regnum, Imperium optimatum, & Rempublicam communi nomine: prauas & vitiosas, tyrannidem, paucorum potestatem seu factionem, & Democratiam. Ex his Rerumpublicarum sex generibus duo à se iam explicata esse ait, Regnum & Aristocratiam,

cratiam, nimirum *supra lib. 3.* & interdum *lib. 2.* Nam quibus in locis de optima Republica explicat, iis de his duobus explicare censendus est. Nam Regnum & optimatum potestas seu Aristocratia Aristoteli optimum Reipublicæ genus constituunt, ut quibus idem scopus, virtus & bonum commune, sit propositus. De Aristocratia tamen non ita separatim, ut de Regno, explicauit, cum tamen videatur & de Aristocratia separatim explicasse, maxime ex his verbis, *cap. 3. καὶ ἐν τῷ δὲ τοῖς τοῦ.* vbi de partibus ciuitatis disputasse se ait eo loco, quo de Aristocratia explicarit. Sed hic locus in prioribus nusquam exstat. Nam de partibus quidem ciuitatis *supra lib. 3. cap. 8.* quædam affert, nihil tamen de Aristocratia. quare disputatio de Aristocratia fortasse intercudit. Borrahus existimat, Aristotelem singulari libro de Aristocratia disputasse, eumq; intercuisse. De ea seu eius generibus infra etiam quædam differuntur *cap. 7.* Reliqua sunt quatuor Reipublicarum genera, Respublica, Tyrannis, Oligarchia & Democratia: de quibus hoc libro explicatur.

T E X T V S.

Et quidem de aberrationibus quoque his quæ sit pessima & quæ secunda, perspicuum est. Nam primæ & diuinissimæ aberrationem necesse est esse pessimam. Regnum autem oportet aut non esse, sed nomen tantum habere, vel esse propter magnam regnantis præstantiam: ita ut tyrannis quoque, cum sit pessima, longissime à Repub. absit. Secundo autem loco esse Oligarchiam: nam Aristocratia ab hac Republica longe distat: Democratiam vero maxime esse mediocrem. Et hoc quidem modo quidam iam ante sensit, qui tamen non eodem, quo nos, spectarit. Nam ille quidem existimat, cum omnes quidem sint bonæ, ut Oligarchia bona & aliæ earum, pessimam Democratiam, malarum vero optimam: nos vero has omnino vitiosas esse dicimus; atque Oligarchiam quidem
aliam

aliam alia esse meliorem, non recte dicitur, minus vero malam. Verum de hac quidem existimatione in præsentia omittatur.

C O M M E N T A R I I.

Φανερόν μὲν ἔν.] Priusquam reliqua quatuor Rerumpub. genera persequitur, comparat primo vitiosas Respub. inter se : deinde rursus de Rerumpublicarum generibus hoc extremo capite, & capite proximo explicat. *Comparisonem I. Cōparatio* igitur affert duplicem, suam & Platoniam, quam & repre- *3. vitiosarū* hendit. Nam ex vitiosis tribus, Tyrannide, Oligarchia, De- *Rerumpub.* mocratia, deterrimam & nequissimam esse Tyrannidem, *Aristotelis.* contra minime malam esse Democratiam, mediam esse Oligarchiam. Cuius comparisonis rationem hanc affert, ex *Ratio.* loco comparatorum sumptam apud Aristotel. *libr. 3. Topic.* Quo loco res dicitur eo melior, quo rei meliori est similior; & contra deterior, quo rei meliori dissimilior. Tyrannis igitur quia ex omnibus vitiosis Rebuspublicis optimæ est dissimilima, Regno; merito pessima censeri debet. Eadē ratione Democratia inter vitiosas est minime mala & maxime *Tyrānis omnium deterrima.* tolerabilis, quia minimum discedit ab ea Reipublicæ rectæ *Democratia omnium minime mala.* forma, cui velut ex altera parte respondet, nimirum à Republica seu politia. Nam inter Democratiam & politiam adeo *Oligarchia intermedia* exiguū est discrimen, ut sæpe inter se confundantur. Quem- *admodum & Aristocratia cum Oligarchia magnam quoq;* admodum & Aristocratia cum Oligarchia magnam quoq; affinitatem habet, adeo ut Aristocratia species quædam Oligarchiæ esse videatur, ut infra dicetur.

Ἡδὲ μὲν ἔν τις ἀπεφύνατο.] Hic Platonis comparisonem *II. Comparatio* attingit. Nam *Plato in Politico fere extremo* idem fere quod *ratio vitiosarum Respub. Platonis.* Aristoteles de Democratia censuit, nimirum eam esse maxime tolerabilem, sed alia ratione & modo. Nam Aristoteles Democratiam ex vitiosis docuit vel ait esse, nimirum vitiosam ex malis minime malam. Plato eam omnium quidem Rerumpublicarum bonarum esse pessimam, malarum ait esse optimam. atque ita eandem esse & bonam & malam dissimili ratione. putavit enim Plato & Oligarchiam aliquam esse bonam. Sed Aristoteles distinctius negat posse dici esse bonam, quæ sit mala : concedit posse dici minime malam, non tamen bonam. Nam absurdum sit, ex malis Rebuspublicis aliquam tamen posse dici bonam.

TEXTVS.

Nobis autem primum quidem distinguendum, quot Rerumpublicarum sint discrimina, si plura & Democratia & Oligarchia sint genera: deinde quæ maxime communis, & quæ secundum optimam Rempublicam maxime expetenda: & si qua alia sit Aristocratia & bene constituta, verum multis ciuitatibus conueniens; quæ sit: præterea & ex alijs quæ quibus expetenda. Nam his quidem Democratia magis fortasse quam Oligarchia sit necessaria, his vero hæc magis quam illa. Postea quæ admodum is, qui has Respublicas velit constituere, debeat; Democrantias, inquam, in suo quamq; genere, & rursus Oligarchias. Postremo, horum omnium breui facta mentione, danda erit opera, vt explicemus, qui interitus & quæ Rerumpublicarum sint salutes & communiter & separatim cuiusque, & quas ob causas ea maxime fieri soleant.

COMMENTARI.

Κατάστασις
ἢ Διείρεσις
τῶν λεχθῆ-
σομένων.

2.

3.

4.

5.

[Ἡμῖν δὲ πρῶτον Διαίρετέον.] Quæ priore capite; eadem hîc iterantur, summa nimirum capita rerum explicandarum. Primum de Rerumpub. generibus; & an Democratia & Oligarchia non vnum, vt vulgo putant, sed multa sint genera. Secundo de ea Republica, quæ plærisque ciuitatibus sit communis, non optima illa quidem, sed optimæ proxima. Tertio quæ cuiq; ciuitati Respubl. sit deligenda. Alijs namque gentibus Democratia, alijs conuenit Regnum & Oligarchia, vt supra dictum. Quarto de his duobus potissimum Rerumpub. generibus, Democratia & Oligarchia, earumq; formis; quemadmodum institui & describi debeant.

Quinto, quibus omnibus hoc libro explicatis, tandem

lib. 5. de causis salutis & interitus Rerum.

pub. explicat.

C A P V T I I I.

HO c capite multa Reipublicæ esse genera, & cur multa sint, explicat, reprehensis iis, qui duo tantum esse existimant, Democratiam & Oligarchiam.

T E X T V S.

Ergo multæ quidem cur sint Respublicæ, causa est; quia omnis ciuitatis partes multæ sint numero. Nam ciuitates omnes primo quidem ex domibus constare videmus: deinde huius rursus multitudinis hos quidem necesse est esse diuites, illos vero pauperes; illos vero medios: atque diuitum & pauperū hos quidem milites, illos vero esse paganos: & ex multitudine alios videmus quidem agricolas, hos vero institores, illos vero opifices: & nobilium sunt differentiæ, & ex diuitijs, patrimonijque magnitudine, vt ex equis alendis: hoc enim alijs quam diuitibus nō facile factu. Quare priscis temporibus, quibus ciuitatibus vires in equis erant, apud hos erant Oligarchiæ: vtebantur autem equis aduersus hostes vicinos, vt Eretrieneses & Chalcidenses, & Magnesij ad Meandrum, multiq; alij in Asia. Iam præter has ex diuitijs differentias est hæc quidem ex genere, illa vero ex virtute, & si qua alia eius generis pars ciuitatis in ijs, quæ de Aristocratia, est explicata: ibi namq; explicauimus, quot ex partibus necessarijs constet omnis ciuitas. nam ex his partibus nunc quidem omnes Respublicæ sunt participes, nunc vero pauciores, nunc vero plures. Perspicuum est igitur, plures necessario esse Respublicas specie inter se discrepantes. Etenim partes hæc specie inter se differunt. Nam Respublica quidem magistratuum est descriptio:

hanc vero distribuunt omnes pro potestate principatum aut pro quadam communi ipsorum æqualitate, pauperum, inquam, vel diuitū, vel quadam vtrisque communi. Quare tot necesse est esse Respublicas, quot pro excellentijs & partium differentijs sunt descriptiones.

C O M M E N T A R I I.

*Cur plura
sint Rerūp.
genera.*

Τὸ μὲν ἔν ἐῖναι πλείους.] Exposuit *supra lib. 3. cap. 5.* sex esse Rerumpub. genera. Hoc loco *lib. 6. 7. cap. 8. & 9.* causam affert, cur tam multa Rerumpubl. sint genera, hanc; Quia multæ ciuitatum sint partes: Multas autem ciuitatis partes enumeratione tantum hīc docet; *infra lib 7.* quot necessario ciuitatis sint partes, enucleatius ostendit. Videre igitur, inquit, licet, in ciuitate esse diuites; pauperes, medios, milites, paganos. Et rursus alios plebeios, alios nobiles: ex plebeis mercatores, opifices & agricolas: nobiles partim diuitiis, partim genere, partim virtute & rebus gestis, partim doctrina & bonis artibus. Tot enim nobilium genera *infra* esse docet. Ex hac igitur partium differentia & discrimine ipsarum quoq; Rerumpublicarum discrimina nasci docet hunc in modum; Respublica est magistratuum descriptio, id est, Reipublicæ nota est ciuitatis τὸ κρείον, id est, summus magistratus. Igitur ex magistratuum & maxime τὸ κρείον, dissimilitudine ipsæ Respublicæ distinguuntur, Regnum à populo, &c. Atqui magistratuum & τὸ κρείον dissimilitudo ex harum partium differentia sumitur: ergo Rerumpub. differentiarum & genera ex ipsis partibus sunt deducenda. De maiore propositione iam diximus. Minor explicata est *supra lib. 3.* vbi, si principatus ciuitatis sit penes tenuiores, diximus esse Democratiā: si penes ditiores, esse Oligarchiam. Nam explicatum eo libro, alias magistratus communicari omnibus, vt in Democratiā; alias ditioribus tantum, vt in Oligarchia, iisque paucis; alias pluribus virtute præditis, vt in Aristocratiā; aut militari virtute præditis, vt in Republ. Ex quibus intelligitur, cur propter partium ciuitatis dissimilitudinem Respub. ipsæ varient.

Οἷον ἐκ ποτεροφίας] Nobilitatis genus ex diuitiis olim maxime in equis alendis constituisse, ait. quod idē sæpe commemoro.

memorant veteres scriptores, *Demosthenes* *ᾧ τῷ τεταμένῳ*, *Isocr.* *ᾧ τῷ ζῳγῳ*, *Thucydides lib. 6.* Adiungit autem Aristoteles, in iis fere ciuitatibus olim fuisse Oligarchiam, in quibus hoc alendorum equorum studium esset vsitatum, vt in Eubœa insula, & in Asiæ quibusdam ciuitatibus. Quid ita? quia in iis ciuitatibus aliquos necesse est præter cæteros fuisse opulentos: neq; enim tenuiores equis alendis sunt pares. Iam vbi opulenti, ibi fere oligarchia.

T E X T V S.

Maximæ autem duæ esse videntur, vt ex ventis dicuntur hi quidem Aquilonares, illi vero Australes; alij vero, horum aberrationes: sic ex Rebus publicis sunt duæ, populus & Oligarchia: Aristocratiam namque Oligarchiæ speciem ponunt, vt quæ sit quædam Oligarchia: & ea quæ dicitur Respub. Democratiam, quemadmodum in ventis Fauonium quidem Aquilonis, Austri vero Vulturum. Eodem quoque modo se habet res in harmonijs, vt quidam aiunt; nam & ibi duo Regionum genera, Dorium & Phrygium: alias vero compositiones partim Dorias, partim vocant Phrygias. Sic igitur maxime quidem de Rebus publ. existimare videntur. Verius autem & rectius & melius, vt nos distinximus, duarum aut vnius recte constitutæ alias esse aberrationes: has quidem harmoniæ bene temperatæ, illas vero optimæ Reipublicæ: Oligarchicas quidem intentiores & magis heriles: populares vero eas, quæ sint remissiores & molliores.

C O M M E N T A R I I.

Μάλιστα ὃ δοκῶσιν.] Quorundam de Rerumpub. generibus sententiam exponit & reprehendit. Erant enim qui duo tantum Rerumpubl. genera esse dicerent, Democratiam & Oligarchiam, exemplo ventorum & concentuum seu harmonia-

Opin. quorundam, duo tantum Reip. genera fla-

tuentiū, De moniarum. Nam & ventorum summa duo tantum esse ge-
mocratiam nera, Septentriones & Austrum, ad quos alii venti, tanquam
& Oligar- species, referantur. Et harmoniarum duo quoq; summa esse
chiam. genera, Phrygiam & Doriam, Barbaram & Græcam, ad quæ
1. ὀλιγίων. reliqua quinque, Lydia, Hypolydia, Mixolydia, Hypophry-
2. ὀλιγίων. gia, Hypodoria (nam septē fere commemorantur. *Athenæus*
lib. 14.) accommodentur. Ad eundem modum ad hæc duo,
 ad Oligarchiam accommodari Aristocratiam, & Democra-
 tiæ Rempublicam. Quam illorum sententiam *infr. cap. prox.*

Ratio.

*Sue diuisio-
nis confir-
matio.*

Similitudo.

confirmari posse ostendit hac ratione; Quia in ciuitatibus
 duæ summæ sint partes & maxime conspicuæ, diuites &
 pauperes. Verum rectius se sentire & suam Rerumpub. diui-
 sionem meliorem esse, qua Respub. partim dicantur rectæ,
 partim vitiosæ & prauæ, monet id quod ex prioribus est per-
 spicuum, nempe ex partium ciuitatis dissimilitudine multi-
 plicium: ita ut quemadmodū in harmoniis rectæ sunt quæ-
 dam, quædam discrepantes, item in Rebuspublicis quædam
 sint rectæ, quædam vitiosæ, ab illis aberrantes, ut Oligar-
 chia & Democratia: & ut ex harmoniis discrepantibus aliæ
 iusto sunt intentiores, aliæ remissiores: sic & in Rebuspubl.
 vitiosis aliæ sunt grauiores & aciores, *παρανέστεραι*, & ma-
 gis heriles, ut Oligarchia; aliæ solutiores ac liberiores, ut
 Democratia. Cæterum de comparatione Rerumpublic. &
 harmoniarum dictum *supra lib. 1. cap. 2.*

C A P V T IV.

1. Pars.

2. Pars.

3. Pars.

TR E S huius capitis sint partes: quarum in prima de ve-
 ris notis & definitione Democratix & Oligarchix: in
 altera rursus de ciuitatis partibus & membris: in tertia de
 Democratia nominatim & eius generibus explicatur.

T E X T V S.

Democratiam autem non oportet sic simplici-
 ter, vbi Princeps est populus (ut quidam nunc fa-
 ciunt) statuere. Etenim in Oligarchijs & vbique
 maior pars est princeps: neque Oligarchiam, vbi
 pauci Reipublicæ sunt principes. Nam si omnes
 sint mille & trecenti, horumque mille diuites, &
 imperium non communicent cum trecentis &
 pau-

paup̄eribus liberis, & alioqui & cætera similibus: nemo hos Democratia vti dixerit. Item etsi pauperes quidem sint pauci, diuitibus vero pluribus potiores; nemo ne talem quidem vocaret Oligarchiam, si alijs diuitibus honores non communcentur. Dicendum igitur potius, populum quidem esse, cum liberi sint principes; Oligarchiam vero, cum diuites. At illos quidē accidit esse multos, hos vero paucos. Nam liberi quidem multi, diuites vero pauci. Nam si magnitudine quoque imperia deferāt, vt in Æthiopia quidam aiunt, aut ex forma; esset Oligarchia. Exiguus namq; est numerus & formosorum & magnorum. Sedenim ne his quidem solum satis distinguantur hæ Respub. Verum quia plures sint partes & populi & Oligarchiæ; hoc amplius sumendum, ne populum quidem esse, si liberi pauci pluribus & non liberis imperent, vt Apolloniæ ad mare Ionium, & in Thera: in vtraque namque hac ciuitate honores capiebant nobilitate antecellentes. & qui primi fuerint coloni, pauci ex multis: neque esse populum, si diuites; quia multi superent, vt antiquitus Colophone. ibi namque ante bellum cum Lydis multi magnas habebāt diuitias. Verū Democratia quidem est, cum liberi & pauperes, ijque multi, imperij sint participes: Oligarchia verò, cum diuites & nobiliores, ijque pauci.

C O M M E N T A R I I.

Οὐ δὲ δὲ πῆναι.] Exponit, quæ harum Rerum publ. Democratix & Oligarchiæ, veræ sint notæ & definitiones, reprehensis falsis, quem locum *supra* copiose explicauimus lib. 3. cap. 5.

TEXTVS.

Quamobrem esse quidem multas Respublicas, & quam ob causam, explicatum est. Cur autem prioribus sint plures, & quæ, & quare; videamus, sumpto prius allato exordio. Nam omnem ciuitatem fatemur non vnâ partem, sed plures habere. Vt igitur si animantis species habere velimus; primū diuidamus, quod necessario habeat omnis animans, vt & sentiendi quædam organa, & cibi conficiendi, & capiendi, vt os & ventrem; præterea partes, quibus quæq; earum mouetur: si igitur tot tantum sunt species, harum autem sunt discrimina, vt oris, inquam, plura quædam genera, & ventris & sentiendi organorum, adhæc & partium motricium: necessario harum coniunctionis numerus plura faciat animantium genera: neq; enim fieri potest, vt eadem animans habeat plures oris differentias, neque item aurium; adeo vt quoties harum omnes, quæcunque esse poterunt, coniunctiones fuerint sumptæ; species animantis sint reddituræ, totque animantis species, quot necessariorum partium sint copulæ siue coniunctiones. Ad eundem modum & in prioribus Rebuspublicis. Nam, vt supra dictum, ciuitates non ex vna, sed ex multis constant partibus. Vna igitur est illa quidem multitudo ad victum, qui dicuntur agricolæ, altera vero, quæ dicuntur opificia, quæ est in artibus, quæ sine ciuitas constare nequit. Harum autem artium aliæ quidem necessitatis causa, aliæ vero deliciarum, & liberaliter viuendi, adesse debent: tertia vero tabernaria. Tabernariam vero voco eam, quæ versatur in venditionibus & emptionibus

bus, & mercaturis & cauponationibus: quarta vero mercenaria: quinta vero, quæ sit propugnatura, quæ his non minus est necessaria, si inuadentibus non seruiant. Nam ex rerum numero earum, quæ fieri nequeunt, sit, eam ciuitatis nomine dignari, quæ natura sit serua. Ciuitas enim rebus omnibus instructa: quod autem seruum, non est instructum. Quapropter in Rebus publ. scite istud, non satis tamen dicitur. Ait namque Socrates, ciuitatem ex quatuor maxime necessarijs constare; hos autem vocant textorem & agricolam, & suto-rem, & fabrum lignarium. Rursus autem, quasi hi nō sint satis, addit fabrum ferrarium, & pecorum necessariorum magistros, mercatorem præterea & cauponem. Eaque omnia primæ ciuitatis sunt complementa, quasi ciuitas omnis non honesti potius, sed rerum necessariarum causa constitua-tur, & sutoribus peræque opus habeat, atque agri-colis. Partem autem propugnantem non prius at-tribuit, quam agro aucto, & ad finitimos dilatato, in bellum incidant. Atq; & inter quatuor, & quot-cunque socios quendam esse necesse est ius reddi-turum & disceptaturum. Si igitur animam quoq; magis animantis partem, quam corpus, quis po-nat: ciuitatum quoque tales, propugnans & iusti-tiæ iudicialis particeps, magis sunt ponendæ, quam quæ ad vsus necessarios pertineant: ad hæc, con-sultatrix, quod est ciuilis prudentiæ officium; & quidem siue separatim quibusdam adsunt, siue ijsdem; nihil ad disputationem interest: nam ijs-dem sæpe accidit, & militare, & agros colere. Qua-re si & hæ & illæ ciuitatis ponendæ sunt partes, perspi-

perspicuum est, militarem quoque ciuitatis partem esse necessariam. Septima autem, quæ copiis deseruit, quam diuites vocamus. Octaua, ea, quæ Reipublicæ inferuit, & in magistratibus versatur: siquidem absque magistratibus fieri nequit, vt sit ciuitas. Necessarii igitur sunt quidam, qui præesse possint, & qui munera obeant, vel perpetuo, vel vicissim. Reliquæ, de quibus satis distinximus, sunt consultatrix & disceptatrix de iure inter litigantes. Hæ igitur si ciuitatibus adesse debent, idque recte & iuste, necessario aliqui quoque esse debent, qui virtutem rerum ciuiliū habeant. Et quidem plerisq; videt̃ alias facultates in iisdē inesse posse, vt eosdem esse ppugnatores & agricolas & opifices, etiam & consiliarios & iudices. Vindicant autem virtutem omnes; multosque magistratus se posse sustinere existimant; sed, iisdem vt sint pauperes & diuites, fieri nequit: quare hæ maxime videntur esse ciuitatis partes, diuites & pauperes. Præterea, quia plerunque illi sint pauci, hi vero multi; hæ partes ex ciuitatibus & earum partibus contrarię videntur. Quare & Respublicæ ex harum præstantijs constituunt: Et duæ Respublicæ esse videntur, Democratia & Oligarchia.

C O M M E N T A R I I.

Οἱ πρὸς τὴν πολιτείαν.] Etsi supra de Rerumpubl. generibus explicauit, causamq; attulit, quare non vnum vel duo, sed plura sint genera: hoc tamen loco rursus & quidem enucleatius de eadem re, id est, de Rerumpub generibus explicandum sibi putauit, propterea quod non tantum summa Rerumpubl. sex genera, sed horum cuiusque suas partes & species distincte & articulate reperire & explicare velit.

*Multa &
varia esse*

Multa igitur & varia esse Rerumpub. genera, & horum summorum generum suas species esse, & cuiusq; partes, docet ex par-

ex partibus ciuitatis earumq; inter se copulis & coniunctionibus, quemadmodum & supra docuit. Cur autem ex partium varietate, & multiplici coniunctione Respublicæ varient; rationem quidem iam supra attulimus; hic Aristoteles similitudine & cōparatione ab animantibus sumpta explicat. Nam cum animantium multa sint genera; eorū causam esse ait, & rationem quoq; cognoscendarum partium & membrorum varietatem & vsum multiplicem: verbi gratia, partes animantium aliæ sunt sentiendi causa, vt aures, oculi, &c. aliæ cibi capiendi & conficiendi, aliæ ingrediendi & mouendi, aliæ alius vsus causa: quæ partes quia mirifice in animantibus variant (vt in homine pars motus est pes, in aue ala, in pisce pinna, & rursus in homine bini pedes, in beluis fere quaterni, & rursus in quaternis alii fissi, alii solidi) hinc, inquam, animantium genera existunt, & internoscuntur, aliæ vt sint natantes, volantes, bipedes, quadrupedes, fissipedes, solidipedes. Sed de hac re, id est, de causis variorum animantium generum, partibus, inquam, vita & moribus videatur *Aristoteles lib. 1. & 2 cap. 1. de partibus animantium, & libro 1. cap. 1. de historia animantium.* Ex hac igitur partium dissimilitudine, (nam vt eleganter Aristot. & ὅλον τε πᾶν τὸ ζῷον. Absurdum sit, inquit, vt eadem animantis species aliam, verbi gratia, oris atq; rostri, atque aliam formam habeat.) atque ex earum partium multiplici coniunctione & copula (fieri namque potest, vt dissimiles licet animantes eandem tamen oris formam & alterius partis habeant, non tamen omnium) ex his, inquam, varia animantium genera existunt, vt diximus. Ad eundem modum & Reipublicæ varia genera ex eius partibus multiplicibus, & earum inter se copulis oriuntur & dignoscuntur. Neq; vero noua est comparatio animantis & Reipubl. nam & alia harum pulcherri-
ma comparatio extat apud *Aristotelem in libro de motu animantium, cap. penult. & apud Platonem alicubi.* Quo pertinet & comparatio Menenii Agrippæ apud *Liuium.* Partes igitur ciuitatis plures esse, iam sæpe supra dictum est, vt initio *libri primi & libri secundi.* Quæ autem & quot ex sint, explicat & hoc loco, & *infra lib. 7. cap. 8. & 9.* Et hic quidem octo commemorat, *libro septimo* sex, vt quia tres hæ primæ ad vnam reuocari possunt. Prima est igitur agricolarum, ad victum parandum & suppeditandum ciuitati necessaria; al-
tera est

*Rerum pub.
genera pro-
pter varias
ciuitatis
partes.
ὁμοιωσις.*

*Partes ciui-
tatis.*

*1. Agricola-
rum.*

2. *Opificum* Tera est opificum, & ipsa ciuitati necessaria, quæ sine opificum artibus nulla esse possit: etsi opificum artes aliæ aliis sunt magis necessariae. Nam omnes vel ad vsus sunt necessarios comparatæ, vel ad ornatum & delicias, ut pictorum, eorum qui tapeta conficiunt, sericariorum, (quæ omnia non sunt necessaria, sed tantum causa voluptatis sunt inuentæ.)
3. *Mercatorum.* Tertia est Mercatorum, Institutorum, Tabernariorum, Cremerorum: nam & hos Reipublicæ esse necessarios ex eo intelligitur, quod rerum permutatio generi humano sit necessaria, sicut explicauimus *lib. 1.*
4. *Mercenariorum.* Quarta est Mercenariorum, Baiulorum, Tabellariorum, Cultodum, &c.
5. *Militum.* Quinta & Militum, & ipsa necessaria, non minus, inquit, quam priores, libertatis conseruandæ, & depellendæ seruitutis: nam hic militum est vsus, hostes patriæ libertati insidiantes depellere. Si igitur libertas ciuitati est necessaria, ut est (ciuitas namq; est αὐτοκρατής, & proinde libera: nam quicquid seruit non est αὐτοκρατής, opus habet alio cuius ductu regatur & conseruetur, *supra lib. 1.*) sequitur hanc quoq; partem ciuitati esse necessariam.
6. *Consilii & iudiciū.* Sexta pars in consiliis & iudiciis modo cernitur, & ipsa vel maxime necessaria, ut quæ ciuitatis sit velut anima, & summum prudentiæ seu ciuilis sapientiæ munus & officium, ut explicatum *supra lib. 6. Ethic.* Ut igitur ex animantis partibus anima est potior & magis pars quam corpus, (qua de re *supra lib. 9. Ethic.*) ita & ex ciuitatis partibus ea, quæ in iudiciis & consiliis est posita, verissima & prima ciuitatis pars censi debet.
7. *Diuitum & copiosorum.* Septima est diuitum & copiosorum, & ipsa necessaria, inquit *infra lib. 7.* ad vsus belli & pacis; quorum diuitiis & copiis publica inopia subleuetur: maxime Græcorum tamen moribus accommodata, apud quos non minus priuati, quam Respub. sumptus facere cogebantur, & munera oneraque Reipublicæ suis sumptibus obire & administrare, quas λειτουργίας vocabant.
8. *Magistratum.* Octaua & vltima est magistratum, & ipsa Reipubl. necessaria; quia, quod & hic, & infra sæpius iterat, sine magistratibus ciuitas nulla esse possit: qua de re videatur Cicero initio libri tertii de legibus, de necessitate magistratum.

Platonis *Διόπερ ἐν τῇ πολιτείᾳ.*] Platonis de ciuitatis partibus sententiam reprehendit, qui & ipse quidem *lib. 2. de Repub.* de iis explicauit, sed non satis: prætermittis nimirum aliquot necessarios. Nam Plato partes ciuitatis primo quatuor tantum esse

esse ait; textorum, agricolarum, sutorum, & fabrorum ligna-
riorum: deinde tres alias adiicit, fabrorum ferrariorum, pa-
storum & mercatorum. Huius Platonicae partitionis vitia *1. Reprehē-*
Aristoteles hic notat. Primum, quia partes eas faciat, quæ *sio.*
tantum pertineant ad vsus vitæ necessarios, non etiam ad li-
berales, cum tamen supra initio libri tertii docuerit, ciuita-
tis scopum non esse necessarium, sed liberalem vitæ cultum
& αὐτάρκησαν. Secundo, quia eodem loco ponat sutores, quo *2. Reprehē-*
agricolas, id est, illos peræque ciuitati necessarios, atq; hos: *sio.*
absurde. Neque enim vt absq; victu & cibo humanum ge-
nus consistere nequit, ita neque absq; calceamentis. Pruden-
tius Aristoteles, qui agricolis omne opificum genus compa-
rat: vt peræque ciuitati necessarium. Tercio, quia in ciuita- *3. Reprehē-*
tis partibus omittit militem, iudicem & consiliarium: hos *sio.*
quidem prorsus; illum vero, quam diu ciuitatis imperium
& ager non fuerit dilatatus. Nam Plato ciuitati milites non
putauit necessarios, quam diu non esset belli metus: vt hunc
non fore, nisi imperio dilatato, & ad finitimos propagato;
non satis prudenter. Nam belli metus non tantum propter *Ratio.*
finium prolationem seu propagationem, sed alias quoq; ob
causas esse potest, vt florente ciuitate, cui vel finitimi, vel ex-
teri insidientur vel inuideant. Iudicia autem plane exclusit *4. Reprehē-*
Plato: quia ciuitatem ita temperet, in qua nullus sit litibus *sio.*
locus, quod optare potius est, quam disputare, in hac huma-
ni generis πλεονεξία & improbitate. Et hæc quidem Plato in
priori Republica, nam in altera & milites & iudices con-
stituit.

Καὶ ταῦτα πάντα γίνεται.] Occurrit contradictioni cui- *Obiectio.*
dam: nam contradici poterat, tot ciuitatis partes non esse
necessario distinguendas, hac ratione; quia fieri possit sæpe-
numero, vt vnus idemque sit & agricola, & miles, & iudex:
omnes has artes vnus norit, omnesque eas partes sustinere
& tueri possit: nota namq; est hominum πολυπραγμοσύνη
& φιλαυτία: quia omnia se posse & nosse sibi persuadeant,
atque adeo concupiscant. Aristoteles fatetur quidem, hæc *Solutio.*
posse concurrere; non ex eo tamen effici, quin partes ciuita-
tis distinctæ esse debeant: propterea quod semper certum
sit, ea munera ciuitati esse necessaria: vt omittamus *disputa-*
tionem Platonis in libris de Repub. qua concludit, Reipublicæ
esse perniciosum, si vnus idemq; plures artes exerceat.

Εἰπερ ἔν κ' ἡ ψυχὴ.] Præclarus est locus de consiliis & iudiciis, ea esse velut animam & mentem Reipublicæ, quod & aliquoties iterat *Cicero*.

Ἀλλὰ πένεα καὶ πλεῖν.] Potest, inquam, vnus idemque esse & opifex & iudex, & miles: sed diues & pauper vnus idemque eodem tempore esse nequit: quare fuerunt, qui has duas partes pauperum & diuitum in ciuitatibus summas & maxime distinctas esse existimarint, easque inter se contrarias; quia pauperes plerique sunt multi, diuites pauci; eaque propter duo tantum ex his partibus manantia esse Rerumpublicarum genera, Democratiam & Oligarchiam, quorum sententiam supra refellimus, etsi ea hodieque probatur erudito Iurisconsulto *Bodino in libro de methodo historia, cap. 6.* qui libellus hodie paucis visus.

T E X T V S.

Democratia sunt plura genera.

Multas igitur esse Respublicas, & quas ob causas; supra explicatum. Esse autem multa quoque & Democratix & Oligarchix genera, videamus. Hoc autem ex prioribus fit planum. Sunt enim multa & populi & nobilium genera, vt quidē populi genera; vnum quidem agricolarum, alterum vero quod in opificijs: aliud vero tabernarium, quod in venditionibus & emptionibus versatur. Aliud vero, quod in rebus nauticis & marinis, & huius hoc quidem militare, illud vero quæstuarium, illud vero nauticum, illud vero piscatorium. Multis namque in locis magna horum cuiusque generis est multitudo: vt piscatores quidem Tarenti & Byfantij: classiariorum vero genus Athenis: mercatorum in Ægina & Chio. Nauticum vero in Insula Tenedo. Adhæc mercenarium, & exiguas habens copias, vt ocioso esse non liceat: præterea ex non virisque ciuibz liberorum genus, & si qua talis alterius multitudinis species.

Oligarchia

Nobilium autem diuitiæ, genus, virtus, institutio &

tio & his similia, quæ eadem differentia dicuntur. *plura sunt genera.*

C O M M E N T A R I I.

Ὅτι μὲν ἔστι εἰς πολίταις.] Postquam vniuerse docuit Rerum publ. genera esse plura: nunc singulatim de iis Rerum publ. generibus, Democratia maxime & Oligarchia & earum partibus, explicat. Et primum quidem de Democratia: multa eius esse genera docet: quæ priusquam exponat, ciuium partes rursus commemorat duas summas, plebem & nobiles. Plebis quatuor facit partes, agricolas, opifices, mercatores & nauticos. Sic enim eorum hominum genus vocamus, qui cum mari & in mari habent commercium, quorum quatuor sunt genera, milites classarii, mercatores, nautæ, & piscatores. His autem quatuor generibus plebis addit & quintum mercenariorum, & sextum liberorum quidem, sed non ex utroque parente ciuium natorum. Nobilium quatuor facit genera; partim qui diuitiis, partim qui generis antiquitate, partim qui virtute & rebus gestis, partim qui doctrina & institutione antecellant. An autem hæc nobilium genera sint vera, explicare non est huius loci. Solet præterque Aristoteles duo facere nobilium genera, diuites & generosos. Ex harum igitur duarum partium, plebeiiorum, inquam, & patriciorum, dissimilitudine Rerum publicarum genera, Democratia & Oligarchia, earumque præterea partes dissimiles existunt. *Plebis partes, Nobilium genera.*

T E X T V S.

Democratia igitur prima quidem est ea, quæ maxime ex æquitate ducitur. Lex namque talis Democratix, æquum iubet, id est, ait, ne maiori sint in pretio diuites, quam pauperes, neque alteri, quantum uis multi, sint domini, sed utrique sint pares. Si enim libertas maxime est in Democratia, ut quidam existimant, & æquitas; sic maxime sit, omnibus Reipublicæ maxime æqualiter participibus. Cum autem plebs maior, & quod pluribus *1. Democratia genus.*
Ee 2 visum,

visum, sitraturum; necesse est hanc esse Democrati-
tiam.

C O M M E N T A R I I.

Δημοκρατία μὲν ἔν.] Hoc loco tandem de Democratia generibus explicat, de quibus & *infra cap. 6. & lib. 6. cap. 4.* de iis & *Isocrates in Areopagitico, & Cicero in libris de Repub. & Plato in libro 6. de Repub.* Plato vnum tantum Democratia genus nouit & explicat, quod Aristoteles extremum & deterrimum esse ait. Quam Platonis opinionem & aliorum, qui vnum duntaxat genus Democratia norint, supra notauit Aristoteles. *Isocrates & Cicero* duo Democratia genera norunt, rectam & vitiosam. Aristoteles omnem Democratiam supra docuit esse vitiosam, aliam tamen alia minus esse vitiosam. Aristoteles igitur hoc quidem cap. quinque genera Democratia commemorat, capite sexto vero, ubi causas, cur tot sint Democratia genera, adfert quatuor. Quam dissensionem seu *ἐναντιοφωνίαν* infra conciliabimus.

Platonis opinio. 1. Genus Democ. Prima igitur Democratia, eaq; verissima, & maxime propria est ea, ubi aditus ad magistratus patet omnib. nō tantū ciuib. sed etiam inquilinis, inhabitantibus, vt vulgo loquuntur, nullo nec ciuitatis nec census discrimine. Cur autem hæc maxime sit propria & princeps Democratia, hanc rationem adiungit Aristoteles; quia in hoc maxime & præter cæteras vera Democratia nota, libertas & æquitas, reperitur. Hanc autem Democratiam *infra lib. 6.* prætermisit Aristoteles, quia (ni fallor) inusitata aut certe rara, in qua etiam aduenis & inquilinis pateant imperia.

Cur hanc infra omiserit.

T E X T V S.

2. Genus Democ. Hoc igitur vnum est quidem Democratia genus. Aliud, quo magistratus à censibus, ijsque exiguis, mandentur. In quo ei quidem qui teneat, potestas sit capiendi, & qui amiserit, non capiendi

3. Genus. (scilicet potestas Magistratus.) Aliud Democratia genus, quo ciues omnes, qui exceptione non excludantur, sint participes, lege tamen dominante.

4. Genus. Aliud Democratia genus, quo omnibus ad magistratus

gistratus pateat aditus, si modo sit ciuis, lege tamē dominante. Aliud Democratiæ genus, quo ut alia *s. Genus.* quidem sint paria, dominetur tamen multitudo, non vero lex, quod accidit, vbi decreta dominantur, non vero lex. Id quod accidit propter Demagogos. Nam in Democratijs ex lege administrandis nō est Demagogus, sed optimi ciuium primas tenēt: vbi autem leges non dominantur, hic Demagogi existūt. Nam populus monarcha fit vnus ex multis constitutus; nam domini sunt multi, nō ut singuli, sed vniuersi. Homerus autem quem dicat non esse bonum multorum dominatum, hunc ne, an cum plures sint, qui præsint tanquā singuli: incertum est. Talis igitur populus, ut Monarcha, quærit ut monarcha præesse & imperare, eo quod à lege ei non imperetur, & herilis existit. Quare assentatores in precio. Atque talis populus respondet monarchiæ ei, quæ tyrannis dicitur. Quare & ijdem mores, & vtrumque genus in meliores herile exercet imperium, & decreta, ut ibi iussa in tyrannide. Et Demagogus & assentator idem, eademque vtriusq; ratio, maximeque vterque apud vtrumque valet; assentatores quidem apud Tyrannos; Demagogi vero apud populos tales. Hi autem, cur decreta, non vero leges, dominantur, sunt auctores ad populi potestatem omnia redigentes. Nam fit, ut ipsi sint magni, eo quod populus quidem sit dominus, hi vero sententiæ populi multitudo namque hos sequitur. Præterea magistratum accusantes aiunt populum oportere discernere. Hic autem libenter admonitionem recipit. Quare omnes magistratus dissoluuntur. Meri-

to autem reprehendere videatur is, qui talem Democratiam neget esse Rempublicam. Vbi namque non dominantur leges, non est Respub. Omnibus namque legem quidem dominari oportet: de rebus vero singulis magistratus & Rempublicam decernere. Quare si Democratia vna est ex numero Rerumpublicarum: perspicuum est, talem descriptionem, in qua omnia decretis administrantur, non esse proprie Democratiam. Nullum namque decretum solet esse generale. Democratiae igitur genera hoc modo sint explicata.

C O M M E N T A R I I.

2. Genus
Democ.

Ἐτερον δὲ εἶδος.] Alterum Democratiae genus, in quo omnibus quidem ciuibus ad imperia & magistratus pateat aditus: iis tamen, quibus nulla velut exceptio obici possit, ut quia ciues sint non germani, sed nothi, non ex utroque parente ciue nati, vel quia ciues non nati, sed facti, & in quo genere census quoque, licet exigui, habeatur ratio: adeo quidem, ut non alii, quam qui hunc censum legibus definitum habuerit, magistratus & imperia pateant. Tertium Demo-

3. Genus
Democ.

cratiae genus, in quo quidem census non habeatur ratio, sed generis duntaxat, ut sint ciues germani, & non nothi. Quar-

4. Genus
Democ.

tum Democratiae genus, in quo omnibus quidem ad magistratus pateat aditus, sed à prioribus tamen generibus longissime discrepans; nimirum quia in iis Respub. legum arbitrio, in hoc ultimo genere, omnia multitudinis arbitrio & decretis administrantur. Eaque propter hæc Democratia om-

Hoc genus
omniū de-
terrimum.

mnium est deterrima, atque adeo Reipublicæ nomine vix digna. Nam, ut præclare Aristoteles, ubi silent leges, vel, ubi legibus non est locus, ibi nulla est Respub. Quid ita? Quia

Ratio.

lex omnium domina & regina esse debet, in iis certe rebus in quibus locum habere potest, ut in rebus generalibus & vniuersis. Nam in rebus singularibus decreta succurrunt. De qua differentia legis & decreti seu populi sciti sæpe dictum est, *lib. 1. Ethic. cap. 6.* Atque hanc Democratiam magnam cum Tyrannide cognationem habere ait. Primum, ut quia Tyrannide vnius omnia imperio administrantur: ita & hic

Democ. hac
tyrannidi
propinqua.
1. Ratio.

populi,

populi, qui & ipse velut est Monarcha, ex multis licet capitibus constans : ita vt ratione capitum sit multorum imperium, ratione potestatis sit velut vnus. Nam multorum imperium, cui contraria est Monarchia, aliud est, in quo multi tanquam vniuersi imperant, vt in aliis Democratiis, Aristocratiis, & in Republica : adeo vt vtro de genere accipiendus sit *Homeri* versiculus (*lib. 2. Iliados.*

ὅτι καὶ ἀπὸν πολλοῦ κρανίη)---

reprehendentis multorum imperium, dubitari possit. Et si meo quidem iudicio satis aperte *Homerus* omnia multorum imperia improbare videtur, qui adiungat, εἰς κρανὶος ἔσω. Secundo, quia vtriusque generis, Tyrannidis, inquam, & huius Democratiæ potestas, plane sit herilis. Tertio, quia vtroque floreant assentatores : in Tyrannide quidem veri assentatores : in Democratiis consimiles & respondentes Demagogi. Huius autem deterrimæ Democratiæ autores facit Demagogos. Sic enim Græci vocant, quos Latine fere tribunos plebis dicas. Quo in numero olim erant plerique Oratores, Pericles, Cleon, Lycurgus, Hyperides, Demosthenes, &c. De hoc verbo videantur *Franciscus Robertellius* in *libello variarum observationum aduersus Erasmus*. In hos igitur omnem culpam confert Aristoteles, qui plebi blandiendo, & omnia ad plebis voluntatem agendo, culpandis & reprehendendis magistratibus & optimatibus, omnia tandem sub populi potestatem & libidinem redigere sunt soliti : adeo vt diminuta magistratuum potestate ac maiestate, & legum violata auctoritate, penes populum quidem speciatenus, vere penes Demagogos, omnis Reipublicæ esset auctoritas & potestas.

Ὅτι καὶ μὴ νόμοι.] Præclarus est locus de legum auctoritate, & imperio : nam vt hic Aristoteles rerum omnium penes leges vult esse imperium : ita & Chrysippus apud *Iurisperitum*, *secunda lege*, ff. de legib. Legem vult esse omnium dominam & reginam. Verū quod hic dicitur non esse Rempublicam vbi penes leges non sit imperium, sed omnia hominum arbitrio administrantur : controuersum esse potest, quid enim Regno fiet, quod Græci *παρβασιλείαν* vocant, vbi omnia manu regia administrantur : an, inquam, Reipublicarum in numero non erit, quia legum in eo nullus sit vsus? Respondet *Borraus*, nullum esse regnum, in quo

Homeri loci
cū huic Democratiæ conuenire.

2. Ratio.

3. Ratio.

Huius Democratiæ auctores.

Demagogi.

Demosthenes.

3. eousque

adulando

plapsos sui

temporis Demagogos ait

vt populum subinde rogarint.

De legum auctoritate & imperio.

Obiectio,

1. Solutio.

2. *Solutio.*

si non scriptarum, saltem naturæ legū sit vsus & imperium. Rectius Sepulveda, qui ne quidem in *παμβασιλεία* omnia regis arbitrio administranda dicat, sed ea tantum, quæ legibus comprehendi non possunt, singularia.

CAP V T V.

TEXTVS.

Oligarchiæ autem genera, vnum quidem, quo magistratus à censibus tantis, vt pauperes, etsi plures, non sint participes, deferuntur: ei vero, qui possideat, Reipublicæ participi esse liceat. Aliud, cum à censibus non magnis deferantur magistratus, ipsique eos, qui desiderentur, cooptent. Quod si quidem ex omnibus his faciant, ad Aristocratiam hoc potius spectare videtur: si vero ex certis quibusdam, ad Oligarchiam. Aliud Oligarchiæ genus, cum filius patris loco succedat. Quartum vero, cum & quod nunc dictum fuerit, & dominetur & imperet non lex, sed magistratus. Atque hæc in Oligarchijs, tyrannidi in monarchijs respondet, & vltimæ, de qua diximus, Democratiæ in Democratijs, talemque Oligarchiam vocant *συνασείαν*.

COMMENTARI I.

Ὀλιγαρχίας δὲ εἶδη.] Explicatis Democratiæ generibus, nunc de Oligarchia, de qua & capite proximo, & lib. 5. cap. 3. 6. & 8. & lib. 6. cap. 6. & Plato lib. 5. de Repub. Aristoteles igitur quatuor Oligarchiæ genera hic exponit: quorum discrimina (quia Oligarchiæ nota fere est census & diuitiæ, vt Democratiæ libertas seu æquitas) à censuum & diuitiarum dis-

1. *Genus Oligarchia.*

crimine & varietate sumuntur. Primum igitur Oligarchiæ genus valde moderatum & ciuile, in quo census quidem, sed exigui, habetur ratio in magistratibus & imperiis, tanti tamen, quo tenuiores, alios licet multitudine superantes, à Re-

2. *Genus Oligarchia.*

publica excludantur. Alterum Oligarchiæ genus, in quo & ipso non magni, sed paulo maioris tamen, census habeatur ratio:

ratio: quare fit, ut in hoc genere pauci plus sibi sumant, quam in priore. Nam in priore omnia legibus administrantur, in hoc non omnia: nam in priore magistratus illis tantum parent, quibus census lege definitus permittat; in hoc magistratus deferuntur etiam ipsorum paucorum arbitrio, non omnes quidem, neque omnibus; sed si qui ex primis lege constitutis sint demortui, in horum locum alios ipsi pauci suo arbitratu constituunt & suppleant. Tertium genus, in quo iam magni census habeatur ratio; quare fit, ut in hoc genere sint perpauca, maioremque sibi vindicent potestatem, & longius à legibus discedant: adeo, ut etiam liberis tradant imperia. Quartum, in quo maximi census habeatur ratio, eaque propter in hoc genere & sint perpauca, qui omnia suo arbitratu & libidine, contemptis legibus administrant. Quare hæc Oligarchia omnium est nequissima, & respondet in Monarchiarum generibus tyrannidi: in Democratia generibus extremæ illi Democratia. Hanc ait vocari *δυωαρχίαν* certo & proprio nomine: ut & *infra libr. 5. cap. 3. 6. 8. & infra hoc libro, cap. 11.*

3. Genus Oligarchia.

4. Genus Oligarchia. *δυωαρχία.*

Ἀπὸ πλεονεξίας μεγάλων.] Scribendum, *ἀπὸ πλεονεξίας μὴ μεγάλων.* Nam in secundo genere census est ille quidem prior genere maior, non tamen magnus.

Ἀπὸ μὲν δὲ ἐκ πάντων.] Cooptatio in eorum, qui desiderantur, locum, si fiat ex omnibus iis, qui eo censu censi possint, erit Aristocrata: si ex certis tantum pro affectu & libidine, est Oligarchia, *infra cap. 14.*

Ὅταν ὑπάρχη τὸ.] Id est, diuitiarum copia & imperiorum in liberos translatio.

T E X T V S.

Totigitur Democratia & Oligarchia sunt genera. Non est autem ignorandum, sæpe accidere, ut Respublica ex legibus quidem non sit Democratica, moribus vero & institutis populariter generatur: contra vero apud alios item, ut Respublica legibus quidem sit magis popularis, institutis vero & moribus magis Oligarchica. Id quod maxime accidere solet, post mutationes Rerumpublicarum.

rum. Neque enim statim momento mutantur: sed primis contenti sunt, paucis in rebus alios superantes. Quo fit, ut leges quidem priores mancant; vincant tamen, qui Rempublicam mutant.

COMMENTARI.

Admonitio

Ὀλιγαρχίας μὲν ἐν εἰδῇ.] Monet Aristoteles de his duobus Reipublicæ generibus, Democratia & Oligarchia, sæpe hoc usu venire, ut legibus seu legum ratione sit Oligarchia: usu Democratia: & contra, usu & institutis Oligarchia: legibus sit Democratia. Cuius rei hanc ait esse causam, quia in Rerum publ. mutationibus auctores mutationum operam dare solent, ut ne continuo & statim omnia mutant, sed

Ratio & causa.

*Vnde etiā
supr. cap. 1.
huius libri
monuit, nō
ex legib. sed
sine & prin-
cipatu Re-
rump. for-
mas depre-
hendi.*

servatis etiam prioribus legibus satis habent, ut saltem in summa Reipubl. quibusdam in rebus sint superiores. Quo præcepto moniti non facile aberrabimus, neq; decipiemur. Nam alioqui sæpe quis Rempub. quæ esset Oligarchica, putaret esse Democratiam, vel contra.

CAP V T VI.

HO c capite causas exponit, cur tot sint Democratia & Oligarchia genera.

TEXTVS.

Tot autem Democratia & Oligarchia esse genera, ex ijs ipsis, quæ sunt exposita, intelligitur. Nam necesse est, partes supra populi expositas, vel omnes Reipublicæ esse participes, vel has quidem, has vero non. Cum igitur agricolæ, & quæ pars modica habet bona, Reipublicæ fuerit domina, Republica ex legibus utuntur. Nam ex opera vivunt, ociari nequeunt. Quare, lege constituta, necessarijs tantum de causis ad comitia occurrunt. Alijs autem participibus esse licet, ubi censum legibus definitum fuerint nacti. Quare omnibus habentibus participibus esse licet. Nam omnino non licere omnibus, est Oligarchicum. Ociari au-
tem

tē vt liceat, non suppeditantibus vectigalibus, fieri non potest. Atq; hoc quidem vnum est Democratix genus, propter has causas. Alterū genus est propter proximā magistratuū cooptationem. Nam fieri potest, vt omnibus pateat, qui non propter genus repellantur; ijs tamen, qui ociosi esse possint, pateat aditus. Quare in tali Democratia leges præsunt, eo quod non sunt vectigalia. Tertium genus, quo omnibus, qui modo sint liberi, pateat ad Rempublicam aditus: qui tamen non capeffant propter priorem causam. Quare & in hac necesse est, legem præesse. Quartum Democratix genus est, ea quæ tempore vltima in ciuitatibus sit orta. Propterea namque, quod ciuitates multo maiores, quam ab initio, fierent, & vectigalium esset copia; omnibus quidem ad Rempublicam propter multitudinis præstantiam patet aditus. Participant vero & administrant, eo quod pauperes quoq;, accepta mercede, ociosi esse possint. Atqui talis multitudo maxime ociatur. Nihil enim ipsos remoratur rerum cura suarum. Diuites remoratur adeo, vt sæpe neque comitijs interesse, neque iudicare possint; quo fit, vt pauperum multitudo, Reipublicæ sit domina, non vero leges.

C O M M E N T A R I I.

Ὅτι δ' ἐστὶ τὸ πρῶτον εἶδος.] Monuit Aristoteles *supra capite 4.* & s. de Democratix generibus, primā quatuor ab vltima hac in primis nota differre, quod in illis Reipub. imperium sit penes leges, in hoc penes homines, id est, plebem. Huius rei causam hoc tandem nunc loco explicat. Quæ vt intelligatur, ex Græcorum antiquitatibus hoc est repetendum, in Græcorum ciuitatibus vñtatum fuisse, mercedem & hono-

Magistra-
tuū & iu-
dicū Græco-
rū s. *ortula.*

rarium

rarium constituere magistratibus & iudicibus, ad cōciones & ad ludos venientib. nūc drachmā, nūc duos obolos, &c. De quo Græcorum instituto videatur *Pollux lib. 8. Suid. in Theorica. Aristophanis interpres, Lucian. alii, Demosth. sepe.* Romæ iudicum quidem erant sportulæ, magistratuum vel ad comitia vel ludos euntium, nulla merces, vel honorarium. Notum est autem, primis temporibus & ciuitates fuisse exiguas, & exigua earum vectigalia (vt in *Officiis Ciceronis* dicitur, primo Romæ fuisse exigua admodum vectigalia) & paruis vectigalibus non posse magnam mercedem, aut ne vllam fortasse constitui magistratibus, iudicibus, conciones, ludos

Cur in primis Democratiæ generibus leges dominantur, in ultimo vero non item.

Ratio.

frequentantibus. His præmunitis Aristoteles in hoc capite prius quidem de generibus Democratiæ, postea vero de Oligarchiis rationem & causam reddit, cur in primis Democratiæ generibus leges dominantur, in ultimo non item. Ratio hæc est, quia in hoc merces & stipendium Rempub. gerentibus decernatur, in illis non item: idque propterea, quod in hoc & maiora sint publica, & minora priuatorum vectigalia, in illis contra. Quid ita? quia hoc in maximis fere ciuitatibus, quarum maiora solent esse vectigalia, reperitur, & in eo omnes infimi, & fex ciuitatis dominatur, mercenarii, opifices, & proletarii (*apud Liuum lib. 2. & apud Festum*) quorum vel exiguus, vel nullus est census. At in prioribus quia & minores sunt vrbes, in iisq; agricolæ, pastores, mercatores quoq; & nautici dominantur; fit, vt publica vectigalia sint minora, priuatorum maiora. Formula: In ultimo Democratiæ genere quia merces & stipendium Rempubl. gerentibus decernitur, in aliis non item: Ergo in his leges dominantur, in aliis non item. Ratio connexi; quia etsi in primis priuatorum redditus sunt maiores, quam in ultimo; tamen quia omnes sunt neq; valde tenues, neq; valde diuites: fit, vt, nulla proposita mercede, primi suis rebus vacare, quam Reipub. malint, vltimus populus mercede ad Rempub. gerendam alliciatur, eaq; velut alatur. Quare fit, vt illi suis rebus occupati, Reipub. imperium legibus facile permittant, hic suo arbitratu omnia administrari velit. Et hanc rationem de mercede attingit & *infra lib. 6. cap. 2. & cap. 4. & infra cap. 8. lib. 5.*

[*Ἀνάγκη δὲ ἡ πάλαι ταύτη.*] De Democratiæ generibus, quæ & quot sint, & cur supra quinque, hic & alibi fere tantum qua-

quatuor commemorantur, explicauimus *supra cap. 4.* Cur autē sint quatuor, causam & ibi & hic populi partibus attribuit, quas eodem capite *supra* docuit fere esse quatuor. Ex quibus prima agricolarum si maxime dominetur, primum Democratiz genus existit. Si vltima & fex omnium mercenariorum & opificum, erit deterrima: reliquæ duæ Democratiz ex aliis partibus temperamento quodam existunt: vt *infra lib. 6 cap. 4.* Et hoc est, quod hīc ait: si omnes plane partes, etiam infimi quique, Remp. gerant; erit vltima Democratia: alia vero atq; alia, si non omnes populi partes, licet possint omnes, Rempub. gerant.

Καὶ μάλιστα δὲ χολάζει τὸ.] Paradoxum videtur, dicere, plus esse otii pauperibus, quam diuitibus. Veruntamen si pauperes aliquo fruuntur stipendio, quia non distineantur multis occupationibus, quas afferunt diuitiz; mirum non est, his plus superesse otii.

Καὶ ἂν τὸ πλεονέχον εἶναι.] His verbis maxime causa & ratio illa continetur, cur in extremo Democratiz statu nihil arbitrio legum, in aliis contra geratur. Nam tamen si hæc de Oligarchiis, tamen & de Democratiis accipi possunt & debent, cum eadem ratio & causa vtrobiq; eadem valeat.

T E X T V S.

His igitur de causis tot taliaque de Democratijs accipi possunt, & Democratiz quidem tot sunt genera. Oligarchiz verò genera, primæ quidem Oligarchiz genus est, cum plures quidem rem habeant, angustam tamen, & non nimis amplam. Potestatem namque faciunt habenti Reipublicæ capeffendæ. Et quia magna sit multitudo eorum, quibus ad Rempublicam pateat aditus, necesse est non homines, sed legem esse dominam: quo enim longius à monarchia absint, neq; tantam rem habeant, omni vt cura soluti cessare possint; neque tam angustam, vt à ciuitate sint alendi: necessario existimandum est, leges ipsis imperare, non ipsos. Quod si pauciores sint, qui rem habeant, quam priores,

priores, maiorem tamē: alterum existit Democratiæ genus. Nam cum plus possint, plus sibi arrogant. Quare cooptant ipsi quidem ex alijs eos, qui Rempublicam sint gesturi: quia tamen non ita sunt potentes, ut absque lege imperare possint; legem talem constituunt. Si vero amplius intenderint potētiam, ut, quia pauciores, ampliorem rem habeant; tertius existit Oligarchiæ gradus, quo per se quidem magistratus gerant, lege tamen iubente, de mortuorum liberi succedant. Cum vero longe re & clientelis fuerint aucti, talis *δυναστεία* monarchiæ est vicina, dominique existunt homines, non vero lex. Atque hoc quartum est Oligarchiæ genus, ultimo Democratiæ generi respondens.

C O M M E N T A R I I.

Cur in trib. Τα δὲ τῆς ὀλιγαρχίας.] Quemadmodum de generibus Deprimis Oligarchia genera cur legibus, ultimum vero cur non legibus, sed hominum potius & paucorum arbitratu administraretur; causam *cus sit legibus: in ultimo vero non item.* & rationem hoc loco exponit Aristoteles. Et de primo quibusdem genere, quod ex minimo censu æstimari supra diximus, cur leges dominantur, facile est videre. Nam cum eorum, qui in hoc genere Reipubl. præsunt, modicæ sint divitiæ, neque (inquam) tantæ, ut otiosis iis esse liceat, neque curam rerum habere necessariarum; neque rursus tam exiguæ, ut ex publico sint alendi, ut fit in extrema Democratiæ: fit, ut, quia neq; à Republica stipendium vel mercedem capiunt, & tamen propter tenuitatem suas ipsi res curare debent, se totos Reipubl. administrandæ dare nequeant: sed quædam permittere Magistratibus & Legibus. In secundo genere quo gradatim maior est census, & proinde pauciores Reipublicæ & magistratuum participes; maior quoque est potentia & libido paucorum, non tanta tamen, ut suo ipsi arbitratu omnia possint & audent administrare. Sumunt quidem sibi & arrogant plus, quam priores. Verbi gratia: In de-

In 1. genere. uitæ, neque (inquam) tantæ, ut otiosis iis esse liceat, neque curam rerum habere necessariarum; neque rursus tam exiguæ, ut ex publico sint alendi, ut fit in extrema Democratiæ: fit, ut, quia neq; à Republica stipendium vel mercedem capiunt, & tamen propter tenuitatem suas ipsi res curare debent, se totos Reipubl. administrandæ dare nequeant: sed quædam permittere Magistratibus & Legibus. In secundo genere quo gradatim maior est census, & proinde pauciores Reipublicæ & magistratuum participes; maior quoque est potentia & libido paucorum, non tanta tamen, ut suo ipsi arbitratu omnia possint & audent administrare. Sumunt quidem sibi & arrogant plus, quam priores. Verbi gratia: In de-

mortuo-

mortuorum aut remotorum locum ipsi sua sponte & arbitrato alios designare solent, ut supra dictum: non tamen nihil relinquunt legum & magistratum aliorum imperio. *In 3. genere.* In tertio genere, in quo iam maior etiam est census, maior quoque & insolentior est paucorum potestas; adeo quidem, ut liberis quoque suis imperia tradant: non tamen suo prorsus arbitrato, sed lege primum constituta. *In 4. genere.* In quarto & ultimo genere, quia hic summæ sunt diuitiæ & opes, & proinde valde pauci magistratum participes; fit, ut in hoc genere etiam paucorum omnia libidine & arbitrato gerantur, & legum nullum sit imperium. Quare & hæc Oligarchia, & ultima Democratia, & Tyrannis plane sunt tergeminae & inter se simillimæ.

C A P V T V I I.

EXPLICATUR de Aristocratia generibus: nam explicatis iam primis Reipubl. generibus, Regno, Democratia, & Oligarchia; reliqua sunt itidem tria; Aristocratia, Respublica, & Tyrannis, de quibus deinceps explicabit.

T E X T V S.

Præterea sunt præter Democratiam & Oligarchiam duæ Respublicæ, quarum alteram quidem & omnes memorant, & dictum est, vnam esse ex quatuor Rebuspublicis. Vocant autem quatuor, Monarchiam, Oligarchiam, Democratiam, quartam vero vocant Aristocratiam. Est autem quinta, quæ communi omnium nomine dicitur, Rempublicam namque vocant. Verum quia rarior est, fugit eos qui Rerumpublicarum genera enumerare conantur, atque quatuor tantum utuntur, ut Plato in Republica.

C O M M E N T A R I I.

Ἐπὶ δὲ εἰς δύο πολιτείας.] Priusquam de Aristocratia, quædam rursus de Rerumpub. generibus, ordinis (ut puto) causa, præmunit. Ait igitur, plerisque quatuor nosse Rerumpub. genera; Regnum, paucorum imperium, populi, & optimatum. *ἀνάμνησις. De Rerumpub generibus.*

matum. Perperam : nam & quintum esse, non quidem, ut illa quatuor, suo & proprio, sed communi nomine, Rempub. *supra* docuit *lib. 3. cap. 5.* Illos quid in errorem adduxerit, hic adiungit; quia quintum hoc genus in ciuitatibus valde rarum, eaq; re vulgo vix notum: quæ res & ipsi Platoni fraudi fuit, qui & ipse quidem tantum quatuor Rerumpubl. genera commemorat: interdum quinque, interdum septem, ut *supra* late explicauimus *lib. 3. cap. 6.* Nusquam tamen huius quinti generis meminit.

T E X T V S.

Recte igitur Aristocratiam vocant, de qua in prioribus libris explicauimus. Nam quæ Respublica ex viris absolute bonis virtute, non vero ex viris ~~imperfectis~~ & bonis, constat, iure sola vocanda est Aristocratia. In sola namque idem est vir absolute bonus & ciuis bonus: in alijs vero sunt boni pro Rebuspublicis. Cæterum sunt quædam, quæ præter eas, quæ & Oligarchia vtuntur, differentias quasdam habeant, & vocentur Aristocratia, & ratione eius, quæ dicitur Respublica, vbi non tantum ex diuitijs, sed etiam ex virtutibus magistratus creant. Hæc Respublica & ab vtraque differt & vocatur Aristocratia. Etenim in ijs, in quibus virtutis non est commune studium, sunt tamen quidam insignes, & qui viri boni esse videantur. Vbi igitur Respublica spectat & ad diuitias & ad virtutem & ad populum, ut Carthagine: est hæc Aristocratica. Atque in quibus ad duo tantum, ut Lacedæmoniorum, & ad virtutem & ad populum; estque ex his duabus, Democratia & virtute permixtio. Aristocratia igitur præter primam optimam Rempublicam hæc duo sunt genera: & tertium, quotquot ex ea, quæ dicitur Respublica, ad Oligarchiam inclinant.

C O M M E N T A R I I.

Ἀριστοκρατίας μὴ ἔν.] De Aristocratia generibus breuiter *Aristocra-*
 explicaturus (nam de ea *supra lib. 3. in fine, & hoc quoque li-* *tia etymon.*
bro sæpius est explicatum) primo de ipso Aristocratia no-
 mine & vocabulo monet, nimirum optimo iure & ratione
 hanc Respub. dici Aristocratiam, vt in qua sola veræ virtu-
 tis habeatur ratio, & viri boni absolute boni. Nam quemad- *Bonum vel*
 modum aliis quoq; in rebus hæc partitio locum habet, alia *ἀπλῶς vel*
 vt sint absolute, alia vero comparate, vel ex *ἐκ τοῦ ὅτι* & sup- *ex τῷ ὅτι*
 positione (vt leges alia sua vi sunt optimæ, alia pro vsu & *σεως.*
 instituto ciuitatum vel hominum : atque Respubl. alia sunt
 optimæ per se & absolute, alia pro rerum necessariarum co-
 pia, vt supra dictum) ita & viri boni, alii sunt absolute tales,
 alii ex *ἐκ τοῦ ὅτι*. Absolute quidem veris virtutibus moralibus
 præditi; ex *ἐκ τοῦ ὅτι*, qui tali huic vel illi Reipubl. sit accom-
 modatus. Quo fit sæpenumero, vt (verbi gratia) in Demo-
 cratia sit vir bonus, qui tamen reuera & absolute non sit. At
 in Aristocratia virtutis non ex *ἐκ τοῦ ὅτι*, sed veræ & perfectæ
 & per se consideratæ, habetur ratio, itemq; viri boni. Qua-
 re merito hæc Respub. à virtute nomen habet, seu à viris bo-
 nis, vt & Latine optimatum dicitur : nam (quod supra la-
 rius est explicatum) in hac sola vsu venit, idem vt sit vir bo-
 nus & ciuis bonus.

Ὁὐ μὴ ἀπὸ τῆς ἀρετῆς πρὸς.] Hic de Aristocratia generibus, de
 quibus & *infra lib. 5. cap. 7.* Quatuor igitur Aristocratia ge-
 nera exponit, sumpta ex variis Rerumpub. vt vocant, termi-
 nis & scopis, eorumq; inter se variis permixtionibus, quas
 constat esse tres ; virtutem, diuitias & libertatem. Nam in o-
 mni Aristocratia virtutem adesse debere, eiusq; habendam
 rationem, iam est notū. Primum igitur & summum & opti-
 mum Aristocratia genus est, in quo vnus virtutis habetur
 ratio, de quo supra explicatum. Alterum, in quo non tan-
 tum virtutis, sed diuitiarum quoque habeatur ratio, de quo
 & *infra lib. 5. cap. 7.* Quod genus est illud quidem his Reipu-
 blicæ generibus duobus, Oligarchiæ inquam & Reipublicæ,
 simile, eo quod diuitiarum habeatur ratio, quibus solet co-
 mes esse virtus : ab utroq; tamen genere differt, eo quod ne-
 que Respubl. neque Oligarchia virtutis propriæ habeant ra-
 tionem : Oligarchia diuitiarum, Respubl. virtutis tantum

1. Optimæ
Aristocra-
tia genus.
2. Genus.

3. *Genus.* bellicæ, & ex Oligarchia ac Democratia est temperata. Terti-
Lacedamō. um genus, in quo virtutis & libertatis seu populi habeatur
Ratio. ratio, quod fuit olim Lacedæmone: vt explicatum *supra lib.*
2. cap. 7. & infra hoc libro, cap. 9. Idem & Romæ antiquissi-
mo tempore mihi fuisse videtur, vbi ex senatus & optima-
tium autoritate & populi potestate, his, inquam, duobus
terminis conflata & temperata erat Respublica. Et hanc o-
mnibus anteponit Cicero in libro de legib. & diligenter ex-
4. *Genus.* plicat in libro de Republ. Quartum genus, in quo omnium
seu trium terminorum habetur ratio, virtutis, diuitiarum, &
populi seu libertatis, de quo & *infra cap. 8.* hoc olim ait vfos
fuisse Carthagenenses, quod explicauimus latius *supra lib.*
Discrimen. 2. cap. 9. & iteratur *infra lib. 5. cap. 12.* Ex his quatuor generi-
bus prima Aristocratia est verissima & germanissima, reli-
quæ non tam sunt Aristocratix (quanquam ita vulgo ta-
men vsurpantur) quam Aristocratix principis & veræ ab-
errationes quædam, vt *infra* ait capite proximo. Causam su-
pra explicauimus.

CAPVT VIII.

EXPLICATUR de eo Reipubl. genere, quod commu-
ni nomine Respubl. dicitur, maximeq; de huius cum A-
ristocratia affinitate & comparatione. Qua de re *infra lib. 3.*
cap. 7. eadem fere, quæ hic, iterantur. Alia de hoc Reipubli-
cæ genere multis in locis *supra* sunt allata, maxime *lib. 3.*
cap. 5. & supra cap. 7.

TEXTVS.

Reliquum est, vt de ea, quæ vsurpatur, Repu-
blica & de tyrannide explicemus. Hunc autem or-
dinem seruauimus, non quod vel hæc sit aberratio,
vel modo explicatæ Aristocratix: quanquam
reuera omnes ab optima Republica aberrant: præ-
terea cum his numerantur, & ipsarum hæ sunt ab-
errationes, vt supra explicauimus. Vt autem de ty-
rannide vltimo explicetur, postulat ratio, quia ex
omnibus hæc minime sit Respublica. Nobis au-
tem proposita est scientia de Republica. Cur igitur

tur hunc ordinem seruauerimus, dictum est. Nūc de Republ. nobis est explicandum. Nam eius vis, explicatis de Oligarchia & Democratia, erit planior.

C O M M E N T A R I I.

Λοιπὸν δ' ἐστὶν ἡμεῖν.] Explicatis quatuor Rerumpubli- Obiectio.

rum generibus: quæ duo sunt reliqua, Respubl. & Tyrannis, ea hic explicare orditur De Republ. quidem hoc capite & proximo. de Tyrannide capite decimo. Sed enim quia hic ordo reprehendi posse videbatur, eo quod de Repu. eo loco explicetur, ubi de vitiosis Rebuspub. seu de Rerumpubl. aberrationibus, quam tamen Rempub. *supra lib. 3. cap. 5.* monuit esse, non ex numero vitiosarum, sed rectarum Rerumpubl. ea re Aristoteles huic contradictioni occurrens, de ordine hinc nonnihil præfatur. Et de Republ. quidem cur hoc

loco explicet, hanc adfert causam, quia eius vis & natura ex prioribus duobus Rerumpub. generibus, Democratia & Oligarchia, earumque explicatione optime intelligatur. Quid 1. Solutio.

ita? Quia Respublica earum Rerumpublicarum est velut cinnus quidam & permixtio, temperamentum, quod infra explicabit. Contradictioni autem illi ita respondet; Rempub. à Ratio.

se quidem supra in numero rectarum Rerumpub. fuisse positam: non esse tamen rectissimam & verissimam, sed potius à verissima Republ. seu optimo Reipublicæ statu, id est, Re-

gno & Aristocratia, quandam quoque aberrationem. Quem- 2. Solutio.

admodum etsi Aristocratia est in numero Rerumpub. rectarum, eius tamen genera tria priore capite explicata, quia à

verissima Aristocratia nonnihil degenerant, non tam rectis Rebuspubl. quam earum aberrationibus adnumeranda vi-

dentur. De Tyrannide autem cur ultimo loco explicetur, Simile.

facilis est quaestio, & hæc optima ratio; quia hæc omnium Rerumpubl. sit nequissima, atque adeo Reipublicæ nomine

vix digna. quid ita? quia nulla sine legibus esse proprie vel De tyrāni-
de, cur o-
mnium ul-
timo.

dici Respublica potest: at in Tyrannide legum nullus est v-

sus: quare cum Aristoteli sit institutum his libris explicare de Republica, poterat omitti explicatio de Tyrannide. Cur Ratio.

ergo *infra cap. 10.* de ea explicet, ratio ibi ab ipso reddita explicabitur.

*Politia de-
finitio.*

Ἔστι γὰρ ἡ πολιτεία.] Summatim & typo Rempubl. definit ciuium, seu permixtionem quandam Oligarchiæ & Democratix. De qua permixtione, vt de aliis Rerumpubl. permixtarum generibus copiose *infra capite prox.* Est igitur Respublica tale Reipublicæ genus, in quo ad Rempublicam gerendam, & magistratus capiendos aditus pateat tam pauperibus, quod est ex Democratia, quam diuitibus, quod est ex Oligarchia.

TEXTVS.

Est igitur Respublica, vt summatim dicam cinnus Oligarchiæ & Democratix. Solent autem eas quidem, quæ ad Democratiam inclinant, vocare Respublicas: eas vero, quæ ad Oligarchiam, potius Aristocracias; eo quod liberalis institutio & nobilitas diuitioribus magis comitetur. Præterea habere videntur diuites ea, quorum gratia iniuriæ ad has impelli solent. Quare hos & præstantes & claros viros vocant. Cum igitur Aristocratiæ hoc sit proprium optimis ciuibus præstantissima tribuere: Oligarchias quoq; ex præstantissimis viris potius constare aiunt.

COMMENTARI.

*Ratio red-
ditur, cur
hoc genus
Reip. inter-
dum vocetur
Respub.
interdum ve-
ro Aristocra-
tia.
Respub. cur
Aristocracia.*

Εἰώθασιν δὲ καλεῖν.] Quia hæc Oligarchiæ & Democratix compositio & temperatio sæpe multiplex, neque semper æquabilis esse solet: adeo, vt alias quidē in hac temperatione præualere videatur pars altera, vt Oligarchia; alias altera, vt Democr. (nam harum Rerump. confusio æquabilis & bene temperata, per est difficilis, vt *inf. ca. prox.* & ex ea pender huius Reip. permixtæ salus & interitus, vt *inf. lib. 3. cap. 7.*) ex eo est, quod hos cinnos & confusiones vulgo alias, aliis nominibus vocare consuerint, nunc Respub. nunc Aristocracias: Respublicas quidem, vbi in cinno dominatur pars popularis, Aristocracias vero, vbi in eo Oligarchia dominatur. De priore *infra*: de altero, id est, cur cinni ad Oligarchiam inclinant vulgo vocentur Aristocratiæ; duas affert rationes, seu vnam potius, duobus nixam fundamentis, hanc, quia Aristocratiæ

stocratia sit proprium, optima quæque, id est, magistratus & honores mandare & deferre viris præstantibus & præclaris.

Ratio.

At in Oligarchia dominantur viri clari & præstantes. Ergo hæc Aristocratiam velut imitatur, & est quædam Aristocratia. Iam minorem illam propositionem, in Oligarchia præstantes & claros viros dominari seu præesse, docet bifariam.

Minoris cōfirmatio.

Primum, quia in diuites maxime cadat liberalis educatio & nobilitas & generis virtus: quæ duræ res, liberalis educatio & nobilitas, ad virtutem pertinent. Nam & bene nati, & bene educati facilius in viros bonos, & virtute præditos eue-
dunt. Secundò, quia diuites minus in alios videantur iniu-
riosi, & malefici, utpote iam assecuti ea, quorum gratia pau-
peres & tenuiores iniurias aliis afferre soleant. Paupertas est
malefica & malefuada, ut *supra* explicauimus *lib. 2.* vbi de
diuitiis dictum est.

1.

2.

Παιδείαν.] Aristoteli verbum *παιδείας* alias, ut & vulgo, disciplinam seu scientiam valet, alias educationem & institutionem liberalem, ut hoc loco & multis aliis horum li-
brorum.

Καὶ καλὴς καὶ κατὰ φύσιν.] De hoc verbo *supra* diximus, & *Aristoteles in libris moralibus Eudemis extremis.*

T E X T V S.

Videtur autem fieri non posse, ciuitatem non posse bene legibus esse descriptam eam, quæ optimatum imperio teneatur: sed illam quæ improborum: item & optimatum imperio teneri eam, quæ non bene sit legibus descripta. Non est autem bona legum descriptio, leges bene esse scriptas, non vero pareri; quare vna quidem legum bona descriptio putanda est esse, scriptis legibus pareri: Altera vero, leges, quas seruet, præclare esse scriptas. Nam & male scriptis parere licet. Hoc autem bifariam. Vel enim quia leges sint optimæ, quæ quidem ijs accidere possint, vel quia omnino sint optimæ.

COMMENTARI.

Refutatio.

Δοκεῖ δ' εἶναι τῶν.] Hic Aristoteles iam refellit priorem sententiam eorum, qui Reipubl. hanc ad Oligarchiam inclinantem vocarent Aristocratiam: refellit, inquam, bifariam, seu duabus in rebus. Docet enim, quantopere distet Aristocratia à Repub. ea maxime, quæ ad Oligarchiam inclinet, legibus & fine seu termino: nam in Aristocratia quidem leges necessario optimas esse debere, in ea Oligarchia seu Repub. Oligarchica non item. quid ita? Nam absurdum, inquit, sit & plane ἀδυνάτων, ciuitatem Aristocraticam non uti ἀνομία. vel contra, ubi sit ἀνομία, ibi non esse Aristocratiam, propterea quod leges Rebuspub. accommodatæ esse debeant, quare cum Aristocratia sit optimus Reipub. status: ἀνομία quoque in ea ut sit, necesse est & contra ubi hæc, & illa. De Oligarchia vero, cur in hac non sint optimæ leges, eadem est causa, quia Respub. non sit optima.

δ' ἀνομίας
genera.

Οὐκ ἔστι δ' ἀνομία τὸ] Interiicit Aristoteles hinc quædam de legibus. Primum ἀνομίας esse duplicem: alteram quidem eam, qua legibus scriptis pareatur: alteram vero, qua leges benè scribantur. Nam hæc posteror, nisi & prior adsit, lubrica potius est, quam Reipub. fructuosa, ut præclare Isocrates in Areopagitico, & Iosephus lib. 2. contra Appionem. Plato tria ἀνομίας genera constituit apud Diogenem Laertium. ἀνομία ab aliis legum usus, ab aliis legum descriptio, ab aliis legum bona administratio Latine reddita est. Cicero descriptionem iuris & legum vocat in Offic. & in libris de legib. Est autem ἀνομία non tantum in legibus, sed in tota Reipublicæ descriptione & constitutione posita: ita ut ἀνομία sit bona Reipublicæ descriptio. Quare & Aristot. lib. 2. Ethic. politici scopus & finis vocatur. Deinde, leges partim esse optimas omnino, partim pro statu & genere Reipublicæ, quas ex νόμος vocare solet. Nam, ut supra explicauimus, multis ciuitatibus hoc vsuuenit, ut legibus omnino optimis, & optima politia uti nequeant, sed optimis pro suo statu & rebus seu copiis præsentibus.

TEXTVS.

Videtur autem Aristocratia quidem maxime esse, si honores ex virtute mandentur. Aristocratia

tiæ namque finis est virtus: Oligarchiæ vero, diuitiæ, populi libertas. Hoc autem, quod pluribus probatum fuit, in omnibus reperitur. Nam & in Oligarchia, & in Democratia, & in populis, quod maiori eorum, qui Reipublicæ sunt participes, parti visum fuerit, hoc est ratum. In plerisque igitur ciuitatibus Reipublicæ genus vsurpatur. Nam diuitum & pauperum cinnus seu permixtio sola ad diuitias & libertatem spectat. Nam apud plerosque fere diuites præstantium locum virorum tenere videntur. Quia autem tria sunt, quæ de æquitate Reipublicæ certent; libertas, diuitiæ, virtus (quartum namque quod vocant nobilitatem, duobus consequitur. Nobilitas namque est veteres diuitiæ & virtus:) Perspicuum est, duorum quidem cinnum, diuitum & pauperum, Rempubli- cam esse dicendam: trium vero Aristocratiam, ex alijs præter veram & primam maxime. Esse igitur & alia Reipublicæ genera, præter & Monarchiam, & Democratiam, & Oligarchiam, explicatum est; & quæ hæc sint, & quare inter se differant & Aristocratia & Respublica ab Aristocratia, atque non longe eas inter se remotas esse, perspicuum est.

C O M M E N T A R I I.

Δοκεῖ δὲ διαφοροποιεῖται.] Altera differentia inter Oligarchiam & Aristocratiam nota, finis seu terminus Reipublicæ hic exponitur. Nam & ex prioribus est notum, Aristocratiam terminum esse virtutem, ubi magistratus & honores virtuti tantum, & viris bonis pateant: Oligarchiæ, diuitias: Democratia, libertatem. Hac, inquam, re perspicue Rerumpubl. genera diuiduntur, quod alius in alijs sit terminus, non vnus in omnibus. At hoc in omnibus reperitur, id esse ratum, quod maiori parti probatum fuerit; eorum, inquam, qui

Rempubicam gerunt, seu quibus patet aditus ad imperia & honores.

Ἐν μὲν δὲ ταῖς πλείστοις.] Hic iam propius ad vim & naturam Reipublicæ huius explicandam aggreditur. De hac igitur Reipublicæ forma & genere tria potissimum hic breviter exponuntur. Primum, genus hoc Reipub. multis civitatibus esse vsitatum. Cuius rei hanc adfert rationem, quia ex quibus illa partibus est conflata & temperata, ex plerisque in civitatibus reperiantur; diuites & pauperes. Deinde, genus hoc Reipublicæ ex duobus Rerumpublic. terminis esse temperatum, diuitiis & libertate. Cum enim tres Rerumpubl. sunt termini, virtus, diuitiæ, & libertas, tum in hoc genere ex his duo reperiantur. Nam hic & diuitum & virorum præstantium & tenuiorum habetur ratio in mandandis magistratibus & administranda Republica. Quid ergo, dicet aliquis, fiet de genere seu nobilitate, quæ & ipsa terminus Reipublicæ videtur esse non minimus? Respondit Aristoteles, eam duorum illorum, virtutis & diuitiarum, velut esse comitem. Nam, ut & supra explicauimus, nobilitas fere vel ex diuitiis, vel ex virtutibus æstimatur. Tertio, differentia Reipublicæ & Aristocratix: quarum hæc quidem tertia ex terminis concurrentibus non optima illa quidem, sed optimæ proxima (plura namque de Aristocratix generibus supra sunt explicata) hæc vero ex duobus duntaxat terminis temperatur.

1. Genus
Reipub. spe-
cialis.

Obiectio.

Solutio.

3. Discrimē
Aristocra-
tiæ & huius
specialis
Reipub.

C A P V T IX.

QVIA priore capite Rempub. velut cinnam ex Oligarchia & Democratia temperatum definiuit; ea autem temperatio multiplex esse consuerit: tres potissimum temperationis modos hoc capite explicat.

T E X T V S.

Præter Democratiam & Oligarchiam, quemadmodum ea quæ dicitur Respublica, fiat: quoque eam modo constituere oporteat; secundum priora deinceps explicemus. Intelligetur autem vna, quibus rebus & Democratiam quoque & Oligarchiam definiant: harum namque partitio erit sumenda.

menda. Deinde ex his, ab utraque velut symbola sumpta, compositio facienda. Sunt autem tres termini compositionis & permixtionis. Vel enim ambo utriusque instituta erunt sumenda. Verbi gratia: De iudicijs in Oligarchijs quidem multam imponunt diuitibus, ni iudicent; pauperibus vero nullam mercedem: in Democratijs vero pauperibus quidem mercedem: diuitibus vero nullam mulctam; commune autem & horum medium, hæc ambo. Quare & Reipublicæ proprium. nam ex utroque mixtum. Hic igitur vnus est coniunctionis modus. Alter, medium sumere eorum, quæ utrique constituunt; vt concionum quidem esse participem, hi quidem nullo censu, vel valde exiguo, illi vero magno censu. Neutrum vero commune, sed quod utriusque horum censuum sit medium. Tertium autem ex duobus institutis, partim quidem ex Oligarchicis, partim ex Democraticis; vt magistratus sorte mandari Democraticum quidem esse videtur: suffragio vero, Oligarchicum: atque Democraticum quidem non ex censu, Oligarchicum vero ex censu. Itaque Aristocraticum & Reipublicæ proprium, sumere ex utraque vtrunque, ex Oligarchia quidem facere, vt magistratus suffragio mandentur: ex Democratia vero, vt ex censu.

C O M M E N T A R I I.

Τῶν δὲ πόλεων] Coniunctionis seu copulationis summos *Modi com-*
tres modos, ex quibus & huius Reipublicæ genera intelli- *mixtionis*
gantur, exponit. Communis autem ratio & via coniunctio- *Democra-*
nis hæc est, vt, quia ex duobus Reipublicæ generibus, De- *tia & Oli-*
mocratia & Oligarchia, hæc Respub. conflatur, utriusque il- *garchia, ex*
lius Reipublicæ quædam notæ sumantur & temperentur. *quibus hoc*

genus Reip. speciale ori-
tur. Eleganter Aristoteles, ut illæ duæ Respubl. tanquam sym-
 bolam dent & conferant huic, de qua hîc agitur, Reipub. Sic
 enim hîc legendum puto, ὥσπερ συμβολῶν, symbolam, non
 σύμβολον. Nam verbo hoc veteres de cœna collatitia sem-
 per in genere muliebri sunt vñ. Sic sæpe Plautus, & Teren-
 tius in *Andria*, *testibus veteribus libris*; symbolam dedit.
 Sic *veteres comici Græci apud Athenæum*. Sic & *Aulus Gel-*
lius *lib. 16 cap. 13.* tales apud Taurum symbolæ, aliæque erant
 secundarum mensarum, ut ipse solitus erat dicere, *tragemat-*
ia. Sic enim illum locum restitui adiuvantibus libris scri-
 ptis. Ex hac autem disputatione, de tribus coniunctionum
 modis, hoc quoq; erit commodi, inquit Aristoteles, ut, quæ
 Oligarchiæ & Democratiæ sint proprietates & notæ, melius

I. Modus ex
quo oritur
et I. huius
Reip. specia-
lis genus. cognoscatur. Igitur quia in Oligarchia diuitibus multa,
 pauperibus nulla merces ad iudicandum & deliberandum
 de Republ. contra vero in Democratia pauperibus merces
 sua est proposita, diuitibus nulla mulcta (qua de re *supra et*
infra cap. 13.) hinc vnus existit coniunctionis modus, quod
 diuitibus quidem mulcta, pauperibus merces quædam at-
 tribuatur. De qua coniunctione & cinnno *infra quoq; cap. 13.*
 Hic cinnus ex Oligarchia diuitum mulctam, ex Democra-
 tia vero pauperum mercedem habet, tanquam symbolas.

II. Modus,
ex quo I I.
huius Reip.
genus. Alter coniuncti-
 onis modus à cēsu sumitur. Nam cū in Oli-
 garchia maximi census habeatur ratio; in Democratia nul-
 lius vel perexigui: hic velut medium, ut ita dicam, feriendo,
 utrique aditum ad magistratus & Rempub. permittemus, id
 est, ex utroq; temperato censu, nimirum mediocri: de quo

III. Modus,
ex quo I I I.
huius Reip.
genus. Reipubl. genere *infra latius cap. 11. et 12.* Tertius coniun-
 ctionis modus ex aliis harum duarum Rerumpub. institutis
 temperatur. Verbi gratia: Oligarchicum est, magistratus
 mandare suffragiis ex censu. Democraticum non item; quæ
 cum bina sint duarum harum Rerumpubl. instituta, si alte-
 rum ex Oligarchia, puta magistratum designationem per
 suffragia & electionem; alterum ex Democratia, puta ma-
 gistratum designationem, ex nullo censu sumas, vnumque
 velut cinnum facias: tertius existit coniunctionis modus,
 id est, tertium huius Reipub. genus.

T E X T V S.

Hic igitur modus est mixtionis quidem: termi-
 nus

hūis vero, quo bene sit mixta Democratia, & Oligarchia, vbi eandem Rempublicam dicere liceat Democratiam & Oligarchiam. Nam hanc appellationem inde accidere perspicuum est, quia bene sint mixtæ. Quod idem accidit & Medio: in ipso namque vtrumque extremum inesse videtur. Id quod in Lacedæmoniorum Republica vsu venit. Nam multi de ea, vt de Democratia, explicare sunt conati, eo quod multa Democratiæ propria habeat descriptio, vt primo in alendis pueris: eodem namque modo diuitum, quo pauperum, aluntur, atque eodem instruuntur modo, quo possint & pauperum liberi. Item & in proxima ætate, & vbi viri sint facti, eodem modo. Nulla namque re diues à paupere internoscitur. Vsque adeo, quæ ad alédum, eadem sunt omnibus in sodalitatibus: atque diuites talem vestem, quam etiam quilibet pauperum parare possit. Præterea eo quod duo maxima imperia, alterum quidem mandatur à populo, alterum: vero participetur. Nam senes constituunt quidem, Ephoriæ vero sunt participes. Alij vero Oligarchiam, eo quod multa habeat Oligarchiæ propria, vt quia imperia omnia suffragijs mandentur, & nulla sortito; & quia pauci habeant ius vitæ & necis, & quia alia id genus multa. In Republica autem optime temperanda vtrumque & neutrum, vt inesse videatur, oportet; atque vt seruetur per se, non extrinsecus: & per se, non quo plures exteri, qui id velint. (hoc namque & vitiosæ Reipub. inesse potest.) sed quia nulla omnino ciuitatis pars aliam Remp. velit. Quemadmodum igitur Resp. sit constituenda; item & quæ dicantur Aristocratiæ: iam est explicatum.

COMMENTARI.

1. *Nota optimæ mixtionis Democrætiæ & Oligarchiæ.* Ο μὲν ἔν τεύχεος τῆς.] Breui expositis tribus cinni & permutationis generibus, hac altera capitis parte de optimo mixtionis genere explicat. Cuius duas adfert notas, quarum hæc prior est, si Democrætiæ & Oligarchiæ ita sint temperatæ & in ynam Rempubl. confusæ, ut in confusa, & utraq; illa & neutra inesse videatur; adeo, ut ambiguum sit, hæc confusio sitne Democrætiæ, an Oligarchiæ appellanda. Hæc namque ambiguitas æquabilis & temperatæ mixtionis est index & nota, mediæ prorsus Reipubl. inter Democrætiæ & Oligarchiæ, seu potius ex utraque confusæ. Sic & alias omni fere medio id accidere solet, ut utrumque extremum esse videatur, eiusq; nomen gerat. Verbi gratia: Fortis cum ignauo comparatus dici sæpe solet audax: cum audace ignauus. Liberalis cum prodigo auarus: cum auaro prodigus, &c. Ut eleganter Aristot. lib. 2. cap. 8. *Ethic.* Hanc iustæ temperaturæ notam exemplo quoque declarat Aristoteles à Spartana Reipubl. sumpto. Nam utriusque Reipubl. Democrætiæ, inquam, & Oligarchiæ, proprietates & notæ in hac ita confusæ fuerunt, ut eam alii vocarint Democrætiæ, in quibus est *Isocrates in Areopagitico*, alii Oligarchiæ. De utriusque Reip. in Spartanam Rempubl. collatis proprietatibus & notis etsi hic Aristot. distincte commemorat, de iis tamen quia *supra* lib. 2. cap. 7. hic explicare supersedebimus. Altera iustæ temperaturæ nota ab incolumitate & salute sumitur. Quæ ut intelligatur; repetendum est *ex lib. 5. cap. 7. in fi. & cap. 10. in fi.* salutis & interitus Rerump. causas esse duplices: Vnam per se seu intestinam; aduētitiā alteram & externam. Hæc igitur altera est nota, si ea Respubl. ita sit temperata, ut per se sit incolumis, non extrinsecus. Verbi gratia: Si ii, quorum interest, ita sint affecti, ut eam Reipubl. formam diuturnam & saluam esse velint, aliam non requirant. Verum quia hoc velle possunt & ciues illi maxime quibus aditus patet ad Rempublicam. & exteri quoque interdum, ut quia & horum inter sit; distinguit Aristoteles hanc salutis causam; ita demum eam veræ temperaturæ esse notam, si non exteri, sed ciues ita velint, & sint affecti. Nam si exteri, non continuo bene temperatæ Reipublicæ erit nota talis affectio & voluntas, ut quæ in deprauata quoq; Reipubl. sæpe reperiatur. Verbi gratia: Quam
2. *Nota.*
- Limitatio.*
- Exemplū.*

Quam Athenis Lacedæmonii instituerunt Oligarchiam triginta (vt vocabant) tyrannorum; illā quidem cupiebant esse saluam; sed quia exteri, non statim vera erat hæc nota bonæ Reipub. Erant namque hi triginta crudelissimi tyranni & Oligarchici. Cur autem Aristoteles tam accurate de optimo temperaturæ genere moneat, causa est; quia hinc eius Reipub. salus & interitus pendeat: *infra lib. 5. cap. 7.*

*Cur Arist.
optima tē-
peratura
meminerit.*

C A P V T X.

T E X T V S.

Reliquum est, vt de tyrannide explicemus: non quod longa de ea opus sit oratio, sed vt in huius disputationis partem veniat, quando & hanc Re-
rum publicarum partem quandam constituimus. Igitur de regno quidem in disputationibus primis explicauimus, vbi de optimo Regno disseruimus, vtrum ciuitatibus conducatur, necne: atque quod, & vnde, & quomodo sit constituendum: Tyrannidis vero duo quidem genera distinximus, quo loco de Regno disputauimus, eo quod vis eius quodammodo cum Regno commutetur, quia vtraque hæc imperia sint legitima: nam & apud Barbaros quosdam summæ potestatis creant monarchas, & antiquitus apud priscos Græcos huius generis fiebant monarchæ: quos vocabant Æsymnetas. Horum autem inter se quædam sunt differentiæ. Erant autem eo, quod legitima, regia, & eo quod imperium esset in volentes: Tyrannica vero, eo quod imperium esset herile ex ipsorum sententia. Tertium tyrannidis genus, quæ maxime tyrannis esse videtur, Regno respondet. Tyrannidem autem talem necesse est esse monarchiam, vbi imperium sit in pares, omnesque meliores sine prouocatione, nō eorum qui parent, sed sui com-
modi

modi causa. Quare & in inuitos. Neq; enim quisque liber, tale imperium sponte ferat. Tyrannidis igitur hæc & tot dictis de causis sunt genera.

C O M M E N T A R I I.

De tyrannide.

Cap. 8.

1. Genus.

2. Genus,

3. Genus.

1. Nota tyrannidis.

Περὶ δὲ τυραννίδος.] Explicatis iam quinque Rerum publ. generibus, reliqua erat Tyrannis: quæ cæsi Reipubl. nomine omnium minime est digna, ut supra dictum: quia tamen in Rerum publ. numero supra lib. 3. cap. 5. est posita, & certe vitiosa quædam est Respub. non iniuria perficiendæ huius de Repub. disputationis causa, hic ab Aristotele brevissime explicatur. Tria igitur Tyrannidis genera exponit. Primum est regnum Barbaricum: alterum est Græcorum veterum ἀποικιστική. Quæ duo imperia partim regna, partim Tyrannides sunt & dici possunt. Regna quidem, quia legitima, & quia in volentes; Tyrannides vero, quia eorum potestas plane sit herilis, & pro libidine imperantium. De quibus explicatum verius supra lib. 3. ubi de Regni generibus. Tertium Tyrannidis genus maxime propriæ, & hoc nomine usitatæ, est vnius imperium, qui paribus & melioribus non suorum, sed sui commodi causa sine prouocatione seu nulla reddendarum rationum necessitate præest. Cuius definitionis partes, imperium in pares & meliores sine prouocatione & sui commodi causa, ex prioribus libris intelligi possunt: ubi docuimus herile id esse imperium, & ad suam utilitatem omnia referre, plane Tyrannicum, atque liberum, nullisq; rationibus reddendis obnoxium, αὐτοκράτωρ imperium, in pares, atque adeo meliores retinere. Ex quibus duabus Tyrannidis notis existit & illa, Tyrannicum imperium esse in inuitos. Quid ita? Eo quod nemo liber tam graue imperiū sponte perpeti vellet. De qua imperii nota in inuitos supra quoq; ex Platone quædam attulimus, ubi docuimus imperia vel esse in volentes, vel in inuitos, lib. 1. & 2.

C A P V T X I.

DVÆ sunt huius capitis partes. Nam hoc capite cum hæc summa quæstio explicatur, quæ Respub. seu Reipublicæ forma plerisq; ciuitatibus sit optima: tum in priorē quidem parte docet, eam esse, quæ constet neque ex nimium

mium diuitibus, neq; ex nimium pauperibus, sed ex mediocribus ciuibus: in altera, cur ea Respub. sit rarior.

T E X T V S.

Quæ autem optima sit Respublica, quæque optima sit vita plerisque ciuitatibus, & plerisque mortalium, non ad virtutem vulgari præstantiorem spectantibus, aut institutionem, quæ naturæ & fortunæ copijs opus habent, neque ad Rempub. voto dignam; sed & ad vitam, cuius plerique participes esse possint, & ad Rempub. cuius plæræque ciuitates possint esse participes: nam quas vocant Aristocratias, de quibus modo diximus, partim quidem à plerisque ciuitatibus longius sunt remotæ, partim vero vicinæ sunt ei, quæ dicitur Respublica. Quare de vtrisque, vt de vna, explicandum.

C O M M E N T A R I I.

Τίς δ' ὀρίση πολιτεία] Reprehendit Aristoteles *supra initio lib. 3.* alios, qui de Republica explicarint, hoc nomine, quia de optimo tantum Reipub. statu illi explicare sint soliti, & quidem ἀπλῶς optimo duntaxat: cum optimus Reip. Status sit duplex: vel ἀπλῶς, id est, vere & absolute, vel ἡγεμονία, comparate, & pro gentium, hominum, ciuitatum, ingenijs, copijs, aliisque attributis: hoc amplius, status Reipublicæ optimus ἡγεμονία rursus est duplex; vel plærisque ciuitatibus vel vni tantum, huic, vel illi utilis. De priore explicatur hoc capite, de altero cap. proximo. Quis igitur hic plærisque ciuitatibus utilis sit optimus Reipublicæ status: primum hic typo quodam exponit, adhibita quadam remotione statuum & Rerumpubl. per se & ἀπλῶς optimarum. Remouet igitur tria statuum seu Rerumpubl. genera, vt pote præstantiora, & in quibus Reipublicæ status per se optimus consistat. Primum is status, cui proposita est virtus præstans & excellens, cum liberali educatione. Nam ad has duas res necessaria sunt hæc duo, natura seu bona inchoies, seu bonitas naturæ; & externarum & fortuitarum rerum, vt bonorum

Status Reipub. optimus
vel ἀπλῶς,
vel ἡγεμονία.

Quinā plærisque ciuitatibus sit optimus status.

Ἀναίρεσις
1. Status.

2. Status.

3. Status.

Θείσις.

rum seu diuitiarum, adiumenta & copia. Nam neque virtus præstans & vulgari maior, neq; honesta & liberalis institutio absq; his & naturæ & fortunæ adiumentis esse possunt: vt *supra* explicatum libro primo, & libro sexto *Ethicorum extremo*. Hic igitur status, in quo tam excellentium virtutum habetur ratio, non cadit in plærasque ciuitates, & haud scio, an in nullam. Secundo, status *κατ' ἀρχήν*, qui nimirum optari potius quam obtineri possit, qualis fere dici solet Politia Platonis, & exquisitissima optimæ Reipub. idea. Tertio, Aristocratia quædam genera, primum & secundum, & quorum excellentior sit virtus, quam vt plærasque in ciuitates cadat. Reliqua duo Aristocratiarum genera, Reipubl. quæ vulgo cōmuni nomine ita dicitur, finitima, vt ipsa illa Respub. ita & hæc sunt communiora, quæque facilius in ciuitates cadant. Quare de his duabus Rebuspublic. Aristocratia minus exquisita, & Republica eodem modo disputari potest, vt inter se vicinis & finitimis. Quarum eadem sunt præcepta & regulæ: & hoc est quod ait, *πρὸς ἀμφοῖν*, &c. Nam hic totus locus valde mihi perobscurus videtur. De iis, inquam, Rebuspubl. quæ non cadant in plærasque ciuitates, sunt optimæ illæ quidem *ἀπλῶς*, sed non ciuitatibus plærisque.

T E X T V S.

De his autem omnibus iudicium ex iisdem est Elementis. Nam si recte hoc in Ethicis explicatum est, vitam beatam esse ex virtute non impedita, virtutem autem esse mediocritatem: certe necesse est, vitam mediocrem esse optimam, prout singulis mediocritas contingere potest. Eosdem autem fines necesse est esse & ciuitatis virtutis vitijque & Reipublicæ. Respublica namque ciuitatis est vita quædam.

C O M M E N T A R I I.

H' δὲ δὴ *καίσις*.] Aggreditur hoc loco ad disputationem de ea Reipub. quæ plærisque ciuitatibus sit optima, & de vita quoque plærisque ciuitatibus optima. Alterum namque ex altero pendet. Atq; docet eam esse optimam Rempubl. in qua

qua plures sint ciues mediocres, quam vel pauperes, vel diuites nimium, vtrique vel singuli: de hac quaestione & mediocrium diuitiarum laude & summa in ciuitatibus utilitate videantur & *Plato lib. 3. de legib. in fine. Euripides pulcherrime initio Supplicum, τῆς γὰρ πολιτῶν μεσότητος, &c. & in Medea;* ybi nutrix mediocrium vitam probat, vt stabiliolem & tutiorem. De eadem mediocritate & poetæ: *Pindarus prima ode Pythiorum. Horatius lib. 2. ode 10. Quidius lib. 3. Tristium, elegia quarta. Seneca multis in locis, &c.* Sed omnium pulcherrime & diuinissime Aristoteles hoc capite, qui & de eadem re egit *supra lib. 1. cap. 9. & infra lib. 7. cap. 1. & supra lib. 2. Ethic. & initio libri secundi Magnorum Moraliū* Hanc *Vnde huius* igitur quaestionem ex iisdem initiis & elementis dissoluen- *quaestio-* dam ait, ex quibus alæ quoq; de Republica disputationes & *petenda sit* quaestiones, vt de Aristocratia, vt de optimo Reipublicæ sta- *aiudica-* tu, explicare solent, nimirum ex principiis moralibus. Nam *rio.* disputationes de moribus, sunt disputationum de Republi- *Ratio.* ca principia & elementa. Ex his igitur principis *infra lib. 7. Eam Rem-* concludit, quæ optima & *ἀριστα* sit Respub. & hic quæ pleris *publ. pleris-* que ciuitatibus sit optima, ea nimirum in qua diuitiarum *que optimā* polleat mediocritas. Sic enim concludit: Beata vita est ex *esse, in qua* virtute nō impedita. Virtus autem est in mediocritate. Ergo *polleat di-* & vita beata est in mediocritate. Hoc, vt principio & funda *uitiarū me-* mento supra in Ethicis explicato, hic nunc vitur, hunc in *diocritas,* modum: Si vita beata est in mediocritate: Ergo & Respu- *probat.* blica. Quid ita? Quia & Respublica est ciuitatis quasi vita & anima, vt est supra dictum.

T E X T V S.

In omnibus igitur ciuitatibus tres ciuitatis sunt partes: partim quidem valde diuites, valde vero pauperes partim: tertij vero inter hos medij. Cū igitur inter omnes constet, mediocre & mediū esse optimum: certe & rerum secundarum s. u. fortunæ bonorum mediocritas omnium erit optima. facile namque rationi obtemperat: Forma autem & viribus, aut genere, aut diuitijs qui excellunt, vel contra qui paupertate vel inopia, vel for-

dibus & ignobilitate, difficulter rationi parent. Nam illi quidem contumeliosi, magnisque in rebus magis sunt iniurij; hi vero malitiosi & paruis in rebus malefici: nam iniuriæ partim contumelia, partim fiunt malitia.

C O M M E N T A R I I.

Ἐν ἀπείροις δὴ ταῖς] Docet Aristoteles mediocrium diuitiarum utilitates: qua ex re postea concludit eam esse optimā plerisque ciuitatibus Remp. in qua penes mediocres Reipub. sit principatus & imperium. Tres igitur ciuium partes & conditiones esse ait. Nam ex ciuibz alios quidem esse di-
Ciues 1. O. pulenti, 2. uites, opulentos, beatos; alios contra tenues & pauperes;
Mediocrates, tertium denique his interiectum genus eorum, qui medio-
3 Tenues. cres facultates & fortunas possideant, quos vocat medios. Cuius ciuium partitionis à fortunis & diuitiis sumptæ sæpe in his libris meminit Aristoteles; & iisdem pene verbis *Entipides in Supplicibus.*

Mediocris *τρεῖς γὰρ πολιτῶν.*] His præmunitis, ex tribus his ciuium
ciuium opti- generibus, mediorum conditionem optimam esse ostendit
ma condi- his rationibus. Primum, quia media fere soleant esse opti-
tio. ma, ut explicatum *libro 2. Ethic.* & paulo supra iteratum. Se-
1. Ratio à cundo, quia medii rationi facilius obtemperent: extremi, id
genere. est, prædiuites & præpauperes, non item. Quid ita? Nam ni-
2. Ratio. mia diuitiæ, opes, vires, aliaque id genus corporis & fortu-
 næ bona insolentiam pariunt. hinc iniuriæ & contumeliæ in alios: contra paupertas nimia ad rem attentiores, fraudulentos, fures facit. Breuiter, ex his duobus extremis, diuitiis & paupertate, duo maleficiorum & iniuriarum genera omnium oriuntur; contumeliæ ex diuitiis, fraudes & furta ex paupertate. Qua de re dictum & *supra lib. 2. cap. 4.* ubi & ex Platone *lib. 4. de Repub.*

T E X T V S.

Præterea minime hi magistratus amant, & ad consilium veniunt. Hæc autem ambo ciuitatibus sunt perniciofa.

C O M M E N T A R I I.

Ἐπὶ δὲ ἡκιστὶ ἐπὶ.] Hæc verba sunt perobscura, quare *Diversa* an-
 & ab aliis aliter redduntur & explicantur. φιλαρχεῖν plæriq; *etorum ex-*
 Latine reddunt, amare & colere magistratus. *Sepulveda*, pe- *plicationes.*
 tere magistratus. *Perionius* legit φυλαρχεῖσι, in tribus coo- 1.
 ptantur. φιλαρχεῖν, alii amare tenatum, alii amare magistra- 2.
 tum: alii senatus esse principem. *Sepulveda* horum videtur 3.
 verborum esse sententia; Reipublicæ hæc duo esse pernicio- 4.
 sa, nimirum pauperes minime studere magistratibus, occu-
 patos rebus necessariis, diuites vero nimis esse deditos, &
 ambitiosos. *Thomas*, quem alii fere sequuntur, Reipub. esse
 perniciosum; quia hi Rempublicam non curent. Perperam
 aperte: nam duo postulant Aristotelis verba, ille vnū tan-
 tum incommodum ex his verbis elicit & profert. Fortasse *Auctoris*
 hæc verba, ἐπὶ δὲ ἡκιστὶ ἐπὶ φιλαρχεῖσι καὶ βελαρχεῖσι, sunt *sententia.*
 inducenda: Primum, quia variant. Secundo, quia nulla sen- 1. *Ratio.*
 tentia inde commode elici possit. Tertio, quia hæc verba, 2.
 φιλαρχεῖσι καὶ βελαρχεῖσι, (maxime posterius) sunt inusita- 3.
 ta. Atque ita & hæc, ταῦτα δὲ ἀμφοτέρω, ad priora sint refe-
 rendæ, ad vim, contumeliam, & ad fraudem; quæ duo per-
 spicue ciuitatibus sunt perniciofa.

T E X T V S.

Præterea qui excellunt quidem his bonis, vi-
 rium & diuitiarum & amicorum, alijsque id ge-
 nus, parere neque volunt, neque norunt. Idque
 etiam pueris continuo tanquam domi agnascitur.
 Nam propter indulgentiam ne in scholis quidem
 ijs vsitatum est parere: qui vero harum inopia ex-
 cellunt, nimis sunt abiecti; quare hi quidem impe-
 rare non norunt, sed parere seruiliter: Illi vero pa-
 rere quidem nulli imperio, imperare vero herili
 imperio. Fit igitur ciuitas seruorum & domino-
 rum, non liberorum: & partim quidem inuiden-
 tium, partim vero contemnendum, quæ longissi-
 me absunt ab amicitia & ciuili societate. Societas

namque ad amicitiam pertinet. Nam ne itineris quidem socios inimicos habere volunt. Ea est autem ciuitatis natura, maxime ut ex paribus & æqualibus consistat. Id quod in medijs maxime inest. Quare necessario ea optime administratur ciuitas, quæ ex ijs conflatur, ex quibus natura ciuitatem constare dicimus.

COMMENTARI.

3. Ratio.

Quis ciuis optimus.

Inter quos coëatur societates & amicitia.

Cur prædiuites inepti ad Rēpubl. quo ad officium optimi ciuis.

Cur præpauperes.

Cur hi utriusque amici inter se esse nequeant.

Πρὸς δὲ τοῖς, οἱ μὲν.] Tertia ratio, cur mediocrium status sit optimus, quia sit ad conditiones boni ciuis accommodatissimus: contra prædiuitum & præpauperum status pessimi: quia ad societatem ciuilem ineptissimi. Notum est ex prioribus, libro 1. & 2. ac 3. hunc optimum esse ciuem, qui bene & parere norit & velit ac possit. Notum præterea ex libro 8. Ethicorum, & libro primo supra, societates coiri cum amicis, non cum inimicis. Hæc igitur duo, imperandi & parendi sciëntia, & amicitia, ciuitatibus sunt necessaria. At neutra in prædiuitibus & præpauperibus reperiuntur. Nam prædiuites propter indulgentiam nemini parere volunt, aut norunt; atque adeo ne imperare quidem ciuilititer. Nam potentiorum imperia plæraque solent esse herilia & tyrannica. Contra, pauperes imperare non norunt, quia male educati; atque adeo ne parere quidem ciuilititer, sed seruiliter potius, quia obiecti amissique animi. Rursus amici inter se esse nequeunt, quia pauperes inuident plærique ditioribus: hi (diuites) illos contemnunt. Hinc simultates & odia, quæ incommoda duo, propter contrariorum naturam, quia in medijs non reperiuntur; efficitur, horum statum & conditionem esse optimam.

Διὰ τὸ πλεονεξίαν.] Locus de diuitum & potentum insolentia, etiam puerorū in imperio detrectando. Nam & pueros in ludis literariis præceptorū detrectare imperia. Exempla huius rei sunt quotidiana.

Βλέται δὲ καὶ ἡ πόλις.] Diximus paulo supra, duo in bono ciue esse necessaria, imperandi parendiq; scientiam & beneuolentiam, quæ ambo in iis medijs reperiuntur. Hic tertium adiungi videtur, paritas seu æquitas. Nam ex paribus consistit ciui-

fit ciuitas, quod supra sæpe explicatum. Quæ & ipsa nota in mediis maxime elucet, in quibus est constantia; cum in extremis magna sit varietas, & inæqualitas.

Ὡς αὐτὰ γὰρ ἡ ἀρετὴ ἀρίστη.] Ex priore de mediis argumento concludit, Rempub. quoq; eam optimam esse, quæ ex mediis constet, hac ratione, quia mediæ ad ciuitatem sint aptissimi, mediæ, inquam, verorum ciuium, eorumque, ex quibus ciuitas confletur, notas habeant, quas tres modo explicaui-
mus. Duas igitur adhuc rationes attulit, cur mediorum ciuitas sit optima: tres, cur mediorum conditio, seu mediocres diuitiæ sint optimæ.

T E X T V S.

Atque hi maxime ex ciuibus cōseruantur in ciuitatibus: neque enim ipsi, vt pauperes, aliena appetunt; neq; horum bona alij, vt diuitum pauperes, appetunt.

C O M M E N T A R I I.

Καὶ τὸ ζῆνταί οἱ ἐν ταῖς.] Quarta mediocrium seu medio- 4. Ratio.
rum utilitas, & commodum, incolumitas, & salus. Nam medios ciues præter cæteros maxime manere incolumes, seu eorum bona manere salua. Cuius commodi hanc ait esse causam, quia ipsi rebus suis contenti, neq; res alienas appetant, neque ipsorum res alij, vt exiguas. Diuitum res à tenuioribus appetuntur, mediorum non item.

T E X T V S.

Et quia neque insidias patiantur, neq; faciant, secure viuunt.

C O M M E N T A R I I.

Καὶ ἀπὸ τοῦ μὴ ἐπιβελούεσθαι.] Quintum commodum securitas & ocium. Nam pauperes vel bonis lapsi aliis insidiari solent ditioribus. Ipsi quoque mediæ, quia (vt modo diximus) rebus suis contenti, aliis minime insidiantur, aut periculum creant. Quare cum neque ipsi aliis insidiari velint, neque ipsis alij propter non maximas diuitias, & quia ipsi

quoque nemini insidientur; hinc fit, ut horum vita maxime sit otiosa & secura.

T E X T V S.

Quocirca recte Phocylides;

Esse volo medius; mediis sunt commoda multa.

C O M M E N T A R I I.

Διὰ τὸ καλῶς ἡγεῖσθαι.] Argumentum ab authoritate *Phocylidis*, qui ipse, quia multa mediorum sint commoda, mediorum è numero civium esse optavit: commoda *Aristoteles* exponit, mediocritatem, rationis obsequium, veras boni civis notas: nimirum scientiam recte parendi & imperandi charitatem & benevolentiam.

T E X T V S.

Perpicuum est igitur civilem quoque societatem ex medijs constantem esse optimam: easque vrbes optime administrari, in quibus pars media sit multa & potior maxime quidem utraque, aut certe altera parte. Nam accessione sua momentum facit, & ne contrariæ præstantiæ existant, impedit. Quare summa est felicitas, parentium rem esse mediam, & quæ sit satis: adeo ut, ubi hi quidem nimis magnam habeant, illi vero nullam, aut extrema existit *Democratia*, aut impotens *Oligarchia*, aut ex utraque præstantia tyrannis. Etenim ex insolentissima *Democratia* & *Oligarchia* tyrannis existit. Ex medijs autem & affinibus multo minus. Causam posterius, ubi de *Rerum publicarum* mutationibus, explicabimus.

C O M M E N T A R I I.

Conclusio.

Δὲλον ἔσται, ὅτι καὶ] Ex magnis & multis mediorum utilitatibus, & commodis iam expositis, principem tandem questionem concludit, eam esse optimam *Rempub.* quæ mediorum imperio administretur, easque civitates esse beatissimas, in quibus ex tribus earum partibus media vel cæteris duabus

bus simul sit maior & potentior, vel alterâ saltem. Nam si hæc vna duabus reliquis fuerit maior, sine dubio media tenet imperium. Quod si altera tantum reliqua parte, ut vel diuitibus vel pauperibus fuerit maior; hoc tamen præstabit, & adferet commodi, ut neutra ex iis totum Reipublicæ imperium seu summam ad se sit pertractura, propterea quod pars media illi sit intercessura, & alteri parti infirmiori se adiunctura, quo veluti clauo Respublica in suo statu, tãquam in æquilibrio, contineatur, & hoc est quod ait, μέλιται μὲν, &c. quod idem & infra iterat.

Ἰπερβολὰς.] Veteres, ut explicauimus *lib. 5. Ethic.* verbo ὑπερβολῆς interdum vtuntur pro utroq; extremo, nimio, & eo quod parum, quod alioqui proprie nimium sonat.

Διόπερ ὁ τυγχῶν μέση.] Tertia est ratio, cur mediorum Respublic. sit optima, quia alioqui ex aliis, inquam, duabus partibus duo deterrima & nequissima existant Rerumpubl. genera, ex nimis diuitiis grauissima Oligarchia, ex nimia paupertate licentissima Democratia: & ex vtraque tandem Tyrannis: quarum rerum seu mutationum causas Aristoteles infra explicat *libro 5. cap. 5. 6. 9. 10.* De hac re dictum & supra, vbi de generibus Democratix & Oligarchix.

T E X T V S.

Mediam autem esse optimam, perspicuum est; sola namque seditionum est expers. Nam vbi medium est multum, minime existunt metus & distractiones Rerumpublicarum. Atq; hac de causa, quia medium sit multum, magnæ ciuitates minus laborant seditionibus. In paruis autem & facile est factu, duas in partes distrahere, nulla ut relinquatur media: & omnes fere vel sunt pauperes, vel diuites. Democratix quoque Oligarchijs sunt firmiores & diuturniores propter medios. Nam & sunt plures, & in Democratijs magis, quam in Oligarchijs, ad honores ijs patet aditus: si quidem, vbi absq; his numero excreuerint pauperes, mala existit administratio, & cito pereunt.

COMMENTARI.

4. Ratio.

Ὅτι δ' ἡ μέση βελτίστη.] Quarta ratio & causa, cur hæc medi-
diorum Respublic. sit optima, quia motibus & seditionibus
minus sit obnoxia, & proinde maxime diuturna & stabilis.

1. Corollarium.

De qua causa hæc quoque duo fieri docet. Primum, magnas
ciuitates paruis minus esse motibus obnoxias & magis diu-
turnas, nimirum quia in magnis fere sint inedia, in paruis nõ
item : nam in paruis fere duo ciuium sunt genera, pauperes
plærique, & pauci diuites, quos inter fere discordiæ esse so-
lent.

2. Corollarium.

Deinde, Democratiis Oligarchiis minus motibus esse
obnoxias & magis diuturnas & stabiles, nimirum quia in
Democratiis plures sint media, & his ad Rempub. & hono-
res pateat aditus in Democratiis facilius, quam in Oligar-
chiis, in quibus omnia sibi vindicant pauci diuites: & contra
in Democratiis, vbi plebs infima & tenuiores omnia ad se
reuocarint, vt multitudine præstantes, tum quoque Demo-
cratiarum interitus sequitur. De hac re & causa, vt dixi,
infra lib. 5.

TEXTVS.

Argumentum autem existimandum est, opti-
mos legumscriptores esse ex numero mediiorum
ciuium. Nam & Solon ex his erat, quod indicat
poësis, & Lycurgus (neq; enim Rex erat) & Cha-
rondas & plerique fere alij.

COMMENTARI.

5. Ratio.

Σημεῖον δὲ δεῖ νομίζειν.] Quinta ratio, quæ tamen ad ipsos
quoque ciues, atq; adeo melius ad Respubl. pertinere vide-
tur, hæc nimirum, quia optimi quique legumscriptores in
hoc mediiorum numero ciuium fuerint, quorum autoritas
hanc mediocritatem probantium in ciuitatis statu digno-
scendo, vt summorum politicorū, merito ab Aristotele ad-
ducitur. Tres commemorat hoc loco, alios *supra lib. 2. ex-
tremo*. De duobus confirmat: de Solone quidem ex eius ver-
sibus, in quibus hanc mediocritatem laudat, quorum ali-
quot adducit *Plutarchus in Solone de Lycurgo*. Nam inquit;
non erat Rex, sed ciuis priuatus, etsi hac in re variant histo-
rici. *Onidius quoq; lib. 2. Tristium de se & domo sua:*

Et neq;

*Et neq, diuitiis, nec paupertate notanda est,
Vnde sit in neutrum conspiciendus eques.*

T E X T V S.

Ex his autem intelligitur quoque, cur pleræq; Respubl. sint hæ quidem Democraticæ, illæ vero Oligarchicæ. Nam quod in his medium sæpe sit exiguum, semper vtri excelluerint, siue opulenti, siue populus: qui à medio discedunt, trahunt ad se Rempublicam. Hinc vel fit Democratia, vel Oligarchia. Adhæc, quod populo & diuitibus motus & pugna inter se existant, vtris magis euenerit aduersarios superare; non constituunt communem Rempublicam aut parem; sed Reipublicæ excellentiam victoriæ præmium capiunt, hi quidem Democratiam, illi vero reddunt Oligarchiam. Præterea & qui principatum Græciæ tenent, ad suam quique spectantes Rempublicam, hi quidem Demokratias in ciuitatibus constituunt, illi vero Oligarchias, non ad commune ciuitatû, sed ad suum spectantes commodum. His igitur de causis fit, vt vel nunquam reperiatur media Respublica, vel raro & apud paucos. Nam eorum qui olim cum imperio fuerunt, vnus tantum vir repertus est, qui hanc temperationem instituerit. Nunc autem plerisque hæc consuetudo in ciuitatibus est, ne velle quidem æquitatem, sed cupere vel imperare, vel victos imperium velle.

C O M M E N T A R I I.

Φανερόν δ' ἐκ τούτων.] Exposita priore & principe quæstione de optima mediorum Republ. hoc loco cur ea sit rarissima; & ciuitates his duarum Rerumpubl. formis, vel Democratia, vel Oligarchia, fere vtantur, tres causas affert. Ea quoque de re, id est, Aristotelis ætate plæræque ciuitates his

Cur hoc genus Reip sit rarissimū.

1. *Causa.*

duabus formis vſas eſſe, *ſupra* quoq; *initio lib. 3.* monuimus: eamque cauſam attulimus, cur Ariſtot. tam accurate de his duobus generibus explicandum ſibi putaret. Prima igitur cauſa, *Ἀλλὰ γὰρ τὸ, &c.* Quia mediorum exiguus ſit numerus; quo fieri, cum reliqua duo ſint ciuiū genera, plebis & optimatum ſeu paucorum, vt ex his vtrum præſtet, totam Rempub. ad ſe conuertat, plebs ad Democratiam, pauci ad Oligarchiam.

2. *Causa.*

Altera ratio, *καὶ δὲ τὰ τοιαῦτα, &c.* quia inter has duas ciuium partes plærunque diſcordiæ & ſeditiones exoriri ſoleant. Ex quibus diſcordiis fit, vt altera pars alterius odio, magiſq; opprimendi cauſa, non æquabilem & medio-criter temperatam, ſed vel extremam Democratiam, vel grauiffimam ſibi eligat Oligarchiam. De harum partium, plebis, inquam, & paucorum, diſcordiis diximus *ſupra lib. 2. & infra ſæpe lib. 5.* Quæ res Ariſtotelis ætate, in Græcia erat vſitatiffima, teſſe Nepote in *Phocione*. Erant, inquit, eo tempore Athenis duæ factiones, quarum vna populi cauſam agebat, altera optimatum. Et *Cicero lib. 1. Offic.* Ex quo euenit, vt alii populares, alii ſtudioſi optimi cuiuſque videantur, pauci vniuerſorum, hi enim apud Athenienſes, &c. Tertia cauſa; quia qui in Græcia principatum tenebant in ciuitates, alteri quidem Oligarchias, alteri vero inducebant Democracias, pro forma ſuarum Rerumpub. quibus verbis Ariſtoteles notat Lacedæmonios & Athenienſes. Nam Athenienſes, quia Democratia vterentur, in omnes, quas cape-rent ciuitates, eam Reipublicæ formam inducebant. Lacedæmonii, quorum Reſpub. ad Oligarchiam magis inclinaret, hanc inducebant. De quibus *infra lib. 5. in ſi cap. 7. & Iſocrat. in Panathenæico, οἱ μὲν γὰρ ἡμέτεροι πατέρες, &c.*

3. *Causa.*

Οὐ καὶ τὸ τῶν πόλεων.] Proprium eſt omnium fere dominantium, vt quos bello deuictos imperio ſuo ſubiecerint, iura illis priſtina adimāt, ſuoq; omnia iure adminiſtrari velint. Qua prudenti ratione (nam ex iuris diſſimilitudine imperiorum quoque diſſimilitudo, diſcordia, conſlictus & interitus naſcuntur.) Romanos quoque vſos eſſe in omni orbe terrarum, præterquam ſi quibus *αὐτονομίαν* relinquerent, conſtat.

Theopompus.

Εἰς γὰρ αὐτὴν συνεπείσθη.] Nimirum Theopompus Rex Lacedæmoniorum: qui vnus aliter atq; alii principes, ſuarum opum & ambitionis poſthabita ratione, ephoros inſtituit, ad quos

huos à Regibus esset prouocatio, nimiamque Regum potestatem ephoria minuit & temperauit, populi auxit, qua temperatione Regnum quidem seu regium imperium potestate & vi minuit, tempore & stabilitate auxit, & confirmauit.

Qua de re *infra lib. 5 cap. 11. & Cic. lib. 3. de legib.*

Ἡδὴ δὲ καὶ τοῖς ἐν τοῖς] Est comparatio suæ ætatis cum 4. *Causa.*
Theopompo : in qua inesse potest & quarta ratio, cur hæc mediorum Reipub. constitutio tam sit rara ; quia ea illorum temporum sit conditio, & morum deprauatio, ut nemo pari iure viuere, omnes vel dominari, vel seruire & iussa ferre malint.

T E X T V S.

Quæ igitur optima sit Respublica, & quæ de causa, ex his intelligitur. Ex alijs autem Rebuspub. (siquidem plures Democrantias, pluresque Oligarchias esse dicimus.) qualis prima sit habenda, & secunda, proximaque eo modo, id est, ut hæc quidem sit melior, illa vero deterior ; ex optima definita non erit difficile videre. Nam quæ optimæ est proxima, eam oportet esse meliorem : quæ vero à medio longius distet, deteriorem, nisi si ex ὑποθέσει quis iudicet ; ex ὑποθέσει, inquam ; quia sæpe cum alia Respub. sit optabilior, nihil vetet, aliam Rempub. quibusdam magis conducere.

C O M M E N T A R I I.

Τίς μὲν ἐν ἀρίστη πολιτεία.] Exposito eo Reipublicæ statu, Σύνθεσις
qui plerumque ciuitatibus sit optimus, eo, inquam, in quo pe- *Democra-*
nes mediocres sit imperium : facile iudicium esse ait, de ge- *tia generū*
neribus Democratiarum & Oligarchiarum, quæ optima sit *inter se, itē-*
Democratia, quæ prima, quæ secunda, &c. quæ item Oli- *que Oligar-*
garchia sit optima, quæ contra deterrima : nimirum ea, quæ *chia generū*
huic optimo statui sit proxima, & maxime cognata, ut De- *inter se.*
mocratia prima, in qua penes agricolas sit imperium : Oli-
garchia vero, in qua minimi census habeatur ratio. De qui-
bus generibus dictum *supra est cap. 4. & 5.* Recte autem Ari- *Ratio, cui*
stoteles hunc mediocrium statum, tanquam normam & re- *Arist. hunc*
gulam

mediocrem gulam aliarum Rerumpub. constituit. Solet namque re-
statū recte ctum pravi esse norma, non contra: *supra libro secundo Ethicorum in principio.*

liquorum

normam.

Occupatio.

Ἀν μὴ πρὸς ὑποθέσιν.] Est velut occupatio quædam. Nam quæ modo docuit de optimo statu & aliis optimo proximis magis aut minus, vera sunt illa quidem ἀπλῶς, suaq; sponte & natura in plærisque ciuitatibus: sæpe tamen propter dissimiles ciuitatum fines, id est, ex ὑποθέσιν, possunt esse falsa, nimirum vt quæ alioqui optima sua sponte & ἀπλῶς est Respubl. huic aut illi ciuitati seu nationi sit mala, & minus conueniat. Et hoc est, quod supra cap. primo diximus, Respubl. alias per se esse bonas, alias ex ὑποθέσιν. De quibus Rerumpubl. generibus ex ὑποθέσιν cap. proximo.

C A P V T X I I.

1. Pars.

2. Pars.

3. Pars.

TR E S huius capituli sunt partes, quarum in prima duō communia præcepta & ὑποθέσιν enumerantur: In altera de Rebuspub. ex ὑποθέσιν In tertia cautiones ab Aristotele Rerumpubl. conditoribus & politicis exponuntur, de ciuitatibus ex mediocrium conditione temperandis. Summa tamen capituli est de Rebuspub. ex ὑποθέσιν. De quibus & *supra cap. 1. & 3. & infra lib. 6. cap. 7.*

T E X T V S.

Quæ autem quibus, & qualis qualibus Respub. conducat; consequens est prioribus exponere. Primum igitur de omnibus vniuerse idem est sumendum. Nam quæ pars ciuitatis Rempublicam saluam manere vult, eâ, quæ non vult, plus posse debet. Consistit autem omnis ciuitas & ex quali, & ex quanto. Quale quidem voco libertatem, diuitias, disciplinam, nobilitatem: quantum vero multitudinis præstantiam. Fit autem, vt partium, ex quibus consistit ciuitas, alteri quidem ciuitatis parti adiunctum sit quale, alteri vero quantum. Verbi gratia, vt plures sint numero ignobiles, quàm generosi, pauperes, quam diuites: non ita tamen, vt tam

ut tam quanto excellant, quam superentur quali;
Quare hæc inter se comparanda.

C O M M E N T A R I I.

Τίς δὲ πολιτεία πῶς] De ciuitatum partibus duo hæc præ-
fatur hac de causa, quia ex earum permixtionibus summa
huius capitis quaestio cognoscatur. Priore igitur, quod ma-
gis est commune, omnibusque in Rebus publicis, tanquam
aureum præceptum, seruandum; eam Reipub. partem plus
posse debere, quæ præsentē Reipublicæ statu sit contenta, *I. Hypothe-
sis.*
quam quæ non sit. Danda quidem est rectori Reipub. seu le-
gumscriptori opera, omnes ut Reipub. partes eam saluam &
incolumem esse velint, ut *supra lib. 2. cap. 7.* vbi de ephoris,
& hoc libro *cap. 9. in fi* & *lib. 6. cap. 5.* Sed tamen quia hoc
difficile est factu κατὰ δούτερον πλῆν: quod proximum, ut ex
reliquis ea pars saltem plurimum possit, quæ Rempub. ve-
lit esse saluam: quod præceptum grauiter laudat, & *infra*
lib. 5. cap. 9. καὶ τὸ πολλάκις, &c. vbi hoc ciuitatum maximum
vocat σοφίαν. Huius autem principii quæ sit causa & ratio,
explicabitur *infra eo loco lib. 5.* Alterum est de iis, quæ in ciui- *II. Hypo-
thesis.*
tatis partibus maxime sint spectanda. Ea Aristoteles hoc lo-
co & *infra lib. 7. cap. 4.* ait esse duo summa capita, Quantita-
tē & Qualitatem. Causam huius partitionis subindicat Ari- *Ratio à si-
mili.*
stoteles *infra lib. 5. cap. 3.* vbi ciuitatum partes animantium
partibus comparat. Ut igitur in his alias magnitudo & nu-
merus, alias forma & dignitas: ita & in ciuibus, seu ciuium
generibus hæc duo spectari debent. Ad Quantitatem perti- *Quantitas.*
net numerus & multitudo ciuium, & magnitudo vrbis. Ad
Qualitatem, libertas, diuitiæ, disciplina, & nobilitas. Ex his *Qualitas.*
quatuor libertas quid hîc valeat, an quæ seruituti est con- *Libertas.*
traria, an, ut putat Sepulveda, honestam ciuis conditionem,
opificijs contrariam. nam & Aristoteles *lib. 1. Rhetoric* inter
res libero homine dignas commemorat & τὸ μηδὲμίαν ἐργά-
ζισθαι τέχνῳ, &c. Puto hæc duo, ἐλευθερίαν & εὐχρίαν, co-
dem pertinere, idemque, etsi hoc loco disiuncta, valere, cui
repugnat ἀχρήστων, id est, non ars sordida, sed genus. Nam &
lib. 6. infra cap. 2. his tribus, diuitiis, παιδείᾳ & generi, hæc
tria opponit contraria, paupertatem, βαναυσίαν, & ignobili-
tatem, ἀχρήστων. Monuimus autem *supra lib. 3. cap. 8.* de affi-
nitate ἐλευθερίας & εὐχρίας. Eodem, id est, ad Qualitatem
pertinet

pertinet & virtus. Ex his igitur duabus partium notis, quantitate & qualitate, alias quidem vsuuenire potest, vt pars vna ciuitatis quantitate, altera præstet qualitate; vt, verbi gratia, quia sæpe fit, vt plures numero sint ignobiles, quam nobiles, pauperes, quam diuites. Vbi etsi numero seu quantitate hos illi superant, tamen non semper eosdem superant qualitate. Qua ex varietate & multiplici permixtione tandem existunt varia ciuitatū & Rerum publ. genera: & ex hac partium cum notis suis inter se comparatione intelligitur, quæ Respublic. cui ciuium seu hominum generi sit optima, quæ non: quæ est summa huius capitis quæstio.

T E X T V S.

Vbi igitur priore Analogia superat pauperum multitudo, hic est natura Democratia. Nam si agricolæ superant, agricolarum existit Democratia: atque quæque Democratia genera pro cuiusque populi exuberantia. Vt si agricolarum quidem superet multitudo; prima vt sit Democratia, necesse est: si vero opificum & mercenariorum, vt extrema: Itemque & alias his interiectas. Vbi vero diuites & nobiles magis præcedant quali, quam relinquantur quanto; hic, vt Oligarchia sit, necesse est, atque Oligarchia quodque genus eodem modo pro exuperantia Oligarchia multitudinis.

C O M M E N T A R I I.

Qua cui ciuitati Resp. optime conueniat.

Ὅτις μὲν ἐν ἰσότητι.] Summa huius capitis quæstio de Repub. ex ἰσότητι, id est, non de ea, vel quæ sua sponte sit optima, vel quæ plerisque mortalibus: sed quæ huic vel illi ciuitati, aut genti sit optima. Hanc quæstionem ex prioribus duabus ciuium notis & differentiis explicandam, supra iam monuimus. Verbi gratia, in qua ciuitate plebs numero magis superet seu quanto, quam superetur quali: huic ciuitati optima erit Democratia; id est, in qua ciuitate ea ciuium seu ciuitatis partium est ratio, vt tenuiorū multitudo plus possit, quam diuitum, aut nobilium diuitiæ & opes; huic vtilissima

lima erit Democratia. Contra vero, in qua ciuitate plus possint paucorum diuitiæ & opes, quam tenuiorum multitudo: huic optima & vtilissima erit Oligarchia. Quid ita? Quia ἐκ τῆς κυρίας, id est, eius partis ciuitatis, quæ plurimum possit Reipub. genera diuidantur. qua de re dictum *supra lib. 3. cap. 7.* Huc pertinent & ea, quæ explicata sunt & *supra lib. 3. cap. ult.* de variis hominum & ciuium generibus, vbi aliud πολὺν ἰσὺς πολιτικὸν, aliud ὀλίγον κρατικὸν esse docuimus. Quæ hîc de Democratia & Oligarchia (nam de his fere semper Aristoteles, vt maxime vilitatis Rerumpubl. generibus) exponuntur, eadem & ad alia Rerumpublic. genera, Aristocratiam & Rempub. traduci, & conuenire possunt, vt cum ciuium virtutis ratione duo quoque genera constitui possint, quorum alii sunt viri boni, alii improbi, vel non nimis boni; si, vt fere fit, numero superent mali, bonorum tamen tantæ sint opes, vt plus possint, etsi pauciores quam reliqui: utilis hic erit Aristocratia, non illa quidem optima, sed ex reliquis vna. Iam vero quia *supra cap. 4 s. & 6.* multa Democratia & Oligarchia genera sunt exposita; quæri potest, ex iis generibus quod huic aut illi ciuitati sit optimũ & saluberrimum? Respondet Aristoteles, hoc quoq; ex ciuiũ generibus æstimandum, plebis & patriciorum. Verbi gratia, cum quatuor plebis genera sint exposita, primum agricolarum, &c. vbi horum maxima erit multitudo, & opes & potentia; huic ciuitati optima erit Democratia. Contra, vbi mercenariorum & sordidorum opificum maxima erit turba, huic ciuitati maxime conueniet deterrima Democratia. Eademque est ratio cæterarum duarum Democratiarum pro potentia ciuium, ex quibus illæ æstimantur. Ad eundem modum & de Oligarchia generibus æstimandum est; nimirum, vbi minimus sit paucorum census, huic ciuitati saluberrimam esse primam Oligarchiam; contra vbi maximus census, ibi vltimam & extremam.

Ratio.

*De singulis
quorũlibet
generũ
speciebus.*

T E X T V S.

Legumscriptorem autem in Republica semper oportet asciscere medios: siue enim leges ferat Oligarchicas, ad medios collineare oportet: siue Democraticas, legibus hos conciliare. Vbi autem medi-
diorum

diorum superauerit multitudo, vel ambo extrema, vel alterum tantum: hic fit, vt Respublica sit stabilis: nam nihil est metuendum, ne quando aduersus hos diuites cum pauperibus conspirent. Nunquam enim animum inducent, alteræ seruire alteris. Quod si communioem quærant, nullam aliam hac reperient, vicissim autem imperare non sustineant propter diffidentiam inter se, vbique autem fide dignissimus est arbiter, medius autem est arbiter. Iam quanto melius temperata fuerit Respublica, tanto erit stabilior. Peccant autem plerique, qui Respublicas Aristocraticas constituere volunt, non eo tantum, quod plus tribuant diuitibus: sed etiam quod populum circumueniant. Nam necessario ex falsis bonis aliquando tamen verum existit malum. Diuitum namque cupiditates Rempublicam magis perdunt, quam populi.

C O M M E N T A R I I.

1. Præceptū
quoddā po-
liticum de
mediis ci-
uibus,

Ratio,

Δεῖ δὲ αἰεὶ τὸν νομοθέτην] Exposita Respublica ex ἰσοθέτῳ, id est, quæ cuiq; pro copiis præsentibus sit optima: redit hac altera capitis parte ad medios, de quibus duo adferuntur. Prius est præceptū, quo Aristoteles optimos quoq; legumscriptores seu politicos monet, quocunq; in Reipublicæ genere, etiam nō optimo, sed vel Democratia, vel Oligarchia, instituendo & temperando, vt maxime tamen spectent ad medios, id est, vt leges & instituta ita temperent, siue in Oligarchia, siue in Democratia: vt neq; ad multitudinis, neque ad paucorum imperium & opes prorsus dirigantur, sed non-nihil ad mediocrium statum subinducendum & confirmandum inclinent. Quid ita? Quod hac ratione siue Democratia siue Oligarchia futura sit stabilior & diuturnior, quod optimi legumscriptoris est officium, Rempubl quamcunque tandem ita temperare, vt quam maxime sit diuturna. Et hoc est, quod ait, ἀγορεύειν τοῖς νόμοις τοῦτους, id est, hos medios; inquam,

Inquam, legibus conciliare & amicos reddere, id est, eas leges & instituta introducere, quibus non tam vel multi vel pauci, quam medii sint amici, id est, ad eorum statum conservandum directæ. De hoc præcepto & *infra lib. 5. cap. 8.* Alterum, quod de mediis hic affertur, in quo prioris posita est causa & ratio: Eam Rempubl. maxime esse stabilem & diuturnam, in qua mediorum pars, civium reliquis duabus diuitum & pauperum, vel utraque, vel alterutra tantum sit maior & potentior. Quod explicatum *supra cap. 11.* his verbis, *καὶ τὰς τοιαύτας*, &c. ubi huius quoque rei, id est, cur mediorum Respubl. maxime sit stabilis, causas exposuimus, ex quibus Aristoteles & hoc loco unam attingit, quadam velut occupatione utens, *καὶ τὴν γὰρ φύσιν*, &c. Nam si ad medios omnia reuocentur, occurri poterat, Rempub. propterea minus fore stabilem, quod reliquæ duæ civium partes pauperes & diuites, coitione & conspiratione quadam facta, aduersus medios, eorum indignati imperium, Reipubl. statum sint perturbaturi. Respondet Aristoteles, de hac pauperum & diuitum aduersus medios conspiratione non esse metuendum. Nam hac conspiratione hoc eos quærere necesse erit, ut vel ipsi postea omnes simul Rempub. administrent, vel vicissim nunc diuites præsent, pareant pauperes, aut contra; vel ut Reipublicæ imperium ad alterutram tantum partem, pauperes nimirum vel diuites totum recidat. hoc quin minime velint, perspicuum est; nam plerumque tantum est inter has duas partes odium, grauissime ut altera alterius ferat imperium, quin potius utraque ad tertiam aliquam delatum cupiat. Primi quoque, causa vix est, ut conspirent, propterea quod nulla Respublica sit omnibus civium partibus aptior, quam ea, quæ sit mediorum, ut in qua facile omnibus ad magistratus & honores pateat aditus, & proinde maxime sit & dicatur communis. Ut autem vicissim præsent & pareant, ne huius quoque rei causa aduersus medios quid molientur; propterea quod neutra pars alteri fidat, utraque maxime medijs fidat: medijs namque maxime fides haberi debet & solet; pauperibus & diuitibus, id est, extremis partibus non item: quod docet Aristoteles exemplo iudiciorum, in quibus partes neutra alteri fidit, non actor reo, non reus actori; sed utraque iudici, utpote medio. Quare & iudex eleganter à Græcis *μισοδίκης* dici solet: *supra lib. 5. Eth. cap. 4.*

2. Præceptum
de civibus
mediocriter
diuitibus.

Occupatio.

Simila.

3. *Præceptū
de medio-
criter diui-
tibus.*

Ὅσα δ' αὖ ἀμείνων ἢ.] Tertium hoc esse potest de medijs præceptum. Nam postquam vniuerse dixit, mediorum Rem- publ. maxime esse stabilem; hic adiungit ex his mediorum Rebus publ. aliam alia esse stabiliorem, & eam quidem ma- xime stabilem, quæ optimæ fuerit mixta & temperata. De quo præcepto, & *infra lib. 1. cap. 7. οἷον δὲ μέλιστα*, &c. Argu- mentum autem optimæ temperatæ & mixtæ mediorum Reipub. exposuit *sup. cap. 9.*

Διαμυζήσονται δὲ πολλοί.] Expōita Aristoteles sua de Re- bus publ. ad medios inclinandis sententia: nunc breuiter a-

1. *Peccatum
aliorum.*

liorum peccata perstringit Politicorum. nam plerosque Po- liticos opes diuitum amplificare, & omnem Rempublicam ad hos trahere, omnia fere, inquam, diuitibus tribuere: neq;

2. *Peccatū.*

hoc tantum: sed plebem præterea machinis quibusdam & astutis consilijs circumuenire: quod vtrumque graue ait esse peccatum; omnia, inquam, aut certe plura diuitibus tribue-

*Ratio repre-
hensionis pri-
mi peccati.*

re quam pauperibus, & pauperes insuper supplantare. Nam non est quidem contra iustitiam aut rationem Reipublicæ plus interdū diuiti tribuere, hoc vero est periculosum. Quid

2. *Peccati.*

ita? Quia diuitum opes, quam pauperum, plus nocent Rei- publ. facilius euertunt Rempublicam propter petulantiam, insolentiam & iniuriam. Alterum horum peccatum in ma- chinis & technis, quibus astute plebem & tenuiores circum- uentos à Republica remouent excluduntque. Nam hac ra- tione astuta, etsi optimates bene sibi consulere videntur, eo quod omnem Reipublicæ administrationem & imperium ad se pertrahant: tandem tamen, quia omnis Respub. penes alteram ciuium partem sit, plebe penitus exclusa & oppressa, plebis in optimates odium & offensio, & hinc motus Reipu- blicæ consequatur, necesse est. Videntur his technis Opti- mates quædam plebi tribuere commoda: sed specie tenus duntaxat, non vera. Ex quo fieri ait Aristoteles, vt ex hac si- mulatione & Sophismatis, siue (vt ipse ait) ex falsis & simu- latis bonis seu commodis vera mala, id est, ipsa Reipublicæ euersio consequatur. Nam & alias ex falsis vera interdum efficiuntur. Et hoc est, quod eleganter ait, Ἀνάγκη

χρόνα ἐκ τῶν ψευδῶν.

* *

C A P V T XIII.

H V I V S capituli prima parte de machinis locupletum & tenuiorum inter se: Altera de Republ. mediorum institutam disputationem tandem perficit.

T E X T V S.

Quæ autem specietenus in Rebus publicis machinantur in populum, quinque fere sunt numero: in concione, in magistratibus, in iudicijs, in armis, & in exercitationibus. In concione quidem, omnibus potestatem esse veniendi in concionem. Multa vero locupletibus inueniant, aut solis, aut multo maiorem cõstitui. In magistratibus autem, censum quidem habentibus non esse potestatem eiurare: tenuioribus vero esse. In iudicijs quoque locupletibus quidem, ni iudicent, multam esse, tenuioribus vero immunitatem: vel illis quidem magnam, illis vero parvam, vt in Charondæ legibus. Interdum autem potestas est quidem omnibus nomen professis, & in concionem venire & iudicare: professis vero, ni & in concionem veniant & iudicent, magnæ propositæ sunt multæ: vt propter multam quidem vitent professionem: propterea vero, quia non profiteantur, non iudicent, aut in concionem veniant. Ad eundem modum & de armis habendis, & de exercendo constituunt. Nam tenuioribus quidem libertas est non habere, ditioribus vero non habentibus multa: & nisi exerceantur, illis quidem nulla multa, locupletibus vero multa: vt hi quidē propter multam sint participes: illi vero, quia non metuant, non sint participes. Hæ igitur Oligarchicæ quidem legum sunt machinæ: in Democratijs vero

contraria his machinatur. Nam tenuioribus quidem in concionem ventitantibus & iudicantibus mercedem præbent: locupletibus vero nullam cōstituant mulctam. Ex quibus intelligitur, si quis rite temperare velit; ea, quæ sunt apud utrosque, esse conducenda: atque illis quidem mercedem præbendam, his vero mulctam. Hoc namq; modo omnes sint participes, illo vero ad alteros tantum Respubl. recidat.

C O M M E N T A R I I.

Techna ditum & pauperum quadam.

Ἐστὶ δ' ὅσα τεχνάσεις.] Explicat hoc loco Aristoteles quinque summa machinarum genera, quibus locupletes aduersus tenuiores, & contra hi aduersus illos callide uti solent hoc consilio, ut dum vel ditiores, vel plebs totam sibi quisque Rempubl. vindicare solet: pars aduersaria hunc conatum vix sentiat, ludificata his præstigiis & simulatis commodis. machinas, technas, callida consilia Aristoteles vocat σοφίσματα, καὶ καταισχύνσματα. Quorum duo hinc genera, ut dixi, facit, Oligarchica & popularia. Oligarchicis utuntur & optimates, eaq; re & Aristocratica quoque quædam sunt σοφίσματα. Sunt & Tyrannica, de quibus meminit *infra lib. 6 cap. 4.* De his machinis & *infra lib. 5. cap. 8.* In his autem machinis prudenter & callide comparandis & moliendis

Aristotelis iudiciū de his machinis.

non minima pars prudentiæ ciuilis est posita. Etsi Aristoteles calliditatem potius hanc esse quam veram prudentiam merito existimat. Nam harum machinarum in vitiosis Rebuspubl. tantum est vsus, in rectis non item, ut in Tyrannide, Oligarchia & Democratia. Quare modo recte Aristoteles hallucinari eos politicos ait, qui in Optimatum Rebuspubl.

Ordinis ratio.

has machinas adhibeant. Cur autem de his hoc loco explicetur, ordinis hæc est ratio; quia leuiter earum priori capite facta sit mentio: Qua de re paulo *infra.* Cur autem quinque sint numero, siue cur in quinque tantum rebus earum sit vsus machinarum, causa est obscurior, quam tamen ego hanc esse puto: quia primum constet tres summas esse partes Reipublicæ: Consilium, (quod capi solet in concionibus apud Græcos) Magistratus & Iudicia. Deinde in re militari, quod

est al-

est alterum Reipublic. tempus; quia, inquam, eo pertineant armorum & exercitationum usus. Hac igitur de causa quinque summæ Reipublicæ sunt partes; tres pacis potissimum, duæ belli.

Περὶ ἐκκλησίαν μὲν.] Primus dolus seu machina, quam *1. Machina seu dolus.* pauci aduersus plebem adhibeant in concionibus, hîc exponitur: qua machina ad conciones ventitandi paucis imponatur necessitas, plebi concedatur libertas; proposita nimirum diuitibus, ni accedant, pœna seu mulcta; tenuioribus non item. Qua arte ditiores omnem tandem comitiorum & concionum potestatem ad se occulte pertrahunt, ut quo ex tenuioribus pauci, utpote non coacti, omnes vero ditiores necessario conueniant, atque ita suffragiis superent. Tenuiores autem præclare secum agi putant, si nulla mulcta à re sua familiari curanda & ab opificiis distrahantur & auocentur. Eadem est & in reliquis quatuor, (iudiciis, magistratibus, armis seu exercitationibus) doli seu machine ratio; mulcta, inquam, seu pœna diuitum, immunitas & libertas tenuiorum: vel certe magna diuitum, exigua tenuiorum mulcta. Verbi gratia: In magistratibus tenuioribus eos ciurandi & recusandi est potestas & libertas, ditioribus nō item. In iudiciis ditiores necessario iudicandi munus sustinent, tenuiores non item: Illi metu pœnæ seu mulctæ, hi nullo pœnæ metu aut certe exiguæ: quam rationem in suis legibus ait secutum Charondam, de quo *supra lib. 2. extremo.* In his tamē duobus capitibus, magistratibus & iudiciis, quasdam *Alia quorundam techna.* ciuitates hanc artem & rationem tenere ait, qua omnibus quidē peræque, diuitibus atq; tenuioribus, libertatem faciant concionum & iudiciorum, si modo nomina dederint seu sint professi: sed professis iam non eandem faciunt libertatem. Nam hos magna proposita pœna cogunt, vel ad conciones vēitare, vel esse iudices. Huius igitur pœnæ seu mulctæ metu tenuiores, professionem fugiunt, & proinde neq; ad conciones, neque ad iudicia peruenire possunt: atque ita tandem & conciones & iudicia ad ditiores recidunt. Sic & de armis, & de exercitationibus: diuites metu pœnæ & arma sibi parant & exercentur, tenuiores nullo pœnæ metu utrunque sæpe negligunt.

Ἐν τῇ ταῖς δημοκρατίαις.] Nunc de populi seu plebis aduersus ditiores seu optimates machinis & dolis, quos priori. *Democratice antisophismata.*

bus ait esse contrarios, hunc in modum: ut quia prioribus multa semper ditioribus constituatur, hic sit nulla; & hoc amplius, ut tenuioribus non multa, sed merces potius seu æs aliquod decernatur, quo velut esca illecti, facilius ad concionem, propter hanc mercedulam seu sportulam, iudicia, magistratus, &c. cursitent: ut Athenis populo huiusmodi fuerunt sportulæ propositæ, quæ *ἡμετέρα ἀντίδοτα* ab iis dicuntur.

Quomodo
technis illis
recte possi-
mus uti.

[*Ὅτι φανερόν, ὅτι, εἰ τις*] Expositis & Oligarchicis & Democraticis machinis, quas supra docuimus esse vitiosas, aut vitiosis tantum Rebuspub. congruentes: hoc loco Aristoteles, iis tamen quemadmodum recte uti possimus, in bono Reip. genere ostendit, nimirum in ea, quæ dicitur communi nomine Respub. Monet igitur utriusque illius Reipub. Oligarchiæ & Democratiæ, machinas seu instituta esse conflandæ & temperandæ: Ex qua permixtione Respubl. illa communi nomine existat. De qua permixtione *supra* late explicatum *cap. 9.* verbi gratia; Ex Oligarchia sumenda erit multa, ex Democratia mercedula. Sic enim fiet, ut omnes ad Rempub. gerendam impellantur, diuites multa, tenuiores mercedula: alioqui ut ad alterutram civium partem, id est, vel ad paucos, vel ad multos: ad paucos, si Oligarchica illa instituta & doli tantum vigeant: vel ad multos, si Democratica, ut recidat, necesse est.

T E X T V S.

Oportet autem Rempublicam constare illam quidem ex ijs, qui arma tantum habeant. Censuræ vero magnitudo quanta esse debeat, simpliciter quidem definiri non potest: sed considerato, quantum maximus esse possit, ut hi, qui Reipublicæ sunt participes, quam qui non sunt, plures numero sint, tantus definiri debet. Tenuiores namque etiam non participes bonorum quiescere volunt, si eos nemo contumelia, vel villo rei familiaris detrimento afficiat. Sed hoc non facile factum est. Neque enim semper vltu venit, ut qui Rempublicam gerunt,

erunt, humanitate sint expoliti; consueverunt autem belli tempore, si sint pauperes, bellum detrectare, si commeatus non suppeditetur: qui si suppeditetur, bellum gerere cupiunt. Cæterum apud nonnullos Respubl. non ex militaribus tantum, sed ex ijs quoque, qui militarint, constat: apud Malienses quidem constabat Respublica ex istis, sed magistratus ex militantibus deligebant. Prima autem Respublica apud Græcos secundum regna ex bellum gerentibus consistit: ab initio quidem ex equitibus (belli namque robur & præstantia erat in equitibus. Nam peditatus quidem absque ordine est inutilis: harum autem rerum usus & ordo seu instructio nulla erat apud veteres, quo factum, ut in equitibus omne esset robur.) auctis vero ciuitatibus, & equitatu valentiore facto, plures Respublicæ sunt facti participes. Quare quas nunc vocamus Respublicas, superiores vocabant Democráticas. Merito autem veteres Respublicæ erant Oligarchicæ & Regiæ. Nam propter hominum paucitatem pars media non ita erat multa. Quare & pauci numero, & propter ordinem facilius sustinebant imperio subesse (nam & Democrática non est vna numero, itemque aliæ.) Quæ præterea sint differentiæ, & quam ob causam, ad hæc, quæ Rerumpublicarum plerunque sit optima, & ex ijs Rebuspub. quæ quibus accommodata: est explicatum.

C O M M E N T A R I I.

Δεῖ δὲ τὴν πολιτείαν εἶναι.] Altera huius capitis parte duo *De Republ.* tractat Aristoteles. Nam extremo cap. totius huius libri tota *speciali.* velut ἀνακεφαλαίωσις exponitur. Hoc autem loco redit ad disputationem de Repub. quæ dicitur communi nomine, de

*De Politia
ciuibus.*

*De censu
ipsorum.*

qua Republ. quinque fere his capitibus, 9. 10. 11. 12. 13. Sed multis suo more, ut de Tyrannide, de machinis Oligarchicis, &c. interiectis, diligenter explicauit, hic tandem imposito Colophone. De hac igitur Republ. quatuor fere hic adferuntur. Primum est de ciuium genere. Nam Rempubl. non ex locupletibus vel opificibus, sed ex militibus, armaq; habentibus maxime constare; quod idem & *supra* aliquoties iteratum est *lib. 2. cap. 4.* *ἐκ γὰρ τῶν ὀλιγαρχούντων, &c.* *lib. 3. cap. 5.* ubi de Rerumpub. generibus, *ὅτι τὸ πλεονέχον.* Quare & *cap. ult. lib. 3.* *πολιτικὸν πλεονέχον* vocat *πολεμικόν*. In hac igitur Republ. omnis Reipublicæ principatus & imperium est penes milites. Cur autem, expositum fuit *supra lib. 3. cap. 5.* Alterum est de censu horum ciuium; quantus esse debeat. De eo igitur seu eius magnitudine negat Aristoteles posse absolute & statim definiri, quanta esse debeat: sed rationem quoq; habendam, in censu definiendo, multitudinis eorum, qui Reipub. sunt participes. Non igitur absolute, sed comparate census hic erit definiendus, hunc in modum, ut tantus quidem, quantus maximus esse possit, definiatur: ita tamen, ut plures censi reperiantur, qui Reipub. sint participes, quam qui non sint, id est, ut census plures Reipub. participes complectatur. Hoc namque semper in hac Republica est agendum & prouidendum, ne propter censum tenuiores, & infra censum positi alios numero vincant: Cum in hac Republica non tam census, quam armorum & rei militaris habeatur ratio.

Ratio,

Ἐλάχιστοι γὰρ οἱ πένητες.] Obscuriora hæc sunt verba de tenuioribus, quos ait primum etiam honorum expertes, facile tamen quiescere: si à locupletioribus neque contumeliis afficiantur, nec rei familiaris patiantur detrimentum: deinde tempore belli militiam detrectare, si non præbeatur com-
meatus aut cibaria. Quæ quidem ad prius illud de census magnitudine pertinere mihi videntur, hunc in modum. Nam cum prius dixerat, census finem & ὅρον in hac Republ. eum esse optimum, quo semper plures numero Reipublicæ sint participes; rationem hanc eius ὅρου adiungit, à tenuioribus sumptam. Nam si magnus sit census, multi ut sint honorum & Reipub. expertes, necesse est, pauci Reipub. participes: & proinde pauci quoque, qui rem militarem tueantur, cuius in hac Republ. maxime habetur ratio. Tenuiores namque infra
censum

censum positi, & proinde Reipub. & honorum expertes, rem quoq; militarem non adiuuabunt; quos quia Respubl. non attingit, vt incensos, iure à bello gerendo abstinere poterunt. Neque vnquam, vt nomina dent, compelli poterunt, propter paupertatem, nisi si à Repub. & aliis alantur, & com-
meatus iis suppeditetur publice. Nam apud veteres pleriq; in plerisq; ciuitatibus ciues suo ære militare solent. Quem-
admodum & Romæ satis diu *Linus lib. 4.* Additum, inquit, &c. vt stipendium miles de publico acciperet, cum ante hoc tempus de suo quisque eo munere functus esset. Nihil, &c. Effectum esse fatentibus, vt pro tam munifica patria nemo, donec quicquam virium superesset, corpori aut sanguini suo parceret. Quare hoc, id est, cibaria militibus de publico præ-
bere, quia ciuitatibus est graue; melius erit, non ita magnum definire censum, quo plurimi tenuiores excludantur: cum propter hanc de re militari causam, tum propter odium ex 2. Ratio.
eo oriturum, quod à potentioribus vel contumelia vel da-
mno afficiantur. Nam tenuiores non ita magni faciunt, si non honorum sunt participes: non propterea aduersus opu-
lentos insurgere solent, si modo non afficiantur iniuria vel damno: gaudent suam rem familiarem curare & amplifica-
re: de publica non admodum solliciti. Verum quia raro fit, vt potentiores ita sibi moderentur, vt non sint insolentes, & iniuria vel contumelia aduersus tenuiores vtantur, & hac ra-
tione eos aduersus se concitent, & proinde motus ac seditio-
nes existant: præstat, inquam, hac quoque de causa census horum non ita esse magnos, quo multi tenuiores à Repu-
blica excludantur. His igitur verbis duas has causas, cur census *ὁρῶ* in hac Repub. non maximus esse debeat, con-
tineri puto.

Ἐπὶ δὲ τῇ πολιτείᾳ.] Duobus de Repub. expositis, hoc est tertium, item vt primum, de ciuium genere, seu potius de va-
riis huius Reipublicæ generibus. Nam primo exposuimus, hanc Rempubl. ex militibus constare. Hoc tertio dicitur, eam non tantum ex militibus, sed interdum ex iis, qui olim fuerint milites, constare: quod est alterum huius Reipubl. genus. Est etiam tertium, olim Maliensibus, qui sunt in Ma-
liaco sinu ad oram Locrorum, vsitatum, in quo principatus quidem sit penes eos, qui olim fuerint milites, honores vero & magistratus tantum militibus permittantur: quod partim

*De 2 gene-
re ciuū hu-
ius Reipub.
specialis.*

*Maliensium
Respubl.*

ex militibus, partim ex iis, qui olim fuerint milites, est confusum & permixtum.

De antiqui-
tate huius
Reipub. spe-
cialis.

Καὶ ἡ πρώτη ἔστι πολιτεία.] Quartum est de origine & anti-

quitate huius Reipub. Hanc igitur secundum Regna pri-
mam apud Græcos & antiquissimam esse ait. Nam de regno,
primo Reipub. genere, diximus *supra lib. 1. cap. 1.* Cur autem
hoc Reipublicæ genus tam sit antiquum, causam nullam ad-
fert Aristoteles, quæ mihi quidem hæc esse videtur: quia vir-
tus militaris prima fere cadat in homines, natura ad sui de-
fensionem propensa: ut eleganter *Lucretius lib. 1. in fine.* Re-
liquæ virtutes mitiores, iustitia, temperantia, &c. posterius
accesserunt. Altera est ratio, quam subindicat hîc Aristote-
les, quia initio ciuitates fuerint infrequentes, & proinde pau-
ci virtutibus illis mitioribus præditi. Nam in omnes & in
plebem virtus militaris facile cadit: reliquæ non item, *inquit*
Aristot. supra cap. 9. His igitur de causis factum puto, ut ne-
que Oligarchiæ, neque Aristocratiæ, neque etiam Demo-
cratiæ antiquioribus fuerint vîtatæ: etsi hanc ipsam Rem-
publ. antiquitas Democratiæ quoque vocare solet, ut in
qua penes plebem seu virtutem militarem, toti plebi facile
communem esset principatus. Verum cum militum duo sint
genera, equites & pedites: adiungit Aristoteles, equestrem
Rempub. pedestri esse antiquiorem, hac de causa, quia equi-
tatus, peditatu sit antiquior. Quid ita? Quia in pedestri exer-
citu magna arte in acie disponenda, quam Græci πελικὴν
vocat, sit opus: qua sine (arte & aciei recta instructione,) plane
inutilis est peditatus. At hanc artem instruendæ aciei,
non nisi longo tempore & usu cognouerunt tandem, qua
maxime Pyrrhum Epirotam excelluisse scribunt veteres. At
in equitatu tanta arte minime est opus.

1. Ratio.

2. Ratio.

Occupatio.

Resp. eque-
stris anti-
quior pede-
stri.

Ratio.

Approbatio

cratiæ antiquioribus fuerint vîtatæ: etsi hanc ipsam Rem-
publ. antiquitas Democratiæ quoque vocare solet, ut in
qua penes plebem seu virtutem militarem, toti plebi facile
communem esset principatus. Verum cum militum duo sint
genera, equites & pedites: adiungit Aristoteles, equestrem
Rempub. pedestri esse antiquiorem, hac de causa, quia equi-
tatus, peditatu sit antiquior. Quid ita? Quia in pedestri exer-
citu magna arte in acie disponenda, quam Græci πελικὴν
vocat, sit opus: qua sine (arte & aciei recta instructione,) plane
inutilis est peditatus. At hanc artem instruendæ aciei,
non nisi longo tempore & usu cognouerunt tandem, qua
maxime Pyrrhum Epirotam excelluisse scribunt veteres. At
in equitatu tanta arte minime est opus.

C A P V T X I V.

EXPLICATIS adhuc Rerumpublicarum generibus,
Erectis & vitiosis, siue explicato de Rebuspub. prius qui-
dem communiter, postea separatim & singulatim de singu-
lis, ab initio lib. 3. ad hoc usq; cap. aliud hic rursus exordium
de Republ. explicandi facit, partim item communiter, par-
tim separatim. Nam cum tres Reipublicæ Principes & sum-
mæ sint partes, Senatus, Magistratus & Iudicia: de his & ge-
neraliter, id est, quemadmodum harum trium partium in o-
mnibus

in his Rebus publ. sit usus, & quemadmodum in singulis, ordine & deinceps explicat. Et hoc quidem capite de senatu & consilio. Cur autem de his partibus tam accurate hic explicetur, causas mox in Aristotele ipso explicabimus. Videatur *infra lib. 6. cap. 2.*

T E X T V S.

De quaque autem Republica iterum & communiter & separatim explicemus, de ijs quæ sequuntur, conveniente ijs sumpto exordio. Omnium igitur Rerumpublicarum tres sunt partes, de quibus, quod cuique conducat, bono legum scriptori videndum est: quibus bene affectis, Rempublicam bene affectam esse, & ex differentia harum inter se, Respublicas quoque differre inter se necesse est.

C O M M E N T A R I I.

Πάλιν δὲ πρὸς τὴν ἀρχὴν.] Docet, quibus de rebus, quem- *Rerumpub.*
admodum, & cur hic sit deinceps explicandum. Et primum *partitio.*
quidem de civitatis & Rerumpublicarum partibus, quas tres
esse ait omnium Rerumpublicarum causam prætermisit A-
ristoteles, cur tres Rerumpub. Principes & summæ sint par-
tes. Causam ego hanc esse puto. Nam cum in omnibus re- *Ratio.*
bus & actionibus duæ summæ sint partes & capita, finis, &
ea, quæ ad finem, *infra lib. 7.* efficitur, duo ea in civitatibus
quoque esse spectanda. Ex quibus continuo duæ summæ
Reipub. partes existunt; magistratus, qui ad finem, id est, ad
res exequendas & perficiendas: Senatus, qui prudentia &
consilio ea quæ ad finem (nam in his consilium cernitur, *su-*
pra lib. 3. Ethic. cap. 2. & 3.) pertinent, perspicit. Iam quia fi-
nis, ut & ea quæ ad finem, est duplex: alter ad Reipubl. alter
ad privatorum spectans utilitatem, *initio tituli lib. 1. Institu-*
tionum: Hinc finis, ut ita dicam, curatorum duo existunt ge-
nera; magistratus publici, iudices privati, seu privatarum re-
rum administri. Etsi iudices à magistratibus quidam non
distinguunt, & iudicia quoque quædam directo (nam per
consequentias omnia) ut publica ad Reipublicæ utilitatem
pertinent. Ex his autem tribus partibus princeps & prima
seu

1. Ratio or-
dinis.

seu maxima est Senatus, vtpote & rerum maximarum domina, & consilij seu mentis, non (vt magistratus aut iudices) manus & corporis: & hoc est, quod ait infra, κύριον δ' ἐστὶ τὸ βουλευόμενον, &c. Cur autem de his partibus hic sit explicandum, duas affert causas: quarum prior hæc est; Quia

2. Ratio or-
dinis.

ex harum bona affectione & constitutione pendeat salus, & bona totius Reipublicæ affectio: Merito igitur bono legumscriptori hæ partes curæ esse debent, vt quam optimæ sint affectæ. Altera priori de varijs Rerumpublicarum generibus disputationi accommodatior, quia ex harum trium multiplici constitutione & varietate partium ipsæ quoque Respublicæ varient: id est, pro harum differentijs partium varia existant & oriântur Rerumpublicarum genera: huius rei cognitionem Politico necessariam esse, *supra sæpe docuimus.*

Methodus.

Et hanc rationem iterat *lib. 6. cap. 2.* Methodus denique, quæ tamen non harum partium sit propria, sed vniuersæ Reipublicæ, eadem est, quæ in priore disputatione, nimirum qua quædam omnibus Rebuspub. communia, quædam harum & illarum propria explicentur.

T E X T V S.

Harum trium autem partium, vna quidem, quæ de Republica consultat: altera vero, quæ in magistratibus cernitur, id est, qui, etiam quarum rerum domini esse debeant: quæque eorum creandorum ratio: tertia denique, quæ in iudicijs. Princeps autem est ea, quæ consultat de bello & pace & societatibus & fœderibus & legibus & morte & exilio & bonis publicandis & rationibus referendis. Hæc autem iudicia permittenda sunt necessario, vel omnibus ciuibus omnia, vel quibusdam omnia; vt vni alicui magistratui, aut pluribus, aut alijs alia; vel eorum quædam quidem omnibus, quædam vero quibusdam.

C O M M E N T A R I I.

[*Ἐστὶ δὲ τῶν τριῶν.*] Quas Rerumpub. omnium partes tres supra esse monuit, eas nominatim hoc loco exponit, senatum,

rum, magistratus, & iudicia. De quibus iam supra dictum. De magistratibus autem multa quæri solent; qui & quot esse debeant; quarum rerum potestatem habeant; quo modo, id est, sortito aut suffragiis sint creandi, aliaque id genus, de quibus *cap. proximo.*

Κύριον δ' ἐστὶ τὸ βεβλυσμένον.] Distincte iam & ordine de his partibus explicare orditur Aristoteles. Et primum quidem de senatu, seu parte ea, quæ de Repub. deliberandi & consultandi potestatem habet: de qua parte tria fere hîc commemorantur & explicantur ab Aristotele. Primum, hanc partem esse summam & principem, cuius rei causam supra exposuimus. Deinde, quibus in rebus hæc pars versetur & occupetur, siue capita rerum deliberandarum. Quæ ab Aristotele *lib. 1. Rhetoric.* quinque numero constituuntur, vectigalia, seu redditus, ius belli & pacis, regionis custodia & cunctio, rerum importatio & exportatio, leges seu νομοθεσία denique. Hoc loco octo genera seu capita commemorantur, ius belli & pacis, societates, fœdera, leges, ius vitæ, & necis, exilium, bonorum publicatio, & δῆμιον, id est, vis inquirendi in magistratus, & reposcendi rationes. In his capitibus summa fere Reipub. & principatus est positus: adeo quidem, ut quæ pars civium horum capitum est domina, penes eam necessario totius Reipub. sit imperium & principatus. Romæ ex his tria fere in populi erant potestate; ius belli, magistratum designatio, & νομοθεσία: Reliqua in senatus potestate, ut ærarium, cura provinciarum, fœdera, societates, legationes, publica quædam iudicia, ut coniurationis, proditionis, vniuersa denique religio: ut est *apud Dionysium lib. 2. Livium lib. 1. Polybium lib. 6. & pulcherrime apud Ioan. Sarrum lib. 2. de Senatu Romano extremo.*

De Senatu.

Senatus

pars summa Reip.

Quibus de rebus deliberet.

Romana Respub.

Ἀναγκαῖον δ' ἦτοί.] Hoc loco accurata diuisione docet, quemadmodum hæc rerum deliberandarum genera civibus seu civium partibus & ordinibus permittantur & communificentur, cuius distinctionis utilitas seu usus in eo cernitur, quia ex hac ipsa Rerumpub. genera dissimilia cognoscantur. Aut igitur hæc omnia omnibus, aut omnia quibusdam, aut quædam denique vel omnibus, vel quibusdam permittuntur. Huius tripartitæ diuisionis membra mox diligenter & deinceps explicantur.

Senatus varietas.

Usus.

Τὰς κείρας.] Sic vocat capita seu genera rerum deliberandarum

Ἀλλύσεις.

darum, qua de re diximus & *supra lib. 2. & initio lib. 3.* Verbum autem Ἀλλύσεις Aristoteli & veteribus fœdus valet, eo quod fœderibus dissoluantur & dirimuntur controuersiz.

H^a πὸ πείσας.] Omnia, inquit, quibusdam; verbi gratia, vni alicui magistratui omnia, vel pluribus magistratibus coniuncte, vel separatim huic magistratui hoc, illi illud: semper ita, vt non omnibus, sed quibusdam omnia capita permittantur.

TEXTVS.

Omnes igitur de omnibus deliberare est popolare; talem namque æquitatem quærit populus. Vt autem omnes possint, plures sunt modi. Vnus quidem quo per vices, non cuncti simul, vt in Republica Teleclis Milesij (& vero in alijs quoque Rebus pub. magistratuum collegia coacta consultant:) Magistratus vero capiunt omnes per vices ex Tribubus & partibus omnino minimis Reipublicæ, donec ad omnes sit peruentum. Conueniunt autem & de legibus tantum & de Republica, & vt, quæ à magistratibus edicta sunt, audiant.

COMMENTARI.

Populare institutum.

Tὸ μὲν ἔν πᾶντας.] Ordine, vt dixi, & deinceps tripartitæ diuisionis, capitumq; rerum deliberandarum communicationis membra persequitur. Et primum quidem de Repub. populari, siue de primo membro, quo nimirum diximus, capita ea omnia, omnium esse communia. Nam hanc communitatem Democratiæ esse propriam, in qua nulla neq; generis, neq; virtutis, neq; diuitiarum habeatur ratio, sed omnes pari iure viuere, explicauimus *supra lib. 3.* Huius autem membri quatuor modos exponit: quorum hic est primus, quo omnibus quidem omnia ea capita sint permilla (nam hoc membri huius nota & proprietates postulat) non tamen vniuersis & simul confertis, sed vicissim seu per vices ad deliberandum conuenientibus. Hunc comitiorum seu concionum modum & rationem in sua Republica instituisse Tele-

ἵππο Ἀλλύσεις.

1. Modus.

Teleclis exemplum.

clen,

elen Milesium, de quo latius & amplius quærendum, ait hoc loco Aristoteles: cui rationi non absimilem ait esse eam, quæ multæ quoq; aliæ ciuitates vtantur, in quibus non vniuersus populus, sed magistratuum de Republ. collegia deliberant. Eleganter ea Græci vocant *συνερχίας*, vt Romæ collegium prætorum, tribunorum plebis, ædilium, &c. Athenis Thesmothetarum *τῶν ἐνδεσσι*. Nam cum magistratus ex vniuerso populo, puta ex tribubus, curiis, gentibus, *δήμῳ*, (sic enim Athenis varie tributus erat populus) designaretur; eodem res recidebat, id est, semper penes populum consilii erat potestas, non quidem confertim, sed per vices: Nam ad magistratus omnes vicissim perueniebant. Verum in hoc primo modo populus non de omnibus rebus, sed de summis tantum consultandi ius & potestatem sibi seruat, vt de legibus vel nouis iubendis, vel veteribus abrogandis, de Republ. id est, de rebus ad summam Reipublicæ pertinentibus, vt de pace & bello, de magistratuum designatione, de fœderibus, &c. Nam reliqua minutiora magistratibus permittunt, vt iurisdictionem, procuracionem viarum, mœnium, ædium sacrarum, &c. Alter modus comitiorum Democratiæ vsitatus, quo vniuersi & cuncti ad concionem seu comitia veniunt, de Republ. deliberaturi. Et hoc quoq; modo, populus non omnia sibi sumit, sed quædam tantum, vt ius magistratuum rogandorum, ius legum, ius belli & pacis, & ius rationum à magistratibus reposcendarum: reliqua magistratibus permittens, magistratibus, inquam, vel suffragio, vel sortito designatis, quorum illud est ciuile, hoc populare. Tertius comitiorum modus Democraticus, quo & ipso vniuersus quidem populus coeat, sed perpauca sibi sumat deliberanda; plurima magistratibus pmittat. Nam hoc tertio modo populus tantum de repetundis, de societatibus & bello deliberat: legum, ærarii, præmiorum & pœnarum, aliaq; iura magistratibus concedit, quos tamen ipse designarit vel suffragiis, vel sortito. Quanquam suffragiis populus in magistratibus designandis vix vti solet, præterquam in paucis, in iis, inquam, vbi vsus rerum & scientia seu peritia magna sit necessaria. Hos vel huius generis magistratus populus quoque suffragiis creare solet, vt consules, imperatores seu duces belli, prætores, &c. Quibus necessaria est belli gerendi scientia, & iuris propter iurisdictionem cognitio: quod idem &

Alia multa ciuitates.

Collegia magistratuum.

Συνερχίας.

Qua sibi pop. seruet in hoc primo modo.

2. Modus.

Qua sibi seruet pop in hoc iure.

3. Modus.

Qua sibi seruet pop. in hoc iure.

Quos magistratus populus suffragiis creet.

infra

4. *Modus.* *infra* monet lib. 6. cap. 2. Quartus & omnium nequissimus
Discrimen conitiorum modus est, quo omnes & vniuersi de rebus o-
inter hos mibus deliberare solent. Hos autem inter modos hæc est
modos. differentia, quod vltimo vtatur Democratia pessima, vt A-
 thenis ætate Demosthenis, Romæ Ciceronis: prioribus v-
 tantur meliores Democratia, vt Athenis ætate Solonis, Ro-
 mæ Catonis.

T E X T V S.

Quosdam vero de omnibus, Oligarchicum.
 Habet autem & hoc multa genera. Nam cum ex
 mediocribus quidem censibus & delecti fuerint
 & plures propter census mediocritatem, & quæ
 lex vetat, non permoueant, sed sequantur, lice-
 atque censum nacto esse participi: est ita quidem
 Oligarchia, sed ciuilis propter mediocritatem.
 Vbi vero non omnes consilij fuerint participes,
 sed delecti, ex legum vero præscripto præsent; vt
 & prius, est Oligarchicum. Vbi vero consilij do-
 mini seipsi delegerint, filiusque in locum parentis
 successerit, legumque sint domini: hæc descriptio
 necessario est Oligarchica.

C O M M E N T A R I I.

II.
Oligarchi-
cum insti-
tutum.

Modi.

Τὸ δὲ πρῶτον αἰεὶ.] Alterum tripartitæ de capitibus rerum
 deliberandarum diuisionis caput, Oligarchiæ proprium, hoc
 loco explicatur, quo diximus omnia rerū deliberandarum
 capita non penes esse omnes, vt in priore membro, sed penes
 quosdam, id est, paucos (quod est Oligarchicum) esse. Vt
 igitur prioris membri, ita & huius, varii quoque sunt modi,
 pro variis Oligarchiæ generibus: quæ *supra* cap. 5. & 6. qua-
 tuor esse docuimus, & ibi satis copiose explicauimus. Ex
 quibus hoc intelligitur, moderatissimum in primo Oligar-
 chiæ genere maxime intollerabilem, & grauissimum in vl-
 timo esse senatum.

T E X T V S.

Vbi autem quidam de quibusdam, vt de bello
 quidem

quidem & pace; & rationibus repetendis omnes; de alijs vero magistratus, hique delecti vel sortito facti: Aristocratia quidem est, vel Respublica. Si vero de quibusdam quidam delecti, de quibusdam vero sortito facti, & sortito facti vel simpliciter, vel ex prælatis, vel communiter delecti, vel sortito facti: partim quidem ea ad Rempublicam Aristocraticam pertinent: partim vero ad ipsam Politiam.

C O M M E N T A R I I.

Ὅταν δὲ πᾶν.] Tertium prioris de capitibus rerum deliberandarum diuisionis caput, quo diximus ea capita non omnia omnibus, nec omnia quibusdam: sed quædam omnibus, quædam tantum cum quibusdam communicari. Verbi gratia, si de his capitibus, de bello, inquam, & pace, & de rationibus à magistratibus reposcendis, aut alijs præterea quibusdam deliberandi & statuendi potestas omnibus, quibus ad Rempubl. pateat aditus, permittatur: alia vero capita, ut de legibus vel ferendis, vel abrogandis, de magistratibus, de ærario, alia, inquam, alijs magistratibus mandentur, ita ut de quibusdam quidem omnes, de quibusdam vero quidam tantum, puta in magistratu constituti, ius habeant deliberandi: huius generis senatum docet esse proprium vel Aristocratix, vel Reipublicæ, vel Aristocratix Repub. temperatæ & mixtæ, quam Aristocratiam vocat civilem. Nam plura esse Aristocratix genera, explicatum *supra cap. 8.* Et Aristocratix quidem, ubi magistratus non sortito, verum suffragijs mandentur: Reipublicæ vero, ubi sortito sint facti: Aristocratix denique Politix, ubi magistratus partim sortito, partim suffragio designati fuerint. Sortito autem magistratus designantur, vel simpliciter, vel ex prælatis: quos Græci vocant *πρωτεύεις* & *κληρωμένοις*. Moris namq; erat in mandandis magistratibus sorte, priusquam ea duceretur, vel aliquot eximios deligere, quorum nomina in urnam conicerentur, & ex his tandem, sorte ducta, hunc vel illum designare: vel nullo antehabito delectu candidatorum omnia nomina sine discrimine in urnam conicere. Hos vocat Aristoteles

III.

Aristocraticum aut mixtum institutum.

1. *Aristocraticum.*

2. *Reipub.*

3. *Mixtum.*

Magistratus sortito

creatur aut

ἀπὸ πάντων, aut

ἐκ τῶν πρῶτων

πρωτεύων.

les ἀπὸ τῶν κληρωτῶν, illos ἐν ἀρχαίῃ τινι. Videatur Budæus in commentariis Græcæ linguæ. Hic igitur est senatus Aristocraticus, vel politicus.

T E X T V S.

Pars igitur in deliberando versans pro Republica hoc quidem modo variat; & prout supra distinximus, quæque Respublica se gerit in senatu & consilio. Conducit autem Democratia ei, quæ maxime Democratia nunc esse videatur (talem dico, in qua populus & legum sit dominus in consultando) meliusque hoc facere, quod in iudicijs Oligarchia (multam namque statuunt his, quos iudices esse volunt, ut iudicent: Democratia vero mercedem tenuioribus.) hoc vero & in comitijs facere: nam communiter omnes consultantes (populus quidem cum nobilioribus, hi vero una cum populo) melius consultabunt. Expedit autem, & suffragio vel sortito fieri eos, qui sint deliberaturi ex partibus æquabiliter. Expedit autem, si quidem plebei politicos numero longe superent, aut non dare omnibus mercedem, sed quot respondeant nobiliorum numero, aut à sortibus plures excludere.

C O M M E N T A R I I.

Συμφέρει δὲ δημοκρατία.] Expositis consiliorum generibus: hac velut altera huius capituli parte cautiones quasdam seu provisiones duobus his Republicæ generibus, Aristotelis ætate vñtatissimis, Democratia & Oligarchia, utilissimas exponit, ad consilium recte de Republica capiendum.

1. Arist. præceptū de Se. Et Democratia quidem ex tribus, quas affert, hæc est prima; facere hic in consilio id, quod in Oligarchijs fit in iudicio, id est, tenuioribus mercedem, ut ad comitia conveniant, ditioribus multam, ni conveniant, constituere: qua de re dictum Ratio & v. supra cap. 13. Hac enim machina civili omnes ad deliberandum

dum conuenient: qua ex re prouisio hæc prima nascitur, vel cernitur eius utilitas: nam si plebs tantum conueniat imprudens & temeraria; quæ sint deliberationes & futura consilia, perspicuum est: eadem si regatur vel moneatur ab honestioribus & præstantioribus, dum omnes in commune consulunt; salubriora ut sint consilia, necesse est, qua de re dictum est & *supra cap. 10.* Et hæc quidem cautio in ea Democratia, quæ supra docuit esse omnium nequissimam & pessimam, in qua omnia populi seu plebis imperio, non legum, gerantur, maxime est necessaria: in alijs Democratiæ generibus, quia legibus suum est imperium, non item. Altera cautio: certos, qui de Republica deliberent, vel suffragijs vel sortito esse constituendos, eosque ex ciuitatis partibus æquabiliter, id est, ex diuitibus non plures, quam ex tenuioribus, alijsque Reipublicæ ordinibus. Nam hoc Democratiæ est proprium, tantum tribuere tenuioribus, quantum ditioribus. Huius autem cautionis utilitas in eo cernitur, quod hoc delectu fiet, ut non omnes, etiam imprudentissimi & rerum imperitissimi, & sæpe audacissimi, tantum in consilijs valeant, quantum viri prudentes. Sic, inquam, non tollitur Democratiæ æqualitas, & tamen temeraria non erunt consilia. Tertia cautio non absoluta, sed sub conditione necessaria: tenuioribus mercedem esse dandam non omnibus, sed eatenus, ut ne tenuiores numero longe superent, cōueniant potius honestioribus, non dandam, inquam, mercedem, vel sortium iure aliquot saltem esse priuandos, cuius cautionis non semper, sed cum ubi plebeiorum longe maior, quam diuitum & nobilium est numerus, necessaria utilitas ex eo pēdet, quod *supra cap. 9. & cap. 13* & alibi docuit sæpe: Ciuitatibus esse utilissimum, ut medij, quos vocat hoc loco Politicos, plurimum in ijs possint, & Respublicas ad hos esse inclinandas. Id quod hac quoque cautione faciendum monet Aristoteles.

In qua Democratia maxime sit necessariū.

II. Aristot. præceptū de Senatu Democraticū.

Ratio & utilitas.

III. Aristot. præceptū de Senatu Democraticū.

Ratio & utilitas.

T E X T V S.

In Oligarchijs autem vel quosdam ex plebe deligere, vel magistratum instituere, qualis in quibusdam est Rebus publ. quos vocant *ποβέλας* & *νομοφύλακας*, & de his deliberare, de quibus hi ante

deliberarunt. Sic enim populus deliberationum erit particeps, neque eorum, quæ ad Rempubl. pertinent, quicquam poterit dissolvere, præterea aut eadem ut sciscat populus, aut nihil ijs, quæ ad ipsum relata fuerint, contrarium: aut consul- tandi quidem potestatem facere debet omnibus, statuendi vero magistratibus. Atque contrarium ei, quod in Rebuspubl. fieri solet, faciundum est. Nam absolutionum quidem dominam facere debet plebem, condemnationum vero non item, sed rursus ad magistratum hæ referantur. In Rebuspubl. namque contrario fit modo. Nam pauci in absoluendo quidem sunt domini: in conde- mnando vero non sunt domini, sed res semper ad plures refertur. De ea igitur parte, quæ in consul- tando, & in Repub. est princeps, hoc modo fit ex- plicatum.

C O M M E N T A R I I.

Ἐν τῇ ταύτῃ ὀλιγαρχίᾳ.] Nunc de commodis & cautioni-
I. Præceptū bus tribus quoq; Oligarchicis: quarum prima ex plebe seu
Oligarchi- omni populo, si certi quidam deligantur, aut etiam si certus
cum. aliquis constituatur magistratus, ut in quibusdam fit Oli-
 garchiis & Democratiis, qui prius de rebus deliberandis cō-
 sultent soli; vel delecti, inquam, illi, vel magistratus certi,
 posteaque ad populum eas referant, quomodo fere Romæ
 in senatu ante deliberata, postea ad concionem populi re-
 ferebantur, vel iubenda vel vetanda: eaq; re veteres nonnul-
 li, quos Romæ cōsules, interdum *πρόβυλας* vocabant, quod
 consulum erat ad senatum referre, & horum *πρόβυλας* ad
 populum. Sic enim Græci, inquit Aristoteles, hos rebus ante
 deliberandis præfectos vocant *πρόβυλας*, vel interdum νο-
 μοφύλακας in quibusdam ciuitatibus, quasi legum & consi-
 llii custodes seu Antistites, ut Romæ leges ferebantur fere à
 certis magistratibus, consulibus, aut tribunis; Athenis ab
 Demagogis. Etsi certus Athenis erat magistratus, quos vo-
 cabant

Πρόβυλος.
 Νομοφύ-
 λαξ.

cabant νομοφύλακες : quorum non ea erat potestas aut munus, ut de his huius loci commemorat Aristoteles, referre prius deliberata inter ipsos ad populum, sed solam legum & iuris custodiam habere, & curam, ut posteriores vocabant, chartophylacii, (Cantablen) ut Romæ quæstores, ubi tamen hæc legum & monumentorum, seu actorum publicorum, quanta fuerit negligentia; cōqueritur Cicero contra Rullum, & lib. 3. de legib. in fine; & exponit latius in Catone Uticensi Plutarchus. De probulis autem, hunc, inquam, magistratum esse Oligarchicum, exponitur latius infra cap. proximo. Cæterum quod ad populum in senatu Oligarchico deliberata hic referri dicitur, id non ita est intelligendum, quasi populo potestas ea re fiat, ea deliberata rescindendi vel improbandi. Nam hoc plane esset Democraticum, ut Romæ : sed ea de causa hoc fit, ut hac velut specie populus quasi consilii particeps & Reipublicæ nihil moliatur aduersus statum ciuitatis. Iam enim sæpe dictum, eos qui plane à Republica sint remoti, inimico fere aduersus ciuitatis statum esse animo. Et hæc est huius cautionis utilitas, quam Aristoteles his verbis, ὅτι τὸ γὰρ μετέχει ὁ δῆμος τῆς, &c. vsq; ad illa, ἢ τῆς συμβουλῆς, expressisse mihi videtur, ut eorum hæc sit sententia : sic enim, inquit, fiet, ut populus consilii tanquam particeps res novas non moliatur, sed vel eadem sciscet, quæ senatus deliberauit, vel saltem non contraria. Et si verba ipsa, propter illud ἐπὶ, non satis video, quomodo inter se cohæreant, & ad eandem illam rem, id est, cautionis utilitatem, quo tamen pertinent, commode accommodari possint. Altera cautio, quæ mihi his verbis, ἢ τῆς συμβουλῆς, adferri videtur, male vulgo acceptis, & Latine redditis, vno Budæo excepto, qua nimirum omnibus quidem ad Rempub. aditum habentibus deliberandi & censendi potestas permittatur, sed non statuendi : verum magistratibus tantum. Neque enim magnum est incommodum, multis permittere deliberationem; modo conclusio ad paucos restringatur. Cuius cautionis utilitas eadem fere, quæ primæ : ut hac specie consilii participes, & tamen sine effectu nihil mutant aduersus Rempub. Tertia cautio, καὶ τὸ ἀντικείμενον δὲ τῆς, &c. qua nimirum multis permittatur potestas, in absoluendo, in cōdemnando vero magistratibus duntaxat; quod contra in ciuitatibus fieri. aut vltimum esse hic ait Aristoteles. Nam receptum esse, ut pauci

*Acta publi-
ca.*

*Probuli, ma-
gistratus O-
ligarchicus.*

*Quomodo
accipiendū
quod ante
deliberata
hic referū-
tur ad po-
pulum.*

*Ratio &
utilitas.*

*II. Cautio
Oligarchi-
ca.*

Ratio.

*III. Cautio
Oligarchi-
ca.*

*Ratio & v-
tilitas.*

absolvere possint, condemnare non item : sed ad multitudi-
nem, si qui sit condemnandus, referri; quemadmodum Ro-
mæ de capite civis, non nisi centuriatis, id est, plenissimis &
maximis comitiis agi poterat ex legibus duodecim tabula-
rum. Quæ de re videatur *Balduinus, in commentario ad leges
duodecim tabularum*. Cuius instituti, quod pluri in absoluen-
do, quam in condemnando paucis permittitur, ratio & cau-
sa ex humanitate, quæ natura ad absolvendum, quam ad
condemnationem, sumus procliviores & propensiores. *l. a-
ctionum fere. § placet*, pendet. Sed in Oligarchia contrarium
institutum probat Aristot. ut commodius : propterea quod
Oligarchicum sit, semper maiorem potestatem ad paucos
traducere, id est, condemnationem ad paucos, absolutione
etiam multis permittit : & hanc huius tertiæ cautionis puta
esse utilitatem.

C A P V T X V.

1. Pars.

2. Pars.

EX P O S I T I S senatus, pro Rerumpub. differentiis, va-
riis generibus : nunc de magistratibus, quod alterum
erat caput, id est, eorum quoque pro Rerumpub. varietate
generibus explicat hoc capite decimoquinto. Cuius priore
quidem parte plures de magistratu controuersias non expli-
cat ille quidem, sed exponit. Altera (quod huius est loci)
quemadmodum pro Rebuspub. variant magistratus, & qui
quibus Rebuspublicis sint accommodati aut proprii, ex-
plicat.

T E X T V S.

His autem proxima est distinctio de magistra-
tibus : Nam & hæc pars Reipublicæ quoque mul-
tas habet controuersias : Et quot magistratus, &
quarum rerum potestatem habere debeat, & de
tempore, quantum cuiusq; magistratus, (hi nam-
que semestres, hi vero minoris temporis, hi vero
annuos, hi denique diuturniores faciunt magistra-
tus.) Et an magistratus perpetui, an diuturni esse
debeant an neutrum, sed iidem sæpe, aut non ij-
dem bis, sed semel tantum: præterea de creatione
magistra-

magistratuum, ex quibus, & à quibus, & quomodo fieri debeant: nam de his omnibus, quot modis fieri possint, explicandi facultas adesse debet, posteaque accommodandi, quæ quibus Reipublicæ conueniant (conducant.)

C O M M E N T A R I I.

Ἐξ ὁποῦν δὲ τὰς τῶν ἑστῶν.] Priusquam de magistratibus, quod huius est loci, nimirum qui quarum Rerum pub. sint proprii, explicet; adfert aliquot hoc loco de magistratibus contro- uersias & quæstiones, quarum quidem hæc non est infima, 1. *Quæstio.* quot magistratus in Republ. esse debeant, & quarum rerum 2. *Quæstio.* potestatem habere; quæ duo eodem pertinent. De qua quæ- stione plenissime *infra toto lib. 6 cap. ult. & infra hoc capite,* 3. *Quæstio.* ἐξ δὲ τῶν ἀλλῶν, aut ibi, ποῖας δὲ δόξαι, καὶ νόμους, &c. Est & a- 4. *Quæstio.* lia de tempore, eaq; multiplex; An magistratus perpetui es- 5. *Quæstio.* se debeant, nec ne: & si non perpetui, an saltem diuturni, an vero breues? & hic rursus, annales seu semestres, an duo- 6. *Quæstio.* rum annorum, &c. Quo pertinet & hæc quæstio, An vni ci- demq; eundem magistratum bis capere liceat; quæ est gra- uissima de magistratibus quæstio, de tempore, inquam. Ci- cero lib. 3. de legib. cæteros magistratus annuos, censuram so- lam quinquennalem esse vult. Erat Romæ cautum plebisci- to, ne quis eundem magistratum intra decennium caperet, de quo sæpe *Liuius*. Athenis nemo bis poterat esse ἐπιστάτης, quod erat certi magistratus genus, teste *Polluce lib. 8*. Alia est quæstio de magistratuum creatione, eaq; trimembris: queri- 7. *Quæstio.* tur namque, ex quibus seu quo hominum genere & ordine 8. *Quæstio.* sint designandi, per quos, seu quomodo; de qua quæstione 9. *Quæstio.* *infra huius capitis altera parte: οὗ δὲ τῶν ἀρχῶν, &c.*

T E X T V S.

Neque vero facile est definire, qui magistratus dicendi sint: multis namque præfectis opus habet ciuilis societas. Ergo non omnes, qui vel suffragio vel sortito designantur, magistratus sunt dicendi, vt primum sacerdotes. Id namque aliud quid à ci- uilibus magistratibus est dicendum. Deinde &

Choragi & præcones, qui & Legati deliguntur. Curationes autem politicæ ciuiles quidē vel sunt in omnes ciues vna quadam in re, vt imperatoris in milites: vel partis, vt mulieribus vel pueris præfecti: Oeconomicae vero alia: sæpe namque frumenti curatores constituunt: alia denique administræ, quas seruis, si sit copia, tribuunt. Vt autem simpliciter dicam, hi maxime dicendi sunt magistratus, quibus ius est de quibusdam & deliberandi & iudicandi & imperandi, hocque maxime: imperare namque magistratus est magis proprium. Verum de his ad vsum quidem nihil fere interest. Nunquam enim iudicium est aut fuit inter litigantes de nomine: sed habet aliud quoddam negotium mentis proprium.

C O M M E N T A R I I.

10. *Quest.*

Legito quoque Perionium de magistratibus Græcorum & Romanorum.

1. Definitio magistratus. Bodini.

2. Definitio magistratus. Goueani.

3. Definitio Aristotelis.

[*Ἐστὶ δὲ ἐξ ὧν τὸ τρίτον.*] Alia est questio de magistratibus & eorum definitione, quam Aristoteles non ita facilem esse ait; Æmylius Ferretus, iuriconsultus insignis, difficillimam, teste Goueano lib. 2. de iurisdictione, ad legem eum qui. D. de iurisdictione. Difficultatis argumentum etiam hoc sit, quod hodie apud Theologos tot fere magistratus reperiuntur, quot sunt capita seu Theologi: Bodinus in methodo historica, pagina 195. ita definit: Magistratus, inquit, est is, qui imperii publici partem habet: Publici, inquam, vt ab imperio herili, patrio, aut alio domestico distinguatur, vbi multis quoque verbis hunc locum & definitionem Aristotelis reprehendit, Goueanus eo loco ita inquit: Magistratus est potestas populi Romani ordinaria. Aristotelis hæc est definitio: Magistratus est is, qui ius habeat cōsilio capiendi, iurisdictionis & imperii. His enim tribus velut notis magistratum definit. Iisdem quoque fere ciuem definiuit *supra* lib. 3. Nimirum vt ciuis hæc tria potestate tantum & aptitudine, magistratus re ipsa quoque & actu, vt loquuntur, habeat. Sed multi sunt ex magistratibus, qui horum trium non sunt participes, qui ad cōsiliium non admittantur. Ex his tamen tribus notis ea, quæ est de

est de imperio, verissima, maximeque propria esse videtur. *Auctoris
sententia.*
Nam plerique omnes magistratus, qua parte sunt magistra-
tus, neque iurisdictionem neque consilii capiendi ius habent:
et si saepius iurisdictionem: quæ tamen quia sine executione
est inanis: merito vis magistratus proprie in imperio (cuius
multæ sunt partes & officia, ut præhensio, vocatio, quæstio,
animaduersio, mulctatio, &c.) ponenda videtur: neque di-
cendi vere sunt magistratus, aut proprie, quorum nullum
plane sit imperium: contra atque putat *Varro apud Gellium*,
qui Romanos ædiles & quæstores, ut vulgo, magistratus
quoque vocet: quorum tamen nullum fuit imperium: multo
igitur minus hoc nomine digni erunt viatores, scribæ, ac-
censi, lictores, carnifices, & id genus alii, aut curatores le-
uiorum munerum, ut custodes portarum, viarum. Neque ad *Sacerdotes*
eo quoque ipsi sacerdotes, ut qui iurisdictionem illi quidem *non sunt*
habeant (sunt enim religionis iudices) sed nullum impe- *magistra-*
rium. Et certe solet Aristoteles, ut hic & *infra lib. 6. cap. ult. tus.*

lib. 7. sacerdotes à magistratibus distinguere, ut & *Plato*,
& *Cicero in legibus suis*, & *Iurisconsulti l. 1. de iustitia & iure*
in Pandectis. Nam, ut eleganter hic Aristoteles, munera pu- *Munerum*
blica vel sunt diuina, vel humana & ciuilia: & hæc rursus *publicorum*
partim sunt ciuilia, partim œconomica, partim administra. *diuisio.*

Ciuilia quidem, quæ in ciuitatis partibus occupantur, ut
bello, legibus, ærario, &c. Et hæc duorum sunt generum, vel
enim aduersus omnes sunt ciues, ut munus Imperatoris, mu-
nus consulis, prætoris, &c. Vel aduersus partem ciuium, ut
tutores pupillares, apud Græcos præfecti mulieribus, Lace-
dæmone præfecti pueris, & apud Persas. Oeconomica, quæ
in re frumentaria, aliisque ad victum necessariis occupantur,
ut apud Græcos Sitometræ, curatores frumenti, elæones, qui
curant oleum aut sal, aut aliud eiusmodi aliquid &c. De
quibus copiose *Iurisconsultus Arcadius in Digest. l. ult. de*
muneribus & honoribus. Administra denique, ut ita dicam,
seu hypiretica, quæ magistratibus, aliis maioribus curatio-
nibus, deseruiunt, ut sunt cornicularii, accensi, scribæ, viato-
res, lictores, carnifices, quæ munera seruis mandari solent:
& suadet Aristoteles, si seruorum sit copia. Hos ultimos ne-
mo vnquam magistratus dixerit, priores plerique magistra-
tus vocant. Et certe vocari possunt cõmunius sumpto ma- *Magistra-*
gistratus vocabulo, non proprie, nisi quibus est imperium, ut *tus voca-*
saepè

bulū alias sæpe vocabula alias communius, neq; satis proprie, alias an-
pprie, alias gustius & proprie sumi solent.
minus pro- *Ἀλλὰ ταῦτα Διὰφέρει.*] Monuit Aristoteles, cū alias, tum
prie sumi- *lib. i. supr.* in scientia politica quædam ad contemplationem
ur. & cognitionem, præaque ad vsum & actionem referri. Et si
 igitur prior de magistratus vocabulo & definitione disputa-
 tio ad vsum parum facit, liberalem tamen & honestam atq;
 adeo scientiæ ipsi necessariam habet cognitionem.

T E X T V S.

Qui autem magistratus, & quot sint necessarij, ut sit ciuitas, & qui non necessarij quidem, sed ad præclaram Rempublicam conducibiles, maior sit quæstio cum omnium Rerumpublicarum, tum etiam paruarum causa ciuitatum. Nam in magnis quidem & licet & oportet vnum vni destinatum esse operi. Nam & multi sunt, qui magistratus capere possint, quia multi sint ciues. Quare fit, ut alij quidem magistratus lōgo possint intermitteri tempore, alij vero semel capi; & præstat ut singula opera suam quidque vnam habeat curationem. In paruis vero necessario multi magistratus paucis sunt conferendi. Nam propter hominum paucitatem difficile est factu, ut multi in magistratu esse possint. Qui enim erunt, qui his rursus in magistratu succedere possint? Interdum autem ijsdem magistratibus & legibus parvæ & magnæ ciuitates opus habent, nisi quod illæ quidem ijsdem sæpe opus habeant, his vero longo id tempore accidat: quare nihil vetat multas curationes vna mandare, neque enim inter se impediunt; & pro hominum paucitate magistratus, tanquam verulucernæ, necessario sunt faciendi. Quod si igitur explicare possimus, quot necessario in omni ciuitate sint,

sint, & quot non quidem necessario, sed esse tamē debeant: facile quis viderit, quos magistratus in vnum magistratum conferre conueniat.

C O M M E N T A R I I.

Πόσους δὲ αἱ ἀρχαὶ.] Locus est præclarus de numero & generibus magistratum, de quo *infra* large & plene explicatur *lib. 6. cap. ult.* Hic quæstiones tantum exponuntur tres fere. Prima, quot magistratus, & qui sint necessarii in omni ciuitate; aut certe si non necessarii, saltem vtilis. Nam, vt *eo loco infra* explicatur, magistratum duo sunt genera, alii necessarii, id est, sine quibus ciuitas plane esse nequeat, alii non tam necessarii, quam vtilis, & ad ornatum facientes, vt mulierum, puerorum, gymnasiolorum, &c. præfecti. Ex hac quæstione altera suboritur, An vni duo vel plures magistratus eodem tempore sint mandandi, & quasi copulandi: & tertia denique, quibus in magistratibus id commodè fieri possit, siue quorum magistratum coniunctio & velut copula esse possit. Hæ autem quæstiones ex ciuitatum magnitudine & paruitate potissimum nascuntur. Nam cum & parua & magna iisdem plærunq; magistratibus & legibus administrantur, in paruis continuo incommodum existit de eorum numero, qui ad magistratus capiendos sint idonei, quos profecto propter hominum paucitatem perpauca esse oporteat. Omisssa igitur prima & principe quæstione, ad alteram hic Aristoteles breuiter respondet pro differentia ciuitatum. Nam in magnis non esse vni plures mandandos magistratus, duabus his rationibus. Primum, quia non sit necesse. Quid ita? Quia satis multi in magna & populosa ciuitate reperiantur idonei, quibus singulis sui cuiq; magistratus distincte mandentur. Secundo, quia munera melius obeantur, & administrantur singula, quam multa coniunctim, ab vno eodemque homine: de qua ratione *supra lib. 3.* diximus. Ex præclare *Plato in Politico.* In paruis contra plures vni mandari possunt, necessitate nimirum id postulante, propter hominum paucitatem. Qua re futurum est, vt in paruis ciuitatibus magistratus sint velut lucernæ vel ὀβελισκολύχνια. Nam vt ὀβελισκολύχνιον instrumentum est domesticum, ex vna quidem parte figendis & assandis carnibus: ex

1. Quæstio.
Magistrat.
sunt aut ne
cessarii, aut
non neces-
sarii.

2. Quæstio.

3. Quæstio.

In magnis
Rebus non
sunt vni
plures ma-
gistratus
commit-
tendi.

1. Ratio.

2. Ratio.

In paruis ci-
uitatibus
plures ma-
gistratus v-
altera

ni mandari altera vero luminibus accommodatum & deferuiens (quem-
possunt. admodum & olim gladius Delphicus, de quo *lib. 1.* ad mul-

Οργανοις. tos usus habilis) ita sunt & hi, qui plures vno tempore ma-
 gistratus habent & gerunt. Eadem similitudine & verbo v-
 titur Aristoteles *libro 4. de partibus animantium, cap. 6.* ubi
 docet, opus ferramento seu organo vno melius fieri, quam si
 vnum idemque ferramentum variis accomodetur operi-

Quinā ma- bus. De tertia autem quaestione nihil quidem hoc loco defi-
gistratus v- nit: sed hoc tamen monet, eam ex prima pendere & plane
ni eidemq; cognosci posse; id est, cognito, quot & qui magistratus sint
mandari necessarii, facile quoque cognosci posse, quemadmodum &
possint. qui magistratus copulari & in vnum coniungi debeant. Ver-

Exemplū. bi gratia: Romæ vnus ædilis multiplex erat munus: in re-
 bus contrahendis & venalibus, in viis & itineribus; quod A-
 thenis in plures magistratus & distinctos erat partitum, *infra*
lib. 6. capit. ultimo. De hac igitur, vt & de prima, explicabitur
infra lib. 6.

T E X T V S.

Neq; vero hoc ignorandum est, qui magistra-
 tus multarum rerum curam pro loco habere de-
 beant, & quarum rerum vnus magistratus omni
 loco dominus esse debeat. Verbi gratia, vt recte o-
 mnia fiant, vtrum in foro quidem, foro præfectus,
 alius vero alio in loco, vel idem omni in loco esse
 debeat; atque vtrum pro re an pro personis sint
 distinguendi. Vnus, inquam, verbi gratia, mode-
 stiæ, an alius puerorum & mulierum, & pro Re-
 bus publicis; vtrum pro quaque & magistratuum
 genera varient, necne, vt in Democratia & Oli-
 garchia, & Aristocratia, & vnus imperio (Monar-
 chia) vtrum iidem magistratus rerum quidem do-
 mini esse debeant, non ex paribus tamen aut simi-
 libus, an alij in alijs: vt in Aristocratijs quidem ex
 bene educatis: in Oligarchijs vero ex diuitibus: in
 Democratijs vero ex liberis? An sunt quidem ali-

quæ

quæ (Respublicæ) ipsis magistratuum differentijs accommodatæ? Et quidem est; vbi conueniant, & vbi differant. Nam hic quidem magnos, illic vero paruos conuenit esse (magistratus.) Sed enim & proprij sunt quidam, vt probulorum, hic enim Democratiæ non est proprius, consilium vero Democratiæ est proprium. Nam tale quid, cui curæ sit ante populum, vt rebus suis vacare possit, deliberare, esse quidem debet: hoc autem, si pauci sint numero, Oligarchiæ est proprium. Probulos autem paucos numero esse oportet; Oligarchiæ igitur proprij. Vbi vero vterque hic magistratus, Probuli senatoribus sunt velut impositi. Nam Senator quidem ad Democratiam, Probulus vero ad Oligarchiam pertinet. Perit autem & consilij vis in ijs Democratijs, in quibus populus ipse coactus de rebus omnibus constituit. Hoc autem accidere solet, cum fuerit rerum copia, vel merces ad conciones venientibus constituta: ociosi namque & coeunt (id est, conueniunt) sæpe, & omnia ipsi dijudicant. Pueris autem & mulieribus præfectus, & si quis alius magistratus, talis curationis dominus, non Democratiæ, sed Aristocratiæ est proprius. Nam quæ tenuiorum mulieres, ne procedant, coerceri possunt? neque etiam Oligarchiæ; nam Oligarcharum vxores in luxu viuunt. Verum de his quidem hæcenus nunc sit explicatum.

C O M M E N T A R I I.

Ἀρμόττει δὲ καὶ τῷτο.] Aliam de magistratuum generibus *Quæstiones* & numero quætionem adfert, eamque trimembrem. Nam *alia*. quæri solet, an magistratus distingui debeant pro loco, an pro re & personis, an denique pro variis Rerumpub. generibus. Et

- I. *Quo ad locum.* bus. Et pro loco quidem; ut, an vnus idemque magistratus omnib. in locis curare debeat, ut omnia recte & ordine fiant; *ἀρχομένη* eleganter vocant Græci, nos Latini fortasse modestiam, in hominibus maxime: an vero alius in foro, quos Græci *ἀγορανόμος* vocant, Latine ædiles dicimus; alius in templis, quos ædituos; alius in agris, quos *ἀγρονόμος* & *ὕλαρπης* Græci vocant, *infra lib. 6. cap. ult.* Sic in nostris ciuitatibus sunt, qui sint urbani magistratus: sunt, qui in agris tantum ius dicant. De personis vero, ut, an ciuium modestia omnium, omnis, inquam, ætatis & ordinis, vni sit mandanda: an vero alius, qui pueris, alius qui mulieribus præfectus esse debeat, more Græcorum. Nam Romæ vni censuræ omnis hæc cura mandabatur, teste Cicerone in libris de Reipubl. Contra, Romæ prætor alius erat urbanus, qui inter ciues, alius peregrinus, qui inter peregrinos, vel inter ciues & peregrinos ius diceret. De Rerumpublic. autem generibus; ut, an omnibus vnus idemque magistratus conuenire possit summus, an vero alius alii Reipubl. & an in omnibus ex vno, vel non dissimili hominum genere & ordine, an vero in alia ex alio sit deligendus. Ad has quæstiones Aristoteles vix respondet, subindicat tamen his verbis, *ἐστὶ δὲ ὅπερ συμφέρειν*, &c. quid de iis sit statuendum: maxime de tertio membro, *ἔτι μὲν ἀλλὰ καὶ ἰδίαι πρὸς εἶσιν, αἶον*, &c. Sic igitur dicendum videtur, pro discrimine seu magnitudine ciuitatum alias loci aut personarum habendam rationem; alias non habendam, sed rerum duntaxat & negotiorum: nimirum in magnis quidem ciuitatibus alii in foro, alii in templo, alii in agris mandandam esse *ἀρχομένη*: & rursus alii mulierum, adolescentum, ciuium, peregrinorum, &c. in paruis vero vniuersam *ἀρχομένη* vni esse mandandam. Sic & in re militari, in magna multitudine, decuriones, centuriones, tribuni, præfecti alii distinguendi sunt, in parua non item, *infra lib. 6. cap. ult.* Huius differentiæ rationem *supra* iam explicauimus, in multitudine vel paucitate ciuium positam. De tertio membro vberius explicat Arist. Tertium est membrum de Rerump. generibus, an pro his potius, & ex harum differentiis, distinguendi sint magistratus, necne: siue an in omnibus Rebuspubl. iidem sint, an alii in aliis. Nam ex iisdem non esse in omnibus Rebuspubl. certum iam est ex prioribus. Verbi gratia: In Aristocratia magistratus & rerum dominos ex viris bonis
- II. *De personis.*
- III. *De Rerump. generibus.*
- Responsio.*
- Responsum ad I. & II. quæstionē.*
- Responsum ad III. quæstionem.*

bonis (πεπαιδευμένους vocat Aristoteles; de quo παιδευόμενος ver-
bo supra dictum) sumendos & constituendos docuimus: in
Oligarchiis ex diuitibus: in Democratiis ex liberis. Respon-
det igitur Aristoteles, non esse in omnibus Rebuspubl. siue
non omnibus eisdem conuenire magistratus. Nam esse, qui
magis Democratiis, & qui Aristocratia, qui deniq; Oligar-
chia magis conueniant. Verbi gratia, Probulos Oligarchia
accommodatiores: Consilium vero & senatores Democra-
tia: mulieribus deniq; & pueris præfectos, & νομοφύλακας
Aristocratia. Cuius dissimilitudinis & ratio & causa vt intel-
ligatur; sciendum est, in ciuitate plane necessarios esse ali-
quot, qui de Republic. seu rebus ad ciuitatem pertinentibus
consultent: Senatus, inquam, pars est ciuitatis vel maxime
necessaria. Hoc posito, vt certo, & hoc alterum necessarium
est, vel vt sint pauci, vel multi, vel omnes deniq; huius mu-
neris participes. Si omnes, iam perspicuum est, nullum cer-
tum senatus esse corpus; aut si quod est, vel fuit, nullam esse
eius vim, vel potestatem, vel authoritatē; quod omnia mul-
titudinis arbitrio regantur & statuuntur, quod vsu venire so-
let tum & in iis ciuitatibus, in quibus vel ipsi ciues sunt diui-
tes, vel certe Respubl. Nam si ciues rerum copiis abundant,
non ita erunt solliciti de rebus suis priuatis, & victu compa-
rando, quin facile partem aliquam temporis & operæ con-
cionibus seu consultationibus de Repub. sint daturi. Si vero
Respubl. est diues, iam erit illi vnde mercedem facile multi-
tudini ad conciones inuitandæ constituere possint. Atq; ita
vitolibet modo ad consultandum frequens conueniet mul-
titude. Aut erunt multi, id quod ad Democratiā propius
pertinet, præsertim cum omnis consilii siue senatus ratio &
institutum proprie sit Democraticum. Quid ergo, dicet ali-
quis, si βελή seu curia Democratiæ est propria; nullumne
erit, vel Regibus, vel optimatibus, vel Oligarchis consilium
aut senatus? Certe apud hos omnia potius arbitrio & manu,
quam longa deliberatione aut disputatione aguntur: & si
quando in his interdum hæ consultationes adhibeantur, id
ex Democratia mutuati dici possunt, vt sint Respubl. velut
permixtæ. Aut denique sunt pauci, qui de Repub. soli inter
se deliberent, posteaque ad populum ea referant, vel pro-
banda vel improbanda: quod genus Græci νομοφύλακας vo-
cant. *Plutarchus* eo nomine conuices Romanos vocat in *Vi-*

*Senatus aut
consilii con-
stituendi ra-
tio Demo-
cratica.
Obiectio.
Solutio.*

ris, in

tis, in Parallelis; propterea quod consules soliti sint Romæ, quæ essent deliberanda, ad senatum referre, & eadem à senatu decreta (quæ *Dionysius Halicarnassensis* sæpissime vocat *πρυβελούματα*) ad populum, vel probanda vel improbanda ferre. Hi igitur probuli, quia necessario sunt pauci, ad Oligarchiam propius accedunt, ut *βελή*, quia ex pluribus constat, ad Democratiam. Nam ut sint nulli, qui de Repub. deliberent, admitti nequit, ut modo diximus. Oportet, inquam, vel esse omnes, id est, ipsam multitudinem, rebus necessariis bene instructam, vel mercede inuitatam, vel certos aliquos, qui, quia multitudo suis rebus, ut tenuior, intenta esse debeat, de Repub. deliberent. Postremo ad Aristocratiam pertinent certi quidam magistratus, ut pueris & mulieribus præfecti, ut *νομοφύλακες*, de quibus *infra lib. 6. cap. ult. in fine*; ubi eadem hæc distinctio iteratur. Cur autem mulieribus præfecti ad Aristocratiam potius, quam ad Oligarchiam vel Democratiam pertineant, causam hanc adfert Aristoteles; quod hæc muliebris modestia in sola Aristocratia esse possit, in aliis non item: non in Democratia quidem, quia in ea mulieres pleræque sunt plebeie, & quæ rebus necessariis emendis & vendendis ipsæ vacare consueverint, absq; opera vel seruorum vel ancillarum: non etiam in Oligarchia propter luxum; nam ubi pauci dominantur, ibi fere fit, ut & vxores & liberi magno luxu & insolenter viuant, & sit *γυναικωκρατία*, ut Lacedæmone, ubi Regnum fuit Oligarchia nimirum ephorum mixtum, ut *supra dictum lib. 2.*

De Græcorum mulierum cōsuetudine vitandi viro- rû alienorû cōspectum & cōsortium.

Vitruuius quoq; Archit. lib. 6. cap. 10.

Γυναικωνί- πης.

Hoc igitur difficile erit factu, ut in modestia & officio & domi contineantur: Quod in Aristocratia, cuius propria est nota, bona institutio & virtus, non erit difficile. Ex hoc autem loco (etsi *παρέρως*) obseruandum quoq; est veterum Græcorum institutum, de quo ita *Cornelius Nepos in præfatione libelli, de illustribus Imperatoribus*. Quem, inquit, Romanorum pudet vxorem ducere in conuiuium, aut cuius non materfamilias, primum locum tenet ædium, atq; in celebritate versatur: quod multo fit aliter in Græcia. Nam neque in conuiuium adhibetur, nisi propinquorum, neque sedet nisi in interiore parte ædium, quæ *γυναικωνίς* appellatur, quo nemo accedit nisi propinqua coniunctus cognatione. Cicero prima accusatione in Verrem, id est, *tertia in Verrem*: quæ lo, inquit, Philodame, cur ad nos filiam tuam non

intro vocari iubes, &c. Tum ille philosophus, vt aliquid responderet, negauit non moris esse Græcorum, vt in conuiuio virorum accumberent mulieres. Xenophon in Oeconomico. Τῇ μὲν γὰρ γυναικὶ καὶ ἄλλοιον ῥῆμα ἐνδοῦν, &c. τὰ δὲ αὐτοῖς ἀγχοῖς ἐνδοῦν ῥῆμα, ἢ τῶν ἐξω ἐπιμελεῖσθαι. Cicero primo libro ad Atticum Epistolarum, Epistola prima: Sed prandimus in Arcauno, nōsti hunc fundum; quo cum venimus, humanissime Quintus, Pomponia, inquit, tu inuita mulieres, ego viros acciuero. Arnobius lib. 2. de antiquis hominum moribus: Matres familiae vestrae in atrijs operantur domorum, industrias testificantes suas. Græcorum igitur instituto mulieres in suo quodam conclaui terebant, quo viris non erat aditus, vt est & eleganter apud Lysiam in Oratione quadam: neque ad virorum conuiuia adhibebantur, Romæ contra. Mulieribus igitur præfecti Aristocratiae sunt proprij: Pueris quoque, quod in hac vna Republ. bonæ institutionis & educationis, cui deseruiunt παιδονομοί, habeatur ratio.

ὁμοῦ ἐξ ἴσων, & ἐξ.] De hac verborum (ἴσων, ὁμοίων) copula diximus supra: vt & de hac phrasi paulo supra, εἰς τὴν δὲ χεῖρα βαδίζειν, capere magistratum.

Ἡ πυχάνησι μὲν.] Hæc verba vsque ad ἐπὶ δὲ ὅπερ συμφύρεσι, de mendo valde mihi sunt suspecta; ne dicam, omnia videri mihi spuria & inducenda.

Καὶ εἰ πρὸς ἄλλοις ἀρχων.] Vt Gymnasiarcha, aut Romæ censor.

Aliàs cap.
XVI. qua
de re infra.

TEXTVS.

De magistratuum autem constitutionibus de integro est explicandum. Differentiæ autem in tribus consistunt terminis, quibus compositis, omnes modi vt sumantur, necesse est. Horum autem trium vnum est quidem, qui sint ij, qui magistratus constituent; Alterum vero, ex quibus; Tertium vero, quomodo. Vnius autem cuiusque horum trium, tres sunt differentiæ. Nam vel omnes ciues constituunt, vel quidam; & vel ex omnibus, vel ex quibusdam certis seu definitis, vt vel censu, vel genere, vel virtute, vel quo alio generis eius-

Discrimi-
na magi-
stratuum,
unde su-
mantur.

dem, vt Megaris ex coniuratis, & qui aduersus populum pugnarint: atque hæc vel suffragijs vel sortito. Rursus hæc copulantur. Dico autem, vt quidam magistratus à quibusdam, quidam vero ab omnibus, & quidam quidem ex omnibus, quidam vero ex quibusdam, & quidam quidem suffragijs, quidam vero sortito constituentur. Harum autem differentiarum cuiusq; quatuor erunt modi. Nam vel omnes ex omnibus suffragio, vel omnes ex omnibus sortito: & vel ex vniuersis, vel per partes, vt per tribus & demos & curias, donec ad omnes ciues peruentum fuerit: vel semper ex vniuersis: & partim quidem hoc modo, partim quidem illo. Rursus si, qui constituunt, sint quidam vel ex omnibus, suffragijs, vel ex omnibus sortito; vel partim quidem hoc modo, partim vero illo: partim quidem, inquam, ex omnibus, suffragijs, partim vero sortito: Quare præter duas coniunctiones duodecim existunt modi. Ex his autem duæ quidem constitutiones sunt populares: omnes ex omnibus, suffragijs vel sortito fieri: vel vtroq; modo, partim quidem sortito, partim vero suffragijs. Non omnes vero simul quidem constituere, ex omnibus vero, vel ex quibusdam aut sortito aut suffragijs, vel vtroque modo; vel partim quidem ex omnibus, partim vero ex quibusdam, vtroque modo (vtroque autem dico, partim quidem sortito, partim vero suffragijs) Reipubl. est proprium. Atque quosdam ex omnibus hos quidem suffragio constituere, illos vero sortito, vel vtroq; modo, partim sortito; partim suffragio, est Oligarchicum. Magis vero est Oligarchicum illud ex vtroque

que. At hos quidem ex omnibus, illos vero ex quibusdam Aristocratice politicum est. Vel hos quidem suffragio, illos vero sortito. Quosdam vero ex quibusdam, est Oligarchicum, & quosdam ex quibusdam sortito, quod tamē non similiter fiat; & quosdam ex quibusdam utroque modo: quosdam vero ex cunctis, est Oligarchicum. Ex quibusdam vero omnes suffragio, est Oligarchicum, aut Aristocraticum. Ergo modi quidem creandorum magistratuum tot sunt numero, itaque pro Rebuspubl. diuiduntur. Quæ autem quibus conveniant, & quemadmodum magistratuum creationes cum potestate fieri debeant, quæque sint: facile intelligetur. Magistratus potestatem dico, verbi gratia, vectigalium & custodiæ dominam; nam aliud potestatis est genus, ut præturæ militaris; aliud eius, quæ rerum forensium seu contrahendarum est domina.

C O M M E N T A R I I.

Ἡγεῖ δὲ τὰς τῶν ἀρχῶν.] Mendose in quibusdam libris aliud hic est caput: cum vna eademq; sit disputatio de magistratu: etiam multæ eius sunt partes & quæstiones: quibus adhuc iam aliquot expositis, hoc tandem loco eam, quæ huius loci est propria, qui magistratus quibus Rebuspub. conveniant, aggreditur. Et primum quidem de magistratuum creatione, qui & quot eius sint modi, exquisita partitione distinguit. Deinde, *τὰς τῶν δὲ αἰ μὲ δύο καὶ τὴν ἀρχὴν*, &c. qui modi quarum Rerumpub. sint proprii, adiungit: Quod idem & de senatu *supra*, seu de consiliorum generibus & de iudiciis *infra cap. proximo* facit. Est autem hic locus de magistratuum creatione bimembris, ut dixi; qui & quot sint modi creandorum magistratuum, & qui quibus Rebuspub. conveniant, id est, qui Democratici, qui Aristocratici, &c. adeo obscurus & difficilis, ut ingenue fateri cogar, me cum quantumvis perpensum, non potuisse assequi totum. Nam par-

rem facile est nosse & menda quædam nonnulla deprehendi: sed quia totum locum perpurgare non potui, Latine eum reddidi vulgata exemplaria secutus, explanationem doctioribus, aut alii tempori reseruandam putaui.

CAP. V T XVI.

DE tribus summis Reipub. partibus, quæ in Rebus publ. aliæ sint in aliis, ea quæ reliqua est de iudiciis, minima illa quidem, sed non minus tamen, quam sint priores, necessaria, hoc capite explicatur: Cuius duæ sint partes, quarum in priore iudiciorum genera *περίεργως* commemorantur: altera de modis iudicum legendorum, qui quotque sint numero, & qui quibus Reipublicæ generibus conueniant, agitur.

TEXTVS.

De tribus autem partibus ea, quæ de iudiciis est, restat explicanda. Sumendi autem instituta ratione & horum sunt modi. Iudiciorum autem differentia tribus in terminis versatur: ex quibus, de quibus, & quomodo. Ex quibus, inquam, utrū ex omnibus, an ex quibusdam. De quibus, quot iudiciorum sunt genera. Quomodo, vtrum sortito an suffragio. Primum igitur, quot iudiciorum sint genera, explicetur. Sunt autem octo numero. Primum quidem repetundarum, aliud peculatus. Tertium, de statu Reipublicæ. Quartum tam de magistratibus, quam de priuatis, quæ de multis ambigunt. Quintum de priuatis contractibus, iisque magnis. Præter hæc, & de cæde, & de peregrinatione, & eius quidem de cæde genera, siue apud eosdem iudices, siue apud alios, de consulto & de inuite factis; & de quorum quidem facto constat, de iure vero ambigitur. Quartum genus de ijs, quæ cædis reis in reditu intenduntur: vt quod Athenis dicitur Phreattium iudicium. Talia autem
etiam

etiam in magnis ciuitatibus per pauca ex omni tempore accidunt. De peregrinitate autem, vnum quidem peregrinorum cum peregrinis: aliud peregrinorum cum ciuibus. Præter hæc omnia præterea de paruis contractibus, qui de drachma, vel quinque drachmis, aut paulo pluribus. Nam & de his iudicium quidē fieri debet, non tamen in multitudinem iudicium cadit. Verū hæc quidem & de cæde & de peregrinitate omittantur. Dicamus autē de ciuilibus, quæ nisi recte fiant, seditiones existunt, & Rerum publicarum mutationes. Necessesse igitur, vel omnes de omnibus iudicare suffragio aut sortito, vel omnes quidem de omnibus, partim quidem sortito, partim vero suffragio. Vel de quibusdam eiusdem generis, partim sortito, partim suffragio factos. Sunt igitur hi modi quatuor numero, totidem vero & alij ex parte. Nam rursus ex quibusdam, & qui de omnibus iudicant suffragio, vel ex quibusdam de omnibus sortito. Vel partim quidem sortito, partim vero suffragio: vel quædam iudicia de iisdem & sortito & suffragio factis. Hi sunt igitur, vt diximus, modi supra explicatis similes. Præterea hæc ipsa duplicantur. Verbi gratia: partim quidem ex omnibus, partim vero ex quibusdam, partim ex vtrisque, vt si eiusdem iudicij sint, hi quidem ex omnibus, illi vero ex quibusdam, & aut suffragio, aut sortito, aut vtroque modo. Quot igitur iudiciorum modi esse possint, dictum est. Ex his autem primi quidem, qui ex omnibus aut de omnibus, sunt populares: Alteri vero, qui ex quibusdam de omnibus, sunt Oligarchici. Tertij denique, qui partim quidem

ex omnibus, partim vero ex quibusdam, Aristocratici sunt & Politici.

COMMENTARI.

Iudiciū diff- *Ἐν δὲ ἀποφασὶ τῶν.*] Quemadmodum de magistratibus
ferentia & priore capite; ita & de iudiciis hoc loco omnem eorum dif-
diffimilitu- ferentiam & dissimilitudinem tribus velut terminis & fini-
do. bus circumscriptam esse docet. Quorum primus hic est, ex

I. Dissimili-
tudo à di-
uersitate
ordinū, ex
quibus su-
muntur.

II. Dissimi-
litudo à di-
uersitate
rerum, de
quibus fiūt
iudicia.

De variis
iudiciorum
generibus.

1. Eὐθύτης
ἤ.

de quibus: secundus, de quibus: tertius, quomodo iudices fieri debeant. Primus, inquam, an ex omni populo, an vero ex certo duntaxat ordine; an deniq; partim ex omni populo, & partim certo ordine iudices constitui debeant, ut Romæ nō ex omni populo, sed alias ex ordine senatorio, alias ex equestri, alias ex utroque, iudicum decuriæ legebantur. *Plutarchus in Gracchis.* Alter modus, de quibus rebus, de omnibusne, an de quibusdam partite & distincte, id est, ut alii de causis civilibus, alii de capitalibus fiant iudices: & rursus, quia & civilium & capitalium causarum multa sunt genera: alii de hoc, alii de illo genere, iudex constituatur: Quo secundo termino tribunalium & iudiciorum genera diuiduntur & dignoscuntur; non primo, neq; tertio. Nam ex causarum seu controuersiarum discrimine iudiciorum quoque genera & discrimina oriuntur; non ex personis iudicum, neque ex modo creandorum iudicum: qui vel est sorte, vel suffragio, vel utroq; modo. De duobus terminis, primo & tertio, atque adeo de omnibus in altera huius capitis parte: in priore de secundo termino, seu potius de iudiciorum generibus breuiter explicat. Ait igitur, tribunalium seu iudiciorum octo esse genera. Primum vocat *Εὐθύτης*, quod erat aduersus magistratus de peccatis & delictis ab ipsis in magistratu commissis. Ut si in prouincia socios vexassent, ut Verres in Sicilia: Si in vrbe corrupti, vel gratia ius inique dixissent, &c. Nam in Græcia postquam magistratu abiissent, cogebantur sui muneris rationes ipsi exponere: Athenis quidem coram summo magistratu Nouemuirorū, quibus duo extra ordinem, huic muneri de rationibus referendis præfecti, erant adiuncti, quos vocabant *Εὐθύταις*, teste Polluce lib. 8. cap. 6. Romæ hoc institutum non fuisse, grauitè cōqueritur *Cicero lib. 3. de legib. in fine*; ubi de censoribus: Apud eosdem, qui magistratu abierint, edant & exponant, quid in magistratu

stratugesserint, deq; iis censores praeiudicent, &c. Erat ta-
 men & iudicium aduersus magistratus, quod vocabant re-
 petundarum, (ut in *Digestis ad legem Iuliam repetundarum*)
 respondens ῥήσις Græcorum, quod Cicero eo loco vocare
 quoq; videtur rationum referendarum. Alterum videtur es-
 se aduersus eos, qui Rempub. compilarint, aut sint depecu-
 lati: quod Græci φάσις vocant: Latini Romani peculatum,
 quasi dicas furtum publicum, de quo est & *Titulus in Pande-*
ctis. Tertium vocat Aristoteles: si quis in Rempublic. quid
 committat: quod Græci non vno, sed multis nominibus,
 ἀπειθείας, παρανόμην, ἀσπατέας: Romani vno nomine maie-
 statis aut perduellionis vocant; quod iudicium satis est no-
 rum. Quartum vocat Aristoteles οὐκ ἐπιμέλειαν, de multis
 & poenis. Verbi gratia: Si magistratus ciuem multa æquo
 grauiore affecerit. Nam de multarum irrogatione sæpe in-
 ter se magistratus & priuati ambigere solent. De Romano-
 rum more videatur *Gellius lib. 11. cap. 1. & l. aliud est, & l. si*
qua ff. de verb. signif. Quintum est de rebus contrahendis
 seu de contractibus, iisq; magnis. Nam alias contractus est
 & controuersia de magna summa, alias de exigua, ut de dra-
 chma. Ad hoc genus pertinent omnes grauiiores controuer-
 siæ, ut de nuptiis, de tutelis, de testamentis, de emptionibus,
 &c. Sextum genus est de cæde, Græci eleganter vocant φόνον
 ὅτι: quo pertinent & vulnera, verbera, &c. Hoc autem ge-
 nus facit Aristoteles quadripartitum. Nam cædes vel fit cō-
 sulto, vel non consulto; illā Græci vocant φόνον ἐν ἀεγροίαις:
 de vtroque genere cædis eleganter *Saturninus Iurisconsultus*
in l. aut facta, ff. de poenis, & diximus nonnihil initio libri ter-
 tiū *Ethicorum*. Tertia de cæde quaestio, cum de facto qui-
 dem constat, sed de iure ambigitur; ut in *Miloniana Cicero-*
nis, ibi de facto constabat; & *supra lib. 5. Ethic cap. 8.* Quar-
 ta de cæde controuersia est aduersus eum, qui semel de cæde
 accusatus, & quia de inuite facta exilio mulctatus, alteram
 postea cædem fecerit, qui si reuertatur, eo nomine accuse-
 tur. Hæc igitur est repetita velut accusatio, propter alteram
 cædem aduersus ab exilio redeuntem, instituenda. His qua-
 tuor de cæde controuersiis suum cuique distinctum Athenis
 erat tribunal. Nam de cæde consulto facta, iudicium fiebat *Areopagus.*
 in Areopago: de cæde inuite facta in Palladio: de cæde iure *Palladium.*
 an iniuria facta in Delphinio: de cæde repetita in Phreastio: *Delphinium.*
 quod *Phreastium.*

Aristogit.

7. ξενισμός.

8.

*An de re
parua liti-
gandum sit.*

*Ratio diui-
sionis iudi-
ciorum.*

quod Athenis vocabāt ἐν vel ἐπὶ Φρεατῶν: sic enim hic legenda
dum, ut pulcre *Scholastes Græcus in Aristocrat. Demosthenis*,
quæ tota est de eadē: & *Pollux lib. 8.* Septimū item eleganter
vocant Græci ξενισμός. *Cic. lib. 2. de leg. de peregrinis*; quod fa-
cit bipartitum Aristot. vel ubi peregrinus cum peregrino, vel
ubi peregrinus cum ciue controuersiam habet. His contro-
uersiis Athenis præerat Polymarchus, Romæ prætor pere-
grinus, *Pollux lib. 8. Pomponius in l. 2. ff. de orig. iur. & in Cice-
rone quam sapissime.* Octauum & vltimum est item, ut quin-
tum, de rebus contrahendis: sed illud de rebus magnis, hoc
de paruis, ut de drachma, de quatuor, de sex, &c. ut Athenis
erant quadraginta viri, qui cognitionem habebant decem
tantum drachmarum, teste *Polluce lib. 8.* Sic & Romæ etiam
in criminibus minores magistratus de paruis tantū, de ma-
ximis aut maioribus præfectus vrbis tantum cognoscebat.
Huc pertinet disputatio Iurisperitorum, an de re parua
iudicium fieri debeat, ut de Gallina vel ouo, in §. *Gallina-
rum & anserum, in Institutionibus de rerum diuisione, & in l.*
id est, de dolo malo. Athenis certe erat, & Πολίτης δίκη, id est,
sterquilini aut fimi controuersia, ex legibus Solonis, *Ari-
stophanes, &c.* (iste locus de iudiciorum generibus est plane
absurdus.) Eodem pertinet, quod est apud *Quintilianum*
lib. 3. cap. 10. ubi indicat, in fideicommissis maioris summæ
cognitionem Romæ habuisse consules, minoris prætorem
fideicommissarium. Et quidem hæc sunt octo tribunalium
seu fori genera ab Aristotele hic exposita. Quæ partitio qua
ratione nitatur, non possum satis intelligere. Cur, inquam,
non vel piura vel pauciora fora Aristoteles faciat. Athenis
quidem de rebus capitalibus quinque celeberrima erant fora;
Areopagus, Delphinium, Palladium, Phreatium & Pryta-
neum: rerum ciuiliū Heliæa, Parabystum, Trigonū & Me-
tychium: de quibus *Pollux, Suidas, Scholastes, Demosth. &*
alii, ut Car. Sigon. de Repub. Athen. lib. 1. cap. 3. Iudicium quo-
que arbitrorum, quos Διαιτέτας vocant. Romæ quoque alii
erant prætores rerum capitalium, ut falsi, repetundarum, pe-
culatus, parricidii, &c. quos proprie Quæsitores, & Quæsto-
res parricidii vocabant. Erant & alii qui Duumviri perduel-
lionis dicebantur: de quibus *Pompon. l. 2. ff. de orig. iur. Cic.*
pro Rabir. Rerum autem ciuiliū duo prætores, vnus vrbā-
nus, alter peregrinus primum fuerunt; postea alii sunt addi-
ti singu-

ti singularum causarum; ut prætor fiscalis, fideicommissarius, tutelarior: de quibus *Pompon. in d. l. 2. Sueton. in Claudio, Capitolinus in Marco*. Rectior igitur & melior tribunalium *Partitio melior.* partitio hæc fuerit, ut, quemadmodum causæ & res aliæ sunt capitales, aliæ vero ciuiles, fora quoque sint alia rerum capitalium, alia ciuiliū: quæ summa tribunalium seu iudiciorum sit diuisio, causis seu rebus, de quibus fiunt iudicia, accommodata, quomodo & *Plato in lib. de legib. & Iurisperiti nostri* partiuntur. Iam vero quia causarum & capitalium & ciuiliū multa sunt genera; adeo, ut graue sit, omnes ciuiles causas vni foro seu tribunali, omnes capitales vni quoque tribunali, maxime in magna ciuitate, mandare: hinc postea genera alia iudiciorum subnasci possunt. Verbi gratia, ut sit iudicium aliud de rebus tantum tutelaribus, aliud de rebus contrahendis, aliud de rebus ad ciuitatem pertinentibus, aliud de sacrilegio, &c.

Περὶ δὲ τῶν πολιτικῶν.] Explicaturus Aristoteles tribunalium seu iudiciorum genera seu modos, qui quibus Rebus publ. sint accommodati & proprii (alii namque; Democratiæ, alii Aristocratiæ, &c. sunt proprii) monet initio, ommissa disputatione de iudiciis capitalibus, & iis, quæ sunt de peregrinis, explicandum potius esse de ciuilibus. In quibus & iudicia rerum contrahendarum, & de statu Reipub. & alia supra exposita contineantur: propterea quod ex his ciuilibus magis, quam quæ de capitalibus, aut iis, quæ de peregrinis, motus & seditiones in ciuitate, si non recte exercentur, excitari soleant, atque adeo Rerumpub. sequi euerfiones. Quare & *infra lib. 6. cap. 2.* hæc tria iudicia, quæ omnia sunt ciuilia (rationum reddendarum, seu *ὁ δυνάστης*, de statu Reipub. & rerum contrahendarum) ait esse grauissima & maximi in Reipubl. momenti. Ut igitur de consiliorum seu magistratuum generibus seu modis *supra priorib. duobus capitibus* explicauit: ita & hoc cap. de iudiciorum modis explicat; quot, inquam, hi sint numero, & quarum Rerumpub. proprii. Et de numero, duodecim modos esse ostendit, hunc in modum. Modi namque iudicum legendorum vel simplices, vel mixti seu copulati & coniuncti ut sint, necesse est. Qui vel simplices vel mixti sint, mox intelligetur. Necesse quoque est, iudices ut omnes vel ex omni, siue vniuerso, siue per tribus distincto populo, vel ex certo tantum ordine, puta ex ditiori-

De ciuilib. iudiciis cū primis hoc loco explicandum.

Ratio.

De modis 12. iudicum constituentorum.

bus duntaxat, vel ex patriciis, vel (vt Romano more nunc loquamur) ex ordine vel senatorio vel equestri legatur. Necessesse denique est, iudices vel de rebus omnibus, vel de quibusdam duntaxat iudicandi potestatem habere. Postremo necesse est, iudices vel suffragio, vel sortito, vel partim sortito, partim legi suffragio. Hinc iam continuo 12. iudicum legendorum modi vt existant, necesse est, quos perspicuitatis causa hac tabella complectamur.



Modi Democratici.
 Modi Oligarchici.

Ex his 12. modis 4. quidem primi sunt populares & Democratici : eo quod Democratiæ hoc sit proprium, partes Reipub. cum vniuerso populo communicare. Quatuor vero alii simplices modi, quia non ex omni populo, sed ex certo ordine, quod Oligarchiæ est proprium, merito sunt Oligarchici.

garchici. Postremo coniuncti quatuor modi sunt & Aristo- *Modi Ari-*
 cratici & Politici. Propterea quod ut hæ ipsæ Respublicæ, *stocratici*
 Aristocratia inquam & Politia, ex 2. illis, Democratia & O- *& Politici*
 ligarchia, velut sunt mixtæ & temperatæ, ut supra expli-
catur initio huius libri: ita & hi modi coniuncti ex priori-
 bus duobus generibus, Democratia & Oligar-
 chia, sunt permixti & tem-
 perati.

F I N I S L I B R I I V.

LIBER

LIBER V.

ARGVMENTVM.

EXplicantur in hoc libro causæ & initia Rerumpub. & mutandarum seu euertendarum & conseruandarum: cuius duæ sunt partes. Cum vere duo quoq; sint Imperiorum genera; plurium quæ Resp. vnus quæ monarchia dicitur. In priore de Rebuspublicis, nouem primis capitibus, seu octo potius: in altera de monarchiis, id est, regno & tyrannide reliquo libro explicatur. Extremo tandem Platonis hac de re disputatio, breuiter omnium seditio- num & mutationum capite seu fonte, causas mutationum & euersionum Rerump. explicat: vniuerse quidem seu communes, quæque in omnes Respublicas conueniant, primis illis capitibus 2.3.4. Singulatim vero causas, quæ singularum Rerumpublicarum sint propriae, proximis tribus capitibus, Democratiae quinto, Oligarchiae sexto, Aristocratiae & Politiae septimo. Deinde de causis salutis & incolumitatis agit: quæ etsi ex contrariis facile cognosci poterant: tamen de his rursus & vniuerse & singulatim, maxime tamen vniuerse, explicandum putauit cap. 8. & 9. vt vulgo diuidunt. Et hæc quidem de Rebuspublicis. Altera huius libri parte, vt dixi, de vnus Imperio, Regno & Tyrannide: primum, quibus ex causis mutantur & intereant: deinde, quemadmodum conseruentur, explicat doctissime 10. & 11. Videantur & Plato lib. 8. de Repub, & Polybius lib. 6.

CAPVT I.

TRIA fere hoc cap. exponitur: Caput & fons omnium seditio- num & motuum Rerumpub. Mutationum genera: & extremo cap. breuis Rerumpub. de diuturnitate comparatio. de primo tamen maxime hîc agitur; siue est scopus capitis, vt aiunt Iurisconsulti.

TEX.

T E X T V S.

Ergo de alijs quidem, de quibus constitueramus, dictum fere est de omnibus: quibus autem ex rebus, & quot numero, & qualibus Respublicæ mutantur, quiq; singularum Rerumpublicarum sit interitus, & ex quibus in quas maxime mutantur: præterea, quæ sint salutes & communiter omnium & seorsim singularum: præterea, per quæ quæque Respublica maxime conseruetur, videndum est deinceps,

C O M M E N T A R I I.

Περὶ μὲν τῶν ἄλλων.] Clausula est methodica, qua institutæ disputationis rationem & ordinem indicat. Nam postquam de alijs rebus omnibus, quas explicandas susceperat, adhuc diligenter explicavit: quæ vna reliqua erat de causis interitus & salutis Rerumpub. disputatio, recte & ordine, id est, prioribus cōvenienter hîc explicatur. Vnam autem hanc de Rerumpub. mutationibus disputationem esse reliquam, perspicitur *ex lib. 4. cap. 2.* vbi diligenter exponit, de quibus sit differendum: nimirum quot Rerumpub. sint genera: quæ maxime sit communis & post optimam maxime expetenda: quæ quibus sit aptior & accommodatior; & quemadmodum singulæ Respub. in suo quæque genere quam optime sint instituendæ: quæ deniq; mutationum Rerumpubl. sint causæ. Ad illum igitur locum his verbis, *Περὶ μὲν τῶν ἄλλων, ὧν ἀπερίλοιπα*, de quibus statueramus disputare, alludere & spectare videtur Aristoteles: etsi alii ad omnes priores libros ea referunt.

Καὶ ἐκ πλείων εἰς πλείους.] Nam interdum ex Democratia existit Oligarchia, vel contra: vel ex Democratia tyrannis, &c. quod caput, quæ Respubl. in quas mutantur, non satis explicasse Platonem notat *infra Aristot. cap. ult.*

Ἐπὶ δὲ σωτηρίαι.] Miror hanc *παιδαγωγίαν* in Aristotele. Nam hæc duo ἔπιν idem valent, eodemq; pertinent, de causis conseruandarum Rerumpublicarum. Quare haud scio, an non rectius alterum tolli possit.

T E X-

Primum autem caput existimare oportet multas exstitisse Respublicas, dum omnes ius quidem assentiuntur, idque proportionem æquum: in eo tamen aberrant, ut & ante dictum est. Nam Democratia quidem exstitit ex eo, quod quadam re pares omnino putent esse pares. Nam quia omnes pariter sint liberi, omnino se pares esse putant: Oligarchia vero ex eo, quod una quadam re (impares) omnino impares esse putent. Nam diuitijs impares putant, se omnino esse impares. Inde illi quidem, ut pares, rebus omnibus paribus dignos se putant: hi vero, ut impares, superiora quærunt: quod enim plus, est impar. Omnes igitur Respublicas nituntur illæ quidem iure quodam: aberrant vero omnino; eamque ob causam cum ex hac persuasione, quam vterque habent, non fiant participes Reipublicæ; seditiones mouent. Omnium autem meritissimo seditiones mouerent, minime vero id faciunt, qui virtute superant. Nam rationi maxime est consentaneum, hos tantum esse impares omnino. Sunt autem, qui genere præstantes, propter hanc inæqualitatem seu imparitatem æquis rebus non sunt contenti. Nam genere nobiles videntur esse, quibus maiorum est virtus & diuitiæ. Itaque hæc quidem sunt principia & fontes, ut ita dicam, seditionum, unde seditiones mouent.

COMMENTARI.

Caput & **Δει δὲ πρῶτον.**] Priusquam ad causas cōuersionum & mutationum Rerumpublicarum explicandas aggreditur, hoc motuum & cap. ut supra monui, omnium motuum & seditionum causas. put & fontem prius aperit: quod caput docet esse errorem seu

seu persuasionem iniustam, ex eo natam, quod ius distinguere nesciant. Nam, *ut & supra lib. 3. cap. 6. & 8. est explicatum*, omnes Respubl iure quodam nituntur: omnes, qui dominantur, aut principatum siue in Democratia, siue in Oligarchia, siue in Regno, siue in Aristocratia quærunt, iuris quandam speciem afferre & prætere solent: ut in Democratia libertatem, in Oligarchia diuitias aut nobilitatem, in Aristocratia virtutem, ut & in Regno. Populus igitur quia omnis libertate sit par, æquum esse ait, ut nemo alteri præferatur: Contra pauci in Oligarchia, quia reliquam ciuium multitudinem diuitiis & genere superant, æquum esse putant, se solos esse Reipublice principes, exclusa multitudine. Nam hoc iuris & iustitiæ est proprium, ut suum cuique tribuatur, id est, paribus paria, imparibus imparia. Verum peccat in assumptione seu minore propositione: eo, quod pares ipsi vel impares esse se putant omnino seu omni ex parte: puta vel diuitiis, vel libertate sint vel pares vel impares: omnino autem & absolute pares sunt hi duntaxat, qui virtute sunt pares, ut in Aristocratia: quare & hi virtute pares, & reliquis virtute præstantes iustissimam causam habent, cur ipsi seditionem mouere possint, si à magistratibus & Republica excludantur, ut quibus propter æquitatem, non illam ex parte, sed eam, quæ est omnino, debeat principatus Reipublicæ. Videre tamen licet hos minime esse seditiosos, ut præclare hinc ait Aristoteles; quæ magna est virtutis laus, & virorum bonorum: qui cum iure possint: tamen nolint temere res tractare turbidas. Obseruandus est igitur hic locus de virtute: Ea Respublicas non perturbari, sed conseruari: etsi hæc fuit perpetua fere in Christianos calumnia, eos esse seditiosos & turbulentos: quam accurate refellit *Tertullianus in Apologetico*. Cur autem neq; diuitiis, neque opibus, neque generi, sed virtuti debeat principatus: rationem iam diximus; quod qui illis rebus sunt superiores, aliis præstent ex parte tantum: qui hac, omnino & absolute. Merito namq; hæc virtuti prærogatiua & laus debetur, ut eius præstantia reliquarum præstantiis rerum sit anteponenda & verissima iudicanda præstantia.

Τὸ γὰρ πλεῖον ἄριστον.] Hoc pertinet ad prius verbum πλεονεκτείν. Diuitiis, inquit, vel genere impares seu aliis superiores omnia statim superiora habere volunt seu πλεονεκτείν (id enim

*Virtuosissimi
nime omnium
seditiosissimi.*

enim hic valet: non, ut alias plerumque, in malam partem) propterea quod τὸ πλεόν, id est, plus, siue superiora, aut quod superat, est impar & inæquale: eaque propter inæqualibus conueniens. Notum est ex *Ethic. lib. 5.* plus & minus esse inæqualia, medium & iustum his interiectum esse æquale.

*Nobilitatis
vulgata,
veraq; de-
finitio.*

Εὐχρηστία, §.] Est nobilitatis descriptio, maiorum videlicet virtus & diuitiæ, vulgata: *de qua diximus & supra lib. 2. 4. cap. 8* Nam veram nobilitatem Aristoteles non maiorum, sed suam virtutem paulo infra esse indicat, & eleganter Cic. in *epist. quadam* nobilitatem definit, esse notam virtutem.

TEXTVS.

Quare & mutationes merito fiunt. Nam aliàs quidem aduersus statum Reipublicæ, ut ex eo, qui nunc est, alium instituant: ut ex Democratia Oligarchiam, vel ex Oligarchia Democratiam, aut Rempublicam & Aristocratiam ex his, aut has ex illis. Aliàs vero non aduersus Reipublicæ statum, qui nunc est: sed eundem quidem statum esse volunt: in sua vero potestate hunc esse volunt, ut Oligarchiam seu Regnum & Monarchiam. Præterea de eo, quod magis & minus, ut vel Oligarchiam magis aut minus reddi Oligarchicam, vel Democratiam magis aut minus reddi Democraticam. Itēque in reliquis Rebus publ. ut vel intendantur vel remittantur. Præterea ad partem aliquam Reipublicæ mutandam, ut magistratum aliquem introducendum vel abrogandum, quemadmodum Lacedæmone Lysandrum quidam scribunt conatum esse Regnum tollere; & Regem Pausaniam, Ephoriam: Dyrrhachij quoque parte quadam mutauit Respublicas. Nam Phylarchorum loco curiam induxerunt.

COMMENTARI.

Διαιρέσις, :

Διὰ καὶ.]

Exposito capite & fonte omnium seditionum & muta-

mutationum, interijcit hoc loco Aristoteles de generibus seu varia mutationum seu conuersionum: qui locus est pulcherrimus *mutationis* & dignissimus obseruatu, vt qui nusquam, quod equidem *genera*. meminerim, tam accuratus reperiatur. Quatuor igitur mutationum seu conuersionum genera breuiter exponit. Nam primum, quod quidem est notissimum, ait esse, quo ipse ci- *1. Mutatio-* uitatis status seu Reipublicæ genus mutetur: verbi gratia, si *nis genus*. loco Democratix instituatür Monarchia, loco Regni Tyrannis, &c. vt Romæ regnante Tarquinio, cuius Tyrannide sublata instituta fuit Aristocratia, post Politia, tandem Democratia, & rursus Monarchia. Alterum mutationis genus, *2. Mutatio-* quo, manente ciuitatis statu & eodem Reipubl. genere, re- *nis genus*, torum seu summorum magistratuum fit translatio: quemadmodum in Sicilia Gelonis Tyranni filio remoto & excluso, Regnum seu Tyrannidem occupauit & in se transtulit quidam à Gelonis cognatione alienus, & idem ab Dionysio Siciliæ principatum ad se traducere conatus est Dio. Sic olim in Epiro Eua goras, Eunuchi Regis filio interfecto, Regnum sibi vindicauit: *infra cap. 10.* Sic & olim apud Francos Pipinus, Hilderico Regis Dagoberti filio remoto, vt ignauo, Regnum Franciæ occupauit. Tertium mutationis *3. Mutatio-* genus, quo neq; status, neque mutatur rector seu princeps: *nis genus*. sed status fit vel intentior vel remissior. Notum namque est ex prioribus, status Rerum publ. alias esse leniores & mitiores, alias seueriores & vehemētiores, vt de Democratia maxime & Oligarchia est explicatum. Quam mutationis tertiam speciem eleganti similitudine explanare & illustrare reddere possumus, ea quam Aristoteles affert de naso *infra cap. 9.* Huius generis mutatio Athenis ex moderata Solonis Democratia in extremam ætate Demosthenis & Aristotelis facta est, & Romæ ætate Ciceronis: & Heracleæ Oligarchia, à paucis ad sexcentos imperio translato, facta est ciuiliior. *infra cap. 6.* Sicyone Myronis Tyrannis seuior in Clysthenis Tyrannidem mitiorem conuersa est, *infra cap. ult.* Quartum mutationis genus à prioribus discrepans, quod illa vni- *4. Mutatio-* uersam Rempub. attingunt, hoc in parte duntaxat consistat: *nis genus*, quo videlicet magistratus vnus aut alter vel nouus instituit, vel vetus tollitur: vt Lacedæmone Regiam potestatem Lyfander Spartanorum Dux nobilissimus tollere conatus est, vt hic ait Aristoteles, & Diodorus Siculus & Plut. in Lyfand. &

Cornel. Nepos etiam in Lyfand. Sic in eadem vrbe Rex Pausanias Ephoros Regum aduersarios abrogare voluit & conatus est, vt ait Aristoteles hîc & infra, quemadmodum Sylla Romæ tribunos, consulum aduersarios, non ille quidem sustulit: sed omnem fere potestatem ademit, *Plut. in Sylla, Cic. 3. de legib.* Ad hoc mutationis genus pertinere mihi videtur & illa in Republica Romana mutatio, cum loco consulum Decemuii essent creati: etsi *Linio* ad primum vel secundum pertinere videtur: sic enim ait *lib. 3.* Anno ccc. altero, quam condita Roma erat, iterum mutatur forma ciuitatis ab consulibus ad Decemuiros, quemadmodum ab Regibus ante ad consules venerat translato imperio.

Heliaa.

Εἰς δὲ τὴν ἡλιαίαν.] Quæ hîc de Helia & Archonte adferuntur, sunt obscura maxime, quo ea pertineant seu spectent. Erat Athenis Helia summum tribunal, in quo iudices alias 500. alias 1000. alias mille erant quingenti: sic dictum; quia soli maxime, vt edito in loco, expositum, de quo foro seu tribunali *Demosth. in Arist. Dynarchus in Demosth. Pausanias in Attic. Pollux lib. 8. Hesychius, Suidas.* Archon Athenis erat magistratus, cuius cum alia erant officia, tum quod ab eo Athenienses tempora notabant, vt Romæ per consules, teste *Polluce lib. 8.* hinc *Cic. de fin.* Epicurus, inquit, mortuis Archonte Pytharato, &c. Verum in tempore huius magistratus Athenis fuit variatum. Nam sublato Athenis Regno, vt Romæ consules, sic Athenis Archontes summo cum imperio fuerunt; sed consules annui, Archontes primum perpetui, deinde decem annorum, postremo annui, teste *Eusebio in Chronico.* Aristoteles autem hoc loco de Helia quidem videtur dicere, nullum in ea iudicem legi potuisse, nisi qui ante magistratum iam gessisset: hoc nusquam præterea reperi. De Archonte vero, fuisse cum in Repub. Atheniensi olim perpetuum velut Regem, quod modo ex *Eusebio* iam ipsi adduximus. Hæc de his afferre hîc videtur Aristoteles: cur ea afferat, non video. Sepulveda, vt doceat, inquit Aristoteles, Rempublicam Atheniensium ex paucorum potentia factam esse popularem: sed non de hac re, verum de generibus mutationū agebatur. Quare de toto hoc loco, mea quidem sententia, valde mendoso in his verbis, *εἰς δὲ τὴν ἡλιαίαν*, vsque ad hæc, *ἐστὶ δὲ διπλὸν*, amplius querendum.

TEX-

T E X T V S.

Æquale autem duplex est. Nam aliud quidem numero, aliud vero est dignitate. Et numero quidem, quod multitudine, aut magnitudine est idē & æquale: dignitate vero, quod ratione. Vt numero quidem æqualiter tria duo, & hæc vnum superat: ratione vero quatuor duo, & hæc vnum. Nam æqualis est pars duo quatuor, & vnum duorum: vtrumque namque dimidium. In eo igitur ius omnino esse id, quod ex dignitate, consentientes dissentiant, vt supra dictum; hi quidem, quod, quia ex parte sint æquales, omnino se pares esse existiment: illi vero, quia, cum ex parte sint impares, omnia imparia sibi vindicent.

C O M M E N T A R I I.

Ἐν δὲ δὲ τῶν.] Expositis Aristoteles mutationum generibus, redit ad caput & fontem mutationum Reipublicæ, iniustam illam de se persuasionem: quam alii æquitatem seu æqualitatem, alii iactant inæqualitatem: cui rei melius explicandæ adiungit hoc loco æquitatis partitionem in *Eth. lib. 5.*

Et sup. quoq; lib. 3. c. 6. explicatā. Æquum, inquit, est duplex, aliud numero, quam vocamus Arithmetica æquitatem: aliud dignitate, quam Geometricam vocamus, quas inter æquitates hæc est differentia, quod in Arithmetica multitudo tantum & magnitudo, in Geometrica spectetur ratio tantum seu proportio: verbi gratia, vt tria superant duo, ita duo vnum, vno nimirum, id est, pari multitudine: vt quæ ratio est τῶν 4. ad 2. eadem est duorum ad vnum, duplex videlicet; vel quæ ratio est duorum ad vnum, eadem est τῶν 20. ad 10. eadem est ratio, numerus non item. Ex his autem æquitatibus Arithmetica quidem in rebus maxime priuatis, Geometrica in publicis, vt magistratibus mādandis, &c. (de quibus hic agitur) vtimur. Recte igitur Aristoteles ius ait esse positum in Geometrica æquitate, nimirum hoc loco, vbi de magistratibus & Republica agit; & in hoc, inquit, consentiunt omnes, vt nimirum pro dignitate, tanquam iure, ita postu-

Æquitas
duplex: A-
rithmetica
& Geome-
trica.

Vsus æqui-
tatis Arith-
metica &
Geometri-
ca.

lentur, mandentur magistratus & imperia, id est, ut qui pares sint dignitate, cum omnibus imperia communicentur: qui impares, non item. Verum in dignitatis generibus dissident: alii namque dignitatem in libertate: alii in genere aut diuitiis: alii denique in virtute collocandam putant. hos autem recte: illos perperam sentire *supra* docuimus; nimirum veram dignitatem seu æquitatem, quæ omnino, virtute, non diuitiis aut libertate, esse metiendam: qua in re errare illos, qui eam vel libertate tantum, vel genere aut diuitiis æstiment: illi quidem, quia libertate sint pares, vere & omnino pares se esse arbitantes: contra, qui diuitiis, id est, ex parte impares, omnino se impares esse arbitantes. Sed de hac re & *supra*.

T E X T V S.

Quare & duæ maxime existunt Respublicæ; popularis & paucorum. Nobilitas namque & virtus in paucis: hæc autem in multis (scilicet reperiuntur.) Nobiles namque & boni nusquam centum: egeni vero multi multis in locis. Vitiosum est autem ex altera plane æquitate omnino institui: clarum hoc ex euentu. nulla namque talium Rerumpublicarum est stabilis: cuius rei causa est, quod fieri nequeat, quin ex peccato in principio factò ad malum aliquem finem perueniatur. Vtendum est igitur æquitate partim Arithmetica, partim ea, quæ ex dignitate: veruntamen Democratia, quam Oligarchia, est firmior & motibus minus obnoxia. Nam in Oligarchijs quidem duo existunt motus, cum paucorum inter se, tum præterea cum populo; in Democratijs vero is tantum, qui cum paucis; ipsi vero populo secum motus, qui quidem sit memorabilis, nullus existit. Præterea mediorum Respublica Democratiæ magis est finitima, quàm Oligarchiæ: quæ talium Rerumpublicarum est stabilissima.

C O M M E N T A R I I.

Αὐτὸ δὲ.] Hac vltima huius capitis parte de duabus Rebus- *Democr. &*
 publicis, Democratia & Oligarchia, tria hæc adfert Aristo- *Olig. cate-*
 teles. Primum, has duas Respublicas cæteris esse frequen- *ris generib.*
 tiores, & sæpius reperiri, quam vel Aristocratiam, vel aliam *Reipub fre-*
 Respublicæ formam. Causam & rationem hanc esse ait, *quentiores.*
 quod, quæ has Respublicas constituunt, omnibus fere in lo-
 cis & sæpe reperiantur; quæ alias, non item. Nam de De-
 mocratia causa, tenuiorum multitudine, res est certa & cla-
 ra: sæpe quoq; diuites aut à maioribus genere nobiles mul-
 ti reperiuntur: vnde Oligarchiæ constant. Sed qui vera virtu-
 te veraq; nobilitate cæteris præstent, perexiguus omnibus
 fere in locis solet esse numerus. Puto autem hæc verba, *ὁ-*
μῶς δὲ καὶ ἀγαθοὶ, vsq; ad τὸ δὲ ἀπλάως, &c. vix esse necessaria:
 vt quibus explicetur tantū ratio his verbis, *ὁμοῦ καὶ*, com-
 prehensa, neque tamen satis plene. Nam illud, *πῶτε*, duo,
 nimirum paupertatem & diuitias, sonat, cum hîc, *ἄποροι δὲ*,
 paupertatis tantum fiat mentio: vbi in quibusdam editio-
 nibus est, *ἄποροι*: nisi scribas *ἄποροι ὅ καὶ ἄποροι πολλοὶ*. Al-
 terum, quo docet has Respubl. esse vitiosas, seu non recte *Democr. &*
 institutas: cuius rei argumentum & documentum ex tem- *Olig. Resp.*
 pore petit. Nam, inquit, vitiose eas esse institutas, ex eo in- *sunt vitio-*
 telligi potest, quod minime sint diuturnæ & facile laborent *se.*
 motibus aut seditionibus. Argumentum igitur hoc est ab *1. Argum.*
 euentu vel exitu. Cur autem hæ Respublicæ vitiose sint in- *seu ratio.*
 stitutæ, causam hanc adfert; quod omnes illæ Respublicæ *2. Ratio.*
 vitiose instituuntur, quibus vnus tantum æquitatis habea-
 tur ratio, siue Arithmetica, siue Geometrica: illæ vero Res-
 pub sint diuturniores, & melius instituuntur, in quibus vtri-
 usque æquitatis habeatur ratio: hoc est, vbi & libertatis &
 excellentiæ, siue virtutis, siue diuitiarum, siue generis ratio-
 ne mandentur magistratus & imperia in politia. Tertium, *Democra-*
 quo duæ hæ Respublicæ inter se comparantur stabilitate. *tia minus*
 Nam tametsi neutra est stabilis aut valde diuturna: tamen *laborat se-*
 Democratiam Oligarchia minus laborare seditionibus, ma- *ditionibus,*
 gis diuturnam & stabilem esse docet duabus rationibus. Pri- *quam Oli-*
 mo, quia in Oligarchiis aduersus duos existunt motus, in *garchia.*
 Democratia aduersus vnum tantum ordinem. Nam in Oli- *1. Ratio.*
 garchiis alias pauci inter se tumultuantur: alias ipsi aduersus

2. Ratio.

populum. Cuius rei seu motus gemini exempla multa *ex-*
plicantur, *infra cap. 6.* in Democratiis autem populus vnus
secum non dissidet, sed cum paucis diuitibus aut nobilibus,
vt aduersario sibi & inimico ordine. Deinde, quia Demo-
cratia cum Politia (quam supra docuit, & infra explicabit
omnium Rerumpub. ab optimo Reipublicæ statu dissiden-
tium esse stabilissimam, minimeq; motibus obnoxiam) ma-
iorem habet cognationem & affinitatem, quam Oligarchia:
propterea quod & in Politia æquitatis Arithmeticæ aliqua,
in Democratia tota seu omnis, in Oligarchia nulla habeat-
ur ratio: & in Democratia omnibus, in politia plarisque, in
Oligarchia paucis pateat aditus ad Rempublicam & magi-
stratum.

Error pri-
mus, graui
tandē mali
causa.

Τὸ τοῦ δ' αἵτιον, ὅτι ἀδυνάτον.] Elegans Aristotelis dictum,
ex peccato & errore principi graue tandem malum aliquan-
do existere: quemadmodum & eleganter *lib. 1. de cælo*, par-
uus, inquit, initio error, multiplicatus tandem, multisq; par-
tibus maior in fine redditur: tanti est rebus in omnibus
principium: qua de re & *infra cap. 4.* Adfert autem hoc di-
ctum ea de causa Aristoteles, vt doceat, cur Respublicæ non
ex vtraque æquitate, sed ex altera tantum temperatæ non
sint stabiles: quia nimirum ab initio male institutæ propter
alteram tantum æquitatem, hinc, id est, ex malo initio, ma-
lus quoq; finis vt consequatur, necesse est.

CAP V T II.

EXPOSITO capite & fonte omnium motuum, hoc ca-
pite paruo illo quidem, sed insigni & fundamento vni-
uersæ de Rerumpubl. mutationibus disputationis, summa-
tim exponit Aristoteles causas & principia omniū motuum
seu seditionum, omnibus Rebuspublicis communes: quas
proximo capite sigillatim explicat, & quarto demum capite
alias præterea quasdam adiungit. In quibus omnibus causis
exponendis & explicandis quædam ab Aristotele præter-
mittuntur, quæ ab aliis tamen, *Platone, Plut. Cic.* causæ quo-
que motuum statuuntur, de quibus suo loco.

TEXTVS.

Quoniam autem disputamus, quibus ex rebus
& seditiones fiant, & Rerumpublicarum muta-
tiones:

tiones: primum vniuerse statuenda sunt principia & causæ illarum. Sunt autem tres fere numero, quæ per se primum summatim sunt dicendæ. Statuendum namque est, & quomodo affecti seditio- nes moueant, & quarum rerum causa, &, quod est tertium, quæ ciuiliū motuum & seditionum in- ter se sint principia.

C O M M E N T A R I I.

Ἐπεὶ δὲ σκοπεῖν.] Monet iam initio Aristoteles, quæ sint *Causa mo-
tuū & mu-
tationum.* explicanda, nimirum principia & causæ motuum & muta-
tionum Rerumpub. Nam cum hæc disputatio & sermo hu-
ius libri de Rerumpub. mutationibus sit institutus, & hæc sit
res, de qua agitur, vt loquuntur Iurisperiti; recte & ordi-
ne faciendum sibi putauit Aristoteles, si in causas & princi-
pia horum motuum & mutationum diligenter inquireret.
Nam hoc Politici & politicæ prudentiæ est propriū, vt phy-
sici rerum naturalium, ita huius rerum ciuiliū causas in-
quirere & nosse. Et certe cognitis causis, facilia quoque sunt *Vsus & v-
tilitas hu-
ius inuesti-
gationis.* adiuuenta seu remedia sinandorum seu tollendorum mo-
tuum. Nam tamen si politicus maxime hoc agit, vt concor-
dia sit in ciuitate, vt *supra initio lib 8. Ethic. 1. cap.* tamen quia
sæpe motus & discordiæ existunt, harum & causæ & reme-
dia, hæc, inquam, duo Politico in hac quæstione de motibus
maxime sunt cognoscenda.

Εἰσὶ δὲ ἔξωθεν.] Locus hic de mendo valde mihi est suspe-
ctus: propterea quod principia seu causæ motuum tres nu-
mero hic statuantur, quas constat multo esse plures: quare
malim hæc in neutro genere scribi pro τρεῖς, τρία, pro αἷ, αἶ,
αἰνές, αἰνέ. Nam tria quædam esse ait Aristoteles, quæ in *Tria quadā
in motibus
Rerumpub.
consideran-
da.* hac disputatione de Rerumpub. motibus diligenter sint con-
sideranda. Primum, quemadmodum sint affecti hi, qui sedi-
tiones & motus in Republica mouent & tumultuantur.
2. Quarum rerum causa seditiones moueant, vel cōsequen-
darum vel euitandarum. 3. Quæ causæ & principia sint mo-
tuum seu seditionum. Vulgata scriptura vltimum tantum
caput ex his tribus complectitur, de causis, inquam, & prin-
cipiis motuum. Nam his verbis, τὰς δὲ καὶ τὰς αἰτίας αὐτῶν,
tertium illud indicari & intelligi, perspicue intelligitur, cum

ex his verbis, καὶ τῶν τῶν δόξαι, tum ex iis, quæ paulo infra, αἱ δὲ αἰτίαι καὶ ἀρχαί. Hæc igitur Aristotelis videtur esse sententia; quia de Rerumpub. mutationibus iam quæritur: primum de causis & principiis eorum esse videndum. Verum ante omnia tria quædam capita sunt constituenda: quæ profecto tria capita maximi sunt momenti, & in quibus omnis hæc de motibus posita est quæstio: Quare & ipsa omnia, non tertium tantum, communiter & vniuersæ causæ quoq; & initia motuum seu mutationum dici possunt, ut ne quid temere mutemus. Ad eundem modum Aristoteles & in *Rhet. lib. 2. in princ.* de affectibus, quos oratores mouere solent, explicaturus, tria quoq; his affinia aut certe non absimilia capita consideranda esse monet, eaq; ipse in singulis affectuum generibus distincte & diligenter persequitur, nimirum 1. affectu aliquo præditi, quemadmodum sint animati & affecti, 2. aduersus quos. 3. ob quæ, vel quas ob res.

T E X T V S.

Ergo cur ipsi ad mutationem quodammodo sint affecti, causa vniuersæ statuenda est maxime, de qua iam diximus. Nam hi quidem æqualitatem expetentes seditionem mouent, si plura habentibus pares, ipsi se minus habere putent. illi vero inæqualitatem & excellentiam (scilicet expetentes) si impares ipsi putent se non plus, sed æquum vel minus habere. Hæc autem possunt quidem iuste, possunt vero & iniuste expeti. Nam inferiores seditiones mouent, ut sint pares: & pares, ut sint superiores.

C O M M E N T A R I I.

1. *Quomodo sint affecti, qui mouent seditiones.* Τὰ μὲν οὖν.] Primum caput quo quemadmodum affecti & animati sint, qui motus & seditiones mouent, ait iam supra 1. cap. explicatum. Omnes namque, qui ad dissidendum inducuntur, ita fere sunt animati, vel, quia cum sint pares, paria quoq; in ciuitate se omnia obtinere debere putent: quæ si non obtinent, sed alii sint qui plura & superiora omnia, ipsi pauciora consequantur: seditiones mouere solent: vel, quia
sint

sunt impares, aliisq; præstantiores & superiores, maiora quoque & superiora omnia habere se debere putent. recte quidem, si vere vel pares vel superiores, pares aut impares fuerint: iniuste vero & perperam, si non vere vel pares vel superiores sint. Nam, ut supra explicauimus, falsa sæpe persuasione qui vna tantum re, diuitiis puta aut opibus aut genere, sunt superiores, aut libertate sunt pares, vere & omnino se vel superiores vel pares esse putant: cum vel æquitas vel præstantia hæc non iis rebus, sed virtute duntaxat æstimeretur.

T E X T V S.

Ergo quemadmodum affecti quidem sint, qui seditiones mouent, expositum est. De quibus autem rebus seditiones moueant, sunt quæstus & honos, hisque contraria. Etenim aut ignominiam aut damnum fugientes vel suum vel amicorum, seditiones in ciuitatibus mouent.

C O M M E N T A R I I.

Περὶ ὧν δὲ παλάγῃσι.] Alterum caput, quod est de rebus, *II. Quæ ob* quas propter motus & seditiones concitentur, breuiter hinc *rem sedition-* exponitur. Duas igitur res esse ait, propter quas omnes mo- *nes moueā-* tus in ciuitate oriantur; quas, inquam, seditiosi ciues spectantur. *tur.* re & quætere consueverint, aut certe euitare; quæstum videlicet & honorem, aut horum contraria, damnum & ignominiam, siue suo iure amicorum nomine. Et certe hæc dux *Ambitio & a-* omnium Rerum publ. sunt pestes, ambitio & auaritia: quem- *auaritia o-* admodum Aristoteles *2. cap. 7. supr.* ex his duobus velut fontibus omnes iniurias & maleficia manare, ex *φιλοπρῖα*, in- *rump. pe-* quit, & *φιλοχρηματία*: & eleganter Timon ille *μισάνθρωπος* *stes.* apud *Stobæum sub tit. 10. ἀπλησίαν ἢ φιλοδοξίαν* omnium malorum & calamitatum *πιχῆα* seu elementa vocat: & grauissimus author *Thucyd.* omnium, inquit, earum Reipublicæ calamitatum & motuum *ἀρχή*, aut *ἀπὸ πλεονεξίας*, aut *ἀπὸ φιλοπρῖαν*: & *Cic. 1. Offic.* magnam autem partem ad iniuriam faciendam aggrediuntur, &c. *Liui lib. 6.* Omnium igitur simul rerum, quarum immodica cupido inter mortales est, agri, pecuniæ, honorum discrimine proposito conterriti patres cum trepidassent, &c. & omnium pulcherrime atq; co-

tum. Præterea vero & alio modo, propter vile vitæ genus, ὀλιγωρίαν, exiguitatem, & dissimilitudinem.

C O M M E N T A R I I.

Αἱ δ' αἰτίαι.] Præclarus est hic locus: cui, haud scio, an
 usquam in ullo scriptore exstet consimilis: quo breuiter cau-
 sæ omnium seditionum & motuum velut in tabella propo-
 nantur. Et septem quidem principes causas & irritamenta
 motuum esse ait, quibus nimirum homines laceffiti & in-
 stincti seditiones moueant, & Rempublicam perturbent:
 adiungit & alias quatuor à prioribus tamen discrepantes. Nā
 priores mutandarum Rerum publ. sunt causæ cum tumultu
 atque seditione: hæ fere absq; tumultu. Et hoc est, quod ait;
 ἄλλον τρόπον, vt infr. cap. 3. his verbis, μεταβάλλουσι δ' αἱ πολι-
 τεῖαι αὐτοῦ φύσεως, indicat: quanquam dissimilitudo est; σε-
 σωπικόν, hoc est, vix fit sine tumultu. His vndecim causis ad-
 iungit & alias cap. 4. nimirum amorem seu vxoriam condi-
 tionem. Nam de vxore, maxime de puellis locupletibus &
 epicleris magnas sæpe mutationes & turbas exsistere. Ex
 partibus ciuitatis, si vel plebs, vel optimates re aliqua præ-
 clare gesta magnum sibi nomen pariant: aut etiam cum hæ
 partes neutra quidem alteram superet, sed pari sint potentia,
 mediocrium autem numerus vel sit perexiguus, vel nul-
 lus. Hæ fere tredecim numero mutandarum Rerum publ.
 causæ communes omnium ab Aristotele duobus his capit.
 accurate hîc explicantur.

Ὡν δύο μὲν ἐστὶ.] Ait, duas ex his causis esse easdem cum su-
 pra explicatis, sed non eodem modo; quæstus videlicet &
 honorem. Nam supra hæc duo, quæstus & honos, conside-
 rantur, vt res, de quibus dissidetur & contenditur in motibus
 ciuilibus, vt quas quisque sibi petit: hic autem, vbi de causis
 seditionum agitur, alia ratione considerantur, eadem licet,
 nimirum quibus homines iniquo animo ferentes, hos vel
 illos & esse diuites & magno in honore; se vero & inglorios,
 & egestate laborare, concitentur ad motus & perturbandas
 Respubl. Breuius: prius hæc considerantur, de quibus οὐκ ἔστι
 πασιμάχουσι homines: hic δ' αὖ, per quæ. de quibus duabus re-
 bus etsi supra satis multa adduximus: videatur tamen & pul-
 cherri-

III. Causa
 mutationū.

Causa mu-
 tationis Re-
 rum publicæ.

7. Principes
 quæq; cum
 motu fieri
 assolent. 4.
 minus prin-
 cipes, & q̃
 absq; motu
 fere fiunt.

cherrimus locus in *Lucret. lib. 3. in princ.* deniq; auarities & honorum cæca cupido, &c.

Εἰθεῖα. Δι' *εἰθεῖαν*. Vulgo plærique vertunt propter pudorem aut verecundiam; mendose. Nam *εἰθεῖα* proprie munus est rextoris, vt & *εἰθεύεας*: sed latius pertinet & ad commodatur ad omnes sordidas opificum artes. Causa igitur mutandæ Reipub & hæc est, cum Reipublicæ & magistratibus præesse sordidos opifices alii indigne ferant. Oligoriæ verbum a-
Ολιγωρία. lias negligentia aut incuria Latine reddi solet, sed non satis proprie & germane. valet, vt ita dicam, idem quod paruifac-tio: de quo multa *Aristoteles lib. 2. Rhetor.*

CAP V T III.

CAUSÆ & initia motuum ciuiliū & conuersionum Rerumpub. priore capite breuiter ab Aristotele & à nobis expositæ latius & planius his duobus capitibus proximis explicantur, & exemplis plæraque illustrantur.

TEXTVS.

Harum autem rerum contumelia quidem & quæstus, quam vim habeant, & quemadmodum sint causæ motuum, fere est perspicuum. Nam cum hi, qui sunt in magistratu, & contumelia alios afficiunt, & auaritiæ student; seditiones mouent & inter se & aduersus Respublicas, quæ licentiam dent: auaritia autem sit nunc quidem in rebus priuatis, nūc vero in communibus. De honore quoque perspicuum est, & quid possit, & quomodo seditionis sit causa. Etenim ignominia affecti ipsi, aliosq; in honore cernentes, seditionem mouent. Hæc autem iniuria quidem fiunt, vbi præter dignitatem aliqui afficiuntur vel honore vel ignominia: iure vero, vbi pro dignitate. Propter excellentiam autem seditiones fiunt, vbi quis opibus præstet amplius, quam vnus aut plures, aut quam Respublica siue ciuitas & opes Reipublicæ ferant.

ex ta-

ex talibus namq; exsistere solet vel monarchia, vel *δυασεια*. Quare interdum ostracismo vti solent, vt Argis & Athenis: etsi melius initio videre, ne tantum alio præstantes in Republica sint, quam postquam permissi sint exsistere, postea mederi. Propter metum autem seditiones mouent, & qui iniuria alios affecerint, metuentes, ne pœnas dent: & qui iniuria sint afficiendi, volentes iniuriam anteuertere; vt in Rhodo Principes aduersus plebem coniurarunt propter iudicia, quæ illis intenderentur. Propter contemptum autem & seditiones mouent, & coitiones faciunt, vt & in Oligarchijs, vbi plures sint, qui Reipublicæ non sint participes: potentiores namque se esse putant: & in Democratijs locupletes, diuites, contempta perturbatione in Republica & magistratibus; vt & Thebis post pugnam in Vinctis commissam, cum male Respublica administraretur, Democratia sublata est, & Megarensium propter perturbationem Reipublicæ & magistratuum victorum, & Syracusis ante Gelonis tyrannidem, & in Rhodo populus ante coniurationem aut defectionem. Fiunt autem &, propter augmentum vltra proportionem, Rerum publicarum mutationes. Nam vt corpus constat ex membris, & proportionem quadam augeri debet, vt partes & membra inter se respondeant (quod si non, interit corpus: vbi pes quidem quatuor sit cubitorum, reliquum vero corpus duorum palmorum, interdum vero etiam in alterius animantis formam mutetur, si non tantum quantitate, sed etiam qualitate vltra proportionem augeatur) Sic & ciuitas constat ex partibus,

tibus, quarum interdum aliqua occulte augefcit, vt in Democratijs & Politijs tenuiorum multitudo. Hoc autem interdū & fortuito accidit; vt Tarenti, cum Principes ab Iapygibus plerique victi & deleti effent, paulo poft Medica tempora ex Politia facta eft Democratia: Et Argis cum in hebdomada concifi effent à Cleomene Spartano, Castellanos aliquot ciuitate donare funt coacti: Et Athenis Principes pauciores funt facti, clade accepta; quia pedites militarent in bello Spartano. Quod idem accidit & in Democratia, rarius tamen. Nam fi plures funt ditiores, vel augefcentibus patrimonijs; mutantur in Oligarchias & Dynaftias.

C O M M E N T A R I I.

x. Cōtumelia.

Τούτων δὲ ὅβρις.] Septem principes motuum & conuerfionum caufæ, omnium Rerumpub. communes, hic primo explicantur: & de tribus quidem, contumelia, quæftu, & honore, rem ait effe perfpicuam; quantam, inquam, hæ tres vim & potestatem feu momentum ad motus & mutationes habeant. Nam de contumelia quidem motus exiftere folent, vbi hi, qui magistratibus præfunt, priuatos contumeliis afficiunt: quemadmodum Romæ decemviri, & in his maxime Ap. Claudius, cum ciuis Virginii filiam ftuprare moliretur, omni potestate funt exuti, & partim morte, partim exilio affecti: fic nuper ob contumeliam in ciuem illatam Alexander Medices dux Florentinus principatum cum vita amifit. Plura huius generis exempla paffim hoc libro infra commemorantur ab Aristotele. Eadem caufa contumeliæ & iniuriæ Heluetii non ita pridem, excuffo nobilitatis iugo, inducta Democratia in libertatem fe vindicarunt: eadem caufa & Philippo Macedoni vitam cum Regno, multis quoq; Imperatoribus Romanis, Caio, Neroni, Domitiano, &c. Imperium prærunque cum vita ademit. Quare diligenter operam dare debent, qui præfunt alijs, ne contumeliofe & libidinoſe aut crudeliter ciues ſuos tractent ſiue magistratus ſiue principes

cipes & Reges: propterea quod nulla fere sit causa, quæ tam facile & tam graues Rerum publ. motus, quam hæc, excitet. Ad hanc causam, i. contumeliam pertinet pulcherrimus ille locus de beneuolentia ciuium aduersus principes, vel contra de metu principum à ciuibz, de quo loco videantur *Cic. lib.*

2. *Offic.* Rerum omnium autem nec aptius est quicquam (per duas pag. aut amplius) &c. *Isocr. ad Philip.* πολλαὶ γὰρ καὶ λαιόν ἐστι πᾶς, &c. *Salustius in Catilina*, vbi de Romanorum ve-

terum moribus; in pace vero beneficiis magis, quam metu imperium agitabant, &c. & elegantissime *Micipsa* apud *Salustium* initio *Iugurthæ*. Et *Cyrus* moriens ad filios apud *Xenophontem* *libr. 8.* παιδίας. *Cornelius Nepos in Timoleonte* &

Dione. *Cicero* quoq; in 1. *Philip.* & *Dio lib. 37. de Mithridate*; ὅτι γὰρ, ὅτι ἔδεν, ἔδεν ἔτε, &c. Altera est quæstus seu lucrum,

eaq; bimembris. Cum fiat alias, vt qui præsumunt, vectigalia & bona publica depeculentur, alias vt etiam priuatorum & ciuium, vel eorum, qui ipsis pareant, fortunas inuadant. Huc

pertinet pulcherrimus locus de abstinentia magistratuum: de quo *Cic. lib. 2. Offic.* Caput autem est in omni procuratio ne negotii & muneris publici, vt auaritiæ pellatur et minima

suspicio, &c. Eodem pertinent & *Liuii* hæc verba in proæmio:

Cæterum, inquit, aut me amor negotii suscepti fallit, aut nulla vnquam Respublica nec maior, nec sanctior, nec bonis exemplis ditior fuit, nec in quam tam sero auaritia, luxuriaque immigrauerit, nec vbi tantus, ac tam diu paupertati ac parsimoniæ honos fuerit. & *Salustii lib. 1. historiar. libri*

2. apud *Augustinum* de ciuitate Dei; At discordia, inquit, & auaritia atque ambitio, & cætera secundis rebus oriri sueta mala, post Carthaginis excidium maxime aucta sunt. Nam

iniuriæ validiorum, & ob eas discessio plebis à prioribus, aliaque dissensiones domi fuere: iam inde à principio, neque amplius quam Regibus exactis, cum motum cum Tarquinio bellum & cum Etruria æquo & modesto iure agitur.

Huc pertinent tot motus & seditiones Regnorū & Rerum publ. ob nimia aut noua vectigalia, vt hac de causa mortuo

Solomone, in Roboamū orto ab Iudæis motu, scissum fuit Regnum in Iudam & Israelem, *lib. 1. Reg. cap. 12.* Et nuper

grauissimus motus in Hispania sub initium Imperii Caroli Quinti, vt est apud Iouium in vita Adriani VI. Et in Gallia

sive Aquitania Rege Henrico II. vt est apud Ferron. & Belaium.

2. Quæstus seu lucrum.

ὅτι γὰρ ἔδεν ἔτε.

De magistratuum abstinentia.

Vectigalia nimia aut noua.

Onuph. Pāuin. de Rō. Principibus pag. 414.

[4. Nota.

[4. Notetur ex lo. Pomarij hist. seu Chron. Saxon. ubi ait anno Christi 1509. Erfurti seditione motam ob grande es alienum, quod ab Senatu plebe inscia, contractum fuerit, exactiōnesq; cotidianas, qua absq; ulla intermissione subinde fiebant. Quam etiam ob causam Henricus Kelnerus consul in vincula coniectus, sequentiq; anno in patibulum sublatus, multa que alia in didem mala & incommoda sint exorta.]

[5. Exemplum esto Venetiarum duplex, de quibus Donat. Gianott. de ea Repub. mihi pag. 12. b.]

Tab. noua.

Leges agraria.

Hinc nouæ, quæ dicebantur, tabulæ apud Romanos, & apud Græcos *γεωγραφία* siue *γεωγραφία* primum à Solone inducta, teste Laertio & Plut. Et leges quoque Agrariæ: quas, ut ciuitatum duas summas pestes, nouas, inquam, tabulas & leges Agrarias, grauitè & Linius & Cicero sape, eleganter autem lib. 2. Offic detestantur; Tabulæ autem nouæ, inquit, quid habent argumenti, &c. Liu lib. 2. extremo: ubi Appius Sextus, inquit, & Licinius. tanquam Romulus & Tati, in vrbe Romana regnent: quia pecunias alienas, quia agros dono dant: tanta dulcedo est alienis bonis prædandi: nec in mentem venit, altera lege, scilicet Agraria, solitudines vastas in agris fieri pellendo finibus dominos: altera fidem abrogari, cum qua omnis humana societas tollitur. Hinc & Catilinæ & Gracchorum seditiones, ut est apud Ciceron. eo loco. & Plut. in Gracchis, & Appian. Alex. de bell. ciuil. lib 1.

inuasio bonorum 1. publicorum,

qui peculatus. 2. Priuatorum, & crimen repetundarum.

Abstinentia magistrat.

Nexi.

Vsura seu leges fœne-

bres & leges de repetund.

H' δὲ *πλεονεξία*.] Distinguit Aristoteles causam secundam, & bifariam eā peccari monet; vel publice, vel priuatim. Nam interdum eos, qui præsumunt, bona publica, id est, vectigalia & ærarium publicum non ad communes, sed ad suos priuatim vsus conuertere: quod furtum Romani peculatum vocant: vel in priuatorum ciuium prouincialium; breuiter, eorum, qui parent, bona & fortunas inuadere: quo pertinet locus de abstinentia magistratuum, de quo supra, & motus illi de nexis & nimis vluris seu fœnore potentiorum aduersus tenuiores.

Δύλον δὲ καὶ ἡ πρηνή.] Tertia motuum & seditionum, bellorumque ciuiliū causa, honores & imperia, hic explicatur.

Hac igitur causa bifariam fieri ait, ut homines ad motus & seditiones impellantur. Nam vel ipsi se omni honore orba-

3. Honores. *ὑποδράσεις.*

tos & expertes esse dolent; vel suos propinquos, vel amicos aut sodales, grauiter ferentes imperia & honores ad alios omnia vel omnes deferri:

Illum ad spectari, claroq; incedere honore.

Vt ait *Lucret, initio lib. 3.* Quare prudentes Politici aut Principes curare debent, vt magistratus & imperia iuste mandentur, id est, pro dignitate, id est, idoneis & benemeritis; stultis, ignauis & indignis non item. Nam alioqui, cum videlicet idonei & benemeriti prætereuntur, & indigni imperia & honores soli capiunt: necessario fit, vt illi magno animo præditi, indignos sibi prælatos videntes, ad seditiones concitentur. Hinc olim Romæ de consulatu alijsque honoribus tot exstiterunt motus & seditiones inter patritios & plebem: qua de re diximus & *supra cap. 2.* Eodem pertinet *Παράφρ.* & locus de moderatione seu effusione honorum seu magistratuum, de quo hoc tenendum est præceptum; honores non esse temere peruulgandos, aut effuse dando: alioqui namque eos obsolescere. Raros enim honores & tenues esse gloriosos: effusos & peruulgatos esse obsoletos & contemptos. Quod enim, inquit eleganter *Plato*, rarum, idem est venerandum & præclarum, *in lib. de legibus.* De hoc loco videatur pulcherrime *Demosth. aduersus Aristocratem*, *Corn. Nepos in vita Miltiadi*, & *in vita Thrasybuli, in fin.*

Δι' ὑπεροχῆς.] Quarta motuum causa, excellentia siue præstantia vnius alicuius ciuis aut plurium, à nobis explicata est copiose *supra lib. 3. cap. 9.* in quam Iulium Cæsarem peccasse indicat *Cic. initio lib. 1. Offic.* Declarauit id modo temeritas C. Cæsaris, qui omnia iura diuina atque humana peruertit, propter eum, quem ipse sibi opinionis errore finxerat, principatum, &c. Sic Lyfander Lacedæmone quia præter cæteros excelleret, Reipublicæ statum, tollendo Regno, mutare conatus est, vt *supra diximus cap. 1.* Vbi igitur hæc exstiterit excellentia, ibi plarunque vel tyrannis, vel *δυναστεία*, id est, Oligarchia deterrima oriri solet: tyrannis quidem, vbi vnus aliquis duntaxat cæteris vel præstantior vel potentior; *δυναστεία*, vbi plures id genus exstiterint.

Καὶ τοὶ βέλπον ἐξ ὀρχῆς.] Præclara est sententia, morbos, vulnera seu peccata Reipublicæ ab initio potius cauenda, quam postea quærendam iis medicinam: qua in re Aristoteles peccasse hoc loco Græcos significat, qui negligerent in-

terdum, quosdam ciues opibus augeri, auctos crudeliter & iniuste vita aut exilio mulctarent. Sic & Cic. se ipse & senatum accusat in epistolis ad Atticum, qui Cæsarem potentia & opibus ipsi auxerint, posteaque contra ius spoliare sint conati.

3. Metus.

ἡ δὲ διπλή.

1. Metus oppressionis.

2. Metus pœna.

Διὰ δὲ φόβον πασι ἀζουσι.] Quinta causa est metus: quem ait esse duplicem. Nam alias metuunt imbecilliores aut tenuiores, ne iniuria à potentioribus afficiantur: vel nobiles à plebe, penes quam sit imperium, ut in Rhodo hic accidisse ait Aristoteles. Eadem causa & Cæsarem concitauit & impulit, metuentem, ne dimisso exercitu priuatus, Romam & domum reuersus, à potentissimis inimicis opprimeretur. Vel metuunt propter maleficia & scelera perpetrata, ne pœnas dent: quas ut effugiant, motus concitare, & Rempublicam potius, quam se, perdere malunt. Hoc metu impulsu Catilina, Lentulus & alii (teste Salustio & Cic.) grauissimum motum excitarunt. Eodem metu olim Pericles, qui metueret, ne propter male collocatam pecuniam publicam in iudicium capitis vocaretur, bellum Peloponnesium, quo patria eius Athenæ interiit, excitauit, suggerente puero Alcibiade, ut est apud Plut. in apophthegmatibus. Eadem causa grauissimos motus nuper in Gallia excitauit. Huc pertinent & Ciceronis hæc verba lib. 1. Offic. Atque illæ quidem iniuriæ, quæ nocendi causa de industria inferuntur, sæpe à metu proficiscuntur: cum is, qui alteri nocere cogitat, timet, ne, nisi id alteri fecerit, ipse aliquo afficiatur incommodo, &c.

6. Contemptus.

Διὰ κατὰ φρόνησιν.] Sexta motuum causa, contemptus, tam in Democratiis, quam in Oligarchiis euertendis & immutandis, per exempla aliquot hic explicatur. Nam Democráticas quidem euerti à diuitibus aut nobilibus tum facile posse docet, ubi in iis magna rerum seu ordinum est confusio & perturbatio, nulla aut exigua iudiciorum vis & potestas, magistratum descriptio nulla vel iniusta, & quæ largitionibus aut corruptelis fiant: hac perturbatione obseruata à nobilibus facile plebs opprimi & eius dominatus euerti solet. quod in his quatuor Rebus publicis, Thebana, Megarensi, Syracusana, & Rhodi accidisse olim commemorat, & in quibus propter eam αἰσχρογὰς plebs contemni sit cœpta, & à nobilitate oppressa. Contra Oligarchiæ euerti solent eadem,

dem, contemptus, de causa: nimirum vbi plebs numerosior & potentior facta locupletum aut nobilium ordinem contemnere, vt minus potentē & inferiorem, cœperit: quod olim & Athenis & Romæ accidisse notum est. Eadem de causa olim Regnum Francorum Pipinus, Rege Hilfricho, vt contempto, seu indigno & ignauo homine, remoto, occupauit. Et sane magna huius causæ, id est, contemptus, vis est & potestas in imperio conseruando, vel amittendo, siue ciuili, siue Ecclesiastico, siue domestico: quibus omnibus qui præsent, magistratus, sacerdotes, & patresfamilia; simul ac contemni cœperint, imperium vna dissoluatur & corruat, necesse est: propterea quod his, quos contemnimus, dicto audientes esse & parere recusemus. De domestico imperio notum est ex γυναικexepia: de ciuili hîc Aristoteles, & quædam Cic. lib. 2. Offic. de Ecclesiastico, id est, de contemptu ministrorum & disciplina Ecclesiæ, vt consequatur euersio doctrinæ, schismata & hæreses; præclarissime Cyprianus in epistola ad Cornelium, Legi literas tuas, &c. Et in epistola ad Rogatianum Episcopum, & ad Pulpianum, & in lib. de unitate Ecclesiæ, & in libro de zelo & timore. Contemptus autem causas diuinitus explicat Aristoteles lib. 2. Rhetor.

Οἷον καὶ ἐν τῇδεῖς] Quatuor hæc exempla amplius sunt quærenda. Meminit hîc prælii in Vinetis facti; eius & Plut. mentionem facit, quo Megalopolitæ & Archiæ à Lacedæmoniiis, duce Cleomene Rege, sint superati.

Πρὸ τῆς γέλωνος.] De Gelone, qui Syracusis & in Sicilia Tyrannidem occupauit, eaque tamen humaniter est vsus, & infra cap. 12. & Plut. in Dione, vbi Gelonis principatum, vt humanum, laudat. Dionysius maior, ob hanc humanitatem, eum vocare solet non γέλωνα, sed γέλωνα Siciliæ.

Πρὸ τῆς ἀναστάσεως,] Fortasse intelligit defectionem Rhodiorum à fœdere Attico, procurante Alcibiade exule.

Οἷον ἐν τῇδεῖς.] De hoc prælio in Oenophytis reperit tandem veram historiam apud Platonem in Epitaphio, μετὲ δὲ τὰτα θηρομύα τῆ πολέμα, &c. Nam post bellum Persicum Lacedæmonii, aduersus Bœotos & Thebanos bello suscepto, cum Bœoti de salute & libertate periclitarentur, ambiguo primum commisso prælio in Tanagra, tandem auxiliis Atheniensium (nam reliqui socii iam erant dilapsi) altero in

Camerar. allegat quæ que Thucy. l. 1. et Diod. Sic. lib. 11.

Oenophytis commisso praelio superiores, pulsas Lacedæmoniis, libertatem vindicarunt.

7. *Augmētum ordinis alicuius immoderatū.* Γίνονται δὲ καὶ δὲ αὐξήσις.] Septima motuum causa, incrementum siue decrementum partis vel ordinis Reipublicæ, diligenter & curiose hinc explicatur: quæ causa à tertia supra explicata qua in re discrepet, facile est videre. Nam illa de vnus hominis præstantia siue excellentia & magnitudine, hæc de vniuersi ordinis alicuius seu partis incremento & præstantia intelligitur. Est autem hic locus de partium & ordinum Reipublicæ statu & incolumitate pulcherrimus; qui status si perturbetur, Rempubl. eueri necesse est, id est, si ordo vnus alterum vel qualitate vel quantitate longe superet. Nam *supra lib. 4. cap. 12.* docuimus, partes & ordines ciuitatum æstimari & spectari partim qualitate, vt diuitiis, genere; partim quantitate, vt numero. Cur autem ex ordinum perturbatione Reipublicæ consequatur mutatio, similitudine à corpore humano sumpta docet Aristoteles. Nam & in corporibus si partes mutantur vel quantitate vel qualitate, vt linea; aliud atque aliud animal seu corpus existere solet, siue monstrum potius: vt si pes sit quatuor cubitorum, reliquum omne corpus duarum palmarum; cum cubitus sex contineat palmas: eandem partium seu ordinum Reipublicæ compositionem Aristoteles *lib. 4.* Platonem imitatus, musico concentui comparat: quemadmodum hinc & corpus, si membra, & concentus, si fides & numeri analogia quadam inter se respondeant, optime sunt affecta & permanent, contra, si male & absurde, & pereunt: ita & in illis vsuuenire solet, vt & ipsæ floreat, si inter ciuitatis ordines proportio quadam seruetur: pereant, si vnus reliquos superet & opprimat ordines: exempla huius rei affert Aristotel. varia: prius tamen erudite & breuiter monet hanc ordinum perturbationem duobus fere modis fieri: vel occulte & sensim: vel perspicue & subito: sensim quidem, vt in Democratiis fere & Politiis: vbi paulatim succrescit tenuiorum numerus & cumulus: perspicue vero, vt casu quodam, verbi gratia, si pars aliqua ciuitatis praelio forte aliquo occubuerit, quod & Tarenti, & Argis, & Athenis olim accidisse ostendit: de quibus exemplis amplius quærendum. Cæterum in ordinum statu aut mutatione quantum momentum sit positum, multis in locis docet *Cic. lib. 3. Offic. lib. 1. epist. 15. & lib. 2. epist. 1.*

pist. 1. ad Attic. & lib. 4. in Catilinam: vbi in ordinum Reipublicæ Romanæ trium, senatorii, equestris & plebei cōcordia salutem Reipublicæ, in discordia pestem esse positam, demonstrat: quem statum ordinum quia primus perturbauit Gracchus, depresso senatorio, & nimis exaggeratis reliquis; primus quoq; Reipublicæ euersor habetur Romanæ. Sic olim Athenis Themistocles, optimatum & principum fracta auctoritate, & confirmatis tenuiorum opibus, ex Aristocratia siue Politia malam Democratiam induxit. Nostri moribus in aliis quidem Regnis plærunque duo solent esse ordines, equestris, & ciuium, seu plebeius: etsi tertius, Ecclesiasticus, huic adiūgi fere solet. In imperio plures sunt ordines, principum electorum, alter aliorum principum, tertius equestris, reliquus Rerumpub. & ciuitatum: qui quidem ordines olim tam eleganter & prudenter fuerunt temperati, vt hæc vna temperatio non minima & tranquillitatis & diurnitatis imperii etiam ab exteris causa habeatur: videatur *Nicol. Machiauellus in libello de statu Germania*: hodie verus analogia non parum est perturbata, aucto nimirum valde ordine equestri, & Rerumpub. diminuto.

Τῶν ἐν τῇ ἑβδομῇ] Verbum, *ἑβδομῇ*, à quibusdam de tempore, sed non recte: ab aliis plærisque de loco, aut certi loci nomine sumitur, rectius: nam Græci de tempore non ita loqui solent *ἐν τῇ ἑβδομῇ*, aut *ἐκ τῇ*, &c. verius igitur Hebdoma locus fuerit, vbi proelium fuerit commissum.

ἑβδομῇ.

Τῶν ὀλιγάρχων.] De hoc verbo *supra lib. 3.*

Καὶ ἐν Ἀθήναις] Hæc verba varie reddunt interpretes: quorum tamen sententia hæc esse videtur; Athenis quoque principum & nobilium numerum, quia bello Lacedæmonio merere cogerentur, ob cladem terra acceptam, fuisse diminutum.

Συμβαίνει δὲ τὸτο καὶ ἐν ταῖς δημοκρατίαις.] Quod de Oligarchiis exemplo Tarentinorum, Argiuorum & Atheniensium ex ordinum perturbatione accidisse docuit: idem in Democratiis quoque, sed rarius, vsuuenire, ostendit; vt inquam Oligarchias, ita & Democratiis ex ordinum seu partium ciuitatis perturbatione interire: nimirum si vel nobilium vel locupletum numerus crescat, adeo vt plebeium ordinem superare possit. Cur autem rarius in Democratiis, quam in Oligarchiis, id accadat; causa hæc esse videtur, quod in plæ-

*Plebeiorum
& tenuiū.*

risque ciuitatibus maior semper quam vel nobilium vel locupletum sit numerus.

T E X T V S.

Mutantur autem Resp. & sine motu cum propter vile vitæ genus, vt Hereæ (ea re namq; , quod viles homines suffragijs designarent, magistratus suffragio designari solitos, sortito fecerunt) tum propter contemptum seu Oligorian: cum ijs, qui Reipublicæ non sint amici, permittant aditum ad summos magistratus, vt Orei deleta fuit Oligarchia, Eracleodoro ex prætoribus vno facto; qui ex Oligarchia Politiam & Democratiam reddidit: præterea propter exiguum: exiguum autem voco, quia sæpe institutorum magna violatio occulte subrepat, dum exiguum contemnitur, vt Ambra- ciæ census erat exiguus; tandem vero præerant etiam nullo censu: quia exiguum nullo sit finitimū, aut parum discrepans: turbulentum vero est & nō eiusdem esse generis, donec conspiret. Nam vt ciuitas non ex qualibet multitudine, ita nec quolibet in tempore constituitur. Quicunq; igitur aut Inquilinos aut aduenas iam receperunt, plærique seditionibus laborarunt, vt Sybarin Achiui vna cum Træzenijs incoluerunt: postea potentiores Achæi facti Træzenios expulerunt: quæ Sybaritis malorum fuit causa: & Thurijs Sybaritæ ijs, qui vna incoluerint. Nam priora omnia habere cupientes, vt in suo agro; sunt eiectioni. Byfantijs quoque aduenæ insidiarij deprehensi prælio fuerunt expulsi: & Antissæi Chiorum exules, quos receperāt, prælio eiecerunt. Zancclæi autem receptis Samijs, ipsi pulsi fuerunt. Apolloniatae quoque hi, qui

qui sunt ad pontum Euxinum, inductis aduenis, seditionibus laborarunt. Syracusani quoque, post tyrannidem hospitibus & mercenarijs militibus factis ciuibus, seditionibus laborarunt, & ad prælium quoque venerunt. Atq; Amphipolitæ Chalcidensium exulibus receptis plærique eorum ab ipsis fuerunt pulsi. Multi autem inde in Oligarchijs quidem seditiones mouent: quia iniuria afficiantur in eo, vt supra dictum est, quod cum sint pares, paria tamen non auferant præmia: In Democratijs Principes, quod, cum non sint pares, paria tamen ferre debeant. Interdum autem ciuitates & propter loca seditionibus laborant, cum Regio natura non sit accommodata ad hoc, vt vna sit ciuitas, vt Clazomenis qui in Chytro, ad eos qui in Insula, & Colophonij, & Australes. Atque Athenis non eodem modo sunt affecti: sed populares magis sunt, qui Pyræum habitant, quam qui in Astu. Nam quemadmodum in bel^{li} fossarum, etiam valde paruarum, interualla distinent legiones: sic omnis dissimilitudo dissidium afferre videtur. Maximum autem dissidium est virtutis & vitij: deinde diuitiarum & paupertatis: atque ita aliud alio maius: quorum in numero est & illud, quod iam explicauimus.

C O M M E N T A R I I.

Μετεβάλλασι δὲ αἱ πολιτεῖαι.] Diximus *supra cap. 2.* Respublicas mutari bifariam, vel cum motu & seditione, vel absque: de his igitur mutationibus cum motu adhuc est explicatum: nunc de iis, quæ absque motu. Ex quibus prima est illa, quæ ἐρείθεια ab Aristotele, vilitas & contempta vitæ ratio seu genus dicitur: nimirum si magistratus sordidissimo & vilissimo mandentur, indignantibus honestiori-

s. Vilitas.

bus: quomodo olim Herææ, quod oppidum est Ambraciæ, ratio mandandorum seu creandorum magistratuum mutata fuit, de suffragio in sortem. Hanc vilitatem & profanationem magistratuum olim Romæ & patricii aduersus plebem sæpe exaggerabant, vt videre est apud *Linium sæpe in prima Decade*. Hac eadem de causa olim Imp. Augustus nouo & admirabili delectu, senatu, in quem propter longa bella ciuilia sordidissimi quique (qua de re *Cicer. in epist. ad Attic.* tanquam de re indigna, conqueritur se milionibus in senatu assidere debere) irreperant de infima plebe, sæpe recensere & purgare coactus fuit, teste *Suetonio & Dione libr. 54.*

ὁλιγωρία.

Καὶ δὲ ὁλιγωρία.] Altera causa mutandarum Rerum publicæ motus expers, Græce ὁλιγωρία, Latine hodie vacat nomine, nisi negligentia, non satis tamen significanter, aut barbare paruifactio reddatur. Ea est, inquit Aristotel. vbi summi magistratus non bene erga Rempublicam affectis, vt peregrinis, vt hostibus, vt alii principi aut ciuitati obstrictis, vt nullos liberos aut propinquos, & bona, tanquam pignora & prædes habentibus, mandantur, id est, cum verbotenus vel princeps, penes quem potestas sit mandandorum magistratuum, non admodum laboreat & sit sollicitus, cui, id est, an bene an male affecto dentur magistratus. Nam quin hoc magno cum Reipublicæ malo fiat perspicuum est, maxime ex his, quæ *supra* explicauimus *lib. 4.* vbi iis, qui Reipublicæ præsumt, tria necessaria esse docuimus; vt sint viri boni, vt sint idonei, & vt sint patriæ siue Reipublicæ amantes tuendæ & amplificandæ. Quod malum olim urbem Eubœæ Insulæ Oreum sensisse monet hic Aristoteles, vbi Heracleodorus quidam factus prætor Oligarchiam mutauit in Democratiam, vel in finitimam Politiam. Eadem stultitia laborarent, qui hodie principes cancellarium, verbi gratia, sibi deligerent peregrinum, aut certe male affectum.

Exemplū.

20. Exiguitas.

Huc referri potest exempl. Hermonia, de quo David Chyt. Chrō.

Ἐπὶ δὲ τὸ παρὰ μικρὸν.] Tertia huius generis causa eleganter ab Aristot. dicitur τὸ παρὰ μικρὸν, & μικρὸν, exiguum, à Latinis & paulatim & sensim efferrī potest: de qua causa iterat aliquoties, *infr. vt cap. 4. 7. 8. καὶ μέγιστα τὸ μικρὸν. & lib. 6. cap. 4. in fi.* quam causam valde periculosam & lubricam esse ait: propterea quod propter exiguitatem malum non animaduertatur, & occulte sensimq; obrepit; tandem-

que

que huic nascenti facile occurri posse, aucto & amplificato *Saxon. lib. 3. pag. 277.*
 non item, ut in morbis quoque vsuuenit. Principiis, inquit Poeta, obsta; sero medicina paratur. quo modo Rempub. in Ambracia mutatam olim fuisse, hoc loco, & Thuriorum, *infra cap. 7.* memorat Aristoteles. Quam autem magnum huius causæ sit periculum, cum exemplis Rerumpub. & veterum licet initis exiguis, eaq; propter contemptis, doceri potest, tum ex aliis rebus similibus, ut dixi de morbis, ut olim puerum coturnicibus oculos eruentem, Areopagitæ morte condemnarunt, ut Lacedæmone ephorus quidam puerum male pile ludentem verberibus affici curauit: quod qui initio rebus non dextre vteretur, etiam adultus ad Rempublicam minus idoneus illi videretur, ut commemorat *Demetr. Phaleræus in libello de elocutione.* Eodē pertinet, quod Hannonem, licet principem Reipublicæ, quia Leonem mansuefecerit, Carthaginenses mulctarunt, *testibus Maximo Tyrio in orationib. & Plin lib. 10. cap. 16.*

Στοιχασμὸς δὲ τῆς τοῦ.] Est & hæc Rerumpub. mutandarum *Diffimili-*
 causa grauissima, sed cum motu dissimilitudo. Nam ut *supra* *tudo.*
lib. 8. Ethic. explicatum est, æquitatem siue similitudinem a- *Ratio.*
 micitiæ & concordia esse parentem seu matrem: ita contra motuum & discordiarum parens est dissimilitudo: quæ etsi *I.*
 est multiplex, tamen duo duntaxat genera, nationis siue *Diffimili-*
 gentis & loci, ab Aristotele hîc exponuntur: & nationis qui- *tudo natio-*
 dem dissimilitudinis multa profert exempla, de altera pau- *nia.*
 ciora. Ad priorem dissimilitudinem pertinet & locus com-
 munis de peregrinis, quem attingit *Cic. lib. 3. Offic.* Sed utili-
 tatis specie, &c. Sciendum est igitur, recipiendis exteris, si
 sunt pauci, parum inde esse periculi: propterea quod aduer-
 sus ciuium multitudinem nihil facile sint ausuri, periculi, in-
 quam, aperti: nam occultis machinationibus pauci multis
 magis sunt metuendi. Verum his de multis agitur, de quibus
 ita distinguendum. Aut enim ciuitas ex multis dissimilibus
 gentibus, id est, conuenis initio conflatur & exoritur: vel ex
 vna primo gente instituta, alios postea vel aduenas vel co-
 lonos recepit sponte vel coacta, sensim vel multos vno co-
 demq; tempore, ut in colonis fere fieri solet: & hæc exempla
 Aristotelis intelligi debent. Ex hac triplici permixtione du-
 plex fere motus existere solent, vel triplex malum. Nam vel
 discordia tantum inter ciues & inimicitia, vel etiam bella,

aut etiam proelia inter eos, quibus proeliis vel aduenæ sint superiores, vel originarii. In ea igitur ciuitate, quæ ex conuenis conflatur, solet fere inter ciues discordia tantum & inimicitia grassari: quæ tamen sæpe temporis progressu coalescentibus conuenarum animis, lingua, moribus, in summam concordiam conuerti solet: quemadmodum de Roma *Salustius in proœmio Iugurthæ*, ubi de Troianis & Aboriginibus, ex quibus conflata fuerit Roma: hi, inquam, postquam in vna mœnia conuenere, dispari genere, dissimili lingua, alius alio more viuentes, incredibile memoratu est, quam facile coaluerint: vt Angli cum Britannis, Franci cum Gallis, Longobardi cum Italis, Gothi cum Hispanis. De iis autem ciuitatibus, quæ non initio, sed postea, peregrinos receperint, alii quidem motibus tantum & discordiis laborant, vt Apolloniata & Syracusani: de quibus hinc Aristoteles: alia etiam ad bella & proelia sunt progressæ, quibus interdum fieri diximus, vt ipsi superiores sint aduenæ & expellant eos, à quibus sint recepti vel accersiti; quod Aristoteles hinc de Zancleis (ciuitas est Siciliæ) commemorat, eos per Samios, quos receperint ipsos, fuisse expulsos, & Amphipolitæ per Chalcidenses in Macedonia: Sic olim Longobardi à Narse Duce Imper. Iustiniani primi Magni (alius etiam Iustinianus fuit, cui nasus erat præcisus) in Italiam ex Germania, aut potius Pannonia vicina euocati, eos ipsos, à quibus fuerunt euocati, oppresserunt, vt est apud *Paulum Diaconum*. Sic in Britanniam vocati Angli suppetias aduersus Pictos & Scotos, imperante Theodosio iuniore, oppressis Britannis, dominatum ipsi arripuerunt (tempore Hieronymi hæc facta sunt.) Idem in Hispania accidisse commemorat *Taraph. in Chronico Hispania*, ubi Gothorum imperium, euocatis in Germaniam Arabibus, hoc fere modo deletam fuit. Ex nationum igitur dissimilitudine tales tantique motus existere solent. Locorum quoque dissimilitudo quam sit idonea ad motus & seditiones, Aristoteles & exemplis tribus, Clazomenarum, Colophonis, & Athenarum, & eleganti similitudine à re bellica sumpta demonstrat. Nam urbem Ioniæ celebrem Clazomenas motibus laborasse parte vna, quam Chytream seu Chytrum nominabant, teste *Strab. lib. 14.* dissidente ab altera, quæ parua erat insula Chytreo ponte commissa. Colophon quoque & Notium, quia flumine solum Haleso interla-

2.
Dissimili-
tudo loco-
rum.

terlabente diuideretur, etsi vna vrbs esset, tamen propter hoc fluminis diuortium multa inter Notiones & Colophonios erant dissidia. Athenis denique, quæ vrbs duabus partibus æstimatur, quarum altera dicebatur Astu, altera diceretur Piræus, ipsi Astu commissus longis, vt vocant, muris: qui Piræum habitabant, utpote nautici, Democratiam, vt populares & plebei: qui Astu, vel Oligarchiam, vel Aristocratiam amabant: quin etiam *Plut. in Solone*, qua de dictum & *supra lib. 2. cap. 2.* tres ait fuisse hominū seu ingeniorum dissimilitudines pro trium locorum in Attica differentiis, Nam montanos fere Democraticos, qui in planos incurrerent, Oligarchicos, maris accolæ fere medios fuisse. Sic & olim Romæ, & non ita pridem pars vrbs transyberina dissensit ab altera: & Parisiis, quam urbem mediam diuidit Sequana, pars vna factionis erat Aurelianensis, altera Burgundix, teste *Monstrelatio lib. 1.* Atrebatibus quoque pars vna, quam ciuitatem vocant, diuisa ab altera, quam villam vocant; ciuitas, inquam, partium erat Gallicarum, illa Burgundiarum, teste *Phil. Cominao lib. 5. cap. 15.* Huiusmodi, id est, loci dissimilitudo est & Basileæ, Olingiæ, Brunsvigæ, & in Hispania Hispali. Vniuerse autem quam vim & potestatem in afficiendis hominum non corporibus tantum, sed animis quoq; & ingeniis habeat, pulchre *Hippocr. in lib. de aere, & Liuius Decad. 5.* vbi de Gallogræcia siue de Gallatia, & *Plato lib. 5. de legib. & initio Timæi.* Caterum non tantum patriæ aut loci, sed alia quoque omnis dissimilitudo ad motus est idonea, vt victus, cultus, & imprimis religionis. Rationem supra diximus: quod omnis similitudo amicitix, siue differentia omnis discordiæ sit mater: qua causa commoti multi olim & peregrinos vrbe sua prohibuerunt, & suos ciues peregrinationibus interdixerunt: quod vtrumque Lacedæmonii seruauerunt: etsi *Cic. lib. 3.* alterum modū de peregrinis vrbe prohibendis, vt inhumanum, & *Strabo ex Arato*, vt barbarum, reprehendunt. De Germanis nostris *Cæsar lib. 4.* Mercatoribus est, inquit, aditus, magis eo, vt, quæ bello ceperint, quibus vendant, habeant, quam vllam rem ad se importari desiderent. *Cicero* autem; male etiam, qui peregrinos vti urbibus prohibent, eosque exterminant. Sic & religionis causa Iudæos & Christianos, Romæ dissidentes, expulit *Claudius Imper.* vt est apud *Suet. in Claudio*, & apud *Iosephum*. Huc pertinent & leges

Vitruu. Archit. lib. 1. c. 4. & lib. 8. ca. 3. & lib. 6. cap. 1.
3.
Dissimilitudines reliquæ.
Ratio.

leges vet. Imp. de hareticis pellendis sub titulo C. de haret. pell.
Hac ætate China & Cathagio apud Indos memorant non
permitti mercatoribus nostris, vt è nauibus pedem efferant.

*Σύγκρισις
dissimilitu-
dinum.*

Στοιχάζουσι δὲ.] De hac re explicatum supra *lib. 3. cap. 6.*
& 8. & initio huius libri, vbi diximus, fontem & originem
motuum esse persuasionem illam & opinionem de se, qua a-
lij se pares rati, paribus tamen præmijs non frui doleant: alij
se superiores & præstantiores esse arbitantes eodem cum
inferioribus iure se vti ægre ferant.

*Summa dissi-
militudo.*

Μεγίστη μὲ οὖν ἰσως.] Hac clausula continetur brevis com-
paratio dissimilitudinum & differentiarum inter ciues, qua-
rum duo genera (gentis & loci) modo exposuit Aristoteles.
Omnem igitur dissimilitudinem concludit esse perniciosam
& discordijs ferendis idoneam, verum aliam alia magis, pro-
ut etiam ipsæ dissimilitudines alia alia est grauior & maior:
vt summa est virtutis & vitii, id est, bonorum & improborum
ciuium: proxima tenuiorum & locupletum, patriciorum &
plebeiorum habitantium hanc vel illam partem, huius vel
illius gentis vel linguæ, vt nuper Tridenti, & Mediomatrici-
bus. Ad primam dissimilitudinem pertinere, vel in primis
mihi videtur Religionis dissimilitudo. quare Imp. Diocle-
tianus cum Religionem Christianam valde inualescentem
cerneret, ei grauissimum & vltimum indixit bellum, hoc ni-
xus axiomatico Politico, quod in ore identidem habere sole-
bat: non posse saluam vel tranquillam esse Rempub. vbi reli-
gionis esset dissimilitudo.

*Religionis
dissimilitu-
do.*

C A P V T IV.

*Locus hic
paulo con-
fusior.*

*Conditio
uxoria.*

MON VIMVS supra *cap. 2.* summas & principes mutan-
darum & perturbandarum Rerum publicarum causas
vndecim esse numero; quibus tres præterea adiungi possint,
de quibus hoc *cap. 4.* explicatur: conditio vxoria, partis Rei-
publicæ incrementum, & partium Reipublicæ æquatio. etsi
de incremento partium Rerum publicarum supra iam est ex-
plicatum: quare hæc Aristotelis tractatio satis mihi pertur-
bata esse videtur; satiusque fuisset xi. prioribus causis vnā
hanc addere, conditionem vxoriam, de qua quidem accura-
te hic explicatur, non tamen tanquam de causa principe, v-
naque ex iis, propter quas Respublicæ mutantur; sed hoc
potius consilio, vt Aristoteles doceat, Rerum publicarum
muta-

mutationes & euerfiones sæpe leuibus de caufis fieri; verbi gratia, propter matrimonium, propter hæreditatis diuifionem. Nam fere & breuiter tria hæc isto cap. explicantur.

Primum, Respublicas perturbari sæpe leuibus de caufis. Secundo, μεταβάλλει δὲ καὶ, &c. iteratur caufa illa Rerumpublicarum mutandarum fupra explicata, partis vel ordinis Reipublicæ alicuius incrementum. Terrio, πῶς δὲ αἱ πολιτεῖαι, &c. Respublicas quoq; ex eo commutari, quod partes & ordines Reipublicæ mutantur: id, quod ad illam quoque caufam referri potest. His tribus explicatis, quæ quidem ad caufas Rerumpublicarum euertendarum pertinent; subiungit Aristoteles extremo capite caufarum diuifionem, quibus Respublicæ mutantur, & velut modos. Nam generaliter & vniuerfe duos docet effe modos, quibus Respubl. mutantur; vi vel dolo.

1. Pars huius capitis.

2.

3.

4.

T E X T V S.

Exiftunt igitur motus nō de paruis, fed ex paruis rebus: funt autem de magnis. Parui autem maxime inualefcunt, cum inter principes fuerint: vt antiquis temporibus accidit Syracufis: mutata namque fuit Respublica ex eo, quod adulescentes duo in magiftratu motus excitarent in caufa amatoria. Altero enim peregrinante alter amores eius ad fe pellexit: contra huic ille iratus, vxori eius, vt ad fe veniret, perfuafit. vnde afcifcentes eos, qui Rempublicam adminiftrarent, omnes feditionibus inuoluerunt, eos concitarunt. Quare talibus nascentibus malis occurrendum eft, motusque principum & potentum dirimendi. Eft enim peccatum in principio, ac principium totius dimidium effe dicitur. Quare & paruum in eo peccatum refpondet aliis aliarum partium. Vniuerfe autem principum motus totam quoq; ciuitatem fecum trahunt: vt Hefitiæ post bellum Perfarum accidit ex fratrum de paterna familia erciscunda diffen-

1. Exemplū.

- diffensione. Nam pauperior quidem, quia alter bona & thesaurum, quem pater reperisset, non indicaret, populares sibi asciuit: alter vero, bonis abundans, ditiores. Delphis quoque, orto ex affinitate dissidio, initium fuit omnium, qui postea sint consecuti, motuum. Nam cuidam auguranti cum infortunium portenderetur, reuersus ad sponfam, non duxit, sed abiit: illi vero velut iniuria affecti, illum, qui tanquam inter sacrificandum sacram pecuniam furatus esset, insimularunt; posteaque, vt sacrilegum, occiderunt. Mitylenis quoque, motu ex Epicleris orto, multorum malorum fuit initium, belliq; aduersus Athenienses, in quo Paches eorum urbem cepit. Nam Timophanes ex locupletibus vnus, cum duas filias reliquisset; Doxander quia repulsam esset passus, easque suis filiis impetrare non posset, seditionis fecit initium, & Athenienses, cuius urbis esset hospes, concitauit. Atque apud Phocenses, motu inter Mnaseam Mnecsonis patrem & Euthycratem Onomarchi patrem propter Epiclerum exorto, principium fuit hæc seditio Phocensibus belli sacri. Dyrrhachii quoq; ex re vxoria mutata est Respublica. Nam cum filiam quidam despondisset, eumque sponsi pater vnus ex magistratu multasset; asciuit ille, vt iniuria affectus, eos qui Rempublicam non administrarent.

C O M M E N T A R I I.

Motuū & Γίγνεται μὲν ἂν αἱ στάσεις.] Expositis, vt monui, vndecim *seditionum* Rerumpub. causis mutandarum, subiungit hoc loco Aristoteles insignem, quæ ex prioris disputatione facile colligatur *initia ex re* & elici possit, sententiam communem omnibus motibus *bus saepe par* & *uis oriūtur:* seu earum causis: ammirum, motus plærunque esse ex rebus

paruis,

paruis, sed de rebus magnis, id est, motuum quidem initia & *sunt tamen*
causas sæpe esse leues & nugatorias; esse tamen de rebus *de reb. ma-*
magnis, ut de magistratibus, de honoribus, de vniuersa Re- *gnis.*

publica, statu eius aut interitu. Motus igitur etsi de grauissi-
mis rebus, tamen ex leui sæpe occasione paruisque initiis ex-
oriri accurate multis exemplis allatis docet Aristoteles: &
quod sæpe alias, ut supra dixi, priori capite id quoque incul-
cat; initiis propterea, etsi leuibus & exiguis, continuo tamen *Initiis oc-*
occurrendum esse; maxime si hæc initia vel dissidia, quan- *currendum.*

tumuis leuia, inter principes ciuitatis exoriantur. Nam prin-
cipum dissidia esse perniciosissima: eo quod horum magnæ
sint & familiæ & clientelæ; facileq; magnam aliquam mul-
titudinem ciuium aut ciuitatis partem ad se pertrahant: ne-
que hoc mirum esse: nam & alias principum esse dimidium
totius, id est, quemadmodum aliis in rebus principum cum
aliis partibus comparatum maximi momenti est; adeo ut, si
quid in principio sit peccatum, toti hoc reliquo operi ma-
gnopere noceat; & ut ait Aristoteles *lib. 1. de cælo*, leuis ini-
tio error progressu temporis & paulatim infinitis partibus fit
maior: ita & in Reipublicæ corpore & partibus siue ordini-
bus magis nocent Reipublicæ principum, quam reliquo-
rum ciuium, dissidia & motus. Quare & *infra cap. 8.* monet
solicite Aristoteles, cauendum esse, ne inter principes dissi-
dia oriantur. Quod autem ratione, principum dissidia val-
de esse periculosa & Regnis Rebusque publicis perniciosa,
idem quoq; exemplis compluribus demonstrat Aristoteles,
quæ quidem dissidia etiam leuibus de causis oriantur. Atq;
ita exempla hæc Aristotelis ad duo hæc principia Politica
(prius quidem, dissidia & motus Rerumpub. ex paruis sæpe
initis oriri; alterum vero, principum dissidia & dissensio-
nes maxime esse perniciosas) accommodari debent. Affert
igitur Aristoteles sex Rerumpub. exempla, Syracusanæ, He-
stiazensis in Eubœa, Delphensis, Mitylenæ, Phocensis &
Dyrrhachinæ, in quibus magni fuerint motus ob princi-
pum inter se dissensiones; easque leuissimis de causis (quas
duas potissimum commemorat, matrimonium, & hæredi-
tatis diuisionem) exortas: de quibus exemplis amplius quæ-
rendum. Ad eundem modum Rempublicam quoque Athe-
niensem perdiderunt principum dissensiones Niciæ & Alci-
biadis, & ante Themistoclis & Aristidis, & post Demosthe-
nis,

*Principum
præcipue dis-
sidia Reip.
noxia.*

*Exempla
alia.*

nis, Æschinis, Lycurgi & aliorum Rhetorum. Sic & Romæ Cæpionis & Metelli dissensione, orto bello sociali, labefactari cœpit Respub. teste *Plin. lib. 33. cap. 1.* & paucis post interiectis annis tota corrui ex dissidio Pompeii & Cæsaris: quamuis *Cic. pro Ligario* assentans Cæsari & extenuans, ait tantum fuisse ciuile quoddam dissidium. Nam dissidia prin-

Dissidiorū inter Prin- cipes, &c. varietas.

1. Ciuilia.

1. Exemplū

Scipion. &

Metelli.

2. Gracch.

& Scip.

3. Arist. &

Themist.

4. Pompei

& Cæsaris.

II. Hostilia.

1. Exemplū.

2. Exemplū

generale.

3. Exempl.

4. Exempl.

Parua pla-

rūq; harum

dissensionū

initia.

Exempl. ex

Plin. lib. 33.

cap. 1.

Auspicato

res oēs ag-

gressi sunt

veteres.

cipum, eorumque, qui in Repub. versantur, duorum sunt generum: vel ciuilia, eorum scilicet qui eodem quidem omnes spectent, vt Respublica sit salua, sed dissimili vtantur via & ratione administrandi: cuius generis dissidium ait fuisse *Cic.*

lib 1 Offic. vbi de ambitione inter Scipionem Africanum & Q. Metellum & *Agellius lib. 7. cap. 9.* inter Tiberium Gracchum & Scipionem. Sic dissenserunt quoque Aristides & Themistocles, multique alii: & huius quoq; generis dissidium fuisse vult *eo loco Cicer.* Sic enim ait: quomodo autem

tu de Republica bene meritus esses, si tot sceleratos incolumi dignitate esse concessisti: secessionem tu initio existimasti, non bellum Cæsar; nec hostile odium, sed ciuile

dissidium, vtrisque scilicet cupientibus Rempublicam saluam: sed partim consiliis, partim studiis à communi vtilitate aberrantibus. Alia Politicorum dissidia plane sunt hostilia, quibus nimirum non de Reipublicæ salute, sed interitu

potius, cuius in manu & imperio ea sit futura, digladiantur: de quibus dissidiis hîc fere agit: quo modo dissenserant Cicerone quoq; & Antonius, illo Rempublicam saluam esse cupiente, hoc nolente. Sic & in imperio Romano grauissima

exstiterunt dissidia: in Regno Angliæ inter familias Eboracensem & Lancastriam: & apud Gallos inter familias Burgundiam & Aurelianensem. Et hæc quidem de principio (principum dissensionibus non priuatas tantum familias,

sed vniuersas infici & euerti sæpe Respublicas) sint satis. De altero, dissensiones & dissidia ciuilia plæraque ex paruis iniitiis & causis suboriri, nō Aristotelicis tantum, sed aliis quoq; exemplis doceri & confirmari potest, vt Romæ prope belli

socialis originem & exitia rerum, vt loquitur *Plin. eo loco*, ex contentione inter Cæpionem & Metellum de anulo in auctione emendo.

O' μὲν γὰρ.] Subindicatur veterum institutum, quos scribit *Cicer. de Diuinat.* nihil aut priuatim aut publice inauspicato suscepisse. quare & vxorem ducturi augurium prius capere sole-

Solebant, vt *ibidem* testatur *Cic. & Horat. in sermonibus.*

Πρόξενον ὡν τῆς πόλεως.] Veterum instituto ciuitates & Πρόξενoi. priuati iura quædam hospitii inter se colebant. Nam solent, verbi gratia, hæc vel illa Rēspub. in alia aliqua ciuitate ciuem aliquem sibi deligere, apud quem publico nomine missi diuerterent, quem Græci nominant πρῶξενον: quomodo & priuati mutuum inter se hospitij ius colebant, vt sæpe videre est apud *Cic. in Verrinis & alibi.*

Ἐξ ἐπικλήρου.] De puellis aut mulieribus, quas Græci, c. ἐπίκληροι. osque imitati Latini Epicleros vocant, alibi explicauimus, *supra.*

Ἀρχὴ τοῦ ἱεροῦ πολέμου.] Belli huius sacri seu Phocici originem Aristoteles hic leuem plane & nugatoriam, alij vniuersam historiam, vt *Diodorus lib. 16. Pausanias lib. 10. Iustin. lib. 8.* diligenter exponunt.

T E X T V S.

Commutantur autem & in Oligarchiam & in Democratiam, & in Politiam ex eo, quod magistratus aliquis, vel ciuitatis pars floreat aut amplificetur, vt Senatus in Arcopago bello Persico florens intendisse videbatur Rempublicam: contra vero nautica multitudo victoriæ ad Salaminem auctor, & ex ea principatus propter opes maritimas Democratiam reddidit firmiorem: atque Argis nobiles (Principes) in prælio ad Mantineam aduersus Lacedæmonios re bene gesta, Democratiam tollere aggressi sunt. Syracusis quoque populus victoriæ in bello aduersus Athenienses auctor Politiam in Democratiam conuertit: & Chalcide populus, Phoxo tyrāno cum nobilitate sublato, Rempublicam continuo occupauit. Ad eundem modum & in Ambracia etiam populus, tyranno cum coniuratis pulso, Rempublicam ad se transtulit. Atque vniuerse hoc sciendum, eos qui opum siue potentiæ fuerint auctores, cum priua-

ti, tum magistratus, tribus denique, & omnino pars, siue qualiscunque multitudo, seditionē mouere. Nam vel qui his inuident, vt honoratis, seditionis faciunt initium; vel hi ipsi propter excellentiam æquo iure nolunt viuere.

C O M M E N T A R I I.

2. Partis seu
ordinis ali-
cuius ex-
cellentia.

Μεταβάλλουσι δὲ καὶ εἰς ὀλιγαρχίαν.] Exponit hoc loco Aristoteles motuum & mutandarum Rerum publicarum causam, excellentiam seu incrementum partis alicuius Reipub. vt vel senatus, vel plebis, vel nobilitatis. Nam si pars aliqua re bene gesta vel domi vel in bello insigne aliquod nomen sibi compararit, ita vt reliquis partibus clarior iam & præstantior esse videatur: hinc fere fieri ostendit, vt motus & seditiones exoriantur: id quod docet & ratione & exemplis: & ratione quidem bifariam posse fieri ostendit, vt motus hinc existant, partim ex inuidia aliorum, partim ex ipsorum superbia & insolentia. Nam reliquæ quidem partes hanc vnam præter alias claram & potentem, omnibusque honoribus affectâ cernentes, se vero contemptas; dubium non est, quin inuidia commoti seditiones sint excitaturi: de quâ inuidiæ

1. Ratio.

2. Ratio.

causa *supra* latius initio cap. 2. Rursus, pars hæc rebus bene gestis iam clarior, quia ex iis rebus gestis magnos sibi spiritus, vt insolens omnis est victoria, facile sumat: dubium quoque non est, quin, pari licet iure antea cum reliquis ciuib. viuere assueta, nunc dominatum sibi sit arreptura, aut certe eius potiundi seditiones motura. Nam & hoc supra aliquoties docuimus, fontem & causam omnium motuum esse hæc opinionem & persuasionem de pari seu æqua, vel impari & iniqua inter se conditione & iure. Idem quoque confirmat aliquot illustribus exemplis in tribus his statibus seu Rerum publicarum generibus, Oligarchia, Democratia & Po-

1. Exemplū
in Oligar-
chia.

2. Et reli-
qua exem-
pla aliarū
Rerum pub.

litia, euenisse: & in Oligarchia quidem Argis hoc accidisse: vbi pauci principes nimirum siue nobiles, quia bello aduersus Lacedæmonios ad urbem Arcadiæ celeberrimam Mantineam bene rem gesserint, sublata Democratia, paucorum imperium seu Oligarchiam inducere voluerint. In Democratia vero exempla affert Atheniensium, Syracusanorum, Chalcidensium & Ambraciorum. Quod autem de senatu

Arcopa-

Arcopagitico principio affert, ad Politiam aut ei vicinam Aristocratiam reuocari potest. Alia exempla exposita sunt supra aliquoties, vbi de hac ipsa causa, id est, parte Reipublicæ præter cæteras florente explicatum est *hoc lib. cap. 3* *ἡ πόλις δὲ καὶ αὐτὴν, &c. & lib. 2. cap. 10.* Sic olim & Romæ, Annibale Italiam bello premente, dominabantur Principes, iacebat plebs: contra, pulso Annibale & Victo Antiocho, militum & plebeiorum maxime armis, spiritum sibi sumere plebs, & insurgere, agros poscere, & totam ad se Rempublicam conuertere: & antea, confecto bello Tarentino, plebs victrix à nobilitate vel inuita imperiorum & magistratuum partitionem extorsit. In Politia denique siue ei finitima Aristocratia exemplum affert Aristoteles de Senatu Arcopagitico. Nam Athenis olim bello Persico cum Themistoclis consilio classe cum Persis decertandum esset, eique classi instruendæ pecunia deesset; Senatus Arcopagiticus, huius rei adiuuandæ causa, militibus octonas drachmas de suo ærario suppeditauit: qua liberalitate, re postea bene gesta aduersus Persas, magnum sibi nomen peperit senatus, tanquam auctor victoriæ; eoque nomine maiorem quoque auctoritatem sibi, atque adeo vim ipsi Aristocratix maiorem & firmiorem acquisiuit: etsi eadem victoria plebs quoq; magnos sibi spiritus sumpsit; quod, quia nauale esset prælium & victoria naualis, nautici homines fere de plebe eius fuissent auctores & auctores, *ut & supra Aristoteles lib. 2. cap. 10. vbi diximus* De hac autem Arcopagitarum liberalitate *Plut. in vita Themistoclis.*

Καὶ ἐν συγκαταστάσει ὁ δῆμος] De hoc bello & victoria Syracusanorum de Atheniensibus copiose *Thucyd. lib. 6. 7. 8. & Plut. in vita Nicias.*

T E X T V S.

Mutantur autem Respublicæ etiam, cum ciuitatis partes, quæ contrariæ esse videntur, inter se coæquantur, vt diuites & populus; media vero pars est exigua, vel nulla plane. Nam si alterutra pars longe excellat; reliqua aduersus eam, quæ aperte sit potentior, non solet periclitari. Quare &

virtute præstantes non temere seditionem mouent, quia pauci sint aduersus multos.

C O M M E N T A R I I.

3. Ex æqua-
tio partium
seu ordinū
Reipub.

Κινῆσαι.] Elegans est & eruditus locus de moribus & seditionibus, quo subtilis seu acuta motuum causa indicatur, nimirum partium siue ordinum Reipub. æquatio. Nam si ordines Reipublicæ æquantur, id est, ut neuter alterum superet (sint duo, verbi gratia, diuitum & tenuiorum) fere tum fieri solet, ut neuter alteri parere velit; adeo, ut si penes alterum sit imperium Reipublicæ, alter se non imparem putans facile seditionem arripiat. Quod si ordines non sint pares, sed alius alio longe sit superior; quia reliqui se impares videant, facilius præstantissimo ordini parere solent, neque se facile commouere audent. Exempli huius rei reperiuntur in omnibus Rebus publicis, in quibus nimirum si ordo vnus alios longe superat viribus & opibus, facile alios continet in officio, ne seditiones moueant. Rursus in quibus pares facti ordines, continuo seditiones mouere sint soliti,

Quibus in
Rebus publ.
maxime
hæc ob cau-
sam seditiones
moueantur.

ut imperio & honoribus mouere cœpit. His autem Rebus publicis maxime hæc calamitas accidere solet, in quibus duo hi ordines locupletum siue nobilium & plebis, siue tenuiorum magnas habent vires, tertio ordine mediocrium vel nullo vel exiguo. Nam contra in quibus tertius hic ordo mediocrium potens fuerit, in his raro motus hi excitari solent, ut supra explicatum est lib. 4. cap. 11. vbi docuit Aristoteles, eas ciuitates, in quibus mediocrium hic ordo maxime floreret, esse & maxime stabiles, & moribus minime obnoxiam.

Ratio.

Causas igitur, cur ordinum hæc æquatio, seu pares vires, motuum sit causa, hanc, ut dixi, affert hic Aristoteles à contrario sumptam: quia, inquit, vbi ordines sunt impares, id est, vnus altero longe sit potentior, non facile inferior potentiori se opponere ausit; inferior, inquam, siue multitudine siue quantitate, id est, diuitiis, genere, doctrina, aliisque id genus præstantius.

Exemplū.

Longe autem deteriores vel inferiores præstantioribus non facile se opponere, etsi per se est clarum: tamen illustrat Aristoteles exemplo virtute præstantium virorum. Nam hi, inquit, cur non facile seditiones moueant,

ueant, causa esse videtur; quia sint perpauci, id est, numero longe inferiores, ut semper improborum magnus est numerus. Obseruandus est autem hic locus de viris bonis, eos ad motus & seditiones minime esse procliuēs; eo quod, inquit Aristoteles, sint pauci. Attulit & alteram rationem *supra initio cap. 1.* quia virtus etiam si vna honoribus & imperiis est dignissima, sua tamen sponte & natura à motibus & dissidiis maxime abhorret.

T E X T V S.

Atque in omnibus quidem Rebus publicis vniuerse motuum & mutationum causæ ita se habent. Mutant autem Respublicas aliàs quidem vi, aliàs dolo: vi quidem vel statim ab initio, vel posterius vi cogentes: nam & dolus est duplex: nam alias quidem principio adhibito dolo, volentibus ciuibus, mutant Rempublicam, post deinde, inuitis, retinent, ut in quadringentis accidit, qui populum dolo induxerunt, regem aientes pecuniam ad bellum aduersus Lacedæmonios præbiturum: mentiti vero Rempublicam retinere conabantur: alias vero & ab initio persuasionē adhibita, & postea rursus persuasis volentibus ijs imperant. In omnibus igitur Rebus publicis absolute mutationes ex causis supra expositis accidere solent.

C O M M E N T A R I I.

Καθόλου μὲν.] Meminimus supra, Aristotelem de causis motuum & seditionum bifariam explicare; vniuerse & singulatim. Hoc igitur loco expositis iam communibus omnium mutandarum Rerum publicarum causis, priusquam ad singulas Respublicas, quod erat proximum, accedat; insignem superiori disputationi adiungit clausulam, item communem omnibus Rebus publicis, qua præclare monet, Re- *Resp. mutā-*
rum publ. evertendarum aut mutandarum modos duos esse *tur aut a-*
principes & summos, dolum & vim. Nam interdum armis, *pta vi aut*
seditionibus & vi aperta Respublicas opprimi, vel ex vna in *subdole.*

*Ubi dicitur
75.*

aliam commutari, vel occulte & dolose callido aliquo stratagemate aut persuasione, & blanditiis seu promissis. Hos autem modos rursus partitur Aristoteles. Nam de vi quidem, alias eam adhiberi statim initio euertendæ & Republicæ, alias in Republica dolo ab initio mutata, vi postea retinenda. Dolum vero item dupliciter adhiberi: vel initio, vel postea. Quod ad vim igitur attinet, cernere plerumque licet, tyrannides hoc modo mutari in Democratas vel Oligarchias, cæso nimirum vel pulso tyranno, quod Romæ accidit. Dolo fere mutari solent Regna in Tyrannides, & Aristocratix in Oligarchias, nimirum dum vel Reges vel optimates moderatum imperium paulatim intendendo & pro legibus & iure vel suam libidinem vel adulescentes sequuntur. Sic olim Romæ Aristocratia in Oligarchiam fuit cōmutata. Iam vero initio quidem vi adhibita multæ mutantur Respublicæ; ut olim Atheniensis Democratia in Oligarchiam ab Lacedæmoniis, duce Lyfandro, atque adeo omnes fere ciuitates in Atheniensium potestatem armis & vi redactæ Democratiam, ab Lacedæmoniis Oligarchiam suscipere & amplecti cogebantur, *ut supra l. b. 4 docuimus*. Sic & Romæ Democratia, à Iulio Cæsare armis oppressa, in monarchiam fuit conuersa: sic & hac ætate liberas ciuitates sub vnius imperium, id est, in ducatum, aut comitatum, ut nuper Florentinam & Senensem Rempublicam, redigi videmus. Multæ quoque sunt Respublicæ, quarum mutatio principio quidem dolo cepta, postea vi confirmetur & retineatur: cuius rei exemplum hic vnum affert Aristoteles ex Republica Atheniensium. Nam olim cum inter Athenienses & Lacedæmonios graue esset bellum; Alcibiades Athenis pulsus & exul apud Persas, quo Atheniensium legati auxilii petendi causa venerant, iis legatis, inquam, promissit, se à Persis seu Tissapherne Persico satrapa auxilia ipsis impetraturum, si ipsi domum reuersi Rempublicam mutandam curarent, id est, Democratiam in Oligarchiam: id quod propter auxilii spem populus non grauate concessit. Itaque Atheniensis populi imperium à populo ad paucos, nimirum quadringentos, hoc modo, id est, promissis & dolo fuit translata: postea vero idē Alcibiades cū callide imperium ab illis paucis ad populum reducere conaretur; illi pauci imperium sibi delatum, & dolo semel partum, vi & armis retinere, sed frustra, sunt conati, ut est

Exemplū.

ut est late *apud Iustin. lib. 5.* De doli autem generibus, sunt item Respubl. quæ dolo initio tantum adhibito mutantur, postea vi conseruentur. Exemplum sit idem, quod modo attulimus de vi. Quo modo multos tyrannos legimus esse vi-
 sos, qui suauibus promissis populo primum delinito, impe-
 rium nacti, postea vi & armis illud constabilierint, qua de re
infra hoc proximo cap. copiosius. Aliæ vero sunt Respub. quæ
 dolo & initio, & posterius adhibito mutantur & conseruen-
 tur, nimirum ubi, populo primum promissis persuaso, nactus
 quis imperium idem postea non vi & crudelitate, sed simili-
 bus promissis & persuasionibus blandis conseruare & pro-
 pagare conetur. Et hæc quidem modorum duo genera di-
 ligenter sunt obseruanda. Potest & alia modorum fieri par-
 titio, quam etiam hoc libro Aristoteles commemorat, qua
 Respublicæ omnes mutantur vel euertantur, aliæ sua, aliæ
 causa externa & aduentitia : sua videlicet, ubi Respublicæ
 malæ fuerint institutæ & temperatæ: externa, ubi vi & armis
 hostium & externorum, quemadmodum ædificium bene
 exstructum vi externa & tormentis aut incendiis, aut male
 exstructū sua sponte collabitur. Cuius dissimilitudinis mul-
 ta quoq; exempla suppeditant historiæ. Verum Aristoteles
 hoc libro de eo potissimum modo explicat, quo Respublicæ
 non aliena, sed sua vi & vitio mutantur & euertuntur.

*Mutatio-
 nes aut ac-
 cidūt à cau-
 sa interna,
 aut exter-
 na.*

C A P V T V.

QUO modo monuimus, id iam persequitur Aristote-
 les: nimirum ut causis omnium Rerum pub. communi-
 bus explicatis, nunc singulas seu proprias singularum Re-
 rum publicarum causas euertendarum aut mutandarū per-
 sequatur, Democratix, Oligarchix, Aristocratix. Nam de
 Regno & Tyrannide extremo demū hoc libro cur separa-
 tim explicet, causam eo loco exponemus. Hoc igitur capite
 de Democratia, id est, de causis & modis eius mutandæ pro-
 priis explicatur. Nam Democratiam quidem alias in Oli-
 garchiam, alias in Tyrannidem, alias denique (nam hæc sint
 huius capitis veluti tres partes) vnā Democratiam (*su-
 pra lib. 4.* de pluribus Democratix generibus dictum) in a-
 liam Democratix speciem commutari.

Retractatio ad quædam verba cap. 4. nimirum hæc:

Ἐνέβαλον τῶν ἱερῶν χρημάτων.] Hæc verba, alios pluresq;

secutus, perperam supra reddidi, vere ita reddenda;

Rem diuinam eo faciente, occulte subiecerunt de rebus sacris aliquam.

Id quod ex *Plut.* didici, apud quem *in lib. de precept. Reipublicæ bene gerendæ plane extremo*, quo loco de dissidiis Respublicas administrantium agit, exemplum hoc ab Aristotele hic explicatum planius & vberius exponitur. Nam apud Delphos, inquit Crates (huius filiam ducturus erat Orgilaus, isq; propterea quod cratera quædam media crepuisset, veluti malo omine absteritus sponsam Cratetis filiam repudiaret) Crates, inquam, hac veluti ignominia & iniuria per-motus, Orgilao postea rem diuinam faciente, vas quoddam sacrum clam & occulte subiiciendum curauit, qua specie mox Crates Orgilaum, vt sacrilegum, cum fratre de saxo deiecit, multosque eius familiares & notos, idem in templo Prouidentia interfecit; tandem & Crates vita & bonis multatus fuit. Eodem loco *Plut.* primum illud Syracusanum exemplum hic *initio cap. 4.* indicatum paulo latius explicat.

T E X T V S.

Quæ in singulis vero Rebus publicis accidant; ex his, facta partitione, considerata sunt. Ergo Democratia quidem maxime ex Demagogorum petulantia mutantur. Nam partim quidem eos, qui bona habent, priuatim calumniantes, conspirare eos faciant (communis namque metus & inimicissimos conciliat) partim vero plebem in eos publice incitantes. atque hoc in multis ita fieri quis videat. Nam & in Coo Democratia malis in ea exortis Demagogis, mutata fuit: Principes namque conspirarunt: & in Rhodo. Nam & mercedem dabant Demagogi, & vetabant triremium præfectis sua persolui. Hi vero, coniuratione facta, iudiciorum metu Democratia dissoluerunt coacti. Dissoluta est autem Democratia etiam Heracleæ per Demagogos statim à deducta colonia.

Prin-

Principes namque ab ijs iniuria affecti solum mutarunt: postea collecti hi, qui solum verterant, & aduersus Rempublicam profecti, Democratiam sustulerunt. Ad eundem modum & Megaris sublata est Democratia. Nam Demagogi, vt bona publicare possent, multos Principes expulerant, donec multos efficerent exsules: qui reuersi prælio populum superarunt, & Oligarchiam instituerunt. Quod idem accidit & Cumanæ Democratiæ, quam sustulit Thrasymachus. Fere autem in alijs quoque, qui attenderit, cernere possit mutationes ad eundem se modum habere. Nam alias quidem, vt gratificentur, Principes iniuria afflicto concitant, vel bonis æquandis, vel mercede muneribus publicis instituenda ex vectigalibus: alias vero, vt diuitum bona publicare possint, calumniando.

C O M M E N T A R I I.

Καθ' ἑκάστην δὲ εἶδος τῆς πολιτείας.] *Plato lib 8. de Repub. vbi Platonis o-*
copiose de Democratia, docet & vult eam commutari in pin. Demo-
Tyrannidem: à quo dissentiens Aristoteles docet Democra- *cratiam in*
tiam antiquitus quidem sæpe in Tyrannidem conuerti soli- *Tyrannidē*
ram, sed alias quidem in Oligarchiam, alias in Tyrannidem, semper de-
alias denique vnam Democratia formam in aliam commu- *generare.*
tari, vt & supra diximus. Huius autem trifariæ mutationis *Aristotelis*
causam omnem confert in Demagogos, tanquam pestes & *sententia.*
perniciēs omnis Democratia. De Demagōgis diximus *su-* *Causa ha-*
pra lib. 4. cap. 4. in quos mille locis grauissime inuehitur De- *rum muta-*
mosthenes, ipse summus & pessimus Demagogus, quibus *tionum.*
Romanorum tribuni plebis plane similes & gemini fuerunt, *Demagogi.*
maxime posteriores: de quibus, vt Reipublicæ Romanæ pe-
stibus, grauissime conqueritur *Cicero lib. 3. de legib.* Iniuria- *I. Modus*
rum autē Demagogicarum duo summa facit genera Aristo- *mutanda-*
teles, priuatās & publicas seu communes: quibus Demago- *rum Demo-*
gi aduersus diuites & principes Reipublicæ vtantur. Nam *crat.*

Iniuria Demagogica sunt vel priuata, vel publica. solent Demagogi vel calumniis & iudiciis vexare locupletiores, eaq; ratione bonis illorum insidiari, vel plebem vniuersam aduersus eos concitare; vel proposita nimirum bonorum exæquatione, qua velut elsa plebs illecta locupletes inuadat; vel etiam ditiorum aut principum fastu & insolentia aduersus plebem exaggeranda. His modis Demagogos vti ait Aristoteles, quibus ad coitiones faciendas & ad coniurationes tandem impellantur principes aut locupletes, & coitione facta populare imperium euertant: cuius generis exempla affert Aristoteles quinque, Rerum publicarum quinque. Nam & in insulis Choo & Rhodo, & in vrbibus Heraclea Ponti, Atheniensium colonia, Megaris & Cumis principes Demagogicis iniuriis laceffit, euerfis Democratiis, Oligarchias in locis iis instituisse: de quibus exemplis amplius quærendum. Ad eundem modum & Romæ tribuni plebis multas sæpe turbas grauissimas dederunt rogationibus suis agrariis, quam primam Romæ promulgauit Sp. Cassius à patre suo postea necatus, teste Valerio libro 5. cap. 8. et si *Liuius* & *Dionysius* non Cassium, sed Licinium Stolonem primum Agrariam legem tulisse scribunt. Multis post annis Q. Flaminius item Agrariam legem tulit, inuito senatu. Sed grauissimos motus eadem lege roganda excitarunt Gracchi, Tiberius, Dorius, Titius, alii tribuni plebis, et Seruili, Rulli Cicerone consule ipse etiam Cæsar. Quam bonorum æquationem, qua nimirum suæ diuitibus possessiones auitæ eripiebantur, vel publica vectigalia Reipublicæ adimebantur, & plebi ac tenuioribus diuidebantur, Rerum publicarum pestem nominant omnes veteres, *Cic. Salust. Dionys. &c.* Capitalis oratio est, inquit *Cic. lib. 2. Offic.* ad æquationem bonorum pertinens: qua peste quæ potest esse maior? Et pro *Sextio*: Frumentariam legem C. Gracchus ferebat: iucunda res plebi Romanæ. Victus enim suppeditabatur large sine labore: repugnabant boni: quod & ab industria plebem ad desidiam auocari putabant, & ærarium exhauriri videbatur. Sed videatur pulcherrimus *Ciceronis* locus lib. 2. *Offic.* Sed quoniam de eo genere beneficiorum, &c. *Liuius lib. 6. in fi.* vbi Appius aduersus legem Agrariam, Sextius, inquit, & Licinius, tanquam Romulus & Tati, in vrbe Romana regnent: quia pecunias alienas, quia agros dono dant: tanta fortuna est ex alienis bonis prædandi:

Standi: nec in mentem venit, altera lege solitudines vastas in agris fieri, pellendo finibus dominos: altera eorum, qui debent, fidem abrogari, cum qua omnis humana societas tollitur.

Σύμμεχοι γδ.] Quasi dicat, etsi locupletes vel diuites, quia sæpe & ipsi inter se dissentiant, non facile vniuersi ad consensionem & conspirationem aduersus plebem impelli possunt: tamen propter communem metum iniuriæ à Demagogis expectandæ coitiones facere solent. Nam, inquit, communi periculo etiam inimicissimi inter se consentiunt: quod elegans prouerbium profert Aristoteles *lib. 1. Rhet. ὅθεν λέγεται, &c.* Hinc est, quod dici solet, malis coniungi homines, vbi vtrisque idem noceat; quod de Cretibus veteres commemorant pacis tempore inter se dissentientibus & tumultuantibus, belli ab hostibus externis illati aduersus eos conspirantibus & rem cōmunem propugnantibus. Erasmus in prouerbio Syncretisimus. Eo pertinet & quod scribit *Socrates Ecclesiastica sententia lib. 3. cap. 3.* de Episcopis Catholicis & Hæreticis siue Arrianis inter se quidem dissentientibus, sed aduersus paganos siue profanos omnem Christi religionem impugnantes coniunctis animis & viribus defendentibus: verum mea quidem, inquit, sententia & qui similitatem inter se gerant in seditionibus, ad nequam & perditorum hominum vires oppugnandas ipsi inter se conspirare solent.

Μισθοφορὸν δὲ οἱ δημαγωγοί.] Verba hæc esse perobscura cum per se liquet, tum indicio sunt interpretes, qui iis Latine reddendis mire variant: mihi tamen eorum hæc videtur esse sententia: Demagogos, stipendiorum militarium soluendorū præfectura sibi sumpta & vindicata, caligatis quidem & gregariis militibus (gratiæ à plebe ineundæ causa, quod hi milites fere sint de plebe) æs suum persolvere solitos: præfectos autem, qui fere ex honestiore essent loco, ære militari suo fraudare.

Ὅτι μὲν γδ ἴνα.] Et hæc verba item sunt perobscura: quorum tamen sententia hæc esse videtur; Demagogos aut priuatorū bona aut publica vectigalia diuidere in plebē, priuatorum quidem exæquatione bonorum & condonandis debitis, publica vero vectigalia muneribus publicis. Nam *supra lib. 4.* docuimus aliquoties, vsitatum esse in Democra-

tiis,

riis, ut hi qui magistratu aliquo funguntur aut curationem habent, annuo aliquo honorario vel stipendio à Republica accepto sustententur, & veluti incitentur ad ipsa illa munera capeffenda.

T E X T V S.

Cæterum antiquitus, cum idem esset Demagogus & Imperator, in tyrannidem mutabantur: nam plerique veterum Imperatorum ex Demagogis fere exstiterunt. Causa autem, cur tunc quidem existerent, nunc vero minus: quia, qui tum essent Demagogi, fere essent ex Imperatoribus: neq; dum enim valebat eloquentia: nunc vero ea aucta, qui dicendo valent, sunt illi quidem Demagogi; verum imperitia rei bellicæ non inuadunt tyrannidem, præterquam sicubi tale quid exiguum accidat. Existebant autem tyrannides antea magis quam nunc etiam propterea, quod magna imperia quibusdam mandarentur, ut Mileti ex Prytania: Prytanis namque multarum magnarumq; rerum potestatem habebat. Præterea, quia ciuitates tum non essent magnæ, sed populus occupatus operibus rusticis ruri versaretur: qui populo præerant, si essent bellicosi, tyrannidem inuadebant. id autem omnes fidem apud plebem consecuti factitabant. Fides erat inimicitiarum cum diuitibus: ut Athenis Pisistratus, seditione aduersus Pediacos mota; & Megaris Theagenes, diuitum pecoribus (ad flumen ea pascentia nactus) mactatis: & Dionysius, cum Daphnæum diuitesque accusaret, tyrannidem est consecutus, fide habita propter inimicitias eum esse popularem.

C O M M E N T A R I I.

II. Modus.
De muta-

Ἐπὶ δὲ τῶν δημοκρατίων.] Hic de altera Democratiarum mutatione

tatione iam explicatur, quam vnam probare *Platonem lib. 8. tione De-
9. de Repub. supra* monuimus, nimirum qua Democratia in Tyrannidem
Tyrannides mutantur. Huius igitur mutationis Aristoteles *Tyrannide.*
tribus exponendis causis hoc quoq; vna docet, cur antiquis
temporibus, quam sua ætate, crebriores essent Tyrannides.

Primam igitur causam affert hanc: quia olim Demagogi *I. Causa,*
plurique iidem essent Imperatores, sua ætate oratores; atq; *cur olim cre
hinc fieri, cur olim facile existerent Tyrannides: quia nimi- brius mu-
rum olim rei militaris periti veteres Demagogi facile vi & tatio hac ac
armis Rempublicam opprimerent. quod posterioribus De- ciderit.*

magogis, quia causidici & rabulæ tantum essent, factu fuit
difficilius: nisi si qui rei quoque militaris vsum aliquem sibi
comparassent. Hæc igitur vna est mutandæ Democratia in *1. Causa hu
Tyrannidem causa, si ii, qui populo præsumt domi & in pace, ius muta-
iidem quoque in bello imperent, magnumque rei militaris tionis.*

vsum habeant. Altera causa, si alicui aut quibusdam præter *2. Causa hu
ceteros maxima imperia mandentur, hique magistratus, ius muta-
quorum maxima sit vis & potestas, vt est prætura militaris, tionis.*

Prytania apud Milesios, Dictatura Romæ, aut Consulatus.

His namque opibus adiuti & sublati homines ambitiosi, &
regnandi cupidi, facile ad tyrannidem & affectandam &
inuadendam inducuntur. Quod institutum inuadendi sum-

II. Causa,
mos magistratus, quia olim, quam sua ætate, esset vtitatus; *cur olim
id quoque in causa esse monet, cur & tyrannides frequen- hac muta-
tiores, ac tunc, essent. Exemplum affert de Republica Mile- tio crebrius
siorum. Exemplo quoque sit Iulius Cæsar, de quo Cic. in E acciderit.
pist. ad Att. sæpe conqueritur, senatum ipsum tyrannidis e- Exemplū.*

ius per imprudentiam fuisse auctorem, quod ei imperium
mandasset nimis magnum & insolens in decennium. Huc *Ostracis-
pertinet disputatio de Ostracismo, de qua supra lib. 4. vbi mus.*

docuimus, in Democratiis prudenter institutum fuisse O-
stracismum, ne per eos, qui inter ciues genere, diuitiis, clien-

telis, eloquentia, honoribus & opibus excellerent, Demo- *3. Causa hu
cratia in Tyrannidem conuerteretur. Tertia causa: si popu- ius muta-
lus, abiecta omni Reipubl. cura propter priuatas occupatio tionis.*

nes (quod per opifices, aliosque id genus humiliores viros
fieri, monuimus *supra lib. 4.*) omnem administrationem a-
liis maxime rei militaris peritis & bellicosis hominibus con-
cedant. Nam populi hac negligentia, tanquam occasione
occupandæ tyrannidis, homines ambitiosos & potentes vti

solitos:

III. Cau ^{sa} solitos: quæ eadem fuerit causa, cur olim quoque crebriores
^{ha muta-} ^{tiones cre-} ^{briores.} ^{Fides popu-} ^{laris singu-} ^{lare adiu-} ^{mentū po-} ^{tiundæ ty-} ^{rannidis.} ^{1. Exemplū.} solitos: quæ eadem fuerit causa, cur olim quoque crebriores
^{sa, cur olim} essent tyrannides; quod populus rure fere ageret, & in vicos
^{dispertus} non vnam aliquam magnam ciuitatem incoleret
^{& concelebraret.} Nam vbi magna est populi multitudo, nō
^{facile per vnum aliquem opprimi solet aut potest.} Præcla-
^{rum est autem,} quod tribus his causis Aristoteles expositis
^{adiungit,} omnibus tyrannis, tyrannidemq; siue ex prima siue
^{ex aliis causis affectantibus & inuadentibus vnicum & sin-}
^{gulare fuisse adiumentum potiundæ tyrannidis,} nimirum
^{fidem apud plebem seu populum.} Huius rei tria affert Ari-
^{stoteles exempla;} ciuitatum Atheniensium, Megarensium,
^{& Syracusanæ.} Nam Athenis quidem Pisistratus, quia Pedi-
^{cis siue Pedianis infestū se præberet,} plebi charus esse cœpit,
^{& hac occasione tyrannidem occupauit.} Erant Athenis &
^{in Attica terra tres f. ctiones;} siue tres in partes populus At-
^{ticus erat distributus,} cuius rei & supra quoq; meminimus:
^{Diacrios, id est, montosa loca incolentes,} qui fere erant De-
^{mocratici:} in Pedicos siue Pediacos, qui erant fere Oligar-
^{chici,} planiorem Atticæ partem incolentes: & in Paralos si-
^{ue Paralios,} quasi maritimos, qui fere erant Politici, medi-
^{umque statum sequebantur:} quamuis & hi ad Democra-
^{tiam inclinarent.} Adeo vt præcipuæ populi Attici partes es-
^{sent Diacrii & Pediaci;} siue Democratici, & Oligarchici. De
^{quibus duabus Atheniensium factionibus,} Populari & O-
^{primatum,} meminit & ipse Cic. lib. 1. Offic. Plut in Solone, &
^{alibi, & Herod. lib. 1. vbi commemorat idem historicus,} Dio-
^{nyfium,} animaduersa hac partium dissensione, popularibus
^{se adiunxisse aduersus nobiles & paucos,} & audaci stratage-
^{mate se vulnerando magnam nobilibus inuidiam conflasse,}
^{& adiuuante eiq; dedito populo,} tanquam populari, occu-
^{passe tyrannidem.} De altero exemplo, nimirum Theagenis
^{qui occidendis iumentis & pecoribus diuitum auram popu-}
^{larem Megaris captauit,} eaque ratione plebi demonstraue-
^{rit suam aduersus diuites inimicitiam & odium,} amplius
^{quærendum.} De Dionysio, quemadmodum & ille nobili-
^{bus & ditioribus accusandis & in crimen inq; inuidiam vo-}
^{candis apud plebem (Pisistratum imitatus) tyrannidem ob-}
^{tinuerit Syracusis,} & ibidem postea Agathocles, diligenter
^{exponit Diodorus Siculus lib. 13 19.} Similes tribunorum ali-
^{Romanorū.} quot Romanorum actiones, aliorum quoque, vt Pompeii,
Cæsa-

Cæsaris in plebe Romana delinienda largitiones, & in primis Marii *apud Salustium* aduersus nobilitatem, videre licet in multis locis *apud Liuum, Ciceronem & alios.*

T E X T V S.

Mutantur autem ex vsitata Democratia in recētissimam. Nam vbi magistratus electione fiunt, non quidem è censu (ex diuitijs:) sed eligit populus, Demagogi summo studio eo rem deducunt, vt legum quoque Dominus sit populus. Cuius rei remedium, vt vel non fiat, vel rarius fiat: & si magistratus non ab vniuerso populo, sed tributim creentur. Itaque Democratiarum quidem omnes mutationes ex his fere causis fiunt.

C O M M E N T A R I I.

Metaph. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. Tercius mutandarum Democratiarum modus hic exponitur, quo Democratia non in aliud Reipublicæ genus, sed in idem commutetur, nimirum quo species vna Democratia conuertatur in aliam, bona siue moderata & temperata Democratia, quemadmodum veteres & ante Aristotelis tempora fere erant Democratia, in immoderatam siue eam, qua omnia non legum imperio, sed plebis aut populi libidine regerentur, qualis Democratia Athenis erat ætate Aristotelis: qua de re & alias sæpe, maxime *supra lib. 4.* diximus, eamq; propterea vocat recentissimam. Talis autem mutatio Democratia moderatæ in immoderatam facta fuit olim Athenis sub tempora Demosthenis & Aristotelis, & Romæ sub tempora Ciceronis: quæ Democratia species quia sit grauissima & valde perniciosa, vt in qua non leges, sed plebs tantum dominetur; vt ea, inquam, caueatur & impediatur, insignem rationem & viam siue remedium hîc attingit leuiter Aristot. in magistratibus creandis positum: nimirum si magistratus creentur non ab vniuerso populo, sed tributim, id est, si magistratuum creandorum potestas permittatur non passim & cuilibet de populo, sed certis tantum, qui ex quaque tribu sint deligendi. Hac namque ratione futurum putat Aristoteles, vt maior legum habenda

III. Modus
mutanda-
rum Demo-
cratiarum.

Exempla.

Remediū.

habenda sit ratio, & minor sit futura libido aut auctoritas populi. Nam vniuersus populus vel corruptelis vel fauore & studiis vel aliis iniustis rationibus permotus in mandandis magistratibus propter multitudinem & consensum quia nō temere puniri vel in eum animaduerti potest; liberior esse solet, quod contra fiat in paucis, in quos quia facilius animaduerti possit, cautius in magistratibus mādandis sint verfaturi, quo argumento *Cic. lib. 3. de legib.* tribunatum plebis Reipublicæ Romanæ salutarem esse ostendit. Cæterum de variis magistratuum creandorum modis & rationibus alias per vniuersum populum, alias per partem populi, vt tribus (vt Romæ erant comitia centuriata & tributa, etiam curiata) exposuimus *supra in fi. lib. 4.*

CAPVT VI.

Dua summa mutandarum Oligarchiarū causa.

1.

2.

EXPLICATIS priore capite causis mutandarum Democratiarum propriis, deinceps hoc capite eas persequitur, quæ Oligarchiarum mutandarum sint suæ & propriæ. Duas autem principes & summas maximeque perspicuas esse ostendit, vel paucorum in plebem iniurias, vel paucorum inter se dissensiones: & de priore quidem breuiter: de altera, vt quæ sit varia & multiplex, copiose differit toto fere capite.

TEXTVS.

Oligarchiæ autem duobus modis maxime perspicuis mutantur: vno quidem, si plebem iniuria afficiant. Nam quilibet dux est idoneus, maxime vero vbi accidit, vt ex ipsa Oligarchia dux fiat, vt in Naxo Lygdamis, qui & tyrannidem postea nactus est apud Naxios: Ex aliis autem orta seditio habet quoq; varietates: nam alias quidem ex ipsis diuitibus, qui quidem non sint in magistratu, fit dissolutio: cum hi, qui sunt in honoribus, valde sunt pauci, vt Massiliæ & Istri & Heracleæ & multis aliis in ciuitatibus accidit. Nam qui non fuerant magistratuum participes, seditionem mouebant,

bant, donec participes fierent primum seniores ex fratribus, postea rursus iuniores. Nam nō capiunt magistratum eodem tempore alibi quidem & pater & filius, alibi vero frater senior & iunior: & alibi quidem Oligarchia facta est Politix affinior: Isti vero in Democratiam desinit: Heracleæ vero à paucioribus ad sexcentos deuenit. Mutauit autem & in Cnido Oligarchia, ipsis principibus inter se tumultuantibus: eo quod pauci honorum essent participes, & ut diximus, si pater esset, quia filius non esset; & si plures essent fratres, quia non nisi maximus natus esset particeps. Nam dissidentibus populus, accepta occasione, duceq; ex principibus accepto, impetu facto superior euasit: quod enim dissidet, infirmum est. Erythris quoque, quo tempore Basilidæ Oligarchiam tenebant vetusto, quantumuis recte ii, qui Reipublicæ præerant, munere suo fungerentur; populus tamen, quia grauiter ferret paucis parere, Rempublicam commutauit.

C O M M E N T A R I I.

Αἰ δ' ὀλιγαρχίας.] De Oligarchiæ mutationibus hoc capite, ut supra monuimus, explicaturus Aristot. initio præclare monet, duas mutationum Oligarchicarum summas & principes maxime notas & vsitatas esse causas; iniuriam plebis, & dissensionem paucorum inter se. Et de iniuria quidem, si nimirum plebs à paucis genere aut diuitiis præstantibus opprimatur, excutiendi huius iugi causa ducem ad motus & seditiones mouendas sibi quærere solet, etiam qualemcunque & de plebe. Qui tamen si & ipse de paucorum numero fuerit, iam facilius Oligarchia eueri poterit, propter ea quod hic opibus quoque & imperio præstans inter ipsos paucos dissensionem serere & ex iis aliquot ad suas partes pertrahere posset. Sic Romæ plebs, Gracchos tribunos nata duces, senatus & principum paucorum potestatem facit.

Oligarchia mutanda causa.

I. Iniuria.

Dux huius mutationis si fuerit unus è paucis maxime commodus le re-erit.

Exemplum Rom. le repressit, posteaque nacta Cæsarem, euertit: etsi ea ætate Romæ non tam Oligarchia esset, quam Democratia: erat tamen & tum non exigua principum senatusque auctoritas.

Exemplum Arist. Sic in Insula Naxo ducem plebs nacta Lygdamin, ex potentioribus ciuibus vnum, Oligarchiam euertit; ita tamen, vt quemadmodum & Romæ sub Cæsare, paulo post sub ty-

Hi Duces plerumque inuadunt tyrannidē. rannidem recideret: hoc namque fere fieri solitum monet & infra Aristoteles, vt duces hi populares plærique tyrannidem postea inuadant, quod & supra dictum est. Et hæc quidem de iniuria paucorum in plebem. Nam de iniuria, quæ & omnium Rerumpub. euertendarum communis est causa, supra est explicatum.

II. Causæ euertend. Olig. dissensio nes eorum, qui Remp. tenent. *Ἐξ δὲ τῆς ἰσχύος ἀλλαν.*] Altera causa euertendæ Oligarchiæ explicatur hoc loco, & quidem toto hoc reliquo capite, quū ait, non ex plebe, sed aliunde, nimirum ex ipsis paucis siue nobilibus siue diuitibus Rempub. tenentibus nasci & oriri; idque multifariam, prout multæ variæq; dissensionum Oligarchiarum sunt causæ, & genera.

I. Causa huius dissensionis. *Ὅτι μὴ γὰρ ἐξ αὐτῶν.*] Dissensionis paucorum inter se & Oligarchiæ causam primo Aristoteles affert ex honorum & magistratuum cōmunionē. Nam fieri interdum, vt etiam si omne Reipublicæ imperium est penes diuites aut nobiles, vel patricios: tamen id sit non penes omnes diuites, sed penes paucos duntaxat: quod quidem & ipsum variis modis, aliterque alia ex causa alia in ciuitate accidere potest; puta

1. vel quia pauca sint magistratuum & honorum genera, diuites aut nobiles sint multi: vel quia ex prima institutione certis tantum familiis, reliquis, licet peræque potētioribus, exclusis, vt Venetiis, mandentur & communicentur: vel quia
- 2.
3. ex instituto Reipublicæ patre magistratū gerente filius excludatur, vel ex pluribus fratribus maximus natu tantum ad imperia & honores admittatur. His igitur aliisq; modis quia sæpe vsuuenire potest, vt in Oligarchiis non omnes, vt dixi, diuites, sed ex iis pauci duntaxat honores & magistratus capiant; reliqui, vt opibus & genere pares, quia imperio & honore impares se vident, facile ad motus impelluntur, factaq;

Mutatio huius causæ, ratione extremi, in quod. inter se coniuratione, adhibita (vt plærunque fit) plebe aduersariam factionem facile opprimere solent, & Oligarchiam vel plane euertere, ex eaque efficere Democratiam, vel saltem in Politiam Oligarchiæ finitimam, & tanquam

ex vno

ex vno Oligarchiæ genere in aliud commutare: cuius trifariæ seu triplicis mutationis exempla, de Politia, vt videtur, *Exempla.* Massiliam, de Democratia Istrum ciuitatem (quo nomine multæ fuerunt vrbes) affert ipse Aristoteles, de quibus amplius quærendum. Affert & alia duo de ciuitate Cnido, quæ est vrbis Cariæ & de Erythris siue Erythra vrbe Ioniæ, in quibus duabus ciuitatibus populus Oligarchiam in Democratiam conuertit, nactus maxime Cnidi popularem ducem ex ipsa paucorum factione.

Καὶ κατὰ μέρος.] Locus est insignis ex tractatu de magistratibus, an propinquis vel affinibus duobus aut pluribus vno eodemq; tempore honores aut imperium mandari debeant. *Vtrum pluribus. propin-* *quis vno & eodem tem-* Huic loco nō est dissimilis ille, qui est de magistratibus perpetuandis, de quo explicatum est *lib. 2. supra.* De hoc autem videantur *l. 1. C. de honorib. & munerib. non continuand. & c. res sint mæ-* *l. honor. §. vlt. & penult. ff. de honor. & muner.* Et hoc quidem instituto, vt ne eodem tempore propinqui in senatū asciscantur aut summis fungantur magistratibus, multæ Respub. hodieq; vtuntur, quo tamen veteres Romanos vfos esse non arbitror.

Ἐπὶ τῆς τῶν βασιλίδων ὀλιγαρχίας.] Elices, quæ vrbs est Ioniæ, aliquot familiæ vel gentes fuisse videntur, quæ, quia ex Regio essent sanguine, Basilidarum dicerentur, & in ea vrbe imperium tenuerint Oligarchicum: de quibus Basilidis & *Strabo lib. 14.* genus eos duxisse ab Androclo Codri Regis Atheniensium vltimi filio Coloniarum Ionicarum ab Atheniensibus deductarum apud veteres historicos valde celeberrimum principe & auctore.

T E X T V S.

Mutantur autem & Oligarchiæ ex ipsis etiam propter Demagogorum contentionē. Demagogia autem est duplex: alia quidem inter ipsos paucos: nam etsi pauci fuerint, Demagogus existit, vt & Athenis inter triginta Charicles, Demagogum se gerendo inter triginta viros, magnam potentiam est consecutus; & Phrynichus eodem loco inter quadringentos: vel vbi qui Oligarchiæ sunt

participes, turbæ Demagogos se præbuerint, vt Larissæ Politophylaces populo, quia ab eo crearētur, Demagogos se præbebant: atque in Oligarchijs, in quibus magistratus creantur, non hi, ex quibus sunt magistratus: sed sunt quidam magistratus ex magnis censibus, vel ex factionibus: creantur vero à militibus vel à populo, quod accidit in Abydo, vel quibus in locis iudicia exercentur non ab ijs, quos penes est summa Reipublicę: nam Demagogi Rempublicam ad iudicia transferunt, quod & Heracleæ Ponti accidit.

C O M M E N T A R I I.

- II. *Causa seu occasio mutanda Oligarchia, ab ipsis Oligarchis orta seu intestina.* *Κινῶνται δὲ καὶ αἱ ὀλιγαρχίαι.*] Diximus supra; alteram mutandæ Oligarchiæ causam ex ipsis Oligarchis inter se dissidentibus manare, & quidem multifariam. Hic igitur alius modus siue occasio eius mutationis ab Aristotele exponitur, nimirum Demagogia Oligarchiarum: de Demagogis & Democraticis in commutandis & euertendis Democratiis expositum est *superiore cap. prox.* hic de Oligarchicis Demagogis, quorum duo ait esse genera: nam ex Oligarchis siue paucis alias quidē reliquis paucis & Oligarchis, alias vero multitudini & plebi. Nam fieri interdum solet, vt ex paucis illis vnus aliquis existat, qui reliquis blandiendo tandem omnium fauorem colligat, atq; ita magnas opes & potentiam consequatur, adeoque tyrannidem quandam inuadat. Huius Demagogiæ Oligarchicæ duo exempla ex Republ. Atheniensium affert Aristoteles. Talem fere inter Decemuiros Romanos *Linus alijq; historici* describunt Appium Decemui-
Exempla Atheniensium. rum. Rursus sæpe fit, vt ex paucis vnus aliquis potentix sibi comparandæ causa popularem se præbeat, populiq; fauorem & rumusculos colligat: id, quod Aristoteles in illis ciuitatibus & Rebus publicis ait maxime accidere, in quibus
Exempla Romanorum. ius & potestas magistratuum creandorum sit penes ipsum populum seu plebem, vt in Republica Larissæa & Abydena, velut exempli loco, accidisse commemorat. Idem & Romæ accidisse clarissimum est. Nam tametsi magistratus, honores & imperia primum patriciis tantum siue paucis & Oligarchis

garchis mandarentur, populus tamen mandandorum eorum ius & potestatem solus habebat: hæc enim tria (mandandorum magistratuum, belli indicendi, & sciiscendarum legum ius & potestatem) populum sibi sola reseruasse *Dionys. Halicarnas. & alii* commemorant. Et de his quidem Demagogis popularibus, etsi non de plebe, tamen de Oligarchis & principibus essent, dictum est & *supra cap. 5.* & hic initio de Lygdami Naxiorum Demagogo & posteriùs tyranno; & hîc, ut dixi, exempla Larissæ, Abydi, & Heracleæ quoque Ponti (nam plures eo nomine vrbes fuerunt) exempla commemorantur, de quibus amplius quærendum.

Οἷον ἐν λαρίσση οἱ πολιτοφύλακες.] Diximus & *supra lib. 2. cap. 6.* eos, qui Reipublicæ præessent in vrbe hac Thessaliæ λαξ. celeberrima Larissa, dictos fuisse πολιτοφύλακας, proprio eius Reipublicæ nomine, ut olim Romæ fuerunt fere Dictatores.

Οἷον ἐν τοῖς σπάρτανοις.] Atheniensibus Spartani deuictis triginta tyrannos (sic enim eos postea vocarunt Athenienses) constituerunt. Democratia in Oligarchiam, id est, paucorum, puta horum xxx. imperium commutata: de qua mutatione & Atheniensium calamitate copiose *Plut. in Lysandro Spartanorum duce.*

Καὶ ἐν τοῖς περσικοῖς.] De altera hac in Republica Atheniensi Oligarchia, qua imperium à populo ad quadringētos Oligarchas artibus & consiliis Alcibiadis fuerit translatum. diximus & *supra cap. 4.*

Καὶ ἐν ὅποις ὀλιγαρχίαις.] Hic de altero Demagogorum *Causa Demagogorum* genere, nempe Democratico seu populari, de quo latius *supra*, cuius generis duas potissimum causas hîc exponit *Aristoteles*, magistratuum creandorum & iudiciorum ius & potestatem. Nam quibus, inquit, in Oligarchiis ius creandorum magistratuum non penes ipsos Oligarchas, sed est penes plebem, ut Romæ penes vniuersum populum: his in locis hæc Demagogia exsistere solet, nimirum dum hi paucis petendis & ambiendis magistratibus populi fauorem & auram blanditiis, muneribus, viscerationibus, epulis captare solent; siue magistratus ex certo censu mandetur, ut in plerisque Oligarchiis; siue ex certis familiis aut collegiis & factionibus: cuius generis Oligarchiam Abydi fuisse ait, & hîc, & paulo *infra hoc cap.* Iudiciorum quoque exercendorum

Roma contentiones de iudiciis.

potestas si non penes paucos, quorum in manu alioqui sit Respub. sed penes plebem remaneat: hic quoq; metu iudiciorum plebi adulantur potentes, & tandem Rempublicam ex Oligarchica faciunt Democraticam, popularem, aut tyrannicam; quod Heracleæ Ponti ait accidisse. Sic olim & Romæ maximæ contentiones de iudiciorum potestate exercendorum inter ordines senatorium & equestrem fuerunt: de quibus videantur *Cic. lib. 3. de legib. & in Diuinat. & Liuius extrema fere epitome*; vbi de lege Liuia & lege Cornelia, *Paulus Manut. in lib. de legib. & in Diuinat. Carolus Sigonius in lib. de vet. iur. Rom. de Iudiciis dictum est & supra lib. 4. cap. vlt. & infra quoq; hoc cap. cū dē rē dirigetur.*

TEXTVS.

Præterea vbi paucorum potentiam ad pauciores nonnulli redigerint. Nam qui æquitatē quærunt, populi opem adhibere coguntur.

COMMENTARI.

III. Causa *Ἐν δὲ ὅτῳ.*] Alium exponit hoc loco modum dissensionis seu occasio, nis paucorum inter se, siue aliam causam, nimirum si Oligarchiam ex ipsis Oligarchis aliqui angustiores facere con-
seu occasio, quo euer-
tur Oligar- tur Oligarchia, ab ip-
sis Oligar- sis Oligarchis ortus, seu intesti-
nus. nus.] Alium exponit hoc loco modum dissensionis seu occasio, nis paucorum inter se, siue aliam causam, nimirum si Oligarchiam ex ipsis Oligarchis aliqui angustiores facere con-
tentur, siue paucorum imperium redigere ad paucissimos, reliquis paucorum exclusis; qui reliqui dum paucissimis illis pares se esse student, & peræque atque paucissimi illi ad honores & commoda Reipublicæ admitti; populum socium & adiutorem adhibent: atque ita populus hac mutatione euerso hoc imperio Rempub. ad se conuertit.

TEXTVS.

Exsistūt autem Oligarchiæ mutationes etiam, cum intemperanter viuendo sua consumpserint: hi namque & rebus nouis studere solent, & tyrannidem vel ipsi inuadunt, vel alium impellunt, vt Syracusis Dionysium Hipparinus, & Amphipoliis, cui nomen Cleotimus, Chalcidēsiū colonos adduxit, & adductos eos aduersus locupletes concitauit: in Ægina quoq; is, qui Charetis gessit causam,

sam, pare de causa Rempublicam mutare conatus est. Itaque alias quidem mutare conantur, alias vero publica compilant: vnde seditiones mouēt aduersus eos vel ipsi, vel qui compilantibus se opponunt, quod Apolloniæ Ponti accidit.

COMMENTARI.

Τίγονται δὲ καὶ αἱ μεταβολαί.] Alia mutandæ Oligarchiæ causa, intestina, siue ab ipsis Oligarchis exorians (nam de hac nūc agitur) æris alieni magnitudo, hīc exponitur. Nam sæpe hoc fieri vt pauci, consumpto patrimonio vel alea, vel comestationibus, vel luxuria qualibet, seditiones moueant & coniurationes faciant, atque adeo vel tyrannidem ipsi inuadant, vel alium aliquem impellant; aut certe, omissis motibus & seditionibus, ærarium & publica vectigalia compilent; atque ita lacunam rei familiaris pecunia publica expleant: hæc namque duo mala (vel studium rerum nouarum, vel ærarii, vel publicorum vectigalium compilationem) æs alienum consequi: ex quo etiam posteriore, nimirum compilatione, nihilominus contentiones, seditiones, & motus oriantur, vel ab ipsis compilatoribus inter se dissidentibus, vel ab aliis aduersus hos Demagogos se opponentibus. Vtriusque mali exempla adfert Aristoteles; rerum quidem nouarum studii in Rebus publicis Amphipolitana, Syracusana, & Æginetana; Compilationis, in Apollonia eorum qui fuerunt ad Pontum. Huius autem loci communis de ære alieno & obæratīs illustre exemplum in Catilina habemus, de quo ita *Salustius*; agitur batur, inquit, magis indies magisque, &c. & paulo post de moribus sui seculi; igitur ex diuitiis, inquit, iuuentutem ex luxuria & avaritia, &c. & mox, hæc, inquit, iuuentutem, vbi familiares opes defecerant, ad facinorosa incendebant, &c. qui pulcherrimus est locus: & *Cic. lib. 2. in Catil. de Catilina sodalibus & gregariis*; nemo, inquit, non Romæ, sed non vllō Italiæ in angulo ære alieno oppressus fuit, quem non ad hoc scelus fœderis assumere, &c. & mox; patrimonia sua profuderunt, fortunas suas abligurierunt, res eos iam pridem, fides decipere nuper cœpit: & postea copiose, vbi de sex Catilinæ gregariorum generibus. *Idem Cic. lib. 5. Epist. ad Sestium* iocans, itaque, inquit, me nunc scito

IV. Causa
seu occasio,
seu modus
mutanda
Oligarchia
ab ipsis O-
ligarch. or-
tus seu in-
testinus.

Duo mala
as alienum
comitātia.

Exempla.

tantum habere æris alieni, ut cupiam cōiurare, si quisquam recipiat, &c. Huc quoque pertinent ea, quæ alias attulimus de legibus Agrariis, & de nouis tabulis, & quæ de paupertate, qua impellantur plerique ad malas artes & ad maleficia.

Ὡς περ ἰν' ἑαυτοῦ Διονύσιον.] De his quatuor exemplis amplius quærendum.

T E X T V S.

Oligarchia autem consentiens non facile per se ipsa euerti potest: argumento est Respub. Pharsalica. Illi namque pauci, quia inter se recte vtantur, multorum sunt domini.

C O M M E N T A R I I.

Ὁμοθυμία.] Adhuc docuit Aristoteles, Oligarchias mutari & euerti partim per populum aut plebem, id est, per alios, partim per ipsos Oligarchas, nimirum inter se dissensionibus & discordia, quæ multifariam & multimodis exoritur: quod idem hoc loco à repugnantibus confirmat; eas nimirum Oligarchias esse stables, quæque difficile mutantur aut euertantur, vbi inter Oligarchas seu paucos sit concordia: exemplum affert de Oligarchia Pharsalica; alterum sit nostræ ætatis Veneta & Norica. Nam & his in locis Oligarchiæ vel certe huic non longe absimilis Politicæ (quæ tamen Reipublicæ species in aliis potius imperii ciuitatibus esse videtur) instituta perseuerant.

Ratio à repugnantib.

Exempla.

T E X T V S.

Dissoluuntur autem & cum Oligarchiæ alteram superinduunt: id quod tum accidit, cum tota Reipublicæ administratione penes paucos constituta, non omnes pauci maximorum magistratum sint participes, quod in Elide aliquando accidit. Nam, Respub. penes paucos senes constituta, omnino pauci reddebantur: eo quod essent perpetui, & quidem nonaginta, creatio vero Dynastiæ propria, & similis ei, quæ Senum apud Lacedæmonios.

COM-

C O M M E N T A R I I.

καταλύονται δὲ.] Alius dissoluendæ Oligarchiæ modus, quo nimirum paucorum impetum ad pauciores contrahatur: quem modum *supra* quoque attigisse videtur his verbis, ἐπὶ, ὅταν ἐνίοι, &c. etsi hi duo modi & loca nonnihil inter se differre dicantur. Nam priore ex Oligarchis pauci siue quidam omnem ad se Rempub. eiusque administrationem pertrahunt, reliquis plane exclusis & remotis: hoc vero ex Oligarchis quidam ad se pertrahunt non omnem Rempublic. quidem, sed summos tantum magistratus & imperia: ita ut minores magistratus cum aliis nihilominus communicentur: quod Aristoteles ait in Elide accidisse, ubi summa Reip. penes paucos senes fuerit. Sic enim qui summam Reipublicæ tenerent appellati in ea vrbe fuisse videntur, ut & Lacedæmone. Nam & Lacedæmonia Gerusia, i. senatui, eam Elidensem comparat Aristoteles in modo creandi, quem ait fuisse utrobique δυναστευπὴρ, id est, turbulentum & factiosum, siue Dynastiæ, quæ ex plurimis Oligarchiæ formis est nequissima & deterrima, similem *supra lib. 4.* accommodatum. Iam vero quia hæc Elidensis Gerusia esset perpetua, necessario accidebat, ut multi ex Oligarchis morbo præuenti eum summum magistratum non caperent: & hinc motuum & seditionum initia, quod nimirum duplex quodammodo ibi esset Oligarchia, una equabilior & moderatior, qua multis saltem Oligarchis ad minores magistratus pateret aditus: altera magis factiosa & tyrannica, eaq; quæ dicitur δυναστεία, qua nimirum paucissimis ad magistratus pateat aditus. Ad eundem modum sæpe hoc vsuuenit, ut aliis quoque in Rerumpubl. generibus minores magistratus etiam infimo pateant ordini, iisque qui de plebe, maximi non, nisi principibus & patriciis: ut initio Romæ diu decertatum fuit de consularu, de censura, aliisque maioribus magistratibus, quædere & *supra* nonnihil exposuimus *lib. 4.*

T E X T V S.

Cæterum Oligarchiarum mutatio fit & in bello & in pace; in bello quidem, quia ex diffidentia aduersus populum militibus uti cogantur. Etenim cui præfecturam mandarint, hic sæpe fit tyrannus,

V. *Causa seu occasio, seu modus mutandæ Oligarchiæ intestinus.*
Huius *tertius discrimen.*

Exemplū.

vt Corinthi Timophanes: si sint plures, *δυναστεύει* & hi sibi vendicant. Interdum autem hæc metuentes cum plebe Rempublicam communicant: quia vti ea coguntur. In pace vero propter diffidentiam inter se militibus custodiam committunt, & præfecto veluti arbitro, qui vtriusque partis interdum fit dominus, quod Larissæ accidit principatu Aleuadarum eorum, qui in Samo, & Abydi sub tempora factionum, quarum vna fuit Iphiadæ.

C O M M E N T A R I I.

VI. Causa
seu occasio
seu modus
euertenda
Oligarchia,
intestinus
seu ab ipsis
Oligarchis
ortus.

[*Γίνεται δὲ μεταβολή.*] Alius euertendæ Oligarchiæ modus, *ἀπιστία* siue fides suspecta, & vt ita dicam, diffidentia, hic exponitur: qui quidem modus & pacis & belli tempore vsuuenire solet: in bello quidem ex fide populi suspecta, in pace vero ex fide ipsorum inter se. Nam belli quidem tempore quia populo milite vti non ausint, ne hic vel armatus, vel hac potentia & vsu militari instructus arma tandem non tam in hostes externos, quam in ipsos Oligarchas conuertat, eosque opprimat: hac igitur de causa quia non suo, sed externo milite vti debeant Oligarchæ; hinc fit sæpenumero, vt his militibus præfectus, hac nimirum potentia sub-

1. Exempla. nixus, tyrannidem occupet, si sit vnus; sin plures, vt hi Rem-
 2. Exempla. publicam inter se veluti partiantur & nouam instituant Oli-
 - Ante hoc garchiam, euersa vetere: sic olim de Camillo metuebant
 - quoq. ponat. Romani, quem ea propter in exilium egerunt: sic postea Iu-
 - tur exempla. lius Cæsar tot suis decennio in Gallia exercitatis legionibus
 - Pōpei, Cæ armatus patriæ bellum intulit, eaq; oppressa tyrannidem oc-
 - saris & cupauit vnus: sic paulo post triumviri, M. Antonius, Octa-
 - Crassi, de uianus, & Lepidus Rempublicam Romanam inter se sunt
 - quo Appia. partiti; etsi his præfectura metu populi, aut propter suspe-
 3. Exempla. ctam eius fidem Romæ ab Oligarchis non fuit mandata,
 - Suo an ex- sed ab ipso populo vel ab ipsis occupata. Ex his autem ver-
 - terno milite tis pender & locus ille communis de iure militari, seu de re
 - res gerenda. militari, vtrum suo an externo milite res sint gerendæ, de
- quo & *infra hoc libro*. Pacis vero tempore, quia ab externo hoste non est periculum, à populo nihil metuunt, vt qui, si ab
- externis

externis opibus non impediuntur, satis ipsi populum in officio continere possint. Verum ut belli tempore, id est, in communi periculo Oligarchæ plerumque inter se conspirant (σωάνει γδ, &c. *supra cap. 5.*) ita contra in pace sæpe dissensiones aut suspiciones inter ipsos Oligarchas exoriri solent: quibus controuersis & contentionibus dirimendis, quia ipsi inter se non fidunt, metuuntque, ne ex ipsis tyrannidem vnus inuadat, & opprimat reliquos; externum quærunt præsidium aut etiam domesticum, eaque custodia student cauere, ne quis tyrannidem inuadat: verum sæpe accidere solet, ut huius præsidii & custodiæ præfectus, qui etiam tanquam arbiter honorarius his controuersis & suspicionibus tollendis designatus fuerit, ut hic (inquam) tyrannidi auerendæ constitutus ipse tyrannidem inuadat. Huius rei duo

Exempla.

exempla affert Aristoteles: id namque & Larissæ & Abydi ait accidisse. Sic & Romæ olim sublata fuit Dictatura metu Tyrannidis; & Pompeium nouo more solum gerere consulatum maluerunt adiuncto custodiendæ vrbis præsidio, quam designare Dictatorem, de quo Pompeii Consulatu tertio omnes veteres scriptores, *Plut Cic. &c.*

Καὶ ἄρχοντι μεσιδῶ.] De hoc verbo dictum est in *Ethic. libr. 5.*

Ἐπὶ τῆς τῶν ἀλευάδων] Olim apud Thessalos in principe vrbe Larissa illustris & regia fuit familia Aleuadarum, literatum & doctorum hominum patrona amplissima, quam eo nomine grauiter laudat *Plato initio Menonis*, eiusq; magnam aduersus Simonidem Poetam benignitatem prædicat *Sozomenus in præfat. historia Ecclesiastica*. Quod autem Aristoteles hic ait, τῶν περὶ σάμῳ, non satis intelligo; nisi hoc velit, hos Aleuadas è Samo (puto intelligendum Samothracem) ortos & Larissam vocatos.

Aleuada.

Ἐπὶ τῶν ἐταιρειῶν, ὧν ἑὴ μία ἢ ἰφιαδῶ.] De sodalitatibus & Sodalitibus quidem ipsius huius vrbis Abydæ dictum est & *supra hoc res. cap. ἀλλὰ καὶ αἱ μὲν ἀρχαὶ, &c.* harum autem per vrbes multas Græciæ & Asiæ instituendarum, quia ad Oligarchias sint peropportuna, Lacedæmonios Oligarchiæ studiosos, duce maxime Lysandro Lacedæmonio, auctores esse dicuntur.

Videatur *Plut initio Lysandri* & *Nepos in Lysandro*. Cæterum locus hic de sodalitatibus insignis alibi est explicandus.

TEX.

TEXTVS.

Fiunt autem motus & ex eo, quod alij ab alijs ijs ipsis, qui sunt in Oligarchia, vexentur & tumultuentur in nuptijs & iudicijs: vt ex nuptiali quidem causa prius expositi: & Eretriensem Oligarchiam Equitum Diagoras in matrimonio iniuria affectus dissoluit. Ex iudicum vero iudicio Heracleensis motus exstitit: & Thebanus ex causa adulterij poena sumpta, iuste illa quidem; sed seditione, ab Heracleensib. quidem de Eurytione, Thebanis vero de Archia. Nam tanta contentione aduersus eos vsi sunt inimici, vt in foro ad palum fuerint vincti.

COMMENTARI.

VII. Causa seu occasio, seu modus euertenda Olig. inter-nus seu ab-ipsis Oligarchus ortus. Exemplū. De iniuriis iudicialib. *Γένεσις δὲ πόλεως.*] Alius euertendæ Oligarchiæ modus, Oligarchiarum mutuæ inter ipsos iniuriæ & offensæ vel in matrimonijs vel in iudicijs. De iniurijs matrimonij explicatum est *supra cap. 4.* quarum & hîc vnum præterea exemplum affert, quo docet à Diagora tali iniuria affecto Eretriæ (quæ vrbs est Eubœæ) Oligarchiam paucorum, quam tenerent equites, euersam esse. De iniurijs iudicialibus quædam & *supra* sunt allata *cap. 3. in principio*: vbi tamen non tam de iniuria quam de metu iudiciorum agitur, vt & *supra cap. 5 in princ.* quibus in locis adduximus & motus, qui ex hac iudiciorum causa & Romæ fuerint grauissimi & plurimi, vt videre licet ex legibus illis iudicialiis, Sempronia, Liua, Cornelia & Aurelia: de quibus *Cic. in Diuinat. & Ver- rinis sæpe: & in eum Ascon. Velleius lib. 2. Florus epit. 61. & 75. Tacit. lib. 12. Appian. lib. 1. de bell. ciu.* Hoc autem loco de contumeliosa ratione & executione siue poena iudiciorum & nimis acerba agit Aristoteles, vt si poenam quis meritus, æquo tamen contumeliosius ac acerbius puniatur: cuius rei duo exempla hîc affert Aristoteles. Nam & Heracles Eurytionem, & Thebis Archiam, adulterij conuictos, etsi poenam legibus debitam iustamque essent meriti; tamen quia inusitato more per contumeliam in foro ad palum essent vincti acerbi-

acerbitate & contentione inimicorum: postea coitione facta, oppressis inimicis, Oligarchiam euerterunt.

Ἐπ' αὖ τῇ μισείᾳ.] Ex hoc loco intelligere licet (id quod *Adulterii* latius Iurisconsulti persequuntur *ad tit. de adulteriis*) anti- *pœna.* quissimo tempore apud Græcos & Romanos pœnam adulterii non fuisse capitale.

Ὡς δὲ θάνατος ἐν ἀγορᾷ ἐν τῷ κούφῳ.] De hoc supplicii & ignominie genere, quo palam & in foro ad Numellam aut ad palum astringuntur nocentes, *Cicero in Verrinis*, & *Budæus in Pandectis*.

T E X T V S.

Multæ Oligarchiæ autem ab ijs, qui in Republica indigne ferant, sunt eversæ: ea quoque de causa, quod nimis essent heriles, vt Oligarchia Cnidia & Chia.

C O M M E N T A R I I.

Πολλὰ δὲ κ.] Alius evertendæ Oligarchiæ modus, nimia eius intentio & asperitas. Nam sæpe accidere ait, vt & ex ipsis Oligarchis aliqui grauitè ferant nimium & importunum dominatum (herilem vocat Aristoteles siue plane seruilem:) atque ita Oligarchiam evertant ipsi: quod in Chio & in Cnido accidisse ait. Huc pertinet grauis illa disputatio de Re- *II X. Causa* rumpublicarum nimia vel intentione vel remissione, cam *seu occasio* esse certam illarum pestem & perniciem: de qua *seu modus* *evertenda* *Olig. inte-* *stinus.* *Exempla.* *infra cap. 9.* & dictum quoque *supra lib. 4. cap. 11.*

T E X T V S.

Fiunt autem & ex euentu multæ mutationes tam ex ea, quæ dicitur Respublica, quam ex Oligarchijs, in quibus ex censu & comitia & iudicia aliique magistratus geruntur. Sæpenamque accidere solent, vt census primo definitus, & ad ea tempora accommodatus sit, quo in Oligarchia quidem paucis, in Politia vero medijs ad Rempublicam pateat aditus; vt rebus affluentibus vel propter pacem, vel aliam quampiam felicitatem eadem

dem possessiones precio multis partibus maiore æstimentur, adeo ut omnibus ad omnia pateat aditus: quæ quidem mutatio alias quidem fiat paulatim & occulte, & velut alluvione quadam; alias vero citius.

C O M M E N T A R I I.

**IX. Modus
intestinus
communis
Oligar. &
Politia.**

Ratio.

Remedium.

Γίγνεται δὲ καὶ διὰ συμπλάμματος.] Insignis hic est mutandarum non tantum Oligarchiarum, sed eius quoque Reipub. quæ communi nomine Politia seu Respub. dicitur, communis modus & causa, census mutatio: quem modum vocat ex euentu seu fortuitum, cum priores plæriq; omnes sint ex consilio, & deliberati: sic & *supra cap. 3.* ubi de partibus & ordinibus ciuitatum, casu interdum fieri docet, ut vnus ab altero multitudine superetur. Cur autem modus hic Oligarchiæ non sit proprius, sed Politia quoq; communis, hæc est causa: quia in vtroque Reipublicæ genere habeatur census ratio, ut *supra explicatum lib. 4.* Cuius census in aliis Reipublicæ generibus regno, optimatum, populi, notum est nullam haberi rationem. Itaq; si census initio definitus, siue diuitiarum modus Reipublicæ constituendæ accommodatus, posterius mutetur, quandoquidem ex hoc modo, tanquam forma, Respublica cohereat; mirum non est, ipsam quoque Rempubl. eius mutatione veluti interire & mutari. verbi gratia, in Oligarchiis census ita definiri solet, ut pauci ad Rempubl. & honores admittantur, magnus nimirum pro discrimine Oligarchiarum: in Politia minor census constitui solet, hoc nimirum consilio ut plures, puta medii, id est, qui mediocres saltem facultates habent, ad Rempubl. admittantur; soli excludantur tenuissimi & viliores. Iam vero sic temperata vel Oligarchia vel Politia, si ciuium & priuatorum diuitiæ posterius augeantur, adeo ut, qui primo propter tenuitatem ad Rempubl. non admittebantur, iam ditiores facti censum siue eius modum legibus primo definitum natii fuerint: efficitur profecto, ut, omnibus iam propter censum reſerato ad Rempubl. aditu, ex Oligarchia vel Politia exoriatur Democrazia. Huic autem vitio, & aliis plærisque supra explicatis, quemadmodum à prudente & sapiente Politico

litico occurri debeat, præclare explicatur *infra ab Arist. c. 8.*

πρὸς δὲ τὴν ἀλγὴν τοῦ, &c.

Βελαδούουσι καὶ διαίζουσι.] Attingit siue perstringit tres illas omnium Rerumpub partes, quæ Senatu, Magistratibus, Iudiciis continentur: de quibus *supra lib. 4. cap. 14.*

Εὐεμερίας γιγνόμενης.] Adiungit siue interponit hîc Ari- *Diuitiarū*
stoteles modum, quo diuitiæ interdum amplificentur, ci- *amplifican-*
uesque fiant ditiores, nimirum, pacem, inquit, vel aliam ali- *darum mo-*
quam *εὐτυχίαν*, puta victoriam aut imperii prolationem, aut *di aliquot.*
noua reperta metalla auri, argenti, &c. aut institut. onem no-
ui mercatus, &c. quibus magna rerum affluentia & prosperi-
tas (quam Græci eleganter *εὐεμερίαν* & *εὐτηρίαν* vocant) *Rerum ve-*
magnæq; diuitiæ consequantur & veluti redundant. Verum *naliū ma-*
memorable est, quod adiungit Aristoteles, rerum hac af- *ximeq; pos-*
fluentia & prosperitate rerum ipsarum promercialium & in *sessionū ca-*
primis possessionum pretia augeri & amplificari. Huius rei *ritas repen-*
causa esse videtur; quod, pecuniæ magna copia, ciues non *tinās hāsce*
magnopere curent aut laborent res & possessiones magno *diuitias co-*
comparare. Deinde, quia tum luxus & luxuria, eiq; cognata *mitatur.*
vitia subnascantur nullum sumptus & impensarum modum *1. Ratio.*
curent aut ferant. Exempli huius rei illustria cum alia alia *2. Ratio.*
rum ætatum sunt multa, tū duo inprimis obseruanda. Nam *1. Exempl.*
olim Romæ deuicto Antiocho, & Asia, duce Scipione Asia-
tico, eiusq; fratre Africano, cum diuitiis ex Asia & rerū pre-
tia maiora & magna luxuria esse cœpit. Nostra item ætate, *2. Exempl.*
vel potius parentum nostrorum, ex nouo orbe, per Hispanos
reperito in hunc nostrum importata incredibilis & inex-
hausta vis auri magnam rerum omnium caritatem & intol-
lerabilem attulit luxuriam.

Ἐκ πρὸς αἰγῶν.] Elegans dicendi genus veteribus vsita- *ἐκ πρὸς αἰ-*
tum, quod idem valet, quod sensim, pedetentim. Eo vitur *γῶν.*
& *infra cap. 8. ἀλλὰ ἐκ πρὸς αἰγῶν, &c.* de eo *ἐκ Budæus in*
comment.

T E X T V S.

Omnino autem & Democratia & Oligarchia mutantur interdum non in contrarias Respubl. sed in eas, quæ in eodem sunt genere; vt ex Democratiis & Oligarchiis, in quibus leges domi-
nantur,

nantur, in eas, quæ suo arbitratu omnia administrant; & ex his in illas.

C O M M E N T A R I I.

In quas Res- "Ολως δὲ καὶ αἱ.] Expositis adhuc duarum Rerumpub. De-
publ. mutē- mocratiæ & Oligarchiæ, mutandarum causis, separatim ad-
tur Democ. iungit hîc Aristoteles clausulam vtrique Reipubl. commu-
Ο. Oligar- nem, qua breuiter complectitur, quas in Respublic. vtraque
chia. conuertatur. Nam grauis & magna hæc est quæstio de mu-
tatione Rerumpublicarum, non tantum quibus ea ex causis
fiat, qua de quidem his iam capitibus potissimum agitur: sed
hæc quoque, quam in Rempub. hæc vel illa mutetur, vt an
Democratia in Monarchiam vel Oligarchiam, &c. de qua
quæstione satis diligenter infra explicatur *cap. ult.* & hoc
quidem commune præceptum & peruulgatum hac in re ad-
ferri solet, Respublicas plærunque in contrarias conuerti &
mutari, *vt in eo cap. ult.* cuiusmodi generis sunt Oligarchia
& Democratia; pauci namque multis repugnant. Hinc igitur
de his duabus Rebuspubl. de quibus hætenus explica-
tum, efficitur & concluditur, Democratiam fere in Oligar-
chiam, & hanc in illam conuerti. Verum hoc loco Aristotel.
præceptum hoc monet non esse perpetuum: sæpe namque
vsuuenire, vt hæ duæ non in contrarias conuertantur, sed in
sui generis Respublicas, vt Democratia in Democratiam,
Oligarchia in Oligarchiam. Cum enim iam notum sit ex
lib. 4. vtriusque esse plura genera, & maxime duo, quorum
vnum sit, in quo leges præsent, alterum, in quo non leges,
sed in Democratia multi, in Oligarchia pauci suo omnia ar-
bitratu & libidine administrant (vocat eos eleganter ἐνόμους
πολιτείας:) fieri solet vt legibus administrata Democratia
conuertatur in Democratiam populi arbitrio administratâ,
& contra, vt & supra monuit *cap. 5. in fin.* μεταβάλλουσι δὲ καὶ ὀ-
λιγαρχίας, &c. eadem est & Oligarchiæ ratio.

*Axioma
seu regula
Politica de
mutatione
Rerumpub.
Exceptio.*

C A P V T V I I.

EXPLICANTVR hoc capite causæ aliquot mutandæ
& euertendæ Aristocratiæ & huic affinis Politicæ, siue
communi nomine Reipublicæ.

T E X T V S.

In Aristocratiis vero seditiones existunt, aliæ
quidem

quidem ex eo, quod pauci honorum sint participes; quare expositum est & Oligarchias permoveri. Nam & Aristocratia est quasi Oligarchia: siquidem in utraque pauci sunt, qui præsunt: etsi non eadem ratione pauci.

COMMENTARI.

Ἐν δὲ ταῖς ἀριστοκρατίαις.] Causam evertendæ & mutandæ I. Causa seu Aristocratia: principio exponit in honoribus, de qua causa *modus evert* iam sæpe exposuit; Primo communiter, deinde separatim *tenda Ari-* cap. priore, ubi de Oligarchia. Nam communiter quidem *stocratia.* docuit in omnibus fere Rebus publicis de honoribus con- *Honores* tentiones exsistere. In Oligarchiis vero, quia pauci honores *causa mo-* & magistratus capiant, reliquos ab honoribus remotos se- *tuum in o-* ditiones mouere solitos, ut *supra explicatum cap. 6 initio,* *mnibus Re-* *ὅτε μὲν ὁ δὲ αὐτῶν τῶν ἀρίστων,* &c. Quemadmodum igitur hanc *bussu. Oli-* de honoribus & magistratibus communicandis contentio- *garchiis &* nem de Oligarchiis supra docuit: ita & hoc loco de Aristocra- *Aristocra-* cratiis initio monet eandem hanc esse pestem & perniciem, *tiis.* sumpto argumento velut à genere ad speciem, quod nimirum *Ratio.* Aristocratia sit Oligarchia: velut species quædam, sit *Similitudo* quodammodo Oligarchia; recte quidem quodammodo, *& dissimi-* quatenus nimirum qui præsunt Reipublicæ, utrobique sunt *litudo Ari-* pauci. Nam quatenus hi pauci non eodem modo sunt affe- *stocratia &* cti, ut quia in Oligarchiis genere vel diuitiis præditi, in Ari- *Oligarchia.* stocratia virtute: Si igitur quantitatem spectes, Aristocratia species quædam erit Oligarchia, si qualitatem, non item. sic enim & Aristoteles hæc verba qualitatis & quantitatis hac in re posuit *supra lib. 3. vel 4.* Et de hac Aristocratia & & Oligarchia, quo ad quantitatem, similitudine siue affinitate aliis quoque in locis memoratur. Qua similitudine multi *Error quo-* imprudenter falsi eam, quæ vere est Oligarchia, sæpe solent *rundam A-* vocare Aristocratiam, ut Rempublicam Venetorum & No- *ristocracias* *nomnanti-* *um, quæ re-* *uera sunt,* *Oligarchia.* *rica* *Contarenus & alii.*

Ἐν δὲ ταῖς ἀριστοκρατίαις.] Quod hinc dicitur, Aristocratiam videri esse Oligarchiam, quia modo commodiore loco fuerat expositum; ea re hæc clausula mihi superuacanea videtur: etsi in omnibus editionibus, etiam in veteri translatione repetitur.

TEXTVS.

Hoc autem maxime necesse est accidere, vbi multi sint animo elati, vt virtute pares, quales Lacedæmone, qui dicebantur Parthienæ: erant namque ex paribus, quos vbi infidiatos sibi compererunt, Tarentum ablegarunt in coloniam. Vel vbi ignominiose habentur aliqui viri, alioqui magni & nemine virtute inferiores, à quibusdam, qui maiore sunt in honore, vt Lyfander à Regibus; vel vbi quis fortitudine præstans honorum non sit particeps; vt Cniado, qui, Rege Agefilao, coniurationem aduersus Spartanos fecerat.

COMMENTARIJ.

- Μάλιστα δὲ.*] Ad causam de honoribus hæc omnia pertinent. Nam docet his Aristoteles, varie accidere motus & seditiones ex honoribus in Aristocratiis. Nam primo quidem Respubl. à paucis optimatibus obtineri, & ab iis solis administrari: sæpenumero id accidere, vt reliqui indignentur & ægre ferant, non hi tantum, qui magno sint animo & gloriæ cupidi; sed alii quoque de plebe, & parui atque angusti animi homines, nullaq; virtute præditi; quibus hoc tantum sit ægre, paucos omnia administrare. Et huc pertinent ea, quæ paulo supra sunt allata. Iam vero adiungit Aristoteles alios modos, quibus seditiones & motus Aristocratici facilius exoriantur ex honoribus, nimirum per eos, qui vel magno sint animo præditi, vel fortes videantur, vel si qui virtute pares & magni viri à potentioribus minus digne & honeste tractentur; siue hi sint multi, siue vnus aliquis. Nam hi, quia aut virtute sint pares, aut certe magnos gerant spiritus, magnique sint animi; & proinde se aliis velut pares iisdem quoque honoribus dignos censeant, & peræque digne & honorifice habendos: hinc motus & seditiones aduersus optimates concitare solent. Nam & *supra* iteratum est aliquoties, *maxime initio huius libri*, hanc paritatis siue æqualitatis persuasionem omnium fere motuum esse fontem & causam. Exempla affert Aristoteles de Republica Spartana, quam optimatum
- 1. Rat. qua ob honores mouetur seditiones in Aristocratiis.*
- 2. Ratio seu modus.*
- Ratio.*
- Exemplū.*

matum imperio administratam fuisse plarique dicerent, nimirum triginta : etsi Aristoteles eam varie mixtam & temperatam fuisse ostendit *supra lib. 2.* & primum quidem de multis, postea de singulis. Nam Lacedæmone olim Parthenias, cum se reliquis ciuibus pares putarent, & ab iis tamen velut spurii & nothi contemptim haberentur, tandem coniuratos consilium cepisse de senatu & optimatibus trucidandis, qua coniuratione Helotarum indicio quorundam consociorum senatus cognita, non armis Parthenias opprimendos putavit, sed persuasos alio migrare compulit, qui duce Phalanto in magnam Græciam seu extremam Italię Regionem profecti urbem Tarentum occuparunt. De his Parthenijs, & cur ita dicerentur (quia ex virginibus tantum essent editi incerto & permixto concubitu) copiose *Strabo lib. 6. ex Ephoro, Trog. li. 3. Pausan. in Phocicis, & Lactan. lib. 1. cap. 20.* Et hoc quidem est exemplum, quod multi aduersus Aristocratiam seditiones moueant : reliqua duo sunt de singulis, eaque etiam inter se dissimilia, & dissimili ex causa. Nam interdum accidere docet, ut viri aliqui virtute & dignitate præstantes, unus aut alter, aut pauci grauitè ferentes, se, quibus virtute sint pares, ab iis contemptim haberi, & ignominiose tractari, res nouas aduersus Rempub. moliantur, quod Lacedæmone quoq; suscepisse ait Lylandrum : qui cum rei militaris gloria nemini facile cederet, quia tamen Reges (erant semper Lacedæmone bini, iiq; ex familiis certis) maiore in honore esse cerneret, consilium cepit de Regno tollendo, aut certe cum aliis quoque familiis communicando. Verum coniurationis hac de causa & fœderis cum Persis facti conuictus capite pœnas luit : quod commemorant *Cor. Nepos, & Plut. in Lyandro, & Diodorus Siculus late lib. 12.* Interdum vero accidere solet, ut unus quoque aliquis non tam virtute & dignitate, quam audacia & robore præstans seditiones moueat, qui hac re fretus & superbus grauitè ferat, se honorum esse expertem : cuius generis Lacedæmone quoque fuit Cinado, alter velut Catilina & Spartacus, qui tamen minore cum contumelia, quam Catilina, fuerit oppressus : de quo *Xenophon lib. 3. rer. Græcar.*

Παρθενίας.

3. Ratio seu
modus.

Exemplū.

4. Ratio seu
modus.

Exemplū.

αὐτοκρατορία.

Ἀνδράδης.] Valet hoc verbum idem, quod Latine magni & alti animi, quo & *lib. 2. Rhetor.* vitur, vbi ditiores plarumque ait esse φιλοπρωτέρως καὶ αὐτοκρατορέως.

Præterea vbi alij quidem nimis sint pauperes, hi vero nimis diuites: atque in bellis hoc maxime accidit & fit: accidit aut hoc & Lacedæmone bello Messeniaco; quod ex Tyrtæi poemate, quod Eunomia dicitur, perspicuum est. Nam bello quidam attriti (afflicti) flagitabant agrorum diuisionem.

COMMENTARI.

- III. Modus *Ἐν ὅτῳ μὲν.*] Alius tertiusque modus euertendæ Aristocratiæ, ex nimia vel paupertate vel diuitiis, hîc exponitur; nempe si ex optimatibus aliqui ad summas rei familiaris angustias redigantur, reliquis bonis ad paucos deuolutis. Nam Nimia paupertas vel diuitia. & quos agros soli possideant diuites, secum petant communicari, atque ita agros rursus æquabiliter diuidi: quod Græci vocant ἀνάδασον ποιεῖν, vel χωρεῖν, vel ἰσοῖαν; petant, inquam, bona æquari; quod fit partim tabulis nouis, partim agris æquabiliter diuidendis. Quare & *Liuius lib. 32. in fi.* vbi de Nabide Lacedæmoniorum tyranno; concione, inquit, conuocata rationem promulgarunt, vnam de tabulis nouis, alteram de agro viritim diuidendo, duas faces nouantibus res, ad plebem in optimates accendendam. *Et Iustin. lib. 16.* vbi de Heraclea vix Pontis, & plebis in ea aduersus senatū dissensionibus; passi, inquit, sunt inter plurima mala etiam tyrannidem. Siquidem tum plebs & nouas tabulas & agrorum diuisionem diuitum impotenter efflagitaret, &c. Siue igitur ex optimatibus ipsis aliqui siue plebs ad summā paupertatem reciderit: motus inde aduersus optimates reliquos ditiores excitari solent. Sic & *supra cap. 5.* ex hac quoq; causa docuit Oligarchias euerti, inquiens, ἡ τῆς ἰσοῖας, & *infra cap. prox. fere in fi.* δὲ δὲ ἐν μὲν τῆς δημοκρατίας, &c. Exemplum huius rei siue causæ affert Aristoteles ex Repub. Spartana, vbi motus tempore belli Messenici hîc, id est, ob nimiam quorundam paupertatem fuerint exorti. Alterum *ex Iustino* de Heraclea modo attulimus: In Republica Romana de tabulis nouis & agris diuidendis sæpissime actum est, & multi fuerunt motus.

Καὶ μάλιστα ἐν τοῖς πολέμοις.] Affert causam paupertatis, *Bellū causa*
bellum, id est, multos ad paupertatem redigi, quod relicta *huius pau-*
rei familiaris cura in expeditionibus & bellis pro patria to- *pertatis.*
tam vitam consumpserint.

Συνέβη ἢ καὶ τῷ.] De bonorum inæqualitate apud Lacedæmonios monuit, & ipsum eorum legumscriptorem Lycurgum reprehendit Aristoteles *lib. 2. vbi de Republ. Lacedæmoniorum.*

ὑπὸ τὸν μεσσηνιακὸν πόλεμον.] De hoc bello Messenico *Bellū Mes-*
valde diurno, quod Lacedæmonii aduersus Messenios *senicum.*
susceperant, & in eo gerendo plus quam viginti annos domo abfuerunt, cōmemorant cum alii, tum *Strabo lib. 6. Geograph. & Iustinus lib. 9.*

Ἐκ τῆς τυρταίου.] Ait Tyrtaum facere mentionem in suo *Tyrtaus.*
poemate huius inæqualitatis bonorum apud Lacedæmonios. Hic Tyrtaeus ciuis Atheniensis & Dux fuit Lacedæmoniorum in bello hoc Messenico, de quo postea victor carmen seu poema Eunomiae nomine conscripsit, cuius meminit & *Strabo lib. 8.*

T E X T V S.

Præterea si magnus quis sit, quique etiam maior esse possit, vt solus imperio potiatur, vt Pausanias Lacedæmone bello Medico prætor, videtur & Carthagine Hanno.

C O M M E N T A R I I.

Ἐπὶ τῷ πρῶτῳ.] Quartus euertendæ Aristocratiae mo- *IV. Modus.*
dus & causa exponitur, vnius alicuius nimia in ciuitate potentia aut magnitudo, qua ille fretus tyrannidem & imperium solus inuadere possit, si ex optimatibus vnus aliquis talis existat. Nam hi fere, oppressis reliquis optimatibus, tyrannidem affectare consueuerunt. Affert Aristoteles duo exempla Rerumpub. Spartanæ & Carthagenensis. Verum de hoc loco seu causa non Aristocratiae propria, sed reliquarum quoque Rerumpub. communi, nimia vnius vel potentia vel præstantia, libertati Reipublicæ intolerabili, explicatum *supra cap. 3. in princ. vbi de ostracismo.* Quod idem monet Demosth. ἐν τῷ περὶ τῆς παρουσθενείας etiam in Democratia diligenter cauendum, ne quis vnus præter cæteros ex-

cellat, & γάρ ἐστι, &c. nihil, inquit, est, quod peræque sit cauendum, atque hoc, ne quis vnus populo vniuerso maior fiat, vt hoc loco.

2. *Exempl.* Ὡς περ ἐν λακεδαίμονι.] De Pausania Regis Lacedæmonij, qui bellum gerens aduersus Persas, captus tandem luxurie Persica, & ambitione affinitatis Regiæ impulsus, Regi Persarum patriam occulte prodere voluerit, vt eius Regis potentia subnixus pro libidine solus regnaret Lacedæmone, diligenter exponunt *Thucyd. lib. 1. Nepos in Pausania, Diodorus lib. 11. Plut. in Themist. & Aristide & Iustin. lib. 2.*

Medi. Κατὰ τὸν μηδικὸν πόλεμον.] Alibi monuimus, Persas ab Atticis dici Medos, quos & *Latinus Poëta Horat.* sæpe imitatur.

2. *Exempl.* Καὶ ἐν γερουσίᾳ.] De hac Annonis vnus ex Regibus seu Principibus Reipublicæ Carthaginensis affectatione tyrannidis reperi *apud Iustin. lib. 21 & breuiter apud Orosium lib. 4. cap. 6.* Dictum autem *supra lib. 2. & alibi etiam lib. 4.* in his duabus ciuitatibus, Sparta & Carthagine, * accommodata fuisse exempla * fuisse Aristocratiā.

T E X T V S.

Maxime autem dissoluuntur tam Democratia quam Aristocratia iuris in ipsa Republica aberratione. Principium namque, (est) quod non bene sit temperata, in Politia quidem Democratia & Oligarchia, in Aristocratia vero & virtus: maxime vero duæ; duas, inquam, Democratiam & Oligarchiam. Has namque cum Politia temperare conantur, tum multæ, quæ vsurpantur Aristocratia. Nam hoc Aristocratia ab illis, quæ Politia dicuntur, differunt. Quare & ex ipsis hæ quidem minus, illæ vero magis sunt stabiles. Nam quæ ad Oligarchiam magis inclinant, Aristocracias vocant; quæ vero ad multitudinem, Politias: tales igitur alteris sunt stabiliores. Nam quod plus est, idem plus potest: & qui æquale obtinent, magis sunt contenti: qui autem diuitijs affluunt, si ex statu Reipublicæ

primas

primas habeant, iniurijs alios afficere, & omnia ad se rapere solent: ad summam, quocunque Respublica inclinarit, eo transuertuntur, vtrisque suam agentibus partem: vt Politia quidem in Democratiam, Aristocratia vero in Oligarchiam: vel in contraria, vt Aristocratia quidem in Democratiam (tenuiores namque, vt iniuria affecti, in contrarium flectunt,) Politia vero in Oligarchiam: Nam dignitate æquum solum est stabile, & suam quemque retinere. Quod diximus, accidit Thurijs: Nam cum à multo quidem censu crearentur magistratus, Respub. ad minorem censum & plures magistratus est traducta. Cum vero totam regionem Principes contra legem possedissent (nam Politia magis erat Oligarchica, adeo vt possent ad se omnia rapere seu pertrahere:) populus, bello exercitatus, bonis præsidio superior factus est, donec hi agris discederent, qui maiorem partem tenerent. Præterea, quod omnes Respublicæ Aristocraticæ sint Oligarchicæ, eo plus sibi vindicant Principes; vt Lacedæmone ad paucos bona veniunt: & licet Principibus, quicquid velint, facere, & quo cum affinitatem velit contrahere: quare & Locrorum ciuitas ex Dionysij affinitate interijt: quod in Democratia non facile fiat, aut in Aristocratia bene temperata.

C O M M E N T A R I I.

Λύονται δὲ μεγάλα.] Exposuit adhuc Aristoteles Aristoteli. V. *Causa* *cratiæ* proprias aliquot euertendæ modos: hoc loco affert seu *modus*, *alium*, sed Aristocratia & Politia communem, quem vocat *euertenda* *παρέκβασις τῆς δικαίης*, siue aberrationem iuris: qui *modus* Aristocratia & Politia communis, vt intelligatur, res paulo altius est repetenda ex lib. 3. cap. 6. & Politia & 8. lib. 4. cap. 8. & 9. & supra huius lib. cap. 1. quibus in locis, vt nis.

*Ius q̄ quaq̄
Resp. prate-
xit.*

cis, ut summam complectamur, explicatum fuit, ciuitates omnes ius quamque suum prætexere & afferre, quo nixa de principatu & imperio contendat; quod ius triplex fere sit, Libertas, Diuitiæ seu Genus, & Virtus: ex quibus iuris partibus Democratia libertate, Oligarchia diuitiis, virtute nitatur Aristocratia simplex & optima; Politia vero, & tria reliqua Aristocratia genera, quia mixtæ sunt Respublicæ, ut mox dicetur, non vno, sed duobus vel omnibus his iuris generibus nituntur, verbi gratia: Politia libertate siue paupertate & diuitiis, Aristocratia & his duobus & præterea virtute. Nam in Politis & diuitum & pauperum habetur ratio, ita ut Politia ex Democratia & Oligarchia sit mixta & temperata: Sic & Aristocratia (excepta optima, quæ ex sola virtute constat) partim ex populari siue pauperibus & tenuioribus, partim ex diuitibus, partim ex viris bonis conflare solet: quin etiam euentum ait Aristoteles, ut ne in Aristocra- tiis quidem, quarum tamen propria velut nota & vis est vir- tus, tertii eius iuris, puta virtutis, sæpe nulla, sed reliquarum duntaxat iuris partium (libertatis, siue paupertatis, diuitia- rum, aut generis) habeatur ratio, non secus atque in Politis; adeo ut inter Aristocratias vsitatas sua ætate & Politias dif- ferentiam vix fateatur esse aliam, quam quæ in eo, quod ma- gis aut minus (ut vocant Dialectici) est posita, id est, ut ea- dem Respublica, si magis ad Oligarchiam spectet, iam dica- tur Aristocratia; sin propius ad Democratiam, iam dicatur Politia. His ita præmunitis & aliunde repetitis; hîc iam ait Aristoteles harum Rerumpublicarum Politia & Aristocra- tia, interitum & euersionem existere ex peccato siue aber- ratione in iure, siue ex eo, quod ab initio sint non recte mix- tæ & temperatæ. Et hoc est, quod ait, ἀρχὴ γὰρ τὸ μὴ μετρίως εἶναι, &c. quibus verbis iuris peccatum in eo positum esse expo- nit & velut explanat, quod initio earum Rerumpublicarum constituendarum peccatum fuerit in partibus illis iuris bene & prudenter temperandis. Quemadmodum autem hæ duæ Respublic. Politia & Aristocratia, quam optime temperen- tur & misceantur, aut minus recte; explicatum *supra, cap. 7. s. 9. lib. 4. & cap. 12. in fin.* quod autem hîc ait harum Re- rumpub. interitum & euersionem, & contra salutem & diu- rnitatem positam esse in recta ab initio facta temperatione: idem & *sup. huius lib. ca. 1. in pr.* indicat his verbis, δεῖ δὲ μετρίως εἶναι, &c.

Διαφέ-

Διαφέρεσι γδ.] Versiculus hic, propter verbum, τέτρω, quo quid significetur, non satis liquet, satis est obscurus. Præterea verus interpres, nisi codices sint mendosi, legit ταῦτα: ea quoque quæ sequuntur, ἀπὸ τῶν εἶναι, item non satis inter se connecti videntur, & item mox iterari διόπερ ἀσφαλεστέραν. Etsi igitur in verbis propter has causas obscuritas est: tamen sententia totius loci hæc esse videtur, quæ in his duobus capitibus sit posita. Nam primo Aristocracias & Politias ex iisdem quidem olim temperatas, Oligarchia & Democratia, non eundem tamen in modum. Nam alias ex iis ita temperatas, ut propius ad Oligarchiam; alias ita, ut ad Democratiam propius accedant: & has quidem vulgo Politias vocari, illas vero Aristocracias, id quod & *supra lib. 4. cap. 7. extremo §. 8.* explicatum; quare & *infra hoc cap.* Politias has Aristocracias vocat, quasi ambæ sint Politicæ, mixtæ nimirum ex Democratia & Oligarchia: quæ Politicæ est nota, ut *supra cap. 9. lib. 4.* Sed altera Aristocrasia, ea nimirum, quæ ad Oligarchiam accedit (nam Aristocrasia quædam Oligarchia videtur, ut *supra initio huius cap.*) altera non item, quæ Democratia sit similior, Politia tamen communi nomine dicatur. Alterum est, quod huc magis pertinet, de harum interitu Rerum pub Politias his Aristocratiis esse stabiliiores & diuturniores: cuius rei causam hanc affert, quod in altera hac Repub. puta in Politia maior sit tenuiorum multitudo: in altera, puta in Aristocratiis, maior diuitum; quos inter hæc nota est differentia, quod tenuiores, aut certe mediocres, sua sorte contenti pari iure vivere consuerint, cum diuites nacti præterea imperium Reipublicæ impotenter se gerere, omnia sibi rapere, aliis petulanter insultare sint soliti, ut est apud Aristotelem *lib. 2. Rhetor.* Atque huc pertinent, quæ *supra* differuit *lib. 4. cap. 11.* de Politicæ diuturnitate: hanc civitatis formam maxime esse stabilem, & ex cæteris, quo huic sit magis cognata, eo aliam alia esse stabiliorem, ut & Democratias eodem argumento *supra* docuit *cap. 1. huius lib. in fi.* Oligarchiis esse diuturniores. Et hoc est, quod ait, κρείττον γδ τὸ πλεῖον, &c. id est, in Politia, quam in his Aristocratiis, maior est tenuiorum (quos hic vocat τὸ πλεῖον, eo quod eorum semper maximus sit numerus, ut *supra dictum cap. 1. in fin.*) multitudo.

Οἱ γὰρ ἐν ταῖς ἀποδείξαις.] Subindicat Aristoteles, imperia, si

Ratio Aristocratiarum & Politiarum, quas etate Aristotelis ita vocabant.

Politie Aristocratiis tunc usitatae stabiliiores.

Ratio.

De Politia diuturnitate.

opulentiorū & improborū potentia quam nexia. mandentur aut recidant ad homines opulentos & improbos, maiorem his fenestram ad mala facinora suscipienda aperiri, id quod & *supra* monuit *lib. 3.* de egentibus hominibus & imprudentibus, quæ pertinent ad eum locum, quibus hominibus mandanda sint imperia, de quo explicatur *supra lib. 4.* & ad sententiam Platonis, tum demum beatas fore Respubl. si hæc duo, sapientia siue virtus, & potentia siue imperium coniungantur. de qua *Cic. lib. 1. epist. 1. ad Quint. Frat. & Plut. in vita Dionis.*

Regula generalis de mutationibus Rerumpub. *Ὅλως δὲ ἐφ' ὁποτέρων]* Quod modo de duabus Rebusp. Politia & Aristocratia, dictum, eas partim ad Democratiam, partim ad Oligarchiam spectare; eius rei iam vsum huc pertinentem, & quidem communius, affert Aristoteles hoc nimirum proposito principio; omnes Respub. in eam mutari, ad quam inclinent, interdum tamen in contrariam: qua de

Ratio.

re & *supra* nonnihil dictum *cap. 6. in fi.* Cuius rei causam, cur (inquam) in eas, quo inclinarint, commutentur, hanc affert, quod pars ea civitatis, quæ plus habet virum & roboris, omnem Rempublicam tandem ad se trahat, & sola dominari tandem velit, altera plane exclusa; id quod latius explicatur *supra lib. 4. cap. 11.* ubi hoc argumento docuit, cur duo tantum Rerumpub. genera sua ætate fere essent vñitata, Oligarchiæ & Democratiæ: verbi gratia, Politia Democratiæ vicinior in eam tandem degenerare solet, Aristocratia in Oligarchiam; interdum tamen, vt diximus, hæc duæ Respublicæ, Aristocratia & Politia, non in vicinas vel similes, sed in contrarias Respublicas commutari solent; Aristocratia in

Cur Aristocrat. interdum cōvertatur in Democratia. Democratiam, Politia in Oligarchiam. De Aristocratia quidem hanc adiungit rationem, cur ea in contrariam Democratiam commutetur; quod tenuiores ab optimatibus iniuria affecti, non contenti optimates repressisse, totam Rempublicam ad se trahant, tanquam præmium victoriæ, inquit *supra cap. 11. lib. 4.* id quod Romæ accidisse notum est. De

Cur Politia interdum in Oligarchia mutetur. Politia vero, cur ea in contrariam Oligarchiam interdum commutetur, causam subiungit hanc; quod dignitate æquum & sua tenere, solum sit stabile, id est, quod cum duo sint æquitatis genera, numeri alterum, alterum dignitatis, Arithmeticum & Geometricum, de quibus *lib. 5. Ethic. & supra cap. 1. huius lib. & alibi sæpe dictum & lib. 3. c. 6. & 8.* ex his duobus altero, quod est dignitate, melius mutantur ciuitates;

bitates; nimirum si pro meritis, & ratione dignitatis, præmia & honores, commoda, & imperia distribuuntur; quod quia in Politis, iis maxime, quæ propius accedunt ad Democratas, in quibus τὸ ἴσον ἀεὶ ἔμεινεν, siue omnia sunt paria, omnes pari iure, vix reperitur; fit, vt diuites & nobiles hac re indignati, quia non meliore habeantur in loco & iure quam infirmi quique, aut certe ipsis longe deteriores, grauiusque ferant, se non ea, quæ debent, tenere, sed cum aliis ea communicare: hinc fit (inquam) vt aduersus Rempublicam coitione inter se facta, conspirent, atq; ita Politia in Oligarchiam commutetur. Exemplum affert Aristoteles ex Republica Thuriorum, vbi Politia siue Aristocratia in Democratiā fuerit conuersa, ea nimirum occasione, quod cum principes omnia ad se bona pertraxissent, plebs autem bellicis præterea exhausta esset; præsidio, quo suum imperium principes tueri sunt soliti, oppresso, ex æquatis ita bonis & communicatis cum plebe, factum est, vt, cum antea pauci ex maximis censibus ad magistratus admitterentur principes & diuites, postea cum pluribus & plebe magistratus communicarentur: de quo exemplo amplius querendum.

1. Exemplū.

Ἐν Ἀθ. τὸ πρίους.] Quod supra monuit, diuites, si cum diuitiis coniunctum habeant imperium, & Reipublicæ etiam præsent, præterque aliena inuadere, omniaq; sibi sumere & vindicare: id hoc loco docet accidere etiam Aristocratias, non omnibus illis quidem, sed iis, quæ potius sint Politicæ quædam Aristocraticæ, de quibus hic agitur Nam in his quoque præterque fieri, vt qui Reipub. præsent siue principes, auare se gerant, & aliena inuadant propterea quod tales Aristocratias magnam cum Oligarchiis (quarum propria est ea diuitum aduersus tenuiores πλεονεξία) affinitatem habeant; quod & supra initio huius cap. dictum de omnibus Aristocratias; eas esse velut species Oligarchiæ. Huius rei, nimirum πλεονεξίας, id est, auaritiæ & licentiæ eorum, qui Reipublicæ præsent in his Aristocratias, exempla præter illud prius de Thuria Repub. duo hinc adiungit Aristoteles Rerumpubl. Spartanæ & Locrensis. Nam Lacedæmone quia pauci optimates Reipubl. præessent, hac πλεονεξία factum fuit, vt ad eos paucos omnes fortunæ & bona ciuium reciderent, multitudine plane egena, & ditioribus illis seruiente: quod idem & supra in hac Repub. reprehendit

Insolentia magistratum Aristocratias quæq; interdum euerti.

2. Exemplū.

Aristo.

3. Exempla.

Πλεονεξία
hac quibus
rebus meti-
enda.

Cur hac nō
accidant in
Democrat.
& Aristoc-
rat. bene
temperatis.

Aristoteles lib. 2. cap. 7. & Isocrates in Panathenaico, τῶν τε
 δὲ πρὸς πρᾶξαντες, &c. Locrensis autem Respub. ex hac licen-
 tia plane interiit, nimirum ex affinitate cum Dionysio Iu-
 niore Siciliae tyranno inita: hinc namque vxore Locrensi ex
 diuite & nobili familia ducta, eius affinitatis occasione &
 adiumento capto ipsam Rempublicam Locrorum inuasit.
 Inde intelligitur hanc πλεονεξίαν non fortunis tantum & di-
 uitiis, sed aliis quoque rebus metiendam, puta matrimonio
 seu affinitate, & alia qualibet licentia in sumptu, in vestitu.
 Recte autem Aristoteles hæc nec in Democratia nec in Ari-
 stocratia bene temperata accidere ait. Nam de Aristocratia
 quidem satis est perspicuum, ut in qua magna æqualitatis ha-
 beatur ratio, neque vni præter alterum multa liceant: in De-
 mocratia vero etsi magna plebis est licentia, tamen omnes
 ciues volunt esse pari iure, neque temere patiuntur, ut vnus
 vel cum exteris affinitatem contrahat, & velut reginam do-
 mum ducat, vel multorum bona & agros cōtinuet solus: vn-
 de magnæ illæ Romæ initio contentionēs inter optimates
 & plebem exstiterunt.

T E X T V S.

Maxime autem occulte mutant Aristocratia
 exigua illa dissolutione, quod supra dictum vni-
 uerse de omnibus Rebuspublicis, exiguum quoq;
 mutationum esse causam. Nam postquam eorum,
 quæ ad Rempublicam pertinent, aliquid neglexe-
 rint; postea aliud quoque maius mutant facilius,
 donec totum ordinem mutarint: quod in Thu-
 riorum quoque Republica accidit: nam cum lege
 præturæ belli quinquennium esset præscriptum;
 iuniores quidam bellicosi & apud præsidiorum
 multitudinem magna in existimatione exstiterunt,
 qui contemptis ijs, qui Rempublicam admini-
 strarent, & facile se id assequi posse arbitrati, pri-
 mum hanc legem tollere cœperunt, ut ipsis liceret
 iisdem perpetuis esse prætoribus, cernentes ple-
 bem ipsos facile designaturam: Magistratus au-
 tem,

tem, quibus huius rei cura erat mandata, (symbu-
los vocāt) aduersari quidem primo cœperunt ag-
gressi; postea acquieuerunt, existimantes, eos, hac
lege mutata, nihil amplius aduersus reliquā Rem-
publicam tentaturos: cum deinde alijs mutandis
obstistere vellent, nihil egerunt: quin potius tota
Reipublicæ descriptio in eorum, qui rebus nouis
studuerant, dominatum siue Dynastiam transijt.

C O M M E N T A R I I.

Μάλιστα δὲ λαμβάνουσι.] Alius euertendæ Aristocratix mo- *VI. Modus*
dus, quem vocat κατὰ μικρόν, exiguæ rei mutatione: qui mo- *seu causa.*
dus est ille quidem communis, & in omnibus Rebus pub. at-
tente obseruandus & cauendus, eo quod occulto obrepat:
in Aristocratiis tamen euertendis est frequentissimus. Vnum
affert exemplum Aristoteles de Thuriorum Republica, vbi *1. Exempl.*
vnius legis mutatio neglecta paulatim vniuersam Aristocra-
tiam in Oligarchiam & Dynastiam, quæ pessima est Reipu-
blicæ species, conuerit. Aliud exemplum *supra* quoq; attu- *2. Exempl.*
lit *cap. 3.* vbi vocat παρὰ μικρόν, de Republica Ambracen-
sium. vocat alias τὸ μικρόν Aristoteles *infra cap. prox.* vbi do-
cet hunc modum omnium esse periculosissimum, quod, vt *Hic modus*
modo dixi, propter exiguitatem negligatur & velut conte- *omniū peri-*
mnatur initio valet: * quod, vbi paulatim accreuit, cum ini- *culosissimus*
tio facile posset, tandem nullo modo possit opprimi: Simili- *ὁργίως.*
tudinē affert ibidem Aristoteles de fortunis siue bonis, quæ
eadem ratione, id est, exiguo sumptu paulatim ita tota absu-
mantur & pereant. *Polyanius quoq; in libr. de Repub. Macedo-*
num apud Stobaeum lib. 41. de Repub. grauitè monet, hoc *μ-*
κρόν & τὸ ὑλάχιστον, minimum, vt vocat *Cic. & Lucret.* Rebus
publicis esse occasionem interitus, &c. Exemplum huius rei
affert Aristoteles in Republ. Thuriorum, vbi ex vnius insti-
tuti mutatione reliqua paulatim labefactari, donec Respu-
blica in Dynastiam siue deterrimam Oligarchiam mutare-
tur, cœperunt. Præclare igitur Aristoteles *cap. prox.* hunc po- *Cautio.*
stremum Rerumpub. conseruandarum modum commemo-
rat, curam de veteribus institutis & legibus conseruandis, &
ne minimo quidem mutando.

T E X T V S.

De exter-
nis mutan-
darum Re-
rum. cau-
sis.

Omnes autem Respublicæ dissoluuntur alias quidem per se, alias vero extrinsecus, nempe si contraria sit Respublica vel prope, vel longe quidem, sed quæ sit potens; id quod Atheniensibus & Lacedæmoniis accidit. Nam Athenienses quidem Oligarchias, Lacedæmonij vero Democracias vbique dissoluebāt. Mutationes igitur rerum & seditiones, vnde existant, fere explicatum.

C O M M E N T A R I I.

Πᾶσαι αἱ πολιτεῖαι.] Insignis hic est locus de duobus generibus mutationum omnium Rerumpublicarum. Nam causas mutandarum Rerumpublicarum esse duas; aliam intestinam & domesticam, aliam externam: de causis intestinis explicatum hætenus: de externa & aduentitia breuiter hoc loco, & *infra cap. 10. φείγεται δὲ τῶν ἑνῶν, &c. in fi. fere.* Et Ioannes Bodinus in lib. vel methodo historica, pag. 254. & 259. in fi. in editione prima. Externa igitur interitus causa ab externis hostibus, siue vicinis & finitimis, siue remotioribus & longinquis affertur; maxime si exteri & hostes contrario Reipublicæ genere vtantur. Nam alioqui si eodem vtantur, & victores fiant; sæpenumero non Respub. sed magistratus aut personæ, quæ præ sunt, mutari solent. De qua magistratum & personarum mutatione siue translatione dictum & *supra cap. 1.* quo modo multa Regna Assyriorum, Persarum, &c. mutata fuerunt, non quo ad Rempubl. siue Politiam, sed quo ad personam. Verum vbi contrariæ sunt Respubl. inter se vicinæ & infestæ, ibi plærunque accidere solet, vt victrix victæ formam mutet in suam. Contrarias Respub. notum est esse Democratiam & Oligarchiam siue Aristocratiam, quæ Oligarchiæ quasi species est quædam. Et hoc quidem modo olim & Lacedæmonij & Syracusani quia Oligarchia siue Aristocratia ipsi vterentur, deuictorum à se populorum status in Oligarchias quoque commutabant; Athenienses contra, qui Democratia vterentur, in Democracias conuertebant, vt hîc & *infra d. cap. 10. & supra lib. 4. cap. 11. Isocrates in Panathenæico de Atheniensibus confirmat,* quod

quod hic ait Aristoteles, de Lacedæmoniis non item, *ei p. γδ ἡμέτεροι πατέρες*, &c. inquit, maiores enim nostri sociis suadebant, ut eandem, quam ipsi amabant, & empub. sequerentur & constituerent, &c. Lacedæmonii vero instituebant neque suæ neq; aliorum similem, sed decemuiros designabant, &c. etsi hic decemuiratus est Oligarchicus, eaque propter Spartano similis. Nam Spartanos Oligarchia vsos esse *idem* fatetur in *Nicocle*, ubi de Spartanis & Carthaginensibus domi & in pace esse vsos Oligarchia, in bello Monarchia siue Regno vsos ostendit.

C A P V T V I I I.

DE causis mutandarum & euertendarum Rerumpubl. tam communibus, quam propriis, prioribus capitibus sex adhuc est explicatum. Nunc contra de causis conseruandarum Rerumpublicarum tam communibus, quam propriis, explicat Aristoteles his duobus capitibus 8. & 9. perperam distinctis, cum vnum potius caput esse debeat, ut infra intelligetur. Cur autem hæc de causis salutis & incolumitatis, quam ea de causis interitus, sit breuior disputatio, rationem exposuit ipse Aristoteles initio huius capituli, nimirum quod cognitio interitus causis, cognoscantur & facile causæ salutis, ut contrariorum eadem est doctrina & cognitio. Etsi igitur hæc disputatio de causis salutis, ut ex priore interitus nota prætermitti fortasse poterat: tamen, ut quæstio hæc de Rerumpublicarum mutationibus sit plenior & tota absoluat, de integro, & separatim de his quoque causis explicatur; quarum summam si quis faciat, vndecim fere causas communes reperiet, duas præterea Oligarchiæ & Democratiæ proprias, de quibus certe potissimum tota hac disputatione agitur; de Democratia (inquam) & de Oligarchia, & cum his affinitatem habentibus, Politia & Aristocratia. Nam de reliquis duobus Reipublicæ generibus, Regno & Tyrannide separatim, infra explicatur *cap. 10.* de causis interitus, & *cap. 11.* de causis salutis.

*Argument.
Ἐσωτερικὴ
ἀσratio.*

Cur disputatio de causis salutis breuior quàm altera de causis interitus Rerumpubl.

T E X T V S.

De salute autem & communiter & separatim cuiusq; Reipublicæ consequens est explicare. Primum igitur perspicuum est, si ea, quibus euertuntur

tur Respublicæ, tenemus, ea quoque quibus conseruentur, nos tenere: nam contraria contrariorum sunt efficientia: at interitus saluti repugnat.

C O M M E N T A R I I.

Περὶ δὲ σωτηρίας καὶ κτηνῆς.] Quod duo hic ait Aristoteles initio explicandum, iam de causis salutis, & earum notitiam ex causis interitus, *supra initio* expositis petendam, modo in argumento seu præfatione explicauimus.

Contrario-
rum eadem
potestas.

Τῶν δὲ ἐναντίων.] De contrariis & eorum vi ac potestate elegans exstat disputatio huc pertinens, *apud Muretum lib. 8. cap. 7. variarum lectionum*. Nam vulgatum est, contrariorum eandem esse vim & potestatem: quod axioma erudita adhibita distinctione explicat: *de quo & supra d. lib. 5. Ethic.*

T E X T V S.

In Rebuspublicis igitur bene temperatis, ut si quod aliud, maxime videndum, ne quid contra leges fiat, & exiguum maxime cauendum: occulte namq; obrepit detrimentum, quemadmodum facultates paruis sumptibus sæpe iteratis consumuntur. Latet autem detrimentum, eo quod non fiat vniuersum: capitur namque mens ab ipsis tanquam captio est sophistica, si singula exigua, & omnia. Hoc autem est quidem quodammodo: est vero quodammodo non. Totum namq; & omnia non exiguum, sed de exiguis sunt concreta. Vna igitur cautio huic principio est adhibenda.

C O M M E N T A R I I.

I. Ratio cō-
seruandarū
Rerump.

Ratio.

Ἐν μὲν οὖν ταῖς.] Prima conseruandarum Rerumpub. ratio & cautio, in legum & institutorum exquisita obseruatione posita, hic explicatur. Nam diligenter operam esse dandam aut cauendum, ne ex veteribus institutis quicquam mutetur, ne minimum quidem. Nam tametsi vnus fortasse legis aut instituti etiam minimi, paruique momenti, mutatio per se non magnificienda videatur: tamen propter consequentias, ne inde, licet paulatim, mutationes plures obrepant, etiam

Jam initio huic, licet exiguo, occurrendum prudenter mo-
 net Aristoteles; in eoque initio, licet minimo, maximum
 momentum & periculum versari: propterea quod pro- *Appbatio.*
 pter exiguitatem vix cerni possit, nisi à prudentissimo Politi-
 co, quemadmodum *infra lib. 6. cap. 4.* mala, inquit, parua vix
 cernuntur & contemnuntur, aucta magis incurrunt in ocu-
 los: *ut & supra dictum cap. 4. in princ. & cap. 7. in fi.* vbi de
 hoc exiguo. Affert autem hoc loco Aristoteles duas simili- *Similitudo.*
 tudines, vnam à sumptibus rei familiaris, alteram à captione
 sophistica: quibus ostendit partim, quam periculosum sit
 hoc exiguum in legum & institutorum mutationibus, par-
 tim qui fiat, vt non ita attendatur facile, sed occulte obrepat
 & fallat, nisi acutissimos. Nam quemadmodum, inquit, bo- *1. ὁμολογίας.*
 na & fortunæ sæpe vniuersæ exhauriuntur minutis licet sum-
 ptibus, sed sæpe & paulatim iteratis: ita & in patriis institu-
 tis accidere solet, vt sæpe omnia euertantur, id est, tota Res-
 publica mutetur ex singulorum institutorum & legum mu-
 tatione. Iam vero quam difficilis cautio, qua huic malo oc- *2. ὁμολογίας.*
 curratur, exponit & ostendit ducta similitudine à captione
 sophistica, quæ sorites dicitur. Nam vt in sorite à minima
 cauillatione & captione, quæ initio facile admittitur, grada-
 tim tandem ad maximi momenti cauillationem fit progres-
 sus, vbi principium velut admittatur, vt dixi, & velut conte-
 mnatur; factus tandem aceruus & *συνὸς* non item: ita & in
 hac leui initio institutorum mutatione capi & falli nos mo-
 net Aristoteles. Captionem Aristoteles ita conformat; si
 singula sunt parua, ergo & omnia; vt vnum, vt duo, vt tria,
 &c. sunt exigua: ergo & numerus ex iis coaceruatus erit exi-
 guus. Respondet, partim id esse verum, partim falsum. Nam
 quo ad partes, ex quibus totum constat, exiguum quoq; di-
 ci potest: quo ad se, non item. Sic & omnia distribute & ra-
 tione partium dici possunt exigua; collectione, vt loquun-
 tur, non item. Videatur *lex cauillationis, ff. de verb. sign.* Huc
 quoque pertinet locus de legum mutatione, à qua adeo ca-
 uendum seu abstinendum esse monuit *supra Aristoteles cap.*

6. lib. 2. etiam minima, vt consilium putet potius iniu-

sta quædam retineri posse, quam vt muta-
 tionis vel etiam iustæ fiat
 initium.

T E X T V S.

Præterea, quæ capiendi causa aduersus plebem sunt instituta, commentis minime fides habenda est: Reipsa namque refelluntur. Quæ autem Rerum publicarum dicamus commenta, supra explicauimus.

C O M M E N T A R I I.

2. Ratio cō-
seruan. Re-
rum.

Ἐπὶ μὲν.] Altera conseruandis Rebus publicis cautio aduersus Politica sophismata hic exponit, prioris cautionis velut pars quædam. Nam vt prior aduersus exiguum, eiusq; velut captionem & paralogismum, ita & hæc aduersus captiones & fraudes Politicas est comparata: quibus item non aperte & vniuerse, sed occulte & sensim Reipublicæ forma commutetur. De quibus Politicis sophismatis & fraudibus explicatum *supra lib. 3. cap. 13.*

T E X T V S.

Præterea videndum, quasdam non tantum Aristocratias, sed etiam Oligarchias consistere, non quo sint stabiles Respublicæ, sed quia, qui præ sunt magistratibus, commodi putantur, & ijs qui sunt Reipublicæ expertes & ijs, qui sunt participes: ijs quidem, qui non sint participes, iniuria non afficiendo, & cum eorum principibus Republ. communicanda, atque honorum cupidis non afficiendis seu lædendis ignominia, vulgo vero ad quæstum: ad eos vero, qui & participes sint, populariter inter se vtendo. Nam quam populares in multitudine quærunt æquitatem, ea inter pares non solum est iusta, sed etiam utilis. Quare si plures sint Reipublicæ participes, vtilia sunt multa instituta popularia; verbi gratia, sementres esse magistratus, vt pares omnes capere possint. Nam pares sunt iam velut multitudo: quare & inter hos sæpe Demagogi

magogi existunt, vt supra explicatum : Præterea minus ad Dynastias recidunt Oligarchiæ & Aristocratia. Nam qui paruo tempore præfunt magistratui, non tam facile nocere possunt, quam qui longo : siquidem hinc fit, vt in Democratijs & Oligarchijs tyrannides existant : nam in vtraque Republica tyrannidem inuadunt vel maximi, hic quidem Demagogi, illic vero Dynastæ ; vel qui maximis præfunt magistratibus, si longo præfint tempore.

C O M M E N T A R I I.

Ἐν δ' ὁραῖν.] Tertia cautio siue conseruandarum Re- III. Ratio.
rum publ. ratio hic explicatur, posita in vsu siue consuetudine, in facilitate & communitate eorum, qui præfunt, aduersus eos, qui parent, & ipsorum quoq; inter se. Nam etsi difficile est factu, vt, qui magnis præfunt imperiis, non iis abutantur cum tenuiorum iniuria : præclarum tamen id esse & Reipublicæ maxime salutare, confirmat hoc loco Aristoteles exemplo etiam non optime constitutarum Rerum publ. nempe Oligarchiarum ; quas constat esse ex numero vitiosarum, minimeque stabiles ; has tamen, inquit, cernere licet hac cautione diuturniores & stabiliores effici. Exemplum Exemplū.
attulit *supra cap. 6. de Oligarchia Pharsalica*, vbi concordia & magna communitas eorum, qui præessent, inter se fuerit. Nam in Oligarchiis, qui præfunt, operam dare debent, vt faciles se præstent etiam aduersus eos, qui parent, siue quibus Respubl. non communicatur propter tenuiorem censum (hinc enim definiuntur Oligarchiæ) iis, qui altiore sunt ingenio, ignominia non temere afficiendis, reliquis in lucro & re familiari non fraudandis aut vexandis. Illis igitur altioris ingenii & honorum cupidis aditum quoq; ad Rempubl. & honores aperient, multitudini vero quæstu aliquo delinenda viam aperient. Sic enim pars vtraque viuet contenta & quieta, neq; tumultus ad Rempublicam euertendam excitabit. Nam & *supra lib. 2 cap. 5. & infra lib. 6 cap. 4. & hoc cap. extremo. & cap. 11. & supra initio huius lib.* dictum, cum duæ sint res principes, propter quas omnes motus existant, hono-

honores & diuitiæ : illos præstantioribus, diuitias & quaestum multitudini fere esse curæ. Inter se autem, qui Reipublicæ præsunt, summa eos facilitate & comitate vti debere; itaque se gerere, quasi omnes sint pares, populari plane modo. Nam cum omnibus ad Rempubl. pateat aditus, & proinde sint pares; perspicuum est, ius illud, quod maxime Democratiis tribui solet, nimirum ius siue æquitatem Arithmeticam, non Geometricam, inter eos Oligarchas quoque esse debere, & esse maxime salutare. Nam alioqui si ex Oligarchis alius alium opprimere, tanquam potentior, aut contemnere cœperit; hinc motus exsistere solent, quod & *sup. cap. 6.* docuit Aristoteles, motus in Oligarchiis exsistere, non tantum ab iis, qui honorum non sint participes, sed etiam ab ipsis Oligarchis inter se. Quare prudenter hoc loco, quemadmodum vtrique motui sit occurrendum, docet. Ex his quia intelligitur, inter Oligarchas siue paucos æquabile illud ius Democratiæ proprium reperiri; persequitur Aristoteles diligentius hanc Oligarchiæ & Democratiæ cognitionem. Nam primo paucos inter se quandam velut Democratiam constituere: quod idem & *infra lib. 6. cap. 7. in fi.* vulgares Oligarchias esse velut paruas Democrantias, cui rei hoc esse argumento. Primo, quia utrobique æquitati Arithmeticæ, omnes ut sint pari iure, locus sit, ut iam dictum. Deinde, quod utrobique Demagogi exoriantur, non solum in Democratiis, sed etiam in Oligarchiis, ut *supra* explicatur latius *cap. 6.* Quare cum tanta inter has duas Respub. sit affinitas; efficitur primum, quemadmodum in Democratiis populi inter se, ita & in Oligarchiis paucorum inter se debere esse summam comitatem & æquitatem. Deinde efficitur hoc quoque; quæ in Democratiis sunt utilia: eadem Oligarchiis esse salutaria plæraque. Quæ autem Democratiis sunt salutaria & propria, Aristoteles hic vocat *πομπητικὰ* popularia; explicantur *infra lib. 6. cap. 3. 4 & 5.* Ex quibus vnum hoc loco commemorat de tempore magistratuum, qui grauissimus est locus Politicus, an magistratus perpetui, nec ne, esse debeant: de quo & *supra lib. 2. cap. 3. in fi. & cap. 7. Dionys. Halicarnas. lib. 4.* ubi de consulatu instituendo Romano, & *lo. Bodinus methodi historica cap. 6.* Aristoteles multis in locis improbat magistratus perpetuos, his duabus potissimum de causis: tum quia aliis ita præcludatur aditus ad honores; quæ

res

res ambitiosis & honorum cupidis & excellentibus ingeniis
seditionis & motus causam suppeditare solet, vt supra di-
ctum: tum quod insolentiores ita reddantur magistratus
tam propter diuturnum imperium, quam quia rationum
reddendarum sic expertes reddantur & immunes; quæ res
facit, vt sæpe perpetui magistratus tyrannidem inuadant.

2. Ratio.

Cui rei exemplo sit Iul. Cæsar, qui propter propagatum in
Gallia imperium, priuatus postea viuere nescius, Rempubl.
inuasit, vt Cic. sæpe in epistolis ad Attic. & libris Offic. conquie-
ritur, & supra explicatur cap. 6. His igitur duobus grauissi-
mis malis deuicandis aut depellendis tanquam medicinam
& optimum consilium esse putat Aristoteles, si magistratus
sint non perpetui, sed semestres vel annui; nam hac ratione
fieri, vt & omnibus, & qui pari sunt iure, communicentur, vt
exiguo tempore imperii Rempublicam non multum aut fa-
cile lædere, vel occupare possint. Cæterum de magistratus
tempore, quod in Democratiis, sine controuersia, finitum
esse debet, & earum exemplo, in Oligarchiis quoque debere
esse ostendit hic Aristoteles, grauis, vt dixi, est quæstio, reuo-
cata hypothesi ad genus vniuersum, id est, an in omnibus
Rerumpub generibus magistratus perpetui esse debeant; an
in nullis; an denique in quibusdam, de qua videantur, quæ
supra attulimus.

Exemplū.

T E X T V S.

Conseruantur autem Respub. non solum, quia
longe absunt ab ijs, quæ interitum afferunt: sed
interdum &, quia prope: metuentes namque ma-
gis tractant Rempublicam. Quare debent, qui
Reipublicæ curam gerunt, terrores iniicere, vt vi-
gilent &, tanquam nocturnam vigiliam, non de-
serant Reipublicæ custodiam: atque, quod procul,
facere prope.

C O M M E N T A R I I.

Σώζονται δ' αἱ πολιτεῖαι.] Quarta Reipubl. conseruandæ I V. Ratio
cautio, in assidua solitudine & vigilantia posita, hic expli- conseruād.
catur: solitudine, inquam, ex Reipub. periculis interitum Rerumpub.
minantibus & plane impendentibus, qua in re paradoxon
quod-

Ratio.

Stratagemata.

quoddam situm esse videtur, salutem nimirum Rerum publicam esse in eo, quod pericula Reipublicæ impēdeant, cum potius interitus inde afferri aut certe metuendus videatur. Nam eas maxime diuturnas vel incolumes manere dicimus Respublicas, quæ ab periculis quam longissime absint. Verum huius paradoxi, cur (inquam) impendentia pericula salutem afferant Reipublicæ ratio ab Aristotele affertur ista; quod metus hic propinqui & impendentis periculi ciues in Republica curanda & custodienda facit diligentiores & attentiores, & velut erectos ad omnia Reipubl. vitia & morbos studiose scrutandos & excutiendos: longa pace & otio & securitate studium & diligentia remitti solent, eoq; noncurantia & negligentia succrescere paulatim, mala & morbi. Iam vero quia perspicuum est pericula quoq; imminetia & ex iis metum Reipubl. quoq; esse salutarem; adiungit Aristoteles, eos, qui Reipub præ sunt, interdum etiam comminisci velut stratagemate quodā debere pericula licet vana & terrores, quibus nimirum ciues erecti in perpetua velut vigilia stent, & Reipublicæ curam, tanquam excubias nocturnas, nūquam remittant: quam à vigilia militari sumptam similitudinem ad Reipubl. præfectos passim accommodat: qui magistratus plerunque vigilantes & custodes, eorumque ministros canes vocat. Quod autem de vanis his terroribus attentioris vigiliæ causa & curæ excitandæ faciendis in Republica monet Aristoteles; sumptum quoque est à re militari, vbi hoc stratagma sæpe necessarium est. de quo Frontinus lib. 3. stratagematum cap. 12.

T E X T V S.

Præterea Principum contentiones & motus, & danda est opera, vt per leges caueantur; & qui extra seditionem sunt, antequam & ipsos implicent: ita vt primum exoriens malum non vnus cuiusq; sit nosse, sed viri Politici.

C O M M E N T A R I I.

V. Ratio.

Ἐν τοῖς τῶν γυναικῶν.] Quinta Reipublicæ conseruandæ cautio, in concordia Principum ciuium & vitandis eorum motibus posita, explicatur; nimirum hoc Reipubl. maxime fore salutare, si legibus ita sit temperata, vt inter principes

motus

motus & dissensiones quam minime oriantur: quæ (dissensiones & inimicitia) si nihilominus oriantur, ut ijs continuo occurratur, ne ad reliquos ciuitatis ordines & partes omnes permanent: id quod plerumque accidere solere, ut Principum factionibus reliqua multitudo vel studio vel mercede vel furore quodam se adiungant, supra explicauimus *cap. 4.*

Verum quam difficile hoc sit factu, Principum (inquam) dissensionibus statim & ab initio occurrere, priusquam reliqui ciues implicentur, adiungit Aristoteles; non, inquit, cuiusque est id præstare, sed viri Politici & ciuili arte præstantis, nimirum qui etiamnum nascentes seditiones subodoretur, & ijs prudenter salutarem afferat medicinam. Vulgus & Reipublicæ regendæ imperiti exigua mala & morbos cum alios, tum dissensiones Principum, initio vel non vident, vel contemnunt, ut supra dictum, vbi de exiguo vel minimo.

Ex his perspicuum est, hanc cautionem esse velut bimbrem. Nam vel ita legibus temperandam esse Rempubl. ut quam rarissimæ sint Principum dissensiones & motus: vel ijs exortis id agendum, ut continuo hi restinguantur & sedentur: nam, vniuersa ijs implicata ciuitate, difficulter tolli aut sedari possunt. Ex his quoque perspicuum est, non probari Aristoteli Solonis Paradoxon siue legem admirabilem, qua cautum fuit, ut in ciuium seditione omnes seditioni implicarentur, nemo neutrarum esset partium. Pulchre *Plut in libro de præceptis ciuilib.* alia, inquit, apud, alia Reipublicæ est ratio. Nam apud sanitas & bona valetudo de strepitu & murmure in apiarijs faciendo: ciuium & ciuitatum salus & incolumitas de tranquillitate & quiete spectari solet: quo loco & Solonis paradoxon refellit.

*Difficultas
huius ra-
tionis.*

*1. Membra.
2. Membr.*

*Solonis in-
stituti refu-
tatio. Quod
tamen iue-
ri certaque
ratione ful-
cire conatur
Agell. noct.
attic. lib. 2.*

*cap. 12. pag.
1473.*

*Ioh. Bodin.
de Rep. lib.
4. cap. 7. seu
pag. 486.*

T E X T V S.

Ad mutationem autem, quæ fit in censu, Oligarchiæ & Politicæ vitanda, vbi hoc vsuenerit; eodem quidem manente censu, sed maiore libertate; utile erit communis census magnitudinem ad præteritum spectare, in ijs quidem ciuitatibus, quæ quotannis censentur, in maioribus vero tertio aut quinto quoque anno. Et si multis

partibus priore fuerit maior: cum census institueretur Reipublicæ legem ferre, & census vel intendere vel remittere; si maior fuerit iusto hubertas, pro augmento, intendendo; si minor, remittendo, & minore faciendo censu. Nam ni faciant vno quidem modo in Oligarchijs quidem & Politijs; fit, vt hic, id est, in Politijs Oligarchia, illic vero Dynastia exsistat: alio vero modo ex Politia quidem Democratia, ex Oligarchia vero aut Politia aut Democratia.

COMMENTARI.

- VI. Ratio.* Πρὸς δὲ τὴν.] Sexta Reipublicæ conseruandæ ratio seu cautio, in census descriptione & æquabili & recta posita, hic explicatur. Nam cum rerum hubertate & copijs sæpe fiat, vt ciuium bona amplificentur, aut contra calamitatibus minuantur; si census initio descripti ratio manet eadem, vt Rerum publicarum mutatio sequatur, necesse est, nimirum ex bonorum amplificatione, vt ex Oligarchia fiat Democratia vel Politia, & ex Politia Democratia: bonis vero deminutis ex Politia fiat Oligarchia, & ex Oligarchia fiat Dynastia, id est, pessima & deterrima Oligarchia. Cur autem non iisdem, siue mutatis, id est, vel auctis vel deminutis bonis, eodem tamen & non mutato censu veteri, hæc necessario consequatur mutatio; facilis est ratio, & causa est in promptu: quæ exemplo melius cognoscatur & intelligatur. Si igitur,
- Ratio.*
- Exemplū.* verbi gratia, Respubl initio è censu temperata, ita vt nemini ad Reipublicam pateat aditus alij quam qui decem millia aureorum in bonis habeat; & hi primo censcantur ex decem ciuium millibus; siue reperiantur mille aut quingenti potius; postea vero auctis facultatibus ciuium reperiantur tria aut quatuor aut quinque millia ciuium eo censu, aut plarique etiam fere eo censu, vt pauci sint tenuiores: perspicuum est, cum ante paucis ad Reipublicam esset aditus, nunc cum factum esse plurimis, id est, ex paucorum Republica siue Oligarchia bonorum hac amplificatione factam esse vel Politiam vel etiam Democratiam: quod idem eadem ratione in alijs mutationibus, quas modo exposuimus, vsuuenire posse, cui-

se, cuique veterem censum cum præsentem comparanti facile est perspicere. Huic igitur mutationi cautionem hic salutarem affert Aristoteles, nimirum ut auctis facultatibus augeatur & census pro rata: deminutis deminuat & remittatur. Id quod facile factu erit, & bona priora, & censum priorem cum præsentem comparanti viro Politico, maxime in iis ciuitatibus, in quibus census agatur, & bona ciuium censu agendo internoscantur. Censum autem in aliis quidem ciuitatibus, maxime minoribus, quotannis subinde actum fuisse, inquit Aristoteles; in maioribus, tertio quoque anno, vel etiam quinto, siue lustro; quod spacium, lustri (inquam) interuallum in censu agendo secutos esse Romanos, omnibus notum est.

*Cautio.**Census agendi tempora.**Xenophon de Republ. Athen. pag. 407. lib. 22.*

T E X T V S.

Est autem & in Democratia & Oligarchia & Monarchia & omni Republica commune, neminem augere præter modum; sed dare operam potius, ut parui & diuturni honores mandentur, quam statim magni. Nam corrumpuntur: neque cuiusvis est hominis, secundam ferre fortunam: quod si non, ne saltem, ubi vniuersos mandaris, rursus vniuersi & simul adimantur, sed sensim. Atque maxime quidem dare operam, ut ita legibus regantur, ne quis vel ab amicis, vel à diuitijs longe præstet potentia: quod si non, facere, ut vrbe ipsi discedant.

C O M M E N T A R I I.

Κοινὸν δὲ καὶ ἐν ὅλῃς.] Septima cautio non vnius tantum aut duarum Rerum publ. ut prior, propria, sed communis, omnibusque Rebus publicis adhibenda, in æquitate ciuium posita, hic explicatur: quæ bimebris esse videtur; vel in honoribus & magistratibus siue imperiis, vel in priuatis opibus, ut diuitijs, ut amicorum & clientum multitudine, aut contra, posita. Nam conseruandæ Reipublicæ maxime salutarem esse hanc rationem, si ciuium nemo vnus præter cæteros vel honoribus augeatur, vel priuatis opibus; hi namq;

VII. Ratio.

Qq 51

alioqui

alioqui tyrannidem sæpe inuadere solent: quod late expli-

2. *Cautio, in mandandis honoribus adhibenda.* catum *supra cap. 3. & lib. 3. cap. 9.* Itaque quod ad honores, operam Respublica dare debet, ne ad vnum vniuersos & summos deferat, sed potius, vt exiguos & tenues, eosq; diuturnos aut longiores, vt tempore seruetur honoris exiguitas. Nam vni omnes & maximos statim mandare quam sit periculosum, docet Ethica sententia pulcherrima; nimirum difficile esse secundam ferre fortunam: quod quam sit difficile, hinc intelligi potest; quod ambiguum sit, vtrum sit difficilius aduersam, vt vulgo putant, an secundam ferre fortunam: propterea quod fortuna aduersa homines sapere doceat & vigilantes reddat; secunda insolentes, inertes, negligentes & contemptores, vt pulchre *Diodorus Siculus lib. 19.*

1. *Exempl.* *διόπερ' ἐπειτα, &c.* Quare & *Nepos in Timoleonte*, & id, inquit, quod difficilius videbatur, multo sapientius tulit secundam,

2. *Exempl.* quam aduersam fortunam: & contra *in Conone*; accidit huic, quod cæteris mortalibus, vt inconsideratior in secunda, quam in aduersa esset fortuna. de eadem difficultate & *Thucydides lib. 3. πὲρ δὲ πολλὰ, &c.* & *Salustius in Catil.* secundæ res sapientiam, &c. & *Tacit. lib. 9.* fortunam adhuc, &c. & ipse *Aristoteles infra lib. 4. cap. 16. & lib. 2. Rhet.* secunda reddi insolentiores, aduersa æquiores & tranquilliores. Hoc igitur Reipublicæ curandum, ne quem magnis honoribus statim augeat; quod tamen si fecerit, alteram cautionem, velut *ἐπεὶ πολλὰ, &c.* adhibendam *Aristoteles præscribit istam; id est, si ad vnum aliquem Respublica omnes honores statim detulerit, vt hoc igitur curet, ne iidem illi statim adimantur, sed sensim & paulatim; nimirum hoc vult Aristoteles, neminem ciuium statim vel collocandum in summo gradu, vel collocatum esse deiiciendum. Nam hoc magnum in Republica esse vitium monet: & Corn. Nepos in Miltiade, & Demosth. aduersus Aristogit.* vbi pulcherrime locus communis de honorum & magistratuum vel facilitate vel raritate explicatur: vt Athenis Demetrio Phaleræo, ætate Aristotelis extrema, trecentas statuas erexerat populus, quas paulo post vno omnes die deiecit. Hac igitur cautione in honoribus vtendum docet; in reliquis vero opibus & potentia duplicem quoque cautionem exponit. Nam optimum quidem factu esse ait, ita legibus ab initio Rempublicam temperare, ne quis ciuium vnus præter cæteros excellere

2. *Cautio in honoribus mandandis.* igitur Reipublicæ curandum, ne quem magnis honoribus statim augeat; quod tamen si fecerit, alteram cautionem, velut *ἐπεὶ πολλὰ, &c.* adhibendam *Aristoteles præscribit istam; id est, si ad vnum aliquem Respublica omnes honores statim detulerit, vt hoc igitur curet, ne iidem illi statim adimantur, sed sensim & paulatim; nimirum hoc vult Aristoteles, neminem ciuium statim vel collocandum in summo gradu, vel collocatum esse deiiciendum. Nam hoc magnum in Republica esse vitium monet: & Corn. Nepos in Miltiade, & Demosth. aduersus Aristogit.* vbi pulcherrime locus communis de honorum & magistratuum vel facilitate vel

Exemplū. raritate explicatur: vt Athenis Demetrio Phaleræo, ætate Aristotelis extrema, trecentas statuas erexerat populus, quas paulo post vno omnes die deiecit. Hac igitur cautione in honoribus vtendum docet; in reliquis vero opibus & potentia duplicem quoque cautionem exponit. Nam optimum quidem factu esse ait, ita legibus ab initio Rempublicam temperare, ne quis ciuium vnus præter cæteros excellere

1. *Cautio quo ad opes ceteras.*

cellere

tellere & opibus præstare possit; quod tamen si aliter acci- 2. *Cautio.*
 dat, κατὰ δεύτερον πλῆν hanc adhibendam cautionem &
 velut medicinam, vt, si qui tales exstiterint, dimittantur & in
 exilium pellantur; qua posteriore cautione in ostracismis
 Græcos sæpe vfos esse *supra* monuit, & nos explicauimus
lib. 3. cap. 9. & hoc libro cap. 3.

T E X T V S.

Quia autem propter priuatas vitas res nouas
 quærunt: instituendus est magistratus aliquis, qui
 obseruet eos, qui Reipublicæ non viuant accom-
 modate, in Democratia quidem Democratix, in
 Oligarchia vero Oligarchix, itemq; aliarum cui-
 que Rerumpublicarum.

C O M M E N T A R I I.

Ἐπεὶ δὲ καὶ Ἀλγὰς τῆς.] Alia Rerumpublicarum conseruan- IIX. *Ratio.*
 darum cautio, in priuatorum vita & moribus regendis posi-
 ta, hic explicatur, quo pertinere videntur & ea, quæ *infra. cap.*
proximo fere in fin. afferuntur his verbis, μέγιστον ὃ τῶν πάντων
 τῶν εἰρημίων, &c. de ciuium singulorum disciplina & institu-
 tione sua cuique Reipublicæ accommodata. Nam pro Rei-
 publicæ diuersitate disciplinam quoque variare, aliter vt in
 Democratia instituendi sint ciues, aliter in Oligarchia, Mo-
 narchia, &c. Quam rem ibidem monet, etsi vulgo negle-
 ctam, maximi tamen esse momenti ad statum Reipublicæ
 conseruandum incolumem. Videntur tamen his duobus
 locis duæ quoque, licet cognatæ, Rerumpublicarum tuen-
 darum cautiones contineri: illic quidem de disciplina & e-
 ducatione ciuium recte & Reipublicæ congruenter & ac-
 commodate instituendam: hic vero de ciuib; in ea discipli-
 na Reipublicæ conueniente, magistratus cuiusdam cura,
 velut Episcopi, continendis. Cuius generis magistratus Ro-
 mæ erant censores, moribus ciuium regendis præfecti. A-
 thenis in ciuium vitam, mores, & artes in Areopago inqui-
 rebatur. Erat & passim apud Græcos mulierum moribus
 præfectus certus, qui γυναικονόμος dicebatur; de quo & *in-*
fra lib. 6. cap. ult. in fin. Sic & Romæ bellis ciuilibus grauissi-
 me perturbata Repub. C. Cæsar & posterius Augustus mo-
 ribus

Ratio ab e-
xemplis.

ribus præfecti designati fuerunt, ut est *apud Dionem histori-*
cum, in epist. Cic. etiam ad Attic. Quanti autem inter sit, sin-
gulorum in vitam & mores inquiri, neq; permittere, ut alii
luxu & desidia & alea rem familiarem perdant, alii nimio-
pere eam augeant, vel alia vitia in ciuium vitam priuatorum
influant, quod morū hanc mutationem sæpenumero ipsius
Reipublicæ & status mutatio subsequatur; vel ex eo perspi-
cuum, quod optimæ quæque Respub. studiose id cauere sint
solitæ, ne peregrinus luxus vel deprauati mores in ciuita-
tem, vel per mercatores & exteros, vel per ipsorum ciuium
peregrinationem, importarentur: quo nomine *Lysandrum*
Plut. in eius vita reprehendit, qui ea ratione patriam suam
Lacedæmona corruerit, quemadmodum Romam, luxu-
ria Asiatica per milites maxime, & imperatores, id est, belli
duces, maxime Sullam, Lucullum & alios importata, euer-
sam fuisse grauissime conqueruntur *Salustius, Liuius & alii.*
Ex quibus perspicuum est, hanc de moribus præfecto in Re-
publica instituendo valde necessariam & salutarem esse cau-
tionem.

T E X T V S.

Adhibenda quoque est cautio ei ciuitatis par-
ti, quæ præter cæteras floreat iisdem de causis (vel;
Cauendum quoque iisdem de causis, ne qua pars
ciuitatis præter cæteras floreat:) cuius rei medici-
na, res gerendas & magistratus semper contrarijs
partibus committere (contrarios esse dico bonos
multitudini & diuitibus pauperes) operamq; da-
re, vel ut pauperum diuitumque multitudo per-
misceatur, vel pars media augeatur: ea namq; tol-
lit seditiones ex inæqualitate nascentes.

C O M M E N T A R I I.

IX. Ratio.

Καὶ τὸ ἀντιστοῦν δὲ.] Alia cautio, non in vno ciue, non in
priuatorum moribus, ut dux priores, sed in parte seu ordine
aliquo Reipublicæ (ut in plebe, in diuitibus, in nobilibus,
&c.) posita, hic explicatur. Nam *supra cap. 3. & cap. 4.* docuit
Aristoteles, sæpe accidere, ut in Rebuspub. nunc vna pars si-

ue or-

ne ordo floreat, nunc alia floreat vel iaceat, nunc alia: eaque
 re fieri, vt pars ea nimis excellens & reliquis partibus poten-
 tior insolescat, & Reipublicę statum ad se trahat & commu-
 tet; plebs ad Democratiam, nobiles ad Oligarchiam. Huic
 igitur initio hęc occurrendum monet, & operam dandam,
 ne quid tale accadat, ne qua pars præter cæteras excellat; sed
 suo quæque in statu permaneat: iisdem, inquit, de causis, id
 est, nam vt in prioribus duabus cautionibus ex vnus præ-
 potentis insolentia & singulorum deprauatis moribus & pe-
 tulantia siue libidine rerum nouarum studium & Reipubli-
 cæ mutatio metuenda est: ita & ex nimia huius vel illius or-
 dinis potentia siue præstantia, Quemadmodum autem effi-
 ci id possit, ne qua pars præ cæteris efflorescat & augeatur:
 pulchre adiungit & docet Aristoteles tribus expositis viis &
 rationibus: quarum prima hæc est, si magistratus & imperia
 resque gerendæ mandentur contrariis partibus, id est, vt si
 qua pars præter alias augeatur, non huic parti, sed contrariæ
 potius magistratus, Resque pub gerenda committatur. Nam
 alioqui pars augescens, etiam imperiis & magistratibus au-
 cta, maiores continuo opes & potentiam sibi acquirit & re-
 liquas opprimit; quod sæpe accidisse, planum fecimus, *sup.*
cap. 3 & 4. Hac arte & cautione hac ætate Venetos sæpe v-
 sos ferunt, qui infirmiori seu imbecilliori se applicando hoc
 perfecerunt, vt potentioris saltem cursus sistatur: cui poten-
 tiori si se coniunxissent, metuendum fuerat, ne imbecilliore
 à potentiore oppresso illi quoque tandem victoris præpo-
 tentis præda superessent. Sic se inter Hispanos & Gallos ges-
 sisse feruntur. Hæc igitur vna est via & insignis medicina, ei
 initio, nimia (inquam) ordinis aut partis alicuius excellen-
 tiæ, adhibenda. Altera in partium permixtione est posita,
 qua ita partes & ordines permisceantur, vix vt agnosci pos-
 sint, atque ita distincte notari non possint pars aliqua & fa-
 ctio diuitem, & pars tenuiorum: & tollatur discrimen popu-
 larium & optimatum; qua de re ita *Cic. lib. 1. Offic.* omnino
 qui Reipublicæ, inquit, præfuturi sunt, duo Platonis præce-
 pra teneant, &c. Qui autem parti ciuium consulunt, partem
 negligunt; rem perniciosissimam in ciuitatem inducunt, se-
 ditionem atque discordiam; ex quo euenit, vt alii populares,
 &c. diximus & *sup. lib 3 cap. 8 in fin.* Quid ergo, dicet aliquis, *Obiectio.*
 nullum ciuium vel ordinum discrimen in Republica rema-
 nebit?

Ratio.

1. Modus.

Exemplū.

2. Modus.

Solutio.

nebit? Certe manebit primum discrimen inter magistratus & priuatos, deinde inter diuites siue nobiles & alios; ita tamen, vt non sint factiones, & ordines diuitum pauperumq; plane inter se disiuncti & distincti, & velut inter se pugnantes: adeoq; discrimen in singulis potius, quam in certis partibus aut ordinibus appareat. Tertia via & ratio tollendæ

3. Modus.

partium siue ordinum excellentiæ in ordine siue parte mediocrium augendo cernitur. Nam si mediocrium ciuium amplificetur & crescat multitudo, vt reliquis duabus extremis, nempe vel prædiuitum, vel pauperum vel tenuiorum partibus & ordinibus excellat: nullus erit amplius metus vel à plebe vel à diuitum & nobilium factione. Et de hoc quidem medio siue mediocrium ciuium ordine, hunc præter cæteros augeri & florere, quam Reipub. sit salutare, explicatum *sup. lib. 4 cap. 12.* quo pertinet, quod docuit *sup. huius lib. cap. 1. in fin. & cap. 7.* ciuitates ex mediocribus temperatas omnium Rerum publicarum maxime esse diuturnas & stabiles. Cuius rei causam & ibi explicauimus, & hîc adiungit Aristoteles; Nempe quia seditionum & motuum parens siue fons sit inæqualitas, vt supra explicatum *cap. 1. initio*: In mediocrium vero statu maxima ciuium inter se sit æquitas, nec alius alium diuitijs & opibus longe antecellat.

Ratio.

T E X T V S.

In omni autem Republica maximum est, & qua legibus, & qua alia descriptione, ita ea esse temperata, vt magistratus ex ea quæstum facere nequeant; id quod maxime in Oligarchicis est obseruandum. Multitudo namque non tam indigne fert, à magistratibus se arceri (quin potius lætatur, si quis eam suis rebus vacare sinat) quam si putet, magistratus publica depeculari: tum enim vtrumq; dolorem affert, nec honorum esse participem, neque quæstum. Vno autem modo fieri quoque potest, vt Democratia simul sit & Aristocratia, si qui hoc efficiat. Fieri namq; poterit, vt & principes & multitudo obtineat, quæ vtrique velint.

lint. Nam omnibus quidem licere magistratus capere, est popolare : principes vero gerere magistratum, est Aristocraticum. Hoc autem erit, cum ex magistratibus quæstum capere non licebit : tenuiores non volent magistratus gerere, quia nihil inde sit lucri ; sed potius suis rebus vacare : diuites vero, quia nulla publica pecunia egeant, poterunt. Itaque fiet, ut tenuiores quidem, quia suis in rebus versentur, ditescant : principes vero humilibus & contemptis non pareant. Itaque ut publica quidem non compilentur, pecuniæ traditio, omnibus ciuibus præsentibus, fiat ; & exempla rationum per curias & centurias & tribus deponantur. Ut autem sine quæstu magistratus gerantur, honores iis, qui magistratum præclare gesserint, constitui oportet.

C O M M E N T A R I I.

Μέγιστον ἢ ἐν πάσῃ.] Alia Reipublicæ conseruandæ cautio insignis hic exponitur, quam & Aristoteles maximam vocat & velut caput in omni Republica, positam in magistratum abstinencia, hoc est, si Respublica ita sit temperata, ut ex magistratibus & imperiis, qui præsunt, quæstum aut lucrum facere non possint: quod cum in omnibus Rebus publicum maxime in Oligarchiis seruandum esse monet. Hæc enim ratione fieri posse, ut Oligarchia maxime sit stabilis & diuturna, si nullus quæstus ex magistratu capiatur. Nam sic fiet, ut plebs vel potius tenuiores, quibus in Oligarchiis ad magistratus non patet aditus, eos non sint petituri, utpote nullo inde quæstu sperando, cuius plebei & tenuiores fere sunt cupidiores, quam superiorum aut honorum, ut & *sup. dict. lib. 2. cap. 5.* alioqui si quæstuosi sint magistratus ; grauius ferent, utraque se exclusos esse, & honore & quæstu: unde motus postea aduersus diuites & principes exsistere solent. Nam grauissime multitudo ferre solet, ærarium & publicam pecuniam eos, qui magistratibus & Reipublicæ præsunt, deppeculari & in suos vius conuertere. Quod autem ad locupletes

X. Ratio.

Ratio.

pleres & principes, alterum Reipublicæ Oligarchicæ ordinem, pertinet; hi etsi magistratus non erunt quæstuosi, neque ad rem familiarem suam seu se tuendos à Republica, annum aliquod stipendium capient; poterunt nihilominus magistratibus præesse propter copias domesticas & patrimonium locuples. Hi autem ut velint (nam posse, iam docuimus) magistratus, licet non quæstuosos, capere: honores & præmia erunt proponenda, quibus coinuitentur ii, qui in magistratu se bene gesserint, ut primi confessus siue *ἀρετῆς*, statux, coronæ, victus quoque publicus, immunitas vectigalium, ius nobilitatis, certa vestium genera, &c. Nam labores his præmiis & honoribus maxime apud diuites & generosis animis compensari solent, ut eleganter Xenophon imperatorum labores & pericula, quæ sæpe maiora, quam milites, subire cogantur, honore solo leniri. His igitur rationibus effici potest, ut in officio contineantur, neque Rempub. turbent & tenuiores & diuites seu principes. Hic autem insignis locus de magistratuum abstinencia explicatur & à Cic. lib. 2. *Offic.* Caput autem est, inquit, in omni procuratione negotii & muneris publici, ut avaritiæ pellatur etiam minima suspicio, &c. de quo & *supra* nonnihil lib. 2. cap. 10. & Cic. quoque in *Orat. pro lege Manil.* & Corn. Nepos in *Epaminonda*.

Ratio, cur
magistrat⁹
nō quæstu-
si instituen-
di.

Τὸ δὲ μέγιστον ἐν ταῖς.] Hæc cautio de magistratibus non quæstuosis instituendis, cur in Oligarchiis maxime sit adhibenda; rationem ipse Aristoteles reddit; quia in Oligarchiis maxime diuitiarum & paupertatis habeatur ratio: nam censu eam Reipublicæ formam definiri notum est. Quare cum tenuiores in Oligarchiis magistratum capere non possint, & ab omnibus honoribus sint remoti; contra locupletiores magistratus & honores soli capiant, si iidem & quæstus (hec autem sunt duo de quibus maxime certari solet, honos & quæstus, ut *supra* explicatum cap. 2.) illi quidem expertes, hi vero soli sint participes, mirum non erit, facile tum motus exsistere posse; non erit (inquam) ei, qui priorem disputationem generalem de causis motuum explicatam *supra* cap. 3. norit, perspectu difficile: ubi explicatum, graue esse, & honoribus & omni quoque lucro orbari.

Plebei maxime curat

Οὐ γὰρ ἔτις ἀζανακτοῦσιν.] Sæpe hoc iteratur in his libris, plebem aut eos, qui nullo sint in munere, lucrum & diuitias

fias appetere : eos vero, in quibus maior est animus, quos *lucrū: oī za-*
 Aristoteles vocat *καρείετες*, de honoribus contentiones mo- *εἰετες, ho-*
 vere, ut *supra lib. 2. cap. 5. & infra lib. 6. cap. 4.* vbi Aristoteles *nores.*
 idem plane, quod hoc loco, eleganter ostendit, multitudi-
 nem maxime agricolarum & pastorum iucundius sibi ducere,
 suum agere negotium, suisque rebus vacare, quam Reipublicæ aut magistratibus præesse, si (inquit) ex magistratibus non magnus est quæstus. *Exceptio.*

Μοναχῶς δὲ καὶ εὐδαιμονεῖται.] Rarus & insignis est locus de *Genus quod*
 mixto Reipublicæ genere ex populari & optimatum temperatæ : de quibus Reipublicæ generibus, de mixtis (inquam) *dam Reip.*
 quædam allata sunt & *lib. 2. & lib. 3.* Hoc autem loco velut extirpare Aristoteles monet de mixto quodam Reipublicæ genere, ex Democratia (inquam) & Aristocratia *mixtum ex*
 conflata, quemadmodum institui & describi possit. Nam *Democratia & Aristocratia.*
 hac maxime cautione id posse fieri, nempe si omnibus quidem ad magistratus & honores pateat aditus, id quod est popolare; eos tamen capiant & gerant soli optimates & principes, quod est Aristocratia proprium. Soli autem hi ut magistratus capiant & gerant, ex ea cautione efficitur, id est, si ex magistratibus nullus redundet quæstus : tum enim à tenuioribus non expetentur, ut iam est explicatum. Quæ Respublica, in qua optimates & optimi quique pareant præsidi, quin sit egregia & stabilis, non est dubium, & explicat latius *infra Aristoteles lib. 6. cap. 4.*

Ὡστε συμβόησεται.] Ait, tenuiores, si à suis rebus non distrahantur, sed iis solis inseruiant & vacent, ditescere, & ut *infra lib. 6. cap. 4.* si eos in operis nemo impediatur vel spoliet, vel quid detrahat, facile vel ditescere vel saltem non egere: quod tenuiores si assequuntur, præclare secum actum putant, & contenti tranquille agunt. Principes autem si ipsi soli præfint, & si deterioribus parere non debeant (quod generosis animis est grauissimum) & ipsi præclare secum actum existimant. Quæ omnia eo pertinent, ut intelligatur, quam hæc cautio sit salutaris & ad Reipublicæ stabilitatem utilis & necessaria.

Τοῦ μὲν ἐν μὴ κλέπτει.] Consuluit adhuc Aristoteles, vel viam & rationem docuit, qua utrique ordini, plebi seu tenuioribus & principibus Reipublicam gerentibus, consuli possit, magistratibus non quæstuosis: plebi quidem, si in suis *R r* rebus

*Modus ob-
tinēda hu-
ius rationis*

*Ratio, qua
effici possit,
ne quid pu-
blici compi-
letur à ma-
gistratibus.*

*Qua ratio-
ne nobiles
& locuple-
tiores ad
magistra-
tus inuitē-
tur capes-
sendos.*

*Plutarch.
præcep pol.*

rebus nō interpelletur: principibus vero, si ad magistratuum & imperiorum molestias leniendas, præmia quædā nō quæstiosa, sed honesta instituantur. Nunc viam & rationē affert huius cautionis assequendæ, siue qua effici possit hæc cautio, effici (inquā) ut magistratus nō sint quæstiosi, ut, qui iis præ sunt, depeculari & compilare nihil possint, aut publicam pecuniam in suos vsus cōvertere: etsi duas has rationes & vias, alteram qua consulatur principibus, alteram qua consula- tur ærario, Aristoteles hic explicat, hanc quidem prius, il- lam posterius. Viam igitur & rationem qua caueri possit ut ne magistratus sint quæstiosi, vel ne ærarium expiletur à magistratibus, hanc affert. Nam pecuniæ publicæ traditio- nem & rationes, præsentē vniuerso populo & teste, vult fie- ri, earumq; exempla non vno tantum in loco, ut fere vsita- tum est, vnum, sed multa multis in locis, ut in singulis tribu- bus aut curiis deponi & asseruari. Sic enim hacque adhibita diligentia & acceptorum propter præsentiam totius populi, & expensorum propter diligentem custodiam, rationem o- ptiue haberi posse. Quod autem hoc loco, idem & in *Rheto- ricis ad Alex. cap 3.* τὸ δὲ ἕτως αὖ ἡγοῦντο δὲ δόξεν, &c. ut lo- cupletes & nobiles ad magistratus inuitentur, ita commo- distime effici posse docet, si sumptuum, quos in magistratu faciunt, loco honores quidam, tanquam præmia instituan- tur. Cæterum de hoc loco, id est, de magistratuum abstinē- tia & avaritia ac peculatu præclare *Plato lib. 1. de Repub.*

T E X T V S.

Atque in Democratijs quidem temperandum est à ditioribus, non tantum à possessionibus, sed etiam à fructibus publicandis seu diuidendis. id quod in quibusdam Rebus publicis occulte fieri solet: quin præstiterit quoque, etiam volentes ve- tare, munera suscipere sumptuosa & non utilia, ut Choragi, Lampadarchæ, & quæ alia sunt eius ge- neris. In Oligarchia vero tenuiorum magna ratio & cura est habenda; & magistratus, vnde quæstus, ijs tribuendi sunt: & ditiorum si quis contumelio- se insolescat, in hos maiores pœnæ esse debent, quam

quam si illorum ipsorum. Hæreditates quoque non testamento, sed agnatione sunt deferendæ, & ad eundem non plures vna. Sic enim facultates magis erunt æquabiles, & tenuiorum plures fient locupletes. Vtile quoque est tam in Democratia, quam in Oligarchia ijs, qui Reipublicæ minus sunt participes, rerum aliarum aut pares aut potiores partes tribuere: in Democratia quidem locupletibus, in Oligarchia vero tenuioribus: præter maiores Reipublicæ magistratus: hos enim ijs, qui Reipub. sunt participes, vel solis vel plarisque mandare oportet.

C O M M E N T A R I I.

Δεῖ δ' ἐν τῇ ταύτῃ διμμερίᾳ.] Vt prior cautio de duobus potissimum Reipublicæ generibus, Democratia & Oligarchia, ita & iste locus, quo tres præterea cautiones exponuntur, de iisdem differit. Nam primo docet Aristoteles, in his duabus Rebus publ. diligenter cauendum, vt ne pars, quæ præest, alteram, quæ paret, iniuria vel contumelia afficiat; verbi gratia, in Democratia, quia plebs & tenuiores præ sunt, qui plarunq; ditiorum bona appetere & inuolare solent, temperare sibi debent à bonis & possessionibus principum & locupletum; non tantum, inquit, ab ipsis possessionibus occupandis & inter se partiendis, sed etiam à fructibus, redditibus, vectigalibus possessionum. Hoc autem quam sæpe veteres iactitarint in Græcia & Romæ ferendis legibus & agrariis & frumentariis; *supra* explicauimus cap. 5. & Aristoteles hic fieri interdum solitum, sed paulatim & occulte, monet, hoc est, non aperta vi & legibus agrariis, sed oneribus & muneribus publicis imponendis ordini ditiorum, vbi faciendis sumptibus paulatim hi ditiores exhauriantur: quod Athenis vsitatum fuit, vbi ad sustinenda munera publica ciues bona sua inter se permutare cogebantur, etiam inuiti. Atque ita sæpe accidebat, vt ditissimus à tenuiore ad permutationem prouocatus cogeretur vel munus tenuiori impositum suscipere, vel sua illi bona tradere. Et hæc est occulta (de qua hic Aristoteles) bonorum diuidendorum & æquan-

XI. Ratio
sen cautio.
Ne in De-
moc. & O-
lig. qui pa-
rēt iniurio-
se & contu-
meliose tra-
dentur ab
iis, q. Reip.
præ sunt.

Exempla
contraria.
Λαυδάρει,
&c.

Exemplum
Athenien-
sium.

Βυλομύοις
κωλύειν.

Quales sint
λατρυγίαι
δουπανηγάι
μὴ μὴ γρησ
μοι δέ.
Vlpian. ve-
tus inter-
pres.

Aristot.

Cicero.

Caesar.

Isocrates.

Sumptus
in munera
Reipub. ne-
cessaria.

Oligarch.

1. Ratio ple-
bis concili-
anda.

dorum ratio. Sed Aristoteles eam improbat; quā nimirum onerentur ditiores nimio opere. quin etiam putat Aristoteles ne volentibus quidem permittendum esse ditioribus, ut hæc munera publica temere suscipiant, & in ea plærunque omne patrimonium effundant ambitionis potius, quam v-

tilitatis Reipublicæ causa: cuius generis munera sumptuo-
sa Athenis erant Chori seu Theatri, Lampadū, Triremium,
Epularum, Palæstrarum præfecturæ: de quibus & hic Ari-
stoteles, & Vlpianus in Leptinianam Demosth. Ut autem

hoc loco, ita & in alio opere Aristoteles has largitiones &
sumptus in hæc munera popularia reprehendit, teste Cic. lib.

2. Offic. Omnino duo sunt genera largorum, &c. ubi & ipse
epulas, viscerationes, gladiatorum munera, ludos, venatio-

nes, & nimios ædiliū sumptus Romanorum improbat. Sic

de Cæs. scribit Plutarchus, omne illum exhaustisse consum-
psisseque patrimonium muneribus suis ædilitiis. Eandem

munerum insolentiam, luxum & perditos sumptus repre-
hendit & Isoc. in Areopagitico. Prudenter autem & caute hic

Aristoteles non omnium sumptus munerum, sed minus vti-
lium aut necessariorum Reipubl. ut sunt ludi scenici, & A-

thenis lampadū tradendarum, Græce λαμπάδοφορίας, &

Romanorum item ludorum circensium & munerum ædili-
tiorum reprehendit. Nam qui in munera Reipublicæ neces-

saria, ut triremium, vehiculorum, tributorum conferendo-
rum, & alia patrimonii munera (ut vocant Iurisperiti, &

disputant in l. ult. ff. de muner.) in hæc igitur factos sumptus
non improbat hoc loco Aristoteles: quin potius lib. 4. cap. 4.

(quo loco de Reipublicæ partibus siue ordinibus disputat.)
septimo loco commemorat & Reipublicæ necessarium es-

se ostendit cum quoq; ordinem, nempe locupletum, qui suis
possessionibus, earumque fructibus munera Reipublicæ pa-

trimonialia sustinere possit. Et hæc quidem de Democratia,
in qua Repub. licet Domina, plebs in locupletum & princi-

pum bona nō debeat inuadere, eaq; illis eripere aut vi aper-
ta, aut tacite & occulte per sumptus in munera hæc popula-

ria. Contra de Oligarchia, quia hic rerum potiatur pauco-
rum factio, diuitum & nobilium, ut in Democratia diuitum,

ita hic tenuiorum habenda est ratio & cura gerenda: cuius
duas partes hic commemorat Aristoteles. Nam magistratus

cos, ex quibus quæstus aliquis speretur & obueniat, plebi ef-
se man-

temandandos, & hac velut offa seu bolo obiecto placandā; cui plebi cum præter quæstum nil fere sit curæ, præclare se *Approba-* cum agi putabit, si vel quæstuosos, licet infimos, magistra- *tio.* tus capere possit: de quo plebis lucro tantum intentæ & contentæ ingenio & moribus dictum *supra h. cap. & alibi.* deinde maiorem multam vel pœnam constituendam & infligen- *2. Ratio..* dam esse ditiori seu principi tenuiorem iniuria afficienti vel contumeliose tractanti, quam tenuiori, id est, quam si plebei inter se iniuria afficiant alter alterum. Nam hac ratio- *Appbatio,* ne & plebs magis pacabitur & acquiescet in statu Reipublicæ magisque gaudebit, tuta ab insolentia & petulantia atq; iniuriis diuitum ac principum Rempublicam administrantium: & ipsa quoque paucorum factio, Reipub. domina, siue Oligarchi reprimuntur, quorum alioqui magna solet esse aduersus plebem tenuem & infimam multitudinem superbia: Illis, *ut ait Salust. in lugurth.* fere innata, contumeliæ, iniuriæ, &c. quod idem & supra de ingenio & moribus diuitum & nobilium aliquoties exposuimus, *& Aristot lib. 2. Rhet.* Verum hæc sua ætate minus seruari tam in Democratia quam Oligarchia grauitur Aristoteles *infra cap. prox. & lib. 6. cap. 7. in fin.*

Καὶ τὴν κληρονομίαν.] Ex tribus harum Rerumpublicarum *XII. Ratio.* Democratix & Oligarchix propriis cautionibus, de quibus modo, hic exponitur altera; Hæreditates non testamento aut legatis, sed iure cognationis siue agnationis, lege, ab intestato esse deferendas: atque ad vnum eundemque non nisi vnam: bimembris est igitur hæc cautio. Nam priore membro & capite tolluntur testamenta, altero etiam ab intestato restringitur, non tollitur successio: cuius cautionis rationem & causam adiungit Aristoteles istam; quod hæc sit ratio o- *Ratio.* ptima æquandarum facultatum & patrimoniorum: de qua ratione mox. Iam Reipublicæ esse vtilissimum, maxime Democratix & Oligarchix, ciuium facultates & patrimonia quam minimum esse disparia & inæqualia, & contra maxime perniciosum, vnum aliquem vel duos vel opibus vel diuitiis superare cæteros, & diligenter hoc esse cauendum, sæpe iam explicatum *lib. 2. in princ. 4. 5.* vbi de Ostracismo & aliis locis. De testamentis autem (quæ tollit hic Aristoteles, & improbat in Democratiis & Oligarchiis, vt & *supra lib. 2. cap. 7.* reprehendens Lycurgum, qui hanc testamentorum

**De testa-
mentis.**

**Germanor.
prisc. mos.**

Atheniens.
1. Ratio ἀ-
ναγκάσι-
κῆς testamē-
torum.

1. Ratio cō-
traria.

2. Ratio cō-
traria.

2. Ratio ἀ-
ναγκάσι-
κῆς.

**Amplifica-
tio.**

3. Ratio ἀ-
ναγκάσι-
κῆς.

Exemplū.

libertatem suis permiserit, unde posterius magna bonorum
& patrimoniorum ἀνομογλία seu inæqualitas Lacedæmone
fit consecuta) magna semper fuit disputatio, Reipub. ea sint
utilia nec ne. Olim quidem apud plerasque gentes nullum
fuisse testamentorum usum, sed ad liberos & sanguine con-
iunctos hæreditates & bona parentum seu propinquorum
deuolui ac deferri solita, facile doceri potest. Nam non tan-
tum de Germanis id scribit *Tacit. de mor. Germ.* Sed & de A-
theniensibus *Plat. in vita Solonis*. Ratio huius instituti vete-
ris esse videtur, quod iure naturæ & naturali ratione, quam
antiquiores spectare solent, parentum bona non ad extra-
neos, sed ad liberos pertineant, ut ait *Iurisconsult. in l. ult. ff. de bon. dam. & Plato lib. 11. de legib.* Contra testamentorum
inducendorum rationem hanc affert *Cic. lib. 3. de testament.*
affectionem hominum inter se bene merentium & bene me-
reri cupientium. Est & altera testamentorum ratio, eaque
civilis, quod Dominis rerum suarum potestas disponenda-
rum non sit adimenda, hoc est, donandarum, retinendarum,
alienandarum, &c. *l. mandati, C. mand.* Verum his duabus
rationibus inducendorum testamentorum tres aliæ obli-
stunt: primam supra iam attulimus: Altera hæc est, quod qui
testamentum facit, etsi eo tempore est dominus; tamen quia
demum post mortem testamenta vim habent, quo tempore
testator non modo dominus non est, sed ne est quidem: et-
iam civilis ratio suadere videtur, ut nemo testamentum fa-
cere possit: utpote de rebus non suis. Et hæc quoque causa
fuit, cur certa lege Solonia Athenis & XII. Tab. Romæ fue-
rit opus, quæ testamenta confirmaret, *l. verbis, de verb. sign.*
quinetiam hoc tentat *Plato lib. 11. de legib.* Res & bona ne vi-
uentium quidem esse civium & valentium, sed Reipublicæ
potius, ut & de liberis hominibus ait *Iurisconsult. in l. lib. ho-
mo. ff. ad leg. Aquil.* Tertiã rationem item civilem hic &
sup. lib. 2. affert Aristoteles, sed non ita communem, verum
duarum Rerumpublicarum, Democratiæ & Oligarchiæ,
propriam, in quibus duabus disputatio esse solet de pauper-
tate & diuitiis, ut supra explicatum. Hanc igitur affert, quod
testamentorum & legatorum licentiã bonorum & possessio-
num prima constitutio inutetur & tollatur. Nam id Romæ
quam fuerit factitatum, vel vno *Cic.* exemplo cognosci po-
test: qui cum ab Antonio accusaretur, quasi nemini carus,
utpote

utpote cui nemo quicquam in testamento relinqueret, non veritus est dicere *in Philippicis*, se non multa quidem, sed quadraginta tamen milia coronatorum legatis amicorum accepta ferre posse. Atq; ita perspicuum est, hac ratione fieri, ut, qui alioqui initio pauperes sint, summas diuitias consequi possint. Fit quoque, ut ab vna familia diuitiæ transferantur in aliam: quæ duo, hoc est, transferri diuitias, & tenues locupletari, & sæpe vnum aliquem (quod tertium esse potest ex hac licentia incommodum) nimium locupletari, ut Romæ Crassum, Lucullum, &c. quæ sint his duobus Reip. generibus perniciofa; ex eo perspicuum est, quod Oligarchiæ ex vno illo incommodo, quo diximus, vnum sæpe nimias diuitias consequi, in huius præpotentis & prædiutis tyrannidem incidant: translatione autem & communicatione, hoc est, dum tenues locupletantur, Democratia ut in Politias, & dum locupletes seu eorum familiae bonis orbantur, ut Oligarchiæ in Democratas conuertantur. Qua vltima ratione commotus Aristoteles non tantum testamenta tollenda putat, sed etiam ab intestato vetat, ne plures ad vnum hæreditates deferantur.

1. Incommodum.

2. Incommodum.

3. Incommodum.

Ne vni plures hæreditates deferantur.

XIII. Ratio.

Ratio

Error vulgi.

Cautio.

Συμφέρεται δὲ καὶ ἐν δημοκρατία.] III. Cautio duarum Rerum-publicarum propna hic exponitur, qua iubet Aristotel. Reipublicæ gerendæ expertibus paria vel etiam sæpe priores partes & maiora commoda tribui, quam iis, qui Reipublicæ habenas tenent; verbi gratia, in Oligarchia, ut plebi; in Democratia, ut paucis & diuitibus. Hoc enim, velut dolo & astutia ciuili seu captione quadam & sophismate Politico, quia plurimum se honorari iudicabunt, à seditione & commouendo Reipublicæ statu continebuntur. Sic & *inf. cap. prox.* & *supra hoc cap.* monuit Aristoteles, in Oligarchia plebem comiter esse habendam, colendam & obseruandam, siue humaniter tractandam, non vexandam vel opprimendam, etsi vulgo contra fieret: in Democratia vero principes siue diuites & nobiles item humaniter esse tractandos: quia in re vtraque grauitur peccari, id est, ut non solum non amplius tribuatur plebi in Oligarchiis, principibus in Democratiis, sed etiam plerumque vexentur, & iniuriis afficiantur (plebs in Oligarchiis, principes in Democratiis) à contraria populi parte siue ordine, qui Reipublicæ præsit, ut ait & *supra lib. 4. cap. 12. in fin.* Etsi autem in Oligarchiis plebi, in Democratiis

*Magistrat.
Rom maio-
res & mi-
nores qui.*

1. Ratio.

2. Ratio.

multum principibus est tribuendum: nunquam tamen maiores magistratus cum illis sunt communicandi, sed hi iis tantum, qui Reipublicæ præsumt (vt in Democratiis multitudini, in Oligarchiis paucorum factioni nobilium siue diuitum) sunt mandandi & concedendi. Maiores magistratus & minores qui olim essent Romæ, explicat *Agell. in Noct. Att.* ex differentia maiorum auspiciorum: sed auspiciorū extincta vanitate maiores verè sunt & dicuntur, quorum maior & amplior sit maiestas, maius imperium, maior procuratio siue rerum maiorum administratio, vt in quibus Reip. summa est posita, domi & foris, in bello & in pace. Huius generis erant Romæ coss. Prætores, Dictatores, Censores, Imperatores siue Prætores militares, &c. Athenis Thesmothetæ, Areopagitæ, Prætores militares, &c. Argentorati Tredecimviri, Quindecimviri, & in primis Seviri seu Sexviri quos coss. vocant. Cur autem maiores magistratus cum illis non sint communicandi, duplex ratio esse videtur. Prior est, ne illi hac occasione adiuti, & auctoritate ac potestate muniti statum Reip. & formam mutant. Altera est, quod tali communicatione statim ipso iure status ipse inutetur Reipubl. Nam, vt *supra lib. 3 & lib. 4.* explicatum, differentia Rerumpublicarū inter se nota hæc est verissima, principatus siue τὸ πρῶτον Reipublicæ, quod in summis magistratibus, quia iis Reipub. summa continetur, maxime cernitur. Verbi gratia, ea demum est Oligarchia, vbi paucis tantum & ἀλίγῃς δόξῃ, id est, principatus & imperium committitur, iis solis ad Rempublicam pateat aditus, exclusa multitudo: quod contra fit in Democratiis. Iam si in Oligarchiis imperia omnia etiam maiora cum multitudo communicentur, vel in Democratia cum paucis siue diuitibus & nobilibus; non erit profecto iam Oligarchia vel Democratia amplius, sublata illa differentia siue discriminis velut anima & nota: siue potius utrobique erit Democratia, in qua solet omnibus tam tenuioribus quam diuitibus, tam plebeis quam nobilibus & patriciis ad Rempub. esse aditus.

C A P V T I X.

VT multa alia, de quibus alias, ita & hoc caput male & perperam à priore est diuulsum, quod & *supra* monuimus, his duobus capitibus eadem, nempe de cautionibus con-

conseruandarum Rerumpubl. explicari. Induxit alios initium capitis, quod non tam de cautionibus, quam de alia quadam re agit, sed de eo mox. Nam Aristoteles postquam monuerat maiores magistratus non quibuslibet, sed iis tantum, qui Reipublicæ præsunt. (vt plebi in Democratia, paucis in Oligarchia) esse committendos; iis, inquam, solis & iis omnibus aut certe plerisque eorum; quia hoc non satis explicatum videtur, adiungit pulcherrimam obseruationem, qua in maioribus magistratibus cui mandandis & committendis sit vtendum, eo velut parenthesi interiecto & explicato, reliquas Rerumpubl. conseruandarum cautiones persequitur: & hoc est, quod ait; *ἐν πλείοσι*, id est, aut plerisque, quasi dicat, iis quidem solis; sed sæpe non omnibus, vt mox explicat.

ἡ συνεισφορά.

T E X T V S.

Sunt autem tria, quæ in iis, qui maioribus magistratibus sint præfuturi, inesse debeant. Primum quidem studium & amorem erga Rempubl. siue statum Reipub. Deinde munerum & officiorum magistratus facultatem maximam: tertio virtutem & iustitiam in omni Repub. eam, quæ respondeat Reipublicæ. Nam si non idem in omnibus Rebuspub. ius est, iustitiæ quoq; differentias esse necesse est. Sed quæri solet; vbi hæc omnia in eundem non concurrunt, quemadmodum facienda sit distinctio: verbi gratia, si ad præturam quidem militarē quis sit aptus, idem sit improbus & Reipublicæ non amicus: ille vero iustus & amicus, quemadmodum facienda sit distinctio. Atq; duo videntur spectanda; cuius rei maiorem omnes habeant partem, & cuius minorem. Ideoq; in prætura quidem militari vsus magis, quam virtus, erit spectandus. Nam huius minus sunt participes, virtutis vero magis. In custodia vero & quæstura, contra: maiore namque virtute est opus, quam

quantam vulgus habeat: scientia autem communis est omnibus. Quærat autem aliquis; si facultas assit Reipubl. & amor; quorsum virtute sit opus? Nam & per hæc duo ea, quæ requirantur, perficiet: an, quod fere fit, vt, qui hæc duo habeant, sint impotentes: vt quemadmodum ne sibi ipsi quidem seruiunt scientes, & se ipsi amantes; ita & nihil vetet quosdam erga commune esse affectos.

COMMENTARI.

*μαρτυρίας
de virtute
magistra-
tus.*

*Cur magi-
stratus o-
porteat a-
mantes esse
Reipub.*

Exemplū.

Τετρα δὲ πνα.] Insignis est hic locus & perquam rarus de tribus rebus, quibus hi, qui summis magistratibus præsent, instructi & ornati esse debeant: eas Aristoteles ait esse studium siue amorem erga Rempubl. scientiam & vsum, virtutem denique, probitatem & iustitiam formæ Reipubl. congruentem. Cui plane geminus & similis est locus *initio 2. Rhetor. Aristotelis*, vbi tres quoque res esse ait quibus Oratores fidem & authoritatem sibi parent: *φρόνησιν*, prudentiam; *ἀρετὴν*, virtutem; *καὶ εὐνοίαν*, beneuolentiam. *Cic. autem lib 2. Offic.* Fides autem, inquit, vt habeatur, duabus rebus effici potest, si existimabimur adepti coniunctam cum iustitia prudentiam, &c. Cur autem in summis magistratibus hæc tria, vt sint amantes patriæ vel Reipublicæ (vt sint idonei, vt denique sint viri boni & probi) sint necessaria, ratio & causa hæc esse videtur; de studio quidem & beneuolentia siue amore patriæ & Reipub. ista; ne, si sit inimicus vel male affectus, vel noceat Reipublicæ, vel potius euertat; quod summo magistratu & potentia adiuto nō ita factu esset difficile: quare identidem & sæpius hoc præceptum politicum iterat Aristoteles, dandam quidem operam Politico & rectori Reipublicæ, vt omnes quidem ciues bene sint affecti erga Rempubl. aut saltem non inimici; semper autem vt ea pars ciuium, quæ statui & Reipublicæ sit amica, eadem quoque reliquis partibus seu ordinibus plus possit, vt *infra hoc cap. ἀπὸ τῶς δὲ ὅσας*, &c. vbi de eo præcepto latius: quæ eadem causa quoque fuit, cur Respub. quædam (vt Massiliensis, de qua *Strabo*) ad magistratus neminem admitterint, nisi qui liberos haberet, quod his velut pignoribus maior eius bene-

beneuolentia & amor ac fides in Rempub. astringeretur. De
 scientia vero & usu, hoc est, ut magistratus, cui quis est præ-
 futurus, munera & officia recte intelligat, & obire possit; ut, *Cur magi-*
 inquam, sit idoneus. causa est perspicua, cur id requiratur. *stratum o-*
 Nam quemadmodum, inquit Aristoteles *supra lib. 3.* Cytha- *porteat gna-*
 ra non pulcerrimo & nobilissimo, sed optimo fidicini, quiq; *rum usq;*
 ad canendum maxime sit idoneus, dari & committi solet: *peritū esse?*
 ita & de magistratu sentiendum: quo nomine M. Catonē mi- *ομοιωσις.*
 norē valde laudat *Plut. in eius vita*, qui priusquā magistratū *1. Exempl.*
 peteret, studiose omne ius eius & officia perquireret & co-
 gnosceret. Pompeius quoque, ut est apud *Agellium*, non e- *2. Exempl.*
 rubuit M. Varronem consulere & rogare, de senatu habendo
 ut librum sibi conscriberet. De Lucullo scribit *Cic. in A* *3. Exempl.*
cad. eum creatum belli ducem aduersus Mithridatem ma-
 gno studio libros de re militari & de ducis ac Imperatoris *Vulgi error.*
 officio antelectitasse. Sed in hoc altero quam grauius pec-
 cetur, notum est. Olim quoq; mirabatur *Plato*, idemq; gra- *Platon. ra-*
 uiter conqueritur, aliarum etiam vilissimarum artium opifi- *tio.*
 ces non nisi studio & exercitatione antegressa fieri: hanc au-
 tem Politicam & ciuilem seu Reipublicę regendę scientiam
 omnes statim profiteri se scire, omnemq; magistratum mi-
 nime licet idoneos & peritos suscipere: qua ex re quam gra-
 uia existant incommoda, si (inquam) homines imperiti Rei-
 publicę pręsint, inductione quadam pulcherrima ostendit *Inductio.*
Plato: Aurigę, gubernatoris navis, &c. Tertium denique de *Cur magi-*
 virtute & probitate, cur id sit necessarium, hæc est ratio; quia *stratus non*
 & improbi quo plus possint, eo plus noceant, ut pulchre *nisi viris bo-*
to lib. 1. de Rep. philosophis, licet alioqui eos putet ad Remp. *nis man-*
 non debere accedere, rerumque contemplatione contentos *dandi?*
 cōtemnere hos honores & diuitias, tum tamen permittit, ut
 magistratus capiant & gerant, cum nulli sint alii in Republ.
 viri boni, qui eos gerere possint. Nam alioqui si improbis
 mandentur, fore, ut magnum inde detrimentum Reipubli-
 cę, multę bonorum iniurię consequantur. idem & Aristot-
 eles *lib. 2.* monet, eos qui magnis sint opibus & illustri ge-
 nere, si imperia quoq; nanciscantur, magnopere esse metu-
 endos, tenuiores non item. & *lib. 1. cap. 2. in fi.* elegantissime
 improbitatem (*ἀδίκησις*) arma habentem grauissime esse me-
 tuendam; qua de re ibidem latius: huius rei exemplum &
 disputatio quoq; extat apud *Plut. in vita Cic.* ubi de trium-
 uiris;

uiris; Antonio, Cæsare & Lepido. Sic & *Dionys. Halicar. lib. 7.* de tribunatu plebis Romanorum disputans ait, illū Reipublicæ quidem esse utilem, ut & *Cic. lib. 3. de legib.* sed viris improbis non esse committendum, ut neque alios maiores magistratus. De his autem tribus pulchre quoque; *Pericles apud Thucyd. lib. 2.* de seipso; atque, inquit ad ciues Athenienses, mihi estis irati tanto viro, qui nemine videar esse inferior cum intelligendis rebus necessariis & honestis, tum in eloquendis; qui & sim amans patriæ, & pecuniæ minime seruam. Nam hoc qui intelligat, neque tamen perspicue eloqui possit; pro eo, atque si non intelligeret, habeatur: & qui utroque, eo sit præditus, idem tamen in Rempub. male sit affectus, nihil quoque quod Reipublicæ sit salutare, proferat: quin etiam si & ista re præditus fuerit, si tamen pecuniæ seruiat; huic certe, ut omnia sint pecuniâ venalia, necesse sit. Sic enim verti hæc verba, καὶ τοὶ ἐμὲ τοιαῦτα ἀνδρὶ ὀρχίζεσθαι, &c.

Virtus boni magistrat. variat pro diuersitate Reip.

Ἐν ἐκάστῃ πολιτείᾳ τὴν πρὸς τὴν πολιτείαν.] Docuit Aristoteles *supra lib. 3. cap. 3.* non eandem ciuium in omnibus Rebuspub. esse rationem: sed aliam in ciue, ut ita dicam, Democratico, aliam in Oligarchico, aliam in Regali postulari, & in summa pro Reipubl. differentia & ciuium virtutes variare, siue virtutes ciuium statui respondere, congruere, & conuenire debere. Eodem nunc alludit hic Aristoteles, agens de tertia nota boni magistratus, virtute & iustitia, eam nempe in magistratu, ut de ciue *supra lib. 3.* dissimilem esse pro differentia Reipub. quod & argumento seu ratione quadam hic confirmat Aristoteles à coniugatis: nempe, quia ius pro Repub. variet: ergo & iustitiam seu virtutem variare. De antecedente autem, siue iure, aliud hoc esse in alia Repub. ut libertatem in Democrazia, diuitias & nobilitatem in Oligarchia, virtutem in Aristocratia & vero Regno, sæpe dictum est *supra lib. 3. cap. 6 & cap. 8. & hoc lib. cap. 1. 4 &c.*

Si quis unica tantum aut non omnib. hisce virtutib sit præditus: qd sit delectus adhibendus.

Ἐξ δὲ δ' ἀπορίαν.] Quia raro fieri solet, ut hæc tria in vno eodemq; reperiantur: quaeri solet, quid igitur faciundum sit, si vnum tantum vel alterum reperiat, quemadmodum magistratus mandari debeant. verbi gratia; si qui sit idoneus ille quidem, sed improbus, vel vtraque re præditus, idoneus ut sit & probus, sed Reipublicæ inimicus, &c. Atque huic incommodo hoc adhibendum consilium censet Aristoteles; viden-

videndum esse, cuius rei plarique omnes magis sint compo-
tes & participes, & cuius minus in hoc vel illo magistratu;
siue quæ res in plarisque sit rarior, & quæ frequentior: ex
quibus eam, quæ sit rarior, esse præferendam, plusq; ponde-
ris ac momenti in magistratu consequendo habere debere.

Verbi gratia; quia rei militaris scientia rarior est, quam vel *1. Exempl.*
patriæ amor, vel probitas; belli ducem & prætorem peritum
& scientem potius deligendum, licet improbum, quam vi-
rum bonum, sed rei militaris imperitum: contra in quæstu- *2. Exempl.*
ra, quia multi reperiantur rationum & Arithmeticæ periti,
non ita multi probi & abstinentes seu pecuniæ temperantes,
in ea potius probitatem quam peritiam esse spectandâ: quod
olim Græcia vniuersa diligenter tenuit, quæ de communi
consilio tributis in ciuitates describendis Aristidem præfece-
rit, & communem velut Græciæ quæstorem fecerit, virum
adeo probum & iustum, vt cognomen Probi & Iusti inde sit
meritus, qua de re copiose *Nepos & Plut. in Aristide.* Atque
huc pertinet *Ciceronis* dictû & Apophthegma, de quo *Plut. Ciceronis*
in Cic. cum Domitius, inquit, hominem imbellem & rei mi- *Apophtheg-*
litaris plane imperitum ad præfecturam perduceret, eumq; *ma.*
virum bonum esse diceret ac modestum; quin igitur, inquit
bat *Cic.* hunc liberis tuis tutorem conseruas.

Απορήσεις δ' αὖ.] Altera hic affertur quæstio de probitate,
eam non videri necessariam, si duæ res aliæ, scientia & bene-
uolentia siue amor assint. Nam his duabus optime omnia
administrari & confici, quæ ad Reipublicæ vtilitatem perti-
neant: scientia namque fieri, vt quis possit: beneuolentia &
amore, vt velit & cupiat. Quia tamen fieri potest, vt his licet
duabus rebus præditi sint impotentes seu incontinētes; tertia
quoque res, probitas seu virtus, vt assit, necesse est. Nam, vt
copiose docet Aristoteles *lib. 7. Ethic.* impotentes seu ἀνε-
πίς & incontinentes sciunt illi quidem, quæ sunt recta, quæ-
que facienda, quæ non: sed sibi ipsi indulgentes contra, at-
que ipsi iudicent, facere solent. de quibus illud Medæ usur-
pat Aristoteles.

----- *Video meliora proboq;*

Deteriora sequor.-----

Hæc igitur cum incontinentium sit indoles & ingenium in
rebus aliis vitæque communi: recte facit Aristoteles, qui &
in negociis Reipubl. incontinentiæ non vult esse locum, nec
satis

satis esse iudicat, esse quem idoneum aut peritum, atq; etiam amantem Reipublicæ, sed hoc amplius virtutem quoque & probitatem iis, qui Reipubl. sint præfuturi, esse necessariam. De hoc autem loco communi præterea, quæ supra attulimus, videantur de virtute supra lib. 2. cap. 9. *μεγάλων γὰρ κύνειοι*, &c. *ἐν* cap. 5. *τὲς δὲ φάουλκας*, in fin. *ἐν* lib. 6. cap. 8. *τὲς μεγέθους*, &c. *ἐν* Demosthenes in Aristogitonem, *τίς δὲ ἀν' ἄλλος μέγας*, &c. De benevolentia, supra huius lib. cap. 4. *καὶ δὲ ὀλιγωρίαν*, &c. De scientia denique & peritia, lib. 3. cap. 7. *τοῖς τοῖς δὲ εἰσιν*, &c.

T E X T V S.

Absolute autem quæcunque legibus cauta utilia dicimus Rebuspubl. ea omnia Respub. conseruant: atque sæpe commemoratum maximū principium, videre, ut multitudo, quæ Rempublicam velit, plus possit ea, quæ non velit.

C O M M E N T A R I I.

XIV. Ratio conseruandarum Rerump. *Ἀπλῶς δὲ ὅσα.*] Tribus illis Reipublicæ præfuturo necessariis iam expositis, redit Arist. ad intermissam disputationē de causis siue cautionibus Rerump. conseruandarum. Affert igitur hoc loco cautionem, nō tamen singularem, sed communem & valde diffusam, positam in legibus: qua parte tot fere sint cautiones, quot leges salutare, hoc est, cum multa vel plæraque Reipub. salutaria legibus comprehendantur & definiantur, ea ipsa esse, quæ Rerumpublicarum sint cautiones conseruandarum. Nam in legibus, ut præclare ait Aristot. lib. 1. *ῥητορικῶν*, sita est salus siue *σωτηρία τῇ πόλει*: de quo loco & utilitate legum Demosth. in Timocratem, *ἐν* Cic. in Cluentiana. Fundamentum, inquit, libertatis, fons æquitatis, &c. Sententia ciuitatis posita est in legib. Verbi gratia, si leges de testamentis, de matrimoniis, de contractibus, id est de iure ciuili: deinde leges de magistratibus, de vectigalibus, de senatu, de collegiis, de opificiis, de re numaria, &c. bene & sapienter sint constitutæ; perspicuum est, ea omnia conseruandæ ciuitatis esse, & esse cautiones Rebuspub. conseruandis maxime idoneas.

XV. Ratio. *Καὶ τὸ πολλαπλῆς εἰρημένον.*] Alia, sed singularis (prior enim velut pandectria, ut ita dicam, fuit) cautio in principio quodam,

nam, siue, vt Aristoteles vocat, elemento singulari & summo posita. Nam singulare est scientiæ huius ciuilis principium & fundamentum, cum multæ ciuitatis sint partes & ordines, eam semper, quæ statum Reipublicæ manere cupiat, retentionem esse debere, quam illam, quæ mutatum velit: de quo principio *et supra lib. 4. cap. 9. in fin. et cap. 11. et 12. et lib. 5. cap. 3 et infra lib. 6. cap. 5.* & hoc est, quod ait, sæpe iam commemoratum. Huius autem fundamenti & cautionis, cur (inquam,) hoc principio imprimis conseruentur Respubl. causa & ratio est perspicua. Nam contra si plus opibus in Republica possunt, qui eam euersam cupiant, facile, altera parte oppressa, ciuitatis statum commutare poterunt, vt si sit Democratia, & pauci sint diuites aut nobiles, qui tamen plus possint, quam reliqua multitudo, quia hi pauci semper Democratiæ sint inimici: vt Democratia in Oligarchiam commutetur, necesse est, aut certe facile est. Vbi enim hæc duo, voluntas & facultas, concurrunt, res ipsa est facilis: qua re & supra demonstrauius, summos magistratus nemini, nisi bene erga Rempub. affecto, esse mandandos.

Ratio.

T E X T V S.

Præter hæc omnia autem ignorare non oportet, quod nunc latet pleræque Respubl. quæ aberrant à medio: multa namque quæ popularia esse videantur, populares Respublicas dissoluunt, & quæ Oligarchica, Oligarchias. Qui autem vnam hanc virtutem esse putant, trahunt ad nimium: nescientes, quemadmodum nasus est, qui discesserit quidem à pulcerrima rectitudine in aduncum aut simum, pulcer tamen & elegans etiam ad speciem est: Sed amplius si quis eum iusto producat, primum quidem membri decentiam abiiciet; tandem vero efficiet, vt ne nasus quidē appareat (videatur) propter nimium & parum contrariorum: ad eundem modum & aliis quoque in membris res habet. Idem igitur & in Rebus publicis accidit.

Nam

Nam & Oligarchia & Democratia, fieri potest, ut bene se habeant, etsi ab optimo statu discesserint: earum tamen alterutram si magis quis intendat, primo quidem Rempubl. faciet deteriore, tandem ne Rempublicam quidem. Quare legumscriptor & Politicus id scire debet, ex popularib. quæ conseruent, & quæ perdant Democratiam, & ex Oligarchicis quæ Oligarchiam. Nam neutra quidem earum consistere & permanere absque diuitibus & multitudine potest: sed bonorū exæquatione facta, alia ut hæc sit Respublica, necesse est. Quare Respublicas perdunt ii, qui institutis & legibus modum excedentibus perdunt.

C O M M E N T A R I I.

XVI. Ratio.

Παρά δὲ πάντε.] Alia & quidem præclara cautio Rerum-pub. conseruandarum hic exponitur, in modo seu moderatione & mediocritate legum atq; institutorum posita. Qua

Peccatū Politicorū & Arist. viuentium.

in re sua ætate à plerisque grauius peccari subindicat hoc loco & monet *infra lib. 6. cap. 5. in princ.* Nam plerosque, quia vel populari vel paucorum imperio regantur, ut *supra dictum cap. 1.* alios quidem id studere & obnixe conari, ut omnia in plebis vel populi potestatem; alios vero, ut in paucorum dominatione omnia trahantur: cum tamen Reipubl. esset longe fructuosius, ut penes neutrum ordinem seu partem paucos vel plebem, id est, prædiuites & tenuiores, sed

Causa eius peccati.

potius penes mediocres esset imperium & Reip. summa. Nā quibus in ciuitatib. maior est mediocriū multitudo, eas esse & tranquilliores & diuturniores & beatiores deniq;, explicatū est *sup. lib. 4. cap. 11. & hic cap. 8.* Huius autē peccati, in quod plerasque ciuitates incurrere diximus, causam quoq; aperit

Exemplū.

Aristoteles; hanc nimirum, quod ea, quæ sint huius vel illius Reipublicæ recte vel instituendæ vel conseruandæ propria instituta & leges non satis intelligantur vel considerentur; cum tamen multa sint, quæ ad conseruationem putentur, vere tamen ad interitum sint aptiora. Verbi gratia; putant plerique populi suas res optimo esse in loco ac statu, si omnia

omnia soli possint, & quiduis pro libidine, omnemq; Reip.
 vim ac potestatem ad se pertraxerint; sic & pauci in Oligar-
 chiis præclare secum agi putant, vbi nil populo sit reliqui,
 sed ipsis omnia, quæ libet, liceant. Sic & in Regno multi exi-
 stimant Regi & Regno optime esse cōsultum, si omnia Rex
 vnus possit, legibus omnibus superior, neq; populo vel ciui-
 bus vlla reliqua sit authoritas vel contradicendi aut repu-
 gnandi potestas, quæ *παρβασιλεία* dicitur, *supra lib. 3.* hos
 tamen grauitè peccare & magno in errore versari docet A- ὁμοίωσις.
 ristoteles elegantè imagine & similitudine à naso sumpta,
 quæ ita ei placuit hac in re, vt eandem & in *lib. 1. Rhet.* itera-
 rit, vbi de genere deliberatiuo & rebus in deliberatione ca-
 dentibus ait, his verbis; ὅτι ἐλάχιστον ἢ πλεονεξίας, &c.
 Nam 4. velut status seu formas nasi constituit; pulcerri-
 mum, paulum à summa pulchritudine deflectentem, plane
 deformem, & tandem ne nasum quidem: quod idem Re-
 bus pub. ait accidere, Oligarchiæ & Democratiæ. Nam pri-
 mum hæ ab optima Reipublicæ formâ deflectunt, vt constat
ex lib. 3. Deinde, vt sunt earum multa genera, si magis ma-
 gisque intenduntur, eo magis deteriores redduntur: cum
 Democratia & Oligarchia, quo est remissior & moderatior,
 eo sit melior, vt explicatum *supra lib. 4. & infra lib. 6.* Postre-
 mo, eo res deduci potest, vt ne nomen quidem Reipub. me-
 reantur, vt nimium amplificatæ; nempe si omnia vel populi
 in Democratia, vel paucorum in Oligarchia libidine & ar-
 bitrio administrentur, nihil legibus; quod vbi accidit, vt in
 extremis Democratiis & Oligar. accidere solet (*sup. lib. 4. ca.*
4. & duob. sequentib.) perspicuum est iam ne Rempubl. qui-
 dem amplius remanere, eo quod nulla absque legibus vera
 esse aut dici possit, non magis atq; corpus sine anima. Nam,
 vt eleganter Cic. mens atque anima ciuitatis in legibus est
 posita.

Διὸ δὲ τοῦτο μὲν.] Quia paulo supra monuit quædam esse
 aut potius videri popularia, quæ non prosint, sed noceant
 Democratiæ, vt & Oligarchica: prudenter hîc adiungit Re-
 ctorem Reipublicæ diligenter nota habere debere, quæ sint
 vere popularia, quæ videantur, hoc est, quæ conseruent De-
 mocratiam, quæ perdant: ea autem quæ sint, vt & Oligar-
 chica, explicatur, *infra libr. 6. cap. 1. in fi. & 2. & sequentib.*
 quod quidem eo magis curæ esse debet viro politico, quo à

pluribus hac in re peccetur, qui ea non diligenter distinguant, ut *supra* monuit, & *infra* lib. 6. cap. 1. in fi.

Οὐδὲτέρερον.] Exemplo explanat & declarat hoc peccatum Respublicas nimium amplificantium, & ipsa amplificatione, dum meliores efficere student, eas plane delentium: ut, in Democratia, si omnia ad populi potestatem trahantur, diuidunt bona, corripiantur ipsi, vel interficiantur, vel pellantur, adeo ut ciues omnes inter se sint pares genere, facultatibus & libertate: nulli amplius præter cæteros vel sint nobiles vel diuites: videatur quidem hæc Democratia esse summa: sed recte perpendenti ne Democratia quidem ut sit, necesse est: Cōtra ea in Oligarchia si omnia ad se rapiant pauci, & plebem vel pellant omnem vel deleant, ipsi autem reliqui sint soli diuites aut nobiles, pares fere genere & opibus ac diuitiis; & hæc quoque maxime videatur Oligarchia, ut in qua vni omnia possint pauci: sed & ea ut Oligarchia ne sit, necesse est. Cur ita? Ratio hic adiungitur ab Aristotele: quia hæc duæ Respubl. sine duabus his partibus siue ordinibus diuitum & pauperum non consistant, ut *supra* diligenter explicatum lib. 4. & initio huius lib. Vtramque ex duobus his contrariis ordinibus constare. Quare, æquatis bonis, & sublato discrimine diuitum & tenuiorum, perspicuum est, ipsas quoque eas Respubl. tolli, & aliam necessario Reipub. formam effici, eam puta, quæ communi nomine Respubl. dici solet, vel Dynastiam, vel quam aliam seu nullam potius.

Ratio.

T E X T V S.

Peccant autem & in Democratijs & in Oligarchijs: in Democratijs quidem Demagogi, vbilegum domina est multitudo: semper enim cum diuitibus contendentes ciuitatem ex vna duas faciunt. At contrarium videri semper oportet dicere pro diuitibus: in Oligarchijs autem ijs, qui sunt Oligarchæ, pro plebe: & iuramentum Oligarchica contraria ijs, quæ nunc, iurare: nam nunc quidem in quibusdam iurant, & PLEBI ERO INIMICVS; QVODQ. MALVM POTERO, MOLIAM.

Opor-

Oportet autem contrarium ostentare & simulare, significantes in generibus iurisiurandi: **PLEBEM NON AFFICIAM INIVRIA.**

C O M M E N T A R I I.

[*Ἀμαρτάνουσι δὲ καὶ ἐν ταῖς.*] Aliud peccatum suę ætatis hic 2. Peccatū reprehendit vsitatum in Democratijs & Oligarchijs. Nam *Politicorū* plerique ea ætate in Democratijs hoc maxime studebant, *atate Ari-* omni ut ratione deprimerent, vel potius opprimerent ditio- *stotelis vi-* res; maxime autem in eo Democratię genere, vbi legum *uentium.* domina est plebs & multitudo, id est, in Democratia vltima & nequissima, in qua & Demagogi (ut Græci vocabant) nō *Demagogi.* secus atque Romę Tribuni plebis, plebem incitare, & diuitum bona publicare, illos vexare solent, de quibus explicatum *supra lib. 4 cap. 4. & hoc libro cap. 1. & infra cap. prox.* de Oligarchijs contrarium fieri solitum, ut quemadmodum in Democratijs plebs ditiores & principes: ita in Oligarchijs plebem vexarent ditiores, & plane serui imperio tenerent. omniaque agerent & molirentur, quę plebis essent opprimendę: cui rei argumento quoque esse ait formulas iurisiurandi plerisque in ciuitatibus ea ætate vsitatas & solemnes. *Argument.* Huic autem peccato & malo medendum hoc loco docet *Medela.* Aristoteles, & contrariam instituendam esse rationem, idque agendum, ut in Democratijs quidem semper pro diuitibus videantur dicere, eorumque commodis fauere; & in Oligarchijs, ut tenuiorum commodis studere videantur; ut (inquam) saltem videantur, agendum est: etsi *sup. cap. 8.* iam monuit, in Democratijs parcendum esse diuitibus, eosque humaniter esse tractandos. Cæterum de hoc vitio monuit, *Iurisan-* idque reprehendit *& supra lib. 4 cap. 12. in fin.* De his autem *dum Demo-* iurisiurandi generibus & formulis sæpe apud veteres reperi *craticum.* mus, ut in Democratijs magistratus iurare solitos, & ipsum quoque populum, se neque Oligarchiam neque Regnum passuros. Quemadmodum olim Romę Brutus autor & cōditor Romanę libertatis ad id iurisiurandum adegit Populum Romanum, Regnum non amplius se esse passurum: cuius iurisiurandi Cicero, Republica à Cæsare oppressa & ad Regnum reuocata, sed Cæsare iam interfecto, populum commonefecit in *Philippicis.* Ita & Athenis ephebos se De-

mocratiam defensores iurare solitos, cum in ciuium album anno 20. ætatis referretur, commemorat *Pollux lib. 8.* & *Stobæus*, qui & ipsam iurisiurandi formulam exponit. *Demosthenes* quoque pro *Ctesiphonte* formulam iurisiurandi pulcherrimam, quam Athenis præstare sint soliti iudices, commemorat. Senatus quoq; idem iurabat se populo maxime consulturum, teste *Demosthene in Timocratem* & *Nearam*.

Σόφισμα
πολιτικόν.

Χρὴ δὲ καὶ ὑπολαμβάνειν.] Quod paulo ante δοκεῖν videri, id hic apertius simulandum esse & fingendum: quasi dicat, si non vere, saltem simulandum hoc esse, vt videantur in Oligarchijs bene cupere tenuioribus, idque iureiurando exprimendum; Nulla plebem afficiam iniuria, &c. quo pertinent & sophismata quædam siue captiones & calumniæ expositæ *sup. lib. 4. cap. 13* & *lib. 6. cap. 4.*

T E X T V S.

Omniū autem expositorum maximum ad hoc, vt Respublicæ conseruentur, quod nunc plerique negligunt, est institui conuenienter Rebus publ. Nam legum vtilissimarum & Decretorum, quæ ab omnibus Rempublicam gerentibus sint facta, nulla est utilitas: nisi sint assuefacti & instituti in Republ. populariter quidem, si leges sint populares; Oligarchice vero, si sint Oligarchicæ. Nam si in vno est incontinentia, est & in ciuitate. Institui autem conuenienter Reipublicæ non hoc est, efficere quibus gaudeant Oligarchæ, vel qui Democratiam volunt: sed quibus possint, hi quidem Oligarchiam tenere, illi vero Democratiam. At nunc in Oligarchijs quidem eorum, qui præ sunt liberi molliter educantur & deliciose, tenuiorum exercentur & excoluntur; quare magis & volunt & possunt res nouas moliri; in Democratijs vero ijs, quæ maxime videantur esse Democraticæ, contrarium, atque oporteat, fit: eius autem causa est, quod perperam definiant libertatem. Duo
namque

namque sunt, quibus Democratia videatur defini-
niri, eo, quod maior pars sit domina, & libertate.
Nam ius quidem videtur esse æquum: æquum au-
tem, quod multitudini placuerit, id esse ratum: li-
berum autem & æquum, quod quis facere velit.
Quare in talibus Democratijs viuit quisque vt
vult, & vt ait Euripides, suo commodo & libidini
conuenienter: at hoc vitiosum est. Neque enim
seruitus putanda est viuere Reipublicæ conueni-
enter, sed salus. Atque hæc fere sunt, vt summatim
dicam, ob quæ Respublicæ quidem mutantur &
pereant, & ob quæ conseruentur ac maneant.

C O M M E N T A R I I.

Μέγιστον δὲ πάντων τῶν εἰρημῶν.] Alia Rerumpub. conser-
uandum cautio & prouisio hic exponitur, quam priori- XVII. Ra-
bus omnibus præfert Aristoteles, aitq; omnium esse maxi- tio conser-
mam; nimirum rectam & Reipublicæ congruentem ciuium uand. Re-
institutionem seu educationem: de qua attigit *supra* cap. rump.
8. his verbis, ἐπὶ δὲ καὶ ἀπὸ τῆς ἰδέας, &c. Huius autem cautio-
nis præstantiam ex eo perspicui ait, quod legum quantumuis Ratio.
optimarum & institutorum nulla sit vtilitas, nisi si ciues bo-
na educatione ad iis parandum sint velut præculti & præpara-
ti: quod idem ait *lib 10 Ethic. cap. ult.* & confirmat *infra lib.*
8. initio ab exemplo reliquarum artium & facultatum. Nam, Appbatio.
vt inquit, in aliis artibus sunt quædam, quibus ante præpa-
rari & velut imbui debent, qui earum fructus sint edituri: ita
& in hac scientia ciuili siue politica vt eius finis & scopus,
hoc est, vita ciuium beata habeatur, bona educatione velut
præmunitione & præparatione quadam est opus, sic & Ho-
rat. Quid leges, inquit, siue moribus vanæ proficiunt? Sed
de hoc insigni loco, hoc est, de educationis vtilitatibus & ne-
cessario vsu explicabitur *infr. lib. 8. cap. 1.* vbi docebimus, non De educa-
tantum ex principum vita, quod vulgo dici solet, sed etiam tionis uti-
ex priuatorum & ciuium moribus statum ciuitatis pendere: litate.
vt præclare & *Isocr.* docet in *Areopagitico*. Neque vero satis Qualis de-
habet Aristoteles monuisse, educationem tanti esse momen- beas esse e-
ti ad Respub. conseruandas; sed hoc amplius adiungit, qua- ductio.

lis ea esse debeat; nimirum ut educatio statui siue Reipub. sit conformis: puta si est Democratia, ut educatio quoq; sit Democratica: si Oligarchia, sit Oligarchica, &c. id quod & *supra* monuit c. 8. vitam & mores ciuium statui & formæ Reip. respondere debere, monuit & *supra* lib. 1. cap. ult. in fi. vbi & ratio huius præcepti hæc redditur; quia partes ad ingenium & naturam totius accommodari & confirmari debeant. idem iterat & *infra* lib. 8. cap. 1. Sæpe tamen contra fieri, hoc est, ut Republ. licet populari, tamen Oligarchice viuatur, vel contra, monuit *sup. lib. 4. cap. 5. in fi.* nempe vbi Reipub. fit mutatio, ut ibi explicauius. Iam vero quænam sit hæc educatio vel Oligarchica, vel popularis, vel Aristocratica, &c. & hoc quoque hic exponitur. Nam educationem summam, verbi gratia, Oligarchicam, in iis rebus positam esse ait, quibus maxime conseruetur Oligarchia; popularem, quibus Democratia: hæc autem res iam *his capitib. 8. & 9.* sunt expositæ, & *infra* quoque diligentius explicantur *lib. 6. cap. 2. & sequentib.* Nam hac in re sua Aristoteles ætate grauiter in plerisque ciuitatibus peccari hic ait. Nam primum ait plerisque de hac re parum laborare, & nullam curare disciplinam vel ciuium institutionem & educationem, quod & conqueritur *lib. 10. Ethic. cap. ult.* vbi Cyclopicam educandi rationem sua ætate vsitatam esse, qua non ex communi Reipubl. decreto, sed ex patrum familias suo cuiusque arbitrio liberi educantur. Deinde, quod plerique sua ætate putent, eam esse institutionem optimam, aut saltem sequantur, qua eorum qui Reipubl. præsumt, liberi in Oligarchiis quidem propter diuitias molliter & deliciose educantur, in Democratiis vero petulanter & licenter seu seditiose, id quoque grauiter reprehendit. Neque enim hanc institutionem Reipub. esse accommodatam, quamuis vulgo videatur. Putant enim diuites, se bono iure & merito in deliciis & omni rerum affluentia educari debere: plebs autem rerum domina in Democratiis, quæ libertate maxime æstimatur, putat, se esse quam liberrimam, si pro libidine omnia agat, atque ita liberi quoque educantur in omni licentia, nullis ut legibus aut rectis institutis coerceantur: quod idem & *supra* de luxuria & deliciis diuitum in Oligarchiis, de eorum (inquam) vxoribus, ut

Mala, quæ hinc de liberis, monuit lib. 4. cap. 15. Ex qua tamen educatione vitiosa & deprauata graua mala & incommoda existere ostendit.

Ratio.

Vsus contrarius.

Quænam educatio sit Democratica, &c.

in sua ætate contra hoc præceptum peccatum.

2. Peccatū.

ostendit. Nam in Oligarchiis cū vulgo liberi molliter educuntur, neque vllis honestis & præclaris studiis & exercitiis ad Rempubl. administrandam præparentur; fieri fere solet, vt tenuiorum liberi id facitrent & præclare exerceantur: quo fit, vt hi ita bene instituti & egregie exercitati eos diuorum liberos, vt ignauos & velut effœminatos, contemnant, adeoque indigne ferant eorum imperium; atque ita & velint & possint id euertere. In Democratiis autem, quæ Reipubl. species duobus finibus maxime contineri vulgo putatur. æquitate siue paritate & libertate, vitiose quoque & non conuenienter Reipubl. plebs vitam agere solet, petulanter nimirum & pro libidine, non ex præscripto legum; quod his parere seruitutem putent, atque eam demum veram esse libertatem, qua quisque, quod velit, facere possit, suæ libidini nō legibus conuenienter, & quo quemque sua trahat voluptas & libido; sed hoc, inquit, vitiose. Neque enim seruitus putanda est, sed salus potius, Reipubl. viuere conuenienter, & legibus parere, vt præclare hīc ait Aristoteles, & egregie Cicerone in Cluentiana; legum, inquit, ministri, magistratus: legum interpretes, iudices: legum denique idcirco omnes serui sumus, vt liberi esse possimus. & pulcherrime Demosthenes ὡς δούλους τοῦ νόμου, &c. legibus, inquit, violatis, vel infracta earum potestate, & cuique, quod velit, facere data potestate, non tantum Respubl. perit: sed ne vita quidem nostra multum à beluina absit: quare & Romani Iuriconsulti, libertas, inquit, est naturalis facultas, quod cuique facere libet: nisi quod vi aut iure prohibetur, vt initio tit. de iure pers. l. si stipulatio ista facta, de verb. oblig. & l. nepos, 125. de verb. sign. & his congruenter poeta Persius:

Legib. obedire non est seruitus.

Cur mihi non liceat, iussit quodcunque voluntas:

Excepto, si quid Masuri rubrica notauit.

Duas igitur Democratiæ notas, æquitatem & libertatem, cum faciunt vulgo, non peccant. Nam qui æquitatem quærit, ius quærare videtur: quia ius nihil aliud sit, quam æquitas quædam, vt explicatur lib. 5. Ethic. Libertas quoque res est non reprehendenda, ad quam omnes natura duce feramur. Sed quia æquitas & libertas alia est atq; alia, multaque sint & æquitatis & libertatis genera, hīc errant, in specie (inquam) nō in genere. Nam æquitas alia est ex dignitate, alia ex numero, vt in Ethic. & supra initio huius lib. quarum illa, *Æquitas a-* *lia ex digni-*

rate, alia quæ ex dignitate, etsi est præstantior, ubi nimirum spectatur
ex numero. non quid plures numero censeant, sed quod meliore ratio-
 ne sit mixtum, & viris bonis videatur, licet paucioribus: in
 Democratia tamen alteram æquitatem, quæ numero, se-
 quuntur, & id demum æquum putant ac iustum, quod ma-
 iori numero & multitudini proberetur. qua de re supra di-

Libertas a- ctum *lib. 4. cap. 4. & infra lib. 6. cap. 2. &c.* Libertas quoque
lia est infi- alia est infinita, alia legibus & iure definita, quarum cum hæc
nita, alia longe sit melior, & prior potius licentia & libido quædam;
legibus de- eam tamen, ut verissimam, libertatem populus, si rerum pla-
finita. ne ponatur, amplecti solet. Qua utraque in re si peccetur,
 existere solet ea Democrat. species, quæ ultima & nequissi-
 ma dici solet. de qua dictum *lib. 4. cap. 4.* Nam ut in altera
 tantum nota peccetur, hoc est, ut æquitas siue æqualitas nu-
 mero proberetur & allit; plane necessarium est ad statum De-
 mocratix, qui prorsus definitur æqualitate, qua nimirum
 non plus possint diuites quam tenuiores, quamvis eo tamen
 nomine omnis Democratia sit vitiosa, ut malo fundamento
 nixa, æquitatis nimirum numero æstimata, non dignitate.
 Atq; ad hunc quidem modum Aristotelis ætate se habebant
 Oligarchiæ & Democratix, quod sæpe conqueritur & ipse,
 & *Isocr.* & *Demosth.* & *Cic.* quoque sua ætate Romæ in Di-
 uinatione.

Πόνος,

Γεγυµνασµένοι καὶ πεπονηγότες.] Hæc duo verba idem va-
 lent, & sunt posita, ut alias sæpe, καὶ παραλλήλως. Nam Πόνος
 Aristoteli & omnibus veteribus Platoni, Hippocrati, teste Ga-
 leno, sæpe idem valet quod γυµνασία, siue exercitatio, ut alibi
 dictum, in *princ. Ethic. cap. 3.*

C A P V T X.

Argument.

AD H V C explicatum est de causis tam interitus quam
 salutis Rerum publ. quæ vel multorum, vel paucorum
 imperio administrantur. Nunc de Monarchia, siue de vnus
 dominatu & imperio, quod erat reliquum, hoc cap & pro-
 ximo explicatur: quibus illa, Monarchia, inquam (quæ vel
 est Regnum, vel Tyrannis) ex causis primo intereat, hoc
 capite, & ex quibus conseruetur, *cap. 11.* Initio tamen huius
 capituli egregia vtriusque Monarchiæ, (Regni & Tyranni-
 dis) inter se comparatio, maxime ab ortu seu origine sum-
 pta, exponitur. Etsi autem disputatio prior de Rebus publ.

*Compara-
 tio Regni &
 tyrannidis.*

quæ

quæ multorum aut paucorum imperio regantur, valde quoque est utilis, ut quæ omnis fere à multorum imperio ad vnius dominatum accommodari magna ex parte possit: ea tamen, quæ his duobus capitibus explicantur, valde sunt præclara & utilissima, nostrisque temporibus, quæ ætate Monarchiæ fere sunt usitatæ, accommodatissima.

T E X T V S.

Reliquum est, ut de monarchia quoque exponamus: tum ex quibus intereat, tum ex quibus conservari soleat. Fere autem ijs, quæ de Rebus publ. sunt explicata, similia sunt & quæ Regnis ac Tyrannidi accidunt. Nam Regnum quidem Aristocratiam imitatur: Tyrannis vero ex vltima Oligarchia atque ex Democratia constat: quare & parentibus est perniciosissima: utpote ex duobus malis conflata, quæque aberrationes & peccata vtriusque Reipub. habeat.

C O M M E N T A R I I.

Λείπεται δ' ἐπιλῆϊν.] Cum sex Rerumpub. sint genera, ut *supra initio lib. 3.* expositis iam causis primum interitus, quatuor Rerumpub. Democratia, *cap. 5.* Oligarchia, *cap. 6.* Aristocratia & Politia, *cap. 7.* & causis salutis, *cap. 8.* & 9 recte ait Aristoteles reliquum iam esse, ut de Regno & Tyrannide, id est, Monarchia explicetur.

Σχέδον ἢ παραπλήσια.] Priorem disputationem de quatuor illis Rebuspub. huc posse accommodari, siue eadem fere de his duabus Rebuspub. Regno & Tyrannide dici posse, quæ dicta sint de illis quatuor: eadem (inquam) his duabus euenire & accidere, quæ illis quatuor, easdem fere esse causas interitus & salutis. Cur ita? Eo, quod hæ duæ cum illis 4. maguam habeant cognationem. Nam de Regno, esse id Aristocratia siue optimatum imperio per quam simile, iisdemque fere legibus & institutis teneri indicat hoc loco Aristot. & explicauimus late *sup. lib. 3. cap. vlt.* & sæpius hoc iteratur, maxime propterea, quod vtrumque hoc Reipubl. genus, Regnum & optimatum, virtute præstantibus tantum

Eadem fere causa sunt salutis & interitus Monarchia, quæ cæterarum Rerumpub. Ratio.

*Tyrānis o-
mnium gra-
uissima ex
Rebuspub.*

deferri & committi soleat. De Tyrannide autem, ex Oligarchia & ex Democratia eam esse conflata & velut concretam seu iunctam, ait hoc loco, & diligentius infra explicat. Cum autem & Oligarchiæ & Democratiæ plura sint genera, ut *sup. lib. 4.* explicatum: ait hîc Aristoteles, Tyrannidem ex ultimo & deterrimo siue nequissimo tam Oligarchiæ quam Democratiæ genere esse conflata: ideoque ex omnibus Rebuspublicis hanc vnā esse, quæ sit grauissima, plurimumque noceat, & detrimenti apportet parentibus & ciuibus, quod nimirum hæc vna non modo vtriusque illius Reipublicæ malæ sit particeps, sed etiam quod vitia potissimum vtriusq; in se contineat, hoc est, ut iam diximus, quod Tyrannis imitetur Oligarchiam & Democratiā, easq; nequissimas. Et hæc quidem vna est insignis Regni ac Tyrannidis differentia, qua Regnum optimatum imperio, Tyrannidem paucorum & plebis dominatui similem esse docuimus.

T E X T V S.

Principio autem ex contrarijs vtrique monarchiæ est origo. Nam Regnum quidem bonorum aduersus plebem tuendorum existit; & constituitur Rex ex bonis vel ob virtutis præstantiam, vel rerum gestarum, quæ ex virtute manant, vel ob præstantiam generis eiusdemmodi. Tyrannus vero ex populo & multitudine aduersus principes (optimates bonos:) ut populus ab ijs nulla afficiatur iniuria.

C O M M E N T A R I I.

2. *Discrimē* 'Υπαρχία δ' ἡ τῶν βασιλέων.] Nunc de ortu seu origine monarchiæ, Regum (inquam) & Tyrannorum. Vnde altera tyrannidis ab eorum differentia intelligatur, quæ tamen cum prima fere cōorigine vtriueniat. Reges igitur ait creari fere ex optimatibus, siue iis, qui vel virtute aliqua, vel rebus gestis, vel sapientia ac doctrina, vel meritis, vel genere & familia excellant, & quidem tuendorum bonorum causa: quod idem & *infra hoc cap.* iteratur his verbis: καὶ ἀξίαν τὰς εἰρήναι, &c. id quod latius explicatum est *sup. lib. 3.* vbi docuit Aristoteles de vnius imperio, an ciuita-

ciuitatibus & Regnis sit vtile aut salutare, *cap. 7. 8. 9.* & ostendit, Regiam dignitatem virtute esse metiendam, eique Regnum, qui cæteris virtute præstaret, esse committendum. De Tyrannide vero, contrariam eius esse originem, hoc loco ait. Nam Tyrannos vel ex populo aut certe ex popularibus existere, non tuendorum, sed potius opprimendorum optimatum & bonorum causa, plebisque seu populi ab insolentia & iniuria optimatum ac principum vindicandæ. Quemadmodum autem Tyranni existant ex populo & popularibus, aliisque de causis: enucleate mox explicatur. Ex his intelligitur, Regni & Tyrannidis plane contrarium esse ortum; cum Rex sit ex optimatibus, eorumque tuendorum causa: Tyrānus ex plebe & popularibus, plebis tuendæ causa. Sic & infra scopum illis plane contrarium esse propositum, multaque alia contraria esse, docebit.

Tyrannidis origo.

Ἡ γὰρ ὑπεροχὴ τοιούτου γένους.] Hoc paulo est obscurius: eius tamen hæc videtur esse sententia; ob præstantiam generis eiusdemmodi, id est, boni seu virtute prædicti, id est Reges etiam ob familiæ præstantiam, si modo etiam virtute excellant, esse creandos; ignauos & improbos, licet ex magnis familiis ortos, non item. Haud scio tamen, an non rectius verbum, *τιούτου*, deleri possit, vt absolute intelligatur generis præstantia. Nam & paulo infra ἡ καὶ γένους, & *supr. lib. 3.* docuit, propter genus & familiam Regna quædam deferri, *cap. 10.* quod tamen Aristoteles eo loco Barbarorum esse ait; & *cap. 11.* periculosum, Regna esse hæreditaria, seu deferri ex summo genere ortis, sed improbis vel ignauis. Quare nil temere mutandum.

T E X T V S.

Perspicuum est autem ex rebus ipsis (euentis ijs quæ fiūt.) Nam plærique Tyranni fere omnes, vt ita dicam, ex Demagogis sunt facti, fidem criminandis optimatibus consecuti. Ad hunc namque modum quædam tyrannides sunt institutæ, auctis iam ciuitatibus: quædam his priores ex Regibus & patria instituta violantibus, & imperium magis herile concupiscentibus: quædam etiam ex ijs, qui

ijs, qui ad maiores magistratus essent producti. Nam antiquitus imperia & magistratus maiores faciebant diuturnos: quædam etiam ex Oligarchijs vnum aliquem, qui summis magistratibus præsit, creantibus. Nam his omnibus modis facile erat parare, si modo vellent: eo quod iam ante potentia esset: alijs quidem Regij imperij: alijs quidem honorum: vt Phido quidem Argis, alijque, cum Regnum esset, Tyranni sunt facti: qui vero in Ionia & Phalaris ex honoribus: Panætius autem in Leontinis & Cypselus Corinthi, & Pisistratus Athenis, & Dionysius Syracusis, alijque eodem modo ex Demagogia.

C O M M E N T A R I I.

Φανερόν δ' ἐκ τῶν.] Quod modo dixerat Tyrannos ex plebe & plebicolis siue popularibus hominibus consistere: id confirmat ab rebus ipsis & communi vita: in qua cuique sit perspicuum, rem ita se habere. Nam omnes fere Tyrannos ex Demagogis esse exortos, qui apud Græcos erant populares, plebis & populi assentatores, ac Duces, vt Romæ erant Tribuni plebis, de quibus *supra* sæpe est explicatum *lib. 4. cap. 4.* & *hoc lib. cap. 5.*

Αἱ μὲν γὰρ τοῦτον.] Exponit Aristoteles 4. modos, quibus constitutæ sint tyrannides: & primo quidem vnum modum esse ait, de quo iam est explicatum, cum nimirum Demagogi fiunt Tyranni: cuiusmodi aliquot commemorauimus *supra hoc lib. cap. 5.* Pisistratum, Dionysium, Theagenem, &c. Idem & de Agathocle exponit *Diodorus Siculus lib. 19.* De Theagene autem illo Megarensium Tyranno, quod eo loco prætermisimus, videatur *Thucyd lib. 1.* & *Pausanias lib. 1.* eius & *Alexander in priora Anal. Aristot. lib. 1.* facit mentionem, vbi tamen mendose Theognis dicitur. Et hunc quidem modum ait hîc eo maxime tempore vîtatû fuisse, quo ciuitates iam essent ampliores, id est, sua ætate & paulo superiore. Nam in magnis ciuitatibus quia plærunque fieri solet, vt populus imperium teneat, non optimates, vt alibi est explica-

Demagogi
in magnis

explicatum; facile huiusmodi Demagogi exoriri solent; in *ciuitatibus*
 paruis non item; quales antiquissimas fuisse sæpe ait Aristoteles: & hunc modum maxime vsitatum & ad Tyrannidem
 accommodatum fuisse ait *eo cap. 5.* Alter est antiquior, cum *2. Modus*
 ex Regibus fiunt Tyranni, id est, cum Reges suam potesta- *occupanda*
 tem Regiam in Tyrannicam convertunt, & ex imperio mo- *Tyrāidis.*
 derato ac velut paterno faciunt herilem dominatum. Hac
 enim re, tanquam nota propria, Tyrannis definitur, *supra*
lib. 3. cap. 5. quod sit monarchia herilis, vt & reliqui vitiosi
 status sunt heriles, *supra lib. 3. cap. 4.* vtpote omnia non ad
 ciuium & parentium, sed ad suum commodum vertentes.
 Hic autem modus, quo Regna conuertuntur in Tyranni-
 des, quam sit frequens; ex Aristotele intelligere licet, qui sua
 ætate (licet timide propter Alexandrum, & obscure in his
 libris) hoc verbum iacere non sit veritus; vere Regem nul- *Vere Rex*
 lum reperiri. Tertius est modus item Democratiæ (vt & *nullus.*
 primus) peculiaris ac proprius, item peruetustus, cum nimi- *3. Modus.*
 rum summum quis nactus magistratum eius occasione Ty-
 rannidem inuadit; quod olim maxime accidisse, paruis ad-
 huc ciuitatibus, & plebe in agris occupata, vno aliquo mili-
 tari viro Reipublicæ præfecto ait *supra cap. 5.* vt Miletæ Pry-
 tanes (qui summus ibi erat magistratus) & illi, quos supra
 exposuimus. Theagenes, Dionysius. Nam hi proprie ad hūc
 tertium modum pertinere videntur. Huius autem periculi *Cautio,*
 metu deterriti sapientes, hoc monent cauendum, ne cui ma-
 ior aliquis magistratus, isque diuturnus, mandetur, qua in
 re & *Cic. in epist. ad Attic.* Senatū peccasse, atque adeo sei-
 ipsum, confiteretur, qui Cæsari imperium in Gallia nimis diu-
 turnum & nimis magnum commiserint, cuius ille occasio-
 ne postea vsus Rempubl. occuparit. Quartus modus, Oli- *4. Modus.*
 garchiæ proprius, quo item maiorem quis nactus magistra-
 tum ex Oligarchia tyrannidem efficiat. Nam sæpe & hoc
 in Oligarchiis vsuuenire docet, *supra cap. 5.* vt, dissidentibus
 inter se ipsis Oligarchis, vnus aliquis deligatur cui summa
 rerum committatur, qui plærunque vtramq; factionem dis-
 sidentem inter se opprimere solet: cuiusmodi exempla *supra*
 exposui *cap. 6. in fi.* quod idem & Heracleæ Ponti accidisse
 commemorat *Iustin. lib. 16* passi sunt, inquit, et tyrannidem; *Exemplū.*
 siquidem cum plebs, &c. Et hic certe modus, maxime plebe
 & optimatibus inter se dissidentibus & pugnantibus, valde *Exemplū.*
 vsitatus

*Quatuor il-
lorum mo-
dorum di-
uisio.*

visitatus est : quod de Florentinis superiore ætate comme-
morant Itali. *Iouius lib. 1. Guicardinus.* Commemorat autem
Aristoteles exempla & hoc loco ? sed 4. illos modos prius ad
duo summa genera reuocat. Nam tyrannidem vel ex regia
potestate, vel ex maiore aliquo magistratu ac dignitate na-
sci : ita vt tres illi modi de Demagogis, de maioribus magi-
stratibus tam in Democratia, quam in Oligarchia, ad vnum
reuocentur : quod & Demagogia sit quædam velut populi
præfectura : & recte. Neque enim, nisi potentia & opibus
fictus, vel Regiis, vel maioris magistratus, tyrannidem faci-
le quis inuadere potest : facultas vt assit, necesse est, quam
præstant opes vel Regiæ in Monarchia, vel primorum magi-
stratum in Rebus publ. Sic igitur Regnum Argium, quod
in Græcia fuit antiquissimum, in tyrannidem à Phidone cō-
uersum ait. Sic olim Regnum Romanum à Tarquinio, &
Romanum imperium postea siue principatus (qui à Regno
multum differt) partim à Diocletiano, partim à Valentinia-
no Imperatoribus in Regnum commutari cœptum tradunt
veteres.

Exempla.

*Δημοκρατία.
Ολιγαρχία.*

Τὰς δημοκρατίας καὶ τὰς ὀλιγαρχίας.] Etsi his verbis alias & plæ-
runque certa magistratum apud Græcos genera contineri
solent, vt videre licet apud *Pollucem lib. 8* hoc tamen loco v-
xiuerse summi quoque magistratus iis indicari videntur.

Phidon.

Οἶον, Φείδων μὲν.] Regnum Græciæ antiquissimum penes
Arguos & Argium fuisse vel ex *Homero* constat : de cuius
Regni origine & Regibus consulantur *Strabo lib. 8.* & *Herodotus initio lib. 1.* *Pausanias* & *Eusebius in Chronico* : quod
post multa tandem secula multasque Regum successiones à
Phidone occupatum, extincta iam Temenidarum vltima
Regum Argiuorum progenie, callido & versuto homine,
qui tamen & se ipse ex Temenidarum gente oriundum dice-
ret, occupatum fuit & in Tyrannidem conuersum, quem &
alii quidam sunt consecuti : qui Argis tyrannidem tenuerint,
non tamen Phidonis posteris, vt est apud *Herod. lib. 6.* &
Strab. lib. 8. & *Pausaniā, lib. 2.* Et hoc est, quod ait Aristote-
les, *Φείδων καὶ ἑτέροι.* Ait *Plin.* hunc Phidonem primum inue-
nisse mensuras & pondera, *lib. 7. cap. 56. in fi.* Vt autem Phi-
don hic Regnum Argium in tyrannidem conuertit : ita &
aliis Regnis accidisse notum est. Sic de Tarquinio supra, sic
Regnum Spartanum à Nabide tyranno (de quo apud *Li-*

*Reiner. Rei-
necc. syn-
tagmat.*

Ἰωνίαν & Polybium) in tyrannidem fuit conuersum.

Οἱ δὲ εἰς τὴν Ἰωνίαν.] Iones, siue Græci in Ioniam dedu- *Ionū Resp.*
 cti coloni, Reges sibi primo delegerunt ex Hippolochi &
 Codri progentie, teste *Herod. lib. 1.* vbi tamen posterioribus
 temporibus Tyrannides exstiterunt: vt notus est tyrannus
 Milesiorum Thrasybulus. Prima tamen ea Regna in ciuita-
 tibus iis Ionix iam pridem desierant, quod sub imperium
 Persicum essent redactæ. Atque ita in iis ciuitatibus primo
 Reges: deinde principes seu optimates: deinde tyranni præ-
 fuisse videtur: & tandem in seruitutem à Persis redactæ, mox
 ab Alexandro in libertatem fuerunt vindicatæ. Harum au-
 tem ciuitatum Tyranni non ex Regno, vt priores, sed ex im-
 periis siue magistratibus maioribus & diuturnis, vt Romæ
 Iulius Cæsar, sunt facti; ex honoribus, inquit hic Aristoteles,
 quod & supra explicauimus. Sic & Phalaris notissimus & crude- *Phalaris.*
 lissimus Agrigentinarum, quod oppidum est Siciliæ, Ty-
 rannus, nactus maiorem magistratum, eius occasione ty-
 rannidem eius vrbs inuasisse hic dicitur, quod non temere
 alibi reperias.

Παναίτιος.] Leontini popul⁹ est Siciliæ notissimus. De hoc *Panatius.*
 autem eorum Tyranno, Panætio, mentionem præterea re- *Cic. in. Ver.*
 peri *infra hoc lib. cap. 12. in fin.* vbi monet multos Insulam Si-
 ciliam Tyrannos habuisse.

Κύψελος ἐν κερύνθῳ.] De hoc Corinthiorum Tyranno *Cypselus.*
 & *infra cap. 12. initio:* de quo & reliqui historici, & in his an-
 tiquissimus *Herodot. lib. 5.* vbi hunc, sublata Bacchiadarum
 Oligarchia, tyrannidem inuasisse commemorat.

Πεισίστρατος.] De Pisistrato, eiusque liberis, Athenien- *Pisistratus.*
 sum tyrannis, videantur *Herod. lib. 1.* & *Iustin. lib. 2.*

Διονύσιος ἐν Συρακούσῃς.] Qua arte hic tyrannidem oc- *Dionysius.*
 cuparit Syracusis, exponit *Iustin. lib. 20. in princ.*

καὶ ἑτέροι.] De quibus explicatum *sup. cap. 5. & 6.* Nam a-
 git de iis, qui ex Demagogis & popularibus facti sint tyran-
 ni. Ex eorum numero fuit & Lygdamis Naxiorum tyran-
 nus, de quo *sup. cap. 6.* & copiose *Athenæus lib. 8* ex ipso *Ari-*
stotele. Sed alio eius opere, quod intercidit, & *Herodot. quo-*
que lib. 1.

T E X T V S.

Regnum igitur, vt diximus, ad Aristocratiam
 est ac-

est accommodatum. Est enim ex dignitate, vel ratione propriæ virtutis, vel generis, vel beneficiorum, vel & horum, & facultatis. Nam omnes, quia beneficiis affecerint vel potuerint afficere ciuitates aut gentes, hunc honorem sunt consecuti: hi quidem bello depulsa seruitute, vt Codrus: illi vero parta libertate, vt Cyrus: vel condita, aut acquisita Regione, vt Lacedæmoniorum Reges, & Macedonum, & Molossorum.

C O M M E N T A R I I.

Cognatio
Regni & o-
ptimum
Reip.

Καθάπερ οὖν εἴπομεν.] Quod initio huius capituli de Regno siue Regali imperio, simile id & accommodatum esse imperio optimatum & Aristocratia; latius hoc loco exponitur: et si id iam *supra* explicatum est *lib. 3. cap. ult.* aliisque in locis. Nam optimatum imperium non ex æquitate ea, quæ est numero, sed ex ea, quæ est dignitate, id est, non ex æquitate Arithmetica, vt Democratia, sed ex Geometrica, definiri, constat ex *lib. 3. & 4.* in qua æquitate ratio haberi solet virtutis, doctrinæ, generis, & id genus aliarum præstantiarum. Eadem est & Regalis Imperii ratio: nam & hoc dignitate metiendum, & præstantia virtutis, generis, aut beneficiorum deferendum, ac deferri solitum, docet hoc loco Aristoteles, adductis celebrioribus aliquot Regnis, quorum fere origo ex virtute, & beneficiorum magnitudine sit cœpta, quod idem & *supra* exposuit *lib. 3. cap. 10.* his verbis; Ἀλλὰ γὰρ τὸ τοῖς ἀρχαῖς ἀρχαῖς, &c. & *cap. 11.* his verbis; ἐν δὲ ἀπ' ἀρχαίας, &c. Idem & Cicero *lib. 2. Offic. ex Herodoto*, iustitiæ fruendæ causa Reges initio constitutos fuisse ait. *Lactant.* quoque *lib. 1. Diuinar. Inst. cap. 15.* beneficiorum magnitudinem Regnorum causam & originem fuisse ait, atque adeo beneficiis non tantum Reges, sed Deorum quoque in numerum fuisse olim pluresque relatos contendit *cap. 8. 9. 10. 11. &c.* vt & Cicero *lib. 3. de Nat. Deor. & Lucret. lib. 5. initio. & Arnob. lib. 1. aduersus gentes.*

Κατ' ἰδίαν δέ τινι.] Ait, Regnum deferri iis, qui vel suis virtutibus, vel maiorum siue generis & familiæ suæ antecellant. Nam & in honoribus ac præmiis tribuendis maiorum

quoque

quoque ratio merito haberi solet; ut ob recte facta ac virtutes præmijs afficiantur non autores tantum; sed eorum quoque posterij; quæ res ad virtutem plures excitare possit. Sed hoc ita intelligendum: si & posterij virtute sint præditi. Nam maiorum res gestas & virtutem tantum crepare, quod solet ventosa nobilitas, proclive est ac facile; sed imperio inutile, & his non sua, sed aliena virtute se effertibus ac ceruices iactantibus thrasonibus minime mandanda Imperia aut Regna, docuit *supra Arist. lib. 3. cap. 11. in fin.*

In honorib. deferendis maiorum quoq; virtutis ratio habetur. Limitatio.

Κατὰ ταῦτα] Ait, Regna deferri vel ob virtutes & beneficia iam præstita, vel ob præstanda: siue & ijs, qui iam præstiterint, & qui præstare possint. Sic enim ἅπαντες ὧς εὐεργετήσαντες, ἢ κτησάμενοι.

Ὡς ἔρ Κόδρος.] De Codro Rege Atheniensium, qui pro salute patriæ ac libertate, quam Dores bello grauissimo ijs ereptum venerant, morti se obtulerit, cum alij, tum eleganter exposuit *Iustinus lib. 2* cuius hæc est clausula: atque ita, inquit, Athenienses virtute Ducis pro salute patriæ morti se offerentis bello liberantur. Post Codrum nemo Athenis regnavit, quod memoriæ nominis eius tributum est: ex quib⁹ verbis perspicuum est, Codrum non eo beneficio Regnum consecutum fuisse, quod hic videtur velle Aristoteles, sed iam antea Regem fuisse, ut omnes historici testantur, sed hoc eius memoriæ tributum, ut ultimus Atheniensium Rex esset. Nam qui postea Atticæ præfuerunt, Archontes sunt nominati, ut est apud *Iustinum & Euseb. in Chronico.*

Οἱ δ' ἐλευθερώσαντες.] Cyro, qui suos, id est, gentem Persarum, antea Medis & Assyrijs parentem ac seruientem, in libertatem princeps vindicauerit, atq; adeo non liberam tantum, sed etiam dominam ac Monarcham fecerit (qua de re *Herod. Iustin. & alij*) hunc tributum fuisse honorem, ut Rex & monarcha non suorum tantum Persarum, sed deuictarum quoque nationum, Medorum, Assyriorum, Babyloniorum, Syrorum, Iudæorum & reliquarum Asiæ gentium designaretur. Sic olim & Bruto ob liberatam à tyrannide Tarquinij Rempublicam Romanam consulatum primo mandatum fuisse scribit *Dionys. Hal. lib. 4. &c.*

Κτήσαντες, ἢ κτησάμενοι.] Conditoribus vel amplificatoribus gentis aut ciuitatis regna quoq; mandari solita (nam & hoc beneficii quoddam genus esse videtur) docet exem-

- Sparta.** plo Regum Spartanorum, Macedonū, & Molossorum: quæ tria Regna ætate Aristotelis apud Græcos erant nobilissima.
- Macedon.** Nam alioqui idem & aliorum exemplo Regnorum doceri & confirmari poterat, ut Regni Thebani autōre Cadmo instituti, de quo *Pausan. in Bæoticis*, Attici ab Cecrope, de quo *idē Pausan. Strabo & Euseb.* Sed ea iam in Respublicas erant cōuersa. Sic & Romulō, ut Romæ conditori, Regnum Quirites detulerunt, ut est apud *Dionys lib. 2. Οἱ Λακεδαιμονίων βασιλεῖς.*] De Regibus Spartanis & Regno Lacedæmonio eiusq; ortu ab Hercule, eiusq; posteris Heraclidis commemorant *Diodorus lib. 1. Strabo li. 9. Plut. in Lycur. & Pausan. li. 3. in Laconicis*: quos Reges, cum principio Regnum Spartanum angustis finibus contineretur, constat longissime eos protulisse, & non tantum totius Peloponnesi, cuius pars est Laconica, dominatum, sed totius Græciæ marisq; mediterranei imperium sint adepti, atq; adeo iam in Asiam arma aduersus Persas, Duce Agesilao, extulerint, ut videre licet apud *Thucyd. Xenoph. & Plut. Agesilao.*
- Macedon.** *Καὶ Μακεδόνων.*] Regni Macedonici prima origo ab Carano Rege, progressus & incrementa, & maxima sub Alexandro potentia, tandemq; interitus sub Rege Perseo ultimo, à Romanis, duce Paulo Æmilio, deuictō, notum & peruulgatū est negotium. Huius Regni, inquit *Iustinus lib. 7. initio*, sicuti incrementa modica, ita termini perangusti fuere, &c. Sed postea virtute Regum & gentis industria subactis primo finitimis, mox populis nationibusq; imperium vsq; extremos Orientis terminos prolatum.
- Moloss.** *Καὶ Μολοσσῶν.*] De hoc Regno Molossorum siue Molossidis & Epiri ubi regnavit nobilissima Æacidarum siue Pyrrhidarum gens & familia, videantur *Strabo li. 7. Plut. in Pyrrho & Iustin. lib. 17.* qui de Tarriba Rege Molossidis, proauo materno Alexandri Magni, agens, primus itaque, inquit, leges & Senatum, annuosq; Magistratus & Reip. formam composuit: & ut à Pyrrho sedes, sic vita cultior populo ab Tarriba statuta. Nam Regni eius conditor dicitur Pyrrhus Achilles filius: cuius posterī, & maxime ultimus item Pyrrhus is, qui cum Romanis bellum gessit, cuius vitam descripsit *Plut.* regnum principio angustum paulatim latissime protulere versus Macedoniam, Illyrium & Italiam.
- Pyrrhus.**

Solet autem Rex vigilare, vt, qui rem quidem habent, nulla iniuria afficiantur, populus vero nulla contumelia. Tyrannis autem, vt sæpe dictū est, nihil spectat aliud, quam suam vtilitatem. Est autem scopus, tyrannicus quidem, iocundum; regius vero, honestum: itaq; ex commodis diuitiæ quidem sunt tyrannica: ad honorem vero pertinentia, Regia magis: & custodia, regia quidem ciuilis, tyrannica vero ex peregrinis.

COMMENTARII.

Βελεται.] Alia Regni & Tyrannidis differentia hic exponitur: qua Rex suorum ciuium, Tyrannus suam tantum spectet vtilitatem, non communem. Rex dat operam, ne qui rem habent ditiores & principes, suis bonis spolientur, & ne tenuiores à ditiorib. contumelijs, vt fere fit, afficiantur: Tyrannus contra omnia ad se conuertere, ditiorum bona occupare & tenuiores laboribus fatigare solet. Est autem insignis hæc differentia, de qua & supra lib. 3. c. 4. & lib. 4. c. 10. in fin. & Ethic. li. 8. c. 10. Et hoc est, quod hic ait, ὡς περ εἰρηλατὶ πόλ-
λακις. Idem & Herodotus, vt est apud Cic. li. 2. off. Mihi quidem, inquit, non apud Medos solum, vt ait Herodotus, sed etiam apud maiores nostros iustitiæ fruendæ causa videntur olim bene morati Reges constituti. Nam cum premeretur initio multitudo ab ijs, qui maiores opes habebant, &c. & Plato toto fere lib. 1. de Repub. & in Politico, hunc esse verum Magistratum, qui non quæ sibi, sed quæ ciuib. sint vtilia procuret, & lib. 5. de Republ. vt eum imitatus & Arist. lib. 5. Ethic. Iustitiam & Ius vulgo, tanquam prouerbio, dici ἀλλό-
τριον ἀγαθόν, bonum alienū: eo quod non sibi, sed alijs, puta ciuib. deseruiat. Hinc & Cic. li. 1. off. omnino, inquit, qui Reip. præfuturi sunt, duo Platonis præcepta teneāt; vnū, vt vtilitatē ciuium sic tueantur, vt, q̄cunq; agunt, ad eam referant, obliti cōmodorum suorum. Idē quoq; li. 2. de off. q̄ maxime huc pertinet, disputās q̄tra leges agrarias, q̄b bona ditiorib⁹ eripi solēt,

& ad tenuiores transferri, ut fieret bonorum quædam æquatio; qua peste, inquit, quæ potest esse maior? Hanc enim ob causam maxime, ut sua tenerentur, Respublicæ ciuitatesq; constitutæ sunt. Nam etsi duce natura congregabantur homines: tamen spe custodiæ rerum suarum urbium præsidia quærebant: *Et paulo infra*, Eos, qui rem agrariam tentent, ut possessores pellantur suis sedibus, ait labefactare fundamenta Reipub. Concordiam primum, inquit, quæ esse non potest, cum alijs adimuntur, alijs condonantur pecuniæ: deinde æquitatem, quæ tollitur omnis, si habere suum cuiq; non licet. Id enim est proprium, ut supra dixi, ciuitatis atq; urbis, ut sit libera & non sollicita suæ rei cuiusque custodia. Sic & *Aristoteles ipse lib. 1. Rhet.* ἔστι δὲ δικαιοσύνη: Iustitia, inquit, virtus est, qua quisque sua habere possit, & ut lex iubet. Idem, id est, viros principes non suam, sed suorum utilitatem spectare debere, ex eo quoque intelligi potest, quod legum sint ministri, ut pulcre *Cic. lib. 3. de ll.* *Et passim Plato in libris de Rep.* quas leges constat communis utilitatis causa ferri, ut ait *l. 1. Et 2. ff. de legib.* & explicauimus *ad initium lib. 2. Cic. de legibus.* Recte igitur & *Plin. in Panegyrico* vota pro Imperatore Traiano suscepta laudat, ita concepta: SI BENÈ REMPVBLICAM ET EX UTILITATE CIVIVM REXERIT, &c. & *Am- mianus lib. 29.* scribit, nihil aliud esse Imperium, ut sapientes definiunt, nisi curam salutis alienæ, *Et lib. 30.* finis, inquit, iusti Imperij, ut sapientes docent, utilitas obedientium æstimatur & salus & pulcerrime *Cic. lib. 3. de leg.* salus, inquit, Reip. suprema lex esto. Atq; hinc quoq; est, quod Rex parenti & pastori & cani, Tyrannus Domino & lupo comparari soleat. *supra li 8. Eth. c. 10. 11. Et li 3. Polit. Et hoc li. supra, c. 4.*

4. Differē-
tia Regni
& Tyran-
nidis.

Ratio.

Ἔστι ὁ σκοπὸς.] Alia Regis ac Tyranni differentia: qua Regi propositam virtutem & honestatem, Tyranno voluptatem ait: de qua differentia & *infra c. 11.* ubi ostendit, Tyrannos delicijs, voluptatibus ac libidini deditos sæpe ea de causa in contemptum venire & interfici. Ratio autem huius differentiae hæc est: quia Rex ex virtute constituatur, Tyrannus vi & libidine, ut explicatum *supra lib. 3. Et lib. 4.*

3. Differen-
tia Regni
& Tyrānidis.

Διὸ καὶ τὸ πλεονεκτεῖν αὐτῶν.] Alia differentia ex priorē mānans, qua Tyrannus pecunias ac diuitias, Rex tantum, aut certe magis, honores quærat. Sunt enim hæc duo, diuitiæ & honos,

nos, de quibus maxime laboretur ab omnib. mortalibus, vt *supra* explicatum c. 2. & hoc c. *infra*. Hos duos fines, & diuitiarum & honorum magnitudinem, omnib. monarchis propositos esse ait. Nam diuitiæ ad voluptates ac delicias (quem scopum Tyranno modo diximus esse propositum) fruendas sunt necessariae, vt ait *Cic. li. 1. off.* Expetuntur autem, inquit, diuitiæ cum ad vsus vitæ necessarios, tum ad perfruendas voluptates. Verbum autem *πλεονεκτήματα*, vt & *supra πλεονεξίας. li. 3. c. 8.* quod plerunq; in deteriolem, hic in meliorem accipitur, & præstantiam seu commodum significat.

Καὶ φυλακῇ.] Alia Regis ac Tyranni differentia, in stipatoribus seu custodibus corporis posita, hic exponitur. Nam Regum custodes ciues esse solent, Tyrannorum exteri & mercenarij, quod idem iteratum est, & *supra li. 3. c. 10.* vbi & hæc ratio seu causa adfertur, quod Reges iure ac lege, suorumq; voluntate præfint, Tyranni vi & inuitis ciuibus. Quare ciuibus diffidentes in exteris & mercenarijs fiduciam collocare debent, quorum custodia aduersus ciues à se oppressos sint septi. Idem ait & Hiero Tyrannus Siciliae apud *Xenoph. in Hierone*. Sic & *Cic. li. 2. off.* de Alexandro Pheræorum, q̄ ciuitas est Thessaliae, Tyranno, Thracibus barbaris eum vsum esse custodib. indicat: & olim Rom. Imp. Germanis custodib. utebantur, vt videre licet apud *Suet. Dionē. &c.* Hac ætate Reges partim ciuibus, partim exteris custodibus vti solent.

πλεονέκτημα.

6. Differentia Regis & Tyranni.

T E X T V S.

Tyrannidem autem continere mala & Democratia & Oligarchia, perspicuum est: ex Oligarchia quidem, eo quod finis sint diuitiæ: sic .n. & cōseruari necesse est & custodiam, & delicias: & eo quod nihil fidat multitudini: quare & ademptionem armorum procurant, & vexanda multitudine, & ex vrbe pellenda ac releganda, quod vtriq; est commune & Oligarchia & Tyrannidi. Ex Democratia vero, pugnando cum principibus, & tollendo occulte, & aperte, & relegando, vt æmulos, & imperio obstātes. Ex his namq; insidia fieri solent: quorum hi quidem imperare ipsi velint, illi

vero non seruire. Vnde est & Periandri ad Thrasybulum consilium eminentium spicarum mutilatio; quasi semper oporteat ciues principes tollere.

C O M M E N T A R I I.

“Οὐ δὲ ἡ Τυραννίς”] Quod supra initio huius cap. de Tyrannide dictum fuit, eam ex duob. deterrimis Reip. generibus, Oligarchia ac Democratia, esse conflata, & vtriusq; mala & incommoda in se continere: accurate ac distincte hic explicat.

1. Institutū
Tyrannidi
cum Oli-
garchia cō-
mune.

Nam quæ maxime sint propria Oligarchiæ, ea quoq; Tyrannū sectari, primum diuitias, tanquam scopum sibi habere propositū, & quidē necessario, cum ad alenda præsidia & custodes, tum ad voluptates suas fruendas, quas Tyrannū maxime sectari, supra diximus. His igitur suntibus ut pecuniæ

2. Instit. O-
ligarchicū.

suppeditent, tanquā caupo (quo nomine olim Regē Darium primum Persæ vocabant) omnes faciendæ & colligendæ pecuniæ causas inuestigare multisq; vectigalibus ac tributis exhaurire solent. de quo & *infra c. prox.* Deinde multitudini &

populo Tyrannus semper diffidere solet, sibiq; ab multitudine metuere, perpetuo versari in metu, quod pulcre & copiose explicat *Cic. li. 2. off.* quem metū causam quoq; *Arist.* hic ait esse, cur & arma multitudini adimant, quod Tyrannorū institutū, & *infra* cōmemorat *c. 11. fere in fi.* ubi, ut & h. loco, vocat eleganter ὁπλῶν παραίρεσιν: quod idem factitasse Athenis 30. Tyrannos eodem vius verbo cōmemorat *Xenoph. li. 2. τὴν ἐκλυτικὴν. Zonaras quoq; lib. 2. annal.* Mummium

3. Institutū
Oligarchia
& Tyrannidis com-
mune.

deuictis Corinthijs & arma & signa tabulasq; pictas omniaque ornamenta ademisse (παρείλετο) testatur. Deinde, quæ altera est & Oligarchiæ nota, ut explicatū, *supra c. 9. & initio c. 6.* Tyrannus multitudinem ac plebē vexare solet, eamq; vel

4. Institutū
Tyrannidi cum De-
mocratia
commune.

opprimere, vel partē eius aliquā vrbe pellere: atq; ita eos separare, ne ipse ab vniuersis aliquando opprimatur. Iam vero ex Democratia hoc habet Tyrannus, quod perpetuus sit ho-

stis optimatum & principum virorum, quos vel occulte, vel etiam aperte necare solet & è medio tollere vel saltem in exilium pellere, eo quod ab his maxime sibi metuat, tanquam æmulis, & eius imperio ac dominio infestis. Nam ab his plerumq; insidiæ oriri solent & parari aduersus Tyrannos, vel quia ipsi præesse & dominari cupiant, vel saltem quia nolunt seruire Tyranno, quod generosis animis est grauissimū.

Et

Et huc pertinet consilium Periandri datum Thrasylulo, qui Periander, decussis summis spicarum capitibus, occulte Thrasylulum monuerit, procures quoque & principes siue capita ciuitatis esse tollenda, aut certe minuendas ac frangendas eorum opes. Hoc autem, aduersari semper optimatibus, eosque infestare, Democratiae esse usitatum ac proprium, explicatum est, *supra c. 5. & c. 9. & li. 3. c. 9.* Et hoc ipsum est, quod apud Xenophontem Siciliae Tyrannus Hiero Simonidi poetae praeter alia conqueritur, tanquam de grauissimo Tyrannidis incommodo & malo, Tyrannum si bene sibi consultum velit, viris bonis & praestantibus virtute, doctrina & fortitudine semper aduersari & bellum facere debere.

Καὶ τὸ πρὸς τὸν Περικλῆ.] Ita habent meliora exemplaria, id est, luxui siue lauticiae ac delicijs. Nam & paulo supra Tyranni scopum ait esse τὸ ἡδὺν, voluptatem, vt & *infra* de Tyrannorum voluptatibus & luxu explicabitur *hoc cap. in fin.* alij libri non tam recte, καὶ τὸ πρὸς τὸν Περικλῆ, id est, victui cotidiano, quomodo tamen & vetus interpres habuisse videtur: vertit enim, vt sumtus faciat in educando.

Ὅθεν καὶ τὸ Περικλῆ.] De hoc callido Periandri consilio explicatum, *supra lib. 3. c. 9.* quo & Tarquinium superbum usum fuisse scribit, *Liui. lib. 1.*

T E X T V S.

Itaque, vt fere est explicatum, eadem oportet mutationum principia arbitrari & in Rebuspub. & in Monarchijs. Nam in monarchias ciues plerique inuadunt, & propter iniuriam, & propter metum, & propter contemptum; iniuriae .a. maxime propter contumeliam: interdum .a. & propter rerum suarum orbationem. Sunt .a. & fines iidem, vt illic, & in Tyrannorum dominatibus & Regnis: diuitiarum namque & honorum magnitudo monarchis est, quae omnes expetunt.

C O M M E N T A R I I.

Καὶ τὸ πρὸς τὸν Περικλῆ.] Diximus *supra initio huius c.* explicari hoc cap. & proximo de causis interitus ac salutis monarchiarum siue vnius Imperiorum: eas .a. interitus & salutis monarchiarum causas initio quoque eius cap. monuit Arist. easdem fere esse, quae sint aliarum Rerump. de quibus vnuerse septem numero expo-

Ratio.

*Huius loci
argumen-
tum.*

*Causa pra-
cipua inter-
itus Resp.
Excellētia
& incre-
mentum.*

*Causa in-
teritus Re-
gnorum &
Tyranni-
um.*

*3. Causa in-
teritus Mo-
narchia.*

situm est, *supra c. 2. 3.* Hoc .a. i. e. cur iisdem ex causis intereat & conseruetur vnus imperium, ex quibus Resp. hanc quoq; causam supra attulit, quod vnus Imperium Reip. valde sit simile: aut certe cū vnus Imperium sit duplex, Tyrānis & Regnum; hoc quidem Aristocratia, illud Oligarchia & Democratia notas in se contineat: id quod Arist. haftenus docuit accurate, & vniuerse. Hoc .a. loco idem enucleatius explicare exorditur, & singulas causas exponit multisq; allatis exemplis verum esse demonstrat in singulis causis, quod supra adhuc docuit, vnus Imperium iisdem quib. Respub. ex causis interire. Sunt .a. causae fere septem principes interitus & mutationis Rerump. honos, quæstus, iniuria, metus, excellentia, contemptus, & incrementū: quarum quinque ad Tyrannidem hic accommodantur, quod reliquæ duæ, excellentia, & incrementum, tantum Rerump. sint propriae, monarchiarum non item, vt perspicuum est. Quinque igitur monarchiarum tollendarum causæ, ex prioribus repetitæ, hic exponuntur; Iniuria, quo pertinet & odium, metus, contemptus, lucrum, & honor seu Imperium: adiungitur & VI. Tyrannidis propria, nomen seu gloria, *φιλοκρία*.

Τῆς δ' ἀδικίας, μάλιστα.] Iniuriæ, quā vnā tollendā monarchiæ causam esse diximus, cū multa sint genera, vt in corpus, quæ proprie contumelia dicitur; in bona, q̄ *πλεονεξία*, in famam & existimationē siue honorē: omnia quidem iniuriæ genera tollendæ esse Monarchiæ, sed eam maxime, q̄ contumelia dicitur, quā & ipsam multiplicē esse docet infra, multisq; exemplis cōfirmat, quod hic ait, plarāsq; coniurationes ex hoc iniuriæ genere exsistere aduersus monarchas. Interdū tamē etiam auaritiā principum coniurationis & seditionū esse causam, perspicui potest ex tot seditionibus & coniurationibus ob nimia & grauiora vectigalia exortis, tam apud veteres, quā nostra quoq; ætate. *Cic. quoq; lib. 2. off.* quo loco de rerū causa & prima origine ex *Herodoto* explicat, ex hac causa, quod rerum suarū non secūra sit possessio ciuib⁹: sed bona his eripiantur, q̄ donentur alijs, motus & cōiurationes sæpe exsistere commonstrat: quod & in Iul. Cæs. reprehendit & in Sulla. Quare & Aristoteles *cap. prox.* quo loco præcepta quædam exponit, quibus Tyranni seruatis dominatum & Tyrannidem diu tenere possunt, illud quoq; affert, Tyrannum vectigalia & bona, q̄ ciuib⁹ adimit, ita collocare debere, vt

ratio-

rationem accepti & expensi populo & ciuib. tanquam bonus pater familias, si opus sit, possit reddere: hac enim ratione & frugalitate, aut saltem eius simulatione populum non tam grauius laturum onera vectigalium, atq; si ea continuo in histriones, citharædos, scorta, adultores, ac parasitos, (vt fere fit) diuidantur, & consumantur. Scribit & *Machiavell. lib. 3. disputationum Liuianarum cap. 6.* quod longum & insigne est caput, de coniurationibus aduersus monarchas. Florentiæ, & ex hæreditate quadā nobilissima, grauiissimam Pactionum aduersus Medices coniurationem natam sua ætate fuisse, (legit autem hæc D. Gif. anno 1574.) ante annos scilicet 80. Huc quoque pertinet, quod *supra cap. 8* & alibi sæpe dicit, plebem ex hac iniuria bonorum adimendorum, vel præreptæ utilitatis, maxime ad seditiones commoueri.

Ἐστὶ δὲ καὶ τὰ τέλη τῶν πραγμάτων.] Vt principia siue causas, ita & fines ac scopos eosdem in monarchiis commutandis ac tollendis, quos in Rebusp. esse ait. Nam *supra c. 2.* duos fere fines, siue duo fere esse, quæ coniuratis vel seditiosis sunt proposita; diuitias & honores: quæ duo quia maxime apud Reges & principes reperiuntur (de honore est perspicuum, quam sæpe vt Di) colantur principes, & pleriq; diuitiis vel abundant vel abundare possunt) mirum non est, quod hic ait Aristoteles, eos quoque fines eosdem esse in principibus tollendis, qui sunt in Rebusp.

Fines tollendarum monarch. iudem, qui & reliquarum Rerum publicarum.

T E X T V S.

Coniurationum autem hæc quidem in corpus eorum, qui præfunt: illæ vero in ipsum principatum fiunt.

C O M M E N T A R I I.

Τῶν δὲ] Præclara & obseruatione dignissima hæc est coniurationum partitio: qua docet Aristoteles, cōiurationes interdum suscipi aduersus principes eorumque personam, interdum aduersus eorum imperium & statum: quod idem ait & *Imp. §. pub. autem iud. Insti. de pub. iudic.* Lex Iulia maiestatis, inquit, quæ in eos, qui cōtra Imperatorem vel Rempublicam aliquid moliti sunt, suū vigorem extendit. Prioris generis cōiurationes alteris, ni fallor, crebriores sunt; Pausaniæ aduersus Philippum Regē, Harmodij & Aristogitonis aduersus Hippiam, Bruti & Cassii aduersus Cæsarem, & multorum aduersus Impp. Neronem, Domitianū, Seuerum,

Coniurationum in monarchiis
Ἀλκιπείρις.

1. Genus.

2. Genus.

3. Genus.

Commodum, &c. Alterius generis commemoratur conspiratio Lotharii aduersus Ludouicum Pium Imperatorem. Est autem & tertium coniurationis genus mixtum, quo alicui Imperium cum vita eripiat, & in coniuratos vel vnum ex iis transferatur. cuius generis multa quoque exempla occurrunt Sic Sardanapalo interfecto, Deioces Regnum Assyriorum occupauit.

T E X T V S.

Contumelia autem cum sit multiplex, quæque iræ sit causa. Irati autem plerique fere inuadunt vindictæ causa, non vero præstantiæ, vt Pisistratidarum (ira, siue vindicta, siue potius τιμωρία vel ἐπίθεσις) eo quod sororem quidem Harmodii probro affecissent, Harmodium vero damno. Nam Harmodius quidem propter sororem, Aristogito vero propter Harmodium. Insidiati autem etiam & Periandro, Ambraciæ Tyranno: eo quod in symposio cum deliciis quæreret ex eo, an iam ex ipso vterum ferret. Philippi autem à Pausania: quod ipsum ab Attalo iniuria affectum neglexisset. Et Amyntæ minoris à Derda, quod in ætatem eius gloriatus esset: & Eunuchi in Euagoram Cyprium, eo namque quod filius eius vxorem ademisset, vt contumelia affectus interfecit.

Contumelia genera.

C O M M E N T A R I I.

1. Ignominia.

2. Pulsatio. Aliter.

1. Stuprum.

2. Derisio.

3. Diuortium.

4. Excisio.

5. Pulsatio.

Τῆς δ' ὑβρεως ὁμοιότης] Causam tollendorum Tyrannorum & Regum, contumeliā diligenter & accurate persequitur. Nā primo multa aut esse cōtumeliæ genera, maxime tamē hæc duo ignominia, & pulsationem siue verberationem: vel enucleatius, stuprum, derisionē, diuortium, castrationē excisionem, pulsationem seu verberationem: & ex his iram fere existere, siue in iram verti & commoueri contumelia qualibet affectos: quæ ira postea sit causa, cur affecti contumelia hoc maxime agant, vt pœnas repetant & vindictam sumant ab iis, qui

qui eos iniuria affecerint, neque tam laborent, ut eorum ipsi potiantur imperio, quam ut vindicta dolorem suum expleant: id enim, ut Aristoteles *lib. 2. Rhetor.* proprium est iræ, vindictæ cupiditas: deinde singulatim ea contumeliæ genera multis exemplis explicantur.

Ὅτιον, ἡ μὲν τῶν περὶ τὴν πόλιν ἐστὶν.] De hac re variant veteres, *Pisistratus*, ut videre licet apud *Herod. lib. 5. Thucyd. li. 1. Plat. in Hipparcho, & Iustinum libro 2.* Constantior tamen sententia hæc est: Pisistrati, qui primus Athenis tyrannidem occupavit, filium natu maximum, ut ait *Plato*, vel alterum, ut *Thucydides*, Hipparchum (nam *Iustinus* Dioclem nominat; erant enim tres, Diocles, Hippias & Hipparchus) Hipparchum igitur quia Harmodii sororem per vim, ut ait *Iustinus*, stuprasset, ab Harmodio fratre, eiusque deliciis Aristogitone fuisse interfectum: qui duo Tyrannicidæ postea ab Atheniensibus & statuis honorati, teste *Plinio*, & ab omnibus magnopere fuerunt celebrati: etsi interfecto iam Hipparcho frater eius Hippias postea etiā quadriennium, ut *Herodotus*, triennium, ut *Plato* ait, tyrannidem ibidem tenuit, & inde pulsus ad Persas confugit, quos in Athenienses incitavit, ut *Tarquinius Romanorum Tyrannus* Etruscos eorumq; Regem *Porcenam*. Sed utrique res male cessit. Nam Persæ gravissimo prælio *Marathonio* ab Atheniensibus duce *Miltiade* devicti fuerunt, in quo & ipse Hippias cecidisse dicitur: *Porcena* frustra aduersus Romanos bello suscepto domum re infecta rediit.

Ἐπεβούλευσαν.] Duos *Periandros* fuisse pleriq; cōsentunt, *Periander*, unū Corinthium, alterum Ambraciensem: sed ex his alii quidem, ut *Plato, Heraclides, Soz. &c.* Corinthium fuisse Tyrannum, Ambraciensem *Sophum*, siue unum è septē sapientibus. Alii in quib. est *Arist.* contra Corinthiū fuisse *Sophum*, Ambracniensem Tyrannū. ita *Diog. Laert. li. 1. in Periandro*, cui & hic locus astipulatur. Quod autem hoc loco de *Periandro* Ambraciensium Tyranno commemorat Aristoteles, idē confirmatur & à *Plutarcho* ἐν τῷ ἐρωτικῷ fere extremo.

ἡ δὲ φιλίππε ὑπὸ παυσανίᾳ.] *Pausanias* adolescens nobilis & comes *Philippi Regis* patris *Alexandri Magni* stupratus ab *Attala* principe viro in aula Regis, cū sæpe Regi ea de re esset cōquestus, & *Philipp.* eā iniuriā negligeret, observata occasione in ipsis nuptiis filia suæ: Regē mediū inter filiū *Alex.* & ge-

& generum procedentem, remotis iam stipatoribus, adortus interfecit: qua de re videatur *Iustinus libro 9. & Plut. in Alexandro.*

Amynt.

Καὶ ἡ ἀμύντου.] De hoc Amynta minore ab Derda, cuius de pudicitia erepta ille esset gloriatus, nihil dum repperi: quin autem Amyntas hic minor ex Regio Macedonum sanguine fuerit, non dubito, ut & Derdas fortasse. Nam plures Amyntæ Reges Macedonum fuerunt, & Derdæ sororem Phidam Philippus pater Alexandri uxorem duxit, teste *Athenæo li. 13. & Thucydides* Elimiorum principem seu Regulum Derdam vocat.

Euagoras.

Καὶ ἡ τοῦ εὐνέχου δάσος.] Perperam alii hæc ita verterunt, quasi Eunuchus ab Euagora esset interfectus: cum ex *Diodoro lib. 15. fere in principio*, constet, Euagoram ab Eunucho interfectum esse.

Ἀλλὰ δὲ τοῖς πρᾶξιόμοις, &c.] Id est: cū hæc gereretur in Cyprio, Nicocles Eunuchus Euagoram Regem dolo interfecit, Regnumque Salaminiorum obtinuit. Refellit eos quoque quod ait Aristoteles, ἡ τῷ εὐνέχῳ εὐαγόρα &c. ubi non ait ὑπὸ εὐαγόρα, ut ὑπὸ παύσανις, ὑπὸ Δέρδῳ: sed ipsi Euagoræ Eunuchi epithesin factam. Est autem hic Euagoras cuius encomium *Isoc.* scripsit ad filium eius Nicoclem, quem tamen Diodorus ait cognomento Eunuchum & Euagoræ fuisse interfectorem, non filium. Nam Euagoræ filium vocat Pythagoram *lib. 15. in princip.*

T E X T V S.

Multæ autem impressiones factæ sunt, eo quod monarchæ quidam corpori contumeliam attulerint. ut Cratæus in Archelaum: grauitè enim congressum semper tulerat. quare iusta satis & leuior fuit causa, quod ex filiabus nullam ei, licet pollicitus, dederit, sed priorem quidem bello aduersus Sirram & Arabæum occupatus dederit Regis Elibæ, iuniorem vero filio Amyntæ; ratus, illum & Cleopatæ filium sic minime sibi aduersaturum. Verum alienationis principium fuit illud, grauitè ferre congressum venereum: quā eandem

ob

ob causam vna coniuravit & Hellanocrates Larissæus ; cuius ætate cum esset abusus , non reduxit, vt erat pollicitus : quare congressum ille factum esse iudicauit, non amatoriae cupiditatis, sed contumeliae causa. Sed Paro & Heraclides Ænii, patrem vlciscentes, interfecerunt Cotyn. Adamas à Coty defecit , vt contumelia affectus, eo quod puer ab ipso esset excisus.

C O M M E N T A R I I.

Πολλὰ δ' ἐπιθέσεις.] Aliud contumeliae genus: quæ sit causa inuadendi in Reges, Monarchas aut tyrannos, stuprum & iniuria in corpus alterius, hic exponitur , multisq; exemplis explicatur eorum, qui à Regibus constuprati detestabili scelere inuiti & nolentes , hac contumelia & iniuria commoti, in Reges conspirarint, vt Crataeum & Hellanocratis in Regem Archelaum , Paronis & Heraclidæ in Regem Thraciae Cotyn, & etiam Adamæ non quidem stuprati sed excisi siue castrati ab ipso Rege. *Contumelia genus.*

Ὅτιον καὶ ἡ κραταίου εἰς Ἀρχέλαον.] De morte Archelai, Regis Macedonum, eum ab amasio seu deliciis suis Crataeum, vt *Plut. & Suida*, siue Crataeo, vt hic dicitur, interfectum commemorat & *Plutar. in Alcibiade posteriore*, & *Plato in commentario de reb. amatoriis, siue ἐρωτικῶ*, & *Suidas in vita Euripidis*. Aristot. coniuratos tres hic commemorat, Crataeum, Hellanocratem, & Decamnichum paulo infra, omnes contumelia & iniuria commotos ab Rege ipso, vel eius occasione accepta. *Archelaus.*

Ὡς ἐῖς καὶ ἐλάττω.] Obscuriora paulo sunt hæc verba, in quibus & latine reddendis variant interpretes. Videtur tamen eorum hæc esse sententia , coniurationis in Archelaum speciem siue *πρόφασις* etsi minorem & leuiorem , hanc nimirum, *ὅτι τὸ θυγατέραν* &c. (quæ certe leuior videtur iniuria, quam illa stupri) satis tamen iustamque & idoneam fuisse: quasi velit Aristot. hunc Crataeum non tam contumeliam ex stupro, quam denegata sibi Archelai filia, iam licet pacta, causam arripuisse & prætendisse. Quare videatur potius legendum, καὶ ὥς ἐλάττω, i. licet leuior: vel certe τὸ καὶ, ita erit accipiendum.

κατεχόμενος ὑπὸ.] De hoc bello Archelai aduersum Sir-
ram & Arribæum (sic enim legendum. *Suid.* inter coniuratos
Archelai etiam Arribæum Macedonem commemorat, in
vita Eurip.) videatur *Tucyd. lib. 4.*

Elibæa Rex.

Ἐδωκε τῷ βασιλεῖ.] De hoc Rege Elibæ, quæ pars est
Macedoniæ, Archelai genero, vt & de altero, Amyntæ filio,
amplius q̄rendum: quos ait hic Aristot. Archelaum sibi hac
affinitate deuinxisse; Elibæ quidem Regulum fortasse Der-
dam (nam hoc nomine Elibæ principem quendam com-
memorat *Xenophon*) vt eo socio vteretur in bello aduersus
Arribæum, Regē, ni fallor, Lincestarū in Macedoniæ parte:
alterum vero Amyntæ filium Regis Macedonum, ne hic
aduersus Archelaum, quia potius ad se successio Regni per-
tineret, Archelaum inuasorem persequeretur: eadem quoq;
ratione & Cleopatraz, quæ Perdiccæ Regis Macedonum sui
antecefforis erat vxor, filium quendam sibi conciliaret. Ma-
gna est apud historicos horum nominum, Regum Macedo-
niæ ac stirpis Regiæ, perturbatio, nata, ni fallor, partim ex
multa sobole, partim ex variis eorum inter se dissensionibus
& intestinis bellis.

*Regum Ma-
cedon. hi-
storia obscu-
ritas.*

*Reiner. Rei-
nec. Syn-
tagm.*

Πάρων δὲ καὶ ἡγεακλείδης.] *A Plut. in commentario aduersus
Coloten* hic dicitur Pytho. Ait nanq; Pythonē & Heraclidem
Platonis auditores * Thraciam Rege Coty interfecto
in libertatem vindicasse.

Ἀδάμας.] De hoc Adama, à quo Rex Thraciæ Cotys vna
fuerit interfectus, amplius quærendum.

T E X T V S.

Multi autē & quia verbera corpore pertulerint
irati: alii quidem necarunt, alii vero conati sunt, vt
iniuria affecti, eos etiā, qui in Magistratu & regia
essent potentia, vt Mitylenis Megacles Pentalidas
circumeuntes, & clauis pulsantes, cōiuratione cū
amicis facta interfecit. Et posterius Smerdes Pen-
thilum, plagis acceptis & ab vxore extractus, inter-
emit: coniurationis quoque in Archelaum dux
fuit Decamnichus, qui primus coniuratos incita-
ret. causa iræ, quod Euripidi poetæ verberandum
eum

eum tradiderat. Euripides autē succensebat, quod ille in oris foetorem quid dixisset. Multi vero & alii tali de causa, hi quidem sunt interfecti, illi vero insidiis fuerunt obnoxii.

C O M M E N T A R I I.

Πολλοὶ δὲ καὶ.] Aliud iniuriæ seu cōtumeliæ genus, pulsa- *Iniuria ge-*
tio seu verberatio, exponitur, multisq; exēplis confirmatur *nus.*
eorū, qui vel verberibus affecti, vel pulsati, aut interfecerint
coniuratione facta, aut saltē sint conati interficere Reges, vel
etiā alios Rerumpu. principes in Oligarchiis hac contumelia
cōmoti, vt Megacles Mitylenis aduersus Pentalidas, Smerdæ *1. Exem-*
aduersus Penthilum, & Decamnichus aduersus Regē Mace- *plum.*
doniæ Archelaum, de quo supra. Huc pertinet & exemplum *2. Exem-*
Zopyri, qui se ipse corpusq; suum mutilarit, vt odiū Babylo *plum.*
niorū aduersus Dariū, quē fingeat & mētiebatur eius muti- *3. Exem-*
lationis esse autorē, cōcitaret, vt est apud *Iust. li. 1. Herod. &c. plum.*
Exemplū de Virginio Romano (cuius ob filiā ab Appio decē *4. Exem-*
uiro in periculū libertatis & virginitatis adductā imperiū de *plum.*
cēuiro sublatū fuit: de quo explicant *Dionys. & Liv.) perti-* *5. Exem-*
net potius ad prius contumeliæ genus, de libidine & stupro. *plum.*

Οἷον ἐν μίτυλῃνῃ.] De hac coniuratione Megacelis, & Pen- *Pentalida.*
talidarum, quæ familiæ Mitylenis vrbe Lesbi imperium te-
nuere, petulantia hac amplius quærendum. Videntur potius
dicti Pentalidæ oriundi fortasse ab Orestis filio Pentilo, de
quo & *Strabo libro 12. & Vell. Paterc. libro 1.* Nam & *Ste-*
phanus in lib. de urbibus: Πενίλην, inquit, πόλις Λέσβου, ciues
Pentilenes à Pentilo. in Paterculo Penthelus mendose, vt pu-
to. Simili fere petulantia quendam Neratium Romæ olim
fuisse vsum scribit *Agel. lib. 20. cap. 1.* qui Neratius, quia al-
terum pulsanti aut verberanti ex lege 12. tab. leuior, puta
25. assium, esset, pro delectamento habebat, in foro comi-
tatus seruulo cum crumena assium plena, obuiio cuique cō-
laphum infringere, & mox numeratis 25. assibus ad alium
quoq; pergere.

Καὶ ὕστερον Σμερδῆς.] Et de hoc amplius quærendū, quis
hic Smerdes. Nam *in historia Persica* Smerdæ interdum
commemorantur, & quis fuerit Penthilus.

Καὶ

Archelaus. Καὶ τῆς Ἀρχελαΐας.] De coniuratione in Archelaum supra: cuius ait hic Decamnichum; quia permissu Regis ab Euripide apud hunc Regem gratiosissimo esset verberatus, ducem fuisse & principem.

Οὐδὲ ἐυριπίδης.] De Euripide, ut & Simonide poeta, & Socrate, aliisque viris doctis ab Archelao in Macedoniam ad se vocatis, magnoque in honore habitis, etsi Socrates ad eum proficisci noluit, *Plato, Seneca, Athenaus, Plut. alii*: sed de Euripidis foetore oris vnum tantum reperi adhuc locum apud *Stobaeum cap. 39*. Nam Euripides, inquit, cum quidam oris foetorem illi exprobraret, illique os foetere diceret: quippe, respondit Euripides, ut in quo ore multa occulta & mysteria mihi concredita computruerint. Quod ad oris foetorem eiusque exprobrationem attinet, monet *Plut. lib. 2 Symposiacōn cap. 1*. ubi de iocis & dicteriis, posse quem iocari & ridere in nasum alterius, ut praelongum, aut simum, aut aduncum: sed in oris aut nasi foetorem non item: eo quod ille iocus in nasum rideatur, in oris & nasi foetorem dolorem afferat & agere feratur.

Καὶ ἄλλοι.] Ait multos alios Reges & Tyrannos ob hoc iniuriæ genus partim interfectos fuisse, partim in summo saltem fuisse periculo, insidiis eis hac de causa factis. Neque enim omnes semper interfecti sunt, nam quibusdam insidiæ tantum sunt factæ, qui tamen evaserunt, aut saltem postea sint interfecti, ut Phalaris, ut Nero, &c.

TEXTVS.

Similiter autem & propter metum: nam & hæc vna ex causis est, ut in Rebus publicis, ita & in Monarchiis, ut Xerxem Artapanes, criminationē quo ad Darium metuens, quod iubente Xerxe, non egerit in crucem; sed veniam daturum ratus, ut oblitum, quia cœnaret.

COMMENTARI.

*II. Causa
interitus
monarchiæ
metus.*

Ὅμοίως δὲ.] Secunda monarchiæ tollendæ causa, metus hic exponitur, de quo dictum & supra cap. 2. ubi inter septem generales omnium imperiorum tollendorum causas

fas & hanc vnam esse docuimus, & *cap 3.* explicauimus, quo modo metus hic accipi debeat: vel enim ipsi metuunt monarchæ, seu ii qui imperium tenent, etiam pauci; vel metuunt, qui parent, fortasse ne pœnas dent facinoris perpetrati. De priore metu ipsorum, qui præsunt, hic non agitur: de quo tamen fortasse quis mirari possit, nullam eius hic fieri mentionem, cum metus & odium, quæ duo fere inter se comitari solent, causa dicatur, imperiorum euertendorum summa & maxime vstrata. Nam, vt *Ennius* præclare; Quem metuunt, oderunt; Quem quisque odit, perisse expetit: vt & *Cic.* de hoc metu eorum qui præsunt copiose disserit *libro 2. Offic.* imperia & opes beniuolentia confirmari, metu euerti; his verbis: Omnium autem rerum nec aptius est quicquam ad opes tuendas ac tenendas, quam diligere; nec alienius, quam timeri, &c. quod idem exemplo Alexandri in Macedonia, in Thessalia Pheræorum Tyranni, & Iulii Cæsaris Romanorum Tyranni, & Demetrii Macedonum Regis, & Rerump. Lacedoniæ & Romanæ exemplis confirmat. Sic & *Isocr.* ad Philippum: Πολὺ γὰρ κάλλιον ἐστὶ; longe, inquit, præclarius est, clarum beneuolentiam, quam mœnia capere, &c. & *Demosth.* 1. *olyntb* hoc argumento Philippum Macedonem, quia suorum esset in odio, breui ruiturum disputat. Idem ait & *Corn. Nepos* & exemplis confirmat in *vita Timoleonis* & *vita Dionis*. & *Salustius* in *Catilina*, vbi de Antiquis Romanorum moribus: in pace, inquit, beneficiis magis quam metu imperium agitabant, & accepta iniuria ignoscere, quam persequi malebant: etsi hæc verba ad alterum potius metus genus videntur pertinere. Sed in *Inguirtha* hac de re pulcherrima est oratio Micipsæ Regis morientis & liberos adhortantis, vt à suis diligere quam metui malint; quod idem & apud *Xenoph.* l. 8. de *Cyri instit.* facit Cyrus moriens ad filios. Videatur & exemplum de *Gotarze Partho* ap. *Tac.* l. 1. pulcherrime autem Imp. Marcus ap. *Herod.* l. 1. Micipsam & Cyrum imitatus, ad Commodum filium moriens, & πρὸς, inquit, χρημάτων πλεονεξία, &c. neque enim diuitiarum aut pecuniæ quantalibet vis ad luxum tyrannidis est satis, neque satellitum custodia ad eum qui præsens, tuendum, nisi beneuolentia eorum, qui parent, antecedit: atque illi maxime diuturne & secure imperant, qui suorum animis non metum ex crudelitate, sed studium & amorem ex humanitate in-

stillarint, &c. Videatur autem & *Cic. lib. 5. Tusc.* vbi de extremo metu Dionysii Siciliae Tyranni, qui cum esset, inquit, bonis parentibus atque honesto loco natus, &c. & *Philipp.*

Cur Arist. 1. de Iulio Cæsare & M. Antonio. De hoc igitur metus genere, siue de metu eorum, qui præsunt, Regum & Magistrate metus stratuum cur Aristoteles hic non explicet, causa hæc est: quia nihil hoc loco hic metus ad priorem causam de iniuria pertineat. Nam ex copracipiat. iniuria & crudelitate ac libidine in eos, qui parent, exercita

2. genus metus.

Xerxes.

metus iste & odium existere solet: quare Aristoteles iniuriam potius, quam eius comitem, metum, causæ loco collocandam putauit. De altero metus genere, eorum nempe, qui parent, quod ad Respublicas attinet, exemplum attulit, *supr. cap. 3.* de ciuitate Rhodiorum, vbi & nos alia de Pericle, Cæsare, &c. commemorauimus. De Monarchiis vnum hic affertur de Artapane, qui Regem Persarum dominum suum metu facinoris interfecerit; quod copiose commemorat *Diodor. lib. 11.* meminit & *Ctesias in Persicis*, quorum fragmenta non ita pridem cum Herod. sunt edita.

T E X T V S.

Aliæ autem ob contemptum, vt Sardanapalo quidam conspecto telam texere cum mulieribus, si vera sunt, quæ fabularum scriptores commemorant. Si autem non in illo, at in alio certe verum esse possit. Atq; in Dionysium posteriorem Dio propter contemptum coniurauit, & ciues ita cernens affectos, & ipsum semper ebrium. Quidam vero etiam amici propter contemptum inuadunt: eo namq; quod fides iis habeatur, contemnunt, vt clam futuri: & qui imperium adipisci se posse arbitrantur, quodammodo propter contemptum adoriuntur. Nam vt qui possint, & qui propter opes (potentiam) contemnunt periculum, facile aggreduuntur, vt belli Duces, Monarchas, vt Cyrus Astyagē, & vitam contemnens, & potentiā: eo quod potentia quidē militaris desidiā torperet, ipse vero luxu diffunderet: & Scuthes Thrax p̄tor Amadocū.

C O M-

C O M M E N T A R I I.

Αἱ δὲ ἀπὸ καὶ φρόνησιν.] Tertia tollendæ Monarchiæ cau- 3. *Causa in-*
 sa, Contemptus, exponitur: cum nimirum Reges vel luxu *teritus Mo-*
 diffuentes, & vino dediti, vel muliebri ingenio minimeque *narchia;*
 militares à suis rei militari præfectis opprimuntur: id quod vel *Contem-*
 inprimis ab iis, quibus omnia fere sua & maxime rem mili- *ptus.*
 tarem commiserint Reges, perpetrari demonstrat; eo quod
 hi Regis amici & familiares fide hac & familiaritate freti fa-
 cile occasionem ex cotidiana cum Rege consuetudine, absq;
 villo periculo eius opprimendi se nancisci posse confidant.
 Adfert autem de contemptu 4. exempla Sardanapali, Dio- *Exempla.*
 nysii iunioris, Aftyagis, & Amodoci Monarcharum. Idem
 quoq; commemorant *Francorum historia* de Carolo Mar-
 tello, qui toti regno præfectus cum omnia regni negotia so-
 lus administraret, effecit, vt filius suus Pipinus, Rege remo-
 to, & in monasterium concluso, Regnum Franciæ occu-
 paret.

Ὡς περ Σαρδανάπαλον.] De Sardanapalo inerte Rege, & *Sardana-*
 muliere potius quam viro, à præfecto suo Deioce Medo in- *palus.*
 terfecto, & Imperio Assyriorum ad Medos translato, etsi
 propter antiquitatem obscuram, quæ solet multis fabulis
 esse permixta, ea de re dubitat hic Aristot. pleriq; tamen hi-
 storici consentiunt, de quo videatur *Diodorus lib. 2. & Iusti-*
nus lib. 1. & omnium optime & latissime ex veteribus histo-
 ricis *Athenæus lib. 12. δειπνοσοφιστῶν.*

Καὶ Διονυσίῳ τῷ ὑτέρῳ.] De hac re, hoc est, de coniuratio- *Dionysium.*
 ne Dionis aduersus Dionysium Iuniorem Siciliæ Tyrannum,
 qui, Dionysio pulso, patriam in libertatem asseruerit, vide-
 antur *Plut. in Dione. & Diodorus lib. 14. & Nepos item in vi-*
ta Dionis. patrem Dionysium fuisse hominem militarem &
 strenuum, filium vero effœminatum: & proinde illum in-
 uasisse & tenuisse imperium, hunc amisisse, & hic & infra
 commemorat Aristoteles.

Καὶ τῶν φίλων δὲ πνεες.] Insignis hic est locus de amico- *Amici &*
 rum & familiarum in Reges coniurationibus: quos & ipsos *familiares*
 contemptu eo permoueri hic ait, & hoc amplius spe latendi, *potiss. Mo-*
 & rei propter familiaritatem facile conficiendæ, vt quibus *narcharum*
 rerum omnium fides habeatur, & sæpe tota conceditur Re- *interfecto-*
 gni aut principatus administratio. Quare & *Machiavell. li. 3. res.*

obseruat. *Liuianarum c. 5.* et si fere paradoxum, multis tamen exēplis confirmat, coniurationes in Monarchas, maxime ab eorum familiaribus & amicis suscipi: & hinc quoq; est, quod infra explicatur *cap. proximo*, insigne præceptum, Regibus obseruandum, ne de suis quem nimis honoribus & opibus augeant: quod nimirū hac occasione facile ita præpotentes facti ipsum imperium postea inuadant: quod eo loco explicabitur.

Astyages.

Ὅτιον κύρος ἀστυνάγη.] Hac in re variant historici. Nam alii pleriq; Cyrum auo suo, Medorum Regi Astyagi, imperium, vita tamen concessa, eripuisse, & hoc velut gradu primo facto, continuo totum imperium Babylonium & Medicum ad Persas transtulisse scribunt, quibus hic assentitur Aristoteles: *Xenophon* tamen contra Cyrum ab Astyage auo suo adiuncto illi filio suo Dario, ad Babyloniorum euertendum imperium, eoque communibus viribus Medorum & Persarum euerso, tandem & Medorum imperii creuisse hæreditatem, mortuo Astyagis filio Dario sine liberis, atque ita hæc tria Regna, Babylonium, Medorum, & Persarum, sub vnum Persarum coniunxisse scribit *in libris de institutio. Cyri.*

Καὶ σέυθης ὁ Ἰράξ ἀμαδόκω.] De Amadoco, quē *Diodor.* Midocon vocat *li. 13.* à Seuthe Thrace prætoris suo sublato: præter *Diodorum* videatur & *Xenophon lib. 4. de reb. Græcorum.*

TEXTVS.

Alij autē & pluribus de causis coniurant, vt & contemnentes, & propter lucrū: quemamodū in Ariobarzanem Mithridates. Ob hāc autē causam maxime ii rem aggrediuntur, qui natura quidem sint audaces, dignitatem autem militarem apud Monarchas habeant. Nam fortitudo, potentiam naçta, audacia est: quibus rebus, vt facile rem perfecturi, coniurationes faciunt.

COMMENTARI.

Complurib.

interdum

de causis

monarchia

euertuntur.

Ὅι δὲ καὶ διὰ πλείω.] Affert hoc loco velut iunctam & duplicem tyrannidis ac monarchiæ euertendæ causam. Nam multos esse ait, qui non singulis, sed pluribus de causis commoueantur & impellantur ad coniurationes faciendas, vt qui

qui tam ex contemptu, quā lucris studio in aliquē coniurant; quemadmodū inquit, Mithridates in Ariobarzanem coniuravit, de qua cōiuratione amplius quærendū: commemoratur quidem à *Cor. Nepote in Dathame* Mithridates quidā Ariobarzanis filius, sed vix ausim dicere filium aduersus patrem coniurasse. Commemoratur & Mithridates Rex Ponti à *Plutarcho*, qui metuens insidias Antigoni Regis Macedonum, paulo ante ætatem Aristotelis in Cappadociam fugerit, vnde stirps Regum Ponti ad clarissimum illum Mithridatem, cū quo CCC. post annis Romani bellū XL. annis gesserunt, Sylla, Lucullo, & Pompeio ducibus, deducitur. Sic & Dio partim contemptu, vt supra dictum, partim gloriæ studio, de quo infr. in Dionysium Iuniorē coniuravit.

Μάλιστα δὲ διὰ ταύτην.] Illo, de iunctis seu pluribus causis, velut interiecto & statim intermisso, redit Aristoteles ad priorem causam de contemptu. Nam hæc omnia verba eodem mihi pertinere videntur, quibus nunc docet, qui maxime hac de causa ad coniurationes impellantur; & ait, eos maxime contemptu in Monarchas incitari, eos (inquam) qui & natura sint audaces, & ex re militari nomen aliquod ac dignitatem locumque honestum, & proinde potentiam quandam apud Monarchas seu eos, in quos velint coniurare, sunt consecuti. causam adiungit, cur hi facilius ad coniurationes impellantur; quia his duabus rebus freti, putent, facile sibi esse, conata pericere, fortitudine (inquam) siue audacia, & auctoritate ac potentia, quam sunt adepti ex gloria rei militaris: & hinc est, quod olim coniurati in Cæsarem nollent Ciceronem, vt timidiorē, teste Plutarcho, coniurationis habere socium; quia præsentī animo ad eiusmodi facinora sit opus. De potentia autem, si quam coniurati sint nacti in Regno & aula, quantum ea ad coniurationem & suscipiendam & perficiendam habeat momenti; paulo supra explicauimus.

Ἀνδρία ἄρ' δύναιεν] Elegans est sententia, fortitudinem, opes nactam, esse audaciam: cuius sententiæ hæc mihi vis & potestas esse videtur: fieri plerunque, vt fortitudo, si potentiā aliquā adipiscatur, in audaciam degeneret. Nam videre id licet maxime in viris fortibus & militaribus, eos simulatq; exiguas opes & potentiam sunt nacti, continuo sibi Regna & Imperia somniare & promittere, & magna animo moliri

1. *Exemplū.*

2. *Exemplum.*

Qui potissimum contemnant monarchas & coniurēt aduersus ipsos.

Id quod in Henrico Duce Giffo apparet nup̄ eiusq; fratre Carolo, licet cōatus euentui nō dum responderit.

Ratio.

Exemplū.

Fortitudo, opes nacta, audacia est.

atq; cogitare : tantum animum & spiritum addit ac facit potentia. Fortasse tamen legendum sit *ἡρώς*, id est, animus, seu animi, & promptitudo, quasi dicat; fortitudine, potentiam nacta, animos & spiritus maiores fieri, vt iam dictum.

T E X T V S.

Atque eorum, qui glorię studio coniurant, alia est ratio causę ab iis, quę ante sunt expositę. Non enim, vt quidam Tyrannos aggrediuntur : eo quod & magnis quęstibus, & magnis eos affluere cernant honoribus : ita & eorum quisque, qui glorię studio coniurant, periculum suscipere solent : sed illi quidem propter causam expositam; hi vero, tanquam & alio aliquo præclaro facinore, & vnde apud alios clari & celebres fiant, edito, ita & Monarchas adoriuntur, non quo Monarchiam, sed gloriam parare velint. Veruntamen paucissimi certe sunt numero, qui hac de causa incitentur. Nam hoc ante positum esse oportet, nullam salutis rationem ducere, re non confecta: quod Dionis quidem cogitationem oportet comitari; sed non facile est multis eam ingenerari, siue inesse. Ille namque cum paucis in Dionysium mouit, ita se animo affectum dictitans, vt quo vel cunque posset progredi, (peruenire) tantum in re seu facinore confecisse ipsi sit satis; vt si paulum in terram ingresso, statim mors offeratur, eam mortem ipsi præclaram & honestam futuram.

*a. Causa in
peritus Mo-
narchiarū.*

Τῶν δὲ Ἀλκίφρονος.] Aliam euertendę Tyrannidis causam, gloriam & nominis claritatem Aristot. hic exponit, à prioribus plane aliam & longe discrepantē. Nam qui prioribus de causis incitantur, plerique omnes vel lucri, vel imperii causa potiundi, id aggrediuntur : hæc enim duo tanquam scopos omnium euerzionum esse, supra explicauit ea.

2. *hic.* ἔτι δὲ ἐπὶ τῇ τέλει ζῶντες, &c. Hi autem, de quibus iam explicatur, neque diuitias, neque opes, & imperium, sed solam gloriam sibi habent propositam, & coniurationem aduersus Tyrannos, tanquam aliud aliquod facinus præclarum, & forte factum (Arist. elegantissime προῆξιν περὶ τῆς) πρῶτης πει-
vnde sibi nomen immortale parent, suscipiunt, non quo ipsi εἰρήν.
Tyranno interfecto regno potiantur, inquit Arist. sed ut clari & insignes habeantur. Nam apud veteres maxime Græcos Tyrannicidæ magna erant in gloria, magnisq; honoribus & præmiis affici solent, ut est ap. Cic. lib. 3. Offic. Exemplum affert Arist. vnum in Dione, quod, ut ipse ait, exempla huius rei sint rariora. Sic tamen, id est, δόξης ἐνεκεν, * Iason Pheræorum Tyrannus à septem adolescentibus coniuratis δόξης ἐνεκεν interfectus est, teste Ephoro. Et C. Mutius Scæuola Romanus eodem animo Porfennam Regem Etruscorum, est aggressus: de quo est apud Liu. lib. 2. Eadem quoq; causa Arato ad patriam Sicyonem Tyranno liberandam fuit: & eadem Bruto coniurationis in Cæsarem; quare & Plut. qui & Arati & Bruti vitam describit, Brutum cum Dione comparat, qui nempe non cupiditate imperii, sed gloria stimulati, aduersus Tyrannos coniurarint.

Οὐ μὲν οὖν οἱ πολλοὶ ἐλπίστοι.] Raros & paucos esse ait, qui hac de causa stimulati coniurationem faciant; eiusq; rei, cur ita sint pauci, causam quoq; & rationem adiungit, quod eo animo atque ita affectos hos esse oporteat, ut si cogitata vel conata non perficiant & perpetrent, de vita sua nō sint solliciti, quid de se sit futurum: quæ affectio de vita negligenda, & gloriæ postponenda non nisi in generosissimis animis, & gloriæ cupidissimis existere solet. Tali animo ap. Liuium se fuisse ipse Scæuola, loco Regis Porfennæ scriba errore obtruncato, deprehensus, & ad Regem adductus testatur; nec ad mortem, inquit, minus animi est, quam ad cædē tuā: & facere & pati fortia Romanum est: nec vnus in te ego hos animos gessi: longus post me ordo est idē petentiū decus, &c. & mox: en tibi, inquit, quā vile corpus sit iis qui magnā gloriā petūt, &c.

Τὴν Δίονα ὁ ὑπολάβων, &c. ἐκείνος ᾧ μετ' ὀλίγων, &c.] De hac Dionis aduersus Dionysium iuniorem Siciliae Tyrannum coniuratione late explicatur ab Corn. Nepote. & Plut. in vita Dion. & Diod. Sic. l. 15. Sed Dion, inquit Nepos, fretus nō tam suis copiis, quā odio Tyranni, maximo animo duab. onera-

Tyrannicidarum præmia.

1. Exemplum.

2. Exemplum.

3. Exemplum.

4. Exemplum.

5. Exemplum.

Ratio, cur pauci sint, qui hanc ob causam tollant Monarchas.

riis nauibus quinquaginta annorum imperium, munitum quingentis longis nauibus, decem equitum, centumque pedatum milibus, profectus expugnatum, quod omnibus gentibus admirabile est visum, adeo facile pertulit, ut post diem tertium quā Siciliam attigerat, Syracusas intrauerit. Ex quo intelligi potest, nullum esse imperium, nisi beniuolentia munitum, inquit Nepos. & Diodorus, Dionem in hac re perpetranda ἐλαχίσταις πρὸς αὐτὴν πάντων χρόνῳ (ἀμείνον ἀφορμαῖς).

T E X T V S.

Interim autem Tyrannis vno quidem modo, ut & aliæ quæque Respublicæ, exteriorē; si qua Respublica contraria sit potentior. Nam voluntatem quidem affuturam, perspicuum est propter contrarietatem instituti. At omnes, quæ volunt, si possint, faciunt. Contrariæ autem Respublicæ, Democratia quidem Tyrannidi tanquam figulus figulo, ut ait Hesiodus. Etenim vltima Democratia tyrānis est. Regnum autem & Aristocratia propter contrarietatem status. Quare Lacedæmonii multas tyrannides dissoluerunt, & Syracusii eo tēpore quo bona utebātur Rep. Altero vero modo intestino; cum ii, qui sunt particeps, dissentiūt, ut Gelonis, & nunc Dionysii. Gelonis quidem, cum Thrasybulus, Hieronis frater, filium Gelonis coheret & adularetur atq; ad voluptates stimularet, ut ipse imperio potiretur: propinqui autē conspirarent, ne tyrānis plane dcleretur, sed Thrasybulus: quidam ex iis coitione facta, ut occasionem nacti, omnes illos expulerūt: Dionysium vero Dio, cū eius esset affinis, manu coacta, & populo sibi adiuncto, cum illum expulisset, interfectus est.

C O M M E N T A R I I.

Φθίρεται.] Insignis hic est locus de euerfionum diuisione bimembri seu bipartita. Docet namque omnem euerfionem vel domesticam, & intestinam esse, vel externam

ternam & aduentitiam, siue ex causa intestina, siue ex causa externa. Vt enim, ex sententia Physiologorum, rerum interitus naturalium partim sua vi fit, partim extrinsecus & externa vi; ita & de imperijs & Rebus publicis dicendum est, earum conuersiones & euersiones vel ex interiore malo, vel externo accidere. Nam quod hic Tyrannidi accommodatur, idem & in omnibus Rerum public. generibus locum habet. De his duobus summis euersionum generibus separatim *infra latius suo loco.*

“Ενα μὲν πᾶσι τοῖς ἔξωθεν.] Exponit, quæ sit externa euersio, nimirum cum duæ contrariæ inter se Respub. altera alteram opprimere conatur. Contrarias Resp. dicimus eam, in qua multi siue pauci, & eam, in qua vnus tantum imperium teneat, vt Democratia Tyrannidi, Aristocratia Regno, siue Democratia, Oligarchia, & Aristocratia, Regno & Tyrannidi. Cur autem hac ratione Resp. euertantur, causam ipse Aristoteles exponit: quia, vt inter similes amicitia, ita inter dissimiles plerumq; sit odium & inimicitia, vnde & voluntas perdendi existit. Nam vt eleganter *Ennius apud Cic. lib. 2. off.* Quem quisque odit, perisse expetit. Iam vero si accedant opes & potentia, vt hoc odium & voluntas expleri possit; nihil est amplius, quod ruinam & conuersionem remoretur. Nam his duobus concurrentibus, facultate & voluntate, res omnes confici solent. Confirmat deinde Aristoteles hanc conuersionis rationem & modum exemplo Lacedæmoniorum & Syracusiorum, qui cum Aristocratia seu ei finitima Oligarchia vterentur, consuerint olim tyrannides ciuitatum, quas deuicissent, tollere. De iisdem Lacedæmonijs, solitos eos & Democrantias tollere, vt contra de Atheniensibus, eos consuesse euertere Oligarchias, & Aristocracias; quia & hæc duo Rerum public. genera, Democratia, & Aristocratia, siue Oligarchia, vt multi & pauci, inter se sint contraria, explicatum est, *supra li. 4. cap. 11.* quod idem commemorat & *Isoc. in Panathenæico*, οἱ μὲν γὰρ ἡμέτεροι, &c. & dictum est *supra hoc lib. cap. 7. in fin.* vbi & de utroque hoc euersionum genere quædam explicauimus. Idem quoq; Romanos factitasse primo qui dem cum Aristocratia vterentur, & Aristocracias siue Oligarchias aduersus populum confirmare solitos, intelligi potest ex dissensione Ardeatium *apud Lium*; postea vero cum Democratia uti cœpissent, omnes

Causa interitus Rerump. aut intestinae aut externa.

1. Causa intestina.

sustulisse Monarchias & Regna, multisq; ciuitatibus libertatem ac Democratiam permulisse, constat *ex vniuersa historia Romana*. Hinc quoq; *Demosth. in 1. Olynth.* καὶ ὅλως, inquit, ὑπὸ τῶν, &c. Vbi nullam ait fidem esse posse Tyrannidi cum Rebusp. maxime si fines inter se propinquos habeant. Quia autem Oligarchiæ, vt paucorum dominatus, propius ad Monarchias seu Regna accedunt, quam Democratix, siue maior sit Oligarchiæ cum Regno, quam Democratix, affinitas: hinc quoq; fieri puto, vt Reges plerunq; Oligarchijs plus faueant, quam Democratijs. Sic olim Mausolus Cariæ Satrapa Regius, cum olim Rhodi dissensio esset inter plebem & diuites, horum factionem iuuit, *teste Demosth. in oratione pro Rhodiorum libertate*.

Καὶ γὰρ ἡ Δημοκρατία.] Videtur hoc dicere: cum Democratix multa sint genera, non omnes tamen Democratias Tyrannidi esse contrarias, vt extremam, quæ ipsa sit velut quædam Tyrannis. Nam *εἰ supra iam aliquoties dictū est*, hæc tria Rerump. genera, vltimas & nequissimas Democratiam, & Oligarchiam atque Tyrannidem inter se esse similes, & vt Aristoteles loquitur, ἀντιστόφους, *supra lib. 4. ca. 6. in fin.* & in aliam facile commutari, *lib. 4. cap. 11.* Aut certe Democratia extrema etsi est Tyrannis quædam perq; similis Tyrannidi, vt & *infra* dicitur; eadem tamen Tyrannidi contraria quoq; dici potest ratione æmulationis & odij seu inuidiæ, vt figulus figulo est & similis & contrarius; arte quidem similis, sed æmulatione & inuidia contrarius; eoq; pertinet *Hesiodi versiculus ex initio lib. 1.* ἔργων καὶ ἡμερῶν: καὶ κεραμεὺς κεραμεῖ, &c. de quo videatur *Erasmus in prouerbiis*.

Respub. cō-
traria aut
statu ipso,
aut æmu-
latione.

Exemplum
primæ cō-
τῆς πόλεως.

Et hæc verior est explanatio. Nam Aristoteles contrarietatem Rerump. seu statuum facit velut bipartitam, vel ex ipso genere status seu Reip. vel ex æmulatione. Huius autem generis Democratiam & Tyrannidem esse ait, quæ, quo ad statum, non sunt contrariæ. Est enim Democratia Tyrannis quædam (de extrema Democratia loquimur) sed contrariæ sunt, ὡς κεραμεὶ κεραμεὺς, id est, vt figulus figulo, nempe ratione æmulationis. Illius vero generis ait esse Regnum & Aristocratiam. Quia nimirum Aristocratia paucorum seu plurium, Regnum vnus sit imperium; atq; ita statu seu genere Reip. inter se differant.

Διὸ Λακεδαιμόνιοι.] Hæc duo exempla iam explicauimus, quibus

quibus & Romanos adiecimus, quos constet multa regna sustulisse, Macedoniæ, Syriæ, Cappadociæ, Ponti, Armeniæ, Ægypti, Africæ, Mauritanix, &c.

Ενα δ' ἐξ αὐτῆς, ὅταν.] Altera euertendæ tyrannidis ratio, 2. *Causa*
 quam intestinā & domesticam, seu interiorem & per se voca- *interna.*
 mus, hic explicatur, & duob. exemplis confirmatur, Gelonis 1. *Exempl.*
 & Dionysij iunioris, Siciliæ Tyrannorū. Est. a. seditio seu dis- 2. *Exempl.*
 sensio eorum, qui partē aliquam imperij tenent, vt sunt prin-
 cipes viri, vel propinqui, seu generis Regij. Nam si inter hos
 motus existat; facile fit, vt imperium dissoluatur, siue sit Ty-
 rannicum siue regale; nam quod hic de Tyrannide, idē itera-
 tur, infra, h. cap. de regno, his verbis φράσεις ἵη καὶ δύο πόπας,
 ἓνα μὲν παροισαμέντων, &c. Huc pertinet, quod & supra in Rebus-
 pub. cauēdum monet, ne qua inter principes Reip. eosq; qui
 præsunt, dissensio oriatur, vt explicatū est, c. 4 *supra h. li.* Hac 3. *Exempl.*
 .a. de causa, i. e. propter dissensionē inter fratres, Cyri Maioris
 filios, Cambysem & Smerdin factū est, vt Regnum Persarū à
 familia Cyri statim ad aliam trāsferretur, vt late & pulcre ex-
 ponit *Herod. li. 3.* Eadē quoq; causa, i. e. propinquorū siue eo- 4. *Exempl.*
 rum, qui Regij essent generis, inter se dissensio euertit Regnū
 potentissimū & antiquissimū Macedoniæ. Nam inter Phi-
 lippi Regis Macedonum duos filios, Persen & Demetrium
 Iuniorem, orta etiamnum viuo patre æmulatione, adeo vt
 Perses fratrem apud patrē accusaret coniurationis cum Rep.
 Romana aduersus Regnum Macedoniæ, patremq; initæ; &
 Philipp⁹, huic calumniæ fide habita, Demetrium curarit in-
 terfici: mortuo mox Rege patre Philippo, Romani cum alijs
 de causis, tum hac morte Demetrii ipsis perchari, vt iniustissi-
 ma, irritati, bellum Persæ intulerunt: qui Regnum cum vita
 amisit & cum omni posteritate, vt late explicatur à *Liu. li. 41.*
42. &c. & à Plut. in vita Æmylij & Titi Flamini. Eadem 5. *Exempl.*
 quoq; dissensio euertit Regnum Ægyptium, orta inter libe-
 ros Ptolemæi, Ptolemæum & Cleopatram: de qua re *Dio,*
& Hirtius siue Oppius in commentario de bello Alexandrino.
 Sic & inter Augusti Imp. priuignos, Drusum & Tiberium, 6. *Exempl.*
 orta æmulatione, nisi Drusus præmatura morte esset erept⁹,
 periculum fuerat futurū de imperio, iam primum ab Augusto
 cōstituto, statim euertendo. Sic & Herodis posteritas mutuis 7. *Exempl.*
 dissensionib. Regnum Iudææ amisit. Et Palæologorum dis- 8. *Exempl.*
 sensiones & mutua bella imperiū Orientis siue Constantinopo-
 polita-

9. Exemplū
sed impiis-
simum.

ὁμοίωσις.

10. Exem-
plum.

Gelon.

politianum Turcæ euertendum præbuerunt. Quare Deiotarus sapienter scilicet, cum multos haberet liberos, reliquis omnibus à se crudeliter necatis, vni tantum Regni hæreditatem tradidit; tum ne Regnū in multa membra dispergeretur, atque ita deminueretur, tum ne inter cohæredes æmulatio & dissensiones existerent, imitatus, *inquit Plut.* Vinitores, qui reliquos palmites & viuiradices amputare solent, quo facilius vnus crescat, quo plus succi vnus habeat palmes, qui sit vitis velut fundamentum: quod idem & de Selimo Turca scribunt: qui metuens hanc æmulationem, fratres omnes crudeliter curauit interficiendos.

Ἦσας ἢ τὸ ἐκ Γέλωνα.] De Gelone Siciliae Tyranno, siue potius Syracusanorum tantum, qui caput sunt Siciliae, meminit & *supra ca. 3. & infra ca. ult.* de eo autem, quemadmodum Tyrannidem sit adeptus, explicatur *ab Herodoto lib. 7.* Sed ea vt in ipsius statim liberis desierit, non facile alibi reperias, præterquam hoc loco, vbi Aristoteles docet, id ex dissensione propinquorum Gelonis accidisse. Nam cum Gelone mortuo filius eius imperium accepisset adhuc adulescens; Thrasybulus, Gelonis frater, huius adulescentis patruus, vt tutor, omnem administrationem imperij & etiam imperium ad se pertraxit: Gelonis filium omnibus delicijs & voluptatibus educari curauit; quod cum ægre ferrent alij propinqui & familiares, etsi plæriq; Thrasybulum tantum, non ipsam Tyrannidem sublatam, cupiebant: hac tamen vsi occasione omnes expulerunt tyrannidis hæredes & propinquos Gelonis, libertate Syracusanis restituta. Nam Tyrannidem Gelonis Democratia est consecuta, *vt infra dicitur cap. ult.*

Dionysius.

Διονύσιον δὲ δὴ ὡν ἐργάζεσθαι.] De Dione, quemadmodum Dionysium iuniorem Syracusanorum Tyrannum expulerit, & ipse rursus ab alijs fuerit necatus propinquorum coniurationibus & dissensionibus (nam Dio Dionysij erat propinquus, cuius pater, Dionysius maior, Dionis sororem in matrimonio habuerat) copiose hæc omnia explicantur à *Plut. in Dione, Diodoro Siculo & Corn. Nepote in Dione & à Plat. in epistolis.*

TEXTVS.

Cum dux autem sint causæ, propter quas maxime

xime aduersus Tyrannides coniuratur, odium & contemptus: eorum alterum quidem odium Tyrannis adesse necesse est; ex contemptu vero plurimæ fiunt euersiones. Argumento est, quod hi quidem, qui occuparint, plerique & retinuerint imperia: hi vero, qui ab illis tradita acceperint, statim, ut ita dicam, omnes amiserint. Nam cum in voluptatibus degant & contempti fiant & redantur (seu in contemptionem eant) & coniurantibus multas dant & præbent occasiones. Est autem & ira pars odij statuenda: fit enim quodammodo earundem rerum & actionum causa; sæpe autem & efficacior est odio ad agendum: acrius namque inuadunt; eo quod affectio ratione non utatur: maxime autem ob contumeliam fieri solet, ut iram sequantur siue ei indulgeant; qua ex causa & Pisistratidarum dissoluta est Tyrannis & multæ aliæ. Verum maius est odium. Nam ira quidem adest cum dolore, ut non facile sit ratione uti: inimicitia vero absque dolore.

COMMENTARII.

Δύο δὲ εἰσὶν αἰτίαι.] Explicatis adhuc causis euertendæ Tyrannidis, hoc loco docet, quæ ex ijs sint principes. Ait igitur, esse maxime duas, odium & contemptum; adiungit & iram, non tamen, ut causam separatam, sed ut odij partem: & de his duabus quidem causis, odio & contemptu, præter ea, quæ supra sunt explicata, hæc præterea afferuntur: primum ex omnibus euertendæ tyrannidis causis has esse principes. Deinde, ex his ipsis duabus potiore esse contemptum, odium tamen semper interuenire debere. Quod ad odium attinet, late supra explicauimus multisque exemplis docuimus, verum esse, quod Cic. scribit *lib. 2. off.* his verbis: Nec vero huius Tyranni solum (de Iulio Cæsare loquitur) quem armis oppressa ciuitas * interitus declarat, quanta odium hominum valet

*Quanta sint
causa prin-
cipes euer-
tenda mo-
narchia?*

valet ad pestem, sed reliquorum Tyrannorum similes exitus. Recte autē Aristoteles semper adesse seu interuenire odium debere, ait. Nam si Tyrannus ametur à ciuibus, nunquam eum sublatum volent. Nam, vt eleganter *Ennius*; Quē quisque odit, perisse expetit, vt supra diximus. Quod autē & cur contemptus potior sit causā euertendæ Tyrannidis, quam odium; exponit hic Aristoteles & confirmat, prius quidem, id est, potio-
Contemptus
odio potior. rem esse odio contemptum exemplis omnium fere Tyrannidum. Nam hoc licet cernere, eos, qui primi Tyrannides inuaserint, etsi in grauiore & iustiore, vt primi Tyrannidis auctores, essent: quia tamen vel ingenio, vel fortitudine, vel utroq; præstarent, & proinde tanquam homines nihili non possent contemni plerumq; Tyrannidem retinuisse, adeo vt odium non satis causæ fuerit ad eos euertendos; cum tamen eorum statim posterī & hæredes, quia voluptatibus se dederent & ignauia, & proinde in contemptū venirent, facile fuerint aut sublatis, aut expulsi, amissa Tyrannide: id videre
Exempla.
Ratio. licet in Dionysijs, quorum maior fuit militaris & acer in rebus gerendis, alter in voluptatibus & luxu ac delicijs. Causa autē cur contemptus sit potior, hæc exprimitur: Quia plures inuadendi Tyrannos occasiones coniuratis præbeat contemptus; quam odium. Contemptus autem causæ multiplices esse videntur, ignauia, negligentia, voluptates & luxuria, ætas, sexus, generis ignobilitas, clades aliqua accepta, aut infelicitas, infirmitas deniq;, & parua opes. De ætate autem tam puerili quam senum loquimur: nam utraq; contemni solet; sic olim Pertinax & Galba Impp. vt seniores, propter ætatem amiserunt imperium. De ignauia dictum est, *supra* & de luxu, vbi de Cyro & de Sardanapalo: de genere & familia; quanti ea res sit momenti, exponit *Plut. in Antonio*; quem scribit propter generis nobilitatem magnæ fuisse auctoritatis apud milites: & hinc olim Maximino Imperatori, quia infimo esset genere, vita cum imperio ademta fuit; ob contemptum (inquam) generis, vt est *apud Capitolinum in eius vita*.
Sexus. Quod ad Sexum, res est perspicua: quare & olim Alexander Seuerus Imp. quia multa mulieris matris suæ imperio administraret, in odium esse & contemni cœpit, & tandem est interfectus, teste *Lampridio*. De clade & infelicitate multa diximus, *supra cap. 4.* ad hæc verba, *μετὰ τὰς πόλεις αὐτῶν*, &c. quomodo olim & Xerxi Regi Persarum, vt in summam ve-

niret contemtionem, propter clades in Græcia acceptas accidisse, scribit *Iustinus lib. 3.* De paruis opibus item res est perspicua, quam & paulo supra attigimus. Cæterum de causis & varijs contemptus generibus videatur *Aristot. lib. 2. Rhetor.*

Opes exiles.

Μόχρον δέ τι τ' ἔμειπας.] Hic rursus de odio, altera evertendarum Tyrannidum causa: cui adiungi & velut partem constitui posse, iram in evertenda Tyrannide docet eorum instituta collatione. Nam primum similia esse ostendit, quod earundem fere rerum & actionum sint causæ. Vt enim odium,

Ira & odij similitudo.

ita & ira ex iniuria accepta nasci & oriri solet, & ad vindictam impellere: qua de re, id est, de iniuriæ generibus, unde odium & ira nascantur, teste *Aristotele lib. 2. Rhetor.* explicatum est *supra* his verbis, *τῆς δ' ὀργῆς*, &c. Deinde vero, quibus in rebus differant, ostendit. Nam 4. fere differentia

Ira & odij 1. discriminē.

breviter hic indicantur & perstringuntur. Nam odij quidem causam, ut & iræ, esse eandem, iniuriam scilicet: Sed cum in multiplex sit iniuria, ut *supra* dictum, odij quidem causam omnem iniuriam, iræ vero contumeliam maxime esse ait, unde & plurimæ Tyrannides, ut Pisistratidarum, aliæq; de quibus *supra*, sint dissolutæ, quæ & ipsa contumelia odij quoque causa, ut iniuria summa, esse solet. Deinde, iram esse odio promptiorem & celerio-rem ad agendum & inuadendum aliquem. Cuius differentia causam adiungit, quæ ipsa tertia erit differentia: quod odium ratione aliqua utatur, neque sit ita præceps, & sæpe duret in annos aliquot: ira plane ratione careat, sit præceps & inconsiderata, &, ut ait *Horatius*, furor brevis, siue, ut *Themistius*, *ὀλιγοχρόνιος μανία*: quare & seruo celeri, iamq; ad mandata vixdum satis à domino percepta properanti eleganter iram comparat *Aristoteles lib. 7. Eth. c. 6. in prin.* & hinc est, quod *Homerus* Minervam, tanquam rationem cælitus demissam, fingit ad Achillē iratum, quæ furentis eius iræ vim restinguat. Cur autem rationi ira minus, odium magis pareat & obtemperet, causam hanc adfert, (quæ quarta sit differentia) quod ira coniunctum habeat dolorem, odium non item. Nam irati dolent siue in dolore versantur: est enim ira iniuriæ præsentis, quæ dolorem afferre solet, atque hic dolor efficit, ut iratus rationem non audiat, sed continuo dolorem explere & vindictam summere concupiscat: at qui odit, cum odium fere ex iniuria præterita & futura exciteretur, ut est *libro secundo Rhetor.*

2. Discrimen.

Ratio.

3. Discrimen.

Approbatio.

4. Discrimen.

5. Discrimen.

6. Discrimen.

7. Discrimē
huius loci
propriū.

Rhetor. Aristotelis, recte dicitur non esse in dolore, cum dolor sit iniuriæ præsentis. Hinc est, quod ira tempore facile sanetur aut minuatur, odium longe difficilius; ubi iam duas præterea differentias indicauimus. Sed de his perturbationibus, odio & ira, copiose Aristoteles *lib. 2 Rhetor.* Et si igitur ira utpote præceps propter dolorem præsentem maxime est prompta & efficax ad alium inuadendum, odium vero lentius: quia tamen odium ratione utitur, ira minime, docet Aristoteles odium aptius esse ad Tyrannides euertendas, quam iram. nam quæ inconsiderate & non præmeditate suscipiuntur, plæraq; ad exitum non perducuntur.

TEXTVS.

Ad summam autem, quot causas diximus Oligarchiæ immoderatæ & vltimæ, atque Democratiæ vltimæ: totidem & Tyrannidis sunt constituendæ. Nam & hæ deiunctæ sunt Tyrannides.

COMMENTARI.

*Tyrānidis
interitus
causa eadē
fere quā
& Olig. &
Democrat.
Ratio.*

*Tyrānis ex
deterrimis
Democrat.
& Oligar.
mixta est.*

[Ὡς δὲ ἐν κεφαλαίοις εἰπεῖν.] Postquam Aristoteles proprias euertendæ Tyrannidis causas sigillatim exposuit: tandem alias quoq; esse ait, communes nimirū Oligarchiæ & Democratiæ, ut (inquam) ex iisdem etiam causis euertatur Tyrannis, ex quib. Oligarchia & Democratiæ; de quibus explicatum est, *supra cap. 5. & cap. 6.* Causam hanc affert, cur illarum causæ Rerump. Tyrannidi adferant interitum; quia Tyrannidi cum illis maxima sit cognatio; atque adeo illæ Resp. sint quædam Tyrannides, ut *supra dict. libr. 4. cap. 6.* Tyrannides, inquam, diiunctæ. Nam quæ vere est Tyrannis, de qua hic agitur, politia est quædam coniuncta & mixta siue temperata ex duabus politijs, Democratiæ & Oligarchiæ, ut supra explicatum initio huius cap. & d. *supra libr. 4. cap. 12.* Tyrannidem ex Democratiæ & Oligarchiæ, ijsq; nequissimis, esse conflatum; quod idem & hoc loco indicat Aristoteles his verbis: τ' ἀκραίη καὶ τελευταία, &c. Nam cum multa sint & Democratiæ & Oligarchiæ genera, de quibus *sup. libr. 4. cap. 4. & 5. & 6.* vltimum tam Democratiæ quam Oligarchiæ genus, ut nequissimum, huc pertinet, & Tyrannidi maxime est cognatum.

TEX-

Regnum autem ex causis externis minime illud quidem interit; quare & diuturnum est: ex se autem multi eueniunt interitus. Duobus autem modis interit; vno quidem, si Regni participes inter se discordent; altero vero modo, si tyrannice imperare conentur; vt cum maiorem potestatem sibi arrogent, & contra leges. Verum hac ætate non existunt amplius regna; sed si qua existant; Monarchiæ sunt potius & Tyrannides: eo quod Regnum imperium sit voluntarium, quodque magnis in rebus dominetur: multi autem sint pares, nec quisquam ita excellat, vt imperij magnitudinem & dignitatem exæquet; qua re fit, vt non velint ferre; quod si quis fraude aut vi impetret, hoc iam Tyrannis esse videtur. In hæreditarijs Regnis præter priores causa quoque interitus constituenda est, quod multi in contemptum veniant, & potentiam nacti non Tyrannicam, sed Regiam dignitatem, insolenter agant. Facilis namque tum est dissolutio. Statim enim, si nolint, Rex non erit, sed Tyrannus est & nolentium. His igitur de causis, & id genus alijs, Monarchiæ intereunt.

C O M M E N T A R I I.

Βασιλεία δὲ τὸ πρῶτον.] Quod paulo supra de Tyrannide & De causis
 priore tota huius capitis parte, nunc hac reliqua eius parti- interitus
 cula de Regno siue de causis interitus Regnorum breuiter Regnorum,
 hic exponitur. Vt enim de Tyrannide supra hoc capite,
 & generatim de omnibus Rerumpublicarum generibus di-
 ctum est supra cap. 7. in fine. idem & hic de Regnis, causas
 eorum euentendorum Aristoteles duorum ait esse generum;
 partim externas, partim intestinas. Et externis quidem
 X x causis

*Externis
causis Re-
gna raro e-
uertuntur.*

*ἐπ' αὐτοῖς ὄν-
τις.*

causis raro eueriti Regna. Quod ita accipiendum videtur, si copijs & opibus ad resistendum externo hosti bene sint munita. Nam alioqui sæpe etiam externis de causis eueruntur, ut videre licet in Regno Assyriorum à Cyro euerso, & Regnis Syriæ, Macedoniæ, Ægypti, à Romanis: etsi in his ipsis euerfionibus per externos factis intestina hæc mala, quæ *infra* exponuntur, non paruum externo hosti occasionem & velut ansam dederunt, puta vel discordiæ fratrum aut propinquorum Regni hæredum, vel iniuria & insolentia in suos aut vicinos, seuumque & Tyrannicum Imperium; aut certe contemptus eius & ignauia.

Φθίγγεται δὲ.] Duæ intestina seu interiores euertendi

*1. Causa
interna, dis-
cordia Re-
gni hæredū.*

Regni causæ siue tres potius exponuntur, discordia Regni hæredum inter se, Tyrannis siue Tyrannica administra-
tio, & degeneratio siue vilitas & contemptus. Et de pri-
ma quidem causa vulgo interpretes eam accipiunt de dis-
sensu Regiorum præfectorum & Satraparum, cum ta-
men intelligi debeat de discordia eorum qui è Regio sint
sanguine, siue ut Aristoteles loquitur, qui Regni sint par-
ticipes, ut inter fratres vel agnatos Regij sanguinis sæpe
discordiæ oriri solent, quos Latini posteriores historici
Regales vocant.

1. Exempl.

2. Exempl.

3. Exempl.

4. Exemp.

5. Exempl.

6. Exempl.

Et hæc pernicies fuit Regni Ægyptij, discordia inter
Cleopatram, eiusque fratrem Ptolomæum; Regni Spar-
tani, de cuius interitu *Plut. in vita Cleomenis & Agiatis*;
& Regni Syriæ, cuius discordiæ & cædes fratrum & pro-
pinquorum diligenter à *Iustino* commemorantur. Sic &
Regnum Anglorum factione Rubræ & Candidæ Rosæ, &
Regnum Franciæ factione Aurelianensium & Burgundio-
rum pene fuit extinctum. Et nuper Regnum Hungariæ,
discordia inter Iohannem & Ferdinandum exorta. De
discordia igitur eorum, qui de Regia sint stirpe, hic a-
gitur, non de discordia principum aut præfectorum, quæ
tamen & ipsa diligenter est cauenda, ut *supra* explicatum
initio cap. 4.

*2. Causa
intestina.*

Ἄλλον δὲ τρόπον.] Altera euertendi Regni causa, Ty-
rannis siue Tyrannica Regni administratio, hic exponi-
tur. Nam si Rex omnia pro sua libidine, nihil legibus
& antiquis institutis conuenienter vult administrare, o-
mniaque ad se pertrahere, suoque imperio subiungere;
fit,

fit, vt Regnum in Tyrannidem conuertatur, hac (inquam) immoderata administratione sublato Regno Tyrannis existit. Id namque Tyrannidis est proprium, suo omnia arbitrio, nihil legibus administrare. Et contra Regni est proprium, moderate vti Imperio, & legibus conuenienter morique maiorum. Atque hac in re sæpe grauiter peccant Politici, & Regum ac principum consiliarij, qui præclare cum Regibus & principibus actum putant, si omnia sub illorum imperium redigantur, adeo vt mera potestate dominantur, cum hac sua pleonexia ex Regibus Tyrannos faciant. Huc pertinent voces illæ: Omnia esse Regis & Imperatoris; Recte, inquit Seneca in libr. de beneficijs, imperio, non dominio seu proprietate. Recte igitur infra cap. prox. monet; Regum imperia, quo diuturniora sint futura, eo debere esse moderatiora, non infinita, sed definita potius potestate, vt eo loco explicabitur.

*Peccatum
Sophistarum
Politicoꝝ.*

*Præceptum
Politicoꝝ. de
Regum po-
testate.*

Οὐ γινώσκουσιν. Interijcit hic Aristoteles, sua ætate nulla amplius Regna existere, sed Tyrannides potius: sicut bi singularia imperia exoriantur. Causam hanc affert; Quia non in volentes & libentes, sed in inuitos vi aut fraude non virtute suscipiantur. Huius autem rei, id est, cur quæ ea ætate exorirentur Monarchiæ, essent præterque in inuitos & nolentes, causam hanc adiungit; Quia nemo vnus facile reperiatur, qui præter cæteros virtute antecelleret & summam regij nominis dignitatem ac maiestatem virtute & præstantia exæquaret: sed multi potius pares virtute essent, qui nolunt vnum aliquem ex suis solum reliquis imperare. Sic igitur argumentatur: Omne Regnum est in volentes. At ea ætate in volentes esse non poterat vnus imperium. Ergo tum nulla Regna existere poterant. De maiore propositione dictum est supra libro tertio capite decimo. Hac enim nota in primis Tyrannus distinguitur à Rege, quod hic sit volentium, ille inuitorum: de quo et infra cap. seq. Minor propositio confirmatur hac ratione; Quia multi sint pares, nemo vnus excellat. Nam qui sunt pares, non ferunt patris Imperium. Quod autem quidam ex hoc loco sumunt, Aristotelem negare sua ætate Regna vlla fuisse; falsum est: neque id ausus esset interpretum.

*Aristotelis
ætate oēs
monarchia
tyrannica.
Ratio.
Approbat.*

Formula.

Maior.

Minor.

*Error quo-
rundā In-
terpretum.*

esset metu Alexandri proferre Aristoteles. Quidam tamen hoc, ni fallor, loco adductus Gallus & Philosophiæ Tholosa Doctor à Rege Francorum Francisco I. literarum & doctorum hominum patrono, vocatus, venire noluit; quia diceret, eum tyrannum potius esse, quam Regem: quem Rex, ut stultum, risit & contempsit, & impune id esse ei permisit.

Πολλὰς δὲ εἶναι τὰς ὁποίας.] Docuit *supra lib. 3. cap. 11. §. 12.* eum vere ac Iure Regem esse, qui virtute cæteris ciuibus longe antecellat. Nam in pares non esse imperium, nisi mutuum.

Ἄν δὲ δι' ἀπάτης.] Astu & dolo multi Regna & Imperia sibi repererūt, plures vi & armis. Sic mortuo Cambyse, Cyri filio, Magus quidam, Cambysis fratrem Smerden se fingens, Regiam potestatem nactus, mox tamen oppressus fuit, de quo *Herod. lib. 3.* Talis & in Macedonia exortus fuit Pseudo-Philippus, de quo *Linus & alij.* Ratio autem, cur qui Regna sunt vel astu, vel vi Regna consequuntur, non Reges, sed sint potius Tyranni est perspicua: tum, quia Regna non hæreditaria virtute pariantur, ut *supra* explicatum *lib. 3.* tum quia qui his rationibus dominatum consequuntur, plerique inuitis præsent, cum Reges imperent volentibus, ut *supra* explicatum.

1. *Causa euer-
tendorū
regnorum
hæredita-
riorum.*

Ἐν δὲ ταῖς καὶ ἡγεμονίαις βασιλείαις, &c.] Separatim hic de Regnis hæreditarijs, eorum euerendorum vnam seu duas potius causas præcipuas exponit: quarum vna sit contemptus: altera, contumelia seu iniuria in suos. Nam quod ad priorem attinet, sæpenumero id accidere solet, ut primi quidem dominationis seu Regni auctores virtutibus militari-
bus & ciuilibus excellant, eorum vero hæredes & posteri in omni luxu educantur, Regio scilicet more, nullasque artes bonas pacis aut belli addiscant, qua tandem ex educatione duo hæc consequuntur; contemptus, & petulantia siue iniuria. Molliter namque, & delicate, regioque more educati, reliquam postea vitam in voluptatibus transigere volentes, partim à suis contemni solent, ut stulti & ignaui, partim voluptatum fruendarum causa in suorum & bona & liberos & uxores petulanter manus iniicere solent. Huius rei exem-
pla in

plain Sardanapalo, in Cambyse, in Cleopatra, in Tarquino, eiusque liberis, in alijs innumerabilibus omnes ætates suppeditant.

Καὶ τὸ συνάμειν μὴ κεκλιμένους, &c.] Quasi diceret, eos qui opibus & copijs Tyrannicis sunt subnixi ac muniti, non tam facile posse euerti; vt sunt præsidia, maxime externa, satellitum, & arcium, quibus & huius ætatis Reges ac principes multi se munire solent. Veri autem Reges, qui sola ciuium in se obseruantia & amore sunt septi, si degenerent, facile factu est eos opprimere. *Opib. tyrā-
nicis mu-
niti non tā
facile euer-
tuntur.*

Παρά γὰρ ἐστὶν.] Memorabilis est locus de interitu Regnorum: quæ, ait Aristoteles, facilime euerti; conuersione nimirum in Tyrannidem. Nam ad Regni euersionem non esse necessarium semper, vt homo tollatur; sed simul atque amorem & obseruantiam suorum Rex amiserit, iam Regem esse desisse. Cur ita? Quia, vt *supra* diligenter est explicatum, *libr. 3. in fine*, Rex verus præsit volentibus ac libentibus, Tyrannus inuitis *supra lib. 3. cap. 10. & sequentib.* *Regna fa-
cilime in-
tereunt in
tyrannides
versa.*

CAPVT XI.

EXPOSITIS priori capite causis euertendæ Monarchiæ, Regni ac Tyrannidis: hic causæ eius conseruandæ explicantur. Et primum quidem singillatim cum de Regno, tum de Tyrannide. Deinde communiter de vtraq; Monarchia, extremo fere capite. *Argumen.*

TEXTVS.

Conseruantur autem perspicue, vt vniuerse loquar, ex contrarijs: sigillatim vero, eo quod Regna quidem ad mediocritatem seu modicum imperium reuocentur. Nam quo pauciorum rerum sunt Domini, eo longiore tempore consistere necesse est omne imperium. Cum enim ipsi minus herili imperio agunt, & moribus magis

sunt pares: tum minus ijs, qui parent, sunt inuidiosi. Quapropter & Regnum Molossorum longo tempore durauit, atque Lacedæmoniorum; tum quia ab initio imperium in duas partes diuisum fuerit: tum quia Theopompus posterius & alij in rebus moderatior, & Ephororum magistratum instituerit. Nam Regnum potestate minuit, tempore auxit: vt quodammodo id non minus, sed maius effecerit: quod idem & vxori ipsum respondisse ferunt; quæ cum ex eo quæreret, an ipsum non pudeat liberis suis Regnum minus, quam à patre acceperit, tradere; minime vero, inquit; trado enim diuturnius.

COMMENTARI.

1. *Causa
conseruan-
darū mo-
narchiarū
generalis.*

Σώζονται δὲ, δῆλον, &c.] Exponit primo summam, causas conseruandi Regni & Tyrannidis eas esse, quæ prioribus sint contrariæ. Verbi gratia, cum euertendarum monarchiarum causæ sint iniuria, metus, odium, contemtus, pleonexia, &c. quæ *priore capite* sunt expositæ: certe conseruandarum causæ erunt ijs contrariæ; æquitas, caritas & amor, obseruantia, liberalitas in ciues, &c. Nam, vt dici solet, contrariorum contraria vis est & potestas. Verum quia hæc res obscurior est & breuior, quam vt ex contrarijs tantum peratur cognitio: recte faciendum sibi censuit Aristoteles, si & singulatim ac nominatim causas has conseruandarum monarchiarum ipse exponeret, atque ordine persequeretur. Et primum quidem de Regno, eius conseruandi causam hanc vnā, velut principem, commemorat, Imperij temperationem seu mediocritatem. Nam, vt *supra* Regna euerti docuit, si potestas nimis intendatur & amplificetur, Regesque omnia pro libidine administrare velint, nihil legibus relinquant, aut communi consilio: ita contra maxime diuturna ac stabilia ea Regna esse ait, in quibus minimum permittatur Regum ipso-
rum

2. *Causa
specialis
conseruan-
di Regni.*

in potestati; quod confirmat cum rationibus tum exemplis.

Rationes fere sunt duæ, quarum altera ab ipso Rege, *1. Ratio.*
altera à ciuibus petatur. Nam quo pauciora Regibus li-
cent, eo ipsi & sunt modestiores & minus Tyrannice im- *Approba-*
perant. Notum est enim illud *Terentij*; Deteriores o- *tio.*
mnes nos esse licentia. Altera ratio hæc est; Quod hac im- *2. Ratio.*
perij moderatione ciuibus minus sint inuidiosi vel odiosi. *Approbat.*
Facilius namque parent, qui & ipsi partem Imperij vicif-
sim consequantur, quam qui omni imperio & honore fue-
rant exclusi, si omnia ex vnius nutu & libidine pendeant: qua
de re sæpe *supra* dictum est, *lib. 2. 3. & 4.*

Exempla afferuntur Regni Molossici & Regni Lacedæ- *1. Exempl.*
monij: quæ duo Regna hac de causâ, quod Regum *2. Exempl.*
eorum potestas esset modica, maxime diuturna fuisse ait.
Et certe de Lacedæmonio eandem diuturnitatis causam
affert & *Plato in epistol. ad Dionem propinq. secunda.* Aliud *3. Exempl.*
exemplum & Respublica Romana suppeditat & Imperium
Romanum. Nam consulum primorum Regiæ & nimix
potestati obiectus Tribunatus plebis effecit, ut Respubli-
ca esset stabiliior ac diuturnior, *teste Cicerone libr. tertio de*
legibus. Quare, inquit, nec Ephori Lacedæmone sine cau-
sa à Theopompo oppositi Regibus, nec apud nos Con-
sulibus Tribuni, &c. & postea; Non enim ius illud so-
lum superbius populo, sed violentius videri necesse erat,
quo postquam modica & sapiens temperatio acces-
sit, &c. Ita & Electorum auctoritas & principum ac Re- *4. Exempl.*
publicarum Senatus nimix Imperatorum Cæsarum
potestati sapienter obiectus fuit. Veteres quidem Ro-
mani & Iurisperiti nostri Cæsarem legibus quidem ef-
se superiorem fatentur, sed tamen & legibus ipsum vi-
uere. Sic olim sapienter David Senatum Septuaginta-
virorum instituit: cuius velut auctoritæ & consilio restrin- *5. Exempl.*
geretur potestas Regia. Hoc quoque nomine nostræ æta-
tis Regna duo, Hispanicum & Polonicum, laudari solent, *6. & 7. Ex-*
quod pauca Regum, plæraq; legum arbitrio & imperio ad- *emplum.*
ministrantur.

Καὶ ἡ περὶ Μολοτῆς πολὺν χρόνον, &c.] Regnum Mo- *Moloss.*
lossicum, quod cœpit in Pyrrho Achillis filio, desijt in Pyrrhi

eius, qui cum Romanis bellum gessit, nepotibus, annis fere 950. incolumiter permansit, ut ex Regum serie & rebus gestis Molossorum docet *Rennerus Reneccius in lib. de antiquis familiis Regum veterum.*

Lacedam.

Kai η Λακεδαιμόνιον.] Et hoc Regnum Spartanum ab Eurysthene & Procle ex familia Heraclidarum ortis constitutum & annis fere 100. post Aristotelem in ultimis Regibus, Agide & Cleomene, desitum totidem fere annos, quot Molossicum, duravit, ut videre licet in *Eusebij Chronico. & Plut. in vita Agidis & Cleomenis, & in Pausania Laconicis.*

1. Modus,
quo Lace-
demonij
Regum po-
testatem im-
minuere.

Διὸ τὸ ἐξ ἀρχῆς τε εἰς αὐτοῖς.] Duos hic modos exponit, quibus factum fuerit, ut Regni Spartani siue Regum Lacedæmoniorum non magna esset potestas. Prior est, quod Regum imperium non uni, sed binis Regibus mandaretur, atque ita unus non posset omnia. Nam fuit hoc proprium huius Regni Spartani, ut non unus sed bini Reges ei præessent perpetua successione à primis auctoribus Eurysthene & Procle fratribus: quod institutum qui primus violavit Rex Cleomenes, idem fuit & ultimus, seque & Regnum perdidit, ut explicatur à *Plutarcho.* Idem institutum & Romanos in Consulibus secutos fuisse commemorat *Dionysius libro quarto in fine.* Nam Romani Regum quidem nomen sustulerunt, Regium tamen Imperium retinuerunt; Sed non uni, verum duobus id mandandum putarunt, ut ait *Cicero libro tertio*

2. Modus,
quo Lace-
demonij
Regum suo-
rum pote-
statem im-
minuere.

de legibus. Regio, inquit, imperio duo sunt, &c. Alter modus à Rege Theopompo institutus fuit. Hic enim Ephoros instituit, quorum magna fuit potestas. Adeo quidem, ut Ephori tandem paulatim plus possent, quam ipsi Reges, ut *supra* docuimus *libro secundo capite septimo.* Huius instituti auctorem hic Theopompum commemorat Aristoteles, cui assentitur *Cicero libr. 3. de legibus,* & eleganter *Val. Max. lib. 1. cap. 4. in fin. & Plut. in lib. ad indoctum Principem siue Magistratum.* Idem tamen *Plut. in vita Agidis & Cleomenis,* aliam eorum originem & incrementa affert. *Plato epist. 2. ad Dionis propinquos,* ait, Ephoros ab ipso Lycurgo Reipublicæ Spartanæ conditore esse institutos. De hoc Theopompo tacite locutus est Aristoteles, & *supr. lib. 4. cap. 11.*

Aliter.

Aliter.

Ὅτι ἐν τοῖς ῥητορικοῖς.] Sapiens & elegans hoc Theo- *Apophthe-*
 pompi Regis ad vxorem apophthegma seu dictum comme- *gma Theo-*
 morat & *Plut. in eo lib. ad princ. indoct. in princ.* cui dicto pla- *pompi.*
 ne geminum est illud Alexandri Seueri Optimi Imp. de quo *Apophthe-*
 ita *Lamprid.* Denique cum ei obiicerent nimiam ciuilita- *gma Seueri.*
 tem, & Mammæa mater, & vxor Memmia, Sulpitii Consu-
 laris viri filia, Catuli neptis, & sæpe dicerent; molliorem ti-
 bi potestatem & contemptibiliorem Imperii fecisti; ille re-
 spondit, sed securiorem & diuturniorem.

T E X T V S.

Tyrannides vero conseruantur duobus mo-
 dis maxime contrariis: quorum alter est per ma-
 num traditus, & quo plerique Tyranni impe-
 rium administrant. Ex his autem multa à Perian-
 dro Corinthio instituta dicuntur: multa & à Per-
 sarum imperio eiusmodi sumere licet. Sunt au-
 tem vetera ad Tyrannidis salutem, quoad fieri
 potest, pertinentia, hæc; præstantes viros demi-
 nuere, & viros magni animi tollere, & neq; con-
 uiuia permittere, neque sodalitatem, neque disci-
 plinam, neque aliud quicquam eiusdem modi,
 sed cauere ab omnibus, vnde consuerint existere
 duo; & magni animi, & fides: non etiam scho-
 las, nec alios conuentus otiosos permittere, o-
 mniaque curare, quibus quam maxime inter se
 ignoti omnes sint futuri (notitia enim fidem in-
 ter se magis efficit) eosque, qui domi remaneant,
 semper apparere, & in foribus versari. Sic enim
 minime latere possint, si quid moliantur, & as-
 suecant paruos gerere spiritus, si semper ser-
 uiant. Atque id genus alia Persica & barbara in-
 stituta sunt Tyrannica: omnia namque idem va-
 lent.

lent. Curare quoque, ne sint occulta, quæ ciuium quilibet dicat aut faciat, sed sint speculatores, ut erant Syracusis, qui dicebantur Potagogides, & Hiero Otacustas, summittebat, si qui esset conuentus vel circulus. Nam quia à talibus metuunt, & minus libere loqui solent, & si liberius fuerint locuti, minus latent. Et eos inter se calumniari ac committere, & amicos cum amicis, & plebem cum patriciis, & diuites inter se. Tyrannicum quoque est, ciues reddere pauperes, cum ut ne præsidium alatur, tum ut cotidiana opera impeditis non sit ocium insidiari. Eius rei argumento sunt & Ægyptiæ Pyramides, & Cypselidarum donaria, & Olympii substructio Pisistratidarum, & opera seu monumenta in Samo Polycratia: Ea namque omnia idem valent seu efficiunt, occupationem & paupertatem ciuium. Vectigalium quoque collatio, ut Syracusis. Accidit enim, ut Tyranno Dionysio omne patrimonium contribuerent. Est autem & bellorum cupidus Tyrannus, tam ut sint occupati (ciues) quam ut Duce semper opus habeant. Et Regnum quidem per amicos conseruatur; tyrannicum vero est, amicis minime fidere, quod omnes quidem velint, hi autem maxime (nocere Tyranno) possint. Et quæ Democratiæ extremæ accidunt, omnia sunt tyrannica; & domestica mulierum imperia; ut viros deferant, & seruorum indulgentia eadem de causa. Nam & non insidiabuntur Tyrannis serui ac mulieres, & ex sententia viuentes necesse est

est bene esse affectos & in Tyrannides & in Democratias. Etenim solet & populus esse Monarcha. Quare & apud utrumque in honore est adulator, apud populum quidem Demagogus: est enim populi adulator Demagogus: apud Tyrannos vero ii, qui abiecte loquuntur, quod adulationis est proprium. Quapropter & improbi Tyrannis cari esse solent: gaudent enim adulationibus; hoc autem nemo vnus, generoso spiritu præditus, facere possit, sed amant viri boni, aut non adulantur. Sunt etiam ad mala utiles improbi: Clauus enim clauo, vt est in prouerbio. Tyrannicum quoque, nullo graui aut libero homine delectari. Nam se vnum talem esse vult Tyrannus. At si quis pari vtatur grauitate & libertate, tollit excellentiam, & dominatum Tyrannidis: Eos igitur, vt qui Imperium minuant, oderunt, vti quoque in conuictu & reliqua vita sodalibus. Peregrinis quoque, quam ciuibus magis vti est Tyrannicum, quod hi quidem sint inimici, illi vero non curent. Et hæc quidem aliaque eius generis Tyrannica instituta ad imperii salutem pertinent: Nihil autem abest improbitatis. Hæc autem omnia tribus fere generibus continentur: tria namque petit Tyrannis. Vnum quidem, vt ciues humilia sentiant. Nam qui parui est animi, nemini insidiatur. Alterum vero, vt inter se non fidant: neque enim prius deletur Tyrannis, quam inter se quidam fidant. Quare & maxime cum viris bonis bellum gerunt, vt imperio per-

perniciosis, non eo tantum, quod herili dominationi parere nolint, sed etiam quia & apud suos & apud alios sint digni, quibus fides habeatur: & quia nec inter se nec alios accusent. Tertium est, ut vires sint infirmæ: nemo enim facile aggreditur, quod perficere non possit: quare nec Tyrannidem delere non suppetentibus viribus. Atque hi tres sunt scopi, ad quos Tyrannorum consilia reuocantur: omnia namque tyrannica instituta ad hos fines reducere quis possit, tum ut ne inter se fidant, tum ut non possint, tum ut humilia sentiant. Et talis fere est vnus modus, quo tyrannidi salus efficiatur.

COMMENTARI.

Αἱ δὲ τυραννίδες σώζονται.] Duo tyrannidis conseruandæ modi siue rationes & viæ plane inter se contrariæ ab Aristotele hic accurate explicantur: quarum altera asperitate & sæuitia, altera humanitate & clementia nititur. De asperiore via & ratione priore loco explicat, ut notiore & Tyrannis magis vsitata, cuius præcepta partim ex regno Persarum (cuius potestas & imperiū ut asperius & tyrannicum à Græcis dici solet) partim à Periandro Corinthiorum Tyranno, tanquam huius rationis & disciplinæ auctore, petenda, ait: eadem tamen fere extant *apud Xenophontem in Hierone*, & *apud Dionem lib. 52* quæ nos inter se *infra* suo quidque loco comparabimus: eadem quoque extant & *apud Plac. lib. 8. de R. p. extremo.*

Quibus addatur & Machiavellus.

Ὁ παραδεδομὲν.] Hoc verbo de altera tyrannidis cōseruandæ ratione, esse eam à moribus traditam & vsitatam, ait.

Periander.

Περίανδρον τὸν Κορινθίων.] De eo dictum est *supr. lib. 3. c. 9.* & *supr. hoc lib. cap. 10.*

Ἐπὶ δὲ ταῖς πάλαι, &c.] Præcepta ad asperitatem pertinent-

rentia, & notæ veræ tyrannidis, ordine ac deinceps hic iam exponuntur.

Τὸ τὰς ἐπὶ ἐρχομένους.] Primum Tyrannorum præceptum 1. præceptū
siue principium de viris præstantibus vel vrbe pellendis vel *speciale*
necandis, vel de gradu deiiciendis, & velut capite deminuen- *tyrannidis*
dis, vt sunt, qui sapientia, qui fortitudine & vsu rei militaris, *stabilienda.*
animique magnitudine, qui iustitia antecellunt: eius præ-
cepti auctor Periander ille esse dicitur, vt ex Herodoto ex-
plicatum *sup. lib. 3. c. 9.* & *hic cap. 10.* vbi docuimus, & Tar-
quinius Superbum Romæ idem esse secutum. De eo &
Hiero apud Xenoph. conqueritur, inter Tyrannorum cala-
mitates & incommoda hoc non esse minimum, quod præ-
stantes viros de medio tollere cogantur, si salui & incolumes
esse velint; sic enim ait: χαλεπὸν δ' ἐστὶν οὐ καὶ ἄλλο πᾶσι, ὡς
Σιμωνίδῃ, τρεῖς ἄνδρες, &c. de eodem Tyrannorum instituto &
grauiter Plato *lib. 8. de Rep. in fin.* & *Diod. lib. 52. in princ.* vbi
Agrippa, Regum & Tyrannorum incommoda ac mala com-
memorans, de hoc quoque late explicat his verbis; ἐπὶ τοίνυν
πολλοὶ χρεῖς, &c. neminem in Regno, qui vel genere, vel di-
uitiis, vel sapientia, vel animi magnitudine excellat, satis à
Regis ira & insidiis tutum esse dissierit. Exempla huius insti-
tuti historiarum suppeditant innumerabilia tam sacræ quam
profanæ. Atque hoc quidem institutum non Tyranni tan- *Rebus p. reli-*
tum & Monarchæ, sed etiam Respublicæ tenent, vt *supr. quis quoque*
explicatum *lib. 3. c. 9.* vbi de Ostracismo. *visitatū hoc*

Καὶ τὰς φρονήμας.] Videtur Aristoteles hoc velut al- *præceptum.*
terum facere præceptum, & à priore disiungere; quasi prius 2. *præceptū*
sit de præstantium auctoritate ac dignitate virorum demi- *tyrannicū*
nuenda: hoc alterum sit de viris magni animi plane de me- *speciale.*
dio tollendis ac necandis. Nam & Plato eo loco hoc, tanquam
singulare institutum, commemorat, quo Tyranni liberos
spiritus siue animos & ingenia semper habeant suspecta, ea-
que curent interfici. Sic enim ait: καὶ ἂν γὰρ πᾶσι οἷμαι ἐπὶ, &c.
& ipse Aristoteles *infr.* ostendit, quam graues sint Tyrannis
liberæ voces, & ii, qui Tyrannis adulari nolint. Xenophon
tamen ac Dio hæc duo præcepta ad vnum reuocant de viris
genere, animi magnitudine, sapientia, virtute & iustitia præ-
stantibus necandis.

Καὶ μὴτε συνάμα.] Tertium, siue potius alterum Tyran- *3. præceptū*
norum principium de sodalitijs siue sodalitatibus & collegijs *tyrannicū.*
tollen-

tollendis, etiam de scholis, & ciuium institutione, aliisque conuentibus & synodis non ferendis. Nam hæc quatuor, Sodalitates, Conuiuia, Institutio, & Scholæ, ad vnum idemque caput ac præceptum reuocari possunt. Cur autem Sodalitates & conuentus ciuium ac scholas oderint Tyranni, causas Aristoteles hic affert duas: tum quod amicitia siue notitia, ac fides ciuium inter se inde oritur, vnde paulatim coniurationes ac factiones in Tyrannos facile suscipiantur: tum quod ciues hac ratione bene instituantur, beneque instituti magnos animos gerere incipiant, facile vt in Tyrannos conspirare velint ac possint. Nos singulatim hæc explicemus.

1. Ratio.

2. Ratio.

συσσίτια.

Καὶ μήτε συσσίτια ἔσιν.] De Syssitijs Græcorum, communibus ciuium epulis & conuiujs, quibus non absimiles erant Romanorum Sodalitates & cœnæ Pontificum ac Tribuum, explicauimus *sup. lib. 2. c. 7. & 8.*

ἱταίρια.

Μήτε ἱταίρια.] Quæ à Græcis ἱταίρια, ea à Romanis dicuntur collegia, Sodalitia & corpora (hac in vrbe barbare vocant Tribus) vt sunt nauiculariorum, pistorum, fabrorum, &c. mercurialium: cuius generis Sodalitia & corpora olim Romæ erant perpauca, ab Imperatoribus satis multa fuerunt instituta. Traianus tamen Imperator Plinio, Nicomediæ volenti fabrorum collegium instituere, non est assensus, vt est *apud Plinium libro 10. epistolarum, epistola 34. & 35. & ibi Ioannes Maria Cataneus.* quod inde factiones facile existant, quæ causa fuit, cur nuper Franciscus primus Rex Galliæ vno edicto omnia opificum collegia sustulerit in omni Francia. Et Carolus Quintus in aliquot Germaniæ ciuitatibus. De collegijs autem videatur *titul. π. de Collegijs, & Balduinus in libello de Edictis Principum, de Christianis, & in explanationibus ad fragment. duodecim tabularum, Cuiacius quoque libro septimo observationum.* Huc quoque pertinet, quod *Athenæus libro 13. Dipnosophistarum*, vbi de puerorum amoribus scribit ex Hieronymo Peripatetico, multorum adolescentium inter se amantium communicatione & societate (vocat Græce ἱταίριον) & conspiratione multas tyrannides esse sublatas; vt Harmodius, inquit, & Aristogito Athenis Pisistratidarum tyrannidem euerterunt: de quibus & *supra dictum c. 10.* Sic & Agrigenti, quæ vrbs est Siciliæ, in Phalarim Tyrannum notum

duo

duo amantes, Chariton & Megalippus, conspirarunt, vt est apud *Ælium in var. hist.*

Μήτε παιδείαν.] Ciuium rectam institutionem Tyrannis esse perniciosam & cauendam, neque ab illis permitti ait: eo quod ex institutione ciuibz siue liberis eorum generosi spiritus & sapientia instilletur. Idem ait & *Mecænas apud Dionem libro quinquagesimo secundo.* Quo loco præcepta Regni bene administrandi seu Imperii dat Octauiano seu Augusto: suadens tamen ei, vt Senatorum & Equitum liberos recte curet educari, his verbis: *Ὅτι μὲν οὖν τῶν βουλευτῶν καὶ τῶν ἱππέων,* &c. Huius præcepti memor Dionysius iunior Siciliæ Tyrannus vetuit Dionis filium recte educari, potiusque curauit, vt in omni licentia & voluptate aleretur. Alioqui bona ciuium institutio & educatio quam sit rectis Rebus publicis necessaria & fructuosa, explicatur *infr. initio lib. 8.*

Καὶ μήτε σχολὰς.] Tyrannos scholas seu ludos siue literarum, siue aliarum etiam corporis exercitationum odifese, vt sibi perniciosos, præclare docet *Plato in Symposio.* Quo in loco agit de puerorum amore, qui apud Græcos esset vsitatus, apud barbaros pro turpi & nefario habebatur; *Τοῖς γὰρ βαρβάροις,* inquit, *ἀλλ' οὐ τὴν τιραννίδα ἀίχρην τοῦτό γε, καὶ ἡ φιλοσοφία καὶ ἡ φιλογυμνασία, οὐ γὰρ (οἶμαι) συμφέρει τοῖς ἀέχρουσι φρονήματα μεγάλα ἐγγίνεσθαι τῶν ἀρχαίων, οὔτε φιλίας ἰχυροῦς καὶ κρινωνίας,* &c. Sic olim & *Romæ Senatus Rhetorum scholas sustulit, teste Cicerone libro tertio de Oratore & Agellio libro decimo quinto, capite undecimo.* Huc quoque accommodari potest, quod de Iuliano Imperatore scribit *Ammianus & Sozomenus libro quinto, capite decimo septimo,* vetuisse eum, ne Christiani, à quibus defecerat, Grammaticam & Rhetoricam discerent.

Μήτε ἄλλας συνάξεις.] Cœtus omnes seu conuentus siue literarum, siue palæstræ Tyrannos vetare ait. Huc quoque pertinet conuentus & cœtus Religionis causa, quos Iudæi Synagogas, & nostri Christiani Ecclesias vocant. Qui conuentus quam sæpe sint perniciosi Rebus publicis exemplum estat apud *Liuium de Bacchanalib.*

Καὶ πάντα ποιεῖν.] Causa hic exponitur, cur omnes ciuium conuentus & collegia ac sodalitia oderint Tyranni; Quod ijs conuentus & collegia ac sodalitia oderint Tyranni; Quod ijs conuen-

Educatio liberorum.

Exemplū. Idemq. cap. proxim. de Thrasylulo autor commemorat,

qui Gelonis fratris filiū ita educavit, ἵν' αὐτὸς ἀρχῇ.

Ludi. Testimon. Plat.

1. Exemplum.

2 Exemplum.

3. Exemplū addatur ex Dionys. Hal.

lic. antiq. l.

7. de Aristodemō, Cumarū Tyr.

Cœtus.

Causa, ob q.

tyranni oēs cōuent⁹ ciuū odere.

conuentibus fiat, vt inter se notitiā & amicitiam cōtrahant, quæ res tyrannidi euertendæ maxime est opportuna, si ciues inter se ament & confidant. vt contra Tyranno nihil sit vtilius, quam si ciues inter se oderint, suspicionibus & simulatibus laborent. Recte igitur hic Tyranno dandam operam esse, vt ciues inter se nullam contrahant notitiam. Contra tamen in Rebus publicis maxime salutare est & vtilissimum, si ciues inter se norint, & concordia atque amicitia se prosequantur. De qua ciuium inter se concordia & amicitia *Aristot. initio lib. 8. Ethic.*

4. præceptū
tyrannicū.

Καὶ τὸ τὰς ἐπιδημούντων.] Aliud tyrannidis præceptum, quo iubentur ciues, qui sint in vrbe & adsint, semper in propatulo versari, & pro foribus Tyranni esse assiduos ad imperandum. Hinc enim & ex hac assiduitate duo existere commoda Tyranno perutilia.

1. Vtilitas.

Alterum quidē, vt ciues semper conspicui & in oculis Tyranni vel suorum coitiones inter se facere aut moliri nihil facile possint; aut moliti continuo de-

2. Vtilitas.

prehendantur. Alterum vero, vt hac assiduitate ad seruiendum ciues paulatim assuescant, parui esse animi, vt solent

1. Exemplū,
seu fons po-
tius.

seruitute oppressi. Videtur autem Aristoteles hoc præceptum siue consilium de assiduitate & versando pro foribus sumsisse ex institutis Regum Persarum, apud quos, teste Cyro, solent procures in Regia esse assidui, & relictis ædibus ob oculos Regis versari, si forte eorum opera Rex vti vellet, vt

2. Exem-
plum.

explicatur à *Xenoph. initio lib. 8. de instit. Cyri*. Quod hodieque Turci Regni Persici hæredes retinent. Et, ni fallor, apud Iudæos quoque vsitatum fuit: vnde & portam vocant ipsam Regiam Turcæ. Huc igitur Aristotelem alludere puto, & indicant hæc verba statim subiuncta, καὶ τὰλλα τοιαῦτα καὶ βάρβαροι, &c.

3. præceptū
tyrannicū.

Καὶ τὸ μὴ λαμβάνειν.] Aliud Tyrannidis præceptum de dictis & factis ciuium inquirendis & detegendis. Id enim in primis curandum esse Tyrannis, vt quæ priuati inter se moliantur, & qui eorum de Tyrannis ipsis sint sermones, cognoscant. Quamobrem plerique Reges & Tyranni emissariis vt solēt quibusdam: & interdum ipsi vel personati vel ignoto habitu circulis & commestationibus ciuium solent se immiscere. Huius generis emissarios vocant aures & oculos

ἄκουσται.
ὀφθαλμοὶ

Regum, siue ὅτι ἐ ὀφθαλμοὶ Regum & Tyrannorum. Dicitur græce eleganter ἄκουσται, & apud Siculos ποταζοῖδαι, quorum

quorum meminit & *Lucia & Pollux lib. 2. & Erasmi prouerb. Chiliad. 1. cent. 2. prouer. 44. & Apuleius in lib. de mundo.* Sed inter eos, inquit, aures regiae, & Imperatoris oculi quidam vocabantur: per quæ officiorum genera Rex ille ab hominibus Deus esse credebatur, cum omnia, quæcunque ibi gererentur, illa otacustarum delatione discebat. Accommodari huc possent delatores, qui sub primis Imperatoribus Romanis valde sunt grassati: de quibus *Sueton. Tacit. Lambrid. Dio. &c.* Hoc speculatorum genere primum usum esse Regem *Darius prius* Persarum Darium iuniorem, ait *Plut. in lib. περὶ τῆς πολυπραγμοσύνης.* Vsi sunt posterius & alij Reges Persarum, vt *Artaxerxes*, de quo idem *Plut. in Artaxer.* & Reges Cypriorum, teste *Athenao lib. 6. δειπνοσοφ.* Et si & ipsum Cyrum primum Persarum Regem iam iis usum fuisse significat *Xenoph. lib. 8. de Cyri institutis.* Vsi sunt & Siciliae Tyranni, Hiero, de quo hic Aristoteles, & Dionysius pater & filius, teste *Plutarcho in lib. περὶ πολυπραγμίας.* & in *vita Dionis.* Meccenas quoque apud *Dionem lib. 52* hoc præceptum de otacustis & emissariis dat Octauiano Augusto. Meminit horum & *supr. Aristoteles lib. 3. Politic.*

Οἷον περὶ Συρακώσους.] *Budaο & Sepulveda* assentior, *λεπολαγωγίδαι* gentibus, οἱ πολλαγωγίδαι καλέμενοι. Nam *Plutarch. in Dione* πολλαγωγίδας vocat: qui Dorice, id est, Sicula lingua & Sicule sunt *πολλαγωγίδαι.* Vocat eosdem *Plut. πολλαγωγεῖς in libr. περὶ πολυπραγμοσύνης.*

Καὶ τὰς ὠπακῆσας.] Ita plerunque appellantur emissarij, vt *ὠπακῆσας* ab *Apuleio, Athenao, Dione. &c.*

Καὶ τὸ ἀγαθὰ εἶναι.] Aliud tyrannidis præceptum de inimitia, simultate & odio, & de factionibus inter ciues & ciuium *6. præceptū tyrann.* ordines ferenda & alenda; nempe vtile esse hoc Tyranno, ciues inter se committere: plebem cum patricijs, & ipsos patricios & diuites inter se: & si qui inter se sint amici, odia inter ipsos excitare. Cuius præcepti ratio inde petenda est, quod *Ratio.* ciuium inter se amicitia & conspiratio tyrannis sit pernitiōsa, vt *supra dictum.*

Καὶ τὸ πένητας ποιεῖν.] Aliud tyrannidis præceptum valde *7. præceptū tyrann.* peruulgatum & vtilissimum, de copiis & opibus ciuium minuendis. Idem quoque præceptum in sua Democratia conseruanda adhibuere Athenienses. Qua de re ita *Xenoph. de ipsorum scribens Rep. pa. 404. l. 4. ἐν ταῖς χερηλείαις, &c. & œco-*

nomicus pag. 479. li 30. ἐπὶ καὶ. ἔτι. c. vt non immerito *infr.* dicat Arist. eadem esse tyrannidis & vltimæ ac nequissimæ democratiæ conseruandæ præcepta. Nam cum diuitiæ, opes & secunda fortuna insolētes & feroces reddat homines: prudenter illi facere videtur, qui in paupertate ciues contineāt, eosq; grauius vectigalibus deprimant, atq; ita animos & spiritus eorū feroces coerceant; vel et operibus assidue exerceant ac fatigent, ne possint præ paupertate, neq; ipsis vacet propter opera Tyranno insidiari. His igitur duabus viis & rationibus, operibus & vectigalibus optime effici potest, vt ciues & pauperes sint & occupati. Quibus reb. fit, vt Tyranno insidiari minus & possint & velint: adeo quidē, vt et sine præsidio militū & stipatorum inter ciues versari possit. Adfert autē & cōmemorat exempla & operū & vectigaliū Arist. h. l. de quibus paulo *infr.* Idē autē præceptū cōmemorat & Xenoph. in Hiero. his verbis: ἀλλὰ μὲν οὐδὲ αὖ, &c. quibus ait, rerum vbertate & bonorum affluentia non letari tamen Tyrannum. Quia pauperioribus ciuib. facilius vti, & vt humiliores sibi magis dicto audientes habere soleant. Scio namq; inquit ibi Simonid. vt equis, ita & hominibus accidere, vt quo plus habeant, eo sint petulantiores. Sum sit autem, vt & alia, ita & hoc præceptum Arist. ex Plat. lib. 8. de Republ. extremo. eius non tantum sententiam, sed etiam verba imitatus. Sic enim ait Plato; ἔκαστος ἐὶνα καὶ ἡμῶν εἰς φέροντες πένητες γλυόμενοι παρὰ τὸ κατ' ἡμέραν ἀναγκαζόνται εἶναι, καὶ ἡττοὺς αὐτῶν ἐπιβουλεύουσιν. Idem Plato in Symposio. vbi de gigantibus, qui Iouem cœlo deturbare sint conati, fingit Iouem hanc eorum petulantiam & ἀνθλασίαν (sic enim vocat) hac ratione & μηχανῇ, deminutione nimirum opum ac diuitiarum repressisse.

Ὅπως μὴ τε φυλακῇ.] Verba hæc paulo sunt obscuriora, eorum tamen sententiam exposuimus, pluresq; Interpretes secuti, paupertate ciuium id effici, vt Tyranno non sit necesse alere præsidium, sed absq; eo possit secure inter ciues versari, vt pauperes & infirmos. Sepulveda & hanc & aliam adfert sententiam: ne ciues seu populares, inquit, si consilium in Tyrannum inierint, militem conducere possint, qui contra Tyrannum ipsis præsidio sit. Prior tamen huic loco accommodatior videtur explanatio. Videndū etiam, an non rectius legi possit, ὅπως ἦτε φυλακῇ. Vt hæc sit differentia: paupertate ciuium hoc effici, tum vt custodia seu præsidium alatur, tum

vt

Ratio.

1. Modus.

2. Modus.

ὁμοίως.

2. Lectio seu interpretatio.

3. Lectio seu interpr.

ut assidua occupatione ciuibus non sit otium ad insidias Tyranno struendas, h.e. ut ex bonis ciuium ditescens Tyrannus facile præsidium alere possit. Nam ita *supr. cap. priore 10.* docet, Tyranno diuitias tanquam scopum esse propositum, easque vndique conquirere, cum ut præsidium semper retinere possit, tum ut in perpetuis delitiis versari queat.

παράδειγμα τῶν τετρα.] Operum exempla 4. insignium: Pyramidum Ægyptiarum: Colossi siue donarii Cypselidarum: fani Iouis Olympii in vbe Atheniensium, & Polycratis Samiorum Tyranni commemorantur: de quibus mox singulatim explicabitur. Ad eundem modum olim Pharaon quidam Iudæos in Ægypto oppressit, de quo *in Exod. c. 1.* Surrexit, inquit, Rex nouus in terra super Ægyptum, &c. Sic & olim Rom. Rex Tarquinius Priscus cloacam vrbis, maximū opus, plebis manibus fieri curauit, teste *Plin. lib. 36. cap. 15.* Et multis post seculis Imp. Dioclet. manibus Christianorum extruxit, quarum hodieque ingentes exstant ruinae & parietinae. Et hunc quidem finem esse & scopum magnorum horum operum ait & *Theophrastus* praeceptor Arist. consentienter, nempe reprimendi & coercendi populi causa. Et si alii tam magnos sumptus alio consilio factos existimant; nempe ut pecunia collecta in eos vltius conuersa, non amplius insidiatorem irriter, aut occasionem præbeat Tyrannorum inuadendorum. Alii alias quoque causas, ut voti exoluendi, magnifici monimenti & sepulchri, &c. commemorant. Qua de re videatur locus perolegans in *Suida* in verbo *κνψελιδων ανστημεν.* *Herodot.* tamen de Pyramidibus Aristoteli assentitur, eas à Rege Cheope extractas manibus & opera ciuium Ægyptiorum, quem Regem ait grauissimis oneribus suos exercuisse.

Αἱ τε πυραμίδες.] Pyramides Regum Ægyptiorum, non ut quidam putant, granaria, sed monimenta & sepulchra; primum coeptas ædificari à Rege Cheope fatigandi laboribus & operibus populi causa, quem etiam alii Reges postea sunt imitati, copiose docet *Herod. lib. 2.* his verb. *μεγας μιν εργον,* &c. ubi ait Cheopen in iis extruendis vsum esse decem millibus operariorum. Chemnis quoque alius Ægyptiorum Rex, ad Pyramidem extruendam conduxisse dicitur 360. hominum millia.

Και τα ανστημενα.] De Cypselo, Corinthiorum Tyranno Cypseli ana alias dictum. Ingentem is Colosium, i.e. statuam colossicam extruxit voti exoluendi causa. *Didymus* tamen *Gram.* ex *Theo-*

5. Exempl.

6. Exempl.

7. Exempl.

8. Exem. ad

datur ex

Plut. de vir

tute mulie.

Xenocrate.

1. Finis seu

utilitas his

ius precept.

2. Finis.

3. Finis.

Pyramides.

Diod. lib. 2.

thema.

* fort. sed *phraſto* Colossū hunc non ab ipso Cypselo, * nempe à Tyranno Periandro extructum ait, vt est *apud Suid. de Coloss. sine donarius Cypselidar.* Videatur & *Pausan. in Corinthiacis.*

Iouis Olympii templū Καὶ Ὀλυμπίῃς.] Pisistratus Athenis ædem siue templum Ioui Olympio facere cœpit, de quo idem *Pausanias libr. 1. & 0. à Pisistrato* prime *Vitruuius libr. 7. in præfat.* Namque Athenis, inquit, extructum. Antistates & Calleschros & Antimachides & Porinos architecti Pisistrato ædem Ioui Olympio facienti fundamēta constituerūt. Post mortem autem eius propter interpellationem Reip. incepta reliquerunt. Itaq; circiter annis 200. post Antiochus Rex (Syriæ sc.) cum in id opus impensam esset pollicitus; cellæ magnitudinem & columnarū circa dipteran collocationem, epistyliorum & cæterorum ornamentorum ad symmetriarum distributionem, magna solertia scientiaque summa, cuius Rom. Lascitius nobiliter est architectatus. Id autem opus non modo vulgo, sed etiam in paucis à magnificentia nominatur, &c. De eodem Antiocho *Linus l. 41.* Magnificentia vel in Deos, vt Iouis Olympii templum Athenis vnum, in terris inchoatum, pro magnitudine Dei potest testis esse; tandem id perfecit Imperator Hadrianus, vt est apud *Pausan. in Atticis.*

Opera Samia.

Καὶ τὸν ἐν Σάμῳ.] In Insula Samo, cui Tyrannus præfuit Polycrates ille felicissimus (tandem suspensus fuit) cum alia (de quibus *Athenaus lib. 12. Dipnosophistarum ex Alexide Samiorum historico*) tum tria maxime insignia opera ; fossæ per medios montes ductæ, agger siue moles in mare ipsūm proiecta portui efficiendo (Itali hodie molam vocant) & maximum ea ætate (Herodoti) orbis terrarum templum (De quibus *Herod. lib. 3. pag. 117. in Gr. edit. Steph.*) hic ab Aristot. indicari videntur.

Καὶ ἡ εἰσφορὰ τῶν τελῶν.] Nunc de vectigalibus & collationibus tributorum: quam diximus alteram esse viam & rationem exhauriendorum & reprimendorum ciuium. Ea Dionysii esse vsū ait Arist. Vtus est & Cypselus Corinthius, & Rex Persarum Darius I. & Octavian. Aug. Imp. Etsi horum Darii & Augusti multorum institutio vectigalium non tam opprimendi populi quam subsidiorum belli causa fuisse videtur; de quo videatur *Herod. & Dio historici.*

Ὅτιον ἐν Συρακούσαις.] De Dionysii Syracusiorum Tyranni auaritia, furtis & rapinis, magnisq; ab eo institutis vectigalibus

bus videatur *Arist. lib. 2. œconom.* Vt autem de Dionysio hic Aristoteles, Syracusanos ei omne patrimonium contulisse vertente quinquennio: ita & Corinthios Cypselo ex decimæ vectigali omnia sua bona contulisse decennio, auctor est *Suidas in verb. κυψελιδῶν.*

Ἐπὶ δὲ τοῦ πολεμικοῦ.] Aliud tyrannidis conseruandæ præceptum, quo iubetur Tyranni aliquod semper bellū commouere, & belli, non pacis aut ocii, esse cupidi. Huius præcepti duæ sunt utilitates seu fructus. Ita namque fiet, vt ciues bello occupati aut distracti ocium & opportunitatem nullā habeant Tyranno insidiandi. Deinde fiet hac ratione, vt, quia ad bellum gerendum Duce opus sit & Imperatore aliquo, æquiore animo & facilius Tyrannum, tanquam Ducem, ferant, eoq; opus habeant in bello administrando. Sum sit hoc præceptum *Arist. ex Platone*, cuius etiam verba expressit. Sic enim *illo lib. 8. de Rep. extrem. de Tyran.* πρῶτον μὲν πολέμους πᾶσι αἰεὶ κινεῖν, ἵνα ὅταν χρεῖα ἢ γέγονεν ὁ δῆμος ἢ.

Καὶ ἡ μὲν βασιλεία.] Aliud præceptum, quod comparatione seu collatione regni & tyrannidis explicatur, quo iubentur Tyranni minime fidere amicis: eo quod omnibus quidē Tyranni tollendi insit voluntas, amicis adsit etiā facultas. Quid ita? Quia nimirum & amici circa Tyrannum sint assidui, vt amici, & proinde occasionem facile nanciscantur Tyranni interficiendi, & quia ab amicis & familiaribus non ita nobis caueamus, atque ab inimicis. Quare & recte dici solet, grauiorem esse simulatum & fictum amicum hoste & inimico aperto. Recte igitur & Hiero Siciliæ Tyrannus apud *Xenoph.* ἔτι πῶν ἐπιβλαστῶν ἐξ ὀδυνῶν, &c. à nullis plures insidias Tyrannis factas esse ait, quam ab iis, qui maxime se amicos eorum fingerent. Adeo quidem, vt ab vxoribus etiam multi sint interfecti, vt Alexander Pheræorum Tyrannus, de quo *Cicero lib. 2. Offic.* De amicis, quorum opera Monarchæ facilius tollantur, dictum est & *supra c. 10.* his verbis: καὶ τῶν φίλων δὲ πλείους, &c. Cum autem aliis in rebus, tum hac quoque re multum distat Regnum à Tyrannide, quod per amicos (eorum opera & consilio) conseruetur & amplificetur Regnum, Tyrannis euertatur & intereat. Id quod grauius conqueritur & Hiero apud *Xenoph.* in reliquis malis & incommodis tyrannidis hoc non esse minimum, quod tyranni nemine viro bono amico vti ausint.

8. Præceptū tyrann.

1. Utilitas.

2 Utilitas.

9. Præceptū tyrann.

1. Ratio.

2. Ratio.

Approbatio.

αὐξήσις.

20. *præc. tyr.* *Καὶ τὰ πρὸς τὴν δημοκρατίαν.*] Aliud præceptū commune tyrannidis & Democratiæ. Nam quæ ultimæ & nequissimæ Democratiæ sunt propria: eadē quoq; ad tyrannidē stabilendam pertinere ait: ut sunt mulierū imperiū & licentia: indulgentia & licentia seruatorū & adulatorum vsus ac multitudo. Quod idē præceptū cōmemoratur & *infr. l. 6. c. 4. in fin.* Eadē hæc instituta utriq; Reip. generi esse cōmunia, tyrānidi & Democratiæ deprauatissimæ. Et hæc quidē instituta prauissimæ Democratiæ cōuenire inde intelligitur, de licentia (inquam) mulierū & seruatorū, q̃ Democratiæ illius maxime hoc sit propriū, omnia omnib. licere, & facere q̃ quisq; velit, ut dicitur *infr. l. 6. c. 4. in fi.* Deinde, quia hanc licentiā nactæ mulieres & serui permissu Reip. si quid hi dominos, illæ maritos aduersus Remp. molientes deprehenderint; cōtinuo id, accusatis maritis & dominis, magistratui sint delaturi, ut sua ipsius licētia & imperiū vna cum Rep. perpetuo salua maneant. De adulatoribus vero, qui in Democratiis Demagogi dicuntur, ut erant Romæ Tribuni pl. dictū est *supr. l. 4. c. 4. & l. 5. c. 5.* Nam cum in hoc ultimo & deprauatiss. Democratiæ genere non leges, sed multitudo ipsa & plebes dominetur: populus hic tāquam Tyrannus, assentatorū blanditiis & sermonib. gaudere solet. Eadē est ratio tyrannidis, cui hæc quoq; instituta valde vtilia esse docet, & tyrannica *infr.* vocatur *l. 6. c. 4.* Nā mulierū quidē & seruatorū licentia, qua plebi in Democratiā, eadē de causa in tyrannide est utilis. Nempe ut q̃ vel mariti vel domini machinantur aduersus tyrannidē, ea seruatorū & vxorum indicio tyrannus cognoscat. Nam ut *sup.* docuimus, vtilissimam esse Tyranno ciuium inter se discordiā; ita & h. l. ipsarum inter se familiarum, h. c. coniugum inter se, ac dominorū cum seruis dissidia & odia esse salutaria docet. De adulatoribus dissimilitudo quædā seu differentia est. Nam tyrannis & Democratiā in eo quidem conueniunt, quod utraq; adulatoribus gaudeat: sed in eo discrepant, quod in Democratiā adultores sint Demagogi, qui sæpe sunt principes viri, & in summa dignitate auram popularem captantes: in tyrannide vero adultores sunt, qui se quam maxime demisse gerant, & humiliter loquantur. Liberas enim voces oderunt Tyranni. Quare pulchre Sophocles: *πρὸς τὸν τύραννον ὅστις ἐμπορεύεται, κείνῳ ἐστὶ δόλος, καὶ ἐλάνθην μύλοι.* Quo versiculo & Pompeium ex prælio Pharsalico ad Regem Ægyptium Prolēmæum fugientem

gientem vsum fuisse ait *Plutarch* Plebis igitur adulatōres soli sunt Tribuni & Demagogi Tyrannorum, omnes abiecti animi, qui liberas voces edere non didicerint. Nam qui magni sunt animi, & generoso spiritu, adulari nesciunt, nolunt, ad Tyrannorum consuetudinem fugiunt. Et hæc quoque *Cur plariq;* causa est, cur Tyrannorum familiares plarique sint impro- *tyrannorū* bi & nequam homines, & cur talium maxime consuetudi- *familiares* ne Tyranni delectentur, eleganter & breuiter extulit Aristoteles; *τελες; τυραννίς ἐστὶ πονηρόφιλον.*

Καὶ δὲ λων αὐέσις.] De hoc Tyrannorum instituto & more agit & *Plato lib. 8. de Republ. extrem.* vbi ait, Tyrannos ciuibus seruos suos eripere, iisque manumissis vti custodibus & satellitibus, his verbis; *τοὺς δούλους, &c.* Sic & apud *Xenophontem libro 2. τῶν ἐκλυτικῶν, &c.* Theramenes de Critia conaqueritur, eum in Thessalia, commutata Republica, Oligarchia in Democratiam, seruos in dominos suos armasse. Hiero quoque apud *Xenophontem*, Tyrannos hoc, ait, studere, vt qui sunt liberi sint serui, & vt serui fiant liberi; *ἐπὶ ᾧ ξένους εἰς μάλλον &c.*

Καὶ γὰρ ἀπὸ τοῦ πονηρόφιλον] Duas affert causas Aristotel. *1. Ratio, ob* cur Tyranni improborum consuetudine delectentur; tum *quam tyr.* quia adulatoribus gaudeant, tum quia ad facinora sua perficienda improbis opus habeant. Nam improbi, & qui abiecto sunt animo ac seruili: hi sunt fere, qui soli adulari possint, vel sustineant: hi qui generoso sunt animo & libero, aperte vel ament vel oderint, assentari nesciunt: vt eleganter *improbis gaudent.* *2. Ratio.* *Approbatio.* *Cicero paradox. 5. de improbo;* loquitur, inquit, ad voluntatem: quicquid denuntiatur sit, facit, assentatur, assidet, miratur. Quid horum est liberi? quid denique non serui inertis? Alteram causam Aristoteles confirmat prouerbio: *ἢ λωὸ ἢ λω, Clauum clauo peller.* Quo pertinet & illud: *Μαλοῦ νόδο μαλὸς κύνεος κεραιένδῳ ἐστ.*

Καὶ τὸ μηδὲν χαίρειν.] Hæc alia est nota Tyrannorum, eos *11. prac. tyr.* odisse consuetudinem grauium & generosorum seu libero- *Quod idem* rum hominum. Quæ nota iam ex parte est explicata: cum *quoq; serua* docuimus, eos improborū tantū consuetudine delectari. Cur *tū fuisse in* aut graues & libero ingenio magniq; animi viros oderit Tyrannus, causam hanc affert Arist. q̃ illi sua libertate tyrānidis *rep. Athen.* dignitatē & maiestatē velut imminuant, & quasi contēdere, *latiss. docet* *Xenoph.* seque Tyranno velut opponere videantur: cum tamen Ty- *Ratio.*

rannus ne vocem quidem liberi hominis audire sustineat, omnesq; dicto sibi vel ad nutum audientes esse velit. Huc autem pertinent ea, quæ *supra* docuimus, & late explicauimus, Tyrannos consueſſe viros præſtantes virtute, magnitudine animi, genere, diuitiis, ac ſapientia de medio tollere.

12. præceptū
tyran.
Ratio.

Και τὸ χρεῖός.] Alia Tyranni nota: cum conſuetudine, familiaritate & conuictu peregrinorum magis, quam ciuium delectari. Cuius rei cauſam hanc aſſert Ariſtoteles; quod ciues plerique Tyrannum odiſſe ſoleant, & inimico atque hoſtili in eum ſint animo, vt ab his maxime ſibi metuat Tyrannus; quod contra in peregrinis & aduenis accidit, quibus nō item cauſa eſt, cur Tyrannum oderint. Sic & Hiero apud Xenophontem; ἐπὶ δὲ ξένοις μᾶλλον, ἢ πολίταις, &c. hoc eſt, Tyrannum peregrinis, quam ciuibus, barbaris quam Græcis, ſeruis quam liberis confidere. Et hæc quoque cauſa eſt, cur Tyranni cuſtodibus corporis vtantur peregrinis & exteris, Reges ciuibus, quod *ſupra* explicauimus cap. 10. ibi, καὶ φυλακὴ βασιλικὴ μὲν, &c.

Tyrannidis
vſuperiū.

Οὐδὲν δὲ ἐμείπει μεχθελίας.] Hac clauſula Ariſtoteles communi complectitur & alia tyrannidis præcepta ac notas, quaſi dicat, tyrannidem omnis improbitatis eſſe magiſtram; & nihil eſſe tam improbum, cui in tyrannide non ſit locus; eſſe eam, vt quidam eleganter, malorum omniū metropolim. Sed de tyrannidis malis & reprehensionib. videatur Stob. Xenoph. in Hiero. & Plat. l. 8. de Rep. aliſq; locis innumerabilib.

Διαίρεσις ο-
mnium præ-
cedentium
præceptorū.

1. Scopus.
2. Scopus.
3. Scopus.
1. Ratio.

Ἐπὶ ὧς εἰπεῖν.] Priorem de præceptis & notis Tyrannorum diſputationem concludens Ariſtoteles præclare hic docet, ea omnia præcepta ad tria ſumma capita & ſcopos ſiue cauſas reuocari poſſe. Nam tyrannis hæc tria maxime eſſe curæ. Primum, vt qui ipsis parēt, omnes ſint abiecto, anguſto & humili animo. Deinde, vt iidē inter ſe nō fidāt, ſed inimicitias & ſimultates inter ſe colāt. Poſtremo, vt quā ſint infirmiſſimi. Cauſas adiungit Ariſt. De primo quidem, cur omnes vili eſſe animo, & humiliā ſapere velint: Quod humiles, & qui abiecto ſunt animo & ſeruili, facile ferant imperiū, etiā ſeruile ac perpetuū, id eſt, tyrannicū, neq; quicquā generoſi ſuſcipiant. De altero, cur ciues inter ſe odia & ſimultates exercere velit, minimeq; inter ſe fidere: quia ciuiū inter ſe fides & amicitia cōiurationes facile excitet, & res tollēdæ tyrānidi maxime ſit opportuna, vt ſup. late eſt explicatū, Quæ cauſa quoq; eſt,

2. Ratio.

est, cur (q̄ idem & supra explicatū est) Tyranni viros bonos maxime oderint, eosq; vel morte vel exilio multare consue-
runt: tum quia hi viri boni ac præstantes Tyrannica imperia non ferant: tum maxime, quia & inter se & cum alijs fidem colant, neque facile vel sui similes, vel etiam dissimiles aut improbos calumnientur & accusent: vnde amicitiam & fidem inter ipsos existere necesse est. Quam rem docuimus supra Tyrannis esse perniciosam maximeque cauendam. De tertio velut scopo, cur Tyrannus suorum copias & opes velit esse minimas, hanc affert rationem per se perspicuam & facilem: Quia nemo facile ita desipiat, vt ea suscipere velit, quæ perficere se posse desperet, maxime si cum summo periculo sint coniuncta, vt est coniuratio & inuasio in Tyrannos.

3. Ratio.

Eis & ἡ μὲν & ὁ ὅλος.] Iterantur ea breuiter quæ modo sunt explicata, de tribus veluti scopis consiliorum & præceptorum Tyranni.

TEXTVS.

Atque vnus quidem modus, quo Tyrannidi salus paritur, talis est. Alter curam habet prioribus fere contrariam, quem petere licet ex Regnorum interitu. Vt enim Regni interitus vnus est modus, imperium reddere magis Tyrannicum: ita Tyrannidis est salus, ipsam magis reddere regiam; hoc vno reseruato, potestate, vt imperet non tantum volentibus, sed etiam nolentibus; nam hoc quoque abiectio, & Tyrannis abijcitur. Verum hoc quidem, vt hypothesis remaneret eadem: reliqua vero partim reddere, partim videri imitando pulchre regium imperium.

COMMENTARI.

Ὁ δὲ ἐπεὶ.] Ex duobus conseruandæ Tyrannidis modis vno iam explicato notiore magisq; vsitato: nunc de altero, priori plane contrario, explicare pergit. Nam vt prior Tyrannidem ipsam exauget & amplificat, eaq; continet præcepta, quibus imperium Tyrannicum efficiatur asperrimum & grauissimum: ita è contratio hic modus, de quo iam ex-
2. Causa seu modus specialis cōseruanda tyrannidis Discrimen
Y y 5 plica-

Modus.

plicatur, præcepta continet & affert, quibus Tyrannis leuior & humanior efficiatur, & ad regni similitudinem ac lenitatem redigatur. Nam summa huius modi & ratio hæc est; vt Tyrannis Regno quam similima reddatur, vna tantum relicta differentia, vt Rex volentibus tantum, Tyrannus non volentibus tantum, sed etiam nolentibus imperet. Nam si & hanc differentiam tollas, & eo Tyrannis redigatur, vt volentibus tantum imperetur: iam ipsa Tyrannis sublata fuerit, & ex Tyrannide regnum effectū. Quare hanc (inquam) differentiam manere oportet, vt animam & verissimam Tyrannidis notam, qua maxime à Regno distinguatur; ea est (inquit Aristoteles) relinquenda, vt in qua posita sit hypothesis siue species & genus Reipublic. propositum, siue id, de quo agitur: nempe Tyrannis ipsa. De hac autem differentia explicatum *supra cap. 10. in fin. & lib. 3. cap. 10.* Reliqua igitur omnia ad imperij administrationē pertinentia, vt sunt leges, magistratus, vectigalia, ærarium, pœnæ & præmia, religio, &c. detorqueri & flecti omnia possunt, aut saltem simulari & fingi ad lenitatem Regum; ita tamen, vt ita imperet Tyrannis, vt velinuitos ac nolentes sub imperio continere possit. Hac autem lenitate Tyrannidem conseruari & effici diuturnam, confirmat Aristoteles à contrario, nempe à Regno. Nam Regna, quæ Tyrannidi sunt contraria (hæc enim in inuitos, illa sunt in volentes) si ex paterno & humano imperio ad herile, Tyrannicum & asperum flectantur, interire solent & in Tyrannidem conuerti, vel in aliud Reipub. genus, quod *supra* explicauimus *c. 10. in fin.* vbi docuimus euertendi regni duos esse modos: vnum ex discordia liberorum & propinquorū regij sanguinis, alterum ex Tyrannico & asperiore imperio, *& initio cap. 11.* Vt igitur Regnum asperitate Tyrannica interire solet: ita contra Tyrannis lenitate Regia conseruari. De hoc autem modo conseruandæ & stabiliendæ Tyrannidis prior explicauit Aristoteles & Plato in *epist. 2 ad propinq. Dion.* Quo in loco monet, Tyrannidi ad incolumitatem & stabilitatem id esse vtilissimum; si ad regnum siue regale imperium ac moderatum sensim inflectatur. Et exemplo idem confirmat illustri, imperij Lacedæmonij. Nam Lycurgum regale imperium Spartanæ ciuitatis moderasse opposita regib. tyrannice imperantibus *περὶ αἰῶνα* siue senatu & *ἐφ' ὅσον*. Quanquam h. exemplum Laconicū A-

*ἡ ἀρετή.**Ratio.**Exemplū.*

Aristote-

ristoteles attulit *supra initio huius cap* non Tyrannidis stabi-
liendæ, *vt Plato*, sed vt regno confirmando & conseruando
accommodatum.

Τὰ δὲ ἄλλα.] Communis & generalis atq; adeo insignis *De simula-*
Tyranni est nota, simulatio, siue multa præclara simulare, *vt tione & so-*
& monet *infra*, de religione Tyrannum ita agere debere, *vt phismatis*
videatur magnam eius curam gerere; & de humanitate seu *tyrannicis.*
comitate, vt videatur non inhumanus siue asperior; & de
supplicijs, vt videatur id facere, vel ea de nocentibus sumere,
paterno studio. Atq; huc pertinet dictum illud peruulgatū, *Exemplū*
quod in ore semper habuit Rex Francorum Ludouicus XI. *& apo-*
qui; id filio Carolo II X. tanquam præceptum dedit; *phthegm.*
non nouit simulare, non nouit regnare. Quare omnes fere
actiones Tyrannorum specie tantum & simulatione,
non reuera iustæ, piæ, & regiæ sunt. Vt ex ijs quæ *infra* de-
inceps explicantur, ordine intelligetur.

T E X T V S.

Primum quidem videri curam gerere eorum,
quæ sunt publica: non in eiusmodi munera ac do-
na, propter quæ multitudo stomachetur, consu-
mentem, cum ab ipsa quidem sumpserint, labore
& opera victum tenuiter parante; dent vero me-
retricibus & peregrinis & histrionibus profuse: ra-
tionesq; reddentem acceptorum & expensorum:
quod quidam iam Tyranni factitarunt. Ita namq;
dispensator aliquis administrans, non Tyrannus
esse videbitur. Non debet .a. metuere, ne quando
pecunia destituatur, cū ciuitatis sit Dominus. Quin
etiā tyrannis domo desidentib. & peregrinantib.
hoc etiā conducat potius, quā si reliquerit coacer-
uatā. Minus namq; custodes reb. nouis studebunt.
Tyrannis .a. peregrinantibus custodes magis sunt
metuendi, quam ciues ipsi. Hi namq; vna pere-
grinantur: illi remanent. Præterea videri debet
collationes & tributa exigere, cum rei familiaris
causa,

causa, tum vt ad vsus belli vtatur. Ad summam, se custodem & quæstorem, vt publicæ, non vt suæ, pecuniæ præstare.

C O M M E N T A R I I.

1. Præceptū
simulationis.
Ratio.

αὐξήσις.

Approbat.

Præceptū.

1. Cautio.

Exemplū.

Πρῶτον μὲν δοκεῖν.] Primum præceptum, quo reges imitari debeant Tyranni, est de vectigalibus ac tributis publicis & pecunia seu ærario publico: quemadmodum his vti debeat Tyrannus. Nam multis exemplis doceri potest, ex abusu huius rei grauissimos motus extitisse. Plebs enim grauissime nimia vectigalia vel tributa ferre solet, omniaq; alia fert facilius, quam tributa: maxime si videat, pecuniam public. vna cum tributis in turpes vsus & luxum conuerti. Neque id absque ratione. Quid enim est grauius, quam quæ quis quotidiana opera ac labore suum defraudans genium, vt ait Terentius, parserit: ea collationibus ac tributis sibi adimantur à Rege aut Principe aut Repub. & continuo in luxum & turpes, vel etiamnum in non necessarios vsus profundantur. Quare de his merito præcipiendum putauit Aristoteles. Cuius præcepti hæc summa est; vt in pecunia public. se gerat Tyrannus, non tanquam Dominum, sed administrum & velut quæstorem siue œconomum ac procuratorē, & vt ipse aliud spectet, nempe vt hac pecunia public. & voluptates quærat, & ciues exhauriat & deprimat, & stipendium suis custodibus alendis habeat. Vtut igitur hæc spectet, simulet tamē ac fingat bonum dispensatorem, quiq; ea pecunia vtatur ad hæc duo tantum, ad familiam suam tuendam & ad bella. Hæc igitur præcepti est summa. Singulatim deinde videndū esse monet, ne pecuniam public. largitionibus & donis turpibus in meretrices, in peregrinos hospites, in histriones, citharædos, & id genus alios artifices profundant. Quod interdū Reges & Principes facere solent magno cum ciuium dolore. Exemplum extat apud *Plutarchum* de Rege Macedoniae Demetrio. Qui cum multa petulanter & lasciuie faceret Athenis: nulla tamen re grauior ciuib. fuit, quam hoc vno facto, quod extorta à ciuib., & ijs imperata 250. talenta continuo Lamia, alijsq; meretricibus in frictionem faciei iusserit dari. Sic enim ait *Plut. in vita Demetrii*, πολλὰν δὲ χρημίδων ἐν τῇ πόλει, &c. Hoc igitur primum, pecuniam public. in turpes vsus non esse conuertendam. Alterum,

rum, ut Tyrannus populo etiam rationes acceptorum & expensorum reddat. Quod ait Aristoteles Tyrannos aliquot iam factitasse.

2. *Cautio.*

Λόγῳ δὲ.] Alterum de pecunia publ. præceptum singulare; quo Tyrannus populo reddere rationes accepti & expensi iubetur: ut hac simulatione vulgo habeatur, ut bonus paterfamilias, non ut Tyrannus, qui bona pub. ad suas voluptates conuertere ac dilapidare velit. Ait autem Aristoteles, quosdam Tyrannos id iam factitasse. De quibus amplius querendum.

Οὐ δὲ δὲ φοβήσῃ.] Ex priorẽ præcepto de rationibus reddendis & ad populum referendis tacite intelligitur, non debere Tyrannos magnos pecuniæ acervos congerere seu accumulare, & in thesauros reponere: sed tantum pecuniæ duntaxat colligere, quantum sit satis tuendæ rei familiari & Imperio suo administrando. Id quod hic clarius & latius explicatur, allata eius rei utilitate, & cum quadam velut occupatione. Nam occurri poterat; si ita ad calculum vocanda

Tyranni nõ debent magnos pecuniæ thesauros colligere.

fit pecunia pub. facile fore, ut Tyrannus pecuniæ inopia prematur, ut omni in sumtus necessarios & quotidianos expendenda, nullo sibi ipsi reliquo thesauro. Verum nihil est,

Obiectio.

inquit Aristoteles, ut sibi metuat Tyrannus, ne quando prematur inopia. Nam totius ciuitatis ipse vnus cum sit

Solutio.

Dominus, & imperium teneat; facile ipsi erit, cum volet aut cum vsus postulabit, quantamlibet pecuniam ciuibus impetrare & conficere. Eundem metum plane eadem ratione, Octauiano Augusto Imperatori apud Dionem lib. 52. adimit Meccenas his verbis: μή γὰρ δὴ καταδύομαι, &c. Ne metuas, inquit, ne vel pecunia, vel alia, quibus bene meritos remuneris, te deficient. Nam multo magis ego metuo, ne pauciores illis sint præmijs digni, cur tu tantæ terræ & mari imperes. Utilitatem autem exponit Aristoteles his verbis; ἀλλὰ τίς γὰρ ἐκτονίξῃ, &c. Quibus docet Aristoteles, utile

1. *Ratio.*

esse Tyrannis, maxime peregrinātibus, nullos domi thesauros pecuniæ relinquere. Nam periculum alioqui summum ab ipsis eius corporis custodibus & præsidiarijs militibus Tyranno futurum, qui spe prædæ & potiundi thesauri facile ad res nouas moliendas & cum ciuibus faciendam ac suscipiendam conspirationem Tyranno absente allici ac permoueri possint. Quare prudenter ait Aristoteles, hos custodes mercena-

2 *Ratio.*

Approbat.

cena-

*Admonitio
de metuendis à peregrinante tyranno domi relictis mercenariis.*

Ratio.

Testimon.

Ἡερσις.

*Diuitia
malorum
irritamen-
ta.*

3. Cautio.

*1. πρὸ φα-
σις.*

*2. πρὸ φα-
σις.*

Ratio.

cenarios & domi in præsidio remanentes Tyranno peregrinanti magis esse metuendos, quam ipsos ciues: eo quod ciues multi Tyrannum comitari & vna peregrinari vel sponte vel coacti soleant, cū illi necessario præsidij causa sint relinquendi. Idem hoc periculum Tyrannorum à custodibus, maxime propter spem prædæ vel præmij ad Tyrannū necandum propositi cōmemorat & Tyrannus Hiero *apud Xenoph.* οἱ δὲ τύραννοι μισθῷ φύλακας ἔχουσιν ὡς Ἡερσίαν, &c. Vbi hos mercede conductos stipatores eleganter vocat *Ἡερσις* siue mellores; & difficilimū factu ait esse, eos reperiri fideles: maxime si pecuniæ causa adsunt asseruandæ: vnde liceat ijs exiguo tempore longe maiorem, Tyranno interfecto, capere, quam accepturi sint ab ipso Tyranno, quantumuis longissimo tempore eius maneant custodes. Huc pertinet locus ille Ethicus de pecunia siue diuitijs; eas esse, vt Poeta inquit, irritamenta malorū. Vnde & *Poeta Silius*, de paupertate sic ait *li. 13.*

Et deforme malum ac sceleri procliuis egestas.

Qua de re dictum nonnihil *supra lib. 2. cap. 4. ἡ δὲ πενία, &c.*
ἔ. hoc libr. cap. 2.

Ἐπὶ τῶν εἰς φοροῦς.] Tertia cautio de tributis, quæ & ipsa ad pecuniam publicā pertinent, hic exponitur, quemadmodum tributis vti debeat Tyrannus. Nam ita versandum hac in re Tyranno monet Aristoteles, primum vt ea imperare & cogere tantum ad vsus necessarios familiæ & imperij tuendi videatur, nō more Tyrannorum ad voluptates fruendas, non largitiones ac munera turpia danda, vel in aleam aut alium luxum. Deinde, vt videatur ijs ad vsus belli vsurus, si opus erit. Has igitur duas duntaxat causas simulare debet Tyrannus, vt iustas & populo non odiosas aut molestas. Sic. n. fiet, vt ea tributa priuati facilius ferant & conferant. Ad eundem modum & *Mecœnas apud Dionem lib. 52.* præclare disputans de tributis & vectigalibus ab Imperatore seu principe populo imperandis, & *Octauiano Imperatori* eadem fere dans præcepta, ciues ait tributa eo libentius collaturos, quo principem in sua re familiari viderint diligentiorē & minus sumtuosum & in pecunia publ. parcissimum.

TEXTVS.

Et videri non difficilem, sed grauem: talem præterea, vt adeuntes non metuant, sed potius vereantur.

tur. Quanquam difficile est, hoc assequi eum, qui sit contemptus. Quare debet, etiamsi aliarum virtutum curam non gerat, saltem politicæ gerere, & talem de se opinionem præbere.

COMMENTARI.

Καὶ φαίνομαι μὴ χαλεπὸν.] Aliud præceptum de comitate seu humanitate & facilitate, quo iubetur Tyrannus nō difficilem, more Tyrānorum, sed facilem more Regū se præbere ad se adeuntib. Ita tamen vt ne in contemptum incidat ex hac facilitate. Quare prudenter monet Aristoteles, vt σεμνὸς siue grauis esse velit, non superbus, inhumanus ac difficilis. Etiāsi autem difficile est factu, vt qui humaniorem se præbet, nō in contemptum veniat, maxime si sua sponte quis sit contemptus & nō magnæ authoritatis: vt quia ex infimo genere, stolidus, ebriosus, nullis virtutibus aut sapientia præditus: (Hæc enim contemptū afferunt) tamen hac grauitate se tueri debebit Tyrānus, & vt nulli alij virtuti (more Tyrannorū, qui & ipsi sunt improbi, & probos odisse solēt) huic tamē virtuti, quā vocant humanitatē cum grauitate quadā coniunctā (ea, nī fallor, hic dicitur politica, vt ad imperandū & regendū idonea & cum alijs agendū, vnde & in *Ethic. li. 4.* ομιλιτικὴ dicitur) vt igitur nulli alij, huic tamen virtuti studere debet, aut saltem ita se gerere, vt vulgo talis habeatur, & ea de ipso sit opinio, q. hac virtute sit p̄ditus, & aduersus ciues comē ac humanū se præbeat. Est .a. insignis h. loc⁹ de principū & magistratū superbia & humanitate siue comitate & grauitate. Qua de re ita elegantiss. *Plut. in li. πρὸς ἀπαρτὸν ἀρχόντων*, ad imperitū magistratū: ἀλλὰ νῦν σὺν ἔχοντες, &c. vbi eleganter Reges & magistratus stultos & imprudentes statuarū indoctis effictoribus comparat. Nam vt hi signa si quam maxime diuariata, & hianti ore & specie horrenda fecerint, putant eo videri maiora & splendidiora: ita & illi vocis grauitate, vultus & oculorum toruitate, morum asperitate & solitudine conuictus, maiestatem & speciem imperij videtur imitari. Non sane, inquit, illis signis Colossicis longe dissimiles, quæ cum extrinsecus heroicam & Deo conuenientem habeant formam: interius plena sunt terra, lapide & plumbo. Sic & *Liu. libr. 24.* de Tyrannis Sicilia, Hierone, eiusq; filio Hieronymo: quorū hic

2. Præceptū
simulationis tyrannicæ.

πολιτικὴ
δύετη.

De humanitate & superbia magistratum.

1. ομιλιτικὴ.

2. ομιλιτικὴ.

1. Exempl.

- hic superbus, alter fuit perhumanus. Nam qui, inquit, per tot annos Hieronem, filiumq; eius Gelonem non vestis habitu, nec alio vlllo insigni differentes à cæteris ciuibus vidissent, conspexere purpuram ac diadema ac satellites armatos, quadrigisq; etiam equorum alborum interdum ex regia procedentem more Dionysij tyranni. Hunc tam superbū apparatus, habitumq; conuenientes sequebantur mores, contemptus omnium hominum, superba aures, contumeliosa dicta, aditus non alienis modo, sed tutoribus etiam difficilis, libidines nouæ, inhumana crudelitas. Itaque tantus omnes terror inuasit, &c. *Isocr.* quoque Nicocli hoc dat præceptum; τὰς φόβους ἐξαίρετ' ὅτι πολιτῶν, &c. Vt ijs tantū, qui delinquant, formidabilem se præbeat, alijs non item; & ne asperitate, nimijsque supplicijs, sed sapientia præsit, ac superiorem se reliquis esse ostendat. Vbi & iubet Regem esse comem seu facetum & grauem tamen. Hoc enim, inquit, imperio conuenit, illud cōgressibus & colloquijs. Ex Imperatoribus Romanis valde laudatur Traiani comitas, de qua *Eutrop. multa lib. 8. Epitom. hist. Roman.* Huc pertinet quod *Plato* Dionem reprehendit, vt inhumaniorem, adiuncta elegantissima clausula *in fine epistola*; δυσκολία τὴν ἱερμίαν ξυνώμωσιν εἶναι, id est, solitudinem inhumanitati esse contubernalem.
- γνώμη.
5. *Exempl.* Laudant quoque veteres Philippi Macedonis humanitatem, 6. *Exempl.* & Alexandri superbiam reprehendunt, vt est apud *Cic. lib. 2. off.* De Philippo tamen notum est illud ex *Æliano*; cum à muliercula adiretur, & otium sibi audiendæ aut cognoscendæ eius causæ esse negaret, ac muliercula ei responderet, non debere ergo & imperandi esse ipsi otium, continuo rebus alijs relictis se & huius mulierculæ & aliorum causis cognoscendis totum diem dedisse. Idem laudat & *Cicero* in Pompeio *pro l. Manil.* Iam vero, inquit, ita faciles aditus ad eum priuatorum, ita liberæ querimoniæ de aliorum iniurijs esse dicuntur, vt is qui dignitate principib. excellit, facilitate par infimis esse videatur. De Cyro Rege scribit *Xenoph. lib. 7. de Cyri instit.* Dignitatis & grauitatis atque authoritatis regiæ tuendæ causa cum alia tum hoc quoque cepisse consilium, vt rarius progrediretur, seque populo conspiciendum præberet. Quod idem institutum veteres Francorum Reges tenuisse, qui tãquam statux domi inclusi remanserint, & quotannis

annis semel tantum populo se ostenderint, grauitatis scilicet causa, exstat in *historiis Francorum Pauli Aemylj*.

Τὸ μὲν οὖν πρὸς τὴν γὰρ.] Difficile factu esse ait, vt cum facilitate grauitatem ac dignitatem nihilominus retineat, ex facilitate non veniat in contemptum; maxime si is sit, qui sua sponte facile contemni possit; vt quia stolidus, ex familia sordida, &c. De hac difficultate monet & *IC. Callistratus in l. obseruandum. ff. de offic. praesid.* obseruandum est, inquit, ius reddenti, vt in adeundo quidem facilem se praebet, sed contemni non patitur. Vnde mandatis adijcitur, ne praesides prouinciarum in vltiorem familiaritatem prouinciales admittant. Nam ex conuersatione aequali contemptio dignitatis nascitur, &c. *Cic.* quoq; *li. 3. de ll. in princ.* hanc humanitatis & grauitatis coniunctionem difficilissimam esse ait, quam tamen Attico suo eo loco tribuit, & alio in loco M. Bruto. Et *Plutarch* ex Pompeij vultu & oculis gratiam quamdam & venerem, regia tamen dignitate & maiestate iunctam, reluxisse ait.

Δὶδ' οὖν, καὶ μὴ τῶν ἄλλων.] Quia graue & difficile factu est, ita facilem esse, vt non contemnat; monet Aristoteles; vt Tyrannus huic virtuti imprimis studeat, & ita se comparet, vt saltem talis habeatur, ac de se opinionem praebet vulgo facilitatis & humanitatis. Hanc enim ciuilem siue politicam vocare videtur. Nisi forte quis putet intelligi grauitatem siue *σεμνότητα*, eo quod *Isocrates* eam dicat Tyrannidi *πρεπεύειν*. Quia nimirum propter vitandum contemptum ijs, qui praesunt, est opus, vt iam docuimus ex *Callistrato*. Quidam verbum *τῆς πολιτικῆς* non de virtute, sed de hac ipsa scientia politica siue ciuili intelligunt; quasi Tyrannus huius scientiae maxime studiosus esse debeat. Quibus non assentior, tum quia hic de virtutibus agatur, & maxime de grauitate ac facilitate: tum quia absurdum videatur, Tyrannum in huius scientiae studium maxime incumbere debere: cum Tyranni ab eius praecipis longissime discedant.

TEXTVS.

Præterea non ipse solum in quenquam ciuium, siue adolescentem siue puellam, sed ne eorum quidem, qui circa se sunt, vllus alius contumeliam seu iniuriam edere videri debet. Vxores quoque

Zz

eorum

Difficultas
& comita-
tis & gra-
uitatis te-
nenda.

Testimon.

Ratio.

1. Exempl.
2. Exempl.
3. Exempl.

Quanam
h. l. dicatur
δὲ τῇ πολι-
τικῇ?

1. Opin.
2. Opin.

Refutatio.

1. Argum.
2. Argum.

eorum propriæ similiter aduersus alias affectæ esse debent. Nam & propter vxorum contumelias multæ tyrannides interierunt.

C O M M E N T A R I I.

3. Præceptū *Ἐκ δὲ μὴ μόνον.*] Aliud præceptum de libidine & contumelia non sua tantum, sed suorum, tam vxoris quam liberorum & comitum suorum, in alios ciues coercenda. Nam de ipsorum Tyrannorum libidine & contumelijs in ciues ciuiumq; vxores ac liberos cum notum est ac vsitatum negotium: tum Tyrannis graue & perniciosum, de quo & *infra* ἐπὶ δὲ πύονος μὴ εἰς γὰρ ὁ βίος, &c. Verum non satis esse ait Aristoteles, vt Tyrannus seipse contineat: sed hoc amplius eum dare operam debere, vt eadem sit & comitum seu aulicorum suorum abstinētia, continentia & humanitas; eadem deniq; & vxorum aduersus ciuium vxores sit affectio. Quod idem præceptum *M. Cic.* Quinto Ciceroni fratri suo Asiæ proprætori in pulcherrima epistola ad eum scripta dat his verbis: His autem, inquit, in rebus iam te vsus ipse profecto erudiuit, nequaquam satis esse ipsum hasce habere virtutes: sed esse circumspiciendum diligenter, vt in hac custodia prouinciæ non te vnum, sed omnes ministros imperij tui socijs & ciuibus & Reipub. præstare videare, &c. Hac autem in re quam grauius sæpe peccetur, maiores vt sæpe iniuriæ à Regum comitibus & regijs, quam ab ipsis principibus fiant, notissimum est. Certe *Cic.* id in *Epist.* sæpe conqueritur de Cæsaris comitib. Et *Dio. lib. 60* de Claudio Imperatore. Eius quidem acta fuisse laudabilia, sed comitum eius ac libertorum & vxoris Messalinæ fuisse intollerabilia, scribit.

Error vulgatus.

Exempla.

Exempl.

Ὡς καὶ ἀπὸ] Multas Tyrannides, mulierum & vxorum Tyrannorum insolentia, iniurijs & contumelijs in alios ciues ciuiumq; vxores, sublatas & dissolutas esse ait *Athena. lib. 13.* ἀπὸ τοσοῦτο. initio fere eius lib. foeminarum causâ multa bella & motus exortos esse, illustria aliquot exempla commemorat: quibus bellis & motibus factum quoq; est, vt ipsa regna & imperia interirent. Huc autem propius pertinet Ioanna illa Neapolitana de qua *Pandulph. Collenut. in hist. regni Neapolitani:* & Brunchillis Franca, de qua *Greg. Turon.*

T E X T V S.

In voluptatib. quoq; corporis contrarium facere,

reré, atq; nunc quidam tyrannorū faciunt (Non enim solum id faciunt statim à mane, & continenter multos dies: sed etiam volunt ab alijs conspici, id facere, vt admirentur eos, tanquam felices ac beatos.) Quin potius maxime quidē illis vti moderate. Sin minus, saltē alijs videri effugere. Neq; n. ficcus (sobrius) facile inuadi aut contemni solet, sed ebrius. Neq; is qui vigilat, sed qui dormit.

C O M M E N T A R I I.

Περὶ τῶν ἀπολαύσεως.] Aliud præceptum de voluptatibus corporis. Quibus iubet Aristoteles Tyrannum vti moderate, aut saltem ita fingere, & se comparare domi, vt vulgo continens tam in venere, quam in cibo, potu & somno habeatur. Causa autem huius præcepti hæc affertur, ne in contemptum veniat Tyrānus, & facile opprimatur, vt homo iners & ignavus, voluptatibus ac vino somnoq; deditus. Suadet igitur Aristoteles Tyranno id vulgatum; si non caste, saltem caute vt vtatur voluptatib. & occulte, non more vulgato Tyrannorū, quibus non satis est, ipsos totos dies consumere potando & turpibus voluptatibus: sed hoc amplius etiā ea diuulgant, & q. testes & conscios turpium suarū voluptatū alios expetunt.

4. Præcept.

Ratio.

Tyrannorū

qui Arist.

etate vixere

re peccatū.

Ἡ νῦν πνεῦς τῶν τυραννῶν] Tyrannis voluptatem tanquam scopum esse propositum, vt regi honestum, & omnes voluptates ac delicias confectari Tyrannos, explicatum est *supra c. 10. fere init.* & pulchre de his Tyrannorū voluptatib. *Plato initio lib. 9. de Rep.* Exempla omnes historiæ suppeditant. Talis fuit Sardanapalus, Elogabalus Imp. Rom. & alij, de quibus *Athenæus, Demetrius Poliorcetes, & alij.*

Ὅτι περὶ δὲ ἀντιθέλει.] Causa his verbis exponitur siue utilitas huius præcepti: q̃ somnolenti ac vinolenti facile cōtemni & opprimi soleant, vigilantes & sobrij nō item, vt de Alexandro tyranno Pheræo, eum vino & somno obrutum interfectum fuisse cōmemorat *Xenoph. li. 6. ἐκ βασιλικῶν*, & *supr. de Sardanapalo* & de *Dionys. iuniore Siciliae tyranno cōmemorauit ipse Arist. c. 10.* & de *Astyage Medorū rege à Cyro oppresso. Idem de Domitiano, Nerone, Elogabalo, alijsq; imperatorib. dici pōt.* Quare tyrānus Hiero *ap. Xenop. in Hiero.* ait se ebrietatē & somniū nō secus atq; insidias vitare ac fugere, & *lul. Cæs.*

Causa &

utilitas huius

præcepti.

1. Exempl.

2. Exempl.

3. Exemp.

4. Exempl.

1. Testimo.

2. Testimo. teste Plutarcho in vita Bruti cum moneretur, ne tam familiariter Dolabella & Antonio vteretur: respondit, nihil sibi ab his duobus, ut rubicundulis & ebriosis, sed à pallidis illis & macilentis, Bruto & Cassio, metuendum esse.

T E X T V S.

Contrarium quoq; faciendum est, atq; ea fere omnia, quæ olim feruntur. Nam exædificanda & ornanda est ciuitas, quasi sit curator & non Tyrannus.

C O M M E N T A R I I.

5. Præceptū
simulationis tyrannica.

Τὸναντικὸν εἰς ποιητέον.] Aliud præceptum, quod commune esse videtur, multaque capita complecti: quo iubetur Tyrannus plane alia & contraria ijs, quæ à maioribus sint tradita, conseruandæ Tyrannidis instituta & consilia amplecti ac sequi. Quæ autem illa sint vetera Tyrannorum instituta & maioribus vsitata, explicatum est initio huius cap. Ijs iam plane contraria sequi Tyrannum, vult Aristoteles. Id quod & infra monuit, eo loco ubi docuit Tyrannidis continuandæ seu conseruandæ duos esse modos inter se plane contrarios: veterem eumq; asperum: alterum huic contrarium, humanum & regium potius, quam Tyrannicum. Quare his verbis non tam præceptum proprium, quam monitio quædam & iteratio totius huius modi contrarij continetur. Nam vetera instituta & Tyrannis vsitata præcepta, ut non pati ciuium cœtus, scholas, conuenticula, præstantes virtute viros è medio tollere, &c. & hic & infra initio huius cap. ab Aristotele dicuntur πάλαι λεχθέντα. Non recte igitur quidam illud, πάλαι λεχθέντα, reddunt; ea, quæ supra sunt dicta; Cum verendum sit, ea, quæ olim vel antiquitus sunt dicta siue vsitata.

6. Præceptū
simulationis tyrannica.

Ratio.

1. Testim.

2. Testim.

Κατασκευάζειν γὰρ.] Aliud præceptum, quo Tyrannus iubetur urbem exornare præclaris ædificijs, mœnibus, portubus, templis, palatijs, vijs, &c. Hac enim ratione amorem & beneuolentiam ciuium sibi conciliabit, qui, tanquam tutor & parens, urbem curet & augeat, non vero, ut Tyrannus, opprimat vel euertat. Quod idem consilium Hieroni Tyranno dat Simonides poeta apud Xenophen. in Hieronē, καὶ εἰς αἰέτων, & εἰς ἀπὸ τῶν ἰσθίων κλημέτων, &c. & Octauiano Aug. Mæcenas

coenas apud *Dion. lib. 52.* idem consilium dat: τὸ μὲν αὖτε τῶν
κατακρήσιν παύση πολυτελεία, &c. Quod certe consilium
approbasse & secutum esse Augustum veteres commemorāt;
qui Imp. cum per se, tum maxime Agrippæ sui opera Romā
ita exornauit, vt tandem gloriaretur eam se lateritiam acce-
pisse, & marmoream posteris tradere, teste *Sueton.* Idem se-
cutus est Archelaus Macedo, quem alioqui, vt deterrimum
Tyrannum, describit *Plato.* Et Hipparchus Tyrannus Pisi-
strati F. de quo *Plato in Hipparcho.* Et Dux Florentinus
Cosmus, priore anno mortuus.

1. Exempl.

2. Exempl.

3. Exempl.

4. Exemp.

T E X T V S.

Præterea videri semper ea maxime curare, quæ
ad Deos pertinent. Nam & metuunt minus, ne
quid iniusti accipiant à talibus, si eum, qui præest,
religiosum esse, Deosq; curare existiment; & mi-
nus insidiantur, vt Deos habenti socios. Oportet
autem non stulte siue inepte talem videri,

COMMENTARII.

Ἐκ τῆς πρὸς τοὺς θεοὺς τῆς περὶ τῶν θεῶν.] Aliud præceptum, de simulanda
pietate & cura Deorum, hic exponitur: cuius duas vtilitates
commemorat. Primum, vt ciues à tali, id est, religioso nihil
sibi metuant. Quasi qui in Deos est pius & iustus, in homi-
nes & ciues suos iniustus & impius esse nolit. Deinde metu-
ent, insidias vel manus ipsi afferre: eo quod ipsum, vt Dijs
charum Deorum patrociniū tutum, & satis munitum aduer-
sum insidias aut vim futuram, sint existimaturi. Duo igitur
ex cura Deorum & religionis siue vera siue simulata existūt
commoda, amor & beneuolentia ciuium, & tutela ac vitatio
insidiarum. Hac arte olim vsus est Sertorius, de cuius Cerva
Plutarchus in vita Sertorij. Vfus & Rex Numa, de cuius cō-
gressu cum Nympha *Ægeria Lin. lib. 1. & Dionys. li. 2.* Et im-
pius Mahometes, de cuius columbis notum est negocium.
Huc .a. pertinet locus cōmunis de religionis vi ac potestate in
ciuibus & hominib. imperio continendis ac frenandis, quem
nos attigimus in *explicationib. initij lib. 2. Cic. de ll. vbi do-*
cuimus, multa à prophanis gentibus superstitione inuenta,
non tam pietatis & religionis, quam Reipubl. causa. Quod
longe apertissime *Polyb.* quodam loco fatetur.

7. Præceptū
simulatio-
nis tyrann.

1. Ratio.

2. Ratio.

1. Exempl.

2. Exempl.

3. Exempl.

Religionis
vis frenan-
dis ciuibus.

Cautio.

Δεῖ δὲ αὖδ' ἀβελτηρίας.] Callide & arte vtendum hac religionis simulatione ait. Ne si innotescat simulatio tanquam stulta, magis in periculum veniat, vt qui etiam Deos contemnat & simulate colat.

T E X T V S.

Et qui re aliqua excellant, eos ita præmio afficere, vt ne à ciuibz liberis quidem maiora se vnquam consecuturos putent. Et præmia quidem talia ipsum tribuere per se: pœnas vero per alios magistratus & iudices.

C O M M E N T A R I I.

8. Præceptū
simulationis tyrann.

1. Membrū
huius præcepti.

Ratio.

2. Membr.

Ratio.

1. Testim.

2. Testim.

Aliud præceptum siue consilium, de præmijs & pœnis. Quibus duabus rebus Respub. contineri dixit Solon, teste Cic. in epistola ad M. Brutum. In his igitur ita versandum Tyranno monet Aristoteles; primum, vt viros virtute præditos, eosque, qui in re aliqua præclare se gerant, non interficiat vel in exilium pellat more Tyrannorum; De quo supra aliquoties est explicatum: Sed vt eos honoribus propter virtutem afficiat, ijsq; tantis, vt ne in libera quidem patria aut Republ. maiores sint consecuturi. Quare fiet, vt hi virtute præstantes & præditi, magniq; animi, hoc statu & honoribz nō facile res novas sint molituri. Deinde qd est veluti alterum membrum huius cōsilij de præmijs & pœnis, & quidem maximi momenti, ac valde præclarū: quo iubetur Tyrannus præmia quidem & honores ipse ac per se tribuere: pœnas & supplicia per alios & magistratus & iudices. Cuius præcepti ratio per se plana & perspicua hæc est, quod hac ratione benevolentiam & amorem ciuium sibi conciliet, qui præmia consequuntur: odium in alios deriuat. Atq; hoc quidem consilium idem plane multis verbis & eleganter explicatur à Xenoph in Hierone, vbi Simonides ei ita faciendum suadet his verbis: ἐπιμελείαι μὲν δόξουσιν αἱ μὲν πάντα, &c. Et hoc etiam Regni Francici vt magnum arcanum & mysterium commemorat Io. Bodin. c. 6 meth historica. Quod Rex Franciæ omnium quidem præmiorum in Repub. sit arbiter, nullas tamen infligat pœnas aut supplicia, sed hæc, vt odiosa, magistratibz permittat. Quo fit, inquit, vt omnium amore, nullius odio dignus habeatur.

T E X T.

In omni autem vnus Imperio communis hæc est

est cautio, ne quisquā vnus magnus reddatur; sed si, plures. Sic enim inter se obseruabunt. Quod si magnus aliquis faciendus fuerit: ne tamen is, qui audaci ut ingenio. Nam tale ingenium omnibus in rebus turbulentissimum est. Atq; si alicuius potentia videatur dissoluenda: erit hoc sensim ac paulatim faciendū, nec vniuersa simul auferenda.

C O M M E N T A R I I.

Κοινὸν δὲ] Aliud præceptum non Tyrannidis proprium, *9. præceptū.* sed huius & Regni commune. Quo vetantur principes neminē suorum ad nimiam potentiam prouehere. Nam sæpe fieri solet, vt hac potentia freti atque subnixi ipsi regnum vel Tyrannidē occupare aut saltem res nouas moliri velint. Hoc autem præceptum non tantum vnus imperio (monarchiæ) sed etiam alijs Rebus publ. vtile esse docuimus *supra cap. 3.* vbi de excellentia siue præstantia & nimia vnus in Republ. *1. Exempl.* potentia, vt Romæ Cæsaris, Pompeij. Cuius rei causa apud *2. Exempl.* Græcos ostracismus, id est, potentium virorum in Republ. *1. Testim.* exilium in vfu fuit: de quo *in eodem cap. 3. & lib 3. cap. 9.* De *2. Testim.* hoc præcepto & Demosth. in oratione *περὶ τῆς παρρησίας*, de falsa & clementia legatione. Sic enim Cic. reddidit: *ὅτι πάντων μεγάλων*, &c. De eodem præcepto & *supra h. lib. c. 7.* Quare & Mecænas olim Augustum reprehendit, quod Agrippam nimis magnum fecerat, adeo vt diceret, necesse esse, *3. Exempl.* Agrippam aut Cæsaris generum fieri aut necari. Talem Tib. *4. Exempl.* Imp. Seianum, quem tamen postea interfecit, quia cœpit ad imperium adspirare. Idemq; sed tardius, quam par erat atq; vsui, fecit ann. 1588. Henricus III. Rex Galliæ, sublato Henrico Duce Gisiō eiusdemque fratre Ludouico Cardinale Lotharingo, quos hætenus nimium extulerat: ita vt vna cum alijs coniuratis frenum cunctis regibus Gallis iniicere, & vt constanti rumore perccebut, Regem Henricum per insidias e medio tollere conati sint.

Αλλ' εἴ ποτε πλείους.] Quia cauere interdū nō potest, qn aliq *10. Præcept.* vel fortuna vel virtute ad summas dignitates & potentiā perueniant: aliud consilium adiungit hic Aristoteles: vt si nimia *1. Membriū.* hæc potentia cauere non possit: saltem vt non vni, sed pluribus ea permittatur. Aut hoc amplius; si vni sit permit- *2. Membriū.*

tenda: saltem ut ei, qui modesta & pacis ac otij amante indole & ingenio, non vero ei, qui turbulento, audaci & ambitioso sit ingenio. Causa utriusque cautionis & utilitas, prioris quidem, cur pluribus magnæ opes permitti possint, hæc affertur: Quia inter se sint observaturi, id est, amulatione inter illos exorta, ut fere fit inter pares, futurum sit, ut nemo unus facile imperium occupet: sed alter alterum impediatur. Alterius vero, cur uni, qui modesti sit ingenij, permitti possit nimia potentia, causa hæc satis perspicua exprimitur ab Aristotele: Quod audaces & ambitiosi præterea res novas moliri & Tyrannidem inuadere ac imperia concupiscere soleant: pacis amantes ac modesti, magna licet potentia præditi, non item.

1. Membri
ratio.

2. Membri
ratio.

3. Membri.

Καὶ τὸ ἀντιπαρὸν] Ad eos pertinet hoc consilium, de quibus modo explicatum est, quos nimirum Rex magnos fecerit, seu ad magnas opes perduxerit. Nam de his consilium trimembre esse diximus. Duabus partibus iam explicatis, quæ sunt de producendo ad maiores opes & dignitates uno aliquo: reliqua nunc tertia, illis velut contraria, de illis iam potentibus ad priorem statum deducendis hic explicatur, qua id prudentia sit faciendum. Nam præcipit siue suadet Aristoteles, tali alicui non eodem tempore uniuersam potentiam & opes ac dignitatem esse eripiendam, sed particulatim eam esse deminuendam. Cuius consilij causa licet hic non exprimatur, hæc tamen esse videtur: Quod subita fortunæ & dignitatis commutatio contumeliosa esse videatur, magnumque dolorem præterea afferat. Quæ contumelia ac dolor facile eos ad res novas moliendas & insidias aut vim regi seu Tyranno faciendam impellere possunt. Idem consilium in amicitia dirimenda dant veteres. Qua de re ita Cic. in Laelio; ubi de vulgaribus & vitiosis amicitijs siue iam ad vitium flectentibus: Tales igitur amicitia, inquit, sunt remissione usus renuenda, & (ut Catonem dicere audiui) disfluenda magis quam discindenda. & li. i. off. ubi de mutando vitæ genere: Eam, inquit, mutationem si tempora adiuuabunt, facilius commodiusque faciemus: sin minus, sensim erit pedetentimque facienda: ut amicitias, quæ minus delectent & minus probentur, magis decere censent sapientes sensim diluere [sic enim ibi legendum ex veteribus libris] quam repente præcidere. Quod enim Cicero sensum & pedetentim, id
grace

Ratio.

Simile.

græce hic Aristot. elegantiss. ἐν προσαγωγῇ, ut & *supr. hoc li-
bro capit. 6. in fine. & capit. 8.* eo est usus, quo in loco idem
est explicatum iisdem pene verbis; nimirum in omni Repub.
illud cauendum, ne quis nimia potentia augeatur Quod si
caueri non potest, saltem ut ne simul vno eodemque tempo-
re vel augeatur, vel auctus de gradu (ut dicitur) deliciatur, sed
ἐν προσαγωγῇ & κατὰ μικρόν. Sic enim ait Aristotel. κρινόν δὲ
ἐν δόμῳ ἢ ὀλιγαρχίᾳ, &c.

T E X T V S.

Præterea arceri Tyrannus cum omni iniuria
seu contumelia, tum præter cæteras duabus; tam
ea, qua corpora plagis afficiantur, quam ea, quæ est
in ætatē. Maxime autem aduersus honoris cupi-
dos hæc adhibenda est cautio siue prouisio. Nam
contemptum, quo ad pecuniam, grauitè ferunt
auari: quo ad ignominiam, & ambitiosi & viri
præstantes. Quare vel non vtendum est talibus re-
bus, vel videri debet suppliciis quidem vti pater-
ne, non per contemptum: adolescentum vero
congressibus ex causa amatoria, non vero per im-
perium. Ad summam; quæ videntur ignominia,
maioribus eas honoribus redimere. Ex iis autem,
qui aduersus ipsam personam quid moliuntur, hi
maxime sunt metuendi, plurimamque custodiam
desiderant, qui, Tyranno necato, non magno pe-
re laborent, ut ipsi salui euadant. Quapropter ma-
xime cauendum est ab iis, qui iniuria vel sese, vel
quorum curam gerunt, affici putant. Nam qui ira
impelluntur ad impetum faciendum in aliquem,
negligere se ipsi solent, ut & Heraclitus ait; Diffi-
cile factu esse dicens cum ira pugnare (iræ resiste-
re.) emergere namque anima.

C O M M E N T A R I I.

Ἐπὶ δὲ πάσης μὲν ὑποθέσει εἴρημα.] Aliud consilium siue præ- 11. *præcept.*
ceptum,

ceptum, quo iubet Arist. siue suadet Tyranno, vt abstineat & temperet ab iniuria in ciues, cum ab alia omni, tum ab his duob. iniuriæ generib. pulsatione seu verberatione, & stupro.

Ratio.

Nam cum iniuria siue cōtumelia sit multiplex, omnesq; eos, qui iniuria sint affecti, ad vindictam impellat, vt *sup* est explicatum *cap. 10.* his verbis; τῶν ἑπιτεσεων αἱ μὲν ἐπὶ τὸ σῶμα, &c. contumeliosissimæ, & ad insidias faciendas acerrimæ videtur

*Approbat.
tis
αὐξήσις.*

hæ duæ, pulsatio & stuprum: eo quod magnā afferant turpitudinem, & velut ignominiam inurant perpessio; vt ignauo & effœminato. Cum autē aduersus omnes, tum maxime in eos qui magni sunt animi, & generoso ingenio, quiq; gloriæ honorum sunt cupidi, ab his duob. iniuriæ generib. tyranno ab-

Ratio.

stinendū ait: propterea q̄ hi, magno animo & gloriæ cupido præditi, grauissime ferant iniuriā, qua ignominia quædam ijs afferatur, non secus atq; auari atq; puilli animi homines iniuriam ac damnum rei familiaris grauitè ferre solent. Nam

Approbat.

quæ quis maxime curat, vt auarus pecuniam, ambitiosus & gloriæ cupidus honorem & gloriam: eorum amissione maxime afficitur, & ad dolorē, iram, odiū & vindictā impellitur. De qua differētia magni & parui seu angusti animi hominū,

ex quibus illi gloriam, hi quæstum sibi propositum habent, dictum est & *sup. l. 2. c. 3. §. hic c.* Sapienter igitur Arist. sua-

det Tyranno, vt ab his iniuriis vel plane abstineat, vel saltem prudenter vtatur. Et de pulsatione, siue de pœnis & suppli-

ciis, iis vt ita vtatur, non vt per contemptum, & superbe insultandi aut violandi alterius causa; sed vt paterno animo ea videatur infligere quasi inuitus, & necessitate postulante.

De consuetudine vero cum mulieribus vel adolescentibus, vt ea non vi & imperio, sed amore impulsus vti videatur,

Causa seu ratio, ob q̄ Cur autem Aristoteles de his iniuriæ generibus præcipue a-

Arist. præcipue duo gat, causa fortassis hæc est: Quod plerique Tyranni in his maxime peccare consuerint; eaque propter multi & olim fuerint interfecti, vt de Hipparcho, Periandro Corinthio,

hac iniuria Archelao Macedone, aliisque *supra* exposuimus *capite 10.* qui per libidinem & consuetudinem Veneream, qua non ex amore sæpe, sed contumeliæ faciendæ causæ vterentur, interfecti sunt. Ob pulsationem autem multos quoque necatos

Exempla. fuisse ait *ibid.* Arist. vt Penthilum, Archelaum.

Καὶ τῆς εἰς τὸν ἡλικίαν.] Sic & *supr. c. 10.* hanc iniuriam vocat, sed paulo *infr.* πρὸς τὸν ἡλικίαν.

^α Η τὰς μὲν καὶ λόγους πατρικῶς.] Præclarum est præceptum de 12. præcept.
pœnis & suppliciis: iis vult ita esse vtendum, vt non contume- de pœnis &
liæ causa, & petulanter, sed paterno animo infligi videantur. suppliciis.
Quo pertinet & quod *supr. c. 6. fere in fi.* de seditione & motu 1. Exempl.
tam Thebis, quam Heracleæ, ob hanc potissimum causam 2. Exempl.
exorto docuimus: Quod supplicia iis in locis, licet iusta, con-
tumeliose tamen & seditiose de quibusdam essent sumpta.

Τὰς δὲ πρὸς τὴν ἡλικίαν.] Idē & *sup.* exemplo Archelai Re- Exemplū.
gis iisdem fere verbis docuit *ca. 10.* cui ab Helianociate Larif-
iæo (quod Archelaum sua ætate abuti δι' ὕβριος, καὶ δι' ἐξου-
κλῶ ἐπιθυμῶν iudicaret) infidiæ fuerint factæ, quiq; vna cum
reliquis in Archelaum conspirarint.

Ὡς δὲ τοῖς δούλοις.] Prudens & elegans & hoc est confi- 13. præcept.
lium siue præceptū, quo iubet Arist. ea, q̄ ad ignominia perti-
nent, alicui facta magnis honorib. velut mitigari & cōpensari.
Hac. n. ratione fiet, vt ignominia affecti iram deponat, poste- Ratio.
riorib. honorib. placati: simul & hoc intelligāt nō petulantia
vel cōtemptus, sed potius emēdationis causa ea se esse perpes-
sos. Quod idē sæpe parentes faciunt, vt quos verberib. exce- Simile.
perant, eosdē postea crustulis demulceāt & velut abbladiant.

Τῶν δὲ ἐπιχρῶντων.] Dictum est *supr. c. 10. ἐπιθεῖσας* seu infi- 14. præcept.
dias, & inualiones, ac molitiones vel aduersus personam aut
corpus Regis aut Tyranni, vel contra imperiū tantummodo
& principatum fieri. Hic igitur de iis, qui corpus petunt & vi-
tam principum: eos ait maxime metuendos, qui nullo mortis
metu, nullaq; vitæ sollicitudine (quicquid, inquam, acciderit,
in vtrinq; sc. parati) id ausint, siue Tyrannos inuadant. Cur Ratio.
autem ab his maxime metuere, sibiq; cauere debeant princi-
pes, causa est perspicua: Quod hi propter mortis cōtemptum Exemplū.
semper ad impetū faciendū sint parati, etiā nulla data cōmo-
da occasione Sic & de Gallis veteres commemorāt, eos pro-
pter opinionem de immortalitate animi, vita hac contempta
acerrime maximoque impetu pugnare solitos, *Cæsar lib. 5. de*
bello Gallico. Contra qui vitæ sunt cupidi, non ita sunt me-
tuendæ eorum infidiæ, quare & olim Ciceronem, vt meti-
culosum, coniurati in Cæsarem eius ἐπιθεῖσας & coniura-
tionis socium habere noluerunt, teste *Plutarcho.* Iam vero
qui quaque de causa quidem ita vitam contemnant, vt quic-
quid acciderit, parati semper sint in Tyrannū inuadere, Arist.
quoq; hic commemorat. Nam id ex contumelia, quam quis
vel

γνώμη.

Causa reli-
qua cōtem-
ptus vita.

vel ipse, vel sui, qui ipsi sunt curæ & commendati, acceperint, siue potius ex ira ex contumelia nata accidere. Itaq; contumelia affectos vel sua vel suorum, eaq; irritatos & grauiter cōmotos esse eos, qui etiam cum vitæ periculo, & nulla spe propriæ salutis, de hac contumelia & iniuria vlcisci & in Tyrannum inuadere sunt parati. Id quod (id est, iram) huius inconsulti impetus & vindictæ causam esse (etiam cum vitæ periculo) confirmat nobili dicto Heracliti Philosophi, χαλεπὸν θυμὸν μὲν γὰρ ἀνείσθαι, ψυχῆς δὲ ἀνείσθαι. Difficile esse iræ obistere, vita namque redimi siue constare. De quo dicto diligenter explicauimus *lib. 2. Eth. cap. 3.* vbi idem ab Aristotele adducitur & à multis aliis, vt eo loco dictum est. Et certe iræ quam celeres grauesque sint impetus, satis notum est, & pulchra similitudine indicatur ab Aristotele *lib. 7. Ethic. cap. 7.* & dictum etiam *supr. cap. 10. in fin fere hoc lib.* Sunt & aliæ causæ præter contumeliam, quæ homines vitæ negligentiones & contemptores reddant, vt opinio illa de immortalitate, de qua diximus: vt gloria; de qua dictum *sup. cap. 10.* vbi de Dione aduersus Dionysium Iuniorem; quo in loco perpaucos esse ait, qui ita cum vitæ periculo & mortis contemptu, vt Dio, parati sint in Tyrannos inuadere. Cæterum de contumelia & ex ea ira & odio quemadmodum tyrannides tollantur, dictum est *supra capite 10.* Quo in loco exempla aliquot sunt allata.

T E X T V S.

Cum autem ciuitates ex duabus constent partibus, ex egentibus hominibus & locupletibus: danda quidem est opera maxime, vt vtrique existiment se saluos esse propter imperium, & nulla in re iniuria affici alterum ab altero. Vtri vero fuerint potentiores, vt hi maxime imperio concilientur: vt, si hoc effectum fuerit, non sit necesse Tyranno vel seruorum liberationem, vel armorum ademptionem machinari. Satis est enim pars altera potentia adiecta, vt inuadentibus superiores sint.

COM-

C O M M E N T A R I I.

Ἐπεὶ ὅτι αἱ πόλεις.] Aliud consilium conseruandæ tyranni-
dis, de adiungenda siue concilianda altera populi parte. Nam
cum duæ in omnibus ciuitatibus partes sint populi, maxime
insignes & vsitata, diuites & pauperes, vt *supr.* explicatum *lib.*
4. cap. 4. & hoc lib. cap. 1. curare quidem debet Tyrannus, o-
mnes vt tyrannidi bene cupiant, eiusque imperium saluum
& incolumē esse velint. Quod hac ratione fortasse efficiet, si
iuste imperando, populo hanc opinionem instillet, vt, nisi
incolumi hoc imperio, existiment, se quoque saluos esse non
posse; & efficiendo, vt neutra pars alteri faciat iniuriam, vt
ne diuites plebem opprimant, & velut serua vtantur, vel plebs
diuitum bonis insidietur. Hoc igitur maxime quidem cura-
re, & operam dare debet Tyrannus, vt omnes populi siue ci-
uium partes ita erga se sint affecti, omniū salute & cōmodis
æquabiliter curandis. Quod veri Regis officium esse, docuit
supra c. 10. his verbis; βέλεται ὅτι βασιλεύς εἶναι φύλαξ, &c.
& *Cic. lib. 1. Offic. ex Platone*, boni magistratus ac viri politici
idem quoque munus & officium esse docet, vt omnes partes
Reipublicæ peræque ipsi sint curæ. & *lib. 2. de Offic. ex Herod.*
regna ea re instituta fuisse ait, iustitiæ fruendæ causā. Verum
quia difficile factu est, vt omnes Tyranno bene cupiant; κα-
τὰ δὲ δεύτερον πλεον, secundario, id faciundum suadet Aristote-
les, vt alteram saltem partem sibi adiungat & conciliet, siue
diuitum siue tenuiorum. Nam cum Tyrannus suis ipse opi-
bus multum possit: tamen hac accessione inunitus facile re-
liquam partem in officio continebit; & si qui ex reliqua par-
te in se coniurarint, cum suis opibus, tum ciuium illorum,
qui ipsi eiusque imperio bene cupiant, facile iis obsister, se-
que tuebitur. Neque vero hoc tantum commodum hinc
Tyrannus habebit (ex hoc consilio) sed illud quoque, vt
non cogatur more aliorum Tyrannorum ad res duas, partim
turpes, partim odiosissimas decurrere; nimirum ad seruos li-
berandos, & arma ciuibz adimenda. Hoc autem consilium
κατὰ δὲ δεύτερον πλεον, & (vt ita dicam) secundarium, seu po-
tius vniuersum, quod hic Tyranno datur, reliquis omnibus
Rebus publicis datum est *supra lib. 4. cap. 11.* his verbis: καὶ
πῶς τοιαύτας ἐνδέχεται πολιτεύεσθαι, &c. μάλιστα μὲν
ἡμῶν.

15 precept.

Quib. ratio
nibus ciues
psentis sta-
tus cupidi
reddantur.

2. membrū.

1. Ratio seu
utilitas.2. Ratio seu
utilitas.

Οὐπ

Serui à Ty-
rannis in
auxilium
vocati.

Οὐτε δ' ἄλων ἐλθ' ἑρώσιν. } Tyrannorum hanc consuetudi-
nem, qui seruos ad pileum vocent, & libertate donent, vt iis
eorumq; præsidio aduersus liberos & ciues vtantur. (Est enim
natura seruus libero, maxime domino suo, inimicus & hostis
natura; ex veter. prouerb.) Plato quoq; cōmemorat *libr. 8. de*
Rep. extrem. quæ verba adduximus *sup. b. c.* ad hæc verba; &

1. *Exempl.* δ' ἄλων αὐέσις. Quod vt exemplis confirmetur, ita *Iustinus* de
Clearncho Heracleæ Tyranno (Heraclea vrbs Ponti prope
Constantinopolim) *lib 16.* cognito deinde, quod bellum sibi
ab his, qui profugerant, misericordia in auxilia sollicitatis ci-

2. *Exempl.* uitatib. pararetur: seruos eorū manumittit. De Critia quoq;
vno ex 30. Tyrannis vrbs Athenar. qui in Thessalia Penestas
(sic vocantur serui in Thessalia) aduersus dominos suos ar-
marit, narrat *Xenoph. li. 2. τῶν ἐλλεικῶν*, his verbis, ὅτε ἦν ἑὺ-

Testimon. τι λῦ, &c. Huc quoq; pertinet, quod Hiero Tyrannus apud
Xenoph. in Hieron. ait, Tyrannum cupere liberis quidem vt
seruis, seruos vero cogi manumittere.

Οὐδὲ ὅτων παρῆρσιν.] De hac re dictum *sup. c. 10.* ad illa
verba, Ἀλλὰ καὶ πλὴν παρῆρσιν.

T E X T V S.

Superuacaneum sit autem talia singulatim ex-
ponere. Nam scopus perspicuus est, debere ciui-
bus videri non tyrannicum, sed curatorem & re-
gium: nec sibi vindicantem, sed tutorem & me-
diocritates vitæ persequi, non immoderationes.
Præterea optimatum vti congressibus, & multitu-
dinem colere aut demulcere. Ex his namq; necesse
est, imperium non pulchrius tantum & beatius (eo
quod melioribus imperet, & non abiectis, nec sit
odiosus & metuendus) sed etiam diuturnius esse
imperium. Præterea ipsum ingenio affectum esse
vel ad virtutem præclare, vel semibonum & non
malum, sed semimalum.

C O M M E N T A R I I.

ἀποδιωξίς.

Περὶ ἐξῆς γ.] Expositis præceptis conseruandæ tyrannidis
mitioribus, quia complura alia eiusdem generis cōmemora-
ri possent, ne res sit longior: superuacaneum esse ait, ea omnia

singu-

singulatim hic persequi & cōmemorare: Maxime cū eodem omnia pertineāt, idē sit scopus, quo semel proposito, & semel cognito, facile sit alia cōferētia colligere. Quis autē hic sit sco- *Scopus Ty-*
pus, q̄ princeps, qui benignitate & clementia imperiū admi- *ranni.*
nistrare & tueri velit, non acerbitatē & seueritatē propositam sibi habere debeat: & hic iteratur, & *supr. h. c.* latius est exposi-
tum, his verbis; ὁ μὲν ἐν εἰς πρόω ζῖνεται, & c. nimirū, vt se à suis
non Tyrannū sed Regē potius, non eū qui sui cōmod, ambi-
tionis aut voluptatū causa imperiū teneat, sed illorum potius
tuendorū, & ab iniuria conseruandorū, sitq; velut tutor & cu-
rator, ac dispēsator cōmunis habeatur ac videatur. Hoc enim
hæc altera mitior conseruādæ tyrānidis ratio & via agit, illud
sibi propositū habet, vt tyrannis ad regale imperiū flectatur,
aut certe simuletur. Quod idem plæroiq; Tyrannos facitare
aut conari solitos, grauis auctor *Polybius* scribit *lib 6. h. stor.*

Ἀλλ' οἰκονόμῳ.] Sic & *supr. hoc cap.* vbi de pecunia publica *1. Præceptū.*
non largitionibus aut turpibus donis & muneribus temere
consumenda, sed potius & pecuniæ & sumptuum rationem
populo reddendam Tyranno suadet. Nempe vt hac ratione
οἰκονόμῳ, ἀλλ' ἢ τύραννι esse videatur.

Καὶ μὴ σφετεριστὴν.] Sic & *supr.* Tyranno suadet, vt urbem *2. Præcept.*
egregie exornet, vt tutor aliquis & curator, ὡς ἐπίτροπον ὄν-
τα καὶ μὴ τύραννον. Quod cum alios principes fecisse docuimus
eo loco, tum de ipso Pisistrato commemorat *Herodot. libro 1.*
ἐνθα δὴ ὁ πεισίστρατος ἤρχεν ἀθ. λυσίων, τὴν πόλιν κοσμέων καὶ δὲ,
urbem exornans præclare & bene.

Καὶ πᾶς μετριοτήτας.] De voluptatibus moderate fruendis, *3. Præcept.*
non intemperanter (vt alioqui solent Tyranni) hæc verba ac-
cipi debent. Argumento est verbū μετριοτήτας, quo & *supr.* est
vſus. Sic enim ait; μετριάζειν τοῖς τοῖς τοῖς, agens de corporis
voluptatibus, his verbis: πρὸς τοῖς ἀπολαύσεως τοῖς σωματικαῖς, vbi
id latius est explicatum.

ἐπὶ δὲ τὰς μὲν γνώμης.] Cum dux fere sint ciuiū partes, opti- *4. Præcept.*
mates & multitudo siue plebes: debere Tyrannū aduersus v-
tranq; partē facilē & humanū se præbere, vt plebē quidē offi-
ciis & beneficiis demulceat & colat: optimatū vero cōsuetu-
dine vtatur. Quod cōtra plæriq; faciāt, q̄ optimates vel inter-
ficiunt, vel in exiliū pellunt, plebē operis & laborib. fatigāt, &
plane seruā reddunt, vt *supr.* explicatum est *initio fere huius c.*
Verū de hac facilitate & humilitate iā *sup* est explicatū ad ea
verba,

verba, ἐφ' ὧν καὶ μὴ χαλεπὸν, &c. Vt aut hic Arist. de tyranno; ita & *Plut.* de Principe in Rep. viro, siue sit Rex, siue politicus aliquis, æque faciendum esse suadet in lib. de precept. ciuilib. Sic enim ait: δεῖ γὰρ τὰς μὴ ἰδιώτας, &c. Quibus ait, virum Principem plebeios quidem & idiotas quadam comitate & æquabilitate; opulentos vero & potentiores mutuo quodam obsequio demulcere debere.

2. *Utilitas.*

Ratio.

ἐν γὰρ ταύτῃ.] Duo magna commoda seu bona ex hac humanitate manare ostendit: Imperii, inquam, præstantiam & diuturnitatem. Nam eius imperium, qui tam erga optimates, quam aduersus multitudinem ita se gerit, longe præclarius & pulchrius atque beatus esse ostendit: eo quod hi, qui parent, meliore & beatiore fortuna vtantur. Quo enim beatiore & florentiore sunt ciues & parentes, eo quoque florentiora & beatiora sunt imperia. Id quod de Periandro commemorat *Plut. initio Symposii*, eum non secutum Thrasylbuli consilium de principibus viris interficiendis, his verbis: γεωργεῖς γὰρ, &c. Neque enim agricolæ, tritici & hordei loco locustas & gallinas, domum deportare volenti, absimilis sit Tyrannus is, qui mancipiis potius, quam viris, imperare velit. *Plato* quoque in *Hipparcho* laudat Hipparchum Tyrannum, qui ciues præclare instituendos curarit, & melioribus præfesse, quam improbis, maluerit. Huc quoque pertinet dictum Maximiliani I. Imperatoris, de se aliisque Regibus Christianis; se quidem Principibus, Gallum asinis, Anglum furibus,

2. *Utilitas.* &c. imperare, vt fama est. Alterum ex hac Tyrannorum in suos facilitate & communitate commodum est, quod imperium stabilius & diuturnius ea efficiatur. Cum enim hac facilitate ciuium in se beneuolentiam & amorem conciliet Tyrannus: fit, vt eius imperium quoque saluum & incolume esse velint. Vt contra quem metuunt, & oderunt propter crudelitatem aut seueritatem, eum perisse expetunt: vt est vetus versiculus lib. 2. *Offic. apud Cic.* Docuimus etiam *supr.* de beneuolentia; eam esse ad diuturnitatem aptissimam: & de odio ac metu, eam imperiis esse maxime perniciosam.

3. *præcept.*

ἐπὶ γὰρ αὐτὸν ἀγαγεῖσθαι.] Monuit paulo supra Aristoteles, superuacaneum esse, singulatim persequi præcepta huius minoris rationis tyrannidis conseruandæ. Ipse tamen aliquot hic breuiter nihilominus congerit. Quorum tria modo sunt exposita. Hoc autem, de quo hic agitur, ad mores & probita-

tem

tem Tyranni pertinet. Nam vult Aristoteles Tyrannum vel probum esse & virum bonū, vel omnimodo, vel dimidia saltem ex parte, nō vero esse improbum plane, sed ex parte tantum. Cum enim plæriq; Tyranni plane sint improbi & libidinosi, omnibusq; vitiis cooperti, & proinde imperio quoq; suo iniuste & crudeliter vtantur: id quod ad priorem modū pertinet: recte & contra iubet eos Tyrannos, quorum nō magna est multitudo, qui leniore hac via præesse imperio, idq; conservare velint, eo esse ingenio, quod ad virtutem sit aptum, adeo, vt si non plane sit vir bonus, aliqua tamen ex parte talis sit, vt si non plane & perfecte virtutibus sit præditus, innotatamen quædam & primordia virtutum, aut saltem igniculos naturales, aut saltem aptitudinem in se habeat: vt sunt illi, qui *lib. 7. Ethicor.* continentes dicuntur. Cur autem Tyranni, qui hac altera ratione imperare velint, non omnino improbi esse debeant, sed virtutum simulachra quædam habere, causa & ratio perspicua est, quod ea illius rationis præcepta, iam *supr.* explicata, non possint ab homine plane improbo servari. Cur autem non sit necesse, vt omnibus virtutibus Tyrannus perfecte sit præditus, ratio hæc esse videtur. Quod tum Rex potius videretur, cuius proprium est, virtute omnibus reliquis ciuibus antecellere, vt *sup.* explicatum *l. 3.*

Ratio, cur tyr. non omnino debet esse improbus.

Ratio, cur tyr. non sit omnino probus.

C A P V T X I I.

Dvo sunt membra huius capitis, quorum in priore de Tyrannidis breuitate ac diuturnitate: in altero de sententia Platonis de causis mutandarum Rerumpublicarum agitur. Quod quia plane cum priore nullam habet cognationem; puto, rectius initium capitis 12. aut etiam 13. eo loco esse collocandum.

Ratio partitionis.

T E X T V S.

Ex omnibus autem Rebuspublicis minus diuturnæ sunt Oligarchia & Tyrannis. Nam diutissime mansit ea, quæ Sicyone fuit, liberorum Orthagoræ & ipsius Orthagoræ. Hæc autem centum annos permansit. Cuius rei causa est, quod moderate se in ciues gererent, & plæraque legibus conuenienter administrarēt. Et Clisthenes, quod

A a a

belli-

bellicosus esset, non erat contemptui (seu non veniebat in contemptionem.) Multa quoque faciebant, quibus benevolentiam populi allicerent. Quare dicitur Clisthenes eum, qui victoriam ab ipso iudicarat, corona donasse. Nonnulli etiam statuam in foro sedentis speciem positam signum siue simulachrum eius, qui ita iudicauit, esse aiunt. Quod & Pisistratum, cum aliquando in ius vocatus esset in Areopagum, id tulisse ferunt. Altera autem Cypselidarum Corinthi fuit. Etenim hæc 73. annos permansit, & sex menses. Nam Cypselus quidem tyrannidi præfuit annos triginta, Periander vero quadraginta. Psammetichus Gordiæ filius annos tres. Causæ vero huius quoque sunt eadem. Nam Cypselus quidem Demagogus erat, totoque imperio sine custode permansit. Periander vero fuit ille quidem tyrannico ingenio, sed bellicosus. Tertia Pisistratidarum Athenis: quæ tamen non fuit continua. Bis enim exulauit Pisistratus tyrannidem iam nactus. Itaque ex annis triginta tribus septemdecim annos tyrannidi præfuit: octodecim, liberi: Adeo ut omnes sint anni trigintaquinque. Ex reliquis autem Hieronis tyrannis & Gelonis Syracusis, sed ne hæc quidem multos annos permansit, sed omnes duodeviginti. Nam Geio postquam septem tyrannidi præfuisset, octauo excessit e vita: Hiero vero decem. Thrasybulus autem vndecimo mense pullus fuit. Multæ autem tyrannides plane breues fuerunt.

C O M M E N T A R I I.

Καὶ τοὶ πρῶτον.] Interponit hic Aristoteles de tyrannidis diuturnitate & breuitate, accepta (nisi fallor) occasione ex co,

eo; quod *capite priore extremo* dixerat, imperium, quod humanitate quadam & facilitate temperatum, esse & diuturnius. Attingit & de oligarchia. Nam ex omnibus Rebus publicis hæc duo Rerumpublicarum genera (oligarchiam & tyrannidem) ait esse minime diuturna. Causam nullam affert hoc loco, exemplis tantum id confirmat, & quidem de sola tyrannide. Nos breuiter & de aliis Reipublicæ generibus, ut hoc ipsum de tyrannide melius intelligatur, exponamus. Cum igitur Rerumpublicarum sex sint genera; tria recta, Regnum, Aristocratia, & Politia; vitiosa item tria, Tyrannis, Oligarchia, & Democratia: De Regno, hunc *Regnum genus* statum Reipublicæ valde esse diuturnum & stabilem Aristoteles docuit *supra capite 10. extremo*; his verbis; βασιλεία μὲν *genus Reipub.* *stabile est* τὸν ἐξωθεν, &c. Quod ratione eo loco confirmat, & exemplis multorum Regnorum facile confirmari potest; *ac diuturnum.* Persici, Spartani, Molossici, Macedonici, &c. & ab ipso Aristotele confirmatur exemplis *initio cap. 11.* De Aristocratia *Aristocrat.* quoque, qui optimatum est status, hunc quoque stabilem ac *genus Reipub.* diuturnum esse, docuit idem Arist. *supr. h. l. cap. 7.* his verbis; *diuturnum.* διόπερ ἀσφαλέστερον, &c. hac ratione: quia in Aristocratiis *Ratio.* qui præsent, moderate se gerunt, non petulanter, & iniuste, ut in Oligarchiis. De politia, eam esse maxime diuturnam ac stabilem, sæpe iterat Aristoteles, ut *hoc lib. cap. 1. in fin.* *genus Reipub.* *capite 7. & libr. 4. cap. 11.* hac nimirum ratione, quod in ea magna sit multitudo civium mediocrium, neque nimis *maxime* *firmum.* diuturnum, neque nimis pauperum: quæ res faciat, ut quanti *Ratio.* rarissimi & paucissimi motus existant. De Democratia, eam *Democrat.* prioribus tribus minus esse diuturnam, reliquis duabus Rebus publicis, Oligarchia & Tyrannide, esse diuturniorem: *nititas.* Quia scilicet maiorem cum Politia cognationem habeat, *Ratio.* docuit *supra lib. 4. cap. 11. & hoc lib. cap. in fin.* De Oligarchia *Oligarchia.* autem diuturnitate, aut potius breuitate, eiusque rei *infirmitas.* causis, quia nimirum solis diuitibus aditus ad Rempublicam pateat, quæ diuitiæ insolentiam parere solent, explicatum *supra libro quarto, capite primo, & hoc libro cap. 1. cap. 6.* Tyrannis *Tyrannis* *cap. 2.* De Tyrannide autem, eam esse ex omnibus minimè *omniū Re-* *mediuturnum statum Reipublicæ* (de cuius mutandæ causis dictum est & *supra capite decimo.*) hic potissimum explicatur, multisque & variis exemplis ostenditur, aliam quidem *Tyrannidē* tyrannidem alia esse breuiorem, & nonnullas esse *collatio.*

ac durare aliquot annos, sed pleræque esse breuissimas. *Apophthegma.* Quare olim & Thales Philosophus ex diuturna peregrinatione domum reuersus, cum interrogaretur, quid in ea maxime rarum vidisset, respondisse dicitur; Tyrannum senem; *Æliani testimonium.* teste *Plutarcho in lib. de Damonio Socrat. & in Sympof. Ælian.* nus quoque lib. 6. var. histor. ca. 10. ostendit, præclare à Deo comparatum esse, ut nulla tyrannis ultra nepotes permaneat, sed pleræque instar pinus statim conterantur; & ait, tres tantum ex omni antiquitate apud Græcos commemorari, quæ ad nepotes fuerint proditæ, Gelonis in Sicilia, Lianiorum (de his amplius quærendum) in Bosphoro, & Cypselidarum Corinthi.

1. *Exempl.* Πλαῖστον γὰρ ἐχρῆστο.] Commemorat Arist. quatuor tyrannides, quæ apud Græcos maxime fuerint diuturnæ, in quibus principem locum quæ teneat, quæq; longissime durauit, ait esse Orthagoræ, eiusq; liberorum atq; posterorum, qui Sicyone cen-

1. *causa diuturnitatis huius tyrannidis.* tum annos tyrannidem occuparunt vel obtinuerunt. Cuius diuturnitatis causam ait esse partim ipsorum Tyrannorum humanitatem, partim quod multa non pro sua libidine, ut plerique solent Tyranni, sed ex legum præscripto administra-

2. *Causa.* rent; partim etiam, quod ex iis quidam non effœminati & ignaui, sed bellicosi essent, & proinde non facile à suis contemnerentur vel opprimerentur. Quæ tria, humanitas aduersus ciues, administratio legibus consentanea, & studium rei militaris, imperiis conseruandis imprimis esse idonea, *sup.* sæpe est explicatum.

1. *Forma Reip. Sicyonia.* Ἡ δὲ Σικυωνία.] Antiquissimo tempore Sicyonii regali statu Reipublicæ utebantur. Nam inter Græciæ ciuitates Regnum Sicyonium antiquissimum commemoratur, quos Reges omnes ordine ac deinceps *Eusebius* commemo-

2. *Forma.* rat in *Chronico*. Meminit & *Pausanias* libro 2. Sublato Regno, & mutato Reipublicæ statu, longo post tempore in ea ciuitate tyrannidem occupauit Orthagoras, cui Miron &

Clisthenes. Clisthenes, fortasse ante Clisthenem alii, successerunt. Nam obscura horum est memoria, præterquam de Clisthene, qui in multis celebratur, ut valde prudens, potens, bellicosus & popularis princeps, ut videre licet apud *Herodotum* libro quinto, & hic & apud *Pausaniam* libro secundo. Orthagoræ tamen huius meminit *Plutarchus* in libr. de iis qui tar-

ac à Deo puniuntur. his verbis; ἀπὸ Σικυωνίων. ὁ μὲν Ὀρθάγας

πρὸς Ἰνὸν τὸν τρέφανον, &c. vbi Hieronis & Clifthenis mentionem subiungit.

Φασὶ δὲ τὸν Πεισίπρατον.] Vt Clifthenem : ita & Pisistratum 2. *Exempl.*
facilem & comem, valdeque popularem fuisse ait, & exemplo demonstrat. Alia quoque veteres Pisistrati humanitatis & popularitatis exempla, & qui iniurias etiam ciuium non statim sit ultus, commemorant, vt videre est apud Athenaeum libro 12. Δειπνοσοφιστῶν. & Senecam lib. 3. de ira, cap. 11. Plutarchum in apophthegmat. & in lib. de his qui tarde à Deo puniuntur. Est autem & apud Valer. Max. hac de re locus communis de iniuria æquo animo accipienda, & Principum facilitate ac patientia.

Δουτέρῃ δὲ Κόρινθον.] Priori diuturnitate & constan- 3. *Exempl.*
tia proximam tyrannidem Cypselidarum, qui Corinthi tyrannidem obtinuerunt annos 73. & quod excurrit, affert & exponit hic Arist. De cuius tyrannidis ortu late Herod. lib. 5. Nam cum & olim Regno vterentur Corinthii : tandem in 1. *Forma*
paucorum potestatem recidit ciuitas, quos Bacchides siue Reipub. Co-
Bacchiades (familiam in ea vrbe nobilissimam) vocat; quo-
rum imperio oligarchico deleta, Cypselus tyrannidem occu-
pauit, teste Strabone lib. 8. & Pausan. l. b. 2. Et Cypselus qui- 2. *Forma.*
dem annos 30. præfuit. Eius autē filius Periander 40. Et hoc 3. *Forma.*
sine liberis mortuo fratris Cypseli nomine Gordiæ filius, vt hic dicitur, Psammetichus tres annos, & sex fortasse menses. Tandem & hæc Cypselidarū Tyrannis à Corinthiis ope 4. *Forma.*
Lacedæmoniorum deleta est, teste Plutarcho de malignitate Herod. Quod igitur hic Arist. perspicue demonstrat, tres ex hac familia Cypselidarum huic tyrannidi præfuisse : idem ait & Strabo lib. 8. Geograph. vbi ait, Cypseli familiam μέχρι τῆς πρώτης permanuisse. Quod eodem verbo vtens de Cypselidis confirmat Ælian. lib. 6. var. hist. cap. 13.

Τὸ τῆς ἐξουσίας καὶ τῆς ἐξουσίας.] Illud τῆς ἐξουσίας delendum videtur. Nam alioqui Aristotelis ratio inter se pugnat. Apud Laertium quoque in vita Periandri, in verbo περιανδρῶν, reperi Periandrum 40. tantum annos imperio præfuisse.

καὶ μὴ πᾶσι δ' οὐ.] Et hic legendum puto, ὁ πρῶτος, Gordiæ. Cypselus enim duos habuit filios, Periandrum & Gordiam: quorum ille, vt maior natu, patri in imperio successit, qui etiam & ipse duos habuit filios, Cypselum & Lycophronem : quia tamen Cypselus imperio minus aptus esset, vt fu-

Locus de
mendo su-
spectus.

riofus ac demens; & alter minor natu, insigni indole, à Cor-
cyræis viuo adhuc patre vocatus fuisset, teste *Laer. in vit. Peri-*
andri, atq; ita sine liberis decessisset: verisimile est, fratris eius
Gordiae liberos, vt proximos imperii seu tyrannidis hære-
des ei successisse. Gordias autem Periandri frater à *Plutarcho*
in Symposio sæpe commemoratur. Verum de ipso *Psammie-*
ticho nihil dum reperi, & valde vercor, ne & hoc nomen sit
deprauatum. Nam *Ægyptium* & *Barbarum* potius, quam
Græcum esse videtur: quo certe nomine celebratur Rex qui-
dam *Ægyptiorum* ab *Eusebio*, *Strabone*, &c. Sed subiicia-
mus, perspicuitatis ergo, tabellam.

		{ <i>Cypselus.</i>
	{ <i>Periander.</i>	
{ <i>Cypselus.</i>	{	{ <i>Lycophron.</i>
		{ <i>Gordias.</i> --- <i>Psammetichus.</i>

Τὰ δὲ αἴτια τῶν τε.] Docet easdem diuturnitatis causas in
hac *Cypselidarum* tyrannide fuisse, quæ fuerit in priore *Or-*
thagoræ; humanitatem & studium rei militaris.

Cypseli mo-
derata ty-
rannis.

Ὁ μὲν δὲ Κύψελος.] Et si *Cypselus* apud *Herodotum* lib. 5.
ab inimicis tyrannidis accusetur, vt crudelis Tyrannus: *Ari-*
stoteles tamen ait, eum imperio moderate esse usum, & se
valde populariter gessisse; adeo vt toto imperii sui tempore
tanta ciuium beneuolentia vteretur, vt nullis corporis custo-
dibus ac satellitibus opus habuerit. Idem & *supr. c. 9.* *Cypse-*
lum Demagogum ac populi studiosum fuisse, eaq; occasio-
ne tyrannidem occupasse ait.

Periandri
tyrānis quā
obrem fir-
ma.

Περιανδρὸς δὲ ἐν ῥήσιν.] Quod hic de *Periandro*, idem quo-
que in *Suida* commemoratur, apud quem *Periander* dicitur
crudeliter & violenter imperasse, & custodes sibi adiunxisse
300. fuisse natura bellicosum, multaq; bella terra ac mari ges-
sisse. Qua re factum est, vt magnas opes sibi compararit, ma-
guamq; auctoritatem. Eius quoq; prædicatur sapientia, adeo
vt pleriq; *Periandrum* vnum ex septem sapientibus veterib.
Græcis numerent. Quare & *Laer.* eius vitam, vt sapientis &
Philosophi, descripsit: & à *Plutarcho* in *Symposio* eodem in
numero habetur. *Plato* tamen & alii quidam *Periandri* loco
aliud constituunt. De eius crudeli imperio & *Herodotus* libro
quinto.

3. Exemplū

Τῆς δὲ γ.] Tertio loco *Pisistratidarum* tyrannidem
com-

commemorat Aristoteles, quos ait Athenis dominatos esse *diuturna* annos triginta quinque. De hac autem tyrannide omnes ve- *tyrannidis.* teres meminerunt. *Herodot. lib. 1. & 5. Thucyd. Plutarchus, Plato in Hipparcho, Pausanias lib. 1. Seneca, Cicero, & Iustinus Historicus lib. 3.*

Οὐκ ἐξήκοντο.] Pisistratus astu occupata tyrannide paulo post pellitur factione Megaculis & Lycurgi Principum Atheniensium. Inde eiusdem Megaculis opera, & pacta affinitate rursus Athenas rediit, ac tyrannidem recuperavit. Postea, denuo graui orta inter Megaclem & Pisistratum inimicitia, Pisistratus sibi metuens à Megacle ultro solum vertit, & in exilium abiit. Qui tamen, aliquot urbium & Tyrannorum auxiliis adiutus, tyrannidem recuperavit, eamque moriens liberis suis, Hipparcho & Hippia, tradidit. Qui eius liberi quemadmodum præfuerunt * & amiserunt imperium. Nam Hipparchus necatus, & Hippias in exilium pulsus, postea redire ope Persarum conatus, in celebri illo prælio Marathonio interfectus fuit. Hæc igitur omnia veteres illi Scriptores commemorant. Et *supra* facta est mentio *cap. 10* Ex quibus perspicuum est, verum esse, quod ait hoc loco Aristot. hanc Pisistratidarum tyrannidem non continuatam, sed interruptam sæpe fuisse.

Ὡς τὰ πάντα.] *Herodot.* paululum ab Aristotele dissentit. Nam triginta sex annos commemorat, quibus Pisistratidæ Athenis sint dominati. Sic enim ait *lib. 5. ἀρχαντες μὲν Ἀθηναίων ἐπ' ἑτέα ἐξ ἧς τριάκοντα.*

Τῶν δὲ λοιπῶν.] Quarto loco Gelonis tyrannidem com- *4. Exempli* memorat, quæ inter diuturnas censeri possit. Quam tamen *diuturna* duodeciginti annos durasse ait. De hac autem tyrannide & *tyrannidis.* *sup cap. 10 in fi. & alii multi meminerunt: Plut. in libr. de sera numinis vind. & Herod. lib. 7. & optime Diodor. Sicul. lib. 11. Xenoph quoque in lib. de Hierone.*

Γέλων μὲν γάρ.] Huius tyrannidis primus autor Gelo, belli- *Gelon.* cosus & humanus Princeps à plærisq; celebratur, cui frater Hiero successit. Cuius nomine *Xenoph.* libellū inscripsit Hieroni. Thrasylbulus iunior Gelonis frater, Hierone maiore fratre mortuo successit in imperium, *teste Diod. lib. 11.* vbi explicat, quemadmodum Syracusani, eius crudelitatem pertæsi, ipso victo & pulso, se in libertatem vindicarint. De hoc Thrasylbulo meminit & *supr. cap. 10. in fin.*

Plarag, ty Αἱ ὁ πόλει.] Postquam Aristoteles exposuit, quæ tyranni-
tyānides bre des maxime diuturnæ olim fuerint: Nunc de vniuerso gene-
ni tempore re ait, plaræque omnes breuissimo tempore permanisse.
durant, Cuius rei innumerabilia exempla historiæ suppeditât. Quod
 si tyrannides in regna conuertantur; certum est, eas tum effi-
 ci quammaxime diuturnas, vt quæ iam non tyrannides, sed
 regna & principatus iusti ac legitimi sint & vsurpentur. Quo
 in numero fortasse imperium Romanum collocari potest.

T E X T V S.

De Rebus publicis igitur & Monarchiis ea, ex
 quibus & intereunt & rursus conseruantur, omnia
 fere sunt explicata. In Politia autem Platonis dis-
 putatur quidem à Socrate de mutationibus: non
 ramen recte disputatur. Nam optimæ Reipublicæ
 & præstantissimæ mutationem non exponit pro-
 prie. Ait enim, causam esse, quod nihil maneat,
 sed quodam orbe mutetur. Horum autem esse
 principium ea, quorum radix sesquitertia, nume-
 ro quinario iuncta, duas harmonias efficiat; Cum,
 inquit, figuræ huius numerus factus fuerit soli-
 dus: proinde, quasi natura paucos interdum &
 disciplina insanabiles gignat. Atque hoc quidem
 ipsum fortasse non male. Fit enim, vt tales sint, qui
 disciplina institui, & viri boni fieri minime pos-
 sint. Sed hæc cur propria sit mutatio eius, quæ ab
 illo dicitur, optimæ Reipublicæ, magis, quam a-
 liarum omnium rerum, quæ oriuntur, & quo tem-
 pore omnia debent mutari, etiam ea, quæ non si-
 mul fieri cœperint, simul mutantur: vt si quid pri-
 die solstitii vel brumæ factum sit, simul mutatur?
 Præterea quid causæ est, cur ex hac in Laconicam
 fiat mutatio? Nam plaræque omnes Respublicæ
 sæpenumero in contrarias vel proximas mutan-
 tur.

tur. Eadem & aliarum mutationum est ratio. Nam ex Laconica, ait in Oligarchiam fit mutatio; ex hac in Democratiam, in Tyrannidem ex Democratia. Atque è contrario mutantur, vt ex Democratia in Oligarchiam magis etiam, quam in monarchiam. Præterea de Tyrannide nihil affert, sitne eius mutatio futura nec ne, qua ex causa, & in quam Rempublicam. Cuius rei causa est, quod non facile fuerit explicare: Est enim infinitum. Siquidem ex illius sententia deberet in primam & optimam conuerti. Sic enim contextus fieret & orbis. At mutatur Tyrannis & in Tyrannidem, vt Sicyone dominatio Myronis in Tyrannidem Clisthenis: in Oligarchiam, vt Chalcide Antileontis: in Democratiam, vt Syracusis Gelonis: & in Aristocratiam, vt Lacedæmone Charilai, & Carthagine. Et in Tyrannidem ex Oligarchia fit mutatio, vt pleræque veteres in Sicilia in Leontinis, in Panætij Tyrannidem, & Gelæ in Cleandri, & Rhegij in Anaxilai, itemque in alijs multis ciuitatibus. Illud quoque absurdum, putare, propterea in Oligarchiam mutationem fieri, quod qui magistratib⁹ præfunt, (id est, qui cum imperio sunt) pecuniæ sint cupidi, eiusque studio quærendæ ducantur: non vero, quod hi, qui bonis longe præstant, non putent æquum esse eos, qui rem non habent, ijs, qui habent, pares esse in Republ. administranda. In multis quoque Oligarchijs non licet pecuniam quærere, sed leges sunt, quæ id vetant. Carthagine autem, quæ Demöcratia vtitur, pecuniæ quærendæ student, & nondum Rempub. mutarunt. Absurdum & hoc, dicere, ciuitatem

Oligarchicam ex duabus ciuitatibus constare, diuitum & pauperum. Cur enim id magis illi accidat, quam Laconicæ aut aliæ cuilibet, vbi non æqualia sunt bona, aut non omnes æqualiter sunt viri boni. Vt autem nemo pauperior fiat, quam prius; nihilominus in Democratiam Oligarchia commutatur, si pauperes plures numero existant, & in Oligarchiam Democratia, si diuites plebe sint superiores, & hi quidem negligant, hi vero animum attendant. Cumque multæ sint causæ, propter quas commutationes fiant: non nisi vnam commemorat, quod propter luxuriam, fœnore exhausti, pauperes euadant: quasi omnes aut plæriq; ab initio diuites fuerint. At hoc falsum est. Verum cum ex principibus quidam bona dissiparint, rebus nouis student: cum alij vero, nihil mali accidit. Et mutantur nihilo magis vnquam in Democratiam, quam in aliam Rempublicam. Præterea etsi honorum non sint participes, etsi iniuria vel contumelia afficiantur, seditiones mouent, & Respubl. mutant, etiam si bona non consumpserint; eo quod liceat, quicquid velint, facere. Huius rei causam esse ait libertatem nimiam. Cum sint autem plures Oligarchiæ & Democratiæ, Socrates quasi vna vtraque sit, ita mutationes exponit.

C O M M E N T A R I I.

Platonis ex *Tà πρὸ ἐν αὐτῇ λέγ.*] Monui supra initio, aliud capitis
rata de cō- initium, seu aliud caput hic commodè institui posse. Nam
seruatione Aristoteles postquam toto hoc libro suam de mutationibus
et muta- Rerumpublicarum sententiam explicauit; adiungit hoc lo-
utione Rerū- co *Platonis* de eadem re sententiam. Cuius octo fere ex-
pub. rata

rata hic indicat & ordine exponit, totamque Platonis sententiam hac de re, ut vitiosam, improbandam esse docet. Extat autem hæc *Platonis* disputatio toto fere lib. 8. de *Republica*. Cuius sententia hæc est, quam *Cicero* lib. 2. de *Divinat.* expressit; Rerumpublicarum esse quasdam conuerfiones & orbes naturales; *Plato* & *Aristoteles* periodos & κύκλους vocant. De qua *Platonis* sententia etiam si aliter *Aristoteles*: plerique tamen alij eam laudant ac probant, ut naturæ, rationi, & euentis consentaneam. Quam latissime & pulcherrime explicat & persequitur grauis author *Polyb. libr. 6. histor. in initio*, *περί τῆς μὲν ἐν ἀνατασσεύσεως καὶ φυσικῆς, &c.* *Cicero* autem initio libro 2. de *Divinat.* agens de *Republica* Romana prius à *Cæsare* oppressa & modo eius morte rursus liberata: Id enim ipsum, inquit, à *Platone* didiceram, naturales esse quasdam conuerfiones *Rerumpublicarum*, ut eæ tum à principibus tenerentur, tum à populis, aliquando à singulis, id est, Tyrannis. *Ep. ad Attic. Ep. 36.* eo alludit; Equidem, inquit, sperabam, ut sæpe etiam tecum loqui solebam, sic orbem *Reipublicæ* esse conuersum, ut vix sonitum audire, vix impressam orbitam videre possemus. *Tacitus* quoque scribit; rebus cunctis inesse videri quendam veluti orbem: & quemadmodum temporum vices, ita & morum verti. Recentiores quoque plerique *Platonem* sequuntur: *Philippus Melancheth. libr. 3. declamat. fere in fine.* *Cassparus Mel. Peucerus* prolixè in præfat. in *Chron. Carion.* & *Ioan. Bodin. in Meth. hist. cap. 6.* Cæterum solet *Aristoteles* plerumque aliorum sententias priore loco perpendere, easque vel approbare vel refellere; quod hic contra fecit.

Summa facta sententia Platonis.

Aliorum de ea iudiciū.

1. Polyb. testimon.

2. Testim. Cic.

3. Testim. Taciti.

4. Philip.

5. Peucer.

6. Bodin.

Εν δὲ τῇ 8ῃ Πλάτωνος.] *Platonis* verba in lib. 8. de *Republica*, quibus exorditur disputationem de mutationibus. *Rerumpublicarum*, sunt hæc; καλεπὸν μὲν κινηθῆναι πόλιν ἔτι, &c.

Τῆς περὶ ἀρίστης.] Errata seu vitia *Platonis* exponere ordinatur. Quorum primum esse ait, quod *Plato* eius *Reipubl.* quā ipse, ut primam & optimam, in libris de *Repub.* describit mutationem nullā afferat propriam sed communē, quæque etiam in alias *Resp.* cedat, atque adeo nō in *Resp.* tantū, sed in res omnines. Nā causam huius mutationis, quæ huic suæ optimæ (*Platonis*) *Reip.* accidere possit, *Plat.* affert hæc; quæ omnia mutant, *Reip.* à *Platone* allata.

quodque sit ea conditio rerum omnium, ut nihil in eodem statu permaneat; sed omnia velut in orbem quendam ver-
tantur. Quo pertinet prouerb. illud *apud Terent. in Eunuchis*; omnium rerum esse vicissitudinem, quod ab *Erasmo*
copiose explicatur. Quæ rerum vicissitudo cum sit omnium
& humanarum & naturalium, de quibus id testatur *Aristot.*
lib. 1. de ortu & interitu: & *Lucret. eleganter libr. 1.* & ipse
quoque *Plato hoc lib.* non plantis tantum, iisque, quæ ex ter-
ra oriuntur, sed animantibus quoque id coniunctum esse ait,
ut quod ortum aliquando intereat, & hinc rursus aliud subo-
riatur, eorumque sit quædam naturalis velut in orbem con-
uersio. Cum igitur causa hæc sit communis rerum omnium:
merito Aristoteles Platonem reprehendit, qui nullam Reipubl.
propriam causam mutationis attulerit.

Ἀρχὴν δὲ εἶναι τέτιν.] Sententia *Platonis* exponenda,
eiusdem quoque verbis utitur. Nam hæc verba ipsa sunt
Platonis ex lib. 8. de Repub. initio, quibus *Plato* causam huius
optimæ Reipubl. mutandæ, quam naturali quadam rerum
omnium conuersione & vicissitudine contineri diximus, à
musica harmonica & Arithmetica petit, ut & alias, (ut in *Ti-
maeo*) solet sæpe in suis disputationibus non Physicis tantum,
sed etiam Politicis, uti rebus & exemplis Geometricis, & *lib.*
4. de Republic. Plato in fin. Verba autem *Platonis* hæc sunt:
ἔστι δὲ δέω μὴ γινώσκοντες τὴν ἀριθμητικὴν τελευτῶν
τέλει & ὧν ἐπί τε τῇ φυσικῇ, &c. De quo loco, *Ciceronis*

Obscuritas
sententia
Platonica.

Nam hic certe locus de Harmonijs & numeri est obscuris-
simus. Quare & *Theon Smyrnaeus*, (vetus scriptor, qui com-
mentaria scripsit in *Euclidem*) qui librum olim conscripsit
de rebus ad mathesin pertinentib⁹, quæ in *Platone* reperiun-
tur, easque explicauit, hunc locum prætermisit. Nec *Iam-
blichus* summus Philosophus (vixit ante 1200. annos) eum
satis commode explicare potuit, teste *Marsil. Ficino in pro-
æm. in hunc lib.* cui & ipsi aqua hæret. Duo sunt recentiores,
qui ipsum explicare sunt conati: *Matthias Lauterwaldius*, de
quo *tomo. 3. orationum Philipp. Melanchth. & Io. Bodin. lib.*
meth. hist. cap. 6. Quicquid tamen sit, ita huic de causa mu-
tandæ Reipubl. disputationi accommodare videtur *Aristo-
teles*. Cum *Platonis* ea Reipubl. ei sic optime temperata vi-
deatur ex tribus hominum generibus; aureo, argenteo, & æ-

Itemq, Car-
danius, de
proport. lib.
5. prop. 205.

reus seu ferreo: si aureum consilio & summæ Reipub. præsit: argenteum rei militari: reliquum genus sit agricolarum & opificum, ut apud eum videre est *lib. de Republ. 3. extremo. de quo & supra attigimus lib. 2. cap. 3. in fin.* multis annorum conuersionib⁹ & procedente tempore fieri posse, ut hæc hominum genera degenerent, & liberi parentibus, vel maioribus nepotes dissimiles nascantur, hoc est, ut quorum maiores ex primo fuerint genere, ipsi vix ex secundo censeris possint, & ex aureis fiant quidam (ut ita dicam) argentei, vel ærei, & ex argenteis quidam ærei vel ferrei: atque ita hæc genera atque ordines permisceantur: Ita ut in eo ordine existant non tantum viri boni, sed etiam improbi, qui summæ Reipubl. sint præfuturi. Quæ dissimilitudo & velut discrepans sonus, fieri non potest, quin animorum quoque dissidia & simultates ac bella afferat, unde ibidem & motus & mutationes Reipubl. consequantur. Huc scilicet summa sententiæ Platonis pertinere videtur, praua nimirum hac generatione tria illa genera, velut concentum & harmoniam, perturbari. Ex qua discrepantia Reipub. mutatio consequatur. Verum huius prauæ generationis principium seu principem & dominum numerum illum, quo nihil obscurius esse diximus, facit Plato. Sic enim ait; *σῆμας δὲ ἔστι δριδμὸς καὶ τριδμὸς τοῖς τε καὶ ἀνθρώπων καὶ ζώων καὶ φυτῶν.* Numerus Aristoteles ad hoc, quod Plato ait boni ortus siue generationis, bonæ (inquam) indolis & ingenij, siue contra prauæ & ingenij mali causam & principium numeris esse attribuendum, nihil vel boni ad id respondet, sed alibi, ni fallor, in *Metaphys. 3. in lib. de anima*, id quoque refellit. Verum sumit ex eo & probat hoc Ingeniorū ingenij & indolis discrimen, verumque esse fatetur, fieri scæquorūdam penumero, ut quidam tam prauo ingenio & ad omnem virtutem inepto nascatur, nulla ut institutione & disciplina hæc prauitas naturæ prauitas corrigi, & emendari disciplina bonisq; moribus & institutis possit. Qua in re grauiter peccant, qui Aristotele posteriores fuerunt, qui natura neminē malum esse, sed consuetudine tantum & disciplina effici putarint, ut explicauimus *apud Cicer. lib. 1. de ll.* Rectius Plato & Aristoteles non disciplinæ tantum, sed naturæ quoque discrimen tradiderunt. Qua de re idem Aristoteles *lib. 6. Eth. in fin.* ubi hanc indolem bonam, id est, *δυνάμει* & facultatem bonam diuinitus ingeneratam, siue (ut ille loquitur) naturalem, vocat

Plato Protagora pag. 286. ἐ. Menone.

Plutarch.
ὅτι διδάκτ
ῃ δὲ τῇ.
1. Argum.
αἰασκεδνα-
τιχόν.

cat virtutem; δὲ τὴν φύσιν. Quo pertinet & quod Cic. ait
lib. Tusc. quæst. virtutes tardis mentibus non committi. Atq;
ita hic locus accominodandus videtur:

Τῶν μὲν αὐτὸ λέγων.] His verbis probat Aristoteles hoc na-
turæ discrimen ingeniorum & indolis; de quo iam explicæ-
tum. De eodem & lib. ult. Eth. cap. ult.

Αλλ' αὐτὴ πᾶσι ἰδίᾳ.] Etsi discrimen illud probavit, im-
probat tamen id h. loco; quod inde Plato causam mutandæ
sux optimæ Reip. petendam iudicavit, propterea quod hæc
mutationis causa ex hac vicissitudine petita non sit propria
huius optimæ Reip. sed aliarum quoq; Rerump. communis;
adeoq; omnium rerum; vt artium, familiarum, hominum.
Nam interdum siue alio tempore aliæ artes magis aut minus
florent aut intereunt, vt omnium rerū est vicissitudo. Et hæc
prima est Platonis reprehensio, quam paulo supra iam ex-
plicauimus.

Ἡ δὲ ἄλλων πασῶν.] Non illi Reip. Platonis tantum, sed
alijs quoq; id accidere, vt qui singulis præsunt, vt Aristocra-
tiæ optimates, Oligarchiæ diuites, ac nobiles, &c. non in co-
dem statu semper permaneant, sed ex optimatibus quidam
improbi, ex diuitibus pauperes efficiantur. Atq; ita etiam in
alijs Rebus public. ac hominum mutatione mutatio sensus
(status) subsequatur.

2. Argum.
αἰασκεδνα-
τιχόν.

Καὶ διὰ τὴν ἑξῆς.] Altera est ratio, qua Platonis eam sen-
tentiam de mutatione, q̄ ex temporis & annorum conuersio-
ne fiat, refellitur. Nam inde effici demōstrat Arist. h. loco, vt
q̄ simul eodemq; tempore sint cœpta aut primum instituta;
eodē quoq; tempore illa postea desinant mutanturq;: & con-
tra, vt quæ eodem tempore intereunt & mutantur, vt eodem
temporis momento cœperint. Quod tamen falsum esse, per-
spicuū est. Nam multa videre licet, quorū ortus in idē tem-
poris punctū concurrat, interitus non item: & cōtra, quorum
interitus concurrat, q̄ tamen alio atq; alio tempore fuerint
cœpta. Hoc. a. absurdum ex Platonis sententia sequi & effi-
ci, ait quidem Arist. sed non satis demōstrat, quemadmodū
id sequatur ex ea. Quare hinc id potest intelligi: Quod cum
hæc Platonis causa mutationis tēpore æstimeretur ac definia-
tur, omnisq; in tempore ab eo ponatur; necesse sit eodē tem-
poris interuallo hanc causam cōtineri. Nā alioqui si vna Res-
pub. longiore, altera eiusdē generis breuiore cōstaret: seque-
retur,

retur, causam mutationis nō tam in tēpore quam alia aliqua in re esse ponendā. At contra Plato in tēpore hanc mutationē posuit. Quare ex eius sententia plane id efficitur, vt si mutationis causam tantum tempori & annorū conuersioni tribuere velim⁹; fateamur quoq; eadē eod. tēpore interire, quo cœpta fuerint. Vt si pridie solstitij (inquit Arist.) aliquid cœperit, pridie quoq; eius mutetur aut desinat: & contra. Ea .v. q̄ eodē tēpore intereunt, eodē tempore cœpisse esse: q̄ falsum est & absurdum. Non recte igitur Plato tempori & annorum periodo causam mutationis adscripsit. Atq; ita Arist. duab⁹ his rationibus hanc totam causam Platonis refellit, quarum priore eam non esse propriam illius Reipubl. docuit.

Πρὸς τὴν τρίτην ἀπόφ.] Alterum Platonis peccatū hic repræ- 2. Error
hēditur. Quod vt intelligatur, sciendū est a Plat. eo loco, i.e. Platonis.
li. 8. de rep. quinq; Rerūp. genera afferri: Aristocratiam, Timarchiā seu Timocrat. siue Laconicā, Oligarchiā, Democrat. & Tyrannidē, easq; illo ordine inter se cōmutari, vt prima in secundā, hæc in tertiā, & tertia siue Oligarchia in Democratiam, q̄ deniq; in Tyrannidē postremo mutetur ac degeneret. Cic. 8. Po-
Quā Platonica periodū & conuersionē Rerūp. inter se eo or- lybij hac de
dine succedentiū, p̄basse quidē Cic. videtur, cuius verba supra re sentētia.
attulim⁹ & Polyb. li. 6. q̄ eam præclare & copiosē explicat, ac docet, hanc mutationis ac cōuersionis seriem plane esse necessariam & naturæ consentaneā. Arist. tamē eam h. l. refellit. Nam primū indicat nullā satis iustā esse rationē, cur hæc 1. Argum.
conuersionis series & periodus fiat aut perpetua esse debeat. ἀνασκα-
Deinde docet, sæpe accidere, vt Resp. vel in contrarias vel in σηγν.
proximas & finitimas mutantur. Vt Oligarchia in cōtrariam 2. Argum.
Democratiam, & rursus Democratia in Oligarchiam, vt sibi ἀνασκαδ.
contrariā, non v. in monarchiam semper, vt putat Plato, cōuertatur. Et sæpe fit, vt Oligarchia vna in aliam (Sunt .n. plura Oligarchiarū genera) eiusdē generis conuertatur. Sic & Aristocratia alias in contrariā sibi Democratiā, alias in sibi finitimā Oligarchiam cōmutari solet. Quæ omnia late *supra* sunt explicata, c. 6. in fin. 8. c. 7. vbi & hanc Platonis seriem & mutationū connexionē reprehēdimus siue adduximus. Cæterum Platonis verba de hac connexionē mox afferentur.

Ἐκ τῆς τυραννίδος λέγ.] Aliud Platonis vitium & peccatū, 3. Error
qui de Tyrannide nihil plane attulerit, quo ad mutationē, hic Platonis.
indicatur. Verissimum .a. id esse, ex Platone cognosci potest.

Nam

*Causa eius
erroris.*

Nam cum *li. 8. & 9.* causas mutationum explicat, etsi quoque de Tyrannide copiose disserit; reliquarum tamen duntaxat 4. Aristocratiae, Timocratiæ siue Laconicae, Oligarchiae & Democratiae mutationes exponit: de Tyrannide autem est silentium. Cuius rei causam quoque hic indicat Aristoteles. Quod ipsi Platoni difficile videretur de Tyrannide explicare. Propterea quod res sit infinita, siue ut ait, ἀόριστος ὧς, id est, quod non ita vna mutatio, ut priorum 4. sed multiplex & infinita sit Tyrannidis, quæ alias aliter & in aliâ Rempub. mutatur. Nam ex sententia quidem Platonis, & si orbem illum Platonicum sequamur quinque Rerumpublicarum à prima Aristocratia ad ultimam Tyrannidem ordine ac deinceps ventum fuerit, redeundum erit ad primum: Ita ut ex hoc orbe & periodo sequatur, Tyrannidem rursus mutari in Aristocratiam: cum tamen multis quoque alijs modis mutetur nunc in Tyrannidem, nunc in aliam Tyrannidem, nunc in Oligarchiam, nunc in Democratiam, nunc in Aristocratiam: adeo ut Tyrannis non tantum in optimam illâ Platonis Rempub. (quod necesse est ex eo orbe & periodo) sed & in alias omnes Reipubl. formas commutetur. Id quod exemplis hic quoque docetur. Et hæc quidem huius loci sententia esse videtur, etiam aliorum interpretum iudicio. Haud scio tamen, an non aliter accipi possit illud ἀόριστος ὧς: non pro infinito, sed pro inexplicabili: quasi Aristoteles causam, cur Plato de Tyrannide nihil attulerit, hoc verbo indicet; quod ne putarit quidem Plato afferre, ut in re plane inexplicabili & absurda. Nam ex sententia Platonis, ut iam dictum est, dicendum fuerit, Tyrannidem conuerti in optimam Platonis Rempub. At hoc absurdum videtur, ut ex deterrima optima suboriatur Platonis Respublic. maxime propter illa tria hominum genera; aureum, argenteum, æreum seu ferreum; quæ videntur ita facilius mutari posse, à melioribus (inquam) in deteriora, ab aureis in argentea, ærea, &c. non contra. Polyb. tamen *initio lib. 6.* quo loco Platonicum illum orbem probat & explicat, ultimæ Reipubl. quam ponit Democratiam nequiores, conuersionem fieri ad Regnum, id est, optimam Rempubl.

Refutatio.

Ἀλλὰ μεταβάλλει.] Docet, Tyrannidem varie mutari, non in vnam, quod ex orbe illo Platonico sequitur, sed in omnes ferè Rerumpubl. formas ac genera, ut & modo diximus

mus seu explicauimus. Et primum quidem quia Tyrannidis vt & reliquarum Rerumpub. non vna sed multæ sunt species, de quibus explicatum *supra lib. 4.* tres (inquam) Tyrannidis species, de quibus *cap. 10. lib. 4.* ait, ex vna Tyrannidis specie conuersionem interdum fieri in alteram, à leuiore in grauiorem, vel contra. Quod idem & de alijs Rebuspubl. vniuerse explicatum est *supra cap. 6. in fin.*

Ωσπερ ἡ σικυῶν.] De Myrone & Clisthene, Sicyonijs Tyrannis, dictum est, *supra initio huius cap.*

Ωσπερ ἡ ἐν χαλκίδι.] De Chalcidensium (quæ vrbs est Eubœæ, Nigropontum hodie vocatur) hoc Tyranno Antileonte & de hac mutatione Tyrannidis in Oligarchiam in ea vrbe amplius quærendum.

Καὶ εἰς δημοκρατίαν.] De Gelone, Syracusarum Tyranno, & *supra hoc cap.* diximus. Quod autem hic ait Aristoteles, Tyrannidem eam Gelonis, eiusq; fratrum, Hieronis & Thrasymbuli, in Democratiam commutatam esse: id optime explicatur à Diodoro li. 11. his verbis οἱ δὲ συρακεῖς τοὺς τῶν τῶν τῶν, &c. vbi ait, Syracusanos, Thrasymbuli Tyrannide liberatos, statim popularem non in sua tantum vrbe, sed in alijs quoque instituisse, eamq; conseruasse annos fere 60. vsq; ad Tyrannidem Dionysij

Καὶ εἰς ἀριστοκρατίαν.] Ait, Lacedæmone Tyrannidem in Aristocratiam commutatam fuisse. Nam etsi Charilaus Tyrannidem non occuparat, sed regnum hæreditarium acceperat; quia tamen tyrannice regno præesset, & asperius imperaret; Tyrannus potius, quam Rex, non iniuria hic ab Aristotele appellatur. Quam eius Tyrannidem Lycurgus, Charilai patruus, nouis legib. ita temperauit & moderat⁹ est, instituto secum consilio (28. erant, de quo *supra lib. 2. c. 7.*) vt Resp. Spartana postea non magis regni quam Aristocratiae speciem haberet: atq; adeo ex tribus generib. (regno, Aristocratia & Democratia) velut mixta & temperata esset; quod *supra explicauimus li. 2. c. 4.* videatur *Plutarch. in Lycurgo.*

Καὶ ἐν κερχεῶν.] Carthaginem regali forma Reip. principio vsam fuisse vel ex *Virg.* notum est de Didone Regina Carthaginensium. Postea Aristocratia vsos esse Carthaginenses, siue potius mixta Repub. non secus, atq; Lacedæmonios, ab Aristotele ipso sæpius exponitur, & maxime *supra li. 2. c. 9.* & *Isoc. li. 2. ad Nicocl.* De hac autem mutatione regni siue

Tyrannidis in Aristocratiam, cuius hic fit mentio, quando ea & quemadmodum facta sit Carthagine, amplius querendum.

Καὶ εἰς τυραννίδα.] Adiungit Aristoteles de Tyrannide, eam ex Oligarchia sæpenasci, multisq; in locis Oligarchiā conuerti in Tyrannidem, cum tamen Plato in suo orbe Oligarchiam dicat in Democratiam tantum conuerti.

Ὡς περ ἐν σκελίᾳ.] Indicat Aristoteles, plerāq; Siciliae ciuitates olim Tyrannide vsas fuisse, quæ postea (maxime antiquiores) in Oligarchias fuerint conuersæ. Cic. quoque in Verrem hanc Insulam Tyrannorum feracissimam fuisse ait, & Iust. li. 4. vbi de Sicilia; hæc à principio, inquit, patria Cycloporum fuit, quibus extinctis Æolus regnum Insulæ occupauit, postquam singulæ ciuitates in Tyrannorum imperium concesserunt, quorum nulla terra feracior fuit. Horum ex numero Anaxilaus iustitia cum cæterorū crudelitate pugnabat, &c. Idem de Sicilia patria sua Diod. Sicul. commemorat, apud quem nominatim omnes quoq; ciuitates commemorantur, quibus Tyranni præfuerint.

Εν Λεοντῖνοις.] De hoc Leontinorum, quæ est præclara Siciliae ciuitas, Tyranno Panætio dictum & supra c. 10.

Καὶ ἐν Γέλα.] De hoc Cleandro, eius fratre Hippocrate, Gelæ (quæ & ipsa est Siciliae ciuitas, de qua Cicero 3. accus. in Verr.) Tyrannis Herod. li. 7. ita ait; Κλεάνδρου ὁ πατήρ αὐτοῦ πελοπόννησον, &c.

Καὶ ἐν Ρηγίᾳ.] Anaxilai huius Rheginorū siue Rhegij (quod est oppidum Italiae è Regione Siciliae) Tyranni mentionem repeti apud Pausan. in Messenicis lib. 4. & Strab. li. 6. Est fortasse & ille, de quo supra ex Iustino.

4. Error
Platonis.

Causa falsa
Laconica
in Oligarchiam
degenerantis.

Ἄτοπον ὅτι καὶ τὸ οἰεῖσθαι.] Aliud Platonis peccatum hic refellit. Quam. n. causam Plato affert (cuius verba mox adducem) cum Laconica in Oligarchiam mutetur; eam Aristoteles non satis iustam & idoneam esse, sed aliam potius oligarchiæ causam à Platone prætermittam esse ostendit. Plato causam hanc affert Oligarchiarum, quod principes Reipubl. & magistratus quæstui & lucro sint dediti, & pecuniæ ac diuitiarum studio teneantur; ut quibus in ciuitatib. pro ambitione & honorum studio diuitiarum & quæstus cupiditas ac studium esse cœperit, in ijs Oligarchia existat. Sic. n. ait lib. 8. de Republ. οὐκ ἔστι οὐδὲ μεταβάλλει πρῶτον ἐν τῇ δημοκρατίᾳ εἰς τὴν Ολιγαρχίαν

ἡμῶν ῥίπτεται, &c. vbi & hæc ipsa verba, quibus hic vtitur Arist. exstant; αὐτὴ δὲ φιλονείκων καὶ φιλοκίμων ἀνδρῶν φιλοχρηματίας τε λεγόντες ἐξ ἑσίου, &c. Arist. Oligarchiarum hanc potius *Vera causa* causam esse ait, q̄ cum iam multi sunt locupletes, q̄ reliquos *sa.* ciues longe diuitijs superent; propter hanc suam præstantiam plus quoq; in Republ. sibi deberi putent, & iniquum siue iniustum esse arbitrantur, pauperes sibi comparari, & paria cōmoda ferre in Repub. cum potius ipsis priores partes, tanquā præstantioribus, debeantur in Republ. Id. n. iuri & iustitiæ Geometricæ esse consentaneum. Quare illis ipsis solis honores & magistratus deberi, exclusis pauperibus; quod Oligarchiæ est proprium. Hanc igitur iuris speciem ob illam diuitiarum excellentiam causam & originem esse Oligarchiarum ait Aristoteles hic: & explicatum est latius *supra lib. 3. cap. 6. & 8. & hic huius lib. cap. 1.*

En πολλαὶς ὅ.] Causam Platonis bifariam refellit, cur (inquam) diuitiarum studium & cupiditas non sit vera Oligarchiæ causa. Primum, quod multæ sint Oligarchiæ, in quibus quæstus & diuitiarum studium etiam lege sit vetitum. Deinde, quod Carthagine licet sit permissum & vsitatum hoc lucri & pecuniæ studium, nulla dum tamen exorta sit Oligarchia. Cum igitur & non in omnibus Oligarchijs sit hoc pecuniæ studium; & in quibusdam ciuitatibus sit illud quidem, quæ tamen in Oligarchiam non mutantur: facile inde cognosci potest, Oligarchiæ causam non ex hoc studio, sed aliunde esse petendam.

i. Argum.
*ἀναπόδυνα-
σινὸν causa
falsa Pla-
tonis.*

En πολλοῖς τε.] Legibus cautum in quibusdam Rebus. quæ paucorum imperio continentur, de re familiari non augenda, eo fortasse consilio, vt census veteres, quorum pro ratione & modo Magistratus mandantur, conseruentur. Ita Romæ lege Licinia cautum est, ne quis plus quam 500. iugera possideret. Quæ lex tamen paucis & Oligarchis potius inimica fuit; de qua *Lin. lib. 6.* De alijs Oligarchijs amplius querendum.

*Leges de re
familiari
non augen-
da.*

En καρχηδόνι ὅ.] Quod hic indicat Arist. Carthagine studiū pecuniæ & augendæ rei fuisse: id latius explicatur *supra li. 2. c. 9* Quod .2. hic ait eam populari imperio contineri, ex parte verum est. Erat enim mixta partim ex optimatum, partim ex regio, partim ex populari imperio temperata fere, vt Romana; atque adeo optimatum & paucorum factio potius

*Carthagi-
nis status
popularis.*

dominabatur. Quare & paulo supra Carthagenen. Respub. Aristocratica vocatur. Videatur *cap. 9. li. 2. & cap. 7. li. 4.*

5. Error
Platonis.

Ἄτοπον ὃ ἐ τὸ φάναι.] Aliud Platonis peccatū de Oligarchia & paucorum imperio indicat Arist. & refellit. Existimat enim Plato, eam ciuitatē, quæ paucorum imperio teneatur, non esse vnam, sed duas potius; diuitum vnam, & alterā pauperum. Nam *lib. 8. de Repub.* quo loco Oligarchiæ vitia exponit, alterum hoc eius vitium esse ait; τὸ μὴ μίαν, ἀλλὰ δύο αὐτάγκη εἶναι τῇ τοιαύτῃ πόλιν τῷ μὲν πεινῆταιν, τῷ δὲ πλεσίων. ὁκνεῖν τας ἐν τῇ αὐτῇ, αἰεὶ ἐπὶ ἐκλόνον αἰκλήλως. Quod idem graue & perniciosum ciuitatibus vitium etiam *lib. 4.* indicarat his verbis; μίας οὐκ εἶναι ἐξω, &c. δύο μὲν γὰρ ὅπως ἐν εἶεν πόλιν μιά αἰκλήλων, ἢ μὲν πεινῆταιν, ἢ δὲ πλεσίων. Quæ Platoni causa quoq; fuit, cur bonorum communitatem & æquationem introduceret. Aristoteles hanc quoq; eius sententiam, vt vitiosam & absurdam, reprehēdit, & refellit duabus ratio-

1. Argum.
αἰσασκός.

nibus. Prior hæc est, q̃ illud de duab. ciuitatibus diuitum & pauperum, quod Plato Oligarchiæ vitium esse putat, etiam in alia Rerumpub. genera, vt Laconicam, quam Plato vocat Aristocratiam, Democratiam cadet. Nam quæcunq; tandē sit Respub. fieri non potest, quin alij sint diuites, alij sint pauperes, nisi bonorum æquatio introducatur, quam *Cic. l. 2. off.* pestem & perniciem Rerumpub. esse ait. Altera ratio indicari videtur his verbis: ἢ μὴ πάντες ὁμοῖοι εἰσιν, &c. Quod ex ea Platonis sententia videatur etiam in vrbe ea, in qua sit communitas & æquatio bonorum, duas nihilominus esse ciuitates, vnam bonorum, alteram improborum. Vix enim fieri potest, vt omnes peræque sint boni. Atq; ita, quod ille summum vitium Reipub. putauit, si non sit vna, sed multiplex; id in ipsius quoq; Repub. in qua alij sint alijs meliores, euenire videtur.

2. Ratio
seu argum.
αἰσασκός αὐ-
πρόν.

6. Error
Platonis.

Οὐδένος ὃ πεινῆταιν.] Multa Platonis peccata de Oligarchia reprehēdit. Duo iam sunt explicita, affertur & hic aliud. Putauit enim Plato, cur Oligarchia in Democratiam cōuertatur, hanc esse causam, idq; tum fieri solitum, cum ditiores facultatibus suis lapsi fuerint & ad egestatem redacti. Aristoteles contra sepe accidere ait, etiam cum nemo ex ditioribus facultates amiserit; nimirum si tenuium & pauperum multitudo maior facta fuerit, non esse necesse, quod putauit Plato, vt diuites ad paupertatem redigantur; satis esse, si plebis &c.

& tenuiorum turba augeatur. Hinc enim existere Democrati-
 am. Nam vt *supra* explicatum *li. 3. cap. 5.* Oligarchia est, vbi
 pauci diuites, Democratia, vbi multi pauperes imperium te-
 nent. Facile autem fiet, vt tenuiores aucti & paucis pares aut
 superiores facti imperium occupent, atq; Oligarchiam in
 Democratiā conuertant. Contra quoque fieri poterit, vt
 multitudo vel morbo vel bello vel qua alia re diminuatur
 veluti Colonia, eaq; vt exigua oppressa dominatū arripiant
 pauci, deletō populari imperio: atq; ita ex Democratia cō-
 tra Oligarchia oriatur, neq; deminutis neq; auctis diuitū bo-
 nis. Quare non bonorum deminutioni vel incremento, sed
 multitudini potius pauperum, vel diuitum opibus & poten-
 tia, vt altera pars altera sit superior, causa & ortus Democra-
 tiæ & Oligarchiæ adscribi debet.

Conclusio.

Πολλῶν τε ἑσῶν.] Alia hic duo Platonis peccata de Oli- 7. Error
 garchia affert; quorum alterum est; quod, cum multæ sint *Platonis.*
 causæ interitus & mutationis Oligarchiarum, de quibus ex-
 plicatum *supra cap. 6.* Plato tamen vnā duntaxat attulerit,
 eamq; vitiosā; quod alterum est peccatum. Plato namque 8. Error.

Oligarchias ex eo putat interire, quod diuites eorumq; liberi
 maxime luxu suo, qui diuitiarum est comes, magnisq; sum-
 tibus & patria comedant & consumant bona, & ijs consum-
 tis ære se alieno obruant, vnde tandem res nouas moliri &
 Rempub. perdere & mutare cogantur. Verba Platonis hæc
 sunt: *ὅτι ἐν τῷ καὶ ἐξω μεταβάλλει τὰ ἐξ ἑαυτῶν, &c.* Aristoteles
 hanc de ære alieno causam probat ille quidem, sed adhibita
 distinctione. Nam Plato ita loquitur, quasi propter quorum-
 libet æs alienum non principum tantum Reipubl. sed etiam
 aliorum ciuium hi motus & mutatio existeret, & omnes ci-
 ues aut certe pleriq; sint diuites: cum tamen in Oligarchia
 pauci rem habeant, ij qui imperio præsunt: & ab his tantum,
 vel ab his solis periculū esse ait Aristoteles, ne lapsi facultati-
 bus & fœnorib⁹, vt ait *Salust.* cooperti, res nouas moliantur.
 A reliquis ciuib⁹, quorum non magnæ sint opes, autoritas
 & splendor, nihil admodum esse metuendum. De qua re ex-
 plicatum latius *supra cap. 6. & lib. 2. c. 5.* videatur & *Sueton.*
in Othone ca. 5. & Plutarch. in lib. de sanitate tuenda. Etsi *Cic.*
lib. 2. in Catilin. videtur indicare, non à Catilina & patricijs,
 sed plebe quoq; vsuris & ære alieno exhausta periculū fuisse;
 Nemo, inquit, non modo Romæ, sed ne vllō in angulo to-

*Aristotelis
 sententia.*

tius Italiae oppressus ære alieno fuit, quem non ad hoc incredibile sceleris fœdus Catilina adsciuerit. Et mox: patrimonium sua profuderant, fortunas suas abligunierant.

9. Error
Platonis.

Καὶ μεταβάλλουσιν.] Aliud Platonis peccatum de Oligarchia, quam putauit semper in Democratiam conuerti, ut supra ubi de orbe illo Platonico dictum est, cum sæpe tamen in aliam Rempublicam Oligarchia commutetur, in Tyrannidem, & alia Oligarchia in aliam (Sunt enim plures eius species) commutetur. Huius rei exempla allata sunt *supra cap. 6. Polyb.* tamen, ut & supra diximus, Platoni assentitur, Oligarchiam in Democratiam conuerti. Quod idem Reip. Romanæ accidit. Et certe plærunque accidere solet. Id quod Plato fortasse spectauit. Nam in rebus politicis ea, quæ plærunque accidunt, spectari solent. Quod *supra* explicatum *lib. 1. Et lib. cap. 3. & lib. 2.*

Ἐπὶ καὶ τῶν.] Id pertinet ad ea, quæ paulo supra explicauimus de bonorum & patrimoniorum profusione & ære alieno, quam communem causam Plato attulerit. Aristoteles, eo reprehenso, alias præterea causas esse, ex quibus seditiones & motus oriuntur, ut sunt honores, iniuriæ, contumeliæ, quas hic commemorat vno verbo, & *supr.* late explicauit *cap. 2. & 3. & 6.*

Correctio
huius loci.

Ἀλλὰ τὸ ἐξ εἶναι.] Hæc verba de mendo valde mihi sunt suspecta, adeo ut eo fere labar, ut putem, hæc omnia vsque ad verba, πλειόνων δὲ καὶ, hic interiecta ex Platone non satis opportune. Nam hæc verba, ἡ αἰτία, hic ad Oligarchiam torquentur, quæ à Platone de Democratia afferuntur. Sic enim ait *lib. 8. de Republ.* ἡ γὰρ ἀγαν ἐλευθερία ἔοικεν εὐκλείᾳ, ἡ δὲ εὐκλεία δὲ καὶ αἰτία μετὰ βαλάνειον καὶ ἰδιώτη καὶ πόλει. Et ijs

ἐπανόρθω-
σις.

deletis locus hic totus dilucidior videtur. Nisi forte prioribus ita accommodentur: ut Aristoteles causam eius luxuriæ & patrimonij consumendi ijs hanc afferat, quod propter nimiam diuitum licentiam, quicquid ipsis libitum fuerit, faciant, profundant, perdant, pereant, ut ait *Terent.* Sepulveda hæc verba ad Democratiam refert: eo fortasse adductus, quod Plato illis ἡ αἰτία de Democratia sit vsus, ut iam diximus: putatque, ad cæteras causas mutationem Rerumpublicæ de quibus supra est explicatum, aliam hic addi, nimiam libertatem. Quod profecto nimis alieno loco fieret. Agitur enim perspicue de Oligarchia,

Sepulveda
explicatio.

Refutatio.

Πλειόνων

Πλειόνων ἢ ἑσῶν.] Aliud Platonis peccatum in hac disputatione de mutationibus Rerum publ. postremo loco hic affert; Quod Plato causas mutandæ Oligarchiæ & Democratiæ ita exponat, quasi vna tantum sit Oligarchiæ species aut Democratiæ. Nam cuiusq; vnā tantum mutationis causam affert. Cum tamē Oligarchiæ aliarumq; Rerum publ. suarumq; multa sint genera. De quibus accurate explicatum est *supra lib. 4. cap. 4. s. &c.* Quare cum multa cuiusq; Reipubl. sint genera: multæ quoq; vt ortus & interitus sint causæ, necesse est, cuiq; generi accommodatæ. Qua in re & alios quoque lapsos esse monuit *supra lib. 4. c. 1.*

10. Error
Platonis.

Libuit hic quoque, ὡς πάρεργον ἢ ἀποδῆλυν ex Censorino de diuinali ca 17. in fin. adscribere; Vettium Romanæ Reipubl. interitum olim ex disciplina augurali prædixisse: mea quidem sententia, aut iuuante cacodæmone ad stabiliendā auspiciorum superstitionem: aut forte fortuna coniecturæ respondente euentu. Cum enim Romulo urbē condenti 12. vultures apparuerint: Vettius primum eius annum Climactericum constituit 120. numero nimirum auium per denarium multiplicato. Cum autem eum annorum numerum tunc temporis Respublic. Romana incolumis attigisset: eo ipso numero rursus in denarium deducto, ad annum vsque 1200. Rempubl. Romanam peruenturam prædixit. Id quod etiam accidit, paucis tantummodo exceptis annis. Ita enim sub anno Christi 475. hoc est, Romæ conditæ 1226.

scribit Funcc. in suis Chronicis; Casus occidentalis Regni Romanorum, &c.

F I N I S L I B R I V.

Bbb 4

LIBER

LIBER VI.

ARGUMENTVM.

*Ανάμνησις
eorum quæ
hactenus
sunt expli-
cata.*



Onuit Aristoteles supra lib. 4. cap. 2. extremo his verbis; ἡμῶν δὲ πόλεως, &c. de iis, quæ in hoc opere sibi sunt explicanda. Et primum quidem de Rerum publicarum generib. quæ & quot

2. ea sint numero, & singula quam sint multiplicia. Deinde, quæ Respubl. cui maxime sit expetenda aut deligenda. Aliis enim
3. Democratia conuenit, aliis Regnum. Postea quomo-
4. do hæ Respubl. institui & describi debeant. Tandem de earum causis interitus & salutis. Ac de illis quidem explicatum est lib. 4. de hoc ultimo, id est, de causis salutis & inter-

*Præsentis li-
bri argu-
mentum.*

1. Pars.

2. Pars.

*Alia parti-
tio.*

1. Pars.

2. Pars.

3. Pars.

itus Rerum publ. toto libr. 5. Hoc autem libr. 6. veluti appendix & additamentum quoddam continetur, prioribus libris, & maxime libr. 4. applicandum. Nam quæ eo lib. velut prætermissa sunt de Rebus publ. maxime de iis duabus Democratia & Oligarchia describendis; ea hic perficiuntur. Quibus tandem extremo cap. de magistratuum generibus præclara disputatio adiungitur. Quare huius lib. tres veluti partes constitui possunt: quarum in prima de ordine & scopo ac materia huius libri exponatur: in altera, cap. 2. 3. & 4. de illis duabus Rebus publ. agatur: in tertia, ca. vlt. aurea & insignis magistratuum partitio & genera explicentur.

TEXTVS.

Quot sint differentiæ & quæ, & partis deliberantis, quæque Reipubl. est Domina, & eius, quæ in magistratuum descriptione est posita, & eius,

eius, quæ in iudiciis, quæque cui Reipublicæ sint accommodatæ: de interitu quoque & salute Rerumpublicarum, ex quibus & propter quas causas fiat: supra est explicatum. Cum autem Democratiæ multa sint genera, & item aliarum Rerumpublicarum: non ab re fuerit, de iis simul & si quid reliquum fuerit, considerare, & proprium & cuique accommodatum modum tribuere seu exponere. Coniunctiones quoque omnium eorum modorum erunt explicandæ. Hæc enim coniuncta efficiunt, ut & Respublicæ varient, ut Aristocratiæ ad Oligarchiam, & Politicæ ad Democratiæ declinent. Coniunctiones voco (de quibus explicandum quidem est, adhuc autem non sunt explicatæ) ut si pars, quæ in consilio & quæ in magistratu est posita, descripta sit oligarchice; ea vero, quæ est in iudiciis, aristocratice. Vel hæc quidem, & ea, quæ in consilio oligarchice; ea vero, quæ in magistratu, aristocratice, vel quo alio modo, ne ea, quæ Reipublicæ sunt propria, omnia coniungantur.

C O M M E N T A R I I.

Πόσαι μὲν εἰν ἀποφασί.] Adfert Aristoteles eorum, quæ *sup.* lib. 4. extremo & toto lib. 5. sunt explicata, breuem quasi ἀνακεφαλαιώσιν siue repetitionem. Sic enim solet his enumerationibus uti: cum, ut tractatio magis sit perspicua: tum, ut, quæ supersint explicanda, intelligatur. Docuit autem *sup.* lib. 4. cap. 14. & 15. ac ultimo. tres esse summas Rerumpublicarum partes: Consilium siue Senatum, Magistratus & Iudicia; quibus tribus partibus summa Reipublicæ contineatur. De iis partibus cum alia diligenter eo loco sunt explicata: tum & hæc, quæ hoc loco commemorantur, quemadmodum hæc partes inter se differant, & quemadmodum Rerumpublicarum generibus accommodari possint. Nam cum singularum Rerumpublicarum multæ sint formæ (ut Demo-

*Summū im
periū τὸ κύ-
ριον πολι-
τικόν. De
quo aliter
Bodi. meth.
hist. ca. 6. p.
260. & de
Rep. l. 1. c. 8.
Huius loci
argumen-
tum.*

cratiæ non vnum est genus, sed multa; de qua re explicatum *supra lib. 4.* & mox dicitur) docuit *eodem in loco* Aristoteles, quis Senatus, qui Magistratus, quæ iudicia huic vel illi Democratia vel Oligarchia, &c. magis sint accommodata, magisque conueniant.

Καὶ κύριον τῆς πολιτείας.] Ex illis tribus partibus eam, quæ deliberationibus & consilio præest, Aristoteles κύριον, dominam & principem vocare solet, vt *supr. lib. 4. cap. 14. 15.* causam perspicuam eo loco explicauimus.

Ἐπὶ δὲ αἰτιῶσι περὶ τῆς πολιτείας.] De causis salutis & interitus Rerumpublicarum explicatum est copiose *supr. toto lib. 5.*

Ἐπεὶ δὲ τετύχηκεν εἶδῃ.] Nunc accedit ad ea, quæ hoc libro sunt explicanda. Nam cum Democratia, aliarumque Rerumpublicarum non vnum, vt plerique hactenus putarunt, sed multa sint genera, de quibus accurate explicatum *supr. lib. 4. cap. 1. 2. & maxime 3. 4.* & hoc amplius hæc ipsa genera sæpe commisceantur & coniungantur; adeo, vt quæ ad Democratiam proprie pertinent, ad Oligarchiam transferantur, saltem aliqua, & contra. De his igitur coniunctionibus seu copulationibus, & veluti temperationibus (Aristoteles συνδυασμὸς & συναγωγὰς vocat) & si quid præterea reliquum erit de variis Rerump. generibus explicandum: hoc *lib. 6.* agit multis quidem verbis. Hæc de argumento & materia huius lib. & satis intricate persequitur Arist. Eorū tamen hæc mihi summa esse videtur. Cum de Rebusp. quædā prioribus in libris sint prætermissa, maxime de his duabus, Democratia & Oligarchia: de iis accuratius esse hoc lib. discernendum, quemadmodū optime hæc duæ institui & describi debeant: id quod hac permixtione & confusione fieri docet: adeo vt non statim, quæ ad vnā eandemq; Remp. pertinent, omnia coaceruentur: sed vt quod vnius est proprium, & alteri accommodet. Verbi gratia, Democratia proprium est, Magistratus sorte deligere: Oligarchia, suffragio & iudicio.

Οὐ χεῖρον ἐπισκεψασθαι.] Elegans est hoc dicendi genus Græcum, quo vtitur Arist. *lib. 4. Ethic.* vtuntur & alii; in quibus sæpe male ab Interpretibus est redditum Latine. Valet autem Latine; non inutile erit, commodum fuerit, non abs re fuerit.

Καὶ τὸν οἰκείον.] Ait, modum cuique Reipublicæ conuenientem & accommodatum explicandum esse, quib. formam Reip.

Reip. intelligere videtur: vt cum Democratia (verbi gratia) Oligarchia quoq; , &c. multa sint genera; explicetur, quæ cuique generi forma maxime sit accommodata & salutaris, & ad diuturnitatem idonea. Etsi autem hæc verba ad omnes Rerumpub. species pertinent: de omnib. tamen hoc lib. non explicatur, sed de Democratia tantū generib. & Oligarchia.

Ἐπὶ δὲ καὶ τὰς συνωνύμους.] Ait, de coniunctionib. siue copulationibus modorum esse explicandum. Quas autem intelligat coniunctiones, mox ipse aperit his verbis: λέγω δὲ τὰς συνωνύμους, &c. de quibus latius explicatum est *sup. li. 4. c. 9.* vbi Græce vocantur συνήσεις, coniunctiones siue copulationes, μίξεις, id est, mixtiones, & συνδυασμοί, vt & hic, id est, coniugationes. Sunt autem coniugationes siue cōiunctiones, quib. duarum vel trium Rerump. instituta propria in vnam Remp. conferuntur & cominiscuntur, vt *eo cap. 9. lib. 4.* explicatum est. De iis igitur denuo hic explicandum esse ait, maxime in duabus Rebuspubl. Democratia & Oligarchia: tum, quod ex iis coniunctionibus & permixtionibus ipsarum quoque Rerumpub. discrimina oriantur: tum, quod ab aliis Scriptoribus Rerumpub. & etiam politicis ac legum scriptoribus hæc res prætermissa sit, quæ tamen Rebuspubl. valde est salutaris & fructuosa, vt *infra.* explicabitur.

Λέγω δὲ τὰς συνδυασμούς.] Exemplo ostendit, de quib. coniunctionibus loquatur. Nam cū tres summæ & maximæ sint partes Rerump. Senatus, Magistratus & Iudicia: ex harū partium varia descriptione & permixtione hæc copulationes & coniunctiones constant. Aliter enim hæc partes in Aristocratiā: aliter in Oligarchia, aliter in Democratia constituuntur; vt explicatum est *supra libro 4. capite 14. & duobus sequentibus.* Fieri igitur potest, vt Senatus & Magistratus oligarchica ratione, Iudicia Aristocratica, vel iudicia & Senatus oligarchice, Magistratus sumatur & constituatur aristocrate; & ita hæc partes misceantur partim ex Aristocratiā, partim ex Oligarchia. Rursus fieri potest, vt Magistratus fiat modo politico, Senatus & iudicia modo democratico. Itemque aliis modis hæc permisceri possunt. Ea permixtio quoque facit, vt ipsæ quoque Respublicæ fiant aliæ atque aliæ.

Ταῦτα δὲ συνδυάζοντα.] Ex his coniunctionibus varia Rerumpubl. discrimina existere ait, idque *infra hoc capite* latius expli-

συνωνύμους
Rerump. di
uersarum.
συνδυασ-
μοίς.
συνήσεις.
μίξεις.

Exemplū
τῶν τῶν πο-
λιτικῶν
συνδυασ-
μῶν.

explicabitur, quod hoc loco breuiter exemplo confirmat. Nam inde sæpe fieri, vt quæ sua sponte est Aristocratia, quodammodo fiat Oligarchia, & vt Politia (quæ & ipsa species est Reipublicæ, de qua *supr. lib. 4. cap. 9.*) ad Democratiam quodammodo redigatur. Idem & in aliis Rebuspublicis accidere potest hac coniunctione siue permixtione, vt vna Respublica in aliam conuertatur: & cum multa Democratia sint genera, vna Democratia in aliam, vna Oligarchia in aliam conuertatur,

Οὐκ ἔσκεμενδύοι γ.] Ait, tractationem & disputationem de iis coniunctionibus siue copulationibus vulgo sua adhuc ætate ignotam fuisse, quod idem & alias iterat *supra libro 4. capite 1.*

Μὴ πάντα συντεθῇ.] Expositis breuiter coniunctionibus, & exemplo explanatis adiungit, non esse necesse, quæ ad vnam Rempublicam pertinent, eiusque vnius sunt propria, ea omnia coaceruare, sed potius ex aliis Rebuspublicis quædam assumenda, atque ita hac permixtione & copulatione esse vtendum: qui ea in re alios grauiter reprehendit multis in locis, qui Respublicas meras instituant aut constituent, vt Democratiam ex meris Democraticis institutis: cum tamen vtilius sit, & ad diuturnitatem accommodatius, quædam tantum Democratica ad Democratiam constituendam sumere, iisque adiungere quædam etiam ex aliis Rerumpublicarum generibus petita, vt oligarchica quædam & politica, &c. De iis autem, qui meras Respublicas constituunt, eorumque peccatis, latius *infra. hoc cap. in fin.*

T E X T V S.

Quæ igitur Democratia ciuitati conueniat, itemque ex oligarchiis, quæ cui multitudini & ex aliis Rebuspublicis, quæ quibus conducat, supra est explicatum. Cæterum non tantum quæ ex iis Rebuspublicis optima sit ciuitatibus, notum esse debet: sed etiam quemadmodum & hæ & aliæ sint describendæ, breuiter exponamus. Et primum de Democratia dicamus. Simul enim & de contraria Republica intelligetur. Ea est, quam vocant
quidam

quidam Oligarchiam. Ad hanc autem rationem omnia popularia siue Democratica, quæque Democratiis consentanea videantur, sumi debent. Fit enim, vt ex horum copulatione Democratiæ genera efficiantur, & plures vna sint Democratiæ & dissimiles. Duæ namque sunt causæ, propter quas plures sint Democratiæ: primum quidem ea, quæ supra exposita seu explicata, quod diuersi sint populi. Nam quædam est agricolarum multitudo, quædam opificum & mercenariorum. Quarum prima ad secundam assumpta, & tertia rursus ad vtramque, non eo tantum differt, quod melior & deterior fiat Democratia: sed etiam, quod non eadem. Altera, de qua nunc agimus. Quæ enim Democratiis sunt consentanea, huiusque Reipublicæ propria esse videntur, composita siue coniuncta alias Democrantias efficiunt. In hac enim pauciora, in illa inerunt plura, in hac denique hæc omnia. In harum autem vnumquodque vtile est tam ad instituendam, quam earum quis velit, & ad correctiones, cognoscere. Qui autem Respublicas constituunt, dant illi quidem operam, vt propria omnia instituto suo adiungant: sed hac re peccant, vt supra in iis, quæ de interitu & salute Rerum publicarum, explicatum est. Nunc videamus, quæ sint communes sententiæ, & qui mores, & quæ expetant.

C O M M E N T A R I I.

Πολα μὲν εἰς δημοκρατία.] Pergit exponere Aristoteles ea, de quibus in hoc libro sit explicandum, nimirum de Democratiis & Oligarchiis, cum earum multa cuiusque sint genera, quemadmodum pro suo quæq; genere optime constitui vel describi possit. Quam ad rem duo maxime considerata esse ait.

1. *Præceptū* se ait. Primum quidem, vt diligenter obseruetur, quæ instituta & mores cuiusque Reip. sint propria. Deinde quemadmodum ea instituta in iis Rebuspublicis vel primo instituendis, vel etiam emendandis & corrigendis sint adhibenda. Nam

2. *præcept.* illud quidem de iis duabus Rebuspublicis, Democratia & Oligarchia, quænam Democratia huic ciuitati vel hominum generi & multitudini, itemque quæ Oligarchia, cui hominum generi maxime conueniat, explicatum est *supra libro quarto, capite duodecimo*, vbi præclare docuit Aristoteles, in constituendis ciuitatibus & Rebuspublicis, videndum esse, ciues & inquilini siue incolæ quo sint ingenio & moribus præditi, & quibus in artibus aut rebus occupati. Verbi gr. an agriculturæ, an mercaturæ, an opificiis, an rei militari, an rei nauticæ, an otio & literis sint dediti: & rursus, an ingenio tractabili, an asperiore & intractabili. Nam pro harum dissimilitudine rerum atque differentia Respublica quoque siue status erit variandus: de quo & paulo *infra hoc capite*. Illud etiam, ex omnibus Rebuspublicis quæ sit optima siue accommodatissima, & conuenientissima ciuitatibus, siue humano generi, hominumque moribus, explicatum est *supra libro 4. capite 11.* Quo in loco docuit Aristoteles, eam Rempublicam, quæ communi nomine Resp. seu Politia dicitur, in qua Reipub. præsent non minus diuites vel pauperes, sed mediocres, hominū generi maxime salutarem esse. Verum non de iis tantum, de quibus iam in iis locis explicatum diximus: sed etiam de hoc explicandum, qua ratione & modo hæ Respublicæ duæ, Democratia & Oligarchia, aliæque optime describi & institui possint. Etsi autem de hac ipsa re, id est, de ratione & via describendarum Reipublicarum, & quidem de ea ipsa, quam hoc libro persequitur, quæ in permixtionibus & copulationibus illis posita est, prioribus quoque in libris mentio facta est, vt *infra* dicemus: nusquam tamen ea de re tam accurata & propria, quam hoc loco, explicatio & dispu-

Cur de De- tatio requiritur. Cæterū non de omnibus, sed de duabus tantum Rebuspub. Democratia & Oligarchia, hoc libro explicatur: cuius rei causam hanc esse puto, quod apud Græcos, quorum Respubl. maxime spectat Arist. eius ætate hæc duo genera maxime essent in vſu; quæ eadem est causa, cur in toto hoc opere de iis duobus generibus sæpius & accuratius, quam de reliquis explicetur, vt & *supr.* ni fallor, monui *libr. 3.*

ab initio. Etsi autem hæc disputatio de duobus tantum generibus Reip. suscipitur: eadem tamen ad alia quoque eadem via & ratione accommodari potest.

Καὶ πρῶτον περὶ δημοκρατίας.] Cum disputatio de duabus Rebuspublicis, Democratia & Oligarchia, sit futura: prius de Democratia, *cap. 2. 3. 4. & 5.* deinde de Oligarchia, *capite 6.* explicatur: copiose quidem & late de Democratia, de Oligarchia breviter. Nam (ut vix dicitur) contrariorum eadem est scientia: siue cognito vno contrariorum, cognoscitur & alterum. De quo præcepto Dialectico diximus & *supr. lib. 5. cap. 6. in princ.*

Ἀλλὰ ὅτι καὶ περὶ τῆς.] Democratiam & Oligarchiam contrarias inter se esse Respub. quod in iis partes, quæ imperium tenent, plane sint contrariæ, ut diuites siue pauci in Oligarchia, pauperes seu multi in Democratia, *supra sæpe dictum, ut lib. 4. cap. 4.*

Ἀπλῶς δὲ περὶ τούτων.] Describendæ seu instituendæ Democratiaæ vtile esse ait, si instituta Democratica siue popularia, eaque omnia, quæ populari statui sunt consentanea, colligantur & sumantur, eaque sapienter misceantur ac temperentur. Ex qua temperatione quoque ipsarum Democratiarum varia genera nascentur. Eadem est & Oligarchiaæ describendæ ratio, ut & *supr.* dictum. Quæ autem popularia sint instituta & mores, quæ Democratiarum proprietates ac notæ; explicatum est *infr. cap. 2.*

Ἐκ γὰρ τῶν συντηρηθῶν.] Ex institutis popularibus varie mixtis & temperatis multa Democratiarum genera existere ait: de quo paulo *infr.* latius.

Δύο γὰρ εἰσιν.] Insignis est locus de causis multarum Democratiarum. Nam cum alii legum Scriptores & Politici, rerumque politicarum scriptores, in quibus est & Plato, vnum duntaxat Democratiaæ genus esse putarint, ut est *libro quarto, supr. ab initio.* Aristoteles & huius & Oligarchiaæ, & aliarum quoque Rerumpublicarum genera esse docet *libr. 4.*

De Democratia autem, cur ea sit multiplex, cur (inquam) eius multa sint genera & formæ: duas causas esse ait: quarum altera in *δημῶν* seu populorum varietate, multisque generibus sit posita: altera in iis mixtionibus, siue copulationibus institutorum. De priore diligenter explicatum est *supra Democr. libro 4. capite 3. & 6.* Quo in loco docuit Aristoteles, multitudi-

*Dua causa,
cur plura
sint genera
Democra-
tiarum.*

titudinem siue plebem aliam quidem agris colendis, aliam pecoribus pascendis esse deditam, aliam mercaturæ, aliam opificiis, aliam denique rei nauticæ: siue aliam esse agriculturalum, pastorum, institutorum, mercatorum & opificum mercenariorum. Qua ex partium differentia alia quoque atque alia Democratia efficiatur, & alia melior quam alia. Verbi gratia, si in ciuitate multi sint agricolæ, & pastores, & hortulani, qui plus possint, quam reliquæ ciuium partes, ut vel opifices, vel nautæ, vel piscatores, &c. erit hæc Democratia agriculturalum, eaque prima & optima: vel contra, in qua plus possunt opifices, & maxime nautici; alia quoque est Democratia, sed omnium nequissima & deterrima, ut Athenis tempore Demosthenis & Aristotelis: qua de re explicatum

2. *Causa la* *supra lib. 4. cap. 3. & 4.* Altera causa, etsi eius quoque mentio *tior expli-* *facta est supr. lib. 4. cap. 1. & 9.* hoc tamen libro ea proprie & *catio.* accurate explicatur. Nam cum instituta popularia, ut & oligarchica, & aliarum Rerumpublicarum sint multa, & sua cuiusque Reipublicæ propria: ea quoque varie ac dissimiliter permixta varias quoque & dissimiles Democrantias efficere solent, ut alia sit Democratia, in qua omnia Democratica siue popularia instituta sint congesta; alia, in quam plæraque; alia, in quam perpauca. Quod idem & de Oligarchiis & aliis Reipublicæ generibus dici potest, ut infra suo loco demonstrabitur.

Utilitas hu *ἡ ἐν τῇ πολιτικῇ.* De utilitate siue de usu huius disputationis, de institutis popularibus, aliarumque Rerumpublicarum diligenter internoscendis, ait Aristoteles, rem hanc utilem esse cum ad describendas seu ab initio bene instituendas Respublicas: tum etiam ad institutas iam olim sapiēter corrigendas & emendandas. Quod utrumque munus & officium boni Politici, legumque scriptoris, ut * Respub. de integro & à principio bene describere, & vitiosas siue tempore collapsas instaurare & emendare: monuit Arist. & *supr. lib. 3. cap. 1. & lib. 4. cap. 1.*

Aliorum po *Ζητῶσι ὅτι καὶ οἱ ἐν ταῖς πολιτείαις.* Aliorum in hac re, de qua hic *liticorū hac* agitur, de institutis his bene temperandis, peccata hic *in re com-* commemorat, qua & ipsa ex re siue aliorum peccatis usus *missa pec-* quoque huius disputationis cernitur. Nam alii Politici, Re- *catia.* rumque publicarum auctores magno errore & peccato suæ cuiusque Reipublicæ propria instituta non temperare sed coacer-

coaceruare, & in vnum congerere sunt soliti, vt popularia in Democratia, vt oligarchica in Oligarchia, &c. Quam rem vitiosissimam esse, & ciuitatibus valde perniciosam, docuit *supra lib. 5. cap. 9.* vbi & nos de hoc multorum Politicorum peccato copiose explicauimus.

C A P V T I I.

PERSEQVITVR hoc capite Aristoteles propria Demo- *Fundamen*
 cratiæ institutâ, quorum vnum est veluti fundamentum *tum omniũ*
 & scopus, vnde reliqua deinde promanant, quod fundamen- *institutorũ*
 tum libertas dicitur & æqualitas siue æquitas. *democrati-*

T E X T V S.

corum.

Democraticæ ergo Reipublicæ finis siue scopus est libertas. Id enim solent dicere, in hac sola Republica ciues libertate vti, quia hoc dicant omnem Democratiam spectare. Libertatis autem vnum quidem, vicissim parere & imperare. Etenim ius popolare est, æquale habere numero, sed non dignitate. Hoc autem ius cum est, vt plebs domina sit; necesse est, & quod pluribus visum fuerit, vt hoc quoque sit ratum, & hoc sit ius. Aiunt enim, quemque ciuium æquale habere debere. Quare fit, vt in Democratiis pauperes plus possint, quam diuites: Sunt enim plures. Id autem, quod pluribus visum fuerit, plus potest & ratum est. Est ergo hoc vnum libertatis signum, quem Reipublicæ finem omnes populares ponunt. Alterum vero, viuere, vt quis velit. Id enim libertatis munus atque officium esse ait. Siquidem eius, qui est seruus, viuere est, non vt velit. Democratia igitur hic alter est scopus. Vnde illud, non parere, natum est; maxime quidem nulli; aut si non, vicissim: hacque ratione confert ad libertatem in æquitate positam.

COMMENTARI.

ἡ δὲ τοῦ δημοκρατικοῦ πόλις ἔστιν.] *Expositurus* Aristoteles duo instituta
 Democratia, moresque ei proprios, primum affert scopum
Scopus De- & finem eius, & velut fundamentū seu principium Democra-
mocratia. tia. Scopus autem Democratia vulgo ponitur libertas. Nam
 tametsi vera libertas in aliis Rebus publicis bonis (vt in Re-
 gno, Aristocratia, & Politia) verius statuenda videtur: vulgo
 tamen in sola Democratia ciues libertate uti, & liberos esse
 iactatur. Quæ causa quoq; est, cur Oratores, Isocrates, De-
Argumēta mosthenes, maxime & Cicero, quia populari statu vterentur,
seu rationes sæpe libertatem in ore habeant atq; prædicent. Huius autem
quib. vulgo vulgaris seu vulgi sententia, qua in hac vna Republ. ciues li-
utuntur ad bertate frui dicuntur, duo probabilia argumenta, quæ vulgo
confirman- afferri solent, hic quoque exponit Aristot. Quorum alterum
dam hanc est æqualitas: alterum ex ipsa defensione libertatis peti-
sentētiā. um. Nam de æquitate quidē siue de æqualitate, id libertatis pro-
 prium esse videtur, vt pari omnes iure vtantur, ex qua æq. ta-
1. Ratio seu te illud nascitur, vt omnibus ad magistratus & imperia seu
nota liber- honores pateat aditus: Omnes vt vicissim præsent & impe-
tatis popu- rent, quæ vicissitudo imperii maxime propria libertatis nota
laris. esse videtur. Id quod à contrario doceri potest. Nam quibus
Imperandi in Rebus p. hæc imperii vicissitudo nō est vñtata, vt in reliquis
& parendi omnibus, in quibus alii semper imperant, alii parent: videtur
vicissitudo dominatus potius & seruitus inter ciues esse, non libertas. Et
maxime hæc quidē de scopo Democr. etiā *sup. l. 4. c. 3.* exposita fuerūt.
propria li-
bertatis *καὶ ὅτι τὸ δίκαιον τὸ δημοκρατικόν.*] Docuit *supra* Aristoteles li-
nota. bro 3. cap. 3. & cap. 8. & lib. 5. cap. 1. Respublicas omnes et-
Ratio. si alia alium scopum propositum habet, quamque tamen
Democra- suum scopum tanquam iustum defendere, & suo quamque
tia æquita- Remp. iure quodam niti. Cum autē ius sit duplex (alia nam-
tem seruat que est æquitas numero, alia dignitate. Ius autem est æquitas
Arithme- quædam: quæ diligenter explicata sunt *lib. 5. Eth.* quarum 2-
ticam. lia Arithmetica, alia dicitur Geometrica) aliæ quidem Resp.
 ius siue æquitatem Geometricam, Democratia Arithmeti-
 cam laudare solet, quod ea libertati magis cognata esse vi-
 deatur: propterea quod hac æquitate Arithmetica mera
 quædam æqualitas constituatur, in omnes plane pari & eo-
 dem iure censeantur: quæ quidem omnia de hoc iure & æqui-
 tate populari iis in locis *supr.* late sunt explicata: vbi & hoc
 docuimus, æqualitatem seu æqu. tatem Arithmeticam pri-
 uatis

utis tantum negotiis, ut contractibus, testamentis, &c. Geometricam publicis rebus conuenire, & esse salutarem. Peccat ergo Democratia, quæ etiam in publicis rebus Arithmetica æquitate utitur.

Democratia vitium.

Τὰς δ' οὐτ' αὖτε δικάζει.] In ea ciuitate, quæ iure & æquitate Arithmetica utitur, plebem seu multitudinem deminuari necesse esse ait. Nā ubi pares pari sunt iure omnes, ut diuites aut nobiles non pluris æstimentur, quam pauperes & plebei, quia plarumque tenuiorum maior est multitudo & plebeiorum: perspicuum est, maiorem ibi potestatem esse plebeiorum, utpote longe plurium, quam diuitum aut nobilium, quos constat plarumque paucos esse. Hinc quoque efficitur, ut quod plebi placuerit, id solum sit ratum, id sit *κέραιον*, ut Græci eleganter vocant. Nam in omnibus Rebus publicis, quod ei parti, quæ plus potest, siue quæ præest Reipublicæ, visum fuerit: *κέραιον* & ratum est, ut *supra* docuit Aristoteles *libro 4. capite 8.* Et hoc est, quod ait; *κ' ὅ, π' αὐτὸς ἐξέη*, &c. & quod paulo *infra* in eandem sententiam iterat; *κέραιον* & *ῥατὶον*.
 ὅ τὸ τοῖς πλείοσι δοξάν, &c.

Ἐν μὲν ταῖς ἐλευθερίαις.] Initio huius cap. dictum est, scopum & fundamentum Democratix esse libertatem. Quod idem & *Plato l. 8. de Rep.* commemorat, quo in loco multa affert, quibus hæc Aristotelica plane sunt consentanea.

Τῆς πολιτείας ὅρον.] Hoc verbo varie utuntur Plato & Aristoteles. Sæpe autem utuntur eo pro scopo siue nota quadam, & etiam fine, qua res vna verissime ab altera distinguitur, ut *sup. lib. 3. c. 8.* & *lib. 4. c. 8.*

Ἐν τῷ ζῆν, ὡς.] Altera libertatis nota siue proprietas hic exponitur, qua cuique, ut velit, liceat viuere. Nam si ferui est non posse viuere, ut velit: efficitur è contrario, liberi esse, viuere, ut velit. Atque ita libertas definiri solet. De qua ita *Cicero 5. Paradox.* Quid enim est, inquit, libertas? potestas viuendi, ut velis. & *idem libro 1. Offic.* Cuius (inquit) proprium est, viuere ut velis. Quomodo & *Plato eo loco* vocat à *Cic. paradox. 5.* & *lib. 5. c. 9.* *ἔξουσιον ποιεῖν, ὅ, π' οὐ βέλεται.* Cum ergo Democratix libertas, tanquam scopus & fundamentum, sit proposita: libertas autem duo hæc sint propria: primum imperii vicissitudo: secundo potestas viuendi, ut velis: efficitur quoque inde, duas has esse Democratix notas, quarum altera sit imperii vicissitudo, altera viuendi licentia. De priore iam dictum,

Exempla.

*Effectus hu-
ius falsa li-
bertatis.*

1. Pars.

2. Pars.

dictum, & dicetur etiam paulo *infra*. De altera Democratiæ nota (Aristoteles ὅρον δούτερον vocat) siue instituto hic agitur; summam viuendi licentiam popularis Reipublicæ esse propriam. Id quod copiose exponit *Plato eo loco*, his verbis; *πᾶσι τοῖς μὲν δὴ ἐλευθερία καὶ ἐλευθερίας*, &c. Exemplo quoque Reipublicæ Romanæ ætate Ciceronis, & Atticæ, ætate Demosthenis ac Aristotelis, hic confirmari potest. Quibus temporibus quanta morum ac vitæ licentia, & scelerum ac flagitiorum impunitas, quam corrupti fuerint mores in vtraque vrbe, ex *Cicerone*, *Demosthene*, *Isocrate*, intelligi potest.

[*Ἐντεῦθεν ὅ.*] Ex ea licentia, nimiaque libertate aliud quodque nasci & oriri grauissimum malum ait, *ἀναρχίαν*. Quam & Plato eo loco Democratiæ propriam esse ait ac docet multis verbis: nec Magistratus à ciuibus, nec parentes à liberis, nec præceptores à discipulis in ea Republica coli & obseruari; omnes ordinum gradus esse confusos. Ciues ab inquilinis & peregrinis vix internosci: & hanc scilicet *ἀναρχίαν* vulgo in ea ciuitate splendido titulo vocari libertatem. Recte ergo & Aristoteles in Democratiâ ciues ait vel nemini parere velle, quæ vera est *ἀναρχία*, vel certe non semper, id est, nunc imperare velle, nunc parere, vt sit imperii vicissitudo: de qua iam paulo ante *supr.*

TEXTVS.

His autem positis, & tali imperio, popularia sunt talia: creare Magistratus omnes ex omnibus: præesse omnes quidem singulis, singulos vero vicissim omnibus: sorte creari Magistratus vel omnes, vel qui vsum & artem non requirant: non ex censu vllo esse Magistratus, aut quam minimo: nullum eidem bis mandare Magistratum, aut raro, aut exiguum, exceptis bellicis: magistratus vel omnes, vel qui possint, non esse diuturnos: iudicare omnes, & ex omnibus, & de omnibus. aut de plærisque, aut maximis ac grauissimis rebus, vt de rationibus reddendis, & de Rebus publicis,

blicis, & de priuatis contractibus: concionem omnium esse dominam: magistratum vero nullius, aut minimarum & paucissimarum dominum. Magistratum autem maxime popularis est curia, vbi non omnibus mercedis est copia. Ibi namque & huius magistratus potestatem deminuunt. Populus namque mercede potiens, iudicia omnia ad se reuocat, vt ante in lib. priore explicatum est. Præterea mercedē percipere maxime quidem omnes; concionem, iudicia, magistratus. Si vero non, magistratus & iudicia & curiam & conciones, principes vel magistratus, quos necesse sit inter se vna epulari. Præterea cum Oligarchia & genere & diuitiis & disciplina definiatur: popularia esse videntur, quæ his sunt contraria: generis obscuritas, paupertas, sordes. De magistratib. autem, nullum esse perpetuum. Si quis autem ex vetere mutatione remanserit, & potestatem eius deminuere, & suffragia vertere in sortem.

C O M M E N T A R I I.

Τὸ πρῶτον δὲ ὑποκειμένην.] Exposito Democratia scopo libertate, eiusque notis duabus, imperii vicissitudine, & vitæ licentia, siue ἀναρχία potius, nimia libertatis socia & comite; hoc ergo tanquam fundamento status popularis iactō, & prius posito, in quo statu ea sit libertas, eaque imperiorum quoq; & magistratuum ratio: nunc ordine ac deinceps instituta huic statui & fundamento accommodata persequitur. Videntur autem ea, quæ ab Aristotele hic exponuntur, duodecim esse numero. Quæ tamen omnia ad tria summa capita, *Instituta meo quidem iudicio, reuocari possunt: Senatum, Magistratus, & Iudicia.* Nam cum Rerumpub. omnium hæ tres principes sint partes, de quibus copiose explicatum est *supr. lib. 4. c. 14. 15. & 16.* sapienter fecit Aristot. qui, quemadmodum iis *populæ in trib. summis capitibus consistunt.* partibus status popularis vtatur, singulatim hic explicet. Nam & *supr. eo cap. 14. lib. 4.* monuit, pro harum dissimilitudine ac differentia partium ipsas quoque Respub. inter se esse

diffimiles ac discrepantes. De ea ergo parte, quæ in magistratu & imperiis est posita, accuratissime hic agitur, quæ (inquā) magistratuum ratio esse debeat in statu populari : de reliquis minus accurate. Nam multa eo pertinentia inde, id est, *ex li.*

4. cap. 14. peti possunt.

1. Institutū
populare.

Τὸ αἰρεῖσθαι τοὺς δόχαις.] Primum institutum eorum, quæ hic commemorantur, de magistratibus est, ut omnes ciues ius & potestatem habeant magistratuum creandorum, idque ex omnibus ciuib. Nam Democratiæ proprium esse, ut omnib. ad magistratus & honores pateat aditus, & ut omnib. eorum creandorum sit potestas : cum in oligarchiis paucis tantum genere vel diuitiis præstantibus id pateat, ut copiose explicatum est *lib. 4 c. 15. & c. ult. in fin.*

2. Institutū
populare.

Τὸ ἀρχὴν πάντας.] Alterum popolare institutum siue νομο-
γέτης de magistratibus, imperiorum vicissitudo siue magistratuum, hic exponitur, & etiam imperii communitas. Nam popularis Reipublicæ est, ut omnes quidem imperent singulis, singuli vero vicissim omnib. hoc est, ut summa quidem Imperii siue Reipublicæ sit penes omnes, siue penes populum vniuersum : singuli autem magistratus cuiq; de plebe & populo vicissim mandentur. Hanc enim magistratuum vicissitudinem, qua singulis ciuib. ad honores & imperia pateat aditus, popularem esse dictum est & *supra hoc cap. & lib. 3. cap. 4. in fin.*

3. Institutū
populare.

Τὸ κληρωτοῖς εἶναι τοὺς.] Aliud popolare institutum de magistratibus hic affertur, ut magistratus non suffragiis, sed sorte mandentur, ut sunt ἀρχαὶ κληρωταί, non αἰρεταί : quod est oligarchicum & aristocraticum. Nam in populari Republica nec virtutis, nec generis, aut diuitiarum in magistratibus habetur ratio. Quare & Cicero fortunam campi (Romæ namque in Campo Martio comitia centuriata magistratuum creandorum habebantur) dominam vocat. De hoc instituto & Plato libro octauo de Republica, his verbis agens de populari statu; τοῖς ἡ λοιποῖς ἐξ ἴσου μετὰ θεοῖς, id est, cum cæteris aut æquabiliter communicant & Rempublicam, & magistratus. In ipsa quoque Democratiā magistratus plerumque à fortibus, ἀπὸ κλήρων γίνονται, fiunt. Aristoteles sæpe huius instituti mentionem facit in his libris, ut *supra libro quarto, capite nono, & capite 15.* quo in loco accurate de eo est explicatum.

Ratio.

ἡ ὅσα μὴ ἐμπειρίας.] Quidam sunt magistratus, in quibus *Quidā ma-*
 opus est magna sapientia, usu & rerum peritia, ut est prætu- *gistratus in*
 ra rei militaris, ut est quæstura, ut est prætura iuri dicundo; ipsa quoque *Democra-*
 quæ imperia & magistratus non nisi à doctis & usu peritis re- *tia suffra-*
 ãe administrantur. Et si ergo in populari Republica omnes *giis crean-*
 magistratus sorte mandari est consentaneum: soli tamen hi, *di.*
 de quibus modo dictum, excipiuntur. Fieri enim non po-
 test, ut fortuito & sorte mandentur: sed in iis mandan-
 dis delectus est necessarius. Quare alii quidem plerique o-
 mnes in Democratia erunt κληρωτοί, hi pauci αἵρετοι. Et
 hoc est, quod ait, ἡ ὅσα μὴ ἐμπειρίας, &c. quod idem & su-
 pra docuit libro 4. capite decimoquarto, his verbis; τὰ δ' ἄλλα
 ἐκ δόξης, &c.

Τὸ μὴ δὲ πὲρ μὴ ματ.] Aliud popolare institutum de ma- *4. Institutū*
 gistratibus affertur, eos non esse ex censu mandandos, aut *populare.*
 certe ex perexiguo. In Oligarchiis diuitiarum & census in
 magistratibus demandandis ratio haberi solet, quod contra
 fit in Democratiis, ubi plebei & tenuiores dominantur, ut
 illic ditiores. Huius quoque instituti democratici sæpe facta
 est mentio *supra libro quarto, capite octavo.* Et si autem in
 Democratiis plerumque nulla census ratio in magistratibus
 mandandis habetur, ut peræque omnibus ad eos pateat adi-
 tus: interdum tamen aliqua census ratio haberi potest, ut ni- *Limitatio.*
 hilominus sit Democratia: quod explicatum est *supra lib. 4.*
cap. 4. ubi de Democratiæ generibus. Et hoc est, quod ait; ἡ
 ὅτι μικροτέρες, &c.

Τὸ μὴ δις τὸν αὐτὸν.] Aliud popolare institutum de magi- *5. Institutū*
 stratibus, quod est de eodem magistratu non iterando, aut *populare.*
 sæpius eidem mandando. Nam id quoque popolare esse ait,
 vni eidemque eundem magistratum non mandare. Ratio *1. Ratio.*
 autem hæc esse videtur: quod in Democratiis utilissimum
 sit, maximeque consentaneum, ut imperia & honores ad
 singulos tandem peruenire possint. Quæ causa est, cur uti-
 le sit cum aliis statibus, tum maxime populari, vni vnum
 duntaxat, non duos aut plures magistratus, vno tempore
 mandari. Quæ de re explicatum *supra libro 2. capite 9. in fi-*
ne. Hinc quoque est, quod in Democratiis magistratus &
 imperia non debeant esse diuturna: de qua re mox explica-
 bitur.

ἡ ὀλιγάκις.] Ait, nunquam id committendum, ut idem

magistratus eidem sæpius mandetur; aut certe, ut id perraro fiat: & quidem in magistratibus minoribus ac leuioribus. Nam præter illud incommodum, quod modo attulimus, est & alterum, ne hac occasione ambitiosi quidam homines maiores magistratus sæpius adepti, tyrannidē tandē inuadant, ut mox explicabitur. Plæriq; tamen hoc verbum ἡ ὀλίγας, Latine reddunt, aut paucos, hac sententia; ut idem nullum magistratum bis gerat, aut saltem non sæpe seu raro, aut certe paucos magistratus, ut (inquam) non omnes magistratus idem bis gerat, sed perpaucos. Quæ interpretatio huic verbo magis videtur consentanea.

Limitatio. ἔξω τῶν κατὰ πόλεμον.] Excipit Aristoteles bellicos magistratus, qui ab eodem sæpius geri possunt. Ut si plura exoriantur bella, vnum post alterum: iustum esse ait, vni sæpe imperium belli deferri. Cur autem in bello seu bellicis magistratibus id sit singulare, cur (inquam) idem sæpius Imperator designari possit, causa hæc esse videtur: tum, quod pauci boni Imperatores reperiantur: tum, quia & peritia & magna auctoritas in Imperatore sint necesse, quæ vsu & prioribus bellis ac victoriis comparantur. Et hanc pacis & belli differentiā præclare explicauit Cicero in Orat. de Imperio Cn. Pomp. seu de leg. Manil. Sic enim ait: At enim nihil noui fiat contra exempla atque instituta maiorū. Non dico hoc loco, maiores nostros semper in pace consuetudini, in bello vtilitati paruisse, &c.

6. Institutū populare. Τὸ ὀλιγοχρονίως τὰς δὲ χρόνους.] Aliud populare institutū de magistratibus: Eos vel omnes, vel certe quorum ratio id patitur, non debere esse diuturnos. Est autem insignis hic locus de magistratuum diuturnitate ac tempore: de quo explicatum est supra libro 2. capite 3. in fine. & capite 7. & maxime lib. 5. capite 8. quo in loco idem plane, quod hic affertur de Democratia; ei conducere, semestres (dicunt veteres, hodie semestres) minimeque diuturnos esse magistratus. Et causæ duæ afferuntur, eo loco explicatæ.

Magistratus quosdā diuturnos esse cōuenit. ἡ ὅσους ἐνδέχεται. Indicat quosdam esse magistratus, quos inutile sit & Reip. perniciosum sæpe mutari, seu breui tempore concludi. Cuius generis videtur esse quæstura. **7. Institutū populare, quod ad se-** τὸ διακρίνειν πᾶσι τοῖς.] Hic de altera principe Reipublicæ parte, Iudiciis, quæ eorum ratio in Republ. populari sit tenenda, exponitur. Iudicia ergo omnemq; eorum vim ac potestatem penes populum esse debere, nimirum ut iudicis officium ac

munus

munus primum pateat omnibus ciuibus seu ordini ciuium. *cundū cap.*
 Deinde, vt de rebus omnibus populus, siue quilibet ex popu- *generalis*
 lo iudex factus iudicandi potestatem habeat: aut certe de re- *distributio-*
 bus maioribus aut grauioribus quæque ad summam Rem- *nis horum*
 pub. pertinent, vt sunt repetundarum, maiestatis, de bello, *institutorū*
 de pace, de legibus ferendis, de priuatis etiam contractibus. *pertinet.*
 In Oligarchijs autem contraria plane ratio est vñitata, in qui- *1. Membr.*
 bus iudicia sunt penes paucos. Sic olim Athenis Solon iudi- *2. Membr.*
 cijs in populum translatis Rempublic. eam ex parte popula- *Contraria*
 rem fecit, vt *supra dictum lib. 2. cap. 10.* & Gracchi Romæ, *instituta.*
 de quibus *Plutarchus in Gracchis.* Quam enim graua cet- *1. Exempl.*
 tamina Romæ fuerint propter iudicia, videre licet *in li. Pauli 2. Exempl.*
Manutij de ll. & nos alibi in hoc opere explicauimus. videat-
 tur *cap. vlt. lib. 4. supra.*

Καὶ πολιτείας.] Iudicium siue quæstio *ᾧ δὲ δυνάμει* qua- *δυνάμει.*
 le fuerit, explicatum *supra lib. 2.* Cui respondere videtur il-
 lud, vt Romani vocant, repetundarum. Quod autem ait *πολιτεία.*
 καὶ πολιτείας, eius mentio facta est *supra lib. 4. cap. 14.* his
 verbis, *ἔστι δὲ τῇ πολιτείας.* *ἔστι* eiusdem libri cap. 16. vlt.
his verbis; ὅπου εἰς τὴν πολιτείαν φέρεται. Quo contineri mihi
 videntur ea, quæ maxime Rempublic. continent, & ad sta-
 tum Reipub. pertinent, vt de bello, pace, legibus, magistra-
 tibus, &c. adeo, vt & illud ipsum iudicium repetundarum
 siue *ᾧ δὲ δυνάμει* hoc loco *πολιτείας* nomine contineatur. Id
 indicat Aristoteles *lib. 4. cap. 14.* his verbis; *συνιέναι ἢ μόν-*
ον, &c.

Καὶ τὰ ἰδιῶν συναλλαγμάτων.] Hæc sunt iudicia priuata *συναλλάγ-*
 de contractibus & testamentis, vt vocant ICti. Quæ iudi- *ματά.*
 cia cur Aristoteles inter grauiora numeret, obscurum esse vi-
 detur: cum publica sint maiora, priuata minora ac leuiora
 iudicia. Nisi forte non de quibuslibet priuatis iudicijs, sed de
 grauioribus, in quibus vel totum alicuius patrimonium, vel
 maior pars, vel fama atq; æstimatio agatur.

Τὸ τὴν ἐκκλησίαν.] Est hæc tertia princeps & summa *s. Institutū*
 pars Reipub. Consilium & Senatus. Cuius partis vis & pote- *populare.*
 stas in plærisque Græciæ ciuitatibus olim erat penes concio-
 nem, quam *ἐκκλησίαν* vocant. Quod grauius reprehendit
Cic. in orat. pro Flacco fere initio. Sic enim ait; sic sunt ex-
 pressa ista, quæ recitantur, *ψηφίσματα, &c.* De hac autem
 parte late explicatum est *supra lib. 4. cap. 14.* quo in loco plu-

res modi cum populares, tum alijs quoque Rerum public. generibus accommodati explicantur. Ex popularib. autem modis quartus est ille, quo rerum omnium penes cōcionem siue multitudinem & populum, nullius penes magistratum sit potestas. Quod idem hic ait Aristoteles esse populare. Contra vero pauca populo, plæraq; magistratibus permittere Aristocraticum esse ait *eo cap. 14. li. 4.* his verbis: ὅταν ᾖ τῶν ἑνῶν, &c. Atq; hinc recte Anacharsis Scythæ ille Philosophus insignis, teste *Laertio*; θαυμάζειν ἔφη, πῶς παρὰ τοῖς ἑλλήσιν ἀγωνίζονται μὴ οἱ τεχνίται, κρείνους δὲ οἱ μὴ τεχνίται. Seu vt *Crinus* de hon. disc. lib. 1. cap. 4. refert, eum cum forte in Atheniensis populi concionem deductus esset, vidissetq; , omnia ea, quæ summa & præcipua sunt in Repub. populi iudicio discerni: miratum primo conditionem Atheniensium: qui cum rebus præclare gestis & autoritate apud omnes præstarent, ad tam iniquum imperium penesque obnoxium deuenissent: itaque prudentissime exclamasse; O Rempub. breui perituram, in qua viri principes consultant, populus autem & imperita rerum plebecula decernit, &c. paulo aliter tamen *Plutarch* *Solone* mihi pag. 148.

H^a ὅπ' ὀλιγίστων, ἢ τῶν μεγίστων.] Ait, magistratui vel nullam rem vel certe paucissimas esse permittendas, quod ad priores tres modos *eo cap. 14.* explicatos pertinet, quibus grauiora & plæraq; concioni deliberanda reseruantur: reliqua leuiora, eaq; pauca magistratibus.

Καὶ τῶν μεγίστων κυρίαν.] Hæc verba non ad proximum, δρχίω, sed ad prius, τὴν ἐκκλησίαν, accommodanda videntur: vt (inquam) concio deliberandi ius habeat vel de rebus omnibus, vel saltem de summis & maximis, vt de pace, bello, legibus, ærario, magistratibus creandis, &c. & ita recte *Sepulveda* hæc verba, ἢ τῶν μεγίστων, hunc locum vertens, coniungit illis; τὸ τὴν ἐκκλησίαν. Hæc igitur verba, δρχίω δὲ, velut interiecta, & παρειθέσις (vt vocant) nota videntur includenda. Τῶν δὲ δρχίων δημοδικώ-
[ατον] Βελλὴ à *Plin.* & *Cicer.* Bux siue Curia inter magistratus ab Aristotele numeratur, eosque populares, siue eos, qui Democratijs maxime conueniant, non hoc tantum loco, sed etiam *supra libro quarto capit. 15.* & *infra hoc libro capite ultimo.* Quod idem indicat *Thucyd.* lib. 8.

Βελλὴ ex
magistra-
tib. maxi-
me popula-
ris.

vbi Alcibiades, sublata Oligarchia, quæ esset Athenis, veterem Democratiam suadet restitui, in eaque restituenda etiam πῶς βελλὴ quingentorum virorum constituendam demonstrat. Xenophon quoque libro secundo ἐκκλῆσιον, βελλὴ magistratus quoddam genus esse, idque populare, indicat. Nam 30. Tyrannos Athenis & Bulei & alios magistratus pro sua libidine instituisse commemorat. Erat igitur βελλὴ siue Curia consilium, nunc est mil- Βελλὴ.
le ciuium pro ciuitatum magnitudine conflatum ex omni populo & multitudine, Græcorum potius moribus, quam aliarum gentium, accommodatum & proprium. Nam Senatus Roman.
Romæ Senatus siue curia longe erat alia. Qui Senatus etsi interdum ex octingentis Senatoribus constabat: erant tamen illi omnes optimates. Quare Senatus Romanorum Aristocratia potius, quam Oligarchia conueniebat, vt & Senatus siue Γερουσία Laconica.
μερσία Lacedæmoniorum, de qua *supra lib. 2.*

Ὅπως μὴ μισθὸς ἀπορία.] De Bules potestate & auctoritate in Republic. populari agit. Eam ergo magnam esse ait, nulla plebi seu multitudini suppeditante siue præbita mercedula. Contra vero plebe mercedulam nata Bules nullam vel exiguam esse potestatem, omnia nimirum plebe ad suam potestatem reuocante. Et hoc quoque ex Græcorum morib. & institutis intelligendum est. Qua de re sæpe explicatum est *supra lib. 4. cap. 4. & 6. & cap. 13. & 15.* Quæ mercedula, teste Polluce *lib. 8.* dicebatur ἐκκλησιαστικὸν & δικαστικὸν, latine sportula. Sic & Isocr. in orat. de pace, πᾶσι τῆς ἐκκλησίας, agens de improbis demagogis & oratoribus, ait, illos sibi obnoxios facere eos, qui ex iudicijs & concionibus & eiusmodi lucellis se sustentant, id est, infimam plebem. Quia ergo infima plebs & egentium hæc multitudo, mercedula siue sportula hac proposita, frequens conuenire solet vel in concionem, vel ad iudicandum: efficiebatur, vt omnis & deliberandi & iudicandi potestas penes hanc multitudinem, vt numero prævalentem, esset, & nulla vt esset vel curiæ vel magistratuum aliorum auctoritas, quod institutum populare esse ait, vt & *supra* ijs locis latius est explicatum, & etiam *libro quinto capit. 5. & 6. & 8.* Quem locum aut *libr. Aristoteles* his verbis: κατὰ τὴν ἐκκλησίαν, &c.

videtur indicare. Etsi latius & vberius hac de re explicatum fuit *lib. 4.*

Εἰς αὐτὸν γὰρ αἰάγῃ.] Ait Aristoteles, hac sportula fieri, vt omnia iudicia sint in potestate populi, nulla in magistratus vel Senatus potestate & autoritate. Quod ijs locis explicatum est, vbi dictum est de Demagogis, omnia illos ad populum seu populi potestatem reuocare.

9. Institutū
populare.

Ἐπὶ τὸ μισθοφορεῖν.] Aliud popolare institutū de mercedula siue sportula concioni, iudicijs & magistratibus proponenda hic affertur. Nam cum tres summæ sint Reipub. partes: Senatus, cuius locum in Græcia tenebat concio: magistratus & iudicia: popolare esse ait, ad conciones vel iudicia conuenientibus & magistratum capientibus sportulam aliquam proponi; aut certe his duabus partibus, magistratibus & iudicijs & concionib. saltem maioribus & statis: aut denique si non omnibus magistratib⁹, saltem ijs, quorum solennia quædam sunt conuiuia & sodalitates siue *συσίπαι*. Huius autem instituti, cur (inquam) hoc sit popolare, ratio modo est explicata; vt hac sportula multitudo omnis inuitata & plecta omnium rerum potestatem (quod est popolare) vt numero potior, obtineat; quod idem & *supra* docuit *lib. 4. c. 13.* his verbis: *τὸ μὲν γὰρ, &c.*

Ratio.

*ἐκκλησία
διπλὴ κυ-
εῖα, ἢ σύγ-
κλησι.*

Καὶ τὰς ἐκκλησίας ἔχειας.] Concio siue *ἐκκλησία* Athenis erat duplex, *κυεῖα* & *σύγκλησι*: Stata siue iusta & legitima ac ordinaria, & indiætiua siue extraordinaria, *teste Poll. lib. 8.* Statis & legitimis comitijs siue concionibus magistratus designari & adimi, legationes decerni, bellum, pax, alia ad Rempub. pertinentia summa quæq; deliberari & decerni solent. Quæ comitiorum seu concionum duplex ratio ad alias quoq; vrbes accommodari potest. Nunc ait Aristoteles de comitijs siue concionibus: dandam esse operam, vt proponatur mercedula conuenientibus ad conciones, si non ad omnes, certe ad statas & ordinarias, vtpote in quibus maius sit positum momentum, & in quibus de summa Reipub. agatur, vt *supra* dictum.

10. Institutum
popul.

Ἡ τῶν δόχων.] De magistratibus quoque, si non omnibus, saltem ijs, qui *συσίπαι* siue sodalitates inter se celebrare & communiter epulari debeant, mercedulam proponendam esse ait. Ad ea namque conuiuia solennia tenuioribus pecuniam ex hac mercedula vult suppeditari. Qua in re Aristoteles

teles

teles *supra lib. 2. cap. 7.* Cretenses laudat, Lacedæmonios reprehendit. Quod hi sumtum ad *συσίται* de suo quisque facerent: illi de publico. Hinc enim factum esse, vt Lacedæmone tenuiores his *συσίταις* non possent interesse. Atq; ita institutum hoc *συσίται* sua alioqui natura populare & commune desineret esse populare & reddetur Oligarchicum.

Ἀς ἀνάγκη συσιτεῖν.] Erant & Athenis & Romæ solennes quædam epulæ magistratuum communes, vt & in alijs Rebus pub. ac ciuitatibus vsitatum est. De ijs ita *Cic. li. 4. Tuscul. quest.* Nec vero illud non eruditorum temporum argumentum est, quod Deorum puluinaribus & epulis magistratus fides præcinunt. *Athenæus* quoque *libr. 5. δευτεροσεφ.* disserens de conuiujs & epulis, principio varia conuiuiorum genera exponit, & in his etiam magistratuum; cuius rei argumentum profert ex Demosthene, apud quem magistratus, quos Athenienses vocabant Prytanes, vna cænantes reperimus. Sic enim inquit orator in orat. *πεὶ τὸ φαῖν*, id est, de corona; *ἀλλὰ μὲν τὸν τότε*, &c. eo loco, vbi de Platæa vrbe à Philippo occupata.

Epula magistratuum.

Ἐπὶ ἐπιδῇ Ολιγαρχία.] Aliud populare institutum hic exponitur, ductum velut ex contrario. Vt enim genus, diuitiæ, educatio ac disciplina sunt oligarchica siue propria Oligarchiæ, quæ Democratiæ est contraria (vt sæpe dictum *supra lib. 4. &c.*) ita popularia vt sint, necesse est, generis obscuritas, paupertas & sordes ac sordida vita & educatio. Quare Democratiæ accommodatum esse ait, vt ignobiles & obscuro loco nati, vt tenues & pauperes, vt opifices & sordide educati sint ciues; ijque maiore sint in precio, quam nobiles, copiosi ac diuites & præclare instituti ac educati. De his rebus, id est, genus, diuitias, &c. esse Oligarchica, & contraria esse popularia, dictum est *supra lib. 4. cap. 4. & alibi.*

ii. Institutum popul.

Παιδεία.] Obseruandum, Aristotelem huic verbo, vt *παιδεία*. contrarium, opponere verbum *βαναυσίας*. Nam *παιδείας* verbo vtuntur veteres, *Plato, Aristoteles, Demosthenes, &c.* pro disciplina & educatione sæpenumero, vt & alias dictum. *βάναντοι* autem Græcis sunt opifices, & *τέχνας βάναντοι*, id est, artes sordidæ, de quibus *supra lib. 1.* Quare recte hic Aristoteles *βαναυσίαν*, vt opificum propriam educationem, id est, sordidam, *παιδεία*, id est, bonæ & honestæ educationi contrariam facit.

βάναντος &c.

12. *Institu-
tum popul.* *Ἐπὶ δὲ τῶν δέξων.*] Aliud popolare institutum de magi-
stratibus: eos non debere esse perpetuos in Repub. popula-
ri. De quo loco communi sæpe explicatum est *supra libr. 2.
cap. 1. 3. & 8. & lib. 3. ca 7. & explicabitur infra lib. 7. ca. 14.*
1. *Ratio.* Ratio huius instituti est duplex: tum, vt plures ad magistra-
tum & honorem peruenire possint: tum, vt ne imperij dul-
cedine & occasione adductus aliquis diuturni, Tyrannidem
inuadat, vt explicatum *supra lib. 5. c. 8.* In Monarchijs autem
& Regnis plerisq; vtilius esse videtur, vt magistratus sint per-
petui, quod hodieq; vsitatum est.
1. *Consiliū
aduersus
magistratū
perpetuum
iam ante
institutū.* *Ἐὰν δὲ πρὸς κτλ. ἀλλὰ φθῇ.*] Quia sæpe accidere potest,
vt statu Reipub. mutato (verbi gratia, regno in Democra-
tiam) eaq; ratione in priore statu magistratus quidam fue-
rint perpetui, iidemque in alterum statum, puta Democra-
tiam, translati ita remanserint (neque enim mutata Repub.
continuo omnia instituta sunt commutanda, vt sapienter
docuit *supra* Aristoteles *lib. 4. cap. 5. in fin.*) hic ergo tale est
Aristotelis consilium, vt huic perpetuo magistratui saltem
potestas deminuat & detrahatur: atque ita quidem tem-
pore plus possit cæteris, potestate nihil vel parum. Hac enim
ratione fiet, vt nec Tyrannidem inuadere, nec alioqui Rei-
pub. nocere possit.
2. *Consiliū.* *Καὶ ἐξ αἰρετῶν.*] Aliud consilium Aristotelis aduersus ta-
lem magistratum perpetuum hic affertur. Nam vt prioribus
verbis suasit, potestatem eius esse minuendam: ita his ver-
bis docet ac suadet, eius designandi seu creandi rationem esse
conuertendam; vt nimirum qui antea suffragio creati con-
suerit: nunc, id est, in populari Repub. non amplius suffra-
gio, sed sorte designetur. Sortem enim populari Reipub. ac-
commodatam esse sæpe dictum est *supra hoc cap. & alibi, vt
supra hoc ipso cap. ad ea verba: τὸ κληρωτὸν εἶναι, &c.*

TEXTVS.

Hæc ergo fere sunt, quæ Democratiarum com-
munia sunt instituta. Efficiuntur autem ex iure
quod Democraticum (populare) esse constat. Id
autem est, vt omnes æquale numero obtineant.
Ea, quæ maxime videtur esse popularis Respubl.
ac po-

ac populus. Nam æquale est, nihilo magis imperare tenues, quam diuites; neque solos esse Dominos, sed omnes ex æquo pro numero. Sic inæqualitatem Reipubl. adesse & libertatem existimant.

C O M M E N T A R I I.

Tὰ μὲν ἔνθα.] Postquam Aristoteles popularia instituta explicauit; adiungit, ea omnia ex ipso iure populari, tanquam ex fonte & capite, manare. Nam cum ius popolare sit æquitas arithmetica, qua non plus possit diues aut nobilis, quam vnus aliquis de plebe; qua nulla (inquam) dignitatis ratio habeatur, sed omnes modo ciues pari conditione & iure censeantur, vt explicatum est *supra lib. 3. cap. 5. & lib. 5. Eth. & hoc lib. cap. 1. 2.* necessario efficitur, vt ill. & instituta, quæ populari Reipub. accommodata & vtilia esse possint, eiusmodi esse debeant, quæ hanc æqualitatem tueantur. Cuius generis perspicuum est ea omnia esse, de quibus hoc capite singulatim fuit explicatum. Sed idem iam *supra* hoc cap. dictum fuit, ex ipso iure & fundamento seu scopo populari, quæ est æquitas Arithmetica & libertas, instituta popularia esse petenda ac metienda, his verbis: *τέτων δὲ ἀποκρίματα.*

Ratio & origo horum institutorum.

C A P V T III.

R E C T I V S ab illis verbis prioris cap. *τὰ μὲν ἔνθα, &c.* aliud caput institueretur: propterea quod illud de iure populari hic Aristoteles persequatur. Docet namq; hoc capite tertio de iure populari. Primum, instituta popularia & 1. leges ex eo, tanquam fonte, profluere. Deinde, quemadmo- 2. dum id ius obtineri commode possit. In eo namque recte ponderando & consequendo magna est varietas & difficultas; quod ex hoc capite cognoscitur.

T E X T V S.

Quæritur autē deinde, quomodo sint habituri æquale.

æquale. Vtrum census quingentorum in mille partiri oporteat, & 1000. tantum posse, quantum 500. an non ita hæc æqualitas sit statuenda: sed partiendum quidem ita. Deinde sumtis æque multis ex 500. & ex mille, hi præesse debeant iuri dicundo & iudicijs. Vtrum ergo hæc Respubl. ex iure populari iustissima est, an potius quæ ex multitudine seu numero. Hoc enim ius esse aiunt populares, quod multis placuerit; Oligarchici, quod maioribus facultatibus. Aiunt enim, ex multitudine facultatum esse iudicandum.

C O M M E N T A R I I.

1. Iuris
popularis
instituendi
ratio.

2.

Multitu-
dinis ratio
æquitatis.

Τὸ δὲ μὲν τῶν.] Quæstionem siue controuersiam, ut dixi, de iure populari, quemadmodum id ponderari siue spectari & obtineri possit ac debeat, primum exponit. Deinde varios modos siue rationes eius affert, ex quibus vulgo quidem probatam rationem, ut vitiosam, refellit: eam vero, quæ ipsi probetur, ut veriore ac meliorem, confirmat. Vna autem ratio iuris popularis instituendi exponitur his verbis: πότερον δὲ, &c. Ea autem est huiusmodi; si mille pauperes non plus possint, quam quingenti diuites. Altera est: si, verbi gratia, non vniuersi mille cum vniuersis 500. comparentur, quæ prima est ratio: sed si ex utroque ordine aliquot deligantur vel sumantur vtrinque, æquali & pari numero, qui delecti soli præsent summæ Reipubl. Nam cum partes ciuitatis fere sint duæ, ut paulo infra dicetur; diuitum vna, altera pauperum seu tenuiorum: necesse est, senatum & iudicia, in quib. summa Reip. est posita, vel esse penes vtramque partem, vel penes alteram tantum. Si penes alteram, ut vel soli præsent diuites, vel soli tenuiores, ita ut quod videtur maiori parti ciuium (siue diuitum, siue tenuiorum & pauperum) id sit ratum: diuitum quidem, mera erit Oligarchia: tenuiorum .v. mera erit Democratia. Et hanc quidem rationem vulgo probari, ut iuri & æquitati consentaneam, ait. Nam qui Democratia vtuntur, siue populares ac multitudo, hoc ius siue iustum esse ait, quod multitudini siue maiori ciuium parti, id est, plebi ac tenuio-

tenuioribus, quorum semper maior solet esse numerus, placeat: cum pauci ac diuites ius siue iustum id esse dicant, q̄ ijs placeat, quorū licet minor numerus, maior tamen sit res & patrimonium. De hoc iudicio multitudinis & paucorū siue diuitum (quorum illi quidem ius numero siue multitudine, hi diuitijs & rei magnitudine æstimant & metiuntur) sæpe explicatum, vt *supra libro tertio, capite 6. & 8. libro 5. cap. 1. & c.* Aristoteles vtrosq; aberrare & falli docet ijs quidem locis copiose: hoc .a. loco, vna tantum ratione & argumento. Nam quod ad diuites attinet & eorum iudicium; ex eo hoc effici docet, vt interdum Tyrannis iure sit probanda. Sic igitur concludit: si ius & æquitas ex diuitijs erit metienda: efficietur, vt ius quoque interdum sit, Reipubl. præesse Tyrannum. At hoc iniustum esse inter omnes constat. Omnes enim Tyrannidem siue Tyrannum (tam multitudo, quam pauci siue optimates) oderunt. Ergo & illud iniustum est, quo ius ex diuitijs ponderatur. Confirmat autem maiorem hac ratione: quod fieri interdum possit, vt vnus aliquis in ciuitate tam sit diues vel ditior, quam reliqui vniuersi ciues. Quod si igitur ex diuitijs erit iudicandum: perspicuum est, hunc vnum, vtpote reliquos diuitijs superantem, Reipubl. præesse debere: Quæ iam Tyrannis erit. Et hoc eodem argumento in eadem re vsus est & *supra lib tertio cap 8.* Quod ad tenuiores attinet eorumque iudicium, ius & summam Reipubl. numero & multitudine æstimantium: hoc eos argumento refellit, quod inde magnæ quoque iniuriæ plebis in optimates ac ditiores (maxime in eorum bona, quibus plebs inhiare, & potestatem nacta, diripere solet, ipsis optimatibus vel pulsus vel necatis) sint metuendæ. Quod explicatum est *supra lib. 5. ca 5. in princ. & ca. 8. li. 3. cap. 7. in princ.* Atque ita amborum tam popularium quam paucorum iudicia refellit, aberrantium in hac disputatione de iure & æquitate vere & recte constituenda ac obtinenda. Reliquum est igitur, vt in vtraque parte coniuncta hæc æquitas inquiratur: vt videlicet qui sint præfuturi Reipublicæ partim sint optimates siue pauci, partim sint de plebe. Et hanc quidem bifariam institui posse docet. Vel enim hæc erit ratio instituenda, vt ex omni ciuium numero diuitum & paucorum aliquot deligantur, penes quos summa Reipublice. (vt Senatus, Iudicia, magistratus) sit

Paucorum ratio æquitatis.

Vtrorumq; reprehensio.

Maioris confirmatio.

Argumentum contra tenuiores & multitudinem.

Modus iunctus.

futura. Id quod duplici ratione ac bifariam fieri posse demonstrat. Vel enim, ut numeri tantum seu multitudinis habeatur ratio : vel, ut numeri & census, siue maxime

*1. Ratio seu
modus.*

census ac diuitiarum. Prioris modi hoc sit exemplum. Si tota ciuium multitudo constet mille pauperibus & quingentis diuitibus : atque ex utroque genere ciuium par numerus, verbi gratia, ex millibus tenuioribus deligantur quinquaginta & totidem ex quingentis ditioribus siue o-

*2. Ratio seu
modus.*

primatibus, qui vniuersi centum, vna præsint Reipublicæ. Alterius modi hoc sit exemplum : Si ex eodem ciuium numero non par numerus deligatur, sed potius seruata dupla ratione, ut ex mille tenuioribus viginti vel centum, ex quingentis ditioribus decem vel quinquaginta, qui postea coniuncti siue triginta siue centum quinquaginta, summæ præsint Reipublicæ. Ex his autem modis

*Quinãpro-
betur Ari-
stoteli.*

prior potissimum probari videtur Aristoteli, quo nimirum & multitudinis & diuitiarum quoque ratio quædam habeatur, quique velut mixtus & temperatus sit ex utriusque huius Reipublicæ Democratiæ & Oligarchiæ scopo & iure. Constat enim inter utramque, & utriusque communis hæc est sententia, id ratum esse debere, quod maiori parti ciuium placuerit. Quam earum communem sententiam & hoc sibi probato modo Arist. ostendit contineri, atq; ita eam quoq; probat, non tamen omnimodo. Nam illi quidem Respublica Democratiæ maiorem partem multitudine tantum, Oligarchia sola diuitiarum magnitudine siue, ut Græci loquuntur, multitudine æstimant. Aristoteles autem ita eam moderatur, ut utriusque partis siue ordinis ciuium (diuitum & tenuiorum) ratio habeatur, & utraque pars coniungatur, certis aliquot ex utraq; parte viris delectis, quibus vel omnibus vel certe pluribus quod placuerit, sit ratum. Retinet igitur eam communem sententiam Aristoteles, non tamen simpli-

*In suffra-
giis ferēdis
& senten-
tia dicenda
quonã ra-
tiō seruan-
da.*

citer, sed eo modo temperatam, ut diximus. Quia autem tam in suffragijs ferendis, quam in sententia dicenda (quo-
rim illud fere de comitijs, hoc vero de iudicijs dici solet)
necesse est, ut vel consentiant omnes vel plerique, vel
dissentiant & contraria censeant, vel denique paria utrin-
que sint suffragia siue sententiæ : demonstrat hic Aristoteles

teles, his tribus rebus quemadmodum ciuitas modo huic à se probato accommodare & congruenter quam iustissime vti debeat. Nam primo quidem si consentiant: nulla erit difficultas. Id enim, quod vtrique parti ciuium, siue potius delectis ex vtraque parte vel omnibus vel plarisque placuerit, quodque isti statuerint vel sciuerint: ut id ratum ac firmum sit. In altero maior est difficultas, si pugnantes vel dissidentes reperiantur sententiæ: quæ sententia siue vtra potior esse debeat. Verbi gratia, sumantur siue deligantur decem diuites & viginti tenues: ex quibus aliud quidem statuunt sex diuites & quinque pauperes: aliud quatuor diuites & quindecim pauperes: vel aliud statuunt octo diuites & octo pauperes: aliud duo diuites & duodecim pauperes. Quam difficultatem hac temperatione explicandam docet: ut ea semper sententia sit potior, quæ maiore censu nitatur. Census autem hanc rationem iniiri vult, ut diues vnus duobus tenuioribus respondeat: duo diuites quatuor tenuioribus. Quare si ab vna sententia fecerint sex diuites & quinque pauperes: ab altera quatuor diuites & quindecim pauperes: potior erit horum sententia: eo quod quatuor diuites octo pauperibus respondeant: quibus cum alijs quindecim pauperibus coniunctis, efficiuntur viginti tres. Cum altera sententia quinque pauperes & sex diuites qui duodecim pauperibus respondent, id est, decem & septem duntaxat habeat. Atque ita hic quoque communis ea sententia, ut id, quod maiori parti visum fuerit, sit ratum, locum suum retinet. Quod si pares vtrique fuerint sententiæ (id quod tertium esse diximus) difficultas quidem & hic erit, sed communis, ut ait Aristoteles, id est, quæ non in hanc tantum formam ab Aristotele hic præscriptam & probatam, sed in omnes Respub. omnesque iudiciorum & suffragiorum modos & formas cadere possit.

Αλλὰ οὗτοι μὲν τὸ ἴσον.] Ad Platonis verba alludere videtur, quæ exstant libro sexto de legibus, quo in loco de vtroque æquitatis genere disserit; τὴν δὲ ἀληθεστάτην καὶ δόξαι ἴσοντα οὐκ ἐπὶ πᾶσι τοῖς ἀνθρώποις ἴσους εἶναι. Διὸς γὰρ ἡ κρείσσις ἐστίν. Non est cuiusuis, inquit, verissimam & optimam æquitatem videre. Id enim Iouis siue DEI est iudicium.

1. Omnibus consentientibus.

2. Suffragiis & sententiis pugnantibus numero impari.

3. Sententiis vtrinque paribus.

Hinc Aristoteles apud Plautum. Rudente ait Iouem res interris per-

peram iudi Aristoteles igitur fatetur quidem & ipse, difficile esse *catas iterū* cū, veritatem de iure & æquitate reperire: id tamen *iudicare*, uentu facilius esse, quam potentibus persuadere, ut inuen-
malosq̃ qui to iure & æquitate utantur: propterea quod, ut præclare
res falsas ait, tenuiores & minus potentes æquitatem & ius quære-
impetrent re soleant, potentes non curent, hoc est, quod ij, qui
apud Iudi- opibus valent, nunquam eodem & pari iure cum reliquis
cem maio- ciuibz contineri velint, sed alijs semper dominari, & supe-
re multa riores partes obtinere: cum contra tenuiores hoc agant &
multare q̃ laborent, ut à potentioribus non opprimantur, & omnes pa-
liem anse- ri iure & æquitate contineantur.
rant.

CAPVT IV.

EXPOSITIS adhuc notis omnium Democratiarum
 communibus; nunc singulatim, quia plures Democra-
 tiæ sunt, hoc capite de ijs explicatur.

TEXTVS.

Cum autem quatuor sint Democratix; quæ
 ordine prima est, ea est optima, ut in prioribus
 libris est explicatum, quæ eadem & omnium
 est antiquissima. Primam voco, ut populos si
 qui diuidant. Optimus namque est populus a-
 gris colendis occupatus aut deditus. Quare &
 constitui potest Democratia, vbi multitudo ex
 agricultura, vel pastione, vel pecore pascendo
 viuit. Nam eo quod res non sit magna, semper
 sunt occupati, ut minus sæpe ad conciones ven-
 titare possint. Et quia non suppetant necessa-
 ria, in operibus suis permanent, nec appetunt
 aliena opera. Quin iocundius est opus facere,
 quam Rempublicam administrare, aut magistra-
 tum gerere, vbi ex magistratibus non magni sint
 quæstus. Multi enim quæstum potius, quam
 hono-

honorem expetunt. Argumento est, & quod veteres Tyrannides ferrent, & Oligarchias ferant, si nemo eos in operibus impediat, nihilque adimat. Cito enim quidam eorum ditescunt, quidam non egent. Præterea si & creatorum magistratuum & rationum reposcendarum ius ac potestas ijs concedatur; suppletur id, quod deest: siquidem ambitione vtantur. Nam in quibusdam Democratijs etiamsi ius creandi magistratus cum ijs non communicetur, sed quidam sint magistratus, qui ex omnibus vicissim deligantur (vt fit Mantineæ) & consultandi (deliberandi) potestas ijs permittatur: satis est, eoque contenta est multitudo. Nam & hæc quædam Democratiæ species existimanda est, vt erat olim Mantineæ. Quare Democratiæ, de qua supra diximus, vtile est, & fieri solitum est, vt creentur quidem magistratus, & ratio reposcatur, & iudicia exerceantur ab omnibus: gerant vero maximos lecti siue delecti à maiore censu, maiores à maiore, aut nullum quidem à censu, sed ij, qui possunt. Necesse est autem, eos, qui hac Republica vtuntur, bene Repub. vti. Nam & magistratus semper ab optimis gerentur, populo consentiente, & bonis non invidente. Et hanc descriptionem bonis & optimatibus seu principibus esse satis. Non enim alijs deterioribus parebunt. Tum iuste quoque imperabunt, cum alij ius & potestatem habeant rationum reposcendarum seu repetendarum. Vtile namque est, suspenso esse animo, & non licere quodlibet facere. Nam potestas faciendi, quod quisque velit,

lit, non satis est, quod in quoque est, malo continendo. Quare necessario accidit id, quod in omnibus Rebuspublicis est vtilissimum, ut optimi imperent sine maleficio, aut peccato, aut iniuria populi.

C O M M E N T A R I I.

Δημοκρατίων δὲ ἑσὼν.] Iam dictum est, hoc capite, & proximo de singulis Democratia generibus separatim explicari, quæ cuique generi optime describendo sint maxime necessaria & accommodata. Et de duobus quidem generibus, id est, de optimo & de pessimo, latissime explicatur. Nam *supra libro quarto, capite quarto, & cap. 12.* docuit Aristoteles quatuor esse Democratiarum genera: agriculturalum, siue in quo nulla census habeatur ratio, &c. opificum, tabernariorum, &c. Eam igitur Democratiam, in qua maior pars ciuium ex agricolis constat, primam & optimam & præstantissimam esse docet. Et prima quidem ea de causa dicitur, quod ab Aristotele in hoc opere semper eo ordine commemoratur & explicatur: & etiam hac de causa, quod sit omnium antiquissima. Causa & ratio hæc reddi potest, quod agricultura ex omnibus artibus maxime sit vetusta & antiqua, ut tam ex sacris, quam profanis literis & historijs constat. Cur autem omnium sit optima hæc Democratia, ratio hic explicatur quod populus, ex quo hæc Democratia constat, omnium sit optimus; nimirum agriculturalum & pastorum. Id autem Aristoteles latius explicat; Cur (inquam) Democratia ex hoc populo siue multitudine constans omnium sit optima. Rationem quoq; & modum adiungit, quemadmodum hæc Democratia quam optime describi & institui debeat. Ratio, cur agriculturalum multitudo vtilissima sit, maximeque accommodata optimæ Democratia instituendæ, hæc affertur. Quod hæc multitudo ad conciones ventitare raro consuevit. Sæpe autem dictum est, inutile esse & perniciosum Reipublicæ multitudinem & plebem frequentem esse in concionibus; propterea quod more & instituto

1. & optima Democratia.

1. Ratio, cur prima.

2. Ratio. Approbat.

Ratio, cur optima.

2. Approbatio.

stituto Græcorum in concionibus omnia fere , quæ ad Rempublicam pertinerent , etiam grauiſſima quæque in concionibus deliberarentur ac fierent , & quidem numero ſuffragiorum. Vnde accidit, vt quo plebs eſt frequentior , eo plus poſſit de omni Republica. Id quod pernicioſum eſt , plebem imperitam omnia poſſe. Quemadmodum accidit in peſſima ac deterriſſima Democrazia. Contra vero optima hæc agricolarum & paſtorum. Cuius rei ratio hæc eſt, cur (inquam) agricolæ rariores ſint in comitijs & concionibus vrbaniſ, quod ſuis agris colendis occupati res vrbanaſ non magnopere curent , nec ipſos etiam magiſtratus vel honores , atque præclare ſecum agi ſciant, ſi in operibus ruſticis non impediuntur. Hæc igitur opera ruſtica & occupationes faciunt , vt huic multitudini non ſit otium ventitandi ad conciones & comitia. Quæ ratio & cauſa allata eſt & *ſupra libro quarto, capite ſexto in principio*, vbi dictum eſt, ruſticos propter opus ruſticum rariffime, & non niſi ad neceſſaria comitia, ex agris in urbem conuenire. Indicatur & altera cauſa, cur hæc multitudo ad optimam Democratiam ſit vtiliſſima: Quod nimirum ſuis ea rebus & bonis contenta non appetat aliena. Nam plærumque accidit, vt agricolæ vel ſint diuites ſatis, vel tantum ſaltem acquirant, vnde non incommode ſe tueri poſſint. Quod contra accidit in multitudine opificum , quorum plærumque magna eſt egeſtas & cupiditas ſiue appetitio alieni. Quare in multitudine opificum & tabernariorum, id eſt, in extrema & nequiſſima Democratia ſæpe metuendum eſt , ne ditiorum bona inuadant, illis vel interfectis vel exilio multatis: vt aliquoties dictum eſt *ſupra libro quinto*. Cæterum de agricolarum mediocribus fortunis , maximeque iuſtis dictum eſt *ſupra libro 4. capite 6.* & notum eſt ex *Cicerone in Catone maiore*, &c.

2. *Appro-*
batio.

Extremū
Democra-
tia genus
cur deter-
rimum.

Βέλτερος ὃ ἀνέμετο.] De varijs ciuium & multitudinis generibus late explicatum eſt & *lib. 4.*

Ἀπὸ γεωργίας.] Hæc duo genera agricolarum & paſtorum hoc capite ſeparatim explicantur: prius quidem de agricolis, poſtea de paſtoribus eo loco, ſeu his verbis: *μὲν δὲ τῶν γεωργικῶν*, &c. qui tamen vtpote inter ſe valde ſi-

miles, vnum Democratiae genus, idque optimum, efficere possunt.

Ὡς μὴ πολλάκις.] Hæc vna est causa, cur agricolarum multitudo optimæ Democratiae sit vtilissima, quod urbanas conciones & comitia non curent, vt supra dictum. Quare & *supra lib. 4. cap. 8.* explicauimus.

Ἀλλὰ πὶ τὸ ἔχον.] His verbis eadem fere causa contineri videtur. Nam cur hæc multitudo, vel agriculturæ vel pecoribus pascendis dedita, perpetuo fere in opere rustico sit occupata, ita vt ab eo opere parum illi sit vel otij vel temporis ad aliena munia obeunda vel appetenda, vt administratione Reipublicæ; causam hanc attert: Quia plærumque rebus ad vitam victumque necessarijs non nimium abundant. Harum igitur parandarum causa suis tantum operibus rusticis eos intentos esse ait, eaque ex re id quoque consequi, vt aliena ab opere rustico munera non appetant, sed potius ruri opus facere, quam vel magistratus vel honores petere vel ad conciones ventitare velint, maxime si sit ea magistratuum & honorum ratio, nullus vt inde quæstus & lucrum speretur, aut certe exiguus.

1. *Argum.* Nam, vt præclare hic adiungit Aristoteles, multitudo seu plebs quæstum potius, quam dignitatem & honores amat; quæstum honoribus anteponit, vt contra honores lucro ij, qui magno & generoso sunt animo præditi. Qua de re sæpe iteratum est *supra, vt libro secundo capite quinto, libro quinto, capite octauo.* Hoc igitur vnum est argumentum ex ea communi sententia, quæstum plebi honoribus & imperijs esse gratiorem, quo docet Aristoteles agricolarum multitudinem propter quæstum ex opere rustico, & non ex magistratibus sperandum, posthabita Reipublicæ administrandæ cura, tantum rustico operi deditam esse, nec multum curare, quis quibus magistratibus & imperijs præsit.

2. *Argum.* Σημεῖον δὲ.] Alterum argumentum, à priscis moribus & vita veterum sumptum, hic affertur. Curenim antiquitus & olim ciuitates non populari & Democratico, sed singulari impetio regerentur & continerentur, causam hanc fuisse indicat, quod antiquitus ciues seu ciuium multitudo maiorem vitæ partem in agris versaretur, & agros coleret, neglecta & omi
missa

missa urbis & urbanarum rerum cura. Quam occasione nati vel pauci diuites vel nobiles, vel vnus aliquis præter cæteros excellens, facile vel tyrannidem, vel huic similem Oligarchiam seu paucorum factionem & imperium inuadebat & instituebat. Ferebat scilicet multitudo etiam graua hæc imperia, tyrannica (inquam) vel vnus vel paucorum, saltem vt ipsis liceret sine molestia & sine impedimento suos agros colere, & sine vlllo damno vel deminutione, ac detractiōe fructus frugesque secure percipere. Sic fit, vt ex iis alii quidem ditescant, alii certe non egeant, tantumque ex opere rustico emolumentum capiant, vnde vitam, suamque familiam si non laute, saltem quod satis est, tueri possint. Quod nimirum tenuioribus & multitudini fere propositum esse solet, non vt magistratus honores vel imperia, sed vt vel diuitias, vel certe vitæ ac familiæ necessaria assequantur. Quod igitur olim tyrannides & oligarchias ferret multitudo propter curam & quæstum operis rustici, id argumenti satis est ad hoc, de quo hic agitur, eam multitudinem ciuium, quæ agriculturæ studet & pasturæ, honores & Reipublicæ administrationem parum curare.

"Επὶ τὸν νεῖκεν.] Sæpe monuit *supra* Aristoteles, in ciuitate rem esse periculi plenam, si pars aliqua ciuium honoris omnino sit expertis, ab omni magistratu excludatur, quare sapientes politicos rerumque publicarum peritos huic malo & periculo callida quadam ratione & via occurrere esse solitos, hac nimirum, vt maiores quidem magistratus principibus viris & præstantioribus permitterentur, plebi & tenuioribus saltem ad minores magistratus aditu relicto: vel etiam, vt ius quidem magistratus capiendi non esset plebi, nec maioris nec minoris: sed ius esset omnium magistratuum creandorum, & hoc amplius rationum ab iis reposcendarum: de quo sapiente consilio explicauimus *supra lib. 2. cap. 3. & lib. 3. c. 7.* Huius consilii facit & hoc loco mentionem Aristoteles, & in hoc primo Democratix genere, de quo iam agitur, sapienter adhiberi posse, si sit opus, monet, nimirum si metus sit, ne ciues, quantumvis in agris colendis occupati, interdum tamen, vt fit, studio aliquo vel cupiditate honoris ducantur: vt huic quoque ciuium generi ius & potestas magistratuum designandorum & rationum ab iis reposcendarum tribuatur, ne quid cōqueri possint, se omnis honoris expertes esse, & veluti

*Institutum
periculose,
quo pars a-
liqua ciuiū
est honorū
expers.*

*1. Remediū.
2. Remed.*

pro peregrinis haberi, quod Venetiis pulcherrime sectantur, & Norimbergæ, Augustæ, & Antwerpiæ, in quibus locis nullus ex opificibus potest officium in magistratu gerere, sed omnes debent esse patricii. Seruius totum pop. Romanum diuiserat in 5. classes: quinta erat infima. Secunda classis rarissime dissentiebat à prima classe, vt est apud *Liu.* Multi legunt *Liuium*, sed hæc non intelligunt.

*Institutum
quorūdam
populorum
in creandis
magistrati-
bus.*

Ἐπεὶ παρὰ τοῖς δημοῖς.] Ait, in quibusdam Democratiis hoc esse institutum, vt mandandorum quidem siue creandorum magistratuum ius & potestas non sit communis totius populi, sed quorundam duntaxat, ex vniuerso tamen populo delectorum; idque vicissim, vt alii alias ad hoc deligantur: Ius vero deliberandi de Rep. totius populi sit commune. Etsi autem plus datur & communicatur cum populo, si non quibusdā, sed vniuerso populo ius mandandorū magistratuum detur, quam si tantū detur ius deliberandi, quod apud Græcos in concionibus fieri solet: satis tamen plebs & multitudo potentia & honoris obtinere se putat, atque adeo præclare secum agi, si vel hoc tantum ius deliberandi habere & retinere possit, quo iure multitudini permissio efficitur, vt Democratia sit quædam, vbi hoc institutum vñtatum fuerit. Quod vt melius intelligatur, iterandum est id, quod *supr. lib. 4. c. 14 & duob. seqq.* copiose explicatum est; tria esse summa capita & partes omnium Rerump. Senatū, Magistratus & Iudicia, quarum ex descriptione & varietate partium ipsa quoq; Rerum-publicarum genera varientur & distinguantur, vt si multitudini ad eas partes sit aditus, iam sit Democratia: si non sit aditus ad vllam, iam Democratia esse non possit. Quare h. l. cum agatur de Democratiis, vt aliqua sit Democratia species, necesse est, vt vel magistratus, vel ius deliberandi, vel iudicia cum multitudine communicentur. Recte igitur Aristoteles; Etsi (inquit) ius deliberandi tantum permittatur plebi, fore nihilominus & saluam remanere aliquam Democratia species.

Exemplū.

Exemplum affert ex Rep. Mantineensium, in qua plebs ius quidem ad conciones itandi, & in iis de Rep. deliberandi habuerit: mandandorū tamen magistratuum potestas penes paucos fuerit. Sed tamē quæri potest, si ius deliberandi plebi permittatur imperitæ & impotenti, vt fere fit: quī fieri possit, vt,

Obiectio.

hac grauissima re plebi permissa, bona & laudabilis ea Reip.

Solutio seu forma esse possit. Sane vt hac quoq; in re plebs fallatur & excluda-

cludatur, consilia & praecepta hic exponuntur, nimirum quibus via & ratio indicatur, qua multitudo rarissime ad deliberationes siue conciones conuenire possit, occupata scil. opere rustico & domesticis negociis. Vnde iam intelligitur, ad optimam Democratiā instituendā vtilissimā esse eam ciuiū multitudinē, cui ab occupationib. domesticis ad deliberationes & Reip. procurationes parū temporis & otii sit reliquum. Cuius generis multitudinem agricolarū & pastorū, id est, ciuiū agriculturæ & pascuis siue pascendis pecorib. deditorū esse docet.

*sophismata
quadam.*

*Ad optimā
Democra-
tiam quod-
nam genus
ciuium sit
accommoda-
tissimum.*

Διὸ καὶ συμμέρερον.] Quod de iure deliberandi, & mandandorum magistratuum, illo quidem vniuersę multitudini, hoc partitantum ex ea delectæ dato ac permissio attulit institutum quarundam Rerumpubl. velut interiectum hic fuit, vt vel hoc vno iure multitudo contenta interdum esse debeat: nunc redit ad ipsum ius mandandorum magistratuum vniuerso populo permittendum, quod institutum laudat Rebuspub. vtilissimum esse, maxime huic primæ & optimæ Democratiæ, confirmat. Ita autem de his summis Reipub. partibus, magistratib. (inquam) & iudiciis constituendū ac temperandum esse docet, vt ius quidē mandandorū magistratū, iusq; rationum ab iis reposcendarum, atq; ius iudicandi siue iudicia sint penes vniuersū populū: ipsi autē magistratus primum quidem non sorte (vt in plerisq; & vitiosis Democratiis solet fieri) sed suffragiis mandentur & legantur. Deinde, vt iidem pro censu, vel si non pro censu, saltem iis mandentur: quorum ea est & dignitas & otium, & facultates, vt eos capere & gerere pro dignitate possint. Quæ mandandorum & capiendorum magistratuum ratio non tam est popularis, quam aristocratica & optimatum, siue etiam oligarchica. Nam, vt iam dictū est, in popularib. Rebusp. magistratus sorte, in optimatum & paucorū imperiis suffragio fere mādari solet. Qua de re sæpe d. *sup. l. 4.* Censū quoq; seu diuitiarū ratio in mandandis magistratib. haberi solet, non tam in popularib., quam in paucorū siue oligarchicis imperiis, & ēt in optimatū, vt item *li. 4. c. 4 s. 6. & 7.* late explicatū est. Atq; ita hæc Democratia non ex meris popularib. institutis, sed quibusdam aristocraticis admixtis erit temperata: quam temperationē sæpe collaudat Arist. & de ea re *sup. b. lib. c. 1. & 2.* Illud vero notabile est, quod ait, summos magistratus ex summo cēsu esse mandandos, minores ex minore. Maiores magistratus erant Ro.

*Quæ ratio
magistratu-
um & iudi-
ciorum te-
nenda sit in
hoc genere
Reipubl.*

*Mixtio Re-
rumpubl.*

dicta-

dictatura, consulatus, prætura, censura. Minores erant, ædilitas, quæstura, tribunatus, &c. Apud Græcos maiores erant, prætura militaris, quæstura, nomophylaces, nomothetæ. Minores, ut triumviri frumentarii, monetales, undecemviri rerum capitalium.

Ex quo hominum ordine magistratus creandi sint.

Ἀλλὰ τὰς δυνάμεις.] Monet *supra* Aristoteles lib. 2. cap. 9. curandum esse, ut qui magistratibus præfuturi sunt, ex eo ordine hominum deligantur, quibus otium ad hæc suppetat, hoc est, qui tantum habeant in bonis, ut neque mercaturis faciendis, neque opere aliquo sordido exercendo vel impediantur, vel etiam deformentur: breuiter: qui si non sint ditissimi, saltem magistratui pro dignitate gerendo ocium ipsis suppeditare possit. Atque ita hoc verbum, τὰς δυνάμεις, eos qui possunt, hic accipi oportet.

Præstantia huius Reip.

Ἀνάγκη ὅτι πόλις δημοκρατία.] His verbis præstantiam huius Reipublicæ siue Democratix exponit; eius (inquam) Democratix, quæ ita sit temperata, ut *supra* est explicatum, nimirum, in qua magistratus plerique sint penes optimates & principes, ius tamen aliquod ipsi quoque multitudini relinquatur, puta magistratuum mandandorum, & rationum ab iis reposcendarum, & iudiciorum. Præstantiam & bonitatem

1. *Effectus.*

huius descriptionis & status in eo positam esse ostendit, quod ex hac temperatione fiat, ut primum optimi quique semper præsent magistratibus, & quidem non repugnante & invidente

2. *Effectus.*

te multitudine. Deinde, quod eos, qui præerunt magistratibus, oportebit recte & iuste præesse & plane inculpate, nulla ut eorum vel tyrannis, vel sordes, vel ambitio, vel alia id genus vitia accusari aut reprehendi possint. Quæ certe bona

1. *Effectus*

præstantia.

Rebus publicis maxime esse salutaria perspicuum est. Nam optimos quosque Reipublicæ & magistratibus præesse, idque consentiente & approbante ipsa multitudine, cum aliis de causis per se perspicuis utilissimum est: tum ex eo, quod hac ratione inter ordines Reipublicæ summa concordia existat: cum nihil sit, quod principes & optimates conqueri possint. Siquidem ipsis magistratus & honores mandentur, quibus alioqui gravissimum est parere tenuioribus & indignioribus, ac deterioribus. Tenuiores quoque, quia ius saltem aliquod iis est relictum mandandi magistratus, &c. hac velut esca placati, non iniquo animo patientur alios præesse. Atque ita uterque ordo, principum & plebis, suis quique commodis

con-

contentus, causam nullam habebit, cur similitudines vel odia inter se exercere debeat aut velit. Alterum quoque illud humani descriptionis bonum, quo diximus fore, ut magistratus ita designati iuste & temperanter præsint: non dubium quoque est, quin sit maximum. Nam quæ mala ex sordibus & avaritia, ex tyrannide & libidine magistratuum exoriantur ad perniciem totius Reipublicæ, explicatum est *sup. l. 5.* Hanc autem magistratuum temperantiam & continentiam ex ea descriptione necessario effici docet Aristoteles, hac ratione, quod rationes gesti magistratus ab illis repetantur non inter se, sed per ipsam plebem seu multitudinem, ne ipsi inter se colludere possint & conuiuere, quo metu & sollicitudine rationum reddendarum velut suspensi, facile continebuntur, ne sordide vel impotenter ac libidinosè præsint. Nam nisi hoc metu contineantur ac reprimantur à peccando: difficile profecto factum est, ut qui sunt in magnis imperiis, quibus quicquid libet liceat, omniaque quæ velint possint, ut hi (inquam) intra fines modestiæ se contineant, ut præclare hic ait Aristoteles, his verbis; ἡ γὰρ ἐξουσία, &c. quæ pulcherrima est γνώμη & sententia: de qua & *Plato lib. 6. de legibus. & alibi; χαλεπὸν γὰρ, &c.* Difficile (inquit) factum est, magnaquæ dignum laude, * ita se gerere in magno imperio haud potest, ut nemini iniuriam intulisse merito culpari possis. Et Pompeium ea re laudat *Cic. lib. 2. de Finib.* qui in summa potestate tamen ab iniuriis tenuiorum se contineret. Solent & alii hanc Reipublicæ descriptionem seu temperationem Aristotelis collaudare, quæ sit velut mixta ex Aristocratia & Democratia, propter ea, quæ diximus, bona, huic statui necessario coniuncta: qua de re explicatum *sup. lib. 2. cap. ultimo.* ubi talem Reipublicæ statum ab ipso Solone Athenis olim institutum fuisse demonstrat & *lib. 3. cap. 7. & lib. 5. cap. 8. & multis in locis.* Quæ causa quoque est, cur Oratores, *Isocrates maxime ac Demosthenes*, Rempublicam à Solone descriptam & institutam toties celebrent. Romæ quoque eadem Reipublicæ forma ab ipso Rege Servio cœpta fuit, qua etiam Romani postea pulsas iam regibus sunt usi. Rex enim ille Servius auctor comitiorum ex censu, siue per classes quinque ex censu distinctas hac arte & sapientia est usus, ut tam principes, hoc est, honestiores ciues, quam tenuiores comitiorum quidem essent participes: vis tamen & utilitas omnis à suffragiis principum

2. *Effectus
præstantia.*

*Magistra-
tus hoc mo-
do iustos fo-
re reproba-
tur.*

1. *Exempl.
huiusmodi
Reip.*

2. *Exempl.*

cipum & ditiorum penderet, & ad eos pertineret, vt erudite
& copiosius explicat *Dionys. Halicarn. lib. 4.*

Αἱ τε γὰρ δόχαι, &c. τῷ δήμῳ.] Sæpe explicatum est, quam
periculosum sit Reip. ordines inter se inuidere, ac similitates
& odia exercere: idque inde sæpenumero nasci, quod omnia
Reip. commoda & honores ad vnum duntaxat deferantur.

τὸ ἐν ἐκείνῳ τῶν αὐτῶν.] His verbis videtur Arist. eas ani-
mi partes, quæ vitiosæ, vel ad vitium ducât, iram & cupidita-
tem significare. Quemadmodum in *Eth ad Nicom. l. 7. c. 7. &*
ad Eudem. l. 7. c. pen. cum ait, in homine inesse θεῖόν τι, siue di-
uinum quiddam: primam animi partem, id est, mentem in-
telligere videtur.

T E X T V S.

Perspicuum est igitur, ex democratiis hanc esse
optimam, & quam ob causam; eo quod populus
sit eiusdem modi. Vt autem populus efficiatur rei
rusticæ studiosus: quædam ex iis legibus, quæ apud
multos antiquitus sunt latæ, sunt vtilis: vt plane
non liceat maiorem agrum certo modo posside-
re, aut à loco quodam ad urbem (oppidum.) Erat
autem & olim in multis vrbibus lege cautum, ne
primas agri partes vendere liceat. Est et lex, quam
aiunt esse Oxyli, quæ tale quid possit, ne quis in par-
tem agri cuiusquam mutuum det. Nunc autem &
legem Aphytæorum dirigere oportet. Est enim ad
id, de quo agimus, perutilis. Illi namq; quantūvis
multi & exiguū agrum possidentes: tamen omnes
agrum colunt. Censentur enim non totos fundos,
sed pro certis partibus, vt & pauperes censib. pos-
sint diuites superare.

C O M M E N T A R I I.

Ὅτι μὲν γάρ.] More suo Aristot. re iam pertractata, breuiter
commemorat & iterat, qua de re sit explicaturus: nimirum
cum plura sint Democratiarum genera, & maxime quatuor,
quæ ex iis & cur sit optima, maximeq; laudabilis; ea sc. quæ
ciuib. constet agros magnam partem colentibus, non vero
opifi-

opificibus, vel mercatoribus. Causas autem, cur ex his constas ciuitas popularis sit optima, modo late explicauit. Quam hæc est præcipua, quod hæc multitudo, suis agris colendis intenta, facile patiaturs ditiores dicere, & nobiliores ac digniores Reipublicæ præesse.

Περὶ δὲ τὸ καὶ ἀποκαταστήσειν.] Postquā exposuit eam esse optimam Democratiā, quæ ex iis constat agros maxime colentibus, & agriculturæ studiosis: adiungit, velut ἐπίμεινον & additamentū quoddā vtilissimum de studio agriculturæ; exponit (inquā) rationes & vias; quib. ciuiū multitudo talis reddi possit, quæ agros potius colere, & agriculturæ studium amplecti, quā vel mercaturæ vel opificiū malit. Quas rationes & modos petit Arist. à veterū institutis ac legib. ad studium agriculturæ accommodatis. Etsi autē quædā vetera instituta ad hanc rem vtilia ab Aristotele hic afferuntur, de quibus mox singulatim explicabitur: possunt tamen & alia, eandē vim ac potestatem habentia, quæ (inquam) agriculturæ studium excitare inter ciues possint, reperiri. Cuius generis vnū à Romanis peti potest, apud quos agriculturæ studium magno erat in honore, & præmiis affici solebat: vt cum tribus Romæ essent triginta quinque, eæque partim in rusticas, partim in urbanas distributæ: rusticæ longe honestiores habebantur. Qua de re videatur *Plinius lib. 18. cap. 13.* & *Cicero in Catone maiore.*

Ἡ τὸ ὅλως.] Vetus ait esse institutum multarum ciuitatum, quo vetitum fuit agrum parare, nisi ad certum modum, siue quo cautum fuit, ne liceat agros continuare. Hac enim ratione efficitur, vt non ad paucos recidant omnes possessiones & agri: quo nomine grauiters Lacedæmonios reprehendit Aristoteles *supra lib. 2.* & *lib. 3.* Et *Cicero* sua ætate accuratius Romæ hanc agrorum continuationem accusat. Sed efficitur potius, vt singuli ciues agellum aliquem habeant. Vnde mox consequitur, vt singuli quoque ciues suum quisque agellum ipse colat. Neque enim eorum patitur tenuitas, vt colonum quisque alere possit; quod diuites & locupletes solent: vt pulchre ait *sup. lib. 4.* Atque ita fit hac agrorum descriptione & certo modo, vt omnes ciues aut certe plerique agriculturæ studium sequantur. Et hoc quidē instituto aliquando ipsi quoque Romani sunt vsi lata lege Licinia, qua certus agri modus erat præfinitus, cautumque ne plus quam 500. iugera possidere liceat: vt est *apud Lin. lib. 6.* & *Plin. d. lib. 18. cap. 3.*

Veteres

Institutum cōtrarium. Veteres autem Germani contrario plane instituto sunt vsque quoniam nec certum agri modum haberent, nec agriculturæ studerent. Sic enim ait *Cæs. li. 6 belli Gallici*: Agriculturæ non student, maiorque pars victus eorum in lacte & caseo & carne consistit; neque quisquam agri modum certum aut fines proprios habet: sed magistratus ac principes in annos singulos gentibus, cognationibusq; hominum, qui vna coierunt, quantum eis, & quo loco visum est, attribuunt agri, atq; anno post alio transire cogunt.

Ἡ δὲ πρὸς τὸν πόλιν.] Videtur his verbis Aristoteles agrorum continuationem permittere longius ab vrbe, siue non in locis suburbanis: idque institutum quarundam urbium fuisse. Quare hoc institutum de agri modo bipartitum fuisse videtur, vt aliis quidem in ciuitatibus certus agri modus tota regione tam suburbana, quam remotiore definitus fuerit: in aliis vero tantum in suburbana regione, non in remotiore, in qua continuatio agrorum & possessionum permessa fuerit, vetita licet in suburbana. Cuius hæc differentia fuisse videtur, quod longinquiores possessiones, licet maiores, non facile ciues ament aut curent, quod in remotioribus ab vrbe locis non tam facile plures agros coemere sint soliti: vt hac ratione non opus sit hanc plurium & maiorum possessionum coemptionem vetare, vt à qua ciues sua sponte abhorreant: à suburbanis potius prædiis continuandis lege deterrendi & reprimendi sunt, vt ad quæ sint propensiores coemenda. Est enim insigne præceptum politicum, vetare ea incommoda & mala, ad quæ ciues sua sponte sint procliuiiores; relinquere ea, à quibus ipsi per se abhorreant: vt docent & *Iuriscōsulti ad l. Iul. de fundo dot. §. 1. Instit. quib. alienare lic. vel non.* Verbi gratia, Romæ erat vetitum, ne quis ciuis in suo testamento possit centum libertate donare seruos.

3. Modus. *Ἡ δὲ τὸ πρὸς τὸν πόλιν.*] Aliud institutum, ad agriculturæ studium excitandum vtile & accommodatum, de non vendendis vel alienandis primis agri partibus. Quod vt intelligatur, sciendum est, veteres Rerum publicarum auctores in condenda Republica solitos esse pro ciuium & capitum multitudine ac numero ipsam regionem & agrum in certas portiones partiri, & suam cuique ciui certam portionem attribueret. Quem morem etiam in coloniis deducendis posteriores & Romani & Græci olim sequebantur. Et has portiones

Græci

Græci κλήρης vocant, quod sorte ea attributio fieret. Vnde & κληροῖ. Singuli coloni κληροῖται, quasi sortem habentes, dicuntur, qui κληροῖται. à Cicerone agripetæ. De hoc more tam in condendis Rebus Agripetæ. publicis, quam in deducendis coloniis dictum est *supr. libr. 2. cap. 5.* (Sæpe diximus ea de re: est enim res nota de coloniis) Qua ratione & ipse Moses in Republica Iudaica describenda & condenda usus est, suam ut cuique familiæ velut hæreditariam agri portionem designaret & attribueret. Hic igitur lege cautum in quibusdam ciuitatibus esse ait Aristoteles, ne cui suam agri portionem hæreditariam & primo attributam liceat alienare. Qua lege & instituto duo hæc commoda efficiuntur: primum, ut ditiores agros continuare non possint, prærepta ipsis emendi occasione: deinde, quod quisque agri sui semper dominus habeat, quem colere possit. Atque hac ratione omnes in agro colendo continebuntur. Neque enim tenuiores facile volent, aut etiam poterunt colonum alere, qui eorum vices in agro colendo agat. Et hoc quidem institutum, quo vetitum fuit, ne prædia hæreditaria sibi alienare possent, apud Locros (ciuitas Italiæ) fuisse monuit ipse Aristoteles *supr. lib. 2. cap. 5.* Quod idem institutum & in Iudaica Republica receptum fuisse intelligitur ex *Leuit. cap. 23.* Et si enim licebat Iudæis suum cuique agrum alienare: non licebat tamen in perpetuum. Nam anno quinquagesimo, quem Iubilæum vocant, agri & possessiones ad suam quæque familiam redibant. Cæterum & apud alias omnes fere Gentibus turpe fuit auitas & hæreditarias possessiones alienare, & auitas possessiones a probro habitum, licet legibus vetitum Romæ, Athenis, &c. alienare pro ut videre est apud *Diog. Laert. in Solone. Cic. lib. 2. de orat. vbi brosum.* de M. Bruto accusatore. *Quintilian. lib. 6. cap. 6. & Horat. lib. 1. serm.* (commemorat omne patrimonium suum) & optime *Heraclides in lib. de Rebus pub. in fragmentis potius.* Non videtur mihi genuinus iste libellus.)

Ἔστι δὲ καὶ ὃν λέγουσιν.] Aliud institutum agriculturæ inter ciues excitandæ, Oxylo auctore, hic exponitur: quo vetitum fuit dare mutuam pecuniam in suam cuiusque agri partem. Videtur enim hic Oxylus vetuisse, ne suam quis agri portionem pecuniæ mutuo accipiendæ causa oppignoraret, idque eo consilio, ut ne veteres possessiones ab vno domino ad alium transirent, sed ut suam quisque portionem hæreditariam in familia retineret. Quare perspicuum est, hoc quoque in-

stitutum ad hanc rem, id est, ad agriculturæ studium excitandum esse utile: ut quo efficiatur, ut sua cuique agri portio remaneat. Quæ eadem vis & potestas prioris quoque instituti, multis in locis recepti, de non abalienandis primis portionibus fuit non absimilis legi Moysis, de qua etiam *supra* dictum, qua domos quidem & res alias immobiles mutui accipiendi causa abalienari permisit, agrorum portiones hæreditarias non item in perpetuum. De hoc autem Oxylo, Rege Eliorum iustissimo ac præstantissimo, plura habet Strabo *libro decimo Geographia*, & Pausanias *libro quinto*.

5. *Modus.*

* *Argento-*
rati.

* *senæ.*

Aphyta.

Νῦν δὲ τοῦ ἀφύτου νόμου.] Aliud institutum ad agriculturam pertinens ab Aphytæis siue Aphytensibus hic exponitur. Cuius instituti satis obscuri sententia & vis ac potestas hæc fuisse videtur. Apud eos namque receptum fuisse indicat Aristoteles, ut ne cui liceat in censum dedicare (*auff den Stall an-*
geben) siue referre (sic enim in hac * vrbe loquimur) non integras possessiones vel fundos, sed certas tantum partes, quæ partes à singulis ciuibus teneantur plane æquales. Verbi gratia; si fundus sit, qui constet triginta iugeribus, referretur hic fundus in censum hac ratione ac distributione, ut non vnius nomine, sed quinque ciuium nomine ac census & patrimonii causa singuli * quina eius fundi iugera possideant, deferatur. Vnde intelligitur, Aphytenses agros suos ita partitos ac distributos habuisse, ut semper omnium ciuium essent æquæ partes agrorum. Nam quo ad alia bona, ut pecuniam numeratam, supellectilem, seruos, domos, iumenta, &c. attinet: in his licuisse alium alio esse ditio-rem. Hæc videtur Aphytensis huius instituti fuisse sententia: vis autem & potestas eadem, quæ priorum, ut suam quisque ciuis agri portionem possideat. Qua ratione iam efficitur id, quod volumus, ut omnes agricolæ esse cogantur, aut certe plerique.

Καὶ τὸ ἀφύταλον νόμον.] Assentior Ioanni Sepuluedæ, qui coniectura ductus pro ἀφύταλον legendum putat ἀφύταιον. Nam ἀφύταλον siue Aphytalorum, si ita dicere licet, non facile reperiatur mentio. Aphytæ autem, vnde Aphytæi seu Aphytenses, quæ & ἄφυπς, oppidum Thræciæ (ita dicunt veteres, alii Thraciæ) ignobile tamen, prope ab vrbe nobilissima Pallene, commemoratur ab ipso Thucydide *libro primo*, Pausan. *libro tertio*, & à Stephan. in libr. πόλεων, vr-
bium.

bium. Huic autem Aphytensium instituto de paucis iugeris in censum referendis consentanea est principis Romani Curii sententia & oratio, qua docuit ac monuit populum Romanum, perniciosum esse ciuem, cui septem iugera non essent satis (ille ipse colebat suum agrum) de quo vide *Cicer. de Senectut.* vide hodie nostrates homines. Longe alia fuit M. Crassi oratio, qui dicere solet iustum non esse patrimonium, nisi eo exercitus ali possit: de quo casu in *Paradox.* & de Curio *Plin. lib. 18. cap. 3.*

Ως ἐξ ἑκαστοῦ ἀλλοῦ.] Hac census ratione & æqualitate accidit & hoc, vt tenuiores diuitiis ac patrimonio, ac censu ipsos quoque diuites superent: quod plærunque diuites pauci, tenuiores multi sint numero. Etsi igitur rebus mobilibus pauci ditiores esse possunt: agrorum tamen ac possessionum rusticarum numero ditior erit multitudo tenuiorum; quod idem Democratiæ est accommodatum, vt plus possint tenuiores, quam diuites.

T E X T V S.

Secundum agricolarum multitudinem optima est Democratia, vbi sunt pastores, & viuitur ex pecoribus. Multa namq; sunt agriculturæ consimilia Et quod ad actiones bellicas attinet, hi maxime sunt exercitati & corpore vtilis, quique sub dio vitam facile degere possint.

C O M M E N T A R I I.

Μετὰ τὸ γὰρ πλεον.] Plebis siue multitudinis Aristoteles plærumque facit quatuor genera: agricolas, opifices, mercatores & mercenarios, quæ est infima fex plebis, vt videre est *supra lib. 4. c. 4.* & *infra hoc lib. cap. 7. in princ.* quibus in locis agricolarum & pecuariorum, siue pastorum multitudo sub vno genere continetur: propterea quod magna inter eos sit affinitas. Etsi autem hoc l. ea duo genera, vt inter se diuersa, Democratiæ hic exponuntur, ex quibus duo quoque discrepantia Democratiæ genera consent: videtur tamen hic locus, ne aliis repugnaret, non incommode ita accipi posse, vt primū & optimum pastorum Democratiæ genus describi & condi possit tam ex agricolarum, quàm pecuariorum multitudine. Id enim Arist. propositum stare.

Ecc 2 est:

est: primum, ut doceat, ex quo multitudinis genere prima, ea-
que optima, Democratiae forma conflare possit: deinde, qui-
bus ex multitudinis generibus tria quoque reliqua Demo-
cratiae genera constituentur. Docet igitur hoc loco, optimam
Democratiam condi eo quoque in loco posse, in quo plebs
sive multitudo rem pecuniariam curat: & ut agricolae ab a-
gris colendis: ita hi à pecoribus pascendis vitae necessaria
comparant. Cur autem optima Democratia non tantum
ex agricolarum, sed etiam ex pecuاريorum multitudine insti-
tui possit, causa ab Aristotele indicatur his verbis; *πολλὰ γὰρ
ἐστὶν*: quod horum vita vitae agricolarum sit persimilis. Nam
ut agricolis non est otium, saepe in vrbe versari, & res vrba-
nas curare: ita & pecuarii, plerumque in sylvis & agris sub
dio vitam agentes, non multum habent reliqui temporis,
quod rebus urbanis tribuant. Quin etiam pecuariis minus est
otii, qui nunquam fere vno in loco consistere, sed propter pa-
scua saepe locum commutare cum ipsis pecoribus coguntur.
Quare Arist. eleganter *sup. l. i. c. 5* pecuarios, ait, velut anima-
tae & vitae agriculturae operam dare: ut agricolarum cultura

Res pastor- sit velut mortua & inanima, pecuariorum velut animata Ad-
cia ciues iungit praeterea Aristot. hoc studio pecuario ciues aptissimos
bello aptos reddi ad rem militarem; propterea quod vita sub dio semper
reddit. agenda, aestuque & frigore, aliisque molestiis tolerandis, robu-
Veget. de re stis corporibus fiant, & ad labores militiae tolerandos aptis-
mit. lib. i. simis: quod contra accidit opificibus & tabernariis (*Β. ἀμει-
cap.* quorum corpora desidia ac torpore, ac sub umbra molliori at-
Agricultu- que relanguescere necesse est. Et hanc quoque utilitatem non
ra hanc a solum ex re pecuaria, sed ex omni agricultura, quae civium
liaeque lau non solum animos, sed etiam corpora ad optimam Rempu-
des cum pe- blicam maxime reddat idonea, praedicat sapius Xenoph. in
cuaria com *oconom.* cum aliis opificum artibus contra & animi & cor-
munes esse. pora corrumpantur, & inutilia reddantur. Sic enim ait; *ἐοικὼς
δὲ τῇ ἐπιμέλειαι*, &c. & eodem libro; *παρὰ τὰς μὲν οὖν τοὺς ἐπιστήμας*,
&c. *ἐπὶ* M. Cato (in praefat. de re rustica. fort. milit.) ex agricolis
& viri fortissimi gignuntur, maximeque pius stabilissimusque;
quaestus consequitur.

T E X T V S.

Multitudines autem aliae omnes fere, ex quibus
reliquae Democratiae constant, multo his sunt ne-
quio-

quiores. Nam vita est ignaua; nullumq; opus eorū, q̄ tractat & opificū & tabernariorū & mercenariorum multitudo, cū virtute coniunctū est. Præterea hoc omne fere genus, quia in foro & in vrbe volutetur, facile ad conciones venit. Agricolaæ autem quia per agros sint dispersi, neq; veniunt, nec peræque hoc conuentu (hoc est, concionibus, comitiis) egent. Vbi autem accidit, vt regionis quoque talis sit situs, vt agri longe ab vrbe sint remoti; facile est & Democratiam bonam efficere, & Rempublicam. Cogitur enim multitudo in agris commorari. Quare etiam si tabernaria sit multitudo: non tamen conciones erunt aduocandæ sine multitudine, quæ est in agris.

C O M M E N T A R I I.

Τὰ δὲ ἀγροτικὰ καὶ κτηνικὰ.] Adhuc laudes multitudinis tam agricolarum quam pecuariorum persequitur, adhibita comparatione reliquorum generum multitudinis, docetque vna eademq; opera ex reliquis multitudinis generibus non posse optimam Remp. siue Democratiam constare. Tria autem reliqua genera cōmemorat, opificū, tabernariorū & mercenariorum, de quibus & *infr. c. 7. & sup. l. 4. c. 4.* Vt igitur de agriculturæ & rei pecuariæ studio *supr.* docuimus, duo hæc effici: primum, vt illis non sit otium, occurrere ad conciones, & res urbanas tractare: deinde, corpora & animos eo studio ad virtutem optime præparari & excoli: ita contra de his tribus reliquis multitudinis generibus docet, duo inde consequi: primum, quod cum hi reliqui opifices, tabernarii & mercenarii, perpetuo in vrbe & plerumq; in foro versentur, ad conciones & concilia, seu conuentus populi conuenire & occurrere commodissime possint: deinde, in horum trium studiis & artibus nullum esse adiumentum ad virtutem & virtutis actiones positum: quin potius horum omnium studia à præclaris actionibus & virtute esse disiunctissima. Quod idem de his generibus opificum, &c. & de his sordidis ac illiberalibus artibus & studiis, eas (inquam) artes & animum cor-

*Laus agri-
culturae &
rei pecuariæ
per collatio-
nem cum re-
liquis vita
generibus.*

1.

2.

rumpere minutis fraudationibus & mendaciis, & corpora inquinare & sordidare, & proinde in optimo Reipublicæ genere hos ne ciuium quidem numero esse habendos, docet *infr. libro 7. capite 9. & supr. libro 3. capite 3.* vbi ait, non posse fieri, ut opifices, & id genus alii, virtutis actiones & præclara beneficia facere seu edere possint. De iis sordidis ar-

Et Lucian. in somnio, κὶ ὅ αἱ καὶ βαυαυοικαὶ τέχναι, &c. vbi his artibus & animos effœminatos reddi, & corpora corrumpi & inquinari *πῆναι, &c.* docet.

Quib. in re- "Οπὲ δ' ἐσυμπαίψει.] Vt *supr. hoc cap.* vbi de institutis ad a-
gionib. hoc griculturam inter ciues excitandam necessariis dictum est,
genus demo agros longius ab vrbe distitos ad eam rem esse vtiliores sub-
cratia con- urbanis: ita & hoc loco de agrorum ac regionis situ, eum
stitui possit. quoque hac in re considerandum esse monet, eoque in loco
optimam democratiam, de qua hæctenus agitur, institui pos-
se, quo in loco agri & possessiones ciuium non sint suburba-
næ, & vrbi subiectæ, sed longius remotæ. Ex hoc namque si-
tu effici docuimus & *supr.* eo in loco de institutis, ut ciues
cum ipsi, ut tenuiores agros suos colere cogantur (nam
de plebeis & tenuioribus agitur) multos dies opere rusti-
co faciendo in agris sint consumpturi, & sæpe etiam in
rusticas possessiones commigraturi. Vnde consequitur, ut
præstantioribus & ditioribus ciuib. plus otii & libertatis ad
ipsam Rempublicam administrandam permittatur: propter
ea quod plebs velut in agros relegata, eosque longe ab vrbe
distitos, non possit facile ad res urbanas ventitare. Si autem
& alii de plebe in vrbe remanserint, ut tabernarii, aut et-
iam opifices, qui facile ad conciones ventitare possint, res-
que urbanas tractare, & ad se pertrahere: hi quoque ut nihi-
lominus deludantur & impedianur, consilium hic suppeditat
Aristoteles sapientissimum. Monet enim, si qui sint tales
in ipsa vrbe reliqui, non esse consilium populi vel conciones
aduocandas sine ea multitudine, quæ in agris versetur. Hinc
enim efficietur, ut & rariora sint comitia, (Nam rustica
multitudo propter opera rustica rarius ad urbem commea-
re potest) & quæ habebuntur comitia, erunt moderatio-
ra propter admissam rusticam multitudinem: quam populi
seu plebis partem opificibus sellulariis seu tabernariis lon-
ge meliorem esse diximus. Atque ita hæc verba (ὥστε δὴ
καὶ

*Sophisma
aduersus o-
pifices, ta-
bernarios,
reliquamq;
urbam
forensem.*

καὶ ἀποραῖν ὅχλῳ ἦ) satis obscura, mihi accipienda videntur.

TEXTVS.

De optima quidē & prima Democratia, quemadmodum condenda sit, explicatū est. Perspicuum est autem, quemadmodum & reliquæ extrui parariq; debeant. Sequendus est ordo, & ad eas progrediendū, quæ degenerauerunt, semperq; deterior multitudo separāda. Vltimā, quia omnes eius sunt participes, nec ferre cuiusuis est ciuitatis, neq; facile est manere, nisi legibus & moribus bene constitutā. Quæ res autem & hanc & alias Respublicas perdere solent, plæræque supra fere sunt explicatę. Ad hanc autem Democratiam constituendam, & ad populum firmum reddēdum solent ii, qui præfunt, quamplurimos assumere & facere ciues, non solum germanos (seu legitimos siue synceros) sed & spurios (siue non veros) ciues, eosque qui ex alterutro parente ciue, vt ex patre (inquam) vel matre sint nati. Hoc enim omne genus talis populi magis proprium est. Sic igitur Demagogi quidem solent hanc Democratiam instituere. Verum assumere oportet eousque, donec multitudo superet principes & mediocres, nec vltius progredi. Nam si modum superent, cum confusam reddunt Rempublicā tum principes, vt grauius Democratiam ferant, magis irritantur. Quæ causa fuit seditionis Cyrenis. Nam exiguum quidem malum despicitur: maius vero factum, magis est in oculis (magis incurrit in oculos.) Præterea ad Democratiam talem vtilia quoque ea sunt instituta, quibus & Clisthenes Athenis vsus

Ecc 4 est,

est, cum populi potestatem augere vellet, & qui populum Cyrenis instituerūt. Cum enim plures aliæ tribus & curiæ erunt faciendæ; tum sacra priuata in pauca & publica erunt contrahenda; omnia denique reperienda erunt, quibus omnes inter se maxime permisceantur, & sodalitates priores tollantur. Præterea & tyrannica instituta omnia videntur esse popularia, ut est licentia tam seruorum (hæc autem aliquatenus conducit) quam mulierum & puerorum. Permittere quoque, ut quis velit, viuere. Multi enim erunt, qui talem Rempublicam sint admissuri; quod plerisque iucundius est licenter viuere, quam modeste.

C O M M E N T A R I I.

Ratio instituendarum reliquarum Democratiarum.

Πῶς μὲν ἔνδεα.] Quia Democratiarum quatuor sunt genera, explicato primo genere, quemadmodum id optime condi & institui possit: ea, quæ sunt reliqua, genera pergit nunc explicare, quemadmodum commodissime institui ac describi possint. Ait igitur, ex primi generis descriptione facile id intelligi posse, quemadmodum & reliqua institui debeant. Nam cum primum illud genus omnium sit optimum, & cui ea, quæ dicta sunt optimæ notæ, instituta sint necessaria, ab eo autem optimo genere reliqua gradatim, quo ad bonitatem, desciscant: ita nimirum, ut secundum genus primo quidem sit deterius, & tertio tamen melius; hoc autem tertium rursum secundo sit deterius, quarto præstantius; & quartum denique omnium sit deterimum ac nequissimum: efficitur inde ac consequitur, ut cum plebis quoque totidem sint genera, reliquis quoque Democratiæ generibus ordine ac deinceps, accommodetur: ita semper ut deterior multitudo

Cur Arist. duo tantum Democratiarum genera hic persequatur.

siue plebs deteriores Democratias constituat. Et si autem quatuor sunt Democratiæ genera, ut *supr.* latius explicatum lib. 4. cap. 4. hoc tamen in loco Aristoteles duo tantum persequitur: primum siue optimum, & vltimum siue deterimum, ut hic per se duobus inter hæc duo extrema velut interiectis, ut quæ comparatione quadam extremorum facile intelligantur, & insti-

tui

tui ea comparatione possint, prætermisiss. Et hæcenus quidem de primo & optimo genere: de vltima Democratia, ea-que deterrima copiose ac diligenter reliqua huius cap. parte, totoq; *proximo cap. 5.* explicatur, quemadmodum commodissime & ad diuturnitatem aptissime institui possit ac debeat.

Τὴν δὲ πελοταίαν.] Aristoteles deterrimam Democratiam solet vltimam & extremam vocare, ἰσχυρότατη καὶ νεώτατη, maximam & recentissimam, vtpote sua demum ætate, exortam, cum antiquitus meliores fuerint in vsu, vt videre est *supra lib. 5. capit. 5.* Quæ autem ea sit, satis ijs verbis, Ἀλλὰ τὸ πάντες, &c. demonstrat: ea nimirum, in qua omnes omnium ordinum non tantum principes ac diuites, sed etiam institores & opifices & vltima fex plebis ad honores & magistratus habeat aditum, locum ac numerum ciuis obtineat. Nam ante exortam hanc vltimam & nequissimam Democratiam opificibus, infimæque plebi ad honores aditus non patebat, vt dictum est *supra lib. 3. cap. 3.* De hac igitur Democratia monet initio, eam & instituere esse graue, & ægre permanere ac perdurare, nisi sic legibus & moribus bene ac sapienter temperetur. Monet (inquam) eam vix posse esse diuturnam, nec facile posse diu consistere, nisi bonis institutis ac legibus conditam ac descriptam. Cur autem hæc minime diuturna esse soleat, breui tempore ac facile interire & euerti consuerit, cum multæ sunt causæ, tum hæc fere princeps & summa esse dicitur, ipsius plebis & tribunorum plebis siue demagogorum nimia licentia ac petulantia. Quare cum hæc Reipub. species ad euertendum sit facilima, boni est Politici siue rectoris Reipub. plus ei operæ impendere ac laboris, quemadmodum scopuloso mari cautior solet esse bonus gubernator, & in corpore tenuissimæ valetudinis maiorem adhibet diligentiam bonus medicus. Quod idem hic facit Aristoteles. Nam boni Politici non est tantum optimam Rempublicam condere, vt quidam hallucinantur, sed omnium Rerumpublicarum genera pro hominum, locorum & temporum attributionibus: vt Aristoteles docuit *supra initio lib. 3.*

Democratia genus nequissimum.

Instabilitas huius Democratia.

Ratio.

Politici munus.

Error quorundam Politicorum.

Ἀλλὰ δεῖ φείσθαι συμβαίνει.] Quia dictum est modo, hanc Democratiam minime esse diuturnam, & ad euertendum facilem: adiungit, de euersionibus siue de causis euertenda-

Democratia.

rum cum aliarum Rerumpub. tum huius Democratia iam ante esse explicatum, nempe *totolibro 5. vbi cap. 5.* de hac potissimum Democratia vltima; quibus illa ex causis facile intereat & euertatur, dictum fuit, Quæ quidem euerfionis Rerumpublicarum mentio & commemoratio, hoc loco facta, eo etiam pertinet: vt quia contrariorum eadem est doctrina, ratio ac perceptio seu disciplina, ex causis euertendæ huius Democratia cognoscantur, & causæ eius cōseruandæ & bene describendæ: id quod est huius loci proprium. Primum igitur huic Democratia bene instituendæ quæ sint vtilissima & accommodatissima, multa peti possunt ex *eo ca. 5.* quæ hic prætermittuntur, quibus alia complura non minus vtilia ac necessaria instituta & inuenta adiungit hoc loco Aristoteles quamuis & ea ipsa, ante *in eo cap. 5.* explicata quidem, etiam *infra* attinguntur.

*1. Modus
stabilienda
huius De-
mocratia.*

Πρὸς δὲ τὸ κατὰ φύσιν.] Institutum est ad hanc Democrati-
tiam valde vtile, de magno ciuium numero ac multitudine
(est hoc insigne & præcipuum, quod tamen in hac vrbe non
obseruatur, quod mirum est) de quo instituto diligenter hic
exponit Aristoteles, esse id vtile quidem & vsitatum, ratione

Πολίτης
γνήσιος καὶ
νόθου.

tamen & modo vsurpandum. Modus autem, quo ciuium
multitudo in ciuitate effici possit, quoque veteres demagogi
& tribuni plebis vterentur, hic est: si in ciuium numerum re-
ferantur nō tantum veri & genuini, sed etiam nothi siue spu-
rij, hoc est; si omnes in ciuium numerum recipiantur, siue v-
troq; parente ciue sint nati, siue altero tantum. Sic enim ve-
teres ciuium duo faciebant genera: alij vt essent γνήσιοι siue
germani & veri, qui nati essent ex vtroq; parente ciue: alij di-
cerentur nothi siue spurij ciues, qui altero tantum parente,
vel patre vel matre, essent nati; de quo ciuium discrimine

explicatum est *supra lib. 3. cap. 3. & cap. 1.* Quomodo & De-
mosth. interdum & Plutarch in Themistoc. & in Pericle ciues
distinguit, & Eurip. Hippolytum natum ex Theseo ciue &
Antiope peregrina nothum vocat, in Hippol. ὁ ἀποβέβηκεν
μητρὶ, &c. Quod discrimen diligenter Athenis & in reliqua

*In vlt. De-
mocratia
huius dis-
criminis nō
habenda
est ratio.*

Græcia seruabant: adeo, vt qui ex altero tantum parente es-
sent nati, fere pro peregrinis haberentur, maxime in Rebusp.
melioribus. Nam in deterioribus, vt in ea, de qua hic agitur,
Democratia, eius discriminis non magna habebatur ratio.

Quare & Aristoteles hoc loco huic deterrimæ Democratia accom-

accommodatum ait esse hoc institutum, ut nulla eius discriminis habita ratione omnes, siue utroq; parente siue altero nati, in numero ciuium & æquo iure habeantur. Sic enim fiet, ut maior sit ciuium numerus. Erat & Romæ usitata alia *Augēdi na-*
meri ciuiū augendæ multitudinis ratio, quam laudet magnopere Dionys. Halicarn. Nam Romani non tantum eos, qui paren- *alia ratio*
Romanis te siue utroq; siue altero tantum essent nati, sed etiam plane *usitata.*
 peregrinos facillime iure ciuitatis donabant. Qua ratione ef-
 fecerunt, ut ciuitas Romana esset frequentissima, quæque,
 etiam clade aliqua accepta, facile de suis ciuibz exercitum
 supplere & restituere posset. Id quod Lacedæmonij non po- *Lacedæmo-*
 tuerunt propter ὀλιγανθρωπίαν, ut dictum est *supra lib 2. c. 7. nū.*

& pulcre, ut dixi, *Dionys. lib. 2. antiq. Rom.* Ratio autem, *Ratio, cur*
 cur ciuium multitudo ac frequentia huic vltimæ Democra- *multitudo*
 tiæ sit accommodatissima & vtilissima, est hæc. Quod *ciuium vl-*
 ea frequentia plebis multitudo augeatur & proinde magis *tima De-*
 confirmetur: cum parua multitudo & plebs exigua faci- *mocratia*
 le opprimi etiam à paucis potentioribus, & superari possit. *utilis sit.*

Εἰώθεσι μὲν ἔν.] Pergit Aristoteles explicare de ea ratio- *Mod⁹ quis*
 de siue instituto huic Democratia conseruandæ vtilissimo; *tenēdus in*
 ac docet, qua fini & modo recte eo instituto sit vtendum. *hoc insti-*
 Nam ait, demagogos siue tribunos plebis eo quidem vti so- *tuto.*

litos, sed sæpius abuti, & sine modo ciuium multitudinem
 ac numerum amplificare: non minus autem vitiosum esse,
 nimium augere ciuium numerum, quam parum. Nam,
 ut iam dictum est, parua plebs & ciuium multitudo faci-
 le superari potest: nimia siue magna affert & magnam con-
 fusionem, & principes facilius ad seditionem concitat, ut
 mox explicabitur latius. Modum igitur hac in re salutarem
 affert & præscribit Aristoteles, quanta nimirum ciuium mul-
 tudo esse debeat in hac Democratia, quemque modum
 excedere non liceat. Nam alioqui de alijs Rebus publicis &
 maxime de optima, quæ & quanta ciuium multitudo esse
 debeat, diligenter explicatur *supra libro 2. capite 7. & infra*
libro 7. capite quarto. De hac igitur Democratia tantum *Modus.*
 hoc loco cum modum præscribit, ut multitudo siue plebs
 numero superet & principes & mediocres: ut (inquam)
 hic infimus plebis & ciuium ordo, licet vnus, utrosq; tamen
 reliquos & principum & mediocrium vincat ac superet. Sa-
 tis esse vult, si vnus plebis maior sit multitudo, quam sit
 duo-

Ratio.

duorum ordinum reliquorum. Huius autem modi, id est, cur (inquam) tanta saltem plebis multitudo esse debeat, ut utrumque illum ordinem numero superet, ratio hæc est: Quia alioqui si duo illi ordines coniuncti eam efficerent multitudinem, quæ plebem ipsam numero superaret; facile coitione & conspiratione illi facta opprimerent, ut potentiores, ipsam plebem. Et hunc quidem modum numeri civium siue plebis, ut maior sit reliquis duobus ordinibus hic præscribit Aristoteles in Democratia. In alijs quoque Rebus pub. eundem præscribit modum, ut in Politia. In qua Reipub. specie mediocres dominantur, iubet mediocrium eam esse multitudinem, quæ reliquis duobus ordinibus, principum & plebis, sit maior, aut saltem altero ordine, ut dictum est *supra*

In Politia.

libro quarto, capite undecimo. Huc quoque pertinet præceptum politicum, quod in hoc opere valde celebratur; de quo dictum est *supra lib. 5. cap. 9.* eum ordinem siue partem Reipublicæ, quæ istam Rempub. & statum præsentem saluum & incolumem velit, reliquis partibus & ordinibus potentio-rem & maiorem esse debere.

Regula generalis.

libro quarto, capite undecimo. Huc quoque pertinet præceptum politicum, quod in hoc opere valde celebratur; de quo dictum est *supra lib. 5. cap. 9.* eum ordinem siue partem Reipublicæ, quæ istam Rempub. & statum præsentem saluum & incolumem velit, reliquis partibus & ordinibus potentio-rem & maiorem esse debere.

1. Incommodum nimium aucta multitudinis.

Ἰσχυρὰ βέλτερες, ὅς.] Ex nimia plebis multitudine duo consequi incommoda iam diximus, quorum alterum est confusio siue ἀτάξια, quod incommodum siue malum potius est gravissimum, & unde sæpe interitus Democratia solet existere, ut explicatur *supra lib. 5. cap. 3.* De hac quoque confusione ex nimia populi frequentia siue multitudine & *infra lib. 7. cap. 4. in fin.*

2. Incommodum.

Καὶ τὰς γυναικας.] Alterum est incommodum nimiae multitudinis, motus siue concitatio principum ac diuitum. Nam ex nimia populi multitudine fieri plerumque solet, ut principes eam indigne ferant. credo, quod populus, ut frequentior, ita & potentior, & proinde plerumque petulantior etiam in principes ac nobiles diuitesque esse consueverit. Unde odia ac simultates, & tandem seditiones ac motus existunt, nolentibus amplius principibus plebis ac multitudinis gravem petulantiam ferre, & graves opes ac potentiam. Id quod exemplo Cyrenarum, ubi hac de causa gravis exorta fuerit seditio, confirmat. Adiungit autem elegans velut epiphonema Aristoteles; cur principes parvam, vel etiam modicam & mediocrem plebis multitudinem ferant: magnam & nimiam non ferant: Quia, inquit, paruum malum latet

Exemplū.
γυναικας.

& con-

& contemnitur: maius factum nō item. Cernitur (inquam) & incurrit in oculos. Sic & *supra lib. 5. ca. 4. in princ. & ca. 7. in fin.* dictum est, minima in Repub. peccata eo esse periculosa, quo facilius latent & contemnuntur.

Ἐκ δὲ τῶν τοιαύτων.] Alia instituta & consilia huic De- 2. Modus
 mocratiae utilia ac necessaria hic Aristoteles persequitur, & *stabilienda*
 primum ea, quibus olim Athenis est usus Clisthenes: deinde *ultima De-*
 ea quoq; , quibus Tyranni in Tyrannide sua stabilienda uti *mocratia.*
 solent: postremo & alia complura, de quibus *cap. proxim s.*
 Clisthenis autē instituta Democratica 4. aut 5. fere hic expo-
 nuntur: tribuum maior numerus & curiarum: sacrorum
 priuatorum in publica & communia commutatio: ordinum
 permixtio seu confusio, & sodalitatum interitus. De quibus
 ordine ac deinceps explicabitur.

Οἷς Κλεισθένης τε.] De Clisthene Atheniensi (Fuit enim *De Clisthe-*
 & alter Sicyonius, uterq; in sua Republ. princeps, de quibus *ne Athen.*
late Herod. lib. 5.) dictum est *supra li. 3. cap. 1.* Eum una cum
 Aristide Rempub. Atheniensium, 30. Tyrannis per Thrasyl-
 bulum pulsus ac deletis, instaurasse; ita tamen, ut non vete-
 rem, & à Solone institutam Democratiam primi & optimi
 generis, sed longe deteriore, aucta nimium populi seu ple-
 bis potentia, instituerint. Cuius rei meminit & *Plutarch. in*
vita Aristid. Clisthenem postea secuti & alij, ut Pericles E-
 phialtes, Lycurgus, Demosth. ipse, &c. in gratiam plebis,
 rebus omnibus ad eius libidinem reuocatis, extremam tan-
 dem ac nequissimam, de qua hic agitur, Democratiam red-
 diderunt: de qua toties conqueritur Isocrates populumque
 hortatur ad restituendam veterem siue Soloniam Democra-
 tiam.

Καὶ αὖτις κυρῶν.] Ait, eos, qui Cyrenis (quæ vrbs *Cyrena.*
 caput est Cyrenaicæ regionis, Ægypto contermina in Afri-
 ca) Democratiam, sublata fortasse vel Aristocratia vel Oli-
 garchia, induxerint, ijs consilijs & institutis usos esse, quibus
 usus sit & Clisthenes, quæque huic ultimæ Democratiae sint
 pernecessaria; de qua re amplius quærendum.

Φυλαί τε ἑπεὶ ποιητέα.] Vnum Clisthenis institutum, 2. Modus.
 firmandæ & augendæ populi potētiæ peridoneum, tribuum *Tribuū &*
 & curiarum multitudo, exponitur. Nam *Pollux lib. 8. Ono-*
mast. ubi de tribubus & curijs Atticis docet, Athenis primo *curiarum*
 quatuor duntaxat tribus, deinde aucto per Clisthenem ea-
 rum

rum numero, factas fuisse decem. Et centum post Clisthenē annis in gratiam Demetrii Regis Macedonum (vt & *Plutarchus* ait in *vita Demetrii*) duas præterea fuisse decē prioribus adiectas & continuo rursus sublatas. Sic & Romæ initio tres tantum tribus, vnde & nomen habent, teste *Varrone lib. 4. de lingua latin.* fuerunt. Et tandem, aucta populi potentia, factæ 35. Cur autem tribuum multiplicatio Democratiæ sit utilis, causa hæc esse videtur: tum, quod inde optime intelligatur populi magnitudo ac numerus; tum, quia plures hac ratione magistratus siue curationes, vt tribuum præfecti, & id genus alij, instituantur. Quæ res plebi est pergrata. Tum denique, quia omnis tribuum institutio Democratiæ sit imprimis utilis: propterea quod conuentibus & sæpe conuiuijs tribuarijs inter ciues amicitia & concordia optime alatur: cum in Regnis seu Monarchijs hæc distinctio per tribus plane sit inutilis, vt diximus *supra libro quinto, capite 10.*

Φρατρία,
τρίτῃαι,
curia.

Καὶ φρατρία.] Quas Græci vocant *φρατρία* & *τρίτῃαι*, de quibus *Pollux* eo loco: eas docet *Dionys Halicarn. lib. 2.* & *Plutarch. in Romulo ac Numa* esse, quæ Romanis dicuntur curiæ. Erant autem & Athenis & Romæ 30. vt ex *Polluce* eo loco, *Liuius* & *Cicer.* perspicuum est in plurimis locis.

3. Modus,
Sacrorum
priuatorū
in publica
commuta-
tio.
Ratio.

Ἰσίων ἱερῶν.] Alterum Clisthenis institutum in sacris est positum, quo sacra priuata commutentur & conuertantur in publica. Notum est enim ex *Cicer. lib. 2. de legib.* & *Plutarch. in Alcibiade* & in alijs locis, Romæ & in Græcia sacra fuisse & priuata siue familiarum propria, quæ & familiaria, & publica. Cur autem hoc institutum huic Democratiæ sit utile, causa hæc esse videtur; quod populare sit ac Democraticum, omnia facere communia, nec permittere, vt præter cæteram populi multitudinem pauci quidam, vel antiquitate generis vel diuitijs præstantes, sua sibi sacra quædā priuata habeant. Ex hoc (ni fallor) Clisthenis instituto, de tollendis sacris priuatis, illud est, quod veteres historici, *Xenoph. Plutarch. Cornel. Nepos in vita Alcibiad.* commemorant, Alcibiadem, quia domi suæ sacra faceret, absentem in Sicilia capitis domi accusatum, in exilium abiisse.

4. Modus,
Ordinum
confusio.

Καὶ πάντῃ σοφιστέον.] Et hoc quoq; proprium singulare Democraticum institutum esse potest, etsi verius commune videtur, & reliqua singularia complecti: quo iubet *Aristoteles*

les

les omnia fere ordinum discrimina tolli, & populum ita inter se permisceri, nulla vt aut certe peregrina vel generis vel diuitiarum vel doctrinæ, &c. ratio habeatur. Id quod Romæ quoq; ita accidisse, Aristocratia siue Oligarchia paulatim in Democratiam conuersa, videre licet *passim in Liuiio*. Nam cum primis temporibus ea religione & cautione patricij à plebeis se diuiderent, vt contaminari gentem patriciam dicerent, si vel plebeia in patriciam gentem vel contra enuberet, nullumque (vt veteres loquuntur) inter plebeios & patricos esset connubium: Sacra quoque alia essent patricia, alia plebeia, item & magistratus & cætera: seditionibus populi & actionibus tribunorum res eo tandem perducta est, vt nomine tenus hoc patriciorum ac plebeiorum discrimen remaneret: cum omnia eius discriminis iura essent confusa, siue cum populo etiam communicata.

Exemplū.

Αἱ δὲ συνήθειαι.] Verbo συνήθειαι, obscurum est, quid Aristoteles intelligat. Interpretes consuetudines fere reddūt. Videtur autem societates siue sodalitates & factiones, vt Romani vocant, diuitum & potentiorum intelligere, quas vtile sit abolere & dissoluere in Democratia. Quod idem præceptum & Tyrannidi conducere docuit *supra lib. 5. cap. 11.* Eadem autem & huic Democratia deterrimæ & Tyrannidi conducere, mox explicabitur. Cur autem societatum & sodalitatum dissolutio & abolitio his Rebus publ. conducat (de potentiorum potissimum coniunctione & consuetudine loquimur) causa hæc est; q̃ simulatione sodalitatū coniurationes & seditiones facile exoriantur; vt *eo loc.* late explicauim⁹.

5. Modus.

Ratio.

Ἐκ δὲ τῶν.] Afferit Aristoteles & alia instituta huic Democratia perutilia. Ait autem, instituta & præcepta Tyrannica, de quibus copiose & distincte *supra* est explicatum *lib. 5. ca. 11.* eadem quoq; esse popularia siue populari huic Reipub. utilia. Eius autem generis instituta & præcepta Tyrannica (inquam) cum alia multa *eo capite* sunt explicata: tum hæc duo, quæ & hic commemorantur, & seruorum licentia, & licentia atq; imperium mulierum & liberorum. Quæ duo tamen ad vnum caput, id est, licentiam in victu & communi vita referri possunt. Cur autem hæc magna licentia tam liberorum hominum quam seruorū, mulierum quoq; petulātia & lasciuia, breuiter, viuendi potestas vt quisque velit, & impunitas; cur hæc (inquam) Democratia sint utilia, ratio & causa

6. Modus generalis.

1.

2.

*Ratio.**Approbat.**Incommo-
dum huius
modi.**Ratio, cur
eadem sint
præcepta
tyrannidis
& ultima
Democra-
tia.*

causa ab ipso Aristotele hic exponitur: quod hac via multi acquirantur seu comparentur, qui huic statui, quo talis licentia permittitur, optime cupiant, eumq; auctum & conseruatum velint. Ea namque natura & indoles est hominum, ut magis hac viuendi licentia, quam libertatem ipsi vocant, nullisq; frenis & legibus constricta ratione gaudeant, quam modestia & statu seu imperio seu eris legib. & ad bonos mores ac modestiam accommodatis temperato. Pauci scilicet sunt boni & modesti; pleriq; omnes sumus deteriores licentia, inquit Terentius. Vtilis est igitur huic statui populari ea vitæ & victus licentia siue libertas: quæ tamen quia plerumque in petulantiam & effrenatam libidinem degenerat: fit sæpenumero, ut nimia ea libertas Democratica in extremam conuertatur seruitutem, ut præclare docet *Plato lib. 8. de Republica*. Qua de re, id est, de hac libertate & licentia populari & supra à nobis est explicatum *hoc libro, cap. 2.* Cur autem eadem instituta & præcepta tam conueniant Democratiæ quam Tyrannidi, causa prioribus libris sæpe explicata hæc est: quod inter hæc duo Reipub. genera summa sit affinitas & cognatio: adeo quidem, ut hæc Democratiæ extrema & Tyrannidis nomine appelletur, & ipse populus huius dominationis princeps à *Cic in libris de Reipub.* nō alio commodiore nomine, quam Tyrannidis, dicatur.

CAP V T V.

MONVI iam aliquoties, libros Aristotelis multis in locis non satis docte vel apte in capita esse distributos: id quod & hoc loco vsu venit. Nam quæ hoc cap. explicantur, à prioribus minime diuidi possunt. In eadem namq; re versatur Aristoteles, & persequitur ea instituta & præcepta, quæ ultimo ac deterrimo huic Democratiæ generi ac statui recte instituendo & conseruando maxime sint vtilia.

TEXTVS.

Munus autem & opus legumscriptoris & Politici hominis & eorum, qui talem Rempublicam instituere velint, nō illud est maximum aut vnum solum, eam instituisse: sed potius, ut conseruetur. Neq;

Neq; enim difficile factu est, vnum vel duos vel tres dies incolumes remanere, qui vel qualiter Republica vtantur. De quibus disputatum est supra, quæ sint causæ salutis & interitus Rerump. ex his conādum est stabilitatem efficere: ijs quidem, quæ interitum seu perniciem afferunt, vitatis: ijs vero legibus (tam scriptis quam non scriptis) latis, quæ contineant ea, quæ Rebuspub. sint salutaria. Neq; existimandum, hoc esse populare vel Oligarchicum, quod ciuitatem reddat maxime popularem vel Oligarchicam, sed quod longissimo tempore. Sed enim qui nunc sunt demagogi (nostræ ætatis) dum student populo placere, multa iudicijs publicant. His igitur ij, qui Reipub. curam gerunt, (quibus Respub. curæ est) obsistere debent, & legibus cauere, ne quicquam eorum, qui damnantur, & qui debent Reipub. in publicum ærarium, sed in sacrum referatur. Nam & facinorosi nihilominus à delinquendo cauebunt (æque enim multabuntur) & plebes (plebs, populus) vt nihil acceptura, minus vertetur ad condemnationem eorum, qui in iudiciū adducti fuerint. Præterea curandū, vt publica iudicia semper sint seu fiant paucissima, magnis pœnis in eos, qui temere accusarint, institutis. Non enim plebes, sed patricos seu principes solent accusare.

C O M M E N T A R I I.

[*Ἐν δ' ἑξῆς τῷ*] Diximus, Aristotelem ea, quæ ad vltimæ Democratiæ descriptionem & constitutionem pertinet, hoc quoque in loco persequi. Affert autem hic, veluti præmunionis loco, præclaram sententiam de vero boni legumlatoris & rectoris Reipub. officio. Nam veri & sapientis Politici *Politici of-* officium esse ait, siue in eo positum esse, non solum, vt Rem-*ficium.*
Fff
pub.

Ratio.

pub. describat & instituat: sed in eo potius, ut ita describat eam, ut perpetua, stabilis ac firma esse possit. Ut enim leges, imo etiam opificum opera tempore & perpetuitate explorantur: ita & Politici opus Reip. stabilitate & firmitate maxime aestimatur. Sæpe enim fortuna seu casu aliquid fit recte: sed ut idem stabile ac firmum permaneat, id vero sapientis artificis est opus ac munus. Quo pertinet & illud, quod vulgo dicti solet; *Non minor est virtus quam quaerere, parva tueri.*

Casus inest illic, hic erit artis opus.

1. Exempl.**2. Exempl.****Exempla contraria.**

Hinc olim laudata fuit sapientia Lyncurgi, cuius Resp. Lacedæmone instituta aliquot sæcula duravit, Romanorum quoque sapientia eo nomine laudari solet, qui magnum ac diuturnum imperium condiderint. Contra vero Hunnorum, Scytharum, aliarumque barbararum nationum merito vituperatur imprudentia, qui regna & provincias occupare quidem potuerint: sed Remp. in ijs constituere diuturnam, quæque occupassent, tueri non potuerint. Hoc igitur sapientis Politici est opus & munus, ut condant Rempub. quæ maxime stabilis ac diuturna sit

Quam ratione Resp. firma reddantur.

futura. Quam a. ratione & via id assequi possit, monet hic vno verbo Aristotel. nempe ut ea præcepta, quæ de incolumitate & interitu Rerump. priore libro sunt explicata, norit ac teneat: h. e. ut ea, quæ pestem & perniciem Reip. spectant, vitet aut tollat: ea, quæ ad salutem, diuturnitatem & incolumitatem pertinent, ut ea (inquam) in Remp. introducat, eaque tam legibus quam moribus & institutis complectatur. ea autem in utramque partem, i. e. tam pestifera quam salutaria præcepta quæ sint & qualia in omni Reipub. genere, accuratissime *supra* est explicatum. Ex quibus tamen & hoc loco vnum aut alterum commemoratur, quo ad hanc Rempub. de qua hic agitur, id est, Democratiam ultimam.

**Νόμοι ἢ ἀ-
γραφοί, ἢ
γεγραμ-
μένοι.**

Νόμοι καὶ τὰς ἀγραφὰς.] Ita Græci leges diuidunt, sæpe Plato & Aristoteles quoque lib. 1. *Rhetor* ἀγραφὰς vocant & πα-
τεῖα ἔσθι. Romani vocant ius scriptum & non scriptum, id est, instituta & mores siue consuetudines.

Καὶ μὴ νομίζεν τῶν.] Hoc illud est præceptum, quod diximus hic iterari, licet priore libro iam explicatum, quod pertinet ad constitutionem Democratiae & etiam Oligarch. Nam de hoc utroque Reip. genere hoc potissimum libro explicatur de quo præcepto *supra* diligenter est explicatum lib. 5. c. 9. ibi: *ἡ ἀρχὴ καὶ τὰ ἵλαται οὐ μὴ λαοθάλασσαν, &c.* Et primum quidem eorum,

eorum, qui sua ætate Rebusp. maxime popularib. & Oligarchicis præessent, peccata in h. præcepto exponit. Eos namq; existimasse optime tunc cum Repub. agi, populiq; potestatem optimo esse in loco, si omnia sub eius (populi, inquam) potestate subijcerentur, eiusq; imperio & arbitrio vniuersa administrarentur: Oligarchiamq; eam esse optimam, si nihil legib. sed omnia paucorum, qui Reip. præessent, arbitrio, ac libidine fierent: quo errore & peruersa opinione imbuti & incitati demagogi eius ætatis, siue tribuni plebis, & oratores cum omnia ad plebem pertrahebant, eamq; ipsis legibus superiorem reddebant: tum plebi assentantes, gratiamq; popularem captantes, multa conquirebant & reperiebant, quæ populo grata esse crederent. Vnde sæpe iniusto more & exemplo locupletiorum bona inuadebant, eaq; populo propinabāt, calumnijs & iniustis accusationib. locupletioribus inius pertractis, & apud plebem damnatis. Erant & aliæ, præter has iniustas accusationes & bonorum publicationes, demagogis illis & tribunis plebis vsitatae ad blandiendum populo calumniæ & viæ: nouæ tabulæ, leges agrariæ, & leges frumentariæ: de quibus nos *supra* quoq; li. 5. c. 5. vbi de his demagogis, eorumq; calumnijs diligenter explicauimus. Nā hoc loco de iniustis tantum accusationibus & bonorum publicationib. agitur. Recte igitur Aristoteles laudem Democratiæ vel Oligarchiæ nō in eo, vt omnia sub earum potestatem & imperium subijciantur, sed in eoveritus positā & sitam esse ait, si quā diutissime stet incolumis, & firma permaneat.

Διὸ δὲ τῶς Γεραι.] Aureum Aristotelis præceptū sequitur, in quo aliquando animaduerti in hac vrbe, Gallia, & toto fere orbe terrarum peccari. *Imp. Iustinianus* bonorum publicationem sustulit, hodie eo iure non vtimur. Galli dicunt; Qui confiscat corpus, confiscat etiam bona. Id quod multi experti in Gallia ante triennium in seditione illa, vbi debitores creditores suos sub prætextu hæreseos interfecerunt, vt liberarentur à pecunia, quam ipsis debebant.

Διὸ δὲ τῶς Γεραι.] Exponit iam Aristoteles suum consilium, quod sane est saluberrimum aduersus eas bonorum publicationes, quib⁹ ea ætate demagogi vtī solent. Est .a. duplex via & ratio, qua ijs calumnijs obuiatur. Prior est, vt multæ damnatorum non in fiscum redigantur, sed in sacrum dedicentur. Altera est, vt publica iudicia efficiant paucissima,

seu 8. Mod⁹ vt sint rariora. Ex priore hoc commodum docet consequi,
stabilienda quod populus siue plebes iudex in his publicis iudicijs non
Democra- tam erit procliuus & facilis ad reorum condemnationem:
tia vltima. propterea quod ex ea sciat nihil se commodi aut vtilitatis
Effectus percepturam: multa videlicet non in populi fiscum & vtili-
primi. tatem, sed in sacrum redigenda. Quod autem ad ipsos reos
Ratio. vere fontes attinet, siue multa in fiscum siue in sacrum dedi-
 cetur, nihil interest. Peræque enim multabuntur, & peræ-
 que graue eis erit, multam persolvere. Hoc tantum agitur,
 vt ne infontes calumnijs & iniustis accusationibus vexentur
 à demagogis, & populo locupletum bonis inhianti iniuste
 condemnandi tradantur. Eodem pertinet & altera cautio si-
 ue ratio de numero iudiciorum publicorum deminuendo.

*Ratio se-
cundi.*

*Quonā pa-
cto secundū
remedium
obtineri
possit.*

*De calu-
mniatorib.*

Quo enim ea erunt pauciora: eo minus vexabuntur ditiores,
 minorq; erit occasio eorum bona occupandi specie iuris &
 iudiciorū, qua demagogi & plebes vti solent, vt iam dictum
 est. Vt autem pauca sint hæc iudicia, modum quoque & ra-
 tionem ostendit, nempe si graues multæ aut poenæ in calu-
 umniatores siue iniustos accusatores statuantur. Ijs enim te-
 meritas litigantium (vt vocant I Cti) & calumniatorum au-
 dacia siue impudentia frenari solet. Qua de re quemadmo-
 dum Athenis & Romæ diligenter olim cautum fuerit, expo-
 nitur à Polluce lib. 8. & à I Cti tit. Pand. ad SC. Turpil. &
 sub tit. de calumniatorib. & sub tit. Inst. de poen. tem. litigant.

Hoc autem sapientissimum Aristotelis consiliū bimembre
 non tantum Democratiæ, de qua hic agitur, sed omni impe-
 rio ac Reipub. salutare esse videtur. Nam & in regnis idem v-
 su venire solet, vt accusationes publicæ, si vtilitas inde tam ad
 accusatorem quam ad fiscum aliqua redeat, sint frequentio-
 res; si nulla redeat, sint maiores (hac de causa hic etiam cre-
 bro & facile homines conijciuntur in carcerem: maxima
 enim inde vtilitas redundat ad Magistratum.) Quare & im-
 perio Romano minuendarum accusationum causa *Imp. Iu-
stinianus in Nouell* bonorum publicationem sustulit huma-
 nissima & clemētiss. institutione. (Hodie eo iure nō vtimur.)

T E X T V S.

Oportet autem Reipub. quoq; omnes quidem
 ciues optime cupere: sin minus, saltem principes
 non videri inimicos.

COM-

COMMENTARI.

Δεῖ γὰρ καὶ τῇ πολιτείᾳ.] Aliud populari huic Reipub. saluta- 9. *Modus.*
re consilium hic breuiter exponitur. Danda enim est opera,
vt erga Rempub. vel omnes ciues bene sint affecti, eiusq; cō-
seruandæ & amplificandæ studiosi, vel certè, vt principes, ijq;
qui reliquis sapientia, genere ac diuitijs antecellunt. Nam vt
elegantè monuit *supra lib. 5.* Principium est dimidium to-
tius. Male enim affecti principes ac ditiores, rerumq; noua-
rum cupidi, facile reliquos ordines inferiores ad eandem pe-
stem ac perniciem secum trahunt, vt *supra explicatum lib. 5.*
cap. 4. Sed de hoc præcepto siue consilio quod item, vt prius,
optimum & aureum esse certum est, ab ipso Aristot. & à no-
bis multis in locis *supra* est explicatum, vt *li. 4. c. 9. in fin. &*
cap. 12. & li. 5. ca. 9. & li. 2. ca. 7. ibi; συνέχῃ μὲν ἂν τὴν πολι-
τείαν, &c.

TEXTVS.

Quia autem vltimæ Democratix & celebres
sunt seu frequentes, & difficile factu est, vt ad
conciones ventitent sine mercede: id quod, nul-
lis vectigalibus publicis, graue est principibus (ne-
cesse est enim, & ex collatione & ex publicatione
& ex improbis iudicijs colligi, quæ multas iam De-
mocratias euerterunt) Nullis igitur redditibus siue
vectigalibus publicis, paucas conciones & iudicia
fieri oportet, multorum quidem, sed paucos dies.
Id enim & hoc affert, vt diuites non metuant sum-
ptus, si ditiores quidem non accipiant sportulam
iudicialem: tenuiores vero accipiant. Affert &
hoc, vt iudicia multo melius exerçantur. Nam
ditiores multos dies à suis rebus abesse nolunt,
paruo tempore non grauantur. Quod si erunt
publica vectigalia; non id faciendum erit, quod
iam demogogi factitant. Ea enim quæ supersunt,
diuidunt (populo scilicet tenuioribus) simul au-

tem & capiunt, & rursus iisdem egent. Tale enim præsidium tenuioribus est pertusum dolium. Quin potius vere populari videndum est, ut ne plebs nimium egeat. Hæc enim causa est, cur Democratia sit vitiosa.

C O M M E N T A R I I.

10. Modus.

Conciones
Græcorum.Sportula in
dicum &
concioneis.

Ratio.

ῥωρεῖν,
ἐκκλησια-
στικόν, δικα-
στικόν.* for. in-
stituti.1. Vitium,
quo dema-
gogi com-
pararunt
pecunias
hisce sport.

Ἐπεὶ δὲ αἱ τελευταὶ.] Aliud affert Aristoteles consilium, huic Democratia, de qua agitur, id est, ultimæ maximeque vitiosæ & infirmæ, constituendæ ac firmandæ necessarium, ac salutare, de concionibus bene & utiliter instituendis ac moderandis. Nam, ut sæpe alias monuimus, apud Græcos popularium imperiorum vis omnis atque potestas in concionibus erat posita. De iudicijs quoque adiungit, quæ optima ipsorum ratio esse videatur: de quibus ipsis & modo nonnihil explicatum est, quamvis hic de priuatis potissimum, *supra* de publicis agi videatur. Hoc autem Aristotelis consilium ut melius intelligatur, repetendum est id quod alias explicatum fuit *li. 2. c. ult. & li. 4. ca. 13 & li. 5. c. 5. alijsq; in locis*: Græcorum hoc fuisse institutum in concionibus & iudicijs, ut cuique de plebe ad conciones & ad iudicia (qui modo iudex esset lectus) sportula quidam seu mercedula ex ærario publico daretur, ut etiam ad ludos & theatra convenienti. Cuius instituti quæ ratio & causa fuerit, ijs quoque in locis explicatum est: ut nimirum hac mercedula inuitati tenuiores, relicta opera domestica, ad conciones, &c. frequentiores & promptiores conuenirent. In ea namque frequentia ipsius firmamentum ac robur status seu Reip. erat positum, h. e. ut plebs quo frequentior, eo esset, ut ita dicam, dominantior, & plus posset. Quæ sportula siue mercedula, pecuniola varijs nominibus, ῥωρεῖν, ἐκκλησιαστικόν, δικαστικόν, &c. à Græcis dici solet, ut alias dictum. Hæc igitur eius * iudicij ratio fuit & utilitas, populari Reip. accommodata & propemodum necessaria. Eius autem vitium quoddam Aristoteles & *supra* indicauit *li. 5. c. 5.* & idem hic quoque explicat, eique quæadmodum occurri possit, exponit; quod est illud salutare, ut dixi, consilium de moderandis concionibus & iudicijs in hac Democratia. Vitium igitur hoc esse docet, idque duplex, pro duplici ærarij statu. Vel enim, inquit, ærarium est locuples, vel est tenue. Si tenue est, & nulla sunt publica aut certe perexigua vectigalia: omnia hæc onera recidunt in ditiores, & quæ sportula

rula ex ærario sumi non potest, ex priuatorum bonis ditiorū
 sumitur & eripitur. Quam ad rem Tri. pl. siue demagogi iniu-
 stis & sceleratis quibusdā rationibus siue artibus vti solent, vt
 tributū indictione, vt publicatione bonorū, vt onerib. & mu-
 neribus quibusdā publicis, apud Græcos vñtatis, de quib. di-
 ctum *supra li. 3. c. 5.* Trierarchia, Lampadarchia, Chorigia:
 de quib. dictum *supra li. 5. c. 8. in fin.* quæ quidem onera prin-
 cipibus viris & ditiorib. necesse est accidere grauissima, ma-
 ximeq; eam bonorū publicationē, quæ ex improbis & nefa-
 rijs iudicijs existere solet. Nam, vt paulo *supra* dictū est, tri-
 buni plebis seu demagogi multitudini studentes gratificari,
 & inhiantes bonis principum, & eorum, qui rem habent, ca-
 lumnijs illos in iudicia, in quibus plebs tanquam domina
 Reipub. dominatur, pertrahere & opprimere solent. Qua ex
 re fit, vt iudicia sint corruptissima. Quanta autem hæc sit
 Reipub. pestis, iudiciorum corruptela, explicatum est *eo cap.*
lib. 5. Recte vt hic dicat Aristoteles, hac vna re multas De-
 mocratias esse euersas. Nam ditiores & principes viri vel
 exuti bonis, vel etiam pulsi patria, ijs (inquam) grauissimis
 iniurijs & contumelijs excitantur & conspirant ad statum
 popularem delendum. Quod si ærarium diues sit, publica q;
 sint satis multa vectigalia, vnde plebi tantæque multitudini
 sportula sua cuique præberi possit: alterum nihilominus vi-
 tium suæ ætatis & hic notat Aristoteles, nimirum largitio-
 nem tribunorum siue demagogorum, quos ait, quod præter
 stipem siue sportulam eam in ærarijs Reipub. esset reliquum,
 totum quoq; dilargiri solitos; de quibus largitionibus dema-
 gogorum, alijsque eorum vitijs dictum est & *supra lib. 4. cap.*
4. & grauissime conqueritur *Isocr. in orat. de pace, his ver-*
bis; τῶν μεγάλων δὲ, εἰ μὴ δυνάμεσσι, &c. Et hæc quidem sunt
 vitia & incommoda in concionibus & iudicijs. Ea autem
 quemadmodum tolli possint, consilium viamq; & rationem
 hic exponit. Nam priori quidem vitio, quod propter nulla
 publica vectigalia nasci solet, hanc medicinam adhiberi sua-
 det Aristoteles, vt, si nulla publica sint vectigalia, & concio-
 nes fiant siue habeantur rariores, & iudicia sint breuiora.
 Nam quo pauciores siue rariores erunt conciones: eo &
 minor erit plebis autoritas ac potentia, quæ in concioni-
 bus dominabatur: & minori ad sportulas opus erit pecunia.
 Quæ res faciet vt ditiores minus onerentur contributionib⁹

Iudiciorū
 corruptio

2. Vitium,
 quo dema-
 gogi pecu-
 nias public.
 dilargiun-
 tur & pro-
 digunt.

1. Remediū.

Utilitas concionum rariorum.

Utilitas iudiciorum breuiorum.

Ratio.

2. Remedium.

Paupertas ciuium quæ noxia sit ciuitatib.

ad sportulam & stipem illam necessarijs. Hæc igitur insignis est utilitas, quæ ex rarioribus & infrequentioribus concionibus consequitur; minor plebis potentia, & minora ditiorum onera. Ex breuioribus autem iudicijs, & litibus non diuturnis illa consequitur utilitas, ipsa ut iudicia longe melius exerceantur & incorruptius & imprudentius. Quid ita? Quo enim erunt breuiora, eo iudices præerunt ijs sapientiores & honestiores, non tantum de plebe, sed ipsi quoque principes Reipub. ac ditiores. Nam graue est ditioribus multos dies in foro & iudicijs conterere, relictis vel omissis rebus domesticis. Tenuiores, quorum res familiaris est exigua, plus habent otij, quod ijs rebus forensibus impertiantur, modo, ut victus ipsis suppeditetur, solliciti: quam sollicitudinem aufert sportula siue mercedula. Eam igitur nacti, facillime & ad conciones ventitare, & in iudicijs desidere solent. Quod contra in ditioribus vsu venit propter magnitudinem rei familiaris, & occupationes domesticas, quas more hominum publicis & forensibus negocijs anteponunt. Et hoc est quod ait; *οὐδ' ὁ πλοῦτος ποικίλ' &c.* Quod idem latius explicatum est *supra lib. 4. cap. 6.* Alteri vitio, quod in tribunitijs largitionibus positum esse diximus; cum sc. publica erunt vectigalia, præclare docet, quemadmodum occurri debeat. Atque adeo toti huic, de sportulis & tenuitate plebis largitionibus ac vectigalibus ac collationibus priuatis, negotio aut tractationi aut disputationi salutare & commune affert consilium hic. Suadet enim sapientem huius Reipublicæ rectorem ac Politicum Democratæ studiosum id inprimis curare debere, ut ne plebs nimium egeat, siue ut singulorum etiam de plebe copiarum sint mediocres ac diuturnæ siue stabiles: propterea quod omnium illorum malorum, ut calumniarum, iniustorum & improborum iudiciorum, frequentium multarumque concionum, publicationum bonorum, & collationum, aliorumque onerum diuitibus seu ditioribus imponendorum, breuiter vitiosæ Democratæ causa sit egestas. Quæ quam sit Reipub. pernitiola, & ad motus ac seditiones concitandas opportuna; dictum est & *supra lib. 2. cap. 4.* ubi & *Platonis* locum pulcherrimum ad eandem rem ex *lib. 4. de Republ.* adduximus. Quibus consentit & *Sil. Poet. lib. 13.*

Et deformè malum ac scelere procliuis egestas

Hæc igitur huic vniuerso malo, quo diximus maxime De-

mocra-

democratiam corrumpi, medicina ea est, ut quantum fieri possit, egestas de ciuitate pellatur. Id autem quemadmodum præstari & obtineri commode possit, rationes & consilia quædam adiungit, de quibus mox explicabitur. Ita mihi hic locus perspicue & ordine videtur explicandus, qui satis difficilis est & perobscurus.

Ἐπειδὴ αἱ πλουταῖαι.] Id sæpe dictum est, veteres Respu- *Democra-*
blicas ac Democrantias infrequentiores, vltimas & recentio- *tia veteres*
res fuisse frequentiores ac celebriores, *sup. li. 4. c. 6 & li. 5. c. 5. & recentes.*

Καὶ διηγεσθῆναι.] Plærique, ut & nos, vertunt: Iudicia de multis quidem rebus, sed paucorum dierum. Quorum hæc videtur esse sententia: Paucis diebus multa iudicia fieri debere, siue paucorum dierum iudiciis multa expediri, multas controuersias dirimi debere.

Ἐὰν οἱ μὲν ὀποροί.] Hæc verba vsque ad verbum, φέρεται, &c, verendum est, ne sint spuria. Tum quia eorum sententia toti orationi ac disputationi non satis conueniat, ut mox indicabitur: tum quia iis sublatis totius cursus orationis Aristotelicæ longe sit planior ac facilior. Id enim velle videtur Aristoteles; ex rarioribus concionibus, & ex breuioribus iudiciis hæc effici & consequi commoda. Ex priore quidem, quod ditiores magnis sumptibus faciendis in sportulis non onerabuntur. Quo enim rariores ac pauciores erunt concio- *Commodū*
nes, eo & paucioribus opus erit sportulis. Ex altero vero, ut *concionum*
iudicia & sanctius & sapientius exerceantur, admixtis videli- *rariorum.*
cet plebi viris sapientia ac dignitate præstantibus. Siue bre- *Commodū*
uius & ad verba ipsa accommodatius ac propius: Hoc enim, *iudiciorum*
inquit, id est, si rariores sint conciones, efficit, ut ditiores *rariorum.*
non metuant magnitudinem sumptuum. Hoc igitur, id est, ut dixi, raritas concionum, non hoc, id est, ut hic adiungitur, si ditiores non accipiant sportulam, sed tenuiores; de quo nihil plane dictum fuerat. Quanquam & hoc verum *Sportula*
est, sportulas minores fore non tantum, si & conciones sint *minores s̄*
rariores, & iudicia breuiora; sed etiam, si non omnibus iudi- *dentur te-*
cibus, sed paucis tantum, id est, tenuioribus dentur, siue præ- *nuioribus*
beantur. Quare etsi verum quoque est, quod his verbis ex- *tantum.*
primitur: quia tamen de concionibus tantum & iudiciis actum fuit, non videntur hæc verba satis huic loco conuenire. *Demagogo*

Τὰ δὲ ἀξιόλογα νέμεσι.] Et hæc in paucis obscura sunt. Vi- *rum intem*
detur tamen hæc esse sententia, quam & interpretes alii, qui *pestina per-*

uersaq; libe de Græco verterunt, exprefferunt; Tribunos plebis siue De-
ralitas: imo magogos vectigalia publica largitionibus profundere soli-
vero sacrile tos, nec satis sapienter administrare siue dispensare. Nam
gium, uti partira ea in sportulas conuertisse, partim quod reliquum e-
appellat Plu rat, & largitionibus, & epulis, & viscerationibus consume-
tarch. quic- re solitos, & partim in suum quoque vsum conuertisse, ac
quid hoc depeculatos. Quam rationem siue modum, si ratio dici de-
modo expi- bet dispensandæ pecuniæ publicæ, Aristoteles dolio pertuso
lari solet de comparat. Iis enim largitionibus plebem expleri non pos-
publico. pra se, non magis atque pertusum dolium. Nam (vt dici so-
cept. polit. let) male parta male dilabuntur, & maxime male colloca-
pag. 1466. ta. Quare & pulchre *Xenophon in libr. de tuenda re familia-*
παρὰ τὸν *ri, qui est liber quintus τῶν ἀπομνημονεύματων* (sunt alias tan-
 tum quatuor, sed hic quoque his annumeratur, vt sint quin-
 que. Hunc Cicero adolescens conuertit.) monet, boni patris-
 famil. esse, non tantum parare diuitias, sed etiam tueri & con-
 seruare. Alioqui, inquit, perinde facit, atque si cribro aquam
 hauriat, aut in dolium pertusum vina diffundat.

T E X T V S.

Curandum est igitur, vt diuturnæ sint copiæ.
 Et quia diuitibus quoque id conducit; ea, quæ ex
 vectigalibus redeunt, colligere (cogere) & vni-
 uersa egentibus diuidere oportet: maxime quidē,
 si tantum quis colligere possit, quantum sit satis ad
 agelli comparisonem: sin minus, quod sit satis ad
 mercaturæ aut agriculturæ occasionem. Atque si
 non possit omnibus, saltem vt tributim, aut per a-
 liam ciuitatis partem vicissim fiat diuisio. Interea
 autem ad conuentus necessarios locupletes oportet
 mercedem conferre, inanibus muneribus libe-
 randos. Et tali fere modo vtentes Carthaginenses
 populo vtuntur amico. Semper enim aliquot de
 plebe ad vrbes circumiectas dimittunt, eosque lo-
 cupletant. Principum autem peritorum & sapien-
 tium hoc est, tenuiores inter se distribuere, usque
 operi faciundo occasionem dare, & eo excitare.

Bonum

Bonum quoque est, Tarentinorum instituta imitari. illi namque possessiones cum tenuioribus communes, quo ad usum, faciendo, populum sibi beneuolum reddunt. Præterea magistratus omnes fecerunt duplices, ut alii quidem suffragio, alii vero sorte mandentur: sorte quidem, ut populus eorum sit particeps: suffragio vero, ut Resp. melius administretur. Hoc autem & in eodem magistratu facere licet, ita diuidendo, ut his quidem sorte, illis vero suffragio ille mandetur. De Democratiis igitur, quemadmodum constituendæ sint, explicatum est.

COMMENTARI.

Τεχνασίων ἐν, ὅπως.] Dictum est modo, omnis mali causam in Democratiis esse paupertatem siue egestatem plebis, *Boni politici* idque viro politico, & Democratiæ vere studioso, siue vere *ci est cura-* populari, maxime curæ esse debere, ut ea vel tollatur vel *re, ne plebs* minuat. Id igitur quemadmodum fieri possit, h. l. iam docet *sit egena.* Arist. ubi quatuor fere modos siue rationes plebis collocupletandæ affert. Et primo quidem hunc modum exponit, ut *1. Modus* vectigalia omnia plebi diuidantur, egentibus nimirum de *collocuple-* be. Ex qua diuisione hoc sequetur commodi, quod eodem *tanda ple-* tempore singuli egentes, multum consecuti pecuniæ, prædio- *bis.* lum siue agellum aliquem vel comparare proprium ipsi pos- *Ratio.* sunt, vel saltem conducere ad colendū, vel et merces aliquas *1.* coemere ad mercaturā exercendā. Verū quia difficile sæpe fa- *2.* ctu erit, ut in magna Democratiā, maxime si vectigalia non *3.* sint ita magna, tenuioribus tantum cuique tribui possit, vn- *In magna* de vel agrum vel merces comparare queat: suadet Aristoteli- *nimis ciui-* tes, si non singulis, omnibus tantum diuidi possit, ut *tate quid* rum tributim siue curiatim ea vectigalium publicorum diui- *faciendum.* sio fiat; ut (inquam) in singulas tribus vel curias, vel si- miles vrbis & ciuitatis partes ac membra (Romæ erant tantum Tribus & Curia. Athenis erant & Tribus & Curia, *φρατρίαι καὶ δῆμοι*) publica pecunia diuidatur. Sed enim, dicet aliquis; unde ergo suppetet pecunia ad *Obiectio.* sportulas concionales & iudiciales, unde ad grauiores *Rei-*

Solutio.

Reipublicæ vsus belli & pacis est, si omnis pecunia publica in his diuisionibus consumatur? Ea quidem difficultas, si nostra spectentur tempora, sit inexplicabilis: si Græcorum instituta, erit perfacilis ad explicandum. Nam ea onera moribus Græcorum ditiores sustinebant, vt *supra* est explicatum

1. Cautio.

lib. 5. cap. 8. in fin. quæ onera ne ditioribus sint nimia, & vt ditiores ad sportulas conferendas sint faciliores; iubet Aristot. liberari eos muneribus quibusdam sumptuosis illis quidem, sed minus Reipublicæ necessariis aut vtilibus, vt erat *χορηγία*, *λαμπαδαρχία*, aliaque id genus popularia munera: de quibus *eo cap. lib. 5.* explicauimus: vbi idem iubet Aristoteles,

2. Cautio.

quod hoc l. vt ea munera prohibeantur. Eo autem facilius quoque erit ditioribus, pecuniam ad has sportulas præbere, quo conciones erunt rariores & iudicia breuiora, vt iam *supr.* explicatum est. Hoc est, quod ait: *πρὸς τοὺς ἀναγκαίους συνόδους*, &c. vt pauca exque necessaria habeantur conciones &

**Quomodo
vectigalia
sint distri-
bueda pau-
peribus.**

conuentus, quibus sportulæ præbeantur. Cæterum quod suadet Aristoteles, vectigalia publica tenuioribus esse elargienda & diuidenda: ita intelligendum puto, vt tantum iis detur, quantum Reipublicæ vsibus superfit; ita tamen detur, non, vt Demagogi solent, particulatim & in singulos ciues pauci numi, sed maior aliqua summa non omnibus ciuibus, sed egentibus & tenuioribus diuidatur, vt *supra* dictum. Vt autem plus eo conferri ac sumi possit ex vectigalibus publicis, adiuuabunt ditiores, onera illa publica, & sumptus Reipublicæ necessarios, vt in muris ac viis reficiendis, in triremibus & exercitu comparando, &c. sustinentes.

**2. Modus
plebis collo-
cupletan-
da.**

Τοῖς τὸν δὲ πλεῖν τρέπον.] Aliam adfert rationem collocupletandæ plebis. Ea est autem, si pars aliqua plebis siue populi, eaque tenuior, in colonias mittatur, vbi domibus & agris donati locupletentur. Qua ratione plurimum Romanos v-

1. Exempl.

fos esse constat, qui propter imperii latitudinem in omnem

2. Exempl.

fere orbem terrarum colonias deduxerunt. Ait autem hic Aristoteles, eadem & Carthaginienses esse vfos, vt & *supra* dictum fuit *lib. 2. cap. 9. in fin.* vbi & hoc Carthaginiensium in-

3. Exempl.

stitutum laudat, vt hoc loco. Athenienses quoque hoc factitare solitos indicat *Libanius in argum. 8. Philip. Demosth.* Verum haud scio, an hoc institutum Carthaginiensium, ex quo hanc alteram plebis collocupletandæ rationem elicit Aristoteles, aliud fuerit, ac diuersum à deductione coloniarum, si-

**Vera huius
loci senten-
tia.**

mile

mile tamen. Nam videntur illi, quia & ipsi late imperarent, tenuiores ex vrbe Carthagine in alias vrbes finitimas sui imperii mittere soliti, iisque agros & prædia iis in locis dedisse. Qua ratione hoc assequebantur, vt plebe vterentur amica, quam habuissent alioqui inimicissimam ac infestissimam, nisi tali velut bono obiecto eam placassent. Erat enim Carthagine Oligarchia siue Aristocratia, vbi ad honores & imperia plebi non patuit aditus. Dictum est autem sæpe, plebem facilius ferre, se honoribus & imperiis excludi ac priuari, si modo in quæstu & rebus ad vitam necessariis adiuuetur, aut non impediatur.

Καχέεντων δ' ἐστίν.] Alia hæc est ratio, qua tenuioribus succurratur, quam licet vocare operis præbitionem. Ea est autem, si ditiores, eos, qui sunt de plebe tenuiores, velut inter se partiantur, & suis quisque sibi attributis vel quasi adoptatis patronum se præbeat, & opus suppeditet, vnde victum exercere, & pecuniolam conficere possint. Id quod ditioribus factu non erit difficile, qui cum ad domos, tum ad supellectilem, ad vestes, ad agros colendos, villas reficiendas, aut extruendas operis habeant opus. Ea ratione principes Romani, Lucullus, Cæsar, alii magnis domibus extruendis, aut operibus memorabilibus efficiendis sæpe sunt vsi. Neque vero singuli tantum & principes viri hac ratione vti solent: sed sæpenumero ipsa quoque Respublica, vt, annona cariore, aut vallum, aut murum, aut fossas curet fieri aut refici, eo tamen consilio, vt tenuiores operis aliquid habeant ad victum exercendum. Hoc factum & in hac vrbe.

Καλῶς δ' ἔχει.] Aliam rationem affert Aristoteles, à Tarentinis sumptam, collocupletandæ plebis ac tenuiorum. Scribit enim hoc loco Aristoteles, id quod non temere alibi reperias: Tarentinos solitos possessiones & res suas cum tenuioribus communicare, siue potius communes illis facere, quo ad vsum, non quo ad proprietatem. Quod idem de Cimonem principe Reipublicæ Atheniensis scribunt veteres. Cic. lib. 2. Offic. Plutarch. in eius vita, solitum eum hortorum suorum maceriem diruere, omnibusque fructuum colligendorum aut decerpendorum aditum ac potestatem facere. (Cor. Nepos in vita Cimoris.) eaque liberalitate magnam sibi gratiam populi collegisse. Quæ rerum, quoad vsum, communio etiam Lycurgo in Republ. Lacedæmonia probata fuit, non quo ad

3. Modus.

Exempla.

4. Modus.

1. Exempla.

2. Exempla.

3. Exempla.

quo ad proprietatem, quæ placuit *Platoni*. Aristoteles *Lacedæmonicam* probat. Qua de re explicatum *sup lib. 2. c. 3. ibi*, οἷον ἐν Λακεδαιμόνιοι, &c.

Εὐνὴν παρασκευάζουσιν.] Quod hic de Tarentinorum instituto quasi separatim ac singulatim ait, illos ea rerum, quo ad vsum, communione multitudinē sibi conciliasse, & amicam reddidisse: idem & reliquis his locupletandæ multitudinis rationibus accommodari potest. Nam quæ rationes seruiunt locupletandæ multitudini, eadem & vtilēs sunt ei conciliandæ: ut ipse nominatim de priorē ratione à Carthaginensibus sumpta, ait *sup. l. 2. c. 9. in fin.*

1. *Modus.*

"Επὶ τῇ λαῖς δόξαις πάσαις.] Aliud hic Tarentinorum institutum commemorat placandæ & conciliandæ potius, quam ditandæ multitudini accommodatum. Ait enim, hanc apud eos magistratuum fuisse rationem, ut alii suffragiis, alii sorte designarentur. Quod idem institutum & Athenis fuit aliquando, grauiorēs ut magistratus essent αἵρετοι, minores κληρωτοι. Romæ omnes erant αἵρετοι, siue suffragiis mandabantur, partim in comitiis centuriatis, partim in tributis. Huius autem instituti consilium & utilitas quoque præclara hic exponitur. Nam sors placandæ multitudini accommodata est: suffragium facit, ut Respublica melius administraretur, inquit, id est, sors facit, ut quidam magistratus etiam in multitudinem cadant: & proinde ea, non plane honorum expers, facilius acquiescit, & statum Reipublicæ saluum esse cupit. Suffragiis autem (ubi non fortuna dominatur, sed virtutis, dignitatis, doctrinæ habetur ratio) efficitur, ut magistratus melioribus mandentur viris bonis, generosis, doctis, ditioribus; breuiter, optimatibus. Et hinc est, quod in mera Democratia omnes magistratus sint κληρωτοι, in Aristocratia sint αἵρετοι, ut sæpe dictum *supr. maxime lib. 4. cap. penult.*

Ratio.

6. *Modus.*

"Επὶ τῇ ἐπιτοποίησιν.] Aristoteles huic Tarentinorum instituto de hac magistratuum varietate velut ἐπίμετρον adiungit, siue accessionem quandam & correctiunculā. Ait enim, posse & hoc institui, ut vnus idemque magistratus alii sorte, alii suffragio mandetur; Verbi gratia, ut ex Thesmotheis, quos constat, sex fuisse Athenis (erat summus magistratus; *Pollux lib. 3.*) tres sorte, & totidem suffragio designentur. Et Romæ ex decem Trib. pleb. alii sortito, alii suffragiis creentur.

creentur. Qua ratione Aristotelica quia valde permiscetur magistratus, & communicantur omnes cum ordinibus Reipublicæ duobus, optimatibus ac multitudine: efficietur optime, vt & inter ordines summa sit beneuolentia ac consensus, & Respubl. pulcherrime administretur. (Tenuiores cedunt plærunq; doctioribus, nisi impudentes sunt valde.)

C A P V T V I.

PO S T Q V A M de Democratiis, maxime de vltima ac de-
 teritima, quemadmodum ea commodissime ad stabilita-
 tem institutis temperari ac describi debeat, his duobus prio-
 ribus capitibus (quod vnicum potius esse deberet, vt *sup.* mo-
 nuimus) explicauit: hoc capite iam de Oligarchiis, quemad-
 modum & illæ quam optime institui possint, adiungit. Nam *De Oligar-*
 de his duobus tantum Reip. generibus consilium est ei expli-
 care: causam *sup.* attulimus *initio h. lib.* Est autem in hac ex-
 plicatione de Oligarchiis longe breuior, quam in priore. Cu-
 ius rei causam ipse affert *initio h. c.* hanc nimirum, quod con-
 trariorum eadem sit disciplina & cognitio: siue cognito vno
 contrariorū, cognoscatur & alterum. Notum est autem, hæc
 duo Reip. genera inter se esse contraria; quorum in vno mul-
 ti ac tenuiores, in altero pauci ac ditiores dominantur. Hoc
 igitur cap. 6. & proximo, quod & ipsum ab hoc male sectum
 est, de Oligarchia breuiter explicabit. Cæterū de Oligarchiis
 & earum generibus & causis perdendarum ac conseruanda-
 rum copiose explicatum est *sup. l. 4. c. 5. & l. 5. c. 6. & 8.* *Cur hic bre-*
uior sit A-
ristot.

T E X T V S.

De Oligarchiis autem, quemadmodum institui debeant, ex his quoq; fere intelligitur. Ex contra-
 riis enim colligere oportet, vnaquaq; Oligarchia
 cum Democratia contraria cōparata. Ea quidem,
 quæ Oligarchiarū maxime est temperata & prima.
 Est autem ea, quæ politiæ, quam vocant, est finiti-
 ma, in qua census ita diuidendi sunt, vt alii quidem
 sint minores, alii maiores. Minores quidē, ex quib.
 necessarii magistratus mandent; maiores, ex quibus
 summi.

summi. In qua quoq; censum consequenti aditus ad Rempublicam patere debeat, eo quidem numero multitudine per censum asciscenda, ut cum eo, qui præsunt, plus possint iis, quibus non patet aditus ad Rempublicam. Asciscendi sunt autem socii Reipublicæ ex meliore populi parte. Ad eundem modum & proxima Oligarchia paulum intendendo est instituenda. Ea autem, quæ ultimæ Democratix contraria est, & ex Democratiis dynastiæ & tyrannidi similima, ut nequissima est, ita maiorem curam & cautionem desiderat. Ut enim corpora bene constituta, & naues ad cursum nautis bene instructæ plura incommoda siue peccata citra interitum vel læsionem ex se recipiunt: morboſa vero corpora, & naues fatiscentes, malisque instructæ nautis, ne parua quidem incommoda ferre possent: ita & pessima quæque Respublica plurimam cautionem desiderat. Omnino igitur Democratiam frequentia siue multitudo ciuium conseruat. Id enim ei tribuere, quod est ex dignitate, respondet: Oligarchiæ vero salutem contra ex bono ordine siue ordinis descriptione petendam esse perspicuum est.

COMMENTARII.

Ἐξ ἑδὲ τῆς αἰτίας.] Aristoteles ut alias, ita & hoc loco institutum suum tenet, hoc est, ut, qua possit breuitate, omnia complectatur. Quare cum contrariorum eadem sit disciplina & ratio, & hæ duæ Respublicæ, Democratia & Oligarchia inter se sint contrariæ; explicata vna, superuacaneum putauit de altera, id est, Oligarchia, longiore uti explicatione. Quod idem monuit initio huius libri his verbis; Ἐπεὶ δὲ τὸ αἰεὶ &c. Priori quidem loco, inquit, de Democratia explicemus. Ita enim & de Republ. ei contraria facile intelligetur, quæ est Oligarchia. Eodem argumento breuitatis à contrariis & alias

vti solet, vt *supr. lib. 5. cap. 8. in princ. & cap. 11.* Adiungit tamen rationem & viam, qua hæc Rerumpublicarum inter se contrariarum comparatio commodissime fieri possit. Non enim vnum est duntaxat vel Democratia vel Oligarchia genus, sed complura, & vtriusque fere quatuor. Id quod diligenter explicatum est *supr. lib. 4. cap. 4. & 5.* Ratio igitur comparationis hæc est, vt cum ex iis & Democratia & Oligarchia compluribus generibus alia aliis sint & meliora & contra nequiora: ita faciundum monet, vt optima quæque species Oligarchia, optimæ Democratia comparetur. Deinde, quæ optimæ proxima, & quæ deinceps omnium sit nequissima Oligarchiarum, deterrimæ ac vltimæ Democratia accommodetur ac respondeat.

Ratio comparandarum inter se Democratiarum & Oligarchiarum.

Τὸ μὲν δὲ κατὰ τὴν ἀρίστην.] De prima optimaque Oligarchia (quam vocat *ἀρίστην*, vt huic contrariam, id est, nequissimam Oligarchiam *κατὰ τὴν ἀντιθέτην*, *supr. lib. 4. cap. 11.*) primo loco, quemadmodum institui ac describi debeat, explicatur: id quod sumendum est ex ea Democratia, quæ & ipsa est prima, omniumque ex eo genere optima: de qua Democratia dictum fuit *supr. cap. 4. initio huius lib.* Nam, vt eo in loco monuit ac docuit Aristotel. imperia & magistratus ita esse mandandos, vt census aliqua ratio semper habeatur, & maiores quidem magistratus iis, qui maiorem, minores vero iis, qui minorem censum habebunt, mandentur. Ita & hoc l. in hac Oligarchia rationem mandandorum magistratuum temperandam monet. Et hoc quidem omnium proprium Oligarchiarum, vt in iis non tam libertatis aut virtutis, quam diuitiarum aut census ratio habeatur, vt explicatum est *supr. li. 4.* Sed in aliis Oligarchiis alia atque alia census est ratio. In optima enim non semper maximus census requiritur, vt in nequissima ac deterrima. Quare in optima eandem, quæ iam de Democratia est exposita, rationem Reipublicæ ac magistratuum tenendam docet, census vt distinctio aliqua fiat, alius vt sit maior, alius minor, & pro hoc discrimine magistratus, quos item constat esse partim maiores (Aristoteles vocat *μεγέλας & μεγαλοτέρας*) in quibus summa Reipublicæ est posita, partim minores, quos hic vocat *μικροτέρους* (solet scilicet Aristoteles viliora ac tenuiora vocare *ἀσυνήθιστα*, minus honesta, eaque opponere, vt contraria, liberalibus ac honestis, vt *supra lib. 1. cap. 7. πᾶντα ἢ τὰ τοιαῦτα, &c. & Metaph. α. c. 2.*

1. Genus Oligarchia, quomodo & optime describatur & instituat.

1. Institutum.

*Ratio &
utilitas.*

in fin.) iis, qui minorem censum habebunt, mandentur. Cuius descriptionis ac distributionis hæc est ratio & utilitas: cum, ut perspicuum fiat, maiorem census quam aliarum rerum haberi rationem, quod Oligarchiæ est proprium. Nam & *sup. l. 5. c. 8. in fi.* monuit, esse utile Oligarchiis, quædam cum tenuioribus communicari, dummodo *ἀρχαὶ καὶ κρείται τῆς πολιτείας* penes ditiores remaneant: tum, ut melius Respublica administraretur; quod quidem tum fieri docuit (*supr. ca. 4. ubi & nos explicauimus ad ea verba, ἀνάγκη ὅτι πολλοὶ δουλοῦντες, &c.*) si & summa Reipublicæ sit penes eos, qui censu ac dignitate præstant, & si plebi quoque consulatur, ea vel in operis & opificiis suis non perturbanda, vel si qui de plebe (ut sit) ambitione & honore aliquo ducantur, aditu etiam ad Rempublicam & honores saltem leuiiores ei permittendo. Hoc igitur vnum est sapiens institutum siue consilium optimæ Oligarchiæ accommodatum, persimile ei, quod in optima Democratia explicatum diximus,

2. Institutum. utpote cui hæc responderet. Alterum hic exponit, quo monet Aristoteles, ei, qui censum hunc consecutus fuerit, ad Rempublicam & honores aditum patere debere. Nam priore instituto id cautum fuit, ut in prima huius Reipublicæ descriptione siue institutione iis tantum, qui eo iam tempore censum ita definitum habuerint, ad Rempublicam pateat aditus. Hoc altero id cauetur, ut etiam in posterum, qui ad censum primo definitum peruenerint, ad honores & Remp. administrandam aditum habere possint, quod idem institutum etiam in Democratia seruandum docuit *sup. l. 4. c. 4. his verb. δὲ ὅτι τὸ, &c.* De Oligarchia autem, eaque optima, idem institutum in ea tenendum esse monuit *sup. l. 4. c. 5. initio & ca. 6.*

Conuersum.

& ca. 14. his verbis, ὅταν μὴ ἀπὸ πημυγιῶν, &c. Contra quoque monet *eo cap. 4. lib. 4* eos, qui, licet ante ditiores, postea lapsi sint facultatibus, ut censum Reipublicæ explere nequeant, à Republica & honoribus esse remouendos. Quia autem hoc altero instituto fit, ut de plebe multi paulatim (sepe enim & hi paulatim ditescunt) ad honores & Rempublicam perueniant: ne inde confusio quædam sequatur, & tandem interitus Reipubl. hoc est, ut Oligarchiā in popularem Remp. conuertatur, duas adiungit Aristoteles præclaras cautiones, in receptione (ut ita dicam) plebeiiorum ac tenuiorum tenendas. Quarum prior hæc est, ut ne plures recipian-

tur,

tur, quam qui cum aliis coniuncti nihilominus semper plus possint vniuersi aliis, quibus necdum ad Remp. pateat aditus. Cuius cautionis ratio petenda est ex principio politico valde *Ratio.* insigni, & saepenumero ab Aristot. commemorato: de quo & nos *sup.* explicauimus *lib. 5. cap. 9.* vbi maximum & summum *πρῶτον* siue principium dicit, in omni Republica dandam esse operam, vt is ordo siue ea pars ciuium, quæ Rempubli- cam saluam velit, sit *κρείττων*, siue plus possit altera, eaque, quæ iubet. Altera cautio & prouisio, quæ exponitur his *2. Cautio.* verbis; *ἀεὶ ὃ δὲ πλεονεχέειν*, &c. est hæc, vt qui ex plebe ad Reipublicæ societatem recipientur, sint melioris notæ, non sint tabernarii & sellularii, & de fece plebis: sed ii, qui inter eos erunt honestiores ac meliores. Cuius cau- tionis perspicua est ratio. Cæterum quod hic de recipiendis *Ordinum* plebeis, & ad optimatum ordinem producendis dicitur, *Reip. con-* qua ratione sit quædam ordinum permixtio ac temperatio: *temperatio.* id tanquam laudabile institutum & Reipublicæ salutare ex- positum est & *sup. l. 5. c. 7* Et hanc rationem Romanos tenuisse constat ex eo, quod etsi Romæ certæ tantum erant gentes patriciæ; interdum tamen ex plebeis quidam in ordinem pa- triciorum allegebantur, & plebeiæ familiæ siue gentes lege lata fiebant patriciæ, vt ipsa gens Tullia, vnde fuit Cicero, plebeia, lege Iulia facta est patricia, *teste Dione.* Sic & ante Brutus ex plebeis aliquot fecit patricias gentes, & postea O- ctavianus August. [Lege Sæuia Brutus, lege Iulia Liuius & Dio.]

Ὁμοίως ὃ ἐπὶ τῷ ἐξαρμόδιῳ.] Nunc de altero siue secundo O- *2. Genere* ligarchiæ genere, quæ optimæ & primæ est proxima, quem- *Olig.* admodum ea optime institui ac temperari debeat, ratio ac via hic indicatur potius & attingitur, quam explicatur. Ratio au- tem hæc est, vt paulum intendatur, h. e. vt paucorum potestas acrior & maior fiat, & census quoq; maior. Vt enim acerrima siue summa & cōtentissima est ea Oligarchia, in qua & ma- ximi census habetur ratio, & nulla legū ac iuris, sed omnino paucorū sit potestas ac imperiū, & summa deniq; Reip. sit pe- nes perpaucos; quæ Oligarchia omnium est est nequiss. ac ty- rannidi proxima, de qua mox: ita maxime remissa est ea Oli- garchia, quā primā esse diximus omniū optimam, vt in qua non ita magna census habeatur ratio, & non ita pauci domi- nentur. Huic igitur maxime remissæ oligarchiæ qui proximam

institueret volent, necesse erit, ut contentio aliqua adhibeatur, id est, ut iam dixi, ut & maior census definiatur, & pauciores sint, qui Reipublicæ præerunt: de quo genere dictum est & *sup. lib. 4. cap. 6. eo loco; ἐπεὶ οὐδ' εἶδ' ὅτι, &c.*

3. Genus
Olig.

Τῇ δ' αὐτῇ κελεύει.] Prætermisit Aristotel. tertium Oligarchicæ genus. Nam cum sint numero quatuor, ut alias est explicatum: tria tantum hic commemorantur: prima Oligarchia, eique proxima, & ultima siue nequissima: tertio genere, id est, ea, quæ nequissima est proxima, prætermisso. Credo, quod eius ratio describendæ ac temperandæ ex reliquis facile intelligatur. Nam ut de secundo genere dictum est, intendi & censum & paucorum potestatem debere, si primam siue maxime remotissimam Oligarchiam spectes: ita & in tertio genere, si secundum spectes, maior adhibenda erit contentio, id est, ut & maior sit census, & minor eorum, qui præerunt, multitudo, & maior denique eorum potestas & imperium, legum ac iuris perexigua. Hoc igitur loco Arist. de ultimo Oligarchiæ genere adiungit. Ea autem quemadmodum optime institui & describi possit, indicat quoque, potius quàm explicat Arist. propterea quod eius descriptio ac temperatio ex iis, quæ *supr.* sunt explicata, facile peti possit. Cum enim contrariorum eadem sit disciplina & ratio, & hæc duæ Respub. ultima ac nequissima, tam Democratia, quam Oligarchia, plane inter se sint contrariæ (in altera enim maximi census, in altera nullius habetur ratio; & in hac omnes, in illa perpauci habent imperium) quarum de altera iam sit explicatum, quemadmodum sit describenda, *totofere cap. 4. & s. huius libri*: non erit factu difficile & inde sumere & intelligere, qua ratione altera quoque, id est, hæc nequissima Oligarchia, commodissime temperari queat: de qua tamen & alias dictum est *lib. 4. cap. 6. & lib. 5. cap. 9.*

Δυναστεία. Τῇ δ' ἀναπικνωτέτη.] Ultima Oligarchia his duobus epithetis afficitur ab Aristotele, quod ea proprie δυναστεία dici soleat, & quod tyrannidi respondeat, ac sit ultima. Sunt enim tyrannis, de- soleat, & quod tyrannidi respondeat, ac sit ultima. Sunt enim mocrat. & hæc tria Reipublicæ genera, tyrannis, ultima & Democratia oligarchia & Oligarchia, plane inter se ἀνάλογα, in eoque convenientia, quod omnia hominum, nihil legum arbitrio & potestate generantur, *sup. lib. 4. cap. 5.*

In ult. hoc ὁσπταξ χειρίση.] Ait, in Oligarchia ultima & nequissima & nequiss. plus operæ & curæ Politicum ponere & consumere debere, quàm in aliis Oligarchiæ generibus. Eademque est ratio, cur in

Demo-

Democratia vltima, quæ huic Oligarchiæ respondet, recte *genere plu-*
constituenda prolixior fuerit Aristotel. Nam deteriora maio- *rum opo-*
re cura ac diligētia opus habere cōfirmat duplici similitudine *re ponē-*
pereleganter, tam à corporibus, quam à nauibus sumpta. *dum.*
Corpora namque bene affecta beneque valentia nec à cibo, *1. Similitu-*
nec à potione, nec ab aere denique, aliaq; aduenticia, aut in- *do.*
teriore iniuria facile læduntur: sed plagas eius generis & ma-
la potius repellunt aut sustinent, nulloque interiore morbo
facile tentantur, aut laborare incipiunt. Contra vero male
affecta corpora & morbis obnoxia leuissimo momento
morbis tentantur, nullamque iniuriam vel minimam susti-
nere possunt. Quod idem de nauibus dici potest: eas bene *2. Similitu-*
ornatas omni instrumento nautico, & nautis optimis instru- *do.*
ctas, alioqui per se quoque firmas, facile omnes & cœli &
fluctuum iniurias sustinere, nec temere qualibet offensun-
cula vulnerari aut dissolui. Contra, naues & per se hian-
tes & cariosas, maleque armatas & instructas tam ab instru-
mento nautico, quam à nautis & sociis naualibus leuissi-
ma vel ad scopulum offensione, vel occurſu, vel etiam cœ-
li aut fluctuum iniuria dissolui. Ad eundem modum & *de ἀποδοσις.*
Rebus publicis existimandum, recte monet hic Aristoteles;
eas, quo sunt meliores, eo esse firmiores, nec facile quolibet
vitio interire: quo sint deteriores ac vitiosiores, eo ad o-
mnem offensionem & vitium ferendum minus esse pares:
eaque propter illas minore, has maiore cura ac diligentia o-
pus habere. Vt enim docuit *supra* Aristoteles libro quarto,
capite 1. Politici, bonique legum scriptoris est non tantum ea
Reipublicæ genera, quæ recta sunt, sed etiam ea, quæ sunt
vitiosa ac deprauata, curare; & nosse, quemadmodum v-
traque vel institui debeant, vel emendari & conseruari.

Τὰς μὲν ἐν δημοκρατίας.] Dictum est, vltimam & Demo-
cratiam & Oligarchiam, vt Respublicas omnium deterrimas
ac nequissimas, Politico summæ curæ esse debere. Videndum
est igitur, quæ Politicus in iis curare debeat. Et de Demo-
cratia quidem iam accuratissime est explicatum *prioribus*
duobus capitibus. In Oligarchia vero quæ sint curanda & con-
sideranda, ex Democraticis intelligi potest. Nam, vt dictum
est, contrariorum eadem est ratio ac disciplina. Aristoteles
tamen non contentus hac nuda comparatione, adiungit hic
quædam, quæ maxime ad Oligarchiam recte instituendam

aut conseruandam pertineant, ea (inquam) quæ proximo capite afferuntur, perperam (vt iam ante monui) ab hoc capite distincta aut diuisa. His autem verbis affert quiddam, quod ad vtramque Rempublicam, id est, Democratiam & Oligarchiam, pertineat; consilium vtrique valde salutare. Nam Democratia ciuium & hominum multitudinem, Oligarchia paucitatem & frequentiam vtilem ac salutarem esse: cuius præcepti & consilii politici causa & ratio hic quoque affertur, his verbis; τὸν δὲ αἰνέειται, &c. causa (inquam) & ratio, cur imperia popularia ciuium multitudine maxime conseruentur ac florent, hæc est; quod ciuium multitudo ac frequentia iuri ac iustitiæ populari maxime conueniat & respondeat. Notum est enim, iuris & iustitiæ duplicem esse rationem, duo summa esse genera, *ex lib. 5. Ethic. & iis, quæ supra sæpe*

2. Institutū.

Ratio.

Iustitia duplex: Arithmetica & Geometrica.

In democratiis cur primi generis habeatur ratio.

Ciuiū paucitas Oligarchia conuenit.

Exempla.

sunt explicata initio lib. 5. &c. Est enim aliud ius & iustitia, quo numeri tantum, id est; capitum ac personarum habetur ratio: quo iure omnes liberi in ciuitate pares censentur. Quo recte quidem vtimur in contractibus, sed populus etiam vtitur in Repub. Aliud ius & iustitia est, vbi non capitum, sed dignitatis ac præstantiæ habetur ratio. Ex eo autem intelligitur, in magna hominum ac ciuium multitudine ac frequentia, quia plarumque confusio quædam nasci solet, non posse magnam dignitatis ac præstantiæ, aut virtutis rationem haberi, sed capitum potius ac multitudinis. Merito igitur & recte Aristoteles multitudinem ciuium, vtiū & æquitati populari magis conuenientem, Democratia ait esse salutarem.

Vnde intelligitur, ciuium paucitatem Oligarchia conuenire: confusionem Democratia, ordinem ac descriptionem, siue *ἀτάξiam* Oligarchia magis esse accommodatam. Et hæc quidem huius consilii est ratio. Exempla vero suppeditant & Græcorum & Romanorum Respublicæ. Nam & in Græcia & Romæ primis temporibus quia ciuitates essent paucæ & infrequentes, utebantur fere Aristocratia & Oligarchia. Postquam vero & ciuitates maiores esse cœperunt & frequentes; non iam amplius optimatum, sed popularibus imperiis regi cœperunt. Quod cum ex historiis veteribus perspicuum est: tum ab ipso iam Aristotele *supra* aliquoties iteratum *lib. 4. cap. 6. & libro 5.*

cap. 5.

CAPVT VII.

MONVIMVS supra, hæc verba (ἐπεὶ ἡ πόλις) perperam diuerso capite à priorib. diuelli: est enim eadem disputatio, ac perpetua de Oligarchiis recte vel instituendis, vel conseruandis. Et hoc loco præter ea, quæ modo sunt exposita, afferuntur alia quædam eodem pertinentia, hoc est, ad Oligarchias & constituendas & conseruandas, vt de re militari, de plebeis melioribus ad Rempublicam asciscendis, de muneribus publicis, & sumptibus in Rempublicam faciendis. Qua in re exponenda illud quoque continetur & indicatur, quibus in locis, & ciuitatibus, quæ Reipublicæ forma, & maxime oligarchica possit commode institui.

TEXTVS.

Cum autem multitudinis quidem quatuor maxime sint partes: agricolarum, opificum, tabernariorum & mercenariorum: quatuor vero sint ad bellum vtilis: equitum, peditum, velitum & sociorum naualium: eo quidem in loco, vbi regio est campestris siue apta equitatui, commode Oligarchia grauis institui poterit. Incolarum namq; salus in his est copiis; equos autem alere est eorum, qui magna sunt re familiari. Eo vero in loco, vbi est peditatus, proxima Oligarchia. Peditatus enim est diuitum potius, quam tenuiorum. Velitum autem & nautica turba plane popularis est. Ergo vbi talis multa est turba; exorta seditione, pauci siue diuites plærumque vincuntur. Quare huic rei medicina à peritis Imperatoribus est petenda, qui equitibus ac peditibus velites aptos admiscēt. Nam hæc velitum turba in seditionibus diuites superant plebei. Qui cum sint velites siue leuiter armati, facile inuadunt & equites & pedites. Itaq; hanc manum (velitum) ex his (plebeis) constituere, est in seipso constituere. Verum cum ciuium multi-

tudo partim in seniores, partim in iuniores sit distributa: faciendum id erit, vt ipsorum liberi adhuc adolefcētes discant hæc leuia & expedita munera, & vt, postquam ex ephebis excesserint, ea ipsa munera subeant. Præterea vt plebi ad Rempublicam aperiatur aditus, vel, vt supra dictum est, si qui censi fuerint (si quis nactus fuerit censum publicum) vel, vt mos est Thebis, iis, qui aliquandiu à sordidis artibus se abstinerint: vel, vt est in Massilia, dilectu faciundo idoneorum, tam eorum, qui Reipublicæ sunt participes, quam qui sunt expertes. Præterea, Magistratibus maioribus, quos Reipublicæ participes capere decet, munera publica incumbere debent, vt populus sponte sua Reipublicæ sit expers, & concedat magistratibus, vt imperii magnam mercedem soluentibus. Conuenit autem, & cum ineunt magistratus, magnifica sacra facere, & publicum aliquod opus extruere, vt populus, epularum particeps, & urbem cernens ornari partim donariis & statuis, partim operibus & ædificiis, cernat quoque libentius Rempublicam permanere. Vnde & principes sumptuum monumenta consequuntur. Verum hodie qui Oligarchias tenent, non hoc, sed omnia alia faciunt (plane contraria) quæstum non minus, quam honorem sectantur; vt eleganter dici possit, has (Oligarchias nostri tēporis) esse paruas democratas. Ad hunc igitur modum explicatū sit, quemadmodum Democratiæ & Oligarchiæ institui debeant.

A. Multitudinis Democratica genera.

COMMENTARI.

[Ἐπειδὴ τὴν πλείων.] Quod alias sæpe dictum est, plebis siue multitudinis quatuor summa esse genera ac partes: agricolas, opifices, mercatores, siue tabernarios, & mercenarios,

supra

supra lib. 4. cap. 4. & hoc lib. cap. 4. id hic iteratur ab Aristotele, hand satis scio, quo consilio. Nam alijs quidem locis de ijs ea de causa actum fuit, ut pro harum discrimine partium ipsa quoque Democratiarum genera internoscantur. Hoc autem loco non tam de Democratijs quam Oligarchijs agit, ad quas ea multitudinis varietas non pertinet. Quia tamen docet, quæ regio & quæ multitudo Oligarchijs, & quæ (licet per consequentias) etiam Democratijs sit accommodatior: faciendum sibi putavit, ut omnia multitudinis genera breuiter exponeret. Octo igitur non multitudinis tantum, sed omnium ciuium genera facere videtur, ex quibus quatuor illa, plebis propria, ad tempora pacis pertineant; altera quatuor ad tempora & usus belli. Quæ partim ad principes, partim ad plebeios pertineant. Et de his quidem quatuor ad bellum pertinentibus generibus maxime nunc agit. Nam pro horum discrimine non tantum variare Respubl. has duas, id est, Oligarchiam distinguere à Democratia, sed ipsas quoque Oligarchias, de quibus maxime nunc agitur, inter se variare ac dissimiliter constitui posse; eoque amplius docet, ad Oligarchias vel recte instituendas vel conseruandas in his quatuor partibus bene describendis & ordinandis magnum esse positum momentum, ut *infra* videbitur.

4. Genera
ciuium ad
belli usus
pertinentia.

Τὸ πρῶτον δὲ τὰ γενέα.] Insignis est hic locus, & velut nota tantum, de militum generibus, quæ ait esse quatuor. Nam cum bellum omne vel sit terrestre vel nauale: efficitur primum, milites alios ad illud, alios ad hoc esse necessarios. Plarumque enim, qui terra sunt boni milites, iidem ad militiam naualem non sunt boni, & contra. Eorum deinde, qui in terrestribus bellis merent, tria summa sunt genera: equites ac pedites; & horum alij grauioris armaturæ, quos Romani legionarios & simpliciter milites, Græci ὀπλίτες vocant; alij sunt velites, siue ψιλοὶ, quorum plura erant genera, ut funditores, sagittarij, &c. quorum de numero sunt & acrobolistæ, sagittarij, & funditores Græcorum. *Ælian. libr. 4. ἐν στρατηκῶν πείξεσιν, cap. 2.* rem militarem & genera militum paulo aliter diuidit, sed eadem tamen fere res recidit. Quod autem genus hic vocat ναυκῆρον, id *supra lib. 4. cap. 4.* vocat πεινηκῆρον, quo militum genere olim abundabant Athenienses, ut eo loco testatur, & *infra lib. 7. cap. 6.*

4. Genera
militum.

Legionarij
Milites.
ὀπλίται,
velites,
ψιλοὶ.

Ὅτι μὲν συμβέβηκε.] Docetiam hoc loco usum earum *usus 4. ge-*

Ggg 5

partium

merum mi-
litum ad in-
stituēdas o-
ligarchias.

Ratio.

ἰσὶα μεγ-
αλη.

ἰσὶα βρα-
χέα.

**Grauioris
armatura
milites ad
quam Oli-
garchiam
sint com-
modi.**

partium militarium in Oligarchijs, de quibus hic agit Quod igitur ad primam partem attinet, quæ est equitum; docet, eam esse Oligarchiæ accommodatissimam, eiq; acerrimæ & grauiissimæ, quam vocat *ἰσὶα βραχέα*, vt & alias in hoc opere loqui solet, vt *supra lib. 5. cap. 4.* cui ex contrario ex altera parte respondet moderata siue modica, *ἰσὶα μεγάλη*. Cur autem equitatus Oligarchiæ sit accommodatissimus, eique (vt diximus) grauiissimæ ac deterrimæ; causam adiungit optimam, quod equos alere sit eorum, qui magna patrimonia possident; siue quod, vbi magna est equitum & equos alentium multitudo, ijs quoque in locis vt multi sint diuites, quorum est equos alere, necesse est. Et hoc quidem de equitatu, siue de equorum alendorum studio, illud ad Oligarchias esse accommodatissimum, docuit & *supra lib. 4. cap. 3.* vbi & causam, cur antiquioribus temporibus ciuitates vterentur Oligarchijs potius quam Democratijs, hanc esse ait; qd ciuitatum opes ac potentia maxime in equis esset posita.

Τὸν μεγάλαν ἰσὶαν.] Quod latine magnum patrimonium, magna res familiaris, magnæ copiæ; id attice elegantissime dicitur *μεγὰρ ἰσὶα*, vt latius explicatur in *Suida*. Sic & *supra* locutus est *lib. 4. cap. 4.* & contra, quæ latine tenuis & pauca res familiaris, eadem græce *βραχέα ἰσὶα* dicitur: vt *supra* *li. 2. c. 5.* τὸ μὲν ἰσὶα βραχέα, &c. Sic & magnum censum vocat *ἡμεμεγὰρ ἰσὶαν*, *lib. 3. cap. 3.* ἀπὸ ἡμεμεγάρων, &c.

Ὅπως δ' ὁπλίτην.] Nunc de altera parte militari, quam peditum grauioris armaturæ, quos Græci *ὁπλίτης* vocant, docet hic Aristoteles, cui ea Reipub. generi conueniat. Et ait, Oligarchiæ, non ei quidem grauiissimæ, sed proximæ siue populo moderationi conuenire; esse (inquam) & hanc partem potius oligarchicam, quam democraticam: propterea quod (vt ait) hæc quoque diuitum sit potius quam tenuiorum. Quare quibus in locis magna horum, id est, peditum, erit multitudo aut copia, in ijs commodissime Oligarchiam, eamq; moderatiorem, institui posse. Verum quod de equitatu dictum est, eum esse ditiorum proprium, perspicuum est, sed de peditatu obscurius: nam si nostra spectentur tempora, & hic passim ex tenuioribus constare solet. Quare intelligendum est, grauem veterum peditum armaturam sumptuosam fuisse: vt & nostra ætate pedes bene instructus non leui sumptu instrui solet, maxime hastati & sarissarij nostri.

H' οὐκ ἔστιν.] De reliquis duabus partibus velitum & nauticorum siue sociorum naualium, vtramq; hanc manum ait esse popularem ac Democratiz accommodatam: propterea quod tenuiorum sit propria.

Nūm. μ. γν.] Quia toto hoc loco de Oligarchijs loquitur, consilium hic affert præclarum Aristoteles de his duabus partibus tenuiorum, velitum & nauticorum: ne quid ea, si qua in ciuitate magna eorum fuerit multitudo, Oligarchiz siue Reip. nocere possit, eamq; in Democratiam conuertere. Quod Athenis, vbi maxima fuit nauticorum multitudo, olim accidisse docuit *supra libr. 5. cap. 4. his verbis: οὐκ ἔστιν* &c. Quam enim hæc multitudo Oligarchijs sit periculosa ac perniciosa, ex eo facile intelligi docet Aristoteles, quod in motibus & seditionibus Reipub. cum partes Reipub. inter se committunt ditiores, vt equites & pedites grauis armaturæ cum tenuioribus & velitibus & nauticis: plærumq; fiat, vt illi victi, hi victores discedant. Cuius rei causam quoque indicat Aristoteles, his verbis; *ἡ δὲ φύσις*, &c. quod hi velites ac nautici leuiter armati & expediti agilitate & celeritate equites & pedites statarios vndique aggredi & nocere possint. Huic igitur malo salutare consilium hic affert Aristoteles. Id quod à sapientibus & peritis belli ducibus & Imperatoribus petendum esse ait. Hos namq; aciem ita instruere solitos, vt equitum turmis, & legionibus peditum, velitum quoque tantum, quod sit satis, & equitatu ac legionibus respondeat, perite admisceant. Quæ ratio belli gerendi & aciei instruendæ notissima est, maxime veterum. Apud quos exercitus plærumque ex his tribus generibus militum, equitibus, peditibus, ac velitibus, constaret, & velites fere hostem laceiscendi & ad pugnam eliciendi præmitterentur. Non male & hic accommodari potest, quod *Cæs. scribit in comment. bel. Gal.* solitos veteres Germanos ipsis quoq; equitibus pedites admiscere & interponere. Quam rationem Germanicam ita probauit, vt ipse ea semper postea sit vsus, non solum contra Gallos & Germanos, sed etiam in bello ciuili contra Pomp. vt videre est *in lib. de bello Gallico & ciuili*. Horum igitur exemplo bonorum Imperatorum suadet hic Aristot. vt in Oligarchijs principes Reip. instituunt non tantū equitatu & legiones, sed etiā velites ac ferentarios. Eos .a. quia periculosum esset ex ipsa plebe sumere (id .n. nihil esset aliud, quam

Velites & classarij Democratiz accommodati.

Cautio, ne velitum & classariorum multitudo nocere at Oligarchijs.

Quam noxia sit hæc multitudo oligarchijs.

Cautio.

Vnde sumendi sint velites.

cam

eam ipsam velitum manum in se comparare) viam quoque & rationem exponit, qua his velites ex suo corpore principes, id est, ex numero nobilium & ditiorum, non vero ex plebe, sumere & habere possint. Nam cum ciuium multitudo in duas summas partes tribuatur, iuniorum ac seniorum (Sic enim & olim Seruius Tullius Romæ censu instituendo ciues partitus est, teste *Agellio lib. 10. cap. 28. & Liv. lib. 1.*) suadet, vt opera militaria pro hoc ætatis discrimine distribuuntur, atq; vt ipsi quoq; principum liberi etiamnum adulescentuli velitum munia & opera doceantur, vt postquam ex ephebis excesserint, & iuuenes ac viri facti erunt, munera ipsi velitum subire possint. Quare fiet, vt principes ex suo corpore perfectam habeant rem militarem, nec opus habeant plebeis vti velitibus, aut etiam ab ijs opprimi possint.

*Excedere
ex ephebis.*

*Ἰγχεροῖς ἢ
ἀθλητῶν.*

Εκκεκερμύνης δὲ.] Id est: postquam pueri & adulescentuli esse desierunt, quod alias (ni fallor) Græci dicunt, ex ephebis excedere, anno ætatis 20. & 22. Vtitur autem Aristoteles verbo *ἐκκεκερμύνης*, propter alterum, *ἀθλητῶν*, qui proprie dicebantur *ἰγχεῖνες*, vt & *ἰγχεροῖς ἀθλητῶν* apud Græcos vsitata, quæ à *Cic. lib. 1. off.* vbi de Sophocle à Pericle reprehenso, latine vertitur probatio Athletarum. Eleganti autem translatione verbum, *ἀθλητῆς*, à Græcis accommodatur etiam ad pugilum & athletarum opera & actiones, vt hoc loco, & apud *Demosth. in Aristogitoniana extrema*; *ἐξ ὧν πάντες οἱ ἀθληταὶ τῶν καλῶν*, &c. (qui totum Demosthenem vertit, pessime vertit, grammaticè, non latine & Ciceroniane; *pugiles operum*, vertit barbare.)

*Institutum
Oligarchi-
um.*

Τὸν δὲ μετὰδοσιν.] Aliud institutum Oligarchijs salutare hic exponit: de quo tamen iam *supra* dictum fuit, *capite* *priore* his verbis: *τῶν δὲ κλειρῶν*, &c. & à nobis eo loco diligenter explicatum. Est autem de communicatione Reipubl. & honorum cum plebe siue de asciscenda ad Reipubl. gerendæ societatem plebe ac multitudine. Quod quemadmodum commodissime fieri possit, vnum duntaxat modum & rationem priore loco Aristoteles exposuit. Hoc autem loco & illum modum & duos præterea adiungit, quib⁹ principes in asciscenda multitudine vti possint. Et primus quidem locus est de censu, hoc est, vt qui eo censu esse cœperint, qui ad honores capiendos & Reipub. aditum definitus fue-

2. Modus.

rit,

rit, ad Rempub. asciscantur. Alter modus est, ut hi quoque
 asciscantur, qui certo ac definito tempore, 10. puta annis
 aut 20. se à sordidis artibus abstinuerint, & ad ordinem ho-
 nestiorem accesserint. Quo modo & ratione Thebanos o-
 lim uti solitos ait & hic & *supra lib. 3. cap. 3.* Tertius à Mas-
 siliensibus sumitur, quos indicat hic solitos omnium civium
 tam eorum, qui Rempubl. gererent, quam aliorum proba-
 tionem quandam facere, qua probatione & iudicio, qui o-
 mnium optimi maximeque idonei haberentur ac iudicaren-
 tur, ijs administranda Respub. comitteretur. Cuius insti-
 tuti Massiliensium, quorum Politia cum à Cicerone, tum ab
 omnibus fere valde laudatur, puto & Strabonem facere men-
 tionem: quo in loco de vrbe Massilia, eiusque origine, pro-
 gressu & institutis late differit in Geographia. Vtebantur &
 Spartani probatione seu *κρίσις*, non in omnibus magistrati-
 bus, sed in senatu siue *γεροσία*. Sed eam *κρίσις* Aristoteles
 vocat puerilem, ut *supra* explicauimus *lib. 2. cap. 7. in fine*
fere. De Platonica quoque *κρίσις* & probatione initio fere eius
lib. 2 dictum fuit.

[*Ἐκ δὲ τῶν δόξαν.*] Aliud institutum oligarchicum
 hic affertur de maioribus magistratibus. Nam cum maio-
 res magistratus ijs tantum, qui Reipub. principatum tenent,
 ut nobilibus aut diuitibus in Oligarchia, plebi in Democra-
 tia, mandari debeant, ut & hic ait, & dictum est *supra lib. 5.*
cap. 8. in fin. minores etiam tum ijs, qui Reipub. sunt exper-
 tes communicari possunt, ut *supra cap. priore; ἀναγκασίς, &c.*
cap. 4. dictum, & ne hi maiores sint inuidiosi, & plebes
 ac multitudo agre ferat, ad eos nullum sibi patere aditum:
 rationem hic ac viam eius inuidiæ minuendæ affert. Aristo-
 teles pulcherrimam; quaque id efficiatur, ut plebs facile pa-
 tiatur, eos ditioribus semper mandari. Est autem hæc ratio
 maxime posita in magnis sumtibus & oneribus rei familia-
 ris. Suadet .n. ut his maioribus magistratibus coniungantur
 onera & munera Reipub. quæ *λεῖψαίαι* à Græcis dicuntur,
 hoc est, ut qui hos maiores magistratus capere volet, mune-
 ra quoque & onera Reipub. sustinere debeat: quibus oneri-
 bus facile deterrebitur multitudo plærumque tenuior à ma-
 gistratibus illis maioribus, nec inuidebit ditioribus, qui ma-
 gistratum aut honorem, licet maiorem, magno siue magna
 mercede constantem & comparatum habeant. Quæ autem

hæc

Manera hæc munera apud Græcos vſitata fuerint, explicatum eſt ſu-
Gracis ma- pra diligenter & copioſe *lib. 5. cap. 8. in fin.* Et hac ratione, vt
gſtratibus ditionibus incumberent hæc munera, plæriq; Græci uteban-
inuenſa. tur, vt dictum eſt eo loco & *huius lib. cap. 5. in fin. & libr. 4.*
Eth. cap. 2. in fin.

Alia ratio *Ἀεμίγτες ἢ Ἰωρίας.*] Alia plebis, à maioribus magiſtrati-
arcenda ple bus excluſæ, placandæ cōſilia & rationes hic afferuntur, quæ
bus tenuio- poſitæ ſunt in muneribus, vt Cicero vocat, popularibus, hoc
ris à magi- eſt, in hoſtijs magnifice faciendis, ſiue in epulis populo præ-
ſtratib. & bendis, & in publ. operibus extruendis. Et hoſtias quidem
placanda. magiſtratum ineuntes cædere ſolent, ex quibus cæſis & ob-
Epula. latis mox epulum apparari ſolet, eoque accipi vniuerſa ci-
Viſcoratio. uium multitudo, aut ſingulis particula distribuī; viſcera-
 tiones vocant Romani. Solent etiam ij, qui auram popu-
 larem captarent, & ambicioſi, interdum tribum tantum quiſ-
 que ſuam conuiuio accipere; quod Romæ tandem veti-
 tum fuiſſe ſcribit Cicero *pro Murena*. Ludis quoq; ſumptuo-
 ſe & ambitioſe exhibendis Romæ ædiles maxime plebem
 ſibi conciliare, ſunt ſoliti; Græci vocant *χορηγία*. Sed hos
 ſumptus, vt inutiles & Reipublicæ pernicioſos, *ijs locis* repre-
 hendit Ariſtoteles *ſupra lib. 5.* hic tamen in Oligarchijs per-
 mittit & epulas ex hoſtijs & re diuina factas, & in operibus
 publ. aut ſacris, vt ſunt templa, porticus, theatra, muri, viæ,
 basilicæ. Nam & epulis plebs facile placatur, & gaudet vr-
 bem præclaris & magnificis operibus ſumptu principum ex-
 ornari: adeo vt his duabus rebus principes id conſequi poſ-
 ſint, vt plebs ita placata, non inuita cupiat ſtatum Reipubl.
 ſaluum eſſe, & incolumem. Et hoc quidem conſilium de o-
 peribus extruendis etiam Tyrannis ſalutare eſſe docuit *ſupra*
lib. 5. cap. 11. his verbis; καὶ τὸν δὲ ἀνὴρ ὁ δὲ, &c. Cicero tamen
lib. 2. off. hos ſumptus in operibus ijs extruendis reprehendit,
 ſi ad ornatum ea ac ambicionem potius quam ad vſum Rei-
 publ. pertineant; ſuæque ſententiæ approbatorem laudat
 nimirum Ariſtotelem, repugnante licet *Ariſtotelis diſcipulo*
Theophrasto.

**Cic. hac de
 re ſentētia.**

Συμψησεται ἢ καὶ τοῖς.] Sumptuum in operibus extruendis
 duas vtilitates affert Ariſtot. publicam vnam, hoc eſt, ad Rei-
 publ. ſalutem pertinentem, de qua iam dictum; alteram pri-
 uatam, principum, ſiue eorum, qui hos ſumptus faciunt, vel-
 ut quandam conſolationem. Ait namq; , eos id quoq; com-
 mod

modi hinc consecuturos, ut præclaram sui apud posteros memoriam & hæc monumenta suæ in Rempub. liberalitatis relinquant. Quo vel solo nomine (propter memoriam posteritatis, inquam) multorum opera olim & Athenis & Roma extiterunt.

Αλλὰ τῶτον νῦν.] Exposito hoc suo de sumtibus in magistratu plebis conciliandæ faciundis consilio: Aristoteles adiungit, sua ætate in Oligarchijs non hoc suum consilium, sed omnia alia (quod dicitur) usurpari. Nam eos, qui in Oligarchijs Reipub. præerant, non tantum nullos de suo sumtus facere in Rempub. sed ipsam potius totam Rempub. cõpilare, & vectigalia publica in suos vsus priuatos conuertere, & (ut eleganter ait) τὰ λήμματα τῶν ζήτων, i.e. eas non minus quæstum ex Repub. administranda, quam honores & imperia aucupari. Quod idem & *supra* aliquoties conqueritur *lib. 3. cap. 4. in fin. & lib. 5. cap. 8. in fin.* Ex quo illud effici & consequi ait, ut vere & eleganter quis dicere possit, tales ut Oligarchiæ, parvæ sint Democratiæ, non vero Oligarchiæ: Democratiæ quidem propter quæstum, cuius multitudo popularis est studiosa, ut sæpe *supra* dictum: parvæ verò propter eorum, qui præsunt honoribus, vel ad Rempub. habent aditum, non magnam multitudinem, ut in Oligarchijs assolet. Huius autem dicti perelegantis autore esse videtur ipse Aristoteles.

Oligarchiarum. sub temporis mos hac in re.

CAPUT IIX.

AVRUM hoc & præclarum est caput de generibus & *Argumentum huius* partibus magistratuum. De quibus etsi quædam accurate & *supra* sunt explicata *lib. 4. cap. 15.* hoc tamen loco *capitis.* maiore ea ordine & accuratius omnia explicantur. Quæ autem *Ordinis.* tem ordinis sit causa, id est, cur hoc loco de magistratuum *ratio.* partibus siue generibus explicetur; per obscurum est. Videtur tamen Aristoteles tractationem illam de duabus illis Rebusp. sua ætate maxime vsitatis, Democratiæ & Oligarchiæ, plane perficere voluisse: ut quamvis hæc tractatio de magistratibus, non ijs tantum Reipublicæ generibus, sed alijs quoque conveniat, eo tamen maxime accommodetur. *De magistratib. ci-* Potest autem & hoc caput in tres principes partes tribui: *quarum in prima de magistratibus civilibus: in altera* *ulib. sacris* de sacris: de qua in his verbis; ἀλλο δὲ εἶδος ἐμπροστίας, &c. *Grariorib.* *in ter-*

in tertia de quibusdam extraordinarijs siue potius rationibus magistratibus (de qua in ijs verbis, ἰδιὰ δὲ τῶν χολαστικῶν πέρας, &c.) explicatur.

TEXTVS.

His autem explicatis, sequitur, vt ea, quæ ad magistratus pertinent, bene explicentur; quot & quid sint, & quarum rerum, vt & ante dictum est. Nam absque necessarijs quidem magistratibus ciuitas ne consistere quidem potest: absque ijs vero, quæ ad ornatum & pulchritudinem pertinent, præclare administrari non potest. Præterea, in paruis quidem necesse est pauciores numero esse magistratus: in magnis vero plures, vt supra dictum. Quare sciendum est, qui sint coniungendi, & qui disiungendi.

COMMENTARI.

- In magistr. considerād.* Ἀρχαίων δὲ.] De ratione ordinis, quam hic initio attingit Aristoteles, paulo ante diximus. Ait autem, in disputatione hac de magistratibus, primum id esse explicandum;
1. *Numer.* quot ij numero esse debeant. Deinde qui quæue eorum nomina & species sint: & postremo, quarum rerum sint, quibus in rebus eorum imperium & potestas versetur: vt quia alij rerum ciuiliū, alij rerum bellicarū, capitaliū, sacrarū, &c. curam & imperium habeant. Quæ quidem & supra attingit lib. 4. cap. 15. Alterum est, quod hic præfatur, in quo præclara omnium magistratuum bimembris diuisio continetur. Ait enim, Respubl. sine necessarijs magistratibus ne esse quidem posse, sine alijs, id est, non necessarijs, sed ad ornatum tantummodo pertinentibus esse illas quidem posse, sed non posse esse amplas & honestas. Sunt enim hæc duo Aristoteli vtitata membra inter se contraria: necessarium siue vtile, & honestum siue præclarum & amplum, quarum priori tribuitur, vt quid sit; alteri, vt bene & pulchre sit: de quibus alias dictum est. Ex his intelligitur id quod dixi-
 2. *Persona.*
 3. *Species.*
 4. *Obiecta.*
- Magistrat.* uisio continetur. Ait enim, Respubl. sine necessarijs magistratibus ne esse quidem posse, sine alijs, id est, non necessarijs, sed ad ornatum tantummodo pertinentibus esse illas quidem posse, sed non posse esse amplas & honestas. Sunt enim hæc duo Aristoteli vtitata membra inter se contraria: necessarium siue vtile, & honestum siue præclarum & amplum, quarum priori tribuitur, vt quid sit; alteri, vt bene & pulchre sit: de quibus alias dictum est. Ex his intelligitur id quod dixi-

diximus, in ijs verbis diuisionem magistratus tacite contineri, qua magistratus alij sint necessarij, id est, ad res vitæ necessarias accommodati, & sine quibus nulla Respublica consistere possit: alij sint non necessarij, sed ad ornatum & amplitudinem accommodati. Quæ diuisio optime mihi confirmari videtur verbis quibusdam Ciceronis, qui quod hic Aristoteles tantum de magistratibus, idem ille de omnibus Reipub. partibus dicere non est veritus. Sic enim ait *lib. 2. ver. Rhetorica* (vulgo vocant *de Inuent.*) vt in *Repub.* quædam sunt, quæ (vt sic dicam) ad corpus pertinent ciuitatis, vt agri, portus, pecunia, classes, nautæ, milites, socij; quibus rebus incolumitatem ac libertatem retinent ciuitates: alia vero, quæ iam quoddam magis amplum & minus necessarium conficiunt, vt vrbis egregia exornatio atque amplitudo, aut quædam excellens pecuniæ magnitudo, amicitiarum atque sociorum multitudo, &c. Et huius quidem diuisionis membra ordine ac deinceps Aristoteles persequitur, priore quidem loco de necessarijs; deinde de alijs, puta eo loco, *id est* 3, &c. Huic autem Aristotelicæ diuisioni adiungit ipse & subdiuisionem quandam, qua magistratus necessarij alij sint minores, alij maiores. Sic enim Romani veteres magistratus diuidebant, quos Romani posteriores partim vocabant plebeios, partim patricios. Est & altera magistratuum diuisio, qua magistratus alij sunt ciuiles siue politici, alij sunt sacri. Quanquam magistratus vocabulum, non nisi latissime acceptum, ad res sacras, quarum sacerdotia & præfecturæ rerum sacrarum sunt propriæ, pertinere soleat. Nam proprie magistratus à sacerdotijs, vt res ciuiles à sacris, separantur. Et de hac quidem altera magistratuum diuisione *infra* opportunius & commodius ad ea verba; *αἱ μὲν πολιτικαὶ τῶν πόλεων*, &c. Nam prior, qua magistratus alij sunt necessarij, alij ad dignitatem siue amplitudinem Reipub. accommodati, etiam *supra* attingitur vno verbo ab Aristotele *lib. 4. ca. 15.* Sic enim ait; *καὶ πόσας οὐκ ἀναγκαῖον εἶναι, αἱ δὲ ἐπὶ τῷ ἀρχῇ*, &c. Insignis autem & egregia inter hæc duo magistratuum genera differentia hic afferitur, vnde & ipsa nomina siue appellationes oriuntur, quod sine necessarijs ne ciuitas quidem consistere vel esse possit, sine alijs possit illa quidem esse, sed non peræque bene ac præclare administrari. Quæ duo [esse, & bene esse: viuere, & bene beateq; viuere] semper & quidem

Et Plato li.
2. de Repub.

Maiores:
Minores:
Plebei:
Patricij.
Ciuiles:
Sacri.

Discrimen
inter neces-
sarios & non
necessarios.

Absq; ma- recte ab Aristotele distingui solent, ut *supra lib 1 cap. 2. in*
gistratu princ. Cæterum absq; magistratu nullam posse esse Remp.
nulla potest aut ciuitatem, explicatur à *Cicer lib. 3 de ll. in princ.*
esse Respub. *Ἐκ δὲ ἀναγκῆς.*] Tria sunt, quæ hic præmuniuntur si-

2. *Præmu-*
nitio.

Ratio.

ue prius afferuntur, quam exponantur ipsa nomina & gene-
 ra magistratuum. Nam primo breuiter de differentia magi-
 stratuum necessariorum & non necessariorum iam est expo-
 situm. Alterum hic affertur, quo monet, in paruis ciuitati-
 bus paucos, in magnis multos necessarios esse magistratus.
 Cuius rei hæc est ratio; quod in paucis ciuitatibus pauci sint
 ad honores & imperia idonei, in magnis multi. Quæ res fa-
 cit, ut in paruis necessario multi sæpe magistratus vni man-
 dentur (ut in hac vrbe) vel dissimilium officia magistratuum
 in vnum genus conferantur; de qua collatione siue coniun-
 ctione paulo *infra*. Nam alioqui si magna fuerit ciuitas, mul-
 tique ad magistratus idonei; vtilissimum est Reipub. vnum
 vni tantum mandari. Vnde, ut multi magistratus existant,
 necesse est. Sed hæc iam *supra* sunt explicata: ut & ipse ait;
ἅπαντες καὶ τυγχάνει πρὸς τέρπον, &c. puta *li. 4. cap. 15.* ad ea verba;
ποίας δὲ αἱ δόξαι καὶ πόσαι, &c.

3. *Præmu-*
nitio.

Ποίας ἐν ἀρμότῃ.] Tertia est velut præmunitio de col-
 latione siue coniunctione magistratuum, quam *ἑνώξιν* vo-
 cat, & de separatione siue diuisione, quam *χωρισμὸν*. Fit e-
 nim interdum, ut vni magistratui attribuantur multa mune-
 ra. Id quod fieri diximus maxime in infrequentibus ciuita-
 tibus. Et contra fit, ut, quæ vni sunt attributa, officia & mu-
 nera, diuidantur, & suum quæque magistratum sortiantur.

Exemplū.

Verbi gratia: Romæ ædiles curabant & forum & vias & lu-
 dos. Athenis hæc tria tres distincti magistratus administra-
 bant: Agoranomi, Astynomi, & Choragi. Sic Romæ cen-
 sores vendebant vectigalia, legebant senatum, præerant mo-
 ribus ciuium; & ex instituto Ciceronis etiam iuris & legum
 curam habebant. Qua de re *Cicer. lib. 3. de ll. maxime in fin.*
 Quæ omnia Athenis suos quæque magistratus distinctos
 habebant, ut erant *θεσμοθέται, νομοφύλακες, πωληταί, παι-*
δνόμοι, γυναικονόμοι: de quibus *infra*. De hac autem ma-
 gistratuum siue officiorum tam collatione quam diuisione
 ait hic Aristoteles, eam viro politico notam esse debere: quæ
 (inquam) officia commode vel in vnum conferri vel diui-
 di possint: propterea quod inde pendeat magistratuum &
 pauci-

paucitas & multitudo. Quæ duo pro ciuitatis aut magnitudine aut infrequentia & paruitate necessario obseruanda esse, iam dictum est. Et de hac quidem officiorum (vt ita dicam) copula ac diuortio iam & *supra* explicatum libro quarto, capite decimo quinto, ad illa verba; *διότις ὁ δὲν πάλιν, &c.*

TEXTVS.

Ergo primum quidem est curatio rerum necessariarum ea, quæ in foro, vbi oportet magistratum quendam esse, qui curam gerit rerum contrahendarum & modestiæ. Nam omnibus fere ciuitatibus necessaria est aliarum quidem rerum emptio, aliarum vero venditio ad vsus inter se necessarios. Et hoc est maxime proximum ad copiam rerum, propter quam videntur homines in vnâ Rempublicam conuenisse.

COMMENTARII.

Πρῶτον μὲν ἔν.] Hoc loco iam nominatim & singulatim de necessarijs magistratibus orditur explicare. Sunt autem magistratuum genera necessariorum, quæ quidem hic ab Aristotele explicantur, siue nomina & species numero 11. Ex his autem primo loco exponit de ijs, qui à Græcis ἀγορανόμοι: qui quidem magistratus apud omnes fere Græcos eo nomine erat vsitatus, cuius officium maxime positum erat in foro rerum venalium & rebus contrahendis siue contractibus, vt & fraudes ex rebus contrahendis tollerentur, & mendacia venditorum ac institorum seu tabernariorum coercerentur; libræ, mensuræ, modij iusti essent, &c. *Theophrastus* duo summa ἀγορανόμων officia esse ait in lib. de legib. Sic; *διούτις τὸ τοῦ ἐπιμελεῖσθαι, τὸ τὸ ἐν τῇ ἀγορᾷ ἀγοσμίαις, καὶ τὸ ἀψυδῆν μὴ μόνον τὰς πιπερίσκοντας, ἀλλὰ ἔτι τὰς ἀγορὰς*: quæ verba exstant apud *Suidam* in verbo, καὶ τὴν ἀγορὰν. Eaque duo ipsa hic quoque ab Aristotele attinguntur: cura rerum contrahendarum, & ἀγοσμία, id est, vt clamores, conuicia, rixæ, periuria, verbera, carmina famosa,

Αγορανόμοι.

*Necessitas
huius ma-
gistratus.*

*αὐτάρχεια
finis socie-
tatis cini-
lis.*

Ædilis.

*2. Ασυνό-
μία.*

aliaque id genus turpia & flagitiosa tollantur. Cur autem hic magistratus sit ex numero necessariorum, idemque primus, omnibusque ciuitatibus necessarius: causa siue ratio ab ipso hic exponitur Aristotele. Sic enim ait; *κεδὸν γὰρ ἀναγκαῖον*, &c. quod emptio & venditio (his enim duobus omnia contractuum genera continentur) siue rerum ad vsus vitæ necessariorum communicatio ac permutatio ad ipsam vitam plane sit necessaria. Quæ ipsa permutatio causa est *τῆς αὐτάρχειας*, id est, efficit, vt quod vni deest ab altero suppeditetur, & contra. Quare vt *αὐτάρχεια* siue iusta rerum ad vsus vitæ necessariorum copia ciuitatibus omnibus est necessaria: ita & rerum permutatio siue contractus omnibus ciuitatib. vt sint necessarii, planissime efficitur. Quod autem de *αὐτάρχειᾳ* modo dictum est, eam ciuitati imprimis esse necessariam, & (vt hic ait) eam esse, quæ homines in vnam ciuitatem & Rempub. consociet, præclare explicatum est *supra li. 1. cap. 2.* Nam id sæpe in hoc opere iteratur, ciuitatis velut scopum & animam esse *αὐτάρχειαν*, ex qua & semper defini-ri solet ciuitas, vt *eo cap. 2. & lib. 2. cap. 1. in fin. lib. 3. cap. 4. & 6. lib. 7. cap. 8. & hoc lib. cap. 4. & 8. & Eth. lib. 5. cap. 5.* Ex quibus efficitur, hunc magistratum, qui rerum contrahendarum curam gerat, imprimis esse necessarium. Et hæc quidem videtur mihi Aristoteles, vt alia, ex Platone imitatus, qui *lib. 2. de Republ.* differens de ciuitatis siue Reipubl. partibus maxime necessarijs forum rerum venalium maxime commendat. Sic enim ait; *οἷε δὲ ἐν αὐτῇ τῇ πόλει ὡς ἀλλήλοις*, &c. De hoc autem magistratu plura exstant apud *Plat. lib. 6. & 8. de legib. Dionys. Halicarn.* scribit, ædiles Romanorum plerisque in rebus respondere *τοῖς παρ' ἑλλήνων ἀγορονόμοις*. Meminerunt autem eius magistratus plerique omnes veteres: *Aristophan. Demosth. & ipse Plautus in Stich. & Rudente, act. 1. sc. 3.* Plane ædilium officium Romæ latius patebat, quam apud Græcos agoranomorum: adeo vt vni ædili Romæ incumberent, quæ apud Græcos *ἀγορονόμοις & ἀσυνόμοις*.

[*Ἐπεὶ γὰρ ἡ ἐπιμέλεια.*] Ex necessarijs magistratib⁹ alter hoc loco exponitur, qui à Græcis fere *ἀσυννομία* dicitur. De eo autem 4. hic afferuntur. Primo, eum priori agoranomorum proximum esse & finitimū. Nam vt agoranomus vnus tantum intra urbem loci: ita astynomus præter hunc locum, pu-
ta fo-

ta forum rerum venalium, omnium reliquorum siue totius reliquæ vr̄bis curam gerit: vnde & nomen habet. Alterum est de ipso officio ac munere astynomi, cuius hic 4. partes siue membra exponuntur singularim. Nam & generatim siue *1. Munus.* vniuerse ait ad astynomum pertinere curam τῶν δημοτίων ἐ ἰστίων, id est, rerum siue locorum & operum tam publicorum quam priuatorum. Singularim autem primo curare astynomum, vt tota vr̄be sit ἀγγορία, id est, vt decenter, modeste siue bono modo omnia fiant, vt pugnae, clamores, discursiones, ludi obscœni, peregrini habitus prohibeantur aut puniantur. Hæc enim aliaque id genus ad ἀγγορίαν pertinere mihi videntur. Quanquam id verbum hoc in loco non ad ea tantum, sed ad ædificiorum & viarum tuitionem & splendorem non incommode referri possint. Nam & *Plato lib. 6. de legibus* de hoc magistratu differens, curam ὁδῶν καὶ οἰκοδομῶν καὶ ἡγομῶν τῶν πρὸς τὰ τοιαῦτα ad eum pertinere ait. Romæ hæc fere curabant censores. Alterum est positum *2. Munus.* in fartis tectis, vt Romani loquuntur, quo nomine siue officio id continetur vt & opera publica, porticus, theatra, curiæ, balnea, thermæ, &c. vel integra conseruentur, vel collapsa restituantur; & vt priuatas domos (nam & harum species & incolumitas ad vr̄bis splendorem ac salutem pertinet, vt ait *Ictus in l. cetera. 43. ff. de leg. 1.*) ciues suam quisque domum item tueatur aut labentem reficiat, aut sordibus, quantum potest, liberet & puram conseruet. De hoc autem, id est, curam operum publicorum & ædium priuatarum ad astynomos in Græcia, vt Romæ ad censores pertinuisse, perspicuum est & ex *Platone lib. 6. & lib. 8. de legibus*. Quibus in locis diligenter & particulatim de hoc magistratu à summo illo viro explicatur. Tertia est viarum cura mu- *3. Munus.* niendarum & reficiendarum, quæ pars quam sit laboriosa, quamque late pateat (nam & pontium resectio & plaustorum occurfus & sordium, cadauerum, pellium vel effusio vel proiectio in vias eo pertinet) accurate exponitur à *Papiniano in libro quem inscribit ἀστυνομικόν, siue de officio astynomi*. cuius fragmentum exstat *in libro 1. ff. ne quid in via publica, &c.* Idem & *Plato* ijs in locis astynomos vias curare solitos scribit. Romæ viarum quidem ἀγγορία ad ædiles, resectio ad censores pertinebat; vt videre est apud *Ciceronem libro 3. de legibus*. Augustus nouum huic rei ma-

Quatuor-
viri viarū.
Magistri
vicuum.
Viocuri.
4. Munus.

Ædilis.

gistratum creavit, Quatuorviros viarum, & ad *Ἀγορίων* vicuum magistros; vocarunt & Viocuros posteriores. De quibus omnibus erudite *Briffon. libro quarto antiq. in capite duodecimo.* Quartum officium item ad domos & ædificia pertinet, quo curabant astynomi, ut vicini ita domus & ædificarent & tuerentur, ut sine fraude alterius fiat, & ne qua iurgia inde exoriantur. Sæpe enim vicinos inter se vel corripere aliquid de aliena area, vel alias nocere, ut luminibus officiando, ut stillicidijs, fluminibus, alijsque oneribus & servitutibus vicino onerando, notissimum est. Hos igitur fines, ut ita dicam, urbanos regebat ædilis. Nam cura finium proprie non ad urbana, sed ad rustica prædia in iure Romano pertinet: ut & actio finium regundorum, *lege secunda & quarta. §. ultim. ff. fin. reg.* Quæ de re hic locus accipi non debet. Nam ad astynomos cura urbis, ad agromomos, de quibus infra, cura agrorum & fines regendi pertinent.

Cura mur.
ref. Limen-
archa. Fō-
tium præfect.

Ἐξ δὲ μόρια πλείων.] Quod in alijs magistratibus, idem & in astynomia accidit, multæ ut eius sint partes, munera & officia. Nam ad Astynomos pertinet cura viarum, aquarum, pontium, murorum, fontium, portuum, lactorum tectorum, &c. ut *supra* iam dictum. Quæ omnia etsi vno huius magistratus nomine & officio continentur, & ab vno administrari possunt: interdum tamen in plures ea curationes, ita ut suum quæque pars velut proprium magistratum constituat, diduci solent. Maxime in maioribus & celebrioribus ciuitatibus, de quibus paulo *supra* dictum fuit, & alias diligentius explicatum, magnam magistratuum multitudinem in ijs esse debere, ut in parvis non magnam. Itaque separatim ac distincte in ijs reperiuntur curatores muris reficiendis, Limenarchæ, & fontium præfecti & Viocuri, & Vicomagistri: ut *supra* dictum.

Ὅλον τῶν ποικίλων.] Hæc curatio Athenis fuit. Nam & ipse *Demosthenes* aliquando fuit *τῶν ποικίλων*, ut ipse pro *Ctesiph. & Æsch. contra Ctesiph. testantur.* A *Cicerone* earum orationum interprete in lib. de optimo genere oratorum dicitur *Demosth.* curator muris reficiendis.

Καὶ κερύων.] Hæc quoque Athenis erat curatio seu magistratus. Sic enim ait *Pollux libro 8. cap. de magistratibus,*
ὡς δὲ

ἡ δὲ κερυνοφυλάκων δόχη, &c. Romæ hæc facta (inquam) tecta & aquæ ductus curabant Censores.

Καὶ λιμενάρχων] Hi quoque Romæ erant & dicebantur Limenarchæ, de quibus Icti in l. Limenarcha. ff. de seru. fugit. & l. ult. §. h. c. quoq. ff. de muner. & honor. quibus in locis videatur Budæus.

TEXTVS.

Alius est necessarius quoque & huic similis. Nam de iisdem quidem est rebus, sed in agro est, & in ijs, quæ sunt extra urbem. Hos autem magistratus vocant hi quidem agronomos, illi vero hyloros. Tres igitur hæ sunt harum curationes.

COMMENTARIUM.

Ἄλλη δὲ ἀναγκασία.] Ex necessariorum numero magistratuum tertius hoc loco exponitur, qui à Græcis fere ἀγρονομία dicitur. De quo tria potissimum hic afferuntur. Primum, eam esse astynomiam non absimilem. Deinde, de eius officio, id versari in agris siue tota regione. Postremo, de nomine. Quod ad primum attinet, similitudinem agronomiæ & astynomiam in eo positam & versari ostendit, quod hi duo magistratus idem curent, siue easdem officij partes administrant: ut vias, facta tecta, fontes, puteos, pontes, itinera, sylvas, &c. arces & propugnacula, &c. Nam in eo tantum differunt, quod astynomia in vrbe, & altera curet in agro siue regione; & sit astynomia magistratus (ut ita dicam) urbanus, agronomia velut rusticus. Ex quibus alterum quoque caput iam intelligitur, quod esse diximus de officio & munere huius magistratus, quibus illud partibus contineatur. Quanquam de eo capite copiosius & pulchrius & magis luculenter differit Plato libr. 6. & 8. de ll. Sic enim ait libr. 6. ἀφ' ἑξήκοντος δὲ δὴν μετέθεν εἰς ἀνύκτα μιν ἔγω, &c. ubi urbis quidē præsidium & curam penes præfectos & duces belli: astynomos & agoranomos: reliqua vero vniuersæ regionis penes agronomos esse debere constituit. Quorum hæc sunt officia;

Φερεγγος.

Forestari⁹.

Saluarius

Discrimen
horū trium
& reliquo-
rum magi-
stratum.

quotannis omnem regionem circumire & lustrare. Deinde, ut tota aduersus hostes bene sit munita; videre quoque, ut viæ item bene sint munitæ & commodæ; & curare, ut ne aqua pluuia agris & frumentis noceat. Tertium est, ut dixi, de nomine. Ait autem Aristoteles hos regioni siue agro præfectos apud Græcos alijs quidem in locis dici agronomos, alijs vero Hyloros. Plato in ijs locis vocat agronomos & interdum φερεγγος. Roma hoc magistratu caruit. Quanquam, quæ eius sint partes, satis diligenter & Romæ curarentur ab alijs atque alijs magistratibus, ut sylvarum cura ad Consules ipsos, viarum extra urbem ad Censores, & item sartorum tectorum. Veteres Francorum Reges & ipse Imperator Carolus Magnus hanc quoque curationem siue magistratum in regno & imperio habuerunt, vocât barbare Forestarium (forestum significat syluam) posset rectius & magis latine dici Saluarius. Nam & in iure civili sæpe nominantur serui saltuarij *l. in instrumento. 12. §. saltuarium. ff. de instructo vel instrumen. leg.* (Saltuarius non est magistratus aut præfectus, sed seruus. posset sic dici, sed nusquam reperio; ideoque perperam ita habent *Calepini*.

Αὐτὰρ μὲν &c.] Aristoteles hac clausula priores tres magistratus à reliquis necessarijs velut diuidit ac separat: eo quod hi tres ex omnibus necessarijs sint primi, & in eadem velut materia versentur: pertinent enim ad cultum & victum siue ad vsus necessarios, ut sunt cibaria, vestes, tecta, viæ, fontes, aquæ, &c. tam in vrbe quam in agro.

TEXTVS.

Alius est magistratus, ad quem publica vectigalia referuntur, à quibus ea seruantibus ad singulos vsus siue administrationes distribuuntur. Eos autem vocant Apodectas & Tamias,

COMMENTARI.

4. Quæstura.

Ἄλλος δὲ δέχεται.] Hoc loco tres alios magistratus necesarios explicare orditur: & primum quidem de quæstura siue de præfectura ararij, de qua breuissime hæc duo notat; offi-

officium eius, & nomen. Ad hunc namque magistratum curam publicorum vectigalium, ut ea recte ac fideliter perscribantur, seruentur, & omnes in Reipublicæ usus necessarios conuertantur. Eos autem, qui huic magistratui præsunt, apud Græcos dici Apodectas & Tamias. Quod ad prius caput attinet, videtur verbo *μεσοῦδ* latius accepto omnis pecunia publica, & totum ærarium contineri, ut non tantum vectigalia siue publica, sed etiam bona caduca & publicata eo pertineant, & ipsa tributa, tam ciuibus interdum, quam aliis impio subiectis indicta ac descripta. Nomina hæc passim reperiuntur, & sunt vulgaria, maxime hoc *ταμείας*. Nam Apodectæ proprie Athenis ita dici videntur, Pollux lib. 8. & Suid. in verbo *ἀποδέκται*. Utuntur eo verbo & Demosth. & Æschin. Xenoph. lib. 8. *πουδείας* vocat *ἀποδέκταις* *μεσοῦδ*, ut & auctor libri de mundo (qui Aristoteli tribuitur, sed non est.) Erant Athenis & in Græcia quæstorum certa quædam genera, ut *κυλακρέται*, *ἐλλυνολαμείαι*, de quibus idem Pollux, & Plutar. in Aristide. Apud Romanos Quæstores huic magistratui præerant antiquitus, postea Prætores, & tandem Præfecti (qui dicebantur) ærarii, ut breuiter, erudite & distincte commemorat Tacitus Annal. 13 & latius Briffon. antiq. lib. 3. c. 19. vulgo vocant Thesaurarios, Rentmagistros, Receptores, Oeconomos, & eorum ministros olim Coactores. Sed de quæstura Romana mox amplius.

μεσοῦδοι τῶν ἡγεῖων.] Athenis hic dicebatur *ταμείας τῶν ἡγεῖων* *μεσοῦδων*, & *ταμείας τῆς διοικήσεως ἡγεῖνης*, & interdum præcise, ὁ ἐπὶ τῆς διοικήσεως: ut videre est apud Æschinem in oratione de eementita ligatione, & apud Pollucem lib. 8. Laert. in vita Zenonis, Plutarch in Aristide, vita Lycurgi Oratoris [non Legumlatoris] & in Politicis præ ceteris. Dicitur & Quæstor populi apud Plutarch in vita Lycurgi rhetoris. Erat autem splendidissimus hic magistratus, quem etiam principes viri gerere solent, ut Lycurgus ille, Aristides, Demades, &c. teste Plutarcho iis in locis.

μερὲς ἐν ἑσέρῳ διοίκησιν.] Id iam breuiter explicauimus accipiendum de vario usu publico, ut in sportulas iudicum, in ludos & spectacula, in triremes & ædificia publica, in rem militarem, &c. Vnde factum est, ut & certi essent quæstores militares, qui *ταμείαι τῶν στρατηγῶν* dicebantur, teste Plutarcho in eodem Lycurgo, & quæstores Theatrales, quos Athenis vo-

*μεσοῦδ**ἀποδέκταις**ἀποδέκταις*
*μεσοῦδ**Quæstor.**Prætor.**Præf. ærar.**Thesaurar.*
*ij.**Coactor.**Ταμείας**ἡγεῖων**ὁδῶν ἢ τῆς διο.**οικίας. ἡγεῖν.**ὁ ἐπὶ τῆς διο.**Quæstor**populi.**Magistrat.**huius præ-**stantia.**Ταμείαι τῶν**στρατηγῶν.*

Ταπεινῶν cant ταπεινὰ τῶν ἡγεμενῶν, de quibus & Demosthenes contra ἡγεμενῶν. Niceam, & Plutarchus in Pericle, & ipse Æschines contra Διοικητοῦς. Cresiphontem. Sed (vt dictum est) verbum διοικήσεως proprie ad summum siue communem quæstorem populi pertinebat, & pecuniæ ipsi commissæ τῆς διοικήσεως dicebantur: vt apud

Ratio, cur Demosthenem in ea oratione contra Niceam. Reliquum est, vt **quæsturare** à nobis explicetur velut additamenti loco, quod ab Aristote-
feratur in- le hic est prætermisum, an & cur quæstura sit ex magistratuū
ter magi- numero necessariorum. Qua de re ita breuiter dicendum:
stratus ne- vt priuatis & singulis non solum ad rem familiarem bene ad-
cessarios. ministrandam, sed etiam ad virtutum officia & actiones pecunia, tanquam organon, suppeditare debet, vt est apud Aristotel. lib. 1. Ethic. ad Nicomach. ita & ciuitas Rempubl. sine hoc adiumento & præsidio suam nulla bene administrare potest, tam in pace, quam in bello, & maxime quidem in bello, cuius vetere prouerbio neruus dicitur esse pecunia. Quare & Spartanam Remp. hoc nomine grauiter reprehendit Aristot. quod nullum haberet commune ærarium (vt neque Germania. putant exteri, nos habere tria insignia æraria: * Argentorati, Dantisci, Norimbergi Viri clarissimi scribunt de hoc triplici ærario Germaniæ, sed nullum est) *supra libro secundo, capite 7. extremo.* Ex quibus intelligitur, vt ærarium, ita & præfectos ærario in Rebuspublicis & Regnis esse necessarios.

* Egffelt no
minant
Germani.

TEXTVS.

Alius est magistratus, apud quem & contractus priuatos perscribi oporteat (Cicero non vtitur vocabulo contractus) & sententias iudiciorum. Atque apud hos litium quoque intentiones & introductiones fieri oportet. Hunc autem partiuntur quidem alii in plures: sed est vnus horum omnium princeps. Vocantur autem ἱερομνήμονες, & ἐπιστάται, & μνήμονες, aliisque his vicinis nominibus.

COMMENTARI.

s. Scriba.

Ἐτι γὰρ αὐτῶν.] Hoc loco de scribis explicatur, quos in nume-

numero magistratuum ponit Aristoteles ex Græcorum instituto, apud quos longe splendidior & honestior erat scribarum ordo, quam apud Romanos, *teste Corn. Nepote in vita Eumien.* Nam apud Rom. ut ait ille, mercenarii erant, ut sunt (inquit) & ministri potius magistratuum, quam magistratus. De iis autem tria fere hic exponuntur; officium, partes siue genera, & nomen. Officium autem duobus summis capitibus hic ab Arist. comprehenditur. Prius ad perscriptiones & commentaria pertinet, alterum ad principia iudiciorum siue litium & actionum instituendarum. Quod ad prius attinet, notum est negotiū & peruulgatum. Nam apud scribas & tabulæ priuatæ, siue (ut loquimur) instrumenta contractuum ac testamētorum, nuptiarum, transactionum, donationum, &c. conficiuntur: apud eosdem & publicæ tabulæ siue commentarii & acta publica, ut decreta magistratuum, ut Senatusconsulta, ut sententiæ iudicum, aliaq; id genus acta confici & seruari solent in Archiuo siue Tabulario publico. Alterum paulo est obscurius scribarū munus, Græcis tantum, idque olim vsitatum in litibus exercendis. Nam apud Græcos magistratus qui præerant iudiciis, ut fere erant Nouemviri (de quibus *Pollux*) ad quem rei experiundi causa adibant, non dabant actionem, ut Romæ prætor actori: sed si actoris petitionem non iniustam iudicaret, id est, ut loquebantur, *εἰσαγωγῆν*: eam solent ipsi *εἰσαγωγῆν*, ut loquebantur, id est, introducere, puta in forum: ut de ea iudices ab eo dandi, quibus & ipsi præsidebant, iudicarent. Hoc igitur munus actionum (ut ita dicam) introducendarum, id est, *εἰσαγωγῆν*, etiam scribis delegandum & committendum iudicat Arist. Quod tamē munus aliorum & maiorum magistratuum Athenis fuisse, manifestissimum est cum ex *Polluce lib. 8.* tum *ex Demosth. Luciano, & aliis.* Quanquam id quoq; Athenis receptum fuit, ut magistratus, qui litem siue actionē in forum introducerent, scribam ad manum haberēt, qui ipsam actionem exciperet, & in tabulas referret, ut indicat *Demost. contra Theocrinem.* Alterum de hoc magistratu caput his verbis exponitur; *ἐν ἀρχῇ μὲν οὖν μετέξουσιν*, &c. Quo monet Aristoteles, hunc quidem magistratum quibusdam in ciuitatibus multas in partes siue curationes tribui, quarū tamen vna sit princeps ac domina, id est, varii sint scribæ siue *ὑπογραμματοῖς*, & eorum vnus princeps, siue *ὑπεργραμματοῖς*.

1. Munus.

2. Munus.

Εἰσαγωγή.

Athenien-
sum hac in
re consue-
tudo.ὑπογραμ-
ματοῖς.

Erant

*Αντιγρα-
φός.

*Υπογρα-
φός.

Scriptura-
rius.

Scribarum
apud Rom.
vilitas.

Notar. Ta-
bular. Com-
mentarien.

Tabellion.

Cancellar.

Actuar.

Exceptor.

Ἀρχιγραμ-
ματός.

Ἱερομνή-
μων.

Erant enim & apud Græcos ἀντιγραφεὶς, ὑπογραφεὶς, & alii scribæ, qui senatui aut curiæ; alii, qui singulis magistratibus apparerent. Quod idem & Romæ receptum fuit, ut mox dicetur. Tertium caput esse diximus de appellationibus siue nominibus: quæ tria hic affert Aristoteles, de quibus mox singulatim explicabitur. Quod ad Romanos attinet; monuimus *supr.* quæsturam duos hos magistratus complexam esse, ad quam pertineret (inquam) & ærarii & tabularii cura. Quod idem & apud Græcos interdum factitatum esse indicat *Iloc. in Ægynetica*; sic enim ait; αἰρετὸς γὰρ ἄρχων, &c. Erat autem Quæstor Romanus non scriba ipse, sed scribarum & scripturariorum (famuli sunt scripturarii, ὑπογραφεὶς) præfectus: qui magistratus erat velut aditus ad reliquos omnes magistratus (Cicero adolescens fuit Quæstor in Sicilia) Nam Quæstura honos erat, & ex numero magistratuum, licet minorum. Scribarum Cicero ordinem vocat, non magistratum. Quare & Nepos in *Eumene* monet, scribarum officium apud Græcos fuisse splendidum & honestum, apud Romanos mercenarium & vile. Qua de re disputant *Ud. in tit. C. de tabulariis* (Venetiis nemo patricius potest esse Cancellarius) Verum de Quæstura Romana multa *Plutarch. in Catone Minore* (hic primus reddidit Quæsturam illustrem) & *Budeus ad tit. ff. de off. Quæst.* Nam quod ad Quæstorem sacri Palatii sub Impp. Romanis attinet, ἄλλ. λόγ., alia est ratio, de quo explicari solet *sub eo tit. de off. quæst.* Comuni autem nomine Scribæ olim & Latine dicebantur. Sunt autem & alia nomina; sed partim tempore, partim etiam officio non-nihil inter se discrepantia, ut Notarii, Tabularii, Commen-tarienses, Tabelliones, Cancellarii, Actuarii, Exceptores, Scripturarii. [Ἱερομνήμονες.] Comuni nomine apud Græcos vocan-tur γραμματεῖς, & eorum principes ἀρχιγραμματεῖς, ut *Plu-tarchus* Eumenem Alexandri Archigrammatea, & Nepos Scribam fuisse ait. Hoc autem verbum, quo hic utitur Ari-stoteles, non commune sed certi Scribæ fuit. Nam ii tantum Scribæ, qui in consilio Amphyctionico siue Pilacio (de quo consilio siue conuentu totius Græciæ annuo late *Pausan. in Phocicis*) apparebant, seruiebant: quia hoc consilium velut sacrosanctum apud Græcos haberetur. Adiungebantur au-tem hi Ἱερομνήμονες legatis siue oratoribus, quos ciuitas quæ-
que

que Græciæ eo quotannis mittere solebat. Hæc ex *Harpocrati*one, *Hesychio*, *Scholias*te *Aristoph.* ἐν νεφέλαις ex *Suida*, & hoc loco (nam certe hæc vocabula, quæ ab *Arist.* hic afferuntur, rariora sunt) collegi.

Καὶ ἐπιστάται.] Id quoque verbum in hac notione rarissimum est. *Επιστάτης*. Eo tamen pertinet, quod scribit *Pollux*, & ex eo *Suidas*, Athenis ex *Prytanibus* (maiores magistratus*) vnum præcipuo nomine dictum ἐπιστάτην, penes quem essent claves eius templi, in quo publica & χρήματα & γράμματα asservarentur, id est, qui custos esset ac præfectus ærarii ac tabularii publici.

Καὶ μνήμους.] Est hoc vetus verbum, idque antiquioribus tantum scriptoribus usitatum, ut & ipsi *Homero*, apud quem & *Eustath.* id monet, ab *Homero* dici μνήμους, quos posteriores vocarint γραμματεῖς.

Καὶ τοῖς ἄλλοις.] De aliis nominibus tam Græcis quam Latinis supra dictum.

F I N I S L I B R I V I.

LIBER

LIBER VII.

ARGVMENTVM.

Ανάμνησις.



1.

2.

3.

4. seu.

Argumen-
tum seq. li-
brorum.

Methodus.

De reliquis
libr politic.Aristot. qui
hodie desi-
derantur.Strozza
supplemen-
tum.

VÆ prioribus libris sex ab Aristotele adhuc sunt explicata, ad tria fere summa capita reuocari possunt. Vel enim sunt principia ciuitatum & omnium Rerumpublicarum, vel communia quaedam præcepta Rerumpublicarum omnium, & propria singularum tam instituendarum, quam conseruandarum, quam etiam perdendarum: vel reprehensiones & vitia cum aliarum Rerumpublicarum, tum Politicorum & Philosophorum aliorum, qui vel Respublicas aut Regna instituerint ipsi: vel, quemadmodum institui commode possint, scriptis & commentariis explicarint. His igitur iam explicatis, accedit Aristoteles ad eius Reipublicæ descriptionem & institutionem, quam suo ipse iudicio optimam esse iudicat, de qua & hoc libro & proximo explicatur. Ratio autem & via descriptionis, quam sequitur Aristoteles, ipsi naturæ & rectæ rationi accommodata esse videtur. Cum enim educatio & institutio omnium ciuitatum & Rerumpublicarum optimum sit vinculum ac firmamentum, & quasi fundamentum: recte & ordine fecit, qui ab educatione duxerit exordium. Sed per incommode & infeliciter accidit, vt prima tantum Reipublicæ Aristoteleæ velut ætas ac pueritia nobis hodie sit reliqua, & pars adulescentiæ, vt ita dicam. Nam de matrimonio tantum & quaedam de studiis adulescentum extant: reliqua longe maiora, & sine dubio præclarissima perierunt, quæ Strozza Italus quidam, vir doctissimus, duobus libris Græce & Latine editis conatus est supplere, non satis conuenienter ingenio & instituto siue doctrinæ Aristotelis, qui neque de religione, neque de re militari in Politicis con-

suerit

suerit explicare. Vt autem & huius libri summa siue argu-
 mentum melius intelligatur, instituenda nobis erunt duæ eius
 partes summa ac principes: proœmium, & tractatio, siue i-
 psa disputatio, quæ & ipsa bimembris esse videtur, siue dua-
 rum partium. Quarum in priore hypotheses siue principia &
 fundamenta quadam Reipublicæ Aristoteleæ iaciantur, &
 velut pramuniantur, à capite 4. vsque ad cap. 13. In altera
 tractationis parte aggreditur demum Aristoteles ad Rempu-
 blicam suam, à primis fundamentis, id est, à matrimonio &
 educatione, explicando à cap. 13. vsque ad finem operis. Iam
 vero in proœmio id potissimum exquirat ac disputat Aristo-
 teles, qui Reipublicæ status sit optimus. Eum namque Aristo-
 teles reliquo hoc opere sibi suscepit describendum & expli-
 candum. Ea autem quaestio, siue potius eius explicatio quia
 ex aliis pendet, & apta est, ea quoque in hoc proœmio pertra-
 ctat: primum, quæ vita sit optima: deinde, an eadem vita
 & publice & priuatim sit optima, siue an vita optima siue
 beata eadem sit singulorum, quæ ciuitatis, & contra. His
 autem explicandis admiscet & alia duo, in quibus aliorum
 errores refellit: primum, vtrum is optimus sit Reipublicæ sta-
 tus, qui in amplificando & proferendo imperio, siue in late
 dominando, in dominatu (inquam) aliorum est positus.
 Deinde, vtra vita sit melior; ea ne, quæ in agendo (ὁ βίος
 ἀποκλυστικός) an ea, quæ in contemplando (ὁ θεωρητικός) ver-
 satur. Quibus omnibus breuiter (vt in proœmio) expositis,
 concluditur tandem princeps huius loci quaestio, de optimo
 Reipublicæ statu, quem Aristoteles explicandum ac descri-
 bendum suscepit.

Lib. 7. ar-

gumētum.

Partitio.

1. Proœm.

2. ἐργασία.

ἡτοιμασ-

σις.

1.

2.

Proœmii

periœcha.

1. Quaestio.

2. Quaestio.

3. Quaestio.

4. Quaestio.

C A P V T I.

HO c capite indicat initio Aristoteles, qua de re agatur, vt
 loquuntur Iurisconsulti, hoc est, de optimo Reipublicæ
 genere & statu se toto hoc opere explicaturum. Deinde ex-
 quiren-

quirendum esse, in quo optimus ille Reip. status sit positus. Cuius quæstionis explicandæ causa diligenter hanc quæstionem pertractat, quibus in rebus optima ac beatissima hominum siue ciuium vita sit collocanda & æstimanda.

TEXTVS.

Qui de optima Republica recte disputare velit, ante omnia ei definiendum, quæ vita sit maxime expetenda. Eo namque ignoto, vt optima quoque ignoretur Respublica, necesse est. Verum est enim, optime eos agere, qui optima Republica vtuntur, pro copiis, quæ ipsis suppetunt; nisi quid præter rationem accadat. Quare id primum constare inter nos debet, quæ vita plerisque omnibus sit maxime expetenda. Deinde, vtrum publice & priuatim eadem sit, an alia.

COMMENTARI.

Περὶ πολιτείας ἀρίστης.] Indicat his verbis Aristoteles, sciam de integro exordiri descriptionem & explicationem optimæ Reipublicæ. Optimum autem Reipublicæ genus Aristoteli regnum verum esse videtur. Quod quia fingi potius quam sperari vel obtineri inter homines potest (Verum enim regem vult Aristoteles reliquis omnibus ciuibus ac parentibus non imperio tantum, sed omnibus virtutibus antecellere, *sup. lib. 3.*) eo fere delabitur hic noster author, vt ex iis Reipublicæ generibus, quæ obtineri possint, optimam putet esse Aristocratiam, siue imperium optimatum: vt *sup.* dictum *lib. 3.* Quare id quoque hic initio recte & vere constitui potest: totam hanc Aristoteleæ Reipublicæ descriptionem esse aristocraticam. Quo posito, multa, quæ in extremo hoc opere desiderantur, suppleri aliunde poterunt ex iis locis, in quibus de optimatum Republica disputatum. Cuius generis loca aliquot sunt insignia in hoc opere, *lib. 2. 3. 4. & 5.* & apud Platonem in *Politica*, aliisque in locis, apud Cic. in *libb. de Rep. & de legib.* Nam & Ciceroniana Respublica, quam ille secutus est & expressit in opere de Republ. magnam partem fuit aristocratica & optimatum propria, licet nonnihil mixta ac tem-

Quodnam
genus Reip.
sit optimū
Simplici-
ter: &
Quod obti-
neri possit.

temperata ex Democratia. Hoc igitur leuiter & vno verbo hic significat Aristoteles, de optimo se genere Reipublicæ reliquo hoc opere explicaturum. Illud autem proprie & maxime his verbis proponit: ei, qui de optimo genere Reipublicæ differere velit, prænotationem quandam de vita optima siue de maxime expetenda, id est, de beatissima, esse necessariam. Cognito enim, quæ vita sit optima siue beatissima; statim, & quæ Respublica sit optima, cognosci; & contra, eo ignorato, hoc quoque ignorari. Ratio autem & causa huius consecutionis, id est, cur optimæ Reipublicæ notitia ex ea prænotatione, id est, vitæ beatæ cognitione pendeat, affertur siue potius indicatur ab ipso quoque Aristotele hoc. Sic enim ait: *ἡ ἀρίστη πόλις ἡ κατὰ φύσιν, &c.* Quæ verba, vt obscuriora, & tamen totius loci vim ac momentum continentia, interpretes alii aliter latine reddiderunt. Nam ex tribus, qui hoc opus optime reddiderunt, *Perizonius* quidem ita; & præclarissime agi debeat cum iis, qui optima Respublica vtuntur. *Sepulveda* ita; cum eos optime viuere consentaneum sit, qui optimo statu Reipublicæ vtuntur. *Lambinus* ita; optimas enim res agere, optimeque res suas gerere conuenit eos, qui optima Reipublicæ administratione vtuntur. Omnes, ni fallor, male: *Sepulveda* minime male: quia sententiam est assecutus & expressit, cum, *ἡ ἀρίστη πόλις ἡ κατὰ φύσιν*, optime viuere, reddidit. Videtur autem, *ἡ ἀρίστη πόλις ἡ κατὰ φύσιν*, hic valere, beatissimum esse, id est, vt reddidi, optime siue beatissime agere. Nam & *infr. hoc cap. fere in fin.* ciuitatem *δρίστην*, & *κατὰ φύσιν καλῶς*, pro eodem ponit. Hæc igitur est sententia. Cum ii, qui optima Respublica vtuntur, optimam vitam & beatissimam agant: perspicuum est, alterum ex altero cognosci. Nihil est enim aliud optima Respublica, quam vita siue status ciuitatis ac ciuium optimus ac beatissimus. Quare & *sup. lib. 3.* Politiam siue Rempublicam & statum ciuitatis ac descriptionem, vitam ciuitatis esse ait. Sic & *Cic.* optimam Rempublicam describit ab optima ac beatissima ciuium vita & constitutione, *lib. 5. de Republ.* Vt enim gubernatori cursus secundus, medico salus, Imperatori victoria: sic huic moderatori Reipublicæ beata ciuium vita proposita esse debet, vt opibus firma, copiis locuples, virtutibus honesta sit, &c. Quæ verba exstant libro octauo *Epistol. ad Attic.*

ἐν τῶν ἐκαστῶν αὐτῶν.] Vocat Aristoteles *ἐκαστὴν ἐκαστὴν*.

*Casus for-
tuiti, quib.
Rerump. fe-
licitas inter-
turbatur.*

bona Reipublicæ ac ciuium ipsis suppetitantia, vt virtutes, bonam valetudinem, opes, diuitias, salubritatem loci, opportunitates fluminum, montium, portuum, &c. Nam ex his bonis optime temperatis vita beata constat, vt *infra* dicetur, eaque habere necesse est eos, qui optima Republica vtuntur. Nisi si casu aliquo (vt fit) impediuntur, quo minus iis bonis, licet abunde suppetentibus, vti possint, vt per seditiones, bella, morbos, &c. Hi enim casus aduentitii vsum quidem bonorum ciuib. beatissimis adimere vel impedire possunt: optimum statum Reip. & ciuium beatitudinem plane tollere & impedire, nisi sint calamitates Priamicæ, vt loquitur *lib. 1. Eth. cap. 1. & 5.* non possunt.

Διὸ δὲ ἐπεὶ τὸν ὀμυλογεῖται] Vt quæ sit optima Resp. constare possit; duæ hæ quæstiones prius sunt explicandæ. Prior, quæ vita sit ab omnibus maxime exoptanda siue beatissima. Deinde, an eadem vita beata sit ciuitatis, quæ singulorum. Ex his enim propositionē de optimo Reip. genere recte perspicere & cōcludi, iam ante docuimus. Quare de his 2. quæstionibus Arist. velut præmunitionis loco ordine ac deinceps, de priore quidem hoc cap. de alterâ proximo explicat.

T E X T V S.

Ergo cum satis multa explicari existimemus de vita optima etiam in aliis libris, nunc quoque iis erit vtendum. Nam quod ad vnam quidem diuisionem attinet, nemo certe ambigat, cum tria bonorum sint genera; externa, corporis, & animi: omnia hæc beatis adesse debere. Neque enim quisquam facile dixerit beatum, in quo nulla fortitudinis pars insit, neque temperantiæ, neque iustitiæ, neque prudentiæ; quique metuat vel muscas præteruolantes, nullaque re temperet etiam nequissima: si vel cupiat (concupiscat) edere vel bibere: & qui ob quadrantem charissimos amicos interimat: itemque & mente sit affectus, atque stultus & excors, vt puer aut furiosus. Omnes igitur

tur hæc quidem concesserint: ambigunt vero in quâto & magnitudine. Nam virtutis quidē quantulumcunque habere satis esse putant: diuitiarum vero, & pecuniæ, & opum, & gloriæ, omniumque eius generis infinitam magnitudinem quærunt.

COMMENTARI.

Νομίζουσιν ὅτι ἡ ἀρετὴ ποιεῖ.] Arist. duas quæstiones propositas explicaturus præmunitione siue excusatione quadā utitur. Videri namq; poterat superuacaneum, hoc in loco de iis explicare, de quibus iam aliis locis accuratissime disputarit, maxime de priore. De ea namque, id est, de beata vita, exquissite disputauit in *Eth. Nicom. lib. 1. & primo Mag. Mora. & etiam ad Eudem.* & aliis fortasse in locis & libris, qui interciderunt. De altera quoque quæstione alibi quoq; iam attigir & conclusit: eandem esse beatitudinem ciuitatis & singulorum ciuium, initio *lib. 1. Eth. ad Nicom. c. 2. in fin. & sup. huius operis lib. 3.* Et si igitur maxime de priore quæstione, id est, de vita beata alibi accurate est explicatum: nihil tamen alienum à recta ratione & via docendi fecit Arist. qui inde sumat, quantum sit satis ad hunc locum: quo breuiter doceat, qua in re optimum Reipubl. genus cernatur. Sic & alias solent Philosophi breuiter iis uti ad aliud argumētum, quæ aliis in locis late ac studiose explicarint. Qua tamē in re Stoici mihi peccasse videntur, qui ea, quæ nouo argumento seruire deberent alibi, licet suo loco vberissime explicata, omnia iterarent, & quasi de integro explicarent, ut sæpe *παρρησια* siue adiumenta ipsis *ἐγ-θροδὶ*, id est, instituto argumento essent vberiora & longiora. Id quod quodam in loco de Stoicis affert & probat Cicero.

ὡς ἀδελφῶς γδ.] De priore quæstione, quibus in rebus posita sit vita beata, primum explicatur. In ea autem explicanda, ut solet Arist. etiam vulgi sententias affert. Affert autem duas, quarum alteram probat, alteram refellit. Nam de hoc quidem sibi cum vulgo, atq; adeo inter omnes conuenire & consistare: cum tria bonorū sint genera; animi, corporis, & fortunæ: vitam beatā ex his tribus constare debere. Certū hoc esse velut axioma, beatum illū esse, in quo omnia genera bono-

Occupatio

ad excusa-

tionem et ho

di pertines

1. De vita

beata.

2. Vtrū ea-

dem ciuita

tis & singu

lorum sit

beatitudo.

Stoicorum

peccatū con

tra ill. me

thodē.

Quib. in re

bus cōsistat

felicitas seu

vita beata.

In quo ge-

nere bonorū tum infint solam : in eo esse controuersiam , ex iis bonorum
principue con- generibus quantum in beato inesse debeat, hoc est, utrū plus
sistat. ex animi bonis , an plus ex corporis , aut etiam ex fortunæ.

Vulgus enim & multitudo priores partes diuitiis & fortunæ bonis tribuere solet. Quam sententiam Aristoteles præclare refellit aliquot argumentis , ac docet vitam beatam virtute potius & animi bonis , quam vel corporis vel fortunæ æstimandam.

*Λόγοι ἐξω-
περιηγῆ.*

ἐν τοῖς ἐξωπεριηγῆς λόγοις.] Veteres, in quibus est & Cicero, scribunt , Aristotelem scripta & commentaria sua in duo genera partiri solitum , quorum altera dicerentur ἀπρὸς ἀμύλην, siue ἀπρὸς ἀλήθειαν, quæ erant exquisita & limata : altera ἐξωπεριηγῆ siue popularia. Qua de re latius lib. 1. Eth. vbi monuimus, hanc veterum de libris Aristotelis sententiam in dubium vocatam à Io. Sepulveda in annot. in hunc libr. Vult enim Sepulveda , verbum exoterici, & hic & alibi apud Aristotelem, non de certo libri genere, sed (vt alias plarumq;) generaliter idem hic valere, quod ἄλλως, siue alias, quem & nos hic sumus secuti: vt nimirum , cum ait, se explicasse de vita beata in libris siue disputationibus, λόγοις ἐξωπεριηγῆς : intelligantur libri Ethicor. id est, libri alii ab hoc opere Politicorum. Nam toto lib. 1. & 10. Ethicor. de vita beata diligenter est explicatum. Non ausim tamen ita ἁποδοκιμασεῖν, & omni repugnare antiquitati, vt eam Aristotelicorum librorum partitionem dicam aut sentiam esse commentitiam, & ex non intellecto verbo, Exoterici, profectam, vt & in Ethic. diximus.

*Bona ani-
mi, corporis
& fortuna.
Stoicorum
sententia.*

περὶ τῶν ἁπλῶν.] Peruulgata est & nota bonorum diuisio , qua bona sunt vel animi, vel corporis, vel fortunæ. Huius auctor est Plato; eamque plarique Philosophi tenuerunt, exceptis Stoicis, qui sola animi bona agnoscunt: corporis & fortunæ commoda vocant. Quos refellit Cicero libro 1. & 4. de Finibus.

*Omnia tria
bonorū ge-
nera ad bea-
titudinem
necessaria
sunt.*

πάντα τὰ εὖ καὶ ἡσυχία.] Dictum est *supr.* duo hic exponi ab Aristotele; vnum, de quo inter omnes constet: alterū, quod sit controuersum. De priore hic agitur, nimirū ad beatam vitam omnia bonorum genera esse necessaria. Id quod latius explicatur lib. 1. Ethic. vbi dictum est; neminem fore, nisi qui paradoxa tueri velit, & (vt eo loco ait Aristoteles) ἥσιν ἀγρυπνάειν: qui ausit dicere, beatum esse, vel qui sit improbus vel qui sit Iro pauperior, aut Priamo calamitosior, aut omni

bus

bus membris siue corporis partibus debilitatus siue captus, siue perdita valetudine.

§ de iis, §.] Nunc distincte & enucleate de iis bonis, an & quemadmodum sint necessaria ad vitam beatam, differit: ommissa tamen mentione bonorum corporis. Credo, quod eorum eadem fere sit ratio, quæ bonorum animi. Nam neque de bonis corporis controuersia fuisse videtur, vt hic docet de bonis animi: tantum de bonis fortunæ magnam esse controuersiam: de modo (inquam) eorum, vt *infr.* explicabitur. De bonis igitur animi, id est, de virtutib. tam moralib. quam *Beatitudo* rationis, id est, prudentia, docet inter omnes id constare, non *non est absq.* esse dicendum beatum, in quo nulla vel reliquarum virtutum *bonus ani-* moralium sit particula, vel nulla mica salis, id est, prudentiæ. *mi.* Verbi gratia; qui ita sit timidus, inquit, vt vel muscam præteruolantem metuat, vel crepitum foricis, vt ait *Cic.* extimescat: de quo dictum & *in l. 7. Eth. c. 5.* vel ita gulæ & ventri sit deditus; vt, cum libuerit, ne à sordidis quidem, vel à sordidissimis quidem temperet: vel qui ita sit auarus & iniustus, vt minimi lucelli causa, vel propter quadrantem aut teruncium coniunctissimum amicum violet, vel etiam morte afficiat, & Euclionem sordibus superet. Qui denique ita sit stultus siue stolidus potius, vt nihilo plus sapiat, quam vel puer vel furiosus: hunc, inquit *Arist.* nemo beatum dixerit. Quod idem & de reliquis bonorum generibus dici potest, vt iam dictum est. Sola controuersia est de modo, de re non item. Quanquam ne de modo quidem bonorum animi, id est, virtutum, controuersia esse videtur, cum virtus in mediocritate sit posita, quæ alioqui virtus non erit, nisi modum suum, id est, mediocritatem obtineat. Videamus igitur de bonis fortunæ, quæ sola sunt iuris controuersi, & in quibus vulgo perniciose erratur.

T E X T V S.

Nos autem iis respondebimus, de his quidem facile esse & ex ipsis rebus documenta capere, cum videre liceat parari & conseruari non virtutes bonis externis, sed hæc illis. Atque vitam beatam (siue eam in voluptate siue in virtute, siue in vtraq; re, homines collocant:) magis esse in iis, qui moribus quidem & animo supra modum sunt exornati: bo-

na autem fortunæ modice possideant, quam in iis, qui hæc quidem (id est, bona fortunæ) plus quam sit utile, possideant, illorum vero pauciora.

COMMENTARI.

- Vulgi opinio de bonis fortuna.* Ἡμεῖς δ' αὐτοῖς ἐρεῖμεν.] Nunc refellit Arist. vulgi opinio- nem de bonis ad beatam vitam necessariis, magis solliciti de bonis fortunæ, quā de bonis animi, siue de virtutibus: & plane contrariam sententiā tuetur. Vulgus enim putat, satis esse, si virtutibus quis leuiter sit tinctus: sed necesse esse, vt opibus, diuitiis, gloria excellat, q̄ beati nomē mereatur. Quam sententiam vulgi docet Arist. refelli posse bifariam; tam rebus ipsis & vsu vitæ, quam rationibus & argumentis. Ex vsu vitæ, siue ex communi vitā, duo affert omnibus nota & certa. Pri- mum namq; perspicuum est & notum omnib. bona fortunæ virtutibus & bonis animi parari & conseruari, non contra, bona animi diuitiis parari aut conseruari. Nam pruden- tia fere est domestica, quæ diuitias & parit, & partes cōseruat ac tuetur: cum ipsa, vt & reliquæ virtutes, bona educatione si- ue consuetudine & bonis præceptis ac moribus comparetur, augeatur ac conseruetur. Id quod cum multis multorum in- signibus sententiis ac testimoniis: tum etiam exemplis (diui- tias sine virtutibus nihil prodesse, sed nocere potius, & raro acquiri, nisi iniuste, ac facile dilabi ac perire) doceri & confir- mari potest. Quod si igitur verū est, diuitias & parari & con- seruari virtutibus, non contra: efficitur, virtutū maiorem esse quā diuitiarū vsum, magisq; illas, quā has, ad vitā esse neces- sarias, & illas his longe anteponendas; quod hæc sine illis con- sistere nequeant. Deinde, illud fere inter omnes quoq; con- stat, eos potius beatos esse, qui animo & ingenio siue indole ac moribus antecellant cæteris, licet modicis facultatibus, quam eos, qui magnas quidem habeant diuitias, animo vero & moribus siue indole male sint affecti. Vulgo quidem vir- tutibus præferunt diuitias, quam (vt dictum est) sententiam hic refellit Aristoteles. Idem tamen illi consentiunt, beatio- rem esse censendum eum, qui bonis animi excellat, modo & bona quoque fortunæ habeat modica, eo qui ditissimus sit ille quidem, sed iniustissimus, stultissimus, & moribus diffici- limis. Talem namq; etiam vulgo omnes oderūt ac detestan- tur,

cur, minimeq; beatū prædicant. Ex quo intelligitur id, quod vult Aristoteles, plus positum in virtutibus & bonis animi, quam in fortunæ bonis ac diuitiis esse.

εἴτ' ἐν τῷ χεῖρει.] Qua in re posita sit vita beata, in virtute ne, an in voluptate, an in utroque, an denique in alia re aliqua, diuitiis scilicet, quia nihil ad rem, de qua agitur, pertinet, & accurate explicatum est *supra libro primo ac decimo Ethicorum*: Aristoteles hoc loco prætermittit, & quamcunque quis partem sumat, ostendit, semper in virtute plus esse momenti ac ponderis.

TEXTVS.

Cæterum facile id quoque erit ratione considerantibus. Nam externa, vt organon, habent extremum. Quicquid autem vtile est, est in iis rebus, quarum magnitudinem siue nimium necesse est aut nocere, aut nihil prodesse iis, qui habent. Bonorum autem animi quanto quæq; fuerint maiora, eo esse utiliora. Siquidem & his attribuendum est non honestum duntaxat, sed vtile.

COMMENTARII.

Οὐ μὲν ἀλλὰ καὶ κατὰ λόγον.] Quod ex communi vita, id nunc rationibus confirmat; virtutū potius, quam diuitiarum magnitudinem & excellentiam ad beatitudinem esse necessariam. Et primum quidem his verbis, quæ modo latine vertimus, dubium esse potest, vna ne, an duæ rationes cōtineantur. Nam vna hæc videtur esse ratio, cur (inquam) diuitiæ finitæ siue non nimix aut infinitæ esse debeant, vt vulgus putat. Quia sunt ὄργανον & instrumentum ad vsus vitæ necessarium. Sit hæc formula: Omne organon finitum esse debet: quod & perspicuum est, & monuit *sup. lib. 1. cap. 5. in fin.* At bona externa siue fortunæ sunt velut instrumenta vitæ, vt explicatum *libro primo Ethicorum*. Quare efficitur, diuitiarum modum finitum ipsi naturæ esse consentaneum. Et hac quoque ratione eo loco, id est, *lib. 1. c. 5.* est vsus eadem in re, vt eo in loco latius explicauimus. Idē quoq; *infr. h. l. c. 4.* de eo, organa non debere aut magnitudine aut numero esse in-

3. Argum.

4. Argu-
mentum.

finita. Altera ratio quædam his verbis; *πᾶν δὲ τὸ χρηστόμεν*, &c. indicari videtur. Ea autem hæc est, quod bona fortunæ sint ac dicantur vulgo, vtilia, bona animi, honesta. Ad hæc enim tria genera siue fines rerum omnia reuocantur: vt sint vel honesta, vel vtilia, vel iucunda; de quo explicatur *in Eth.* Iam certum est, rerum vtilium, siue quæ eo nomine vsurpentur, eam esse naturam & conditionem, vt si sint modicæ siue mediocres, nomen ac vim suam teneant siue tueantur, id est, vere sint vtilis. Si sint nimix, sæpenumero multum noceant, aut certe nihil profint. Earum vero rerum, quæ honestæ dicuntur, vt sunt bona animi siue virtutes, plane contrariam esse vim & naturam, nempe vt earum non tantum mediocritas, sed multo magis magnitudo & excellentia profit: & quo sint maiores, eo maiorem & splendidiorē vitæ humanæ afferant vtilitatem. Id quod pulcherrime docet Aristoteles *libro secundo Magnorum moralium, cap. 3. in fine,*

Animi bona quatenus vtilia quoque sint.

εἰ δὲ καὶ τοῖς,] Hæc clausula eo pertinet, vt velut excuset Aristoteles id, quod dictum est, bona animi esse quoque vtilia. Nam contra dici poterat, honesti appellationem eorum esse propriam, vt vtilis bonorum fortunæ. Et respondet Aristoteles, bona animi licet proprie honesta dicantur: posse tamen & vtilia dici, propterea, quod in vita communi magnus eorum sit vsus. Nam, vt *supr.* dictum, bonis animi reliqua & pariuntur & conseruantur, & etiam bene collocantur.

T E X T V S.

Perspicuum quoque est omnino, quod dicimus, optimam affectionem cuiusque rei inter se sequi pro magnitudine differentix, quam habent res, quarum ipsas affectiones esse dicimus. Quare si anima & possessionibus & corpore honestior est ac potior: & simpliciter nobis quoque vt affectio cuiusque optima eandem inter se proportionem habeat, necesse est.

C O M M E N T A R I I.

5. Argum.

Ὅλας δὲ δῆλον.] Aliud argumentum siue ratio, qua docet, plus

plus momenti in bonis animi, quam in fortuitis, positum esse ad beatam vitam. Quia nimirum animus ipse & corpore & possessionibus siue re familiari longe sit potior. Quæ ratio ita ab ipso concluditur: Qualis quæque res est; talis est & rei affectio. At animus res est corpore & possessionibus potior & melior. Ergo & animi affectiones reliquarum rerum affectionibus erunt meliores. Vocat autem affectiones optimas; animi quidem, virtutes & scientias: corporis, bonam valetudinem, sensus integros, celeritatem, &c. rei familiaris, copiam seu vbertatem, bonitatem, commoditatem ad usum, ut in vino, frumento, &c. Assumptio huius conclusionis, qua dicitur animus corpore & possessionibus melior res, est perspicua. Propositio, qua dictum est, rerum affectiones & velut qualitates ipsas res sequi, hoc est, laudem & præstantiam affectionum ex ipsarum præstantia rerum subiectarum consequi, plusculum habet obscuritatis & difficultatis: etsi & eam Aristoteles notam ac perspicuam esse ait. Sed confirmari ea facile potest: quod optimarum rerum optimæ quoque sint affectiones, & ut optimarum naturarum siue substantiarum adiuncta siue aduēticia sint præstantissima, ut in Deo, in homine, in reliquis animantibus, si inter se comparentur cum ipsarum naturæ, tum earum proprietates & adiuncta.

Maiores confirmatio.

Καὶ ἀπλῶς, ὥς ἡμῖν.] Ait animum corpore & rebus meliorem esse tam simpliciter quam nobis, id est, tam sua sponte & natura, quam comparatione nostri, siue nostræ utilitatis ratione. Animus enim, si ipsius per se naturam spectes (quod faciunt Physici) res est longe potior & corpore & bonis fortunæ. Siue etiam usum vitæ nostræ spectes, longe plus affert commodi animus, quam vel corpus, quod sine animo plane sit inutile, vel bona fortunæ, quibus, nisi mente & animo bene affectus, nemo recte & vniuersimodo uti potest. Vtroque igitur modo per se (Aristot. ἀπλῶς vocat) & comparate animus reliquis antecellit. Sæpe autem fit, ut vno quod modo antecellat, altero non item. Verbi gratia; Lupus, quam triticum, per se & sua natura est melior: omne namque animal inanimato præstat. Nostri tamen ratione, id est, si usum vitæ nostræ spectes, lupo præstat triticum.

Animus & simpliciter & comparate melior est corpore rebusq; eternis.

TEXTVS.

Præterea animi causa hæc sunt expetenda: atq;

Iii 5

debent

debent omnes, sanæ mentis, expetere non eorum
causa animum.

C O M M E N T A R I I.

6. Argum.

Ἐξ αὐτῆς ψυχῆς.] Alia ratio. Quia bona fortunæ propter animum expetantur seu virtutes, non contra. Quæ & ipsa ita concludi potest: Cuius rei gratia quid expetitur, ea ipso est melior. Qua ratione docet *lib 1. Eth.* in virtute & honore non esse positam vitam beatam. Quod virtus & honos non sua causa, sed alterius expetantur, & de eo principio latius in Rhetoricis & Topicis. At bona fortunæ propter vir-

Minoris cō-
firmatio.

tutes expetuntur & bona animi. Ergo, &c. Assumptionem ait Aristoteles certam esse apud viros bonos & bene affectos, qui norunt, bona fortunæ velut organa & instrumenta esse, quibus animus hominis ad vitam recte degendam vtatur, & ad felicitatem consequendam. Nam alijs, male (puta) affectis, auaris, Tyrantibus aliter videri solet, vt virtus sit post

Iuuenal

sat. 6. vers.

nummos, vt ait Poeta, & omnia pulchris diuitijs pāreāt. Sed in rebus dijudicandis non improborum siue male affecto-

Horat. li 2.

rum, sed bonorum iudicium, tanquam canonem, sequi de-

sat. 3. vers.

cet, vt erudite monet Aristoteles *lib 3. Eth.*

T E X T V S.

Tantum igitur felicitatis ad vnumquemq; re-
dire, quantum virtutis & sapientiæ, & vitæ ex his
actæ, certum sit nobis, Deo teste vtentibus. Qui
felix quidem est & beatus, non tamen propter
bona externa, sed ipse per se, & quia natura sit cu-
iusdammodi.

C O M M E N T A R I I.

Ὁλὲ μὲν.] Conclusio est prioris disputationis de beata vi-
ta, plus momenti in virtutibus, quam in bonis fortunæ ad
eam esse positum: id quod vt certum & incontrouersum,
tanquam fundamentum suæ disputationis de optimo gene-

Beatituni-

re ac statu Reipub. ponendum ac sumendum esse ait. Nam
de eo explicatum est vberius alijs in locis, vt *supra* dictum. Ex

his gradus.

his

his autem verbis illud quoque intelligitur, quod idem explicatum est *lib. 1. Eth. ad Nicom.* beatæ vitæ ac beatorum gradus esse quosdam, hoc est, alium alio esse beatiorum: nempe quo quis & animo & reb⁹ ipsis sit vir melior & sapientior, quo pluribus & insignioribus præditus fuerit virtutibus, earumq; officia exerceat. Hac igitur conclusione id quoq; velut tacite continetur. Adspergitur & aliud nimirum argumentum priori sententiæ confirmandæ, ab exemplo Dei sumptū. Nam inter omnes constat, Deum esse quam beatissimum; eius beatitudinem non ex bonis aduentitijs & externis, sed ex ipsa eius natura ac proprietate esse æstimandam: beatum esse Deum, non propter opes ac diuitias, sed propter excellentem, omnibusque (vt dicitur) numeris absolutam naturam: adeo quidem, vt *Aristoteles lib. 10. Eth.* eumq; secutus *Cicer. lib. 4. de Fin.* concludant, ne quidem propter virtutes morales, quæ ipsa natura sunt inferiores & humanæ, nec in Deo proprie reperiuntur, diuinam beatitudinem esse censendam. Quare vt Deus per se ipse, eoq; quod ita sit affectus, q̃ ea eius sit natura; tam infinita præstantia beatus est, non propter bona aduentitia: ita & de hominum beata vita iudicandum videtur. Nam (vt Plato & Philosophi veteres censuerunt) hominum beatitudo est Dei similitudo siue *ομοιωσις*.

7. *Argum.*

T E X T V S.

Siquidem fortunatum esse propterea necesse est à beato differre, quod fortuna & casus bonorum quidem extra animam sit causa: iustus vero & prudens nemo vel à fortuna, vel propter fortunam est.

C O M M E N T A R I I.

Ἐπει κ̃ τὴν εὐτυχίαν.] His verbis aliud quoque argumentum priori sententiæ confirmandæ contineri videtur, sumtum à differentia verborū *εὐδαιμονίας & εὐτυχίας*. Quod vt intelligatur, repetendum est ex *Eth.* vitam beatā à Græcis dici *εὐδαιμονίαν*, *εὐτυχίαν* & *εὐζωίαν*, & interdū *μακαριότητα*. Nam huius verbi *εὐτυχίας* argumento docet *Aristot. li. 1. Eth.* ad vitā beatā præter bona animi etiam bonā fortunā, i. e. bona

8. *Argum.*

*ἡ δ' ἀμείνεια
ἡ τύχαια.*

*Formula
alia.*

bona fortunæ & externa esse necessaria. Eo igitur in loco, etiam bona fortunæ beatò esse necessaria, concludit. At hic contra, quia hæc verba non plane idem valeant, hoc est; quia vitæ beatæ magis proprie conueniat verbum *ἡ δ' ἀμείνεια*, & bonis fortunæ verbum *ἡ τύχαια*: concludit, vitam beatam non esse in fortuna & casu siue in bonis fortuitis & extra animum positis, sed potius in virtutibus, quæ non fortuna aut casu, sed partim natura, partim studio & industria comparantur, collocandam. Posset hoc argumentum & ita concludi: Quo cuiusque rei causa est leuior & incertior, eo & res ipsa vilior esse videatur. At bonorum fortunæ causa est ignobilior & instabilior (incertior, leuior, &c.) virtutum grauior ac stabilior, constantior. Qua re efficitur, virtutes bonis fortunæ longe esse anteponendas, & quidem in hac ipsa questione, hoc est, in virtutibus plus esse momenti, quam in bonis fortunæ. Quia à bonis fortunæ *ἡ τύχαια* siue *ἡ τύχαια* græce, latine fortunati dicantur, à quibus certum est differre *ἡ δ' ἀμείνεια*.

T E X T V S.

His consequens est, iisdemque rationibus concluditur, ciuitatem quoque beatam esse, quæ sit optima, & recte agat. Fieri autem non potest, vt recte agant, qui recta non agunt: nullumque opus aut viri aut ciuitatis absque prudentia rectum esse potest. Fortitudo autem ciuitatis, & iustitia, & prudentia eandem vim & speciem habet cum ijs, quarum singuli compotes dicuntur iusti, & prudentes, & temperantes. Verum sint hæc disputationi proæmij loco hæctenus præfata. Nam ea neque non attingere fas fuit, neque omnes huius loci proprias rationes persequi. Ad aliam namque scholam hæc pertinent. Tantum nunc sit positum, vitam beatam, & singulorum separatim, & publice ciuitatum, eam esse, quæ sit cum virtute bo-

te bonis fortunæ hætenus instructa, vt actionum ex virtute particeps esse possit.

C O M M E N T A R I I.

Εχόμενον.] Explicata priore quæstione, in qua Arist. cōclu-
sit, ad beatam vitā plus momenti positū esse in bonis animi,
q̃ in bonis fortunæ, siue eam esse vitam beatam, maximeq;
expetendam, quæ est in vsu virtutis cum quadā bonorum
fortunæ accessione: proximum esse ait, vt & de altera quæ-
stione consideretur. De duabus namque, velut præmunitio-
nis loco, ad principem quæstionem de optimo genere siue
statu Reipub. necessarijs videndum esse, *supra dictum initio.*
Altera igitur quæstio hæc erat; An singulorum & vniuersæ *2. Quæstio;*
Reipubl. beatitudo in eadē re sit posita, an sit eadem. Quam *Vtrum ea-*
hoc loco attingit & latius persequitur *capite proximo:* siue *dem sit bea-*
potius & hic & eo capite summam tantum eam exponit. *titudo sin-*
Nam hoc quidem loco concludit Aristoteles, & singulorum *gularū ho-*
& ciuitatis vitam beatam plane esse eandem, Rerumpub. sta- *minum &*
tum beatissimum ijs quidem rebus, quibus singulorum ho- *integrarū*
minum vitam beatam, esse metiendum, nimirum ex bonis, a- *Rerump.*
nimi, & vsu virtutum. Cui sententiæ confirmandæ duo ar-
gumenta licet subobscurè hic afferre videtur. Prius de verbo *1. Argum.*
græco *ὁ πρᾶξις* sumptum videtur, quo Græci solent pro
ὁ δὲ μὲν siue beatitudine, vt & *ὁ τυχεύς*, vti, & eum dicere
ὁ πρᾶξις, & *καλῶς πρᾶξις*, qui vere sit beatus. Vt igitur hæc *Formula.*
ratio planius intelligatur, ita breuiter concludi potest: Nemo
dicendus est *καλῶς πρᾶξις*, siue *ὁ πρᾶξις* qui non idem *κα-*
λῶς πρᾶξις: nemo beatus iure dicendus, qui non idem sit vir
bonus, qui non ex virtute viuat vel agat. At vere beatus dici
recte solet ac debet *καλῶς* siue *ὁ πρᾶξις*. Ergo beatus vt
idem quoque *καλῶς πρᾶξις* siue bonus vir vt sit, & bene ac
virtuti conuenienter viuat agatque, necesse est. Quod con-
clusimus de singulis, idem concludit hic Aristoteles in ciui-
tate vniuersa. Potest & ita concludi breuissime: Quod *κα-*
λῶς πρᾶξις, idem & *καλῶς πρᾶξις*. Ergo & ciuitas, quæ dici-
tur *καλῶς πρᾶξις*, id est, beata esse, eadem & *καλῶς πρᾶξις*
debet, siue virtutibus esse prædita. Nam vt pulchre Aristo-
teles; *ἀδυνάτον καλῶς πρᾶξις*, &c. Alterum argumentum *2. Argum.*
his verbis; *ἀνδρία, τῆς πόλεως*, &c, subindicari videtur:
Quod

Quod nimirum virtutum ciuitatis, id est, fortitudinis, iustitia, &c. publica eadem sit vis & splendor ac species, quæ priuata siue singulorum. Quare si constat verumq; est, vt est, in singulis hanc esse vim & potestatem virtutis, vt efficiat beatos; perspicuum esse debet, ciuitates quoq; virtutibus beatas effici. Ex quib. intelligitur, id de quo quæritur: tam Rerum pub. quam singulorum beatitudinem iisdem rebus, nempe virtute esse metiendam. Sed de hac quæstione vberius explicatum est *supra lib. 3. cap. 3.* Nam quæ eo in loco disputantur (an eadem sit virtus boni ciuis, quæ viri boni) ad hanc quæstionem optime mihi videntur posse accommodari.

Αλλὰ ὅτι ταῦτα μὲν.] Clausula est ordinis, siue (vt vocant) transitionis, qua monet Aristoteles, hæc duo, de quibus adhuc explicatum, præmunienda fuisse principi disputationi de optimo statu & genere ciuitatis. Nam, vt *supra* demonstrauius, ex harum explicatione quæstionum, quid de summa quæstione censendum sit, optime perspicui ac dijudicari potest. Cur autem de his duobus breuius fortasse, quam par sit, exponat; iam *supra* causam attulimus, quæ & hic iteratur: Quod ea consideratio alterius sit loci ac temporis, quæque propterea attingenda tantum fuerit, non plene explicanda. Ait tamen, se posterius de iisdem rebus explicaturum, si qui forte erunt, qui his suis conclusionibus & sententijs breuiter hoc loco, vt fundamentis positis, non assentientur. Quod an præstiterit, nec ne; incertum est. Illud perspicuum est, in hoc reliquo opere nihil amplius extare præter id, quod *initio proximi cap.* perexiguum subsequitur.

Quatenus
bona fortu-
na condu-
cant ad fe-
licitatem
humanam.

Ὅτι μὲν δὲ περὶ τούτων.] Quod hic indicat vno verbo, id copiosius explicauit in *Ethicis*; ad vitam beatam nō virtutes duntaxat, sed bona fortunæ quoq; esse necessaria hætenus, vt virtutum officia edi possint. Hic est enim optimus modus, de quo maxima est controuersia diuitiarum siue bonorum fortunæ; diuitias eatenus esse necessarias, quatenus sint vtilis & commodæ ad officia virtutum, id est, mediocres siue modicas, vt *supra* explicatum *lib. 3.*

C A P V T II.

HO C capite Aristoteles initio disputationem, eademne sit & singulorum & vniuersæ ciuitatis beatitudo, priore capite expositam repetit breuiter; eaque statim dimissa, aliam quæstionem affert de comparatione vitæ in contem-
plando

plando posita cum ea, quæ est in agendo, in qua explicanda tam *hoc reliquo cap.* quam *cap prox. 3.* quorundam refellit opinionem & instituta, qui Reipubl. ita constitutam habent aut probarent, in qua omnes leges & instituta ad rem militarem & dominatum pertinerent.

T E X T V S.

Reliquum est, ut explicemus, utrum beatitudo eadem sit dicenda & singulorum & ciuitatis, an non eadem. Sed & hoc perspicuum est. Omnes namq; assentiantur esse eandem. Qui enim vitam beatam vni in diuitijs ponunt, hi ciuitatem quoque vniuersam, si sit diues, beatam prædicant. Et qui tyrannicam vitam maxime admirantur, hi ciuitatem quoque plurimis dominantem censeant esse beatissimam. Siue virtute quis vnum probet, dicet & ciuitatē beatissimam esse, quæ sit optima.

C O M M E N T A R I I.

[Πότερον ἡ τῆς πόλεως μακαριότης.] Dictum est priore cap. hanc disputationem, eadem ne & singulorum & ciuitatis sit beatitudo an alia, bis hoc loco ab Aristotele attingi potius, quam explicari. Duo tamen argumenta ei sententia, beatam vitam & singulorum hominum & vniuersæ ciuitatis esse eandem, comprobanda priore cap. allata, siue potius indicata, iam explicauimus. Affertur hoc loco tertium à communi hominum sensu & iudicio. Nam tametsi magna hominum est dissensio in ipsa beatitudine definienda siue constituenda: alij namq; in diuitijs eam ponunt, alij in voluptate, alij in honoribus & imperijs siue dominatu, alij in virtute & vitæ integritate, ut dictum *lib. 1. 7. & 10. Eth.* in hoc tamen omnes consentire, Reipub. felicitatem ac beatitudinem ea ipsa in re esse positam, in qua sit singulorum. Verbi gratia, qui in ea sunt opinione, ut beatam vitam diuitijs metiantur: hi certe existimant, & singulos homines eos esse beatissimos, qui alios diuitijs superent, & ciuitatem maxime beatam ac florentem, quæ præter cæteras copijs ac diuitijs abundet. Quod idem de reliquis finibus dicendum est. Res enim est perfacilis, nec opus habet longa explicatione.

3. *Argum.*

T E X.

TEXTVS.

Verum hæc duo iam sunt, quæ consideratione opus habeant. Vnum quidem, vtra vita magis sit expetenda: ea ne, quæ in societate administranda ac regenda ciuitatis, an potius ea, quæ hospitibus propria & à ciuili societate est soluta. Deinde, quæ Respublica, quæque ciuitatis descriptio optima sit ponenda: siue omnibus sit expetendum, versari in Republ. siue quibusdam quidem non, plærisque etiam. Quia autem ciuilis considerationis ac disputationis hoc munus est & opus, non quid cuique sit expetendum: nos autem illam disputationem iam suscepimus; erit illud quidem huius scientiæ verum munus, hoc vero aduentitium & parergum.

COMMENTARI.

Ἀλλὰ γὰρ ἡ ἡμετέρα.] Duabus iam quæstionibus explicatis, priore de vita optima, eam maxime in virtute esse positam: altera de beata vita singulorum & vniuersæ ciuitatis, eam esse plane eandem siue eadem re metiendam: duas alias quæstiones, de quibus tanquam proœmij loco considerandum sit, reliquas esse ait, quarum vna est de comparatione vitæ contemplatricis & actricis: altera (quæ princeps est totius proœmij quæstio) de optimo statu & genere ciuitatis siue Reipub. quibus ille status in rebus sit collocandus. Et de hac quidem quæstione, quam principem esse diximus, totum negotium vno (vt ita dicam) verbo conficit. Alteram accurate & copiose persequitur hoc & prox. cap. vt *supra* dictum. Quod fortasse mirari quis possit, cur Aristoteles principem quæstionem breuissime attingat, alteram latissime persequatur: cum tamen illa huius scientiæ politicæ sit propria, hæc non item. Nam disputatio de comparatione vtriusque vitæ ad Ethica potius, vt altera de optimo statu Reipub. ad politica pertinet. Causa tamen huius ordinis & tractationis Aristoteli hæc esse videtur, quod princeps quæstio de optimo statu

ἡμετέρα.

Ἀλλὰ γὰρ.

statu Reipub. ex ea, quæ priore cap. exposita fuit de optimâ
vita maximeq; expetenda, siue de beatitudiue, & ipsa satis
intelligatur, præsertim accedente & altera, qua explicatum
fuit eandem esse & singulorum & ciuitatis beatitudinem. Ex
his enim intelligitur, vt singulorum, ita & ciuitatis, tum quæ
vita maxime sit expetenda siue beata, tum qui optimus sit
status & conditio; nimirum, vt de singulis hominibus iam o-
mittamus, Rerumpub. aut ciuitatum eum statum esse opti- *Rerumpub.*
mum ac beatissimum, in quo leges & instituta atq; mores ad *status opti-*
virtutes, earumq; officia cum mediocri opum ac diuitiarum *mus.*
copia dirigantur: siue vbi & publice & priuatim parua bo-
norum fortunæ, magna virtutum habeatur ratio. Præterea
eadem princeps quæstio de optimo Reipub. statu ex ea quo-
que de comparatione vitæ theoreticæ ac practicæ intellige-
tur. Nam in hac quæstione de vtroq; vitæ genere explican-
da Aristoteles admiscet ac veluti interijcit disputationem ad-
uersus eos, qui eam Reipub. optimam esse existiment, cu-
ius scopus sit dominatus & imperij latitudo, siue sit vna tan-
tum virtus, puta fortitudo, non tota seu vniuersa. Ea namq;
disputatione etiam hoc agitur & explicatur, qui sit status
Reipub. optimus, maximeq; expetendus.

Εκείνο μὲν πρῶτον.] Non est prætermittenda grammā-
tica hæc observatio, primum de his duobus verbis, πρῶτον
& ἕκτον: in iure vocant *accessorium & principale*. Nam alio-
quin latine vix possunt breuiter & eleganter reddi. Vfus est
ijs & alibi Aristoteles *lib. 1. Eth. cap. 7. in fin.* Deinde de his
duobus articulis, ἐκείνο & τῷ. quibus Græci sæpe ita vtun-
tur, vt illud ad propinquiorem, hoc ad remotiorem senten-
tiam accommodetur. Quod contra fit in latinis, *Illud & Hoc.*
Interdum tamen & Latini Græcos imitantur. Qua de re
Budaus in comment. ling. Græc.

T E X T V S.

Ergo perspicuum est, eam necessario esse opti-
mam Rempub. cuius descriptione optime quisq;
agere ac beate viuere possit. Ambigitur autem ab
ijs ipsis, qui vitam, quæ cum virtute degitur, ma-
xime expetendam esse consentiunt, vtrum civilis
& in agendo posita vita sit expetenda, an ea po-
tius,

tius, quæ omnibus rebus externis est liberata: ut ea, quæ est in contemplando, quam solâ quidam Philosophorum esse dicunt. Nam has fere duas vitas homines virtutis studiosissimi, tam priores, quam nostræ ætatis, sequi videntur: duas (inquâ) tam civilem, quam philosophicam. Neque vero parui refert, utrum sit verius. Debet enim sapiens, tum quisq; hominum, tum communiter Respub. ad meliorem scopum dirigi.

C O M M E N T A R I I.

Optimus
Reip stat^o.

“Ὁλὲ μὲν ἔν αὐαρχῆσιν.”] His perpaucis verbis continetur siue potius conficitur prior & princeps quæstio de optimo Reipublici statu; esse, in quo ciues sint maxime beati. Quod & supra pulcherrimis verbis Cic. ex li. 5. de Repub. confirmauimus. Ut enim (inquit) gubernatori nauis cursus secundus, &c. Cur autem hanc grauem quæstionem ita breuiter concludat, satis indicat hoc verbo; *φανερόν ἐστι*. id est, quia id & ex prioribus iam sit perspicuum & minime controuersum; sed de quo inter omnes fere constet, eam scil. Rempubl. esse beatissimam, quæ ita est descripta ut ad beatam ciuium vitam ac salutem ea descriptio siue *τέλεις* sit accommodatissima, maximeq; propria.

Ἀποφθεῖται γ.] Est hæc illustris & insignis quæstio de duobus vitæ generibus, practico & theoretico: quorum videlicet alterum in agendo, id est, in honoribus & Republ. gerenda, alterū in contemplando & in Philosophia, eiusq; partibus tractandis & exponendis versatur; utrum alteri sit præferendum. Nam tamen si vitæ genera summa tria fere commemorari solent: otiosum, id est, eorum, qui otio ac voluptatibus tantum sunt dediti: negociosum (Sic enim Varro vocat) practicum: & philosophicum, ut explicatum est li. 1. *Eth.* recte tamen Aristoteles hoc loco duo duntaxat genera vitæ esse ait, eorum sc. qui non voluptatibus, sed virtuti student: quam virtutem etiam ex *Ethicis* notum est esse duplicem; moralem, & rationis: siue practicam, & theoreticam. Quare & recte hic Aristot. ait hæc duo vitæ genera (politice siue civilem, & philosophicam) optimos quosque

tam

tam veterum quam suæ ætatis viros sequi consueuisse. Ad-
iungit autem, quæstionem hanc & controuersiam inagni ef- *Vsus & ma*
se momenti, cum ad singulorum tum ad Reipub. felicitatem: *gnitudo cõ-*
propterea quod hæc quæstio ad ipsum vitæ scopum ac finem *trouersiade*
pertineat: quo non bene posito, fieri vix potest, vt q̄ ad scopũ *pracellẽtia*
petendũ & attingendũ sint instituenda, i. e. vitæ actiones recte *vita practi*
collineentur ac dirigantur. Aliud namque *πλθ* ac vitæ fi- *ca & con-*
nem propositum sibi habet Politicus, siue is, qui honoribus *tẽplatina.*
& Republica gerenda vitam consumere velit, alijsq; ad eum *Seneca ep.*
finem argumentis vti solet, vt legibus, vectigalibus, fœderi- *95. seu vt*
bus, bellis, &c. Longe aliud spectat Philosophus, rerũ scien- *alij 94. vi-*
tiam & contemplationem, cui consequendæ alijs quoq; lon- *ta sine pro-*
ge diuersis rationibus & adminiculis vti solet. Quare cum *posito vaga*
tantum in hac quæstione momenti ad vitam beatam tam *est, &c.*

singulorum quam Rerumpub. sit positum: recte & ordine
facit Aristoteles, qui eam in his prolegomenis de optimo
Reipub. statu de integro explicauit. Nam de eadem iam an-
te diligenter & accurate disputarat *lib. 10. Eth.* quo in loco
& alios adduximus, qui idem argumentum tractarint, vt
Cicero. lib. 1. off. in fin. Philonem, Theophrastum & Heracli-
dem: etsi horum scripta interciderint. Plato quoque ipse *in*
libris de Republ. posterioribus hac de re copiose disputat.
Nam certe hæc quæstio non tantum (vt supra dictum) ma-
gnum habet ad vitam vsum, sed valde fuit controuersa. Plæ-
rique enim ptincipes Rerumpubl. vitam practicam cense-
bant generi humano longe vtiliorem theoretica, quam et-
iam, vt hominum ociosorum & inutilium, vel accusabant,
vel etiam exterminabant. Vt Romæ censor Crassus scho-
lam Rhetorum aperiri non est passus, vt ipse ait *libro 2. apud*
Ciceronem de Oratore. Et horum sententiam acceptam
etiam philosophi quidam sunt secuti & approbarunt, vt He-
raclides ille Ponticus & Cicero, Plato, Aristoteles, & Theo-
phrastus, & plæriq; Philosophi contemplatricem alteri lon-
ge præferendam iudicarunt atque censuerunt. Quanquam
hoc in loco Aristoteles ita disputationē ac sententiam suam
temperat ac moderatur, vt vtrosque (tam eos, qui practi-
cam, quam alios qui philosophicam tantum probabant) *telis sen-*
doteat in magno errore versari. Qua de re non hoc ca- *tentia.*
pite, sed proximo demum explicatur. Nam prius hic alium
quendam errorem refellit eorum, qui practicam quidem vitā

*Practica vi-
ta patroni.*

*Contempla-
triciis vita
patroni.*

*Correctio
& Aristo-
telis sen-
tentia.*

sequerentur, sed militarem potius, quam politicam ac ciuilem; quiq; totam suam vitam, omnia tam publ. quam priuata instituta, ad bellum, ad imperium, ad dominatum dirigerent; ut erant Spartani, quos magnam partem hac ipsa in re Romani sunt secuti, ut *infra* explicabitur.

TEXTVS.

Et hi quidem existimant, imperare proximum, si quidem heriliter; maxima cum ignominia esse coniunctum: si vero ciuilitate, non esse illud quidem iniustum, ad beatitudinem tamen ipsis afferre impedimentum. Sunt autem, qui plane contrariam sententiam tuentur; existimantes, vitam ciuilem, & in agendo positam, solam esse viri propriam. Nam cuiusque virtutis officia & actiones non magis ad singulos & priuatos, quam ad eos, qui Rempubl. administrant, & in ea versantur, pertinere.

COMMENTARI.

Νομίζουσιν ὅτι οἱ πόλιν. Dictum est *supra* de graui controuersia, utra vita alteri sit praefenda; ea ne, quae in agendo; an ea, quae in contemplando est posita. Hoc autem loco eam persequitur Aristot. & suos cuiq; autores ac sectatores esse, qui & iidem suis quique rationibus nitantur, ostendit. Afferunt

Secta tres: autem 3. fere sectas. Nam esse quosdam, qui toti ocio ac contemplationi dediti omnem Rempubl. administrationem repudiant: esse alios, qui honores & Rempubl. gerere malint, alijsq; praesse & imperare, quorum tamen duo sint genera. Nam ex his (inquam) qui vitam practicam ament, alios quidem moderate ac ciuilitate alijs imperare, alios vero tyrannice ac seruiliter. De rationibus, quibus quiq; horum trium adducti ita existiment, hic breuiter, *infra* copiose explicatur *proxim. cap.* quanquam de tertio genere, eorum puta qui omnia ad dominatum ac Tyrannidem potius referunt, hoc ipso capite late agitur, eorumque opinio ac secta refellitur. Priores igitur duae sectae iustioribus rationibus niti videntur: quarum prior est Philosophorum, altera Politicorum. Et

Philo-

Philosophi quidem ita suam sectam & opinionem tuentur: Quod dominari & imperare ciuibus suis & proximis vel sit iniustum, puta si fiat tyrannice & seruiliter: vel certe ad beatam vitam magno sit impedimento, etiamsi fiat moderate ac ciuilitate, ut sit in Regno, in Politia, & in optimatum Repub. De priore huius conclusionis parte, qua dicitur, & tyrannice & heriliter alijs imperare, coniunctum esse cum magna iniuria; inde perspicuum fit, quod in liberos homines & pares non herili aut seruili atque impari, sed ciuili, moderato, æquabili imperio sit utendum: id quod late explicatum *supra lib. 3.* Pars altera conclusionis, qua dictum est, occupationes politicas magnum afferre impedimentum ad bene beateque viuendum, satis per se intelligitur. Certe *Plato multis in locis*, his quoque occupationibus tribuit, cur eorum, qui in Republ. sunt occupati, familia & liberi plerumque male educantur; quod ipsi, publicis rebus distracti, non satis habeant otij quod domesticis impertiantur. Qui contrariam sectam sequuntur, & vitam actiuosam ac negociosam otiosæ anteponunt, hac ratione se tuentur, quod vita in agendo posita siue ciuilis & politica illa demum sola sit viri præstantis propria: cum altera otiosa & priuata mulierum sit potius, aut seruorum ac pecudum, suis tantum commodis otio ac voluptatibus deseruientium, suumque (ut dicitur) negotium agentium. Quod autem Philosophi identidem in ore habent & iactare solent, virtutes, earumque officia & actiones in beata potissimum vita exerceri, & eas esse priuatorum ac singulorum proprias: falsum est. Nam tamen virtutes morales, liberalitas, temperantia, magnitudo animi, prudentia, iustitia, &c. in priuata hominum vita, negocijs & commercijs magnum vsum habent: non minorem tamen habent & in publicis rebus & actionibus, ut fortitudo in re militari, & in sententia fortiter dicenda & exequenda; ut liberalitas & magnificentia in palatijs, in conuiuijs publicis, in tenuiores, ciues, hospites, scholas, Ecclesias, &c. iustitia in senatu, in iudicijs, in honoribus, præmijs & poenis, &c. Sed de his duabus sectis siue potius de suis cuiusque rationibus & argumentis plenissime *infra* explicabitur
cap. prox.

Ratio, qua prima secta homines nituntur.

Ratio, qua nituntur vita actiuosa laudatores.

Amor moris.

TEXTVS.

Alij vero formam & modum Reipub. herilem
& tyrannicum solum aiunt esse beatum.

COMMENTARI.

De 3. secta. Οἱ γὰρ τὸ δεισιδαιμόνιον.] Hæc tertia est secta, quam solam reprehensione dignissimam & iniustissimam esse docet Aristoteles. Quam tamen amplexi & secuti olim fuerant Spartani, eorumque initio per similes Romani. Quantumvis & Spartana, ætate Aristotelis, & postea Romana Respubl. à plærifq; fuerit laudata.

TEXTVS.

Quin etiam apud quosdam & hic in Repub legum est finis, ut vicinis dominantur. Quare cum apud multos multa sparsim, ut ita dicam, sint instituta & leges: si tamen ad vnum aliquod referantur, ad dominandum omnes collineant: ut Lacedæmone & in Creta cum institutio, tum legum pars maxima ad bella accommodata est. Præterea in omnibus ijs gentibus, quæ alijs superiores esse possunt, eiusmodi facultas in honore est, ut apud Scythas & Persas & Thraces & Celtas. Nam apud quosdam quædam etiam sunt leges siue instituta ad hanc virtutem incitantia, ut Carthagine ferunt, quot stipendia quis fecerit, annulorum ornatum caperet. Fuit olim & Macedonum institutum, ut capistro cingeretur, qui nullum hostem interfecisset. In Scythis (apud Scythas) ei, qui nullum interfecisset hostem, ex poculo, quod quodam solenni festo in orbem propinabatur, non licebat bibere. Apud Hispanos, bellicosam gentem, obeliscos (sunt columnæ in cacumen fastigiata: poni solent in sepulchris) tot numero circa tumulum defigunt (excitant) quot quis hostes interfecerit. Atq; alia

id

ad genus apud alios multa sunt instituta, partim quidem legibus comprehensa partim vero morib.

C O M M E N T A R I I.

Παρ' αἰσίου γ'] Quod de tertio hominum genere siue secta dictum est; quosdā esse, quib. forma Reip. herilis siue asperior ac tyrānica placeat: id exemplis aliquot Rerump. ac nationū confirmat. Nam q̄ hic afferuntur de eo Reip. statu in quo ll. & instituta spectent omnia ad dominatū & rem militarē: videntur non incōmode ad 3. illud genus, vt exempli loco, ac cōmodari posse, præsertim cum Arist. hunc statū paulo *infra* ipse vocet herilem his verbis; ἀλλὰ εἰσὶν οἱ πολλοί, &c. Afferret .a. exēpla partim à Græcis, partim à barbaris: vt veteres Græci homines bifariam diuidere solent. Et ex Græcis qdē Spartanos, Cretes & Macedones cōmemorat; ex barbaris Scythas, Persas, Thraces (Threces, vtrumq; .n. dicitur) & Celtas, quo nomine Germanos & Gallos contineri certum est, Carthaginenses & Hispanos. Adiungit .a. eundem statum Reip. quo omnia ad dominatum & rem militarem referuntur, omnes fere nationes amplecti, quarum ex sunt opes, vt confidunt, se alijs facile superiores esse posse. Ea sc. tenet omnes & ambitio, & latius dominandi cupiditas, finiumq; propagandorum. Exemplo sit & Imperium Rom. q̄ post Aristotelem exortum est. Eodem ingenio Bæotos (quem Græciæ populū hic prætermisit Aristoteles) fuisse cōmemorat *Ephorus* (discipul⁹ hic fuit Isocratis, *historicus insignis*: perierunt omnia eius scripta) eosq; grauitè reprehēdit eo nomine ap. *Strab. l. 9.* vbi hæc Ephori verba exstant de Bæotia; τὴν μὲν ἐν χείρῳ ἐποιεῖ, &c. Quib⁹ verbis Ephorus causam exponit, cur Bæoti, quorum regio ad principatum & imperium sua sponte esset accommodatissima, nunq̄ tamen imperium tenuerit Græciæ, nisi vno superstite Epaminonda, ipsorum ciue ac duce: nimirū q̄ consuerint λόγον καὶ ὁμιλίαν ἔχειν πρὸς ἀνθρώπους ὀλιγαρχίᾳ, μέγα δ' ἐπιμεληθῆναι τὴν πόλεμον ἀρετῇ, &c. sapientiæ & humanitatis omni abiecta cura, tantum res militares studerent. (Curgentes multæ fortissimæ multa possunt acquirere, sed non retinere? olim Gothi omnes prouincias Romanorū occupabant, sed retinere non poterant. Quia tantum aditi rei militari, cōsilio & sapientia destituti; & idcirco ad acquirendū aptissimi, ad retinendū inepti.) Verū de vitijs huius stat⁹ *infr.*

*Exempla
huius 3.
secta.*

*Ratio.
Bæoti.*

explicabitur, quo in loco eum statum Aristoteles præclaris argumentis refellit.

ὅς.

ὅς.] Verbum hoc apud Platonem & Aristotelem in rebus politicis idem sæpe valet, quod scopus siue πᾶς, ut & hoc loco. Nam quod hic ὅςον vocat Aristoteles, de eadem re *infra* agens *cap. 14.* nominatim vocat σκοπόν.

Χύδω.] Verti *sparsim*, ad verbum. Possiet non incommode reddi antiquo legum vocabulo, *per Saturam*, de quo *Festus*. (Aliquid per saturam ferre, id est, confuse. *Salustius* utitur. Pessime est deprauatum in *vulgaris lib.* hoc verbum)

Spartana
Reip. vitii.

Ὡς ἐν Λακεδαιμονίῳ.] Sæpe id reprehendit Aristoteles in *Repub.* Spartana: Eius pleraque instituta & leges ad bellum siue rem militarem & ad dominatum esse comparata. Sic enim ait *supra lib. 2. cap. 7. extremo*, ἐν δὲ τῇ πόλει τοῦ Λακεδαιμονίου, &c. & late *infra h. lib. cap. 14.* Quod idem in Lacedæmonijs ante Aristotelem & *Plato* aliquoties reprehendit, ut in *Lachete*, ut *li. 3. & 4. de ll.* ut ipse *Isocr.* in *Panathen.* *Cic.* quoq; *li. 1. off.* Sed illud (inquit) odiosum est, quod in hac elatione & magnitudine animi facillime & pertinacia & nimia cupiditas principatus innascitur. Ut. n. apud *Plat.* est, omnem morē Lacedæmoniorū inflammatum esse cupiditate vincendi.

Cretenf.

Καὶ Κρήνη.] De *Repub.* Cretenfi q̄ hic indicat Arist. eam quoq; omnem rei familiari & dominationi accommodatam fuisse, quia alibi non facile reperitur, propter eius obscuritatem dignum observatu videtur. Confirmari tamen ut verissimum id posse arbitror cum ex ijs, quæ *supra* explicauit Aristoteles *lib. 2. cap. 8.* ubi docuit, harum instituta *Rerum pub.* Spartana & Cretenfis velut Coloniam fuisse: tamen ex ijs quæ multa commemorat de hac *Repub.* Cretenfi *Strabo lib. 10. ex Ephori Politia Europa*, quæ perijt.

Hominum

ingenijs &

potentia ac

commodan

tur Rerūp.

forma.

Ἐκ δὲ τῶν ἐθνῶν.] Insignis est & ingeniosa Arist. observatio de cōparatione hominū siue nationum cum statu & forma *Reip.* Nā talem fere homines aut nationes *Reip.* formā ac statum amplecti, quali ipsæ sint vel ingenio vel opibus atq; potentia præditi. Id q̄ de hoc tantū *Reip.* genere, de quo hic agitur, in quo nimirū omnia ad bellū spectant, aliquot exemplis confirmat: omnes videlicet nationes, quæ & natura sunt bellicosa, & ita comparata, facile ut alios superare, suūq; sub imperium subigere possint, ad hanc (ut ita dicā) militarē *Reip.* formam esse propensiores; eoq; instituta præ-

mia,

mia, commoda, pœnas etiam comparare ac dirigere, ut victoriæ & fortitudini præmia fere sint proposita, ignaviæ dedecus aut pœnæ.

Οἱον ἐν Σκυθαις.] De his nationibus, Scythis, Thracibus & Celtis, ætate Aristotelis, vel ex aliis historiis, perspicuum esse potest, quod hic ait Aristoteles, eas ut bellicosas fuisse, ita omnia instituta ac studia tam publica quam priuata ad rem militarem & latrocinia (quæ rei militaris ac venationis est species quædam, ut *supra* dictum est *lib. 1.* hodie genus est, non species) retulisse, nullasque pacis artes nouisse. Certe *Celta.* de Celtis, quorum nomine Gallos & Germanos contineri diximus, etiam ex recentioribus monumentis, & historiis Cæsaris & Taciti (recentioribus, quoad Aristotelem, dico) *Hinc apud* perspicui potest, eos à pueris ad rem militarem educari & al- *quosdā, ad-* *lucheri consueuisse.* De Scythis quoque & Thracibus, qui, ut *huc hodie* & Germani, *teste Tacito,* se à Marte procreatos dicerent, vul- *tympanis* gare & norum est negotium. Erant enim perpetua fere ea & *bellicis* tate bella, Græciæ cum Thracibus, & antiquitus cum Scy- *instrumen-* *thiis* (hodie Tartari vocantur.) De Persis longe alia est ratio, *tis in nupti-* quam de reliquis nationibus, de quibus iam dictum est. Nam *is vtuntur.* etiam verum est, quod hic ait Aristoteles, Persarum quoque imperium, quod eo tempore maximum erat, eorumque formam Reipublicæ ad dominatum fuisse comparatam: erat tamen id imperium aliis quoque pacis artibus, & pulcherrimis legibus temperatum, ut videre est *in Xenophonte & Strabone.* Quamuis & *Plato in Politia*, amulus scilicet Xenophontis (ut ait Athenæus) Persicum imperium multis vitis inquinatum ac deprauatum & plane vitiosum esse contendat.

ἐν ἐπιοῖς γδ.] Ait, apud has nationes bellicosas sæpe fieri, ut præmia quoque viris fortibus proponantur, & contra ignavis ac timidis pœnæ. Quatuor huiusmodi exempla hic commemorat; de aliis *infra* dicetur.

καθ' αὐτὸν ἐν Καρχηδόνι.] De hac quoque gente Pœnorum *Carthag.* siue Carthaginensium, quæ iam Aristotelis ætate potens erat & illustis, statumque Reipublicæ utebatur præclaro, ut ipse explicat *lib. 2. cap. 9.* & postea longe potentior facta est & illustrior, facile quoque est ex veterum monumentis docere, eam plane fuisse militarem, & ad dominandum plus æquo propensam. Quod autem hic ait Aristoteles de præmio, tot *Premium* ornamenta siue corollas ex annulis contextas militantibus *militare.*

dari solitas, quot stipendia quis fecisset aut meruisset, non facile alibi reperias. Ea item, quæ proxime afferuntur, variarum gentium instituta in re militari, quo ad præmia & pœnas, ut rariora & insignia, tamen dignissima sunt observatu ex hoc loco.

ἡ ἰστέα δὲ παρ' ἑτέροις.] Nam & Romani, & Persæ, & Indi, & Germani & Græci veteres sua id genus & præmia & pœnas habuerunt militares, de quibus *Agell. libro 5. capite 6. Xenophon in Pædia, Strabo in posterioribus libris Geographicis, Ælianus, & omnium antiquissimus Herodot. ex quo quædam sumpsit Alexand. ab Alexand. lib. 4. genial. dier. cap. 8. & Tacitus in lib. de morib. German.*

T E X T V S.

Quanquam considerare volentibus valde absurdū fortasse videatur, esse hoc Politici officium, posse reperire, ut imperet ac dominetur proximis & volentibus & inuitis. Quī enim id sit Politici aut legumlatoris proprium, quod ne quidem sit legitimum. Non est autem legitimum, imperare non solum iuste, sed etiam iniuste: superiorem autem esse siue vincere licet, etiam iniuste.

C O M M E N T A R I I

*Refutatio
huius sectæ.*

Καὶ τοὶ δοῦναι αὐ.] Hoc loco iam Arist. eorum sectam refellit, quorum aliquot iam exempla attulerat, quibus nimirum ea Reip. forma probetur, in qua ad imperandum ac dominatum omnes leges ac instituta spectent. Afferit autem 5. fere argumenta, quibus eam Politiam doceat non esse optimam. Nam alia in alium locum relucit extremo hoc cap. ut
1. *Argum.* eo loco indicabimus. Primum autem argumentum siue ratio Aristotelis his verbis continetur, hæc nimirum, quod boni legum scriptoris, virique politici officium sit, ut ea, quæ iuri & legibus sunt consentanea siue iusta, proposita sibi habere debeat. Quo posito, statim efficitur, hoc genus Reip. in quo ad dominatum omnia spectant, ab officio boni legum scriptoris remotissimum esse. Iniustum est enim, quibuslibet velle dominari, tam inuitis quam volentibus & consentientibus. Illud enim Tyrannorum est proprium hoc Regum & bonorum magistratuum, ut explicatum est *supra* aliquoties. Est enim
ecele-

celebris hæc Tyranni & Regis differentia nota, quod alter
volentibus, alter imperet inuitis. Sic igitur hæc ratio conclu-
datur: quæ sunt iniusta, ab officio viri politici, ac proinde ab *Form.*
optimo Reip. genere sunt aliena. At omnibus velle domina-
ri, etiam inuitis, iniustum est. Ergo, &c.

TEXTVS.

Atque ne in aliis quidem scientiis id videmus.
Neq; enim medici nec gubernatoris est officium,
vel persuadere, vel cogere; huius quidem ægro-
tos, illius vero nautas.

COMMENTARII.

Ἀλλὰ μὴ ἐστὶ ἐν ταῖς.] Altera ratio à simili siue ab exem- 2. *Argum.*
plo medici & gubernatoris, quibus sæpe à Platone, Aristotele,
Cicerone & aliis, vir politicus, legumque scriptor comparari
solet, sumitur. Vt enim horum munus & officium non in vi
aut necessitate, siue in cogendo, sed in rationibus ac persua-
sione cernitur: ita & Politici officium, eiusque, qui aliis præ-
esse velit, non violentum esse debet, sed cum ratione coniun-
ctum, & beneuolentia temperatum.

TEXTVS.

Sed enim plæriq; existimare videntur, herilem
dominatum eundem esse cum politico principatu:
quodq; sibi quisq; nec vtile nec iustum esse ait, id
ipsum non pudet in alios exercere. Nam ipsi qui-
dem, vt iuste in se imperetur, quærunt: in alios ve-
ro nulla iuris iis est cura.

COMMENTARII.

Ἀλλὰ ἐστὶν αὖ ἐν τοῖς.] Tertia ratio à peruersa hominum 3. *Argum.*
opinione, eaque ipsi iuri naturæ repugnante, sumitur. Nam
tamen ius hoc est naturæ, vt aliis quis faciat, quod sibi ve-
lit fieri; quodque in alios iuris statuatur, eo & ipse iure vta-
tur, vt notum est ex titul. *Pandectarum* & dicto Christi, *ve-
rumq; Christianorum* (quod ipsum Alexandrū Imperatorem,
licet non Christianum, semper in ore habuisse à Christianis
funtū, testat Lampri.) ea tamē multorum est & ambitio & do-
minandi

minandi cupiditas, ut, hoc iure naturæ violato, ipsi, aliis iure an iniuria imperent, nihil pensi habeant, & civile imperium, quod maxime civium benevolentia ac studio continetur, in herilem & tyrannicam dominationem convertant: cum tamen, si aliis ipsi parere debeant, eos potius Principes sibi expectant, qui iuste ac inoderate & volentibus imperent, quam qui tyrannice, impotenter, ac pro libidine.

T E X T V S.

Absurdum est autem, nisi natura hoc quidem sit tale, quod heriliter imperet, illud vero non heriliter. Quare si ita res habet; non id agendum est, ut omnibus quis dominetur: sed iis, qui ad dominatum sunt apti. Quemadmodum neque venando homines sunt capiendi ad epulas, vel ad sacrificium: sed id, quod huc aptum est, ut venando capiatur. Id autem aptum est ad venandum, quod ferum sit, & mensæ aptum animal.

C O M M E N T A R I I.

4. *Argum.* Ἄλλοτερον γ.] Aliud argumentum, item à iure siue lege naturæ sumptum exponitur. Nam iure naturæ alii ad parendum (& quidem serviliter) sunt facti, alii non. Alii quoque natura ita sunt facti, ut heriliter dominantur: alii ita, ut non dominantur in alterum. Vt enim *supr. lib. 1.* explicatum est: quidam natura sunt servi, qui quoque alio imperio, nisi herili, salvi & incolumes esse non possunt. Alii natura sunt liberi, qui quoque civile quidem imperium ferre possunt, servile non possunt nec debeant. Quare qui omnes eodem iure complecti, atque tam natura liberos, quam servos eodem imperio herili siue tyrannico continere & coercere velit: contra ius naturæ ut faciat, necesse est. Contra vero is naturæ convenienter imperabit, qui pro differentia eorum, qui erunt in imperio, imperare velit: in eos quidem dominari, qui natura sunt servi; in alios non item. Id quod similitudine quadam à venatu sumpta illustrat. Vt enim (inquit) non quælibet animalia talia sunt, quæ venando capiuntur, sed ea tantum, quæ fera sint & edulia, siue ad vescendum idonea, quorumque usus vel

Simile.

vel in epulis, vel ad victimas esse possit: homines vero, siue alia mansueta, animalia non capiuntur venando: ita quoque ex hominibus ad imperium herile non omnes natura sunt facti; sed illi tantum, qui seruili sint ingenio, id est, natura serui.

δεσπόζον ἐστίν.] Etsi hæc duo, δεσπόζον & δεσποτὸν, id est, id quod dominatur, & id in quod illud dominatur, siue in quod est dominatus, ita inter se sunt relata, vt quod ex vno elicitur, idem quoque ex altero elici possit: & proinde idem argumentum & sententia huius loci ex vtroq; non ita in commode sumi possit, vt & nos vtramque sententiam exposuimus, tam de dominante, quam de parente: locus tamen hic longe fit planior, si pro δεσπόζον, quod hic bis iteratur, scribatur δεσποτὸν, vt infra τῶν δεσποτῶν, vt & in similitudine est ἡνδρῶν. Sic enim clara esset ac breuis conclusio. Cum non omnes mortales, sed partim ex iis ita natura sint facti, vt herile imperium siue dominatum ferre possint ac debeant, partim non: absurdum sit, & contra naturam, velle tamen in omnes herile imperium exercere: cum in eos tantum id sit iustum, qui natura sunt δεσποτοὶ, id est, ad tale imperium facti.

T E X T V S.

Quin etiam esse possit ciuitas vna per se beata, quæ nimirum bene administretur. Siquidem fieri potest, vt ciuitas seiuncta sit alicubi, quæ bonis legibus vtatur. Cuius Reipublicæ ratio non ad bellum, neq; ad hostes superandos sit comparata. Sic enim nihil tale.

C O M M E N T A R I I.

ἀλλὰ μὴ ἐν γ'.] Alia est ratio siue argumentum aduersus rationem Reipublicæ militarem, de qua agitur, quæ ratio ita concludi potest: si forma militaris optima esset ac verissima Reipublicæ descriptio siue forma: non posset vlla reperiri ciuitas optima ac beatissima, quæ nō ea forma & ratione Reipublicæ militari vteretur. At potest ciuitas reperiri beata & bene constituta, quæ tamen ad bellum & dominatum non sit accommodata. Quare efficitur, militarem eam Reipublicæ formam non esse verissimam & optimam: Assumptio- Minoris cō-
nem firmatio.

nem confirmat Aristoteles in hunc modum : Nihil (inquit) prohibet, quin ciuitas aliqua esse possit florentissima ac beata, utpote ea, quæ optimis legibus & institutis sit temperata, quæ tamen nec bella gerat, nec in re militari se exerceat; nimirum si nulla sit occasio belli gerendi, ut quia nulli sint hostes, nulli etiam vicini, quibus inferri bellum possit: puta, si sit ciuitas ab aliis remotior, quæque per se suis legibus utatur, & cum aliis, licet remotioribus, tantum habeat commercii, quantum ad vitæ quotidianæ vsum sit necessarium: quod cum aliis in locis interdum, tum maxime in Insulis vluenire potest.

Μηδὲν ὄν. Id est, fingamus siue faciamus, nullam esse vel occasionem vel necessitatem belli gerendi, ut quia ciuitas sit ab aliis longe diuisa & separata. Vicinitas enim, ut & communio, lites & dissidia parere solet.

*Vicinitas
& communio
lites & dissidia
parere solet.*

T E X T V S.

Quare intelligitur, omnes quidem curas & studia bellica esse ea quidem honesta & pulchra habenda; non tamen, ut finem omnium supremum, sed huius potius illa gratia. Est autem boni legum scriptoris, videre, quomodo ciuitas & genus hominum, omnisque alia societas vitæ beatæ quodammodo fiat particeps, eiusque beatitudinis, quæ in eos cadere possit. Different certe leges & instituta quædam inter se; idque munus est huius scientiæ legum scribendarum, videre, si qui sint finitimi, qualia studia aduersus quales sint excolenda, quibusque officiis in singulos utendum. Verum de hoc quidem, ad quem finem optima Resp. collineare debeat, infra quoque suo loco explicabitur.

C O M M E N T A R I I.

Ἀλλ' οὐδ' ἔτι. Conclusio est disputationis aduersus eos instituta, qui Remp. militarem (ut ita dicam) id est, eam, in qua ad bellum & dominatum omnia spectant, ut ad ultimum finem & beatissimum, optimam esse arbitrantur. Qua conclusione declarat

Arist.

Arist. iam perspectū esse ex priore disputatione & argumentis allatis, summū & optimū finē, quem vt singuli homines, ita & vniuersæ ciuitates sibi proponunt (vt *supr.* dictum *initio l. i. Eth.*) non esse positū in vnīs actionibus belli aut militaribus, sed potius in actionibus ex omni virtute manantibus, non ex fortitudine sola, vel virtute militari; quin potius has actiones eius summi finis consequendi causa, quem beatitudinem siue beatam vitam vocamus, vt & aliarū virtutum actiones, suscipi ac fieri. Nam ex prioribus iam constat, posse interdum fieri, vt ciuitas floreat ac beata sit, quæ tamen actionum militarium plane sit expers. Dictum quoque est, eos, qui in hac sola virtute & actionibus militaribus sunt occupati, suaque omnia consilia & facta ad imperiū propagandū, vtq; aliis dominantur, conferunt, nō tantū non virtute omni præditos esse, sed sæpe ipsis virtutibus, maxime iuri & iustitiæ, adeoq; ipsi naturæ aduersari. Hanc autem disputationem, vulgi & communi eius ætatis opinioni contrariā, qua ætate ab omnib. ferre Spartana Resp. laudabatur, vt omnīū optima, quæ tamen ad rem militarem erat accommodata (vt dictum est) & res in bello gestæ, ac facinora militaria vulgo semper magis gloriosa & illustria, quam pacis artes & munera, celebrari ac prædicari solent. Hanc igitur disputationem ne quis, vt paradoxam, calumniatur, & Aristotelem ipsum non tantum propter Rempublicam & Atheniensem & Spartanam, quæ vtraque magnam laudem & gloriam ex re militari ea ætate quærebat, sed etiam propter Philippum & Alexandrum, quorum magnæ iam essent opes ac gloria ex re militari, in inuidiam vocaret: caute & sapienter etiamque vere adiunxit Aristoteles hic, laudes, & facta militaria honesta esse, & præclara siue gloriosa, non tamen vt in iis sint omnia, non vt in iis regni aut Reipublicæ beatitudo sit ponenda: quod ipsum *infra* latius explicatur *capite decimoquinto*. Ex his autem id quoque intelligitur; quid spectare debeat bonus rector Reipublicæ, siue legum scriptor sapiens, quem finis est, quod sibi bonus Politicus in describenda Rep. sibi propositū habere debet. Quia in re Lycurgus & Minos, alique, magni licet alioqui legum scriptores & Rerumpublicarum auctores, aberrarint, vt da Rep. pro- & *supra* dictum *lib. 2.* sed cum potius finem & scopum, qui est positū habet & singulorum hominum, nempe vitā beatam. Hoc enim esse re debet.

officium

*Quid de re
militari sta-
tuendum sit
Politico.*

*Vita beata
finis est, quod
sibi bonus
Politicus in
describenda*

et gubernanda

*Resp. accō-
modanda rei
præsenti.*

officium & munus veri Politici, bonique legum scriptoris, videre & curare, vt ciuitas, quam legibus & institutis describendam & temperandam suscepit, bene beateque viuatur, & singuli ordines ciuium suo quique in genere, id est, dare operam, vt ciuitas sit beata, idque pro populorum siue nationum & pro ordinum discrimine. Quod discrimen sapienti Politico diligenter tenendum & obseruandum est. Neque enim optima Respublica in omnibus populis institui debet aut potest. Alii namque moderatiore magisque ciuili, vt de Græcis ait Aristoteles, alii, vt barbaræ quædam nationes, & immanes ac feroces, herili imperio ac tyrannico melius reguntur & continentur. Quam in re pluresque, qui de Republica vel disputarint olim vel scripserint, grauiter hallucinatos esse docuit *sup. lib. 3.* qui tantum de optima Republica vel agerent, vel scriberent, cum tamen vel propter ipsa loca, vt asperiora, vel propter hominum ingenia semper obtineri nequeat. Et hoc est, quod hic subobscurè indicat his verbis; *πῶς μὲν ἕκαστος* & *ἑκάστη πόλις*, &c. Ex hac autem varietate perspicuum est, illud quoque consequi necessario, non esse easdem leges vel instituta omnibus populis aut Rebus publicis tradenda & accommodanda; sed vt ipsæ nationes & hominum genera discrepant: ita & ipsas Rerum publicarum formas discrepare: & proinde dissimilia quoque & discrepantia instituta & leges esse debere.

*Leges diuer-
sa diuersis
Rebus con-
ueniunt.*

C A P V T I I I.

EX P L I C A T hoc capite questionem Aristotelis alteram, priore capite propositam, de comparatione vitæ duplicis, tam eius, quæ in contemplando quam quæ in agendo versatur; quarum studiosos, suam quemque alteri antefereundo, & alteram reprehendendo, utrosque à vero aberrare docet.

T E X T V S.

In eos autem, qui vitam cum virtute maxime expetendam esse consentiunt illi quidem, sed de usu eius dissentiunt, in utrosque eos nobis est differendum (nam hi quidem omnia ciuilia imperia improbant; existimantes, vitam liberi & aliam quan-

quandam esse à ciuili, & omnium maxime expectendam: illi vero, eam esse optimam. Neque enim fieri posse, vt qui nihil agit, bene agat: bene autem agere & beatam vitam idem esse) quod vtrique partim quidem sentiant recte, partim vero non recte. Illi quidem, quia liberi vita herili melior: id enim verum. Nihil namque præclari, seruo, quia seruus, vti. Iussus enim de rebus necessariis nullam cum rebus præclaris affinitatem habet. Illud vero non rectum, putare, imperium omne esse dominatum. Non enim minus distat liberorum imperium à seruili, quam ipsum natura liberum esse à natura seruo. Sed de iis satis est in prioribus libris (in primis disputationibus) explicatum (hoc est, in 1. libro.) Cessationem autem siue otium magis laudare, quam actionem siue negotium, non verum (rectum) est. Vita namque beata est actio. Præterea multarum & honestarum rerum finem habent iustorum & moderatorum actiones.

COMMENTARI I.

Περὶ τῆς ὁμολογίας.] Explicata priore quæstione, & *Controuer-*
 eorum reprehensa opinione, qui optimam eam esse Rempu- *sia de pstan-*
 blicam æstimarent, quæ ad dominandum sit comparata, & *tiavita pra-*
 ad rem militarem maxime sit accommodata, vt Spartanam *ctica &*
 & Romanam fuisse docuimus: hoc cap. aliorum quoque con- *theoretica.*
 tentionem, quandam dirimit de duobus vitæ generibus; po-
 litico siue practico, & philosophico siue theoretico. Nam et- *Cur de his*
 si plura vitæ sunt genera, vt otiosorum voluptati tantum ser- *duob. tantis*
 uientium; & quæstuosum, vt est opificum & mercatorum, de *vita generi-*
 quibus omnibus *sup. lib. 1. cap. 5. Ethic.* de his tamen duobus *bus tractet.*
 duntaxat explicandum fuit: propterea, quod hæc duo sola
 cum virtute cognationem habeant. Nam ytraque hæc vita
 virtutem & ex ea siue ex eius officiis, siue actionibus manan-
 tem vitam beatam, tanquam scopum & finem, sibi proposi-

ram habet. Nam & illud notum est ex *Ethicis*, ut duo hæc vitæ maxime illustria sunt genera: ita & virtutem quoque; & ipsam beatitudinem aliam esse practicam, aliam theoreticam. Ait autem initio Aristoteles, sua ætate magnam hac in re fuisse controuersiam; vtra alteri vitæ sit præferenda, & vtro genere optima Resp. sit metienda & æstimanda. In eo quidem eos consensisse, quod vita beata non in voluptate aut quæstu, sed in virtute sit collocanda. Verum cum virtutis duo sint genera, & duplex usus, partim videlicet in agendo, vitæque communi, partim in contemplando positus: in hoc ipso dissensisse, quod alii contemplationem, alii actionem anteponendam iudicarent: alii (inquam) eam vitam, quæ in honoribus & Republica administranda cernatur, ut optimam & laudatissimam, amplectantur, qui Politici nominantur: alii eam, quæ in rerum contemplatione & veritate inuestiganda versetur, ut beatissimam, sequerentur, qui Philosophi dicuntur. De hac autem controuersia latius disseruit Arist. lib. ult. *Eth.* & multis in locis Plato, maxime in libb. de Rep. Quæ controuersia etiam ad posteros Platonis & Arist. manauit. Nam, ut videre est ap. Cic. in Ep. ad Att. scriptis, eam exagitarunt Aristotelis duo insignes discipuli, Theophrastus & Dicaarchus: quorum ille otiosorum Philosophorum, hic Politicorum negotiosam optimam esse contenderint. Cic. in l. i. Off. extrem. Dicaarchi sententiam, altera rationibus quibusdam reprehensa, sequitur: ut & alias adductis aliorum locis copiosius exposuimus. Videatur tamen & Alcironus hac de re in libello de decretis Philosophia Plat. cap. 2.

Οἱ μὲν γὰρ ἀποδοκιμαζόντες.] Exponit breuiter rationes, quibus Ratio, qua in suo quisque vitæ genere approbando niteretur. Nam Philosophi quidem, quiq; imperia & honores ciuiles improbare conserunt, hanc rationem afferebant, quod vita ciuilis à vita patroni v. libero digna sit remota & aliena, quod sit (inquam) seruili, rebantur. quam vitæ liberorum similior. Cur ita quæso? Quod ii, qui i. Appro- præsumt aliis, dominari; qui parent magistratibus, iisque, batio. qui præsumt, seruire videantur. Ex quo id intelligitur, vitam hanc ciuilem herili & seruili comparari posse Vnde & hoc efficitur, hanc vitam non esse optimam: eo quod perspicuum & notissimum sit, seruillem vitam vitæ hominis libero digna longe esse deteriolem. Contra alii hac vtuntur ratione, qui vitam ciuilem otiosæ & philosophicæ anteponendam censent: quod, cum

cum vita beata & ipsa sit quædam actio, & ex actionib. virtutum existat, fieri non possit, ut otiosus, quiq; ab omni actione sit remotus, beatus vel esse vel dici possit. Et hoc est, quod ait: *ἀδύνατον γὰρ τὸν μὲν εἶναι περὶ τὴν ἀρετήν, &c.* Quibus in verbis vis argumenti siue rationis, qua Politici vtuntur, venusta & elegans est posita in origine & etymologia verbi *περὶ τὴν ἀρετήν* & *ἀπερὶ τὴν ἀρετήν* & *ἀπερὶ τὴν ἀρετήν*. Græci namq; *περὶ τὴν ἀρετήν*, quod latine, agere, & *ἀπερὶ τὴν ἀρετήν*, quod hi beatum esse (*Horat. audax Græcorum imitator*, bene rem gerere, reddidit latine, in *Epist. ad Celsum*) dicunt. Vnde & *ἀπερὶ τὴν ἀρετήν* apud Græcos idem est, quod *εὐδαιμονία*, latine, vita beata siue beatitudo. Quod autem dictum est, vitam beatam & actionem quandam esse, & ex actionibus oriri, explicatur copiose *lib. 1. c. 10. Ethic.* & his libris sæpe iteratur *c. infr. c. 13. c. 14.*

ὅτι τὸ μὲν.] Obseruanda est Aristotelis modestia in aliorum reprehensione, & etiam prudentia. Nam ita & alias solitus est aliorum sententias non totas abiicere, sed quæ ex iis ad rem suam faciunt, retinere & probare, aliis tantum repudiatis: ut videre est *sup. lib. 2. s. &c.* Ergo in hac quoq; quaestione docet h. l. illos in suo quemq; genere quædam bene, quædam non recte protulisse. Et de Philosophis quidem primo, id eos recte dicere, vitam herilem siue seruile ea, quæ est liberi, esse longe deteriore, vitam liberi serui, siue herili, sine controversia esse meliorem. Id quod & confirmat adiuncta ratione, quia seruo uti, quia seruus, nihil in se præclari habeat, id est, quia cum potestas & imperiū herile in eo sit positum, ut seruo vtatur in rebus seruilibus, eiq; imperet ac præscribat ea, quæ ad vsum vitæ sunt necessaria, ad rem (inquam) familiarem ac domesticam: Ea autem iussa & imperia sint rerum leuiorum & viliorum: merito hoc ipsum imperium siue potestas herilis nullam in se dignitatem & splendorem habere dicatur. Breuiter, imperium herile rerum est leuiorum, ut necessariorum, siue ad rem familiarem pertinentium. Nulla igitur eius vel exigua dignitas, splendor ac species. Aliarum autem rerum, quibus liberi vtuntur, & in quibus illos versantur, ut disputationum philosophicarum, administrationis Reipub. & militatis, &c. egregius est splendor ac dignitas:

ὅτι τὸ γὰρ.] Dominus seruo uti potest bifariam vel ut seruo, vel ut libero: ut seruo quidem, in rebus seruilibus, & ad rem familiarem pertinentibus. Ut libero vero, siue non ut

τὸ ἡδὺ & modestia Aristotelis.

ἡ ἐμὴ ἐξέλιξις Aristot. de hac controversia.

1. Hypothesis Philosophorum, ea que vera.

seruo, si eo utatur vel ut præceptore, vel ut consiliario, siue adhibendo eo in consilium, vel legendo in militiam, ut interdum Romæ & Lacedæmone factum constat. His enim in rebus seruo utitur dominus, non ut seruo, sed ut viro docto, sapiente, forti, &c. quæ sunt virtutes non seruorum, sed libero dignæ, quæque in seruos, ut seruos, non cadunt, ut neq; ipsa beata vita. Quod explicatum est *lib. 1. §. 10. Eth. & sup. lib. 1. Polit. de quo & infr. cap. 14.*

ἢ ὅ ἐπιταξίς.] Imperium de rebus necessariis, id est, ad rem familiarem pertinentibus verus est vsus seruorum siue potestatis herilis. Quod sane imperium nihil in se habet gloriosi aut præclari, ut *supra* dictum. Nam & alias constanter Aristoteles hæc duo [ἀναγκαῖα & καλὰ] ut contraria inter se opponere solet. Nos latine res leues, viles & humiles præclaris, & dignitatem in se habentibus, ut contrarias, opponere consueuimus, quod *supr.* iam monuimus *lib. 1. cap. 7. & alibi.* Honestæ, liberaliâ Aristoteli sunt καλὰ: seruilia, illiberalia & opificum opera sunt ἀναγκαῖα & βαναύσῃα, ut *lib. 1. Metaphys. cap. 2. in fin. & infr. hoc lib. cap. 14. in verbis: καὶ τῶν πενήτων τὰ μὲν, &c.* vbi & hoc dicitur, seu latius explicabitur.

2. Hypothesis Philosophorum, τὸ μὲν τοι νομίζουσιν.] Nunc peccata duo Philosophorum exponit: prius est in eo, quod putarent imperium omne esse domesticum, esse herile siue seruile. In quo profecto eos fugit ratio. Duo namque sunt imperii genera, non secus atque hominum. Ut enim etiam natura duce alii sunt liberi, alii serui, iique longe inter se distincti: ita ut imperandi ratio siue imperium aliud est liberis, quod ciuile; aliud seruis, quod herile dicitur, accommodatum. Qua de re diligenter, erudite & copiose explicatum *supra libro 3. capite 4.* Nam de duplici hominum genere alios natura liberos, alios esse seruos, explicatum est *lib. 1.*

3. Hypothesis Philosophorum, τὸ ἵμελλον.] Alter est Philosophorum error siue peccatum, vitam otiosam & contemplationi deditam ciuili, & administrationi Reipublicæ præferētium, in eo positus: quod otium & cessationem actioni præferant, maioreque laude dignum putent. Nam contra Aristoteles actionem otio præferendam & meliorem esse duabus his rationibus ostendit. Prior hæc est: quia ipsum summum bonum, siue beatitudo ipsa, quædam sit actio. Nam (ut explicatum *lib. 1. Ethic.*) vita beata actio

actio est animi ex virtute in vita perfecta. Altera ratio subob- 2. *Argum.*
scutior affertur in his verbis; ἐπὶ τῷ πολλῶν, &c. quia iustorum
& temperantium, inquit, virorum actiones finem habent
multarum rerum insignium & præclararum, id est, quia a-
ctiones iustæ siue iustorum, ut in iure dicundo, & iustitia ad-
ministranda, & actiones temperantium siue in abstinence pe-
cuniæ, siue in continentia magnos habent usus in vita huma-
na, & sæpe ad res maximas sunt utiles; ut propter iustitiam
interdum fit, ut regni aut Reipublicæ imperium alicui attri-
buatur, quod olim in primis regnis accidere solitum ex *He-
rod.* commemorat *Cic. lib. 3. Offic.* De continentia quoque,
quantam sæpe vim habeat, exemplo sit Scipio & ipse Alex-
ander Magnus. Eadem est ratio siue vis & efficacia reliqua-
rum quoque virtutum moralium, nimirum liberalitatis, hu-
manitatis, fortitudinis, &c. quæ sæpenumero maximæ sunt
occasiones ad summas res gerendas. Id quod cum perspicuum
sit ex otio non effici; non est difficile intelligere, actiones i-
psas otio esse præferendas, utque sæpe sint causæ grauium &
magnarum rerum gerendarum.

T E X T V S.

Atque his ita definitis, existimet quis fortasse,
optimū esse omnium, habere dominatum. Nam
sic actionum multarum & clarissimarum dominus
& auctor esse possit; ideoque non debere eum, qui
imperare possit, alteri concedere, sed potius sume-
re, atque nec patrem filiorum aut liberorum, nec
liberos patris, nec omnino amicum amici ratio-
nem habere, nihilque de eo laborare. Id enim,
quod optimum, maxime esse expetendum. Bene
autem agere esse optimum.

C O M M E N T A R I I.

Καὶ τοι ταῦτ' αὖ ἐπελάττοι.] Affert hic Aristoteles calumni- *Obiectio.*
am siue captionem, quam ex iis, quæ modo sunt explicata,
quis contexere possit. Nam ex priorē disputatione id effici
videtur, optimum esse dominari omnibus: & proinde debere
quemq; quouis modo (iure an iniuria, nihil interest) & impe-

Plutarch.

rium sibi arripere, & probare, & alios, etiam eos, qui iustius imperare debeant, imperio detrudere ac spoliare. Sic. n. concludere is posset: Si agere tam est laudabile, ut iam dictum: Ergo omnis agendi occasio erit arripienda. At in imperando optima est agendi occasio. Nam, ut vetus est proverbum; Imperium siue magistratus ostendit virum, id est, in imperiis demum cernuntur facta & officia virtutum: & longe sunt illustriora principum & magistratum siue publica facta, aut res gestæ, quam civium privatae actiones, & officia virtutum. Deinde virtutum officia & actiones in imperiis non tantum sunt illustriores & clariore, ut iam dictum est; sed etiam frequentiores. Semper enim qui cum imperio versantur, occasionem aliquam habent excolendæ virtutis. Ex quibus intelligitur, imperium & dominatum ad edendas actiones & claras & crebras esse accommodatissima. Quare cum tantopere actiones sint laudabiles, videtur (ut iam dictum est) id quoque inde effici, imperium quolibet modo esse arripiendum; nulla vel parentum vel liberorum, vel amicorum, vel iuris & honestatis habita ratione. Id quod eo magis confirmatur, quod ipsum summum bonum sit actio quædam, siue beatum esse nihil sit aliud, quam bene agere, ut Græci loquuntur, *εὖ πράττειν*. Notum est autem, summum bonum maxime esse expetendum; unde consequitur, ipsum quoque bene agere, & proinde ipsum quoque agere (nā ex multis bonis actionibus ipsa *εὖ πράττειν*, siue optima actio, i. beatitudo nascitur) maxime esse expetendum. Duplex est igitur ratio huius calumniæ; cur (inquam) imperia quolibet modo sint inuadenda & arripienda; tum quia actionum præbeant materiam plurimarum & maximarum: tum quia actiones, ut ad summum bonum spectantes, per se maxime sint expetendæ.

T E X T V S.

Hoc igitur vere fortasse dicunt, siquidem aderit spoliantibus, & vim afferentibus ex omnibus reb. ea, quæ maxime est expetenda. Verum fortasse fieri non potest ut adsit, sed falso id ponunt. Neque enim etiam id accidere potest, ut eius præclare sint actiones, qui tantum non excedat, quantum maritus uxori, aut pater liberis, aut dominus servis. Quare
qui

qui violat rectū, nihil recti tantū posterius fecerit, quantū à virtute discessit. Parib. namq; honestum & iustum in eo quod vicissim. Id enim par est & æquum. Quod aut non est æquum æqualib. quodq; non est par paribus, contra naturam. Nihil autem eorum, quæ contra naturam, honestū. Quare si vel alius quis virtute & facultate ad res optimas gerendas præstans; hunc sequi honestum, & huic parere iustum est. Debet autem non virtus tantum, sed etiam facultas adesse, siue potestas, qua ad agendum sit instructus.

C O M M E N T A R I I.

Τὸ το μὲν ἔν αὐτῇ.] Priorē calumniā siue captionem, qua quis ad imperandi siue dominandi libidinem excitari possit, hoc loco iam refellit Aristoteles: & primum suo more iis, qui hanc calumniam afferunt, aliquid concedit, largitur, verum- *Hypothesis seu proble-* que esse iis consentit, quod in approbationem calumniæ vel- *ma syner-* ut argumentum protulerunt; Summum bonum & in agen- *gon aduer-* do esse positum, & ab omnibus esse expetendum, siue summo *sariorum.* id studio quæq; quærere. Verum quod inde effici cupiunt, ut *λύσις τῆς αἰ-* propterea principatus & imperia iure an iniuria quærantur & *ὑποπόθεσις.* arripiantur, & iniustis his inuasoribus optimum & summum bonum obtingere posse: id vero falsissimum esse, & planè *ἐν τῶν ἀδυνάτων,* id est, fieri omnino non posse, præclare demonstrat. Quæ res ut intelligatur, paulo altius est repetenda. Dictum est & explicatum late *supra libro 3. & 4.* imperium omne vel esse in pares vel in impares. Id, quod est in pares, ciuile dicitur siue politicū: cuius propria est vicissitudo, id est, ut omnes aut pleriq; vicissim & præsent & pareant: quod fit in Rebus pub. Id autem, quod est in impares, Regnum fere aut Tyrannis vsurpatur, ubi vnus aliquis reliquis longe præstantior & impar in eos, ut impares & inferiores, dominatum habet. Iam vero in utroq; imperii genere id & iuri ac iustitiæ, & ipsi naturæ ac honestati consentaneū est, ut in altero quidē, qd est inter pares, non vnus aliquis semper dominetur: sed (ut dictum est) in orbem siue vicissim imperent ac pareant. Quid enim iniquius siue à iure & iustitia magis alie-

num excogitari potest, quam ut is, qui virtute & rerum usu non excellit, sed par est reliquis, tamen vnus semper imperare, nunquam parere, velit? Quæ dominandi cupiditas iniusta Iulium Cæsarem eo impulit, ut omnia diuina & humana iura Romæ confuderit, *inquit Cic. lib. 1. Offic.* Idemque accidere aliis solet, qui cum sint pares, pari tamen iure cum reliquis ciuibus viuere non velint. In altero vero si vnus aliquis virtute & rerum usu ita reliquis antecellat, ut tanquam Deus aliquis inter ciues esse videatur, optimo huic iure vni imperium debetur, qui & solus semper imperet, & nunquam pareat. Est enim id iuri ac iustitiæ contrarium, ut qui longe reliquis est superior, pari iure cum iis viuere debeat. Cuius generis heroas, quia sunt rari, recte monuit Aristoteles *sup. li. 3.* difficile factu esse, ut veri & iusti principatus siue regna inter homines existere possint. His ita positis (quæ satis *supra* sunt explicata, & hic breuiter iterantur) consequitur, falsum esse: quod illi calumnia sua efficere cupiebant, nimirum quolibet modo inuadenda & rapienda esse imperia, quia materiam & causam præbeant honestarum actionum. Nam tum demum causam bonarum actionum præbent imperia, si iuste sint parata, siue si ii imperent, quos ius est imperare, quique ea virtute & facultate sint præditi, quæ ad imperandum requiritur. Quasi quis careat, quo maiore erit in imperio, ut fit in magna tyrannide, eo actiones siue facta perpetrabit & edet sceleratiora ac deteriora siue turpiora. Nam cum aliis corporis & fortunæ bonis, tum imperiis & magistratibus in vtramque partem vti licet, ut docet *Arist. lib. 1. Rhetor. & lib. 2. Mag. Moral. & 4. Ethic. ad Nicom.* Quare vir bonus, opes & imperia nactus, multa præclara facinora & actiones edere potest; vir improbus contraria. Nam, ut *supr.* dictum *lib. 1. cap. 2. in fin.* iniustitia siue improbitas, arma & instrumenta nacta, ut magistratum, opes & imperium, longe est deterrima. Quare & *lib. 2. cap. 9.* monet, improbis non esse mandandos magistratus. Quod magnarum rerum domini facti magna quoque facinora & scelera perpetrare possint: eaque est causa, cur & *Plato lib. 1. de Rep.* ea tantum de causa Philosophis Rempubl. gerendam permittat, ne improbis sit locus. Ex his iam efficitur, eos, qui per vim regna & imperia inuadunt, non tantum inde consequi occasionem optimæ actionis, id est, summi boni siue beatæ vitæ comparandæ: sed ne vllas quidem præ-

Cur probis
tatum sint
committendi
magistratus.

præclaras actiones edere posse: propterea quod eos plane improbos & impios esse necesse sit, qui non virtute, siue quod alijs antecellant, sed vi & iniuria occupent imperia, & alios spolient. Quæ quidem tam magna est iniuria & tam graue facinus, nullum ut postea tam præclarum edere possint, quo illud velut eluatur & emendetur: neque vnquam is tam præclare se gerere potest, quam turpiter & longe à iure & virtute discessit ea inuasionem. Itaque etsi verum est, imperia & magistratus velut ansam & occasionem suppeditare honestissimarum & præclarissimarum actionum: id tamen verum non est, eum, qui magna sit potentia præditus, siue eam quomodolibet nactus, continuo talem esse, qui præclaras & honestas actiones sit editurus. Nam id ante omnia necessarium est, ut imperio quoque sit dignus, id est, virtute cæteris antecellat: quæ nisi adsit, tantum abest, ut honestissimarum actionum, quin potius deterrimorum facinororum materiem & occasionem imperia sint præbitura, ut iam dictum. Vanum est igitur & futile iosphisma, quo uti quis posset ex prioris disputatione de laudibus actionum ad cupiditatem imperiorum & rapiendos principatus. Et hæc quidem huius loci satis obscuri vera, licet paulo prolixior, explicatio esse videtur.

Τὸ πᾶν ὄντων ἀρετὴ καὶ εὐτυχία.] Id est: vel virtus vel ipsa beatitudo, quæ est rerum omnium optima & maxime expetenda. Neutra certe in eos cadere potest qui per vim imperia & principatus inuadunt alienos. Quod tamen captione ea videntes sumere sibi & velut ponere videntur: posse virtutem & honestas siue ex virtute actiones in eos imperiorum inuadores cadere. Id quod falsissimum esse fundamentum ait, ut *supra* est explicatum.

Τῶν δὲ ὁμοίων.] Breuiter hic attingit duorum imperiorum genera: vnum in pares, alterum in impares: de quibus iam dictum.

Τὰς δὲ ἰσὺς ἐὺ μισίον.] Hæc duo eleganter à Græcis coniuncte usurpari solent, ut *supra* lib. 2. cap. 5. Sic Plato Isoc. alij loquuntur & ipse Cicer. in Epist. ad Attic. tanquam τὰς ἰσὺς ἐὺ μισίον.

Τὸ δὲ μὴ ἰσὺς.] Plærumque hoc fieri assolet, ut, qui sunt inter se pares, nolint tamen pari iure viuere; sed aliquid amplius præter cæteros sibi arrogent, vindicent. Græci eleganter

πλεονεξία. ter *πλεονεξίαν* vocant. Est enim id iniustum, ut inter pares & similes non sit par & simile siue æquum. Qua de re saepe *supra* dictum, ut *lib. 5. cap. 1. lib. 3. cap. 6. & 8.* Quod recte Aristoteles ait repugnare naturæ. Nam ut præclare disputat *Cicer. lib. 3. off.* detrahare alteri sui commodi causa, id est, iniustitia siue iniuria, magis (inquit) naturæ repugnat, quam morbus.

*δυνάμεις
πρακτικῆς.*

Καὶ ἡ δυνάμειν.] Non satis planum videtur, quid hoc loco Aristoteles vocet *δυνάμειν πρακτικῆς*, videtur tamen intelligere aut prudentiam siue usum ac peritiam in rebus politicis ac civilibus, aut naturæ bonitatem siue facilitatem & procliuatatem ad res gerendas. Nam ut quidam natura ad res politicas & Rempubl. plane sunt inepti: ita alij sunt aptissimi, & eo velut natura facti, quos vulgo practicos dicimus. Hoc enim vult Aristoteles; eum qui alijs sit præfuturus, non tantum virum bonum siue virtute præditum esse debere: sed etiam eum, qui sciat imperare, quiq; ad hoc natura sit comparatus, & vim ad imperandum siue potestatem à natura habeat.

TEXTVS.

Quod si hæc recte dicuntur, vitæq; beata in bene agendo ponenda: certe & communiter omnis ciuitatis & singulorum vita optima sit ea, quæ est in agendo.

COMMENTARI.

*Conclusio
huius dis-
putationis.*

Αλλ' εἰ ἴσμεν λέγειν καλῶς.] Conclusio est prioris disputationis de comparatione vitæ vtriusq; , tam practicæ quam theoreticæ: vtra sit melior & breuior. Ait autem: Ex ijs, quæ modo sunt explicata, vbi dictum est de actionibus iustis & bonis, eas ad bene beateq; viuendum esse necessarias, & ipsam vitam beatam nihil esse aliud, quam quandam *ἀρετὴν* siue bonam actionem: ex ijs (inquam) alijs si vera sunt, ut sunt, illud profecto effici & concludi posse, vitam in agendo positam esse optimam ac laudatissimam, & otiosæ longe anteponendam. Et hoc illud est, quod erat in quæstione, siue (ut *ICti* loquuntur) qua de re agebatur. Ait autem, vitam hanc actuosam non tantum, quo ad singulos homines, sed etiam, quo ad vniuersas ciuitates, id est, breuiter, tam publice quam pri-

uatim

nam siue singulatim esse optimam. Nam id quoq; *supra* explicatum fuit: sit ne vna eademq; tam ciuitatum quam singulorum beatitudo: de quo explicatum *supra initio cap. 2.*

TEXTVS.

Verum, vt quidam putant, non est necesse, vitam actuosam ad alios referri: non etiam has tantum cogitationes actuosas esse, quæ euentorum causa fiunt ex agendo; sed multo magis eas, quæ seipsis contentæ, quæq; per sese fiunt contemplationes & considerationes. Nam bona actio finis est: ergo & actio quædam. Sed & maxime agere dicimus, dominosq; esse externarum actionum eos, qui animo siue mente duces sunt.

COMMENTARI I.

Αλλὰ τὴν περὶ τὴν αἰσθητικὴν.] Dictum est *supra initio huius cap.* in hac controuersia de utroq; vitæ genere vtrinq; peccari. Eorum quidem, qui otiosam vitam probant, duo errata *supra* iam explicata sunt. Eorum autem, qui actuosam & negotiosam siue vitam civilem amplectuntur, duo item peccata ab Aristotele reprehenduntur, eaq; grauissima. De priorre, quod pertinebat ad iniustam principatus & imperij cupiditatem, *supra* iam dictum. De altero hic agitur, quo putant Politici se solos in rebus agendis versari, & Philosophorum studia mentisq; agitationes & contemplationes non esse actiones. Huius eorum opinionis fundamentum eo niti videtur, vt & hic indicat Aristoteles. Quod vita in agendo posita siue vita politica & civilis non intra se vertatur, sed foras spectet, & ad commercia vtilitatemq; hominum in vita communi referatur. Et sane si verbi, siue Græci, quod est *περὶ τὴν αἰσθητικὴν*, siue Latini, quod est actionis, vim & vsum spectes; Verissimum esse videtur id, quod Politici asserunt, sua tantum studia, munera & opera, quæ vel ad Reipublicæ vel ad priuatorum vtilitatem pertinent, proprie esse actiones, vitamque in ijs positam dici actuosam siue practicam. Aristoteles tamen eos in errore versari, & vitam non eam tantum, quæ vulgo & plerumq; ita dicatur,

Error Politicorum,

Philosophicæ vitæ non minus actiuosa est quàm aliorum.

quæq;

quæq; politicorum est propria; sed etiam eam, quæ Philosophorum, quæq; in contemplationib. versatur, actuosam siue practicā esse dicendā. Imo Philosophorū considerationes & cōtemplationes digniores esse, quæ actionum nomine gaudeant, quam vel acta Politicorum, vel facta militum. Ideoque vitam quoque Philosophorum magis esse dicendam actuosam, quam eorum, qui omnes suas actiones, studia & consilia ad alios referunt. Confirmat id quatuor fere rationibus,

1. *Argum.*

quarum prima, licet subobscurior, his verbis contineri mihi videtur; ἢ γὰρ ἀπεραξία, &c. Quorum hæc fortasse est sententia: Cum contemplatio sit ipsa vita beata, ut explicatum est *libr. 10. Ethic. cap. penult.* iam autem constet etiam ex prioribus, vitam beatam siue finem optimum esse ἀπεραξίαν siue optimam actionem: efficitur, ut contemplatio non tantum sit actio quædam, sed etiam optima. Altera ratio exponitur in his verbis; μέλιντι ἢ καὶ πρᾶττιν, &c.

2. *Argum.*

quæ sumitur etiam ex vulgi iudicio & sermone. Vulgo enim non tantum hi agere aut rem administrare dicuntur, qui opera & manu quid gerunt aut efficiunt; sed etiam illi, & quidem multo magis, qui consilio assunt, quique ingenio & sapientia, quid quomodo sit agendum, præscribunt: quos elegantissime Aristoteles vocat mentis architectos siue duces. Qua de re locus insignis est apud Ciceronem in *Catone maiore*.

si τῶν ἀγα-
θῶν δὲ καὶ
πολλῶν.

TEXTVS.

Iam vero ne eas quidem ciuitates, quæ ab alijs sunt separatæ, quæque ita viuendi consilium ceperint, actionum expertes esse necesse est. Fieri namque potest, ut id quoque per partes eueniat. Multæ enim inter se communicationes sunt partibus ciuitatis. Quod item in quouis vno homine inest: alioqui neque Deus se recte habeat, neque vniuersus mundus, quorum præter suas ipsorum non sunt externæ actiones. Perspicuum est igitur, necesse esse, eandem vitam optimam esse & singulis hominibus, & communiter omnibus ciuitatibus & hominibus.

COMMENTARII.

Αλλὰ μὲν ἐστὶν.] Tertia est ratio siue argumentum sum-
ptum ab exemplo quarundam ciuitatum aut Rerumpubl.
quarum is est situs & institutio, vt, velut in solitudine aut in-
sula ab alijs omnibus remota, ipsæ per se tantum sine alia-
rum commercijs aut consuetudine agant. De quo ciuitatis
genere attigit Aristoteles *cap. 2. his verbis: ἀλλὰ μὲν ἐστὶν*
αὖ, &c. in fin. fere cap. Quibus ciuitatibus Philosophos quo-
dammodo comparare videtur. Vt igitur talis Respub. quan-
tumuis per se tantum & sola agat, nullasque habet externas
actiones siue commercia cum exteris: habet tamen intra se
actiones quasdam, vt sunt actiones partium Reipubl. inter
se, puta opificum inter se, vel cum mercatoribus, vel patri-
ciorum cum plebeis, vel nautarum aut rusticorum cum ciui-
bus, &c. quæ sunt partes & ordines ciuium. Sic etiam Phi-
losophi etiam, quo ad Philosophiam, nullas fere habent actio-
nes externas: habent tamen interiores & domesticas, puta
contemplationem & studiorum inter se communicationem
ac συζήτησιν, vt Græci vocant. Itaque quod in vniuersa ci-
uitate, idem quoque in singulis euenire potest, vt externis li-
cet solutus actionibus tamen otio non torpeat, sed habeat
domesticas. Et hoc est, quod ait, *ομνίως ἢ τῶ, &c.*

3. *Argum.*

Σχολῇ γὰρ αὖ ὁ θεός.] Vltimum est argumentum ab exem-
plo Dei ac mundi siue cœli sumtum. Sic enim concludi po-
test: si quia Philosophi nullæ sunt externæ actiones, pro-
pterea nullæ omnino essent; & proinde non esset beatus
(nam beatitudo est quædam ἀπεργασία) sequeretur, Deum
quoque ipsum & cœlum siue mundum, quorum nullæ ex-
ternæ sunt actiones ex Aristotelis sententia, neq; agere quic-
quam, neq; esse beatos. At hoc falsum & impium. Ergo &
illud. Quod argumentum vt intelligatur, primum de Deo
meminisse oportet aut repetendum est, quod copiose ab A-
ristotele explicatur *lib. 10. Ethic. cap. penult.* Deo non esse
attribuendas actiones humanas siue hominibus vsuatas, vt
sunt virtutum officia moralium, iustitiæ, liberalitatis, tem-
perantiæ, fortitudinis, &c. vt puta, emere, vendere, bellum
gerere, ius dicere, &c. sed aliam quandam actionem plane
diuinam, nimirum contemplationem. Deinde de cœlo id
quoque repetendum, quod *lib. 8. Phys. & alijs in locis docet*

4. *Argum.*1. *Hypoth.*
2. *Hypoth.*

Aristo-

*Discrimen
inter actio-
nes diuinas
& philoso-
phicas.*

Aristoteles, id esse animatum, & quasi Deum quendam aut certe naturam humana longe præstantiorem, ut ait *ii. 6. Eth.* eiusque actiones & motiones plane esse suas siue interiores, adeo ut omnibus quoque externis actionibus cœlum sit liberum. Quare cum impium sit existimare, has duas summas naturas vel otio torpere, vel minus esse beatas, eo quod externarum actionum sint expertes: efficitur, & de Philosophis falsum id esse, quod *supra* allatum est à Politicis, eos nihil agere, vel otio tantum esse deditos; eo quod externas actiones minus attingant aut Rempub. non administrent. Quamquam inter Deum & Philosophos differentia quædam hac in re eo ipso in loco *Ethicorum* ab Aristotele affertur, quod Dei nullæ sint externæ actiones (de quo tamen quemadmodum Christiane & vere sit existimandum, *ibidem* explicauimus) Philosophorum vero non quidem sint nullæ, sed perpaucæ tamen & perexiguæ, nimirum quæ ad vsus vitæ pertineant, ut ad victum, cultum, tectum, vestem, familiam.

CAP. V. IV.

HOC demum cap. accedit Aristoteles ad explicationem suæ Reipubl. eius (inquam) Reipubl. quam ipse optimam iudicavit. Ad eam autem constituendam quæ principia & velut fundamenta sint necessaria, ordine ac diligenter explicantur. Et hoc quidem cap. de magnitudine vrbis ac multitudine ciuium; qui eius rei optimus & verissimus sit modus in optimo Reipub. genere, erudite differitur. Aristoteles hac quoque in re (ut dicitur) medium feriendum putat, eosque maxime refellit, qui ciuitatis magnitudinem nimia hominum multitudine, numero & frequentia meriantur.

TEXTVS.

Et quia ea, quæ sunt de ipsis explicata, præfati sumus, deque alijs Rebuspubl. iam ante differuimus: reliquorum initium erit explicare primum, quæ fundamenta esse oporteat ciuitatis ex voto siue animi sententia constituendæ. Neque enim o-
ptima

COMMENTARIIL. 91

ptima fieri potest Respub. sine cōueniente rerum copia. Nam multa velut voto (siue optando) ante sunt iacienda fundamenta: ipsorum tamen ut nullum sit, quod fieri non possit, ut (inquam) de multitudine ciuium & agri modo. Ut enim & alijs opificib. (verbi gratia, textori & nauium ædificatori) materia suppeditare debet, quæ ad opus sit necessaria (quo enim hæc melius fuerit præparata: hoc & artis opus necesse est esse pulchrius) sic & Politico & legumscriptori sua debet suppeditare materia, eaq; conueniens. Politicæ autem materiæ siue instrumenti primum est & multitudo hominum, quot & quales natura adesse debeant; & item de agro, quantus & hic & qualis esse.

COMMENTARIIL.

Ἐπεὶ δὲ πεφραμέναι.] Ait Aristoteles hic initio, ea quæ prioribus tribus capitibus hætenus ab ipso sunt explicata de vita beata, puta quibus in rebus ea versetur, non tam in bonis fortunæ quam animi; & an eadem sit ciuitatum siue Rerumpublicarum vita beata, quæ singulorum hominum: præterea quæ Respublica sit omnium beatissima & optima, ubi eos reprehendit & refellit, qui Rempubl. militarem, id est, ad late dominandum comparatam, ut erat Romana & Spartana, optimam iudicant: & tandem de comparatione vitæ theoreticæ & practicæ, vtra ad beatam vitam & ad optimum Reipublicæ statum sit accommodatior: hæc (inquam) & id genus alia, tanquam proæmij siue præfationis loco, à se esse explicata, ut necessaria susceptæ disputationi & operi de optimo & beatissimo Reipubl. genere. His igitur, quantum satis erat huic loco (nam de ijs partim longe copiosius alijs in libris, ut *supra* dictum, disseruerat) proximum iam esse ait, ut de ipso Reipublicæ optimæ genere explicetur. Dictum est autem *Partitio huius tractationis.* *supra*, omnem hanc disputationem de optimæ Reipublicæ *Arsto-*

1. Pars.

Aristoteles statu in duo summa capita siue membra tribui posse, quantum ex hoc opere mutilo colligi potest: quorum in priore capite siue parte quædam velut principia & fundamenta huic Reipubl. sint velut ante iacienda & præmunien- da; Græci ea vocant hypotheses, vt de numero ciuium, de magnitudine vrbis & totius agri siue territorij, de moribus & ingenio ciuium, an sint bellicosi, an imbelles, &c. de situ vrbis, ad flumen vel ad mare, vel an à mari distita, & id genus alia: de quibus explicatur ab hoc capite 4. usque ad cap. 10.

2. Pars.

Nam ab eo cap. altera vniuersæ tractationis pars, quæ est de institutione & legibus atque institutis Reipub. ad finem usq; operis (cuius tamen partis grauissima capita desiderantur) præclare & erudite dissertitur.

Καὶ περὶ τὰς ἀλλὰς πολιτείας.] Ait breuiter; Quia quæ huic operi essent præfanda, de optimo (inquam) Reipubl. statu, & quia de alijs Rebuspub. tam bonis, quam vitiosis, quam etiam optimis ex aliorum sententia accurate prioribus iam libris disputarit: reliquum nunc esse vt suam quoque sententiam de optimo Reipubl. statu exponat, ducto initio ab eius velut fundamentis & principijs.

καὶ δὲ χλὺν.

Περὶ τῆς μελλόνσης.] Hæc phrasis, καὶ δὲ χλὺν, pro eo, quod est optimum & exoptatissimum, siue quo ne optari quidem melius quid possit (vt latine dicimus) valde vitata est Aristoteli maxime in his libris, vt supra libr. 2. cap. 1. initio & lib. 4. initio, & cap. 11. & infra cap. 13. qui locus maxime huc pertinet. Sic etiam ait, διὰ καὶ δὲ χλὺν, &c.

Fortuna bona quatenus ad felicitatem rerump. sint necessaria.

Ὅν δὲ σίον τε.] Ait, ad optimum Reipubl. statum quandam quoque rerum copiam fortuitarum esse necessariam, mediocrem sc. siue modicam. eleganter græce vocat σύμμετρον ῥοπήν. Quo nomine intelliguntur vbertas soli, bonitas cœli, multitudo ciuium & inquilinorum, situs vrbis, commoditas importandi & exportandi, &c. Quæ res, perspicuum est, quam sint ad bene viuendum necessariae, & ad optimum Reipubl. statum. Neque enim vel in cœlo infelicissimo & frigidissimo aut calidissimo, neque in solo sterilissimo aut incommodissimo optima Respubl. facile constitui potest.

Vnde pro- ueniant & obueniant Rebuspubl. hæc bona.

Hæc autem quia non è consilio rectoris Reipubl. siue Politici, sed à fortuna potius pendent, recte ab Aristotele ad δὲ χλὺν siue ad votum & ad optatum referuntur, à qua fortuna ea sunt velut optanda & ante quasi ponenda, vt quæ sapien-

sapientia & consilio legumscriptoris siue Politici præstari nõ
possunt. Duo sunt namq; ad optimum Reipubl. statum in-
stituendum necessaria; ea, quæ diximus, fortunæ munera si-
ue Dei: altera, quæ arte, studio & sapientia auctoris Reipubl.
siue Politici præstari possunt, vt est disciplina & institutio ci-
uium, & bona totius Reipub. descriptio. Nam vt ait *infra*
in cap. 17. initio; vt Respubl. quo ad res externas sit beata,
fortunæ opus: vt sit proba & virtute prædita; id iam non for-
tunæ opus, sed artis & consilij est opus. Et hoc est, quod ait:
διὸ εἰ πολλὰ ἐγγύποτε εἶδ' ἡγεῖσθαι δὲ χρυδαί.

*Duo ad re-
publ. felicē
reddendam
necessaria.*

Διὸ εἰ πολλὰ.] Ait Aristoteles, ad optimæ Reipubl. con-
stitutionem velut sumenda & ponenda quædam esse bona
externa, & quasi optanda: sed ita tamen, vt ea ponantur,
quæ non sunt plane ἀδύνατα, quæque etiam in hac vita
præstari & locum habere possint. Nam stultum sit ea pone-
re, velut principia & fundamenta, quæ ne optari quidem
aut sperari possint in vita humana; puta, vt ciues omnes
virtutē excellant, aut egregio sint præditi ingenio. Atque
ita hic tacite *Platonem* perstringit, qui vt *Cicero* loquitur,
de Republica optauit potius quam disputauit, multaque
posuit *in libris de Republica* plane ἀδύνατα: cum tamen
ipse quoque *libro quinto de legibus*, id ipsum curæ debere
esse ait legumscriptori, vt neue quid velit, neu quid susci-
piat, nisi quod sit δυνατὸν. Sic enim ait; *τὰ μὲν ἐν δυνάτε
βέλους εἰ ἀνὰ δὲ ἡσυχίαν.* Sed de peccato hoc *Platonis* di-
ctum est *supra latius libro secundo, capite quarto*, vbi iisdem
prope verbis, quibus hoc in loco, vtitur Aristoteles. Sic e-
nim ait; *εἰ μὲν ἐν ὑποθέσει καὶ δὲ ὁχλῷ μὴδὲν μὲν εἰς
ἀδύνατον, &c.*

*Modus bo-
norum for-
tuna ad fe-
licem Reip.
statū com-
modus.*

*Platonis
hac in re
error.*

λέγω δὲ.] Duo tantum affert principia fortunæ de mul-
titudine ciuium & magnitudine agri, quæ certe duo, ma-
xime si ita notentur, de regione siue agro & de ipsis personis,
sunt summa, quæque maxime ob oculos habere debeat Po-
liticus, quæq; sit velut materia eius, in qua recte disponenda
elaborare debeat; quod ipsum & *supra eo capite 4. libr. 2.*
est explicatum, ad hæc verba; *λέγεται δὲ ὡς εἰ τὸν νομῶ-
ν ἔτιω, &c.* Et hanc Politici velut bimembrem materiam
esse monuit Aristoteles & *libr. 1. Rhetor.* & ante eum *Plato*
libro quinto de legibus, & post etiam *Plutarchus libro quinto*
συμπερ. cap. 5.

*De hominū
& loci
quant. &
qual.*

ἰργίωσις.

Ἐπειγὼν δὲ καὶ τοῖς ἄλλοις.] Exemplo aliarum artium, maxime opificum, confirmat Aristoteles, Politico suam quoque materiam adesse debere, ita affectam, ut ad suum ea opus uti possit, id est, ad optimum Reipublicæ statum instituendum, quam materiam non ipse vel afferat vel reperiat Politicus, vel ita præparet, ut ad opus ipsi suum sit accommodata & habilis; sed potius quam aliunde sumtam & præparatam ad opus ipse suum perficiendum exhibeat. Quemadmodum (inquit) in textore, in fabro naviium, &c. cernere licet. Textoris exemplo in rebus Politicis sæpe videtur *Socrates apud Platonem*. Et hoc est, quod ait *infra cap. 13.* in opere politico quædam esse, quæ aliunde viro politico siue auctori Reipub. suppeditent: alia quæ ipse sua arte & consilio efficiat, puta ut Respubl. optimis & legibus & moribus sit temperata.

Hominum
quantitas
& qualitas.

Ἐπὶ δὲ τῆς πολιτικῆς.] Ex principijs & velut fundamentis ad optimum Reipublicæ statum necessarijs initio iaciendis & ponendis, de quibus modo dictum, prima ait esse quæque primo sint considerata, hæc duo; de ciuibus siue de personis, & de agro: atque de utroque hæc duo, quantitatem & qualitatem, id est, de numero & multitudine ciuium siue de magnitudine ciuitatis, & de ingenio, natura & indole, item de magnitudine agri, & de eiusdem ingenio siue natura & situ. Sic enim quantitas & qualitas hic intelliguntur, ut & *supra lib. 4. cap. 12.* Quantitas ciuium est in numero, qualitas in diuitijs, genere, institutione, libertate. De his autem duobus, ea viro politico imprimis esse considerata, & tanquam eius materiam, in qua disponenda versetur, dictum est paulo antea tam ex *lib. 2. cap. 4.* quam ex *Plutarch. in symposiacis.*

TEXTVS.

Ergo putant plerique beatam ciuitatem magnam esse debere. Hoc autem si verum est; quæ magna & quæ parua sit ciuitas, ignorant. Numero namque & multitudine habitatorum magnam æstimant. Oportet autem non in multitudine,

dine, sed in potentia intueri. Est enim & ciuitatis opus aliquod & munus. Quare ea, quæ hoc maxime efficere potest, maxima est existimanda, vt Hippocratem non hominem, sed medicum maiorem quis esse dixerit eo, qui magnitudine corporis præstet. Verum vt oporteat iudicium facere ex multitudine, non ex quauis tamen multitudine id putandum. Nam & seruorum numerum multorum & inquilinorum & hospitem necesse est fortasse in ciuitatibus esse; sed qui sint pars ciuitatis, & ex quibus ciuitas constitit proprijs partibus. Horum enim magna multitudo magnæ ciuitatis est argumentum. Ex qua vero opifices quidem multi, numero pauci vero milites prodeunt, hæc magna esse non potest. Non enim idem & magna ciuitas & frequens.

COMMENTARI.

Οἷος τοι μὲν εἶναι] De multitudine ciuium & habitatorum siue potius de magnitudine ciuitatis hoc loco disputationem aggreditur Aristoteles, docetque hæc duo potissimum; quæ magna ciuitas dici debeat, siue qua ex re magnitudo ciuitatis sit metienda; & de multitudine ciuium & habitatorum, quæ & quanta in optimo Reipublicæ statu esse debeat. *Quanta ciuitas satis*
 Quod ad prius caput attinet, de magnitudine ciuitatis; *uitas satis*
 docet, eam æstimandam esse ex facultate siue potentia; *magna sit.*
 non vero ex numero habitatorum. Ait enim, plerumque *Vulgi er-*
 magnam vocare eam ciuitatem, quæ sit hominibus fre- *ror.*
 quentissima & celeberrima. Quæ vulgi errorem graui- *Refutatio.*
 bus quibusdam argumentis refellit, docetque; eam ma- *t. Argum.*
 gnâ esse ciuitatem, non quæ numero hominum excellat,
 sed eam, quæ officium siue munus & opus suum optime &
 facillime perficere possit, siue eam, cui hæc adsit facultas

fui muneris bene efficiendi. Munus autem & opus ciuitatis in eo positum esse videtur, vt curet, se quam esse beatissimam. Ad hanc igitur beatitudinem assequendam & fruendam quæ ciuitas optima adiumenta habebit, ea ex sententia Aristotelis vere magna dici debet.

ὁμοιωσις.

Οἷον Ἱπποκράτην.] Confirmat à simili id, quod dictum de magnitudine ciuitatis, eam non ciuium aut habitatorum multitudine, sed facultate perficiendi operis ac muneris ipsi propositi esse metiendam. Nam & Hippocrates Titio siue Dione (quod Iurisconsulti dicunt Titium, Philosophi Dionem) licet corpore sit minor, maior tamen dici potest, non quia homo, sed quia medicus. Quod ipsum, id est, vt in Hippocrate medici potius habeatur ratio quam hominis, perspicuum est. Eo namque nomine Hippocrates censetur & celebratur, & in eo scientiæ genere omne eius opus ac munus versatur. Vt igitur Hippocrates licet mole siue quantitate Titio minor, recte tamen maior dicitur, puta in eo, ex quo censetur: ita ciuitas minus licet celebris aut frequens hominibus: magna tamen dici potest non mole aut numero siue quantitate, sed eius habitatione, quod in ciuitate maximum est, quoque nomine maxime laudatur, quæ est εὐνομία, & ipsa beatitudo. Quare quo beatior erit ciuitas, eo & maior dici poterit, eaque maxima, quæ beatissima.

Ὅν μὲν αἰδᾷ καὶ ἐν δέῃ.] Aristoteles hoc loco intermissa paululum disputatione, quæ diximus explicari de magnitudine vrbis, & reprehendi errorem aliorum eam numero æstimantium siue mole potius, non vi & potestate; interijcit & aperit alterum eorum errorem, eumque breuiter refellit καὶ αὐτὴν παρεγίστασιν, vt vocant Rhetores, quadam velut occupatione & concessione. Nam vt (inquit) illis hoc demus & largiamur (quod tamen falsum est) magnitudinem ciuitatis ex numero esse spectandam & multitudine: non tamen ex ea multitudine spectabitur, de qua illi sentiunt. Putant namque illi, satis esse, si maxima sit multitudo habitatorum, siue illi sint serui siue liberi: siue illi sint cines, siue inquilini & hospites: siue illi sint opifices & tabernarij, siue bonarum artium studiosi, aut nobiles & milites. Notum est autem, sæpe accidere, vt opificum, inquilinorum & seruorum magna sæpenumero sit multitudo in multis

tis ciuitatibus: vt olim ætate Aristotelis Athenis maxima erat & seruorum & inquilinorum multitudo, & posterius Romæ. Nam de Lucullo scribit *Plutarchus* eum habuisse amplius sex millia seruorum. Olysippone (primaria ciuitas Lusitaniæ, vulgo vocatur Lysibona) accepi intra urbem esse plus quam triginta seruorum millia. Hunc autem errorem eorum alterum refellit Aristoteles duabus rationibus, & docet, non quamlibet multitudinem sine vlllo aut conditionis aut ordinis discrimine esse spectandam. Prior ratio est ista, quia illorum multitudo spectari debeat, qui sunt membra & partes Reipublicæ siue ciuitatis: vt sunt ciues, ijque melioris notæ, viri boni, docti, diuites, nobiles, milites. Vt enim magnitudo exercitus non ex lixis & calonibus, quorum sæpe ingens numerus exercitum comitatur, sed ex ipsis militibus, centurionibus, tribunis & præfectis & equitibus, qui sunt velut membra exercitus: ita & Reipublicæ aut ciuitatis magnitudo non ex infinita quorumlibet hominum aut corporum colluie, sed ex veris suis partibus & membris est æstimanda, quarum partium siue membrorum vbi erit præclara multitudo: ibi vero magna ciuitas esse ac dici poterit. Altera ratio, quæ his verbis; *ἡ δὲ πόλις οὐκ ἐστὶν ἀνθρώπων*, &c. contineri videtur, hæc est, quod ea ciuitas, quæ magnam capit & gerit opificum siue tabernariorum & seruorum (nam in optimis Rebus publicis, vt Lacedæmone, vt Romæ, opifices & tabernarij ac mercatores plerique aut serui erant, aut inquilini) turbam, & numerum militum & nobilium paruam prorsus, nequeat esse magna. Est enim Respublica aut ciuitas non seruorum, sed liberorum & ingenuorum hominum societas, vt eleganter & *supra* monuit libro tertio, capite sexto, vbi negat, vllam vel seruorum vel beluarum posse esse ciuitatem. Quod si qua est vel seruorum vel beluarum inter se societas, ea est societas non bene beateque viuendi, vt est ciuitas, sed viuendi tantum causa.

Non quamlibet multitudo facit ad ciuitatis magnitudinem.

1. Argum.

2. Argum.

Hac de re

d. e. li. 2. c. 3.

Et li. 3. c. 3.

Et li. 4. c. 12.

Et li. 6. c. 4.

C O M M E N T A R I I.

Verum ex rebus ipsis id quoque intelligitur,

M m m 3

diffi-

difficile esse, & fortasse ne fieri quidem posse; ut ciuitas frequens bene sit legibus temperata. Quare ex ijs, quæ bene descriptæ esse videntur, nullam esse videmus proiectam ad multitudinem, cuius rei ipsa quoque ratio fidem facit. Nam cum lex ordo quidam sit: legum quoque rectam institutionem, rectum ordinem esse est. At numerus nimius ordinis particeps esse nequit. Id enim vis diuinæ, quæ & hoc omne continet, munus est & opus.

COMMENTARIA.

- Αλλὰ μὲν.*] Disputationem de magnitudine ciuitatis persequens Aristoteles aliud hoc loco argumentum affert, quod docet, magnitudinem ciuitatum non ex numero & multitudine hominum æstimandam esse, nimiamq; multitudinem bono Reipublicæ statui nocere potius quam prodesse. Est argumentum hoc ex usu siue vita communi, id est, ab exemplo optimarum Rerumpublicarum ea ætate florentium sumptum. Quod nulla ea ætate esset ciuitas earum, quarum status præter cæteras celebraretur ut optimus, in qua esset ingens hominum multitudo ac turba.
- Sparta.* Nam de Sparta siue de Lacedæmone, cuius Politia siue status & descriptio ut optima ijs temporibus habebatur, & ciues habebat paucissimos & reliquam multitudinem. Quod cum alij, ut *Plato, Xenophon, Aristoteles*, tum *Dionys. Halicarn. libro secundo, antiq. Roman.* testatur de ea & de Athenis, ac de Thebanis, alijsque Græcorum ciuitatibus. Quod ipsum & grauitè in ijs reprehendit, & pestem siue exitium ijs attulisse ostendit: ut contra Romani Imperij tam magni ac potentis non paruam causam fuisse putat *idem ille Historicus* magnam Romanorum ciuium multitudinem. Ex quibus intelligitur, hac in re multum inter se discrepare Aristotelem & Dionysium. Quamquam, ut alias dictum est, & ipse Aristoteles nimiam ciuium paucitatem apud Græcos & Lacedæmonios improbat,
- 2. Argum.*
- Dionys. Halicarn. hac de re sententia.*
- Nimia ciuium paucitas.*

bat, & hoc ipso capite docet, qui modus in ea re fit tenendus.

Ex τῶν ἔργων φανερόν.] In rebus & disputationibus politicis hoc argumento, ἐκ τῶν ἔργων, id est, ex re ipsa siue v-
su & vita communi sæpenumero utitur Aristoteles. Sunt enim hæc disputationes humanæ & humanis rationibus ac vitæ accommodandæ. Quam in re *Platonem* sæpe reprehendit tam in *Ethicis* quam in *Politicis*. Sic & *supra lib. 2. cap. 3.*
εἰ πῶς τοῖς ἔργοις, &c.

Ἵσως δὲ ἀδύνατον.] Id est: esse non tantum difficile, sed etiam ἀδύνατον, infra etiam rationibus explicabit.

Τῆς δὲ δῆλον.] Tertium est argumentum, idque non ab exemplo, ut prius siue alterum, sed ex ratione petitum, hoc scilicet; Quod nimia multitudo aut numerus nullum patiatur ordinem, nisi forte Deo autore. Quæ ratio ut melius intelligatur, ita breuiter concludi potest: Omnia Reipublicæ instituta ordinem aliquem & rectam descriptionem postulant. At infinitæ multitudinis aut numeri nullus est ordo, sed confusio potius propter infinitatem. Quare efficitur, nimiam seu infinitam hominum multitudinem à bono Reipublicæ statu, in quo omnia ordine & rite descripta esse debent, necessario abhorrere & alienam esse. Propositionem à notatione siue etymologia confirmat Aristoteles, qua dictum est, in bono Reipublicæ statu omnia ordine & recte descripta esse debere: Quia, inquit, νόμος τῆς quædam est: Ergo & δυνμία erit δυνμία, id est, δυνμία siue bonum Reipublicæ statum (ad verbum bonam iuris & legum descriptionem) esse δυνμία, id est, rectam descriptionem siue (ut ita dicam) ordinationem. Inde perspicuum est, quod νόμος sit τῆς (si νόμος est τῆς: Ergo δυνμία est δυνμία) siue quod lex sit ordo aut institutio quædam. Id autem, νόμον esse τῆς, & contra τῆς esse νόμον, atq; adeo hæc duo apud Græcos idem ferre sonare, & sæpe ἐκ παραλλήλων promiscue coniungi certissimum est. Videantur hi loci, ut *libro 2. capite 3. supra* καὶ ἐπεὶ κρισμένην ἢ ἡσυχίαν καὶ τῆς νόμων, &c. *lib. tertio, cap. duodecimo*, ἢ γὰρ τῆς νόμος. *lib. apud Platonem in Gorgia* τῆς ἢ τῆς ψυχῆς τῆς ἐκ κρισίσεως νόμιμον τε ἐν νόμο. *lib. 6. de ll. πᾶν μὲν γὰρ ὁ νόμος μετέχον ἐν πόλει γίγνεται.*
Θείας γὰρ τοῖς τῆς.] Ait, à nullo mortalium, quantūvis sa-

3. Argum.

Formula.

Maiores confirmatio.

νόμος.
τῆς.

Nimium sapientissimo Politico, sed à solo Deo præstari id posse, ut
gna multi- infinita & innumerabilis multitudo ordine quodam ac di-
tudo non, ni- sciplina siue Politia contineatur, à quo & vniuersus hic
si à Deo, gu mundus optime descriptus in suo ordine admirabili ratio-
bernari po- ne gubernatur. Quo ex loco sumi fortasse non incom-
test. mode potest, Aristotelem, quamuis de eo plerique vete-
 res aliter existimant, diuinam prouidentiam & curam rerum

Correctio. humanarum non sustulisse. Etsi sæpenumero Aristoteles
 verbo hoc *θεὸς διοικῶν* (*vim diuinam* latine dicimus)
 non ipsum Deum, sed naturam potius, quæ sit vis & po-
 testas quædam diuina, id est, admirabilis & plusquam hu-
 mana, accipere consuevit.

T E X T V S.

Cum igitur pulchritudo in multitudine &
 magnitudine soleat consistere; certe & ciuita-
 tem, cui is, quem dixi, terminus est cum ma-
 gnitudine coniunctus, eam necesse est esse pul-
 cherrimam. Porro est & ciuitatibus aliquis ma-
 gnitudinis modus, quemadmodum & aliarum
 omnium rerum, animantium, plantarum & in-
 strumentorum. Etenim vnum quidque horum
 neque nimis paruum, neque magnitudine ni-
 mium vim suam & potestatem habebit; sed nunc
 quidem plane natura orbatum erit, nunc vero
 male affectum. Verbi gratia, naus palmi qui-
 dem vnius, prorsus naus non erit, ut neque
 duorum stadiorum; ad quandam vero magnitu-
 dinem progressa nunc quid est propter paruita-
 tem, nunc vero propter magnitudinem cursum
 siue nauigium reddet incommodum. Similiter
 vero & ciuitas ea quidem, quæ ex nimis paucis,
 non erit se contenta (est autem ciuitas quiddam
 seipso contentum:) eavero, quæ ex nimis multis,
 erit

erit illa quidē instructa rebus necessariis, vt gens, sed non ciuitas: Politiam vero siue descriptionem esse, non facile. Nam quis Imperator erit multitudinis ingentis, aut quis præco, nisi Stentorius? Quare primam quidem ciuitatem eam esse necesse est, quæ ex tanta multitudine, quæ prima multitudo bene sit instructa ad bene viuendum in societate ciuili. Fieri autem potest, vt ea quoque, quæ hanc multitudine superet, maior sit ciuitas. Verum id non est, vt diximus, infinitum. Quis autem magnitudinis sit finis, ex operibus ipsis facile est videre. Sunt enim opera siue actiones ciuitatis, eorum quidem, qui præsunt, & eorum, qui parent. Imperantis autem scopus ac munus est iussus & militia. Ad iudicandum autem de rebus iustis, & ad imperia pro dignitate distribuenda necesse est, vt inter se norint ciues, quales sint; adeo vt si id fieri non potest, necesse sit, ea, quæ ad magistratus & iudicia pertinent, male administrentur. In vtrisque enim iniustum est, subito siue inconsiderate quid agere: quod perspicue est in nimia hominum multitudine. Præterea facile est peregrinis & inquilinis, participes fieri Reipublicæ. Neque enim difficile factu latere propter magnam multitudinem. Perspicuum est igitur, hunc esse ciuitatis finem siue modum optimum, maximam eam multitudinem, quæ cum rerum ad vitam copia sit ad cognoscendum facilis. De magnitudine igitur ciuitatis ad hunc modum sit explicatum.

COMMENTARI.

Ἐπεὶ τὸ μέγιστον.] Non tam est difficile, horum sententiam verborū videre, quam priorib. quemadmodum apten- *Paulo infra*
corrigit hæc

*dubitatio-
nem, locūq;
hunc expli-
cat.*

*Pulchritudo
qua ex re
spectetur.*

tur commode & huc pertineant. Id namq; videtur velle Aristot. cum pulchritudo omnium rerum & hominū ex multitudine & magnitudine potissimū æstimetur, ciuitatē eā quoque pulcherrimā, quæ & magnitudinē habeat & multitudinem modicam ac temperatam. Quod autem ait, pulchritudinem ex multitudine & magnitudine spectari; de multitudine quidem non ita perspicuum est, de magnitudine est notissimum, pulchra ea demum dici, quæ sint magna, & pulchros ac formosos eos, qui maiore sint corporis statura; vt bellos & elegantes eos, qui sint parua, vt distinguit Aristoteles *libro 4. Ethic. cap. 3.* quo in loco id copiose explicauimus. Sed hæc quemadmodum huc pertineāt, satis est difficile ad explicandum: nisi forte id recte dici poterit, Aristotelem id de pulchritudine ciuitatis hic asserere eam ob causam, quod pulchritudo in magnitudine potissimum cernatur, de qua magnitudine toto hōc cap. agitur. Alioqui ad ipsam disputationem de modo magnitudinis, quæ propria est huius loci & capituli, hæc clausula de pulchritudine non satis est accommodata. Et sane non multum facere mihi videtur. Quare non parū dubito, an non hic aliquid desit, aut potius supersit.

*Locus hic
de modo
suspectus.*

*Sed emēdat
paulo infr.
4. Argum.*

αὐτὸ ἐστὶν.] Aliud argumentum de modo magnitudinis hic asseritur, quo docet Arist. magnitudinē ciuitatis optimæ, neque nimis magnam, neque nimis paruam esse debere, sed modicam siue mediocrem & temperatam: sumptum à simili siue à similitudine aliarum omnium rerum, vt earum, quæ è terra oriuntur, nascuntur, vt herbarum, arborum (Latini *plantas* vocant, Barbari *stirpes*. Stirps enim proprie truncus est apud veteres) vt animantium, vt etiam ferramentorum siue instrumentorū. Nam horū omniū magnitudo modica esse debet, ad suū cuiusq; opus ac munus recte fungendū & administrandum. Quod planius exēplo nauis explicat. Ita & de Rep. siue optima ciuitate faciendum esse censet, eius vt magnitudo quoq; sit moderata, & ex numero ciuium constet neque nimio, nec nimis paruo, vt & ipsa suum munus & opus recte fungi & exequi possit, id est, ea habere & frui, facereque, quæ ad beatam vitam pertineant. Id enim *supra* diximus esse

*Minoris cō-
firmatio.*

τὸ ἐγγὺς optimæ Reipublicæ. Quod ad antecedens, id est, priorem huius cōclusionis siue argumentationis partē attinet (qua dicitur, aliis omnib. in rebus suum esse magnitudinis modum ad opus cuiusq; recte faciendum:

adco,

adeo, vt iusto aut minores aut maiores in eo recte fungendo impediuntur:) cum ipse Aristoteles nominatim pernauem, vt dictum est, confirmat; tum & ex animalibus, & ex instrumentis cuique est perspicuum. Nam (verbi gratia) omnia humani corporis munia siue munera facilius & melius præstantur & obeuntur ab eo, qui modico sit corpore, quam qui vel sit immani vel pusillo & perbreui. De organis siue ferramentis & instrumentis, id ipsum & *supra* est explicatum *libro primo, capite quinto, in fine, & hic capite primo, & libro quinto, capite nono.* Quibus in locis hoc argumento ab organis, siue ab eorum modica magnitudine sumpto utitur Aristoteles ad docendum, modum diuitiarum cum esse optimum in Republica, qui sit finitus & modicus, non infinitus, vt vulgus existimat. Sunt enim diuitiæ velut organa vitæ, vt ait initio *libri primi Ethicorum, & eo capite quinto libri primi Politicorum.*

ἐπεὶ τὸ γε καλὸν.] Quæ prius explicauimus, in quibus hæc
verba dubitationē afferebant, quo essent referenda, & quem-
admodum priorib. aptanda: ea nunc ita corrigenda putamus
καὶ τὰ ὀκτώτερον πλεῖν, vt dici solet, & velut repetita prælectio-
ne. Videtur enim hoc loco iam Aristoteles, reprehensis ante
aliis, suam de magnitudine ciuitatis sententiam explicare.

Huic autem explicandæ sententiæ suæ, velut præmunitio- *Magnitudi-*
nis loco, initio hic monet, hanc disputationem de magnitu- *nem exqui-*
dine ciuitatis ad optimum Reip. statum esse necessariam, eo *rere ciuita-*
quod, cum optima Resp. eadem quoq; pulcherrima esse de- *tis ad opti-*
beat, pulchritudo & dignitas in magnitudine, non in paruita- *num ipsius*
te consistat; id quod iam *supra* est explicatum. Ex quo effici- *statum per-*
tur, quia de pulcherrima siue optima Republica instituta est *tinet.*

disputatio: etiam de magnitudine esse differendum. De mo- Ratio.
do igitur magnitudinis, qui ille sit optimus in optimo Rei- Modus mul-
publicæ statu, iam docet. Nam ut aliis rebus omnibus, ita titudinis bo-
& ciuitati aut Reipubl. suus est magnitudinis modus, quem minum in
neque attingere, aut superare sit vitiosum. Ut autem supra optimo rei-
hoc capite his verbis; δεῖ δὲ μέγαν μὴ εἶναι τὸ πᾶσι, &c. mo- publ. statu.
nuit, opus ac munus Reip. potius, quam multitudinē esse spe-
ctandā: ita & hic eius rei memor Arist. verū & iustum magni-
tudinis modum ex ipso opere ac munere ciuitatis exqui-
rit, idque optima ratione, ut & supra monuimus ad ea ver-
ba, δεῖ δὲ, &c. quia res omnes opere suo ac munere, cuiusque

recte efficiendi facultate definiantur & explicentur, ut dictum est & explicatum *lib. 1. cap. 2.* ubi prætermisimus (*πάντα δ' ὡρίσασθαι τὰ ἔργα*) genuinum eique similitimum locum Aristotelis *lib. 4. Meteoror.* Sic enim ait; ἅπαντα δ' ἐστὶν ὡρίσμενα

Opus ac munus Reip. τὰ ἔργα. τὰ μὲν δὲ καὶ ἡμῶν ποιεῖν αὐτῶν ἔργων, &c. Opus autem ac munus Reipublicæ quod sit, *supra* dictum est, & pulcherrimis verbis à Cicerone explicatum fuit *libr. 5. de Republ.* quæ verba hodieque exstant *apud ipsum lib. 8. Epistol. 11. ad Attic.* Ut enim (inquit) gubernatori cursus secundus, &c. Ut autem hoc amplius totam hanc disputationem paucis verbis complectamur, docet Aristoteles, modum iustæ magnitudinis

Ea ciuitas sat magna est, quæ est ciuitatum duabus in rebus esse positum, in αὐτάρκειᾳ, & ut magnitudo sit ὡς οὐκ ἔστι. Quæ duo persequitur ad finem vsque capitis.

αὐτάρκεις, & ὡς οὐκ ἔστι πρὸς πόλιν. Hæc iam sunt explicata. Dictum est enim priori versu velut causam disputationis de iusta magnitudine ciuitatis contineri, & velut præmuniri. His autem verbis iam agi de ipso iustæ magnitudinis modo. Nam esse aliquem aut certe esse debere docet à simili, ut *supra* dictum. Quis autem ille sit, siue quantus esse debeat, & qua ex re petendus ac sumendus, puta ex opere ac munere Reipublicæ, item iam à nobis est dictum. Nam & id aliis quoque in rebus, id est, quæ earum iusta sit magnitudo, ex opere earum ac munere recte fungendo, adducto nominatim exemplo nauis, ostendit, ut & *supra* dictum.

ὁμοίως ἢ καὶ πόλιν. Est αὐτάρκεια, id est, accommodatio prioris similitudinis ad rem propositam de magnitudine ciuitatis. Quæ res ut intelligatur, id paulo latius est explicandum, quod hic velut fundamenti loco, & ut certum, sumit Aristoteles, ciuitatem esse αὐτάρκεις, siue communitatem civilem ita rebus omnibus instructam esse debere, ut satis ei sit ad bene beateque viuendum. Nam αὐτάρκεια, siue rerum copia, ciuitatum est vera nota & proprietas, qua sine nulla dici ciuitas potest: sed hoc alibi latius est explicatum *lib. 1. cap. 2. initio, & lib. 2. cap. 1. in fin. & libr. 5. Eth. cap. 5.* de quo funda-

Ciuitas autem αὐτάρκεις.

Ciuitas non potest esse ex nimis paucis.

mento & Plato *lib. 2. de Rep.* Hoc posito, statim inde consequitur, ciuitatem esse non posse ex nimis paucis. Verbi gratia, ut assint agricolæ, assint sartores, fabri, sutores, alii opifices, qui certe ad αὐτάρκειαν rerum ad vitam necessariorum sunt plane necessarii, ut pulchre eo loco Plato. Non tamen

aderit

aderit adhuc αὐτάρκεια. Nam & viri virtute præstantes requiruntur ad sacerdotia, magistratus & rem militarem necessarii. Ex quibus omnibus ut non mediocri conflatur multitudo, necesse est, vel ex opificibus omnibus & mercenariis, ac tabernariis (institor Græcis καπηλός, ein Gremy) Et hæc quidem de paucitate. Nunc de nimia multitudine. Nam & *Civitas* ἡδὲ ex eodem fundamento siue principio αὐτάρκειας, de illa quoque quid sit statuendum, facile cognosci. Quod ut melius intelligatur, id quoque repetendum est paulo altius, αὐτάρκειαν tis. non in rebus tantum ad vitam necessariis, sed etiam in iis, quæ ad bene beateque viuendum, siue ad ipsam honestatem ac beatitudinem pertineant, spectari. Nam alioqui civitas, quæ tantum rerum ad vitam necessariarum rationem habet, nec oculos ad ipsum vitæ beatæ scopum ulterius intendat, vix civitatis nomine digna esse videtur. Quare ad αὐτάρκειαν civitatis, præter rerum copiam necessariarum, etiā legum bonarum descriptione, morumque institutione bonorum est opus: quam descriptionem Græci πολιτείαν, ordinem vocant. Quæ Politia bonaque descriptio, & rectus ordo, quia non facile in πολυανθρωπία, magna que hominum multitudine & frequentia teneri potest: perspicuum est, ibi quoque αὐτάρκειαν desiderari; quantumvis assit αὐτάρκεια, quo ad res necessarias, siue rerum copiam necessariarum ad vitæ cultum & usum: & proinde non magis civitas erit, ubi deest αὐτάρκεια, quo ad Politiam, quam ubi deest, quo ad usus vitæ, & res necessarias. Et hoc est, quod ait Aristoteles his verbis; οἱ δ' ἐκ πολλῶν ἄζαν, &c. πολιτείαν ἤδ, &c. Quibus in verbis nimia multitudo & frequentia maxime quidem ex eo reprehenditur, quod ea frequentia πολιτείαν non recipiat, sed pariat quandam confusionem: verum etiam eo, quod nimia ea multitudo speciem gerat gentis siue nationis potius quam civitatis. Quomodo loquitur & *supr. lib. 3. cap. 2.* ubi de Babylone, cuius (inquit) ambitus siue περιγραφή sit μᾶλλον ἔθνους, ἢ πόλεως. Et *lib. 2. cap. 4.* Rempublicam Platonis reprehendens eo nomine, quod nimis magnam in ea multitudinem militum institueret, ait ei opus fore Babylonio agro, aut alio aliquo latissime patente.

πολιτείαν ἤδ.] Particula ἤδ hoc loco idem valet, quod δέ, Enim & autem, verum. Quomodo & alias suo Græci ἤδ, & Latini tam nam pro enim & nam utuntur, ut alibi dictum (hæc particula facit, ut à

nullo

ἤδ αὐτὴ ἔστι.

Enim &

nam pro

autem.

nullo interpretum hic locus intelligatur) ciuitas frequens est quidem αὐταρκεία, quo ad vsum; sed ibi non est bonus ordo.

*Stentorea
vox.*

τῆς δὲ σπατηρῆς.] Populariter demonstrat, vt sit in rebus politicis, magna hominum turba & multitudo rectum ordinem & politiam teneri non posse, exemplo Imperatoris & Præconis. Neque enim ingenti exercitui recte imperari, aut concioni immensæ præco satis vocalis (id moris est Græcorum, qui solent habere præcones) reperiri potest: nisi forte Stentor aliquis, cuius ferream vocem vocat *Homerus*. (*Virgilius* eum imitatus ferream vocem vocat *lib. 6. Æneid*) quæ clarius sonaret eius vnus, quam aliorum quinquaginta. Sic enim ait *Homer. lib. v. Iliad.*

----- εἰς τὸν τοῦ εἰς (αὐτὸν) μεζαλήτορα, &c.

*In ciuitate
recenti cu-
randum est
vt sit αὐ-
ταρκεία.*

διὸ ἀπὸ τῆς μὲν.] Dictum est *supra*, iuxta magnitudinis modum Aristotelem his duabus rebus definire; αὐταρκεία, & τῆς δὲ σπουδῆς ἕνεκα. De priore iam est explicatum, hic ad alterum accedit, quod in maiore & adulta ciuitate fere locum habet, aut certe in quæstionem venit: cum prius ad minores & modo institutas ciuitates pertineat. Nam minor & nondum adulta ciuitas, tenera (iungat, vt ita dicam) nihil est aliud, quam multitudo, cui satis sit ad bene viuendum in societate ciuili, vt ea verbo, cui satis sit, id est, αὐταρκείας potissimum definiatur; ea (inquam) multitudo sit tanta, & non maior, quam quæ sit instructa rebus ad vitam necessariis. Id enim, id est, paruam & nondum adultam ciuitatem hunc multitudinis modum postulare, quæ (inquam) sit αὐταρκεία,

*In adulta
ciuitate cu-
randū est,
vt etiā sit
δουλο-
κρατία.*

perspicuum est ex iis, quæ modo sunt explicata. Verum quia sæpenumero vsuuenire videmus, vt ciuitates initio paruæ paulatim augeantur & maiores fiant; adeo vt quædam etiam in immensum crescant, tam magnitudine loci, quam hominum multitudo: hic iam quæri debet de modo magnitudinis & multitudinis, an infinitus & immensus is permitti debeat in optimo Reipublicæ statu, de quo agitur. Et sane eum non infinitum esse debere, iam *supr.* est explicatum. Quis autem finis & modus esse debeat, hic explicatur: nimirum vt tanta sit multitudo, & non maior, quam quæ sit δουλοκρατία, siue ad cognoscendum facilis. Vt autem priorem modum, quem definiuimus αὐταρκεία ex opere & munere ciuitatis: ita & hunc de notitia ex eodem fonte petendum, facilemque ad reperendum esse ait his verbis; τῆς δὲ ἐν τῇ

ὡς ἐ-

ὑπερβολῆς ὅς ἐστι τῶν ἔργων, id est, πράξεων, siue operibus & muneribus, officiis ciuitatis, atque adeo magistratuum, & eorum, qui parent, siue ciuium. Itaque duabus rationibus & argumentis hunc modum magnitudinis optimum esse concludit, quæ multitudo maior non sit, quam in qua ciues inter se bene noti esse possint.

εἰς ᾧ αἱ πράξεις τῆς πόλεως.] Prior eaque princeps ratio *1. Ratio.* conclusionis ab opere & munere ciuitatis, siue potius principum eius partium, id est, eorum, qui præsent, & qui parent, sumpta; maxime vero eorum, qui præsent, siue magistratum hic exponitur. Quæ ut commodè intelligatur, monet Aristoteles, eorum, qui præsent, siue magistratus duo summa esse munera & officia: quorum alterum Græce ἐπίταξις, *Magistratum mu-* alterum κρίσις, Latine à Iuriconsultis imperium & iurisdictionem usurpatur. Quæ quidem duo magistratum officia, partim in iubendo & imperando, partim in iudicando posita, *nera sunt.* ἐπίταξις & κρίσις. ut nota, longiore probatione non habent opus. Nam quod ad prius attinet, id quoque *supra lib. 4.* allatum est *cap. 15.* ubi ex tribus magistratum muneribus (deliberare, iudicare, & imperare) τὸ ἐπιτέλλειν ait esse δρχικώτερον. Iudicia quoque tam apud Græcos quam Romæ in potestate erant magistratum. Quæ cum ita sint (ea autem, nisi ciues inter se sint noti, recte administrari nequeunt:) perspicuum est, ad rectam tam magistratum, quam iudiciorum constitutionem & administrationem (quæ duæ sunt insignes Reipublicæ partes, ut *sup.* dictum *lib. 4. cap. extrem.*) necessariam esse ciuium inter se notitiam. Ea autem notitia quia in infinitam multitudinem non cadit: perspicuum quoque est, ad optimum Reipub. statum eam ciuium multitudinem utilem, quæ inter se nota esse possit, huncque esse modum iustæ multitudinis optimum, ciuium notitiam inter se, id est, ut tot sint, qui inter se nosse possint. Cur autem ad illa duo munera & partes Reipublicæ magistratus & iudicia utilis sit & necessaria inter se ciuium notitia; ratio, licet obscurior, his verbis; *ἅδι ἀμφοτέρω γὰρ, &c.* indicatur. Quod in neutro fas sit *Approbat.* & æquum, ἀποχευάζειν, negligenter & temere agere; sed potius considerate, studioque & iudicio adhibito, sit agendum. Nam & in mandandis magistratibus valde sit temerarium & stultum, homini ignoto curam Reipubl. committere: & in ipsis illis magistratum officiis utilissimum est, notos esse ciues

ciues magistratibus. Aliter enim imperatur summi loci hominibus, aliter iis, qui sunt de plebe. In iudiciis quoque et si *αρεστωπων ληψία* reprehenditur: tamen tam in poenis, quam in præmiis decernendis aut irrogandis personarum ratio ac dignitatis haberi solet, aut etiam probitatis ac morum in ipsis causis ciuilib. *l. aut facta ff. de poenis*. Et hæc quidem ex *Platone* imitatus & sumpsisse mihi videtur, cuius hæc sunt verba *lib. 5. de legib. & μετ' αὐτὸν ἐστὶν πόλει ἀγαθόν, ἢ γινώσκουσιν αὐτὰς εἶναι*. Et *lib. 6. de legib.* ubi de probatione magistratuum: *ἑὸν τι δὲ οἱ νεώτεροι ξυνεγελέην λυθότες, &c.* De hac autem notitia ciuium inter se, eam Rebus publicis perutilem, & tyrannis esse perniciosam, dictum est *sup. lib. 5. cap. 11. &c.*

2. Ratio.

ἐπὶ τῇ ξενίᾳ καὶ μετοίκῳ.] Altera ratio & utilitas huius modi notitia definiti hic affertur: Quod inde consequatur, ut quod in infinita multitudine est facile, in hoc iusto magnitudinis modo sit difficilimum: peregrinos & inquilinos ad honores & ius ciuitatis obrepere; puta quia sint noti. Nam in magna ciuium & habitatorum multitudine facile fit (ut diximus) ut etiam peregrini se pro ciuib. gerant. Qua de causa Athenis, quæ ciuitas Græciæ erat præter cæteras hominibus frequentissima & celeberrima, siue *πολυανθρωποτάτη* (ut eam vocat *Xenoph. libr. 2. τῶν ἐκλεικῶν*) frequentia fuerunt iudicia de peregrinis siue *τῆς ξενίας* (ut est apud *Polluc. libr. 8.*) Romæ quoque propter ingentem hominum multitudinem, & magnam confusionem etiam serui ad præturam obrepserunt, ut scribit *Vlpian. in l. 3. ff. de off. prat.* Quæ confusio causam quoque dedit legibus aliquot Romæ ferendis, ut Mutiæ, Liciniæ, ut Iuniæ siue Penni, ut Papiæ aduersus peregrinos: de quibus & *Cicero lib. 3. Off. & Manutius ac Hotoman. in libris de legib. Rom. & Ant. Augustin.*

δὴλον τοίνυν, ὡς ἔπος ἐστίν.] Conclusio est prioris disputationis, cum esse in optimo Reipublicæ statu optimum magnitudinis & multitudinis modum, qui duabus iis rebus, rerum copia necessariarum, & notitia ciuium inter se, definiatur: siue ut tanta sit & non maior ciuium multitudo, quæ & rebus ad vitam necessariis commode & liberaliter sit instructa, & in qua ciues inter se sint noti.

(:.)

C A P V T V.

EXPLICATUR hoc capite de ipso agro & regione; qualis ille & quantus esse debeat. Nam ex duobus illis capitibus, quæ Politico maxime sint considerata, priore, quod est de personis, siue de multitudine ciuium, iam explicato; reliquum erat, vt de altero, quod est de ipso agro, explicetur. Nam de his duobus dictum *supra initio cap. 4.* Extremo autem hoc capite etiam de situ vrbs ipsius agit. Nam duo huius parui capitis summa membra siue partes esse possunt, quarum priore de ipso agro, eiusque conditionibus ac dotibus (puta de qualitate, de situ & de quantitate, siue multitudine) in altera de situ ipsius vrbs explicetur.

Partitio.

1. Pars.

2. Pars.

T E X T V S.

Similiter autem de agro quoque se res habet. Nam de eo quidem qualis esse debeat, nimirum omnes eum laudauerint, qui ab omnibus rebus maxime sit instructus. Talem autem necesse est esse omnium rerum feracem. Omnia namque adesse, & nulla re egere, id est esse instructum. Multitudine autem & magnitudine tantum, vt incolentes eum viuere possint in otio liberaliter simul & temperanter. Hunc autem modum & finem recte ne an non recte afferamus, posterius erit considerandum accuratius, cum vniuersæ de bonis, & copiis rei familiaris, mentionis faciendæ erit locus: qui & quemadmodum affectum esse oporteat, quod ad vsum ipsum. Multæ enim in hac quæstione sunt controuersie propter eos, qui eam trahunt ad vtrunque vitæ nimium, hi quidem ad parsimoniam, illi vero ad luxuriam.

C O M M E N T A R I I.

Παραπλήσιως.] De agro siue de regione eo breuius explicat Aristoteles, quod eadem fere sit ratio de eo, quæ de ipsis

N n n

per-

personis explicandi. Nam ut in personis optimum illum esse modum docuit, qui & αὐταρξεία & notitia definiatur: ita & de agro constituendum esse ait, eum debere esse & αὐταρξήν, siue bene instructum, & δούλωτον, id est, cuius fines non pateant latissime. Quanquam de personis adhuc id tantum est explicatum, quæ siue quanta ciuium multitudo esse debeat. De qualitate, id est, de indole, natura, ingenio, & moribus ciuium paulo demum *inferius* explicatur libro *septimo*. De agro autem, siue de regione, & de ipsa vrbe, vno eodemque hoc in loco, id est, hoc capite, & capite proximo, tam de eius qualitate, id est, ingenio & bonitate, quam de magnitudine & situ differitur.

Agri qualitas.

Vitruu. architect. l. 1. c. 4. & proœm. lib. 2.

2. Qualitas.

Ordinis hoc in loco confusio.

Quantitas agri Reip. opt.

eam ait æstimandam αὐταρξεία, nimirum ut ille optimus sit ager, & beatissimus, siue ad optimum Reipublicæ statum accommodatissimus, cuius dotes & conditiones sint optatissimæ. Earum autem prima hæc est, ut ager sit αὐταρξήσατορ, id est, in quo omnia abunde proueniant ad vsus vitæ necessarios: vinum, oleum, frumentum, &c. Sunt & aliæ dotes: ut montosum esse, vel campestrem & planum: ut salubrem esse & insalubrem: ut fluminibus irriguum vel non. Quæ quidem dotes non opus habent longa disputatione; & cuius facile est videre, ex his agrorum generibus quæ meliora, & ad optimum Reipublicæ statum magis sint accommodata. Quare & Aristoteles de iis nihil amplius differendum putauit. Sic enim ait paulo *infra*. τὸ δὲ εἶδος τῆς χώρας, &c. Sic enim ea verba paulo obscuriora puto de aliis agri dotibus & conditionibus non incommode posse accipi. Prima igitur dos ab Aristotele exposita est fertilitas: altera (omissis iis faciliioribus, de quibus iam dictum) additur *infra*, quæ est de situ: eum talem esse debere, qui suis siue ciuibus sit commodus & facilis, hostibus & inimicis sit incommodus, ac difficilis; de qua dote *infra* in verbis, δεῖ δ' ἐνίαυτ' εἶναι περὶ θέστας, &c. Sunt & aliæ, de quibus *infra*. Nam id certe notandum, hæc de quantitate & qualitate agri satis confuse & permixtæ ab Aristotele explicari; vix ut internosci possit, quæ dotes ad qualitatem, quæ ad quantitatem pertineant.

[τὸ πλῆθος δὲ καὶ ἡ μετρίτης.] Hic de quantitate siue magnitudine agri agit, quam magnitudinē hoc loco liberali victu & temperato definit, cui *infra* adiungit τὸ δούλωτον εἶναι. Ergo primum Aristoteles agrum tam magnum esse vult in optima

Rep.

Rep. ut ex eo ipso omnia efferri & sumi possint, quæ ad vitam homine libero dignâ pertineant, hoc est, qui ciues alere possit liberaliter & temperate, eaq; vita, quæ liberum hominem deceat, id est, in otio, ut loquitur Arist. Quo nomine intelligit, ciues in optima Republi. nec opificum artibus, nec mercaturis faciundis, aut agro colendo, aliisque sordidis artibus distringi & occupari debere, sed soli virtuti, eiusque officii tam in Republica, siue in pace, quam in bello exequendis deditos esse & vacare debere. Sic enim & alias *ἡσυχία*, siue otium, id est, vitam libero dignam ciuib; in optima Republica, ut *ἀρχολία* aliis, attribuit. Qua de re videatur *caput 14. infra hoc libro*. Id autem inprimis notandum est, quod ait, tantum esse agrû debere, qui suppediter omnia ciuib; quæ sint ad viuendum & liberaliter & temperate necessaria. Nam, ut dictum est, his duobus, liberaliter, inquam, & temperanter viuendo, modus magnitudinis agri hic definitur: siue bonorum ac diuitiarum in optima Repu. hunc modum verissimum & iustissimum hic esse ponit, ut ciues non tenuiter aut sordide, neque etiam profuse aut luxuriose, sed temperanter, & tamen liberaliter ac honeste viuere possint. Ad eundem modum & *supra libro 2. capite quarto*, modum diuitiarum, quem ipse *ὄρον* vocat & hic & eo in loco his duabus virtutibus, liberalitate & temperantia, definit, reprehenso Platone, qui *libro quinto de legibus*, ubi *ὄρον* & *μόλην* siue magnitudinem diuitiarum, & ipsius agri (*γῆς*) non maiorem debere esse ait, quam quæ sit *ἐκ τῆς ἀφροσύνης ὅντις τε φειν*, id est, ubi modum agri & diuitiarum, omiſſa liberalitate, sola temperantia definit. Verum de modo diuitiarum, sitne hic verissimus & optimus duabus iis virtutibus terminatus ac finitus, nec ne; quia res ea longiorem & accuratorem disputationem postulat, & alioqui opus erit de vniuerso ac toto genere bonorum siue rei familiaris separatim, suo in loco explicare. (Est enim hic locus siue tractatio de bonis, de rebus, de re familiari, de diuitiis multiplex & consideratione dignissimus, cuius multa sunt capita, & ex iis quædam valde controuersa, ut de modo, siue fine & magnitudine bonorum, de rationibus & modis acquirendi, Græci *πρόξ* vocant, de usu, quod caput scribit Cicero *libro secundo Officiorum*, præclare ab Aristotele fuisse explicatum (sed nescio ubi) de quo nonnihil *libro 4. Ethicorum*.) His igitur de

Platonis
error.

Itemq; li. 2.
de Rep.

De vero di-
uitiarum
modo.

causis hanc disputationem de modo bonorum reiecit Arist. in eum locum, ubi de toto genere bonorum siue diuitiarum accurate erit differendū. Sed hic quoq; insignis locus & vniuersa tractatio de bonis cum aliis aliquot misere periit. Verum, quo ad modū diuitiarū, & ēt quo ad vsum, ex aliis locis hinc inde peti potest, quæ sit sententia Arist. Nam vt in aliis disputationibus ciuilibus, ita in hac quoque quæstione medium fere (quod dicitur) secat, id est, mediocritatē probat diuitiarum,

Et lib. 1. c. 5. non procul à fin.

Diuitiarū modus Aristotelis probatus.

vt hic & *supr. lib. 2. cap. 4* & *lib. 4. cap. 11*. De vſu explicatur, vt dictum est, *lib. 4. Eth* & *hic* & *eo cap. 4 lib. 2*. Quibus ex locis intelligi potest, quis diuitiarum & bonorum vſus ipsi probetur, is nimirum, qui neque in luxu, neque contra in nimia parsimonia & sordibus, sed in liberali & honesto cultu ac vſu cernatur. De alio vſu, qui non sit in vita quotidiana & priuata, sed ad Rempublicam pertineat, videatur & *lib. 4. Ethic* & *lib. 2. Offic. Cic.*

De diuitiis multa sunt controuersia.

Πολλὰ γὰρ αἰεὶ τὸ πένετον.] Hæc verba videntur proprie ad proxime priora pertinere; quæ sunt de vſu, vt hoc dicat Arist. in ea quæstione de vſu multa esse controuersia. Quod & perspicuum fit ex *Cicerone in eo lib. 2. Off. in fin.* & *lib. 4. Ethic*. Id ipsum tamen, & de toto genere diuitiarum, siue de vniuerso hoc loco dici potest, multa esse eius controuersia capita, vt de modo, de rationibus acquirendi, de generibus diuitiarum.

De vſu diuitiarum.

Ἀλλὰ τὰς ἐλαχίστους.] Affert dissensionem siue controuersiam vnam de vſu. Esse namque multos, qui diuitiis non vtantur moderate & temperanter; sed eas (inquit) trahant ad vtrunque extremum, id est, qui iis vel nimis restricte & parce vtantur, suum (vt inquit *Comicus*) defraudantes genium (legendum apud *Terentium*, defrudantes, more veterum) & contra qui ad luxum & profusionem eas conuertant. Hæc autem duo in vſu diuitiarum vitia esse, sordes siue nimiam parsimoniam, & luxuriam, multosque iis vitiis esse obnoxios in vtraque parte, quæ inter velut extrema liberalis, liberoque homine digna (quæ nimia parsimoniæ aut sordibus respondet) & moderata siue temperata (ea luxui est contraria) vita medio in loco sit posita & interiecta, cum per se perspicuum est, tum accurate explicatur *libro quarto Ethicorum*.

ὑπερβολῇ.

τὸν ὑπερβολῇ.] Notandum, verbo hoc Græco ὑπερβολῇ, quod alias de altero tantum extremo, quod *Cicero* ni-

mium

mium vocat, & quidem plarumque sumitur, vtrumque extremum hic contineri, tam id quod parum, quam quod nimium, quomodo & verbo ὑπεροχῆς interdum vtuntur Græci, vt monuimus in obscurissimo loco explanando *lib. 5. Eth. c. 5.* Sic autem hoc verbo ὑπερβολῆς vsus est & *sup. lib. 4. c. 11.* vt eo loco indicauimus.

T E X T V S.

Non difficile est autem agri speciem videre. Sed sunt quædam, in quibus etiam rei militaris peritis habenda sit fides; hostibus quidē eum ad adeundū esse difficilē, ipsis vero ad exeundum facilem. Præterea vt hominum multitudinem eam debere esse diximus, quæ ad noscendū sit facilis: ita & de agro. Ad noscendum autem facilem est, agrum esse ad succurrendum facilem.

C O M M E N T A R I I.

Τὸ δ' εἶδ' ὁ τῆς χώρας.] Exposita breuiter agri qualitate, & *De reliquis* velut dote præcipua, quam αὐτοκρατεία, rerumque copia ad vi- *agri dotibus.* tam bene beateque degendam necessariarum definiit: hoc loco de aliis quibusdam agri conditionibus adiungit. Monet autem, reliquas agrorum conditiones ad cognoscendum esse faciles, siue (vt ipse loquitur) genus agri quale & cuiusmodi esse debeat, sitque optimum siue huic Reipubl. de qua agitur, accommodatissimum non esse difficile videre; puta montosumne, an planum aut mixtum, quibus ventis obnoxium aut subiectum, & sub quo climate positum, quos vel aditus & velut portas, quos etiam exitus siue portus & stationes habeat; de quibus rebus, etsi per se notis & facilibus, quid optimum sit & saluberrimum, tum & earum peritos adhibendos *Consilium* & consulendos esse ait, maxime in re militari, qui illud vel *peritorum.* in primis optimum esse censent, totam regionem siue agrum *Exemplū.* talem quoque esse debere, vt hostibus ad inuadendū & incur- sandū ad eum aditus sit difficilissimus & magnopere impeditus, vt contra ciuibz ipsis ad exercitus educendos cōmodissimus & facilissimus. Qualis fere est situs veræ Græciæ, ad quā nisi per mare, & per angustias Thermopylarum, quæ parua manu

aduersus innumerabilem hostium multitudinem teneri possunt, hostibus vix pateat aditus. Et de hac quidem agri conditione *Platonem* imitatus videtur, qui id ipsum quoque in ea Republica, quam fingit in *libris de legibus*, procurandum esse monuit, ut pleraque regionis loca hostibus ad adeundum sint difficilia, amicis facilia & expedita. Sic enim ait *libro sexto*; *δύσβατα δὲ δὲ ποιῆν πάντε τοῖς ἐχθροῖς, &c.* Verum de his agri dotibus & conditionibus, ut de regione ceteri, ut de usu rei militaris (ad quem pertinet non tantum hæc disputatio de aditu & exitu, sed an colles habeat ager ad arces & propugnacula munitos, aut de fontibus & aqua) eadem, eaque paulo explicatius iterantur *infr. cap. 11.*

Quantitas alia conditio.

ἐν τῷ ὅτι τὸ πλεονέκτην.] Alia hic exponitur agri conditio, quæ ad quantitatem siue magnitudinem potius, quam ad qualitatem pertineat. Nam ut paulo *supr.* de personis & ciuibus ipsis, eorum multitudinem maiorem non esse debere docuit, quam, ut ipsi inter se nosse possint, eamque iustissimam esse ciuium multitudinem, quæ sit *δουλώπιον*: ita & hoc loco de agro eiusque magnitudine, eam demonstrat esse optimam ac verissimam; quæ item sit *δουλώπιον*. Illud autem *δουλώπιον* esse aliter in ciuium multitudine, aliter in a-

Multitudo ciuium, & ager δουλώπιον.

agri magnitudine accipiendum. Nam multitudo ciuium ea est *δουλώπιον*, ut *supra* explicatum, ubi ciues inter se facile nosse possint; ager vero ille dicitur *δουλώπιον*, qui ita sit magnus, ut ad omnes eius partes suppetias & subsidio veniri facile possit. Quare neque disiectos agros, ut hodie quorundam sunt Regum (ut Hispaniæ Regis) neque ita late patentes, ut magnam partem orbis complectantur, ad optimum Reipublicæ statum accommodatos esse monet. Quo pertinet consilium Romani Ducis datum olim Achæis de insula Corcyra (quam hodie tenent Veneti) *apud Liuium libro trigesimo secundo.*

1. Vitium huic præcepto contrarium.

2. Vitium Exemplum.

T E X T V S.

Vrbis autem situm, si ex voto agendum sit, eum esse conuenit, ut commode & à mari & à terra sit sita. Et hic quidem vnus est modus siue finis. Oportet namque omnium locorum eum esse communem ad subsidia, reliquis vero ad fructuum,

Etuum, qui nascuntur, exportationem. Præterea ad lignorum, & si quid aliud tale ager ferat, facilem communicationem.

C O M M E N T A R I I.

Τῆς δὲ πόλεως.] De situ urbis breuiter hoc loco exponit Aristoteles, qui omnium sit optimus, siue qui sit ad optimum Reip. statum accommodatissimus Docet autem eum esse optimum, qui communis sit & particeps maris & continentis, siue eam urbem esse optimo in loco & situ, quæ habeat opportunitates terrestres & maritimas: quæ ab vna parte vergat ad mare vel flumen, ab altera ad agros spectet. Et hunc quidem urbis situm, quæ & continentis & maris sit particeps ac communis, ut optimum, à se probari indicat & *infra cap. undecimo, in principio*. Quanquam de mari siue de communicatione & commercio maritimo, quod hic breuiter ponitur, quia magnas in se difficultates & controuersias habet, mox latius & accuratius explicatur *capite proximo*. Nam illud facile est & extra controuersiam, urbem eam, quæ sit beatissima futura, ita sitam esse debere, ut aliqua ex parte continentem ac terram siue agros spectet, rerumque terrestrium usum & commercium habeat, id est, non ita sitam esse debere, puta in Insula aliqua sola, omnia ut ad usus vitæ necessaria magno molimento & opere aliunde sint petenda, & eo conuehenda. Quanquam hic vere est situs urbis Venerorum nostra ætate, quamque ab omni continenti ac terra diuidunt mare ac paludes, cuius tamen διοίκησις & optima administratio à plerisque prædicatur. Ratio autem siue causa, cur hunc urbis situm, maris & terræ, siue continentis communem, probat Aristoteles; de mari quidem exponitur *infra capite proximo*. De terra vero videtur mihi intelligenda ea, quæ hic affertur his verbis; δὲ γὰρ ἀπὸ τοῦ θαλάσσης, &c. Quod ad suppetias ferendas omnium locorum communis esse debeat, id est, quod aduersus hostes facile succurri omnibus partibus & oris totius regionis ac provinciæ possit. Nam si urbs in Insulam sit reiecta, agrumque habeat in continente: non tam facile iis, qui in continente oppida & vicos incoluat, succurri poterit. Quod cum alias sepe, tum non ita pridem accidit bello Gallico, quo Anglis oppidum Calitum, cui tardius succurrerent, ut in continente sito, præreptum

De optimo
urbium si-
tu.

Controuer-
sia.

Urbes ali-
qua ex par-
te continen-
tem terram
contingant
oportet.

2. Ratio.

Exempl.

2. & ademptum fuit. Quod igitur ad situm vr̄bis attinet, duo in eo spectanda esse monet, siue duabus illum rebus definit, & (vt ipse loquitur) duobus velut finibus & ὁρίσιν circumscribit. Quorum prior iam est explicatus de situ terræ & maris communi. Alter pertinet non ad succurrendum siue ad suppetias, sed ad rerum commercia. Quare alter hic velut finis est, vt vr̄bs ad res vsibus vitæ necessarias in agro subnascentes commodè conuehendas, & non solum in vr̄bem, aliaque oppida & vicos in agro & regione sitos diuidendas ac distribuendas, sed etiam ad exteros deportandas sit opportuna, vt si ager aut frumenti, aut vini, aut lignorum, aut olei, aut potius harum omnium rerum, aliarumque sit ferax: aut etiam metalla & fodinas siue carbonum, calcis, plumbi, argenti, &c. habeat, quam ad rem, id est, ad harum diuisionem ac deportationem rerum facilitatem & opportunitatem notum est maxime seruire flumina. Hic igitur alter est modus siue finis optimi situs, quo contineatur cum fructuum in agro nascentium, tum aliarum rerum (vt lignorum, lanæ, metallorum, lapidum, calcis, &c.) facilis communicatio ac deuectio. Et hoc est, quod ait; ὁ δὲ λοιπός, &c.

CAPVT VI.

1. Pars.

2. Pars.

3. Pars.

MONVI & alias, in hoc opere capita librorum sæpe incommode & imperite satis esse secta: quod & hoc loco accidit. Nam quæ hoc capite explicantur, non nisi incommode à priore disputatione de situ vr̄bis diuiduntur. Vt enim modo dictum est, quod de mari breuiter allatum fuerat, id quia valde sit controuersum, & ad explicandum difficile, vberius & proprio loco hic explicari. Nam id fere toto hoc capite agit de communione maris & rerum maritimarum, vtilisne ea sit, an pernitiōsa optimæ Reipublicæ. Etsi autem in vtramque partem disputat, eiusque rei commoda & incommoda affert: tamen concludit, concionem & commercia maris optimæ quoque Reipublicæ esse vtilia: quibus rebus explicandis viam quoque & rationem exponit, qua incommoda ex eo commercio orientia euitari possint, emporio extra vr̄bem instituendo. Tandem & de turba nautica, quæ Athenis erat innumerabilis, quia & ea ad rem maritimam pertinet; an & quatenus in optima Republica sit ferenda, extremo

mo hoc cap. breuiter differit. De hac .a. summa & principe quaestione, id est, de communicatione & commercio maritimo, an Reipub. sit vtile nec ne, ab alijs quoque grauissimis scriptoribus differitur. Videatur *Plato libr. 4. de legibus.* & *Strabo libr. 7. vbi de Scythis.* *Xenophon in lib. de Republica Atheniensium.*

TEXTVS.

De maris autem commercio, vtrum ciuitatibus sit vtile Rempublicam administrantibus, an inutile; sunt, qui multum ambigant. Nam in vrbe versari quosdam, alijs in legibus educatos, inutile esse aiunt ad bonam administrationem & hominum multitudinem. Nam ex vsu quidem maris emittendo & recipiendo nasci mercatorum multitudinem. Id autem bonæ administrationi esse contrarium.

COMMENTARI.

Περὶ δὲ τῆς.] Explicatur hoc capite insignis locus, isq; magnopere controuersus, de commercio & vlu maris. Qui locus pertinet ad tractationem de situ vrbis & regionis, qua de re hic agitur. De qua re sua ætate inter Politicos & viros doctos magnam ac multiplicem controuersiam fuisse ait: hanc maxime, vtrum vsus maris ciuitatibus bene institutis siue bene Rempublicam suam administrantibus (*Cæsar* sic loquitur) vtrum, inquam, maris propinquitas & commercium ijs profit, an noceat. De qua quidem quaestione præter ea, quæ *supra* adduximus, videantur & illa, quæ de peregrinationibus diuine scribit *Plato libr. 12. de ll.* & quæ idem *lib. 8. de legib.* & quæ nos alias de peregrinationibus breuiter vndique collecta coniecimus in *prefat. Odyss. Homericæ præfixam.* In hac autem quaestione vt & alias à Platone dissentit *Aristoteles.* Nam *Plato initio lib. 4. de legibus,* ciuitatem suam 80 stadijs à mari reuocat, eique Reipublicæ quam in *his libris* describit, vt optimam, maris vicinitatem & commercium perniciosum fore existimat. Quare & *lib. 12. de ll.* *Seneca ep.* peregrinationes ita constringit ac minuit, vt eas fere tollere

De maris propinquitate, vtrum profit vrbi-bus an vero obfit.

Platonis hac de re sententia.

Seneca ep. 70.

Nnn s videat-

videatur. Et in hac sententia *Platonem* esse monet *ipse Strabo* eo loco *lib. 7.* à quo ait eleganter *θάλατταν* dici *πὸν ηγεσθὶ δὲ οὐκ ἔστι*, & proinde optimæ Reipub. vitandam; in eo tamen, ni fallor, memoria lapsus *Strabo*, qui *Platonis* Politiam, id est, libros de Republica adducat, cum ea extent in *libris de legibus*, (hoc non mirum, magnos viros memoria labi: accidit hoc *Ciceroni* sepiissime.) Huius sententiæ de vitando maris usu & commercio multa sunt firmamenta. Nam ex multis incommodis, quæ usus maris & propinquitas affert, duo summa hic ab *Aristotele* ipso commemorantur. Prius est, quod ea re peregrini mores & instituta in ciuitatē importentur. Alterū est, quod magna mercatorū multitudo inde oriatur, & ex ea innumerabilis hominū turba & colluies. Quod vtrumque incommodum quam sit graue & optimæ Reipubl. contrarium, iam *supra* partim est explicatum, quo in loco demonstrauius, nimiam hominum multitudinem ad optimum Reipub. statum plane esse inutilem ac perniciosam. De altero incommodo, quod diximus, peregrinos mores & vitia hospitem aut peregrinorum infundi in ciuitatem, multi grauiissimi viri commemorant & conqueruntur, & res ipsa per se loquitur. De quo ita *Plato libro 12. de legibus*, *τίφουκε δὲ ἡ πόλεων ἐπιμιξία*, &c. vbi per peregrinos ciuitates misce inter se permisceri ostendit, eaque ex re & patria instituta paulatim contemnuntur, & leges mutantur, & sæpe vniuersæ Reipublicæ interitus consequitur. Huc pertinet, quod monet *Cicero libro 2. de legibus*, in religione id quoque cauendum, ne eius fiat confusio, vt peregrini ritus non temere recipiantur. Quod sane in ciuitate Romana plane admirabile fuisse ait *Dionys. Halicarn. libro secundo δόχαιο λογίας*, in qua tot vndique profecti versarentur peregrini ex toto orbe terrarum, & tamen nulla sacra peregrina præter Cereris essent recepta. De hoc incommodo & *idem Plato* initio *libri quarti de legibus*. *Strabo* autem alia quoque incommoda magis affert, puta luxum, studium piraticæ (hoc studium etiam maiores nostri exercuerunt, vt veteres Romani scribunt) auariciam siue *πλεονεξίαν*. Addit *Cæsar*, & molliem: sic enim ait *libro secundo belli Gallici* de *Neruijs*; nullum aditum esse ad eos mercatoribus, nihil pati vini, reliquarumque rerum ad luxuriam pertinentium inferri: quod his rebus relanguescere animos eorumque remitti vir-

tutem

tutem existimarint. Idemque de Germanis, à quibus Neruij se ortos prædicabant, idem scribit *libro 6.* Gallis autem, 2. *Exempl.* inquit, propinquitas, & transmarinarum rerum notitia multa ad copiam atque vsus largitur: paulatim assuefacti, multisque victi prælijs, ne se quidem ipsi cum illis virtute comparant. Et hæc quoque causa *ξενηλασίας*, expulsionis peregrinorum Spartanæ, siue cur Lacedæmonij nec peregrinos in urbem reciperent, nec suos peregrinari permitterent, exponitur à *Xenophonte* in libello de *Republica Lacedæmoniorum*, his verbis; *ὅπως μὴ ῥαδιερχίας*, &c. id est, vt ne ignauia & languore ciues à peregrinis corrumpantur.

T E X T V S.

Verum hæc si non accidant, melius esse & ad incolumitatem & ad rerum copiam necessariarum, urbem & agrum maris esse participem, non est obscurum. Etenim ad hostes facilius sustinendos oportet eos, qui salui sint futuri, ad succurrendum vtraque esse opportunos, & terra & mari, & ad nocendum inuadentibus. Si vtraque non potest, saltem ex altera parte magis erit facultas ijs, qui vtriusque sunt participes. Ea quoque, quæ apud ipsos non sint, accipere, & quæ superant ex ijs, quæ nata erunt, exportare, ex rerum modo est necessariarum. Debet enim ciuitas sibi non alijs mercaturam facere. Qui autem omnibus apud sese mereaturam præbent, quæstus causa hæc agunt. Eius autem cupiditatis ciuitas si particeps esse non debet, neque emporium tale habere debet.

C O M M E N T A R I I.

Ὅτι μὲν &c.] Expositis breuiter incommodis, nunc com-
moda & huius & commercij maritimi ac propinquitatis
maris

1. *Commo-
dum propin-
quitate
maris.*

Exemplū.

2. *Commo-
dum.*

*Modus in
hac comu-
nicat. rerū
adhibendus.*

maris breuiter quoque exponit. Sunt autem & ea duo quo-
que maxima, vt & de incommodis *supra* dictum: quo-
rum prius ad bellum, alterum ad pacem fere pertinet; ni-
mirum facilior defensio, & rerum ad vitam necessariorum
communicatio. Nam quod ad prius attinet, si vrbs & re-
gionis is sit situs, vt terra ac mari ad eam sit aditus: facilius &
ipsi succurri poterit, & hosti noceri. Sæpe enim id accidere
solet, vt vrbs terra vndique obseffa, subsidio & auxilijs per
mare intromissis, periculo liberetur: & contra quæ classe
oppugnatur, vt terrestri exercitu conseruetur. Sic & in hoste
propulsando, aut potius in detrimento ei inferendo vtile
quoque est, vtramque hanc habere opportunitatem, tam
classis quam exercitus terrestris: vt si altera vti non possis,
vel quia per hostem impediaris, vel quia forte non suppetat;
saltem altera vti possis. Quemadmodum olim Athenienses
cum terrestri bello Lacedæmonijs pares esse non possent,
classē comparata eorum fines infestare sunt soliti, vt hac ra-
tione terrestrem exercitum hostium pellerent. Quare & o-
lim Themisthocles cum Athenarum patriæ suæ situm vide-
ret non tantum ad terrestrem, sed etiam ad naualem exerci-
tum & bellum maritimum esse opportunum; autor fuit A-
theniensibus, vt classi quoque ædificandæ operam darent.
Qua ratione à suis & totius Græciæ ceruicibus æternam
Persarum seruitutem, pulsatis ijs terra ac mari duobus grauissi-
mis prælijs, Marathonio & Salaminio (*Sic. lib. i. off. & He-
rod.*) depulerunt, & tandem maris imperium & dominia ta-
men sunt consecuti. (Nuper in Gallia ante annos s. cum
Roschellæ Hugonoti essent conclusi terra, mare eis præbuit
subsidium. Perrupta enim catena, qua mari etiam claudē-
batur aditus, commeatus & milites sunt allati in ciuitatem.)
De altero commodo, id est, de rerum ad vsus vitæ necessa-
riorum cōmunicatione seu permutatione perspicuum quo-
que est, eam vt plane esse necessariam, ita & faciliorem, si ci-
uitas maris quoque vsu & commercium habeat, tam ad
exportandum quam ad importandum. Nam hic quidem vsus
siue hoc maris commodum, quod in rerum permutatione
& cōmunicatione ponitur, cum per se notissimum est,
tum ab omnibus celebratur. Verum ex hoc vsu & commo-
do quia sæpe magna mala & incommoda suboriuntur, ma-
xime ea duo, quæ ab ipso Aristotele *supra* sunt allata, legum
confu-

confusio & hominum: præclare hic monet Aristoteles, hunc
 usum ita definiendum esse, ut quæ in agro aut regione non
 nascuntur aut extant, ea aliunde aut petantur aut recipian-
 tur: quæ domi nata fuerint, ex ijs ea, quæ superabunt aut su-
 pererunt, ut ad alios exportentur, utrumque eo modo & fi-
 ne, quatenus vel utile vel necessarium vel satis sit suis & ipsi
 Reipublicæ non alijs. Ex quibus id intelligitur & consequi-
 tur, quod & ipse expressit, optimam & beatissimam Rem-
 publicam mercaturam illam quidem exercere posse; sed sibi
 tantum, non alijs. Eaque propter in eadem ciuitate, quæ o-
 ptime Rempublicam suam administrare velit, non debere
 communem, perpetuum ac celebrem mercatum institui.

Nam id genus emporia & mercatum celebritates non tam
 rerum ad usus vitæ necessariorum permutationis seu com-
 municationis, quam quæstus & auaritiæ causa (à quibus hoc
 optimæ genus Reipublicæ longissime abhorreere debet,) in-
 stitui consuerunt. Ut olim Delphis & Puteolis & Alexan-
 driæ, & hodie multis in locis (in Germania duo insignia Ant-
 uerpiam & Dantiscum. In Hispania Hispalim. In Italia Ve-
 netias & Genuam. In Turcia Calecutam, quæ non maior
 est hac nostra vrbe.)

Ὅνδ' ἐμπόριον.] Vocant veteres tam Græci quam Lati-
 ni locum mercibus & mercatoribus in vrbe vel extra urbem
 attributum, Emporium, non ipsam urbem, ut vulgo perpe-
 ram eo verbo abutuntur. Sic Emporium Athenis erat in
 Piræeo.

*Mercatura
 quatenus ex
 exercenda sit
 in optima
 Repub.*

*Emporiorum
 perpetuorum
 improba-
 tio.*

Exempla.

*Εμπόριον.
 Vitruu. ar-
 chitect. li. i.
 c. ult. & li.
 2. in præfa.
 & l. 5. c. vi.*

T E X T V S.

Quia autem & nunc videmus multis in regio-
 nibus & urbibus esse naualia & portus, optime si-
 ta & accommodata ad urbem, ut neque ipsam vr-
 bem turba naualis habitet, neque valde longe ab-
 sit; sed mœnibus, alijsque id genus propugnacu-
 lis muniatur: perspicuum est, bonum quidem si
 quod ex ipsorum societate eueniat, id bonum ci-
 nitati afferri: si vero quid mali, facile esse legibus
 cauendum discludendis & dirimendis, quos non
 oporteat,

oporteat, & quos oporteat inter se miscere commercia.

COMMENTARIIL

Ratio, qua
incommoda
propinqui-
tatis maris
effugere li-
ceat.

αιπολογία.

Exemplū.

Επεὶ δὲ ἐ νυν.] Dictum est *supra* de malis & incommodis, quæ afferat commercium maritimum. Ea autem ne Reipub. noceant, & ut optime ab ipsa ciuitate secludantur vitia peregrinorum & mercatorum; rationem & viam hic demonstrat Aristoteles. Ea autem ratio hæc est, ut emporium ab ipsa vrbe diuidatur, ita ut emporium cum vrbe neque plane sit idem aut coniunctum, neque nimis disiunctum: cuiusmodi multarum urbium situs natura factus ad hoc discrimen reperitur, quæ portus habeant, aut naualia non vrbi coniuncta, sed prope tamen ab vrbe. Nam hæc disclusione efficietur, inquit, ut quæ bona affert vsus & commercium maris, vrbi communicari possint: & tamen mores ciuium & instituta Reipub. per peregrinos aut mercatores, quibus in emporio extra urbem locus erit attributus, non corrumpantur aut inquinentur. Hic olim fuit situs Athenarum, Sparta, Byzantij, & Romæ. Nam Piræus ab ipsa vrbe seu Astu & Gythæum à Sparta quod peruulgatum est. De Byzantio quod dixi, reperi apud *Athenæum*, qui hæc verba Theopompi libro octauo rerum *Philippicarum* adducit; ἤ-ξανται οἱ βυζάντιοι, &c. Quanquam porrus Byzantinus vrbi æquo esset coniunctior & plane continens. Quæ causa quoque fuit, ut ibidem ait Theopomp. cur populus Byzantius luxu & omnibus vitijs disfluere; ἀλλὰ τὸ πλὴν πόλιν ἐμπορίᾳ κερδῆσαι ἔχον, καὶ τὸν δῆμον πρὸς τὴν ἀγορὰν, &c. Hanc autem rationem sumpsisse mihi videtur Aristoteles ex *Platone*. Nam quo in loco is differit de peregrinationibus & de peregrinis libro duodecimo de legibus, vult, peregrinos non aliter recipi, quam extra urbem in portibus & emporijs, & publicis ibidem domibus extructis. Sic enim ait; πέπλαρες δὲ εἰσι ξένοι, &c.

TEXTVS.

Cæterum de opibus naualibus, optimum quidem

dem adesse quadam tenus, non est obscurum. Neque enim ipsis tantum, sed etiam finitimis quibusdam & terrori esse oportet, & posse succurrere, ut terra, ita etiam mari. De modo autem & magnitudine harum opum pro vita ciuitatis videndum est. Nam siquidem principem ac politicam vitam viuet; necesse erit, has quoque opes rebus gerendis respondere. Magnam autem multitudinem, ut fit, turbæ naualis non est necesse esse in ciuitatibus. Ipsos namque nullam ciuitatis partem esse oportet. Nam Epibatæ (milites classici) ex liberorum & peditum sunt numero, quod genus dominatur & imperat, & priores tenet partes in re nauali. Vbi autem agricolarum & eorum, quos Græci Pericæcos vocant, multitudo fuerit: necesse est & nautarum (sociorum naualium) copiam esse. Videmus autem, hodieque in quibusdam esse, ut in vrbe Heracleotarum (Heracleensium, Heracleæ.) Multas enim complent triremes urbem colentes magnitudine alijs minorem. De regione igitur & portubus & urbibus & mari & de naualibus opibus ad hunc modum sint definita. De urbana autem siue ciuili multitudine, quis optimus modus esse debeat, ante diximus.

C O M M E N T A R I I.

Περὶ δὲ τῆς ναυλικῆς.] Institutæ disputationi de commercio maris & vicinitate conuenienter adiungit Aristoteles locum de opibus siue potentia nauali, ipse *Ἀνάμνησις ναυλικῆς*, *De opibus seu potentia nauali*, ut & Xenophon initio libr. 7. *ἐκλειτικῶν*, *rerum Græcarum*; *Ἀνάμνησις* vbi Procles Phliasius (Phliasiorum orator) de imperio maritimo

ritino differens ait, sine portubus ἔχ' οἷον τε ναυλὴν δυνάμει
 ἔχοντα. Quo nomine non copiae tantum siue socij nauales,
 id est, nautae, vt interpretes hic vulgo reddunt, sed (vt dixi) o-
 pes, omniaque ad rem naualem pertinentia contineri mihi
 videntur; vt classes siue naues, armamentarium, socij naua-
 les, milites siue ἐπιβάται (apud Cas. in comment. Epiphatae)
 De re igitur nauali siue de nauali potentia differens hoc loco

Ratio, cur Aristoteles primum docet, eam in optima Republ. aliquam
opes nauti esse debere: deinde, quanta ea esse debeat. Cur autem ali-
ca requirā- qua esse debeat, siue cur ciuitas bene instituta non tantum
tur ad feli- terra, sed mari quoq; posse aliquid debeat, causam ipse Phi-
citatem Reip. losophus affert. Quod nimirum vtile sit Reipublicae, eam &
 succurrere posse cum sibi ipsi & suis, tum finitimis, non terre-
 stri tantum sed etiam nauali exercitu & apparatu; & formi-

1. *Exempl.* dabilem esse alijs vtrunque, tam terra quam mari. Quod i-
 psam & olim Romani, qui primis temporibus terrestri tan-
 tum exercitu & praelijs valebant, tandem in bellis Punicis suo

2. *Exempl.* malo edocti secuti sunt & ante Athenienses. Quam ex duab:
Modus po- principib. (summis) Graecae ciuitatib. Athenienses rei nauali,
tentia nau- Lacedaemonij terrestrib. bellis potius studerent. De modo
tica. autem maritimae siue naualis potentiae, quae siue quanta ea es-
 se debeat, definiendum id esse ait ex vita ciuitatis, id est, ex
 instituto siue scopo & consilio Reipubl. Videndum namque
 esse, quid Reipub. sit propositum; principatus ne, an aequa-
 bilitas siue aequabilis vitae ratio, & ius cum ceteris comune.

Nam quae pari iure cum alijs viuere siue agere velit, suisque
 se finibus continere, ei Reipubl. non magnas opes nauales
 esse necessarias. Illam vero, quae principatum affectat, ma-
 ioribus & ad res gerendas idoneis ac conuenientibus opibus
 ac copijs maritimis opus habere. Quod Aristotelis aetate

1. *Exempl.* cernere erat in Republica Atheniensi. Quae postquam de
 principatu Graeciae cum Spartanis certare coepit: id in pri-

2. *Exempl.* mis operam dedit, vt praeter ceteras opibus naualibus excel-

3. *Exempl.* leret. Quod idem & de Carthaginensibus & de Romanis

4. *Exempl.* item de principatu & imperio inter se contendentibus aliquot

5. *Exempl.* post Aristotelem annis erudite explicat Polyb. lib. 1. Idem

Et h. tēpore quoque nostra & parentum aetate videre licuit in Turcis, qui
in Anglis non ita multis ab hinc annis mari facile opprimi poterant, q
& Hispan- classe non valerent. Nunc imperio suo tuendo opes habent
nis. accommodatas & idoneas non terra tantum, sed & mari.

Τὴν ὃ πολυνανθρωπίαν.] De turba nautica siue de multi- *Turba nau-*
 tudine nauticorum, de qua multi præclari viri ea ætate con- *tica non sit*
 querebantur, quid faciendum sit, quia & ea res ad disputa- *nimiū mul-*
 tionem priorem pertinet, breuiter adiungit & exponit Arist. *ta, nec in ci*
 Docet autem Rebuspubl. opus non esse magna nauticorum *uium nu-*
 multitudo, nec debere eos esse in ciuium numero in opti- *mero.*
 ma Republ. Etsi autem vtriusque huius rei nullam hic ipse
 causam expresserit; optimis tamē ea sententia rationibus &
 causis nititur. Nam quod ad nimiam nautarum multitudine *1. Ratio.*
 nem siue turbam attinet, qualis olim erat Athenis, vt scribit
Xenophon in libello de Republ. Atheniensium valde late. &
 monuit iam supra *Aristoteles lib. 4. cap. 4. & lib. 5. cap. 4. &*
ipse Isocr. in Panathenaico: quam ea ad optimum Reipubl.
 statū sit inutilis & perniciofa, præclare & copiose ab *Isoc. eo*
loco explicatur his verbis; ἀλλὰ ἀπερίωτος, &c. & à Platone lib.
4. de ll. De altero, nauticos siue socios nauales in optima *2. Ratio.*
 Rep. non debere esse in numero ciuium, ex eo intelligitur,
 quod inter opifices numerentur; quos omnes à Rep. & nu-
 mero ciuium remouendos esse in optimo Reip. statu expli-
 cabitur *infra cap. 9* Quia tamē belli tempore natalis magna *Modus cō-*
 sæpe nauticorum & sociorum naualium multitudo est o- *parandorū*
 pus; rationem quoque exponit Philosophus, qua temporibus *nautarum*
 necessariis satis magna horum multitudo parari & ha-
 beri possit. Nam ex rusticis & agricolis sumi eos posse docet
 his verbis; πλῆθος δὲ τῶν ἀγροτῶν, &c. adeo vt quibus in locis
 agricolarum fuerit multitudo, nunquam ibi nautæ quoque
 sint defuturi. Et hac quidem ratione parandorum nauta- *1. Exem-*
 rum quasdam ciuitates sua quoque ætate vt ostendit exem- *plum.*
 plo Heracleæ, quæ vetus est & nobilis ciuitas ad Pontum
 (vocabatur Heraclea Ponti. Huius sapissime fit mentio a-
 pud *Cic. Demost. Xenoph. & alios.*) Nam hanc ciuitatem,
 quamuis magnitudine multis aliis cedat, multas tamē trire-
 mes ornare & instruere, vt abundantem cum alio omni ap-
 paratu nauali, tum turba nautica ex agris tempore necessario
 sumpta Quod idem nostra quoque ætate Veneri faciunt: *2. Exem-*
 qui ad instruendas classes in agris delectum habere & valen- *plum.*
 tiores agricolas triremibus adscribere consueverunt.

τὸ μὲν ἐπιβατικόν.] His verbis quidem velut occupatio con- *De milita-*
 tinetur. Ex eo enim, quod modo dictum erat, nautas non de- *bus classia-*
 bere esse in numero ciuium; occurri poterat de epibatis, id *rit.*

est, de militibus naualibus siue classariis. Sed de his iam non agi indicat Aristoteles. Nam miles classarius, inquit, est homo liber, & ex numero peditum, quique non seruiat, ut nauta aut remex, sed dominetur potius ac præsitet in classe. Quare quod dictum est, turbam naualem non esse partem ciuitatis, id est, non debere esse in numero ciuium, accipiendum esse de nautis & sociis naualibus, remigibus non de milite classario. Qui cum sit homo liber & ex peditum numero, merito non secus, atque miles terrestris, non minima Reipubl. pars censeatur: qua de re *infra cap. 4.*

οιον τῇ πόλει.] Idem de hac vrbe confirmat & Xenob. lib. 5. ἀναβάς. expedit. Cyri. Sic enim ait; ἐξ ἡρακλείας δὲ ἐδὲ πύξης ἐδὲ κατὰ γάλατταν ἀπορία. πολλὰ δ' ἐστὶ πλοῖα ἐν ἡρακλείᾳ.

περὶ δὲ τῆς πολιτικῆς.] De ipsa regione & agro, de eius (inquam) magnitudine siue modo, & de commoditatibus siue opportunitatibus hoc cap. explicatum est. De ciuium autem modo siue multitudine iam *supra* (inquit) diximus, puta *cap. 4.* Reliquum est, ut de eorum quoque qualitate, id est, natura siue ingenio explicetur. Qua de re mox *proximo capite.*

CAP. V. T. VII.

HVIVS capitis argumentum iam fere explicauimus. Agitur enim hoc loco de indole & ingenio ciuium; quo illi esse debeant, qui ad optimum Reip. statum sint apti. Id quod priore capitis parte breuiter docet. Altera eius parte *Platonis* sententiam eadem de re refellit.

T E X T V S.

Nunc videamus, quales natura esse oporteat (scilicet ciues) Id autem intelligat quis fere, si intueatur cum in Græcorum ciuitates celebres, tum in omnem orbem terrarum, ut gentibus varie incolitur. Gentes enim illæ quidem, quæ frigida loca & in Europa incolunt, animi quidē illæ sunt plenæ, ingenio vero & arte minus instructæ. Quare liberæ quidem permanent magis, sed sine recta Reip. administratione, quæque finitimis imperare nequeat. Qui vero Asiam incolunt, animo quidē ingeniosi sunt & artificiosi, sed parum animosi.

Quare

Quare parere & seruire non desinunt. Græcorum autem natio (gens) vt quo ad loca media est, ita viriusque est particeps. Est enim & animosa & ingeniosa. Quare & libera permanet. & Rempub. optime administrat, & omnibus imperare posse, si vna vteretur Repub. Eadem autem differentia est & in ipsis Græcorum nationibus inter se. Quædam enim vniusmodi sunt natura, quædam vero ad vtramque hanc facultatem bene sunt temperatæ. Perspicuum est igitur, eos, qui legumscriptori ad virtutem sint faciles & flexibiles futuri, & ingeniosos natura & animosos esse oportere

COMMENTARI.

πολις δὲ ἡντις τὸ φῦλον] Diximus modo, hoc cap. de indole & ingenio ciuium optimæ Reip. explicari, qui sine ingenio est locus politicus & à Platone copiose tractatur lib. 2. de Rep. fere in fi. & toto lib. 3. Quamquā Plato de magistratuum, & eorum, qui præsunt, maxime ingenio & moribus differat: Ad hunc autem pertinet & ea, quæ explicata sunt supra multis in locis lib. 4. cap. 1. & 12. lib. 6. cap. 7. & c. de Rerumpubl. in loco po-
varietate ac differentiis siue generibus. Quibus in locis expressum fuit, non posse in omni natione aut loco optimum Reipub. statum institui, sed alium alii hominum generi & nationi esse aptiorem. Vitruu. quoque lib. 6. cap. 1. in fi. in vrbe architectanda & ædificanda hanc differentiam notat, & considerandam esse monet.

σχεδὸν δὲ κατὰ νοῦν εἶναι αὐτῆς] Docet, hanc quæstionem siue locum non tam argumentis & rationibus multis, quam vfu & exemplis explicari posse Rerumpubl. & gentium non Græcarum tantum sed etiam barbararum. In his enim triplicem differentiam reperiri. Quæ quidē differentia ex ipso locorum situ & natura oriatur. Nam siue totum orbem terrarum quis spectet (quem multi veterum in duas tantum partes, vt & hic Aristoteles, Europam & Asiam, tribuebant) varios eius populos & gentes trifariam inter se discrepare, vt qui Asiæ loca incolant, ingeniosi sint illi quidem & solerti natura præditi, sed molles, ignaui & effœminati; non ad im-

2. *Europaeorum intimo-
rum.* peandum, sed ad parendum & feruiendum nati. Contra
qui Europæ extrema incolunt, vt frigida & aspera: eos qui-
den esse bellicosos, sed imprudentes, & in quibus parum sit
ingenii. Medios autem & his velut interiectos Græcos vtra-
que re siue facultate valere & instructos esse, id est, & sapien-
tia siue ingenio, & animo & fortitudine antecellere. Hanc
autem gentium ex cœli & soli ac regionis dissimilitudine dif-
ferentiam & distinctionem cum exemplis omnis fere ætatis,
tum ipsa ratione confirmare licet. Nam qui sub frigido cœlo
*Ingenium habitantiū
sub cœlo
frigido.* sunt nati & commorantur: abundant illi quidem sanguine,
& proinde animosi sunt & iracundi. Quia tamen aer & cœlū
iisdem in locis est crassius, & nubibus plerumque infestum,
cibus quoque & potu homines vtuntur crassiore: fit, vt & in-
geniominus sint acuto. Est enim magna animi & corporis
conuenientia & cognatio. Qua de re existat *lib. Galeni de con-*
*Ingenium habitantiū
sub cœlo
calido.* uenientia affectionum animi & corporis. Contra gentes ex,
quæ in calidioris Zona & regionibus nascuntur, quia propter
calorem & exsucci sunt, & tenui vtuntur cœlo: fit, vt & pa-
rum habeant sanguinis & proinde sint timidi, & tamen inge-
niosi. Et hanc differentiam notauit & ipse Hippocrates in li-
*Asianorum
timiditas
& seruire
ingenium.
Gallorum
aliorumq;
pop. septen-
trionalium
ingen.* bello de aere & locis cap. 9. Quod ad exempla attinet de Asia-
nis seu Asiaticis, eos esse natura timidos & ad seruitutem na-
tos, quod hic ait Aristoteles, eleganter confirmat *Cic. pro*
Flac. Liuius quoq; id aliquot in locis de iis scribit, vbi & cōtra
de Gallis & septentrionalibus nationibus, quod item hic ait
Aristoteles, eos esse audaces & manu promptos, ostendit
lib 37. & seqq. 38. sic & Lucanus lib. 8.
Omnis, inquit, in Arctoïis populus quicunque pruinis
Nascitur, indomitus bellis, & mortis amator.
Quicquid ad Eoos tractus, mundi que teporem
Labitur, emollit gentes clementia cœli.
Videatur & Seneca de Germanorum veterum audacia &
promptitudine in præliis *lib. 2. de ira cap. 15. in fi. & cap. seq.*
Videatur & Vegetius *lib. 1. cap. 1. de re militari* (vbi ostendit,
quæ gentes sint ad bellum aptissimæ) & Vitruu. *lib. 6. cap. 1.*
in fi. Quod autem Aristoteles hoc loco Græcis suis attri-
buit, eos & animis & ingenio excellere, id negat Cicero, &
Romanis tantum suis attribuit. Sic enim ait. 2. *Tuscul. in fi.*
Itaque barbari quidam & immanes ferro decertare acerrime
possunt, ægrotare viriliter non queunt. Græci autem homi-
nes non

nes non satis animosi, sed prudentes, ut est captus hominum
 satis hostem aspicere non possunt, & iidem morbos tolle-
 ranter atq; humane ferunt. At Cimbri & Celtiberi in præliis
 exultant, lamentantur in morbo, &c. sic & alias idem Romam
 virtutibus & rebus gestis Græciam disciplinis & artibus vin-
 ci non posse testatur. Extat hodie *Methodus historica* i. *Bodi- Gallorum*
ni Galli, quo in libro author Gallis maxime attribuit, quod *ingenium.*
 hic Græcis Aristoteles, & Germanos, sub eodem fere cælo *Germano-*
 & climate licet, ad extremos Scythas relegat, quibus non *rum.*
 multum animi, parum aut nihil sit ingenii. Rectius *Anton.*
Contius item Gallus in præfat. ad Instit. iuris, de Francis (quæ
 certe gens est Germanica: sed Bodinus hoc negat. possum
 probare ante annos 600. tempore Caroli Magni totam au-
 lam Gallicam locutam fuisse Germanice. *Turnebus* putat
 Gallos venisse ex Dania: quod perinde est. Nam tum Dani
 quoque erant Germani) existimat, utraque re & animo & in-
 genio ac sapientia valuisse, quod regnum optime & diutissi-
 me constitutum habeant. Quæ sane tota epistola (etsi ille
 dissimulat) ex hoc cap. & præceptis Aristotelicis expressa est,
 pulchrisque exemplis & rationibus explicata. Docet enim, *Gentes fera*
 gentes, quæ animo & audacia valeant, facile quidem aliena *facile occu-*
 regna inuadere & occupare: sed uti & retinere nescire, ad *pant impe-*
 quod (ad retinendum) legibus & iure sit opus, quæ non nisi à *ria, sed non*
 summa prudentia & sapientia proficiantur. Tales olim *diu retinēt.*
 Scythæ, Hunni, Vandali, Sarraceni, &c. (Non minor est vir- *Gentes for-*
 tus, quam quærere, parta tueri:) Eas vero gentes, quæ & sa- *tes ac pru-*
 pientia & fortitudine excellant, ut Romanos & (ut ille ait) *dentes.*
 Francos, & imperia sibi parare & ea retinere potuisse. Etsi au- *Disciplina*
 tem hæc gentium differentia ex varietate cæli vera est: vide- *et institu-*
 tur tamen exceptione quadam temperanda esse, ut natura *tio quid*
 (inquam) corrigatur institutione & disciplina; aut contra, ea *hac in re*
 neglecta, ipsa natura corrumpatur & eneruetur. Id quod & *possit.*
 ratione & auctoritate & exemplis confirmari potest; pluri-
 mum (inquam) in disciplina & eruditione esse situm, eaque
 vim ipsam naturæ infringi, & vel meliorem vel deteriorem
 effici posse. Et ratio quidem ex Ethicis præceptis peti potest. *Ratio.*
 Quod nulla sit tam effera, barbara, immanis aut indocta
 gens aut natio, quæ non bonis legibus & institutis paulatim
 mitescat: & contra, quæ non efferetur, licet natura mitissima, *Approba-*
 barbaricis institutis & moribus. Est enim (ut vulgo dici solet) *tio.*

Occupatio.

Consuetu-
dinis & in-
stitutionis
bona fru-
ctus.Caelum &
solum sequi
tur incola-
rum inge-
nium.Platonis
hac de re
sententia.1. Exemplū
Romanorū.2. Exem-
plum.
Argumen-
tum.Exempla
reliqua.

consuetudo altera natura. Etsi autem quædam sunt ingenia, quæ nullis præceptis aut disciplina, sed vi tantum & imperio corrigantur: plerumque tamen & in plerisque nationibus reperiuntur, qui bonis præceptis aures præbeant, ut dictum *supra lib. 10. Eth. cap. ult.* Hæc autem melior viuendi ratio, bonisque & moribus & artibus constans, semel recepta, si studio excolatur & ad posteros propagetur, non est dubium, quin liberi & nepotes ex parentibus & maioribus mitiore & cultiore iam ingenio præditis & politioribus siue humanioribus nati, indole quoque natura & ingenio ipsi iam sint meliore, mitiore & acutiore. Nam ut & *poeta Horat.* ait, Fortes creantur à fortibus, &c. Quare fit, ut in posteris & nepotibus non tantum disciplina & studium (quæ duo in maioribus asperiore ingenio & cælo natis tantum erant) sed ipsa iam natura & indoles melior reperiatur. Quin etiam, mitescentibus hominibus & inquilinis, ipsum quoque solum & cælum mitescere solet, & contra efferari inquilinis efferatis & indomitis. Ad hanc rem etsi multorum proferri potest, vnus tamen *Platonis* autoritas erit satis; ut ille ait, instar multorum millium (*Cic. in Bruto.*) Ille enim in *libris de Rep.* omnia fere disciplinæ & educationi, quæ ad optimum Reipubl. statum constituendum pertinent, attribuit, ut videre licet *lib. 2. de Repub. & libris seq.* Sed hac de re, id est, de vi & vtilitate educationis & institutionis ac disciplinæ explicabitur *li 8. cap. 1.* Exempla omnium gentium & ætatum huic nostræ (ut ita dicam) exceptioni testimonium quoque perhibent. Nam *Romani*, quos veteres Græci barbaros (ut *Plautus de Epicharmo*) vocabant, principio vi tantum, manu & ferocia, posterius culti & eruditi, etiam ingenio & sapientia præstiterunt: ut commemorat *Cic. initio prima Tuscul. & Dionys. Halicar. li 1. antiq. Ro.* Contra Græci nostra ætate & stultissimi sunt & ignauissimi, olim licet & animosi & ingeniosi: quia cultura & studium desit. Quin & ex hoc ipso *Aristotelis* loco id confirmari potest, vbi monet, eam gentium dissimilitudinem, quæ aliæ ingenio tantum, aliæ animis & manu, aliæ vtrique re valeant ac præstent, in ipsis Græcis reperiri, sub eodem cælo & climate natis & versantibus. Hinc enim intelligi potest perspicue, non tam cælo, quam studio ac disciplinæ, hanc dissimilitudinem esse attribuendam. Sic & ætate nostra Germani, Hispani, Galli, Britanni, Angli, aliæque vicina nationes inhi-
adeo

adeo Turcæ, qui antea viribus tantum & animis ac manu certabant, ipsis nunc Græcis & Asianis ingenio etiam & sapientia antecellunt. Et hæc quidem, quia in iis principium & fundamentum totius Reipub. est positum (ex ciuium enim & priuatorum ingenio & moribus status pender Reipub.) latius sumus persecuti.

διότι ἀσχετοί.] Ait, Asianos, quia timido sint ingenio, & *Asianorum* ignaui siue imbelles, in perpetua viuere seruitute, id est, sub *ingenia ser.* regibus siue regum imperio. Nam libertas Rerumpub. est *uilia.* propria. His, quæ diximus, consentanea etiā sunt, quæ *Strabo* lib. 2. *Geograp.* eo in loco, ubi contra Posidonium disputat.

διότι δὲ ξόμυα.] Gentes enim Asianæ ad ætatem vsque *De gentib.* Aristotelis sub imperio regum Babyloniorum & Persarum *Asianis.* fuerunt, & inde sub Macedonū ac Romanorum imperium reciderunt. Nunc itē parent & seruiunt Turcæ. Quanquā Assyri quoq; & Persæ Medi & Parthi Asiani sunt, quorū imperia primis temporibus nō minus late patuerunt, quā imperiū Græcorum. Quare iis quoq; gentibus non tam natura animus deesse quam indulgentia quadam & corruptela videtur, ut supra dictum.

τὸ δὲ τῶν ἐλλήνων γένος.] Hæc iam supra sunt explicata, ut *Græcorum* & alia plæraq; . Eo pertinet *disputatio Plutarchi in libello de ingenium.* *Atheniensibus*; utrum ii fortitudine & re militari, an sapientia præstantiores fuerint. Etsi autē Cic. Græcis sapientiam & artes tribuit, non animi fortitudinem: fatendū tamen est, eos olim & fortitudine præstitisse, & re militari floruisse. Id quod perspicuū sit cum ex bellis & præliis cum barbaris & Persis, tum ex iis, quæ inter se plurima gesserunt. Verum quod aliis gentibus, idem & Græcis accidit, ut fere soleant omnia fato, ut ait *Poeta*, siue corruptela, ut superius dictū, in peius ruere, & retro sublapsa referri. Quare nostra ætate Græci cū nullo sunt & ingenio & animo ac fortitudine præditi: tū miserrime seruiunt, & opera seruilia tantum, ut est agricultura, faciunt: siue id fato aut prouidentia diuinæ, siue corruptæ disciplinae ac dissensionibus eorum, siue utriusque id rei attribuat.

διότι ἐλαχίστοι.] Ut istud quod hoc loco de Græcis: ita *Græci ad* & illud quod *supra lib. 1. cap. 1.* de iisdem affert Aristoteles, id nati, ut eos barbaris, ut natura seruis, imperare ac dominari debere, *aliis impe-* res ipsa refellit. Sed de sua & maiorum Aristoteles ætate lo- *rent.* quitur. Staius enim post Aristotelem, aut etiam, superstitē

adhuc eo, sub Macedonum imperium reliqui Græci, & tamen omnes sub Romanum, & hodie sub Turcicum reciderunt.

- Ratio, ob** *καὶ βέλτερον πολιτευόμενον.*] Id ingenio & sapientiæ ac legibus & institutis, quibus Respub. Græcorum optime erant temperatæ ac descriptæ, tribuendum est. Collegerat autem Aristoteles, & descripserat Respub. tam Græcorum quam Barbarorum plus quam 250. unde intelligi potest, non fuisse ei difficile, videre, quæ ciuitates optime legibus essent temperatæ. Sed hoc opus Rerumpub. Aristotelicum periit. (huius Cic. mentionem facit in lib. de Finib.)
- quã Resp.** *καὶ δυνάμει ἀρχεῖν.*] Præclara est hæc sententia, de vno imperio siue Repub. Ait enim Aristoteles, Græcos, si non ita in multas ciuitates siue Respub. diuisi & discripti essent (nam & Athenienses, & Lacedæmonii, & Thebani, & Thessali, & Rhodii, &c. (sunt plus quam 100.) suam quique Rempublic. habebant, nullo alteri parente) sed in vna Republica & sub vno omnes imperio continerentur: posse totius orbis terrarum imperium adipisci. Id quod Romani postea, vt in Rep. ciues, & sub vno imperio comprehensi præstiterunt. Quin etiam ipsi Græci, ea ipsa ætate Aristotelis, vnius ductu principis & Regis Alexandri id consecuti sunt, euerso Persarum imperio. Nos hodie idem de nostris, siue de Germania, quia vno imperio contineatur, ita dicere & gloriari possemus; *καὶ δυνάμει ἀρχεῖν πάντων μιᾶς τυγχάνον ὁμοιοῦς.*
- Græcorum** *τὴν αὐτὴν ἔχει ἀγαθοῦ.*] Id quoque iam supra explicauimus, eam naturarum triplicem varietatem, non tantum in maioribus totius orbis partibus, sed in vna etiam gente sæpenumero reperiri. Quod hic de Græcis ait Aristoteles, eorum alios sapientia & ingenio, alios animo & fortitudine, alios vtraque re floruisse, vt de Atheniensibus scribunt veteres, eos & sapientia & fortitudine reliquis Græcis præstitisse. Bæotos, Thebanos & Lacedæmonios ingenio fuisse crassiore, sed ad arma paratissimo, vt Strabo eo lib. 5. & Corn. Nepos in Alcibiade extremo.
- bene admi-**
- nistraban-**
- tur tēpore**
- Aristotelis.**
- Liber Ari-**
- stotelis, Re-**
- rumpub. a-**
- liquot de-**
- scriptiones**
- continens.**
- Vnius Reip.**
- ex multis**
- ciuitatibus**
- constantis**
- commodū.**
- 1. Exem-**
- plum.**
- 2. Exem-**
- plum.**
- 3. Exem-**
- plum.**
- Discrimen**
- singularum**
- parium**
- cuiusq; gen-**
- tis. Qua**
- de re Dice-**
- arch.**

F I N I S.

INDEX

INDEX RERVM, VER- BORVM AC SENTENTIARVM IN HVBERTI GIPHANII COMMENTARIOS

ad Aristotelis Politicorum libros
copiosus.

A.

Abstinentia magistratuum opti-
ma virtus. 543

Academicorum & Peripateticorum
laus qualis. 8

Acta ciuitatis etiam post Rempubl.
mutatam dici possunt. 302

Acta publica qua dicuntur. 501

Adiumenta politica facultatis con-
sequenda qua & an necessaria. 6

Adulteri poena qua. 589

Aequitas alia fit ex dignitate alia
ex numero. 148

Aequitatis diuisio qua. 531. huius v-
sus. 531. & seq.

Aes & aurum sunt belli organa, non
fani teste Platone de legibus. 51

Aetas grauior magistratibus graui-
oribus quoq; conuenit. 359

Aetate superans & perfectum aptius
est imperfecto & eo, quod aetate
superatur. 127

Affinitas inter imperium ciuile & o-
pimum qua. 130

Ager est res communis. 366

Agri quantitas & qualitas Reipubl.
optima qua. 930. Platonis error
hoc in loco qui.

Agrorum distributio trimembris. 226

Agri modus verus quinam. 198.
Eius ratio qua. ibid.

Agri dotes reliqua quanam sunt. 933
peritorum consiliū & exemplum

quod. 933. Ager & ciuium mul-
tudo sint & οὐνοπ & s. 934. agri
quantitatis conditio qua. 934

Agraria leges olim motuum causa
fuerunt. 544

Agricola ex terra, pastores ex pecori-
bus fructum & victum capiunt. 87

Agricolis magis placet uxores esse
communes, quam custodibus. 163

Agricola qua in re ciuitati sunt uti-
les. 128

Agricola instrumenta qua sunt. 51

Agricultura est ars laudatissima. 116
quastus honestissimus. 116. ratio
qua. ibid.

Agricultura est vel pura seu nuda,
alia frumentaria consita seu ve-
stita arboribus, vitibus. 119

Alexander Gracis tanquam prin-
ceps, barbaris ut dominus impe-
rauit teste Plutarcho. 20

Amantium & ciuium discrimen
quod. 165

Amasis Aegyptiorum regis consilium
callidum de obseruantia & hono-
re apud ciues pariendo quodnam. 130

Ambitio & auaritia omnium Re-
rumpubl. pestes sunt. 537. & seq.
multos homines falsos fieri sub-
egit. 538

Ambitiosus magistratum ambire nō
debet. 254

I N D E X.

- Amici & familiares sunt monar-
charum interfectores. 675. & seq.
horum exempla qua. 676*
- Amicos iuuare est honestum. 176*
- Amicitia est aequalitas quadam. 407*
- Amicitia minor est liberis & uxori-
bus communibus & cur. 163. hu-
ius officium, quodnam. 165*
- Amicitia officium quale. 346. Ami-
citia qua est. 347. huius opera &
officia qua. 347*
- Amicitia ciuicibus est maximum
bonum. 164. huius munus quod-
nam. ibid.*
- Amor sui duplex & quinam. 175*
- An de re parua litigandum sit. 520*
- Anima herili imperio corpori im-
perat. 56*
- Animal homine est prius, non econ-
tra. 33*
- Animal constat ex animo & corpo-
re. 33. 310*
- Animalium partes qua. 54*
- Animalium alia congregabilia, alia
solitaria. 30. Cōgregabilium qua-
dam ciuilia, quadam errantia.
ibid.*
- Animalia aut sunt nascentia & in-
choata, alia edita & perfecta.
92. Ex perfectis alia sunt edita, a-
lia non 92. Ex editis quadam te-
nera sunt, quadam aduultiora.
92*
- Anima in homine imperat, corpus
paret natura duce. 55*
- Anima partes quanam sunt. 56. hac
est immortalis. 56*
- Anima constat ex ratione & cupi-
ditate. 310*
- Animantium perfectarum victus
est in rebus, qua ex terra orian-
tur. 93. harum causa sunt stirpes.
93*
- Animantes alia sunt cicures, alia fe-
ra. 93. harum utilitates qua.
93*
- Animantes & omnia hominū cau-
sa à natura sunt. 93. Ratio huius
qua ibid.*
- Animantium omnium commune est
procreationis appetitus. 18*
- Animi partes sequitur virtutum
dissimilitudo, & hanc imperio-
rum. 136. Illa quidem omnibus in-
sunt, dissimiliter vero. 137*
- Animi bona quatenus utilia sunt.
872. animus & simpliciter &
comparate corpore rebusque ex-
ternis cur melior est. 873*
- Animus hominis diues teste Cicero-
ne, non arca vocari solet. 214*
- Animus corpori natura imperat. 55*
- Ante deliberata ad populum quod
hoc loco referuntur, quomodo in-
telligendum. 501. Ratio & utili-
tas qua. 501*
- Antisophismata Democratica qua.
485*
- An uni imperium in ciues sit tri-
buendum. 375. Ratio qua.
ibid.*
- Argumentum quo seruitus ea, qua
iurisgentium est, impugnatur. 67*
- Argumentum quo docetur tria esse
rerum publicarum genera, quod-
nam. 335*
- Aristocratia est genus reipubl. diu-
turnum, & qua ratio. 739*
- Aristocratiæ origo qua. 396*
- Aristo-*

I N D E X.

Aristocratia & regni an idem scopus. 9

Aristocratia euertenda modi qui.

593. Cur motus ob honores in Aristocratia mouentur. 594. & seq.

Exemplum quale. 595. Aristocratiarum & Politiarum, quas etate Aristotelis ita nominabant, ratio qua. 601. Hac cur aliquando in Democratiam conuertatur. 602. ha insolentia magistratuum & interdum euerti solent. 603. Pleonexia quibus rebus hoc loco metienda. 604. Hac cur non accidant in Democratiis & Aristocratiis bene temperatis. 604

Aristocraticum aut mixtum institutum quod. 477. magistratus in ea creabantur sortito vel simpliciter, vel ex praelatis. 497

Aristocratica instituta quadam. 274. ratio horum qua. 274

Aristocratia mala qua. 30

Aristocratia & regnum sunt res publ. optime. 420. quomodo ha instituenda. 411

Aristoteles dicit rempubl. Platonis esse mancā. 201

Aristotelis iudicium de omnib. Platonis libris. 195

Aristoteles cur solummodo agit de Democratica & Oligarchica permixtione. 766. Causa quanam, cur plura sint genera Democratiarū. 767 fundamentū omnium institutorum Democraticorum quodnam. 769. scopus Democratia qui. 770. rationes quibus vulgo vtuntur ad cōfirmandam hāc sententiam quales. 770. Demo.

cratia arithmetica aquitatem seruat. 770. Eius vitii quōd. 771

Aristoteles cur mediocrem statū recte normam reliquorum esse statuatur, ratio qua. 478. & seq.

Aristoteles dicit magistratuum perpetuitatem esse perniciosam & cur. 889

Aristotelis sententia de modo honorū & horum aequatione. 211

Aristotelis libri de Repub. continent Rerumpub. aliquot descriptiones. 952.

Aristoteles cur lib. 1. politic. de seruitute agat. 40

Aristotelis comparatio trium vitiosarum rerumpub. qua. 421. Ratio huius qua. ibid.

Aristoteles cur optima temperatura mentionem facit. 461

Aristotel. cur hac 2 genera iniuriarum cauere velit, ratio qua. 730. harum exempla qua. ibid.

Arist. in descriptione Reipub. Platonis quid reprehendit. 205. ratio huius qua. 205. & seq.

Aristoteles homines in duo genera tribuit: in sapientes aut stultos, quorum alii mediocriter, alii summe. 74. & seq.

Aristotel. praeceptum de Senatu Democraticum quod. 498. & seq. hoc in qua Democratia maxime est necessarium. 499. Ratio & utilitas qua. 498. & seqq.

Arist. cur de omnib. rerumpub. generibus differat, ratio qua. 414

Aristotel. seruos cum beluis cōparat. Iurisconsulti vero eos inter pecudes numerant & cur. 61

Aristo-

I N D E X.

- Aristoteles & Plato polititam facultatem omnium scientiarum principem & dominam vocant.* 4
- Aristotelis reprehensio de modo Helotarum.* 242
- Aristotelis modestia in reprehensione aliorum.* 899
- Aristotelica partitio de Reipublic. optima genere seu statu eius qua.* 911
- Aristotelica refutatio institutorum Hippodami.* 229
- Aristotelica refutatio consilii Lycurgi de Repub. 245. Alii eum excusant. ibid.*
- Ars est cum ratione, fortuna non item.* 122
- Ars rei familiaris est pars artis domestica.* 44
- Ars regendi seruos suum debet habere nomen.* 441
- Ars rei querenda an sit eadem, qua domestica, an pars aliqua vel administra. 84. De hac questiones tres, & quamam. ibid.*
- Ars rei querenda non est eadem qua & oeconomica 85. Huius est uti, illius vero quarere. ibid. discrimen inter utranque quodnam.* 86
- Species & partes artis rei querenda sunt dua, naturalis & artificiosa.* 86
- Ars texendi non est lanas conficere, sed iis, &c.* 113
- Ars venandi est pars rei querenda, & bimebris in beluas, & in homines.* 94
- Ars usu certior est. 6. hac quoque latius patet quam usus.* 7
- Artis domestica organa quena sunt* 45
- Artes alia sunt architectonica seu principes, alia administra. 85. Ha prabet vel organa vel materiam. ibid.*
- Artes definita quamam dicuntur. 45. ha necessario sua organa habent* 45
- Artes humana ex fine spectari consueuerunt.* 3
- Artes principum & nobilium hodie qua sunt. 4 & quotuplices.* 4
- Asianorum timiditas & seruille ingenium quale.* 948
- Asianorum ingenia seruilia & cur. gentes Asiane qua.* 951
- Asiaticorum ingenia & corpora qualia.* 947
- Athenienses Democratiam laudabant: Lacedamonii vero oligarchiam.* 339
- Athenis classes ciuium erant quatuor. 282. qua ratio Norimberga usitata, & qua consuetudo Venetic.* 283
- Auctor ciuitatum qui primus fuit.* 36
- Auctor commentariorum horum in Aristotelis politic. Platonem & Cic. imitans, prooemio utitur f. i.*
- Autor horum commentariorum ad Arist. polit. cur vocabulo organi, & non instrumenti utatur, & Ratio eius qua.* 50
- Autorum explicationes de verbo Φιλαρχειν diuersa. 467. Aristotelis sententia, & qua eius ratio.* 4.
- Auctor quis proprie dicitur.* 293
- Autor Politicorum cur in cap 3. lib. 2. de arte rei querenda tractet.* 40
- Axiom.*

I N D E X.

- Axioma politicum de mutatione rerum publ quodnam.* 592 *Exceptio huius qua.* 592
- B.
- Babylonis ambitus quot passuū fuit.* 305
- Barbarus & servus idem valent.* 20
- Barbarorum reprehensio de foeminis & servis.* 20. *Hi utrunque eodem loco habebant.* *ibid.*
- Beatitudo est omnium rerum optima virtus & maxime expetenda.* 905
- Beatitudo civitatis & singulorum an eadem sit.* 867. *in quibus versatur felicitas seu vita beata.* 867. *& seq. in quo genere bonorum consistit hac.* 868. *hac sine bonis animi esse nequit.* 869. *Beatitudinis gradus quoniam* 874. *beatitudo singulorum hominū & integrarum Rerum publ. an eadem sit.* 877
- Bellum quodnam est natura iustum.* 94
- Belli nervus pecunia.* 219
- Beluae gustum voluptatum & molestiarum habent.* 31. *Ha rerum utilium & inutilium discrimen nesciūt.* 31. *in his nulla iniuria nec ius.* 32
- Beluarum & hominum ratio est diversa.* 188
- Beluarum distinctio secundum varia vitæ genera qua.* 88. *qua animalibus vescuntur, & qua fructibus.* 88. *quoniam dicuntur solivaga, qua gregales.* *ib.* *Ex gregalibus alia civiles & qua; alia non item,*
- & qua.* 88. *& quoniam ex politicis dicuntur.* 88
- Bene deligere non est cuiusvis, sed docti.* 357
- Bene educatis & bonis nulla leges sunt necessaria.* 185
- Boeotorum ingenia qua.* 887
- Bona corporis & externa cur vulgo maioris sunt, quam animi.* 65
- Bona quatenus debent esse communia.* 122. *incommoda ex bonorum cōmunitate qua.* 172. *Ratio qua.* 173. *bona proprietate quidem sunt priuata, usu vero communia.* 172. *connumeratio qua.* 175
- Bonorum communitas qua & an licita vel iniusta.* 168. *& an communia, vel non.* *ibid.*
- Bonorum multitudo est utilis.* 219
- Bonorum modus optimus est mediocritas.* 214
- In bonis modus nō sufficit, sed disciplina opus est.* 214
- Bonum ex bonis nascitur.* 72
- Boni politici est curare ne plebs sit egenera.* 827. *modi collocupletanda plebis qui.* 827. *Ratio qua* *ibid.* *in magna nimis civitate quid faciendum.* 827
- C.
- Calculi qui dicuntur & qua sententia calculis ferenda.* 227. *Ratio eius qua* *ibid.*
- Capita summa in Republ spectanda quoniam.* 193
- Capta & victa bello sunt victorum seu capientium.* 66
- Capti in bello iusto olim non vocabantur servi sed barbari & cur.* 72.
- Captis

I N D E X.

- Captis olim erat aut seruitus, aut mors, hodie vero omnes sine discretionē pecunia vulgo ranzion, dimituntur.* 77
- Captio omnis in consecutione per dissimilitudinem posita est.* 402
- Captura generatria & quanam.* 89
- Caritas & concordia quæ potest esse, ubi nihil est, quod amatur, auctore Platone.* 168
- Carthaginensis Reipubl. præstantia quæ. 271. huius cum Cretensi & Spartana repub. militia quæ. 271. Et quæ huius cum Spartana sola. 271.*
- Carthaginenses rei militaris peritissimi.* 889
- Carthaginensis Reipubl. initia peculiaria quæ. 273 & seqq. Carthagine duo summi magistratus erant & quinam.* 279
- Carthaginis status popularis qui. 755. & seq.*
- Causa, ob quam bellicosi in venerem sint proclives, quæ.* 247
- Causæ rerum publ. euertendarum seu mutandarum externa quæ. 606. Ratio quæ.* 607
- Causa quanam, cur magna pars bonorum mulieribus cessit.* 249
- Causa, ob quam tyranni ciuium conuentus omnes oderunt, quæ.* 793
- Causa quanam sunt, cur mas foemina imperet. 128. & quæ causa, si contrarium extat.* 128
- Causa interitus rerum publ. alia intestina, alia externa: Intestina*
- quanam. 681. & seq. Exempla quæ. 683. & seq.*
- Causa inæqualitatis bonorum secuta quæ fuit.* 248
- Causa apud Græcos & Romanos à iudicibus iuratis disceptari solent.* 387
- Causa mutanda Reipubl. propria quæ est.* 540
- Cautio, ne quid publici à magistratibus compiletur. 626. ratio quæ. ibid.*
- Conseruanda Reip. cautio in priuatorum vita & moribus posita est regendis. 619. Ratio ab exemplis quæ.* 620
- Cautio ac hereditatibus deferendis utroque modo. & quomodo. 620. Ratio ibid.*
- Cautio Reipubl. conseruanda consistit in parte aliqua Reipubl. 620. & seq. Ratio, modi & exemplum. 621. & seq.*
- Cautio, ne in Democratia & Oligarchia qui parent, iniuriose & contumeliose ab iis, qui Reipubl. præsumt, tractentur, quæ. 627. Exempla contraria quæ. 627. Atheniensium quod.* 627
- Celta sunt populi bellicosi, quorum nomine hodie Galli & Germani continentur. 889. Et hodie quoque aliqui populi in nuptiis utuntur tympanis & instrumentis bellicis.* 889. 247
- Censuum descriptione bonorum æquationem Solon exemplis confirmat.* 213
- Census descriptio æquabilis & recta est cautio Reipubl. conseruanda. 616.*

I N D E X

- de. 616. Ratio qua 616. Exem-
plum quale. ibid. census agendi
tempora qua. 617
- Charonda lex fuit de falsis testimo-
niis. 501.
- Chrematistica artis usus qui. 121
- Christiani omnes sunt tanquam
fratres & inter se similes. 761
- Ciceronis sententia de imperio ani-
mae & corporis contraria est Ari-
stotelis. 57. sententia Aristotelis
confirmatur. ibid. hac Cicero-
nis sententia Stoicis consentit. 58
- Cicero vocabulum organi reddidit
instrumentum. 51
- Cicero & I. C. quamam verbo instru-
menti complectuntur. 50
- Cicero Platonem sequens, prooemio
legum scriptorem uti debere di-
cit. 2
- Cicero ludæos & Syros omnes serui-
tuti natos esse dicebat. 61
- Cicero legem natura nominat o-
mnium gentium consensum. 66
- Cicurum animantium utilitas
qua. 93. & qua ferarum. ibid.
- Cicures natura feris meliores sunt. 59
- Ciue imperium domestico prestan-
tius. 53
- Ciues quibus rationibus status pra-
sentis cupidi redduntur. 733
- Ciuis bonus cur imperare & parere
nosse debet. 318
- Ciuium ingenia duo Plato facit, &
qua. 167
- Ciuium numerus in republ. Platon.
iustus quinam. 201
- Ciuis & viri boni virtus an sit ea-
dem nec ne. 288. ciuis definitio
qua. 291. & quinam dicitur. 325.
372
- Ciuium paucitas Reipubl. valde exi-
tiosa est. 249
- Ciuium genera quamam sunt. 325
- Ciuium morientibus & nascentibus
an iidem maneant. 305
- Ciuis alius dicitur absolute, alius
quodammodo. 291. & seq. horum
tri genera sunt & quamam. 292.
- Veri ciues qui sunt. 294. Ciuis
domicilio non cernitur. ibid. nec
de iure connubij vel commercij
ciuis cernitur. 294
- Ciuium optima Reipubl. indoles &
ingenia qua 947. non in quolibet
loco optimus Reipubl. status insti-
tui potest, & cur. 947
- Ciuium vniuersorum virtus qua.
307. & qua singulorum. 308. Ra-
tio à simili qua. 308. Ciuis boni
virtus statui Reipubl. accommo-
datur 306. Ratio qua. 309
- Ciuis optimus dicitur, qui bene pa-
rere norit, velit ac possit. 468. qua
in bono ciue requiruntur. 468.
Ratio qua. 469
- Ciues qui sunt mutata Reipubl. for-
ma, an reuera ciues sint. 300. A-
ristotelis iudicium. 301
- Ciuium genus quodnam ad optimā
Democratiam & accommodatissi-
mum. 795. in hoc genere reipubl.
qua ratio magistratum & iudi-
cium seruari debet. 795
- Ciuis

- Ciuis alicuius aut plurium prestantia seu excellentia est causa motuum* 545
- Ciues quibus modis agricultura studiosi fiunt.* 799. *modi eius quinam* 799 & seq. *Institutum contrarium quodnam* 800. *exemplum quale.* 801 & seq.
- Ciuius an omnia inter se communia esse debent* 148. & seq. *non debet nihil esse commune, & quare ratio.* 148. *Platonis paralogismus hic qui.* 150
- Ciuis & viri boni virtus an sit eadem vel alia.* 307
- Ciuitatis salus an in regum discordia seta sit.* 258
- De ciuibus medijs preceptum politicum quod.* 480. *ratio qua.* 480
- de mediocriter diuitib. preceptum quod.* 481. & seq. *occupatio & simile hoc loco quod.* 481
- Ciuis definitio cui ciui competat.* 296. *ciues variant pro rerum pub. varietate.* 296. *Definitio ciuis qua conuenit tantum ciuibus Democraticis.* 297. *Ratio huius qua.* 297. *Nulla communis omnium ciuium definitio inueniri potest & cur.* 297
- Ciuium genera tria facit Plato & quanam.* 191
- Ciuium aequalitas qua.* 376. *Ratio qua.* 377. *abusus qui.* 377
- Ciuium partes seu conditiones sunt tres & quanam.* 460. *Mediocris ciuium optima est conditio.* 466. *Ratio qua.* ibid.
- Ciuitas non pacto aut instituto sed natura coalescit.* 24. *hac prior est*
- singulis hominibus ac domo.* 24. *Ea est iuncta societas.* 25. *Definitio eius qua.* ibid. *Eius ortus primus est indigentia. finis vero beatitudo.* 25. *Causa & eius origo.* 26. *Quae huius ratio.* 27. *hac est velut Colonia familiarum & vicinitatum.* 27
- Ciuitates olim in regum imperio erant: nunc etiam gentes.* 23
- Ciuitas optima opificem non facit ciuem.* 305
- Ciuitates pecunia indigentes Thaletis modo ac via parandi eam videntur.* 125. *Rerum venalium monopolia facientes.* ibid.
- Ciuitati grauius & maius malum esse nequit, quam seditio & discordia.* 165
- Ciuitas quando & quandiu sit eadem.* 288
- Ciuitas natura est multitudo quadam* 150. *Eius definitio qua.* 151. *hac aliud est quam belli societas qua est auxilij gratia.* 251. *ratio differentia qua.* 152
- Ciuitas est quadam communitas.* 148
- Ciuitas qua in re est efficienda una.* 180
- Ciuitas est multitudo ciuium.* 89
- Ciuitatum institutio & ordo iudicij continetur.* 38
- Ciuitatis origo, eiusque partes qua.* 11
- Ciuitatū scopus est praestantissimus.* 13
- Ciuitati an utile leges patrias mutare.* 233
- Ciuitas non dicitur eadem loco, vel alia, sed vrbs tantum.* 305. *Ratio ab absurdo qua.* ibid.

I N D E X.

- Ciuitatis copula est utilitas.* 32
- Ciuitas qua nota estimatur eadem.* 302 vel alia. 303, hac non cernitur mœnibus. 304
- Ciuitas ea dicitur satis magna, qua est ἀντίστροφος & ἀντιπρόσθετος.* 924. qua non potest esse ex nimis paucis. 924. & qua ex nimium multis esse nequit. 925. huius incommodum quod. 925
- Ciuitas & urbs inter se quid differunt.* 304
- Ciuitatis finis qui.* 363
In ciuitate recenti cura esse debet, ut sit ἀντίστροφος. 926. & in adulta, ut sit ἀντιπρόσθετος. 926
- Ciuitas natura est prior domo & hominibus.* 33
- Ciuitas qualibet opificibus indiget.* 226
- Ciuitas domo praestantior.* 53
- Ciuitas est finis & perfectio domus & vicinitatis.* 27
- Ciuitates ex quibus extiterunt.* 1
- Ciuitas qua dicitur.* 22. 347
- Ciuitas sine rebus ad bene viuendum necessarius constare non potest.* 95
- Ciuitas quando aliquid fecisse, dicitur seu censetur.* 301
- Ciuitatis definitio qua.* 298
- Ciuitatum dignitas vera qua.* 342. Ratio qua. ibid. ciuitas cur non est viuendi tantum causa, nec nutui auxilij aut commerciorum. 343. harum finis & scopus qui. 344. hac non dicitur ciuitas, ubi cura virtutis non est. 344
- Ciuitates magna cur vix alio, quam Democratico, statu contineantur.* 396. & seq.
- Caelum & solū sequitur incolarum ingenium* 850. Platonis sententia qua: & qua exempla Romanorum & aliorum hoc aucto. 950
- Cœli organa qua sunt.* 51
- Cognatio regni & optimatum Reipub. qua.* 656
- Cognitionis confusio, qua ex hac Platonis cōmunitate oritur, quanam.* 160
- Cognitio rectarum & prauarum Reipub. qua, & unde.* 335
- Collecta facile cognoscuntur, dispersa non item.* 104
- Comitas, grauitas & dignitas cur difficulter retineri possunt.* 721. Ratio, testimonium & exempla quanam. 721
- Communia ab hominibus fere negliguntur, propria & sua diligentius curantur.* 172
- Communitas est dissidiorum & inimicitiarum &c. parens.* 164
- Communitas Platonis ne inter priuatos ciues valet.* 184
- Comparandarum inter se Democratiarum & Oligarchiarum ratio qua.* 833
- Comparatio diuersorum rei paranda generum qua.* 116
- Comparatio regni & tyrannidis qua.* 648
- Concordia ciuium est cautio Reipub. conseruanda.* 614. difficultas huius rationis qua. 615. Solonis instituti refutatio qua. ibid.
- Concordia & unio est parens concordie.* 165. hac ciuitatibus est summum bonum. ibid.

I N D E X.

- Concordia in Platonis republica cur lenior sit futura, idque duabus de causis.** 166
- Confusio ordinum est modus De mocraticus. 814. exemplum huius quale.** 815
- Coniunctio virtutis & practicis magnas utilitates affert.** 212
- Conseruatrices vita diuitias infinita expetunt.** 110
- Consiliū de cōiuctu est amicitia.** 346
- Consilia Platonis quibus mala ea auertere conatur, quæ ex eius instituto sequuntur. 200. horum refutatio. ibid.**
- Cōsiliū aduersus magistratum perpetuū iā ante institutū quale.** 282
- Consociationis hominum causa quæ 1. earum diuisio. ibid.**
- Contemptus tā in Democratijs quā oligarchijs, euertendis, causa est motuū, & quomodo. 586. & seq.**
- Contemptus odio potior est, exemplis omnium fere tyrannidum. 686. huius exempla, ratio & causa quæ 686. & seq.**
- Contentiones Roma de judicijs exercēdis inter quos orta, & quales.** 582
- Continentia vis in Scipione & Alexandro magno qua.** 901
- Contrariorum eadem est vis & natura.** 608
- Controuersia qua de præstantia vitæ practica & theoretica. 897. Aristoteles cur de his 2. tantum vitæ generib. agat. 897. Ratio, qua vsi sunt patroni vitæ contemplatricis qualis & qua huius approbatio. 898. quæ ratio eorum qui vitam practicam defendunt.** 898
- Contumelia est causa tollendorum tyrannorum & regum. 660. Eius genera varia & quæ. 666 & seq.**
- Corpora humana constant ex partibus coniunctis, & disiunctis. 54**
- Corporis partes quæ dicuntur. 56. estque hoc non male & caducum. 56**
- Corpus quandoque anima imperat, & quomodo.** 55
- Corporis voluptatum in hominibus nullus modus & finis.** 111
- Cosmi in bello habent imperium. 265**
- Cosmorum collatio cum Ephoris quæ. 265.**
- Cretenesium Respub. quæ de quæ eorum ingenio.** 888
- Cretensis Respublica cur tam diu mansit incolumis.** 269
- Cretensis & Spartana Reipubl. discrimen quod. 263. Ratio eius quæ. ibid. huius similitudinis causa quæ. 263**
- Creteſiū reip. vitia quæ. 267. & seq.**
- Cretenſiū vectigalia quæ & h. rū cura. 261. horū vsus quotuplex. ibid.**
- Cui non patet aditus ad honores, is vel inquilinus est.** 323
- Culpa Lycurgi quæ sunt in lege promulganda sua.** 249
- Cupiditates sunt insanabiles. 224**
- Cupiditatum minuendarum modus qui.** 222
- Cupiditatum genera sunt tria & quæ 217. & seq.**
- Curia inter magistratus numeratur ab Aristotele, maxime populares. 778. Laconica quæ. 779. & quæ olim erat Romana.** 779
- Curia & forum viri cuiuslibet est schola.** 6

I N D E X.

- Cur satis sit singula vincla his virtutibus explicare, & qua ratio.* 140.
- Cypseli tyrannis qua, & cur moderata.* 742.
- D.
- Darius iunior primo usus est Corycais.* 705.
- Definitio artis herilis secundum Aristotelē qua. 81. & qua æconomica.* ibid.
- Definitio ciuis qua. 298. opinio quorundam qua. 299. Exemplum quoddam. ibid. Aristotelis iudicium & refutatio de hac definitione qua. 299. Ratio eius qua. 299.*
- Dei actio quam est.* 909.
- Deos quoque in regio imperio esse veteres aiebant.* 23.
- Delicta quo frequentiora, eo grauius punienda.* 287.
- Domus pars est vir & mulier.* 243.
- Domus est ciuitatis pars & prima & ultima.* 12.
- Domus instrumenta qua sunt.* 50.
- Domus ciuitate prior est, sicut pars toto quoad originem & ortum: secus de natura.* 34.
- Domus ex viro & muliere constat.* 310.
- Domus est societas iuncta 20. eius definitio qua.* 21.
- Domus sine rebus ad bene viuendum necessariis constare nequit. 95.*
- Domus & artis domestica partes sunt cognata & coniuncta: organa & ministeria sunt externa.* 132.
- Domus partes principales quam sunt.* 40.
- Domini & serui coniunctio qua & eius ratio.* 18.
- Dominus non possidendo seruos, sed ijs utendo aestimatur.* 80.
- Domini cur non scientia sed qualitate seu natura conditione aestimantur.* 80.
- Dominus & seruus sua natura dona ad utriusq; salutem conferunt.* 18.
- Dominandi vel seruiendi esse artem Aristoteles dicit.* 80.
- Dominatus an sit iustus & natura consentaneus.* 52.
- Domestici qui dicuntur. 21. & seq.*
- Domestica iniuria qua & unde oriuntur. 1. Externa iniuria qua, & à quibus inferuntur. 1. & seq.*
- Domestica artis partes sunt, herilis, patria & coniugalis.* 127.
- Domestica rei partes sunt 3. & qua.* 12.
- Domestica societates & regio imperio tenentur.* 32.
- Diuitiarum verus modus qui. 931. Aristoteli approbatur. 932. de quibus varia controuersia, & cur. 932. earum usus.* 4. 932.
- Diuitum prae textus de magistratu qui.* 567.
- Diuitiarum genera duo & quam.* 96.
- Diuitia vera in naturali arte reuoluerenda sunt sita 95. ha sunt finita & terminata.* 93.
- Diuitia naturales sunt terminata. 108. harum alia finita, alia infinita. 108. Earum cupiditas vulgo est inexplebilis, & cur.* 109.

I N D E X.

- Diuitiarum nulla satietas. 107. harum alia terminata, alia interminata, ha mercatura interminata eiusq; finis. 107
- Diuitia vera in numis non sunt. 105
- Diuitiarum amplificandarum modi qui. 591
- Diuitia sunt causa luxuria, desidia & studij rerum nouarum. 214
- Diuitia & quanam expetuntur, & qua harum utilitates. 217
- Diuisio mercatura qua. 120
- Distinctio trium generum, artis quarendi rem in vita à fine & medio quanam est. 111
- Distinctio ciuium verorum & nothorum qua Athenis. 324. & qua Roma. ibid. Hodie mutatio. ibid.
- Demagogi & Roma tribuni plebis quanam. 643
- Demagogi qui dicuntur. 569. modi
- Demagogi qui sunt. 570. Iniuria
- Demagogica sunt priuata vel publica. 570. Exempla Aristotelis qua. 570. & qua Romana Reipub. 570 & seq.
- Demagogi cur in magnis ciuitatibus originem sumant. 652. & seq.
- Demagogorum vitium, quo pecunias hisce sportulis compararunt. 822.
- Eorū aliud vitium, quo hi pecunias publicas delargiuntur & prodigunt. 823. Remediū huius quale. 823. horum intempestiua & peruerja liberalitas qua. 826
- Democratia omnium rerumpubl. minime mala est. 421
- Democratia diuturnitas qua, & cur. 739
- Democratia praestantia & effectus qui. 796. & qua effectus praestantia. 796. & seq.
- Democratia plura genera sunt. 434.
- Opinio Platonis, Isocratis, Ciceronis & Aristotelis qua. 436. & seqq. Quartum Democratia genus est omnium pessimum. 438. hac tyrannidi propinqua est, ratio eius qua. 438. & seq. locus Homerilib. 2. Iliados huic conuenit. 439. Qui huius Auctores 439
- Aristotelis admonitio de hac qua. 442. Ratio huius & causa qua. 442. In primis Democratia generibus cur leges valent, in ultimo non item. 444. Ratio qua. ibid.
- Democratia & Oligarchia vulgo credita nota qua 338. vera nota qua sunt. ibid. Refutatio nota vulgaris qua. ibid. harum definitio falsa qua. 338. qui determinatur in oligarchia & qui in Democratia. 339. Ratio qua. 342. Solutio & causa erroris qua. 342.
- Democratia est ad bonum pauperum. 334
- Democratia & Aristocratia in maritali imperio in uxorem sunt contraria. 229
- Democratia dicitur, ubi domina est multitudo. 336
- Democratia & oligarchia cur reliquis Reipubl. generibus sunt frequentiores. 333. Democratia & Oligarchia Respubl. sunt vitiosa & cur. 333. Democratia cur minus laborat seditionibus quam oligar-

I N D E X.

- oligarchia. 533. Ratio qua. 533. & seq.
- Democratia in tyrannidem semper degenerare solet. 569. Opinio Platonis qua. 569. Sententia Aristotelis qua. ibid. Causa harum mutationum qua. ibid. Modi mutandarum Democrat. qui. 569. & seqq. Causa qua, cur mutatio Democratia olim crebrius acciderit. 573. & seqq. Exemplum quale 573. disputatio de ostracismo qua. ibid.
- Democratia & oligarchia inter se cognatio qua. 612. Ratio qua. 612
- Democratia mala qua: & qua oligarchia 349. & seq.
- Democratia veteres & recētes quam sunt. 825
- Democratia genus optimum ex pastoribus etiam constat. 803. huius genera qua. 803
- Democratia cur dicitur prima & optima, huiusq. ratio qua. 790. & seq. huius genus extremum dicitur deterrimum 791. & seq.
- Democratia ex Aristocratia oritur. 251.
- Democratia origo qua. 396
- Democratia genus nequissimum & cur. 809. reliquarum democraticarum instituendarum ratio qua. 808. Aristoteles duo tantum huius genera in politicis persequitur. 808. huius instabilitas qua, & eius ratio. 809. huius interitus causa quam. 809
- Democraticum institutū quodnam. 273
- Descriptio legum ad virtutis poenam bellicam confertur. 260
- Designatio magistratuum, & rationum exactio quibus permittenda sunt. 359
- Dialectica est administra organica ceteris artibus. 85
- Dictio, pecunia, varie accipitur. 83
- Dictio, pradij, late sumitur. 83
- Differentia inter gentes & ciuitates qua. 305
- Differentia regni & tyrannidis qua. 659. & seq. Ratio huius qua. 660. & seqq.
- Differentia inter simpliciter & more vulgi bonum qua est. 352
- Differentia inter imperium legum & hominum qua. 401. Ratio eius. 401. & 402
- Differentia inter magnam domum, & parvam ciuitatem qua. 15
- Differentia opificum & seruorum qua. 143
- Differentia inter magistratum & priuatum qua. 130
- Differentia inter imperium ciuile & regium qua. 58
- Diocletianus aiebat nil esse difficilius, quam bene imperare. 6
- Dionysij exemplum contra mercatorem Syracusis commorantem, propter mercatum datum. 126
- Disciplina, quibus in rebus, consistit. 180
- Disciplina legum & morum necessaria est. 204
- Discordia & seditionis parens est ciuium distractio. 165. hac ciuitatum magna pestis. 16
- Discrimen inter actiones diuinas & philosophicas quod. 91

I N D E X.

- Discrimen inter seruorum & opificum operas quod.* 322
- Discrimen quodnam inter Aristocratiam & eam Rempubl. quæ ad oligarchiam inclinât. 454. & seq.*
- Discrimen scientiarum & artium quodnam.* 356
- Discrimen, quod Plato inter utrumque genus Rerumpublicarum statuit, quale. 293. Reprehensio Aristotelis seu collatio utriusq; Platonica Reipubl. 194. differētia inter hæc genera quæ. ibid.*
- Disputatio de causis salutis rerumpublic. cur breuior, quam altera de causis interitus earum.* 607.
- Disputatio de Republ. cur à ciuitate initium sumit. 289. Ratio huius quæ. 290. cur de ciue prius sit explicandum.* 290
- Dissensiones eorum qui Rempubl. tenent, sunt causa mutanda oligarchia. 578. mutatio huius cause ratione extremi, quæ. 578. Eius exempla.* 579.
- Dissimilitudo causa est rerumpubl. mutandarum. 557. Ratio huius quæ. 553. hæc est vel nationis seu gentis. 553. & seq. vel loci. 554. reliquæ dissimilitudines quanam. 555. Ratio earum quæ. ibid. origo harum quæ. 556. Summa dissimilitudo quæ. 556. Religionis dissimilitudo quæ. 556*
- Dotēs animi cur non ita sint vulgo perspicuæ, ut corporis & externa.* 65.
- Draconis leges quæ.* 286. 287.
- Duo ad rempublicam felicem reddendam sunt necessaria, & quanam.* 913
- Duo rem melius, quam unus administrare solet.* 405
- Duo mala as alienum comitantur, & quanam ea sunt. 583. Exempla quæ. ibid.*
- Dux mutationis Oligarchica si fuerit unus ex paucis, maxime commodus erit. 527. Exemplum Romæ quale 578. Aristotelis exemplum quale. ibid. hi duces plerunque tyrannidem inuadunt. 578.*
- Ducis vsus est effectio victoria.* 112
- E.
- Eadem in ciuitate sæpe idem est ciuis & alias non.* 323
- Ea tantum amamus, quæ causam amandi in se habent.* 166
- Ea, quorum unum absque altero esse nequit, coniungi debent.* 16
- Ecclesiastes quis dicitur.* 294
- Educatio Reipubl. qualis esse debet. 845. Eius ciuilitas quæ. ibid. Ratio eius. 646. eius vsus cōtrarius qui ibid. quæ educatio est Democratica ibid. mala quæ contra 2 præceptum oriuntur. ibid. Et quæ peccata inde oriuntur.* 647
- Egestas homines ad seditiones impedit.* 212
- Egestas omnium motuum est nutrimenta.* 538
- Emporiorum perpetuorum improbatio quæ, & cur. 941. Exempla huius quæ. ibid.*
- Ephori sunt de populo.* 203
- Ephorum vita instituto ciuitatis* 167

I N D E X.

- non conuenit. 251. penes hos erant iudicia summa & qua. 262. Eorum potestas & tyrannis qua. 252. Eorum comparatio cum tribunorum plebe Roma. ibid. huius utilitas qua ibid. horum improbitas, corruptela & origo qua. 253
- Ephori & Cosmi qui dicuntur & quid inter se differunt. 205
- Epicleri quam dicantur 249
- Epicurus suos rempublicam gerere vetuit. 8
- Epula magistratuum Athenis & Roma solennes omnes qua. 781
- Eritheia proprie officium est textoris 548.
- Erratum Platonis in communitate rerum quodnam. 155. Refutatio huius qua. ibid.
- Error cur grauis tandem mali causa est. 543
- Euerfionum rerum publ. diuisio qua. 680.
- Europaorum intimorum ingenia & corpora qualia. 947. Europaorum Asia propinquorum ingenia & corpora qua. 948
- Excellentia partes alicuius Reipubl. causa motuum. 562. Ratio qua. 562. exemplum in oligarchia ibid. alia quoque exemplum reliquarum Rerum publ. 563
- Excellentia & incrementum causa praecipua rerum publ. 664.
- Exaequatio partiū Reipubl. causa est motuum. 564. quibus in rebus publ. maxime seditiones hanc ob causam mouentur 564. Ratio qua. 564. Exemplum eius quale. 564. & seq.
- Exigua rei mutatio est causa evertenda Aristocratia, & omnium quidem periculosissima. 905. Exemplum & ratio huius qua. ibid.
- Exiguitas est causa motuum. 552.
- Ex malo initio malus tandem finis. 4. seq.
- Expers iuris, legum & iudiciorum est animal perniciosissimum. 37
- Expiationes scelerum olim iuste erant & qua. 16
- Exules an sint in ciuium numero. 294
- F.
- Fabri instrumenta qua dicuntur. 51
- Facultas politica apud Hebraeos qua. 3. quam apud graecos ibid.
- Facultatis politica dignitas seu praestantia qua & ex quibus spectatur. 3
- Faeminarum & virorum officia & studia debent esse diuersa. 788
- Faemina absq. autore publice nihil agere potest. 293
- Familia partes minima qua sunt & quot. 40.
- Fides popularis singulare adiumentum potiunda tyrannidis. 574.
- Exemplum quale. 574. Dionysij quale, ibid.
- Fines tollendarum monarchiarum iidem sunt, qui & reliquarum rerum publicarum. 665
- Finis facultatis politica est beatitudo.
- Finis nulla homini defixa est diuitiarum. 93
- Finis omnibus est terminus. 107.

I N D E X.

- Fœneradi ars meritissimo odio habetur.* 116. dicitur artificiosa in permutatione, & non necessaria. 116
- Fœnus est causa seditionis.* 544
- Fœnus est ars odiosissima.* 116. & cur. 117. numum auget. 117
- Fœnus dicitur partus numi, & fœtus pecunie parientis.* 117. hoc est numorum locatio. 118. fœnus in christiana republ. an tolerandum sit. 118
- Fœnus fit numus numi.* 116
- Forma rerum publicarum accommodantur hominum ingenijs & forma.* 888
- Fortes creantur fortibus. sic boni ex bonis nascuntur. f. 73 improbi ex improbis.* 74
- Fortitudo in viro maior esse debet: in fœmina maior temperantia requiritur.*
- Fortitudo opes naçta est audacia.* 677. Ratio huius qua. 878. Eius exemplum quale. 677. & seq.
- Fortuna bona quatenus ad felicitatem rerum publ. necessaria sint.* 912. Hæc unde rebus publ. proueniant & obuenant. 912. horum modus ad felicem reipubl. statum commodus qui. 913. Error Plato nis hæc in re qui. ibid. fortuna principia qua. 913
- Fortuna arti repugnat & cur.* 122
- Fortuna bona quatenus ad felicitatem hominum utilia sunt.* 878
- Fortuna quo mihi, teste Horatio, si non conceditur uti.* 106
- de Fortuna bonis opinio vulgi qua.* 870
- G.
- Galli in uxores prius vita & necis tanquam in seruos habuerunt.* 247
- Gallorum aliorumq; populorum septentrionalium ingenia qua* 948. qua Græcorum, Gallorum 849. qua Germanorum. 949
- Gentes fera facile occupant imperia sed non diu retinent, & cur.* 949.
- Gentes fortes ac prudentes qua, ibid. Disciplina & institutio hæc in re multum potest, & qua ratio.* 949. Institutionis & consuetudinis bona fructus quinam. 950. Discrimen singularium partium cuiusque gentis quale. 952.
- Gentes bellicosa cur uxoribus parent, quanam sunt causa.* 246.
- Genera ciuium ad belli usus pertinentia, qua.* 881
- Genera regnorum sunt quatuor & quanam* 388. & seq.
- Genera artium ministrarum sunt duo, & quanam.* 84
- Genera Aristocratia quanam sunt.* 448. huius nomen & vocabulum quod. 449. de huius generib. expositio qua. 449. & seq. discrimen horum generum quodnam. 460.
- Genita gignentibus sunt similia.* 116
- Genus natura formis suis est prius, nec contra.* 33
- Genere sublato, continuo eius species tolluntur.* 34
- Genus permutationis quodnam proxime ad naturalem rei quarendam artem accedit.* 200
- Gerentes bellum sunt incolumes, imperio vero potiti pereunt.* 260
- Germani & Galli suis militibus tantum*

I N D E X.

- tantum non seruierunt.* 247
- Graij Barbaris imperauerunt & non
econtra teste Euripidae.* 20
- Gracorum conciones quales ,* 822.
- Sportula iudicum & concionis
qua ,* 822. *qua iudiciorum corru-
ptio.* 823. *utilitas concionum va-
riarum qua.* 824. *commodum iu-
diciorum breuiorum.* 824. *teme-
rariorum.* 825. *Ratio qua.* 824.
- Sportula mineres si dentur tenui-
oribus tantum.* 825. *gracis ma-
gistratibus munera iniuncta.*
546.
- Gracorum veterum tria studia so-
lemnia erant , duo honestiora,
ut reipubl. administratio & phi-
losophia : tertium mercatura erat
ignobiliorum.* 82
- Gracorum & Romanorum institu-
tum in comædijs cur vitiosum de
census ratione.* 559
- Gregis partes qua dicuntur.* 54
- Gladius delphicus : Erasmi puer-
bium.* 19
- Gloria & nominis claritas causa est
interitus rerumpub.* 678. *Ratio cur
pauci sint qui eas ideo tollunt.* 679
- H.
- Harmonia est in cantu , concordia
vero in ciuitate* 120. *hac in repub.
est optimum vinculum incolumi-
tatis, qua sine iustitia esse nequit.*
180.
- Hebrai habuerunt duces , reges , seu
iudices.* 2. *qui erant iusti ac veri
communique consensu à populo
delecti. ibid.*
- Herile imperium est in ciuili societa-
te.* 335
- Herile imperium natura aduersatur
& cur.* 43. *in reipubl. non toleran-
dum.* 43
- Heroum filij noxa.* 74
- Hippodami morum & studiorum
descriptio.* 225. *Eius descriptio
reipubl.* 225
- Historia regum Macedonia obscuri-
tas qua.* 670
- Homines natura sunt liberi, sed in-
uentis Hominum & institutis
alij sunt liberi, alij serui facti.* 42.
& seq.
- Hominum improbitas est inexplebi-
lis.* 221
- Hominum quantitas & qualitas
qua.* 914. *hominum & loci quan-
titas ac qualitas sunt duo princi-
pia fortuna* 913
- Homines debent iudicare non
suo arbitratu, sed legibus & scri-
pto.* 251
- Homini ne uni probo, an legibus bo-
nis imperium committi debet.*
392. *ratio pro homine qua* 392.
Eius approbatio qualis. 393. *ratio
pro legibus qua.* 393. *solutio ratio-
nis pro homine.* 394
- Hominum opulentorum & improbo-
rum potentia reipubl. quam no-
xia.* 602
- Hominis partes qua sunt.* 54
- Homo est animal natura ciuile.* 28.
*estque natura quoque propensus
ad ciuilem societatem.* 28. *Ratio
eius qua.* 29. *hic sermonis & ora-
tionis est particeps.* 30. *Eius natu-
ra non tam angustis finibus, quàm
belluarum continetur.* 31. *huius
copula est utilitas.* 32. *homo im-*

I N D E X.

- probus omnium animalium deter-
 rimus. 36
 Hominum pars maxima ex terra &
 mitibus fructibus vivit. 66. horum
 victus & vite genera summa
 sunt tria, & quanam. 89
 Homines primi a vi Rectorem elege-
 runt, qui erat Rex, Dominus, iu-
 dex & Pastor. 2
 Homine triplici & quibusnam in-
 pellendis iniurijs & rixis inter
 mortales opus est & cur. 2.
 Hominum conventicula unde ducuntur. 1
 Hominibus nullus modus est divitia-
 rum. 96. ha sunt res infinita ibid.
 Homo cum armis, prudentia & vir-
 tute nascitur. 35
 Homo natura liber. 75
 Hominis voluntas & arbitrium est
 forma non satis tuta. 269
 Homo liber dicitur is, qui sit autem:
 servus vero & d. 51
 Hominis organa qua sunt. 51
 Homo prudens quis dicitur. 2
 Homo constat anima & corpore. 56
 Hominum quoad climatum diversifi-
 cationem discrimen quale. 947
 Honores & opes sunt cautio Reipubl.
 conservanda. 6. 8. Qualis cautio
 in honoribus mandandis adhiben-
 da. 618. Exemplum quale. ibid.
 Cautio quo ad opes ceteras qua
 servanda. 619
 Honorum distributio ad civitatis
 finem cur dirigenda. 363
 Honores & imperia sunt causa
 seditionis. 544
 Honores sunt causa seditionum in o-
 mnibus rebus publicis, oligar-
 chijs & Aristocratijs. 593. Ratio
 qua 593. Similitudo & dissimili-
 tudo harum qua sit & quorunda
 Aristocratia communium, qua
 non sunt oligarchia. 593
 in Honoribus deferendis maiorum
 etiam virtutis ratio est habenda, &
 cur. 657. Limitatio eius qua. 657.
 Exempla hic qua. 657. & seq
 Honores an pluribus propinque uno
 & eodem tempore mutandi sint.
 579.
 Horatii pater dictus fuit coactor. 117.
 vocavit foenus numos conductos.
 118.
 I.
 Id natura dicitur prius, cuius interi-
 tu alterum protinus interit. 33
 Ignominia notati an in numero ci-
 vium sunt. 294
 Imperantium & parentium an sint
 eadem virtutes. 134
 Imperantis virtus dicitur esse per-
 fecta, & qua ratio. 138
 Imperantium & parentium genera
 varia in hominum vita. 53
 Imperantis virtus propria est pruden-
 tia. 329. comparatio qua ibid.
 Imperium primum est τοῦ ξύγιαι παλι-
 τεύμα. 761
 Imperium in animatis triplex.
 55.
 Imperia alia sunt praestantiora alia
 deteriora. 53
 Imperium, teste Plutarcho, virum
 ostendit. 902
 Imperium hominum antiquissimum
 fuit regium. 24
 Imperia muliebria siue domestica,
 siue politica nature sunt contra-
 ria. 60

I N D E X.

- Iudicium est civilis societatis descriptio, ac iuris dijudicatio.* 36.
- Imperium maritale est imago civilis imperij. 130. imo optimatum & Aristocratici imperij. ibid. Patrium regio simile.* 130
- Imperium aliud popolare, regium civile & domesticum.* 53.
- Imperium mariti in uxorem est civile, patrum in liberos regium.* 228.
- Imperium domesticum regno comparatum.* 23
- Imperia omnia an sint eadem vel non. 78. specie non sunt eadem. ibid. domesticum imperium est unius, veluti regnum, civile vero multorum.* 29
- Imperium corporis & anima secundum naturam est, & utris utile.* 58.
- Imperij genus primum fuit regnum, & qua ratio huius. 23. & seq. imperia ex domesticis orta.* 23.
- Imperium in hominem praestantius est imperio in beluas.* 53.
- Imperia non potentia sed virtute praestantibus debentur.* 67
- Imperia trium domus partium diuiduntur, ut mariti in uxorem civile, patris in liberos regium, & Domini in seruos tyrannicum.* 131.
- Imperij similitudo & dissimilitudo scilicet maritalis & politici qua.* 129.
- Imperiorum magnorum compotes facti magna peccata perperant.* 272
- Imperium aliud herile, aliud civile. 316. herile in quibus cernatur, & in quibus civile. ibid. & 317.*
- Imperiorum distinctio qua. 329. herile imperium habet imperantis tantum utilitatem. 330. imperio patrio, uxorio & civili communis utilitas spectanda est. 339. Ratio qua ibid. periculis contra ambitionem hodiernam qua.* 331.
- Imperia dicuntur honores.* 348
- Imperare & parere sunt ex numero rerum necessariarum & utilium 52.*
- Imperare & parere differunt specie & cur.* 135
- Imperandi & parendi scientia & amicitia ciuitatibus necessaria.* 468.
- Improbilas & imprudentia sunt omnium calamitatum civilium causa & fontes.* 354
- Incommoda ex bonorum inaequalitate genera manantia qua. 249. Exempla & ratio horum qua. 249.*
- Incommodum communitatis omnium rerum quodnam.* 162
- Incommodum politicae Platonis quodnam.* 183
- Incrementum ordinis Reipublicae immoderatum, causa est motuum. 548. huius rei similitudo qua. 45. 548. augmentum hoc quomodo fieri solet. 548. & seq.*

I N D E X.

- Indigentia ubi nulla est, ibi nec permutatio est.* 68
- Indoles mala calamitates maximas reipubl. affert.* 222
- Ingenii boni vel pravi causa non est numerus.* 749. *Quorundam ingeniorum prauitas desperata qua.* 749
- Ingeniorum translatio in Platonis Republ. qua.* 107. *qua trifariam ab Aristotele reprehenditur. ibid.*
- Ingenium habitantium sub calo frigido quale, & quod sub calido calo.* 948
- Ingenia graecorum qua.* 951. *& ad id nata, ut alijs imperent.* 952. *Ratio qualis, ob quam graecorum Resp. bene administrabatur tempore Aristotelis.* 952
- In honoribus distribuendis quid obseruandum est.* 364. *Ratio qua.* 364. *& seq.*
- Initijs malis quomodo occurrendum.* 559.
- Iniuria est causa mutanda oligarchia.* 577
- Iniuria in lucro & dāno cōsistit.* 31
- Iniuria quadam domestica, quadam externa.* 1
- Iniuria judiciales qua.* 588. *pēna harum nimis acerba.* 588. *Exempla harum qua.* ibid.
- Iniuria non tolluntur aequatione bonorum.* 217. *existunt ob necessaria vel ob non necessaria.* ibid.
- Iniusti homines, dicti tyranni unde ortum sumserunt.* 2
- Iniustitia armis instructa est res perniciosissima.* 37
- In oligarchia tribus primis generibus cur leges tantum dominantur, & in ultimo non.* 446. *& seq.*
- Inquilini non sunt ciues.* 393
- In re herili & seruili non scientia, sed affectio natura quarendae est.* 80
- Instituens migrationum perpetuitatem, seditioſum seminarium instituit, teste Socrate.* 189
- Instituta popularia in quibusnam capitibus summis consistunt.* 773. *& seq. ratio qua.* 774. *Limitatio.* 775. *instituta contraria qua.* 777. *Exempla eorum qua.* ibid. *origo & ratio horum qua.* 783
- Institutum periculofum, quo pars aliqua ciuium est honorum expert.* 793.
- Institutio ciuium recta est Reipubl. conseruatio.* 645. *Ratio & approbatio eius qua.* 645
- Institutum tyrannidis cum oligarchia commune quodnam.* 662
- Institoria dicuntur ab insistendo seu stando, & non ab instando.* 120. *hinc institores, alias propala dicuntur. ibid.*
- Instrumenta alia animata, alia inanimata.* 46
- Interitus & salus monarchiarum qua, & quando fit.* 663. *Ratio huius qua.* 664
- Interpretes politicor. librorum Aristotelis qui.* 11.
- Inuasio bonorum causa est tumultuum.* 544
- In vita inest donum & naturalis sua uitas.* 328
- Is est optimus rerum iudex qui eas ipse gerit.* 356
- Ira & odij similitudo qua.* 687. *verum discrimē quodnam.* 687. *& seq.*
- Inai-

I N D E X.

- Iudicum constituendorum modi qui* *iurisconsulti aduocatos alios nume-*
rant statutos alios supernumera-
rios. **281**
et quotuplices. **521. et seq.**
Iudicum sportula qua **252**
Iudicibus cur pauca committi debet.
394. hi corruptelis et perturba-
tionibus sunt obnoxij. ibid.
Iudiciorum partitio. **227**
Iudiciorum differētia et dissimilitu-
do qua. **518. horum genera varia.**
518. et seq. Ratio diuisionis gene-
rum qua. **510**
Iudiciorum ciuiliū genera qua et
horū explicatio Aristotelica qua-
nam **521. ratio. ibid.**
Iudicium quorundā de Solone quod-
nam. **281**
Aristotelis dictum quodnam. **382.**
Iudicia sunt iuris et iniuria norma
et arbitrium. **38**
Iunctum naturam simplicium imi-
tatur. **22**
Iupiter ab Homero dicitur pater
hominum Deorumque et rex
horum omnium. **129**
Iouis olympij templum à Pisistrato
fuit extructum. **708**
Iurisconsultorū distinctio inter cor-
pora animalia qua acquo duplex.
54.
Iurisconsulti quam uoce instru-
menti comprehendunt. **50**
Iurisconsulti uolunt usu consumpto-
rum nullum fructum constitui
posse. **118**
Iurisconsulti feminam uocant im-
becillitatem sexus. **137**
Iurisconsulti usus est effectio æquita-
ris inter ciues. **112**
Iuriscōsulti quomodo ius ciuile et gen-
tium distinguunt. **23**
- iurisiurandi solemnitas apud gracos*
et Romanos qua fuit. **386**
Iusiurandum Democraticum quod
nam. **643.**
Iurisprudētia est pars politica. **4. et**
hac olim pene erat politica facul-
tas. **4**
Ius nullum est sine beneuolentia. **68.**
ius est uel scriptum, uel non scri-
ptum. **70. ius aliud dicitur abso-**
lute, aliud ex parte. **71**
Ius apud Platonem et Ciceronem de
finitur esse id quod ei qui plus po-
test, est utile. **69. Et hoc ius est,**
ut potior inferiori imperet. **69.**
Ratio qua ibid.
Ius in lucro et damno versatur. **31**
Ius et iustitia est finis politica. **313**
Ius quod quaque Respubl. prætexit,
quale fuit. **600**
Ius est iustitia actio et factum. **38**
Ius ciuile senatores mercaturam ex-
ercere uetuit, quod olim semper
ita seruatum fuit. **117. hodie no-**
bilitas hoc questu contaminatur.
ibid.
Ius aliud publicum, aliud priuatum.
33.
Iuris et iustitia duo sunt genera et
quam. **341**
Ius ciuitatem non corrumpit. **348**
Ius Romanum triplex. **226**
Ius commercij inter Megarenses et
Corinthios olim quodnam erat.
345.
Iuris et iudiciorum communicatio
an sit uera ciuis nota. **298**

Ius

I N D E X.

- Ius est ciuile bonum.* 361. & hoc videtur omnibus esse quadam iniquitas. 361.
- Iuris popularis instituendi ratio qua.* 784. multitudinis ratio aequitatis. 785. reprehensio utrorumque. 785. confirmatio maioris. 785. argumentum contra tenuiores & multitudinem 785. modus iunctus qui. 785. & seq. quinam Aristoteli probetur. 786
- Iustitia est mater omnium virtutum.* 176
- Iustitia maxime foras spectat & à veteribus dicitur bonum alienum.* 38. Eius est iuste & iusta facere. *ibid.*
- Iustitia est virtus ciuilis & politica.* 37. huius ratio qua. 38
- Iustitia est virtus politica* 24
- Iustitia est aut arithmetica, aut geometrica.* 838. in democratijs cur ratio primigenius haberi debeat 883.
- Iustitia est virtus ad societatem apta.* 367
- Iustus homo quis dicitur.* 2
- L.
- Lacedaemone lex erat, ne quis honorum esset particeps, qui non & sodalitatum.* 259
- Laconicum regnum quale fuit.* 384. quibus in rebus hoc genus regni cum pratura militari conueniat, aut ab ea discrepet. *ibid.*
- Laconica in oligarchiam degenerantis causa falsa, quae & cur.* 757. vera eius causa qua. 755. Platonis argumentum falsa causa qua. 755
- Laertio de Aristotelis politice libr*
- quanta fides est adhibenda.* 9
- Latrocinium est species quadam belli.* 89
- Laus virtutum est propria, & huius nomine virtutes iudicantur.* 316. obiectio & solutio qua. *ibid.*
- Legum origo qua & unde.* 1. & 2
- Legum scriptarum & non scriptarum collatio qua.* 403. argumenti huius refutatio qua. 403. & seq.
- Leges scænebres sunt causa motus.* 344.
- Legum auctoritas & imperium quod nam.* 439
- Leges de re familiari non augenda sunt & cur.* 756
- Legum scriptores optimi sunt ex numero mediorum ciuium.* 472
- Leges de repetundis sunt causa motus.* 344
- Leges bona in Repubi sunt retinenda potius quam hominum arbitria.* 369 & quanam bona sunt. *ibid.*
- Leges sunt Reipubl. conseruatio, & qua harum utilitas.* 638
- Leges oriuntur ex malis morib.* 376
- Legum incommoda qua.* 350
- Legibus obedire non est seruitus.*
- Legum scriptores uti debent proximis, in suis libris.* 1
- Leges quando sunt mutanda.* 235. locus de legum firmamento qui. 289.
- Leges cuius utilitatem spectare debent.* 371. Ratio qua. *ibid.*
- Lex Sparta fuit, si quis ciuium habuit tres liberos, à custodijs immunis erat: si quatuor, ab omnibus oneribus.* 248
- Lex est ius quoddam scriptum.* 70
- Lex dicitur magistratus mutus.* 2
- Lex

I N D E X.

- Lex Licinia* Roma vetabat ne quis ultra quingenta agri iugera possideret. 214
- Lex à Philolao data est*, ut sociorum numerus seruetur. 384
- Lex Matia, Licinia, Iulia, Pennis, & Papia* quam ob causam Roma lata sunt. 928
- Liber & servus ex virtute & vitio* definiuntur. 72
- Liberi à servis animo & corpore* differunt. 63. horum corpora quoque natura differunt. ibid.
- Liberi, uxores & bona in Republ.* Platonis ciuibus inter se communia erant. 148
- Liberorum educatio tyrannis* perniciofa est & cur. 703. *Exempla huius rei* qua. 704
- Liberalitatis munus in usu bonorum* est. 176
- Libertas & seruitus virtute & vitio* sunt metienda, non fortuna aut bello. 79
- Libertas alia infinita, alia legibus* definita. 648
- Libertatis popularis nota* qua. 770. propria nota maxime est vicissitudo imperandi & parendi. 770. Ratio eius qua ibid. & seq.
- Librorum Aristotelis politicorū* inscriptio qua. 9. eorum numerus qui. ibid.
- Licentia sceminarum optimo Reipub.* statui repugnat & quomodo. 244
- Litium causa inter homines* non est rerum proprietates, sed eorum improbitas. 178
- Locrenses bona sua vendere* vetabant. 23
- Ludouici II. regis Francorum* apophthegma fuit, quod filio suo Carolo 8 loco precepti dedit, inquiēs: Qui nescit simulare, nescit regnare. 715
- Luxuria & licentia mulierum* est parens & causa auaritia. 244.
- Luxuria mater auaritia.* 173
- Lycurgus ciuibus suis legem* dedit sua quidem donare sed non vendere. 248
- Lycurgus & Solon* descripserunt & leges & Respublicas. 259
- Lycurgi consilium de optima Republ.* 245.
- Lycurgus cur in Cretam profectus sit* 263. & seq.
- Lycurgus non omnes senatores* iudicat viros optimos 255. *Aristotelis argumenta de hac re* qua. 255. & seq. obiectio & solutio qua. 256
- M.
- Magistratum perpetuitas* est causa seditionum secundum Aristotelem. 159
- Magistratuum perpetuitas an sit optima*, & qua de horum vicissitudine. 154
- Magistratum munera* sunt iuris & xpi C. 927
- Magistratus abstinentia* est reipubl. conseruanda cautio. 623. Ratio qua ibid. *Magistratus non quatuor sunt instituendi*, ratio qua. 624.
- Magistratus virum ostendit*, teste Plutarcho. 902
- Magistratus oratio ad primum* est

- est grauior & seuerior, priuati vero blandior & summissior ad magistratum. 120
- Magistratum & priuatorum subditorum distincta officia in republica necessaria. 52
- Magistratus dicitur lex loquens. 2
- Magistratus est temperaneus vel perpetuus. 294
- Aristotelis obiectio, refutatio & solutio. 294. & seq.
- Magistratus an vulgo seu multitudini sint mandandi. 354. Ratio qua 354. Exemplum & similitudo qua. 354
- Magistratus cui, & quinam sunt mandandi. 372
- de Magistratum numero quaestiones quaedam alia. 509. & seq. horum discrimina unde sumuntur. 513. & seq. horum creatio quomodo fiebat. 515. quinam horum modus & species. 516. & seq.
- Magistratus vocabulum varie accipitur. 501. & seq. quaestiones quaedam de magistratibus & quinam. 503. Magistratus definitio Bodini, Goueani & Perionij qua. 504. Aristotelis definitio & sententia de hoc qua. 304. & seq.
- Magistratus diuisio qua. 507. in magnis rebus publicis non sunt uni plures magistratus committendi & cur. 507. secus in paruis ciuitatibus & cur. 508. & quinam uni eidemque mandari possint magistratus. 508. exemplum eius quodnam. 508
- Magistratum collegia. 495
- Magistratus Roma maiores qui dicebantur & qui minores 632. cur maiores cum minoribus non communicandi sunt. & quare ratio 632
- In magistratibus qua considerata veniunt. 848. horum alij necessarii, alij non necessarii. 848. & seq. inter hos quoddam discrimen. 849 sine magistrature pub. esse nequit. 856. magistratus necessarii sunt maiores & minores. 849. Roma magistratus alij plebei, Patritij, ciuiles, sacri & rariores. 849. necessitas huius magistratus qua. 852. aediles qui 852. horum munera qua. 858. quatuor viri viarum qui. 854
- Magistratus ex quo ordine hominum creari debet. 796
- Magistratum cur gnarum & usu peritum esse oportet 635. ratio. ibid. vulgi error qui ibid. Platonis ratio qua. ibid. inductio, cur hi tantum bonus viris sint mandandi. 635. boni magistratus virtus pro diuersitate reipub. variat, & quare ratio. 636. si quis unica tantum, non omnibus virtutibus sit praeditus, quinam delectus adhibeatur. 635 Exemplum huius quod. 637. Cicero- nis hac in re apophth. quale. 637.
- Magistratus quidam in ipsa quoque Democratia suffragijs creari debent. 775. quosdam conuenit esse diuturnos & cur. 776
- Magistratus bonus debet quoque esse vir bonus. 312. Ratio qua. ibid.
- Magistratum venditio parit varia mala ciuib. 217. potest non tantum bonis, sed & diuitibus mandari. ibid. excusatio quorundam

I N D E X.

- dam.276. Ratio & refutatio qua*
ibid
Magistratus apud græcos dicti sunt
concionatores. Roma iudices. 294
Magistratus duplices sunt, & qui-
nam. 291
Magistratui aliquid est relinquen-
dum 361. Ratio qua ibid.
Maiores magistratus ijs, qui Reipub.
præsunt, committi debent, & ra-
tio qua. 633. quib. reb. qui summis
præsunt, instructi esse debent. 634.
magistratus cur debent esse rei-
publ. amantes. 634. Exemplum
quodnam. ibid.
Magistri viarum qui dicuntur.
854. vocabantur & viocuri po-
steriores. 855
Maliensium respublica qua fuit. 489
Malum communitatis uxorum quo
ad agricolas quodnam. 187
Malum commutationis platonica
græue quodnam de vocabulis co-
gnationum. 161
Maris propinquitas an urbibus pro-
fit vel obsit. 937. Platonis senten-
tia qua. 932. & seq. huius incom-
moda & exempla. 938. & huius
commodum quale. 940. Exem-
plum eius quod. ibid. qui modus
in hac communicatione rerum
adhibendus. 944
Maritus Roma adulteram occidere
poterat: uxor adulterum ne digito
quidem attingere debebat, teste
Catone. 139
Mas natura ad imperandum aptior
est quam fœmina. 327. hodie ta-
men contrarium fit. 328
Mas natura imperans est præstantior
- fœmina parente. 59*
Matrimonij fines varij ac multi. 15
Medicorum instrumenta qua sunt. 51
Medius esse volo, medijs sunt com-
moda multa. 470. Ratio qua 471
Mens cupiditatibus imperat civili
& regali imperio. 56
Mercatura est in numero. 108. eius
ratio est permutatio. 106
Mercatura partes sunt nauigatio,
uectura & institoria. 120. Ratio
qua. ibidem. comparatio trium ge-
nerum qua. 120
Mercatura non est à natura. 99. qua
rit infinita. 99. Eius usus qui. 99.
definitio qua. 103
Mercatura est inter agriculturam
& fœnus media. 116. periculosa.
ibid. Mercatura & fœnus agri-
cultura questuosiora sunt. 716.
vituperabilis. ibid. huius duo sunt
genera. 116. eius questus minus
laudabilis 116. Ratio qua. ibid.
Mercatura, quatenus in optima Re-
publ. sui exercenda. 941
Mercaturæ officium quod. 104. Ratio
huius qua. 104
Mercatura si est tenuis, æstimatur
sordida. 102
Mercatoris est diuitias parare & au-
gere: patrisfamilias uero uti. 109.
Mercatores & propala quid diffe-
runt. 101. & seq.
Mercatores Sparta nudi fuerunt &
cur. 241.
Mercatores & opifices an in ciuium
numero esse debent. 320
Mercenarij à peregrinante tyranno
domi relecti, cur sunt metuendi.
718. huius ratio qua. ibid.

I N D E X

- Messenicum bellum quale fuit.* 397
- Methodus alia est practica, alia theoretica.* 337
- Methodus explicanda politica qua.* 16
- Metus est causa motuum, qui vel oppressionis est, vel poena.* 546
- Metus est causa interitus monarchia. 672. Eius genera qua. 673. & seq.*
- Mida vorum quodnam inexplabile de auro.* 105
- Militare premium quodnam.* 889.
- Militum genera qua. 841. legionarij milites qui. 844. vsus quatuor generum militum ad constituendas oligarchias qui. 841 Ratio qua. 841. milites grauioris armatura ad quam oligarchiam sunt commodi. 842. Velites & Classarij Democratys accommodi. 843 Cautio qua ne horum utrorumque multitudo oligarchys noceat. 843. hac multitudo oligarchys cur tam noxia est. 843. Cautio, qua. 843. Velites unde petantur. 843*
- Minos puerorum concubium statuit & cur.* 266
- Ministri in artibus sunt organa.* 46
- Moderatio legum est Republica conseruatio. 640. Erratum politicorum atate Aristotelus viuendum hic quodna. 640. Eius peccati causa qua; & exemplum. 640 & seq. huius similitudo qua. 641. Ratio qua. 642*
- Modestia mulierum & frugalitas sunt summa in repu. virtutes.* 244
- Modi politica facultatis consequen-*
- da qui, & an necessarij.* 6
- Modi Democratia & Oligarchia qui. 522. & quinam Aristocratia & politia.* 523.
- Modus intestinus communis oligarchia & politia euertenda qui. 590. Ratio eius qua. 590. huius remedium quodnam. 591. Oligarchia & Democratia in quas Respubl. mutantur.* 592
- Modi commixtionis Democratia & oligarchia, ex quibus hoc genus Reipub. speciale oritur. 457. & seq. Reip. specialis genus quodna. 456*
- Modi stabilienda huius vltima Democratia qui 810. & seq. cur in ea ratio discriminis non habetur. 810 Ratio cur multitudo ciuium huic utilis sit. 811. qui modus in hoc instituto seruandus. 811. Incommodum nimium aucta multitudinis quale 812. Exemplum huius quod 812. modus generalis huius vltima democratia qui. 815. ratio & in commodum huiusmodi quodnam 816. Cur eadem sint praecepta tyrannidis & huius Democratia & qua ratio.* 816
- Modi imminuendi potestatem regnorum Lacedaemoniorum qui. 696*
- Modus bonorum qui. 219 Similitudo horum qua.* 229
- Modus dinumerationis sententiarum qui.* 233
- Modus legendi in Senatū Spartanum qui. 236. huius reprehensio qua. 256*
- Monarchia salutis & interitus causa fere sunt eadem, qua & reliquarum rerum publicarum. 649. Ratio qua ibid.*

Monar-

I N D E X.

- Monarchiarum conseruandarū cau-
sa generalis qua.* 694. *Ratio qua.*
708.
- Monarchia interitus causa est con-
temptus* 675. *huius exempla qua.*
675. *hac etiam alijs est causa* 716.
euerti solent. 676. *harum exempla*
qua. 677
- Monarchia omnes a^o Aristotelis*
*erant tyrannica, & qua huius ra-
tio & approbatio.* 691
- Monarchia interitus causa quenam*
sunt 664. *Partitio coniurationum*
in monarchijs qua. 665. & seq.
- Monopolia alia publica & iusta, alia*
priuata & vetita. 125. *horum ge-
nera alia olei, ferri & fermenti.*
ibid.
- Moralium virtutum virtutes ra-
tionis, seu mentis principia &
fundamenta sunt.* 137
- Mortales veteres se Dijs similes esse*
putarunt. 24
- Motus & seditiones in Republ. oli-
garchica facie vitari possunt &
quomodo.* 278. *Refutatio huius*
qua. ibid.
- Motuum & mutationum causa qua*
530. *huius inuestigationis vsus &
utilitas qua* 530. *in motib. rerum-*
publ. qua considerantur. 539. &
seq. *mouentes seditiones quomodo*
affecti. 536. *Seditiones cur moue-*
antur. 537. *Causa motuum rerum*
publicarum sunt septem principes,
qua cum motu fieri solent: & qua
tuor minus principes, qua sine eo
fere fiunt. 539
- Moyſis politia antiquissima.* 8
- Mulier viro ut capiti & regi suo, se-*
cundum sacros libros, parere
iubetur. 60
- Mulieris virtus est taciturnitas, viri*
est prudens oratio. 140
- Mulieris & pueri an eadem sunt vir-*
tutes, qua mariti & parentis. 234
- Mulierum praefecti cur ad Aristocra-*
tiam pertinent. 512. *Mulierum*
gracarum consuetudo fuit con-
spectum & consortium virorum
alienorum vitare. 512
- Mulierum licentia ad Reipubl. confi-*
lium & ad ciuitatis beatitudi-
nem inutilis est. 248
- Mulieres omne imperium Sparta in*
viros habuerunt. 244
- Multitudo vniuerſe bona an intueni-*
tur ex singulis non bonis. 353
- Multitudinis Democratica genera*
qua. 840
- Multitudinis praetextus de magistra-*
tu qui 368
- Multis potius quam vni imperium*
*earum rerum qua legibus defini-
ri nequeunt dandum est.* 394. *Ratio*
huius qua. 394. & seq.
- Multa praecleara ponere, sed impossi-
bilia, est potius optare qua disputa-*
re teste Cicerone. 196
- Munus natura est genito victum pra-*
bere. 115
- Munerum publicorum diuifio qua.*
505.
- Munera Reipubl. summa sunt, ma-*
gistratus, senatus & iudicis. 354.
- Exemplum quodnam ibi. Similitu-*
do qua. 354
- Munus faemina à serui munere dif-*
fert, & quomodo. 20
- Munera alia sunt honestiora, alia*
magis

I N D E X.

- magis necessaria. 79
- Muniti opibus tyrannicis, difficilime
euerti solent. 693
- Mutationum genera sunt varia &
quanam. 529. & seq
- Mutatio Reipublica duplex & qua. 551.
- Mutationes rerumpub. fiunt à causa
interna vel externa. 567
- N.
- Natura bellicosi ad uenerem sunt
proclines. 246
- Natura nil nisi certo sine proposito
molitur. 30
- Natura sapius bonum facere uult,
sed non potest. 72
- Natura nihil facit frustra. 29
- Natura animalibus alimenta sup-
peditat dissimili modo, ratione &
tempore. 91
- Natura rerum optima affectio est. 34.
- Natura rerum parens est & altrix. 115.
- Natura tantum necessaria querit. 99.
- Natura cupiditatis est infinita. 221
- Natura hominum causa omnia fa-
cit. 92. hac nihil imperfectum fa-
cit, neque aliquid frustra. 92
- Nauigationis salus est munus nauta-
rum.
- Nauis instrumenta quanam sunt. 50
- Nemo est seruus natura, sed homi-
num instituto. 43
- Nexi sunt causa tumultus. 544
- Nihil sit natura aduersa & repugnā-
te. 161.
- Nimium magna multitudo non nisi
à Deo gubernari potest. 920. ma-
- gnitudinem ciuitatis exquirere
pertinet ad optimum ipsius sta-
tum. 923. multitudinis hominum
modus in optimo Reipublica statu
qui. 923
- Nobiles & locupletiores quomodo ad
magistratus capeffendos inuiten-
tur. 626
- Nobiles & diuites vendicant hono-
res & cur. 366
- Nobilium & ingenuorum pratextus
de imperio qui. 368
- Nobilis alius dicitur simpliciter, a-
lius domi. 73
- Nobilium genera quanam sunt. 435
- Nobiles & ignobiles ex uirtute &
vitio definiuntur. 72. nobiles sunt
2. generum & quinam. 72
- Nobiles ubiq; esse veteres putabant,
barbaros uero domi tantum. 72
- Nobilitas apud singulos domi est ho-
norata. 367. & est generis uirtus.
ibid.
- Nobilitatis & ingenuitatis discri-
men & similitudo qua. 363
- Nobilitas alia est simpliciter & uere,
alia ex parte & opinione. 73
- Nobilitatis definitio qua. 528
- Nobilitas & ignobilitas uirtute &
vitio sunt metienda, non fortuna.
73.
- Nobilitas teste Cicerone dicitur co-
gnita uirtus & cur. 123
- Nomen, uterq; bifariam accipitur.
157.
- Nomophylaces qui dicuntur. 209
- Non qualibet multitudo ad ciuita-
tis magnitudinem facit, & cur.
916. Dionysij Halicarnassei sen-
tentia hoc loco qua. 918. nec nimia
ciuium

I N D E X.

- ciuium paucitas facit quid.* 918
Nota de magistratuum humanitate
& superbia. 719. *Exemplum eius*
quod. 709. *& seq. Testimonium*
quale. 720
Nota optima mixtionis Democratia
& oligarchia qua 460. *& seq.*
Nota libertatis popularis falsa qua.
771. vera libertas à Cicerone de-
scripta qua. 171. *Exēpla eius.* 772.
Effectus falsa libertatis qui. 772
Numerus par dicitur. 190
Numerus non est causa ingenij boni
vel prauī. 749
Numo reperto existit mercatura. 101
huius genera tria sunt & quana. 1
Numus est mercatura parens & au-
ctor. 102. *numorum vsus & origo*
qua. 103. *horum alij graues, alij si-*
gnati. 103. *horū materia qua.* 103.
numus est initium & finis per-
mutationū. 104. *ars rei querenda*
in numis versatur. 104. *Ratio hu-*
ius qua. 104. *Quidā in numis di-*
uitias esse positas putāt, & cur. 105
Numus arbitrio vtentium mutatur.
105. hic est permutationis termi-
nus. 106
Numus permutationis gratia inuen-
tus est. 116 *foenus auget.* 116
O.
Oboli olim summus erat vsus & pri-
mus, in numis deducti pecunia. 117
Occasio oligarchia mutanda ab ipsis
oligarchis orta seu intestina qua.
580. Ratic eius qua. 580. *Exem-*
pla Atheniensium & Romano-
rum qua. 580. *& seq. Causa De-*
magogorum popularium in oligar-
chijs qua. 581
Occupatio ad excusationem me-
thodi qua de vita beata. 867
Stoicorum erratum contra lege
methodi quod. 867
Oeconomica ars & rei querenda non
sunt eadem. 133. *oconomia est ne-*
cessaria. 116
Officium & numerus mulierū apud
barbaros qui, & de mariti in
uxorem imperio, quale fuerit. 20
Officiorum imperandi & parendi
distinctio necessaria ad humanam
& politicam societatem. 52
Officium patrisfamilias in tribus
imperijs qua habet in familiam
1, 2.
Officium viri est querere, mulieris
munus conseruare. 315
Officia & opera virtutibus peragun-
tur. 137
Officium boni legum scriptoris quod-
nam. 277
Oligarchia plura sunt genera. 434.
& seq. 440. & seq. Admonitio
Aristotelis qua. 442. *ratio & cau-*
sa qua. ibid.
Oligarchia dicitur, vbi domina est
multitudo exigua. 336
Oligarchicum institutum quod, &
qui eius modi. 496
Oligarchia quomodo institui debet.
831. Aristoteles in explicanda oli-
garchia cur tam breuis ac succin-
ctus. 831
Oligarchia est omnium rerum publi-
carum intermedia. 421
Oligarchia origo qua. 396
Oligarchia est ad bonum diuitum.
334.
Oligarchia genera qua. 833. *& seqq.*
299 3 hat

- hæc quomodo quam optime descri-
batur & instituat. 833. Ratio,
utilitas & Ratio eius qua. 834.
Qua in re tyrannis, Democratia
& oligarchia ultima conueniunt.
836. in hoc ultimo & nequissimo
oligarchia genere plurimum opera
cur poni dicitur 836. & seq. Simi-
litudinis qua. 837. oligarchicum in-
stitutum eiusque modi qui. 844. qua
huius exempla. 845. institutum e-
ius qualenam, quo plebs tenuior à
magistratibus arcetur, & quomo-
do. 845. Liturgia qua dicitur. 845.
Ratio huius placationis plebis qua
846. Cicer. hac de re sententia qua.
ibid. oligarchiarum mos temporis
Aristotelis hoc loco qua. 847.*
- Oligarchiarum mutandarum causa
qua. 577. & seq.*
- Oligarchia infirmitas qua & cur. 739.*
- Oligoria vocabulum varie accipitur. 40*
- Oligarchia sunt stabiles nec facile e-
uertuntur, si concordia inter oli-
garchas seu paucos sit. 584. Ratio
à repugnantibus qua. 584. Exem-
pla eius qua. 584*
- Oligarchia est causa rerum. mutan-
darum & quomodo. 552. huius rei
exemplum quod. 552*
- Oligarchica instituta qua. 273*
- Oligarchicum præceptum quod. 500.*
- Cautio oligarchica qua. 501. ratio
& utilitas qua. 501 & seq.*
- Omnes eius, quod speciem boni habet,
gratia cuncta agunt. 13*
- Omnis, dictio sumitur vel uniuerse
vel sigillatim. 157. & seq.*
- Omnia opere & facultate definiun-
tur. 34*
- Omnia ex partibus constantia ha-
bent, quod imperat. & apparet. 54*
- Omnia inter ciues esse communia, aut
nihil, aut aliqua vel non. 148*
- Opera, qua ab opificibus melioribus,
præstantiora sunt. 53*
- Opera est velut merx, & hac pars o-
peraria est duplex, & quana. 120*
- Opera alia sunt necessaria & pulchra:
alia seruilis, & quanam. 900.*
- Opera alia dicuntur artificiosissima,
alia sordidissima alia maxime ser-
uiles & alia vilissima & quanam
hæ sunt. 122. & seq.*
- Opera seruiles & ministeria quanam
sunt. 80. Harum alia honestiores,
alia viliores & magis necessaria. 80*
- Opera hominum sunt varia & plu-
res. 314*
- Opes latine idem quod potentia. 83*
- Opes nautica cur ad Reipubli. felici-
tatem requiruntur, & eius exem-
pla qua. 944. modus potentia nau-
tica qui, eiusque Exempla. 944*
- Opifices aliqua virtute etiam præditi
esse debent. 143. horum opera quo-
dammodo seruales sunt. 143*
- Opifices ex arte sustentari possunt. 228*
- Opifices interdum sunt ciues, inter-
dum non. 323*
- Opifices & operarii inter ciues non re-
feruntur, & cur. 241*
- Opifices an in numero ciuium sint. 306*
- Opinio quorundam duo tantum Re-
pub. genera statuentium qua. 425.
& seq. Ratio. qua. 426*
- Opus & munus simpliciter est archi-
tecti: ratio vero architectus. 138.*
- Opus & munus Reipub. quod. 924*
- Organa animata sunt necessaria, se-
cundum.*

I N D E X.

- cus de inanimatis.* 47
- Ordinum Reipub. contemperatio qua* 30
- 838. Exēplum huius quodnā.* 835
- Organi diuisio qua in re domestica.* 50
- 46.*
- Organorum alia animata, alia in-* 781
- animata.* 46
- Organa efficientia ab agentibus sepa-* 925
- rari debent.* 48. *Ratio qua.* ibid.
- Organi vocabulum latius patet* 89
- quam instrumenti.* 50. *nec idem*
- prorsus valet.* ibid.
- Organa alia sunt efficientia, alia a-*
- gentia.* 48. *qua proprie dicuntur*
- organa.* 48. *Agentia quanam.* 48.
- Ratio qua.* ibid.
- Organorum uniuersitas est res ipsa* 46
- familiaris.*
- Origo erroris de communitate rerum*
- qua.* 179. *Refutatio eius.* ibid. *ra-* 179
- tio qua.*
- Ortus Imperiorum & legum qui.* 1.
- & 2.*
- Ostracismus qui dicitur.* 377
- Oti & concordia via ac rationes non*
- à fortuna sed à legum scriptorum*
- prudētia & studio petēda sunt.* 229
- Quorum formatio qua.* 91
- P.
- Pacta an seruanda vel non, ciuitate*
- in aliam Reipubl. formam muta-* 304
- ta.*
- Paræci qui dicuntur.* 226
- Parricidiorum causa est quedam com-*
- munitas.* 162. *& cur ea fiunt.* ibid.
- Partes melius cognoscuntur explica-* 84
- to toto.*
- Partes domus sunt homo & res.* 44
- Partes totum constituunt.* 49. *Ratio*
- qua.* ibid.
- Partes absque toto esse non possunt, sed*
- totius naturam constituunt.* 50
- Pars secundum Platonem in Par-*
- men. est totius pars.* 50
- Partiens & separans ciuitatem non*
- efficiunt.* 781
- Particula δ, græcis idem valet*
- quod δē, sicut Latinis enim &*
- nam quod Ast, verū, autem.* 925
- Pastores agriculturā viuā colunt.* 89
- Pastoricia res ciuis bello habiles facit*
- 804. hac alieque laudes cum pe-*
- cuaria communes sunt agricultu-*
- ra.* 804. *harum laudes per collatio-*
- nem cum alijs vita generibus fa-*
- cta qua.* 805. *in quibus regionibus*
- hoc genus democratia constitui po-*
- test.* 806. *Sophisma aduersus ta-*
- bernarios, opifices & reliquam tur-*
- bam forensem quodnam.* 806
- Paterfamilias familia sua est velut*
- rex.* 23
- Pater liberis amore quodam præst,*
- horumque curam gerit.* 131
- Parientia & imperium constant ex*
- rebus vtilibus & necessarijs.* 59
- Paucitas ciuium cur oligarchiis con-*
- uenit,* 838 *Exemplum quale.* 838.
- Paulus ait nullum esse apud Chri-*
- stum neque græcum, barbarū vel*
- iudeum aut seruum.* 76
- Paupertatis causa nonnunquam est*
- bellum.* 597
- Paupertas nimia seu diuitia sunt cau-*
- sa motus in Aristocratia.* 596. *Ex-*
- emplum quale.* 596. *& seq.*
- Paupertas ciuium cur ciuitatibus*
- tam noxia sit.* 824
- Paupertas est causa vita sordida &*
- malitiosa.* 214

I N D E X.

- Paupertas seditionem & iniuriam facit.* 199
- Peccatum Socratis in libris de legibus quodnam.* 196
- Peccatum Platonis in communitate Reipubl. quodnam.* 187
- Pecuaria res est agricultura viua, & alia pecuaria proprie, alia villatica, & qua.* 90
- Pecuaria est multarum & magnarum voluptatum effectrix.* 111
- Pellex est medium inter uxorem & ancillam.* 21
- Periandri tyrannis qua & cur firma.* 742. *Exemplum tyrannidis diuturna quale.* 743
- Periclis lex de ciue lata qua est.* 299
- Peripatetici & Academici ob eximiam rerum magnarum scientiam dicti sunt politici.* 8. *Stoici absurda attulerunt.* 8
- Permixtionis vera vis & natura qua.* 165
- in Permixtione perit permixtorum vel utrumque vel alterum.* 165
- Permutationis genus antiquissimum quodnam, & quod simplicissimum.* 100
- Permutationis natura, proprietas, causa & origo qua est.* 98. *huius genera sunt duo & qua.* 99. & seq.
- Personarum artis domestica genera sunt tria & quanam.* 82
- Pestis nulla humano generi capitalior est anarchia.* 52
- Phalea peccatum quodnam.* 218. & seqq.
- Phalea opinio de bonorum aequatione & modo.* 211
- Philolaus Corinthius fuit Theba-*
- norum legislator.* 284. *natus genere Bacchiadarum ibid. amator fuit Dioclis, qui olympia vici-* 284. *Thalus obiit. ibid.*
- Philolai propria est bonorum inaequalitas.* 284. *Platonis vero secus.* 285 *adeptionis autor.* 286
- Philosophorum vita non minus actiosa est, quam aliorum & cur.* 907. *politicorum error qui.* 597.
- Philo Iosephum hominem politicum describit.* 3
- Phrasis autē esse, & esse αἴμα.*
- Pittaci lex quanam fuit.* 285. 283
- Platonis mala de conseruatione & mutatione rerum publicarū.* 746 & seq. *summa facta eius sententia* 747. *aliorum de ea iudiciū.* 477. *testimonia Polybii, Ciceronis, Taciti Phi. Melancht. Peueri & Bodini qua.* 747. *Causa mutationis Reipubl. ab eo allata qua.* 748. *obscuritas sententia Platonica qua.* 748
- Plato omnes amoris veneri vsus praeter coitum permisit cum stoicis: Aristotela in totum vetuit.* 163
- Plato dicit diuitias & paupertatem ē Reipubl. esse tollendas.* 214
- Platonis peccatum de agri modo quodnam.* 198. *Huius rei refutatio Aristotelica & ratio eius qua.* 198.
- Plato monet legum scriptorem praemio uti debere.* 1
- Platonis cautio in communitate rerum qua.* 182
- Platonis vitium de magistratuum perpetuitate.* 189. & *an utile sit.* 106. *esse perpetuos vel annuos. ibid*
- Plato

I N D E X.

- Plato dicit bona omnia esse agricola-
rum & nulla principum. 187. Ra-
tio reprehensionis qua. ibid.
- Plato tria hominum genera facit, &
quanam. 189
- Plato vult Rectores rerum publica-
rum beatitudinem efficere debere.
190. Refutatio & dissimilitudo
eius qua. 190
- Platonis opinio de modo & aquatio-
ne bonorum. 210. & seq.
- Plato politicam facultatem regiam
vocat. 4
- Plato qua de sua republ. predicat.
204. huius forma qua. 204. Ra-
tio eius qua. 205
- Platonis comparatio vitiosarum re-
rum publicarum qua. 421. & seq.
harum genera cur plura. 424. Ra-
tio qua. 424. & seq.
- Platonis sphalma in sua Republica
quale. 185. Ratio eius qua. ibid.
Aristotelis responsio qua. 185
- Plebi cur magni magistratus sint
committendi. 272
- Plebei magistratus lucrum maxime
curant. 624. & seq. exceptio qua.
625.
- Plebis partes quanam sunt. 435
- Plebi qua sunt permittenda. 356. Ra-
tio 397.
- Plerique diuitias tanquam vita vic-
tica necessaria quarunt. 110
- Plutarchi sententia de Lycurgi consi-
lio approbatur, eiusque excusatio-
ne. 245
- Politia cur nonnunquam in oli-
garchiam mutatur. 602. Exem-
plum eius quale. 603
- Politia Aristocratiis tunc usitatis
stabiliores sunt. 601. huius diu-
turnitas qua. ibid.
- Politia aut civilis, aut militaris. 4.
- eius dignitas qua 3 qua utilitas. 4.
- Politiarum finis est prestantissimus. 13
- Politia summa qua. 408. unde con-
stat. 409
- Politia ciues qui. 488. Eorum census
qui ibid. Ratio qua. 468. & seq.
- Politia est Reipubl. tertia species. 335
- Politia definitio qua. 452
- Politia origo qua. 396
- Politia quanam dicitur. 290
- Politia est genus reipubl. maxime fir-
mum, & cur. 739
- Politica facultatis utilitas quid pro-
dest Theologo & iurisperito. 4.
- quid rhetori, historico, poetis &
grammaticis. 5
- Politica scientia finis est non tam co-
gnitio & scientia quam usus. 119
- Politica est ciuibus uti, horum ordi-
nes describere, alios magistratus,
alios opifices, alios milites. 114
- Politica res qua dicuntur. 365
- Politica scientia finis bonus qui. 369
- Politica sua est ars & scientia, herilis
minime. 79
- Politici officium quod. 817. error po-
liticorum de Rebus publicis tem-
pore Aristotelis qui. 819. ratio &
exempla qua. 818. exempla con-
traria qua. 818
- Politici munus quodnam 809. Error
quorundam politicorum qui. 890
- Politicus ponens votis digna sed im-
possibilia. 196.
- huic ratio exterorum habenda est
196.
- Politico cur de utraque Republica
est

I N D E X.

<i>est differendum.</i>	147	<i>ilia & tyrannica.</i>	468
<i>Politici officium quodnam.</i>	204	<i>Potestas uxoria & herilis est diuersa</i>	
<i>Politico utilis est historiarum cognitio</i>		<i>19. Huius ratio qua. ibid.</i>	
<i>peregrinatio, variarum legum col-</i>		<i>Practica diuapic secundum Aristo-</i>	
<i>latio & consuetudo.</i>	7	<i>telem qua dicitur.</i>	906
<i>Politicoꝝ peccata qua 482. Ratio</i>		<i>Præceptum generale ad omnium Re-</i>	
<i>reprehensionis eorum qua. 482</i>		<i>publicarum instituta examinan-</i>	
<i>Politico qua cognitu sunt necessaria.</i>		<i>da, quodnam.</i>	240
<i>414. ratio qua. ibid. & 415. 416.</i>		<i>Præceptum Aristotelis præclarum de im-</i>	
<i>Aliorum politica scriptorum pec-</i>		<i>perio quodnam.</i>	329
<i>cata qua. 417. Ciceronis & Plato-</i>		<i>Præceptum simulationis tyrannica</i>	
<i>nis hac de re errata qua. 417. &</i>		<i>de pœnis & supplicijs quodnam.</i>	
<i>seq. Ratio, cur politici munus est</i>		<i>751. huius exempla qua. 731</i>	
<i>nosse rerum publ. genera. 418</i>		<i>Præclara omnia sunt rara & diffici-</i>	
<i>Politicoꝝ peccatum ævo Aristote-</i>		<i>lia.</i>	6
<i>lis uiuentium quodnam. 643. hu-</i>		<i>Prædia sunt separata & propria, fru-</i>	
<i>ius mali medela qua. ibid.</i>		<i>ctus eorum communes. 168. &</i>	
<i>Politicoꝝ genera qua & qui ho-</i>		<i>seq.</i>	
<i>rum principes</i>	281	<i>Prædiuites ad Rempublicam cur</i>	
<i>Politicoꝝ quid de re militari statuere</i>		<i>inepti, quoad officium optimi ciuis.</i>	
<i>debet.</i>	895	<i>468. cur hi cum pauperibus amici</i>	
<i>Populare institutum quodnam, &</i>		<i>esse nequeunt ibid.</i>	
<i>qui eius modi. 494. & seq. Exem-</i>		<i>Præcium constituitur noua instituta</i>	
<i>plum Teletis & aliarum multarum</i>		<i>inuenientibus.</i>	234
<i>ciuitatum quodnam. 495. populus</i>		<i>Præpauperes cur ad Rempublicam</i>	
<i>qua sibi hic reſeruat. 495. & quos</i>		<i>sunt inepti. 468. cur hi cum præ-</i>	
<i>magistratus ſuffragijs creat. 495.</i>		<i>diuitibus amici eſſe non poſſint.</i>	
<i>diſcrimen horum modorum quod-</i>		<i>ibid.</i>	
<i>nam.</i>	496	<i>Præſtantia & utilitas librorum</i>	
<i>Populorum quorundam institutum</i>		<i>Aristotelis politicoꝝ qua. 10</i>	
<i>quodnam in creandis magistratib.</i>		<i>Præſtantia virtutis aut ciuilis poten-</i>	
<i>794. Exemplum quale. 794. ho-</i>		<i>tentia qua</i>	332
<i>rum ſophiſmata.</i>	759	<i>Principales cauſæ monarchia euer-</i>	
<i>Potens quis dicitur.</i>	2	<i>tenda qua.</i>	685
<i>Potētia naualis & eius opes. qua. 943</i>		<i>Principum diſſidia præcipue ſunt</i>	
<i>Potentia nimia & magnitudo in ci-</i>		<i>Reipublica noxia, & quando.</i>	
<i>uitate eſt cauſa Ariſtocratiæ euer-</i>		<i>559. Exempli qua. 560. horum</i>	
<i>tenda. 597. Exemplum quale.</i>		<i>diſſidiorum varietas inter prin-</i>	
<i>598.</i>		<i>cipes qua. 360. initia diſſen-</i>	
<i>Potentioꝝ imperia pleraq; ſunt he-</i>		<i>ſionum harum plerumque exi-</i>	
		<i>gua</i>	

I N D E X.

- qua.* 566
Principes olim scholas politica habuerunt Sophistas. 8
Principis, subditi, viri boni & cuius quatenus virtus est eadem aut diuersa. 318 *Exemplū quodnā ibid.*
Princeps cur imperare & parere posse debet. 317. *Ratio qua ibid.*
Probatio qualis magistratus fore iustos aliqua de causa. 797
Probus cur magistratus tantum committi debeat. 904
Probuli quinam dicuntur. 501. *olim erant magistratus oligarchicus.* 501.
Profani olim Deorum simulacra ingenti magnitudine fingere & facere solebant. 64
Propala dicuntur nostri Crameri seu Fürkaufferi. 102
Proprietas & usus fere in bonis ac rebus spectantur. 160
Prouerbiū: Heroque herus, seruoq; seruus est prior. 79
Prouerbiū: Dādali opera. 47
Prouerbiū, ὡς ἔπος εἰπῶν id est, ut uno verbo dicam, quale. 25
Prouerbiū: amicorum omnia communia. 172
Prouerbiū: seruus seruo prestat. 81
Prudentia cur in seruis esse non debeat. 137. *responsio ibid.*
Prudentia & virtutis nomen proprie & impro- rie accipitur. 37. *prudentia alia vera, alia imitatrix ibid.*
Publicatio bonorum Demagogis frequens. 819. *huius remedia qua.* 820. *quo pacto valeant.* 820
Pueri sunt Reipubl. seminaria, unde tandem ciues. 145
Pueri virtus qualis 141. *huius virtutis modus & norma est pater.* 141. *horum & seruorum virtutes quanam sunt.* 142
Pulchritudo ex magnitudine & multitudine spectari debet. 922
Pulsatio est contumelia genus, qua erat causa inuadendi in reges. 671. *Eius exempla plura qua.* *ibid.*

Q.

Qua causa cōseruat Venetos, Anglos, & Heluetios incolumes. 270
Qua in ciuitatis partib. maxime spectari debent. 477. *ratio qua.* *ibid.* *cuiuslibet ciuitati qua Resp. optime conuenit.* 478. *Ratio qua.* 479. *species singula quorumlibet generum qua.* 479
Quanam ciuitas dicitur satis magna secundum vulgi errorem. 915
Qua non sunt eiusdem generis, illa comparari nequeunt. 365
Qua potestas est premiū virtutis. 251
Quanam dicuntur regnum ac principum oculi & aures. 404
Qua res natura differunt, ha inter se comparari non possunt. 365
Qua quisq; ut sua propria vocat ea iam non sunt communia. 157
Quaestor populi. 857. *huius magistratus praestantia qua.* 857. *quaestura cur inter magistratus necessarios referatur.* 858. *Germani vocant* **Legstätt.** 88
Quaestio de bonis est triplex, sicut modus & ratio. communicandi ea triplex & quomodo. 169
Quaestus scēnoris cōtra naturā est. 116
Quaestus omnis senatori teste Cicero ne, turpis est. 117

Quaestus

I N D E X.

- Questus seu lucrum causa est seditio nis rerum publicarum.* 543
- Quando & ubi Aristoteles de virtutibus uxoris & liberorum explicat.* 145. *Ratio ibi.*
- Quidam Democratiam & oligarchiam tantum statuunt.* 425. *Ratio qua.* 426
- Quid in optima Republ quoad imperium sit faciendum.* 379. & seq.
- Quis dicitur excedere ex ephebus.* 844.
- Quinam hi sunt, qui monarchas contemnunt, & aduersus eos coniurant.* 677. *Exemplum est in Hærico Duce Guisio & eius fratre Carolo.* ibid.
- Quid in unaquaque Republ. dicendum de magistratu.* 370. *Argumentum aduersus diuites, nobiles & virtute preditos.* 370. & quod aduersus multitudinem. 371
- Qui si coire volunt & numero pauci, ex eorum voluntate semper hi creari solent.* 208
- Quilibet coniugibus & natis leges dat.* 23
- Qui iure de honoribus contendere potest.* 367. *quando peccat.* ibid.
- R.
- Radium confectrix est ars administræ artis texendi.* 85
- Ratio, qua incommoda propinquitatis maris effugere licet.* 942. *Exemplum huius quod.* 942. & seq.
- Ratio cur Aristoteles primo agit de regno.* 384
- Ratio aduersus gentes & urbes de imperio qua.* 378
- Ratio alia principum, alia priuatorum.* 213. *Iasonis dictum quod* 313
- Ratio, cur virtutes ciuium sint dissimiles.* 311. *Similitudo huius qua.* ibid.
- Ratio reprehensionis qua quod Senatus Spartanus sit perpetuus.* 855
- Ratio qua, cur illa Respublica plerisque sit optima, in qua mediocritas diuitiarum pollet.* 465. *probatio huius qua. huius questionis dyndicatio unde petenda.* 465
- Ratio generis & formarum qua est, ea quoq; totius & partium erit.* 34
- Ratio augendi numeri ciuium Romanis vsitata qua, & qua Lacedæmonijs.* 811
- Rationes de bonorum communitate tractanda qua.* 169. *Refutatio cõmunitatis Platonis* 170. *Confirmatio triplex quod cõmunitas sit parens litium & discordiarũ.* 17
- Ratio rerum publicarum conseruandarum qua.* 608. & seq. *Exemplum quale.* 611
- Ratio tripartita questionis de bonis quanam.* 169
- Ratio, qua traditur ciuitati non esse optimum, ut quam maxime una sit, qualis.* 155
- Ratione prediti, scriptis alios docere possunt: vsu prediti non item.* 7
- Ratio discendi politicam ac iurisprudentiam vetus qua.* 7
- Ratio est fundamentum virtutum.* 134.
- Rationes politica à communi vita abhorrerere non debent.* 52

I N D E X.

- Recta prauorum sunt velut norma
& regula. 383. in rectis tria sunt
notanda, & quanam. 383*
- Recte optare videtur esse munus sci-
entium. 355*
- Reges primi quarum rerum potesta-
tem habuerunt. 386. Eorum crea-
tio à quo fiebat. 386*
- Reges primi paucitatem ciuium cur-
cauerunt, ratio qua. 250*
- Regum & principum pactis an eo-
rum heredes astringantur. 301*
- Rex & magistratus in imperio &
regno sunt tanquam duces. 57*
- Regum & legum latarum eadem ori-
go & causa est. 2*
- Regis nutus & arbitrium pro legibus
olim habebatur, teste Dionysio. 2*
- Reges amicos imperij socios faciunt.
407.*
- Rex à patre differt natura, genere ve-
ro idem. 129*
- Regia manu cuncta in primo auo ad-
ministrabantur. 2*
- Regnum barbaricum quod dicitur.
385. cur regnum vocetur. ibid. cū
tyrannicum dicitur. 385. regnum
veterum Græcorum quod. 385. &
quale heroicum. 386. eius nota
qua ibid. mutatio horum regno-
rum qua. 387*
- Regnum an hereditarium esse debet.
392. Argumentum huius quod.
ibid. huic quodnam praesidium con-
uenit. 398. Opinio Platonis de hac
re qua. 398 an hoc sit iustum &
Reipubl. proficuum. 400*
- Regnorum & tyrannidum interitus
causa qua sunt. 664*
- Regna an ciuitatibus & humano
generi sint vitia nec ne. 381. regni
genus est belli pratura perpetua,
& cuius alia hereditaria, alia
optima. 382*
- Regnum est optima forma Reip. 257*
- Regnorum genera varia. 354. diuisio
horum qua ibid.*
- Regnum Spartanorum fuit heredita-
rium. 257*
- Regnum omnium antiquissimū. 395*
- Regni incommoda qua. 350*
- Regnum est genus Reipubl. stabile ac
diuturnum. 739*
- Regnum à Republica quomodo dif-
fert. 131*
- Regnorum interitus causa quanam.
689. hac causis externis raro euer-
tuntur. 690. Causa interna interi-
tus, est discordia regni heredum.
690. Exempla qua ibid. Error
quorundam interpretum, dicen-
tium Aristotelem negare regna
etate sua fuisse vlla qui. 691. &
seq. non tantum regna astu & vi
acquiruntur, sed & tyrannides.
692. Regnorum hereditariorum
interitus causa qua. 692. regna in
tyrannides versa facile pereunt.
691. huius conseruandi causa spe-
cialis qua. 694. Ratio, approbatio
& exempla qua. 692*
- Regula generalis de rerum publica-
rum mutationibus qua. 602. Ra-
tio eius. ibid.*
- Religionis potestas ac vis in frenādis
ciuibus qua. 726*
- Reprehensio Aristotelis de Platonis
Reipubl. generalis qua. 204*
- Rusticarum rerum scriptores qui-
nam. 122*

Rebus

I N D E X.

- Rebus distinctis eadem ratio institui potest. 182
- Res in quibus facultas politica versatur, quanam sunt. 3
- Res maxima viris summis permitenda. 359
- Rerumpublicarum origo quanam. 22
- Reipubl. unius ex multis ciuitatibus constantis commodum quod. 952.
- Exempla huius qualia. 952
- Rerumpub. & legum origo qua. 1
- Rerumpublicarum origo qua. 395
- Respublica qua est. 290
- Respubl. equestris pedestri antiquior. 490. ratio & approbatio qua. ibid.
- rerumpubl. partitio & ratio eius qua. 491. & seq.
- Respub. non est eadem statu mutato, hominibus vero iisdem permanentibus. 305. Ratio à genere qua. 306
- hac dicitur societas. 307
- Rerumpublicarum mixtio qua. 795
- Reipublica Sicyonia forma qua. 740.
- Et qua Corinthiorum. 741
- Resp. quomodo firma reddatur. 818
- Reipublica utile est inter principes esse concordiam & amicitiam. 164
- Rerumpublicarum summa partes qua. 761. Coniunctio diuersarum rerumpubl. qua. 863. Exemplum huius quale. 763. harum constituendarum praecepta qua. 766
- Rerumpubl. genus quodnam est optimum simpliciter & quod obtineri possit. 864. praenotio ad cognitionem optima reip. cur necessaria & qua ratio. 865. Casus fortuiti, quib. felicitas rerump. interturbatur, quinam. 166
- Respub. contraria sunt aut ipso statu, aut emulatione. 682. Exemplum quodnam. ibid.
- Respublica saepe & leuibus de causis perturbari solent. 557. & seq.
- Respub. mutantur aut aperta vi, aut subdole. 565. Exemplum huius rei quale. 566
- Reipub. usus est longior, periculosior & contractior. & ratio seu doctrina breuior, securior, certior, & diffusior. ibid.
- Respub. est optima vel simpliciter, vel comparate. 147. & quomodo. ibid.
- Reipub. Socratica genera quot & qua secundum Platonem. 191
- Resp. non ratione, sed usu à veteribus fuit administrata teste Aristot. 6
- Resp. alia sunt priuatorum, alia politicorum. 209. discrimen inter Platonis & aliorum respubl. 210
- Resp. ex plurib. cōcreta melior est. 203
- Resp. rei presenti accommodari debet. 896
- rebuspubl. diuersis conuenire debent leges diuersae. 896
- Romanū imperium unde suum habet ortum. 384
- Roma ambitus quot passuum erat. 305
- Romana reipubl. vitiū quod fuit. 261
- Rustici instrumenta qua. 51
- Rerū omniū. vis & natura ex primis & minimis partib. cognoscitur 40
- Res an suo, vel externo milite sint gerenda. 586
- Rerū venaliū maximeq; possessionū caritas repentinas hasce diuitias comitatur. 591. Ratio qua. 591. Exemplum quale. 591 & seq.
- Rei domestica cura est vxorum, & agricultura virorum. 187
- Res familiaris ex domino & seruo constat.

- constat. 110
 Rei familiaris mēbra patrimonium
 seu rem familiarē constituunt. 49
 Res familiaris ac vsus vita humana
 est necessaria. 44
 Rei familiaris membra sunt rei do-
 m. st. ca organa. 46
 Rei familiaris mēbra qua dicuntur. 46
 Res familiaris est pars domus. 44
 Rerū, generū interse mutatio q. a. 523
 Respublica qua & qualis sit, unde esti-
 mandum. 419. Harum alia sunt
 recta, alia praua. ibid. Recta qua di-
 cuntur. 419. & seq.
 Reip. genus rarissimum quodnam est
 473. causa qua cur rarissima dica-
 tur. 474. opinio Theopopi qua. 475
 Reip. genus exdemocratia & Aristo-
 cratia mixtū quodnā. 625. huius
 rationis obtinēda modus qui. 626
 Rerump. diuisio qua. 331 Ratio & ap-
 probatio huius qua. 331. Recta &
 praua Resp. qua sunt. 332. harum
 Platonis partitio qua. 33. & seq. Et
 qua Polybij ac Ciceronis diuisio. 333
 Resp. tot sunt, quot ciuiū genera. 322
 Rerump. genera multa & varia esse
 propter varias ciuitatis partes.
 430. & seq. Ciuitatis partes qua
 dicuntur. 431. & seq. Platonis par-
 titio hoc in loco reprehenditur, &
 quidem varie. 432. & seq. Ratio
 433. Obiectio huius partitionis.
 433. Solutio huius qua. 433. & seq.
 Respublica est ordo ciuitatis. 327
 Respublica optima qua dicitur. 347
 Reip. interest, eam priuatim esse diui-
 tem, publice pauperem. 262
 Resp. alia recta, alia vitiosa. 451 hac
 est oligarchia & Democratia cin-
 nus & permixtio quadam. 452.
 Ratio qua, cur hoc genus Reipubl.
 interdum dicitur respubl. interdū
 Aristocratia. 452. Ratio qua 453
 Respublica mutata, an standum sit
 veteribus pactis. 301
 Resp. specialis qua, & quanam eius
 genera. 487. & seq. huius antiqui-
 tas qua, & eius ratio. 490
 S.
 Sacerdot. nō dicuntur magistratus. 550
 Scientia hominum spectari ex sine
 consueuerunt. 3
 Scientia herilis est ars utēdi seruis. 80
 Sciētia ciuilis iniūm est singulare ad
 cōseruationē Reip. & qua ratio. 639
 Scopus matrimonij & potestatis he-
 rilis qui. 18
 Scriba qui dicuntur. 858. horum offi-
 cia qua. 859. Atheniēsium de hisca
 cōsuetudo qua. 859. Utilitas horum
 apud Romanos qua & unde. 860
 Scriptores politica qui & quotuplic. 7
 Scriptorum politia discrimen quod-
 nam. 229
 Scriptura sacra iniustos vocat Gigā-
 tes. 2. Posteritas tyrannos. ibid.
 Seditiones ex contumelia existere so-
 dent & quomodo. 542.
 Seditonum & motuum omnium ca-
 put & fons quis dicatur. 526
 Senatus resp. qua. 493. cur reip. pars
 summa. 493. quibusnam de rebus
 deliberat. 493. Eius varietas &
 vsus qui. 493. & seq.
 Senatus aut consilij constituēdi ratio
 proprie est Democratica. 511
 Seni an Respublica sit gerenda. 7
 Sentētia authorum de bello alijs infe-
 rendo diuersa & qua. 197

Sententia Platonis in aequatione bonorum inter ciues. 200. Aristotelis reprehensio. *ibid.*

Seruum imperium dicitur oligarchia. 203.

Sermo pra reliquis animantibus proprius est hominibus. 29. & seq.

Seruus est pars quadam rei familiaris. 84.

Serui alij secundum Iurisconsultum ordinarij dicuntur, alij vicarij, alij honestiores & quinam: alij viliores sunt: horum opera grace dicuntur Encyclia. 81

Seruus est organum agens seu practicum, & non efficiens. 48. Hic alieni iuris est, non sui. 49. Ratio quae. *ibid.*

Seruis an praeter corporis alia quoque virtutes cum dominis communes. 133.

Serui a tyrannis in auxilium vocantur & cur. 734. Exempla & testimonia quae. 734

Serui non tam sunt partes domus, quam organa. 132

Seruus est membrum rei familiaris. 49.

Serui cur olim Roma ad praturam obrepserunt. 928

Serui quot, tot hostes. 75

Seruus est pars quadam domini, ut animatum quiddam corporis. 74

Seruus est organum animatum, agens & separatum non sui sed alieni iuris. 50

Seruus dicitur vita socius. 143. Seruorum & opificum non sunt eadem virtutes. 142. & seq. Ratio quae. 143. serui opera sunt in agen-

do, opificis in efficiendo. 143. seruus est natura, opifex arte. 143

Seruus est organum rei familiaris praestantissimum. 46

Serui dicuntur esse alicuius & esse prorsus alicuius, & cur. 50. Hi sunt organa agentia & separata. 430. serui definitio quae. 50. Eius explicatio quae. *ibid.*

Seruire & seruus bifariam accipitur. 66.

Seruitia Cretenesium cur non moueant seditiones ut Lacedaemoniorum & Thessalorum, quanam est causa. 242.

Seruitutis definitio secundum Iurisconsultum quanam. 49

Seruitus inter Christianos tempore Friderici secundi in usu fuit, postea vero abolita. 76. hodie serui sunt in Hispania Turca & Aphri 76. apud nos coloni. *ibid.*

Seruitus qualibet est contra naturam 51. Hac an natura sit & iusta. 52

Seruitus ex bello quando dicatur iusta vel iniusta. 70. 71

Seruitus moderata cur euangelio, aut pietati christiana non repugnet, quanam sunt causa. 76. argumenti contrarij solutio. 77

Seruitus est animi fracti affectio arbitrio carentis suo secundum Ciceronem in paradox. 49

Seruitus singulis etiam hominibus est utilis. 78

Seruitus alia natura, alia ciuilis, hac libertati caelesti non repugnat, estque genus poena. 77. Seruitus Reipubl. utilis est & cur. 77. hac aut est grauis & dura, aut lenis. 77

Ser-

I N D E X.

- Servitutis bello captorum assertio qua. 68
- Servitus natura repugnat. 75
- Servitus an apud Christianos sit permittenda. 75
- Silentium mulieri decus affert, viro non item. 140
- Similitudo servorum & beluarum in usu consistit, horum vero dissimilitudo in ratione & sensu. 62
- Similitudo parentum & liberorum bifariam cognosci potest & quomodo. 161
- Simulationis tyrannorum praeceptum quod. 716 Ratio eius, cautio & exemplum quale. 716. & seq.
- Societas civilis est domus & vicinitatis finis & perfectio. 27
- Societatis politica ortus primus quibus debetur. I
- Societatis civilis causa quae sunt. 327. & seq.
- Societates civiles ex domesticis sunt orta. 23
- Societatis civilis finis est autarctia. 852.
- Societas, & amicitia inter quos coeantur. 468
- Societatis salus est civium opus. 306
- Socrates dicebat oportere communes esse liberos, uxores & bona. 148
- Socratis erratum quodnam. 189 & seq.
- Solicitudo & vigilantia est cautio conservanda Reipublic. 613 Ratio qua. 614. Stratagema Aristotelis quale hic. 614
- Solonis laudes quae. 281. eius institutum Oligarchicum, Aristocraticum & Democraticum quod. 281.
- Causa laudantium quae. 231. & qua vituperantium ratio. 272
- Sophistarum politicorum quodnam erratum. 691. horum praeceptum de regum potestate quale 891
- Sors est minima patrimonij pars. 202
- Sparta nullum fuit ararium publicum. 162
- Sparta leges viris dominantur, & non viri legibus. 238
- Spartana Reipublic. vitium quod. 888.
- Spartani venerem armatam coluerunt. 246
- Species tyrannidis varia & qua. 752. & seq.
- Spectati civis virtus est posse bene imperare & parere. 314
- Sportula & magistratuū & iudicium graecorum quae fuerunt. 443
- Status Reipublic. optimus quinam. 463. & quoduplex. 463. & seq.
- Quinam plerisque civitatibus sit optimus status. 463
- Status rerum publicarum optimus qui 881. & seq.
- Stentorea vox quae apud Homerum dicitur. 926
- Stirpes animantium causa sunt. 93. ratio qua ibid.
- Stoicorum sententia de bonis animi, corporis & fortuna quae. 868. hac 3. genera bonorum ad beatitudinem necessaria cur sunt. 868
- Stratagemata quaestuario Reipublic. utilia sunt, & ab hominibus notanda. 727
- Subditus cur imperare & parere nosse debet. 318
- In suffragijs ferendis & sententia dic-

I N D E X.

senda quam ratio seruari debet
786. & seq.

Summa librorum de legibus Plato-
nis qua. 193

Summa regni aristocratici qua. 409

Summa imperij an penes leges opti-
mas, an virum optimum vel opti-
mos esse debet. 406

Summa regni democratici qua. 408

Summa disputationis qua de legum
mutatione. 235 & seq.

Sumptus in munera Reipubli. neces-
saria qui. 628. Ratio. 629

Suum & carum faciunt, ut homines
curam gerant & ament. 164

Syncretis Democratia generum inter
se qua. 475. & qua oligarchia ge-
nerum inter se est. ibid.

T

Tabu noua tionu olim fuerunt
causa. 544

Talio ciuitatibus an necessaria. 153.
huius dissimilitudo qua. 854

Tarentina reipub. institutio qua. 174

Techna diuitum & pauperum qua.
484. Aristotelis de hisce iudicium
quod. 484 ratio ordinis & nume-
ri qua ibid. quorundam machina
alia quenam. 485. quomodo his
recte uti possumus. 486

Temeretas litigantium & calumnia-
torum audacia seu imprudentia per-
grauis ac multas poenas fruari
debent. 826

Tempus magistratuum quale esse de-
bet. 612. sententia Aristotelis qua
612. Eius ratio qua. 613. Exem-
plum quale. 613

Testamenta cum non fuerunt in usu
630. sed delatio erat simpliciter ad

liberos & sanguine iunctos. 630.

mos priscorum Germanorum &
& Atheniensium qui. ibid. Ratio
huius instituti qua. ibid. Testa-
menta quando introducta. 630

Ratio qua ibid. Exemplum ibid.
huius instituti incommodu quod
631. cur vni plures hereditates de-
ferendae sint. 631

Thaletis consilium de pecunia con-
ficienda callidum quodnam. 124

Theopompi & Alexandri Seueri opti-
mi Imp. apophthegmata qua. 697

Totum natura partium sequitur. 22
totum partibus suis est prius. 33.

Toto sublato partes quoque esse ne-
queunt. 33. & seq.

Tribunal summum quodnam. 227

Tribunalium partitio qua melior
censetur. 521. Aristotelis explica-
tio de horum ciuiliu modis qua.
521. Ratio qua. ibid.

Tribuum & curiarum multitudo
institutum quoddam Clisthenis.
813. ratio qua. 814. Commutatio
sacrorum priuatorum in publica
est aliud eiusdem institutum 814.
ratio eius & exemplum quodnam. 814

Turba nautica cur non sit nimium
multa, nec in ciuium numero ha-
benda. 945. modus comparando-
rum nautarum qui. 945. Exempla
qua. 945. milites classarij qui. 945
& seq.

Tyrannorum familiares cur plerique
sunt improbi. 711. Ratio, cur hi im-
probi gaudent. 711. nota simula-
tionis & sophismatu tyrannicoru
qua. 715. tyranni non debent ma-
gnos pecunie thesauros colligere.
&

I N D E X.

- Cur.* 717. *Et seq.* hac ex deterrimis oligarchia *Et*
 Tyrannicidarum pramia qua *Et* Democratia est mixta. *ibid.*
 quanam eorum exempla. 679 Tyrannis omnium grauiissima est ex
 Tyrannica simulationis praeceptum rebus publicis. 650. discrimen ty-
 est libido *Et* contumelia. 722 Te rannidis *Et* regni ab origine utri-
 stimonium, exempla *Et* error vul- usque quod. 650. *Et seq.* hi ex po-
 gi qui. 722. item voluptates cor- pularibus hominibus *Et* Dema-
 poris, eius ratio, malum, causa, u- gogis existunt. 652. modi compa-
 tilitas, Exemplum *Et* testimoni- randa tyrannidis qui, *Et* huius
 um quodnam. 723. *Et seq.* cautio quanam. 653. Exemplum
 Tyrannis est unius imperium. 334 eius. 653. horum modorum diuisio
 Tyrannis omnium Rerum publica- qua. 654. Exempla eorum qua.
 rum deterrima. 421 654. *Et seq.*
 Tyrannidis origo qua. 396 Tyrtaus fuit ciuis Atheniensis *Et*
 Tyrannidis genera qua. 462. Aristo- dux Lacedamoniorum in bello Mes-
 teles cur de tyrannide omnium senico. 397
 ultimo agit. 451. huius nota qua. V.
 462. Vbi luxuria est, ibi diuitiarum stu-
 Tyrannidis stabilienda praecepta qua- dium quoque viget. 245
 nam. 701. *Et seq.* hac quoque alijs Vestigalia noua aut nimia sunt cau-
 rebus publicis utile est. 701. Ratio sa perditionis. 343
 qua. 702. *Et seq.* huius utilitas Vestigalia pauperibus quomodo di-
 qua. 704. Exempla qua. *ibid.* *Et* stribui debent. 828. vsus ditiorum
 seq. Huius vituperium quod. 712. hoc loco qui. 828
 huius conseruanda modus specialis Venandi vocabulum generale est.
 qui. Discrimen, Ratio *Et* ex- 90.
 emplum eius quale. 713. *Et seq.* Veri ciuis nota qua. 294
 Tyrannis omnium rerum publica- Vermium formatio *Et* ortus qui. 91
 rum est imbecillima. 739. Colla- Veteres quoddam simpliciter esse no-
 tio tyrannidum qua. 740. Thale- bile *Et* liberale, quoddam vero
 tis philosophi apophthegma quod non simpliciter. 72
 hoc loco. 740. Aeliani de illo testi- Veteres more cycloperum habitauerunt
 monium quale. 740. Exemplum *Et* vixerunt teste Lucretio. 24
 quale. 740. Causa infirmitatis Veteres non sine causa Martem Ve-
 huius tyrannidis qua. 740. tyran- neri coniunxerunt. 243
 nides pleraque breui tempore du- Veteres res omnes auspiciato aggressi
 rant *Et* cur. 744 sunt. 560. *Et seq.*
 Tyrannidis interitus causa fere ea- Vici unde originem habent. r
 dem sunt, qua oligarchia *Et* De- Vicinitas est societas iuncta. 22. eius
 mocratia, *Et* qua huius ratio. 688. definitio qua. *ibid.*

I N D E X.

- Vicinitas & communio est occasio* 244
litium. 894 *florere debent.*
- In victoribus est virtus & ius.* 70 *Virtuti tribuitur libertas & nobili-*
tas. 73
- Victus quarendi ratio an sit pars ar-*
tis domestica. 87. *victus genera*
varia ibid. absque victu vivere
nefas est. 87 *Virtutis studium in vita opificum &*
mercatorum non valet. 325
- Vicus domorum est quasi colonia*
& collectio. 11 *Virtus absque ratione consistere ne-*
quit. 134
- Viri boni virtus qua.* 307. *huius*
virtus est una & perfecta. 309.
Ratio qua. *ibid.* *Virtute pradi de imperio conten-*
dentibus quo iure nitantur. 368
- Viro bono lex scripta non est.* 376. *Virtus viri boni & ciuis non est ea-*
dem. 310. *Ratio qua.* *ibid.* 312. *&*
seq.
- Approbatio.* *ibid.* *genus quod.* 376 *Virtutes ciuiles qua sunt, & quot.*
367.
- Viri militares plerique in Venerem*
sunt proclines & proueni. 246. *Virtutes virorum bonorum sunt pro-*
pria. 319.
- Viri & mulieris alia est temperan-*
tia & fortitudo. 315. *& alia oeco-*
nomia. *ibid.* *Viri est quarere: vxo-*
ris conseruare. 315 *Virtus sola nobilitat.* 123
- Vir bonus cur imperare & parere*
nosse debet. 318 *Virtus cum natura cognationem*
quandam habet. 243
- Viri & mulieris virtus qua.* 109 *Virtus à seruo comparatur non do-*
ctrina seu usu. 143
- Vir bonus quatenus idem sit cum*
bono ciue. 311 *Virtute an quis abuti possit.* 37. *Ra-*
tio eius qua. *ibid.*
- Virtuosi nequaquam debent omni-*
um seditiosi. 526. *Vic sine virtute esse non videtur.* 67.
- Virtus politica qua dicitur.* 721 *Vitia Reipublice Spartana qua.* 241.
& seq.
- Virtus alia dicitur absolute, alia ex*
parte. 71 *Vita hominum alia ciuilis, alia phi-*
losophica. 197
- Virtuti imperium debetur.* 63. *huius*
controuersia verus status qui.
ibid. *Vita militaris multas partes virtu-*
tis habet. 244
- Virtutes operibus respondere debent.*
139. *Vita cupiditas est infinita.* 110
- Virtus bellica ad viuendum utilis.*
260. *Vita est actio, non effectio.* 48
- Virtus non corrumpit pradium ea.*
348. *Vita Deorum antiquissima secur-*
dum Barbaros. 24. *Dij hominibus*
similes quo ad figuram. *ibid.*
- Virtutes omnes in optima Republica*
est nulla. 87 *Vita hominum & animantium sunt*
varia. 87. *vita studia & genera*
pro victus dissimilitudine variant
87. *vita sine cibo, victu & amictu*
est nulla.

I N D E X.

- Vita* genus naturale est vel simplex vel mixtum. 90. Simplicis partes sunt quinque & quanam. 90. Ratio huius diuisionis qua. 90. & seqq.
- Vrbs* initium quodnam est. 22. & quanam hoc sequuntur. 22
- Vita* est aut ociosa, aut negotiosa, aut philosophica. 882
- Vita* beata est summus politica finis. 14.
- Vita* beata finis qui, quem politicus bonus sibi in describenda & gubernanda Republica propositum habere debet. 895
- Vita* luxuriosa & intemperans optima Republica est inimica. 244
- Vita* practica & contemplatiua usus qui, & qua magnitudo controuersie de huius excellentia. 883. *Vita* practica patroni qui ibid. & quanam contemplatiua. Correctio & Aristotelis sententia qua. ibid. *Vita* absque proposito aliquo est vaga. 883. Huius secta quanam 884. ratio, qua homines prima secta nituntur. 885. & qua ratio, qua nituntur homines vita actiuosa. 885. Exempla 3. secta. 887
- Vocabulum* omnis bifariam sumitur. 157
- Vocula*, multitudo, quomodo hic accipitur. 351
- Voluptates* vera sunt finita. 111
- Voluptas* qua percipitur ex facultate politica. 5
- Voluptates* quarentium diuitias sunt interminata. 111
- Vox* est argumentum molesti & iucundi, alijsque animantibus communis. 30
- Vrbium* finis optimus qui. 935. controuersia qua. ibid. Haec cur aliqua ex parte continentem terram contingant, & qua ratio. 935
- Vsus* permutationis qui. 120
- Vsus* mercatura quatenus natura congruit & dissentit. 99
- Vsus* artis medendi est effectio sanitatis. 112
- Vsura* sunt tumultus causa. 544
- Vterque*, dictio sumitur vel uniuerse vel sigillatim. 157. & seq.
- Vtile* est imperium esse penes multos quam paucos. 351. Ratio qua. 352. Similitudo hic qua. ibid.
- Utilitas* est mater iusti & iniusti teste Horatio. 32
- Utilitas* est causa motuū & quando. 551
- Utilitas* seu usus constitutionis ciuitatum qui. 36
- Vxor* conditio qua & qualis. 556

F I N I S,

1009138



